

သီလက္ခန္ဓဝဂ္ဂနိကာယ  
အတ္ထဝတ္ထနာမူတ  
ဤကာဘိဝံသဗျူဟနာမတိနာမကေန  
မဟာထေရေန ကတာ  
သာရပိလာသိနိ နာမ

# သီလက္ခန္ဓဝဂ္ဂအဘိဓမ္မိကာ

( ပဌမော ဘာဂေါ )




ဓရဗုဒ္ဓဓဋ္ဌ မုဒ္ဓသာသနသမိတိယာ  
မုဒ္ဓဏယန္တရလယေ မုဒ္ဓါမိတာ

သီလက္ခန္ဓဝဂ္ဂန္တကထာယ  
အတ္ထဝဏ္ဏနာဘူတာ  
ဉာဏာဘိဝံသဓမ္မသေနာပတိနာမကေန  
မဟာထေရေန ကတာ  
သာဓုပိလာသိနိ နာမ

# သီလက္ခန္ဓဝဂ္ဂအဘိဓမ္မဇုက

( ပဌမော ဘာဂေါ )  
ဗုဒ္ဓဘာသာတော်အတွက် ကားပြန်ရွေးချယ်ရေးဦးစီးဌာန၊  
ဦးကြည်ထိုက်  
အစွဲစာအုပ်-ရန်ကုန်။



မရဗုရဌေ ဗုဒ္ဓသာသနာသမိတိယာ  
ဗုဒ္ဓဏယန္တရလယေ ဗုဒ္ဓါဝိတာ

# သီလက္ခန္ဓ ဝဂ္ဂအဘိဓမ္မိကာ

## ပဌမဘာဂ

မာတိကာ			ပိဋက
ဂန္ထာရမ္ဘကထာ	....	....	၁
ဂန္ထာရမ္ဘကထာဝဏ္ဏနာ	....	....	၂
နိဒါနကထာဝဏ္ဏနာ			
ပဌမမဟာသင်္ဂီတိကထာဝဏ္ဏနာ	....	....	၃၅
၁-မြဟူဇာလသုတ္တ			
ပရိပ္ပာဇကကထာဝဏ္ဏနာ	....	....	၁၃၉
စူဠသီလဝဏ္ဏနာ	....	....	၂၃၀
မဇ္ဈိမသီလဝဏ္ဏနာ	....	....	၃၅၄
မဟာသီလဝဏ္ဏနာ	....	....	၃၇၀
ပုဗ္ဗန္တကပ္ပိကသဿတဝါဒဝဏ္ဏနာ	....	....	၃၇၈
ဧကစ္စသဿတဝါဒဝဏ္ဏနာ	....	....	၄၁၁
အန္တာနန္တဝါဒဝဏ္ဏနာ	....	....	၄၂၆
အမရာဝိက္ခေပဝါဒဝဏ္ဏနာ	....	....	၄၃၀
အဓိစ္စသမုပ္ပန္တဝါဒဝဏ္ဏနာ	....	....	၄၃၅
အပရန္တကပ္ပိကဝါဒဝဏ္ဏနာ	....	....	၄၄၀
သညီဝါဒဝဏ္ဏနာ	....	....	၄၄၀
အသညီနေဝသညီနာသညီဝါဒဝဏ္ဏနာ	....	....	၄၄၄
ဥစ္ဆေဒဝါဒဝဏ္ဏနာ	....	....	၄၄၅
ဒိဋ္ဌဓမ္မနိဗ္ဗာနဝါဒဝဏ္ဏနာ	....	....	၄၅၀
ပရိတဿိတဝိပ္ပန္နိတဝါဒဝဏ္ဏနာ	....	....	၄၅၈
ဇဿပစ္စယဝါဒဝဏ္ဏနာ	....	....	၄၅၉

သိ-ဋီ (နဝ) ၁-က—န-ဗု-သ

[ ၁ ]

သီလက္ခန္ဓဝဂ္ဂအဘိနဝဋီကာ ပဌမဘာဂ

မာတိကာ			ပိဋက
ဒိဋ္ဌိဂတိကာမိဋ္ဌာနဝဋ္ဋကထာဝဏ္ဏနာ	....	....	၄၆၁
ဝိဝဋ္ဋကထာဒိဝဏ္ဏနာ	....	....	၄၆၈
ပကရဏနယဝဏ္ဏနာ	....	....	၄၇၅

သောဠသဟာရဝဏ္ဏနာ

ဒေသနာဟာရဝဏ္ဏနာ	....	....	၄၇၉
ဝိစယဟာရဝဏ္ဏနာ	....	....	၄၈၀
ယုတ္တိဟာရဝဏ္ဏနာ	....	....	၄၈၂
ပဒဋ္ဌာနဟာရဝဏ္ဏနာ	....	....	၄၈၃
လက္ခဏဟာရဝဏ္ဏနာ	....	....	၄၈၄
စတုဗျူဟဟာရဝဏ္ဏနာ	....	....	၄၈၅
အာဝတ္တဟာရဝဏ္ဏနာ	....	....	၄၈၉
ဝိဘတ္တိဟာရဝဏ္ဏနာ	....	....	၄၉၀
ပရိဝတ္တနဟာရဝဏ္ဏနာ	....	....	၄၉၁
ဝေဝစနဟာရဝဏ္ဏနာ	....	....	၄၉၂
ပညတ္တိဟာရဝဏ္ဏနာ	....	....	၄၉၂
ဩတရဏဟာရဝဏ္ဏနာ	....	....	၄၉၃
သောဓနဟာရဝဏ္ဏနာ	....	....	၄၉၄
အမိဋ္ဌာနဟာရဝဏ္ဏနာ	....	....	၄၉၅
ပရိက္ခာရဟာရဝဏ္ဏနာ	....	....	၄၉၅
သမာရောပနဟာရဝဏ္ဏနာ	....	....	၄၉၆

ပဉ္စဝိနယဝဏ္ဏနာ

နန္ဒိယာဝဋ္ဋနယဝဏ္ဏနာ	....	....	၄၉၇
တိပုက္ခလနယဝဏ္ဏနာ	....	....	၄၉၇
သီဟဝိက္ခိဋ္ဌိတနယဝဏ္ဏနာ	....	....	၄၉၈
ဒိသာလောစနအင်္ဂသနယဗ္ဗယဝဏ္ဏနာ	....	....	၄၉၉
သာသနပဋ္ဌာနဝဏ္ဏနာ	....	....	၅၀၀

သီလက္ခန္ဓဝဂ္ဂအဘိနဝဋီကာယ ပဌမဘာဂ

မာတိကာ နိဋ္ဌိတာ။

ဒီဃနိကာယ

# သီလကုန်ဝဂ္ဂအင်္ဂါနိဗ္ဗာန်

နမော တဿ ဘဂဝတော အရဟတော သမ္မာသမ္ဗုဒ္ဓဿ။

ဂန္ထာရမ္ဘကထာ

ယော ဒေသေတွာန သဒ္ဓမ္မံ၊ ဂမ္ဘီရံ ဒုဒ္ဓဿံ ဝရံ။  
ဒီဃဒဿီ စိရံ ကာလံ၊ ပတိဋ္ဌာပေသီ သာသနံ။

ဝိနေယျဇ္ဈာသယေ ဆေကံ၊ မဟာမတိ° မဟာဒယံ။  
နတွာန တံ သသဒ္ဓမ္မ-ဂဏံ ဂါရဝဘာဇနံ။

သင်္ဂီတိတ္ထယမာရဠာ၊ ဒီဃာဂမဝရဿံ ယာ။  
သံဝဏ္ဏနာ ယာ စ တဿာ၊ ဝဏ္ဏနာ သာဓုဝဏ္ဏိတာ။

အာစရိယဓမ္မပါလ-တ္ထေရေနေဝါဘိသင်္ခတာ။  
သမ္မာ နိပုဏဂမ္ဘီရ-ဒုဒ္ဓသတ္ထပ္ပကာသနာ။

ကာမဉ္စ သာ တထာဘူတာ၊ ပရမ္ပရာဘတာ ပန။  
ပါဌတော အတ္ထတော စာပိ၊ ဗဟုပ္ပမာဒလေခနာ။

သင်္ခေပတ္တာ စ သောတူဟိ၊ သမ္မာ ဉာတုံ သုဒုက္ကရာ။  
တသ္မာ သဗြဟ္မစာရိနံ၊ ယာစနံ သမနုဿရံ။

ယော'နေကသေတနာဂိန္ဒော၊ ရာဇာ နာနာရဋ္ဌိဿရော။  
သာသနသောဓနေ ဒဠံ၊ သဒါ ဥဿာဟမာနသော။

တံ နိဿာယ “မမေသောပိ၊ သတ္ထုသာသနဇောတနေ။  
အပ္ပေဝ နာမုပတ္တန္တော၊ ဘဝေယျာ”တိ ဝိစိန္တယံ။

ဝဏ္ဏနံ အာရတိဿာမိ၊ သာမိပ္ပိယမဟာပယံ။  
အတ္ထံ တမုပနိဿာယ၊ အညဉ္ဇာပိ ယထာရဟံ။  
စက္ကာဘိဝုဓိကာမာနံ၊ ဓိရာနံ စိတ္တတောသနံ။  
သာရုဗိလာသိနိ နာမ၊ တံ သုဏာထ သမာဟိတာတိ။

ဂန္ထာရမ္ဘကထာဝဏ္ဏနာ

နာနာနယနိပုဏဂမ္ဘီရဝိစိတြသိက္ခတ္တယသင်္ဂဟဿ ဗုဒ္ဓါနုဗုဒ္ဓသံဝဏ္ဏိတဿ သဒ္ဓါဝဟဂုဏသမ္ပန္နဿ ဒီဃာဂမဝရဿ ဂမ္ဘီရဒုရနုဗောဓတ္ထဒီပကံ သံဝဏ္ဏနမိမံ ကရောန္တော သကသမယသမယန္တရဂဟနဇ္ဈောဂါဟနသမတ္ထော မဟာဝေယျာကရဏောယမာစရိယော သံဝဏ္ဏနာရမ္ဘေ ရတနတ္တယပဏာမပယောဇနာဒိဝိဓာနာနိ ကရောန္တော ပဌမံ တာဝ ရတနတ္တယပဏာမံ ကာတုံ “ကရုဏာသီတလဟဒယ”န္တိအာဒိမာဟ။ ဧတ္ထ စ သံဝဏ္ဏနာရမ္ဘေ ရတနတ္တယပဏာမကရဏပ္ပယောဇနံ တတ္ထ တတ္ထ ဗဟုဓာ ပပဉ္စေန္တိ အာစရိယာ။ တထာ ဟိ ဝဏ္ဏယန္တိ—

“သံဝဏ္ဏနာရမ္ဘေ သတ္တရိ ပဏာမကရဏံ ဓမ္မဿ သွာက္ခာတဘာဝေန သတ္တရိ ပသာဒဇနနတ္ထံ၊ သတ္ထု စ အဝိတထဒေသနဘာဝပ္ပကာသနေန ဓမ္မေ ပသာဒဇနနတ္ထံ။ တဒုဘယပ္ပသာဒါ ဟိ မဟတော အတ္ထဿ သိဒ္ဓိ ဟောတိ”တိ။

အထ ဝါ “ရတနတ္တယပဏာမဝစနံ အတ္တနော ရတနတ္တယပ္ပသာဒဿ ဝိညာပနတ္ထံ၊ တံ ပန ဝိညနံ စိတ္တာရာဇနတ္ထံ၊ တံ အဋ္ဌကထာယ ဂါဟဏတ္ထံ၊ တံ သဗ္ဗသမ္ပတ္တိနိပ္ပါဒနတ္ထ”န္တိ။ အထ ဝါ “သံဝဏ္ဏနာရမ္ဘေ ရတနတ္တယဝန္တနာ သံဝဏ္ဏေတဗ္ဗဿ ဓမ္မဿ ပဘဝနိဿယဝိသုဒ္ဓိပဋိဝေဒနတ္ထံ၊ တံ ပန ဓမ္မသံဝဏ္ဏနာသု ဝိညနံ ဗဟုမာနုပ္ပါဒနတ္ထံ၊ တံ သမ္ပဒေဝ တေသံ ဥဂ္ဂဟဏဓာရဏာဒိက္ခမလဒ္ဓဗ္ဗာယ သမ္မာပဋိပတ္တိယာ သဗ္ဗဟိတသုခနိပ္ပါဒနတ္ထ”န္တိ။ အထ ဝါ “မင်္ဂလဘာဝတော၊ သဗ္ဗကိရိယာသု ပုဗ္ဗကိစ္စဘာဝတော၊ ပဏ္ဍိတေဟိ သမာစရိတဘာဝတော၊ အာယတိံ ပရေသံ ဒိဋ္ဌာနဂတိအာပဇ္ဇနတော စ သံဝဏ္ဏနာယံ ရတနတ္တယပဏာမကိရိယာ”တိ။ အထ ဝါ “စတုဂမ္ဘီရဘာဝယုတ္တံ ဓမ္မဝိနယံ သံဝဏ္ဏေတုကာမဿ မဟာသမုဒ္ဒံ ဩဂါဟန္တဿ ဝိယ ပညာဝေယျတ္တိယသမန္နာဂတဿာပိ မဟန္တံ ဘယံ သမ္ဘဝတိ၊ ဘယက္ခယာဝဟဉ္စေတံ

ရတနတ္ထယဂုဏာနုဿရဏဇနိတံ ပဏာမပူဇာဝိဓာနံ၊ တတော စ သံဝဏ္ဏနာယံ ရတနတ္ထယပဏာမကိရိယာ”တိ။ အထ ဝါ “အသတ္တရိပိ သတ္တာဘိနိဝေသဿ လောကဿ ယထာဘူတံ သတ္တရိ ဧဝ သမ္မာသမ္ဗုဒ္ဓေ သတ္ထုသမ္ဘာဝနတ္ထံ၊ အသတ္တရိ စ သတ္ထုသမ္ဘာဝနပရိစ္စဇာပနတ္ထံ၊ ‘တထာဂတပ္ပဝေဒိတံ ဓမ္မဝိနယံ ပရိယာပုဏိတွာ အတ္တနောဒဟတိ’တံ” စ ဝုတ္တဒေါသပရိဟရဏတ္ထံ သံဝဏ္ဏနာယံ ပဏာမကိရိယာ”တိ။ အထ ဝါ “ဗုဒ္ဓဿ ဘဂဝတော ပဏာမဝိဓာနေန သမ္မာသမ္ဗုဒ္ဓဘာဝါမိဂမာယ ဗုဒ္ဓယာနံ ပဋိပဇ္ဇန္တာနံ ဥဿာဟဇနနတ္ထံ၊ သဒ္ဓမ္မဿ စ ပဏာမဝိဓာနေန ပစ္စေကဗုဒ္ဓဘာဝါမိဂမာယ ပစ္စေကဗုဒ္ဓယာနံ ပဋိပဇ္ဇန္တာနံ ဥဿာဟဇနနတ္ထံ၊ သံဃဿ စ ပဏာမဝိဓာနေန ပရမတ္ထသံဃဘာဝါမိဂမာယ သာဝကယာနံ ပဋိပဇ္ဇန္တာနံ ဥဿာဟဇနနတ္ထံ သံဝဏ္ဏနာယံ ပဏာမကိရိယာ”တိ။ အထ ဝါ “မင်္ဂလာဒိကာနိ သတ္တာနိ အနန္တရာယာနိ၊ စိရဋ္ဌိတိကာနိ၊ ဗဟုမတာနိ စ ဘဝန္တိတိ ဧဝံလဒ္ဓိကာနံ စိတ္တပရိတောသနတ္ထံ သံဝဏ္ဏနာယံ ပဏာမကိရိယာ”တိ။ အထ ဝါ “သောတုဇနာနံ ယထာဝုတ္တပဏာမေန အနန္တရာယေန ဥဂ္ဂဟဏဓာရဏာဒိနိပ္ပါဒနတ္ထံ သံဝဏ္ဏနာယံ ပဏာမကိရိယာ။ သောတုဇနာနုဂ္ဂဟမေဝ ဟိ ပဓာနံ ကတ္တာ အာစရိယေဟိ သံဝဏ္ဏနာရမ္ဘေ ထုတိပဏာမပရိဒီပကာနိ ဝါကျာနိ နိက္ခိဝိယန္တိ၊ ဣတရထာ ဝိနာပိ တံ နိက္ခေပံ ကာယမနောပဏာမေန ယထာဓိပ္ပေတပ္ပယောဇနသိဒ္ဓိတော ကိမေတေန ဂန္ထဂါရဝကရဏေနာ”တိ စ ဧဝမာဒိနာ။ မယံ ပန ဣဓာဓိပ္ပေတမေဝ ပယောဇနံ ဒဿယိဿံမ၊ တဿှာ သံဝဏ္ဏနာရမ္ဘေ ရတနတ္ထယပဏာမကရဏံ ယထာပဋိညာတသံဝဏ္ဏနာယ အနန္တရာယေန ပရိသမာပနတ္ထန္တိ ဝေဒိတဗ္ဗံ။ ဣဒမေဝ စ ပယောဇနံ အာစရိယေန ဣဓာဓိပ္ပေတံ။ တထာ ဟိ ဝက္ခတိ “ဣတိ မေ ပသန္ဓမတိနော ။ပ။ တဿာနုဘာဝေနာ”တိ။ ရတနတ္ထယပဏာမကရဏံ ယထာပဋိညာတသံဝဏ္ဏနာယ အနန္တရာယေန ပရိသမာပနတ္ထံ ရတနတ္ထယပူဇာယ ပညာပါဠိဝဘာဝတော၊ တာယ စ ပညာပါဠိဝံ ရာဂါဒိမလဝိမေနတော။ ဝုတ္တဉ္ဇေတံ—

“ယသ္မိံ မဟာနာမ သမယေ အရိယသာဝကော တထာဂတံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ၊ ဥဇုဂတမေဝဿ တသ္မိံ သမယေ စိတ္တံ ဟောတိ”တိ-အာဒိ၂။

တသ္မာ ရတနတ္ထယပူဇာယ ဝိက္ခာလိတမလာယ ပညာယ ပါဠိဝသိဋ္ဌိ။  
အထ ဝါ ရတနတ္ထယပူဇာယ ပညာပဒဋ္ဌာနသမာဓိဟေတုတ္တာ ပညာပါဠိဝံ။  
ဝုတ္တဉ္ဇေတံ—

“ဥဇ္ဇဂတစိတ္တော ခေါပန မဟာနာမ အရိယသာဝကော လဘတိ  
အတ္တဝေဒံ၊ လဘတိ ဓမ္မဝေဒံ၊ လဘတိ ဓမ္မောပသံဟိတံ ပါမောဇ္ဇံ၊  
ပမုဒိတဿ ဝီတိ ဇာယတိ၊ ဝီတိမနဿ ကာယော ပဿန္တတိ၊  
ပဿဒ္ဓကာယော သုခံ ဝေဒယတိ၊ သုခိနော စိတ္တံ သမာဓိယတိ”တိ။

သမာဓိဿ စ ပညာယ ပဒဋ္ဌာနဘာဝေါ “သမာဟိတော ယထာဘူတံ  
ပဇာနာတိ”တိ၊<sup>၂</sup> ဝုတ္တောယေဝ။ တတော ဧဝံ ပဋုဘူတာယ ပညာယ  
ခေဒမဘိဘုယျ ပဋိညာတံ သံဝဏ္ဏနံ သမာပယိဿတိ။ တေန ဝုတ္တံ  
“ရတနတ္ထယပဏာမကရဏဋ္ဌိ ။ပ။ ပညာပါဠိဝဘာဝတော”တိ။ အထ ဝါ  
ရတနတ္ထယပူဇာယ အာယုဝဏ္ဏသုခဗလဝစုနတော အနန္တရာယေန ပရိသမာပနံ  
ဝေဒိတဗ္ဗံ။ ရတနတ္ထယပဏာမေန ဟိ အာယုဝဏ္ဏသုခဗလာနိ ဝစုန္တိ။  
ဝုတ္တဉ္ဇေတံ—

“အဘိဝါဒနသီလိဿ၊ နိစ္စံ ဝုဇာပစာယိနော။  
စက္ကာရော ဓမ္မာ ဝစုန္တိ၊ အာယု ဝဏ္ဏော သုခံ ဗလ”န္တိ။<sup>၃</sup>

တတော အာယုဝဏ္ဏသုခဗလဝုဒ္ဓိယာ ဟောတွေဝ ကာရိယနိဋ္ဌာနန္တိ ဝုတ္တံ  
“ရတနတ္ထယပူဇာယ အာယု ။ပ။ ဝေဒိတဗ္ဗံ”န္တိ။ အထ ဝါ ရတနတ္ထယပူဇာယ  
ပဋိဘာနာပရိဟာနာဝဟတ္တာ အနန္တရာယေန ပရိသမာပနံ ဝေဒိတဗ္ဗံ။ အပရိ-  
ဟာနာဝဟာ ဟိ ရတနတ္ထယပူဇာ။ ဝုတ္တဉ္ဇေတံ—

“သတ္တိမေ ဘိက္ခဝေ အပရိဟာနီယာ ဓမ္မာ၊ ကတမေ သတ္တံ သတ္တုဂါရဝတာ၊  
ဓမ္မဂါရဝတာ၊ သံဃဂါရဝတာ၊ သိက္ခာဂါရဝတာ၊ သမာဓိဂါရဝတာ၊  
ကလျာဏမိတ္တတာ၊ သောဝစဿတာ”တိ။<sup>၄</sup> တတော ပဋိဘာနာပရိဟာနေန  
ဟောတွေဝ ယထာပဋိညာတပရိသမာပနန္တိ ဝုတ္တံ “ရတနတ္ထယ ။ပ။ ဝေဒိ-  
တဗ္ဗံ”န္တိ။ အထ ဝါ ပသာဒဝတ္ထုသု ပူဇာယ ပညာတိသယဘာဝတော  
အနန္တရာယေန ပရိသမာပနံ ဝေဒိတဗ္ဗံ။ ပညာတိသယာ ဟိ ပသာဒဝတ္ထုသု  
ပူဇာ။ ဝုတ္တဉ္ဇေတံ—

၁-အံ ၂-၂၅ ၊ အံ ၃-၅၃-ပိဋေသု။ ၂-သံ ၂-၁၂၊ ၃၀၂၊ သံ ၃-၃၆၃၊ ၃ ၁၀-၅၀၊ ၂၅၃၊ ၃ ၁၁-၃၈-ပိဋေသု။  
၃-၃ ၁-၂၉-ပိဋေ ဓမ္မပဒေ။ ၄-အံ ၂-၄၂၀-ပိဋေ။

“ပူဇာရဟေ ပူဇယတော၊ ဗုဒ္ဓေ ယဒိ ဝ သာဝကေ။  
ပပဉ္စသမတိက္ကန္တေ၊ တိဏ္ဏသောကပရိဒ္ဓဝေ။

တေ တာဒိသေ ပူဇယတော၊ နိဗ္ဗုတေ အကုတောဘယေ။  
န သက္ကာ ပုညံ သင်္ခါတုံ၊ ဣမေတ္တမပိ ကေနစိ”တိ။

ပုညာတိသယော စ ယထာဓိပ္ပေတပရိသမာပနုပါယော။ ယထာဟ—

“ဧသ ဒေဝမနုဿာနံ၊ သဗ္ဗကာမဒဒေါ နိမိ။  
ယံ ယဒေဝါဘိပတ္တေန္တိ၊ သဗ္ဗမေတေန လဟ္တတိ”တိ။

ဥပါယေသု စ ပဋိပန္နဿ ဟောတွေဝ ကာရိယနိဋ္ဌာနန္တိ ဝုတ္တံ “ပသာဒ-  
ဝတ္ထုသု ။ ပ။ ဝေဒိတဗ္ဗ”န္တိ။ ဧဝံ ရတနတ္ထယပူဇာ နိရတိသယပုညက္ခေတ္တ-  
သမ္ပုဒ္ဓိယာ အပရိမေယျပ္ပဘာဝေါ ပုညာတိသယောတိ ဗဟုဝိဇ္ဇေရာယေဝိ  
လောကသန္တိဝါသေ အန္တရာယနိဗန္ဓနသကလသံကိလေသဝိဒ္ဓိသနာယ ပဟော-  
တိ၊ ဘယာဒိဥပဒ္ဓဝဉ္စ နိဝါရေတိ။ တသ္မာ သုဝုတ္တံ “သံဝဏ္ဏနာရမ္ဘေ ရတနတ္ထယ-  
ပဏာမကရဏံ ယထာပဋိညာတသံဝဏ္ဏနာယ အနန္တရာယေန ပရိသမာ-  
ပနတ္တန္တိ ဝေဒိတဗ္ဗ”န္တိ။

ဧဝံ ပန သပယောဇနံ ရတနတ္ထယပဏာမံ ကတ္ထုကာမော ဗုဒ္ဓရတနမူလ-  
ကတ္တာ သေသရတနာနံ ပဌမံ တဿ ပဏာမံ ကာတုမာဟ “ကရုဏာသီတ-  
လဟဒယံ ။ ပ။ ဂတိဝိမုတ္တ”န္တိ။ ဗုဒ္ဓရတနမူလကာနိ ဟိ ဓမ္မသံဃရတနာနိ၊  
တေသု စ ဓမ္မရတနမူလကံ သံဃရတနံ၊ တထာဘာဝေါ စ “ပုဏ္ဏစန္ဒော ဝိယ  
ဘဂဝါ၊ စန္ဒကိရဏနိကရော ဝိယ တေန ဒေသိတော ဓမ္မော၊ စန္ဒကိရဏ-  
သမုပ္ပါဒိတပီဏိတော လောကောဝိယသံဃော”တိ ဧဝမာဒိဟိ အဋ္ဌကထာယ-  
မာဂတဥပမာဟိ ဝိဘာဝေတဗ္ဗော။ အထ ဝါ သဗ္ဗသတ္တာနံ အဂ္ဂေါတိ ကတွာ  
ပဌမံ ဗုဒ္ဓေါ၊ တပ္ပဘဝတော၊ တဒုပဒေသိတတော စ တဒနန္တရံ ဓမ္မော၊ တဿ  
ဓမ္မဿ အာဓာရဏတော၊ တဒါသေဝနတော စ တဒနန္တရံ သံဃော ဝုတ္တော။  
“သဗ္ဗသတ္တာနံ ဝါ ဟိတေဝိနိယောဇကောတိ ကတွာ ပဌမံ ဗုဒ္ဓေါ၊ သဗ္ဗသတ္တ-  
ဟိတတ္တာ တဒနန္တရံ ဓမ္မော၊ ဟိတာဓိဂမာယ ပဋိပန္နော အဓိဂတဟိတော  
စာတိ ကတွာ တဒနန္တရံ သံဃော ဝုတ္တော”တိ အဋ္ဌကထာဂတနယေန အနု-  
ပုဗ္ဗတာ ဝေဒိတဗ္ဗာ။

ဗုဒ္ဓရတနပဏာမဉ္စ ကရောန္တော ကေဝလပဏာမတော ထောမနာ-  
ပုဗ္ဗင်္ဂမောဝသာတိသယောတိ“ကရုဏာသီတလဟဒယ”န္တိအာဒိပဒေဟိထော-  
မနာပုဗ္ဗင်္ဂမတံ ဒဿေတိ။ ထောမနာပုဗ္ဗင်္ဂမေန ဟိ ပဏာမေန သတ္ထုဂုဏာတိ-  
သယယောဂေါ၊ တတော စဿ အနုတ္တရဝန္တနိယဘာဝေါ၊ တေန စ အတ္တနော  
ပဏာမဿ ခေတ္တင်္ဂတဘာဝေါ၊ တေန စဿ ခေတ္တင်္ဂတဿ ပဏာမဿ  
ယထာဓိပ္ပေတနိပ္ပတ္တိဟေတုဘာဝေါ ဒဿိတောတိ။ ထောမနာပုဗ္ဗင်္ဂမတဉ္စ  
ဒဿေန္တော ယဿာ သံဝဏ္ဏနံ ကတ္ထုကာမော၊ သာ သုတ္တန္တဒေသနာ  
ကရုဏာပညာပွဓာနာယေဝ၊ န ဝိနယဒေသနာ ဝိယ ကရုဏာပွဓာနာ၊  
နာပိ အဘိဓမ္မဒေသနာ ဝိယ ပညာပွဓာနာတိ တဒုဘယပွဓာနမေဝ ထောမန-  
မာရတတိ။ ဧသော ဟိ အာစရိယဿ ပကတိ၊ ယဒိဒံ အာရဟန္တနုရူပထောမနာ။  
တေနေဝ စ ဝိနယဒေသနာယ သံဝဏ္ဏနာရမ္ဘေ “ယော ကပ္ပကောဋီဟိပိ။ပ။  
မဟာကရုဏိကဿ တဿာ”တိ ကရုဏာပွဓာနံ၊ အဘိဓမ္မဒေသနာယ  
သံဝဏ္ဏနာရမ္ဘေ “ကရုဏာ ဝိယ။ပ။ ယထာရမ္ဘိ”တိ ပညာပွဓာနဉ္စ ထောမန-  
မာရဒ္ဓံ။ ဝိနယဒေသနာ ဟိ အာသယာဒိနိရပေက္ခကေဝလကရုဏာယ ပါကတိ-  
ကသတ္တေနာပိ အသောတဗ္ဗာရဟံ သုဏန္တော၊ အပုစ္ဆိတဗ္ဗာရဟံ ပုစ္ဆန္တော၊  
အဝတ္တဗ္ဗာရဟဉ္စ ဝဒန္တော သိက္ခာပဒံ ပညပေသီတိ ကရုဏာပွဓာနာ။ တထာ  
ဟိ ဥက္ကံသပရိယန္တဂတဟိရောတ္တပ္ပေါပိ ဘဂဝါ လောကီယသာဓုဇနေဟိပိ  
ပရိဟရိတဗ္ဗာနိ “သိခရဏီ၊ သမ္ဘိန္ဒာ”တိအာဒိဝစနာနိ၊ ယထာပရာဓဉ္စ ဂရဟ-  
ဝစနာနိ မဟာကရုဏာသဉ္ဇောဒိတမာနသော မဟာပရိသမဇ္ဈေ အဘာသိ၊  
တိတံသိက္ခာပဒပညတ္တိကာရဏာပေက္ခာယ စ ဝေရဉ္စာဒိသု သာရိရိကံ ဒေဓ-  
မနုဘောသိ။ တဿ ကိဉ္စာပိ ဘူမန္တရပစ္စယာကာရသမယန္တရကထာနံ ဝိယ  
ဝိနယပညတ္တိယာပိ သမုဋ္ဌာပိကာ ပညာ အနညသဘာဝရဏတာယ အတိသယ-  
ကိစ္စဝတိ၊ ကရုဏာယ ကိစ္စံ ပန တတောပိ အဓိကန္တိ ဝိနယဒေသနာယ  
ကရုဏာပွဓာနတာ ဝုတ္တာ။ ကရုဏာဗျာပါရာမိကတာယ ဟိ ဒေသနာယ  
ကရုဏာပဓာနတာ၊ အဘိဓမ္မဒေသနာ ပန ကေဝလပညာပွဓာနာ ပရမတ္ထ-  
ဓမ္မာနံ ယထာသဘာဝပဋိဝေဓသမတ္တာယ ပညာယ တတ္ထ သာတိသယပွဝတ္တိ-  
တော။ သုတ္တန္တဒေသနာ ပန ကရုဏာပညာပွဓာနာ တေသံ တေသံ  
သတ္တာနံ အာသယာနုသယာဓိမုတ္တိစရိတာဒိဘေဒပရိစ္ဆိန္နနသမတ္တာယ ပညာယ  
သတ္တေသု စ မဟာကရုဏာယ တတ္ထ သာတိသယပွဝတ္တိတော။ သုတ္တန္တ-  
ဒေသနာယ ဟိ မဟာကရုဏာယ သမာပတ္တိမဟုလော ဝိနေယျသန္တာနေ

တဒဇ္ဈာသယာနုလောမေန ဂန္တိရမတ္ထပဒံ ပတိဋ္ဌပေသိ။ တသ္မာ အာရမ္ဘနုရူပံ  
ကရုဏာပညာပ္ပဓာနမေဝ ထောမနံ ကတန္တိ ဝေဒိတဗ္ဗံ၊ အယမေတ္ထ  
သမုဒါယတ္တော။

အယံ ပန အဝယဝတ္တော— ကိရတိတိ ကရုဏာ၊ ပရဒုက္ခံ ပိက္ခိပတိ  
ပစ္စယဝေကလ္လကရဏေန အပနေတိတိ အတ္တော။ ဒုက္ခိတေသု ဝါ ကိရိယတိ  
ပသာရိယတိတိ ကရုဏာ။ အထ ဝါ ကိဏာတိတိ ကရုဏာ၊ ပရဒုက္ခေ သတိ  
ကာရုဏိကံ ဟိံသတိ ပိဗာဓတိ၊ ပရဒုက္ခံ ဝါ ပိနာသေတိတိ အတ္တော။ ပရ-  
ဒုက္ခေ သတိ သာရူနံ ကမ္ပနံ ဟဒယခေဒံ ကရေတိတိ ဝါ ကရုဏာ။ အထ ဝါ  
ကမိတိ သုခံ၊ တံ ရန္တတိတိ ကရုဏာ။ သော ဟိ ပရဒုက္ခာပနယနကာမတာ-  
လက္ခဏာ အတ္တသုခနိရပေက္ခတာယ ကာရုဏိကာနံ သုခံ ရန္တတိ ပိဗန္တတိတိ၊  
သဗ္ဗတ္ထ သဒ္ဓသတ္တာနုသာရေန ပဒနိပ္ပတ္တိ ဝေဒိတဗ္ဗာ။ ဥဏှာဘိတတ္တေဟိ  
သေဝီယတိတိ သိတံ၊ ဥဏှာဘိသမနံ။ တံ လာတိ ဂဏှာတိတိ 'သီတလံ၊  
“စိတ္တံ ဝါ တေ ဒိဝိဿာမိ၊ ဟဒယံ ဝါ တေ ဖာလေဿာမိ”တိ” ဧတ္ထ ဥရော  
“ဟဒယ”န္တိ ဝုတ္တံ၊ “ဝုတ္တံ ဟဒယ”န္တိ ဧတ္ထ ဟဒယဝတ္ထု၊ “ဟဒယာ ဟဒယံ  
မညေ အညာယ တစ္ဆတိ”တိ? ဧတ္ထ စိတ္တံ၊ ဣဓေပိ စိတ္တမေဝ အပ္ပန္နရဋ္ဌေန  
ဟဒယံ။ အတ္တနော သဘာဝံ ဝါ ဟရတိတိ ဟဒယံ၊ ရ-ကာရဿ ဒ-ကာရံ  
ကဘူတိ နေရုတ္တိကာ။ ကရုဏာယ သီတလံ ဟဒယမဿာတိ ကရုဏာ-  
သီတလဟဒယော၊ တံ ကရုဏာသီတလဟဒယံ။

ကာမဉ္ဇေတ္ထ ပရေသံ ဟိဘောပသံဟာရသုခါဒိအပရိဟာနိဇ္ဈာနသဘာဝ-  
တာယ၊ ဗျာပါဒါဒိနံ ဥဇုဝိပစ္စနိကတာယ စ သတ္တသန္တာနဂတသန္တာပဝိစ္ဆေဒ-  
နာကာရပ္ပဝတ္တိယာ မေတ္တာမုဒိတာနမ္ပိ စိတ္တသီတလဘာဝကာရဏတာ ဥပ-  
လဗ္ဗတိ၊ တထာပိ ပရဒုက္ခာပနယနကာရပ္ပဝတ္တိယာ ပရူပတာပါသဟနရဿာ  
အဝိဟိံသာဘူတာ ကရုဏာဝ ပိသေသေန ဘဂဝတော စိတ္တဿ စိတ္တ-  
ပဿဒ္ဓိ ဝိယ သီတိဘာဝနိမိတ္တန္တိ တဿာယေဝ စိတ္တသီတလဘာဝကာရဏတာ  
ဝုတ္တာ။ ကရုဏာမုခေန ဝါ မေတ္တာမုဒိတာနမ္ပိ ဟဒယသီတလဘာဝကာရ-  
ဏတာ ဝုတ္တာတိ ဒဋ္ဌဗ္ဗံ။ န ဟိ သဗ္ဗတ္ထ နိရဝသေသတ္တော ဥပဒိသီယတိ၊  
ပဓာနသဟစရဏာဝိနာဘာဝါဒိနယေဟိပိ ယထာလဗ္ဗမာနံ ဂယမာနတ္တာ။  
အပိစေတ္ထ တံသမ္ပယုတ္တဉာဏဿ ဆအသာဓာရဏဉာဏပရိယာပနူတာယ  
အသာဓာရဏဉာဏဝိသေသနိဗန္ဓနဘူတာ သာတိသယံ၊ နိရဝသေသဉ္ဇ

၁-သံ ၁-၂၁၆၊ ၃၁-၃၀၆-ပိဋ္ဌေသု။ ၂-မ ၁-၇၂၊ မ ၂-၈၄၊ မ ၃-၁၃၂-ပိဋ္ဌာဒိသု၊  
၃-မ ၁-၃၈-ပိဋ္ဌေ။

သဗ္ဗညုတညာဏံ ဝိယ သဝိသယဗျာပိတာယ မဟာကရုဏာဘာဝမူပဂတာ အနညသဘောရဏသဘာဝိသယဘာဝပ္ပတ္တာ ကရုဏာဝ ဟဒယသီတလတ္တ-ဟေတုဘာဝေန ဝုတ္တာ။ အထ ဝါ သတိပိ မေတ္တာမုဒိတာနံ ပရေသံ ဟိတောပသံ-ဟာရသုခါဒိအပရိဟာနိဇ္ဈာနသဘာဝတာယ သဘာဝိသယေ ဟဒယသီတလ-ဘာဝနိဗန္ဓနတ္ထေ သကလဗုဒ္ဓဂုဏဝိသေသကာရဏတာယ တာသမ္ပိ ကာရ-ဏန္တိ ကရုဏာယ ဧဝ ဟဒယသီတလဘာဝကာရဏတာ ဝုတ္တာ။ ကရုဏာ-နိဒါနာ ဟိ သဗ္ဗေပိ ဗုဒ္ဓဂုဏာ။ ကရုဏာနုဘာဝနိဗ္ဗာပိယမာနသံသရာဒုက္ခ-သန္တာပဿ ဟိ ဘဂဝတော ပရဒုက္ခာပနယနကာမတာယ အနေကာနိပိ ကပ္ပါနမသင်္ချေယျာနိ အကိလန္တရူပဿေဝ နိရဝသေသဗုဒ္ဓကရဓမ္မသမ္ဘရဏ-နိရတဿ သမဓိဂတဓမ္မာဓိပတေယျဿ စ သန္တိဟိတေသုပိ သတ္တသင်္ခာတံ သမု-ပနိတဟဒယူပတာပနိမိတ္တေသု န ဤသကမ္ပိ စိတ္တသီတိဘာဝဿ အညထတ္တ-မဟောသီတိ။ တီသု စေတ္ထ ဝိကပ္ပေသု ပဌမေ ဝိကပ္ပေ အဝိသေသဘူတာ ဗုဒ္ဓဘူမိဂတာ၊ ဒုတိယေတထေဝ မဟာကရုဏာဘာဝပဂတာ၊ တတိယေ ပဌ-မာဘိနိဟာရတော ပဌာယ တီသုပိ အဝတ္ထာသု ပဝတ္ထာ ဘဂဝတော ကရုဏာ သင်္ဂဟိတာတိ ဒဋ္ဌဗ္ဗံ။

ပဇာနာတိတိ ပညာ၊ ယထာသဘာဝံ ပကာရေဟိ ပဋိဝိဇ္ဈတိတိ အတ္ထော။ ပညာပေတိတိ ဝါ ပညာ၊ တံ တဒတ္ထံ ပါကဋံ ကရေတိတိ အတ္ထော။ သာယေဝ ဥေယျာဝရဏပ္ပဟာနတော ပကာရေဟိ ဓမ္မသဘာဝဇောတန-ဌေန ပဇ္ဇောတောတိ ပညာပဇ္ဇောတော။ ပညဝတော ဟိ ဧကပလ္လင်္ကေနပိ နိဿိန္နဿ ဒဿသဟဿိလောကဓာတု ဧကပဇ္ဇောတာ ဟောတိ။ ဝုတ္တဉ္ဇေတံ ဘဂဝတာ “စတ္တာရောမေ ဘိက္ခဝေ ပဇ္ဇောတာ။ ကတမေ စတ္တာရော? စန္ဒပဇ္ဇောတော၊ သူရိယပဇ္ဇောတော၊ အဂ္ဂိပဇ္ဇောတော၊ ပညာပဇ္ဇောတော၊ ဣမေ ခေါ ဘိက္ခဝေ စတ္တာရော ပဇ္ဇောတာ။ ဧတဒဂ္ဂံ ဘိက္ခဝေ ဣမေသံ စတုန္တံ ပဇ္ဇောတာနံ ယဒိဒံ ပညာပဇ္ဇောတော”တိ။ တေန ဝိဟတော ဝိသေသေန သမုပ္ပါဒ္ဓိတောတိ ပညာပဇ္ဇောတဝိဟတော၊ ဝိသေသတာ စေတ္ထ ဥပရိ အာဝိ ဘဝိဿတိ။ မုယုန္တိ တေန၊ သယံ ဝါ မုယုတိ၊ မုယုနမတ္တမေဝ ဝါ တန္တိ မောဟော၊ အဝိဇ္ဇာ။ သွေဝ ဝိသယသဘာဝပဋိစ္ဆာဒနတော အန္ဓကာရ-သရိက္ခတာယ တမော ဝိယာတိ မောဟတမော။ သတိပိ တမသဒ္ဓဿ သဒိသကပ္ပနမန္တရေန အဝိဇ္ဇာဝါစကတ္ထေ မောဟသဒ္ဓသန္တိဓာနေန တဗ္ဗိ-သေသကတာဝေတ္ထ ယုတ္တာတိ သဒိသကပ္ပနာ။ ပညာပဇ္ဇောတဝိဟတော

မောဟတမော ယဿာတိ ပညာပဇ္ဇောတဝိဟတမောဟတမော၊ တံ ပညာ-  
ပဇ္ဇောတဝိဟတမောဟံတမံ။

နန စ သဗ္ဗေသမ္ဘိ ခိဏာသဝါနံ ပညာပဇ္ဇောတေန အဝိဇ္ဇန္တကာရဟတတော  
သမ္ဘဝတိ၊ အထ ကဿာ အညဿာဓာရဏာဝိသေသဂုဏေန ဘဂဝတော  
ထောမနာ ဝုတ္တာတိ? သဝါသနပ္ပဟာနေန အနညဿာဓာရဏာဝိသေ-  
သတာသမ္ဘဝတော။ သဗ္ဗေသမ္ဘိ ဟိ ခိဏာသဝါနံ ပညာပဇ္ဇောတဟတာ-  
ဝိဇ္ဇန္တကာရတ္ထေဝိ သတိ သဒ္ဓါမိမုတ္တေဟိ ဝိယ ဒိဋ္ဌိပ္ပတ္တာနံ သာဝကပဇ္ဇေက-  
ဗုဒ္ဓေဟိ သမ္မာသမ္ဗုဒ္ဓါနံ သဝါသနပ္ပဟာနေန ကိလေသပ္ပဟာနဿ ဝိသေသော  
ဝိဇ္ဇတေဝါတိ။ အထ ဝါ ပရောပဒေသမန္တရေန အတ္တနော သန္တာနေ  
အစ္စန္တံ အဝိဇ္ဇန္တကာရဝိဂမဿ နိပ္ပါဒိတတ္တာ<sup>၁</sup>၊ တတ္ထ စ သဗ္ဗညုတဿ  
ဗလေသု စ ဝသီဘာဝဿ သမဓိဂတတ္တာ၊ ပရသန္တတိယဉ္စ ဓမ္မဒေသနာတိ-  
ဿယာနုဘာဝေန သမ္မဒေဝ တဿ ပဝတ္တိတတ္တာ၊ ဘဂဝါယေဝ ဝိသေသတော  
ပညာပဇ္ဇောတဝိဟတမောဟတမဘာဝေန ထောမေတဗ္ဗောတိ။ ဣမသို့ဉ္စ  
အတ္ထဝိကပ္ပေ ပညာပဇ္ဇောတပဒေန သသန္တာနဂတမောဟဝိမေနာ ပဋိဝေဓ-  
ပညာ စေဝ ပရသန္တာနဂတမောဟဝိမေနာ ဒေသနာပညာ စ သာမညနိဒ္ဒေ-  
သေန၊ ဧကသေသနယေန ဝါ သင်္ဂဟိတာ။ န တု ပုရိမသို့ အတ္ထဝိကပ္ပေ ဝိယ  
ပဋိဝေဓပညာယေဝါတိ ဝေဒိတဗ္ဗံ။

အပရော နယော—ဘဂဝတော ဉာဏဿ ဥေယျပရိယန္တိကတ္တာ သကလ-  
ဥေယျဓမ္မသဘာဝါဝဗောဓနသမတ္ထေန အနာဝရဏဉာဏသင်္ခါတေန ပညာ-  
ပဇ္ဇောတေန သကလဥေယျဓမ္မသဘာဝန္တာဒကမောဟတမဿ ဝိဟတတ္တာ  
အနာဝရဏဉာဏဘူတေန အနညဿာဓာရဏပညာပဇ္ဇောတဝိဟတမောဟ-  
တမဘာဝေန ဘဂဝတော ထောမနာ ဝေဒိတဗ္ဗာ။ ဣမသို့ ပန အတ္ထဝိကပ္ပေ  
မောဟတမဝိမေနန္တေ အဓိဂတတ္တာ အနာဝရဏဉာဏံ ကာရဏူပစာရေန  
သကသန္တာနေ မောဟတမဝိမေနန္တိ ဝေဒိတဗ္ဗံ။ အဘိနိဟာရသမ္ပတ္တိယာ  
သဝါသနပ္ပဟာနမေဝ ဟိ ကိလေသာနံ ဥေယျာဝရဏပ္ပဟာနန္တိ၊ ပရသန္တာနေ  
ပန မောဟတမဝိမေနဿ ကာရဏဘာဝတော ဖလူပစာရေန အနာဝရဏ-  
ဉာဏမေဝ မောဟတမဝိမေနန္တိ ဝုစ္စတိ။ အနာဝရဏဉာဏန္တိ စ သဗ္ဗညုတ-  
ညာဏမေဝ၊ ယေန ဓမ္မဒေသနာပစ္စဝေက္ခဏာနိ ကရောတိ။ တဒိဒဋ္ဌိ ဉာဏဋ္ဌယံ  
အတ္ထတော ဧကမေဝ။ အနဝသေသသင်္ခတာသင်္ခတသမ္ပုတိဓမ္မာရမ္မဏတာယ

၁-နိဗ္ဗတ္တိတတ္တာ (မူလပံ-နိ ၁-၄-ပိဋကေ။)

သဗ္ဗညုတညာဏံ တတ္ထာဝရဏာဘာဝတော နိဿင်္ဂစာရမုပါဒါယ အနာ-  
ဝရဏဉာဏန္တိ၊ ဝိသယပ္ပဝတ္တိမုခေန ပန အညေဟိ အသာဓာရဏဘာဝ-  
ဒဿနတ္ထံ ခြံဓာ ကတွာ ဆဋ္ဌာသာဓာရဏဉာဏဘေဒေ ဝုတ္တံ။

ကို ပနေတ္ထ ကာရဏံ အဝိဇ္ဇာသမုဋ္ဌါတောယေဝေကော ပဟာနသမ္ပတ္တိ-  
ဝသေန ဘဂဝတော ထောမနာယ ဂယုတိ၊ န ပန သာတိသယံ နိရဝသေသ-  
ကိလေသပ္ပဟာနန္တိ? ဝုစ္စတေ—တပ္ပဟာနဝစနေနေဝ ဟိ တဒေကဋ္ဌတယ  
သကလသံကိလေသသမုဋ္ဌါတဿ ဇောတိတဘာဝတော နိရဝသေသကိလေ-  
သပ္ပဟာနမေတ္ထ ဂယုတိ။ န ဟိ သော သံကိလေသော အတ္ထိ၊ ယော  
နိရဝသေသာဝိဇ္ဇာသမုဋ္ဌါတနေန န ပဟိယတိတိ။ အထ ဝါ သကလကုသလ-  
ဓမ္မုပ္ပတ္တိယာ၊ သံသာရနိဝတ္တိယာ စ ဝိဇ္ဇာ ဝိယ နိရဝသေသာကုသလဓမ္မုပ္ပတ္တိ-  
ယာ၊ သံသာရပ္ပဝတ္တိယာ စ အဝိဇ္ဇာယေဝ ပဓာနကာရဏန္တိ တဗ္ဗိဃာတ-  
ဝစနေနေဝ သကလသံကိလေသသမုဋ္ဌါတဝစနသိဒ္ဓိတော သောယေဝေကော  
ဂယုတိတိ။ အထ ဝါ သကလသံကိလေသဓမ္မာနံ မုဒ္ဒဘူတတ္တာ အဝိဇ္ဇာယ  
တံသမုဋ္ဌါတောယေဝေကော ဂယုတိ။ ယထာဟ—

“အဝိဇ္ဇာ မုဒ္ဒါတိ ဇာနာဟိ၊ ဝိဇ္ဇာ မုဒ္ဒါမိပါတိနိ။  
သဒ္ဓါသတိသမာဓိဟိ၊ ဆန္ဒဝီရိယေန သံယုတာ”တိ။

သနရာမရလောကဂရုန္တိ ဧတ္ထ ပန ပဌမပကတိယာ အဝိဘာဂေန သတ္တောပိ  
နရောတိ ဝုစ္စတိ၊ ဣမ ပန ဒုတိယပကတိယာ မနုဇပုရိသောယေဝ၊ ဣတရဏာ  
လောကသဒ္ဓဿ အဝတ္တဗ္ဗတာ သိယာ။ “ယထာ ဟိ ပဌမပကတိဘူတော  
သတ္တော ဣတရာယ ပကတိယာ သေဋ္ဌဋ္ဌေန ပုရေ ဥစ္စဋ္ဌာနေ သေတိ ပဝတ္တတိတိ  
ပုရိသောတိ ဝုစ္စတိ၊ ဧဝံ ဇေဋ္ဌဘာဝံ နေတိတိ နှရောတိ။ ပုတ္တဘာတုဘူတောပိ  
ဟိ ပုဂ္ဂလော မာတုဇေဋ္ဌဘဂိနီနံ ပိတုဋ္ဌာနေ တိဋ္ဌတိ၊ ပဂေဝ ဘတ္တုဘူတော  
ဣတရာသ”န္တိ ၂ နာဝါဝိမာနဝဏ္ဏနာယံ ဝုတ္တံ။ ဧကသေသပ္ပကပ္ပနေန ပုထုဝစနန္တ-  
ဝိဂ္ဂဟေန ဝါ နရာ၊ မရဏံ မရော၊ သော နတ္ထိ ယေသန္တိ အမရာ၊ သဟ နရေဟိ၊  
အမရေဟိ စာတိ သနရာမရော၊ ဂရတိ ဥဂ္ဂစ္ဆတိ ဥဂ္ဂတော ပါကဋ္ဌော  
ဘဝတိတိ ဂရု၊ ဂရသဒ္ဓေါ ဟိ ဥဂ္ဂမေ။ အပိစ ပါသာဏစ္ဆတ္တံ ဝိယ ဘာရိယ-  
ဋ္ဌေန “ဂရု”တိ ဝုစ္စတိ။

မာတာပိတာစရိယေသု၊ ဒုဇ္ဇရေ အလဟုမိ စ။  
မဟန္တေ စုဂ္ဂတေ စေဝ၊ နိဆေကာဒိကရေသု စ။  
တထာ ဝဏ္ဏဝိသေသေသု၊ ဂရုသဒ္ဓေါ ပဝတ္တတိ။

ဣဓ ပန သဗ္ဗလောကာစရိယေ တထာဂတေ။ ကေစိ ပန “ဂရု၊ ဂရုတိ စ  
ဒ္ဓိဓာ ဂဟေတွာ ဘာရိယဝါစကတ္ထေ ဂရုသဒ္ဓေါ၊ အာစရိယဝါစကတ္ထေ တု  
ဂရုသဒ္ဓေါ”တိ ဝဒန္တိ၊ တံ န ဂဟေတဗ္ဗံ။ ပါဠိဝိသယေ ဟိ သဗ္ဗေသမ္ဘိ ယထာ-  
ပုတ္တာနမတ္တာနံ ဝါစကတ္ထေ ဂရုသဒ္ဓေါယေဝိစ္စိတဗ္ဗော အကာရဿ အာကာရ-  
ဘာဝေန “ဂါရဝ”န္တိ တဒ္ဓိတန္တပဒဿ သုဒ္ဓိကဿ ဒဿနတော။ သက္ကတ-  
ဘာသာဝိသယေ ပန ဂရုသဒ္ဓေါယေဝိစ္စိတဗ္ဗော ဥကာရဿ ဝုဒ္ဓိဘာဝေန  
အညထာ တဒ္ဓိတန္တပဒဿ ဒဿနတောတိ။ သနရာမရော စ သော လောကော  
စာတိ သနရာမရလောကော၊ တဿ ဂရုတိ တထာ၊ တံ သနရာမရလောကဂရုံ။  
“သနရမရလောကဂရု”န္တိ ပိပဋန္တိ၊ တဒ်ပိ အရိယာဂါထတ္တာ ဝုတ္တိလက္ခဏတော၊  
အတ္ထတော စ ယုတ္တမေဝ။ အတ္ထတော ဟိ ဒီဃာယုကာပိ သမာနာ ယထာ-  
ပရိစ္ဆေဒံ မရဏသဘာဝတ္တာ မရုတိ ဒေဝါ ဝုစ္စန္တိ။ ဧတေန ဒေဝမနုဿာနံ ဝိယ  
တဒဝသိဋ္ဌသတ္တာနမ္ဘိ ယထာရဟံ ဂုဏဝိသေသာဝဟတာယ ဘဂဝတော  
ဥပကာရကတံ ဒဿေတိ။ နန စေတ္ထ ဒေဝမနုဿာ ပဓာနဘူတာ၊ အထ  
ကသ္မာ တေသံ အပ္ပဓာနတာ နိဒ္ဓိသီယတိတ်? အတ္ထတော ပဓာနတာယ  
ဂဟေတဗ္ဗတ္တာ။ အညော ဟိ သဒ္ဓက္ကမော၊ အညော အတ္ထက္ကမောတိ သဒ္ဓက္ကမာ-  
နုဿာရေန ပဓာနာပဓာနဘာဝေါန စောဒေတဗ္ဗော။ ဧဝိသေသု ဟိ သမာသ-  
ပဒေသု ပဓာနမ္ဘိ အပ္ပဓာနံ ဝိယ နိဒ္ဓိသီယတိ ယထာ တံ “သရာဇိကာယ  
ပရိသာယာ”တိ၊ တသ္မာ သဗ္ဗတ္ထ အတ္ထတောဝ အဓိပ္ပါယော ဂဝေသိတဗ္ဗော၊  
န ဗျဉ္ဇနမတ္တေန။ ယထာဟု ပေါရာဏာ—

“အတ္ထဉ္စ နာထော သရဏံ အဝေါစ၊  
န ဗျဉ္ဇနံ လောကဟိတော မဟေသိ။  
တသ္မာ အကတွာ ရတိမက္ခရေသု၊  
အတ္ထေ နိဝေသေယျ မတိ မတိမာ”တိ။

ကာမဉ္ဇေတ္ထ သတ္တသင်္ခါရဘာဇနဝသေန တိဝိဓော လောကော၊ ဂရု-  
ဘာဝဿ ပန အဓိပ္ပေတတ္တာ ဂရုကရဏသမတ္တဿေဝ ယုဇ္ဇနတော သတ္တ-  
လောကဝသေန အတ္ထော ဂဟေတဗ္ဗော။ သော ဟိ လောကီယန္တိ ဧတ္ထ

ပုညာပုညာနိ၊ တဗ္ဗိပါကော စာတိ လောကော၊ ဒဿနတ္ထေ စ လောကသဒ္ဓ-  
မိစ္ဆန္တိ သဒ္ဓဝိဒူ။ အမရဂ္ဂဟဏေန စေတ္ထ ဥပပတ္တိဒေဝါ အဓိပ္ပေတာ။ အပရော  
နယော—သမူဟတ္ထော ဧတ္ထ လောကသဒ္ဓေါ သမုဒါယဝသေန လောကီယတိ  
ပညာပီယတိတိ ကတွာ။ သဟ နရေဟိတိ သနရာ၊ တေယေဝ အမရာတိ  
သနရာမရာ၊ တေသံ လောကော တထာ၊ ပုရိမနယေနောယောဇေတဗ္ဗံ။  
အမရသဒ္ဓေန စေတ္ထ ဥပပတ္တိဒေဝါ ဝိယ ဝိသုဒ္ဓိဒေဝါပိ သင်္ဂယန္တိ။ တေပိ ဟိ  
ပရမတ္ထတော မရဏာဘာဝတော အမရာ။ ဣမသ္မိံ ပန အတ္ထဝိကပ္ပေ နရာမရာ-  
နမေဝ ဂဟဏံ ဥက္ကဋ္ဌနိဒ္ဒေသဝသေန ယထာ “သတ္တာ ဒေဝမနုဿာန”န္တိ။ တထာ  
ဟိ သဗ္ဗာနတ္ထပရိဟာနပုဗ္ဗင်္ဂမာယ နိရဝသေသဟိတသုခဝိဓာနတပ္ပရာယ နိရတိ-  
သယာယ ပယောဂသမ္ပတ္တိယာ၊ သဒေဝမနုဿာယ ပဇာယ အစ္စန္တမုပကာရိ-  
တာယ အပရိမိတနိရုပမပ္ပဘာဝဂုဏသမင်္ဂိတာယ စ သဗ္ဗသတ္တုတ္တမော  
ဘဂဝါ အပရိမာဏာသု လောကဓာတုသု အပရိမာဏာနံ သတ္တာနံ ဥတ္တမ-  
မနညသဓာရဏံ ဂါရဝဋ္ဌာနန္တိ။ ကာမဉ္စ ဣတ္ထိနမ္ပိ တထာဥပကာရတ္တာ ဘဂဝါ  
ဂရုယေဝ၊ ပဓာနဘူတံ ပန လောကံ ဒဿေတုံ ပုရိသလိင်္ဂေန ဝုတ္တန္တိ ဒဋ္ဌဗ္ဗံ။  
နေရုတ္တိကာ ပန အဝိသေသနိစ္စိတဋ္ဌာနေ တထာ နိဒ္ဓိဋ္ဌမိစ္ဆန္တိ ယထာ  
“နရာ နာဂါ စ ဂန္ဓဗ္ဗာ၊ အဘိဝါဒေတွာန ပက္ကမ”န္တိ။ တထာ စာဟု—

“နပုံသကေန လိင်္ဂေန၊ သဒ္ဓေါဒါဟု ပုမေန ဝါ။  
နိဒ္ဓိဿတိတိ ဣတဗ္ဗ-မဝိသေသဝိနိစ္စိတေ”တိ။

• နန္ဒတိ ဧတ္ထ ပန—

ဝတ္တမာနာယ ပဉ္စမုံ၊ သတ္တမုဉ္စ ဝိဘတ္တိယံ။  
ဧတေသု တီသု ဌာနေသု၊ • နန္ဒသဒ္ဓေါ ပဝတ္တတိ။

ဣဓ ပန ဝတ္တမာနာယံ အညာသမသမ္ဘဝတော။ တတ္ထ စ ဥတ္တမပုရိသဝသေ-  
နတ္ထော ဂဟေတဗ္ဗော “အဟံ ဝန္တာမိ”တိ။ နမနထုတိယတ္ထေသု စ ဝန္တသဒ္ဓမိစ္ဆန္တိ  
အာစရိယာ၊ တေန စ သုဂတပဒံ၊ နာထပဒံ ဝါ အဇ္ဈာဟရိတွာ ယောဇေတဗ္ဗံ။  
သောဘနံ ဂတံ ဂမနံ ဧတဿာတိ သုဂတော။ ဂမနဉ္စေတ္ထ ကာယဂမနံ၊  
ဣဏဂမနဉ္စ၊ ကာယဂမနမ္ပိ ဝိနေယျဇနောပသင်္ဂမနံ၊ ပကတိဂမနဉ္စာတိ  
ဒုဗ္ဗိမံ။ ဘဂဝတော ဟိ ဝိနေယျဇနောပသင်္ဂမနံ ဧကန္တေန တေသံ

ဟိတသုခနိပ္ပါဒနတော သောဘနံ၊ ဟထာ လက္ခဏာနုဗျန္တနပဋိမဏ္ဍိတရူပ-  
 ကာယတာယ ဒုတိယလိမ္မိတခလိတာနုကမုနနိပ္ပိဋနုတ္တုဋ္ဌိကကုဋ်လာကုလတာဒိ-  
 ဒေါသရဟိတမဝဟသိတရာဇဟံသဝသဘဝါရဏမိဂရာဇဂမနံ ပကတိဂမနဉ္စ၊  
 ဝိမလဝိပုလကရဏာသတိဝိရိယာဒိဂုဏဝိသေသသဟိတမ္ပိ ဣဏဂမနံ အဘိဇ္ဇိ-  
 ဟာရတော ပဋ္ဌာယ ယာဝ မဟာဗောဓိ၊ တာဝ နိရဝဇ္ဇတာယ သောဘန-  
 မေဝါတိ။ အထ ဝါ “သယမ္ဘုဉ္ဇရဏေန သကလမ္ပိ လောကံ ပရိညာဘိသမယ-  
 ဝသေန ပရိဇာနန္တော သမ္မာ ဂတော အဝဂတောတိ **သုဂတော။** ယော  
 ဟိ ဂတုတ္တော၊ သော ဗုဒ္ဓုတ္တော။ ယော စ ဗုဒ္ဓုတ္တော၊ သော ဂတုတ္တောတိ။  
 တထာလောကသမုဒယံပဟာနာဘိသမယဝသေန ပဇဟန္တော အနုပ္ပတ္တိဓမ္မတ-  
 မာပါဒေန္တော သမ္မာ ဂတော အတိတောတိ **သုဂတော။** လောကနိရောဓံ  
 သတ္တိကိရိယာဘိသမယဝသေန သမ္မာ ဂတော အဓိဂတောတိ **သုဂတော။**  
 လောကနိရောဓဂါမိနိ” ပဋိပဒံ ဘာဝနာဘိသမယဝသေန သမ္မာ ဂတော  
 ပဋိပန္နောတိ **သုဂတော။** အယဉ္ဇတ္တော ‘သောတာပတ္တိမဂ္ဂေန ယေ ကိလေသာ  
 ပဟိနာ၊ တေ ကိလေသေ န ပုနေတိ န ပစ္စေတိ န ပစ္စာဂစ္ဆတိ’တိ”  
**သုဂတော”**တိအာဒိနာ နိဒ္ဒေသနယေန ဝိဘာဝေတဗျော။

အပရော နယော—သုန္ဒရံ သမ္မာသမ္ဗောဓိ၊ နိဗ္ဗာနမေဝ ဝါ ဂတော  
 အဓိဂတောတိ **သုဂတော။** ဘူတံ တစ္ဆံ အတ္တသံဟိတံ ယထာရဟံ ကာလ-  
 ယုတ္တမေဝ ဝါစံ ဝိနေယျာနံ သမ္မာ ဂဒတိတိ ဝါ **သုဂတော** ဒ-ကာရဿ  
 တ-ကာရံ ကတွာ၊ တံ **သုဂတံ။** ပုညာပုညကမ္မေဟိ ဥပပဇ္ဇနဝသေန ဂန္ထဗ္ဗာတိ  
 ဂတိယော၊ ဥပပတ္တိဘဝဝိသေသာ။ တာ ပန နိရယာဒိဘေဒေန ပဉ္စဝိဓာ၊  
 သကလဿာပိ ဘဝဂါမိကမ္မဿ အရိယမဂ္ဂါမိဂမေန အဝိပါကာရဟဘာဝ-  
 ကရဏေန နိဝတ္တိတတ္တာ ပဉ္စဟိပိ တာဟိ ဝိသံယုတ္တော ဟုတွာ မုတ္တောတိ  
 ဂတိဝိမုတ္တော။ ဥဒ္ဓမုဒ္ဓဘဝဂါမိနော ဟိ ဒေဝါ တံတံကမ္မဝိပါကဒါန-  
 ကာလာနုရူပေန တတော တတော ဘဝတော မုတ္တာပိ မုတ္တမုတ္တာဝ၊ န ပန  
 ဝိသညောဂဝသေန မုတ္တာ၊ ဂတိပရိယာပန္နာ စ တံတံဘဝဂါမိကမ္မဿ  
 အရိယမဂ္ဂေန အနိဝတ္တိတတ္တာ၊ န တထာ ဘဂဝါ။ ဘဂဝါ ပန ယထာ-  
 ဝုတ္တပ္ပကာရေန ဝိသံယုတ္တော ဟုတွာ မုတ္တောတိ။ တသ္မာ အနေန ဘဂဝတော  
 ကတ္ထစိပိ ဂတိယာ အာရိယာပန္နတံ ဒဿတိ။ ယတော စ ဘဂဝါ  
 “ဒေဝါတိဒေဝါ”တိ ဝုစ္စတိ။ တေနေဝါဟ—

“ယေန ဒေဝုပပတုဿ၊ ဂန္ဓဗ္ဗော ဝါ ဝိဟင်္ဂမော။  
ယက္ခတ္တံ ယေန ဂစ္ဆေယျံ၊ မနုဿတ္တဉ္စ အဗ္ဗဇေ။  
တေ မယံ အာသဝါ ဒီဏာ၊ ဝိဒ္ဓတ္တာ ဝိနဠိကတာ”တိ။

တံတံဂတိသံဝတ္ထနကာနဉ္စိ ကမ္မကိလေသာနံ မဟာဗောဓိမူလေယေဝ အဂ္ဂမဂ္ဂေန ပဟိနတ္တာ နတ္ထိ ဘဂဝတော တံတံဂတိပရိယာပနတတိ အစ္စန္ဒမေဝ ဘဂဝါ သဗ္ဗဘဝယောနိဂတိဝိညာဏဋ္ဌိတိသတ္တာဝါသသတ္တနိကာယေဟိ ပရိမုတ္တောတိ။ အထ ဝါ ကာမံ သဉ္စပါဒိသေသာယပိ နိဗ္ဗာနဓာတုယာ တာဟိ ဂတိဟိ ဝိမုတ္တော၊ ဧသာ ပန “ပညာပဇ္ဇောတဝိဟတမောဟတမ”န္တိ ဧတ္ထေဝန္တော-ဂဓာတိ ဣမိနာ ပဒေန အနုပါဒိသေသာယ နိဗ္ဗာနဓာတုယာဝ ထောမေတိတိ ဒဋ္ဌဗ္ဗံ။

ဧတ္ထ ပန အတ္တဟိတသမ္ပတ္တိပရဟိတပဋိပတ္တိဝသေန ဒီဟာကာရေဟိ ဘဂ-ဝတော ထောမနာ ကတာ ဟောတိ။ တေသု အနာဝရဏဉာဏာဓိဂမော၊ သဟ ဝါသနာယ ကိလေသာနမစ္စန္ဒပ္ပဟာနံ၊ အနုပါဒိသေသနိဗ္ဗာနပ္ပတ္တိ စ အတ္တဟိတသမ္ပတ္တိ နာမ၊ လာဘသက္ကာရာဒိနိရပေက္ခစိတ္တဿ ပန သဗ္ဗဒုက္ခ-နိယျာနိကဓမ္မဒေသနာပယောဂတော ဒေဝဒတ္တာဒိသုပိ ဝိရုဒ္ဓသတ္တေသု နိစ္စ-ဟိတဇ္ဈာသယတာ၊ ဝိနိတဗ္ဗသတ္တာနံ ဉာဏပရိပါကကာလာဂမနဉ္စ အာသယ-တော ပရဟိတပဋိပတ္တိ နာမ။ သာ ပန အာသယပယောဂတော ဒုဝိဓာ၊ ပရဟိတပဋိပတ္တိ တိဝိဓာ စ အတ္တဟိတသမ္ပတ္တိ ဣမာယ ဂါထာယ ယထာရဟံ ပကာသိတာ ဟောတိ။ “ကရုဏာသီတလဟဒယ”န္တိ ဟိ ဧတေန အာသယ-တော ပရဟိတပဋိပတ္တိ၊ သမ္မာ ဂဒနတ္ထေန သုဂတသဒ္ဓေန ပယောဂတော ပရဟိတပဋိပတ္တိ။ “ပညာပဇ္ဇောတဝိဟတမောဟတမံ ဂတိဝိမုတ္တ”န္တိ ဧတေဟိ၊ စတုသစ္စပဋိဝေဓတ္ထေန စ သုဂတသဒ္ဓေန တိဝိဓာပိ အတ္တဟိတသမ္ပတ္တိ၊ အဝ-သိဋ္ဌဋ္ဌေန ပန တေန၊ “သနရာမရလောကဂရ”န္တိ စ ဧတေန သဗ္ဗာပိ အတ္တ-ဟိတသမ္ပတ္တိ၊ ပရဟိတပဋိပတ္တိ စ ပကာသိတာ ဟောတိ။

အထ ဝါ ဟေတုဖလသတ္တုပကာရဝသေန တိဟာကာရေဟိ ထောမနာ ကတာ။ တတ္ထ ဟေတု နာမ မဟာကရုဏာသမာယောဂေါ၊ ဗောဓိသမ္ဘာရ-သမ္ဘရဏဉ္စ၊ တဒုဘယမ္ပိ ပဌမပဒေန ယထာရုတတော၊ သာမတ္တိယတော စ ပကာသိတံ။ ဖလံ ပန ဉာဏပ္ပဟာနအာနုဘာဝရူပကာယသမ္ပဒါဝသေန

စတုဗ္ဗိဓံ။ တတ္ထ သဗ္ဗညုတညာဏပဒဋ္ဌာနံ မဂ္ဂဉာဏံ၊ တမ္မုလကာနိ စ ဒသ-  
 ဗလာဒိဉာဏာနိ ဉာဏသမ္ပဒါ။ သဝါသနသကလသံကိလေသာနမစ္စန္ဒမနုပ္ပါဒ-  
 ဓမ္မတာပါဒနံ ပဟာနသမ္ပဒါ၊ ယထိစ္ဆိတနိပ္ပါဒနေ အာဓိပစ္စံ အာနုဘာဝသမ္ပဒါ၊  
 သကလလောကနယနာဘိသေကဘူတာ ပန လက္ခဏာနုဗ္ဗနပဋိမဏ္ဍိတာ  
 အတ္တဘာဝသမ္ပတ္တိ ရူပကာယသမ္ပဒါ။ တာသု ဉာဏပ္ပဟာနသမ္ပဒါ ဒုတိယ-  
 ပဒေန၊ သစ္စပဋိဝေဇ္ဇေန စ သုဂတသဒ္ဓေန ပကာသိတာ၊ အာနုဘာဝသမ္ပဒါ  
 တတိယပဒေန၊ ရူပကာယသမ္ပဒါ သောဘနကာယဂမနတ္ထေန သုဂတသဒ္ဓေန  
 လက္ခဏာနုဗ္ဗနပါရိပူရိယာ ဝိနာ တဒဘာဝတော။ ယထာဝုတ္တာ ဒုဝိဓာပိ  
 ပရဟိတပဋိပတ္တိ သတ္တုပကာရသမ္ပဒါ။ သာ ပန သမ္မာ ဂဒနတ္ထေန သုဂတ-  
 သဒ္ဓေန ပကာသိတာတိ ဝေဒိတဗျာ။

အပိစ ဣမာယ ဂါထာယ သမ္မာသမ္ဗောဓိတမ္မုလ ဘပုဋိပတ္တိယာဒယော  
 အနေကေ ဗုဒ္ဓဂုဏာ အာစရိယေန ပကာသိတာ ဟောန္တိ။ သော ဟိ အာစရိ-  
 ယာနံ ပကတိ၊ ယဒိဒံ ယေန ကေနစိ ပကာရေန အတ္တန္တရိညာပနံ။ ကထံ?  
 “ကရုဏာသီတလဟဒယ”န္တိ ဟိ ဧတေန သမ္မာသမ္ဗောဓိယာ မူလံ ဒဿေတိ။  
 မဟာကရုဏာသဇ္ဇောဒိတမာနသော ဟိ ဘဂဝါ သံသာရပက်တော သတ္တာနံ  
 သမုဒ္ဓရဏတ္ထံ ကတာဘိနိဟာရော အနုပုဗ္ဗေန ပါရမိယော ပူရေတွာ အနုတ္တရံ  
 သမ္မာသမ္ဗောဓိမဓိဂတောတိ ကရုဏာ သမ္မာသမ္ဗောဓိယာ မူလံ။ “ပညာ-  
 ပဇ္ဇောတဝိဟတမောဟတမ”န္တိ ဧတေန သမ္မာသမ္ဗောဓိံ ဒဿေတိ။ သဗ္ဗညုတ-  
 ညာဏပဒဋ္ဌာနဉ္စိ အဂ္ဂမဂ္ဂဉာဏံ၊ အဂ္ဂမဂ္ဂဉာဏပဒဋ္ဌာနဉ္စ သဗ္ဗညုတညာဏံ  
 “သမ္မာသမ္ဗောဓိ”တိ ဂုစ္စတိ။ သမ္မာ ဂမနတ္ထေန သုဂတသဒ္ဓေန သမ္မာ-  
 သမ္ဗောဓိယာ ပဋိပတ္တိံ ဒဿေတိ လိနုဒ္ဓစ္စပတိဋ္ဌာနဉ္စယူဟနကာမသုခတ္တကိလ-  
 မထာနုယောဂသဿတုဇ္ဈေဒါဘိနိဝေသာဒိအန္တဒ္ဓယရဟိတာယ ကရုဏာ-  
 ပညာပရိဂ္ဂဟိတာယ မဇ္ဈိမာယ ပဋိပတ္တိယာ ပကာသနတော၊ ဣတရေဟိ  
 သမ္မာသမ္ဗောဓိယာ ပဓာနာပွဓာနပုဗ္ဗေဒံ ပယောဇနံ ဒဿေတိ။ သံသာရ-  
 မဟောသတော သတ္တသန္တာရဏဉ္စေတ္ထ ပဓာနံ၊ တဒညမပ္ပဓာနံ။ တေသု  
 စ ပဓာနေန ပယောဇနေန ပရဟိတပဋိပတ္တိံ ဒဿေတိ၊ ဣတရေန အတ္တဟိတ-  
 သမ္ပတ္တိံ၊ တဒုဘယေန စ အတ္တဟိတပဋိပန္နာဒိသု စတူသု ပုဂ္ဂလေသု ဘဂဝ-  
 တော စတုတ္ထပုဂ္ဂလဘာဝံ ပကာသေတိ။ တေန စ အနုတ္တရံ ဒက္ခိဏေယျဘာဝံ၊  
 ဥတ္တမဉ္စ ဝန္တနိယဘာဝံ၊ အတ္တနော စ ဝန္တနာယ ခေတ္တင်္ဂတဘာဝံ ဝိဘာဝေတိ။

အပိစ ကရုဏာဂ္ဂဟဏေန လောကီယေသု မဟဂ္ဂတဘာဝပ္ပတ္တာသာဓာ-  
 ရဏဂုဏဒီပနတော သဗ္ဗလောကီယဂုဏသမ္ပတ္တိံ ဒဿိတာ၊ ပညာဂ္ဂဟဏေန

သဗ္ဗညုတညာဏပဒဋ္ဌာနမဂ္ဂဉာဏဒီပနတော သဗ္ဗလောကုတ္တရဂုဏသမ္ပတ္တိ။  
 တဒုဘယဂ္ဂဟဏသိဒ္ဓေါ ဟိ အတ္ထော “သနရာမရလောကဂရ”န္တိအာဒိနာ  
 ဝိပဋ္ဌိယတိတိ။ ကရုဏာဂ္ဂဟဏေန စ နိရုပတ္တိလေသမုပဂမနံ ဒဿေတိ၊  
 ပညာဂ္ဂဟဏေန အပဂမနံ။ တထာ ကရုဏာဂ္ဂဟဏေန လောကသမညာနရူပံ  
 ဘဂဝတော ပဝတ္တိံ ဒဿေတိ လောကဝေါဟာရဝိသယတ္တာ ကရုဏာယ၊  
 ပညာဂ္ဂဟဏေန လောကသမညာယ အနတိဓာဝနံ။ သဘာဝါနဝဗောဓေန ဟိ  
 ဓမ္မာနံ သဘာဝံ အတိဓာဝိတွာ သတ္တာဒိပရာမသနံ ဟေတိ။ တထာ  
 ကရုဏာဂ္ဂဟဏေန မဟာကရုဏာသမာပတ္တိဝိဟာရံ ဒဿေတိ၊ ပညာဂ္ဂဟ-  
 ဏေန တိသု ကာလေသု အပ္ပုပ္ပါတဉာဏံ၊ စတုသစ္စဉာဏံ၊ စတုပဋိသန္တိဒါ-  
 ဉာဏံ၊ စတုဝေသာရဇ္ဇဉာဏံ၊ ကရုဏာဂ္ဂဟဏေန မဟာကရုဏာသမာပတ္တိ-  
 ဉာဏဿ ဂဟိတတ္တာ သေသာသာဓာရဏဉာဏာနိ၊ ဆ အဘိညာ၊ အဋ္ဌသု  
 ပရိသာသု အကမ္မနဉာဏာနိ၊ ဒသ ဗလာနိ၊ စုဒ္ဓသ ဗုဒ္ဓဂုဏာ၊ သောဠသ  
 ဉာဏစရိယာ၊ အဋ္ဌာရသ ဗုဒ္ဓဓမ္မာ၊ စတုစတ္တာရိသ ဉာဏဝတ္ထုနိ၊ သတ္တသတ္တတိ  
 ဉာဏဝတ္ထုနိတိ ဝေမာဒိနံ အနေကေသံ ပညာပဘေဒါနံ ဝသေန ဉာဏစာရံ  
 ဒဿေတိ။ တထာ ကရုဏာဂ္ဂဟဏေန စရဏသမ္ပတ္တိံ၊ ပညာဂ္ဂဟဏေန  
 ဝိဇ္ဇာသမ္ပတ္တိံ။ ကရုဏာဂ္ဂဟဏေန အတ္တာမိပတိတာ၊ ပညာဂ္ဂဟဏေန  
 ဓမ္မာမိပတိတာ။ ကရုဏာဂ္ဂဟဏေန လောကနာထဘာဝေါ၊ ပညာဂ္ဂဟဏေန  
 အတ္တနာထဘာဝေါ။ တထာ ကရုဏာဂ္ဂဟဏေန ပုဗ္ဗကာရိဘာဝေါ၊ ပညာဂ္ဂ-  
 ဟဏေန ကတညုတာ။ ကရုဏာဂ္ဂဟဏေန အပရန္တပတာ၊ ပညာဂ္ဂဟဏေန  
 အနတ္တန္တပတာ။ ကရုဏာဂ္ဂဟဏေန ဝါ ဗုဒ္ဓကရဓမ္မသိဒ္ဓိ၊ ပညာဂ္ဂဟဏေန  
 ဗုဒ္ဓဘာဝသိဒ္ဓိ။ တထာ ကရုဏာဂ္ဂဟဏေန ပရသန္တာရဏံ၊ ပညာဂ္ဂဟဏေန  
 အတ္တသန္တာရဏံ။ တထာ ကရုဏာဂ္ဂဟဏေန သဗ္ဗသတ္တေသု အနုဂ္ဂဟစိတ္တတာ၊  
 ပညာဂ္ဂဟဏေန သဗ္ဗဓမ္မေသု ဝိရတ္တစိတ္တတာ ဒဿိတာ ဟေတိ သဗ္ဗေသဉ္စ  
 ဗုဒ္ဓဂုဏာနံ ကရုဏာ အာဒိ တန္တိဒါနဘာဝတော၊ ပညာ ပရိယောသာနံ  
 တတော ဥတ္တရိ ကရဏီယာဘာဝတော။ ဣတိ အာဒိပရိယောသာနဒဿနေန  
 သဗ္ဗေ ဗုဒ္ဓဂုဏာ ဒဿိတာ ဟောန္တိ။ တထာ ကရုဏာဂ္ဂဟဏေန သီလက္ခန္ဓ-  
 ပုဗ္ဗင်္ဂမော သမာဓိက္ခန္ဓော ဒဿိတော ဟေတိ။ ကရုဏာနိဒါနဉ္စိ သီလံ တတော  
 ပါဏာတိပါတာဒိဝိရတိပုဝတ္တိတော၊ သာ စ ဈာနတ္ထယသမ္ပယောဂိနိတိ၊  
 ပညာဝစနေန ပညာက္ခန္ဓော။ သီလဉ္စ သဗ္ဗဗုဒ္ဓဂုဏာနံ အာဒိ၊ သမာဓိ မဇ္ဈေ၊  
 ပညာ ပရိယောသာနန္တိ ဧဝမ္ပိ အာဒိမဇ္ဈပရိယောသာနကလျာဏာ သဗ္ဗေ  
 ဗုဒ္ဓဂုဏာ ဒဿိတာ ဟောန္တိ နယတော ဒဿိတတ္တာ။ ဧသော ဧဝ ဟိ နိရဝ-  
 သေသတော ဗုဒ္ဓဂုဏာနံ ဒဿနုပါယော၊ ယဒိဒံ နယဂ္ဂါဟဏံ၊ အညထာ

ကော နာမ သမတ္ထော ဘဂဝတော ဂုဏေ အနုပဒံ နိရဝသေသတော ဒဿေတုံ။  
တေနောဂါဟ—

“ဗုဒ္ဓေါပိ ဗုဒ္ဓဿ ဘဏေယျ ဝဏ္ဏံ၊  
ကပ္ပမ္ပိ စေ အညမဘာသမာနော။  
ဒီယေထ ကပ္ပေါ စိရဒိသမန္တရေ၊  
ဝဏ္ဏော န ဒီယေထ တထာဂတဿာ”တိ။

တေနော စ အာယသ္မတာ သာရိပုတ္တတ္ထေရေနာပိ ဗုဒ္ဓဂုဏပရိစ္ဆေဒနံ ပတိ  
ဘဂဝတာ အနုယုတ္တေန “နော ဟေတံ ဘန္တေ”တိ ပဋိက္ခိပိတွာ, “အပိစ မေ  
ဘန္တေ ဓမ္မန္တယော ဝိဒိတော”တိ၊ သမ္ဗုဒ္ဓာဒနိယသုတ္တေ ဝုတ္တံ။

ဧဝံ သင်္ခေပေန သကလသဗ္ဗညုဂုဏေဟိ ဘဂဝတော ထောမနာပုဗ္ဗင်္ဂမံ  
ပဏာမံ ကတွာ ဣဒါနိ သဒ္ဓမ္မဿာပိ ထောမနာပုဗ္ဗင်္ဂမံ ပဏာမံ ကရောန္တော  
“ဗုဒ္ဓေါပိ”တိအာဒိမာဟ။ တတ္ထာယံ သဟ ပဒသမ္ပန္နေန သင်္ခေပတ္ထော—  
ယထာဝုတ္တဝိဝိဓဂုဏဂဏသမန္တာဂတော ဗုဒ္ဓေါပိ ယံ အရိယမဂ္ဂသင်္ခါတံ ဓမ္မံ၊  
သဟ ပုဗ္ဗဘာဂပဋိပတ္တိဓမ္မေန ဝါ အရိယမဂ္ဂဘူတံ ဓမ္မံ ဘာဝေတွာ ဧဝံ ယံ  
ဖလနိဗ္ဗာနသင်္ခါတံ ဓမ္မံ၊ ပရိယတ္တိဓမ္မပဋိပတ္တိဓမ္မေဟိ ဝါ သဟ ဖလနိဗ္ဗာနဘူတံ ဓမ္မံ  
သန္တိကတွာ စ သမ္ဗုဒ္ဓာသမ္ဗောဓိသင်္ခါတံ ဗုဒ္ဓဘာဝမုပဂတော၊ ဝိတမလမနုတ္တရံ  
တံ ဓမ္မမ္ပိ ဝန္တေတိ။

တတ္ထ ဗုဒ္ဓသဒ္ဓဿ တာဝ “ဗုဇ္ဈိတာ သစ္စာနီတိ ဗုဒ္ဓေါ။ ဗောဓေတာ  
ပဇာယာတိ ဗုဒ္ဓေါ”တိအာဒိနာ နိဒ္ဒေသနယေန၊ အတ္ထော ဝေဒိတဗျော။ အထ  
ဝါ အဂ္ဂမဂ္ဂဉာဏာဓိဂမေန သဝါသနာယ သမ္ဗောဟနိဒ္ဒါယ အစ္စန္တဝိဂမနတော၊  
အပရိမိတဂုဏဂဏာလင်္ကတသဗ္ဗညုတညာဏပ္ပတ္တိယာ ဝိကသိတဘာဝတော စ  
ဗုဒ္ဓဝါတိ ဗုဒ္ဓေါ ဇာဂရဏဝိကသနတ္ထဝသေန။ အထ ဝါ ကဿစိပိ ဥေယျ-  
ဓမ္မဿ အနဝဗုဒ္ဓဿ အဘာဝေန ဥေယျဝိသေသဿ ကမ္မဘာဝါဂဟဏတော  
ကမ္မဝစနိစ္ဆာယာဘာဝေန အဝဂမနတ္ထဝသေန ကတ္တုနိဒ္ဒေသောဝ လဗ္ဘတိ။  
တသ္မာ ဗုဒ္ဓဝါတိ ဗုဒ္ဓေါတိပိ ဝတ္တဗျော။ ပဒေသဂ္ဂဟဏေ ဟိ အသတိ ဂဟေ-  
တဗ္ဗဿ နိပ္ပဒေသတာဝ ဝိညာယတိ ယထာ “ဒိက္ခိတော န ဒဒါတိ”တိ။ ဧဝေ  
ကတွာ ကမ္မဝိသေသာနပေက္ခာ ကတ္တရိ ဧဝ ဗုဒ္ဓသဒ္ဓသိဒ္ဓိ ဝေဒိတဗျော။

၁-ဒီ-ဋ ၁-၂၅၇၊ ဒီ-ဋ ၃-၆၁၊ မ-ဋ ၃-၂၀၉၊ ဥဒါန-ဋ-၃၀၅၊ ဗုဒ္ဓဝံသ-ဋ-၁၆၃၊  
စရိယာပိဋက-ဋ ၉၊ ၃၂၄၊ အပဒါန-ဋ ၂-၉၁-ပိဋေသု၊  
၂-ဒီ ၂-၇၀-ပိဋေ။ ၃-ခု ၇-၃၆၃၊ ၃ ဂ-၁၉၇၊ ၃ ၉-၁၇၂-ပိဋေသု။  
သို့-ဒံ (နဝ) ၁-၂—န-ဗု-ဆ

အတ္တတော ပန ပါရမိတာပရိဘာဝိတော သယမ္ပုဉ္ဇဏေန သဟ ဝါသနာယ  
ဝိဟတဝိဒ္ဓတ္တနိရဝသေသကိလေသောမဟာကရုဏာသဗ္ဗညုတညာဏာဒိအပရိ-  
မေယျဂုဏဂဏာဓာရော ခန္ဓသန္တာနော ဗုဒ္ဓေါ၊ ယထာဟ—

“ဗုဒ္ဓေါတိ ယော သောဘဂဝါ သယမ္ပု အနာစရိယကော ပုဗ္ဗေ  
အနနုဿုတေသု ဓမ္မေသု သာမံ သစ္စာနိ အဘိသမ္ဗုဒ္ဓိံ၊ တတ္ထ စ  
သဗ္ဗညုတံ ပတ္တော၊ ဗလေသု စ ဝသီဘာဝ”န္တိ။

အပိ-သဒ္ဓေါ သမ္ဘာဝနေ၊ တေန ဧဝံ ဂုဏဝိသေသယုတ္တော သောပိ နာမ  
ဘဂဝါ ဤဒိသံ ဓမ္မံ ဘာဝေတွာ၊ သန္တိကတွာ စ ဗုဒ္ဓဘာဝမုပဂတော၊ ကာ နာမ  
ကထာ အညေသံ သာဝကာဒိဘာဝမုပဂမနေတိ ဓမ္မေ သမ္ဘာဝနံ ဒီပေတိ။  
ဗုဒ္ဓဘာဝန္တိ သမ္မာသမ္ဗောဓိံ။ ယေန ဟိ နိမိတ္တဘူတေန သဗ္ဗညုတညာဏ-  
ပဒဋ္ဌာနေန အဂ္ဂမဂ္ဂဉ္ဇဏေန၊ အဂ္ဂမဂ္ဂဉ္ဇဏပဒဋ္ဌာနေန စ သဗ္ဗညုတညာဏေန  
ဘဂဝတိ “ဗုဒ္ဓေါ”တိ နာမံ၊ တဒါရမ္မဏန္တ ဉ္ဇဏံ ပဝတ္တတိ၊ တမေဝိဓ  
“ဘာဝေါ”တိ ဝုစ္စတိ။ ဘဝန္တိ ဗုဒ္ဓိသဒ္ဓါ ဧတေနာတိ ဟိ ဘာဝေါ။ တထာ  
ဟိ ဝဒန္တိ—

“ယေန ယေန နိမိတ္တေန၊ ဗုဒ္ဓိ သဒ္ဓေါ စ ဝတ္တတေ။  
တံတံနိမိတ္တကံ ဘာဝ-ပစ္စယေဟိ ဥဒီရိတ”န္တိ ၂။

ဘာဝေတွာတိ ဥပ္ပါဒေတွာ၊ ဝဇေတွာ ဝါ။ သန္တိကတွာတိ ပစ္စက္ခံ ကတွာ။  
ဓမ္မ-သဒ္ဓေါ စ-သဒ္ဓေါ စ တဒုဘယတ္ထ သမုစ္စယေ။ တေန ဟိ သဒ္ဓုဒ္ဓယေန န  
ကေဝလံ ဘဂဝါ ဓမ္မဿ ဘာဝနာမတ္တေန ဗုဒ္ဓဘာဝမုပဂတော၊ နပိ သန္တိ-  
ကိရိယာမတ္တေန၊ အထ ခေါ တဒုဘယေနောတိ သမုစ္စိနောတိ။ ဥပဂတောတိ  
ပတ္တော၊ အဓိဂတောတိ အတ္တော။ ဧတဿ “ဗုဒ္ဓဘာဝ”န္တိ ပဒေန သမ္ဗန္ဓော။ ဝိတ-  
မလန္တိ ဧတ္ထ ဝိရဟဝသေန ဧတိ ပဝတ္တတိတိ ဝိတော၊ မလတော ဝိတော၊ ဝိတံ  
ဝါမလံယဿာတိဝိတမလော၊ တံ ဝိတမလံ။ “ဂတမလ”န္တိပိ ပါဌောဒိဿတိ။  
ဧဝံ သတိ သဥပသဂ္ဂေါ ဝိယ အနုပသဂ္ဂေါပိ ဂတသဒ္ဓေါ ဝိရဟတ္ထဝါစကော  
ဝေဒိတဗ္ဗော ဓာတုနမနေကတ္တတ္တာ။ ဂစ္ဆတိ အပဂစ္ဆတိတိ ဟိ ဂတော၊  
ဓမ္မော။ ဂတံ ဝါ မလံ၊ ပုရိမနယေန သမာသော။ အနုတ္တရန္တိ ဥတ္တရဝိရဟိတံ။  
ယထာနုသိဋ္ဌံ ပဋိပဇ္ဇမာနေ အပါယတော၊ သံသာရတော စ အပတမာနေ  
ကတွာ ဓာရေတိတိ ဓမ္မော၊ နဝိဓောလောကုတ္တရဓမ္မော။ တပ္ပကာသနတ္တာ၊  
သန္တိကိရိယာသမ္မာသနပရိယာယဿ စ လမ္ဘမာနတ္တာ ပရိယတ္တိဓမ္မောပိ ဣဓ

သင်္ဂဟီတော။ တထာ ဟိ “အဘိဓမ္မနယသမုဒ္ဓိ အဓိဂစ္ဆိ၊ တိဏိ ပိဋကာနိ သမ္ပဿိ”တိ စ အဋ္ဌကထာယံ ဂုတ္တံ၊ တထာ “ယံ ဓမ္မံ ဘာဝေတွာ သစ္စိ-  
ကတွာ”တိ စ ဂုတ္တတ္တာ ဘာဝနာသစ္စိကိရိယာယောဂျတာယ ဗုဒ္ဓကရဓမ္မ-  
ဘူတာဟိ ပါရမိတာဟိ သဟ ပုဗ္ဗဘာဂအဓိသီလသိက္ခာဒယောပိ ဣဓ  
သင်္ဂဟီတာတိ ဝေဒိတဗ္ဗာ။ တာပိ ဟိ ဝိဂတပဋိပက္ခတာယ ဝိတမလာ၊  
အနညသဘာဓာရဏတာယ အနုတ္တရာ စ။ ကထံ ပန တာ ဘာဝေတွာ၊  
သစ္စိကတွာ စ ဘဂဝါ ဗုဒ္ဓဘာဝမုပဂတောတိ? ဂုစ္စတေ— သတ္တာနဉ္စိ သံသာရ-  
ဝနုဒုက္ခနိဿရဏာယ<sup>၁</sup> ကတမဟာဘိနိဟာရော မဟာကရဏာဝေါသနပေသ-  
လဇ္ဈာသယော ပညာဝိသေသပရိယောဒါတနိမ္မလာနံ ဒါနဒမသညမာဒီနံ  
ဥတ္တမဓမ္မာနံ ကပ္ပါနံ သတသဟဿာဓိကာနိ စတ္တာရိ အသင်္ချေယျာနိ သက္ကဋ္ဌံ  
နိရန္တရံ နိရဝသေသံ ဘာဝနာသစ္စိကိရိယာဟိ ကမ္မာဒိသု အဓိဂတဝသိဘာဝေါ  
အစ္စရိယာစိန္တေယျမဟာနုဘာဝေါ အဓိသီလာဓိစိတ္တာနံ ပရမုက္ကံသပါရ-  
မိပ္ပတ္တော ဘဂဝါ ပစ္စယာကာရေ စတုဝိသတိကောဋိသတသဟဿမုခေန  
မဟာဝဇီရဉာဏံ ပေသေတွာ အနုတ္တရံ သမ္မာသမ္ဗောဓိသင်္ခါတံ ဗုဒ္ဓဘာဝမုပ-  
ဂတောတိ။

ဣမာယ ပန ဂါထာယ ဝိဇ္ဇာဝိမုတ္တိသမ္ပဒါဒီဟိ အနေကေဟိ ဂုဏေဟိ  
ယထာရဟံ သဒ္ဓမ္မံ ထောမေတိ။ ကထံ? ဧတ္ထ ဟိ “ဘာဝေတွာ”တိ ဧတေန  
ဝိဇ္ဇာသမ္ပဒါယ ထောမေတိ၊ “သစ္စိကတွာ”တိ ဧတေန ဝိမုတ္တိသမ္ပဒါယ။ တထာ  
ပဌမေန ဈာနသမ္ပဒါယ၊ ဒုတိယေန ဝိမောက္ခသမ္ပဒါယ။ ပဌမေန ဝါ သမာဓိ-  
သမ္ပဒါယ၊ ဒုတိယေန သမာပတ္တိသမ္ပဒါယ။ အထ ဝါ ပဌမေန ခယဉာဏဘာဝေန၊  
ဒုတိယေန အနုပ္ပါဒဉာဏဘာဝေန။ ပဌမေန ဝါ ဝိဇ္ဇူပမတာယ၊ ဒုတိယေန  
ဝဇီရူပမတာယ။ ပဌမေန ဝါ ဝိရာဂသမ္ပတ္တိယာ၊ ဒုတိယေန နိရောဓသမ္ပတ္တိယာ။  
တထာ ပဌမေန နိယျာနဘာဝေန၊ ဒုတိယေန နိဿရဏဘာဝေန။ ပဌမေန  
ဝါ ဟေတုဘာဝေန၊ ဒုတိယေန အသင်္ခတဘာဝေန။ ပဌမေန ဝါ ဒဿန-  
ဘာဝေန၊ ဒုတိယေန ဝိဝေကဘာဝေန။ ပဌမေန ဝါ အဓိပတိဘာဝေန၊  
ဒုတိယေန အမတဘာဝေန ဓမ္မံ ထောမေတိ။ အထ ဝါ “ယံ ဓမ္မံ ဘာဝေတွာ”  
ဗုဒ္ဓဘာဝံ ဥပဂတော”တိ ဧတေန သွာက္ခာတတာယ ဓမ္မံ ထောမေတိ၊ “သစ္စိ-  
ကတွာ”တိ ဧတေန သန္တိဋ္ဌိကတာယ။ တထာ ပဌမေန အကာလိကတာယ၊  
ဒုတိယေန ဧဟိပဿိကတာယ။ ပဌမေန ဝါ ဩပနေယျိကတာယ၊ ဒုတိယေန  
ပစ္စတ္တိဝေဒိတဗ္ဗာယ။ ပဌမေန ဝါ သဟ ပုဗ္ဗဘာဂသီလာဒီဟိ သေက္ခေဟိ

သီလသမာဓိပညာက္ခန္ဓေဟိ၊ ဒုတိယေန သဟ အသင်္ခတဓာတုယာ အသေက္ခေ-  
ဟိ ဓမ္မံ ထောမေတိ။

“ဝိတမလ”န္တိ ဣမိနာ ပန သံကိလေသာဘာဝဒီပနေန ဝိသုဒ္ဓတာယ ဓမ္မံ  
ထောမေတိ။ “အနုတ္တရ”န္တိ ဧတေန အညဿ ဝိသိဋ္ဌဿ အဘာဝဒီပနေန  
ပရိပုဏ္ဏတာယ။ ပဌမေန ဝါ ပဟာနသမ္ပဒါယ၊ ဒုတိယေန သဘာဝသမ္ပဒါယ။  
ပဌမေန ဝါ ဘာဝနာဖလယောဂျတာယ။ ဘာဝနာဂုဏေန ဟိ သော  
သံကိလေသမလသမုဋ္ဌါတကော၊ တသ္မာနေန ဘာဝနာကိရိယာယ ဖလမာဟ။  
ဒုတိယေန သစ္စိကိရိယာဖလယောဂျတာယ။ တဒုတ္တရိကရဏီယာဘာဝတော  
ဟိ အနညသာဓာရဏတာယ အနုတ္တရဘာဝေါ သစ္စိကိရိယာနိဗ္ဗတ္တိတော၊  
တသ္မာနေန သစ္စိကိရိယာဖလမာဟာတိ။

ဧဝံသင်္ခပေနေဝသဗ္ဗသဒ္ဓမ္မဂုဏေဟိ သဒ္ဓမ္မသံသယံ ထောမနာပုဗ္ဗင်္ဂံ ပဏာမံ  
ကတွာ ဣဒါနိ အရိယသံသယာပိ ထောမနာပုဗ္ဗင်္ဂံ ပဏာမံ ကရောန္တော  
“သုဂတဿ ဩရသာန”န္တိ အာဒိမာဟ။ တတ္ထ သုဂတဿာတိ သမ္ပန္နနိဒ္ဒေသော၊  
“ပုတ္တာန”န္တိ ဧတေန သမ္ပဇ္ဈိတဗ္ဗော။ ဥရသိဘဝါ၊ ဇာတာ၊ သံဝုဒ္ဓါ ဝါ ဩရသာ၊  
အတ္တဇော ခေတ္တဇော အန္တေဝါသိကော ဒိန္နကောတိ စတုဗ္ဗိဓေသု ပုတ္တေသု  
အတ္တဇော၊ တံသရိက္ခတာယ ပန အရိယပုဂ္ဂလာ “ဩရသာ”တိ ဝုစ္စန္တိ။ ယထာ  
ဟိ မနုဿာနံ ဩရသပုတ္တာ အတ္တဇာတတာယ ပိတုသန္တကဿ ဒါယဇဿ  
ဝိသေသဘာဂိနော ဟောန္တိ။ ဧဝမေတေပိ သဒ္ဓမ္မသဝနန္တေ အရိယာယ  
ဇာတိယာ ဇာတတာယ ဘဂဝတော သန္တကဿ ဝိမုတ္တိသုခဿ၊ ဓမ္မရတနဿ  
စ ဒါယဇဿ ဝိသေသဘာဂိနောတိ။ အထ ဝါ ဘဂဝတော ဓမ္မဒေသနာ-  
နုဘာဝေန အရိယဘူမိံ ဩက္ကမမာနာ၊ ဩက္ကန္တာ စ အရိယသာဝကာ  
ဘဂဝတော ဥရေ ဝါယာမဇနိတာဘိဇာတတာယ သဒိသကပ္ပနမန္တရေန  
နိပ္ပရိယာယေန ဝ “ဩရသာ”တိ ဝတ္ထုဗ္ဗတမရဟန္တိ။ တထာ ဟိ တေ ဘဂဝတာ  
အာသယာနုသယစရိယာမိမုတ္တိအာဒိဩလောကနေန၊ ဝဇ္ဇာနစိန္တနေန စ  
ဟဒယေ ကတွာ ဝဇ္ဇတော နိဝါရေတွာ အနဝဇ္ဇေ ပတိဋ္ဌာပေန္တေန သီလာဒိ-  
ဓမ္မသရီရပေါသနေန သံဝုဒ္ဓာပိတာ။ ယထာဟ ဘဂဝါ ဣတိပုတ္တကေ “အဟမသ္မိ  
ဘိက္ခဝေ မြာဟ္မဏော ။ပ။ တဿ မေ တုမေ ပုတ္တာ ဩရသာ မုခတော  
ဇာတာ”တိအာဒိ။ နနု သာဝကဒေသိတာပိ ဒေသနာ အရိယဘာဝါဝဟာတိ?  
သစ္စံ၊ သာ ပန တဗ္ဗုလိကတ္တာ၊ လက္ခဏာဒိဝိသေသဘာဝတော စ “ဘဂဝတော

ဓမ္မဒေသနာ” ဣစ္စေဝ သင်္ချံ ဂတာ၊ တသ္မာ ဘဂဝတော ဩရသပုတ္တဘာဝေါ-  
 ယေဝ ဟေသံ ဝတ္တဗ္ဗောတိ၊ ဧတေန စတုဗ္ဗိဓေသု ပုတ္တေသု အရိယသံဃဿ  
 အတ္တဇပုတ္တဘာဝံ ဒဿေတိ။ အတ္တနော ကုလံ ပုနေန္တိ သောဓေန္တိ၊  
 မာတာပိတုနံ ဝါ ဟဒယံ ပူရေန္တိတိ ပုတ္တာ၊ အတ္တဇာဒယော။ အရိယာ ပန  
 ဓမ္မတန္တိဝိသောဓနေန၊ ဓမ္မာနုဓမ္မပဋိပတ္တိယာ စိတ္တာရာဓနေန စ တပ္ပဋိ-  
 ဘာဂတာယ ဘဂဝတော ပုတ္တာ နာမ၊ ဟေသံ။ တဿ “သမူဟ”န္တိ  
 ပဒေန သမ္ပန္နော။

သံကိလေသနိမိတ္တံ ဟုတွာ ဂုဏံ မာရေတိ ဝိဗာဓတိတိ မာရော၊ ဒေဝပုတ္တ-  
 မာရော။ သိနာတိ ပရေ ဗန္ဓတိ တောယာတိ သေနာ၊ မာရဿ သေနာ  
 တထာ၊ မာရဉ္စ မာရသေနဉ္စ မထေန္တိ ဝိလောထေန္တိတိ မာရသေနမထနာ၊  
 ဟေသံ။ “မာရမာရသေနမထနာန”န္တိ ဟိ ဝတ္တဗ္ဗေပိ ဧကဒေသသရူပေက-  
 သေသဝသေန ဧဝံ ဝုတ္တံ။ မာရသဒ္ဓသန္တိဓာနေန ဝါ သေနာသဒ္ဓေန မာရသေနာ  
 ဂဟေတဗ္ဗာ၊ ဂါထာဗန္ဓဝသေန စေတ္ထ ရသေသ။ “မာရသေနမဒ္ဓနာန”န္တိပိ  
 ကတ္တမိ ပါဌော၊ သော အယုတ္တောဝ အရိယာဇာတိကတ္တာ ဣမိဿာ ဂါထာယ။  
 နနု စ အရိယသာဝကာနံ မဂ္ဂါဓိဂမသမယေ ဘဂဝတော ဝိယ တဒန္တရာယ-  
 ကရဏတ္ထံ ဒေဝပုတ္တမာရော ဝါ မာရသေနာ ဝါ န အပသာဒေတိ၊ အထ ကသ္မာ  
 ဧဝံ ဝုတ္တန္တိ? အပသာဒေတဗ္ဗဘာဝကာရဏဿ ဝိမထိတတ္တာ။ ဟေသဉ္စိ  
 အပသာဒေတဗ္ဗတာယ ကာရဏေ သံကိလေသေ ဝိမထိတေ တေပိ ဝိမထိတာ  
 နာမ ဟောန္တိတိ။ အထ ဝါ ခန္ဓာဘိသင်္ခါရမာရာနံ ဝိယ ဒေဝပုတ္တမာရဿာပိ  
 ဂုဏမာရဏေ သဟာယဘာဝူပဂမနတော ကိလေသဗလကာယော ဣဓ  
 “မာရသေနာ”တိ ဝုစ္စတိ။ ယထာဟ ဘဂဝါ—

“ကာမာ တေ ပဌမာ သေနာ၊ ဒုတိယာ အရတိ ဝုစ္စတိ။  
 တတိယာ ဒုပ္ပပါသာ တေ၊ စတုတ္ထိ တဏှာ ပဝုစ္စတိ။

ပဉ္စမံ ထိနမိဒ္ဓံ တေ၊ ဆဋ္ဌာ ဘိရူ ပဝုစ္စတိ။  
 သတ္တမိ ဝိစိကိစ္ဆာ တေ၊ မက္ခော ထမ္ဘော တေ အဋ္ဌမော။

လာဘော သိလောကော သက္ကာရော၊  
 မိစ္ဆာလဒ္ဓေါ စ ယော ယသော။  
 ယော စတ္တာနံ သမုက္ကံသေ၊  
 ပရေ စ အဝဇာနတိ။

အဓမ္မနာမေသိတ္တနိကာ၊ ဩရိန္ဒာ၊ ခရ၊ ဦးစီး၊ ဌာန  
 \* ဩ ဦးစီး  
 အဋ္ဌာနာမေသိတ္တနိကာ၊ ဩရိန္ဒာ၊ ခရ၊ ဦးစီး၊ ဌာန

သော နမုစိ တေ သေနာ၊ ကဏ္ဍဿာဘိပ္ပဟာရိနီ။  
န နံ အသုရော ဇိနာတိ၊ ဇေတွာ စ လဘတေ သုခ”န္တိ ၁။

သာ စ တေဟိ အရိယသာဝကေဟိ ဒိယဗုဒ္ဓဟဿဘေဒါ၊ အနန္တဘေဒါ ဝါ ကိလေသဝါဟိနီ သတိဓမ္မဝိစယဝိရိယသမထာဒိဂုဏပဟရဏီဟိ ဩဓိသော မထိတာ၊ ဝိဒ္ဓိသိတာ၊ ဝိဟတာ စ၊ တဿ “မာရသေနမထနာ”တိ ဝုစ္စန္တိ။ ဝိလောထနဉ္စေတ္ထ ဝိဒ္ဓိသနံ၊ ဝိဟနနံ ဝါ။ အပိ စ ခန္ဓာဘိသင်္ခါရမစ္စုဒေဝပုတ္တမာရာနံ တေသံ သဟာယဘာဝပုဂ္ဂမနတာယ သေနာသင်္ခါတဿ ကိလေသမာရဿ စ မထနတော “မာရသေနမထနာ”တိပိ အတ္ထော ဂဟေတဗ္ဗော။ ဧဝံ သတိ ပဉ္စမာရနိဗ္ဗထနဘာဝေန အတ္ထော ပရိပုဏ္ဏော ဟောတိ။ အရိယသာဝကာပိ ဟိ သမုဒယပ္ပဟာနပရိညာဝသေန ခန္ဓမာရံ၊ သဟာယဝေကလ္လကရဏေန သဗ္ဗထာ အပ္ပဝတ္တိကရဏေန စ အဘိသင်္ခါရမာရံ၊ ဗလဝိဓမနဝိသယာတိက္ကမနဝသေန မစ္စမာရံ၊ ဒေဝပုတ္တမာရဉ္စ သမုစ္ဆေဒပ္ပဟာနဝသေန သဗ္ဗသော အပ္ပဝတ္တိကရဏေန ကိလေသမာရံ မထေန္တိတိ။ ဣမိနာ ပန တေသံ ဩရသပုတ္တဘာဝေ ကာရဏံ၊ တီသု ပုတ္တေသု စ အနုဇာတတံ ဒဿေတိ။ မာရသေနမထနတာယ ဟိ တေ ဘဂဝတော ဩရသပုတ္တာ၊ အနုဇာတာ စာတိ။

အဋ္ဌန္တန္တိ ဂဏနပရိစ္ဆေဒေါ၊ တေန သတိပိ တေသံ တံတံဘေဒေန အနေကသတသဟဿသင်္ချာဘေဒေ အရိယဘာဝကရမဂ္ဂဖလဓမ္မဘေဒေန ဣမံ ဂဏနပရိစ္ဆေဒံ နာတိဝတ္တန္တိ မဂ္ဂဗ္ဗလဋ္ဌဘာဝါနတိဝတ္တနတောတိ ဒဿေတိ။ ဝိ-သဒ္ဓေါ၊ အဝိ-သဒ္ဓေါ ဝါ ပဒလိဋ္ဌာဒိနာ ကာရဏေန အဋ္ဌာနေ ပယုတ္တော၊ သော “အရိယသံဃ”န္တိ ဣတ္ထ ယောဇေတဗ္ဗော၊ တေန န ကေဝလံ ဗုဒ္ဓဓမ္မေယေဝ၊ အထ ခေါ အရိယသံဃမ္ပိတိ သမ္ပိဏ္ဏေတိ။ ယဒိပိ အဝယဝဝိနိမုတ္တော သမုဒါယောနာမ ကောစိ နတ္ထိ အဝယဝံ ဥပါဒါယ သမုဒါယဿ ဝတ္တဗ္ဗတ္တာ၊ အဝိညာယမာနသမုဒါယံ ပန ဝိညာယမာနသမုဒါယေန ဝိသေသိတုမရဟတိတိ အာဟ “အဋ္ဌန္တမ္ပိ သမူဟ”န္တိ၊ ဧတေန “အရိယသံဃ”န္တိ ဣတ္ထ န ယေန ကေနစိ သဏ္ဌာနာဒိနာ၊ ကာယသာမဂ္ဂိယာ ဝါ သမုဒါယဘာဝေါ၊ အပိ တု မဂ္ဂဗ္ဗလဋ္ဌဘာဝေနဝါတိ ဝိသေသေတိ။ အဝယဝမေဝ သမ္ပိဏ္ဏေတွာ ဦးဟိတဗ္ဗော ဝိတက္ကေတဗ္ဗော၊ သံဦးဟနိတဗ္ဗော ဝါ သင်္ခါတဗ္ဗောတိ သမူဟော၊ သောယေဝ သမောဟော ဝစနသိလိဋ္ဌတာဒိနာ။ ဒွိဓာပိ ဟိ ပါဌော ယုဇ္ဇတိ။ အာရကတ္တာ ကိလေသေဟိ၊ အနယေ န ဣရိယနတော၊ အယေ စ ဣရိယနတော အရိယာ

နိရုတ္တိနယောန။ အထ ဝါ သဒေဝကေန လောကေန သရဏန္တိ အရဏီယတော ဥပဂန္တဗ္ဗတော၊ ဥပဂတာနဉ္စ တဒတ္ထသိဒ္ဓိတော အရိယာ။ ဒိဋ္ဌိသီလသာမညေန သံဟတော၊ သမဂ္ဂံ ဝါ ကမ္မံ သမုဒါယဝသေန သမုပဂတောတိ သံဃော။ အရိယာနံ သံဃော၊ အရိယော စ သော သံဃော စ ယထာဂုတ္တနယောနာတိ ဝါ အရိယသံဃော။ တံ အရိယသံဃံ။ ဘဂဝတော အပရဘာဂေ ဗုဒ္ဓဓမ္မရတနာနမ္ပိ သမဓိဂမော သံဃရတနာဓိနောတိ အရိယသံဃဿ ဗဟူပကာရတံ ဒဿေတုံ ဣဓေဝ “သီရိသာ ဝဇ္ဇေ”တိ ဝုတ္တံ။ အဝဿဉ္စာယမတ္ထော သမ္ပုဋ္ဌိန္ဒြိယတဗ္ဗော ဝိနယဉ္စကထာဒီသုပိတံ တထာ ဝုတ္တတ္တာ။ ကေမိ ပန ပုရိမဂါထာသုပိ တံ ပဒမာနေတွာ ယောဇေန္တိ။ တဒယုတ္တမေဝ ရတနတ္ထယဿ အသာဓာရဏဂုဏပ္ပကာသနဋ္ဌာနတ္တာ၊ ယထာဂုတ္တကာရဏဿ စ သဗ္ဗေသမ္ပိ သံဝဏ္ဏနာကာရာနမဓိပေတတ္တာတိ။

ဣမာယ ပန ဂါထာယ အရိယသံဃဿ ပဘဝသမ္ပဒါပဟာနသမ္ပဒါဒယော အနေကေ ဂုဏာ ဒဿိတာ ဟောန္တိ။ ကထံ? “သုဂတဿ ဩရသာနံ ပုတ္တာန”န္တိ ဟိ ဧတေန အရိယသံဃဿ ပဘဝသမ္ပဒံ ဒဿေတိ သမ္မာသမ္ဗုဒ္ဓပဘဝတာဒီပနတော။ “မာရသေနမထနာန”န္တိ ဧတေန ပဟာနသမ္ပဒံ သကလသံကိလေသပ္ပဟာနဒီပနတော။ “အဋ္ဌန္တမ္ပိ သမူဟ”န္တိ ဧတေန ဉာဏသမ္ပဒံ မဂ္ဂဋ္ဌဖလဋ္ဌဘာဝဒီပနတော။ “အရိယသံဃ”န္တိ ဧတေန သဘာဝသမ္ပဒံ သဗ္ဗသံဃာနံ အဂ္ဂဘာဝဒီပနတော။ အထ ဝါ “သုဂတဿ ဩရသာနံ ပုတ္တာန”န္တိ အရိယသံဃဿ ဝိသုဒ္ဓနိဿယဘာဝဒီပနံ။ “မာရသေနမထနာန”န္တိ သမ္မာဥဇုညဿသာမိစိပဋိပန္နဘာဝဒီပနံ။ “အဋ္ဌန္တမ္ပိ သမူဟ”န္တိ အာဟုနေယျာဒီဘာဝဒီပနံ။ “အရိယသံဃ”န္တိ အနုတ္တရပုညက္ခေတ္တဘာဝဒီပနံ။ တထာ “သုဂတဿ ဩရသာနံ ပုတ္တာန”န္တိ ဧတေန အရိယသံဃဿ လောကုတ္တရသရဏဂမနသတ္တာဝံ ဒဿေတိ။ လောကုတ္တရသရဏဂမနေန ဟိ တေ ဘဂဝတော ဩရသပုတ္တာ ဇာတာ။ “မာရသေနမထနာန”န္တိ ဧတေန အဘိနိဟာရသမ္ပဒါသိဒ္ဓိ ပုဗ္ဗဘာဂသမ္မာပဋိပတ္တိံ ဒဿေတိ။ ကတာဘိနိဟာရာ ဟိ သမ္မာပဋိပန္နာမာရံ၊ မာရသေနံ ဝါ အဘိဝိဇိနန္တိ။ “အဋ္ဌန္တမ္ပိ သမူဟ”န္တိ ဧတေန ဝိဒ္ဓတ္ထဝိပက္ခေသေက္ခာသေက္ခဓမ္မေ ဒဿေတိ ပုဂ္ဂလာဓိဋ္ဌာနေန မဂ္ဂဖလဓမ္မာနံ ဒဿိတတ္တာ။ “အရိယသံဃ”န္တိ ဧတေန အဂ္ဂဒက္ခိဏေယျဘာဝံ ဒဿေတိ အနုတ္တရပုညက္ခေတ္တဘာဝဿ ဒဿိတတ္တာ။ သရဏဂမနဉ္စ သာဝကာနံ သဗ္ဗဂုဏဿ အာဒိ၊ သပုဗ္ဗဘာဂပဋိပဒါ သေက္ခာ သီလက္ခန္ဓာဒယော မဇ္ဈေ၊ အသေက္ခာ



အယမတ္ထော ပန နိဗ္ဗစနတ္ထဝသေန န ဝုတ္တော၊ အထ ကေနာတိ စေ? လောကေ  
 ရတနသမ္ပတဿ ဝတ္ထုနော ဂရုကာတဗ္ဗတာဒိအတ္ထဝသေနာတိ သဒ္ဓဝိဒူ။  
 သာဓုနဉ္စ ရမနတော၊ သံသာရဏ္ဏဝါ စ တရဏတော၊ သုဂတိနိဗ္ဗာနဉ္စ နယန-  
 တော ရတနံ တုလျုတ္ထသမာသဝသေန၊ အလမတိပပဉ္စေန။ ဧကသေသပကပ္ပ-  
 နေန၊ ပုထုဝစနနိဗ္ဗစနေန ဝါ ရတနာနိ။ တိဏ္ဍံ သမူဟော၊ တိဏ္ဍိ ဝါ သမာ-  
 ဟဋ္ဌာနိ၊ တယော ဝါ အဝယဝါ အဿာတိ တယံ၊ ရတနာနမေဝ တယံ၊  
 နာညေသန္တိ ရတနတ္ထယံ။ အဝယဝရိနိမုတ္တဿ ပန သမုဒါယဿ အဘာဝတော  
 တိဏ္ဍိ ဧဝ ရတနာနံ တထာ ဝုစ္စန္တိ၊ န သမုဒါယမတ္တံ၊ သမုဒါယာပေက္ခာယ  
 ပန ဧကဝစနံ ကတံ။ ဝန္တိယတေ ဝန္တနာ၊ သာဝ ဝန္တနာမယံ ယထာ  
 “ဒါနမယံ သီလမယ”န္တိ။ ဝန္တနာ စေတ္ထ ကာယဝါစာစိတ္တေဟိ တိဏ္ဍံ ရတနာနံ  
 ဂုဏနိန္ဒတာ၊ ထောမနာ ဝါ။ အပိစ တဿာ စေတနာယ သဟဇာတာ-  
 ဒေါပကာရကော သဒ္ဓါပညာသတိဝီရိယာဒိသမ္ပယုတ္တဓမ္မော ဝန္တနာ၊ တာယ  
 ပကတန္တိ ဝန္တနာမယံ ယထာ “သောဝဏ္ဏမယံ ရူပိယမယ”န္တိ၊ အတ္ထတော ပန  
 ယထာဝုတ္တစေတနာဝ။ ရတနတ္ထယေ၊ ရတနတ္ထယဿ ဝါ ဝန္တနာမယံ  
 ရတနတ္ထယဝန္တနာမယံ။ ပုဇ္ဇဘဝဗလနိဗ္ဗတ္တနတော ပုညံ နိရုတ္တိနယေန၊ အတ္ထ-  
 နော ကာရကံ၊ သန္တာနံ ဝါ ပုနာတိ ဝိသောဓေတိတိ ပုညံ၊ သကမ္မကတ္တာ  
 ဓာတုဿ ကာရိတဝသေန အတ္ထဝိဝရဏံ လဟ္တတိ၊ သဒ္ဓနိဗ္ဗုတ္တိ ပန သုဒ္ဓဝသေ-  
 နေဝါတိ သဒ္ဓဝိဒူ။

တံတံသမ္ပတ္တိယာ ဝိဗန္ဓနဝသေန သတ္တသန္တာနဿ အန္တရေ ဝေမဇ္ဈေ  
 တေ အာဂစ္ဆတိတိ အန္တရာယော၊ ဒိဋ္ဌဓမ္မိကာဒိအနတ္ထော။ ပဏာမ-  
 ပယောဇနေ ဝုတ္တဝိမိနာ သုဠု ဝိဟတော ဝိဒ္ဓသ္မော အန္တရာယော အဿာတိ  
 သုဝိဟတန္တရာယော။ ဝိဟနနဉ္စတ္ထ တဒုပ္ပါဒကဟေတုပရိဟရဏဝသေန  
 တေသံ အန္တရာယာနမနုပ္ပတ္တိကရဏန္တိ ဒဋ္ဌဗ္ဗံ။ ဟုတ္တာတိ ပုဗ္ဗကာလကိရိယာ၊  
 တဿ “အတ္ထံ ပကာသယိဿာမီ”တိ ဧတေန သမ္ပန္နော။ တဿာတိ  
 ယံ-သဒ္ဓေန ဥဒ္ဓိဋ္ဌဿ ဝန္တနာမယပုညဿ။ အာနုဘာဝေနာတိ ဗလေန။

“တေဇော ဥဿာဟမန္တာ စ၊ ပဘူ သတ္တိတိ ပဋိမေ။  
 ‘အာနုဘာဝေါ’တိ ဝုစ္စန္တိ၊ ‘ပဘာဝေါ’တိ စ တေ ဝဒေ”တိ၂—

ဝုတ္တေသု ဟိ အတ္ထေသု ဣဓ သတ္တိယံ ဝတ္တတိ။ အနု ပုနပ္ပုနံ တံသမ္ပိ  
 ဘာဝေတိ ဝဓေတိတိ ဟိ အနုဘာဝေါ၊ သောယေဝ အာနုဘာဝေါတိ

၁-ဒီ ၃-၁၇၂၊ ၃ ၁-၂၃၀၊ ၃ ၁၀-၄၃-ပိဋေသု။  
 ၂-သဒ္ဓနိတိပဒမာလာယံ တိလိင်္ဂနာမိကဓူပဝိဘာဝေ-၇၆-ပိဋေ။

ဥဒါနဋ္ဌကထာယံ၊ အတ္တတော ပန ယထာလဒ္ဓသမ္ပတ္တိနိမိတ္တကဿ ပုရိမ-  
ကမ္မဿ ဗလာနုပ္ပဒါနဝသသင်္ခါတာ ဝန္တနာမယပုညဿ သတ္တိယေဝ၊ သာ စ  
သုဝိဟတန္တရာယတာယ ကရဏံ၊ ဟေတု ဝါ သမ္ဘဝတိ။

ဧတ္ထ ပန “ပသန္နမတိနော”တိ ဧတေန အတ္တနော ပသာဒသမ္ပတ္တိ-  
ဒဿေတိ။ “ရတနတ္ထယဝန္တနာမယ”န္တိ ဧတေန ရတနတ္ထယဿ ခေတ္တဘာဝ-  
သမ္ပတ္တိံ၊ တတော စ တဿ ပုညဿ အတ္တနော ပသာဒသမ္ပတ္တိယာ၊ ရတနတ္ထ-  
ယဿ စ ခေတ္တဘာဝသမ္ပတ္တိယာတိ ဦးဟိ အင်္ဂေဟိ အတ္တသံဝဏ္ဏနာယ  
ဥပဿာတကဥပဒ္ဒဝါနံ ဝိဟနနေ သမတ္ထတံ ဒီပေတိ။ စတုရင်္ဂသမ္ပတ္တိယာ  
ဒါနစေတနာ ဝိယ ဟိ ဒွယင်္ဂသမ္ပတ္တိယာ ပဏာမစေတနာပိ အန္တရာယဝိဟန-  
နေန ဒိဋ္ဌဓမ္မိကာတိ။

ဧဝံ ရတနတ္ထယဿ နိပစ္စကာရကရဏေ ပယောဇနံ ဒဿေတွာ ဣဒါနိ  
ယဿာ ဓမ္မဒေသနာယ အတ္ထံ သံဝဏ္ဏေတုကာမော၊ တဒပိ သံဝဏ္ဏေတဗ္ဗ-  
ဓမ္မဘာဝေန ဒဿေတွာ ဂုဏာဘိတ္တဝနဝိသေသေန အဘိတ္တဝေတုံ “ဒီဃ-  
ဿာ”တိအာဒိမာဟ။ အယဉ္ဇိ အာစရိယဿ ပကတိ၊ ယဒိဒံ တံတံသံဝဏ္ဏ-  
နာသု အာဒိတော တဿ တဿ သံဝဏ္ဏေတဗ္ဗဓမ္မဿ ဝိသေသဂုဏကိတ္တ-  
နေန ထောမနာ။ တထာ ဟိ တေသု တေသု ပဗညေသု ဒနိဿာရတ္ထပကာသနိ-  
မနောရုထပူရဏီအဋ္ဌဿာလိနိအာဒိသု ယထာက္ကမံ “ပရဝါဒမထနဿ၊ ဉာဏပ္ပ-  
ဘေဒဇနနဿ၊ ဓမ္မကထိကပုဂံဝါနံ ဝိစိတ္တပဋိဘာနဇနနဿ၊

တဿ ဂမ္ဘိရဉာဏေဟိ၊ ဩဂါဠဿ အဘိဏ္ဍသော။  
နာနာနယဝိစိတ္တဿ၊ အဘိဓမ္မဿ အာဒိတော”တိအာဒိနာ—

ထောမနာ ကတာ။ တတ္ထ ဒီဃဿာတိ ဒီဃနာမကဿ။ ဒီဃ-  
သုတ္တင်္ဂိတဿာတိ ဒီဃေဟိ အဘိအာယတဝစနပ္ပဗန္ဓဝန္တေဟိ သုတ္တေဟိ  
လက္ခိတဿ၊ အနေန “ဒီဃော”တိ အယံ ဣမဿ အာဂမဿ အတ္တာနုဂတာ  
သမညာတိ ဒဿေတိ။ နန စ သုတ္တာနိယေဝ အာဂမော၊ ကထံ သော တေဟိ  
အင်္ဂီယတိတိ? သစ္စမေတံ ပရမတ္ထတော၊ ပညတ္တိတော ပန သုတ္တာနိ ဥပါ-  
ဒါယ အာဂမဘာဝဿ ပညတ္တတ္တာ အဝယဝေဟိ သုတ္တေဟိ အဝယဝိဘူတော  
အာဂမော အင်္ဂီယတိ။ ယထေဝ ဟိ အတ္ထဗျဉ္ဇနသမုဒါယေ “သုတ္တ”န္တိ ဝေါ-  
ဟာရော၊ ဧဝံ သုတ္တသမုဒါယေ အာဂမဝေါဟာရေတိ။ ပဋိစ္စသမုပ္ပါဒါဒိ-  
နိပုဏတ္ထဘာဝတော နိပုဏဿ။ အာဂစ္ဆန္တိ အတ္တတ္ထပရတ္တာဒယော ဧတ္ထ၊  
ဧတေန၊ ဧတသ္မာတိ ဝါ အာဂမော၊ ဥတ္တမဋ္ဌေန၊ ပတ္တနိယဋ္ဌေန စ သော

ဧဝံ သံဝဏ္ဏေတဗ္ဗဓမ္မဿ အဘိတ္ထဝနမ္ပိ ကတွာ ဣဒါနိ သံဝဏ္ဏနာယ  
 သမ္ပတိ ဝက္ခမာနာယ အာဂမနဝိသုဒ္ဓိံ ဒဿေတုံ “**အတ္ထပ္ပကာသနတ္ထ**” နိ-  
 အာဒိမာဟ။ ဣမာယ ဟိ ဂါထာယ သင်္ဂီတိတ္ထယမာရုဠဒီဃာဂမဋ္ဌကထာ-  
 တောဝ သီဟဋ္ဌဘာသာမတ္တံ ဝိနာ အယံ ဝက္ခမာနသံဝဏ္ဏနာ အာဂတာ၊  
 နာညတော၊ တဒေဝ ကာရဏံ ကတွာ ဝတ္ထဗ္ဗာ၊ နာညန္တိ အတ္တနော သံဝဏ္ဏ-  
 နာယ အာဂမနဝိသုဒ္ဓိံ ဒဿေတိ။ အပရောနယော— ပရမနိပုဏ္ဏဂန္တိရံ ဗုဒ္ဓ-  
 ဝိသယမာဂမဝရံ အတ္တနော ဗလေနော ဝဏ္ဏယိဿာမီတိ အညေဟိ ဝတ္ထုမ္ပိ  
 အသက္ကုဏေယျတ္တာ သံဝဏ္ဏနာနိဿယံ ဒဿေတုမာဟ “**အတ္ထပ္ပကာသ-  
 နတ္ထ**” နိအာဒိ။ ဣမာယ ဟိ ပုဗ္ဗာစရိယာနဘာဝံ နိဿာယေဝ တဿ အတ္ထံ  
 ဝဏ္ဏယိဿာမီတိ အတ္တနော သံဝဏ္ဏနာနိဿယံ ဒဿေတိ။ တတ္ထ **အတ္ထပ္ပကာ-  
 သနတ္ထ** နိ ပါဌတ္ထော၊ သဘာဝတ္ထော၊ ဥေယျတ္ထော၊ ပါဌာနရူပတ္ထော၊  
 တဒနရူပတ္ထော၊ သာဝသေသတ္ထော၊ နိဝရသေသတ္ထော၊ နိတတ္ထော၊

နေယျတ္ထောတိအာဒိနာ အနေကပ္ပကာရဿ အတ္တဿ ပကာသနတ္ထာယ၊ ပကာသနာယ ဝါ။ ဂါထာဗန္ဓသမ္ပတ္တိယာ ခွိဘာဝေါ။ အတ္ထော ကထိယတိ တောယာတိ အတ္တကထာ၊ သာယေဝ **အဋ္ဌကထာ** ဣ-ကာရဿ ဌ-ကာရံ ကတွာ ယထာ“ဒုက္ခဿ ပိဋနဋ္ဌော”တိ။ အယဉ္ဇ သသညောဂဝိမိ အရိယာ-ဇာတိဘာဝတော။ အက္ခရစိန္တကာပိ ဟိ “တထာနံ ဌယုဂ”န္တိ၊ လက္ခဏံ ဝတွာ ဣဒမေဝုဒါဟရန္တိ။

ယာယ’တ္ထမဘိဝဏ္ဏေန္တိ၊ ဗျဉ္ဇနတ္ထပဒါနံ။

နိဒါနဝတ္ထုသမ္ပန္တံ၊ သော အဋ္ဌကထာ မတာ။

**အာဒိတော**တိ အာဒိမှ ပဌမသင်္ဂီတိယံ။ ဆဋ္ဌဘိညတဘယ ပရမေန စိတ္တ-ဝသီဘာဝေန သမန္တာဂတတ္တာ၊ ဈာနာဒိသု ပဉ္စဝသီတာသမ္ဘာဝတော စ **ဝသီနော**၊ ထေရာ မဟာကဿပါဒယော၊ တေသံ **သတေဟိ ပဉ္စဟိ**။ ယာ သင်္ဂီတာတိ ယာ အဋ္ဌကထာ အတ္ထံ ပကာသေတုံ ယုတ္တဋ္ဌာနေ “အယမေ-တဿ အတ္ထော၊ အယမေတဿ အတ္ထော”တိ သင်္ဂဟေတွာ ဝုတ္တာ။ **အနုသင်္ဂီတာ** စ ပစ္ဆာဒိတိ န ကေဝလံ ပဌမသင်္ဂီတိယမေဝ၊ အထ ခေါ ပစ္ဆာ ဒုတိယ-တတိယသင်္ဂီတိသုပိ။ န စ ပဉ္စဟိ ဝသီသတေဟိ အာဒိတော သင်္ဂီတာယေဝ၊ အပိ တု ယသတ္ထေရာဒိဟိ အနုသင်္ဂီတာ စာတိ သဟ သမုစ္စယေန အတ္ထော ဝေဒိတဗ္ဗော။ သမုစ္စယဒ္ဓယဉ္စိ ပစ္စေကံ ကိရိယာကာလံ သမုစ္စိနောတိ။

အထ ပေါရာဏဋ္ဌကထာယ ဝိဇ္ဇမာနာယ ကိမေတာယ အရနာ ပုန ကတာယ သံဝဏ္ဏနာယာတိ ပုနရုတ္တိယာ၊ နိရုတ္တကတာယ စ ဒေါသံ သမနုဿ-ရိတွာ တံ ပရိဟရန္တော “**သီဟဋ္ဌာဒိပ**”န္တိ အာဒိမာဟ။ တံ ပရိဟရဏေနေဝ ဟိ ဣမိဿာ သံဝဏ္ဏနာယ နိမိတ္တံ ဒဿေတိ။ တတ္ထ သီဟံ လာတိ ဂဏှာတိတိ **သီဟဋ္ဌော** လ-ကာရဿ ဌ-ကာရံ ကတွာ ယထာ “ဂရုဋ္ဌော”တိ။ တသ္မိံ ဝံသေ အာဒိပုရိသော သီဟကုမာရော၊ တဗ္ဗံသဇာတာ ပန တမ္ပပဏ္ဍိဒိပေ ခတ္တိယာ၊ သဗ္ဗေပိ စ ဇနာ တဒ္ဓိတဝသေန၊ သဒိသဝေါဟာရေန ဝါ သီဟဋ္ဌာ၊ တေသံ နိဝါသဒိပေါပိ တဒ္ဓိတဝသေန၊ ဌာနိနာမေန ဝါ “သီဟဋ္ဌော”တိ ဝေဒိတဗ္ဗော။ ဇလမဇ္ဈေ ဒိပ္ပတိ၊ ဒွိဓာ ဝါ အာပေါ ဧတ္ထ သန္တတိတိ ဒိပေါ၊ သောယေဝ **ဒိပေါ**၊ ဘေဒါပေက္ခာယ တေသံ ဒိပေါတိ တထာ။ **ဗနသဒ္ဓေါ** အရုစိသံသု-စနေ၊ တေန ကာမဉ္ဇ သာ သင်္ဂီတိတ္ထယမာရဋ္ဌာ၊ တထာပိ ပုန ဧဝံဘူတာတိ အရုစိယဘာဝံ သံသုစေတိ။ တဒတ္ထသမ္ပန္နတာယ ပန ပုရိမဂါထာယ “ကာမဉ္ဇ

သင်္ဂီတာ အနုသင်္ဂီတာ စာ”တိ သာနုဂ္ဂဟတ္ထယောဇနာ သမ္ပဝတိ။ အညတ္တာပိ  
 ဟိ တထာ ဒိဿတိတိ။ အာဘတတိ ဇမ္ဗုဒီပတော အာနိတာ။ အထာတိ  
 သင်္ဂီတိကာလတော ပစ္ဆာ၊ ဧဝံ သတိ အာဘတပဒေန သမ္ပန္နော။ အထာတိ  
 ဝါ မဟာမဟိန္ဒတ္ထေရေနာဘတကာလတော ပစ္ဆာ၊ ဧဝံ သတိ ဌပိတပဒေန  
 သမ္ပန္နော။ သာ ဟိ ဓမ္မသင်္ဂါဟကတ္ထေရေဟိ ပဌမံ တိဏိ ပိဋကနိ သင်္ဂါယိတွာ  
 တဿ အတ္ထသံဝဏ္ဏနာနုရူပေနော ဝါစနာမဂ္ဂံ အာရောပိတတ္တာ တိဿော  
 သင်္ဂီတိယော အာရဠာယေဝ၊ တတော ပစ္ဆာ စ မဟာမဟိန္ဒတ္ထေရေန  
 တမ္ပပဏ္ဍိတိပမာဘတ၊ ပစ္ဆာ ပန တမ္ပပဏ္ဍိယေဟိ မဟာထေရေဟိ နိကာ-  
 ယန္တရလဒ္ဓိသင်္ဂရပရိဟရဏတ္ထံ သီဟဠာဘာသာယ ဌပိတာတိ။ အာစရိယဓမ္မ-  
 ပါလတ္ထေရော ပန ပစ္စိမသမ္ပန္နမေဝ ဒုဒ္ဒသတ္တာ ပကာသေတိ။ တထာ  
 “ဒီပဝါသီနမတ္တာယာ”တိ ဣဒမ္ပိ “ဌပိတာ”တိ စ “အပနောတွာ အာရော-  
 ပေန္တော”တိ စ ဧတေဟိ ပဒေဟိ သမ္ပဇ္ဈိတဗ္ဗံ။ ဧကပဒမ္ပိ ဟိ အာဝုတ္တိယာဒိ-  
 နသေဟိ အနောကတ္ထသမ္ပန္နမုပဂစ္ဆတိ။ ပုရိမသမ္ပန္နေန စေတ္ထ သီဟဠာဒီပဝါသီန-  
 မတ္တာယ နိကာယန္တရလဒ္ဓိသင်္ဂရပရိဟရဏေန သီဟဠာဘာသာယ ဌပိတာတိ  
 တမ္ပပဏ္ဍိယတ္ထေရေဟိ ဌပနပယောဇနံ ဒသေတိ။ ပစ္စိမသမ္ပန္နေန ပန ဣမာယ  
 သံဝဏ္ဏနာယ ဇမ္ဗုဒီပဝါသီနံ၊ အညဒီပဝါသီနဉ္စ အတ္တာယ သီဟဠာဘာသာပန-  
 ယနဿ၊ တန္တိနယာနုစ္ဆရိကဘာသာရောပနဿ စ ပယောဇနန္တိ။ မဟာ-  
 ဣဿရိယတ္တာ မဟိန္ဒောတိ ရာဇကုမာရကာလေ နာမံ၊ ပစ္ဆာ ပန ဂုဏ-  
 မဟန္တတယ မဟာမဟိန္ဒောတိ ဂုစ္ဆတိ။ သီဟဠာဘာသာ နာမ အနောကတ္တ-  
 ရေဟိ ဧကတ္ထဿာပိ ဝေါဟရဏတော ပရေသံ ဝေါဟရိတုံ အတိဒုက္ကရာ  
 ကမ္ဘုကသဒိသာ သီဟဠာနံ သမုဒါစိဏ္ဏာ ဘာသာ။

ဧဝံ ဟောတု ပေါရာဏဋ္ဌကထာယ၊ အရနာ ကရိယမာနာ ပန အဋ္ဌကထာ  
 ကထံ ကရိယတိတိ အနုယောဂေ သတိ ဣဓိဿာ အဋ္ဌကထာယ ကရဏပ္ပကာရံ  
 ဒသေတုမာဟ “အပနောတွာနာ”တိအာဒိ။ တတ္ထ တတော မူလဋ္ဌကထာတော  
 သီဟဠာဘာသံ အပနောတွာ ပေါတ္ထကေ အနာရောပိတဘာဝေန နိရင်္ဂရိတွာတိ  
 သမ္ပန္နော၊ ဧတေန အယံ ဝက္ခမာနာ အဋ္ဌကထာ သင်္ဂီတိတ္ထယမာရောပိတယ  
 မူလဋ္ဌကထာယ သီဟဠာဘာသာပနယနမတ္ထမညတြိ အတ္ထတော သံသန္တတိ  
 စေဝ သမေတိ စ ယထာ “ဂင်္ဂေါဒကေန ယမုနောဒက”န္တိ ဒသေတိ။ “မနော-  
 ရမ”မိစ္စာဒီနိ “ဘာသ”န္တိ ဧတဿ သဘာဝနိရုတ္တိဘာဝဒီပကာနိ ဝိသေသနာနိ။  
 သဘာဝနိရုတ္တိဘာဝေန ဟိ ပဏ္ဍိတာနံ မနံ ရမယတိတိ မနောရမာ။ တနောတိ  
 အတ္ထမေတာယ၊ တနိယတိ ဝါ အတ္ထဝသေန ဝိဝရိယတိ၊ ဝနုတော ဝါ သတ္ထေ

တာရေတိ၊ နာနာတ္ထဝိသယံ ဝါ ကင်္ခံ တရန္တိ ဧတာယာတိ တန္တိ၊ ပါဠိ။  
တဿ နယသင်္ခါတာယ ဂတိယာ ဆဝိံ ဆာယံ အနုဂတာတိ တန္တိနယာ-  
နုန္တိမိကာ။ အသဘာဝနိရုတ္တိဘာသန္တရသံကိဏ္ဍဒေါသဝိရဟိတတာယ ဝိဂတ-  
ဒေါသာ၊ တာဒိသံ သဘာဝနိရုတ္တိဘူတံ—

“သာ မာဂဓာ မူလဘာသာ၊ နရာ ယာယာ’ဒိကပ္ပိကာ။  
ဗြဟ္မာနော စဿုတာလာပါ၊ သမ္ပုဒ္ဓါ စာပိ ဘာသရေ”တိ—

ဝုတ္တံ ပါဠိဂတိဘာသံ ပေါတ္ထကေ လိခနဝသေန အာရောပေန္နောတိ အတ္ထော၊  
ဣမိနာ သဒ္ဓဒေါသာဘာဝမာဟ။

သမယံ အဝိလောမေန္နောတိ သိဒ္ဓန္တမဝိရောဓေန္နော၊ ဣမိနာ ပန အတ္ထ-  
ဒေါသာဘာဝမာဟ။ အဝိရုဒ္ဓတ္တာ ဧဝ ဟိ တေ ထေရဝါဒါပိ ဣဓ ပကာ-  
သသိဿန္တိ။ ကေသံ ပန သမယန္တိ အာဟ “ထေရာန”န္တိအာဒိ၊  
ဧတေန ရာဟုလာစရိယာဒီနံ ဇေတဝနဝါသီအာယဂိရိဝါသီနိကာယာနံ သမယံ  
နိဝတ္တေတိ။ ထိရေဟိ သီလသုတဈာနဝိပုတ္တိသင်္ခါတေဟိ ဂုဏေဟိ သမန္ဓာ-  
ဂတာတိ ထေရာ။ ယထာဟ “စတ္တာရောမေ ဘိက္ခဝေ ထေရကရဏာ ဓမ္မာ။  
ကတမေ စတ္တာရော? ဣဓ ဘိက္ခဝေ ဘိက္ခု သီလဝါ ဟောတိ”တိအာဒိ။ အပိစ  
သစ္စဓမ္မာဒီဟိ ထိရကရဏေဟိ သမန္ဓာဂတတ္တာ ထေရာ။ ယထာဟ ဓမ္မရာဇာ  
ဓမ္မပဒေ—

“ယမ္ပိ သစ္စဉ္စ ဓမ္မော စ၊ အဘိံသာ သံယမော ဒမော။  
သ ဝေ ဝန္တမလော မိရော၊ ‘ထေရာ’ဣတိ ပဝုစ္စတိ”တိ?။

တေသံ။ မဟာကဿပတ္ထေရာဒီဟိ အာဂတာ အာစရိယပရမ္ပရာ ထေရ-  
ဝံသော၊ တပ္ပရိယာပန္နာ ဟုတ္တာ အာဂမာဓိဂမသမ္ပန္နတ္တာ ပညာပဇ္ဇောတေန  
တဿ သမုဇ္ဈလနတော တံ ပကာရေန ဒီပေန္တိ၊ တသ္မိံ ဝါ ပဒီပသဒိသာတိ  
ထေရဝံသပဒီပါ။ ဝိဝိဓေန အာကာရေန နိစ္ဆိယတိတိ ဝိနိစ္ဆယော၊ ဂဏှိ-  
ဌာနေသု ဒီလမဒ္ဓနာကာရေန ပဝတ္တာ ဝိမတိစ္ဆေဒနိကထာ၊ သုဠု နိပုဏော  
သဏှော ဝိနိစ္ဆယော ဧတေသန္တိ သုနိပုဏဝိနိစ္ဆယာ။ အထ ဝါ ဝိနိစ္ဆိနောတိတိ  
ဝိနိစ္ဆယော၊ ယထာဝုတ္တဝိသယံ ဉာဏံ၊ သုဠု နိပုဏော ဆေကော ဝိနိစ္ဆယော  
ဧတေသန္တိ သုနိပုဏဝိနိစ္ဆယာ။ မဟာမေဃဝနေ ဌိတော ဝိဟာရော မဟာ-  
ဝိဟာရော၊ ယော သတ္ထု မဟာဗောဓိနာ ဝိရောစတိ၊ တသ္မိံ ဝသနသီလာ

၁-ရူပသိဒ္ဓိယံ ၆၀-ပိဋေ၊ ကာရိကာယံ ၁၁၅၈-ဂါထာ။ ၂-အံ ၁-၃၃၁-ပိဋေ။  
၃-ခု ၁-၅၁-ပိဋေ ဓမ္မပဒေ။

မဟာဝိဟာရဝါသီနော၊ တာဒိသာနံ သမယံ အဝိလောမေန္တောတိ အတ္ထော၊  
ဧတေန မဟာကဿပါဒိထေရပရမ္ပရာဂတော၊ တတောယေဝ အဝိပရိတော  
သဏ္ဌသုခုမော ဝိနိစ္ဆယောတိ မဟာဝိဟာရဝါသီနံ သမယဿ ပမာဏဘူတတံ  
ပုဂ္ဂလာဓိဋ္ဌာနဝသေန ဒဿေတိ။

ဟိတွာ ပုနပ္ပုနာဘတမတ္တန္တိ ကေတ္တ ဝုတ္တမ္ပိ ပုန အညတ္တ အာဘတမတ္တံ  
ပုနရုတ္တိဘာဝတော၊ ဂန္ထဂရုကဘာဝတော စ စဇိတွာ တဿ အာဂမဝရဿ  
အတ္တံ ပကာသယိဿာမိတိ အတ္ထော။

ဧဝံ ကရဏပ္ပကာရမ္ပိ ဒဿေတွာ “ဒီပဝါသီနမတ္ထာယာ”တိ ဝုတ္တပ္ပ-  
ယောဇနတော အညမ္ပိ သံဝဏ္ဏနာယ ပယောဇနံ ဒဿေတုံ “သုဇနဿ  
စာ”တိအာဒိမာဟ။ တတ္ထ သုဇနဿ စာတိ စ-သဒ္ဓေါ သမုစ္စယတ္ထော၊ တေန  
န ကေဝလံ ဇမ္ပဒီပဝါသီနမေဝ အတ္ထာယ၊ အထ ခေါ သာဓုဇနတော-  
သနတ္ထန္တာတိ သမုစ္စိနောတိ။ တေနေဝ စ တမ္ပပဏ္ဍိဒီပဝါသီနမ္ပိ အတ္ထာယာတိ  
အယမတ္ထော သိဒ္ဓေါ ဟောတိ ဥဂ္ဂဟဏာဒိသုကရတာယ တေသမ္ပိ ဗဟူ-  
ပကာရတ္တာ။ ဖိရဋ္ဌိတတ္ထန္တာတိ ဧတ္ထာပိ စ-သဒ္ဓေါ န ကေဝလံ တဒုဘယတ္ထ-  
မေဝ၊ အပိ တု တိဝိဓဿာပိ သာသနဓမ္မဿ၊ ပရိယတ္တိဓမ္မဿ ဝါ ပဉ္စဝဿ-  
သဟဿပရိမာဏံ စိရကာလံ ဌိတတ္ထန္တာတိ သမုစ္စယတ္ထမေဝ ဒဿေတိ။ ပရိ-  
ယတ္တိဓမ္မဿ ဟိ ဌိတိယာ ပဋိပတ္တိဓမ္မပဋိဝေဓဓမ္မာနမ္ပိ ဌိတိ ဟောတိ တဿေဝ  
ဘေသံ မူလဘာဝတော။ ပရိယတ္တိဓမ္မော ပန သုနိက္ခိတ္တေန ပဒဗျဉ္ဇနေန၊  
တဒတ္ထေန စ စိရံ သမ္မာ ပဘိဋ္ဌာတိ၊ သံဝဏ္ဏနာယ စ ပဒဗျဉ္ဇနံ အဝိပရိတံ  
သုနိက္ခိတ္တံ၊ တဒတ္ထောပိ အဝိပရိတော သုနိက္ခိတ္တော ဟောတိ၊ တဿှာ သံဝဏ္ဏ-  
နာယ အဝိပရိတဿ ပဒဗျဉ္ဇနဿ၊ တဒတ္ထဿ စ သုနိက္ခိတ္တဿ ဥပါယဘာဝ-  
မုပါဒါယ ဝုတ္တံ “ဖိရဋ္ဌိတတ္ထန္တ ဓမ္မဿာ”တိ။ ဝုတ္တဉ္ဇေတံ ဘဂဝတာ—

“ဒွေမေ ဘိက္ခဝေ ဓမ္မာ သဒ္ဓမ္မဿ ဌိတိယာ အသမ္မောသာယ  
အနန္တရဓာနာယ သံဝတ္တန္တိ။ ကတမေ ဒွေ? သုနိက္ခိတ္တန္တ ပဒဗျဉ္ဇနံ၊  
အတ္ထော စ သုနိတော၊ ဣမေ ခေါ။ပ။ သံဝတ္တန္တိ”တိအာဒိ။

ဧဝံ ပယောဇနမ္ပိ ဒဿေတွာ ဝက္ခမာနာယ သံဝဏ္ဏနာယ မဟတ္တပရိစ္စာ-  
ဂေန ဂန္ထဂရုကဘာဝံ ပရိဟရိတုမာဟ “သီလကထာ”တိအာဒိ။ တထာဟိ ဝုတ္တံ  
“န တံ ဝိစရယိဿာမိ”တိ။ အပရော နယော— ယဒဋ္ဌကထံ ကတ္ထုကာမော၊  
တဒေကဒေသဘာဝေန ဝိသုဒ္ဓိမဂ္ဂေါ ဂဟေတဗ္ဗောတိ ကထိကာနံ ဥပဒေသံ

ကရောန္တော တတ္ထ ဝိစာရိတဓမ္မေ ဥဒ္ဓေသဝသေန ဒဿေတုမာဟ “သီလ-  
ကထာ”တိအာဒိ။ တတ္ထ သီလကထာတိ စာရိတ္တဝါရိတ္တာဒိဝသေန သီလ-  
ဝိတ္တာရကထာ။ ဓုတဓမ္မာတိ ပိဏ္ဍပါတိကင်္ဂါဒယော တေရသ ကိလေသဓုနန-  
ကဓမ္မာ။ ကမ္မဋ္ဌာနာနီတိ ဘာဝနာသင်္ခါတဿ ယောဂကမ္မဿ ပဝတ္တိဋ္ဌာနတ္တာ  
ကမ္မဋ္ဌာနနာမာနိ ဓမ္မဇာတာနိ။ တာနိ ပန ပါဠိယမာဂတာနိ အဋ္ဌတိသေဝ  
န ဂဟေတဗ္ဗာနိ၊ အထ ခေါ အဋ္ဌကထာယမာဂတာနိပိ ဒွေတိ ဉ္စပေတုံ  
“သဗ္ဗာနိဝိ”တိ ဝုတ္တံ။ စရိယာဝိဇာနသဟိတောတိ ရာဂစရိတာဒိနံ သဘာဝါဒိ-  
ဝိဇာနေန သဟ ပဝတ္တော၊ ဣဒံ ပန “ဈာနသမာပတ္တိဝိတ္တာရော”တိ ဣမဿ  
ဝိသေသနံ။ ဧတ္ထ စ ရူပါဝစရဇ္ဈာနာနိ ဈာနံ၊ အရူပါဝစရဇ္ဈာနာနိ သမာပတ္တိ။  
တဒုဘယမ္ပိ ဝါ ပဋိလဒ္ဓမတ္တံ ဈာနံ၊ သမာပဇ္ဇနဝသိဘာဝပုတ္တံ သမာပတ္တိ။  
အပိစ တဒပိ ဥဘယံ ဈာနမေဝ၊ ဖလသမာပတ္တိနိရောဓသမာပတ္တိယော ပန  
သမာပတ္တိ၊ တာသံ ဝိတ္တာရောတိ အတ္တော။

လောကီယလောကုတ္တရဘေဒါနံ ဆန္ဒမ္ပိ အဘိညာနံ ဂဟဏတ္ထံ “သဗ္ဗာ စ  
အဘိညာယော”တိ ဝုတ္တံ။ ဉ္စဏဝိဘင်္ဂါဒိသု<sup>၁</sup> အာဂတနယေန ကေဝိဇာဒိနာ  
ဘေဒေန ပညာယ သင်္ကလယိတွာ သမ္ပိဏ္ဍေတွာ၊ ဂဏေတွာ ဝါ ဝိနိစ္ဆယနံ  
ပညာသင်္ကလနဝိနိစ္ဆယော။ အရိယာနီတိ ဗုဒ္ဓါဒိဟိ အရိယေဟိ ပဋိဝိဇ္ဇိ-  
တဗ္ဗတ္တာ၊ အရိယဘာဝသာမေတ္တာ ဝါ အရိယာနိ ဥတ္တရပဒလောပေန။  
အဝိတထဘာဝေန ဝါ အရဏီယတ္တာ၊ အဝဂန္တဗ္ဗတ္တာ အရိယာနိ၊ “သစ္စာနိ”တိ-  
မဿ ဝိသေသနံ။

ဟေတာဒိပစ္စယဓမ္မာနံ ဟေတုပစ္စယာဒိဘာဝေန ပစ္စယုပ္ပန္နဓမ္မာနမုပကာရ-  
ကတာ ပစ္စယာကာရော၊ တဿ ဒေသနာ တထာ၊ ပဋိစ္စသမုပ္ပါဒကထာတိ  
အတ္တော။ သာ ပန နိကာယန္တရလဒ္ဓိသင်္ကရရဟိတတာယ သုဠ၊ ပရိသုဒ္ဓါ၊  
သနဝိနိဗ္ဗောဂဿ စ သုဒုက္ကရတာယ နိပုဏာ၊ ဧကတ္တာဒိနယသဟိတာ စ  
တတ္ထ ဝိစာရိတာတိ အာဟ “သုပရိသုဒ္ဓနိပုဏနယာ”တိ။ ပဒတ္တယမ္ပိ ဟေတံ  
ပစ္စယာကာရဒေသနာယ ဝိသေသနံ။ ပဋိသတ္တိဒါဒိသု အာဂတနယံ အဝိသ-  
ဇ္ဇိတွာဝ ဝိစာရိတတ္တာ အဝိမုတ္တော တန္တိမဂ္ဂေါ ယဿာတိ အဝိမုတ္တတန္တိမဂ္ဂါ။  
မဂ္ဂေါတိ စေတ္ထ ပါဠိသင်္ခါတော ဥပါယော တံတဒတ္တာနံ အဝဗောဓဿ၊  
သစ္စပဋိဝေဓဿ ဝါ ဥပါယဘာဝတော။ ပဗန္ဓော ဝါ ဒီဃဘာဝေန ပကတိမဂ္ဂ-  
သဒိသတ္တာ၊ ဣဒံ ပန “ဝိပဿနာ၊ ဘာဝနာ”တိ ပဒဒ္ဓယဿ ဝိသေသနံ။

ဣတိ ပန သဗ္ဗန္တိ ဣတ္ထ ဣတိ-သဒ္ဓေါ ပရိသမာပနေ ယထာဥဒ္ဓိဋ္ဌဉဒ္ဓေသဿ ပရိနိဋ္ဌိတတ္တာ၊ ဣတ္ထကံ သဗ္ဗန္တိ အတ္ထော။ ပနာတိ ဝစနာလင်္ကာရမတ္ထံ ဝိသု အတ္တာဘာဝတော။ ပဒတ္ထသံကိဏ္ဏဿ၊ ဝတ္တဗ္ဗဿ စ အဝုတ္တဿ အဝသေသဿ အဘာဝတော သုဝိညေယျဘာဝေန သုပရိသုန္ဒံ၊ “သဗ္ဗ”န္တိ ဣမိနာ သမ္ပန္နော၊ ဘာဝနပုံသကံ ဝါ ဧတံ “ဝုတ္တ”န္တိ ဣမိနာ သမ္ပဇ္ဈနတော။ ဘိယျောတိ အတိရေကံ၊ အတိဝိတ္တာရန္တိ အတ္ထော၊ ဧတေန ပဒတ္ထမတ္တမေဝ ဝိစာရယိ-ဿာမီတိ ဒဿေတိ။ ဧတံ သဗ္ဗံ ဣဓ အဋ္ဌကထာယ န ဝိစာရယိဿာမိ ပုနရုတ္တိဘာဝတော၊ ဂန္ထဂရုကဘာဝတော စာတိ အဓိပ္ပါယော။ ဝိစာရယိဿာမီတိ စ ဂါထာဘာဝတော န ဝုဒ္ဓိဘာဝေါတိ ဒဋ္ဌဗ္ဗံ။

ဧဝမ္ပိ ဧသ ဝိသုဒ္ဓိမဂ္ဂေါ အာဂမာနမတ္ထံ န ပကာသေယျ၊ အထ သဗ္ဗောပေသော ဣဓ ဝိစာရိတဗ္ဗောယေဝါတိ စောဒနာယ တထာ အဝိ-စာရဏဿ ဧကန္တကာရဏံ နိဒ္ဓါရေတွာ တံ ပရိဟရန္တော “မဇ္ဈေ ဝိသုဒ္ဓိ-မဂ္ဂေါ”တိ အာဒိမာဟ။ တတ္ထ မဇ္ဈေတိ ခုဒ္ဒကတော အညေသံ စတုန္တမ္ပိ အာဂမာနံ အပ္ပန္နရေ။ ဟိ-သဒ္ဓေါ ကာရဏေ၊ တေန ယထာဝုတ္တံ ကာရဏံ ဇောတေတိ။ တတ္ထာတိ တေသု စတုသု အာဂမေသု။ ယထာဘာသိတန္တိ ဘဂဝတာ ယံ ယံ ဒေသိတံ၊ ဒေသိတာနုရူပံ ဝါ။ အပိစ သံဝဏ္ဏကေဟိ သံဝဏ္ဏနာဝသေန ယံ ယံ ဘာသိတံ၊ ဘာသိတာနုရူပန္တိပိ အတ္ထော။ ဣစ္စေဝါတိ ဣတ္ထ ဣတိ-သဒ္ဓေန ယထာဝုတ္တံ ကာရဏံ နိဒ္ဓေသေတိ၊ ဣမိနာဝ ကာရဏေန၊ ဣဒမေဝ ဝါ ကာရဏံ မနသိ သန္တိဓာယာတိ အတ္ထော။ ကတောတိ ဣတ္ထာပိ “ဝိသုဒ္ဓိမဂ္ဂေါ ဧသ”တိ ပဒံ ကမ္မဘာဝေန သမ္ပဇ္ဈတိ အာဝုတ္တိယာဒိနယေနာတိ ဒဋ္ဌဗ္ဗံ။ တမ္ပိတိ တံ ဝိသုဒ္ဓိမဂ္ဂမ္ပိ ဉာဏေန ဂဟေတွာန။ တောယာတိ သုမင်္ဂလ-ဝိလာသိနိယာ နာမ တောယ အဋ္ဌကထာယ။ ဣတ္ထ စ “မဇ္ဈေ ဌတွာ”တိ ဧတေန မဇ္ဈတ္တဘာဝဒီပနေန ဝိသေသတော စတုန္တမ္ပိ အာဂမာနံ သာဓာ-ရဏဌကထာ ဝိသုဒ္ဓိမဂ္ဂေါ၊ န သုမင်္ဂလဝိလာသိနိအာဒယော ဝိယ အသာ-ဓာရဏဌကထာတိ ဒဿေတိ။ အဝိသေသတော ပန ဝိနယာဘိဓမ္မာနမ္ပိ ယထာရဟံ သာဓာရဏဌကထာ ဟောတိယေဝ၊ တေဟိ သမ္ပိဿတာယ စ တဒဝသေသဿ ခုဒ္ဒကာဂမဿ ဝိသေသတော သာဓာရဏာ သမာနာပိ တံ ဌပေတွာ စတုန္တမေဝ အာဂမာနံ သာဓာရဏာတွေဝ ဝုတ္တာတိ။

ဣတိ သောဠသဂါထာဝဏ္ဏနာ။

ဂန္ထာရမ္မကထာဝဏ္ဏနာ နိဋ္ဌိတာ။

## နိဒါနကထာဝဋ္ဌာနာ

ဧဝံ ယထာဝုတ္တေန ဝိဝိဓေန နယေန ပဏာမာဒိကံ ပကရဏာရမ္ဘဝိဓာနံ ကတွာ ဣဒါနိ ဝိဘာဂဝန္တာနံ သဘာဝဝိဘာဝနံ ဝိဘာဂဒဿနဝသေနဝ သုဝိဘာဝိတံ၊ သုဝိညာပိတဉ္စ ဟောတိတိ ပဌမံ တာဝ ဝဂ္ဂသုတ္တဝသေန ဝိဘာဝိ ဒဿေတုံ “တတ္ထ ဒိဃာဂမော နာမာ”တိအာဒိမာဟ။ တတ္ထ တတ္ထာတိ “ဒိဃဿ အာဂမဝရဿ အတ္ထံ ပကာသယိဿာမီ”တိ ယဒိဒံ ဝုတ္တံ၊ တသ္မိံ ဝစနေ။ “ယဿ အတ္ထံ ပကာသယိဿာမီ”တိ ပဋိညာတံ၊ သော ဒိဃာဂမော နာမ ဝဂ္ဂသုတ္တဝသေန ဧဝံ ဝေဒိတဗ္ဗော၊ ဧဝံ ဝိဘာဂေါတိ ဝါ အတ္ထော။ အထ ဝါ တတ္ထာတိ “ဒိဃာဂမနိဿိတ”န္တိ ယံ ဝုတ္တံ၊ ဧတသ္မိံ ဝစနေ။ ယော ဒိဃာဂမော ဝုတ္တော၊ သော ဒိဃာဂမော နာမ ဝဂ္ဂသုတ္တဝသေန။ ဧဝံ ဝိဘဇိ-တဗ္ဗော၊ ဧဒိသောတိ ဝါ အတ္ထော။ “ဒိဃဿာ”တိအာဒိနာ ဟိ ဝုတ္တံ ခူရဝစနံ တံ-သဒ္ဓေန ပဋိနိဒ္ဓိသတိ ဝိယ “ဒိဃာဂမနိဿိတ”န္တိ ဝုတ္တံ အာသန္နဝစနမ္ပိ တံ-သဒ္ဓေန ပဋိနိဒ္ဓိသတိ အတ္တနော ဗုဒ္ဓိယံ ပရမ္ပုခံ ဝိယ ပရိဝတ္တမာနံ ဟုတွာ ပဝတ္တနတော။ ဧဒိသေသု ဟိ ဌာနေသု အတ္တနော ဗုဒ္ဓိယံ သမ္ပုခံ ဝါ ပရမ္ပုခံ ဝါ ပရိဝတ္တမာနံ ယထာ တထာ ဝါ ပဋိနိဒ္ဓိသိတုံ ဝနုတိ သဒ္ဓမတ္တပဋိနိဒ္ဓေသေန အတ္တဿာဝိရောဓနတော။ ဝဂ္ဂသုတ္တာဒိနံ နိဗ္ဗစနံ ပရတော အာဝိ ဘဝိဿတိ။ တယော ဝဂ္ဂါ ယဿာတိ တိဓဂ္ဂေါ။ စတုတ္ထိံသ သုတ္တာနိ ဧတ္ထ သင်္ဂယန္တိ၊ တေသံ ဝါသင်္ဂဟော ဂဏနာ ဧတ္တာတိ စတုတ္ထိံသသုတ္တသင်္ဂဟော။

အတ္တနော သံဝဏ္ဏနာယ ပဌမသင်္ဂီတိယံ နိက္ခိတ္တာနုက္ကမေနော ပဝတ္တဘာဝံ ဒဿေတုံ “တဿ။ ပ။ နိဒါနမာဒိ”တိဝုတ္တံ။ အာဒိဘာဝေါဟေတ္ထ သင်္ဂီတိက္က-မေနော ဝေဒိတဗ္ဗော။ ကသ္မာ ပန စတုသု အာဂမေသု ဒိဃာဂမော ပဌမံ သင်္ဂီတော၊ တတ္ထ စ သီလက္ခန္ဓဝဂ္ဂေါ ပဌမံ နိက္ခိတ္တော၊ တသ္မိဉ္စ မြဟ္မဇာလသုတ္တံ၊ တတ္ထာပိ နိဒါနန္တိ? နာယမနုယောဂေါကတ္ထစိပိန ပဝတ္တတိ သဗ္ဗတ္ထေဝ ဝစနက္ကမ-မတ္တံ ပဋိစ္စ အနုယုဉ္စိတဗ္ဗတော။ အပိစ သဒ္ဓါဝဟရုဏတ္တာ ဒိဃာဂမောဝ ပဌမံ သင်္ဂီတော။ သဒ္ဓါ ဟိ ကုသလဓမ္မာနံ ဗီဇံ။ ယထာဟ “သဒ္ဓါ ဗီဇံ တပေါ ဝုဋ္ဌိ”တိ။ သဒ္ဓါဝဟရုဏတာ စဿ ဟေဋ္ဌာ ဒဿိတာယေဝ။ ကိဉ္စ ဘိယျော— ကတိပယသုတ္တသင်္ဂဟတာယ စေဝ အပ္ပပရိမာဏတာယံ စ ဥဂ္ဂဟဏဓာရဏာဒိ-သုခတော ပဌမံ သင်္ဂီတော။ တထာ ဟေသ စတုတ္ထိံသသုတ္တသင်္ဂဟော၊ စတုသဋ္ဌိဘာဏဝါရပရိမာဏော စ။ သီလကထာမာဟုလ္လတော ပန သီလက္ခန္ဓ-ဝဂ္ဂေါ ပဌမံ နိက္ခိတ္တော။ သီလဉ္စိ သာသနဿ အာဒိ သီလပတိဋ္ဌာနတ္တာ

သဗ္ဗဂုဏာနံ။ တေနေဝါဟ “တသ္မာ တိဟ တံ ဘိက္ခု အာဒိမေဝ ဝိသောဓေဟိ  
 ကုသလေသု ဓမ္မေသု။ ကော စာဒိ ကုသလာနံ ဓမ္မာနံ? သီလဉ္စ သုဝိသုဒ္ဓ”န္တိ-  
 အာဒိ။ သီလက္ခန္ဓကထာဗာဟုလ္လတော ဟိ သော “သီလက္ခန္ဓဝဂ္ဂေါ”တိ ဝုတ္တော။  
 ဒိဋ္ဌိဝိနိဝေဌနကထာဘာဝတော ပန သုတ္တန္တပိဋကဿ နိရဝသေသဒိဋ္ဌိဝိဘဇနံ  
**ဗြဟ္မဇာလသုတ္တံ** ပဌမံ နိက္ခိတ္တန္တိ ဝေဒိတဗ္ဗံ။ တေပိဋကေ ဟိ ဗုဒ္ဓဝစနေ  
 ဗြဟ္မဇာလသဒိသံ ဒိဋ္ဌိဂတာနိ နိဂ္ဂုမ္ဘံ နိဇ္ဇင်္ဂံ ကတွာ ဝိဘတ္တသုတ္တံ နတ္ထိ။ **နိဒါနံ**  
 ပန ပဌမသင်္ဂီတိယံ မဟာကဿပတ္ထေရေန ပုဋ္ဌေန အာယသ္မတာ အာနန္ဒေန  
 ဒေသကာလာဒိနိဒဿနတ္ထံ ပဌမံ နိက္ခိတ္တန္တိ။ တေနာဟ “**ဗြဟ္မဇာလဿာဒိ**”တိ-  
 အာဒိ။ တတ္ထ စ “**အာယသ္မတာ**”တိအာဒိနာ ဒေသကံ နိယမေတိ။ ပဌမ-  
 သင်္ဂီတိကာလေတိ ပန ကာလန္တိ၊ အယမတ္ထော ဥပရိ အာဝိ ဘဝိဿတိ။

ပဌမမဟာသင်္ဂီတိကထာဝဏ္ဏနာ

ဣဒါနိ “ပဌမမဟာသင်္ဂီတိကာလေ”တိ ဝစနပ္ပသင်္ဂေန တံ ပဌမမဟာသင်္ဂီတိ  
 ဒဿေန္တော၊ ယဿံ ဝါ ပဌမမဟာသင်္ဂီတိယံ နိက္ခိတ္တာနုတ္တမေန သံဝဏ္ဏနံ  
 ကတ္ထုကာမတ္တာ တံ ဝိဘာဝေန္တော တဿာ တန္တိယာ အာရဋ္ဌာယပိ ဣဓ ဝစနေ  
 ကာရဏံ ဒဿေတုံ “**ပဌမမဟာသင်္ဂီတိ နာမ စေသာ**”တိအာဒိမာဟ။ ဧတ္ထ  
 ဟိ “**ကိဉ္ဇာဝိ။ပ။ မာရုဋ္ဌာ**”တိ ဧတေန နန သာ သင်္ဂီတိက္ခန္ဓကေ တန္တိမာရုဋ္ဌာ၊  
 ကသ္မာ ဣဓ ပုန ဝုတ္တာ၊ ယဒိ စ ဝုတ္တာ အဿ နိရတ္တကတာ၊ ဂန္ထဂရတာ စ  
 သိယာတိ စောဒနာလေသံ ဒဿေတိ။ “**နိဒါန။ပ။ ဝေဒိတဗ္ဗာ**”တိ ပန ဧတေန  
 နိဒါနကောသလ္လတ္တဘာဝတော ယထာဝုတ္တဒေါသတာ န သိယာတိ ဝိသေသ-  
 ကာရဏဒဿနေန ပရိဟရတိ။ “ပဌမမဟာသင်္ဂီတိ နာမ စေသာ”တိ ဧတ္ထ  
 စ-သဒ္ဓေါ ဤဒိသေသု ဌာနေသု ဝတ္တဗ္ဗသမ္ပိဏ္ဏနတ္ထော။ တေန ဟိ ပဌမမဟာ-  
 သင်္ဂီတိကာလေ ဝုတ္တံ နိဒါနဉ္စ အာဒိ၊ သော စ ပဌမမဟာသင်္ဂီတိ နာမ ဧဝံ  
 ဝေဒိတဗ္ဗာတိ ဣမမတ္ထံ သမ္ပိဏ္ဏေတိ။ ဥပညာသတ္ထော ဝါ စ-သဒ္ဓေါ၊ ဥပညာ-  
 သောတိ စ ဝါကျာရမ္ဘော ဝုစ္စတိ။ သော ဟိ ဂန္ထကာရာနံ ပကတိ၊ ယဒိဒံ  
 ကိဉ္ဇိ ဝတွာ ပုန အပရံ ဝတ္တုမာရဘန္တာနံ စ-သဒ္ဓပယောဂေါ။ ယံ ပန  
 ဝဇီရဗုဒ္ဓိတ္ထေရေန ဝုတ္တံ “ဧတ္ထ စ-သဒ္ဓေါ အတိရေကတ္ထော၊ တေန အညာပိ  
 အတ္ထိတိ ဒီပေတိ”တိ၊ တဒယုတ္တမေဝ။ န ဟေတ္ထ စ-သဒ္ဓေန တဒတ္ထော  
 ဝိညာယတိ။ ယဒိ စေတ္ထ တဒတ္ထဒဿနတ္ထမေဝ စ-ကာရေ အဓိပ္ပေတော  
 သိယာ၊ ဧဝံ သတိ သော န ကတ္တဗ္ဗောယေဝ ပဌမသဒ္ဓေနေဝ အညာသံ

ဒုတိယာဒိသင်္ဂီတီနမ္ပိ အတ္ထိဘာဝဿ ဒဿိတတ္တာ။ ဒုတိယာဒိမုပါဒါယ ဟိ ပဌမသဒ္ဓပယောဂေါ ဒီဃာဒိမုပါဒါယ ရဿာဒိသဒ္ဓပယောဂေါ ဝိယ။ ယထာပစ္စယံ တတ္ထ တတ္ထ ဒေသိတတ္တာ၊ ပညတ္တတ္တာ စ ဝိပုကိဏ္ဏာနံ ဓမ္မဝိနယာနံ သင်္ဂဟေတွာ ဂါယနံ ကထနံ သင်္ဂီတီ၊ ဧတေန တံတံသိက္ခာပဒါနံ၊ တံတံသုတ္တာနဉ္စ အာဒိပရိယောသာနေသု၊ အန္တရန္တရာ စ သမ္ပန္နဝသေန ဌပိတံ သင်္ဂီတိကာရက-  
ဝစနံ သင်္ဂဟိတံ ဟောတိ။ မဟာဝိသယတ္တာ၊ ပူဇိတတ္တာ စ မဟတိ သင်္ဂီတိ မဟာ-  
သင်္ဂီတီ၊ ပဌမာ မဟာသင်္ဂီတိ ပဌမမဟာသင်္ဂီတီ။ ကိဉ္ဇာပိတိ အနုဂ္ဂဟတ္ထော၊  
တေန ပါဠိယမ္ပိသာ သင်္ဂီတိမာရဠာဝါတိ အနုဂ္ဂဟံ ကရေတိ၊ ဧဝမ္ပိ တတ္တာရဠ-  
မတ္ထေန ဣဓ သောတူနံ နိဒါနကောသလ္လံ န ဟောတိတိ ပန-သဒ္ဓေန အရုဇိ-  
ယတ္ထံ ဒဿေတိ။ နိဒေဝါတိ ဒေသနံ ဒေသကာလာဒိဝသေန အဝိဒိတံ ဝိဒိတံ  
ကတွာ နိဒဿေတိတိ နိဒါနံ၊ တသ္မိံ ကောသလ္လံ၊ တဒတ္ထာယာတိ အတ္ထော။

ဣဒါနိ တံ ဝိတ္တာရေတွာ ဒဿေတုံ “ဓမ္မစက္ကပဝတ္တနဉ္စိ”တိအာဒိ ဝုတ္တံ။  
တတ္ထ သက္ကာနံ ဒဿနာနုတ္တရိယသရဏာဒိပဋိလာဘဟေတုဘူတာသု ဝိဇ္ဇ-  
မာနာသုပိ အညာသု ဘဂဝတော ကိရိယာသု “ဗုဒ္ဓေါဗောဓေယျ”န္တိ ပဋိညာယ  
အနုလောမနတော ဝိနေယျာနံ မဂ္ဂဖလုပ္ပတ္တိဟေတုဘူတာ ကိရိယာဝ နိပ္ပရိ-  
ယာယေန ဗုဒ္ဓကိစ္စံ နာမာတိ တံ သရူပတော ဒဿေတုံ “ဓမ္မစက္ကပဝတ္တနဉ္စိ။ ပ။  
ဝိနယနာ”တိ ဝုတ္တံ။ ဓမ္မစက္ကပဝတ္တနတော ပန ပုဗ္ဗဘာဂေ ဘဂဝတာ ဘာသိတံ  
သုဏန္တာနမ္ပိ ဝါသနာဘာဂိယမေဝ ဇာတံ၊ န သေက္ခဘာဂိယံ၊ န နိဗ္ဗေ-  
ဘာဂိယံ တပုဿဘလ္လိကာနံ သရဏဒါနံ ဝိယ။ သော ဟိ ဓမ္မတာ၊ တသ္မာ  
တမေဝ မရိယာဒဘာဝေန ဝုတ္တန္တိ ဝေဒိတဗ္ဗံ။ သဒ္ဓိန္ဒြိယာဒိဓမ္မောယေဝ ပဝတ္တ-  
နဋ္ဌေန စက္ကန္တိ ဓမ္မစက္ကံ။ အထ ဝါ စက္ကန္တိ အာဏာ၊ ဓမ္မတော အနပေတတ္တာ  
ဓမ္မဉ္စ တံ စက္ကဉ္စာတိ ဓမ္မစက္ကံ။ ဓမ္မေန ဉာယေန စက္ကန္တိပိ ဓမ္မစက္ကံ။ ဝုတ္တဉ္စိ  
ပဋိသန္တိဒါယံ—

“ဓမ္မဉ္စ ပဝတ္တေတိစက္ကဉ္စာတိ ဓမ္မစက္ကံ။ စက္ကဉ္စ ပဝတ္တေတိ ဓမ္မဉ္စာတိ  
ဓမ္မစက္ကံ၊ ဓမ္မေန ပဝတ္တေတိတိ ဓမ္မစက္ကံ၊ ဓမ္မစရိယာယ ပဝတ္တေတိတိ  
ဓမ္မစက္ကံ”န္တိအာဒိ။

တဿ ပဝတ္တနံ တထာ။ ပဝတ္တနန္တိ စ ပဝတ္တယမာနံ၊ ပဝတ္တိတန္တိ  
ပစ္စုပ္ပန္နာတိတဝသေန ဌိဓာ အတ္ထော။ ယံ သန္ဓာယ အဋ္ဌကထာသု ဝုတ္တံ

---

၁-ဗုဒ္ဓဝံသ-၄-၁၂၊ စရိယာပိဋက-၄-၂၇၄၊ ဥဒါန-၄-၁၁၇-ပိဋေသု၊ ၂-၃ ၉-၃၄၅၊ ၃၄၆-ပိဋေသု။

“ဓမ္မစက္ကပဝတ္တနသုတ္တန္တံ ဒေသေန္တော ဓမ္မစက္ကံ ပဝတ္တေတိ နာမ၊ အညာ-  
သိကောဏ္ဍညတ္ထေရဿ မဂ္ဂဗလာမိဂတတော ပဋ္ဌာယ ပဝတ္တိတံ နာမာ”တိ။  
ဣဓ ပန ပစ္စုပ္ပန္တဝသေနေဝ အတ္ထော ယုတ္တော။ ယာဝါတိ ပရိစ္ဆေ-  
ဒတ္ထေ နိပါတော၊ သုဘဒ္ဓဿ နာမ ပရိဗ္ဗာဇကဿ ဝိနယနံ အန္တောပရိစ္ဆေဒံ  
ကတွာတိ အဘိဝိဓဝသေန အတ္ထော ဝေဒိတဗျော။ တဉ္စိ ဘဂဝါ ပရိနိဗ္ဗာန-  
မဉ္ဇေ နိပန္နောယေဝ ဝိနေသိတိ။ ကတံ ပရိနိဋ္ဌာပိတံ ဗုဒ္ဓကိစ္စံ ယေနာတိ တထာ၊  
တသ္မိံ။ ကတဗုဒ္ဓကိစ္စေ ဘဂဝတိ လောကနာထေ ပရိနိဗ္ဗုတေတိ သမ္ဗန္တော၊  
ဧတေန ဗုဒ္ဓကတ္တဗ္ဗဿ ကိစ္စဿ ကဿစိပိ အသေသိတဘာဝံ ဒီပေတိ။ တတော-  
ယေဝ ဟိ ဘဂဝါ ပရိနိဗ္ဗုတောတိ။ နနု စ သာဝကေဟိ ဝိနိတာပိ ဝိနေယျာ  
ဘဂဝတာယေဝ ဝိနိတာ နာမ။ တထာ ဟိ သာဝကဘာသိတံ သုတ္တံ  
“ဗုဒ္ဓဘာသိတ”န္တိ ဝုစ္စတိ။ သာဝကဝိနေယျာ စ န တာဝ ဝိနိတာ၊ တသ္မာ  
“ကတဗုဒ္ဓကိစ္စေ”တိ န ဝတ္ထုဗ္ဗန္တိ? နာယံ ဒေါသော တေသံ ဝိနယနုပါယဿ  
သာဝကေသု ဌပိတတ္တာ။ တေနောဟ—

“န တာဝါဟံ ပါပိမ ပရိနိဗ္ဗာယိဿာမိ၊ ယာဝ မေ ကိက္ခု။ န  
သာဝကာ ဘဝိဿန္တိ ဝိယတ္တာ ဝိနိတာ ဝိသာရဒါ ဗဟုဿုတာ  
ဓမ္မဓရာ။ပ။ ဥပ္ပန္နံ ပရပ္ပဝါဒံ သဟ ဓမ္မေန သုနိဂ္ဂဟိတံ နိဂ္ဂဟေတွာ  
သပါဠိဟာရိယံ ဓမ္မံ ဒေသေဿန္တိ”တိအာဒိ။

“ကုသိနာရာယ”န္တိအာဒိနာ ဘဂဝတော ပရိနိဗ္ဗုတဒေသကာလဝိသေသ-  
ဝစနံ “အပရိနိဗ္ဗုတော ဘဂဝါ”တိ ဂါဟဿ မိစ္ဆာဘာဝဒဿနတ္ထံ၊ လောကေ  
ဇာတသံဝဒ္ဓါဒိဘာဝဒဿနတ္ထု။ တထာ ဟိ မနုဿဘာဝဿ သုပါကဋကရ-  
ဏတ္ထံ မဟာဗောဓိသတ္တာ စရိမဘဝေ ဒါရပရိဂ္ဂဟာဒိနိပိ ကရောန္တိတိ။ ကုသိ-  
နာရာယန္တိ ဧဝံနာမကေ နဂရေ။ တဉ္စိ နဂရံ ကုသဟတ္ထံ ပုရိသံ ဒဿနဋ္ဌာနေ  
မာပိတတ္တာ “ကုသိနာရ”န္တိ ဝုစ္စတိ၊ သမိပတ္ထေ စေတံ ဘုမ္မံ။ ဥပဝတ္တနေ  
မလ္လာနံ သာလဝနေတိ တဿ နဂရဿ ဥပဝတ္တနဘူတေ မလ္လရာဇုနံ  
သာလဝနေ။ တဉ္စိ သာလဝနံ နဂရံ ပဝိသိတုကာမာ ဥယျာနတော ဥပစ္စ  
ဝတ္တန္တိ ဂစ္ဆန္တိ ဧတေနာတိ ဥပဝတ္တနံ။ ယထာ ဟိ အနုရာဓပုရဿ ဒက္ခိဏ-  
ပစ္ဆိမဒိသာယံ ထူပါရာမော၊ ဧဝံ တံ ဥယျာနံ ကုသိနာရာယ ဒက္ခိဏပစ္ဆိမ-  
ဒိသာယံ ဟောတိ။ ယထာ စ ထူပါရာမတော ဒက္ခိဏဒွါရေန နဂရံ ပဝိသန-  
မဂ္ဂေါ ပါစိနမုခေါ ဂန္ဓာ ဥတ္တရေန နိဝတ္တတိ၊ ဧဝံ ဥယျာနတော သာလပန္နိ  
ပါစိနမုခေါ ဂန္ဓာ ဥတ္တရေန နိဝတ္တာ၊ တသ္မာ တံ “ဥပဝတ္တန”န္တိ ဝုစ္စတိ။ အပရေ

ပန “တံ သာလဝနမူပဂန္တာ မိတ္တသုဟဇ္ဇေ အပလောကေတွာ နိဝတ္တနတော ဥပဝတ္တနန္တိ ပါကဋံ ဇာတံ ကိရာ”တိ ဝဒန္တိ။ ယမကသာလာနမန္တရေတိ ယမကသာလာနံ ဝေမဇ္ဈေ။ တတ္ထ ကိရ ဘဂဝတော ပညတ္တဿ ပရိနိဗ္ဗာနမဉ္ဇဿ သီသဘာဂေ ဧကာ သာလပန္တိ ဟောတိ၊ ပါဒဘာဂေ ဧကာ။ တတြာပိ ဧကော တရုဏသာလော သီသဘာဂဿ အာသန္ဓော ဟောတိ၊ ဧကော ပါဒဘာဂဿ။ တသ္မာ “ယမကသာလာနမန္တရေ”တိ ဝုတ္တံ။ အပိစ “ယမကသာလာ နာမ မူလက္ခန္ဓဝိဇ္ဇပပတ္တေဟိ အညမညံ သံသိဗ္ဗေတွာ ဌိတသာလာ”-တိပိ မဟာအဋ္ဌကထာယံ ဝုတ္တံ။ မာ ဣတိ စန္ဒော ဝုစ္စတိ တဿ ဂတိယာ ဒိဝသဿ မိနိတဗ္ဗတော၊ တဒါ သဗ္ဗကလာပါရိပူရိယာ ပုဏ္ဏော ဧဝ မာတိ ပုဏ္ဏမာ။ သဒ္ဓဝိဒူ ပန “မော သိဝေါ စန္ဒိမာ စေဝါ”တိ ဝုတ္တံ သက္ကတဘာသာနယံ ဂဟေတွာ ဩကာရန္တမ္ပိ စန္ဒိမဝါစကမ-သဒ္ဓမိစ္ဆန္တိ။ ဝိသာခါယ ယုတ္တော ပုဏ္ဏမာ ယတ္ထာတိ ဝိသာခါပုဏ္ဏမော၊ သောယေဝ ဒိဝသော တထာ၊ တသ္မိံ။ ပစ္စုသတိ တိမိရံ ဝိနာသေတိတိ ပစ္စုသော၊ ပတိ-ပုဗ္ဗော ဥသ-သဒ္ဓေါ ရုဇာယန္တိ ဟိ နေရုတ္တိကာ၊ သောယေဝ သမယောတိ ရုတ္တိယာ ပစ္စိမယာမပရိယာပန္ဓော ကာလဝိသေသော ဝုစ္စတိ၊ တသ္မိံ။ ဝိသာခါ-ပုဏ္ဏမဒိဝသေ ဤဒိသေ ရုတ္တိယာ ပစ္စိမသမယေတိ ဝုတ္တံ ဟောတိ။

ဥပါဒီယတေ ကမ္မကိလေသေဟိတိ ဥပါဒိ၊ ဝိပါကက္ခန္ဓာ၊ ကဋတ္တာ စ ရူပံ။ သောပနဥပါဒိ ကိလေသာဘိသင်္ခါရမာရနိဗ္ဗဟနေ အနောဿဋ္ဌော၊ ဣစ ခန္ဓမစ္စုမာရနိဗ္ဗဟနေ ဩဿဋ္ဌောန သေသိတော၊ တသ္မာ နတ္ထိ ဧတိဿာ ဥပါဒိ-သင်္ခါတော သေသော၊ ဥပါဒိဿ ဝါ သေသောတိ ကတွာ “အနုပါဒိသေသာ”တိ ဝုစ္စတိ။ နိဗ္ဗာနဓာတုတိ စေတ္ထ နိဗ္ဗုတိမတ္တံ အဓိပ္ပေတံ၊ နိဗ္ဗာနဉ္စတံ သဘာဝဓာရဏတော ဓာတု စာတိ ကတွာ။ နိဗ္ဗုတိယာ ဟိ ကာရဏပရိယာယေန အသင်္ခတဓာတု တထာ ဝုစ္စတိ။ ဣတ္ထမ္ပူတလက္ခဏေ စာယံ ကရဏနိဒ္ဒေသော။ အနုပါဒိသေသတာသင်္ခါတံ ဣမံ ပကာရံ ဘူတဿ ပတ္တဿ ပရိနိဗ္ဗုတဿ ဘဂဝတော လက္ခဏေ နိဗ္ဗာနဓာတုသင်္ခါတေ အတ္ထေ တတိယာတိ ဝုတ္တံ ဟောတိ။ နနု စ “အနုပါဒိသေသာယာ”တိ နိဗ္ဗာနဓာတုယာဝ ဝိသေသနံ ဟောတိ၊ န ပရိနိဗ္ဗုတဿ ဘဂဝတော၊ အထ ကသ္မာ တံ ဘဂဝါ ပတ္တောတိ ဝုတ္တောတိ? နိဗ္ဗာနဓာတုယာ သဟစရဏတော။ တံသဟစရဏေန ဟိ ဘဂဝါပိ အနုပါဒိသေသဘာဝံ ပတ္တောတိ ဝုစ္စတိ။ အထ ဝါ အနုပါဒိသေသဘာဝသင်္ခါတံ ဣမံ ပကာရံ ပတ္တာယ နိဗ္ဗာနဓာတုယာ လက္ခဏေ သဉ္ဇာနနကိရိယာယ တတိယာတိပိ ဝတ္ထု ယုဇ္ဇတိ။ အနုပါဒိသေသာယ နိဗ္ဗာနဓာတုယာတိ စ

အနုပါဒိသေသနိဗ္ဗာနဓာတု ဟုတွာတိ အတ္ထော။ “ဦနပဉ္စဗန္ဓနေန ပတ္တေနာ”တိ ဝတ္ထေ ဟိ ဦနပဉ္စဗန္ဓနပတ္တော ဟုတွာတိ အတ္ထံ ဝဒန္တိ။ အပိ စ နိဗ္ဗာနဓာတုယာ အနုပါဒိသေသာယ အနုပါဒိသေသာ ဟုတွာ ဘူတာယာတိပိ ယုဇ္ဇတိ။ ဝုတ္တဉ္စိ ဥဒါနဌကထာယ **နန္ဒသုတ္တဝဏ္ဏနာယံ** “ဥပဗျုလ္လိခိတေဟိ ကေသေဟိတိ ဣတ္ထမ္ပန္နိ-  
 တလက္ခဏေ ကရဏဝစနံ ဝိပုကတုလ္လိခိတေဟိ ကေသေဟိ ဥပလက္ခိတာတိ အတ္ထော”တိ ၂။ ဧသနယော ဤဒိသေသု။ **ဓာတုဘာဇနဒိဝသေ**တိ ဇေဋ္ဌမာသဿ သုက္ကပက္ခပဉ္စမိဒိဝသံ သန္ဓာယ ဝုတ္တံ၊ တဉ္စ န “သန္ဓိပတိတာန”န္တိ ဧတဿ ဝိသေသနံ၊ “ဥဿာဟံ ဇနေသီ”တိ ဧတဿ ပန ဝိသေသနံ “ဓာတုဘာဇနဒိဝသေ  
 ဘိက္ခုနံ ဥဿာဟံ ဇနေသီ”တိ ဥဿာဟဇနနဿ ကာလဝသေန ဘိန္နာဓိက-  
 ရဏဝိသေသနဘာဝတော။ ဓာတုဘာဇနဒိဝသတော ဟိ ပုရိမတရဒိဝသေသုပိ ဘိက္ခု သန္ဓိပတိတာတိ။ အထ ဝါ “သန္ဓိပတိတာန”န္တိ ဣဒံ ကာယသမဂ္ဂိဝသေန သန္ဓိပတနမေဝ သန္ဓာယ ဝုတ္တံ၊ န သမာဂမနမတ္တေန။ တသ္မာ “ဓာတုဘာဇန-  
 ဒိဝသေ”တိ ဣဒံ “သန္ဓိပတိတာန”န္တိ ဧတဿ ဝိသေသနံ သမ္ဘဝတိ၊ ဣဒဉ္စ **ဘိက္ခုနံ ဥဿာဟံ ဇနေသီ**တိ ဧတ္ထ “ဘိက္ခုနံ”န္တိ ဧတေနပိ သမ္ပဇ္ဈနီယံ။ သံဃဿ ထေရော သံဃတ္ထေရော။ သော ပန သံဃော ကိပရိမာဏောတိ အာဟာ  
**“သတ္တန္တံ ဘိက္ခုသတသဟဿာန”**န္တိ။ သံဃသဒ္ဓေန ဟိ အဝိညာယမာနဿ ပရိမာဏဿ ဝိညာပနတ္ထမေဝေတံ ပုန ဝုတ္တံ။ သဒ္ဓဝိဒူ ပန ဝဒန္တိ—

“သမာသော စ တဒ္ဓိတော စ၊ ဝါကျတ္ထေသု ဝိသေသကာ။  
 ပသိဒ္ဓိယန္တ၊ သာမညံ၊ တေလံ သုဂတစိဝရံ။

တသ္မာ နာမမတ္တဘူတဿ သံဃတ္ထေရဿ ဝိသေသနတ္ထမေဝေတံ ပုန ဝုတ္တန္တိ၊ နိစ္စသာပေက္ခတာယ စ ဒေသေသု သမာသော ယထာ “ဒေဝဒတ္တဿ ဂရုကုလ”န္တိ။ နိစ္စသာပေက္ခတာ စေတ္ထ သံဃသဒ္ဓဿ ဘိက္ခုသတသဟဿ-  
 သဒ္ဓိ သာပေက္ခတ္ထေပိ အညပဒန္တရာဘာဝေန ဝါကျေ ဝိယ အပေက္ခိတဗ္ဗတ္ထဿ ဂမကတ္တာ။ “သတ္တန္တံ ဘိက္ခုသတသဟဿာန”န္တိ ဟိ ဧတဿ သံဃသဒ္ဓေ အဝယဝိဘာဝေန သမ္ပန္နော၊ တဿာပိ သာမိဘာဝေန ထေရသဒ္ဓေတိ။ “သတ္တန္တံ ဘိက္ခုသတသဟဿာန”န္တိ စ ဂဏပါမောက္ခဘိက္ခုယေဝ သန္ဓာယ ဝုတ္တံ။  
 တဒါ ဟိ သန္ဓိပတိတာ ဘိက္ခု ဧတ္တကာတိ ဂဏနပထမတိက္ကန္တာ။ တထာ ဟိ ဝေဠုဝဂါမေ ဝေဒနာဝိက္ခမ္ဘနတော ပဋ္ဌာယ “နစိရေနေန ဘဂဝါ ပရိနိဗ္ဗာ-  
 ယိဿတိ”တိ သုတွာ တတော တတော အာဂတေသု ဘိက္ခုသု ဧကဘိက္ခုပိ ပက္ကန္တော နာမ နတ္ထိ။ ယထာဟု—

“သတ္တသတသဟဿာနိ၊ တေသု ပါမောက္ခဘိက္ခဝေါ။  
ထေရော မဟာကဿပေါ၊ သံဃတ္ထေရော တဒါ အဟူ”တိ။

အာယသ္မာ မဟာကဿပေါ အနုဿရန္တော မညမာနော စိန္တယန္တော  
ဟုတွာ ဥဿာဟံ ဇနေသိ၊ အနုဿရန္တော မညမာနော စိန္တယန္တော အာယသ္မာ  
မဟာကဿပေါ ဥဿာဟံ ဇနေသိတံ ဝါ သမ္ဗန္ဓော။ မဟန္တေဟိ သီလက္ခန္ဓာ-  
ဒီဟိ သမန္တာဂတတ္တာ မဟန္တော ကဿပေါတိ **မဟာကဿပေါ**။ အပိစ  
“**မဟာကဿပေါ**”တိ ဥရုဝေလကဿပေါ နဒီကဿပေါ ဂယာကဿပေါ  
ကုမာရကဿပေါတိ ဣမေ ခုဒ္ဒါနုခုဒ္ဒကေ ထေရေ ဥပါဒါယ ဝုစ္စတိ။ ကသ္မာ  
ပနာယသ္မာ မဟာကဿပေါ ဥဿာဟံ ဇနေသိတိ အနုယောဂေ သတိ  
တံ ကာရဏံ ဝိဘာဝေန္တော အာဟ **“သတ္တာဟပရိနိဗ္ဗုတေ”**တိအာဒိ။  
သတ္တ အဟာနိ သမာဟဋ္ဌာနိ သတ္တာဟံ။ သတ္တာဟံ ပရိနိဗ္ဗုတဿ အဿာတိ  
တထာ ယထာ “အစိရပက္ကန္တော၊ မာသဇာတော”တိ၊ အန္တတ္ထအညပဒသ-  
မာသောယံ၊ တသ္မိံ။ ဘဂဝတော ပရိနိဗ္ဗာနဒီဝသတော ပဋ္ဌာယ သတ္တာဟေ  
ဝိတိဝတ္ထေတိ ဝုတ္တံ ဟောတိ၊ ဧတဿ “ဝုတ္တဝစန”န္တိ ပဒေန သမ္ဗန္ဓော၊ တထာ  
“**သုဘဒ္ဒေန ဝုဗ္ဗုဇိတေနာ**”တိ ဧတဿပိ။ တတ္ထ **သုဘဒ္ဒေါ**တိ တဿ နာမ-  
မတ္တံ၊ ဝုဗ္ဗုဇိတော ပန ပဗ္ဗုဇိတတ္တာ “**ဝုဗ္ဗုဇိတေနာ**”တိ ဝုတ္တံ၊ ဧတေန သုဘဒ္ဒ-  
ပရိဗ္ဗာဇကာဒီဟိ တံ ဝိသေသံ ကရေတိ။ “**အလံ အာဝုသော**”တိအာဒိနာ  
တေန ဝုတ္တဝစနံ နိဒဿေတိ။ သော ဟိ သတ္တာဟပရိနိဗ္ဗုတေ ဘဂဝတိ  
အာယသ္မတာ မဟာကဿပတ္ထေရေန သဒ္ဓိံ ပါဝါယ ကုသိနာရံ အဒ္ဓါနမဂ္ဂပဋိ-  
ပန္နေသု ပဉ္စမတ္ထေသု ဘိက္ခုသတေသု အဝိတရာဂေ ဘိက္ခု။ အန္တရာမဂ္ဂေ  
ဒိဋ္ဌအာဇီဝကဿ သန္တိကာ ဘဂဝတော ပရိနိဗ္ဗာနံ သုတွာ ပတ္တစိဝရာနိ  
ဆဉ္စေတွာ ဗာဟာ ပဂ္ဂယှံ နာနပ္ပကာရံ ပရိဒေဝန္တေ ဒိသ္မာ ဧဝမာဟ။

ကသ္မာ ပန သော ဧဝမာဟာတိ? ဘဂဝတိ အာဃာတေန။ အယံ ကိရေသော  
ခန္ဓကေ အာဂတေ **အာတုမာဝတ္ထုသ္မိံ**။ နဟာပိတပုဗ္ဗကော ဝုဗ္ဗုဇိတော  
ဘဂဝတိ ကုသိနာရတော နိက္ခမိတွာ အမုတေဠသေဟိ ဘိက္ခုသတေဟိ သဒ္ဓိံ  
အာတုမံ ဂစ္ဆန္တေ “ဘဂဝါ အာဂစ္ဆတိ”တိ သုတွာ “အာဂတကာလေ ယာဝုဒါနံ  
ကရိဿာမီ”တိ သာမဏေရဘူမိယံ ဌိတေ ခွေ ပုတ္တေ ဧတဒဝေါစ “ဘဂဝါ  
ကိရ တာတာ အာတုမံ အာဂစ္ဆတိ မဟတာ ဘိက္ခုသံဃေန သဒ္ဓိံ အမုတေဠ-  
သေဟိ ဘိက္ခုသတေဟိ၊ ဂစ္ဆထ တုမှေတာတာ၊ ခုရဘဏ္ဍံ အာဒါယ နာဠိယာ  
ဝါ ပသိဗ္ဗကေန ဝါ အနုဃရကံ အာဟိဏ္ဏထ၊ လောဏမ္ပိ တေလမ္ပိ တဏှုလမ္ပိ

ခါဒနီယမ္ပိ သံဟရထ၊ ဘဂဝတော အာဂတဿ ယာဂဒါနံ ကရိဿာမိ”တိ။  
 တေ တထာ အကံသု။ အထ ဘဂဝတိ အာတုမံ အာဂန္တာ ဘုဿာဂါရကံ  
 ပဝိဋ္ဌေ သုဘဒ္ဒေါ သာယနသမယံ ဂါမဒ္ဓါရံ ဂန္တာ မနုဿေ အာမန္တေတွာ  
 “ဟတ္ထကမ္မမတ္တံ မေ ဒေထာ”တိ ဟတ္ထကမ္ပိယာစိတွာ “ကိံ ဘန္တေ ကရောမာ”တိ  
 ဝုတ္တေ “ဣဒဉ္စိဒဉ္စ ဂဏှထာ”တိ သဗ္ဗပကရဏာနိ ဂါဟာပေတွာ ဝိဟာရေ  
 ဥဒ္ဓနာနိ ကာရေတွာ ဧကံ ကာဠကံ ကာသာဝံ နိဝါသေတွာ တာဒိသမေဝ  
 ပါရုပိတွာ “ဣဒံ ကရေထ၊ ဣဒံ ကရေထာ”တိ သဗ္ဗရတ္တိံ ဝိစာရေန္တော  
 သတသဟဿံ ဝိဿန္တေတွာ ဘောဇ္ဇယာဂုဉ္စ မဓုဂေါဠကဉ္စ ပဋိယာဒါပေသိ။  
 ဘောဇ္ဇယာဂု နာမ ဘုဉ္စိတွာ ပါတဗ္ဗယာဂု၊ တတ္ထ သပ္ပိမဓုဖာဏိတမစ္ဆမံသ-  
 ပုပ္ဖလရသာဒိ ယံ ကိဉ္စိ ခါဒနီယံ နာမ အတ္ထိ၊ တံ သဗ္ဗံ ပဝိသတိ။ ကိဉ္စိတု-  
 ကာမာနံ သီသမက္ခနယောဂ္ဂါ ဟောတိ သုဂန္ဓဂန္ဓာ။

အထ ဘဂဝါ ကာလဿေဝ သရီရပဋိဇ္ဇဂ္ဂနံ ကတွာ ဘိက္ခုသံဃပရိဝုတော  
 ပိဏ္ဍာယ စရိတုံ အာတုမာဘိမုခေါ ပါယာသိ။ အထ တဿ အာရောစေသုံ  
 “ဘဂဝါ ပိဏ္ဍာယ ဂါမံ ပဝိသတိ၊ တယာ ကဿ ယာဂ ပဋိယာဒိ-  
 တာ”တိ။ သော ယထာနိဝတ္ထပါရုတေဟေဝ တေဟိ ကာဠကကာသာဝေဟိ  
 ဧကေန ဟတ္ထေန ဒဗ္ဗိဉ္စ ကဋ္ဌန္တုဉ္စ ဂဟေတွာ မြဟ္မာ ဝိယ ဒက္ခိဏံ  
 ဇာဏုမဏ္ဍလံ ဘူမိယံ ပတိဋ္ဌပေတွာ ဝဉ္စိတွာ “ပဋိဂ္ဂဏှာတု မေ ဘန္တေ  
 ဘဂဝါ ယာဂ”န္တိ အာဟ။ တတော “ဇာနန္ဒာပိ တထာဂတာ ပုစ္ဆန္တိ”တိ  
 ခန္ဓကေ<sup>၁</sup> အာဂတနယေန ဘဂဝါ ပုစ္ဆိတွာ စ သုတွာ စ တံ  
 ဝုပုဗ္ဗဇိတံ ဝိဂရဟိတွာ တသ္မိံ ဝတ္ထုသ္မိံ အကပ္ပိယသမာဒါနသိက္ခာပဒံ၊  
 ခုရဘဏ္ဍပရိဟရဏသိက္ခာပဒဉ္စာတိ ဒွေ သိက္ခာပဒါနိ ပညပေတွာ “အနေက-  
 ကပ္ပကောဋိယော ဘိက္ခဝေ ဘောဇ္ဇနံ ပရိယေသန္တေဟေဝ ဝီတိနာမိတာ၊ ဣဒံ  
 ပန တုမှာကံ အကပ္ပိယံ၊ အဓမ္မေန ဥပ္ပန္နံ ဘောဇ္ဇနံ ဣမံ ပရိဘုဉ္စိတွာ အနေကာနိ  
 အတ္တဘာဝသဟဿာနိ အပါယေသေဝ နိဗ္ဗတ္တိဿန္တိ၊ အပေထ မာ ဂဏှထာ”တိ  
 ဝတွာ ဘိက္ခာစာရာဘိမုခေါ အဂမာသိ၊ ဧကဘိက္ခုနာပိ န ကိဉ္စိ ဂဟိတံ။  
 သုဘဒ္ဒေါ အနတ္တမနော ဟုတွာ “အယံ သဗ္ဗံ ဇာနာမိ”တိ အာဟိဏ္ဍတိ၊  
 သစေ န ဂဟေတုကာမော ပေသေတွာ အာရောစေတဗ္ဗံ အဿ၊ ပက္ကာ-  
 ဟာရော နာမ သဗ္ဗစိရံ တိဋ္ဌန္တော သတ္တာဟမတ္တံ တိဋ္ဌေယျ၊ ဣဒဉ္စ မမ  
 ယာဝဇိဝံ ပရိယတ္တံ အဿ၊ သဗ္ဗံ တေန နာသိတံ၊ အဟိတကာမော  
 အယံ မယျ”န္တိ ဘဂဝတိ အာဃာတံ ဗန္ဓိတွာ ဒသဗလေ ရေမာနေ ကိဉ္စိ

ဝတ္ထု နာသက္ခိ။ ဧဝံ ကိရဿ အဟောသိ “အယံ ဥစ္စာ ကုလာ ပဗ္ဗဇိတော မဟာပုရိသော၊ သစေ ကိဉ္စိ ဓရန္တဿ ဝက္ခာမိ၊ မမံယေဝ သန္တဇ္ဇေဿတိ”တိ။

သွာယံ အဇ္ဇမဟာကဿပတ္ထေရေန သဉ္စိ ဂစ္ဆန္တော “ပရိနိဗ္ဗုတော ဘဂဝါ”တိ သုတွာ လဒ္ဓဿာသော ဝိယ ဟဋ္ဌတုဋ္ဌော ဧဝမာဟ။ ထေရောပန တံ သုတွာ ဟဒယေ ပဟာရံ ဝိယ၊ မတ္တကေ ပတိတသုက္ခာသနိံ ဝိယ<sup>၁</sup> မညိ၊ ဓမ္မသံဝေဂေါ စဿ ဥပ္ပဇ္ဇိ “သတ္တာဟမတ္တပရိနိဗ္ဗုတော ဘဂဝါ၊ အဇ္ဇာပိဿ သုဝဏ္ဏဝဏ္ဏံ သရီရံ ဓရတိယေဝ၊ ဒုက္ခေန ဘဂဝတာ အာရာမိတဿသနေ နာမ ဧဝံလဟံ မဟန္တံ ပါပံ ကသဋ္ဌံ ကဏ္ဍကော ဥပ္ပန္နော၊ အလံ ခေါ ပနေသ ပါပေါ ဝခုမာနော အညေပိ ဧဝရူပေ သဟာယေ လဘိတွာ သာသနံ ဩသက္ကာပေတု”န္တိ။

တတော ထေရော စိန္တေသိ “သစေ ခေါ ပနာဟံ ဣမံ မဟလ္လကံ ဣဓေဝ ပိလောတိကံ နိဝါသေတွာ ဆာရိကာယ ဩကိရာပေတွာ နိဟရာပေဿာမိ၊ မနဿာ ‘သမဏဿ ဂေါတမဿ သရီရေ ဓရမာနေယေဝ သာဝကာ ပိဝဒန္တိ’တိ အမှာကံ ဒေါသံ ဒဿေဿန္တိ၊ အဓိဝါသေမိ တာဝ။ ဘဂဝတာ ဟိ ဒေသိတဓမ္မော အသင်္ဂဟိတပုပ္ဖရာသိသဒိသော၊ တတ္ထ ယထာ ဝါတေန ပဟဋ္ဌပုပ္ဖါနိ ယတော ဝါ တတော ဝါ ဂစ္ဆန္တိ၊ ဧဝမေဝ ဧဝရူပါနံ ဝသေန ဂစ္ဆန္တေ ဂစ္ဆန္တေ ကာလေ ဝိနယေ ဧကံ ဒွေ သိက္ခာပဒါနိ နဿိဿန္တိ၊ သုတ္တေ ဧကော ဒွေ ပဉ္စာဝါရာ နဿိဿန္တိ၊ အဘိဓမ္မေ ဧကံ ဒွေ ဘုမန္တရာနိ နဿိဿန္တိ၊ ဧဝံ အနုက္ကမေန မူလေ နဋ္ဌေ ပိသာစသဒိသာ ဘဝိဿာမ၊ တသ္မာ ဓမ္မဝိနယသင်္ဂဟံ ကရိဿာမိ၊ ဧဝံ သတိ ဒဋ္ဌသုတ္တေန သင်္ဂဟိတပုပ္ဖါနိ ဝိယ အယံ ဓမ္မဝိနယော နိစ္စလော ဘဝိဿတိ။ ဧတဒတ္ထဉ္စိ ဘဂဝါ မယံ တိဏိ ဂါဝုတာနိ ပစ္စုဂ္ဂမနံ အကာသိ၊ တိဟိ ဩဝါဒေဟိ<sup>၂</sup> ဥပသမ္ပဒံ အကာသိ၊ ကာယတော စိဝရပရိဝတ္တနံ အကာသိ၊ အာကာသေ ပါဏိံ စာလေတွာ စန္ဒောပမပဋိပဒံ ကထေန္တော မညေဝ သက္ခိံ ကတွာ ကထေသိ၊ တိက္ခတ္ထု သကလသာသနရတနံ ပဋိစ္ဆာပေသိ၊ မာဒိသေ ဘိက္ခုမိ တိဋ္ဌမာနေ အယံ ပါပေါ သာသနေ ဝဓိံ မာ အလတ္ထ၊ ယာဝ အဓမ္မော န ဒိပ္ပတိ၊ ဓမ္မော န ပဋိဗာဟိယျတိ၊ အဝိနယော န ဒိပ္ပတိ၊ ဝိနယော န ပဋိဗာဟိယျတိ၊ အဓမ္မဝါဒိနော န ဗလဝန္တော ဟောန္တိ၊ ဓမ္မဝါဒိနော န ဒုဗ္ဗလာ ဟောန္တိ၊ အဝိနယဝါဒိနော န ဗလဝန္တော ဟောန္တိ၊ ဝိနယဝါဒိနော န ဒုဗ္ဗလာ ဟောန္တိ၊ တာဝဓမ္မဉ္စ ဝိနယဉ္စ သင်္ဂါယိဿာမိ၊ တတော ဘိက္ခု အတ္တနော အတ္တနော

၁-သုက္ခာသနိ ဝိယ (ဒီ-ဋ ၂-၁၉၃-ပိဋ္ဌေ၊)

၂-သံ ၁-၄၀၆၊ ၄၀၈၊ ၄၁၀-ပိဋ္ဌေသု ဝိတ္ထာရာ၊

ပဟောနကံ ဂဟေတွာ ကပ္ပိယာကပ္ပိယေ ကထေဿန္တိ၊ အထာယံ ပါပေါ သယမေဝ နိဂ္ဂဟံ ပါပုဏိဿတိ၊ ပုန သိသံ ဥက္ခိပိတုံ န သက္ခိဿတိ၊ သာသနံ ဣဒ္ဓဇ္ဇေဝ ဖိတဉ္စ ဘဝိဿတိ”တိ စိန္တေတွာ သော“ဧဝံ နာမ မယံ စိတ္တံ ဥပ္ပန္န”န္တိ ကဿစိပိ အနာရောစေတွာ ဘိက္ခုသံဃံ သမဿာသေတွာ အထ ပစ္စာ ဓာတုဘာဇနဒိဝသေ ဓမ္မဝိနယသင်္ဂါယနတ္ထံ ဘိက္ခုနံ ဥဿာဟံ ဇနေသိ။ တေန ဝုတ္တံ “အာယသ္မာ မဟာကဿပေါ သတ္တာဟပရိနိဗ္ဗုတေ။ပ။ ဓမ္မဝိနယသင်္ဂါယနတ္ထံ ဘိက္ခုနံ ဥဿာဟံ ဇနေသိ”တိ။

တတ္ထ အလန္တိ ပဋိက္ခေပဝစနံ၊ န ယုတ္တန္တိ အတ္ထော။ အာရုသောတိ ပရိဒေဝန္တေ ဘိက္ခု အာလပတိ။ မာ သောစိတ္တာတိ စိတ္တေ ဥပ္ပန္နဗလဝသောကေန မာ သောကမကတ္ထ။ မာ ပရိဒေဝိတ္တာတိ ဝါစာယ မာ ဝိလာပမကတ္ထ။ “ပရိဒေဝနံ ဝိလာပေါ”တိ ဟိ ဝုတ္တံ။ အသောစနာဒိနံ ကာရဏမာဟ “သုမုတ္တာ”တိအာဒိနာ။ တေန မဟာသမဏေနာတိ နိဿက္ကေ ကရဏဝစနံ၊ သ္မာဝစနဿ ဝါ နာဗျုပ္ပဒေသော။ “ဥပဒ္ဓုတ”တိ ပဒေ ပန ကတ္တရိ တတိယာဝသေန သမ္ပန္နော။ ဥဘယာပေက္ခဉေတံ ပဒံ။ ဥပဒ္ဓုတ စ ဟောမာတိ တံကာလာပေက္ခဝတ္တမာနဝစနံ၊ “တဒါ”တိ သေသော။ အတိတတ္ထေ ဝါဝတ္တမာနဝစနံ၊ အဟုမ္မာတိ အတ္ထော။ အနုဿရန္တော ဓမ္မသံဝေဂဝသေနော၊ န ပန ကောဓာဒိဝသေန။ ဓမ္မသဘာဝစိန္တာဝသေန ဟိ ပဝတ္တံ သဟောတ္တပ္ပဉာဏံ ဓမ္မသံဝေဂေါ။ ဝုတ္တဉေတံ—

“သဗ္ဗသင်္ခတဓမ္မေသု၊ ဩတ္တပ္ပါကာရသဏ္ဌိတံ။

ဉာဏမောဟိတဘာရာနံ၊ ဓမ္မသံဝေဂသညိတ”န္တိ။

အညံ ဥဿာဟဇနနကာရဏံ ဒဿေတုံ “ဤဒိသဿာ”တိအာဒိ ဝုတ္တံ။ တတ္ထ ဤဒိသဿ စ သံဃသန္တိပါတဿာတိ သတ္တသတသဟဿဂဏပါမောက္ခတ္ထေရုပ္ပမုခဂဏနပထာတိက္ကန္တသံဃသန္တိပါတံ သန္ဓာယ ဝဒတိ။ “ဌာနံ ခေါ ပနေတံ ဝိဇ္ဇတိ”တိအာဒိနာပိ အညံ ကာရဏံ ဒဿေတိ။ တိဋ္ဌတိ တွေ ဖလံ တဒါယတ္တဝုတ္တိတာယာတိ ဌာနံ၊ ဟေတု။ ခေါတိ အဝဓာရဏေ။ ပနာတိ ဝစနာလင်္ကာရေ၊ ဧတံ ဌာနံ ဝိဇ္ဇတေဝ၊ နော န ဝိဇ္ဇတိတိ အတ္ထော။ ကိံ ပန တန္တိ အာဟ “ယံ ပါပဘိက္ခု”တိအာဒိ။ ယန္တိ နိပါတမတ္တံ၊ ကာရဏနိဒ္ဒေသော ဝါ၊ ယေန ဌာနေန အန္တရဓာပေယျံ၊ တဒေတံ ဌာနံ ဝိဇ္ဇတိယေဝါတိ။ ပါပေန လာမကေန ဣစ္ဆာဝစရေန သမန္ဓာဂတာ ဘိက္ခု။

ပါပဘိက္ခု။ အဘိတော သတ္တာ ဧတ္ထ၊ တေဿာတိ ဝါ အတိတသတ္ထုကံ ယထာ “ဗဟုကတ္ထုကော”တိ။ ပဓာနံ ဝစနံ ပါဝစနံ။ ပါ-သဒ္ဓေါ စေတ္ထ နိပါတော “ပါ ဧဝ ဝုတျဿာ”တိအာဒိသု ဝိယ။ ဥပသဂ္ဂပဒံ ဝါ ဧတံ၊ ဒီဃံ ကတွာ ပန တထာ ဝုတ္တံ ယထာ “ပါဝဒတိ”တိပိ ဝဒန္တိ။ ပက္ခန္တိ အလဇ္ဈိပက္ခံ။ “ယာဝ စာ”တိအာဒိနာ သင်္ဂီတိယာ သာသနစိရဋ္ဌိတိကဘာဝေ ကာရဏံ၊ သာဓကဉ္စ ဒဿေတိ။ “တသ္မာ”တိ ဟိ ပဒမဇ္ဈာဟရိတွာ “သင်္ဂါယေယျ”န္တိ ပဒေန သမ္ပန္နနိယံ။

တတ္ထ ယာဝ စ ဓမ္မဝိနယော တိဋ္ဌတိတိ ယတ္ထကံ ကာလံ ဓမ္မော စ ဝိနယော စ လဇ္ဈိပုဂ္ဂလေသု တိဋ္ဌတိ။ ပရိနိဗ္ဗာနမဉ္စကေ နိပန္နေန ဘဂဝတာ မဟာပရိနိဗ္ဗာနသုတ္တေ<sup>၁</sup> ဝုတ္တံ သန္ဓာယ “ဝုတ္တုဉ္စေတ”န္တိအာဒိမာဟ။ ဟိ-သဒ္ဓေါ အာဂမဝသေန ဒဋ္ဌိဇောတကော။ ဒေသိတော ပညတ္တောတိ ဓမ္မောပိ ဒေသိ-တော စေဝ ပညတ္တော စ။ သုတ္တာဘိဓမ္မသင်္ဂဟိတဿ ဟိ ဓမ္မဿ အတိသဇ္ဇနံ ပဗောဓနံ ဒေသနာ၊ တဿေဝ ပကာရတော ဉ္စပနံ ဝိနေယျသန္တာနေ ဌပနံ ပညာပနံ။ ဝိနယောပိ ဒေသိတော စေဝ ပညတ္တော စ။ ဝိနယတန္တိသင်္ဂဟိတဿ ဟိ အတ္ထဿ အတိသဇ္ဇနံ ပဗောဓနံ ဒေသနာ၊ တဿေဝ ပကာရတော ဉ္စပနံ အသင်္ဂရတော ဌပနံ ပညာပနံ၊ တသ္မာ ကမ္မဒ္ဒယမ္ပိ ကိရိယာဒ္ဒယေန သမ္ပဇ္ဈနံ ယုဇ္ဇတိတိ ဝေဒိတဗ္ဗံ။

သောတိ သော ဓမ္မော စ ဝိနယော စ။ မမစ္စယေနာတိ မမ အစ္စယကာလေ။ “ဘုမ္မတ္ထေ ကရဏနိဒ္ဒေသော”တိ ဟိ အက္ခရစိန္တကာ ဝဒန္တိ။ ဟေတွတ္ထေ ဝါ ကရဏဝစနံ၊ မမ အစ္စယဟေတု တုမှာကံ သတ္တာ နာမ ဘဝိဿတိတိ အတ္တော။ ဝုတ္တုဉ္စိ မဟာပရိနိဗ္ဗာနသုတ္တဝဏ္ဏနာယံ “မယိ ပရိနိဗ္ဗုတေ တုမှာကံ သတ္ထုကိစ္စံ သာဓေသတိ”တိ<sup>၂</sup>။ လက္ခဏ-ဝစနဉ္စေတ္ထ ဟေတွတ္ထသမကံ ယထာ “နေတ္ထေ ဥဇုံ ဂတေ သတိ”တိ<sup>၃</sup>။ ဣဒံ ဝုတ္တံ ဟောတိ—မယာ ဝေါ ဌိတေနေဝ “ဣဒံ လဟုကံ၊ ဣဒံ ဂရုကံ၊ ဣဒံ သတေကိစ္စံ၊ ဣဒံ အတေကိစ္စံ၊ ဣဒံ လောကဝဇ္ဇံ၊ ဣဒံ ပဏ္ဏတ္ထိဝဇ္ဇံ၊ အယံ အာပတ္တိ ပုဂ္ဂလဿ သန္တိကေ ဝုဋ္ဌာတိ၊ အယံ ဂဏဿ၊ အယံ သံဃဿ သန္တိကေ ဝုဋ္ဌာတိ”တိ သတ္တန္တံ အာပတ္တိက္ခန္ဓာနံ အဝီတိက္ကမနိယတာဝသေန ဩတိဏ္ဏဝတ္ထုသ္မိ<sup>၄</sup> သခန္ဓကပရိဝါရော ဥဘတောဝိဘင်္ဂေါ မဟာဝိနယော နာမ ဒေသိတော၊ တံ သကလမ္ပိ ဝိနယဝိဋ္ဌကံ မယိ ပရိနိဗ္ဗုတေ တုမှာကံ သတ္ထုကိစ္စံ သာဓေသတိ “ဣဒံ ဝေါ ကတ္တဗ္ဗံ၊ ဣဒံ ဝေါ န ကတ္တဗ္ဗံ”န္တိ ကတ္တဗ္ဗာကတ္တဗ္ဗဿ

---

၁-ဒီ ၂-၁၂၆-ဝိဇ္ဇေ၊ ၂-ဒီ-၄ ၂-၁၀၃-ဝိဇ္ဇေ။ ၃-အံ ၁-၃၀၇၊ ၃ ၁၀-၁၀၈၊ ၁၁၃-ဝိဇ္ဇေသု။

ဝိဘာဂေန အနုသာသနတော။ ဌိတေနော စ မယာ “ဣမေ စတ္တာရော သတိ-  
ပဋ္ဌာနာ၊ စတ္တာရော သမ္ပပ္ပဓာနာ၊ စတ္တာရော ဣဒ္ဓိပါဒါ၊ ပဉ္စိန္ဒြိယာနိ၊ ပဉ္စ ဗလာနိ၊  
သတ္တ ဗောဇ္ဈင်္ဂါ၊ အရိယော အဋ္ဌင်္ဂိကော မဂ္ဂေါ”တိ တေန တေန ဝိနေယျာနံ  
အဇ္ဈာသသာနုရူပေန ပကာရေန ဣမေ သတ္တတိံသ ဗောဓိပက္ခိယဓမ္မေ  
ဝိဘဇိတွာ ဝိဘဇိတွာ သုတ္တန္တပိဋကံ ဒေသိတံ၊ တံ သကလမ္ပိ သုတ္တန္တပိဋကံ  
မယိ ပရိနိဗ္ဗုတေ တုမှာကံ သတ္တုကိစ္စံ သာဓေသတိ တံတံစရိယာနုရူပံ သမ္မာ-  
ပဋိပတ္တိယာ အနုသာသနတော၊ ဌိတေနော စ မယာ “ဣမေ ပဉ္စက္ခန္ဓာ”၊  
ဒွါဒသာယတနာနိ၊ အဋ္ဌာရသဓာတုယော၊ စတ္တာရိ သစ္စာနိ၊ ဗာဝိသတိန္ဒြိယာနိ၊  
နဝ ဟေတူ၊ စတ္တာရော အာဟာရာ၊ သတ္တ ဖဿာ၊ သတ္တ ဝေဒနာ၊ သတ္တ သညာ၊  
သတ္တ စေတနာ၊ သတ္တ စိတ္တာနိ။ တတြာပိတ္တေကာ မ္မောကာမာဝစရာ၊ ဧတ္တကာ  
ရူပါဝစရာ၊ ဧတ္တကာ အရူပါဝစရာ၊ ဧတ္တကာ ပရိယာပန္နာ၊ ဧတ္တကာ အပရိယာ-  
ပန္နာ၊ ဧတ္တကာ လောကီယာ၊ ဧတ္တကာ လောကုတ္တရာ”တိ ဣမေ ဓမ္မေ  
ဝိဘဇိတွာ ဝိဘဇိတွာ အဘိဓမ္မပိဋကံ ဒေသိတံ၊ တံ သကလမ္ပိ အဘိဓမ္မပိဋကံ  
မယိ ပရိနိဗ္ဗုတေ တုမှာကံ သတ္တုကိစ္စံ သာဓေသတိ ခန္ဓာဒိဝိဘာဂေန  
ဉာသမာနံ စတုသစ္စသမ္မောဓာဝဟတ္တာ။ ဣတိ သဗ္ဗမ္မေတံ အဘိသမ္မောဓိတော  
ယာဝ ပရိနိဗ္ဗာနာ ပဉ္စစတ္တာလီသဝဿာနိ ဘာသိတံ လပိတံ “တိဏိ ပိဋကာနိ၊  
ပဉ္စ နိကာယာ၊ နဝင်္ဂါနိ၊ စတုရာသီတိ ဓမ္မက္ခန္ဓသဟဿာနိ”တိ ဧဝံ မဟပုဏ္ဏေ  
ဟောဘိ။ ဣမာနိ စတုရာသီတိ ဓမ္မက္ခန္ဓသဟဿာနိ တိဋ္ဌန္တိ၊ အဟံ ဧကောဝ  
ပရိနိဗ္ဗာယိဿာမိ၊ အဟန္တ ပနိဒါနိ ဧကောဝ ဩဝဒါမိ အနုသာသာမိ၊ မယိ  
ပရိနိဗ္ဗုတေ ဣမာနိ စတုရာသီတိ ဗုဒ္ဓသဟဿာနိ တုမှေ ဩဝဒိဿန္တိ အနုသာ-  
သိဿန္တိ ဩဝါဒါနုသာသနကိစ္စဿ နိပ္ပုဒနတောတိ။

သာသနန္တိ ပရိယတ္တိပဋိပတ္တိပဋိဝေဓဝသေန တိဝိဓမ္ပိ သာသနံ၊ နိပ္ပရိယာ-  
ယဘော ပန သတ္တတိံသ ဗောဓိပက္ခိယဓမ္မာ။ အဒ္ဓါနံ ဂမိတုမလန္တိ အဒ္ဓနိယံ၊  
အဒ္ဓါနဂါမိ အဒ္ဓါနက္ခမန္တိ အတ္ထော။ ဖိရံ ဌိတိ တေဿာတိ စိရဋ္ဌိတိကံ။ ဣဒံ  
ဝုတ္တံ ဟောတိ—ယေန ပကာရေန ဣဒံ သာသနံ အဒ္ဓနိယံ၊ တတောယေဝ  
စ စိရဋ္ဌိတိကံ ဘဝေယျ၊ တေန ပကာရေန ဓမ္မဉ္စ ဝိနယဉ္စ ယဒိ ပနာဟံ  
သင်္ဂါယေယျံ၊ သာဓု ဝတာတိ။

ဣဒါနိ သမ္မာသမ္ဗုဒ္ဓေန အတ္တနော ကဘံ အနုဂ္ဂဟဝိသေသံ သမနုဿရိတွာ  
စိန္တနာကာရမ္ပိ ဒဿေန္တော “ယဉ္ဇာဟံ ဘဂဝတာ”တိ အာဒိမာဟ။ တတ္ထ  
“ယဉ္ဇာဟ”န္တိ ဧတဿ “အနုဂ္ဂဟိတော၊ ပသံသိတော”တိ ဧတေဟိ သမ္ပန္နော။

ယန္တိ ယသ္မာ၊ ကိရိယာပရာမသနံ ဝါ ဧတံ၊ တေန “အနုဂ္ဂဟိတော၊ ပသံသိတော”တိ ဧတ္ထ အနုဂ္ဂဟဏံ၊ ပသံသနဉ္စ ပရာမသတိ။ “ဓာရေဿသိ”တိ- အာဒိကံ ပန ဝစနံ ဘဂဝါ အညတရသ္မိံ ရုက္ခမူလေ မဟာကဿပတ္ထေရေန ပညတ္တသင်္ဃာဋိယံ နိသိန္ဓော တံ သင်္ဃာဋိံ ပဒုမပုပ္ဖဝဏ္ဏေန ပါဏိနာ အန္တန္တေန ပရာမသန္တော အာဟ။ ဝုတ္တဉ္စေတံ ကဿပသံယုတ္ထေ မဟာကဿ- ပတ္ထေရေနော အာနန္ဒတ္ထေရံ အာမန္တေတွာ ကထေန္တေန—

“အထ ခေါ အာဝုသော ဘဂဝါ မဂ္ဂါ ဩက္ကမ္မ ယေန အညတရံ ရုက္ခမူလံ တေနပသင်္ကမိ၊ အထ ခွါဟံ အာဝုသော ပဋ္ဌပိလောတိ- ကာနံ သင်္ဃာဋိံ စတုဂ္ဂုဏံ ပညာပေတွာ ဘဂဝန္တံ ဧတဒဝေါစံ ‘ဣဓ ဘန္တေ ဘဂဝါ နိသီဒတု၊ ယံ မမဿ ဒီဃရတ္တံ ဟိတာယ သုခါယာ’တိ။ နိသီဒိ ခေါ အာဝုသော ဘဂဝါ ပညတ္ထေ အာသနေ၊ နိသဇ္ဇ ခေါ မံ အာဝုသော ဘဂဝါ ဧတဒဝေါစံ ‘မုဒုကာ ခေါ ဘျာယံ ကဿပ ပဋ္ဌပိလောတိကာနံ သင်္ဃာဋိံ’တိ။ ပဋိဂ္ဂဏှာတု မေ ဘန္တေ ဘဂဝါ ပဋ္ဌပိလောတိကာနံ သင်္ဃာဋိံ အနုကမ္ပံ ဥပါဒါ- ယာတိ။ ဓာရေဿသိ ပန မေ တွံ ကဿပ သာဏာနိ ပံသုကူလာနိ နိဗ္ဗသနာနိတိ။ ဓာရေဿာမဟံ ဘန္တေ ဘဂဝတော သာဏာနိ ပံသုကူလာနိ နိဗ္ဗသနာနိတိ။ သော ခွါဟံ အာဝုသော ပဋ္ဌပိလောတိ- ကာနံ သင်္ဃာဋိံ ဘဂဝတော ပါဒါသိ၊ အဟံ ပန ဘဂဝတော သာဏာနိ ပံသုကူလာနိ နိဗ္ဗသနာနိ ပဋိပဇ္ဇိ”န္တိ ၂။

တတ္ထ မုဒုကာ ခေါ ဘျာယန္တိ မုဒုကာ ခေါ တေ အယံ။ ကသ္မာ ပန ဘဂဝါ ဧဝမာဟာတိ? ထေရေန သဟ စီဝရံ ပရိဝတ္ထေတုကာမတာယ။ ကသ္မာ ပရိဝတ္ထေတုကာမော ဇာတောတိ? ထေရံ အတ္တနော ဌာနေ ဌပေတုကာမ- တာယ။ ကိံ သာရိပုတ္တမောဂ္ဂလ္လာနာ နတ္ထိတိ? အတ္ထိ၊ ဧဝံ ပနဿ အဟောသိ “ဣမေ န စီရံ ဌဿန္တိ၊ ‘ကဿပေါ ပန ဝိသဝဿသတာယုကော၊ သော မယိ ပရိနိဗ္ဗုတေ သတ္တပဏ္ဍိဂုဟာယံ ဝသိတွာ ဓမ္မဝိနယသင်္ဂဟံ ကတွာ မမ သာသနံ ပဉ္စဝဿသဟဿပရိမာဏကာလံ ပဝတ္တနကံ ကရိဿတိ’တိ အတ္တနော နံ ဌာနေ ဌပေသိ၊ ဧဝံ ဘိက္ခု။ ကဿပဿ သုဿသိတဗ္ဗံ မညိဿန္တိ”တိ တသ္မာ ဧဝမာဟ။ ထေရော ပန ယသ္မာ စီဝရဿ ဝါ ပတ္တဿ ဝါ ဝဏ္ဏေ ကထိတေ “ဣမံ တုမေ ဂဏှထာ”တိ ဝစနံ စာရိတ္တမေဝ၊ တသ္မာ “ပဋိဂ္ဂဏှာတု မေ ဘန္တေ ဘဂဝါ”တိ အာဟ။

ဓာရေဿသိ ပန မေ တုံ ကဿပါတိ ကဿပ တုံ ဣမာနိ ပရိဘောဂ-  
ဇိဏ္ဏာနိ ပံသုကူလာနိ ပါရုပိတုံ သက္ခိဿသိတိ ဝဒတိ။ တဉ္စ ခေါ န ကာယဗလံ  
သန္ဓာယ၊ ပဋိပတ္တိပူရဏံ ပန သန္ဓာယ ဧဝမာဟ။ အယဉ္ဇေတ္ထ အဓိပ္ပါယော—  
အဟံ ဣမံ စိဝရံ ပုဏ္ဏံ နာမ ဒါသိံ ပါရုပိတွာ အာမကသုသာနေ ဆဒ္ဓိတံ  
သုသာနံ ပရိသိတွာ တုဗ္ဗမတ္တေဟိ ပါဏကေဟိ သမ္ပရိကိဏ္ဏံ တေ ပါဏကေ  
ဝိရုနိတွာ မဟာအရိယဝံသေ ဌတွာ အဂ္ဂဟေသိံ၊ တဿ မေ ဣမံ စိဝရံ  
ဂဟိတဒိဝသေ ဒဿသဟဿစက္ကဝါဠေ မဟာပထဝီ မဟာဝိရဝံ ဝိရဝမာနာ  
ကမ္ပိတ္ထ၊ အာကာသံ တဋ္ဌတဋ္ဌာယိ၊ စက္ကဝါဠေ ဒေဝတာ သာဓုကာရံ အဒံသု၊  
ဣမံ စိဝရံ ဂဏှန္တေန ဘိက္ခုနာ ဇာတိပံသုကူလိကေန ဇာတိအာရဉ္ဇိကေန  
ဇာတိကောသနိကေန ဇာတိသပဒါနစာရိကေန ဘဝိတုံ ဝဋ္ဋတိ၊ တုံ ဣမဿ  
စိဝရဿ အနုစ္စဝိကံ ကာတုံ သက္ခိဿသိတိ။ ထေရောပိ အတ္တနာ ပဉ္စန္ဒ ဟတ္ထိနံ  
ဗလံ ဓာရေတိ၊ သော တံ အတက္ကယိတွာ “အဟမေတံ ပဋိပတ္တိံ ပူရေဿာမီ”တိ  
ဥဿာဟေန သုဂတစိဝရဿ အနုစ္စဝိကံ ကာတုကာမော “ဓာရေဿာမဟံ  
ဘန္တေ”တိ အာဟ။ ပဋိပဇ္ဇိန္တိ ပဋိပန္နောသိံ။ ဧဝံ ပန စိဝရပရိဝတ္တနံ ကတွာ  
ထေရေန ပါရုပိတစိဝရံ ဘဂဝါ ပါရုပိ၊ သတ္ထု စိဝရံ ထေရော။ တသ္မိံ  
သမယေ မဟာပထဝီ ဥဒကပရိယန္တိ ကတွာ ဥန္တဒန္တိ ကမ္ပိတ္ထ။

သာဏာနိ ပံသုကူလာနိတိ မတကဠေဝရံ ပရိဝေဋ္ဌေတွာ ဆဒ္ဓိတာနိ  
တုဗ္ဗမတ္တေ ကိမိ ပဗ္ဗေါဠေတွာ ဂဟိတာနိ သာဏဝါကမယာနိ ပံသုကူလ-  
စိဝရာနိ။ နိဗ္ဗသနာနိတိ နိဋ္ဌိတဝသနကိစ္စာနိ၊ ပရိဘောဂဇိဏ္ဏာနိတိ အတ္တော။  
တ္ထေ စ ကိဉ္စာပိ ကေမေဝ တံ စိဝရံ၊ အနေကာဝယဝတ္တာ ပန ဗဟုဝစနံ ကတန္တိ  
မဇ္ဈိမဂဏ္ဌိပဒေ ဝုတ္တံ။ စိဝရေ သာဓာရဏပရိဘောဂေနာတိ တေ အတ္တနာ  
သာဓာရဏပရိဘောဂေနာတိ အတ္တဿ ဝိညာယမာနက္ကာ၊ ဝိညာယမာနက္ကဿ  
စ သဒ္ဓဿ ပယောဂေ ကာမာစာရက္ကာ “အတ္တနာ”တိ န ဝုတ္တံ။ “ဓာရေဿသိ  
ပန မေ တုံ ကဿပ သာဏာနိ ပံသုကူလာနိ”တိ ဟိ ဝုတ္တက္ကာ “အတ္တနာဝ  
သာဓာရဏပရိဘောဂေနာ”တိ ဝိညာယတိ၊ နာညေန။ န ဟိ ကေဝလံ  
သဒ္ဓတောယေဝ သဗ္ဗတ္ထ အတ္တနိစ္ဆယော၊ အတ္တပကရဏာဒိနာပိ ယေဘုယျေန  
အတ္တဿ နိယမိတက္ကာ။ အာစရိယဓမ္မပါလတ္ထေရေန ပနေတ္ထ ဧဝံ ဝုတ္တံ “စိဝရေ  
သာဓာရဏပရိဘောဂေနာတိ တေ ‘အတ္တနာ သမသမဋ္ဌပနေနာ’တိ ဣဓ ဝုတ္တံ  
အတ္တနာ-သဒ္ဓမာနေတွာ ‘စိဝရေ အတ္တနာ သာဓာရဏပရိဘောဂေနာ’တိ  
ယောဇေတဗ္ဗံ။

ယဿ ယေန ဟိ သမ္ပန္နော၊ ဒုရဋ္ဌမ္ပိ စ တဿ တံ။  
အတ္တတော ဟျသမာနာနံ၊ အာသန္တတ္ထမကာရဏန္တိ။

အထ ဝါ ဘဂဝတာ စီဝရေ သာဓာရဏပရိဘောဂေန ဘဂဝတာ အနုဂ္ဂဟိတောတိ ယောဇနီယံ။ ဧကဿာပိ ဟိ ကရဏနိဒ္ဒေသဿ သဟာဒိ-  
ယောဂကတ္တုတ္ထဇောတကတ္တသမ္ဘဝတော”တိ။ သမာနံ ဓာရဏမေတဿာတိ  
**သာဓာရဏော၊** တာဒိသော ပရိဘောဂေါတိ **သာဓာရဏပရိဘောဂေါ၊**  
တေန။ သာဓာရဏပရိဘောဂေန စ သမသမဋ္ဌပနေန စ အနုဂ္ဂဟိတောတိ  
သမ္ပန္နော။

ဣဒါနိ—

“အဟံ ဘိက္ခဝေ ယာဝဒေ အာကန္တိမိ ဝိဝိဇ္ဇေဝ ကာမေဟိ ဝိဝိဇ္ဇ  
အကုသလေဟိ ဓမ္မေဟိ သဝိတက္ကံ သဝိစာရံ ဝိဝေကဇံ ဝီတိသုခံ  
ပဌမံ ဈာနံ ဥပသမ္ပဇ္ဇ ဝိဟရာမိ၊ ကဿပေါပိ ဘိက္ခဝေ ယာဝဒေ  
အာကန္တိတိ ဝိဝိဇ္ဇေဝ ကာမေဟိ ဝိဝိဇ္ဇ အကုသလေဟိ ဓမ္မေဟိ  
သဝိတက္ကံ သဝိစာရံ ဝိဝေကဇံ ဝီတိသုခံ ပဌမံ ဈာနံ ဥပသမ္ပဇ္ဇ  
ဝိဟရတိ”တိအာဒိနာ”—

နဝါနုပုဗ္ဗဝိဟာရဆဋ္ဌဘိညာပဘေဒေ ဥတ္တရိမနုဿဓမ္မေ အတ္တနာ သမသမဋ္ဌ-  
ပနတ္ထာယ ဘဂဝတာ ဝုတ္တံ ကဿပသံယုတ္တေ” အာဂတံ ပါဠိမိမံ ပေယျာလ-  
မုခေန၊ အာဒိဂ္ဂဟဏေန စသဒ္ဓိပိတွာ ဒဿေန္တောအာဟ “**အဟံ ဘိက္ခဝေ**”တိ-  
အာဒိ။

တတ္ထ ယာဝဒေတိ ယာဝဒေဝ၊ ယတ္ထကံ ကာလံ အာကန္တိမိ၊ တတ္ထကံ  
ကာလံ ဝိဟရာမိတိ အတ္ထော။ တတောယေဝ ဟိ **မန္တိမဂ္ဂဏ္ဍိပဒေ၊ ဂူဠဂဏ္ဍိ-  
ပဒေ** စ “**ယာဝဒေတိ** ယာဝဒေဝါတိ ဝုတ္တံ ဟောတိ”တိ လိခိတံ။ **သံယုတ္တဋ္ဌ-  
ကထာယမ္ပိ** “ယာဝဒေ အာကန္တိမိတိ ယာဝဒေဝ ဣစ္ဆာမိ”တိ<sup>၂</sup> အတ္ထော  
ဝုတ္တော။ တထာ ဟိ တတ္ထ လိနတ္ထပကာသနိယံ **အာဝရိယဓမ္မပါလတ္ထေရေန**  
“ယာဝဒေဝါတိ ဣမိနာ သမာနတ္ထံ ‘ယာဝဒေ’တိ ဣဒံ ပဒ”န္တိ ဝုတ္တံ။  
ပေါတ္ထကေသု ပန ကတ္ထမိ “ယာဝဒေဝါ”တိ အယမေဝ ပါဠော ဒိဿတိ။  
အပိစ **ယာဝဒေတိ** ယတ္ထကံ သမာပတ္တိဝိဟာရံ ဝိဟရိတုံ အာကန္တိမိ၊ တတ္ထကံ  
သမာပတ္တိဝိဟာရံ ဝိဟရာမိတိ သမာပတ္တိဋ္ဌာနေ၊ ယတ္ထကံ အဘိညာဝေါဟာရံ

ဝေါဟရိတုံ အာကင်္ခါမိ၊ တတ္ထကံ အဘိညာဝေါဟာရံ ဝေါဟရာမီတိ အဘိညာ-  
 ဌာနေ စ သဟ ပါဌသေသေန အတ္ထော ဝေဒိတဗျော။ **အာစရိယဓမ္မပါလတ္ထ-**  
**ရေနာပိ** တဒေဝတ္ထံ ယထာလာဘနယေန ဒဿေတုံ “ယတ္ထကေ သမာပတ္တိ-  
 ရိဟာရေ၊ အဘိညာဝေါဟာရေ ဝါ အာကင်္ခန္တော ဝိဟရာမိ စေဝ ဝေါဟရာမိ  
 စ၊ တထာ ကဿပေါပီတိ အတ္ထော”တိ ဝုတ္တံ။ အပရေ ပန “ယာဝဒေတိ ‘ယံ  
 ပဌမဇ္ဈာနံ အာကင်္ခါမိ၊ တံ ပဌမဇ္ဈာနံ ဥပသမ္ပဇ္ဇေ ဝိဟရာမိ’တိအာဒိနာ သမာ-  
 ပတ္တိဌာနေ၊ ဣဒ္ဓိဝိဓာဘိညာဌာနေ စ အဇ္ဈာဟရိတဿ တ-သဒ္ဓဿ ကမ္မဝသေန  
 ‘ယံ ဒိဗ္ဗသောတံ အာကင်္ခါမိ၊ တေန ဒိဗ္ဗသောတေန သဒ္ဓေ သုဏာမီ’တိအာဒိနာ  
 သေသာဘိညာဌာနေ ကရဏဝသေန ယောဇနာ ဝတ္တဗ္ဗာ”တိ ဝဒန္တိ။ **ဝိဝိဇ္ဇေဝ**  
**ကာမေဟိတိ** ဧတ္ထ ဧဝ-သဒ္ဓေါ နိယမတ္ထော၊ ဥဘယတ္ထ ယောဇေတဗျော။  
 ယမေတ္ထ ဝတ္တဗ္ဗံ၊ တဒုပရိ အာဝိ ဘဝိဿတိ။

နဝါနုပုဗ္ဗဝိဟာရဆဋ္ဌဘိညာပွဘေဒေတိ ဧတ္ထ နဝါနုပုဗ္ဗဝိဟာရာ နာမ  
 အနုပဋိပါဋိယာ သမာပဇ္ဇိတဗ္ဗတ္တာ ဧဝံသညိတာ နိရောဓသမာပတ္တိယာ သဟ  
 အဋ္ဌ သမာပတ္တိယော။ **ဆဋ္ဌဘိညာ** နာမ အာသဝက္ခယဉာဏေန သဟ ပညာဘိ-  
 ညာယော။ ကတ္ထမိ ပေါတ္ထကေ စေတ္ထ အာဒိသဒ္ဓေါ ဒိဿတိ။ သော အန-  
 မိပ္ပေတော ယထာဝုတ္တာယ ပါဋိယာ ဂဟေတဗ္ဗဿ အတ္ထဿ အနဝသေသတ္တာ။  
 မနုဿေသု၊ မနုဿာနံ ဝါ ဥတ္တရိဘူတာနံ၊ ဥတ္တရိနံ ဝါ မနုဿာနံ ဈာယိနဇ္ဇေဝ  
 အရိယာနဉ္စ ဓမ္မောတိ **ဥတ္တရိမနုဿဓမ္မော**၊ မနုဿဓမ္မော ဝါ ဥတ္တရိတိ **ဥတ္တရိ-**  
**မနုဿဓမ္မော**။ ဒသ ကုသလကမ္မပထာ စေတ္ထ ဝိနာ ဘာဝနာမနသိကာရေန  
 ပကတိယာဝ မနုဿေဟိ နိဗ္ဗတ္တေတဗ္ဗတော၊ မနုဿတ္တဘာဝါဝဟနတော စ  
**မနုဿဓမ္မော** နာမ၊ တတော ဥတ္တရိ ပန ဈာနာဒိ ဥတ္တရိမနုဿဓမ္မောတိ  
 ဝေဒိတဗျော။ **သမသမဋ္ဌပနေနာ**တိ “အဟံ ယတ္ထကံ ကာလံ၊ ယတ္ထကေ ဝါ  
 သမာပတ္တိဝိဟာရေ၊ ယတ္ထကာ အဘိညာယော စ ဝဠုဇ္ဇေမိ၊ တထာ ကဿပေါ-  
 ပီ”တိ ဧဝံ သမသမံ ကတွာ ဌပနေန။ အနေကဋ္ဌာနေသု ဌပနံ၊ ကဿမိပိ  
 ဥတ္တရိမနုဿဓမ္မဿ အသေသဘာဝေန ဧကန္တသမဋ္ဌပနံ ဝါ သန္ဓာယ “သမ-  
 သမဋ္ဌပနေနာ”တိ ဝုတ္တံ၊ ဣဒ္ဓန္တ နဝါနုပုဗ္ဗဝိဟာရဆဋ္ဌဘိညာဘာဝသာမညေန  
 ပသံသာမတ္တန္တိ ဒဋ္ဌဗ္ဗံ။ န ဟိ အာယသ္မာ မဟာကဿပေါ ဘဂဝါ ဝိယ  
 ဒေဝသိကံ စတုဝိသတိကောဋိသတသဟဿသင်္ချာ သမာပတ္တိယော သမာပဇ္ဇ-  
 တိ၊ ယမကပါဋိဟာရိယာဒိဝသေန စ အဘိညာယော ဝဠုဇ္ဇေတိတိ။ ဧတ္ထ စ  
 “ဥတ္တရိမနုဿဓမ္မေ အတ္တနာ သမသမဋ္ဌပနေနာ”တိ ဣဒံ နိဒဿနမတ္တန္တိ  
 ဝေဒိတဗ္ဗံ။ တထာ ဟိ—

“ဩဝေ ကဿပ ဘိက္ခု။ ကရောဟိ ကဿပ ဘိက္ခုနံ ဓမ္မိံ ကထံ၊  
အဟံ ဝါ ကဿပ ဘိက္ခု ဩဝေယျံ၊ တွံ ဝါ။ အဟံ ဝါ ကဿပ  
ဘိက္ခုနံ ဓမ္မိံ ကထံ ကရေယျံ၊ တွံ ဝါ”တိ—

ဧဝမ္ပိ အတ္တနာ သမသမဋ္ဌပနမကာသိယေဝါတိ။

တထာတိ ရူပူပသံဟာရော ယထာ အနုဂ္ဂဟိတော၊ တထာ ပသံသိတောတိ။  
**အာကာသေ ပါဏိံ စာလေတွာတိ** ဘဂဝတာ အတ္တနောယေဝ ပါဏိံ  
အာကာသေ စာလေတွာ ကုလေသု အလဂ္ဂစိတ္တတာယ စေဝ ကရဏဘူတာယ  
ပသံသိတောတိ သမ္ပန္နော။ **အလဂ္ဂစိတ္တတာယာတိ** ဝါ အာဓာရေ ဘုဗ္ဗံ၊  
အာကာသေ ပါဏိံ စာလေတွာ ကုလူပကဿ ဘိက္ခုနော အလဂ္ဂစိတ္တတာယ  
ကုလေသု အလဂ္ဂနစိတ္တေန ဘဝိတုံ ယုတ္တတာယ စေဝ မညေဝ သက္ခိံ ကတွာ  
ပသံသိတောတိ အတ္ထော။ ယထာဟ—

“အထ ခေါ ဘဂဝါ အာကာသေ ပါဏိံ စာလေသိ သေယျ-  
ထာပိ ဘိက္ခဝေ အယံ အာကာသေ ပါဏိံ န သဇ္ဇတိ န ဂယတိ န  
ဗဇ္ဈတိ၊ ဧဝမေဝ ခေါ ဘိက္ခဝေ ယဿ ကဿစိ ဘိက္ခုနော ကုလာနိ  
ဥပသင်္ကမတော ကုလေသု စိတ္တံ န သဇ္ဇတိ န ဂယတိ န ဗဇ္ဈတိ  
‘လဘန္တု လဘကာမာ၊ ပုညကာမာ ကရောန္တု ပုညာနိ’တိ။  
ယထာ သကေန လာဘေန အတ္တမနော ဟောတိ သုမနော၊ ဧဝံ  
ပရေသံ လာဘေန အတ္တမနော ဟောတိ သုမနော။ ဧဝရူပေါ  
ခေါ ဘိက္ခဝေ ဘိက္ခု အရဟတိ ကုလာနိ ဥပသင်္ကမိတုံ။ ကဿပဿ  
ဘိက္ခဝေ ကုလာနိ ဥပသင်္ကမတော ကုလေသု စိတ္တံ န သဇ္ဇတိ န  
ဂယတိ န ဗဇ္ဈတိ ‘လဘန္တု လဘကာမာ၊ ပုညကာမာ ကရောန္တု  
ပုညာနိ’တိ။ ယထာ သကေန လာဘေန အတ္တမနော ဟောတိ  
သုမနော၊ ဧဝံ ပရေသံ လာဘေန အတ္တမနော ဟောတိ  
သုမနော”တိ။

တတ္ထ **အာကာသေ ပါဏိံ စာလေသိ**တိ နီလေ ဂဂနန္တရေ ယမကဝိဇ္ဇုကံ  
သဗ္ဗာလယမာနော ဝိယ ဟေဋ္ဌာဘာဂေ၊ ဥပရိဘာဂေ၊ ဥဘတော စ ပဿေသု  
ပါဏိံ သဗ္ဗာလေသိ၊ ဣဒဉ္စ ပန တေပိဋကေ ဗုဒ္ဓဝစနေ အသမ္ဘိန္နပဒံ  
နာမ။ **အတ္တမနော**တိ သကမနော၊ န ဒေါမနဿေန ပစ္ဆိန္နိတွာ ဂဟိတ-  
မနော။ **သုမနော**တိ တုဋ္ဌမနော၊ ဣဒါနိ ယော ဟိနာဓိမုတ္တိကော မိစ္ဆာပဋိပန္နော

ဧဝံ ဝဒေယျ “သမ္မာသမ္ဗုဒ္ဓေါ” အလဂ္ဂစိတ္တတာယ အာကာသေ စာလိတပါဏု-  
ပမာ ကုလာနိ ဥပသင်္ကမထာ’တိ ဝဒန္တော အဋ္ဌာနေ ဌပေတိ၊ အသယုဘာရံ  
အာရောပေတိ၊ ယံ န သက္ကာ ကာတုံ၊ တံ ကာရေဟိ”တိ၊ တဿ ဝါဒပထံ  
ပစ္စိန္နိတွာ “သက္ကာ စ ခေါ ဧဝံ ကာတုံ၊ အတ္ထိ ဧဝရူပေါဘိက္ခု”တိ အာယသ္မန္တံ  
မဟာကဿပတ္ထေရမေဝ သက္ခိံ ကတွာ ဒဿေန္တော “**ကဿပဿ ဘိက္ခုဓေ**”တိ-  
အာဒိမာဟ။

အညမ္ပိ ပသံသနမာဟ “**စန္ဒောပမပဋိပဒါယ စာ**”တိ၊ စန္ဒပဋိဘာဂါယ  
ပဋိပဒါယ စ ကရဏဘူတာယ ပသံသိတော၊ တဿံ ဝါ အာဓာရဘူတာယ  
မညေဝ သက္ခိံ ကတွာ ပသံသိတောတိ အတ္ထော။ ယထာဟ—

“စန္ဒပမာ ဘိက္ခုဓေ ကုလာနိ ဥပသင်္ကမထ အပကဿေဝ ကာယံ၊  
အပကဿ စိတ္တံ နိစ္စနဝကာ ကုလေသု အပ္ပဂဗ္ဘာ။ သေယျထာပိ  
ဘိက္ခုဓေ ပုရိသော ဇရဒပါနံ ဝါ ဩလောကေယျ ပဗ္ဗတဝိသမံ ဝါ  
နဒီဝိဒုဂ္ဂံ ဝါ အပကဿေဝ ကာယံ၊ အပကဿ စိတ္တံ၊ ဧဝမေဝ ခေါ  
ဘိက္ခုဓေ စန္ဒပမာ ကုလာနိ ဥပသင်္ကမထ အပကဿေဝ ကာယံ၊  
အပကဿ စိတ္တံ နိစ္စနဝကာ ကုလေသု အပ္ပဂဗ္ဘာ။ ကဿပေါ  
ဘိက္ခုဓေ စန္ဒပမာ ကုလာနိ ဥပသင်္ကမထ အပကဿေဝ ကာယံ၊  
အပကဿ စိတ္တံ နိစ္စနဝကာ ကုလေသု အပ္ပဂဗ္ဘော”တိ။

တတ္ထ **စန္ဒပမာ**တိ စန္ဒသဒိသာ ဟုတွာ။ ကိံ ပရိမဏ္ဍလတာယ သဒိသာတိ?  
နော၊ အပိစ ခေါ ယထာ စန္ဒော ဂဂနတလံ ပက္ခန္ဓမာနော န ကေနစိ သဒ္ဓိံ  
သန္တဝံ ဝါ သိနေဟံ ဝါ အာလယံ ဝါ နိကန္တိံ ဝါ ပတ္ထနံ ဝါ ပရိယုဋ္ဌာနံ ဝါ  
ကရောတိ၊ န စ န ဟောတိ မဟာဇနဿ ပိယော မနာပေါ၊ တုမှေပိ ဧဝံ  
ကေနစိ သဒ္ဓိံ သန္တဝါဒီနံ အကရဏေန ဗဟုဇနဿ ပိယာ မနာပါ စန္ဒပမာ  
ဟုတွာ ခတ္တိယကုလာဒီနိ စတ္တာရိ ကုလာနိ ဥပသင်္ကမထာတိ အတ္ထော။ အပိစ  
ယထာ စန္ဒော အန္ဓကာရံဝိမေတိ၊ အာလောကံ ဖရတိ၊ ဧဝံ ကိလေသန္ဓကာရ-  
ဝိမေနေန၊ ဉာဏာလောကဖရဏေန စ စန္ဒပမာ ဟုတွာတိ ဧဝမာဒိဟိပိ  
နယေဟိ အတ္ထော ဒဋ္ဌဗ္ဗော။

**အပကဿေဝ ကာယံ၊ အပကဿ စိတ္တန္တိ** တေနေဝ သန္တဝါဒီနမကရဏေန  
ကာယဉ္စ စိတ္တဉ္စ အပကဿိတွာ၊ အကဓိတွာ အပနေတွာတိ အတ္ထော။ **နိစ္စနဝ-**  
**ကာတိ** နိစ္စံ နဝိကာဝ၊ အာဂန္တုကသဒိသာ ဧဝံ ဟုတွာတိ အတ္ထော။

အာဂန္တုကော ဟိ ပဋိပါဠိယာ သမ္ပတ္တဂေဟံ ပဝိသိတွာ သစေ နံ သရသာမိ-  
 ကာ ဒိသ္မာ “အမှာကံ ပုတ္တဘာတရောပိ ဝိပွဝါသဂတာ ဧဝံ ဝိစရိံသု”တိ  
 အနုကမ္မမာနာ နိသီဒါပေတွာ ဘောဇေန္တိ၊ ဘုတ္တမတ္တောယေဝ “တုမှာကံ  
 ဘာဇနံ ဂဏှထာ”တိ ဥဋ္ဌာယ ပက္ကမတိ၊ န တေဟိ သဒ္ဓိံ သန္တဝံ ဝါ ကရေတိ၊  
 ကိစ္စကရဏီယာနိ ဝါ သံဝိဒဟတိ၊ ဧဝံ တုမှေပိ ပဋိပါဠိယာ သမ္ပတ္တသရံ  
 ပဝိသိတွာ ယံ ဣရိယာပထေသု ပသန္တာ မနုဿာ ဒေန္တိ၊ တံ ဂဟေတွာ  
 ပစ္စိန္နသန္တဝါ တေသံ ကိစ္စကရဏီယေ အဗျာဝဋ္ဌာ ဟုတွာ နိက္ခမထာတိ  
 ဒီပေတိ။ အပ္ပဂဗ္ဘာတိ န ပဂဗ္ဘာ၊ အဋ္ဌဋ္ဌာနေန ကာယပါဂပ္ပိယေန၊  
 စတုဋ္ဌာနေန ဝစီပါဂပ္ပိယေန၊ အနေကဋ္ဌာနေန မနောပါဂပ္ပိယေန စ  
 ဝိရဟိတာ ကုလာနိ ဥပသင်္ကမထာတိ အတ္ထော။

ဇရုဒပါနန္တိ ဇိဏ္ဏကူပံ။ ပဗ္ဗတဝိသမန္တိ ပဗ္ဗတေ ဝိသမံ ပပါတဋ္ဌာနံ။ နဒီဝိ-  
 ခုဂ္ဂန္တိ နဒိယာ ဝိဒုဂ္ဂံ ဆိန္နတဋ္ဌဋ္ဌာနံ။ ဧဝမေဝ ခေါတိ ဧတ္ထ ဣဒံ ဩပဗ္ဗသံသန္တနံ—  
 ဇရုဒပါနာဒယော ဝိယ ဟိ စတ္တာရိ ကုလာနိ၊ ဩလောကနပုရိသော ဝိယ ဘိက္ခု၊  
 ယထာ ပန အနုပကဋ္ဌကာယစိတ္တော တာနိ ဩလောကေန္တော ပုရိသော တတ္ထ  
 ပတတိ၊ ဧဝံ အရက္ခိတေဟိ ကာယာဒီဟိ ကုလာနိ ဥပသင်္ကမန္တော ဘိက္ခု  
 ကုလေသု ဗဇ္ဈတိ၊ တတော နာနပ္ပကာရံ သီလပါဒဘဉ္ဇနာဒိကံ အနတ္တံ ပါပ-  
 ဏာတိ။ ယထာ ပန အပကဋ္ဌကာယစိတ္တော ပုရိသော တတ္ထ န ပတတိ၊ ဧဝံ ရက္ခိ-  
 တေနော ကာယေန၊ ရက္ခိတာယ ဝါစာယ၊ ရက္ခိတေဟိ စိတ္တေဟိ၊ သူပဋိတာယ  
 သတိယာ အပကဋ္ဌကာယစိတ္တော ဟုတွာ ကုလာနိ ဥပသင်္ကမန္တော ဘိက္ခု  
 ကုလေသု န ဗဇ္ဈတိ၊ အထဿ သီလသဒ္ဓါသမာဓိပညာသင်္ခါတာနိ ပါဒဟတ္ထ-  
 ကုမ္ဘိသီသာနိ န ဘဉ္ဇန္တိ၊ ရာဂကဏှကာဒယော န ဝိဇ္ဈန္တိ၊ သုခိတော ယေန-  
 ကာမံ အဂတပုဗ္ဗံ နိဗ္ဗာနဒိသံ ဂစ္ဆတိ၊ ဧဝရူပေါ အယံ မဟာကဿပေါတိ ဟိ-  
 နာမိမုတ္တိကဿ မိစ္ဆာပဋိပန္နဿ ဝါဒပထပစ္စိန္နနတ္ထံ မဟာကဿပတ္ထေရံ ဧဝ  
 သက္ခိံ ကတွာ ဒဿေန္တော “ကဿပေါ ဘိက္ခဝေ”တိ အာဒိမာဟာတိ။ ဧဝမေတ္ထ  
 အတ္ထမိစ္ဆန္တိ—အလဂ္ဂစိတ္တတာသင်္ခါတာယ စန္ဒောပမပဋိပဒါယ ကရဏ-  
 ဘူတာယ ပသံသိတော၊ တဿံ ဝါ အာဓာရဘူတာယ မညေဝ သက္ခိံ ကတွာ  
 ပသံသိတောတိ၊ ဧဝံ သတိ စေဝ-သဒ္ဓေါ၊ စ-သဒ္ဓေါ စ န ပယုဇ္ဇိတဗ္ဗော ခြိန္နံ  
 ပဒါနံ တုလျာဓိကရဏတ္တာ၊ အယမေဝ အတ္ထော ပါဌော စ ယုတ္တတရော  
 ဝိယ ဒိဿတိ ပရိနိဗ္ဗာနသုတ္တဝဏ္ဏနာယံ “အာကာသေ ပါဏိံ စာလေတွာ  
 စန္ဒူပမံ ပဋိပဒံ ကထေန္တော မံ ကာယသက္ခိံ ကတွာ ကထေသိ”တိ ဝုတ္တတ္တာတိ။

တဿ ကိမညံ အာဏဏှံ ဘဝိဿတိ၊ အညတြ ဓမ္မဝိနယသင်္ဂါယနာတိ အဓိပ္ပါယော။ တတ္ထ တဿာတိ ယံ-သဒ္ဓဿ ကာရဏနိဒဿနေ “တဿာ”တိ အဇ္ဈာဟရိတွာ တဿ မေတိ အတ္ထော၊ ကိရိယာပရာမသနေ ပန တဿ အနုဂ္ဂဟဏဿ၊ ပသံသနဿ စာတိ။ ပေါတ္ထကေသုပိ ကတ္ထမိ “တဿ မေ”တိ ပါဌော ဒိဿတိ၊ ဧဝံ သတိ ကိရိယာပရာမသနေ “တဿာ”တိ အပရံ ပဒ-မဇ္ဈာဟရိတဗ္ဗံ။ နတ္ထိ ဣဏံ ယဿာတိ အဏဏော၊ တဿ ဘာဝေါ အာဏဏှံ။ ဓမ္မဝိနယသင်္ဂါယနံ ဌပေတွာ အညံ ကိံ နာမ တဿ ဣဏဝိရဟိတတ္ထံ ဘဝိ-ဿတိ၊ န ဘဝိဿတိ ဧဝါတိ အတ္ထော။ “နန မံ ဘဝေါ”တိအာဒိနာ ဝုတ္တ-မေဝတ္ထံ ဥပမာဝသေန ဝိဘာဝေတိ။ သကကဝစဇ္ဇဿရိယာနုပ္ပဒါနေနာတိ ဧတ္ထ ကဝစော နာမ ဥရစ္ဆဒေါ၊ ယေန ဥရော ဆာဒီယတေ၊ တဿ စ စိဝရ-နိဒဿနေန ဂဟဏံ၊ ဣဿရိယဿ ပန အဘိညာသမာပတ္တိနိဒဿနေနာတိ ဒဌဗ္ဗံ။ ကုလဝံသပ္ပတိဋ္ဌာပကန္တိ ကုလဝံသဿ ကုလပဝေဏိယာ ပတိဋ္ဌာပကံ။ “မေ”တိ ပဒဿ နိစ္စသာပေက္ခတ္တာ သဒ္ဓမ္မဝံသပ္ပတိဋ္ဌာပကောတိ သမာသော။ ဣဒံ ဝုတ္တံ ဟောတိ—သတ္တုသဃ်နိမ္မဒ္ဓနေန အတ္တနော ကုလဝံသပ္ပတိဋ္ဌာပနတ္ထံ သကကဝစဇ္ဇဿရိယာနုပ္ပဒါနေန ကုလဝံသပ္ပတိဋ္ဌာပကံ ပုတ္တံ ရာဇာ ဝိယ ဘဂဝါပိ မံဒီသဒဿိ “သဒ္ဓမ္မဝံသပ္ပတိဋ္ဌာပကော မေ အယံ ဘဝိဿတိ”တိ မန္တော သာသနပစ္စတ္ထိကဂဏနိမ္မဒ္ဓနေန သဒ္ဓမ္မဝံသပ္ပတိဋ္ဌာပနတ္ထံ စိဝရဒါနသမသမ-ဌပနသင်္ခါတေန ဣမိနာ အသာဓာရဏာနုဂ္ဂဟေန အနုဂ္ဂဟေသိ နန၊ ဣမာယ စ ဥဋ္ဌာရာယ ပသံသာယ ပသံသိ နနတိ။ ဣတိ ဖိန္နယန္တောတိ ဧတ္ထ ဣတိသဒ္ဓေန “အန္တရဓာပေယျံ၊ သင်္ဂါယေယျံ၊ ကိမညံ အာဏဏှံ ဘဝိဿတိ”တိ ဝစနပုဗ္ဗင်္ဂမံ၊ “ဌာနံ ခေါ ပနေတံ ဝိဇ္ဇတိ”တိအာဒိဝါကျတ္တယံ နိဒဿေတိ။

ဣဒါနိ ယထာဝုတ္တမတ္ထံ သင်္ဂီတိက္ခန္ဓကပါဠိယာ သာဓေန္တော အာဟ “ယထာဟာ”တိအာဒိ။ တတ္ထ ယထာဟာတိ ကိံ အာဟ၊ မယာ ဝုတ္တဿ အတ္တဿ သာဓကံ ကိံ အာဟာတိ ဝုတ္တံ ဟောတိ။ ယထာ ဝါ ယေန ပကာ-ရေန မယာ ဝုတ္တံ၊ တထာ တေန ပကာရေန ပါဠိယမ္ပိ အာဟာတိ အတ္ထော။ ယထာ ဝါ ယံ ဝစနံ ပါဠိယံ အာဟ၊ တထာ တေန ဝစနေန မယာ ဝုတ္တဝစနံ သံသန္တတိ စေဝသမေတိစ ယထာ တံ ဂင်္ဂေါဒကေန ယမုနောဒကန္တိပိ ဝတ္တဗ္ဗော ပါဠိယာ သာဓနတ္ထံ ဥဒါဟရိတဘာဝဿ ပစ္စက္ခတော ဝိညာယမာနတ္တာ၊ ဝိညာ-ယမာနတ္တဿ စ သဒ္ဓဿ ပယောဂေ ကာမာစာရတ္တာ။ အဓိပ္ပါယဝိဘာဝနတ္တာ ဟိ အတ္ထယောဇနာ။ ယထာ ဝါ ယေန ပကာရေန ဓမ္မဝိနယသင်္ဂါယနတ္ထံ

ဘိက္ခုနံ ဥဿာဟံ ဇနေသိ၊ တထာ တေန ပကာရေန ပါဠိယမ္ပိ အာဟာတိ အတ္ထော။ ဝေဓိဒိသေသု။

ကေမိဒါဟန္တိ ဧတ္ထ ဣဒန္တိ နိပါတမတ္တံ။ ဧကံ သမယန္တိ စ ဘုဗ္ဗတ္ထေ ဥပယောဂဝစနံ၊ ကေသ္မိံ သမယေတိ အတ္ထော။ ပါဝါယာတိ ပါဝါ-  
နဂရတော၊ တတ္ထ ပိဏ္ဏာယ စရိတွာ “ကုသိနာရံ ဂမိဿာမီ”တိ အဒ္ဓါနမဂ္ဂပ္ပဋိ-  
ပန္နောတိ ဝုတ္တံ ဟောတိ။ အဒ္ဓါနမဂ္ဂေါတိ စ ဒီသမဂ္ဂေါ ဝုစ္စတိ၊  
ဒီသပရိယာယော ဟေတ္ထ အဒ္ဓါနသဒ္ဓေါ။ မဟတာတိ ဂုဏမဟတ္တေနပိ  
သင်္ချာမဟတ္တေနပိ မဟတာ။ “ပဉ္စမတ္တေဟိ”တိ အာဒိနာ သင်္ချာမဟတ္တံ ဒသေတိ၊  
မတ္တသဒ္ဓေါ စ ပမာဏဝစနော “ဘောဇနေ မတ္တညတာ”တိ အာဒိသု ဝိယ။  
“ဓမ္မဝိနယသင်္ဂါယနတ္ထံ ဥဿာဟံ ဇနေသိ”တိ ဧတဿတ္ထဿ သာနေတ္ထံ  
အာဟတာ “အထ ခေါ”တိ အာဒိကာ ပါဠိ ယထာဝုတ္တမတ္တံ န သာဓေတိ။  
န ဟေတ္ထ ဥဿာဟဇနနပ္ပကာရော အာဂတောတိ စောဒနံ ပရိ-  
ဟရိတုမာဟ “သဗ္ဗံ သုဘဒ္ဒကဏ္ဍံ ဝိတ္တာရတော ဝေဒိတဗ္ဗ”န္တိ။ ဧဝမ္ပဿာ  
စောဒနာ တဒဝတ္ထာယေဝါတိ ဝုတ္တံ “တတော ပရံ အာဟာ”တိ အာဒိ။ အပိစ  
ယထာဝုတ္တတ္ထသမိကာ ပါဠိ မဟတရာတိ ဂန္ထဂရတာပရိဟရဏတ္ထံ မဇ္ဈေ  
ပေယျာလမုခေန အာဒိအန္တမေဝ ပါဠိ ဒသေန္တော “သဗ္ဗံ သုဘဒ္ဒကဏ္ဍံ ဝိတ္တာ-  
ရတော ဝေဒိတဗ္ဗ”န္တိ အာဟ။ တေန ဟိ “အထ ခေါဟံ အာဝုသော မဂ္ဂါ  
ဩက္ကမ္မ အညတရသ္မိံ ရုက္ခမူလေ နိသီဒိ”တိ၊ ဝုတ္တပါဠိတော ပဋ္ဌာယ “ယံ န  
ဣစ္ဆိဿာမ၊ န တံ ကရိဿာမာ”တိ၊ ဝုတ္တပါဠိပရိယောသာနံ သုဘဒ္ဒကဏ္ဍံ  
ဒသေတိ။

“တတော ပရ”န္တိ အာဒိနာ ပန တဒဝသေသံ “ဟန္တ မယံ အာဝုသော”တိ-  
အာဒိကံ ဥဿာဟဇနနပ္ပကာရဒဿနပါဠိ။ တသ္မာ တတော ပရံ အာဟာတိ  
ဧတ္ထ သုဘဒ္ဒကဏ္ဍတော ပရံ ဥဿာဟဇနနပ္ပကာရဒဿနဝစနမာဟာတိ  
အတ္ထော ဝေဒိတဗ္ဗော။ မဟာဂဏ္ဍိပဒေဝိ ဟိ သောယေဝတ္ထော ဝုတ္တော။  
အာစရိယသာရိပုတ္တတ္ထေရေနာပိ တထေဝ အဓိပ္ပေတော။ အာစရိယဓမ္မ-  
ပါလတ္ထေရေန ပန “တတော ပရန္တိ တတော ဘိက္ခုနံ ဥဿာဟဇနနတော  
ပရတော”တိ၊ ဝုတ္တံ၊ တဒေတံ ဝိစာရေတဗ္ဗံ ဟေဋ္ဌာ ဥဿာဟဇနနပ္ပကာရဿ  
ပါဠိယံ အဝုတ္တတ္တာ။ အယမေဝ ဟိ ဥဿာဟဇနနပ္ပကာရော ယဒိဒံ “ဟန္တ မယံ  
အာဝုသော ဓမ္မဉ္စ ဝိနယဉ္စ သင်္ဂါယေယျာမ၊ ပုရေ အဓမ္မော ဒိပ္ပတိ”တိ အာဒိ။

၁-အံ ၁-၁၁၁-ပိဋ္ဌေ။ ၂-ဝိ ၄-၄၈၀-ပိဋ္ဌေ။  
၃-သာရတ္ထ-ဋီ ၁-၄၃-ပိဋ္ဌေ။ ၄-ဒိ-ဋီ ၁-၂၂-ပိဋ္ဌေ။

ယဒိပန သုဘဒ္ဒကဏ္ဍမေဝ ဥဿာဟဇနနဟေတုဘူတဿ သုဘဒ္ဒေန ဝုတ္တဝစ-  
နဿပကာသနတ္တာ ဥဿာဟဇနနန္တိ ဝဒေယျ၊ နတ္ထေဝေတ္ထ ဝိစာရေတဗ္ဗတာတိ။  
ပုရေ အဓမ္မော ဒိပ္ပတိတိ ဧတ္ထ အဓမ္မော နာမ ဒသကုသလကမ္မပထပဋိပက္ခ-  
ဘူတော အဓမ္မော။ ဓမ္မဝိနယသင်္ဂါယနတ္ထံ ဥဿာဟဇနနပ္ပသင်္ဂတ္တာ ဝါ  
တဒသင်္ဂါယနဟေတုကော ဒေါသဂဏောပိ သမ္ဘဝတိ။ “အဓမ္မဝါဒိနော  
ဗလဝန္တော ဟောန္တိ၊ ဓမ္မဝါဒိနော ဒုဗ္ဗလာ ဟောန္တိ”တိ ဝုတ္တတ္တာ သီလ-  
ဝိပတ္တိအာဒိဟေတုကော ပါပိစ္ဆတာဒိဒေါသဂဏော အဓမ္မောတိပိ ဝဒန္တိ။  
ပုရေ ဒိပ္ပတိတိ အပိ နာမ ဒိပ္ပတိ။ သံသယတ္ထေ ဟိ ပုရေ-သဒ္ဓေါ။ အထ ဝါ  
ယာဝ အဓမ္မော ဓမ္မံ ပဋိဗာဟိတုံ သမတ္ထော ဟောတိ၊ တတော ပုရေတရ-  
မေဝါတိ အတ္ထော။ အာသန္ဓေ ဟိ အနဂိပ္ပေတေ အယံ ပုရေ-သဒ္ဓေါ။ ဒိပ္ပတိတိ  
ဒိပ္ပိဿတိ၊ ပုရေ-သဒ္ဓယောဂေန ဟိ အနာဂတတ္ထေ အယံ ဝတ္တမာနပယောဂေါ  
ယထာ “ပုရေ ဝဿတိ ဒေဝေါ”တိ။ တထာ ဟိ ဝုတ္တံ—

“အနာဂတေ သန္တိစ္ဆယေ၊ တထာတိတေ စိရတနေ။  
ကာလဒ္ဓယေပိ ကဝီဟိ၊ ပုရေသဒ္ဓေါ ပယုဇ္ဇတေ”တိ။

“ပုရေ-ယာဝ-ပုရေ-ယောဂေါ နိစ္စံ ဝါ ကရဟိ ကဒါ။  
လစ္ဆာယမပိ ကိံ ဝုတ္တေ၊ ဝတ္တမာနာ ဘဝိဿတိ”တိ စ။

ကေစိ ပနေတ္ထ ဧဝံ ဝဏ္ဏယန္တိ—ပုရေတိပစ္ဆာ အနာဂတေ၊ ယထာ အဒ္ဓါနံ  
ဂစ္ဆန္တဿ ဂန္တဗ္ဗမဂ္ဂေါ “ပုရေ”တိ ဝုစ္စတိ၊ တထာ ဣဓာပိ မဂ္ဂဂမနနယေန  
အနာဂတကာလော “ပုရေ”တိ ဝုစ္စတိတိ။ ဧဝံ သတိ တံကာလာပေက္ခာယ  
စေတ္ထ ဝတ္တမာနပယောဂေါ သမ္ဘဝတိ။ ဓမ္မော ပဋိဗာဟိယျတိတိ ဧတ္ထာပိ  
ပုရေ-သဒ္ဓေန ယောဇေတွာ ဝုတ္တနယေန အတ္ထော ဝေဒိတဗ္ဗော၊ တထာ  
ဓမ္မောပိ အဓမ္မဝိပရိတဝသေန၊ ဣတော ပရမ္ပိ ဧသေဝ နယော။ အဝိနယောတိ  
ပဟာနဝိနယသံဝရဝိနယာနံ ပဋိပက္ခဘူတော အဝိနယော။ ဝိနယဝါဒိနော  
ဒုဗ္ဗလာ ဟောန္တိတိ ဧဝံ ဣတိ-သဒ္ဓေန ပါဌော၊ သော “တတော ပရံ  
အာဟာ”တိ ဧတ္ထ အာဟ-သဒ္ဓေန သမ္မုဇ္ဈိတဗ္ဗော။

တေန ဟိတိ ဥယျောဇနတ္ထေ နိပါတော။ ဥစ္စိနနေ ဥယျောဇန္တော ဟိ  
မဟာကဿပတ္ထေရံ ဧဝမာဟံသု “ဘိက္ခု ဥစ္စိနတူ”တိ၊ သင်္ဂီတိယာ အနုရူပေ  
ဘိက္ခု ဥစ္စိနိတွာ ဥပဓာရေတွာ ဂဏှာတူတိ အတ္ထော။ “သကလ။ပ။ ပရိဂ္ဂဟေ-  
သိ”တိ ဧတေန သုက္ခဝိပဿကဒိဏာသဝပရိယန္တာနံ ယထာဝုတ္တပုဂ္ဂလာနံ

သတိပိ အာဂမာဓိဂမသမ္ဘဝေ သဟ ပဋိသန္တိဒါဟိ ပန တေဝိဇ္ဇာဒိဂုဏယုတ္တာနံ အာဂမာဓိဂမသမ္ဘတ္တိယာ ဥက္ကံသဂကတ္တာ သင်္ဂီတိယာ ဗဟူပကာရတံ ဒဿေတိ။ သကလံ သုတ္တဂေယျာဒိကံ နဝင်္ဂံ ဧတ္ထ၊ ဧတဿာတိ ဝါ သကလ-  
**နဝင်္ဂံ**၊ သတ္ထု ဘဂဝတော သာသနံ သတ္ထု သာသနံ သာသီယတိ ဧတေနာတိ ကတွာ၊ တဒေဝ သတ္ထုသာသနန္တိ သကလနဝင်္ဂသတ္ထုသာသနံ။ နဝ ဝါ သုတ္တဂေယျာဒိနိ အင်္ဂါနိ ဧတ္ထ၊ ဧတဿာတိ ဝါ နဝင်္ဂံ၊ တမေဝ သတ္ထုသာသနံ၊ တဉ္စ သကလမေဝ၊ န ဧကဒေသန္တိ တထာ။ အတ္ထကာမေန ပရိယာပုဏိတဗ္ဗာ သိက္ခိတဗ္ဗာ၊ ဒိဋ္ဌဓမ္မိကာဒိပုရိသတ္ထံ ဝါ နိပ္ပါဒေတုံ ပရိယတ္တာ သမတ္တာတိ ပရိယတ္တိ၊ တိဏိ ပိဋကာနိ၊ သကလနဝင်္ဂသတ္ထုသာသနသင်္ခါတာ ပရိယတ္တိ၊ တံ ဓာရေန္တိတိ တထာ၊ တာဒိဿေတိ အတ္ထော။ ပုထုဇ္ဇန။ ပ။ သုက္ခဝိပဿက-  
 ဝိဏာသဝဘိက္ခုတိ ဧတ္ထ—

“ဒုဝေ ပုထုဇ္ဇနာ ဝုတ္တာ၊ ပုဒ္ဓေနာဒိစ္စဗန္ဓုနာ။  
 အန္ဓော ပုထုဇ္ဇနော ဧကော၊ ကလျာဏေကော ပုထုဇ္ဇနော”တိ—

ဝုတ္တေသု ကလျာဏပုထုဇ္ဇနာဝ အဓိပ္ပေတာ သဒ္ဓန္တရသန္တိဓာနေနပိ အတ္ထ-  
 ဝိသေသဿ ဝိညာတဗ္ဗတ္တာ။ သမထဘာဝနာသိနေဟာဘာဝေန သုက္ခာ လူခါ အသိနိဒ္ဓါ ဝိပဿနာ ဧတေသန္တိ သုက္ခဝိပဿကာ၊ တေယေဝ ဝိဏာသဝါတိ တထာ။ “ဘိက္ခု”တိ ပန သဗ္ဗတ္ထ ယောဇေတဗ္ဗံ။ ဝုတ္တုဉ်—

“ယဉ္ဇတ္ထဝတော သဒ္ဓေက-သေသတော ဝါပိ သုယျတေ။  
 တံ သဗ္ဗဇ္ဈတေ ပစ္စေကံ၊ ယထာလာဘံ ကဒါစိဝိ”တိ။

တိပိဋကသဗ္ဗပရိယတ္တိပ္ပဘေဒဓရေတိ ဧတ္ထ တိဏ္ဍံ ပိဋကနံ သမာဟာရေ တိပိဋကံ၊ တံသင်္ခါတံ နဝင်္ဂါဒိဝသေန အနေကဘေဒဘိန္တံ သဗ္ဗံ ပရိယတ္တိပ္ပ-  
 ဘေဒံ ဓာရေန္တိတိ တထာ၊ တာဒိဿေ။ အနု အနု တံသမင်္ဂိနံ ဘာဝေတိ ဝဇေတိတိ အနုဘာဝေါ၊ သောယေဝ အာနုဘာဝေါ၊ ပဘာဝေါ၊ မဟန္တော အာနုဘာဝေါ ယေသံ တေ မဟာနုဘာဝေါ။ “ဧတဒဂ္ဂံ ဘိက္ခဝေ”တိ ဘဂဝတာ ဝုတ္တဝစနမုပါဒါယ ပဝတ္တတ္တာ “ဧတဒဂ္ဂံ”န္တိ ပဒံ အနုကရဏဇနာမံ နာမ ယထာ “ယေဝါပနက”န္တိ၊ တဗ္ဗသေန ဝုတ္တဋ္ဌာနန္တရမိမ ဧတဒဂ္ဂံ၊ တမာရောပိ-  
 တေတိ အတ္ထော။ ဧတဒဂ္ဂံ ဧသော ဘိက္ခု အဂ္ဂေါတိ ဝါ အာရောပိတေဝိ ဝဇေတိ။ တဒနာရောပိတာပိ အဝသေသဂုဏသမ္ပန္နတ္တာ ဥစ္စိနိတာ တတ္ထ သန္တိတိ ဒဿေတုံ “ယေဘုယျေနာ”တိ ဝုတ္တံ။ တိဿော ဝိဇ္ဇာ တေဝိဇ္ဇာ၊

၁-ဒီ-၄ ၁-၅၀၊ ၆-၄ ၁-၂၂၊ သံ-၄ ၂-၉၀၊ အံ-၄ ၁-၄၇၊ စူဠနိဒ္ဒေသ-၄-၇၀၊ ပရိသံ-၄ ၂-၅၁-ပိဋေသု။

တာ အာဒိ ယေသံ ဆဠဘိညာဒီနန္တိ **တေဝိဇ္ဇာဒယော**၊ တေ ဘေဒါ အနေ-  
ကပ္ပကာရာ ယေသန္တိ **တေဝိဇ္ဇာဒိဘေဒါ**။ အထ ဝါ တိဿော ဝိဇ္ဇာ အဿ  
ဒိဏာသဝဿာတိ **တေဝိဇ္ဇော**၊ သော အာဒိ ယေသံ ဆဠဘိညာဒီနန္တိ **တေ-  
ဝိဇ္ဇာဒယော**၊ တေယေဝ ဘေဒါယေသန္တိ **တေဝိဇ္ဇာဒိဘေဒါ**။ တေဝိဇ္ဇာဆဠ-  
ဘိညာဒိဝသေန အနေကဘေဒဘိန္ဓေ ဒိဏာသဝဘိက္ခုယေဝါတိ ဝုတ္တံ ဟောတိ။  
**ယေ သန္ဓာယ ဝုတ္တန္တိ** ယေ ဘိက္ခု သန္ဓာယ ဣဒံ “အထ ခေါ”တိအာဒိဝစနံ  
သင်္ဂီတိက္ခန္ဓကေ ဝုတ္တံ။ ဣမိနာ ကိဉ္စာပိ ပါဠိယံ အဝိသေသတောဝ ဝုတ္တံ၊  
တထာပိ ဝိသေသေန ယထာဝုတ္တဒိဏာသဝဘိက္ခုယေဝ သန္ဓာယ ဝုတ္တန္တိ  
ပါဠိယာ သံသန္ဓနံ ကရေတိ။

နန စ သကလနဝဂ်သတ္တုသာသနပရိယတ္တိရော ဒိဏာသဝါ အနေကသတာ၊  
အနေကသဟဿာ စ၊ ကသ္မာ ထေရော ဧကေနမကာသီတိ စောဒနံ ဥဒ္ဓရိတွာ  
ဝိသေသကာရဏဒဿနေန တံ ပရိဟရိတုံ “**ကိဿ ပနာ**”တိအာဒိ ဝုတ္တံ။  
တတ္ထ **ကိဿာ**တိ ကသ္မာ။ ပက္ခန္တရဇောတကော ပန-သဒ္ဓေါ။ **ဩကာသ-**  
**ကရဏတ္တန္တိ** ဩကာသကရဏနိမိတ္တံ ဩကာသကရဏဟေတု။ **အတ္ထ-သဒ္ဓေါ**ဟိ  
“ဆဏတ္ထန္တ နဂရတော နိက္ခမိတွာ မိဿကပဗ္ဗတံ အဘိရုဟတူ”တိအာဒိသု ဝိယ  
ကာရဏဝစနေ၊ “**ကိဿ ဟေတူ**”တိအာဒိသု ဝိယ စ ဟေတွတ္ထေ ပစ္စတ္တဝစနံ။  
တထာ ဟိ ဝဏ္ဏယန္တိ “ဆဏတ္တန္တ ဆဏနိမိတ္တံ ဆဏဟေတူတိ အတ္ထော”တိ။  
ဝေဠသတိ ပုစ္ဆာသဘာဂတာဝိဿဇ္ဇနာယ ဟောတိ၊ ဧသ နယော ဤဒိသေသု။

ကသ္မာ ပနဿ ဩကာသမကာသီတိ အာဟ “**တေနာ**”တိအာဒိ။ **ဟိ-သဒ္ဓေါ**  
ကာရဏတ္ထေ။ “**သော ဟာယသ္မာ**”တိအာဒိနာ “သဟာပိ ဝိနာပိ န သက္ကာ”တိ  
ဝုတ္တဝစနေ ပစ္စေကံ ကာရဏံ ဒဿေတိ။ ကေစိ ပန “တမတ္ထံ ဝိဝရတိ”တိ ဝဒန္တိ၊  
တဒယုတ္တံ “**တသ္မာ**”တိ ကာရဏဝစနဒဿနတော။ “**တသ္မာ**”တိအာဒိနာ ဟိ  
ကာရဏဒဿနဌာနေ ကာရဏဇောတကောယေဝ ဟိ-သဒ္ဓေါ။ သညာဏ-  
မတ္တဇောတကာသာခါဘင်္ဂေါပမာ ဟိ နိပါတာတိ၊ ဧဝိဒိသေသု။ သိက္ခတိတိ  
**သေက္ခော**၊ သိက္ခနံ ဝါ သိက္ခာ၊ သာယေဝ တဿ သီလန္တိ **သေက္ခော**။  
သော ဟိ အပရိယောသိတသိက္ခတ္တာ၊ တဒမိမုတ္တတ္တာ စ ဧကန္တေန သိက္ခန-  
သီလော၊ န အသေက္ခော ဝိယ ပရိနိဋ္ဌိတသိက္ခော တတ္ထ ပဋိပ္ပဿဒ္ဓုဿာဟော၊  
နာပိ ဝိဿဌသိက္ခော ပစုရဇနေ ဝိယ တတ္ထ အနမိမုတ္တော၊ ကိတဝသေန  
ဝိယ စ တဒ္ဓိဘဝသနိမတပ္ပကတိယတ္ထော ဂယုတိယထာ “**ကာရဏိကော**”တိ။  
အထ ဝါ အရိယာယ ဇာတိယာ တီသုပိ သိက္ခာသု ဇာတော၊ တတ္ထ ဝါ

ဘဝေါတိ သေက္ခော။ အပိစ္စ ဣက္ခတိ တောယာတိ ဣက္ခာ၊ ပဂ္ဂုလသမ္မာဒိဋ္ဌိ၊ သဟ ဣက္ခာယာတိ သေက္ခော။ ဥပရိမဂ္ဂတ္တယကိစ္စဿ အပရိယောသိတတ္တာ သဟ ကရုဏီယေနာတိ သကရုဏီယော။ အဿာတိ အနေန၊ “အပ္ပစ္စက္ခံ နာမာ”တိ ဧတေန သမ္ပန္နော။ အဿာတိ ဝါ “နတ္ထိ”တိ ဧတ္ထ ကိရိယာ- ပဋိဂ္ဂဟကဝစနံ။ ပဂုဏပ္ပဝတ္တိဘာဝတော အပ္ပစ္စက္ခံ နာမ နတ္ထိ။ ဝိနယဋ္ဌကထာယံ ပန “အသမ္မုခေါ ပဋိဂ္ဂဟိတံ နာမ နတ္ထိ”တံ ဝုတ္တံ၊ တံ “ဒွေ သဟဿာနိ ဘိက္ခု- တော”တိ ဝုတ္တမ္ပိ ဘဂဝတော သန္တိကေ ပဋိဂ္ဂဟိတမေဝ နာမာတိ ကတွာ ဝုတ္တံ။ တထာ ဟိ သာဝကဘာသိတမ္ပိ သုတ္တံ “ဗုဒ္ဓဘာသိတ”န္တိ ဝုစ္စတိတိ။

“ယထာဟာ”တိအာဒိနာ အာယသ္မတာ အာနန္ဓေန ဝုတ္တဂါထမေဝ သာဝကဘာဝေန ဒဿေတိ။ အယဉ္ဇိ ဂါထာ ဂေါပကမောဂ္ဂလ္လာနေန နာမ ပြာဟ္မဏေန “ဗုဒ္ဓသာသနေ တံ ဗဟုဿုတောတိ ပါကဋ္ဌော၊ ကိတ္တကာ ဓမ္မာ တေသတ္တာရာ ဘာသိတာ၊ တယာ စ ဓာရိတာ”တိ ပုစ္ဆိတေန တဿ ပဋိဝစနံ ဒေန္တေန အာယသ္မတာ အာနန္ဓေနေဝ ဂေါပကမောဂ္ဂလ္လာနသုတ္တေ၊ အတ္တနော ဂုဏဒဿနဝသေန ဝါ ထေရဂါယာယမ္ပိ ဘာသိတာ။ တတ္ထာယံ သင်္ခေ- ပတ္တော—ဗုဒ္ဓတော သတ္ထု သန္တိကာ ခွါသီတိ ဓမ္မက္ခန္ဓသဟဿာနိ အဟံ ဂဏှိံ အဓိဂဏှိံ၊ ဒွေ ဓမ္မက္ခန္ဓသဟဿာနိ ဘိက္ခုတော ဓမ္မသေနာပတိ- အာဒိနံ ဘိက္ခုနံ သန္တိကာ ဂဏှိံ။ ယေ ဓမ္မာ မေ ဇိဝှါဂ္ဂေ၊ ဟဒယေ ဝါ ပဝတ္တိနော ပဂုဏာ ဝါစုဂ္ဂတာ၊ တေ ဓမ္မာ တဒုဘယံ သမ္ပိဏ္ဏေတွာ စတုရာ- သီတိ ဓမ္မက္ခန္ဓသဟဿာနိတိ။ ကေဓံ ပန “ယေမေတိ ဧတ္ထ ‘ယေ ဣမေ’တိ ပဒစ္ဆေဒံ ကတွာ ယေ ဣမေ ဓမ္မာ ဗုဒ္ဓဿ၊ ဘိက္ခုနဉ္စ ပဝတ္တိနော ပဝတ္တိတာ၊ တေသု ဓမ္မေသု ဗုဒ္ဓတော ခွါသီတိ သဟဿာနိ အဟံ ဂဏှိံ၊ ဒွေ သဟဿာနိ ဘိက္ခုတော ဂဏှိံ၊ ဧဝံ စတုရာသီတိ ဓမ္မက္ခန္ဓသဟဿာနိ”တိ သမ္ပန္နံ ဝဒန္တိ၊ အယဉ္ဇ သမ္ပန္နော “ဧတ္တကာယေဝ ဓမ္မက္ခန္ဓာ”တိ သန္တိဋ္ဌာနဿ အဝိညာယမာ- နတ္တာ ကေဝိဝါဒေါ နာမ ကတော။

“သဟာပိ န သက္ကာ”တိ ဝတ္ထဗ္ဗဟေတုတော “ဝိနာပိ န သက္ကာ”တိ ဝတ္ထဗ္ဗဟေတုယေဝ ဗလဝတရော သင်္ဂီတိယာ ဗဟုကာရတ္တာ။ တသ္မာ တတ္ထ စောဒနံ ဒဿေက္ကာ ပရိဟရိတုံ “ယဒိ ဝေ”န္တိအာဒိ ဝုတ္တံ။ တတ္ထ ယဒိ ဝေန္တိ ဧဝံ ဝိနာ ယဒိ န သက္ကာ၊ တထာ သတိတိ အတ္ထော။ သေက္ခောပိ သမာနောတိ သေက္ခပုဂ္ဂလော သမာနောပိ။ မာန-သဒ္ဓေါ ဟေတ္ထ လက္ခဏေ။ ဗဟုကာရတ္တာတိ ဗဟူပကာရတ္တာ။ ဥပကာရဝစနော ဟိ ကာရ-သဒ္ဓေါ

“အပ္ပကမ္ဘိ ကတံ ကာရံ၊ ပုညံ ဟောတိ မဟပ္ပလ” နှိအာဒိသု ဝိယ။ အဿာတိ ဘဝေယျ။ အထ-သဒ္ဓေါပုစ္ဆာယံ။ ပဉ္စေ “အထ တံ ကေန ဝဏ္ဏေနာ” တိ ဟိ ပယောဂမုဒါဟရန္တိ။ “ဧဝံ သန္တေ” တိ ပန အတ္ထော ဝတ္ထဗ္ဗော။ ပရူပဝါဒ-ဝိဝဇ္ဇနတောတိ ယထာဝုတ္တကာရဏံ အဇာနန္တာနံ ပရေသံ အာရောပိတဥပ-ဝါဒတော ဝိဝဇ္ဇိတုကာမတ္တာ။ တံ ဝိဝရတံ “ထေရော ဟိ” တိအာဒိနာ။ အတိဝိယ ဝိဿတ္ထောတိ အတိရေကံ ဝိဿာသိကော။ ကေန ဝိညာယတိတိ အာဟ “တထာ ဟိ” တိအာဒိ။ ဒဠိကရဏံ ဝါ ဧတံ ဝစနံ။ “ဝုတ္တဉ္စိ၊ တထာ ဟိ ဣစ္စေတေ ဒဠိကရဏတ္ထေ” တိ ဟိ ဝဒန္တိ သဒ္ဓဝိဉ္စ။ နန္တိ အာနန္ဒတ္ထေရံ။ “ဩဝဒတိ” တိ ဣမိနာ သမ္ဗန္ဓော။ အာနန္ဒတ္ထေရဿ ယေဘုယျေန နဝကာယ ပရိသာယ ဝိဗ္ဗမနေ မဟာကဿပတ္ထေရော “န ဝါယံ ကုမာရကော မတ္တမညာသိ” တိ အာဟ။ တထာ ဟိ ပရိနိဗ္ဗုတေ ဘဂဝတိ မဟာကဿပတ္ထေရော ဘဂဝတော ပရိနိဗ္ဗာနေ သန္တိပတိတဿ ဘိက္ခုသံဃဿ မဇ္ဈေ နိသီဒိတွာ ဓမ္မဝိနယသင်္ဂါ-ယနတ္ထံ ပဉ္စသတေ ဘိက္ခု။ ဥစ္စိနိတွာ “ရာဇဂဟေ အာဝုသော ဝဿံ ဝသန္တာ ဓမ္မဝိနယံ သင်္ဂါယိဿာမ၊ တုမေ ပုရေ ဝဿူပနာယိကာယ အတ္တနော အတ္တနော ပလိဗောဓံ ပစ္စိန္တိတွာ ရာဇဂဟေ သန္တိပတထာ” တိ ဝတွာ အတ္တနာ ရာဇဂဟံ ဂတော။

အာနန္ဒတ္ထေရောပိ ဘဂဝတော ပတ္တစိဝရမာဒါယ မဟာဇနံ သညာ-ပေန္တော သာဝတ္ထိံ ဂန္တာ တတော နိက္ခမ္မ ရာဇဂဟံ ဂစ္ဆန္တော ဒက္ခိဏာဂိရိသ္မိံ စာရိကံ စရိ။ တသ္မိံ သမယေ အာနန္ဒတ္ထေရဿ တိသမတ္တာ သဒ္ဓိဝိဟာရိကာ ယေဘုယျေန ကုမာရကာ ဧကဝဿိကဒုဝဿိကဘိက္ခု။ စေဝ အနုပသမ္ဗန္ဓာ စ ဝိဗ္ဗမိံသု။ ကသ္မာ ပနေတေ ပဗ္ဗဇိတာ၊ ကသ္မာ စ ဝိဗ္ဗမိံသုတိ? တေသံ ကိရ မာတာပိတရော စိန္တေသုံ “အာနန္ဒတ္ထေရော သတ္ထုဝိဿာသိကော အဋ္ဌ ဝရေ ယာစိတွာ ဥပဋ္ဌဟတိ၊ ဣစ္စိတိစ္စိတဋ္ဌာနံ သတ္တာရံ ဂဟေတွာ ဂန္တု သက္ကောတိ၊ အမှာကံ ဒါရကေ ဧတဿ သန္တိကေ ပဗ္ဗဇေယျာမ၊ ဧဝံ သော သတ္တာရံ ဂဟေတွာ အာဂမိဿတိ၊ တသ္မိံ အာဂတေ မယံ မဟာသက္ကာရံ ကာတုံ လဘိဿာမာ” တိ။ ဣမိနာ တာဝ ကာရဏေန နေသံ ဉ္စတကာ တေ ပဗ္ဗာဇေသုံ၊ သတ္ထရိ ပန ပရိနိဗ္ဗုတေ တေသံ သာ ပတ္တနာ ဥပစ္စိန္တာ၊ အထ နေ ဧကဒိဝသေနော ဥပုဗ္ဗာဇေသုံ။ အထ အာနန္ဒတ္ထေရံ ဒက္ခိဏာဂိရိသ္မိံ စာရိကံ စရိတွာ ရာဇဂဟမာဂတံ ဒိသ္မာ မဟာကဿပတ္ထေရော ဧဝမာဟာတိ။ ဝုတ္တဉ္စေတံ ကဿပသံယုတ္တေ—

“အထ ကိဉ္ဇရဟိ တံ အာဝုသော အာနန္ဒ ဣမေဟိ နဝေဟိ ဘိက္ခုဟိ ဣန္ဒြိယေသု အဂုတ္တဒ္ဓါရေဟိ ဘောဇနေ အမတ္တညူဟိ ဇာဂရိယံ အနနယုတ္တေဟိ သဒ္ဓိံ စာရိကံ စရသိ၊ သဿဃာတံ မညေ စရသိ၊ ကုလူပဃာတံ မညေ စရသိ၊ ဩလုဇ္ဇတိ ခေါ တေ အာဝုသော အာနန္ဒ ပရိသာ၊ ပလုဇ္ဇန္တိ ခေါ တေ အာဝုသော နဝပ္ပါယာ၊ န ဝါယံ ကုမာရကော မတ္တမညာသီတိ။

အပိ မေ ဘန္တေ ကဿပ သိရသ္မိံ ပလိတာနိ ဇာတာနိ၊ အထ စ ပန မယံ အဇ္ဇာပိ အာယသ္မတော မဟာကဿပဿ ကုမာရကဝါဒါ န မုစ္စာမာတိ။ တဿာ ဟိ ပန တံ အာဝုသော အာနန္ဒ ဣမေဟိ နဝေဟိ ဘိက္ခုဟိ ဣန္ဒြိယေသု အဂုတ္တဒ္ဓါရေဟိ ဘောဇနေ အမတ္တညူဟိ ဇာဂရိယံ အနနယုတ္တေဟိ သဒ္ဓိံ စာရိကံ စရသိ၊ သဿဃာတံ မညေ စရသိ၊ ကုလူပဃာတံ မညေ စရသိ၊ ဩလုဇ္ဇတိ ခေါ တေ အာဝုသော အာနန္ဒ ပရိသာ၊ ပလုဇ္ဇန္တိ ခေါ တေ အာဝုသော နဝပ္ပါယာ၊ န ဝါယံ ကုမာရကော မတ္တမညာသီ”တိ။

တတ္ထ သဿဃာတံ မညေ စရသီတိ သဿံ ဃာတေန္တော ဝိယ အာဟိဏ္ဏသိ။ ကုလူပဃာတံ မညေ စရသီတိ ကုလာနိ ဥပဃာတေန္တော ဝိယ အာဟိဏ္ဏသိ။ ဩလုဇ္ဇတိတိ ပလုဇ္ဇတိ ဘိဇ္ဇတိ။ ပလုဇ္ဇန္တိ ခေါ တေ အာဝုသော နဝပ္ပါယာတိ အာဝုသော အာနန္ဒ ဧတေ တုယံ ပါယေန ယေဘုယျေန နဝကာ ဧကဝဿိကဒုဝဿိကဒဟရာ စေဝ သာမဏေရာ စ ပလုဇ္ဇန္တိ။ န ဝါယံ ကုမာရကော မတ္တမညာသီတိ အယံ ကုမာရကော အတ္တနော ပမာဏံ န ဝတ ဇာနာတီတိ ထေရံ တဇ္ဇေန္တော အာဟ။ ကုမာရကဝါဒါ န မုစ္စာမာတိ ကုမာရကဝါဒတော န မုစ္စာမ။ တဿာ ဟိ ပန တွန္တိ ဣဒမဿ ဧဝံ ဝတ္တဗ္ဗတာယ ကာရဏဒဿနတ္ထံ ဝုတ္တံ။ အယဉ္ဇေတ္ထ အဓိပ္ပါယော—ယသ္မာ တံ ဣမေဟိ နဝေဟိ ဣန္ဒြိယသံဝရဝိရဟိတေဟိ ဘောဇနေ အမတ္တညူဟိ သဒ္ဓိံ ဝိစရသိ၊ တသ္မာ ကုမာရကေဟိ သဒ္ဓိံ ဝိစရန္တော “ကုမာရကော”တိ ဝတ္တဗ္ဗတံ အရဟသီတိ။

န ဝါယံ ကုမာရကော မတ္တမညာသီတိ ဧတ္ထ ဝါ-သဒ္ဓေါ ပဒပူရဏေ။ ဝါ-သဒ္ဓေါ ဟိ ဥပမာနသမုစ္စယသံသယဝိဿဂ္ဂဝိကပ္ပပဒပူရဏာဒီသု ဗဟူသု အတ္ထေသု ဒိဿတိ။ တဿာ ဟေသ “ပဏ္ဍိတော ဝါပိ တေန သော”တိအာဒီသု။

ဥပမာနေ ဒိဿတိ၊ သဒိသဘာဝေတိ အတ္ထော။ “တံ ဝါပိ ဝီရာ မုနိ ဝေဒယန္တိ”တိအာဒိသု<sup>၁</sup> သမုစ္စယေ။ “ကေ ဝါ ဣမေ ကဿ ဝါ”တိအာဒိသု<sup>၂</sup> သံသယေ။ “အယံ ဝါ ဣမေသံ သမဏဗြာဟ္မဏာနံ သဗ္ဗဗာလော သဗ္ဗမူဠော”တိအာဒိသု<sup>၃</sup> ဝဝဿဂ္ဂေ။ “ယေ ဟိ ကေစိ ဘိက္ခဝေ သမဏာ ဝါ ဗြာဟ္မဏာ ဝါ”တိအာဒိသုပိ<sup>၄</sup> ဝိကပ္ပေ။ “န ဝါဟံ ပဏ္ဍိ ဘုဇ္ဇာမိ၊ န ဟေတံ မယျ ဘောဇန”န္တိအာဒိသု ပဒပူရဏေ။ ဣဓာပိ ပဒပူရဏေ ဒဋ္ဌဗ္ဗော။ တေနေဝ စ အာစရိယဓမ္မပါလတ္ထေရေန ဝါ-သဒ္ဓဿ အတ္ထုဒ္ဓါရံ ကရောန္တေန ဝုတ္တံ “န ဝါယံ ကုမာရကော မတ္တမညာသီ”တိအာဒိသု ပဒပူရဏေ”တိ။ သံယုတ္တဋ္ဌကထာယမ္ပိ ဣဒမေဝ ဝုတ္တံ “န ဝါယံ ကုမာရကော မတ္တမညာသီတိ အယံ ကုမာရကော အတ္တနော ပမာဏံ န ဝတ ဇာနာသီတိ ထေရံ တဇ္ဇေန္တော အာဟာ”တိ။ ဧတ္တာပိ “ဝတာ”တိ ဝစနသိလိဋ္ဌတာယ ဝုတ္တံ။ “န ဝါယ”န္တိ တေဿ ဝါ “န ဝေ အယ”န္တိ ပဒစ္ဆေဒံ ကတွာ ဝေ-သဒ္ဓဿတ္ထံ ဒဿေန္တေန “ဝတာ”တိဝုတ္တံ။ တထာ ဟိ ဝေ-သဒ္ဓဿ ဧကံသတ္တဘာဝေ တဒေဝ ပါဠိ<sup>၅</sup> ပယောဂံ ကတွာ ဥဒါဟရန္တိ နေရုတ္တိကာ။ ဝဇီရဗုဒ္ဓိတ္ထေရော ပန ဧဝံ ဝဒတိ “န ဝါယ”န္တိ ဧတ္ထ စ ဝါတိ ဝိဘာသာ၊ အညာသိပိ န အညာသိပိ”တိ<sup>၆</sup>၊ တံ တဿ မတိမတ္တံ သံယုတ္တဋ္ဌကထာယ တထာ အဝုတ္တတ္တာ။ ဣဒမေကံ ပရူပဝါဒ-သမ္ဘဝကာရဏံ “တတ္ထ ကေစိ”တိအာဒိနာ သမ္ပုဋ္ဌိတဗ္ဗံ။

အညမ္ပိ ကာရဏမာဟ “သကျကုလဗ္ဗသုတော စာယသ္မာ”တိ။ သာကိယ-ကုလေ ဇာတော၊ သာကိယကုလဘာဝေန ဝါ ပါကဠော စ အာယသ္မာ အာနန္ဒော။ တတ္ထ။ပ။ ဥပဝဒေယျန္တိ သမ္ပန္နော။ အညမ္ပိ ကာရဏံ ဝဒတိ “တထာဂတဿ ဘာတာ ဣဋ္ဌပိတုပုတ္တော”တိ။ ဘာတာတိ စေတ္ထ ကနိဋ္ဌ-ဘာတာ ဣဋ္ဌပိတုပုတ္တဘာဝေန၊ န ပန ဝယဿ သဟဇာတဘာဝတော။

“သုဒ္ဓေါဒနော ဓောတောဒနော၊ သက္ကသုက္ကာမိတောဒနာ။  
အမိတာ ပါလိတာ စာတိ၊ ဣမေ ပဉ္စ ဣမာ ဒုဝေ”တိ?—

ဝုတ္တေသု ဟိ သဗ္ဗကနိဋ္ဌဿ အမိတောဒနသက္ကဿ ပုတ္တော အာယသ္မာ အာနန္ဒော။ ဝုတ္တဋ္ဌိ မနောရထပူရဏီယံ—

---

၁-ခု ၁-၃၀၉-ပိဋေ သုတ္တနိပါတေ။                      ၂-ဝိ ၁-၁၉၇-ပိဋေ။                      ၃-ဒီ ၁-၅၅-ပိဋေ။  
 ၄-မ ၁-၁၂၂၊ သံ ၁-၂၅၅-ပိဋေသု။                      ၅-သံ-ဋ္ဌ ၂-၁၆၆-ပိဋေ။                      ၆-ဝဇီရ-ဋီ-၂၂-ပိဋေ။  
 ၇-ဒီပဝံသေ တတိယပရိစ္ဆေဒေ မဟာရာဇဝံသေ-၄၆-ဂါထာ။

“ကပ္ပသတသဟဿံ ပန ဒါနံ ဒဒမာနော အမှာကံ ဗောဓိ-  
သတ္တေန သဒ္ဓိံ တုသိတပုရေ နိဗ္ဗတ္တိတွာ တတော စုတော  
အဓိတောဒနသက္ကဿ ဂေဟေ နိဗ္ဗတ္တိ၊ အထဿ သဗ္ဗေ ဉှတကေ  
အာနန္ဒိတေ ပမောဒိတေ ကရောန္တော ဇာတောတိ ‘အာနန္ဒော’-  
တွေဝ နာမမကံသု”တိ။

တထာယေဝ ဝုတ္တံ ပပဉ္စသုဒနိယမ္ပိ—

“အညေ ပန ဝဒန္တိ—နာယသ္မာ အာနန္ဒော ဘဂဝတာ သဟ-  
ဇာတော၊ ဝယဿ စ စူဠဝိတုပုတ္တတာယ စ ဘဂဝတော ကနိဋ္ဌ-  
ဘာတာယေဝ။ တထာ ဟိ မနောရထပူရဏီယံ ကေနိပါတဝဏ္ဏ-  
နာယံ သဟဇာတဂဏနေ သော န ဝုတ္တော”တိ။

ယံ ဝုစ္စတိ၊ တံ ဂဟေတဗ္ဗံ။ တတ္ထာတိ တသ္မိံ ဝိဿတ္တာဒိဘာဝေ သတိ။  
အတိဝိဿတ္တသကျကုလပ္ပသုတတထာဂတဘာတုဘာဝတောတိ ဝုတ္တံ ဟောတိ။  
ဘာဝေနဘာဝလက္ခဏေ ဟိ ကတ္တမိ ဟေတွတ္တော သမ္ပဇ္ဇတိ။ တထာ ဟိ  
အာစရိယဓမ္မပါလတ္တေရေန နေတ္ထိဋ္ဌကထာယံ “ဂုန္ဒဉ္စေ တရမာနာန”န္တိ  
ဂါထာဝဏ္ဏနာယံ ဝုတ္တံ—

“သဗ္ဗာ တာ ဇိမှံ ဂစ္ဆန္တိတိ သဗ္ဗာ တာ ဂါဝိယော ကုဋ္ဌိလမေဝ  
ဂစ္ဆန္တိ၊ ကသ္မာ? နေတ္ထေ ဇိမှဂတေ သတိ နေတ္ထေ ကုဋ္ဌိလံ ဂတေ  
သတိ၊ နေတ္တဿ ကုဋ္ဌိလံ ဂတတ္တာတိ အတ္ထော”တိ။

ဥဒါနဋ္ဌကထာယမ္ပိ “ဣတိ ဣမသ္မိံ သတိ ဣဒံ ဟောတိ”တိ သုတ္တပဒ-  
ဝဏ္ဏနာယံ “ဟေတုအတ္တတာ ဘုမ္မဝစနဿ ကာရဏဿ ဘာဝေန တဒ-  
ဝိနာဘာဝိ ဖလဿ ဘာဝေါ လက္ခိယတိတိ ဝေဒိတဗ္ဗာ”တိ။ တတ္ထာတိ  
ဝါ နိမိတ္တဘူတေ ဝိဿတ္တာဒိမှိတိ အတ္ထော၊ တသ္မိံ ဥစ္စိနနေတိဝိ ဝဒန္တိ။  
ဆန္ဒာဂမနံ ဝိယာတိ ဧတ္ထ ဆန္ဒာ အာဂမနံ ဝိယာတိ ပဒစ္ဆေဒေါ။ ဆန္ဒာတိ  
စ ဟေတုမှိ နိဿက္ကဝစနံ၊ ဆန္ဒေန အာဂမနံ ပဝတ္တနံ ဝိယာတိ အတ္ထော၊  
ဆန္ဒေန အကတ္တဗ္ဗကရဏမိဝါတိ ဝုတ္တံ ဟောတိ၊ ဆန္ဒံ ဝါ အာဂစ္ဆတိ  
သမ္ပယောဂဝသေနာတိ ဆန္ဒာဂမနံ၊ တထာ ပဝတ္တော အပါယဂမနိယော  
အကုသလစိတ္တုပ္ပါဒေါ။ အထ ဝါ အနနုရူပံ ဂမနံ အဂမနံ။ ဆန္ဒေန  
အဂမနံ ဆန္ဒာဂမနံ၊ ဆန္ဒေန သိနေဟေန အနနုရူပံ ဂမနံ ပဝတ္တနံ ဝိယ  
အကတ္တဗ္ဗကရဏံ ဝိယာတိ ဝုတ္တံ ဟောတိ။ အသေက္ခဘူတာ ပဋိသန္တိဒါ၊

တံပတ္တာတိ တထာ၊ အသေက္ခာ စ တေ ပဋိသန္တိဒါပုတ္တာ စာတိ ဝါ တထာ၊ တာဒိသေ။ သေက္ခပဋိသန္တိဒါပုတ္တန္တိ ဧတ္ထာပိ သေ နယော။ ပရိဝဇ္ဇေန္တောတိ ဟေတွတ္ထေ အန္တသဒ္ဓေါ၊ ပရိဝဇ္ဇနဟေတူတိ အတ္ထော။ အနုမတိယာတိ အနုညာယ၊ ယာစနာယာတိ ဝုတ္တံ ဟောတိ။

“**ကိဉ္ဇာပိ သေက္ခော**”တိ ဣဒံ အသေက္ခာနံယေဝ ဥစ္စိနိတတ္တာ ဝုတ္တံ၊ န သေက္ခာနံ အဂတိဂမနသမ္ဘဝေန။ ပဌမမဂ္ဂေနဝ ဟိ စတ္တာရိ အဂတိဂမနာနိ ပဟိယန္တိ၊ တသ္မာ ကိဉ္ဇာပိ သေက္ခော၊ တထာပိ ထေရော အာယသ္မန္တံ အာနန္တံ ဥစ္စိနတူတိသမ္ပန္နော။ န ပန ကိဉ္ဇာပိ သေက္ခော၊ တထာပိ အဘဗ္ဗော အဂတိ ဂန္တန္တိ။ “**အဘဗ္ဗော**”တိအာဒိနာပန ဓမ္မသင်္ဂီတိယာ တဿ အရဟဘာဝံ ဒဿေန္တော ဝိဇ္ဇမာနဂုဏေ ကထေတိ၊ တေန သင်္ဂီတိယာ ဓမ္မဝိနယဝိနိစ္ဆယေ သမ္ပတ္တေ ဆန္ဒာဒိဝသေန အညထာ အကထေတွာ ယထာဘူတမေဝ ကထေသတိတိ ဒဿေတိ။ န ဂန္တဗ္ဗော၊ အနနုရူပါ ဝါ ဂတိတိ အဂတိ၊ တံ။ ပရိယတ္တောတိ အဓိဂတော ဥဂ္ဂဟိတော။

“**ဧဝ**”န္တိအာဒိနာ သန္တိဋ္ဌာနဂဏာနံ ဒဿေတိ။ ဥစ္စိနိတေနာတိ ဥစ္စိနိတွာ ဂဟိတေန။ အပိစ ဧဝံ။ ပ။ ဥစ္စိနိတိ နိဂမနံ၊ “**တေနာယသ္မတာ**”တိအာဒိ ပန သန္တိဋ္ဌာနဂဏာနဒဿနန္တိပိ ဝဒန္တိ။

ဧဝံ သင်္ဂီယကဝိစိနနပ္ပကာရံ ဒဿေတွာ အညမ္ပိ သင်္ဂီယနတ္ထံ ဒေသဝိစိနနာဒိပ္ပကာရံ ဒဿေန္တော “**အထ ခေါ**”တိအာဒိမာဟ။ တတ္ထ တေဒဟောသီတိ ဧတံ ပရိဝိတက္ကနံ အဟောသိ။ န-သဒ္ဓေန ဟိ ပရိဝိတက္ကနံ ဒဿေတိ။ ရာဇဂဟန္တိ “**ရာဇဂဟသမန္တံ ဂဟေတွာ ဝုတ္တံ**”န္တိ ဂဏ္ဍိပဒေသု ဝဒန္တိ။ ဂါဝေါ စရန္တိ ဧတ္ထာတိ ဂေါစရော၊ ဂုန္တံ စရဏဋ္ဌာနံ၊ သော ဝိယာတိ ဂေါစရော၊ ဘိက္ခုနံ စရဏဋ္ဌာနံ၊ မဟန္တော သော အဿ၊ ဧတ္ထာတိ ဝါ မဟာဂေါစရံ။ အဋ္ဌာရသန္တံ မဟာဝိဟာရာနမ္ပိ အတ္ထိတာယ ပဟူတသေနာသနံ။

ထာဝရကမ္မန္တိ စိရဋ္ဌာယိကမ္ပံ။ ဝိသဘာဂပုဂ္ဂလော သုဘဒ္ဓသဒိသော။ ဥက္ကောဋေယျာတိ နိဝါရေယျ။ ဣတိ-သဒ္ဓေါ ဣဒမတ္ထေ၊ ဣမိနာ မနသိကာရေန ဟေတုဘူတေန ဧတဒဟောသီတိ အတ္ထော။ ဂရုဘာဝဇနနတ္ထံ ဥတ္တိဒုတိယေန ကမ္မေန သံဃံ သာဝေသိ၊ န အပလောကနဥတ္တိကမ္မမတ္တေနာတိ အဓိပ္ပာယ်ယော။

ကဒါ ပနာယံ ကတာတိ အာဟ “**အယံ ပနာ**”တိအာဒိ။ ဧဝံ ကတဘာဝေါ စ ဣမာယ ဂဏနာယ ဝိညာယတိတိ ဒဿေတိ “**ဘဂဝါ ဟိ**”တိ-အာဒိနာ။ အထာတိ အနန္တရတ္ထေ နိပါတော၊ ပရိနိဗ္ဗာနန္တရမေဝါတိ အတ္ထော။

သတ္တာဟန္တိ ဟိ ပရိနိဗ္ဗာနဒိဝသမ္ပိ သင်္ဂဏိတွာ ဝုတ္တံ။ အဿာတိ ဘဂဝတော၊ “သရီရ”န္တိ ဣမိနာ သမ္ပန္နော။ သံဝေဂဝတ္ထု ကိတ္တေတွာ ကိတ္တေတွာ အနိစ္စတာ-  
ပဋိသညတ္တာနိ ဂီတာနိ ဂါယိတွာ ပူဇာဝသေန ကိဋ္ဌနတော သုန္ဒရံ ကိဋ္ဌန-  
ဒိဝသာ သာဓုကိဋ္ဌနဒိဝသာ နာမ၊ သပရဟိတသာဓနဋ္ဌေန ဝါ သာဓုတိ  
ဝုတ္တာနံ သပ္ပုရိသာနံ သံဝေဂဝတ္ထု ကိတ္တေတွာ ကိတ္တေတွာ ကိဋ္ဌနဒိဝသာတိပိ  
ယုဇ္ဇတိ။ ဣမသ္မိဉ္စ ပုရိမသတ္တာဟေ ဧကဒေသေနဝ သာဓုကိဋ္ဌနမကံသု။  
ဝိသေသတော ပန ဓာတုပူဇာဒိဝသေသုယေဝ။ တထာ ဟိ ဝုတ္တံ မဟာပရိ-  
နိဗ္ဗာနသုတ္တန္တကထာယံ—

“ဣတော ပုရိမေသု ဟိ ဒွိသု သတ္တာဟေသု တေ ဘိက္ခု။ သံဃဿ  
ဌာနနိသဇ္ဇောကာသံ ကရောန္တာ ဓါဒနိယံ ဘောဇနိယံ သံဝိဒဟန္တာ  
သာဓုကိဋ္ဌိကာယ ဩကာသံ န လဘိ”သု၊ တတော နေသံ အဟောသိ  
‘ဣမံ သတ္တာဟံ သာဓုကိဋ္ဌိတံ ကိဋ္ဌိဿာမ၊ ဌာနံ ခေါ ပနေတံ  
ဝိဇ္ဇတိ၊ ယံ အမှာကံ ပမတ္တဘာဝံ ဥတွာ ကောစိဒေဝ အာဂန္တာ  
ဓာတုယော ဂဏှေယျ၊ တသ္မာ အာရက္ခံ ဌပေတွာ ကိဋ္ဌိဿာမာ’တိ၊  
တေန တေ ဧဝမကံသု”တိ။

တထာပိ တေ ဓာတုပူဇာယပိ ကတတ္တာ ဓာတုပူဇာဒိဝသာ နာမ။ ဣမေယေဝ  
ဝိသေသေန ဘဂဝတိ ကတ္တဗ္ဗဿ အညဿ အဘာဝတော ဧကဒေသေန ကတမ္ပိ  
သာဓုကိဋ္ဌနံ ဥပါဒါယ “သာဓုကိဋ္ဌနဒိဝသာ”တိ ပါကဋှာ ဇာတာတိ အာဟ  
“ဧဝံ သတ္တာဟံ သာဓုကိဋ္ဌနဒိဝသာ နာမ အဟေသု”န္တိ။

စိတကာယာတိ ဝိသသတရတနုစ္စာယ စန္ဒနဒါရုစိတကာယ၊ ပဓာနကိစ္စ-  
ဝသေနေဝ စ သတ္တာဟံ စိတကာယံ အဂ္ဂိနာ ဈာယိတိ ဝုတ္တံ။ န ဟိ အစ္စန္ဒ-  
သံယောဂဝသေန နိရန္တရံ သတ္တာဟမေဝ အဂ္ဂိနာ ဈာယိ တတ္ထ ပစ္စိမဒိဝသေ-  
ယေဝ ဈာယိတတ္တာ၊ တသ္မာ သတ္တာဟသ္မိန္တိ အတ္ထော ဝေဒိတဗျော။  
ပုရိမပစ္စိမာနဂ္ဂိ ဒွိန္တံ သတ္တာဟာနမန္တရေ သတ္တာဟေ ယတ္ထ ကတ္တစိပိ ဒိဝသေ  
ဈာယမာနေ သတိ “သတ္တာဟေ ဈာယိ”တိ ဝတ္ထု ယုဇ္ဇတိ။ ယထာဟ—

“တေန ခေါ ပန သမယေန စတ္တာရော မလ္လပါမောက္ခာ သီသံ  
နာတာ အဟတာနိ ဝတ္တာနိ နိဝတ္တာ ‘မယံ ဘဂဝတော စိတကံ  
အာဠိဓမ္မဿာမာ’တိ န သက္ကောန္တိ အာဠိဓမ္မတု”န္တိအာဒိ၂။

သတ္တိပဉ္စရံ ကတွာတိ သတ္တိခဂ္ဂါဒိဟတ္ထေဟိ ပုရိသေဟိ မလ္လရာဇေနံ ဘဂဝ-  
 တော ဓာတုအာရက္ခကရဏံ ဥပလက္ခဏဝသေနာဟ။ သတ္တိဟတ္တာ ပုရိသာ ဟိ  
 သတ္တိယော ယထာ “ကုန္တာ ပစရန္တိ”တိ၊ တာဟိ သမန္တတော ရက္ခာပနဝသေန  
 ပဉ္စရပဋိဘာဂတ္တာ သတ္တိပဉ္စရံ။ သန္ဓာဂါရံ နာမ ရာဇေနံ ကော မဟာသာလာ။  
 ဥယျောဂကာလာဒီသု ဟိ ရာဇာနော တတ္ထ ဌတွာ “တ္ထေကာ ပုရတော ဂစ္ဆန္တိ၊  
 တ္ထေကာ ပစ္ဆတော၊ တ္ထေကာ ဥဘောဟိ ပဿေဟိ၊ တ္ထေကာ ဟတ္ထိသု အဘိ-  
 ရဟန္တိ၊ တ္ထေကာ အဿေသု၊ တ္ထေကာ ရထေသု”တိ ဧဝံ သန္တိံ ကရေန္တိ  
 မရိယာဒိ ဗန္ဓန္တိ၊ တသ္မာ တံ ဌာနံ “သန္ဓာဂါရံ”န္တိ ဝုစ္စတိ။ အပိစ ဥယျောဂ-  
 ဌာနတော အာဂန္တာပိ ယာဝ ဂေဟေသု အလ္လဂေါမယပရိဘဏ္ဍာဒိနိ  
 ကရေန္တိ၊ တာဝ ဒွေ တိဏိ ဒိဝသာနိ ရာဇာနော တတ္ထ သန္တိန္တိ ဝိဿမန္တိ  
 ပရိဿယံ ဝိနောဒေန္တိတိပိ သန္ဓာဂါရံ၊ ရာဇေနံ ဝါ သဟ အတ္တာနုသာသနံ  
 အဂါရန္တိပိ သန္ဓာဂါရံ ဟ-ကာရဿ ဓ-ကာရံ၊ အနုသရာဂမဉ္စ ကတွာ၊ ယသ္မာ  
 ဝါ ရာဇာနော တတ္ထ သန္တိပတိတွာ “ဣမသ္မိံ ကာလေ ကသိတုံ ဝဇ္ဇတိ၊ ဣမသ္မိံ  
 ကာလေ ဝပိတု”န္တိ ဧဝမာဒိနာ နယေန သရာဝါသကိစ္စာနိ သမ္ပန္တယန္တိ၊ တသ္မာ  
 ဆိန္ဒုရိန္ဒုန္တံ သရာဝါသံ တတ္ထ သန္ဓာရေန္တိတိပိ သန္ဓာဂါရံ။ ဝိသာခပုဏ္ဏမိတော  
 ပဌာယ ယာဝ ဝိသာခမာသဿ အမာဝါသိ၊ တာဝ သောဠသ.ဒိဝသာ သီဟဠ-  
 ဝေါဟာရဝသေန ဂဟိတတ္တာ၊ ဇေဋ္ဌမူလမာသဿ သုက္ကပက္ခေစ ပဉ္စ ဒိဝသာတိ  
 အာဟ “ဣတိ ကေဝိသတိ ဒိဝသာ ဂတာ”တိ။ တတ္ထ စရိမဒိဝသေယေဝ  
 ဓာတုယော ဘာဇယိံသု၊ တသ္မိံယေဝ စ ဒိဝသေ အယံ ကမ္မဝါစာ ကတာ။  
 တေန ဝုတ္တံ “ဇေဋ္ဌမူလသုက္ကပက္ခပဉ္စမိယ”န္တိအာဒိ။ တတ္ထ ဇေဋ္ဌနက္ခတ္တံ ဝါ  
 မူလနက္ခတ္တံ ဝါ တဿ မာသဿ ပုဏ္ဏမိယံ စန္ဒေန ယုတ္တံ၊ တသ္မာ သော  
 မာသော “ဇေဋ္ဌမူလမာသော”တိ ဝုစ္စတိ။ အနာစာရန္တိ ဟေဋ္ဌာ ဝုတ္တံ  
 အနာစာရံ။

ယဒိ ဧဝံ ကသ္မာ ဝိနယဋ္ဌကထာယံ<sup>၁</sup>၊ မင်္ဂလသုတ္တဋ္ဌကထာယဉ္စ<sup>၂</sup> “သတ္တသု  
 သာရကီဋ္ဌနဒိဝသေသု၊ သတ္တသု စ ဓာတုပူဇာဒိဝသေသု ဝိတိဝတ္ထေသု”တိ  
 ဝုတ္တန္တိ? သတ္တသု ဓာတုပူဇာဒိဝသေသု ဂဟိတေသု တဒဝိနာဘာဝတော မဇ္ဈေ  
 စိတကာယ ဈာယနသတ္တာဟမ္ပိ ဂဟိတမေဝါတိ ကတွာ ဝိသုံ န ဝုတ္တံ ဝိယ  
 ဒိဿတိ။ ယဒိ ဧဝံ ကသ္မာ “အမုမာသော အတိက္ကန္တော၊ ဒိယမုမာသော  
 သေသော”တိ စ ဝုတ္တန္တိ? နာယံ ဒေါသော။ အပ္ပကပ္ပိ ဦးမဓိကံ ဝါ ဂဏနူပဂံ  
 န ဟောတိ၊ တသ္မာ အပ္ပကေန အဓိကောပိ သမုဒါယော အနဓိကော ဝိယ

၁-ဝိ-ဋ္ဌ ၁-၇-ပိဋေ။  
 ၂-ဒုဒ္ဒကပါဌ-ဋ္ဌ-၇၉-ပိဋေ။  
 သိ-ဋ္ဌိ (နဝ) ၁-၅-န-ဗု-သ

ဟောတီတိ ကတွာ အမုမာသတော အဓိကေပိ ပဉ္စဒိဝသေ “အမုမာသော အတိက္ကန္တော”တိ ဝုတ္တံ ခုဒ္ဒါသီတိခန္ဓကဝတ္ထာနံ ကတ္ထမိ “အသီတိ ခန္ဓကဝတ္ထာနံ”တိ ဝစနံ ဝိယံ၊ တထာ အပ္ပကေန ဦနေပိ သမုဒါယော အနုနော ဝိယ ဟောတီတိ ကတွာ ဒီဃမုမာသတော ဦနေပိ ပဉ္စဒိဝသေ “ဒီဃမုမာသော သေသော”တိ ဝုတ္တံ သတိပဋ္ဌာနာနိဘင်္ဂဋ္ဌကထာယံ<sup>၁</sup> ဆမာသတော ဦနေပိ အမုမာသေ “ဆမာသ သဇ္ဈာယော ကာတဗ္ဗော”တိ ဝစနံ ဝိယ၊ အညထာ အဋ္ဌကထာနံ အညမည- ဝိရောဓော သိယာ။ အပိစ ဒီဃဘာဏကာနံ မတေန တိဏ္ဍိ သတ္တာဟာနံ ဝသေန “ဧကဝိသတိ ဒိဝသာ ဂတာ”တိ ဣဓ ဝုတ္တံ။ ဝိနယသုတ္တနိပါတ်ခုဒ္ဒက- ပါဌဋ္ဌကထာသု ပန ခုဒ္ဒကဘာဏကာနံ မတေန ဧကမေဝ ဈာယနဒိဝသံ ကတွာ တဒဝသေသာနံ ဦန္တံ သတ္တာဟာနံ ဝသေန “အမုမာသော အတိက္ကန္တော၊ ဒီဃမုမာသော သေသော”တိ စ ဝုတ္တံ။ ပဌမဗုဒ္ဓဝစနာဒီသု ဝိယ တံတံဘာဏကာနံ မတေန အဋ္ဌကထာသုပိ ဝစနဘေဒေါ ဟောတီတိ ဂဟေတဗ္ဗံ။ ဧဝမေတ္ထ ဝဒန္တိ—ပရိနိဗ္ဗာနဒိဝသတော ပဋ္ဌာယ အာဒိမ္မိ စတ္တာရော သာဓုကီဋ္ဌနဒိဝသာယေဝ၊ တတော ပရံ တယော သာဓုကီဋ္ဌနဒိဝသာ ဧဝ စိတကဈာယနဒိဝသာ စ၊ တတော ပရံ ဧကော စိတကဈာယနဒိဝသေဝယေဝ၊ တတော ပရံ တယော စိတကဈာယနဒိဝသာ စေဝ ဓာတုပူဇာဒိဝသာ စ၊ တတော ပရံ စတ္တာရော ဓာတုပူဇာဒိဝသာယေဝ၊ ဣတိ တံတံကီဋ္ဌာနရူပ- ဂဏနဝသေန တိဏ္ဍိ သတ္တာဟာနိ ပရိပူရေန္တိ၊ အဂဟိတဋ္ဌဟဏေန ပန အမုမာသောဝ ဟောတိ။ “ဧကဝိသတိ ဒိဝသာ ဂတာ”တိ ဣဓ ဝုတ္တဝစနဉ် တံတံကီဋ္ဌာနရူပဂဏနေနေဝ။ ဧဝံ ဧတုသုပိ အဋ္ဌကထာသု ဝုတ္တဝစနံ သေ- တီတိ ဝိစာရေတွာ ဂဟေတဗ္ဗံ။ ဝဇီရဗုဒ္ဓိတ္ထေရေန ပန ဝုတ္တံ “အမုမာသော အတိက္ကန္တောတိ ဧတ္ထ ဧကော ဒိဝသော နဋ္ဌော၊ သော ပါဂ္ဂိပဒဒိဝသော၊ ကောလာဟလဒိဝသော နာမ သော၊ တသ္မာ ဣဓ န ဂဟိတော”တိ ၂၊ တံ န သုန္တရံ ပရိနိဗ္ဗာနသုတ္တန္တပါဠိယံ<sup>၂</sup> ပါဂ္ဂိပဒဒိဝသတောယေဝ ပဋ္ဌာယ သတ္တာ- ဟဿ ဝုတ္တတ္တာ၊ အဋ္ဌကထာယဉ္စ ပရိနိဗ္ဗာနဒိဝသေန သဒ္ဓိံ တိဏ္ဍိ သတ္တာဟာနံ ဂဟိတတ္တာ။ တထာ ဟိ ပရိနိဗ္ဗာနဒိဝသေန သဒ္ဓိံ တိဏ္ဍိ သတ္တာဟာနံ ဂဏနေနေဝ ဇေဋ္ဌမူလသုက္ကပက္ခပဉ္စမိ ဧကဝိသတိမော ဒိဝသော ဟောတိ။

စတ္တာလီသ ဒိဝသာတိ ဇေဋ္ဌမူလသုက္ကပက္ခဆဋ္ဌဒိဝသတော ယာဝ အာသဠိ ပုဏ္ဏမိ၊ တာဝ ဂဏေတွာ ဝုတ္တံ။ ဧတ္တန္တရေတိ စတ္တာလီသဒိဝသဗ္ဗန္တရေ။ ရောဂေါ ဧဝ ရောဂပလိဗောဓော။ အာစရိယုပဇ္ဈာယေသု ကတ္တဗ္ဗကိစ္စမေဝ

၁-အဘိ-၄ ၂-၂၃၇-ပိဋ္ဌေ။                      ၂-ဝဇီရ-၇-၂၂-ပိဋ္ဌေ။                      ၃-ဒီ ၂-၁၃၁-ပိဋ္ဌေ။

အာစရိယုပဇ္ဈာယပလိဗောဓော၊ တဏှာမာတာပိတုပလိဗောဓော။ ယထာ-  
မိပ္ပေတံ အတ္ထံ၊ ကမ္မံ ဝါ ပရိဗုဒ္ဓေတိ ဥပရောဓေတိ ပဝတ္ထိတုံ န ဒေတီတိ  
ပလိဗောဓော ရ-ကာရဿ လ-ကာရံ ကတွာ။ တံ ပလိဗောဓံ ဆိန္ဒိတွာ တံ  
ကရဏီယံ ကရောတူတိ သင်္ဂါဟကေန ဆိန္ဒိတဗ္ဗံ တံ သဗ္ဗံ ပလိဗောဓံ ဆိန္ဒိတွာ  
ဓမ္မဝိနယသင်္ဂါယနသင်္ဂါတံ တဒေဝ ကရဏီယံ ကရောတု။

အညေပိ မဟာထေရာတိ အနုရုဒ္ဓတ္ထေရာဒယော။ သောကသလ္လသမပ္ပိတဉ္စိ  
သောကသင်္ခါတေန သလ္လေန အနုပဋိဋ္ဌံ ပဋိဝိဋ္ဌံ။ အသမုတ္တိန္ဒအဝိဇ္ဇာတဏှာန-  
သယတ္တာ အဝိဇ္ဇာတဏှာဘိသင်္ခါတေန ကမ္မုနာ ဘဝယောနိဂတိဋ္ဌိတိသတ္တ-  
ဝါသေသု ခန္ဓပဉ္စကသင်္ခါတံ အတ္တဘာဝံ ဇနေတိ အဘိနိဗ္ဗတ္တေတိတိ ဇနော။  
ကိလေသေ ဇနေတိ၊ အဇနိ၊ ဇနိဿတိတိ ဝါ ဇနော၊ မဟန္တော ဇနော  
တထာ၊ တံ။ အာဂတာဂတန္တိ အာဂတမာဂတံ ယထာ “ဧကေကော”တိ။ ဧတ္ထ  
သိယာ—“ထေရော အတ္တနော ပဉ္စသတာယ ပရိသာယ ပရိဝုတော ရာဇဂဟံ  
ဂတော၊ အညေပိ မဟာထေရာ အတ္တနော အတ္တနော ပရိဝါရေ ဂဟေတွာ  
သောကသလ္လသမပ္ပိတံ မဟာဇနံ အဿာသေတုကာမာ တံ တံ ဒိသံ ပက္ကန္တာ”တိ  
ဣဓ ဝုတ္တဝစနံ သမန္တပါသာဒိကာယ “မဟာကဿပတ္ထေရော ‘ရာဇဂဟံ  
အာဝုသော ဂစ္ဆာမာ’တိ ဥပဗ္ဗံ ဘိက္ခုသံသံ ဂဟေတွာ ဧကံ မဂ္ဂံ ဂတော၊  
အနုရုဒ္ဓတ္ထေရောပိ ဥပဗ္ဗံ ဂဟေတွာ ဧကံ မဂ္ဂံ ဂတော”တိ ဝုတ္တဝစနန္တ အညမညံ  
ဝိရုဋ္ဌံ ဟောတိ။ ဣဓ ဟိ မဟာကဿပတ္ထေရာဒယော အတ္တနော အတ္တနော  
ပရိဝါရဘိက္ခုဟိယေဝ သဒ္ဓိံ တံ တံ ဒိသံ ဂတာတိ အတ္ထော အာပဇ္ဇတိ၊ တတ္ထ  
ပန မဟာကဿပတ္ထေရအနုရုဒ္ဓတ္ထေရာယေဝ ပစ္စေကမုပဗုသံသေန သဒ္ဓိံ  
ဧကေကံ မဂ္ဂံ ဂတာတိ၊ ဝုစ္စတေ—တဒုဘယမ္ပိ ဟိ ဝစနံ န ဝိရုဋ္ဌတိ အတ္တတော  
သံသန္ဓနတ္တာ။ ဣဓ ဟိ နိရဝသေသေန ထေရာနံ ပစ္စေကဂမနဝစနမေဝ တတ္ထ  
နယဝသေန ဒဿေတိ၊ ဣဓ အတ္တနော အတ္တနော ပရိသာယ ဂမနဝစနန္တ  
တတ္ထ ဥပဗုသံသေန သဒ္ဓိံ ဂမနဝစနေန။ ဥပဗုသံသောတိ ဟိ သကသကပရိ-  
သာဘူတော ဘိက္ခုဂဏော ဂယတိ ဥပဗုသဒ္ဓဿ အသမေပိ ဘာဂေ  
ပဝတ္တတ္တာ။ ယဒိ ဟိ သန္နိပတိတေ သံသေ ဥပဗုသံသေန သဒ္ဓိန္တိ အတ္ထံ  
ဂဏှေယျ၊ တဒါ သံသဿ ဂဏနပထမတိတတ္တာ န ယုဇ္ဇတေဝ၊ ယဒိ စ  
သင်္ဂါယနတ္ထံ ဥစ္စိနိတာနံ ပဉ္စန္ဒ ဘိက္ခုသတာနံ မဇ္ဈေ ဥပဗုသံသေန သဒ္ဓိန္တိ အတ္ထံ  
ဂဏှေယျ၊ ဧဝမ္ပိ တေသံ ဂဏပါမောက္ခာနံယေဝ ဥစ္စိနိတတ္တာ န ယုဇ္ဇတေဝ။  
ပစ္စေကဂဏိနော ဟေတေ။ ဝုတ္တုဋ္ဌိ “သတ္တသတသဟဿာနိ၊ တေသု

ပါမောက္ခဘိက္ခုဝေါ”တိ၊ ဣတိ အတ္ထတော သံသန္ဓနတ္တာ တဒေတံ ဥဘယဗ္ဗိ  
ဝစနံ အညမညံ န ဝိရုဇ္ဈတိတိ။ တံတံဘာဏကာနံ မတေနေဝံ ဝုတ္တန္တိပိ ဝဒန္တိ။

“အပရိနိဗ္ဗုတဿ ဘဂဝတော”တိအာဒိနာ ယောဇေတဗ္ဗံ။ ပတ္တစိဝရမာဒါ-  
ယာတိ ဧတ္ထ စဘုမဟာရာဇဒတ္တိယသေလမယပတ္တံ၊ သုဂတစိဝရဉ္စ ဂဏှိတွာတိ  
အတ္ထော။ သောယေဝ ဟိ ပတ္တော ဘဂဝတာ သဒါ ပရိဘုတ္တော။ ဝုတ္တဗ္ဗိ  
သမဓိတ္တပဋိပဒါသုတ္တဋ္ဌကထာယံ “ဝဿံဝုတ္တာနုသာရေန အတိရေကဝီသတ်-  
ဝဿကာလေပိ တဿေဝ ပရိဘုတ္တဘာဝံ ဒီပေဘုကာမေန ပါတောဝ သရီရ-  
ပဋိဇ္ဇနံ ကတွာ သုနိဝတ္တနိဝါသနော သုဂတစိဝရံ ပါရူပိတွာ သေလမယပတ္တ-  
မာဒါယ ဘိက္ခုသံဃပရိဝုတော ဒက္ခိဏဒွါရေန နဂရံ ပဝိသိတွာ ပိဏ္ဍာယ  
စရန္တော”တိ။ ဂန္ဓမာလာဒယော နေသံ ဟတ္ထေတိ ဂန္ဓမာလာဒီဟတ္တာ။

တကြာတိ တိဿံ သာဝတ္ထိယံ။ သုဒန္တိ နိပါတမတ္တံ။ အနိစ္စတာဒိပဋိ-  
သံယုတ္တာယာဘိ “သဗ္ဗေ သင်္ခါရာ အနိစ္စာ”တိအာဒိနာ၊ အနိစ္စသဘာဝပဋိ-  
သညတ္တာယ။ ဓမ္မေန ယုတ္တာ၊ ဓမ္မဿ ဝါ ပတိရူပါတိ ဓမ္မိ၊ တာဒိသာယ။  
သညာပေတွာဘိ သုဋ္ဌ၊ ဇာနာပေတွာ၊ သမဿာသေတွာတိ ဝုတ္တံ ဟောတိ။  
ဝသီတဂန္ဓကုဋ်န္တိ နိစ္စသာပေက္ခတ္တာ သမာသော။ ပရိဘောဂစေတိယ-  
ဘာဝတော “ဂန္ဓကုဋ် ဝန္တိတွာ”တိ ဝုတ္တံ။ “ဝန္တိတွာ”တိ စ “ဝိဝရိတွာ”တိ  
ဧတ္ထ ပုဗ္ဗကာလကိရိယာ။ တဿာ ဟိ အာစရိယသာရိပုတ္တတ္ထေရေန ဝုတ္တံ  
“ဂန္ဓကုဋ်ယာ ဒွါရံ ဝိဝရိတွာတိ ပရိဘောဂစေတိယဘာဝတော ဂန္ဓကုဋ်  
ဝန္တိတွာ ဂန္ဓကုဋ်ယာ ဒွါရံ ဝိဝရိတိ ဝေဒိတဗ္ဗ”န္တိ။ မိလာတာ မာလာ၊  
သာယေဝ ကစဝရံ၊ မိလာတံ ဝါ မာလာသင်္ခါတံ ကစဝရံ တထာ။ အတိဟရိ-  
တွာတိ ပဌမံ ဌပိတဋ္ဌာနမဘိမုခံ ဟရိတွာ။ ယထာဌာနေ ဌပေတွာတိ  
ပဌမံ ဌပိတဋ္ဌာနံ အနတိက္ကမိတွာ ယထာဌိတဋ္ဌာနေယေဝ ဌပေတွာ။ ဘဂဝတော  
ဌိတကာလေ ကရဏီယံ ဝတ္တံ သဗ္ဗမကာသီတိ သေနာသနေ ကတ္တဗ္ဗဝတ္တံ  
သန္ဓာယ ဝုတ္တံ။ ကုရုမာနော စာတိ တံ သဗ္ဗံ ဝတ္တံ ကရောန္တော စ။ လက္ခဏေ  
ဟိ အယံ မာန-သဒ္ဓေါ။ နှာနကောဋ္ဌကဿ သမ္ပဇနဉ္စ တသ္မိံ ဥဒကဿ  
ဥပဋ္ဌာပနဉ္စ၊ တာနိ အာဒိနိ ယေသံ ဓမ္မဒေသနာဩဝါဒါဒိနန္တိ တထာ၊  
တေသံ ကာလေသူတိ အတ္ထော။ သီဟဿ မိဂရာဇဿ သေယျာ သီဟ-  
သေယျာ၊ တဒ္ဓိတဝသေန၊ သဒိသဝေါဟာရေန ဝါ ဘဂဝတော သေယျာပိ  
“သီဟသေယျာ”တိ ဝုစ္စတိ။ တေဇဿဒဇ္ဈရိယာပထတ္တာ ဥတ္တမသေယျာ ဝါ၊  
ယံ သန္ဓာယ ဝုတ္တံ “အထ ခေါ ဘဂဝါ ဒက္ခိဏေန ပဿေန သီဟသေယျံ

၁-အံ-ဋ ၂-၃၁-ပိဋေ၊ ၂-၃ ၁-၅၃-ပိဋေ ဓမ္မပဒေ၊ ၃-သာရတ္ထ-ဋီ ၁-၅၄-ပိဋေ။

ကပ္ပေသိ ပါဒေ ပါဒံ အစ္စာဓာယ သတော သမ္ပဇာနော”တိ<sup>၁</sup>။ တံ။ ကပ္ပန-  
ကာလော ကရဏကာလော နန္တတိ ယောဇေတဗ္ဗံ။

“ယထာ တ”န္တိအာဒိနာ ယထာဝုတ္တမတ္ထံ ဥပမာယ အာဝိ ကရောတိ။  
တတ္ထ ယထာ အညောပိ ဘဂဝတော ။ပ။ ပတိဋ္ဌိတပေမော စေဝ  
အဓိဏာသဝေါ စ အနေကေသု။ပ။ ဥပကာရသဉ္ဇနိတစိတ္တမဒ္ဒဝေါ စ အကာသိ။  
ဧဝံ အာယသ္မာပိ အာနန္ဒော ဘဂဝတော ဂုဏ ။ပ။ မဒ္ဒဝေါ စ ဟုတွာ  
အကာသိတိ ယောဇနာ။ တန္တိ နိပါတမတ္ထံ။ အဝိစ ဧတေန တထာ-  
ကရဏဟေတု ဒဿေတိ။ ယထာ အညောပိ ယထာဝုတ္တသဘာဝါ အကံသု။  
တထာ အာယသ္မာပိ အာနန္ဒော ဘဂဝတော။ပ။ ပတိဋ္ဌိတပေမတ္တာ စေဝ  
အဓိဏာသဝတ္တာ စ အနေကေသု ။ပ။ ဥပကာရသဉ္ဇနိတစိတ္တမဒ္ဒဝတ္တာ စာတိ  
ဟေတုအတ္ထဿ လဗ္ဘမာနတ္တာ။ ဟေတုဂဗ္ဘာနိ ဟိ ဧတာနိ ပဒါနိ တဒတ္ထဿဝ  
တထာကရဏဟေတုဘာဝတော။ နေပါလဒမန<sup>၂</sup>၊ သုဝဏ္ဏကက္ကဋ<sup>၃</sup>၊ စူဠဟံသ<sup>၄</sup>၊  
မဟာဟံသဇာတကာဒီဟိ<sup>၅</sup> စေတ္ထ ဝိဘာဝေတဗ္ဗော။ ဂုဏာနံ ဂဏော။  
သောယေဝ အမတနိပ္ပုဒကရသသဒိသတာယ အမတရသော။ တံ ဇာနန-  
ပကတိတာယာတိ ပတိဋ္ဌိတပဒေ ဟေတု။ ဥပကာရ ။ပ။ မဒ္ဒဝေါတိ  
ဥပကာရပုဗ္ဗဘာဝေန သမ္ပဇာနိတစိတ္တမုဒုကော။ ဧဝမ္ပိ သော ဣမိနာ  
ကာရဏေန အဓိဝါသေသိတိ ဒဿေန္တော “တမေန”န္တိအာဒိမာဟ။ တတ္ထ  
တမေနန္တိ တံ အာယသ္မန္တိ အာနန္တံ။ ဧတ-သဒ္ဓေါ ဟိ ပဒါလင်္ကာရမတ္ထံ။  
အယဉ္ဇိ သဒ္ဓပကတိ။ ယဒိဒံ ဒွိသု သဗ္ဗနာမေသု ပုဗ္ဗပဒဿေဝ အတ္ထပဒတာ။  
သံဝေဇေသိတိ “နန ဘဂဝတာ ပဋိကစ္ဆေဝ အက္ခာတံ ‘သဗ္ဗေဟေဝ ပိယေဟိ  
မနာပေဟိ နာနာဘာဝေါ ဝိနာဘာဝေါ’တိအာဒိနာ၆ သံဝေဂံ ဇနေသိ”တိ<sup>၇</sup>။  
အာစရိယဓမ္မပါလတ္ထေရေန ဝုတ္တံ။ ဧဝံ သတိ“ဘန္တေ။ပ။ အဿာသေဿထာတိ  
ပဌမံ ဝတွာ”တိ သဟ ပါဌသေသေန ယောဇနာ အဿ။ ယထာရုတတော  
ပန အာဒျတ္ထေန ဣတိ-သဒ္ဓေန “ဝေမာဒိနာ သံဝေဇေသိ”တိ ယောဇနာပိ  
ယုဇ္ဇတေဝ။ ယေန ကေနစိ ဟိ ဝစနေန သံဝေဂံ ဇနေသိ။ တံ သဗ္ဗမ္ပိ  
သံဝေဇနဿ ကရဏံ သမ္ဘဝတိတိ။ သန္တန္တိတွာတိ ပရိဒေဝနာဒိဝိရဟေန  
အတ္တာနံ ပဋိဗန္ဓေတွာ ပတိဋ္ဌာပေတွာ။ ဥဿန္တဓာတုကန္တိ ဥပစိတပိတ္တ-  
သေမှာဒိဒေါသံ။ ပိတ္တသေမှဝါတဝသေန ဟိ တိဿော ဓာတုယော ဣဓ

၁-ဒိ ၂-၁၁၃-ပိဋ္ဌေ။ ၂-ဝိ ၄-၃၅၆-ပိဋ္ဌေ။ ၃-ဒ ၅-၁၄၈-ပိဋ္ဌေ။  
၄-ဒ ၅-၃၂၆-ပိဋ္ဌေ။ ၅-ဒ ၆-၉၀-ပိဋ္ဌေ။ ၆-ဒိ ၂-၉၉၊ ၁၂၆၊ သံ ၃-၁၄၁၊ အံ ၃-၃၂၅၊ ဝိ ၄-၄၈၀-ပိဋ္ဌေသု။ ၇-ဒိ-ဒွိ ၁-၂၃-ပိဋ္ဌေ။

ဘောသဇ္ဇကရဏယောဂျတာယ အဓိပ္ပေတာ၊ ယာ “ဒေါသာ၊ မလာ”တိ စ  
လောကေ ဝုစ္ဆန္တိ၊ ပထဝီ အာပေါ တေဇော ဝါယော အာကာသောတိ စ  
ဘောဒေန ပစ္စေကံ ပဉ္စဝိဓာ။ ဝုတ္တဉ္စိ—

“ဝါယုပိတ္တကဖာ ဒေါသာ၊ ဓာတဝေါ စ မလာ တထာ။  
တတ္ထာပိ ပဉ္စဓာချာတာ၊ ပစ္စေကံ ဒေဟဓာရဏာ။

သရီရဒ္ဓသနာ ဒေါသာ၊ မလိနကရဏာ မလာ။  
ဓာရဏာ ဓာတဝေါ တေ တု၊ ဣတ္ထမန္တုတ္ထသညကာ”တိ။

သမဿာသေတုန္တိ သန္တပေတုံ။ ဒေဝတာယ သံဝေဇိတဒိဝသတော၊  
ဇေတဝနဝိဟာရံ ပဝိဋ္ဌဒိဝသတော ဝါ ဒုတိယဒိဝသေ။ ဝိရိစ္ဆတိ ဧတေနာတိ  
ဝိရေစနံ၊ ဩသပေရိဘာဝိတံ ဒီရမေဝ ဝိရေစနံ တထာ။ ယံ သန္တာယာတိ  
ယံ ဘောသဇ္ဇပါနံ သန္တာယ။ အင်္ဂပစ္စင်္ဂေန သောဘတိတိ သုဘော၊ မနုဇော  
အပစ္စံ မာနဝေါ၊ န-ကာရဿ ပန ဣ-ကာရေ ကတေ မာဏဝေါ။ မနုတိ  
ဟိ ပဌမကပ္ပိကကာလေ မနုဿာနံ မာတာပိတုဋ္ဌာနေ ဌိတော ပုရိသော၊ ယော  
ယာသနေ “မဟာသမ္ပတရာဇာ”တိ ဝုတ္တော။ သော ဟိ သကလလောကဿ  
ဒိတံ မနုဘိ ဇာနာတိတိ မနုတိ ဝုစ္ဆတိ။ ဝေဓေတ္ထ ဝဒန္တိ “ဒန္တဇန-ကာရ-  
သဟိတော မာနဝသဒ္ဓေါ သဗ္ဗသတ္တသာဓာရဏဝစနေ၊ မုဒ္ဓဇဇာ-ကာရ-  
သဟိတော ပန မာဏဝသဒ္ဓေါ ကုမ္ဘိတမူဋ္ဌာပစ္စဝစနေ”တိ။ ဣဋ္ဌကမ္မဝိဘင်္ဂ-  
သုတ္တန္တကထာယမ္ပိ ဟိ မုဒ္ဓဇဇာ-ကာရသဟိတသေဝ မာဏဝသဒ္ဓဿ  
အတ္ထော ဝဏ္ဏိတော။ တဇ္ဇိကာယမ္ပိ “ယံ အပစ္စံ ကုမ္ဘိတံ မူဋ္ဌံ ဝါ၊ တတ္ထ  
လောကေ မာဏဝဝေါဟာရော၊ ယောဘုယျေန စ သတ္တာ ဒဟရကာလေ မူဋ္ဌ-  
မာတုကာ ဟောန္တိတိ တသေဝတ္ထော ပကာသိတော”တိ ဝဒန္တိ အာစရိယာ။  
အညတ္ထ စ ဝိသတိဝသယန္တရော ယုဝါ မာဏဝေါ၊ ဣဓ ပန တဗ္ဗောဟာရေန  
မဟလ္လကောပိ။ ဝုတ္တဉ္စိ ဣဋ္ဌကမ္မဝိဘင်္ဂသုတ္တဝဏ္ဏနာယံ “မာဏဝေါတိ ပန တံ  
တရုဏကာလေ ဝေါဟရိံသု၊ သောမဟလ္လကကာလေပိတေနေဝ ဝေါဟာရေန  
ဝေါဟရိယတိ”တိ၊ သုဘနာမကေန လဒ္ဓမာဏဝဝေါဟာရေနာတိ အတ္ထော။  
သော ပန “သတ္တာ ပရိနိဗ္ဗုတော၊ အာနန္တတ္ထေရော ကိရဿ ပတ္တစီဝရမာဒါယ  
အာဂတော၊ မဟာဇနော တံ ဒဿနာယ ဥပသင်္ကမတိ”တိ သုတွာ “ဝိဟာရံ  
ခေါ ပန ဂန္တာ မဟာဇနမဇ္ဈေ န သက္ကာ သုခေန ပဋိသန္တာရံ ဝါ ကာတုံ၊  
ဓမ္မကထံ ဝါ သောတုံ၊ ဂေဟမာဂတံယေဝ နံ ဒိသွာ သုခေန ပဋိသန္တာရံ

ကရိယာမိ၊ ကော စ မေ ကင်္ခါ အတ္ထိ၊ တမ္ပိ နံ ပုစ္ဆိယာမိ”တိ စိန္တေတွာ  
ဧကံ မာဏဝကံ ပေသေသိ၊ တံ သန္ဓာယာဟ “ပဟိတံ မာဏဝက”န္တိ။  
ခုဒ္ဒကေ စေတ္ထ ကပစ္စယော။ **တေဒဝေါစာ**တိ ဧတံ “အကာလော”တိ-  
အာဒိကံဝစနံ အာနန္ဒတ္ထေရော အဝေါစ။

**အကာလော**တိ အဇ္ဇ ဂန္တု အယုတ္တကာလော။ ကသ္မာတိ စေ “အတ္ထိ  
ဓမ”တိအာဒိမာဟ။ **ဘေသဇ္ဇမတ္တာ**တိ အပ္ပကံ ဘေသဇ္ဇံ။ အပ္ပတ္တော ဟေတ္ထ  
မတ္တာသဒ္ဓေါ “မတ္တာ သုခပရိစ္စာဂါ”တိအာဒိသု<sup>၁</sup> ဝိယ။ **ဝိတာတံ** ပိဝိတာ။  
သွေဝိတိ ဧတ္ထ “အဝိ-သဒ္ဓေါ အပေက္ခော မန္တာ<sup>၂</sup>နုညာယာ”တိ<sup>၃</sup> **ဝဇီရဗုဒ္ဓိတ္ထေ-**  
**ရေန** ဝုတ္တံ။ အယံ ပန တဿာမိပ္ပါယော— “အပ္ပေဝ နာမာ”တိ သံသယ-  
မတ္ထေ ဝုတ္တေ အနုညာဘဘာဝေါ န သိဒ္ဓေါ၊ တသ္မာ တံသာဓနတ္ထံ “အဝိ”တိ  
ဝုတ္တံ၊ တေန ဣမမတ္ထံ ဒီပေတိ “အပ္ပေဝ နာမ၊ သွေ မယံ ဥပသင်္ကမေယျာမ၊  
ဥပသင်္ကမိတုံ ပဋိဗလာ သမာနာ ဥပသင်္ကမိဿာမ စာ”တိ။

ဒုတိယဒီဝသေတိဒီရဝိရေစနပီတဒီဝသတော ဒုတိယဒီဝသေ။ **စေတကတ္ထေ-**  
**ရေနာ**တိ စေတိယရဋ္ဌေ ဇာတတ္တာ **စေတကော**တိ ဧဝံလဒ္ဓနာမေန ထေရေန။  
**ပစ္ဆာသမဏေနာ**တိ ပစ္ဆာနဂတေန သမဏေန။ သဟတ္ထေ စေတံ ကရဏဝစနံ။  
**သုဘေန မာဏဝေန ပုဋ္ဌော**တိ “ယေသု ဓမ္မေသု ဘဝံ ဂေါတမော ဣမံ လောကံ  
ပတိဋ္ဌပေသိ၊ တေ တဿ အစ္စယေန နဋ္ဌာ န ခေါ၊ ရေန္တိ န ခေါ၊ သစေ  
ဓရန္တိ၊ ဘဝံ<sup>၄</sup> အာနန္ဒော ဇာနိဿတိ၊ ဟန္တ နံ ပုစ္ဆာမိ”တိ ဧဝံ စိန္တေတွာ “ယေသံ  
သော ဘဝံ ဂေါတမော ဓမ္မာနံ ဝဏ္ဏဝါဒီ အဟောသိ၊ ယတ္ထ စ ဣမံ ဇနတံ  
သမာဒပေသိ နိဝေသေသိပတိဋ္ဌာပေသိ၊ ကတမေသာနံ ခေါ ဘော အာနန္ဒ  
ဓမ္မာနံ သော ဘဝံ ဂေါတမော ဝဏ္ဏဝါဒီ အဟောသိ”တိအာဒိနာ<sup>၅</sup> ပုဋ္ဌော၊  
အထဿ ဘေရော တိဏိ ပိဋကာနိ သီလက္ခန္ဓာဒီဟိ တိဟိ ခန္ဓေဟိ သင်္ဂဟေတွာ  
ဒဿေန္တော “တိဏ္ဏံ ခေါ မာဏဝ ခန္ဓာနံ သော ဘဂဝါ ဝဏ္ဏဝါဒီ”တိအာဒိ-  
နာ<sup>၆</sup> ဣဓ သီလက္ခန္ဓဝဂ္ဂေ ဒသမံ သုတ္တမဘာသိ၊ တံ သန္ဓာယာဟ “**ဣမသ္မိံ**။ပ။  
**မဘာသိ**”တိ။

**ခဏ္ဍန္တိ** ဆိန္တံ။ **ဖုလ္လန္တိ** ဘိန္တံ၊ သေဝါလာဟိဆတ္တကာဒိဝိကဿနံ ဝါ၊ တေသံ  
ပဋိသင်္ခရဏံ သမ္မာ ပါကတိကကရဏံ၊ အဘိနဝပဋိကရဏန္တိ ဝုတ္တံ ဟောတိ။  
**ဥပကဋ္ဌာယာ**တိ အာသန္ဓာယ။ဝဿံ ဥပနေန္တိ ဥပဂစ္ဆန္တိ ဧတ္တာတိ **ဝသျှပနာ-**  
**ယိကာ**၊ ဝဿူပဂတကာလော၊ တာယ။ **သင်္ဂီတိပါဠိယံ**<sup>၆</sup> သာမညေန ဝုတ္တမ္ပိ

၁-ခု ၁-၅၅-ဝိဇ္ဇေ ဓမ္မပဒေ။ ၂-နွော (က) ၃-ဝဇီရ-၇၂-ပိဋ္ဌေ။  
၄-နတ္ထိ-ဒီ-၄ ၁-၃၁၉၊ သာရတ္ထ-၇၂ ၁-၅၆-ပိဋ္ဌေသု။ ၅-ဒီ ၁-၁၀၉-ပိဋ္ဌေ။ ၆-ဝိ ၄-၄၀၂-ပိဋ္ဌေ။

ဝစနံ ဧဝံ ဂတေယေဝ သန္ဓာယ ဝုတ္တန္တိ သံသန္ဓေတုံ၊ သာဓေတုံ ဝါ အာဟ “ဝေဉ္စိ”တိအာဒိ။

ရာဇဂဟံ ပရိဝါရေတွာတိ ဗဟိနဂရေ ဌိတဘာဝေန ဝုတ္တံ။ ဆန္ဒိတ-  
ပတိတဥက္ခာပါတိ ဆဉ္စိတာ စ ပတိတာ စ ဥက္ခာပါ စ။ ဣဒံ ဝုတ္တံ  
ဟောတိ—ဘဂဝတော ပရိနိဗ္ဗာနဌာနံ ဂစ္ဆန္တေဟိ ဘိက္ခုဟိ ဆဉ္စိတာ ဝိဿဋ္ဌာ၊  
တတောယေဝ စ ဥပစိကာဒိဟိ ခါဒိတတ္တာ ဣတော စိတော စ ပတိတာ၊  
သမ္ပန္နဘာဝေန အာကိဏ္ဏကစဝရတ္တာ ဥက္ခာပါ စာတိ။ တဒေဝတ္ထံ “ဘဂဝ-  
တော ဟိ”တိအာဒိနာ ဝိဘာဝေတိ။ အဝကုတိ ပုတိဘာဝမဂမာသိတိ ဥက္ခာ-  
ပေါ ထ-ကာရဿ လ-ကာရံ ကတွာ၊ ဥဇ္ဈိဋ္ဌော ဝါ ကလာပေါသမူဟောတိ  
ဥက္ခာပေါ၊ ဝဏ္ဏသင်္ဂမနဝသေနေဝံ ဝုတ္တံ ယထာ “ဥပဇ္ဈေသော၊ သွေဟော”-  
ဣစ္စာဒိ၊ တေန ယုတ္တာတိ တထာ။ ပရိစ္ဆေဒဝသေန ဝေဏီယန္တိ ဒိဿန္တိတိ  
ပရိဝေဏာ။ ကုရုမာနာတိ ကတ္ထုကာမာ။ သေနာသနဝတ္တာနံ ပညတ္တတ္တာ၊  
သေနာသနက္ခန္ဓကေ စ သေနာသနပဋိဗဒ္ဓါနံ ဗဟုနမ္ပိ ဝစနာနံ ဝုတ္တတ္တာ  
သေနာသနပဋိသင်္ခရဏမ္ပိ တဿ ပူဇာယေဝ နာမာတိ အာဟ “ဘဂဝတော  
ဝစနပူဇနတ္ထ”န္တိ။ ပဌမံ မာသန္တိ ဝဿာနဿ ပဌမံ မာသံ။ အစ္စန္တသံယောဂေ  
စေတံ ဥပယောဂဝစနံ။ “တိတ္ထိယဝါဒပရိမောစနတ္ထဉ္စာ”တိ ဝုတ္တမတ္ထံ ပါကဋံ  
ကာတုံ “တိတ္ထိယာ ဟိ”တိအာဒိ ဝုတ္တံ။

ယန္တိ ကတိကဝတ္တကရဏံ။ ဒေသိသေသု ဟိ ဌာနေသု ယံ-သဒ္ဓေါတံ-သဒ္ဓါန-  
ပေက္ခော တေနော အတ္တဿ ပရိပုဏ္ဏတ္တာ။ ယံ ဝါ ကတိကဝတ္တံ သန္ဓာယ “အထ  
ခေါ”တိအာဒိ ဝုတ္တံ၊ တဒေဝ မယာပိ ဝုတ္တန္တိ အတ္ထော။ ဧသ နယော ဤဒိသေသု။  
ဘဂဝတာ။ ပ။ ဝဏ္ဏိတန္တိ သေနာသနဝတ္တံ ပညပေန္တေန၊ သေနာသနက္ခန္ဓကေ  
စ သေနာသနပဋိဗဒ္ဓဝစနံ ကထေန္တေန ဝဏ္ဏိတံ။ သင်္ဂါယိဿာမာတိ ဧတ္ထ  
ဣတိ-သဒ္ဓဿ “ဝုတ္တံ၊ အဟောသိ”တိ စ ဥဘယတ္ထ သမ္ပန္နော၊ ကေဿ ဝါ  
ဣတိ-သဒ္ဓဿ လောပေါ။

ဒုတိယဒိဝသေဘိ ဧဝံ စိန္တိတဒိဝသတော ဒုတိယဒိဝသေ၊ သော စ ခေါ  
ဝဿူပနာယိကဒိဝသတော ဒုတိယဒိဝသောဝ။ ထေရာဟိ အာသဠိပုဏ္ဏမိတော  
ပါဠိပဒဒိဝသေယေဝ သန္တိပတိတွာ ဝဿမုပဂန္ဓာ ဧဝံစိန္တေသုန္တိ။ ရာဇဒ္ဓါရေတိ  
ရာဇဂေဟဒ္ဓါရေ။ ဟတ္ထကမ္ပန္တိ ဟတ္ထကိရိယံ၊ ဟတ္ထကမ္ပဿ ကရဏန္တိ ဝုတ္တံ  
ဟောတိ။ ပဋိဝေဒေသုန္တိ ဇာနာပေသုံ။ ဝိသဋ္ဌာတိ နိရာသင်္ဂမိတ္တာ။

အာဏာယေဝ အပ္ပဋိဟတဂုတ္တိယာ ပဝတ္တနဋ္ဌေန စက္ကန္တိ အာဏာစက္ကံ။ တထာ ဓမ္မောယေဝ စက္ကန္တိ ဓမ္မစက္ကံ။ တံ ပနိဓ ဒေသနာဉာဏပဋိဝေဉာဏာဝသေန ဒုဝိဓမ္မိ ယုဇ္ဇတိ တဒုဘယေနဝ သင်္ဂီတိယာ ပဝတ္တနတော။ “ဓမ္မစက္ကန္တိ စေတံ ဒေသနာ- ဉာဏဿာပိ နာမံ၊ ပဋိဝေဉာဏဿာပိ”တိ ဟိ အဋ္ဌကထာသု ဝုတ္တံ။ သန္တိ- သဇ္ဇန္တာနန္တိ သန္တိပတိတွာ နိသိဒ္ဓနဋ္ဌာနံ။ သတ္တ ပဏ္ဏာနိ ယဿာတိ သတ္တပဏ္ဏိ၊ ယော “ဆတ္တပဏ္ဏော၊ ဝိသမစ္ဆဒေါ”တိပိ ဝုစ္စတိ၊ တဿ ဇာတဂုဟဒ္ဓါရေတိ အတ္ထော။

ဝိသကမ္မုနာတိ သက္ကဿ ဒေဝါနမိန္ဒဿ ကမ္မာကမ္မဝိဓာယကံ ဒေဝပုတ္တံ သန္ဓာယာဟ။ သုဝိဘတ္တဘိက္ခိယသောပါနန္တိ ဧတ္ထ သုဝိဘတ္တပဒဿ ဒန္တတော ပုဗ္ဗေ သုယျမာနတ္တာ သဗ္ဗေဟိ ဒန္တပဒေဟိ သမ္ပန္နော၊ တထာ “နာနာဝိဓေ။ပ။ ဝိစိတ္တ”န္တိ အာဒိသုပိ။ ရာဇဘဝနဝိဘူတိန္တိ ရာဇဘဝနသမ္ပတ္တိံ၊ ရာဇဘဝနသောဘံ ဝါ။ အဝဟသန္တမိဝါတိ အဝဟာသံ ကုရုမာနံ ဝိယ။ သိရိယာတိ သောဘာသင်္ခါတာယ လက္ခိယာ။ နိကေတနမိဝါတိ ဝသနဋ္ဌာန- မိဝ၊ “ဇလန္တမိဝါ”တိပိ ပါဠော။ ကေသ္မိယေဝ ပါနိယတိတ္ထေ နိပတန္တာ ပက္ခိနော ဝိယ သဗ္ဗေသမ္ပိ ဇနာနံ စက္ခုနိ မဏ္ဍုလယေဝ နိပတန္တိတိ ဝုတ္တံ “ကေနိပါတေ။ပ။ ဝိဟင်္ဂါန”န္တိ။ နယနဝိဟင်္ဂါနန္တိ နယနသင်္ခါတဝိဟင်္ဂါနံ။ လောကရာမဏေယျကမိဝ သမ္ပိဏ္ဍိတန္တိ ယဒိ လောကေ ဝိဇ္ဇမာနံ ရာမဏေ- ယျကံ သဗ္ဗမေဝ အာနေတွာ ကေတ္တ သမ္ပိဏ္ဍိတံ သိယာ၊ တံ ဝိယာတိ ဝုတ္တံ ဟောတိ၊ ယံ ယံ ဝါ လောကေ ရမိတုမရဟတိ၊ တံ သဗ္ဗံ သမ္ပိဏ္ဍိတ- မိဝါတိပိ အတ္ထော။ ဒဋ္ဌဗ္ဗသရမဏ္ဍန္တိ ဖေဂ္ဂုရဟိတံ သာရံ ဝိယ၊ ကသဠ- ဝိနိမုတ္တံ ပသန္တံ ဝိယ စ ဒဋ္ဌုမရဟရူပေသု သာရဘူတံ၊ ပသန္တဘူတဉ္စ။ အပိစ ဒဋ္ဌဗ္ဗော ဒဿနိယော သာရဘူတော ဝိသိဋ္ဌတရော မဏ္ဍော မဏ္ဍနံ အလင်္ကာ- ရော ဧတဿာတိ ဒဋ္ဌဗ္ဗသရမဏ္ဍော၊ တံ။ မဏ္ဍံ သူရိယရသ္မိံ ပါတိ နိဝါရေတိ၊ သဗ္ဗေသံ ဝါ ဇနာနံ မဏ္ဍံ ပသန္တံ ပါတိ ရက္ခတိ၊ မဏ္ဍနမလင်္ကာရံ ဝါ ပါတိ ဝိဝတိ အလင်္ကာရိတုံ ယုတ္တဘာဝေနာတိ မဏ္ဍပေါ၊ တံ။

ကုသုမဒါမာနိ စ တာနိ ဩလမ္ပကာနိ စေတိ ကုသုမဒါမောလမ္ပကာနိ။ ဝိသေသနဿ စေတ္တ ပရနိပါတော ယထာ “အဂ္ဂဟိတော”တိ။ ဝိဝိဓာနိယေဝ ကုသုမဒါမောလမ္ပကာနိ တထာ၊ တာနိ ဝိနိဂ္ဂလန္တံ ဝိသေသေန ဝမေန္တိ နိက္ခာမေန္တမိဝ စာရ သောဘနံ ဝိတာနံ ဧတ္တာတိ တထာ။ ကုဇ္ဇေန ဂဟိတော သမံ ကတောတိ ကုဇ္ဇိမော၊ ကောဇ္ဇိမော ဝါ၊ တာဒိသောယေဝ မဏိတိ

မဏိကောဋိမော၊ နာနာရတနေဟိ ဝိစိတ္တော မဏိကောဋိမော၊ တဿ တလံ တထာ။ အထ ဝါ မဏိယော ကောဇ္ဇောဘွာ ကတတလတ္တာ မဏိကောဇ္ဇေန နိပ္ပတ္တန္တိ မဏိကောဋိမံ၊ တမေဝ တလံ၊ နာနာရတနဝိစိတ္တံ မဏိကောဋိမ-  
 တလံ တထာ။ တမိဝ စ နာနာပုပ္ဖုပဟာရဝိစိတ္တံ သုပရိနိဋ္ဌိတဘူမိကမ္မန္တိ သမ္ပန္နော။ ပုပ္ဖုပူဇာ ပုပ္ဖုပဟာရော။ ဧတ္ထ ဟိ နာနာရတနဝိစိတ္တဂ္ဂဟဏံ နာနာ-  
 ပုပ္ဖုပဟာရဝိစိတ္တဘာယနိဒဿနံ၊ မဏိကောဋိမတလဂ္ဂဟဏံ သုပရိနိဋ္ဌိတဘူမိ-  
 ကမ္မတာယာဟံ ဒဋ္ဌဗ္ဗံ။ နန္တိ မဏ္ဍပံ။ ဗြဟ္မဝိမာနသဒိသန္တိ ဘာဝနပုံသကံ၊  
 ယထာ ဗြဟ္မဝိမာနံ သောဘတိ၊ တထာ အလင်္ကရိတွာတိ အတ္ထော။ ဝိသေ-  
 သေန မာနေတဗ္ဗန္တိ ဝိမာနံ။ သဒ္ဓဝိဒူ ပန “ဝိဟေ အာကာသေ မာယန္တိ ဂစ္ဆန္တိ ဒေဝါ ယေနာတိ ဝိမာန”န္တိ ဝဒန္တိ။ ဝိသေသေန ဝါ သုစရိတကမ္မုနာ  
 မိယတိ နိဗ္ဗိယတိတိ ဝိမာနံ၊ ဝိတိ ဝါ သကုဏော ဝုစ္စတိ၊ တံသဏ္ဌာနေန မိယတိ နိဗ္ဗိယတိတိ ဝိမာနန္တိအာဒိနာပိ ဝတ္တဗ္ဗော။ ဝိမာနဋ္ဌကထာယံ ပန  
 “ကေသောဇနဒ္ဓိယောဇနာဒိဘာဝေန ပမာဏဝိသေသယုတ္တတာယ၊ သော-  
 ဘာတိသယသောဂေန စ ဝိသေသတော မာနနိယတာယ ဝိမာန”န္တိ ဝုတ္တံ။ နတ္ထိ အဋ္ဌမေတေသန္တိ အနုဋ္ဌါနိ၊ အပရိမာဏဋ္ဌါနိ အဋ္ဌိတုမသက္ကု-  
 ဏေယျာနိတိ ဝုတ္တံ ဟောတိ။ ပတိရူပံ၊ ပစ္စေကံ ဝါ အတ္တရိတဗ္ဗာနိတိ ပစ္စတ္တ-  
 ရဏာနိ၊ တေသံ သတာနိ တထာ။ ဥတ္တရာဘိမုခန္တိ ဥတ္တရဒိသာဘိမုခံ။ ဓမ္မောပိ သက္ကာယေဝ သတ္တုကိစ္စနိပ္ပါဒနတောတိ ဝုတ္တံ “ဗုဒ္ဓဿ ဘဂဝတော အာသနာ-  
 ရဟံ ဓမ္မာသနံ ပညပေတွာ”တိ။ ယထာဟ “ယော ခေါ။ ပ။ မမစ္စယေန သက္ကာ”တိအာဒိ၊ တထာဂတပ္ပဝေဒိတဓမ္မဒေသကဿ ဝါ သတ္တုကိစ္စာဝ-  
 ဟတ္တာ တထာရူပေ အာသနေ နိဿိဒိတုမရဟတိတိ ဒဿေတုမ္ပိ ဧဝံ ဝုတ္တံ။ အာသနာရဟန္တိ နိဿိဒနာရဟံ။ ဓမ္မာသနန္တိ ဓမ္မဒေသကာသနံ၊ ဓမ္မံ ဝါ ကထေတုံ ယုတ္တာသနံ။ ဒန္တခစိတန္တိ ဒန္တေဟိ ခစိတံ၊ ဟတ္ထိဒန္တေဟိ ကတန္တိ ဝုတ္တံ ဟောတိ။ “ဒန္တော နာမ ဟတ္ထိဒန္တော ဝုစ္စတိ”တိ ဟိ ဝုတ္တံ။ ဧတ္တာတိ တေသ္မိံ ဓမ္မာသနေ။ မမ ကိစ္စန္တိ မမ ကမ္မံ၊ မယာ ဝါ ကရဏီယံ။

ဣဒါနိ အာယသ္မတော အာနန္တဿ အသေက္ခဘူမိသမာပဇ္ဇနံ ဒဿေန္တော “တသ္မိဉ္စ ပနာ”တိအာဒိမာဟ။ တတ္ထ တသ္မိဉ္စ ပန ဒိဝသေတိ တထာ ရညာ အာရောစာပိဘဒိဝသေ၊ သာဝဏမာသဿ ကာဠပက္ခစတုတ္ထဒိဝသေတိ ဝုတ္တံ ဟောတိ။ အနတ္ထဇနနဘော ဝိသသင်္ကာသတာယ ကိလေသော ဝိသံ၊ တဿ ဒီဏာသဝဘာဝတော အညထာဘာဝသင်္ဂါတာ သတ္တိ ဂန္ဓော။ တထာ ဟိ

သော ဘဂဝတော ပရိနိဗ္ဗာနာဒိသု ဝိလာပါဒိမကာသိ။ အပိစ ဝိသဇနနက-  
 ပုပ္ဖါဒိဂန္ဓပဋိဘာဂတာယ နာနာဝိဒေက္ခဟေတုကိရိယာဇနနကော ကိလေ-  
 သောဝ “ဝိသဂန္ဓော”တိ ဝုစ္စတိ။ တထာ ဟိ သော “ဝိသံ ဟရတိတိ ဝိသတ္တိကာ၊  
 ဝိသမူလာတိ ဝိသတ္တိကာ၊ ဝိသဖလာတိ ဝိသတ္တိကာ၊ ဝိသပရိဘောဂါတိ ဝိသတ္တိ-  
 ကာ”တိ အာဒိနာ ဝုတ္တောတိ။ အပိစ ဝိသဂန္ဓော နာမဝိရူပေါ မိသာဒိဂန္ဓော၊  
 တံသဒိသဇာယ ပန ကိလေသော။ “ဝိဿသဒ္ဓေါ ဟိ ဝိရူပေ”တိ ၂ အဘိဓမ္မ-  
 ဋီကာယံ ဝုတ္တံ။ အဒ္ဓါဟိ ဧကံသတော။ သံဝေဂန္တိ ဓမ္မသံဝေဂံ။ “ဩဟိတ-  
 တာရာန”န္တိ ဟိ ယေဘုယျေန၊ ပဓာနေန စ ဝုတ္တံ။ ဒေသိသေသု ပန ဌာနေသု  
 တဒညေသမ္ပိ ဓမ္မသံဝေဂေါယေဝ အဓိပ္ပေဟော။ တထာ ဟိ “သံဝေဂေါ နာမ  
 သဟောတ္တပုံ ဉာဏံ၊ သော တဿာ ဘဂဝတော ဒဿနေ ဥပ္ပဇ္ဇိ”တိ ၃ ရန္တုမာလာ-  
 ဝိမာနဝဏ္ဏနာယံ ဝုတ္တံ၊ သာ စ တဒါ အဝိညာတသာသနာ အနာဂတဖလာတိ။  
 ဣတရထာ ဟိ စိတ္တုကြာသဝသေန ဒေါသောယေဝ သံဝေဂေါတိ အာပဇ္ဇတိ၊  
 ဧဝံ သတိ သော တဿ အသေက္ခဘူမိသမာပဇ္ဇနဿ ဧကံသကာရဏံ န  
 သိယာ။ ဧဝမဘူတော စ သော ဣဓ န ဝတ္တဗ္ဗောယေဝါတိ အလမတိပပဉ္စေန။  
 တေနာဘိ တသ္မာ သွေ သံဃသန္နိပါတဿ ဝတ္တမာနတ္တာ၊ သေက္ခသကရဏီ-  
 ယတ္တာ ဝါ။ တေန ယုတ္တန္တိ တဝ န ယုတ္တံ၊ တယာ ဝါ သန္နိပါတံ ဂန္တံ န  
 ပတိရူပံ။

မေတန္တိ မမ ဧတံ ဂမနံ။ ယွာဟန္တိ ယော အဟံ၊ ယန္တိ ဝါ ကိရိယာပရာမ-  
 သနံ၊ တေန “ဂစ္ဆေယျ”န္တိ ဧတ္ထ ဂမနကိရိယံ ပရာမသတိ၊ ကိရိယာပရာမသနဿ  
 စ ယံ တံ-သဒ္ဓဿ အယံ ပကတိ၊ ယဒိဒံ နပုံသကလိင်္ဂေန၊ ဧကဝစနေန စ ယောဂျ-  
 တာ တထာယေဝ တတ္ထတတ္ထ ဒဿနတော။ ကိရိယာယ ဟိ သဘာဝတော နပုံ-  
 သကတ္တမေကတ္တဉ္စ ဣန္ဒြိယဒ္ဓိ သဒ္ဓဝိဒူ။ အာဝဇ္ဇေသီတိ ဥပနာမေသိ။ ပုတ္တဘိ  
 မုစ္စိတာ။ အပ္ပတ္တဉ္စာတိ အဂတဉ္စ၊ ဗိဓ္ဓောဟနေ န တာဝ ဌပိတန္တိ ဝုတ္တံ ဟောတိ။  
 တေသ္မိံ အန္တရေတိ ဧတ္တန္တရေ၊ ဣမိနာ ပဒုဒ္ဓယေန ဒဿိတကာလာနံ  
 ဝေမဇ္ဈက္ခဏေ၊ တသဒဿိတကာလဒ္ဓယဿ ဝါ ဝိဝရေတိ ဝုတ္တံ ဟောတိ။

“ကာရဏေ စေဝ စိတ္တေ စ၊ ခဏသ္မိံ ဝိဝရေပိ စ။

ဝေမဇ္ဈာဒိသု အတ္ထေသု၊ ‘အန္တရာ’တိ ရဝေါ ဂတော”တိ—

ဟိ ဝုတ္တံ။ အနုပါဒါယဘိ တဏှာဒိဋ္ဌိဝသေန ကဉ္စိ ဓမ္မံ အဂ္ဂဟေတွာ၊  
 ယေဟိ ဝါ ကိလေသေဟိ မုစ္စတိ၊ တေသံ လေသမတ္တမ္ပိ အဂ္ဂဟေတွာ။

အာသဝေဟိတိ ဘဝတော အာ ဘဝဂ္ဂံ၊ ဓမ္မတော စ အာ ဂေါတြိဘုံ သဝနတော ပဝတ္တနတော အာသဝသညိတေဟိ ကိလေသေဟိ။ ဥပလက္ခဏဝစနမတ္တဉ္ဇေတံ။ တဒေကဋ္ဌတာယ ဟိ သဗ္ဗေဟိပိ ကိလေသေဟိ သဗ္ဗေဟိပိ ပါပဓမ္မေဟိ စိတ္တံ ဝိမုစ္စတိယေဝ။ စိတ္တံ ဝိမုစ္စိတိ စိတ္တံ အရဟတ္တမဂ္ဂက္ခဏေ အာသဝေဟိ ဝိမုစ္စမာနံ ဟုတ္တာ အရဟတ္တဖလက္ခဏေ ဝိမုစ္စိ။ တဒတ္ထံ ဝိဝရတိ “အယဉ္ဇိ”တိအာဒိနာ။ စက်မေနာတိ စက်မနကိရိယာယ။ ဝိသေသန္တိ အတ္တနာ လဒ္ဓမဂ္ဂဖလတော ဝိသေသမဂ္ဂဖလံ။ ဝိဝဇ္ဇုပနိဿယဘူတံ ကတံ ဥပစိတံ ပုညံ ယေနာတိ ကတပုညော၊ အရဟတ္တာဓိဂမာယ ကတာဓိကာရေတိ အတ္ထော။ ပဓာန- မနုယုဉ္ဇာဘိ ဝိရိယမနုယုဉ္ဇာဟိ၊ အရဟတ္တသမာပတ္တိယာ အနုယောဂံ ကရော- ဟိတံ ဝုတ္တံ ဟောတိ။ ဟောဟိသိတိ ဘဝိဿသိ။ ကထာဒေါသောတိ ကထာယ ဒေါသော ဝိတထဘာဝေါ။ အစ္စာရဒ္ဓန္တိ အတိဝိယ အာရဒ္ဓံ။ ဥဒ္ဓစ္စာယာတိ ဥဒ္ဓတဘာဝါယ။ ဟန္တာတိ ဝေါဿဂ္ဂဝစနံ။ တေန ဟိ အဓုနာ- ယေဝ ယောဇေမိ၊ န ပနာဟံ ပပဉ္စိ ကရောမိတိ ဝေါဿဂ္ဂံ ကရောတိ။ ဝိရိယသမတံ ယောဇေမိတိ စက်မနဝိရိယဿ အဓိမတ္တတ္တာ တဿ ဟာပန- ဝသေန သမာဓိနာ သမတာပါဒနေန ဝိရိယဿ သမတံ သမဘာဝံ ယောဇေမိ၊ ဝိရိယေန ဝါ သမထသင်္ခါတံ သမာဓိံ ယောဇေမိတိပိ အတ္ထော။ ဦဓာပိ ဟိ ပါဌော ဒိဿတိ။ ဝိဿမိဿာမိတိ အဿသိဿာမိ။ ဣဒါနိ တဿ ဝိသေသတော ပသံသနာရဟဘာဝံ ဒဿေတုံ “တေနာ”တိ- အာဒိ ဝုတ္တံ။ တေနာတိ စတုဣရိယာပထဝိရဟိတတာကာရဏေန။ “အနိ- ပဉ္စော”တိအာဒိနိ ပစ္စုပ္ပန္နဝစနာနေဝ။ ပရိနိဗ္ဗုတောပိ သော အာကာသေယေဝ ပရိနိဗ္ဗာယိ။ တသ္မာ ထေရဿ ကိလေသပရိနိဗ္ဗာနံ၊ ခန္ဓပရိနိဗ္ဗာနန္တ ဝိသေသေန ပသံသာရဟံ အစ္ဆရိယဗ္ဗုတမေဝါတိ။

ဒုတိယဒိဝသေတိ ထေရေန အရဟတ္တပတ္တဒိဝသတော ဒုတိယဒိဝသေ။ ပဉ္စမိယန္တိ တိထိပေက္ခာယ ဝုတ္တံ။ “ဒုတိယဒိဝသေ”တိ ဣမိနာ တုလျာဓိကရဏံ။ ဘိန္တလိဂ်မ္ပိ ဟိ တုလျတ္ထပဒံ ဒိဿတိ ယထာ “ဂုဏောပမာဏံ၊ ဝိသတိ စိတ္တာနိ”- ဣစ္စာဒိ။ ကာဠုပက္ခဿာတိ သာဝဏမာသကာဠုပက္ခဿ။ ပဌမဉ္စိ မာသံ ခဏ္ဍဗုလ္လပဋိသင်္ခရဏမကံသု၊ ပဌမမာသဘာဝေါ စ မဇ္ဈိမပ္ပဒေသဝေါဟာရေန။ တတ္ထ ဟိ ပုရိမပုဏ္ဏမိတော ယာဝ အပရာ ပုဏ္ဏမိ၊ တာဝ ဧကော မာသောတိ ဝေါဟရန္တိ။ တတော တိဏိ ဒိဝသာနိ ရာဇာ မဏ္ဍပမကာသိ၊ တတော ဒုတိယ- ဒိဝသေ ထေရော အရဟတ္တံ သစ္စာကာသိ၊ တတိယဒိဝသေ ပန သန္နိပတိတွာ ထေရာ သင်္ဂီတိမကံသု၊ တသ္မာ အာသဗ္ဗိမာသကာဠုပက္ခပါဋိပဒတော ယာဝ

သာဝဏမာသကာဠပက္ခပဉ္စမီ၊ တာဝ ပဉ္စဒိဝသာမိကော ဧကမာသော  
ဟောတိ။ သမာနောတိ ဥပ္ပဇ္ဇမာနော။ ဟန္တတုဋ္ဌစိတ္တောတိ အတိဝိယ  
သောမနဿစိတ္တော၊ ပါမောဇ္ဇေန ဝါ ဟဋ္ဌစိတ္တော ဝီတိယာ တုဋ္ဌစိတ္တော။  
ဧကံသန္တိ ဧကသ္မိံ အံသေ၊ ဝါမံသေတိ အတ္တော။ တထာ ဟိ ဝေဒီသသုတ္တ-  
ဝဏ္ဏနာယံ ဝုတ္တံ—

“ဧကံသံ စိဝရန္တိ ဧတ္ထ ပုန သဏ္ဌာပနဝသေန ဧဝံ ဝုတ္တံ၊ ဧကံသန္တိ  
စ ဝါမံသံ ပါရုပိတွာ ဌိတဿေတံ အဓိဝစနံ။ ယတော ယထာ  
ဝါမံသံ ပါရုပိတွာ ဌိတံ ဟောတိ၊ တထာ စိဝရံ ကတွာတိ  
ဝေမဿတ္တော ဝေဒိတဗျော”တိ။

ဗန္ဓု။ ပ။ ဝိယာတိ ဝဏ္ဏတော ပဝုတ္တသုပရိပက္ခတာလဗလမိဝ။ ပဏ္ဍု။ ပ။  
ဝိယာတိ သိတဝီတပဘာသုတ္တပဏ္ဍုရောမဇကမ္ပလေ ဌပိတော ဇာတိမာ  
မဏိ ဝိယ၊ ဇာတိဝစနေန စေတ္တ ကုတ္တိမံ နိဝတ္တေတိ။ သမုဂ္ဂတပုဏ္ဏဝန္ဓော  
ဝိယာတိ ဇုဏ္ဏပက္ခပန္နရသုပေါသထေ သမုဂ္ဂတော သောဠသကလာပရိပုဏ္ဏော  
ဝန္ဓော ဝိယ။ ဗာလာ။ ပ။ ဝိယာတိ တရုဏသုရိယပဘာသမ္ပဿေန ဖုလ္လိတသု-  
ဝဏ္ဏဝဏ္ဏပရာဂဂဗ္ဘံ သတပတ္တပဉ္စံ ဝိယ။ “ပိဉ္ဇရသဒ္ဓေါ ဟိ ဟေမဝဏ္ဏပရိယာ-  
ယော”တိ၊ သာရတ္ထဒီပနိယံ ဝုတ္တော။ ပရိယောဒါတေနာတိ ပဘဿရေန။  
သပ္ပဘေနာတိ ဝဏ္ဏပ္ပဘာယ၊ သီလပ္ပဘာယ စ သမန္နာဂတေန။ သဿိရိကေ-  
နာတိ သဒ္ဓိရသောဘဂ္ဂါဒိသင်္ခါတာယ သိရိယာ အတိဝိယ သိရိမတာ။ မုခ-  
ဝရေနာတိ ယထာဝုတ္တသောဘာသမလင်္ကတတ္တာ ဥတ္တမမုခေန။ ကာမံ “အဟ-  
မသ္မိ အရဟတ္တံ ပတ္တော”တိ နာရောစေသိ၊ တထာရူပါယ ပန ဥတ္တမလိဋ္ဌာယ ဂမ-  
နဘော ပဿန္တာ သဗ္ဗေပိ တမတ္ထံ ဇာနန္တိ၊ တသ္မာ အာရောစေန္တော ဝိယ ဟော-  
တိတိ အာဟ “အတ္တနော အရဟတ္တပ္ပတ္တိံ အာရောစယမာနော ဝိယ အဂမာ-  
သိ”တိ။

ကိမတ္ထံ ပနာယံ ဝေမာရောစယမာနော ဝိယ အဂမာသိတိ? ဝုစ္စတေ—  
သော ဟိ “အတ္တုပနာယိကံ အကတွာ အညဗျာကရဏံ ဘဂဝတာ သံဝဏ္ဏိ-  
တ”န္တိ မနသိ ကရိတွာ “သေက္ခတာယ မေဓိနယသင်္ဂီတိယာ ဂဟေတုမယုတ္တမိ  
ဗဟုဿုတတ္တာ ဂဏိဿာမာ”တိ နိသိန္နာနံ ထေရာနံ အရဟတ္တပ္ပတ္တိဝိဇာနနေန  
သောမနဿုပ္ပါဒနတ္ထံ, “အပ္ပမတ္တော ဟောဟိ”တိ ဘဂဝတာ ဒိန္နဩဝါဒဿ စ  
သဗလတာဒီပနတ္ထံ ဝေမာရောစယမာနော ဝိယ အဂမာသိတိ။ အာယသ္မတော

မဟာကဿပဿ တေဒဟောသိ သမသမဋ္ဌပနာဒိနာ ယထာဝုတ္တကာရဏေန သတ္တုကပ္ပတ္တာ။ ဓရေယျာတိ ဝိဇ္ဇမာနော ဘဝေယျ။ “သောဘဘိ ဝတ တေ အာဝုသော အာနန္ဒ အရဟတ္တသမဓိဂမတာ”တိအာဒိနာ သာဓုကာရမဒါသိ။ အယမိမ ဒီဃဘာဏကာနံ ဝါဒေါ။ ခုဒ္ဒကဘာဏကေသု စ သုတ္တနိပါတခုဒ္ဒကပါဌဘာဏကာနံ ဝါဒေါတိပိ ယုဇ္ဇတိ တဒဋ္ဌကထာသုပိ တထာဝုတ္တတ္တာ။

မဇ္ဈိမံ နိကာယံ ဘဏန္တိ သီလေနာတိ မဇ္ဈိမဘာဏကာ၊ တပုဂုဏာ အာစရိယာ။ ယထာဝုဇ္ဇန္တိ ဝုဇ္ဇပဋိပါဋိံ၊ တဒနတိက္ကမိတွာ ဝါ။ တတ္ထာတိ တသ္မိံ ဘိက္ခုသံဃေ။ အာနန္ဒဿ ဧတမာသနန္တိ သမ္ဗန္ဓော။ တသ္မိံ သမယေတိ တသ္မိံ ဧဝံကထနသမယေ။ ထေရော စိန္တေသိ “ကုဟိံ ဂတော”တိ ပုစ္ဆန္တာနံ အတ္တာနံ ဒဿေန္တေ အတိဝိယ ပါကဋ္ဌဘာဝေန ဘဝိသမာနတ္တာ၊ အယမ္ပိ မဇ္ဈိမဘာဏကေသွေဝ ဧကစ္စာနံ ဝါဒေါ၊ တသ္မာ ဣတိပိ ဧကေ ဝဒန္တိတိ သမ္ဗန္ဓော။ အာကာသေန အာဂန္တော အတ္တနော အာသနေယေဝ အတ္တာနံ ဒဿေသီတိပိ တေသမေဝ ဧကစ္စေဝဒန္တိ။ ပုလ္လိင်္ဂဝိသယေဟိ “ဧကေ”တိ ဝုတ္တေ သဗ္ဗတ္ထ “ဧကစ္စေ”တိ အတ္ထော ဝေဒိတဗ္ဗော။ တီသုပိ စေတ္ထ ဝါဒေသု တေသံ တေသံ ဘာဏကာနံ တေန တေနာကာရေန အာဂတမတ္တံ ဌပေတွာ ဝိသု ဝိသု ဝစနေ အညံ ဝိသေသကာရဏံ နတ္ထိ။ သတ္တမာသံ ကတာယ ဟိ ဓမ္မဝိနယသင်္ဂီတိယာ ကဒါစိ ပကတိယာဝ၊ ကဒါစိ ပထဝိယံ နိမုဇ္ဇိတွာ၊ ကဒါစိ အာကာသေန အာဂတတ္တာ တံ တဒါဂမနမုပါဒါယ တထာ တထာ ဝဒန္တိ။ အဝိစ သင်္ဂီတိယာ အာဒိဒိဝသေယေဝ ပဌမံ ပကတိယာ အာဂန္တော တတော ပရံ အာကာသမဗ္ဗုဂန္တော ပရိသံ ပတ္တကာလေ တတော ဩတရိတွာ ဘိက္ခုပန္နိံ အပီဋ္ဌေန္တော ပထဝိယံ နိမုဇ္ဇိတွာ အာသနေ အတ္တာနံ ဒဿေသီတိပိ ဝဒန္တိ။ ယထာ ဝါ တထာ ဝါ အာဂစ္ဆတု၊ အာဂမနာကာရမတ္တံ န ပမာဏံ၊ အာဂန္တော ဂတကာလေ အာယသ္မတော မဟာကဿပဿ သာဓုကာရဒါနမေဝ ပမာဏံ သတ္တာရာ ဒါတဗ္ဗသာဓုကာရဒါနေနေဝ အရဟတ္တပ္ပတ္တိယာ အညေသမ္ပိ ဉ္စပိတတ္တာ၊ ဘဂဝဘိ ဓရမာနေ ပဋိဂ္ဂဟေတဗ္ဗာယ စ ပသံသာယ ထေရဿ ပဋိဂ္ဂဟိတတ္တာ။ တသ္မာ တမတ္တံ ဒဿေန္တော “ယထာ ဝါ”တိအာဒိမာဟ။ သဗ္ဗတ္တာပီတိ သဗ္ဗေသုပိ တီသု ဝါဒေသု။

ဘိက္ခု။ အာမန္တေသီတိ ဘိက္ခု။ အာလပီဘိ အယမေတ္ထ အတ္ထော၊ အညတြ ပန ဉ္စပနေပိ ဒိဿတိ ယထာ “အာမန္တယာမိ ဝေါ ဘိက္ခဝေ၊ ပဋိဝေဒယာမိ ဝေါ

ဘိက္ခဝေ”တိ။ ပက္ခောသနေပိ ဒိဿတိ ယထာ “ဧဟိ တံ ဘိက္ခု မမ ဝစနေန သာရိပုတ္တံ အာမန္တေဟိ”တိ။ အာလပနေပိ ဒိဿတိ ယထာ “တတြ ခေါဘဂဝါ ဘိက္ခု အာမန္တေသိ ‘ဘိက္ခဝေါ’တိ” ၃၊ ဣဓာပိ အာလပနေတိ သာရတ္ထဒီပနိယံ ၄ ဝုတ္တံ။ အာလပနမတ္တဿ ပန အဘာဝတော၊ “ကံ ပဌမံ သင်္ဂါယာမာ”တိ အာဒိနာ ဝုတ္တေန ဝိညာပိယမာနတ္ထန္တရေန စ သဟစရဏတော ဣပနေဝ ဝဇ္ဇတိ၊ တသ္မာ အာမန္တေသိတိ ပဋိဝေဒေသိ ဝိညာပေသိတိ အတ္ထော ဝတ္ထဗျော။ “တတြ ခေါဘဂဝါ ဘိက္ခု အာမန္တေသိ ‘ဘိက္ခဝေါ’တိ၊ ‘ဘဒ္ဒန္တေ’တိ တေ ဘိက္ခု ဘဂဝ-  
 တော ပစ္စယောသု” န္တိ အာဒိသု ၇၊ ဟိ အာလပနမတ္တဝေ ဒိဿတိ၊ န ဝိညာပိယ-  
 မာနတ္ထန္တရံ၊ တံ ပန “ဘူတပုပ္ဖံ ဘိက္ခဝေ”တိ အာဒိနာ ၃၊ ပစ္စေကမေဝ အာရဇ္ဈံ။  
 တသ္မာ တာဒိဿေသေဝ အာလပနေ ဝဇ္ဇတိတိ နော တက္ကော။ သဒ္ဓဝိဒူ ပန  
 ပဒန္တိ ၅၊ “အာမန္တယိတွာ ဒေဝိန္ဒော၊ ဝိဿကမ္ပံ မဟိဒ္ဓိက” န္တိ အာဒိသု ၆၊ ဝိယ မန္တ-  
 ယဒ္ဓေါ ဝုတ္တဘာသနေ။ တသ္မာ ‘အာမန္တေသိ’တိ တေဿ သမ္ပန္တယိတိ  
 အတ္ထော”တိ။ “အာဝုဿော”တိ အာဒိ အာမန္တနာကောရဒီပနံ။ ဓမ္မံ ဝါ ဝိနယံ  
 ဝေါတိတ္ထေ ဝါ-သဒ္ဓေါဝိကပ္ပနေ၊ တေန “ကိမေကံ တေသု ပဌမံ သင်္ဂါယာမာ”တိ  
 ဒဿေတိ။ ကသ္မာ အာယူတိ အာဟ “ဝိနယေ ဌိတေ”တိ အာဒိ။ “ယသ္မာ၊  
 တသ္မာ”တိ စ အဇ္ဈာဟရိတွာ ယောဇေတဗ္ဗံ။ တသ္မာတိ တာယ အာယုသ-  
 ရိက္ခဟာယ။ ဓုရန္တိ ဇေဋ္ဌကံ။ နော နပ္ပဟောတိတိ ပဟောတိယေဝ။ ဒွိပဋိ-  
 သေဓော ဟိ သဟ အတိသယေန ပကတုတ္ထဒီပကော။

တေဒဂ္ဂန္တိ ဧသော အဂ္ဂေါ။ လိင်္ဂဝိပလ္လာသေန ဟိ အယံ နိဒ္ဒေသော။  
 ယဒိဒန္တိ စ ယော အယံ၊ ယဒိဒံ ခန္တပဉ္စကန္တိ ဝါ ယောဇေတဗ္ဗံ။ ဧဝံပိ သတိ  
 “တေဒဂ္ဂ”န္တိ ယထာရုတလိင်္ဂမေဝ။ “ယဒိဒ”န္တိ ပဒဿ စ အယံ သဘာဝေါ၊  
 ယာ တဿ တဿ အတ္တဿ ဝတ္ထဗ္ဗဿ လိင်္ဂါနုရူပေန “ယော အယ”န္တိ ဝါ  
 “ယာအယ”န္တိ ဝါ “ယံ ဣဒ”န္တိ ဝါ ယောဇေတဗ္ဗတာ တထာယေဝဿ တတ္ထ  
 တတ္ထ ဒဿိတတ္တာ။ ဘိက္ခုနံ ဝိနယဓရာနန္တိ နိဒ္ဓါရဏဆဋ္ဌိနိဒ္ဒေသော။

အတ္တနာဝ အတ္တာနံ သမ္ပန္တိတိ သယမေဝ အတ္တာနံ သမ္ပတံ အကာသိ။  
 “အတ္တနာ”တိ ဟိ ဣဒံ တဘိယာဝိသေသနံ ဘဝတိ၊ တဉ္စ ပရေဟိ  
 သမ္ပန္တနံ နိဝတ္တေတိ၊ “အတ္တနာ”တိ ဝါ အယံ ဝိဘတုန္တပတိရူပကော

---

၁-အံ ၂-၄၉၅-ပိဋေ။	၂-အံ ၃-၁၀၁-ပိဋေ။
၃-သံ ၁-၂၂၀-ပိဋေ။	၄-သ-ရတ္ထ-ဋီ ၁-၆၀-ပိဋေ။
၅-သဒ္ဓနိတိဓာတုမာလာယ စုရာဒိဂဏိကပရိဒီပနေ-၅၂၄-ပိဋေ။	၆-ခု ၄-၃၉၄-ပိဋေ။

အဗျယသဒ္ဓေါ။ ကေစိ ပန “လိင်္ဂတ္ထေ တတိယာ အဘိဟိတကတ္တုဘာဝ-  
 တော”တိ ဝဒန္တိ။ တဒယုတ္တမေဝ “ထေရေ”တိ ကတ္တုနော ဝိဇ္ဇမာနတ္တာ။  
 ဝိဿဇ္ဇနတ္တာယ အတ္တနာဝ အတ္တာနံ သမ္ပန္နိတိ ယောဇေတဗ္ဗံ။ ပုစ္ဆဓာတုဿ  
 ဦးကမ္မိကတ္တာ “ဥပါလိံ ဝိနယ”န္တိ ကမ္မဒ္ဓယံ ဝုတ္တံ။

ဗီဇနိံ ဂဟေတွာတိ ဧတ္ထ ဗီဇနိဂဟဏံ ဓမ္မကထိကာနံ ဓမ္မတာတိ ဝေဒိတဗ္ဗံ။  
 တာယဟိ ဓမ္မကထိကာနံ ပရိသာယ ဟတ္ထကုက္ကုစ္စမုခဝိကာရာဒိ ပဋိစ္ဆာဒီယတိ။  
 ဘဂဝါ စ ဓမ္မကထိကာနံ ဓမ္မတာဒဿနတ္ထမေဝ ဝိစိတြဗီဇနိံ ဂဏှာတိ။  
 အညထာ ဟိ သဗ္ဗဿပိ လောကဿ အလင်္ကာရဘူတံ ပရမုက္ကံသဂတသိက္ခာ-  
 သံယမာနံ ဗုဒ္ဓါနံ မုခစန္ဒမဏ္ဍလံ ပဋိစ္ဆာဒေတဗ္ဗံန သိယာ။ “ပဌမံ အာဝုသော  
 ဥပါလိ ပါရာဇိကံ ကတ္ထ ပညတ္တ”န္တိ ကဿာ ဝုတ္တံ၊ နန တဿ သင်္ဂီတိယာ ပုရိမ-  
 ကာလေ ပဌမဘာဝေါ န ယုတ္တောတိ? နော န ယုတ္တော ဘဂဝတာ ပညတ္တာ-  
 နုတ္တမေန၊ ပါတိမောက္ခုဒ္ဓေသာနုတ္တမေန စ ပဌမဘာဝဿ သိဒ္ဓတ္တာ။ ယေဘု-  
 ယျေန ဟိ တိဏိ ပိဋကာနိ ဘဂဝတော ဓရမာနကာလေ ဌိတာနုတ္တမေနော  
 သင်္ဂီတာနိ၊ ဝိသေသတော ဝိနယာဘိဓမ္မပိဋကာနိတိ ဒဋ္ဌဗ္ဗံ။ ကိသ္မိံ ဝတ္ထုသိန္နိ၊  
 မေထုနဓမ္မေတိ စ နိမိတ္တတ္ထေ ဘုဗ္ဗဝစနံ။ “ကတ္ထ ပညတ္တ”န္တိအာဒိနာ ဒဿိတေန  
 သဟ တဒဝသိဋ္ဌမ္ပိ သင်္ဂဟေတွာ ဒသေတုံ “ဝတ္ထုမိ ပုန္နိ”တိအာဒိ ဝုတ္တံ။

သင်္ဂီတိကာရကဝစနသမ္ပိဿံ ဝါ န ခေါ၊ သုဒ္ဓိံ ဝါ ဗုဒ္ဓဝစနန္တိ အာသင်္ကာ-  
 ပရိဟရဏတ္ထံ၊ ယထာသင်္ဂီတဿေဝ ပမာဏဘာဝံ ဒဿနတ္ထေ ပုစ္ဆံ သမုဒ္ဓ-  
 ရိတွာ ဝိဿဇ္ဇေန္တော “ကိံ ပနေတ္တာ”တိအာဒိမာဟ။ ဧတ္ထ ပဌမပါရာဇိကေတိ  
 ဧဘိဿံ တထာသင်္ဂီတာယ ပဌမပါရာဇိကပါဠိယံ။ တေနောဟ “န ဟိ  
 တထာဂတာ ဧကဗျဉ္ဇနမ္ပိ နိရတ္ထကံ ဝဒန္တိ”တိ။ အပနေတဗ္ဗန္တိ အတိရေက-  
 ဘာဝေန နိရတ္ထကတာယ၊ဝိတထဘာဝေန ဝါ အယုတ္တတာယ ဆဇ္ဇေတဗ္ဗဝစနံ။  
 ပက္ခိပိတဗ္ဗန္တိ အသမ္ပုဏ္ဏတာယ ဥပနေတဗ္ဗဝစနံ။ ကဿာတိ အာဟ “န ဟိ”တိ-  
 အာဒိ။ သာဝကာနံ ပန ဒေဝတာနံ ဝါ ဘာသိတေတိ ဘဂဝတော ပုစ္ဆာ-  
 ထောမနာဒိဝသေန ဘာသိတံ သန္တာယာဟ။ သဗ္ဗတ္တာပိတိ ဘဂဝတော  
 သာဝကာနံ၊ဒေဝတာနဉ္စ ဘာသိတေပိ။ တံ ပန ပက္ခိပနံ သမ္ပန္နဝစနမတ္တဿေဝ၊  
 န သဘာဝါယုတ္တိယာ အတ္ထဿာတိ ဒသေတိ “ကိံ ပန တ”န္တိအာဒိနာ။ သမ္ပန္န-  
 ဝစနမတ္တန္တိ ပုဗ္ဗာပရသမ္ပန္နဝစနမေဝ။ ဣဒံ ပဌမပါရာဇိကန္တိ ဝဝတ္ထပေတွာ  
 ဌပေသုံ ဣမိနာဝ ဝါစနာမဂ္ဂေန ဥဂ္ဂဟဏဓာရဏာဒိကိစ္စနိပ္ပါဒနတ္ထံ၊ တဒတ္ထ-  
 မေဝ စ ဂဏသဇ္ဈာယမကံသု “တေနံ ပ။ ဝိဟရတိ”တိ။ သဇ္ဈာယာရမ္ဘ-  
 ကာလေယေဝ ပထဝီ အကမ္ပိတ္တာတိ ဝဒန္တိ၊ တဒိဒံ ပန ပထဝီကမ္ပနံ ထေရာနံ

ဓမ္မသဇ္ဈာယာနဘာဝေနာတိ ဉ္ဗပေတုံ “သာဓုကာရံ ဒဒမာနာ ဝိယာ”တိ  
ဝုတ္တံ။ ဥဒကပရိယန္တန္တိ ပထဝီသန္တာရကဥဒကပရိယန္တံ။ တသ္မိဉ္စိ စလိတေယေဝ  
သာပိ စလတိ၊ ဧတေန စ ပဒေသပထဝီကမ္ပနံ နိဝတ္တေတိ။

ကိဉ္စာပိ ပါဠိယံ ဂဏနာနတ္ထိ၊ သင်္ဂီတိမာရောပိတာနိ ပန ဧတ္တကာနေဝါတိ  
ဒီပေတုံ “ပဉ္စသတ္တတိ သိက္ခာပဒါနိ”တိ ဝုတ္တံ။ “ပုရိမနယေနော”တိ ဧတေန  
သာဓုကာရံ ဒဒမာနာ ဝိယာတိ အတ္ထမာဟ။ န ကေဝလံ သိက္ခာပဒကဏ္ဍ-  
ဝိဘင်္ဂနိယမေနေဝ၊ အထ ခေါ ပမာဏနိယမေနာပိတိ ဒဿေတုံ “စတုသဋ္ဌိ  
ဘာဏဝါရာ”တိ ဝုတ္တံ။ ဧတ္ထ စ ဘာဏဝါရေတိ—

“အဋ္ဌကွရာ ကေပဒံ၊ ကေဂါထာ စတုပ္ပဒံ။  
ဂါထာ စေကာ မတော ဂန္တော၊ ဂန္တော ဗာတ္ထိံသတက္ခရော။  
ဗာတ္ထိံသက္ခရဂန္တာနံ၊ ပညာသဒ္ဓိသတံ ပန။  
ဘာဏဝါရော မတော ဧကော၊ သုဋ္ဌကွရသဟဿကော”တိ။

ဧဝံ အဋ္ဌကွရသဟဿပရိမာဏော ပါဌော ဝုစ္စတိ။ ဘဏိတဗ္ဗော ဝါရော  
ယဿာတိ ဟိ ဘာဏဝါရော၊ ဧကေန သဇ္ဈာယနမဂ္ဂေန ကထေတဗ္ဗဝါရေတိ  
အတ္ထော။ ခန္တကန္တိ မဟာဝဂ္ဂစူဠဝဂ္ဂံ။ ခန္တာနံ သမူဟတော၊ ပကာသနတော ဝါ  
ခန္တကောတိ ဟိ ဝုစ္စတိ၊ ခန္တာတိ စေတ္ထ ပဗ္ဗဇူပသမ္ပဒါဒိဝိနယကမ္မသင်္ခါတာ၊  
စာရိတ္တဝါရိတ္တသိက္ခာပဒသင်္ခါတာ စ ပညတ္တိယော အဓိပ္ပေတော။ ပဗ္ဗဇူဒီနိ ဟိ  
ဘဂဝတာ ပညတ္တတ္တာ ပညတ္တိယောတိ ဝုစ္စန္တိ။ ပညတ္တိယဉ္စ ခန္တသဒ္ဓေါ ဒိဿတိ  
“ဒါရုက္ခန္ဓော<sup>၁</sup>၊ အဂ္ဂိက္ခန္ဓော<sup>၂</sup>၊ ဥဒကက္ခန္ဓော”တိ<sup>၃</sup> အာဒိသု ဝိယ။ အပိစ  
ဘာဂရာသဋ္ဌတာပိ ယုဇ္ဇတိယေဝ တာသံ ပညတ္တိနံ ဘာဂတော၊ ရာသိတော စ  
ဝိဘတ္တတ္တာ၊ တံ ပန ဝိနယပိဋကံ ဘာဏကေဟိ ရက္ခိတံ ဂေါပိတံ သင်္ဂဟာ-  
ရဋ္ဌနယေနော စိရကာလံ အနဿမာနံ ဟုတွာ ပတိဋ္ဌဟိဿတိတိ အာယသ္မန္တံ  
ဥပါလိတ္တေရံ ပဋိစ္ဆာပေသုံ “အာဝုသော ဣမံ တုယံ နိဿိတကေ ဝါစေဟိ”တိ။

ဓမ္မံ သင်္ဂါယိတုကာမောတိ သုတ္တန္တာဘိဓမ္မေသင်္ဂီတိံ ကတ္ထုကာမော “ဓမ္မော  
စ ဝိနယော စ ဒေသိတော ပညတ္တော”တိအာဒိသု<sup>၄</sup> ဝိယ ပါရိသေသနယေန  
ဓမ္မသဒ္ဓဿ သုတ္တန္တာဘိဓမ္မေသေဝ ပဝတ္တနတော။ အယမတ္ထော ဥပရိ အာဝိ  
ဘဝိဿတိ။

သံသံ ဉ္ဗပေသီတိ ဧတ္ထ ဟေဋ္ဌာ ဝုတ္တနယေန အတ္ထော ဝေဒိတဗ္ဗော။  
ကတရံ အာဝုသော ပိဋကန္တိ ဝိနယာဝသေသေသု ဒွိသုပိဋကေသု ကတရံပိဋကံ။

၁-အံ ၂-၂၉၉-ပိဋေ။ ၂-အံ ၂-၄၉၅-ပိဋေ။ ၃-အံ ၂-၄၆၊ ၂၉၆-ပိဋေသု။ ၄-ဒီ ၂-၁၂၆-ပိဋေ။  
သီ-ဋီ (နဝ) ၁-၆—န-ဗု-သ

ဝိနယာဘိဓမ္မာနမ္ပိ ခုဒ္ဒကသင်္ဂီတိပရိယာပန္တတ္တာ တမန္တရေန ဝုတ္တံ “**သုတ္တန္တ-  
ပိဋကေ စတဿော သင်္ဂီတိယော**”တိ။ သင်္ဂီတိယောတိ စ သင်္ဂါယနကာလေ  
ဒီဃာဒိဝသေန ဝိသုံ ဝိသုံ နိယမေတွာ သင်္ဂယမာနတ္တာ နိကာယာဝ ဝုစ္စန္တိ။  
တေနာဟ “**ဒီဃသင်္ဂီတိ**”န္တိအာဒိ။ သုတ္တာနေဝ သမ္ပိဏ္ဏေတွာ ဝဂ္ဂကရဏ-  
ဝသေန တယော ဝဂ္ဂါ၊ နာညာနီတိ ဒဿေတုံ “**စတုတ္ထိံသ သုတ္တာနိ တယော  
စဂ္ဂါ**”တိ ဝုတ္တံ။ တသ္မာ စတုတ္ထိံသ သုတ္တာနိ တယော ဝဂ္ဂါ ဟောန္တိ၊ သုတ္တာနိ  
ဝါ စတုတ္ထိံသ၊ တေသံ ဝဂ္ဂကရဏဝသေန တယော ဝဂ္ဂါ၊ တေသု တီသု  
ဝဂ္ဂေသုတိ ယောဇေတဗ္ဗံ။ “ဗြဟ္မဇာလသုတ္တံ နာမ အတ္ထိ၊ တံ ပဌမံ သင်္ဂါယာ-  
မာ”တိ ဝုတ္တေ ကသ္မာတိ စောဒနာသမ္ဘဝတော “**တိရိစ္ဆေလလင်္ကတ**”န္တိ အာဒိ-  
မာဟ။ ဟေတုဂမ္ဘာနိ ဟိ ဧတာနိ။ စူဠမဇ္ဈိမမဟာသီလဝသေန တိရိစ္ဆေယျာပိ  
သီလဿ ပကာသနတ္တာ တေန အလင်္ကတံ ဝိဘူသိတံ တထာ။ နာနာဝိဓေ မိစ္ဆာ-  
ဇီဝဘူတေ ကုဟနလပနာဒယော ဝိဒ္ဓိသေတိတိ **နာနာဝိဓမိစ္ဆာဇီဝကုဟနလ-  
ပနာဒိဝိဒ္ဓိသနံ**။ တတ္ထ ကုဟနာတိ ကုဟာယနာ၊ ပစ္စယပဋိသေဝနသာမန္တဇပုန-  
ဇ္ဈရိယာပထသန္တိဿိတသင်္ခါတေန တိရိစ္ဆေန ဝတ္ထုနာ ဝိမ္ဘာပနာတိ အတ္ထော။  
**လပနာ**တိ ဝိဟာရံ အာဂတေ မနုဿေ ဒိသ္မာ “**ကိမတ္တာယ ဘောန္တော  
အာဂတာ၊ ကိံ ဘိက္ခု၊ နိမန္တေတုံ။ ယဒိ ဧဝံ ဂစ္ဆထ၊ အဟံ ပစ္ဆတော ဘိက္ခု၊  
ဂဟေတွာ အာဂစ္ဆာမိ**”တိ ဧဝမာဒိနာ ဘာသနာ။ အာဒိသဒ္ဓေန ပုပ္ဖဒါနာ-  
ဒယော၊ နေမိတ္တိကတာဒယော စ သင်္ဂဏှာတိ။ အပိစေတ္ထ မိစ္ဆာဇီဝသဒ္ဓေန  
ကုဟနလပနာဟိ သေသံ အနေသနံ ဂဏှာတိ။ အာဒိသဒ္ဓေန ပန တဒဝသေသံ  
မဟိစ္ဆတာဒိကံ ဒုဿိလျန္တိ ဒဌဗ္ဗံ။ ဒွါသဋ္ဌိ ဒိဋ္ဌိယော ဧဝ ပလိဝေဌနဌေန ဇာလ-  
သရိက္ခတာယ **ဇာလံ**၊ တဿ ဝိနိဝေဌနံ အပလိဝေဌကရဏံ တထာ။

**အန္တရာ စ ဘန္တေ ရာဇဂဟံ အန္တရာ စ နာဠန္ဒန္တိ** ဣတ္ထ **အန္တရာ**သဒ္ဓေါ ဝိဝရေ  
“အပိစာယံ ဘိက္ခဝေ တပေါဒါဒိန္တံ မဟာနိရယာနံ အန္တရိကာယ အာဂစ္ဆတိ”တိ  
အာဒိသု ဝိယ။ တသ္မာ ရာဇဂဟဿံ စ နာဠန္ဒဿံ စ ဝိဝရေတိ အတ္ထော ဒဌဗ္ဗော။  
အန္တရာသဒ္ဓေန ပန ယုတ္တတ္တာ ဥပယောဂဝစနံ ကတံ။ ဤဒိသေသု ဌာနေသု  
အက္ခရစိန္တကာ “**အန္တရာ ဂါမဉ္ဇ နဒိဉ္ဇ ယာတိ**”တိ ဧဝံ ဧကမေဝ အန္တရာသဒ္ဓိ  
ပယုဇ္ဇန္တိ၊ သော ဒုတိယပဒေနပိ ယောဇေတဗ္ဗောဟောတိ။ အယောဇိယမာနေ  
ဟိ ဥပယောဂဝစနံ န ပါပုဏာတိ သာမိဝစနဿ ပသင်္ဂေ အန္တရာသဒ္ဓယောဂေန  
ဥပယောဂဝစနဿ ဣတ္ထိတတ္တာ။ တတ္ထ ရညော ကိဋ္ဌနတ္ထံ ပဋိဘာနစိတ္တဝိစိတြ-  
အဂါရမကံသု၊ တံ “**ရာဇာဂါရက**”န္တိ ဝုစ္စတိ၊ တသ္မိံ။ **အဗ္ဗလဒ္ဓိကာ**တိ

ရညော ဥယျာနံ။ တဿ ကိရ ဒွါရသမီပေ တရုဏော အဗ္ဗရက္ခော အတ္ထိ၊ တံ “အဗ္ဗလဋ္ဌိကာ”တိ ဝဒန္တိ၊ တဿ သမီပေ ပဝတ္တတ္တာ ဥယျာနမ္ပိ “အဗ္ဗလဋ္ဌိကာ”တွေဝ သင်္ချံ ဂတံ ယထာ “ဝရုဏနဂရ”န္တိ၊ တသ္မာ အဗ္ဗလဋ္ဌိကာယံ နာမ ဥယျာနေ ရာဇာဂါရကေတိ အတ္ထော။ အဝိညာယမာနဿ ဟိ ဝိညာပနတ္ထံ ဧတံ အာဓာရဒွယံ ဝုတ္တံ။ “ရာဇာဂါရမေတဿာတိ ဝါ ရာဇာဂါရကံ၊ ဥယျာနံ၊ ရာဇာဂါရဝတိ အဗ္ဗလဋ္ဌိကာယံ နာမ ဥယျာနေတိ အတ္ထော။ ဘိန္ဒုလိင်္ဂမ္ပိ ဟိ ဝိသေသနပဒမတ္ထိ”တိ ကေဓိ ဝဒန္တိ၊ ဧဝံ သတိ ရာဇာဂါရံ အာဓာရော န သိယာ။ “ရာဇာဂါရကေတိ ဧဝံ နာမကေ ဥယျာနေ၊ အဘိရမနာရဟံ ကိရ ရာဇာဂါရမ္ပိ။ တတ္ထ၊ ယဿ ဝသေနေတံ ဧဝံ နာမံ လဘတိ”တိ ဝဇီရဗုဒ္ဓိတ္ထေရော။ ဧဝံ သတိ “အဗ္ဗလဋ္ဌိကာယ”န္တိ အာသန္နတရုဏဗ္ဗရက္ခေန ဝိသေသေတွာ “ရာဇာဂါရကေ”တိ ဥယျာနမေဝ နာမဝသေန ဝုတ္တန္တိ အတ္ထော အာပဇ္ဇတိ၊ တထာ စ ဝုတ္တဒေါသောဝ သိယာ။ သုပ္ပိယဉ္စ ပရိဗ္ဗာဇကန္တိ သုပ္ပိယံ နာမ သဉ္စယဿ အန္တေဝါသိံ ဆန္ဒပရိဗ္ဗာဇကဉ္စ။ ဗြဟ္မဒတ္တဉ္စ မာဏဝန္တိ ဧတ္ထ တရုဏော “မာဏဝေါ”တိ ဝုတ္တော “အဗ္ဗဋ္ဌော မာဏဝေါ၊ အင်္ဂကော မာဏဝေါ”တိ- အာဒိသု၊ ဝိယ၊ တသ္မာ ဗြဟ္မဒတ္တံ နာမ တရုဏပုရိသဉ္စ အာရဟ္တာတိ အတ္ထော။ ဝဏ္ဏာဝဏ္ဏတိ ပသံသာယ စေဝ ဂရဟာယ စ။ အထ ဝါ ဂုဏော ဝဏ္ဏော၊ အဂုဏော အဝဏ္ဏော၊ တေသံ ဘာသနံ ဥတ္တရပဒလောပေန တထာ ဝုတ္တံ ယထာ “ရူပဘဝေါ ရူပ”န္တိ။

“တတော ပရ”န္တိ အာဒိမ္ပိ အယံ ဝစနက္ကမော— သာမညဖလံ ပနာဝုသော အာနန္ဒ ကတ္ထ ဘာသိတန္တိ? ရာဇဂဟေ ဘန္တေ ဇီဝကမ္ပဝနေတိ။ ကေန သဒ္ဓိန္တိ? အဇာတသတ္တုနာ ဝေဒေဟိပုတ္တေန သဒ္ဓိန္တိ။ အထ ခေါ အာယသ္မာ မဟာကဿပေါ အာယသ္မန္တံ အာနန္ဒ သာမညဖလဿ နိဒါနမ္ပိ ပုစ္ဆိ၊ ပုဂ္ဂလမ္ပိ ပုစ္ဆိတိ။ ဧတ္ထ ဟိ “ကံ အာရဟ္တာ”တိ အဝတွာ “ကေန သဒ္ဓိ”န္တိ ဝတ္တဗ္ဗံ။ ကသ္မာတိ စေ? န ဘဂဝတာ ဧဝံ ဧတံ သုတ္တံ ဘာသိတံ၊ ရညာပိ “ယထာ န ခေါ ဣမာနိ ပုထုသိပ္ပာယတနာနိ”တိ အာဒိနာ? ကိဉ္စိ ကိဉ္စိ ဝုတ္တမတ္ထိ၊ တသ္မာ ဧဝမေဝ ဝတ္တဗ္ဗန္တိ။ ဣမိနာဝ နယေန သဗ္ဗတ္ထ “ကံ အာရဟ္တာ”တိ ဝါ “ကေန သဒ္ဓိ”န္တိ ဝါ ယထာရဟံ ဝတွာ သင်္ဂီတိမကာသိတိ ဒဋ္ဌဗ္ဗံ။ တန္တိန္တိ သုတ္တဝဂ္ဂသမုဒါယဝသေန ဝဝတ္ထိတံ ပါဠိ။ ဧဝဉ္စ ကတွာ “တိဝဂ္ဂသင်္ဂဟံ စတုတ္ထိံ သသုတ္တပဋိမဏ္ဍိတ”န္တိ ဝစနံ ဥပပန္နံ ဟောတိ။ ပရိဟရထာတိ ဥဂ္ဂဟဏ- ဝါစနာဒိဝသေန ဓာရေထ။ တတော အနန္တရံ သင်္ဂါယိတွာတိ သမ္ပန္နော။

“ဓမ္မသင်္ဂဟော စာ”တိအာဒိနာ သမာသော။ ဧဝံ သံဝဏ္ဏိတံ ပေါရာဏကေ-  
 ဟိတိ အတ္ထော။ ဧတေန “မဟာဓမ္မဟဒယေန၊ မဟာဓာတုကထာယ ဝါ သဒ္ဓိ”  
 သတ္တပ္ပကရဏံ အဘိဓမ္မပိဋကံ နာမာ”တိ ဝုတ္တံ ဝိတဏှဝါဒိမတံ ပဋိက္ခိပိတွာ  
 “ကထာဝတ္ထုနာဝ သဒ္ဓိ”န္တိ ဝုတ္တံ သမာနဝါဒိမတံ ဒဿေတိ။ သဏှဉာဏဿ၊  
 သဏှဉာဏဝန္တာနံ ဝါ ဝိသယဘာဝတော **သုခုမဉာဏဂေါစရံ။**

စူဠနိဒ္ဒေသမဟာနိဒ္ဒေသဝသေန ဒုဝိဇောပိ **နိဒ္ဒေသော။** ဇာတကာဒိကေ  
 ခုဒ္ဒကနိကာယပရိယာပန္တေ၊ ယေဘုယျေန စ ဓမ္မနိဒ္ဒေသဘူတေ တာဒိသေ  
 အဘိဓမ္မပိဋကေဝ သင်္ဂဟိတုံ ယုတ္တံ၊ န ပန ဒီဃနိကာယာဒိပ္ပကာရေ  
 သုတ္တန္တပိဋကေ၊ နာပိ ပညတ္တိနိဒ္ဒေသဘူတေ ဝိနယပိဋကေတိ **ဒီဃဘာဏကာ**  
 ဇာတကာဒိနံ အဘိဓမ္မပိဋကေ သင်္ဂဟံ ဝဒန္တိ။ စရိယာပိဋကဗုဒ္ဓဝံသာနဉ္စေတ္ထ  
 အဂ္ဂဟဏံ ဇာတကဂတိကတ္တာ၊ နေတ္ထိပေဋကောပဒေသာဒိနဉ္စ နိဒ္ဒေသ-  
 ပဋိသမ္ဘိဒါမဂ္ဂဂတိကတ္တာ။ **မဇ္ဈိမဘာဏကာ** ပန အဋ္ဌပုတ္တိဝသေန ဒေသိတာနံ  
 ဇာတကာဒိနံ ယထာနုလောမဒေသနာဘာဝတော တာဒိသေ သုတ္တန္တပိဋကေ  
 သင်္ဂဟော ယုတ္ထော၊ န ပန သဘာဝဓမ္မနိဒ္ဒေသဘူတေ ယထာဓမ္မသာသနေ  
 အဘိဓမ္မပိဋကေ၊ နာပိ ပညတ္တိနိဒ္ဒေသဘူတေ ယထာပရာဓသာသနေ ဝိနယ-  
 ပိဋကေတိ ဇာတကာဒိနံ သုတ္တန္တပိဋကပရိယာပန္နတံ ဝဒန္တိ။ ယုတ္တမေတ္ထ  
 ဝိစာရေတွာ ဂဟေတဗ္ဗံ။

ဧဝံ နိမိတ္တပယောဇနကာလဒေသကာရကကရဏပ္ပကာရေဟိ ပဌမံ သင်္ဂီတိ°  
 ဒဿေတွာ ဣဒါနိ တတ္ထ ဝဝတ္ထာပိတေသု ဓမ္မဝိနယေသု နာနပ္ပကာရ-  
 ကောသလ္လတ္ထံ ကေဝိဓာဒိဘေဒံ ဒဿေတုံ “**ဝေမေတ**”န္တိအာဒိမာဟ။ တတ္ထ  
 “**ဝေ**”န္တိဣဒိနာ ဧတသဒ္ဓေန ပရာမသိတဗ္ဗံ ယထာဝုတ္တသင်္ဂီတိပ္ပကာရံနိဒဿေတိ။  
 “**ယဉ္စိ**”တိအာဒိ ဝိတ္တာရေ။ **အနုတ္တရံ သမ္မာသမ္ဗောဓိ**န္တိ အနာဝရဏဉာဏ-  
 ပဒဋ္ဌာနံ မဂ္ဂဉာဏံ၊ မဂ္ဂဉာဏပဒဋ္ဌာနဉ္စ အနာဝရဏဉာဏံ။ **ဧတ္တန္တရေတိ** အဘိ-  
 သမ္မုဇ္ဈနဿ၊ ပရိနိဗ္ဗာယနဿ စ ဝိဝရေ။ တဒေတံ **ပဉ္စဝတ္ထာလီသ ဝဿာ-**  
**နီတိ** ကာလဝသေန နိယမေတိ။ **ပစ္စဝေက္ခန္တေန ဝါတိ** ဥဒါနာဒိဝသေန  
 ပဝတ္တဓမ္မံ သန္ဓာယာဟ။ ယံ ဝစနံ ဝုတ္တံ၊ သဗ္ဗံ တန္တိ သမ္ဗန္ဓော။ ကိ° ပနေတန္တိ  
 အာဟ “**ဝိမုတ္တိရသမေဝါ**”တိ၊ န တဒညရသန္တိ ဝုတ္တံ ဟောတိ။ ဝိမုတ္တိတ္တာတိ  
**ဝိမုတ္တိ**၊ ရသိတဗ္ဗံ အဿာဒေတဗ္ဗန္တိ **ရသံ**၊ ဝိမုတ္တိသင်္ခါတံ ရသမေတဿာတိ  
**ဝိမုတ္တိရသံ**၊ အရဟတ္တဖလဿာဒန္တိ အတ္ထော။ အယံ **အာစရိယသာရိပုတ္တတ္ထေ-**  
**ရဿ** မတိ°။ **အာစရိယဓမ္မပါလတ္ထေရော** ပန တံ ကေဝိဝါဒံ ကတွာ

ဣမမတ္တမာဟ “ဝိမုစ္စတိ ဝိမုစ္စိတ္တာတိ ဝိမုတ္တိ၊ ယထာရဟံ မဂ္ဂေါ ဖလဉ္စ။ ရသန္တိ  
 ဂုဏော၊ သမ္ပတ္တိကိစ္စံ ဝါ၊ ဝုတ္တနယေန သမာသော။ ဝိမုတ္တာနိသံသံ၊ ဝိမုတ္တိ-  
 သမ္ပတ္တိကံ ဝါ မဂ္ဂဖလနိပ္ပေါဒနတော၊ ဝိမုတ္တိကိစ္စံ ဝါ ကိလေသာနမစ္စန္တဝိမုတ္တိ-  
 သမ္ပာဒနတောတိ အတ္ထော”တိ။ အင်္ဂုတ္တရဋ္ဌကထာယံ ပန “အတ္ထရသဿာဒိသု  
 အတ္ထရသော နာမ စတ္တာရိ သာမညဖလာနိ၊ ဓမ္မရသော နာမ စတ္တာရော  
 မဂ္ဂါ၊ ဝိမုတ္တိရသော နာမ အမတနိဗ္ဗာန”န္တိ၊ ဝုတ္တံ။

ကိဉ္စာပိ အဝိသေသေန သဗ္ဗမ္ပိ ဗုဒ္ဓဝစနံ ကိလေသဝိနယနေန ဝိနယော၊  
 ယထာနုသိဋ္ဌံ ပဋိပဇ္ဇမာနေ အပါယပတနာဒိတော ဓာရဏေန ဓမ္မော စ  
 ဟောတိ၊ တထာပိ ဣဓာမိပ္ပေတေယေဝ ဓမ္မဝိနယေ ဝတ္တိစ္ဆာဝသေန သရူ-  
 ပတော နိဗ္ဗါရေတုံ “တတ္ထ ဝိနယဝိဋ္ဌက”န္တိ အာဒိမာဟ။ အဝသေသံ ဗုဒ္ဓဝစနံ  
 ဓမ္မော ခန္ဓာဒိဝသေန သဘာဝဓမ္မဒေသနာဗဟုလ္လတော။ အထ ဝါ ယဒိပံ  
 ဝိနယော စ ဓမ္မောယေဝ ပရိယတ္တိယာဒိဘာဝတော၊ တထာပိ ဝိနယသဒ္ဓ-  
 သန္တိဓာနေ ဘိန္နာဓိကရဏဘာဝေန ပယုတ္တော ဓမ္မသဒ္ဓေါ ဝိနယတန္တိဝိပရိတံ  
 တန္တိမေဝ ဒီပေတိ ယထာ “ပုညဉာဏသမ္ဘာရာ၊ ဂေါဗလီဗဒ္ဓ”န္တိ။ ပယောဂ-  
 ဝသေန တံ ဒဿေန္တေန “တေနောဝါဟာ”တိအာဒိ ဝုတ္တံ။ ယေန ဝိနယ။ပ။  
 ဓမ္မော၊ တေနောဝ တေသံ တထာဘာဝံ သင်္ဂီတိက္ခန္ဓကော အာဟာတိ အတ္ထော။

“အနေကဇာတိသံသာရ”န္တိ အယံ ဂါထာ ဘဂဝတာ အတ္တနော သဗ္ဗ-  
 ညုတညာဏပဒဋ္ဌာနံ အရဟတ္တပ္ပတ္တိံ ပစ္စဝေက္ခန္တေန ကျေနဝိသတိမဿ ပစ္စ-  
 ဝေက္ခဏဉာဏဿ အနန္တရံဘာသိတာ၊ တသ္မာ “ပဌမဗုဒ္ဓဝစန”န္တိ ဝုတ္တာ။ ဣဒံ  
 ကိရ သဗ္ဗဗုဒ္ဓေဟိ အဝိဇဟိတံ ဥဒါနံ။ အယမဿ သင်္ခေပတ္တော— အဟံ ဣမဿ  
 အတ္တဘာဝသင်္ခါတဿ ဂေဟဿ ကာရကံ တဏှာဝစုကိံ ဂဝေသန္တော ယေန  
 ဉာဏေန တံ ဒဋ္ဌံ သက္ကာ၊ တဿ ဗောဓိဉာဏဿတ္တာယ ဒီပက်ရပါဒမူလေ  
 ကတာဘိနိဟာရော ဧတ္တကံ ကာလံ အနေကဇာတိသံသာရံ အနေကဇာတိ-  
 သတသဟဿသင်္ချံ သံသာရဝဋ္ဌံ အနိဗ္ဗိသံ အနိဗ္ဗိသန္တော တံ ဉာဏံ အဝိန္ဒန္တော  
 အလဘန္တောယေဝ သန္ဓာဝိဿံ သံသရိံ။ ယသ္မာ ဇရာဗျာဓိမရဏမိဿတာယ  
 ဇာတိ နာမေသာ ပုနပ္ပုနံ ဥပဂန္တိ ဒုက္ခာ၊ န စ သာ တသ္မိံ အဒိဋ္ဌေ နိဝတ္တတိ၊  
 တသ္မာ တံ ဂဝေသန္တော သန္ဓာဝိဿန္တိ အတ္ထော။ ဣဒါနိ ဘော အတ္တဘာဝသင်္ခါ-  
 တဿ ဂေဟဿ ကာရက တဏှာဝစုကိံ တံ မယာ သဗ္ဗညုတညာဏံ ပဋိဝိဇ္ဈန္တေန  
 ဒိဋ္ဌော အသိ။ ပုန ဣမံ အတ္တဘာဝသင်္ခါတံ မမ ဂေဟံ န ကာဟသိ  
 န ကရိဿသိ။ တဝ သဗ္ဗာ အဝသေသကိလေသဖာသုကာ မယာ ဘဂ္ဂါ

ဘဉ္ဇိတာ။ ဣမဿ တယာ ကတဿ အတ္တဘာဝသင်္ခါတဿ ဂေဟဿ ဣဋ္ဌံ အဝိဇ္ဇာသင်္ခါတံ ကဏ္ဍိကမဏ္ဍလံ ဝိသင်္ခတံ ဝိဒ္ဓိသိတံ။ ဣဒါနိ မမ ဝိတ္တံ ဝိသင်္ခါရံ နိဗ္ဗာနံ အာရမ္မဏကရဏဝသေန ဂတံ အနုပဝိဋ္ဌံ။ အဟဉ္စ တဏှာနံ ခယသင်္ခါတံ အရဟတ္တမဂ္ဂံ၊ အရဟတ္တဖလံ ဝါ အဇ္ဈဂါ အဓိဂတော ပတ္တောသ္မိတိ။ ဂဏ္ဍိ-  
ပဒေသု ပန ဝိသင်္ခါရဂတံ စိတ္တမေဝ တဏှာနံ ခယသင်္ခါတံ အရဟတ္တမဂ္ဂံ၊ အရဟတ္တဖလံ ဝါ အဇ္ဈဂါ အဓိဂတန္တိ အတ္တော ဝုတ္တော။

“သန္ဓာဝိဿ”န္တိ ဧတ္ထ စ “ဂါထာယမတိတတ္ထေ ဣမိဿ”န္တိ နေရုတ္တိကာ။ “တံကာလဝစနိစ္ဆာယမတိတေပိ ဘဝိဿန္တိ”တိ ကေစိ။ ပုနပ္ပုနန္တိ အဘိဏှတ္ထေ နိပါတော။ ပါတဗ္ဗာ ရက္ခိတဗ္ဗာတိ ဖာသု ပ-ကာရဿ ဖ-ကာရံ ကတွာ၊ ဖုသိတဗ္ဗာတိ ဝါ ဖာသု၊ သာယေဝ ဖာသုကာ။ အဇ္ဈဂါတိ စ “အဇ္ဇတ-  
နိယမာတ္တမိဝါ အံ ဝါ”တိ ဝဒန္တိ။ ယဒိ ပန စိတ္တမေဝ ကတ္တာ၊ တဒါ ပရောက္ခာယေဝ။ အန္တောဇေပုနဝသေန ကိရ ဘဂဝါ “အနေကဇာတိ-  
သံသာရ”န္တိ ဂါထာဒွယမာဟ၊ တသ္မာ သော မနဿ ပဝတ္တိတဓမ္မာနမာဒိ။ “ယဒါ ဟဝေ ပါတုဘဝန္တိ ဓမ္မာ”တိ အယံ ပန ဝါစာယ ပဝတ္တိတဓမ္မာနန္တိ ဝဒန္တိ။

ကေစိတိ ခန္ဓကဘာဏကာ။ ပဌမံ ဝုတ္တော ပန ဓမ္မပဒဘာဏကာနံ ဝါဒေါ။ ယဒါ။ ပ။ ဓမ္မာတိ ဧတ္ထ နိဒဿနတ္တော၊ အာဒျတ္တော စ ဣတိ-သဒ္ဓေါ လုတ္တနိဒ္ဓိဋ္ဌော။ နိဒဿနေန ဟိ မရိယာဒဝစနေန ဝိနာ ပဒတ္တဝိပလ္လာ-  
သကာရိနာဝ အတ္တော ပရိပုဏ္ဏော န ဟောတိ။ တတ္ထ အာဒျတ္တမေဝ ဣတိ-သဒ္ဓံ ဂဟေတွာ ဣတိ-သဒ္ဓေါ အာဒိအတ္တော၊ “တေန အာတာပိနော။ ပ။ သဟေတုဓမ္မ”န္တိ အာဒိဂါထာတ္ထယံ သင်္ဂဏှာတိ”တိ၂ အာစရိယသာရိပုတ္တတ္ထေ-  
ရေန ဝုတ္တံ။ ခန္ဓကေတိ မဟာဝဂ္ဂေ။ ဥဒါနဂါထန္တိ ဇာတိယာ ဧကဝစနံ၊ တတ္ထာပိ ဝါ ပဌမဂါထမေဝ ဂဟေတွာ ဝုတ္တန္တိ ဝေဒိတဗ္ဗံ။

ဧတ္ထ စ ခန္ဓကဘာဏကာ ဧဝံ ဝဒန္တိ “ဓမ္မပဒဘာဏကာနံ ဂါထာ မနဿာဝ ဒေသိတတ္တာ တဒါ မဟတော ဇနဿ ဥပကာရာယ နာဟောသိ၊ အမှာကံ ပန ဂါထာ ဝစီဘေဒံ ကတွာ ဒေသိတတ္တာ တဒါ သုဏန္တာနံ ဒေဝဗြဟ္မာနံ ဥပကာရာယ အဟောသိ၊ တသ္မာ ဣဒမေဝ ပဌမဗုဒ္ဓဝစနံ”န္တိ။ ဓမ္မပဒဘာဏကာ ပန “ဒေသနာယ ဇနဿ ဥပကာရာနုပကာရဘာဝေါ ပဌမဘာဝေ လက္ခဏံ န ဟောတိ၊ ဘဂဝတာ မနဿ ပဌမံ ဒေသိတတ္တာ ဣဒမေဝ ပဌမဗုဒ္ဓဝစနံ”န္တိ

၁-သဒ္ဓနိတိသုတ္တမာလာယံ အာချာတ ကပ္ပေ-၁၉၄-ပိဋ္ဌေ။ ၂-သာရတ္ထ-ဦး ၁-၆၆-ပိဋ္ဌေ။

ဝဒန္တိ။ တသ္မာ ဥဘယမ္ပိ ဥဘယထာ ယုဇ္ဇတိတိ ဝေဒိတဗ္ဗံ။ နန စ ယဒိ “အနေက-  
ဇာတိသံသာရ”န္တိ ဂါထာ မနသာဝ ဒေသိတာ၊ အထ ကသ္မာ **ဓမ္မပဒဋ္ဌကထာ** ယံ  
“အနေကဇာတိသံသာရ”န္တိ ဣမံ ဓမ္မဒေသနံ သတ္တာ ဗောဓိရုက္ခမူလေ  
နိသိန္ဓော ဥဒါနဝသေန ဥဒါနေတွာ အပရဘာဂေ အာနန္ဒတ္ထေရေန ပုဋ္ဌော  
ကထေသိ”တိ<sup>၁</sup> ပုတ္တန္တိ? အတ္ထဝသေန တထာယေဝ ဂဟေတဗ္ဗတ္တာ။ တတ္ထာပိ  
ဟိ မနသာ ဥဒါနေတွာတိ အတ္ထောယေဝ ဂဟေတဗ္ဗော။ ဒေသနာ ဝိယ ဟိ  
ဥဒါနမ္ပိ မနသာ ဥဒါနံ၊ ဝစသာ ဥဒါနန္တိ ဒွိဓာ ဝိညာယတိ။ ယဒိ စာယံ  
ဝစသာ ဥဒါနံ သိယာ၊ ဥဒါနပါဠိယမာရုဋ္ဌာ ဘဝေယျ၊ တသ္မာ ဥဒါနပါဠိယ-  
မနာရုဋ္ဌဘာဝေါယေဝ ဝစသာ အနုဒါနေတွာ မနသာ ဥဒါနဘာဝေ ကာရဏန္တိ  
ဒဋ္ဌဗ္ဗံ။ “**ပါဠိပဒဒိဝသေ**”တိ ဣဒံ “သဗ္ဗညုဘာဝပုတ္တဿာ”တိ ဧတေန န  
သမ္ပဇ္ဈိတဗ္ဗံ၊ “ပစ္စဝေက္ခန္တဿ ဥပ္ပန္နာ”တိ ဧတေန ပန သမ္ပဇ္ဈိတဗ္ဗံ။ ဝိသာခ-  
ပုဏ္ဏမာယမေဝ ဟိ ဘဂဝါ ပစ္စုသသမယေ သဗ္ဗညုတံ ပတ္တော။ လောကီယ-  
သမယေ ပန ဧဝမ္ပိ သမ္ပဇ္ဈနံ ဘဝတိ၊ တထာပိ နေသ သာသနသမယောတိ န  
ဂဟေတဗ္ဗံ။ သောမနဿမေဝ **သောမနဿမယံ** ယထာ “ဒါနမယံ၊ သီလမယ”န္တိ<sup>၂</sup>၊  
တံသမ္ပယုတ္တဉာဏေနာတိ အတ္ထော။ သောမနဿေန ဝါ သဟဇာတာဒိ-  
သတ္တိယာ ပကတံ၊ တာဒိသေန ဉာဏေနာတိပိ ဝဇ္ဇတိ။

ဟန္တာတိ စောဒနတ္ထေ နိပါတော။ ဣဃံ သမ္မာဒေထာတိ ဟိ စောဒေတိ။  
**အာမန္တယာမီ**တိ ပဋိဝေဒယာမိ၊ ဗောဓေမီတိ အတ္ထော။ ဝေါတိ ပန  
“အာမန္တယာမီ”တိ ဧတဿ ကမ္မပဒံ။ “အာမန္တနတ္ထေ ဒုတိယာယေဝ၊ န  
စတုတ္ထိ”တိ ဟိ ဝတွာ တမေဝဒါဟရန္တိ အက္ခရစိန္တကာ။ **ဝယဓမ္မာ**တိ  
အနိစ္စလက္ခဏမုခေန သင်္ခါရာနံ ဒုက္ခာနတ္တလက္ခဏမ္ပိ ဝိဘာဝေတိ “ယဒနိစ္စံ၊  
တံ ဒုက္ခံ။ ယံ ဒုက္ခံ၊ တဒနတ္တာ”တိ<sup>၃</sup> ဝစနတော။ လက္ခဏတ္တယဝိဘာဝန-  
နယေနေဝ စ တဒါရမ္မဏံ ဝိပဿနံ ဒဿေန္တော သဗ္ဗတိတ္ထိယာနံ အဝိ-  
သယဘူတံ ဗုဒ္ဓါဝေဏိကံ စတုသစ္စကမ္မဋ္ဌာနာဓိဋ္ဌာနံ အဝိပရိတံ နိဗ္ဗာန-  
ဂါမိနိပဋိပဒံ ပကာသေတိတိ ဒဋ္ဌဗ္ဗံ။ ဣဒါနိ တတ္ထ သမ္မာပဋိပတ္တိယံ နိယော-  
ဇေတိ “**အပ္ပမာဒေန သမ္မာဒေထာ**”တိ၊ တာယ စတုသစ္စကမ္မဋ္ဌာနာဓိဋ္ဌာ-  
နာယ အဝိပရိတနိဗ္ဗာနဂါမိနိပဋိပဒါယ အပ္ပမာဒေန သမ္မာဒေထာတိ  
အတ္ထော။ အပိစ “**ဝယဓမ္မာ သင်္ခါရာ**”တိ ဧတေန သင်္ခေပေန သံဝေဇေတွာ  
“**အပ္ပမာဒေန သမ္မာဒေထာ**”တိ သင်္ခေပေနေဝ နိရဝသေသံ သမ္မာပဋိပတ္တိ<sup>၄</sup>

၁-ဓမ္မပဒ-၄၂-၈၀-ပိဋ္ဌေ။

၂-ဒီ ၃-၁၈၂၊ ၃၁-၂၃၀၊ ၃၁၀-၄၃-ပိဋ္ဌေသျ။

၃-သံ ၂-၁၉၊ ၃၇၊ ၆၈၊ ၆၉၊ ၉၂၊ ၂၃၆၊ ၂၃၇၊ ၃၉-၂၉၅-ပိဋ္ဌေသျ။

ဒေသေတိ။ အပ္ပမာဒပဒဉ္စိ သိက္ခတ္တယသင်္ဂဟိတံ ကေဝလပရိပုဏ္ဏံ သာသနံ ပရိယာဒိယိတွာ တိဋ္ဌတံ၊ သိက္ခတ္တယသင်္ဂဟိတာယ ကေဝလပရိပုဏ္ဏာယ သာသနသင်္ဂဟိတာယ သမ္မာပဋိပတ္တိယာ အပ္ပမာဒေန သမ္မာဒေသေတိ အတ္ထော။ ဥဘိန္ဒမန္တရေတိ ဦးန္တံ ဝစနာနမန္တရာဋ္ဌေ ဝေမဇ္ဈေ။ ဧတ္ထ ဟိ ကာလဝတာ ကာလောပိ နိဒဿိတော တဒဝိနာဘာဝိတ္တာတိ ဝေဒိတဗ္ဗော။

သုတ္တန္တပိဋကန္တိ ဧတ္ထ သုတ္တမေဝ သုတ္တန္တံ ယထာ “ကမ္မန္တံ၊ ဝနန္တံ”န္တိ။ သင်္ဂဟိတဉ္စ အသင်္ဂဟိတဉ္စာတိ သဗ္ဗသရူပမာဟ။ “အသင်္ဂဟိတန္တိ စ သင်္ဂဟိတိက္ခန္ဓက- ကထာဝတ္ထုပ္ပကရဏာဒိ။ ကေမိ ပန ‘သုဘသုတ္တံ’ ပဌမသင်္ဂဟိတိယမသင်္ဂဟိတ’န္တိ ဝဒန္တိ၊ တံ န ယုဇ္ဇတိ။ ပဌမသင်္ဂဟိတိတော ပုရေတရမေဝ ဟိ အာယသ္မတာ အာနန္ဒတ္ထေရေန ဇေတဝနေ ဝိဟရန္တေန သုဘဿ မာဏဝဿ ဘာသိတ”န္တိ။ အာစရိယဓမ္မပါလတ္ထေရေန ပုတ္တံ။ သုဘသုတ္တံ ပန “ဧဝံ မေ သုတံ ဧကံ သမယံ အာယသ္မာ အာနန္ဒော သာဝတ္ထိယံ ဝိဟရတိ ဇေတဝနေ အနာထ- ပိဏ္ဍိကဿ အာရာမေ အစိရပရိနိဗ္ဗုတေ ဘဂဝတိ”တိအာဒိနာ၊ အာဂတံ။ တတ္ထ “ဧဝံ မေ သုတ”န္တိအာဒိဝစနံ ပဌမသင်္ဂဟိတိယံ အာယသ္မတာ အာနန္ဒတ္ထေရေန ဝတ္ထု ယုတ္တရူပံ န ဟောတိ။ န ဟိ အာနန္ဒတ္ထေရော သယမေဝ သုဘသုတ္တံ ဒေသေတွာ “ဧဝံ မေ သုတ”န္တိအာဒိနိ ဝဒတိ။ ဧဝံ ပန ဝတ္ထုဗ္ဗံ သိယာ “ဧကမိဒါဟံ ဘန္တေ သမယံ သာဝတ္ထိယံ ဝိဟရာမိ ဇေတဝနေ အနာထပိဏ္ဍိကဿ အာရာမေ”တိအာဒိ။ တသ္မာ ဒုတိယတတိယသင်္ဂဟိတိ- ကာရကေဟိ “ဧဝံ မေ သုတ”န္တိအာဒိနာ သုဘသုတ္တံ သင်္ဂဟိတိမာရောပိတံ ဝိယ ဒိဿတိ။ အထာစရိယဓမ္မပါလတ္ထေရဿ ဧဝမဓိပ္ပါယော သိယာ “အာနန္ဒတ္ထေရေန ဝတ္ထုဗ္ဗံ သုဘသုတ္တံ ပဌမသင်္ဂဟိတိမာရောပေတွာ တန္တိ” ဌပေတုကာမေဟိ မဟာကဿပတ္ထေရာဒိဟိ အညေသု သုတ္တေသု အာဂတ- နယေန ဧဝံ မေ သုတ’န္တိအာဒိနာ တန္တိ ဌပိတာ”တိ။ ဧဝံ သတိ ယုဇ္ဇေယျ။ အထ ဝါ အာယသ္မာ အာနန္ဒော သုဘသုတ္တံ သယံ ဒေသေန္တောပိ သာမညဗ္ဗလာဒိသု ဘဂဝတာ ဒေသိတနယေန ဧသေသိတိ ဘဂဝတော သမ္မုခါ လဒ္ဓနယေ ဌတွာ ဒေသိတတ္တာ ဘဂဝတာ ဒေသိတံ ဓမ္မံ အတ္တနိ အဒဟန္တော “ဧဝံ မေ သုတ”န္တိအာဒိမာဟာတိ ဧဝမဓိပ္ပါယေပိ သတိ ယုဇ္ဇေတေဝ။ “အနုသင်္ဂဟိတဉ္စာ”တိပိ ပါဌော။ ဒုတိယတတိယသင်္ဂဟိတိသု ပန သင်္ဂဟိတဉ္စာတိ အတ္ထဝသေန နိန္ဒာနာကရဏမေဝ။ သမောဓာနေတွာ ဝိနယ- ပိဋကံ နာမ ဝေဒိတဗ္ဗံ၊ သုတ္တံ။ ပ။ အဘိဓမ္မပိဋကံ နာမ ဝေဒိတဗ္ဗန္တိ ယောဇနာ။

ဘိက္ခုဘိက္ခုနီပါတိမောက္ခဝသေန ဥဘယာနိ ပါတိမောက္ခာနိ။ ဘိက္ခု-  
 ဘိက္ခုနီဝိဘင်္ဂဝသေန ခွေ ဝိဘင်္ဂါ။ မဟာဝဂ္ဂစူဠဝဂ္ဂေသု အာဂတာ  
 ခွါဝိသတိ ခန္ဓကာ။ ပစ္စေကံ သောဠသဟိ ဝါရေဟိ ဥပလက္ခိတတ္တာ  
 သောဠသ ပရိဝါရာတိ ဝုတ္တံ။ ပရိဝါရပါဠိယဉ္စိ မဟာဝိဘင်္ဂံ သောဠသ ဝါရာ၊  
 ဘိက္ခုနီဝိဘင်္ဂံ သောဠသ ဝါရာ စာတိ ဗာတ္ထိံသ ဝါရာ အာဂတာ။ ပေါတ္ထ-  
 ကေသု ပန ကတ္ထမိ “ပရိဝါရာ”တိ ဧတ္တကမေဝ ဒိဿတိ၊ ဗဟူသုပန ပေါတ္ထ-  
 ကေသုဝိနယဋ္ဌကထာယံ၊ အဘိဓမ္မဋ္ဌကထာယဉ္စ “သောဠသ ပရိဝါရာ”တိ ဧဝ-  
 မေဝ ဒိဿမာနတ္တာ အယမ္ပိ ပါဠော န သက္ကာ ပဋိဗာဟိတုန္တိ တဿေဝတ္ထော  
 ဝုတ္တော။ “ဣတိ”တိ ယသာဝုတ္တံ ဗုဒ္ဓဝစနံ နိဒဿေတွာ “ဣဒ”န္တိ တံ ပရာမသတိ။  
 ဣတိ-သဒ္ဓေါ ဝါ ဣဒမတ္ထေ၊ ဣဒန္တိ ဝစနသိလိဋ္ဌတာမတ္တံ၊ ဣတိ ဣဒန္တိ ဝါ  
 ပရိယာယဒ္ဓယံ ဣဒမတ္ထေယေဝ ဝတ္တတိ “ဣဒါနေတရဟိ ဝိဇ္ဇတိ”တိ အာဒိသု ဝိယ။  
 ဧသ နယော ဤဒိဿေသု။ ဗြဟ္မဇာလာဒီနိ စတုတ္ထိံသ သုတ္တာနိ သင်္ဂယန္တိ  
 ဧတ္ထ၊ ဧတေန ဝါ၊ တေသံ ဝါ သင်္ဂဟော ဂဏနာ ဧတဿာတိ ဗြဟ္မဇာလာဒီ-  
 စတုတ္ထိံသသုတ္တသင်္ဂဟော။ ဧဝမိတရေသုပိ။ ဟေဋ္ဌာ ဝုတ္တေသု ဒီသဘာဏက-  
 မဇ္ဈိမဘာဏကာနံ ဝါဒေသု မဇ္ဈိမဘာဏကာနညေဝ ဝါဒဿ ယုတ္တတရတ္တာ  
 ခုဒ္ဒကပါဌာဒယောပိ သုတ္တန္တပိဋကေယေဝ သင်္ဂဟေတွာ ဒဿေန္တော  
 “ခုဒ္ဒက။ပ။ သုတ္တန္တပိဋကံ နာမာ”တိ အာဟ။ တတ္ထ “သုဏာထ ဘာဝိ-  
 တတ္တာနံ၊ ဂါထာ အတ္ထပနာယိကာတိ” ဝုတ္တတ္တာ “ထေရဂါထာ ထေရီဂါ-  
 ထာ”တိ စ ပါဠော ယုတ္တော။

ဧဝံ သရူပတော ပိဋကတ္တယံ နိယမေတွာ ဣဒါနိ နိဗ္ဗစနံ ဒဿေတုံ  
 “တတ္ထာ”တိ အာဒိ ဝုတ္တံ။ တတ္ထာတိ တေသု တိဗ္ဗိဓေသု ပိဋကေသု။ ဝိဝိဓ-  
 ဝိသေသနယတ္တာတိ ဝိဝိဓနယတ္တာ၊ ဝိသေသနယတ္တာ စ။ ဝိနယနတောတိ  
 ဝိနယနဘာဝတော၊ ဘာဝပွဓာနနိဒ္ဒေသောယံ၊ ဘာဝလောပေါ ဝါ၊ ဣတရ-  
 ထာ ဒဗ္ဗမေဝ ပဓာနံ သိယာ၊ တထာ စ သတိ ဝိနယနတာဂုဏသမင်္ဂီနာ  
 ဝိနယဒဗ္ဗေနေဝ ဟေတုဘူတေန ဝိနယောတိ အက္ခာတော၊ န ပန ဝိနယနတာ-  
 ဂုဏေနာတိ အနဓိပ္ပေတတ္ထပ္ပသင်္ဂါ ဘဝေယျ။ အယံ နယော ဒေဝိဿေသု။  
 ဝိနိယတေ ဝါ ဝိနယနံ၊ တတောတိ အတ္ထော။ အယံ ဝိနယောတိ အတ္ထပညတ္တိ-  
 ဘူတော သညီသင်္ခါတော အယံ တန္တိ ဝိနယော။ ဝိနယောတိ အက္ခာတောတိ  
 သဒ္ဓပညတ္တိဘူတော သညာသင်္ခါတော ဝိနယော နာမာတိ ကထိတော။  
 အတ္ထပညတ္တိယာ ဟိ နာမပညတ္တိဝိဘာဝနံ နိဗ္ဗစနန္တိ။

ဣဒါနိ ဣမိဿာ ဂါထာယ အတ္ထံ ဝိဘာဝေန္တော အာဟ “ဝိဝိဓာ  
 ဟိ”တိအာဒိ။ “ဝိဝိဓာ ဧတ္ထ နယာ၊ တဿ ဝိဝိဓနယတ္တာ ဝိနယောတိ  
 အက္ခာတော”တိအာဒိနာ ယောဇေတဗ္ဗံ။ ဝိဝိဓတ္ထံ သရူပတော ဒဿေတိ  
 “ပဉ္စဝိဓာ”တိအာဒိနာ၊ တဿ ဝိသေသတ္တဗ္ဗိ “ဒဋ္ဌိကမ္မာ”တိအာဒိနာ။  
 လောကဝဇ္ဇေသု သိက္ခာပဒေသု ဒဋ္ဌိကမ္မပယောဇနာ၊ ပဏ္ဏတ္တိဝဇ္ဇေသု  
 သီလိလကရဏပယောဇနာ။ သညမဝေလံ အဘိဘဝိတွာ ပဝတ္တော အာစာ-  
 ရော အဇ္ဈာစာရော၊ ဝိတိက္ကမော၊ ကာယေ၊ ဝါစာယ စ ပဝတ္တော  
 သော၊ တဿ နိသေဓနံ တထာ၊ တေန တထာနိသေဓနမေဝ ပရိယာယေန  
 ကာယဝါစာဝိနယနံ နာမာတိ ဒဿေတိ။ “တဿ”တိ ဝတွာ တဿာ-  
 နေကဓာ ပရာမသနမာဟ “ဝိဝိဓနယတ္တာ”တိအာဒိ။ ယထာဝုတ္တာ စ  
 ဂါထာ ဤဒိသဿ နိဗ္ဗစနဿ ပကာသနတ္ထံ ဝုတ္တာတိ ဒဿေတုံ “တေနာ”တိ-  
 အာဒိ ဝုတ္တံ။ တေနာတိ ဝိဝိဓနယတ္တာဒိဟေတုနာ ကရဏဘူတေနာတိ ဝဒန္တိ။  
 အပိစ “ဝိဝိဓာ ဟိ”တိအာဒိဝါကျဿ ယထာဝုတ္တဿ ဂုဏံ ဒဿေန္တော “တေ-  
 နာ”တိအာဒိမာဟာတိပိ သမ္ဗန္ဓံ ဝဒန္တိ။ ဧဝံ သတိ တေနာတိ ဝိဝိဓနယတ္တာ-  
 ဒိနာ ဟေတုဘူတေနာတိ အတ္ထော။ အထ ဝါ ယထာဝုတ္တဝစနမေဝ သန္ဓာယ  
 ပေါရာဏေဟိ အယံ ဂါထာ ဝုတ္တာတိ သံသန္တေတုံ “တေနာ”တိအာဒိ ဝုတ္တန္တိပိ  
 ဝဒန္တိ၊ ဒုတိယနယေ ဝိယ “တေနာ”တိ ပဒဿ အတ္ထော။ တေန္တိ ဂါထာဝစနံ။  
 တေဿာတိ ဝိနယသဒ္ဓဿ၊ “ဝစနတ္တာ”တိ ပဒေန သမ္ဗန္တော။ “ဝစနဿ  
 အတ္ထော”တိ ဟိ သမ္ဗန္တေ ဝုတ္တေပိ တဿ ဝစနသာမညတော ဝိသေသံ ဒဿေတုံ  
 “တေဿာ”တိ ပုန ဝုတ္တံ။ နေရုတ္တိကာ ပန သမာသတဒ္ဓိတေသု သိဒ္ဓေသု  
 သာမညတ္တာ၊ နာမသဒ္ဓတ္တာ စ ဧဒိသေသု သဒ္ဓန္တရေန ဝိသေသိတဘာဝံ ဣစ္ဆန္တိ။

“အတ္ထာန”န္တိ ပဒံ “သုစနတော။ပ။ သုတ္တာဏာ”တိ ပဒေဟိ ယထာရဟံ  
 ကမ္မသမ္ဗန္ဓဝသေန ယောဇေတဗ္ဗံ။ တမတ္ထံ ဝိဝရတိ “တဋ္ဌိ”တိအာဒိနာ။ အတ္တတ္ထ-  
 ပရတ္ထာဒိဘေဒေ အတ္ထေတိယော တံ သုတ္တံ သဇ္ဈာယတိ၊ သုဏာတိ၊ ဝါစေတိ၊  
 စိန္တေတိ၊ ဒေသေတိ စ၊ သုတ္တေန သင်္ဂဟိတော သီလာဒိအတ္ထော တဿပိ  
 ဟောတိ၊ တေန ပရဿ သာဓေတဗ္ဗတော ပရဿပီတိ တဒုဘယံ တံ သုတ္တံ  
 သူစေတိ ဒိပေတိ၊ တထာ ဒိဋ္ဌဓမ္မိကသမ္ပရာယိကတ္ထေ၊ လောကီယလောကုတ္တ-  
 ရတ္ထေ စာတိ ဧဝမာဒိဘေဒေ အတ္ထေ အာဒိ-သဒ္ဓေန သင်္ဂဏှာတိ။ အတ္ထသဒ္ဓေါ  
 စာယံ ဟိတပရိယာယော၊ န ဘာသိတတ္ထဝစနော။ ယဒိ သိယာ၊ သုတ္တံ  
 အတ္တနောပိ ဘာသိတတ္ထံ သူစေတိ၊ ပရဿပီတိ အယမနမိပ္ပေတတ္ထော ဝုတ္တော  
 သိယာ။ သုတ္တေန ဟိ ယော အတ္ထော ပကာသိတော၊ သော တဿေဝ

ပကာသကဿ သုတ္တဿ ဟောတိ၊ တဿ န တေန ပရတ္ထော သူစိတော၊  
တေန သူစေတဗ္ဗဿ ပရတ္တဿ နိဝတ္တေတဗ္ဗဿ အဘာဝါ အတ္တတ္တဂဟဏဉ္စ  
န ကတ္တဗ္ဗံ။ အတ္တတ္တပရတ္တဝိနိမုတ္တဿ ဘာသိတတ္တဿ အဘာဝါ အာဒိဂဟ-  
ဏဉ္စ န ကတ္တဗ္ဗံ၊ တဿ ယထာဝုတ္တဿ ဟိတပရိယာယဿ အတ္တဿ သုတ္တေ  
အသမ္ဘဝတော သုတ္တာဓာရဿ ပုဂ္ဂလဿ ဝသေန အတ္တတ္တပရတ္တာ ဝုတ္တာ။

အထ ဝါ သုတ္တံ အနပေက္ခိတွာ ယေ အတ္တတ္တာဒယော အတ္ထပ္ပဘေဒါ “န  
ဟ’ညဒတ္တ’တ္ထိ ပသံသလာဘာ”တိ ဧတဿ ပဒဿ နိဒ္ဒေသေ<sup>၁</sup> ဝုတ္တာ  
“အတ္တတ္ထော၊ ပရတ္ထော၊ ဥဘယတ္ထော၊ ဒိဋ္ဌဓမ္မိကော အတ္ထော၊ သမ္မရာယိကော  
အတ္ထော၊ ဥတ္တာနော အတ္ထော၊ ဂန္တိရော အတ္ထော၊ ဂူဠော အတ္ထော၊ ပဋိစ္ဆန္ဓော  
အတ္ထော၊ နေယျော အတ္ထော၊ နိတော အတ္ထော၊ အနဝဇ္ဇော အတ္ထော၊ နိက္ခိ-  
လေသော အတ္ထော၊ ဝေါဒါနော အတ္ထော၊ ပရမတ္ထော”တိ<sup>၂</sup>၊ တေ အတ္ထပ္ပဘေ-  
ဒေ သူစေတိတိ အတ္ထော ဂဟေတဗ္ဗော။ ကိဉ္စာပိ ဟိ သုတ္တနိရပေက္ခံ အတ္တတ္တာ-  
ဒယော ဝုတ္တာ သုတ္တတ္တဘာဝေန အနိဒ္ဓိဋ္ဌတ္တာ၊ တေသု ပန ဧကောပိ အတ္ထပ္ပ-  
ဘေဒေါ သုတ္တေန ဒီပေတဗ္ဗတံ နာတိဝတ္တတိတိ။ ဣမသ္မိဉ္စ အတ္တဝိကပ္ပေ အတ္တ-  
သဒ္ဓေါ ဘာသိတတ္တပရိယာယောပိ ဟောတိ။ ဧတ္ထ ဟိ ပုရိမကာ ပဉ္စ အတ္ထပ္ပ-  
ဘေဒါ ဟိတပရိယာယာ၊ တတော ပရေ ဆ ဘာသိတတ္တပ္ပဘေဒါ၊ ပစ္စိမကာ  
စတ္တာရော ဥဘယသဘာဝါ။ တတ္ထ သုဝိညေယျတာယ ဝိဘာဝနေ အနဂါဓ-  
ဘာဝေါ ဥတ္တာနော။ ဒုရဓိဂမတာယ ဝိဘာဝနေ အဂါဓဘာဝေါ ဂန္တိရော။  
အဝိဝဇ္ဇော ဂူဠော။ မူလုဒကာဒယော ဝိယ ပံသုနာ အက္ခရသန္ဓိဝေသာဒိနာ  
တိရောဟိတော ပဋိစ္ဆန္ဓော။ နိဒ္ဓါရေတွာ ဉ္ဉပေတဗ္ဗော နေယျော။ ယထာ-  
ရုတဝသေန ဝေဒိတဗ္ဗော နိတော။ အနဝဇ္ဇနိက္ခိလေသဝေါဒါနာ ပရိယာယ-  
ဝသေန ဝုတ္တာ၊ ကုသလဝိပါကကိရိယာဓမ္မဝသေန ဝါ ယထာက္ကမံ ယောဇေ-  
တဗ္ဗော။ ပရမတ္ထော နိဗ္ဗာနံ၊ ဓမ္မာနံ အဝိပရိတသဘာဝေါ ဧဝ ဝါ။

အထ ဝါ “အတ္တနာ စ အပ္ပိစ္ဆော ဟောတိ”တိ အတ္တတ္ထံ၊ “အပ္ပိစ္ဆကထဉ္စ  
ပရေသံ ကတ္တာ ဟောတိ”တိ ပရတ္တံ သူစေတိ။ ဧဝံ “အတ္တနာ စ  
ပါဏာတိပါတာ ပဋိဝိရတော ဟောတိ၊ ပရဉ္စ ပါဏာတိပါတာ ဝေရမဏိယာ  
သမာဒပေတိ”တိ အာဒိသုတ္တာနိ၊ ယောဇေတဗ္ဗာနိ။ အပရေ ပန “ယထာ-  
သဘာဝံ ဘာသိတံ အတ္တတ္ထံ၊ ပူရဏကဿပါဒိနမညတိတ္ထိယာနံ သမယ-  
ဘူတံ ပရတ္တံ သူစေတိ၊ သုတ္တေန ဝါ သင်္ဂဟိတံ အတ္တတ္ထံ၊ သုတ္တာနု-  
လောမဘူတံ ပရတ္တံ၊ သုတ္တန္တနယဘူတံ ဝါ အတ္တတ္ထံ၊ ဝိနယာဘိဓမ္မနယဘူတံ

ပရတ္တံ သူစေတီ”တိပိ ဝဒန္တိ။ ဝိနယာဘိဓမ္မေဟိ စ ဝိသေသေတွာ သုတ္တ-  
သဒ္ဓဿ အတ္ထော ဝတ္ထဗ္ဗော၊ တသ္မာ ဝေနေယျဇ္ဈာသယဝသပ္ပဝတ္တာယ  
ဒေသနာယ သာတိသယံ အတ္တဟိတပရဟိတာဒိနိ ပကာသိတာနိ ဟောန္တိ  
တပ္ပခာနဘာဝတော၊ န ပန အာဏာဓမ္မသဘာဝဝသပ္ပဝတ္တာယာတိ ဣဒမေဝ  
“အတ္တာနံ သူစနတော သုတ္တ”န္တိ ဝုတ္တံ။ သူစ-သဒ္ဓဿ စေတ္တ ရသော။ “ဝေဇ္ဇ  
ကတွာ ‘ဧတ္တကံ တဿ ဘဂဝတော သုတ္တာဂတံ သုတ္တပရိယာပန္တ’န္တိ” စ  
သကဝါဒေ ပဉ္စ သုတ္တသတနာနိ”တိ ၂ စ ဝေမာဒီသု သုတ္တသဒ္ဓေါဥပစရိတောတိ  
ဂဟေတဗ္ဗော”တိ ၃ အာစရိယသာရိပုတ္တဧတ္ထဇရန ဝုတ္တံ။ အညေ ပန ယထာ-  
ဝုတ္တသဒိသေနေဝ နိဗ္ဗစနေန သုတ္တသဒ္ဓဿ ဝိနယာဘိဓမ္မာနမ္ပိ ဝါစကတ္တံ ဝဒန္တိ။

သုတ္တေ စ အာဏာဓမ္မသဘာဝေါ ဝေနေယျဇ္ဈာသယမနုဝတ္တတိ၊ န ဝိနယာ-  
ဘိဓမ္မေသု ဝိယ ဝေနေယျဇ္ဈာသယော အာဏာဓမ္မသဘာဝေ၊ တသ္မာ ဝေနေ-  
ယျာနံ ဧကန္တဟိတပဋိလဘာသံဝတ္တနိကာ သုတ္တန္တဒေသနာတိ အာဟ  
“သုပုတ္တာ ဧတ္ထ အတ္တာ”တိအာဒိ။ “ဧကန္တဟိတပဋိလဘာသံဝတ္တနိကာ သုတ္တ-  
န္တဒေသနာ”တိ ဣဒမ္ပိ ဝေနေယျာနံ ဟိတသမ္ပာဒနေ သုတ္တန္တဒေသနာယ တပ္ပရ-  
ဘာဝမေဝ သန္တာယ ဝုတ္တံ။ တပ္ပရဘာဝေါ စ ဝေနေယျဇ္ဈာသယာနုလောမတော  
ဒဋ္ဌဗ္ဗော။ တေနေဝါဟ “ဝေနေယျဇ္ဈာသယာနုလောမေန ပုတ္တတ္တာ”တိ။  
ဧတေန စ ဟေတုနာ နန ဝိနယာဘိဓမ္မာပိ သုပုတ္တာ၊ အထ ကသ္မာ ဣဒမေဝ  
ဧဝံ ဝုတ္တန္တိ အနုယောဂံ ပရိဟရတိ။

အနုပုဗ္ဗသိက္ခာဒိဝသေန ကာလန္တရေန အတ္တာဘိနိပ္ပတ္တိံ ဒဿေတုံ  
“သဿမိဝ ဖလ”န္တိ ဝုတ္တံ။ ဣဒံ ဝုတ္တံ ဟောတိ— ယထာ သဿံ နာမ  
ဝပနရောပနာဒိက္ခဏေယေပ ဖလံ န ပသဝတိ၊ အနုပုဗ္ဗဇဂ္ဂနာဒိဝသေန  
ကာလန္တရေနေဝ ပသဝတိ၊ တထာ ဣဒမ္ပိ သဝနဓာရဏာဒိက္ခဏေယေဝ  
အတ္ထေ န ပသဝတိ၊ အနုပုဗ္ဗသိက္ခာဒိဝသေန ကာလန္တရေနေဝ ပသဝတိတိ။  
ပသဝတိတိ စ ဖလတိ၊ အဘိနိပ္ပါဒေတိတိ အတ္ထော။ အဘိနိပ္ပါဒနမေဝ  
ဟိ ဖလနံ။ ဥပါယသမင်္ဂီနညေဝ အတ္တာဘိနိပ္ပတ္တိံ ဒဿေန္တော “ဓေန ဝိယ  
ဒီရ”န္တိ အာဟ။ အယမေတ္ထ အဓိပ္ပါယော—ယထာ ဓေန နာမ ကာလေ  
ဇာဘဝစ္ဆာ ထနံ ဂဟေတွာ ဒုဟတံ ဥပါယဝန္တာနမေဝ ဒီရံ ပဂ္ဂရာပေတိ၊ န  
အကာလေ အဇာဘဝစ္ဆာ။ ကာလေပိ ဝါ ဝိသာဏာဒိကံ ဂဟေတွာ ဒုဟတံ  
အနုပါယဝန္တာနံ၊ တထာ ဣဒမ္ပိ နိဿရဏာဒိနာ သဝနဓာရဏာဒိနိ ကုရတံ

၁-ဝိ ၂-၂၇၂၊ ၄၇၀-ပိဋကသု၊ ၂-အဘိ-ဋ္ဌ ၁-၅၊ အဘိ-ဋ္ဌ ၃-၁၀၅-ပိဋကသု။ ၃-သာရတ္ထ-ဋီ ၁-၇၀-ပိဋကသု။

ဥပါယဝန္တာနမေဝ သီလာဒိအတ္ထေ ပဉ္စရာပေတိ၊ န အလဂဒ္ဒုပမာယ သဝန-  
ဓာရဏာဒိနိ ကုရုတံ အနုပါယဝန္တာနန္တိ။ ယဒိပိ “**ချဒတိ**”တိ ဧတဿ ဃရတိ  
သိဉ္စတိတိ အတ္ထော၊ တထာပိ သကမ္မိကဓာတုတ္တာ ပဉ္စရာပေတိတိ ကာရိတ-  
ဝသေန အတ္ထော ဝုတ္ထော ယထာ “**တရတိ**”တိ ဧတဿ နိပါတေတိတိ  
အတ္ထော”တိ။ “**သုတ္တာဏာ**”တိ ဧတဿ အတ္ထမာဟ “**သုဋ္ဌ၊ စ နေ တာယတိ**”တိ။  
နေတိ အတ္ထေ။

**သုတ္တသဘာဝန္တိ** သုတ္တသဒိသံ။ တဗ္ဘာဝံ ဒဿေတိ “**ယထာ ဟိ**”တိ-  
အာဒိနာ။ **တစ္ဆကာနံ သုတ္တန္တိ** ဝေဒနီနံ ကာဠသုတ္တံ။ **ပမာဏံ ဟောတိ**  
တဒနုသာရေန တစ္ဆနတော။ ဣဒံ ဝုတ္တံ ဟောတိ—ယထာ ကာဠသုတ္တံ  
ပသာရေတွာ သညာဏေ ကတေ ဂဟေတဗ္ဗံ၊ ဝိဿဇ္ဇေတဗ္ဗံ ပညာယတိ၊  
တသ္မာ တံ တစ္ဆကာနံ ပမာဏံ ဟောတိ၊ ဧဝံ ဝိဝါဒေသု ဥပ္ပန္နေသု သုတ္တေ  
အာနိတမတ္ထေ “**ဣဒံ ဂဟေတဗ္ဗံ၊ ဣဒံ ဝိဿဇ္ဇေတဗ္ဗံ**”န္တိ ပါကုရုတ္တာ ဝိဝါဒေါ  
ဝူပသမ္ပတိ၊ တသ္မာ ဧတံ ဝိညူနံ ပမာဏန္တိ။ ဣဒါနိ အညထာပိ သုတ္တသဘာဝတံ  
ဝိဘာဝေန္တော “**ယထာ စာ**”တိအာဒိမာဟ။ **သုတ္တေနာတိ** ပုပ္ဖါဝုတေန ယေန  
ကေနစိ ထိရသုတ္တေန။ **သင်္ဂဟိတာနိတိ** သုဋ္ဌ၊ သမံ ဝါ ဂဟိတာနိ၊  
အာဝုတာနိတိ အတ္ထော။ **န ဝိကိရိယန္တိ**တိ ဣတော စိတော စ ဝိပ္ပကိဏ္ဏာ-  
ဘာဝမာဟ၊ **န ဝိဒ္ဓံသီယန္တိ**တိ ဆေဇ္ဇဘေဇ္ဇာဘာဝံ။ အယမေတ္တာဓိပ္ပါယော—  
ယထာ ထိရသုတ္တေန သင်္ဂဟိတာနိ ပုပ္ဖါနိ ဝါတေန န ဝိကိရိယန္တိ န  
ဝိဒ္ဓံသီယန္တိ၊ ဧဝံ သုတ္တေန သင်္ဂဟိတာ အတ္တာ မိစ္ဆာဝါဒေန န ဝိကိရိယန္တိ  
န ဝိဒ္ဓံသီယန္တိတိ။ ဝေနေယျဇ္ဈာသယဝသပ္ပဝတ္တာယ စ ဒေသနာယ အတ္တတ္ထ-  
ပရတ္တာဒိနံ သာတိသယပ္ပကာသနတော အာဏာဓမ္မသဘာဝေဟိ ဝိနယာ-  
ဘိဓမ္မေဟိ ဝိသေသေတွာ ဣမဿေဝ သုတ္တသဘာဝတာ ဝုတ္တာ။ “**တေနာ**”တိ-  
အာဒိသု ဝုတ္တနယာနုသာရေန သမ္ပန္နော စေဝ အတ္ထော စ ယထာရဟံ  
ဝတ္တဗ္ဗော။ ဧတ္ထ စ “**သုတ္တန္တပိဋက**”န္တိ ဟေဋ္ဌာ ဝုတ္တေပိ အန္တသဒ္ဓဿ အဝစနံ  
တဿ ဝိသုံ အတ္တာဘာဝဒဿနတ္ထံ တဗ္ဘာဝဝုတ္တိတော။ သဟယောဂဿ  
ဟိ သဒ္ဓဿ အဝစနေန သေသတာ တဿ တုလျာဓိကရဏတံ၊ အနတ္တကတံ  
ဝါ ဉာပေတိ။

**ယန္တိ** ဧသ နိပါတော ကာရဏေ၊ ယေနာတိ အတ္ထော။ ဧတ္ထ အဘိဓမ္မေ  
ဝုရိမန္တော ဓမ္မာ ယေန ဝုတ္တာ၊ တေန အဘိဓမ္မော နာမ အက္ခာတောတိ  
ပစ္စေကံ ယောဇေတဗ္ဗံ။ အဘိ-သဒ္ဓဿ အတ္တဝသေနာယံ ပဘေဒေါတိ တဿ  
တဒတ္ထပ္ပဝတ္တတာဒဿနေန တမတ္ထံ သာဝေန္တော “**အယဉ္ဇိ**”တိအာဒိမာဟ။

အဘိ-သဒ္ဓေါ ကမနကိရိယာယ ဝုရိဘာဝသင်္ခါတမတိရေနတ္ထံ ဒီပေတိတိ ဝုတ္တံ “အဘိက္ကမန္တိတိအာဒိသု ဝုရိယံ အာဂတော”တိ။ အဘိညာတာတိ အမုစန္ဒာဒိနာ ကေနစိ သညာဏေန ဉ္ဇတာ၊ ပညာတာ’ ပါကဋ္ဌာတိ ဝုတ္တံ ဟောတိ။ အမုစန္ဒာဒိဘာဝေါ ဟိ ရတ္တိယာ ဥပလက္ခဏဝသေန ပညာဏံ’ ဟောတိ “ယသ္မာ အမော၊ တသ္မာ အဋ္ဌမီ။ ယသ္မာ ဦးနော၊ တသ္မာ ဖာတုဒ္ဓသီ။ ယသ္မာ ပုဏ္ဏော၊ တသ္မာ ပန္နရသီ”တိ။ အဘိလက္ခိတာတိ ဧတ္ထာပိ အယမေဝဧတ္ထော ဝေဒိတဗ္ဗော၊ ဣဒံ ပန မူလပဏ္ဏာသမေက ဘယဘေရဝသုတ္တေ’။ အဘိလက္ခိတသဒ္ဓ-ပရိယာယော အဘိညာတသဒ္ဓေါတိ အာဟ “အဘိညာတာ အဘိလက္ခိတာတိအာဒိသု လက္ခဏေ”တိ။ ယဇ္ဇေဝံ လက္ခိတသဒ္ဓဿေဝ လက္ခဏတ္ထဒီပနတော အဘိ-သဒ္ဓေါ အနတ္ထကောဝ သိယာတ်? နေဝံ ဒဋ္ဌဗ္ဗံ တဿာပိ တဒတ္ထဇောတနတော။ ဝါစကသဒ္ဓသန္နိဓာနေ ဟိ ဥပသဂ္ဂနိပါတာ တဒတ္ထဇောတကမတ္တာတိ လက္ခိတသဒ္ဓေန ဝါစကဘာဝေန ပကာသိတဿ လက္ခဏတ္ထဿေဝ ဇောတကဘာဝေန ပကာသနတော အဘိ-သဒ္ဓေါပိ လက္ခဏေ ပဝတ္တတိတိ ဝုတ္တောတိ ဒဋ္ဌဗ္ဗံ။ ရာဇာဘိရာဇာတိ ပရေဟိ ရာဇူဟိ ပူဇိတုမရဟော ရာဇာ။ ပူဇိတေတိ ပူဇာရဟော။ ဣဒံ ပန သုတ္တနိပါတေ သေလသုတ္တေ’။

အဘိဓမ္မေတိ “သုပိနန္တေန သုက္ကဝိသဋ္ဌိယာ အနာပတ္တိဘာဝေပိ အကုသလစေတနာ ဥပလဗ္ဗတိ”တိအာဒိနာ’ ဝိနယပညတ္တိယာ သင်္ကရိရဟိတေ ဓမ္မေ။ ပုဗ္ဗာပရိရောဓာဘာဝေန ယထာဝုတ္တဓမ္မာနမေဝ အညမညသင်္ကရိရဟတော အညမညသင်္ကရိရဟိတေ ဓမ္မေတိပိ ဝဒန္တိ။ “ပါဏာတိပါတော အကုသလ”န္တိ ဧဝမာဒိသု ဝါ မရဏာဓိပ္ပါယဿ ဇိဝိတိန္ဒြိယုပစ္စေဒကပယောဂသမုဋ္ဌာပိကာ စေတနာ အကုသလော၊ န ပါဏသင်္ခါတဇိဝိတိန္ဒြိယဿ ဥပစ္စေဒသင်္ခါတော အတိပါတော။ တထာ “အဒိန္နဿ ပရသန္တကဿ အာဒိနသင်္ခါတာ ဝိညတ္တိ အဗျာကတော ဓမ္မော၊ တံဝိညတ္တိသမုဋ္ဌာပိကာ ထေယျစေတနာ အကုသလော ဓမ္မော”တိ ဧဝမာဒိနာပိ အညမညသင်္ကရိရဟိတေ ဓမ္မေတိ အတ္ထော ဝေဒိတဗ္ဗော။ အဘိဝိနယေတိ ဧတ္ထ ပန “ဇာတရူပရဇတံ န ပဋိဂ္ဂဟေတဗ္ဗ”န္တိ ဝဒန္တော ဝိနယေ ဝိနေတိ နာမ။ ဧတ္ထ စ “ဧဝံ ပဋိဂ္ဂဏှတော ပါဝိတ္တိယံ၊ ဧဝံ ပန ဒုက္ကဋ္ဌ”န္တိ ဝဒန္တော အဘိဝိနယေ ဝိနေတိ နာမာတိ ဝဒန္တိ။ တသ္မာ ဇာတရူပရဇတံ ပရသန္တကံ ထေယျစိတ္တေန ဂဏှန္တဿ

၁-သညာတာ (က)	၂-သညာဏံ (က)	၃-မ ၁-၂၅-ပိဋ္ဌေ။
၄-၃၁-၃၆၈-ပိဋ္ဌေ။	၅-သာရတ္ထ-ဦး ၁-၇၂-ပိဋ္ဌေပိ။	၆-မ ၂-၁၅၇-ပိဋ္ဌေ။

ယထာဝတ္ထု ပါရာဇိကထုလ္လစ္စယဒုက္ကဋ္ဌေသု အညတရံ၊ ဘဏ္ဍာဂါရိကသီသေန  
ဂဏှန္တဿ ပါစိတ္တိယံ၊ အတ္တနော အတ္တာယ ဂဏှန္တဿ နိဿဂ္ဂိယံ ပါစိတ္တိယံ၊  
ကေဝလံ လောလတာယ ဂဏှန္တဿ အနာမာသဒုက္ကဋ္ဌံ၊ ရူပိယဆန္ဒကသမ္ပ-  
တဿ အနာပတ္တိတိ ဧဝံ အညမညသင်္ကရိရဟိတေ ဝိနယေပိ ပဋိဗလော  
ဝိနေတုန္တိ အတ္ထော ဒဋ္ဌဗ္ဗော။ ဧဝံ ပန ပရိစ္ဆိန္နတံ သရူပတော သင်္ခေပေနော  
ဒဿေန္တော “အညမည။ပ။ ဟောတိ”တိ အာဟ။

အဘိက္ကန္တေနာတိ ဧတ္ထ ကန္တိယာ အဓိကတ္တံ အဘိ-သဒ္ဓေါ ဒီပေတိတိ  
ဝုတ္တံ “အဓိကေ”တိ။ နန စ “အဘိက္ကမန္တိ”တိ ဧတ္ထ အဘိ-သဒ္ဓေါ  
ကမနကိရိယာယ ဝုဓိဘာဝံ အတိရေကတ္တံ ဒီပေတိ။ “အဘိညာတာ  
အဘိလက္ခိတာ”တိ ဧတ္ထ ဉာဏလက္ခဏကိရိယာနံ သုပါကဋ္ဌတံ ဝိသေသံ၊  
“အဘိက္ကန္တေနာ”တိ ဧတ္ထ ကန္တိယာ အဓိကတ္တံ ဝိသိဋ္ဌဘာဝံ ဒီပေတိတိ  
ဣဒံ တာဝ ယုတ္တံ ကိရိယာဝိသေသကတ္တာ ဥပသဂ္ဂဿ။ “ပါဒယော  
ကိရိယာယောဂေ ဥပသဂ္ဂါ”တိ ဟိ သဒ္ဓသတ္ထေ ဝုတ္တံ။ “အဘိရာဇာ၊  
အဘိဝိနယေ”တိ ပန ပူဇိတပရိစ္ဆိန္နေသု ရာဇဝိနယေသု အဘိ-သဒ္ဓေါ  
ဝတ္တတိတိ ကထမေတံ ယုဇ္ဇေယျ။ န ဟိ အသတွဝါစိ သဒ္ဓေါ သတွဝါစကော  
သမ္ဘဝတိတိ? နတ္ထိ အဩ ဒေါသော ပူဇနပရိစ္ဆေဒနကိရိယာနမ္ပိ ဒီပနတော၊  
တာဟိ စ ကိရိယာဟိ ယုတ္တေသု ရာဇဝိနယေသုပိ ပဝတ္တတ္တာ။ အဘိပူဇိတော  
ရာဇာတိ ဟိ အတ္ထေန ကိရိယာကာရကသမ္ပန္နံ နိမိတ္တံ ကတွာ ကမ္မသာဓနဘူတံ  
ရာဇဒမ္ပံ အဘိ-သဒ္ဓေါ ပဓာနတော ဝဒတိ၊ ပူဇနကိရိယံ ပန အပ္ပဓာနတော။  
တထာ အဘိပရိစ္ဆိန္နော ဝိနယောတိ အတ္ထေန ကိရိယာကာရကသမ္ပန္နံ နိမိတ္တံ  
ကတွာ ကမ္မသာဓနဘူတံ ဝိနယဒဗ္ဗံ အဘိ-သဒ္ဓေါ ပဓာနတော ဝဒတိ၊ ပရိစ္ဆိန္နန-  
ကိရိယံ ပန အပ္ပဓာနတော။ တသ္မာ အတိမာလာဒီသု အဘိ-သဒ္ဓေါ ဝိယ  
အဘိ-သဒ္ဓေါ ဧတ္ထ သဟ သာဓနေန ကိရိယံ ဝဒတိတိ အဘိရာဇအဘိဝိနယ-  
သဒ္ဓေါ သောပသဂ္ဂါဝ သိဒ္ဓါ။ ဧဝံ အဘိဓမ္မသဒ္ဓေပိ အဘိသဒ္ဓေါ သဟ  
သာဓနေန ဝုဓိယာဒိကိရိယံ ဝဒတိတိ အယမတ္ထော ဒဿိတောတိ ဝေဒိတဗ္ဗံ။

ဟောတု အဘိ-သဒ္ဓေါ ယထာဝုတ္တေသု အတ္ထေသု၊ တပ္ပယောဂေန ပန  
ဓမ္မသဒ္ဓေန ဒီပိတာ ဝုဓိမန္တာဒယော ဓမ္မာ ဧတ္ထ ဝုတ္တာ န ဘဝေယျ၊  
ကထံ အယမတ္ထော ယုဇ္ဇေယျာတိ အနုယောဂေ သတိ တံ ပရိဟရန္တော  
“ဧတ္ထ စာ”တိအာဒိမာဟ။ တတ္ထ ဧတ္ထောတိ တေသ္မိံ အဘိဓမ္မေ။ ဥပဇ္ဈာသေ  
စ-သဒ္ဓေါ။ အာဝေတိတိ စိတ္တဿ ဝေဒနံ ဝုတ္တံ၊ ဖရိတွာတိ အာရမ္မဏဿ  
ဝေဒနံ၊ တသ္မာ တာဟိ ဘာဝနာဖရဏဝုဓိဟိ ဝုဓိမန္တာပိ ဓမ္မာ ဝုတ္တာတိ

အတ္ထော။ အာရမ္မဏာဒီဟိတိ အာရမ္မဏသမ္ပယုတ္တကမ္မဒ္ဓါရပဋိပဒါဒီဟိ။  
 ကေန္တတော လောကုတ္တရဓမ္မာနုညေဝ ပူဇာရဟတ္တာ “သေက္ခာ ဓမ္မာ”တိ-  
 အာဒိနာ တေယေဝ ပူဇိတာတိ ဒဿိတာ။ “ပူဇာရဟာ”တိ ဧတေန ကတ္တာ-  
 ဒိသာဓနံ၊ အတိတာဒိကာလံ၊ သက္ကုဏေယျတ္ထံ ဝါ နိဝတ္တေတိ။ ပူဇိတဗ္ဗာ-  
 ယေဝ ဟိ ဓမ္မာ ကာလဝိသေသနိယမရဟိတာ ပူဇာရဟာ ဧတ္ထ ဝုတ္တာတိ  
 အဓိပ္ပါယော ဒဿိတော။ သဘာဝပရိစ္ဆိန္နတ္တာတိ ဖုသနာဒိသဘာ-  
 ဝေန ပရိစ္ဆိန္နတ္တာ။ ကာမာဝစရေဟိ မဟန္တဘာဝတော မဟဂ္ဂတာ မ္မော  
 အဓိကာ၊ တတောပိ ဥတ္တရဝိရဟတော အနတ္တရာ မ္မောတိ ဒဿေတိ  
 “မဟဂ္ဂတာ”တိအာဒိနာ။ တေနာတိ “ဝုဗ္ဗိမန္တော”တိအာဒိနာ ဝစနေန  
 ကရဏဘူတေန၊ ဟေတုဘူတေန ဝါ။

ယံ ပနေတ္တာတိ ဧတေသု ဝိနယာဒိသု တီသု အညမညဝိသိဋ္ဌေသု ယံ  
 အဝိသိဋ္ဌံ သမာနံ၊ တံ ပိဋကန္တိ အတ္ထော။ ဝိနယာဒယော ဟိ တယော သဒ္ဓါ  
 အညမညာသာဓာရဏတ္တာ ဝိသိဋ္ဌာ နာမ၊ ပိဋကသဒ္ဓေါ ပန တေဟိ တီဟိပိ  
 သာဓာရဏတ္တာ “အဝိသိဋ္ဌော”တိ ဝုစ္စတိ။ ပရိယတ္တိန္ဒာဇနတ္တတောတိ  
 ပရိယာပုဏိတဗ္ဗတ္ထပတိဋ္ဌာနတ္ထေဟိ ကရဏဘူတေဟိ၊ ဝိသေသနဘူတေဟိ  
 ဝါ။ အပိစ ပရိယတ္တိန္ဒာဇနတ္တတော ပရိယတ္တိဘာဇနတ္တန္တိ အာဟူတိ  
 အတ္ထော ဒဋ္ဌဗ္ဗော။ ပစ္စတ္တတ္ထေ ဟိ တော-သဒ္ဓေါ ဣတိ-သဒ္ဓေန နိဒ္ဓိသိတဗ္ဗတ္တာ။  
 ဣတိနာ နိဒ္ဓိသိတဗ္ဗေ ဟိ တော-သဒ္ဓမိစ္ဆန္တိ နေရတ္တိကာ ယထာ “အနိစ္စတော  
 ဒုက္ခတော အနတ္တတော ဝိပဿန္တိ”တိ။ ဧတေန ပရိယာပုဏိတဗ္ဗတော၊ တံ-  
 တဒတ္တာနံ ဘာဇနတော စ ပိဋကံ နာမာတိ ဒဿေတိ။ အနိပ္ပန္နပါဠိ-  
 ပဒိကပဒဉ္ဇေတံ။ သဒ္ဓဝိဒူ<sup>၂</sup> ပန “ပိဋ သဒ္ဓသင်္ခာဋေသု”တိ ဝတော ဣဓ ဝုတ္တမေဝ  
 ပယောဂမုဒါဟရန္တိ၊ တသ္မာ တေသံ မတေန ပိဋိယတိ သဒ္ဓိယတိ ပရိယာပုဏိ-  
 ယတိတိ ပိဋကံ၊ ပိဋိယတိ ဝါ သင်္ခာဋိယတိ တံတဒတ္ထော ဧတ္တာတိ ပိဋကန္တိ  
 နိဗ္ဗစနံ ကာတဗ္ဗံ။ “တေနာ”တိအာဒိနာ သမာသံ ဒဿေတိ။

မာ ပိဋကသမ္ပဒါနေနာတိ ကာလာမသုတ္တေ<sup>၁</sup>၊ သာဠသုတ္တေ<sup>၂</sup> စ အာဂတံ  
 ပါဠိမာဟ။ တဒဋ္ဌကထာယဉ္စ “အမှာကံ ပိဋကတန္တိယာ သဒ္ဓိံ သမေတိတိ မာ  
 ဂဏိတ္တာ”တိ<sup>၃</sup> အတ္ထော ဝုတ္တော။ အာစရိယသာရိပုတ္တတ္ထေရေန ပန “ပါဠိ-  
 သမ္ပဒါနဝသေန မာ ဂဏှထာ”တိ<sup>၄</sup> ဝုတ္တံ။ ကုဒါလပိဋကမာဒါယာတိ

၁-အဘိ ဂ-၁၃၃၊ ၁၃၄၊ ၁၃၅-ပိဋ္ဌာဒိသု ပဋ္ဌာနေ။  
 ၂-သဒ္ဓနိဘိဓာတုမာလာယံ သရဝဂ္ဂပဉ္စကန္တိကဓာတုဝိဘာဂေ ၄၀-ပိဋ္ဌေ။  
 ၃-အံ ၁-၁၀၃-ပိဋ္ဌေ။ ၄-အံ ၁-၁၉၅-ပိဋ္ဌေ။ ၅-အံ-၄၅ ၂-၁၀၂-ပိဋ္ဌေ။ ၆-သာရတ္ထ-၇ ၁-၇၃-ပိဋ္ဌေ။

ကုဒါလဉ္စ ဝိဋ္ဌကဉ္စ အာဒါယ။ ကု ဝုစ္စတိ ပထဝီ၊ တဿာ ဒါလနတော  
ဝိဒါလနတော အယောမယဥပကရဏဝိသေသော **ကုဒါလံ** နာမ။ တေသံ  
တေသံ ဝတ္ထုနံ ဘာဇနဘာဝတော တာလပဏ္ဏဝေတ္တလတာဒီဟိ ကတော  
ဘာဇနဝိသေသော **ဝိဋ္ဌကံ** နာမ။ ဣဒံ ပန မူလပဏ္ဏာသကေ **ကကရူပမသျှတ္တေ**။

“တေန။ပ။ ဥေယျာ”တိ ဂါထာပဒံ ဥလ္လိင်္ဂေတွာ “**တေနာ**”တိအာဒိနာ  
ဝိဝရတိ။ သဗ္ဗာဒီဟိ သဗ္ဗနာမေဟိ ဝုတ္တဿ ဝါ လိင်္ဂမာဒိယတေ၊ ဝုစ္စမာနဿ  
ဝါ၊ ဣဓ ပန ဝတ္ထိစ္ဆာယ ဝုတ္တဿေဝါတိ ကတွာ “**ဝိနယော စ သော  
ဝိဋ္ဌကဉ္စာ**”တိ ဝုတ္တံ။ “**ယထာဝုတ္တေနော နယေနာ**”တိ ဣမိနာ “**ဧဝံ  
ဒုဝိဓတ္တေန။ပ။ ကတွာ**”တိ စ “ပရိယတ္တိဘာဝတော၊ တဿ တဿ အတ္တဿ  
ဘာဇနတော စာ”တိ စ ဝုတ္တံ သဗ္ဗမတိဒိသတိ။ **တယော**ပီတိ ဣတ္ထ **အဝိ-  
သဒ္ဓေါ**၊ **ဝိ-သဒ္ဓေါ** ဝါ အဝယဝသမ္ပိဏ္ဏနတ္တော။ “**အဝိ**”တိ အဝတွာ “**ဝိ**”တိ  
ဝဒန္တော ဟိ အဝိ-သဒ္ဓေါ ဝိယ ဝိ-သဒ္ဓေါပိ ဝိသုံ နိပါတော အတ္ထိတိ  
ဒဿေတိ။

ကထေတဗ္ဗာနံ အတ္တာနံ ဒေသကာယတ္တေန အာဏာဒိဝိမိနာ အတိသဇ္ဇနံ  
ပဗောဓနံ **ဒေသနာ**။ သာသိတဗ္ဗပုဂ္ဂလဂတေန ယထာပရာဓာဒိသာသိတဗ္ဗ-  
ဘာဝေန အနုသာသနံ ဝိနယနံ **သာသနံ**။ ကထေတဗ္ဗဿ သံဝရာသံဝရာဒိနော  
အတ္တဿ ကထနံ ဝစနပဋိဗဒ္ဓတာကရဏံ **ကထာ**၊ ဣဒံ ဝုတ္တံ ဟောတိ—  
ဒေသိတာရံ ဘဂဝန္တမပေက္ခိတွာ **ဒေသနာ**၊ သာသိတဗ္ဗပုဂ္ဂလဝသေန  
**သာသနံ**၊ ကထေတဗ္ဗဿ အတ္တဿ ဝသေန **ကထာ**တိ ဧဝိမေသံ နာနာ-  
ကရဏံ ဝေဒိတဗ္ဗန္တိ။ ဣတ္ထ စ ကိဉ္စာပိ ဒေသနာဒယော ဒေသေတဗ္ဗာဒိနိရ-  
ပေက္ခာ န ဟောန္တိ၊ အာဏာဒယော ပန ဝိသေသတော ဒေသကာဒိ-  
အမိနာတိ တံတံဝိသေသယောဂဝသေန ဒေသနာဒိနံ ဘေဒေါ ဝုတ္တော။  
ယထာ ဟိ အာဏာဝိဓာနံ ဝိသေသတော အာဏာရဟာမိနံ တတ္ထ  
ကောသလ္လယောဂတော၊ ဧဝံ ဝေါဟာရပရမတ္ထဝိဓာနာနိ စ ဝိဓာယကာမိ-  
နာနိတိ အာဏာဒိဝိမိနော ဒေသကာယတ္တတာ ဝုတ္တာ။ အပရာဇ္ဈောသယာ-  
နရူပံ ဝိယ စ ဓမ္မာနုရူပမ္ပိ သာသနံ ဝိသေသတော၊ တထာ ဝိနေတဗ္ဗပုဂ္ဂလာ-  
ပေက္ခန္တိ သာသိတဗ္ဗပုဂ္ဂလဝသေန သာသနံ ဝုတ္တံ။ သံဝရာသံဝရနာမရူပါနံ  
ဝိယ စ ဝိနိဗ္ဗေဋ္ဌေတဗ္ဗာယ ဒိဋ္ဌိယာ ကထနံ သတိ ဝါစာဝတ္ထုသျှိ၊ နာသတိတိ  
ဝိသေသတော တဒမိနံ၊ တသ္မာ ကထေတဗ္ဗဿ အတ္တဿ ဝသေန ကထာ  
ဝုတ္တာ။ ဟောန္တိ စေတ္ထံ—



မဟာကာရဏိကတာယ စ အဝိပရိတဟိတောပဒေသကဘာဝေန ပမာဏ-  
ဝစနတ္တာ အာဏာရဟေန ဘဂဝတာတိ အတ္ထော။ ဝေါဟာရပရမတ္ထဓမ္မာနမ္ပိ  
တတ္ထ သဗ္ဗာဝတော “**အာဏာဗဟုလ္လတော**”တိ ဝုတ္တံ၊ တေန ယေဘုယျနယံ  
ဒဿေတိ။ ဣတော ပရေသုပိ ဒေသေ နယော။ ဝိသေသေန သတ္တာနံ မနံ  
အဝဟရတိတိ **ဝေါဟာရော**၊ ပညတ္တိ၊ တသ္မိံ ကုသလော၊ တေန။

ပစုရော ဗဟုလော အပရာဓော ဒေါသော ဝိတိက္ကမော ယေသံ တေ  
**ပစုရာပရာဓာ**၊ သေယျသကတ္ထေရာဒယော။ **ယထာပရာဓန္တိ** ဒေါသနုရူပံ။  
“**အနေကဇ္ဈာသယာ**”တိအာဒိသု အာသယောဝ **အဇ္ဈာသယော**၊ သော  
အတ္ထတော ဒိဋ္ဌိ၊ ဉာဏဉ္စ၊ ပဘေဒတော ပန စတုဗ္ဗိဓော ဟောတိ။ ဝုတ္တဉ္စ—

“သဿတုစ္ဆေဒဒိဋ္ဌိ စ၊ ခန္တိ စေဝါနုလောမိကာ။  
ယထာဘူတဉ္စ ယံ ဉာဏံ၊ ဧတံ အာသယသဒ္ဓိတ”န္တိ။

တတ္ထ သဗ္ဗဒိဋ္ဌိနံ သဿတုစ္ဆေဒဒိဋ္ဌိဟိ သင်္ဂဟိတတ္တာ သဗ္ဗေပိ ဒိဋ္ဌိဂတိကာ  
သတ္တာ ဣမာ ဧဝ ဒွေ ဒိဋ္ဌိယော သန္တိဿိတာ။ ယထာဟ “ဒွယနိဿိတော  
ခေါ ပနာယံ ကစ္စာန လောကော ယေဘုယျေန အတ္ထိတဉ္စ နတ္ထိတဉ္စာ”တိ၊  
**အတ္ထိတ**တိ ဟိ သဿတဂ္ဂါဟော အဓိပ္ပေတော၊ **နတ္ထိတ**တိ ဥစ္ဆေဒဂ္ဂါဟော။  
အယံ ဘာဝ ဝဋ္ဋနိဿိတာနံ ပုထုဇ္ဇနာနံ အာသယော။ ဝိဝဋ္ဋနိဿိတာနံ ပန  
သုဒ္ဓသတ္တာနံ အနုလောမိကာ ခန္တိ၊ ယထာဘူတဉာဏန္တိ ဒုပိဓော အာသယော။  
တတ္ထ စ **အနုလောမိကာ ခန္တိ** ဝိပဿနာဉာဏံ။ **ယထာဘူတဉာဏံ** ပန ကမ္မ-  
သကတာဉာဏံ။ စတုဗ္ဗိဓော ပေသော အာသယန္တိ သတ္တာ ဧတ္ထ နိဝသန္တိ၊ စိတ္တံ  
ဝါ အာဂမ္မ သေတိ ဧတ္တာတိ **အာသယော** မိဂါသယော ဝိယ။ ယထာ မိဂေါ  
ဂေါစရာယ ဂန္ဓာပိ ပစ္စာဂန္ဓာ တတ္ထေဝ ဝနဂဟနေ သယတိတိ တံ တဿ  
“အာသယော”တိ ဝုစ္စတိ၊ တထာ စိတ္တံ အညထာပိ ပဝတ္တိတွာ ယတ္ထ ပစ္စာဂမ္မ  
သေတိ၊ တဿ သော “အာသယော”တိ။ ကာမရာဂါဒယော သတ္ထ **အနု-  
သယာ**။ မူသိကဝိသံ ဝိယ ကာရဏလာဘော ဥပ္ပဇ္ဇမာနာရဟာ အနာဂတာ၊  
အတိတာ၊ ပစ္စုပ္ပန္နာ စ တံသဘာဝတ္တာ တထာ ဝုစ္စန္တိ။ န ဟိ ဓမ္မာနံ ကာလ-  
ဘေဒေန သဘာဝဘေဒေါတိ။ **စရိယာ**တိ ရာဂစရိယာဒိကာ ဆ မူလစရိယာ၊  
အန္တရဘေဒေန အနေကဝိဓာ၊ သံသဂ္ဂဝသေန ပန တေသဋ္ဌိ ဟောန္တိ။ အထ ဝါ  
**စရိယာ**တိ သုစရိတဒုစ္စရိတဝသေန ဒုပိဓံ စရိတံ။ တဉ္စိ ဝိဘဏ် စရိတနိဗ္ဗေသေ  
နိဋ္ဌိဉ္စ။

“အဓိမုတ္တိ နာမ ‘အဇ္ဇေဝ ပဗ္ဗဇိဿာမိ၊ အဇ္ဇေဝ အရဟတ္တံ ဂဏှိဿာမိ’တိ-  
 အာဒိနာ တဉ္စန္ဒဘာဝေန ပဝတ္တမာနံ သန္တိဋ္ဌာန”န္တိ<sup>၁</sup> ဂဏှိပဒေသု ဝုတ္တံ။  
 အာစရိယဓမ္မပါလတ္တေရေန ပန “အဓိမုတ္တိ နာမ သတ္တာနံ ပုဗ္ဗစရိယဝသေန  
 အဘိရုစိ၊ သာ ဒုဝိဓာ ဟိနပဏီတဘောဒေနာ”တိ<sup>၂</sup> ဝုတ္တံ။ တထာ ဟိ ယာယ  
 ဟိနာဓိမုတ္တိကာ သတ္တာ ဟိနာဓိမုတ္တိကေယေဝ သတ္တေ သေဝန္တိ၊ ပဏီတာဓိ-  
 မုတ္တိကာ ပဏီတာဓိမုတ္တိကေယေဝ။ သစေ ဟိ အာစရိယုပဇ္ဈာယာ သီလဝန္တော  
 န ဟောန္တိ၊ သဒ္ဓိဝိဟာရိကာ သီလဝန္တော၊ တေ အတ္တနော အာစရိယုပဇ္ဈာ-  
 ယေဝိ န ဥပသင်္ကမန္တိ၊ အတ္တနာ သဒိသေ သာရုပ္ပဘိက္ခုယေဝ ဥပသင်္ကမန္တိ။  
 သစေ အာစရိယုပဇ္ဈာယာ သာရုပ္ပဘိက္ခု၊ ဣတရေ အသာရုပ္ပ၊ တေဝိ န  
 အာစရိယုပဇ္ဈာယေ ဥပသင်္ကမန္တိ၊ အတ္တနာ သဒိသေ အသာရုပ္ပဘိက္ခုယေဝ  
 ဥပသင်္ကမန္တိ၊ ဓာတုသံယုတ္တဝသေန<sup>၃</sup> စေသ အတ္တော ဒီပေတဗ္ဗော။ ဧဝမယံ  
 ဟိနာဓိမုတ္တိကာဒိနံ အညမညောပသေဝနာဒိနိယမိတာ အဘိရုစိ အဇ္ဈာသယ-  
 ဓာတု “အဓိမုတ္တိ”တိ ဝေဒိတဗ္ဗော။ အနေကာ အဇ္ဈာသယာဒယော တေ ယေသံ  
 အတ္တိ၊ အနေကာ ဝါ အဇ္ဈာသယာဒယော ယေသန္တိ တထာ ယထာ  
 “ဗဟုကတ္တုကော၊ ဗဟုနဒိကော”တိ။ ယထာနုလောမန္တိ အဇ္ဈာသယာဒိနံ  
 အနုလောမံ အနတိက္ကမ္မ၊ ယေ ယေ ဝါ အဇ္ဈာသယာဒယော အနုလောမာ၊  
 တေဟိ တေဟိတိ အတ္တော။ အာသယာဒိနံ အနုလောမဿ ဝါ အနုရူပန္တိဝိ  
 ဝဒန္တိ။ သနဝိနိဗ္ဗောဂါဘာဝတော ဒိဋ္ဌိမာနတဏှာဝသေန “အဟံ မမ  
 သန္တက”န္တိ ဧဝံ ပဝတ္တသညိနော။ ယထာဓမ္မန္တိ “နတ္ထေတ္ထ အတ္တာ၊ အတ္တနိယံ  
 ဝါ၊ ကေဝလံ ဓမ္မမတ္တမေဝေတ”န္တိ ဧဝမာဒိနာ ဓမ္မသဘာဝါနုရူပန္တိ အတ္တော။

သံဝရဏံ သံဝရော၊ ကာယဝါစာဟိ အဝိတိက္ကမော။ မဟန္တော သံဝရော  
 အသံဝရော။ ဝုဓိအတ္တော ဟိ အယံ အ-ကာရော ယထာ “အသေက္ခာ ဓမ္မာ”တိ<sup>၄</sup>။  
 တံယောဂတာယ စ ခုဒ္ဒကော သံဝရော ပါရိသေသာဒိနယေန သံဝရော၊  
 တသ္မာ ခုဒ္ဒကော၊ မဟန္တော စ သံဝရောတိ အတ္တော။ တေနာဟ “သံဝရ-  
 သံဝရော”တိအာဒိ။ ဒိဋ္ဌိဝိနိဝေဋ္ဌနာတိ ဒိဋ္ဌိယာ ဝိမောစနံ၊ အတ္တတော ပန  
 တဿ ဥဇုဝိပစ္စနိကာ သမ္မာဒိဋ္ဌိအာဒယော ဓမ္မာ။ တထာ စာဟ “ဒွါသဒ္ဓိဒိဋ္ဌိ-  
 ပဋိပက္ခဘူတာ”တိ။ နာမဿ၊ ရူပဿ၊ နာမရူပဿ စ ပရိစ္ဆိန္နနံ နာမရူပ-  
 ပရိစ္ဆေဒေါ၊ သော ပန “ရာဂါဒိပဋိပက္ခဘူတော”တိ ဝစနတော တထာ-  
 ပဝတ္တမေဝ ဉာဏံ။

၁-သာရတ္ထ-ဦး ၁-၇၅-ပိဋ္ဌေ။ ၃-သံ ၁-၃၅၈-ပိဋ္ဌာဒိသု။	၂-ဒီ-ဦး ၁-၂၈-ပိဋ္ဌေ။ ၄-အဘိ ၁-၂-ပိဋ္ဌေ။
--	---

“တိသုပိ”တိအာဒိနာ အပရနံ ဝိဝရတိ။ တိသုပိ တာသံ ဝစနသမ္ဘဝတော “ဝိသေသေနာ”တိ ဝုတ္တံ။ တဒေတံ သဗ္ဗတ္ထ ယောဇေတဗ္ဗံ။ တတြ “ယာယံ အဓိသီလသိက္ခာ၊ အယံ ဣမသ္မိံ အတ္ထေ အဓိပ္ပေတာ သိက္ခာ”တိ ဝစနတော အာဟ “ဝိနယပိဋကေ အဓိသီလသိက္ခာ”တိ။ သုတ္တန္တပါဠိယံ “ဝိဝိစ္စေဝ ကာမေဟိ”တိအာဒိနာ သမာဓိဒေသနာဗာဟုလ္လတော “သုတ္တန္တ-ပိဋကေ အဓိဝိတ္တသိက္ခာ”တိ ဝုတ္တံ။ နာမရူပပရိစ္ဆေဒဿ အဓိပညာပဒ-ဌာနတော၊ အဓိပညာယ စ အတ္ထာယ တဒဝသေသနာမရူပဓမ္မကထနတော အာဟ “အဘိဓမ္မပိဋကေ အဓိပညာသိက္ခာ”တိ။

ကိလေသာနန္တိ သံက္ခေသဓမ္မာနံ၊ ကမ္မကိလေသာနံ ဝါ၊ ဥဘယာ-ပေက္ခဇ္ဇေတံ “ယော ကာယဝစီဒ္ဓါရေဟိ ကိလေသာနံ ဝိတိက္ကမော၊ တဿ ပဟာနံ၊ တဿ ပဋိပက္ခတ္တာ”တိ စ။ “ဝိတိက္ကမော”တိ အယံ “ပဋိပက္ခ”န္တိ ဘာဝ-ယောဂေ သမ္ပန္နော၊ “သီလဿာ”တိ ပန ဘာဝပစ္စယေ။ ဧဝံ သဗ္ဗတ္ထ။ အနုသယ-ဝသေန သန္တာနေ အနုဝတ္တန္တာ ကိလေသာ ကာရဏလာဘေ ပရိယုဋ္ဌိတာပိ သီလဘေဒဘယဝသေန ဝိတိက္ကမိတုံ န လဘန္တိတိ အာဟ “ဝိတိက္ကမပဋိ-ပက္ခတ္တာ သီလဿာ”တိ။ ဩကာသာဒါနဝသေန ကိလေသာနံ စိတ္တေ ကုသလပ္ပဝတ္တိံ ပရိယာဒိယိတွာ ဥဋ္ဌာနံ ပရိယုဋ္ဌာနံ၊ တဿ ပဟာနံ၊ စိတ္တ-သန္တာနေ ဥပ္ပတ္တိဝသေန ကိလေသာနံ ပရိယုဋ္ဌာနဿ ပဟာနန္တိ ဝုတ္တံ ဟောတိ။ “ကိလေသာန”န္တိ ဟိ အဓိကာရော၊ တံ ပန ပရိယုဋ္ဌာနပ္ပဟာနံ စိတ္တသမာ-ဒဟနဝသေန ဘဝတိတိ အာဟ “ပရိယုဋ္ဌာနပဋိပက္ခတ္တာ သမာဓိဿာ”တိ။ အပ္ပဟိနဘာဝေန သန္တာနေ အနု အနု သယနကာ အနုရူပကာရဏလာဘေ ဥပ္ပဇ္ဇနာရဟာ ထာမဂတာ ကာမရာဂါဒယော သတ္တ ကိလေသာ အနုသယာ၊ တေသံ ပဟာနံ၊ တေ ပန သဗ္ဗသော အရိယမဂ္ဂပညာယ ပဟိယန္တိတိ အာဟ “အနုသယပဋိပက္ခတ္တာ ပညာယာ”တိ။

ဒီပါလောကေန ဝိယ တမဿ ဒါနာဒိပုညကိရိယဝတ္ထုဂတေန တေန တေန ကုသလင်္ဂေန တဿ တဿ အကုသလဿ ပဟာနံ တဒင်္ဂပ္ပဟာနံ။ ဣဓ ပန အဓိသီလသိက္ခာယ ဝုတ္တဋ္ဌာနတ္တာ တေန တေန သုသီလျင်္ဂေန တဿ တဿ ဒုသီလျင်္ဂဿ ပဟာနံ “တဒင်္ဂပ္ပဟာန”န္တိ ဂဟေတဗ္ဗံ။ ဥပစာရပ္ပနာ-ဘေဒေန သမာဓိနာ ပဝတ္တိနိဝါရဏေန သုဋ္ဌပ္ပဟာရေန ဝိယ ဇလတလေ သေဝါလဿ တေသံ တေသံ နိဝရဏာဒိဓမ္မာနံ ဝိက္ခမ္ဘနဝသေန ပဟာနံ ဝိက္ခမ္ဘနပ္ပဟာနံ။ စတုန္တံ အရိယမဂ္ဂါနံ ဘာဝိတတ္တာ တံတံမဂ္ဂဝတော သန္တာနေ

သမုဒယပက္ခိကဿ ကိလေသဂဏဿ အစ္စန္တမပ္ပဝတ္တိသင်္ခါတသမုတ္တိန္ဒနဝသေန ပဟာနံ သမုဇ္ဈေဒပ္ပဟာနံ။ ဒုဋ္ဌ၊ စရိတံ၊ သံကိလေသေဟိ ဝါ ဒူသိတံ စရိတံ ဒုစ္စရိတံ။ တဒေဝ ယတ္ထ ဥပ္ပန္နံ၊ တံ သန္တာနံ သမ္မာ ကိလိသတိ ဝိဗာဓတိ၊ ဥပတာပေတိ စာတိ သံကိလေသော၊ တဿ ပဟာနံ။ ကာယဝစီဒုစ္စရိတဝသေန ပဝတ္တသံကိလေသဿ တဒဂ်ဝသေန ပဟာနံ ဝုတ္တံ သီလဿ ဒုစ္စရိတပဋိပက္ခတ္တာ။ သိက္ခတ္တယာနုသာရေန ဟိ အတ္ထော ဝေဒိတဗ္ဗော။ တသတိတိ တဏှာ၊ သာဝ ဝုတ္တနယေန သံကိလေသော၊ တဿ ဝိက္ခမ္ဘနဝသေန ပဟာနံ ဝုတ္တံ သမာဓိဿ ကာမစ္ဆန္ဒပဋိပက္ခတ္တာ။ ဒိဋ္ဌိယေဝ ယထာဝုတ္တနယေန သံကိလေသော၊ တဿ သမုဇ္ဈေဒဝသေန ပဟာနံ ဝုတ္တံ ပညာယ အတ္တာဒိဝိနိမုတ္တသဘာဝဓမ္မပ္ပကာသနတော။

ကေမေကသ္မိန္ဓေတ္တာတိ ဧတေသု တီသု ပိဋကေသု ကေမေကသ္မိံ ပိဋကေ၊ စ-သဒ္ဓေါ ဝါကျာရန္တေ၊ ပက္ခန္တရေ ဝါ။ ဝိ-သဒ္ဓေါ၊ အဝိ-သဒ္ဓေါ ဝါ အဝယ-ဝသမ္ပိဏှနေ၊ တေန န ကေဝလံ စဘုဗ္ဗိဓဿေဝ ဂမ္ဘီရဘာဝေါ၊ အထ ခေါ ပစ္စေကံ တဒဝယဝါနမ္ပိတိ သမ္ပိဏှနံ ကရေတိ။ ဧသ နယော ဤဒိသေသု။ ဣဒါနိ တေ သရူပတော ဒဿေတုံ “တတ္ထာ”တိအာဒိ ဝုတ္တံ။ တတ္ထ တန္တိတိ ပါဠိ။ သာ ဟိ ဥက္ကဋ္ဌာနံ သီလာဒိအတ္တာနံ ဗောဓနတော၊ သဘာဝနိရုတ္တိ-ဘာဝတော၊ ဗုဒ္ဓါဒိဟိ ဘာသိတတ္တာ စ ပကဋ္ဌာနံ ဝစနာနံ အာဠိ ပန္တိတိ “ပါဠိ”တိ ဝုစ္စတိ။

ဣဓ ပန ဝိနယဂဏ္ဍိပဒကာရာဒိနံ သဒ္ဓဝါဒိနံ မတေန ပုဗ္ဗေ ဝဝတ္ထာပိတာ ပရမတ္ထသဒ္ဓပ္ပဗန္ဓဘူတာ တန္တိ ဓမ္မော နာမ။ ဣတိ-သဒ္ဓေါ ဟိ နာမတ္ထေ၊ “ဓမ္မော”တိ ဝါ ဝုစ္စတိ။ တဿာယေဝါတိ တဿာ ယထာဝုတ္တာယ ဧဝ တန္တိယာ အတ္ထော။ မနသာ ဝဝတ္ထာပိတာယာတိ ဥဂ္ဂဟဏဓာရဏာဒိ-ဝသပ္ပဝတ္တေန မနသာ ပုဗ္ဗေ ဝဝတ္ထာပိတာယ ယထာဝုတ္တာယ ပရမတ္ထသဒ္ဓပ္ပဗန္ဓ-ဘူတာယ တဿာ တန္တိယာ။ ဒေသနာတိ ပစ္ဆာ ပရေသမဝဗောဓနတ္ထံ ဒေသနာသင်္ခါတာ ပရမတ္ထသဒ္ဓပ္ပဗန္ဓဘူတာ တန္တိယေဝ။ အပိစ ယထာဝုတ္တ-တန္တိသင်္ခါတသဒ္ဓသမုဋ္ဌာပကော စိတ္တုပ္ပါဒေါ ဒေသနာ။ တန္တိယာ၊ တန္တိ-အတ္ထဿ စာတိ ယထာဝုတ္တာယ ဒုဝိဓာယပိ တန္တိယာ၊ တဒတ္ထဿ စ ယထာ-ဘူတာဝဗောဓောတိ အတ္ထော ဝေဒိတဗ္ဗော။ တေ ဟိ ဘဂဝတာ ဝုစ္စမာနဿ အတ္ထဿ၊ ဝေါဟာရဿ စ ဒီပကော သဒ္ဓေါယေဝ တန္တိ နာမာတိ ဝဒန္တိ။ တေသံ ပန ဝါဒေ ဓမ္မဿာပိ သဒ္ဓသဘာဝတ္တာ ဓမ္မဒေသနာနံ ကော ဝိသေ-သောတိ စေ? တေသံ တေသံ အတ္တာနံ ဗောဓကဘာဝေန ဉ္ဃတော၊

ဥဂ္ဂဟဏာဒိဝသေန စ ပုဗ္ဗေ ဝဝတ္ထာပိတော ပရမတ္ထသဒ္ဓပ္ပဗန္ဓော ဓမ္မော၊ ပစ္စာ ပရေသံ အဝဗောဓနတ္ထံ ပဝတ္တိတော တံတဒတ္ထပ္ပကာသကော သဒ္ဓေါ ဒေသနာတိ အယမိမေသံ ဝိသေသောတိ။ အထ ဝါ ယထာဝုတ္တသဒ္ဓသမုဋ္ဌာပကော စိတ္တုပ္ပါဒေါ ဒေသနာ ဒေသိယတိ သမုဋ္ဌာပိယတိ သဒ္ဓေါ ဧတေနာတိ ကတွာ မုသာဝါဒါဒယော ဝိယ။ တတ္ထာပိ ဟိ မုသာဝါဒါဒိသမုဋ္ဌာပိကာ စေတနာ မုသာဝါဒါဒိသဒ္ဓေဟိ ဝေါဟရိယတိတိ။ ကိဉ္စာပိ အက္ခရာဝလိဘူတော ပညတ္တိ- သဒ္ဓေါယေဝ အတ္ထဿ ဉှပကော၊ တထာပိ မူလံကာရဏဘာဝတော “အက္ခရ- သညာတော”တိအာဒိသု<sup>၁</sup> ဝိယ တဿာယေဝ အတ္ထောတိ ပရမတ္ထသဒ္ဓေါယေဝ အတ္ထဿ ဉှပကဘာဝေန ဝုတ္ထောတိဒဋ္ဌဗ္ဗံ။ “တဿာ တန္တိယာ ဒေသနာ”တိ စ သံဒိသဝေါဟာရေန ဝုတ္တံ ယထာ “ဥပ္ပန္နာ စ ကုသလာဓမ္မာ ဘိယျောဘာဝါယ ဝေပုလ္လာယ သံဝတ္တန္တိ”တိ။

အဘိဓမ္မဂဏ္ဍိပဒကာရာဒိနံ ပန ပဏ္ဏတ္တိဝါဒိနံ မတေန သမ္မုတိပရမတ္ထ- ဘေဒဿ အတ္ထဿ အနုရူပဝါစကဘာဝေန ပရမတ္ထသဒ္ဓေသု ဧကန္တေန ဘဂဝတာ မနဿ ဝဝတ္ထာပိတာ နာမပညတ္တိပဗန္ဓဘူတာ တန္တိ ဓမ္မော နာမ၊ “ဓမ္မော”တိ ဝါ ဝုစ္စတိ။ တဿာယေဝါတိ တဿာ နာမပညတ္တိဘူတာယ တန္တိယာ ဧဝ အတ္ထော။ မနဿ ဝဝတ္ထာပိတာယာတိ သမ္မုတိပရမတ္ထ- ဘေဒဿ အတ္ထဿာနုရူပဝါစကဘာဝေန ပရမတ္ထသဒ္ဓေသု ဘဂဝတာ မနဿ ဝဝတ္ထာပိတာယ နာမပဏ္ဏတ္တိပဗန္ဓဘူတာယ တဿာ တန္တိယာ။ ဒေသနာတိ ပရေသံ ပဗောဓနေန အတိသဇ္ဇနာ ဝါစာယ ပကာသနာ ဝစီဘေဒဘူတာ ပရမတ္ထသဒ္ဓပ္ပဗန္ဓသင်္ခါတာ တန္တိ။ တန္တိယာ, တန္တိအတ္ထဿ စာဘိ ယထာဝုတ္တာယ ဒုဗ္ဗိဓာယပိ တန္တိယာ, တဒတ္ထဿ စ ယထာဘူတာဝ- ဗောဓောဘိ အတ္ထော။ တေဟိ ဧဝံ ဝဒန္တိ—သဘာဝတ္ထဿ, သဘာဝဝေါဟာ- ရဿ စ အနုရူပဝသေနေဝ ဘဂဝတာ မနဿ ဝဝတ္ထာပိတာ ပဏ္ဏတ္တိ ဣဓ “တန္တိ”တိ ဝုစ္စတိ။ ယဒိ စ သဒ္ဓဝါဒိနံ မတေန သဒ္ဓေါယေဝ ဣဓ တန္တိ နာမ သိယာ။ တန္တိယာ, ဒေသနာယ စ နာနတ္ထေန ဘဝိတဗ္ဗံ၊ မနဿ ဝဝတ္ထာပိတာယ စ တန္တိယာ ဝစီဘေဒကရဏမတ္တံ ဌပေတွာ ဒေသနာယ နာနတ္တံ နတ္ထိ။ တထာ ဟိ ဒေသနံ ဒသေန္တေန မနဿ ဝဝတ္ထာပိတာယ တန္တိယာ ဒေသနာတိ ဝစီဘေဒကရဏမတ္တံ ဝိနာ တန္တိယာ သဟ ဒေသနာယ အနညတာ ဝုတ္တာ။ တထာ စ ဥပရိ “ဒေသနာတိ ပညတ္တိ”တိ ဝုတ္တတ္တာ ဒေသနာယ အနညဘာဝေန တန္တိယာပိ ပဏ္ဏတ္တိဘာဝေါ ကထိတော ဟောတိ။

အပိစ ယဒိ တန္တိယာ အညာယေဝ ဒေသနာ သိယာ၊ “တန္တိယာ စ တန္တိအတ္ထဿ စ ဒေသနာယ စ ယထာဘူတာဝဗောဓော”တိ ဝတ္ထုဗ္ဗံ သိယာ။ ဧဝံ ပန အဝတွာ “တန္တိယာ စ တန္တိအတ္ထဿ စ ယထာဘူတာဝဗောဓော”တိ ဝုတ္တတ္တာ တန္တိယာ၊ ဒေသနာယ စ အနညဘာဝေါ ဒဿိတော ဟောတိ။ ဧဝံ ကံတွာ ဥပရိ “ဒေသနာ နာမ ပညတ္တိ”တိ ဒဿေန္တေန ဒေသနာယ အနညဘာဝတော တန္တိယာ ပဏ္ဏတ္တိဘာဝေါ ကထိတော ဟောတိတိ။ တဒုဘယမ္ပိ ပန ပရမတ္ထတော သဒ္ဓေါယေဝ ပရမတ္ထဝိနိမုတ္တာယ သမ္ပုတိယာ အဘာဝါ၊ ဣမမေဝ စ နယံ ဂဟေတွာ ကေမိ အာစရိယာ “ဓမ္မော စ ဒေသနာ စ ပရမတ္ထတော သဒ္ဓေါ ဧဝါ”တိ ဝေါဟရန္တိ၊ တေပိ အနုပဝဇ္ဇာယေဝ။ ယထာ ကာမာဝစရပဋိသန္ဓိဝိပါကာ “ပရိတ္တာရမ္မဏာ”တိ ဝုစ္စန္တိ၊ ဧဝံ သမ္ပဒမိဒံ ဒဋ္ဌဗ္ဗံ။ န ဟိ ကာမာဝစရပဋိသန္ဓိဝိပါကာ “နိဗ္ဗတ္တိတပရမတ္ထဝိသယာယေဝါ”တိ သက္ကာ ဝတ္ထု၊ ဣတ္ထိပုရိသာဒိအာကာရပရိဝိတက္ကပုဗ္ဗကာနံ ရာဂါဒိ-အကုသလာနံ၊ မေတ္တာဒိကုသလာနဉ္စ အာရမ္မဏံ ဂဟေတွာပိ သမုပ္ပဇ္ဇနတော။ ပရမတ္ထဓမ္မမူလကတ္တာ ပနဿ ပရိကပ္ပဿ ပရမတ္ထဝိသယတာ သက္ကာ ပညာပေတုံ၊ ဧဝမိဓာပိ ဒဋ္ဌဗ္ဗန္တိ စ။ ဧဝမ္ပိ ပဏ္ဏတ္တိဝါဒိနံ မတံ ဟောတု၊ သဒ္ဓဝါဒိနံ မတေပိ ဓမ္မဒေသနာနံ နာနတ္ထံ ဝုတ္တနယေနေဝ အာစရိယ-ဓမ္မပါလက္ခေရာဒိဟိ ပကာသိတန္တိ။ ဟောတိ စေတ္ထ—

“သဒ္ဓေါ ဓမ္မော ဒေသနာ စ၊ ဣစ္စာဟု အပရေ ဂရူ။  
ဓမ္မော ပဏ္ဏတ္တိ သဒ္ဓေါ တု၊ ဒေသနာ ဝါတိ စာပရေ”တိ။

တိသုပိ စေတေသု ဧတေ ဓမ္မတ္ထဒေသနာပဋိဝေဓာတိတ္ထေ တန္တိအတ္ထော၊ တန္တိဒေသနာ၊ တန္တိအတ္ထပဋိဝေဓော စာတိ ဣမေ တယော တန္တိဝိသယာ ဟောန္တိတိ ဝိနယဝိဋ္ဌကာဒိနံ အတ္ထဒေသနာပဋိဝေဓာဓာရဘာဝေါ ယုတ္တော၊ ဝိဋ္ဌကာနိ ပန တန္တိယေဝါတိ တေသံ ဓမ္မာဓာရဘာဝေါ ကထံ ယုဇ္ဇေယျာတိ? တန္တိသမုဒါယဿ အဝယဝတန္တိယာ အာဓာရဘာဝတော။ သမုဒါယော ဟိ အဝယဝဿ ပရိကပ္ပနာမတ္ထသိဒ္ဓေန အာဓာရဘာဝေန ဝုစ္စတိ ယထာ “ရုက္ခေသခါ”တိ။ ဧတ္ထ စ ဓမ္မာဒိနံ ဒုက္ခောဂါဟဘာဝတောတေဟိ ဓမ္မာဒိဟိ ဝိနယာဒယော ဂမ္ဘီရာတိ ဝိနယာဒိနမ္ပိ စတုဗ္ဗိဓော ဂမ္ဘီရဘာဝေါဝုတ္တောယေဝ၊ တသ္မာ ဓမ္မာဒယော ဧဝ ဒုက္ခောဂါဟတ္တာ ဂမ္ဘီရာ၊ န ဝိနယာဒယောတိ န စောဒေတဗ္ဗမေတံ သမုခေန၊ ဝိသယဝိသယိမုခေန စ ဝိနယာဒိနဉ္စေဝ ဂမ္ဘီရဘာဝဿ ဝုတ္တတ္တာ။ ဓမ္မော ဟိ ဝိနယာဒယော ဧဝ အဘိန္နတ္တာ။ တေသံ ဝိသယော အတ္ထော ဝါစကဘူတာနံ တေသမေဝ ဝါစဘာဝတော၊ ဝိသယိနော

ဒေသနာပဋိဝေဓာ ဓမ္မတ္ထဝိသယဘာဝတောတိ။ တတ္ထ ပဋိဝေဓဿ ဒုက္ကရ-  
 ဘာဝတော ဓမ္မတ္တာနံ၊ ဒေသနာဉာဏဿ ဒုက္ကရဘာဝတော ဒေသနာယ စ  
 ဒုက္ခောဂါဟဘာဝေါ ဝေဒိတဗ္ဗော၊ ပဋိဝေဓဿ ပန ဥပ္ပါဒေတုံ အသက္ကု-  
 ဏေယျတ္တာ၊ တဗ္ဗိသယဉာဏုပ္ပတ္တိယာ စ ဒုက္ကရဘာဝတော ဒုက္ခောဂါဟတာ  
 ဝေဒိတဗ္ဗာ။ ဓမ္မတ္ထဒေသနာနံ ဂမ္ဘိရဘာဝတော တဗ္ဗိသယော ပဋိဝေဓောပိ  
 ဂမ္ဘိရော ယထာ တံ ဂမ္ဘိရဿ ဥဒကဿ ပမာဏဂ္ဂဟဏေ ဒီဃေန ပမာဏေန  
 ဘဝိတဗ္ဗံ၊ ဧဝံသမ္ပဒမိဒန္တိ<sup>၁</sup> **ဝဇီရဗုဒ္ဓိတ္ထေရော။** ပိဋကဝယ်ဝါနံ မ္မောဒိနံ  
 ဝုစ္စမာနော ဂမ္ဘိရဘာဝေါ တံသမုဒါယဿ ပိဋကဿာပိ ဝုတ္တောယေဝ၊  
 တသ္မာ တထာ န စောဒေတဗ္ဗန္တိပိ ဝဒန္တိ၊ ဝိစာရေတဗ္ဗမေတံ သဗ္ဗေသမ္ပိ  
 ဘေသံ ပိဋကဝယ်ဝါသမ္ဘဝတော။ မဟာသမုဒ္ဓေါ ဒုက္ခောဂါဟော၊ အလဗ္ဘ-  
 နေယျပတိဋ္ဌော ဝိယ စာတိ သမ္ပန္နော။ အတ္ထဝဿာ ဟိ ဝိဘတ္တိဝစနလိင်္ဂပရိ-  
 ဏာမောတိ။ ဒုက္ခေန ဩဂယန္တိ၊ ဒုက္ခော ဝါ ဩဂါဟော အန္တော ပဝိသန-  
 မေတေသုတိ **ဒုက္ခောဂါဟာ။** န လဘိတဗ္ဗောတိ အလဗ္ဘနီယော၊  
 သောယေဝ **အလဗ္ဘနေယျော၊** လဘိယတေ ဝါ လဗ္ဘနံ၊ တံ နာရဟတိတိ  
**အလဗ္ဘနေယျော။** ပတိဋ္ဌဟန္တိ ဧတ္ထ ဩကာသေတိ ပတိဋ္ဌော၊ ပတိဋ္ဌဟနံ ဝါ  
 ပတိဋ္ဌော၊ အလဗ္ဘနေယျော သော ယေသု တေ **အလဗ္ဘနေယျပတိဋ္ဌာ။**  
 ဧကဒေသေန ဩဂါဟန္တေဟိပိ မန္တုပုဒ္ဓိဟိ ပတိဋ္ဌာ လဒ္ဓံ န သက္ကာယေဝါတိ  
 ဒဿေတုံ ဧတံ ပုန ဝုတ္တံ။ “**ဝေ**”န္တိအာဒိ နိဂမနံ။

ဣဒါနိ ဟေတုဟေတုဖလဒါနမ္ပိ ဝသေန ဂမ္ဘိရဘာဝံဒဿေန္တော “**အပရော  
 နယော**”တိအာဒိမာဟ။ တတ္ထ ဟေတုတိ ပစ္စယော။ သော စ အတ္တနော ဖလံ  
 ဒဟတိ ဝိဒဟတိတိ **ဓမ္မော** ဒ-ကာရဿ ဓ-ကာရံ ကတွာ။ ဓမ္မသဒ္ဓဿ  
 စေတ္ထ ဟေတုပရိယာယတာကထံ ဝိညာယတိတိ အာဟ **“ပုတ္တဗ္ဗေတ”**န္တိအာဒိ။  
 ဝုတ္တံ ပဋိသမ္ဘိဒါဝိဘင်္ဂေ၊ နန စ “ဟေတုမိ ဉာဏံ ဓမ္မပဋိသမ္ဘိဒါ”တိ ဧတေန  
 ဝစနေန ဓမ္မဿ ဟေတုဘာဝေါ ကထံ ဝိညာယတိတိ? “ဓမ္မပဋိသမ္ဘိဒါ”တိ  
 ဧတဿ သမာသပဒဿ အဝယဝပဒတ္တံ ဒဿေန္တေန “ဟေတုမိ ဉာဏ”န္တိ  
 ဝုတ္တတ္တာ။ “ဓမ္မပဋိသမ္ဘိဒါဓမ္မပဋိသမ္ဘိဒါ”တိတ္ထေဟိ “ဓမ္မ”တိ ဧတဿ အတ္ထံ  
 ဒဿေန္တေန “ဟေတုမိ”တိ ဝုတ္တံ၊ “ပဋိသမ္ဘိဒါ”တိ ဧတဿ အတ္ထံ ဒဿေန္တေန  
 “ဉာဏ”န္တိ။ တသ္မာ ဟေတုဓမ္မသဒ္ဓါ ဧကတ္တာ၊ ဉာဏပဋိသမ္ဘိဒါသဒ္ဓါ စာတိ  
 ဣမမတ္ထံ ဝဒန္တေန သာမိတော ဓမ္မဿ ဟေတုဘာဝေါတိ။ တထာ “**ဟေတု-  
 ဖလေ ဉာဏံ အတ္ထပဋိသမ္ဘိဒါ**”တိ ဧတေန ဝစနေန သာမိတော အတ္ထဿ

---

၁-ဝဇီရ-ဦး ၂၄-ပိဋေပဿိတဗ္ဗံ။ ၂-အဘိ ၂-၃၀၇-ပိဋေ။

ဟေတုဖလဘာဝေါတိ ဒဋ္ဌဗ္ဗော။ ဟေတုနော ဖလံ ဟေတုဖလံ၊ တဉ္စ ဟေတု-  
အနုသာရေန အရိယတိ အဓိဂမိယတိတိ အတ္ထောတိ ဝုစ္စတိ။

ဒေသနာတိ ပညတ္တိတိ ဧတ္ထ သဒ္ဓဝါဒီနံ ဝါဒေ အတ္ထဗျူနကာ အဝိပရိ-  
တာဘိလာပဓမ္မနိရုတ္တိဘူတာ ပရမတ္ထသဒ္ဓပ္ပဗန္ဓသင်္ခါတာ တန္တိ “ဒေသနာ”တိ  
ဝုစ္စတိ၊ ဒေသနာ နာမာတိ ဝါ အတ္ထော။ ဒေသီယတိ အတ္ထော ဧတာယာတိ  
ဟိ ဒေသနာ။ ပကာရေန ဉ္ဈဝီယတိ အတ္ထော ဧတာယ၊ ပကာရတော ဝါ  
ဉ္ဈပေတိဟိ ပညတ္တိ။ တမေဝ သရူပတော ဒဿေတုံ “ယထာဓမ္မံ ဓမ္မာဘိ-  
လာပေါတိ အဓိပ္ပာယော”တိ ဝုတ္တံ။ ယထာဓမ္မန္တိ ဧတ္ထ ပန ဓမ္မသဒ္ဓေါ  
ဟေတုံ၊ ဟေတုဖလဉ္စ သဗ္ဗံ သင်္ဂဏှာတိ။ သဘာဝဝါစကော ဟေသ ဓမ္မသဒ္ဓေါ၊  
န ပရိယတ္တိဟေတုအာဒိဝါစကော၊ တသ္မာ ယော ယော အဝိဇ္ဇာသင်္ခါရာဒိဓမ္မော၊  
တသ္မိံ တသ္မိန္တိ အတ္ထော။ တေသံ တေသံ အဝိဇ္ဇာသင်္ခါရာဒိဓမ္မာနံ အနုရူပံ ဝါ  
ယထာဓမ္မံ။ ဒေသနာပိ ဟိ ပဋိဝေဓော ဝိယ အဝိပရိတသဝိသယဝိဘာ-  
ဝနတော ဓမ္မာနုရူပံ ပဝတ္တတိ၊ တတောယေဝ စ အဝိပရိတာဘိလာပေါတိ  
ဝုစ္စတိ။ ဓမ္မာဘိလာပေါတိ ဟိ အတ္ထဗျူနကော အဝိပရိတာဘိလာပေါ  
ဓမ္မနိရုတ္တိဘူတော တန္တိသင်္ခါတော ပရမတ္ထသဒ္ဓပ္ပဗန္ဓော။ သော ဟိ အဘိလပ္ပတိ  
ဥစ္စာရိယတိတိ အဘိလာပေါ၊ ဓမ္မော အဝိပရိတော သဘာဝဘူတော အဘိ-  
လာပေါ ဓမ္မာဘိလာပေါတိ ဝုစ္စတိ၊ ဧတေန “တတြဓမ္မနိရုတ္တာဘိလာပေ ဉ္ဈဏံ  
နိရုတ္တိပဋိသမ္ဘိဒါ”တိ<sup>၁</sup> ဧတ္ထ ဝုတ္တံ ဓမ္မနိရုတ္တိံ ဒဿေတိ သဒ္ဓသဘာဝတ္တာ  
ဒေသနာယ။ တထာ ဟိ နိရုတ္တိပဋိသမ္ဘိဒါယ ပရိတ္တာရမ္မဏာဒိဘာဝေါ ပဋိ-  
သမ္ဘိဒါဝိဘင်္ဂပါဠိယံ<sup>၂</sup> ဝုတ္တော။ တဒဋ္ဌကထာယ စ “တံ သဘာဝနိရုတ္တိံ သဒ္ဓိ  
အာရမ္မဏံ ကတွာ”တိအာဒိနာ၊ တဿာ သဒ္ဓါရမ္မဏတာ ဒဿိတာ။ “ဣဿေ  
အတ္ထဿ အယံ သဒ္ဓေါ ဝါစကော”တိ ဟိ ဝစနဝစနတ္ထေ ဝဝတ္ထပေတွာ တံတံ-  
ဝစနတ္ထဝိဘာဝနဝသေန ပဝတ္တိတော သဒ္ဓေါ “ဒေသနာ”တိ ဝုစ္စတိ။ “အဓိပ္ပာ-  
ယော”တိ ဧတေန “ဒေသနာတိ ပညတ္တိ”တိ ဧတံ ဝစနံ ဓမ္မနိရုတ္တာဘိလာပံ  
သန္ဓာယ ဝုတ္တံ၊ န တတော ဝိနိမုတ္တံ ပညတ္တိံ သန္ဓာယာတိ ဒဿေတိ  
အနေကဓာ အတ္ထသမ္ဘဝေ အတ္တနာ အဓိပ္ပေတတ္ထဿေဝ ဝုတ္တတ္တာတိ အယံ  
သဒ္ဓဝါဒီနံ ဝါဒတော ဝိနိစ္ဆယော။

ပညတ္တိဝါဒီနံ ဝါဒေ ပန သမ္မုတိပရမတ္ထဘေဒဿ အတ္ထဿာနုရူပဝါ-  
စကဘာဝေန ပရမတ္ထသဒ္ဓေသု ဘဂဝတာ မနသာ ဝဝတ္ထာပိတာ တန္တိသင်္ခါတာ  
နာမပညတ္တိ ဒေသနာ နာမ၊ “ဒေသနာ”တိ ဝါ ဝုစ္စတိတိ အတ္ထော။ တဒေဝ

၁-အဘိ ၂-၃၀၇-ပိဋက။ ၂-အဘိ-၄ ၂-၃၇၀-ပိဋက။

မူလကာရဏဘူတဿ သဒ္ဓဿ ဒဿနဝသေန ကာရဏူပစာရေန ဒဿေတုံ  
 “ယထာဓမ္မံ ဓမ္မာဘိလာပေါတိ အဓိပ္ပါယော”တိ ဝုတ္တံ။ ကိဉ္ဇာပိ ဟိ  
 “ဓမ္မာဘိလာပေါ”တိ ဧတ္ထ အဘိလပ္ပတံ ဥစ္စာရိယတိတိ အဘိလာပေါတိ  
 သဒ္ဓေါ ဝုစ္စတိ၊ န ပဏ္ဏတ္တိ၊ တထာပိ သဒ္ဓေ ဝုစ္စမာနေ တဒနရူပံ  
 ဝေါဟာရံ ဂဟေတွာ တေန ဝေါဟာရေန ဒီပိတဿ အတ္ထဿ  
 ဇာနနတော သဒ္ဓေ ကထိတေ တဒနရူပါ ပဏ္ဏတ္တိပိ ကာရဏူပစာရေန  
 ကထိတာယေဝ ဟောတိ။ အပိစ “ဓမ္မာဘိလာပေါတိ အတ္ထော”တိ အဝတွာ  
 “ဓမ္မာဘိလာပေါတိ အဓိပ္ပါယော”တိ ဝုတ္တတ္တာ ဒေသနာ နာမ သဒ္ဓေါ န  
 ဟောတိတိ ဒီပိတမေဝ။ တေန ဟိ အဓိပ္ပါယမတ္တမေဝ မူလကာရဏသဒ္ဓ-  
 ဝသေန ကထိတံ၊ န ဣဓ ဂဟေတဗ္ဗော “ဒေသနာ”တိ ဧတဿ အတ္ထောတိ  
 အယံ ပညတ္တိဝါဒိနံ ဝါဒတော ဝိနိစ္ဆယော။ အတ္ထန္တရမာဟ “အနုလောမ။ပ။  
 ကထန”န္တိ၊ ဧတေန ဟေဋ္ဌာ ဝုတ္တံ ဒေသနာသမုဋ္ဌာပကံ စိတ္တုပ္ပါဒံ ဒဿေတိ။  
 ကထိယတိ အတ္ထော ဧဘေနာတိ ဟိ ကထနံ။ အာဒိသဒ္ဓေန နိတနေယျာဒိကာ  
 ပါဠိဂဘိယော၊ ကေတ္တာဒိနန္ဒိယာဝတ္တာဒိကာ ပါဠိနိဿိတာ စ နယာ  
 သင်္ဂဟိတာ။

သယမေဝ ပဋိဝိဇ္ဈတိ၊ ဧတေန ဝါ ပဋိဝိဇ္ဈန္တိတိ ပဋိဝေဓော၊ ဉာဏံ။  
 တဒေဝ အဘိသမေတိ၊ ဧတေန ဝါ အဘိသမေန္တိတိ အဘိသမယောတိပိ  
 ဝုစ္စတိ။ ဣဒါနိ တံ ပဋိဝေဓံ အဘိသမယပ္ပဘေဒတော၊ အဘိသမယာကာရတော၊  
 အာရမ္မဏတော၊ သဘာဝတော စ ပါကင်္ဂံ ကာတုံ “သော စာ”တိအာဒိ  
 ဝုတ္တံ။ တတ္ထ ဟိ လောကီယလောကုတ္တရောတိ ပဘေဒတော၊ ဝိသယတော၊  
 အသမ္မောဟတောတိ အာကာရတော၊ ဓမ္မေသု၊ အတ္ထေသု၊ ပညတ္တိသုတိ  
 အာရမ္မဏတော၊ အတ္တာနုရူပံ၊ ဓမ္မာနုရူပံ၊ ပညတ္တိပထာနုရူပန္တိ သဘာဝတော  
 စ ပါကင်္ဂံ ကရေတိ။ တတ္ထ ဝိသယတော အတ္တာဒိအနုရူပံ ဓမ္မာဒိသု အဝ-  
 ဗောဓော နာမ အဝိဇ္ဇာဒိဓမ္မာရမ္မဏော၊ သင်္ခါရာဒိအတ္တာရမ္မဏော၊ တဒုဘယ-  
 ပညာပနာရမ္မဏော စ လောကီယော အဘိသမယော။ အသမ္မောဟတော  
 အတ္တာဒိအနုရူပံ ဓမ္မာဒိသု အဝဗောဓော နာမ နိဗ္ဗာနာရမ္မဏော မဂ္ဂသမ္ပယုတ္တော  
 ယထာဝုတ္တဓမ္မတ္ထပညတ္တိသု သမ္မောဟဝိဒ္ဓိသနော လောကုတ္တရော အဘိ-  
 သမယော။ တထာ ဟိ “အယံ ဟေတု၊ ဣဒမဿ ဖလံ၊ အယံ တဒုဘယာနုရူပေါ  
 ဝေါဟာရော”တိ ဧဝံ အာရမ္မဏကာရဏဝသေန လောကီယဉာဏံ ဝိသယတော  
 ပဋိဝိဇ္ဈတိ၊ လောကုတ္တရဉာဏံ ပန တေသု ဟေတုဟေတုဖလာဒိသု သမ္မော-  
 ဟဿဉာဏေန သမုန္တိန္တတ္တာ အသမ္မောဟတော ပဋိဝိဇ္ဈတိ။ လောကုတ္တရောပန

ပဋိဝေဓော ဝိသယတော နိဗ္ဗာနဿ၊ အသမ္မောဟတော စ ဣတရဿာတိပိ  
ဝဒန္တိ ဧကေ။

အတ္ထာနုရူပံ ဓမ္မေသုတိ “အဝိဇ္ဇာ ဟေတု၊ သင်္ခါရာ ဟေတုသမုပ္ပန္နာ၊  
သင်္ခါရေ ဥပ္ပါဒေတိ အဝိဇ္ဇာ”တိ ဧဝံ ကာရိယာနုရူပံ ကာရဏေသုတိ  
အတ္ထော။ အထ ဝါ “ပုညာဘိသင်္ခါရအပုညာဘိသင်္ခါရအာနေဉ္ဇာဘိ-  
သင်္ခါရေသု တိသု အပုညာဘိသင်္ခါရဿ အဝိဇ္ဇာ သမ္ပယုတ္တပစ္စယော၊  
ဣတရေသံ ယထာနုရူပ”န္တိအာဒိနာ ကာရိယာနုရူပံ ကာရဏေသု ပဋိ-  
ဝေဓောတိပိ အတ္ထော။ ဓမ္မာနုရူပံ အတ္ထေသုတိ “အဝိဇ္ဇာပစ္စယာ သင်္ခါ-  
ရာ”တိအာဒိနာ ကာရဏာနုရူပံ ကာရိယေသု။ ဆဗ္ဗိဓာယ ပညတ္တိယာ  
ပထော ပညတ္တိပထော၊ တဿ အနုရူပံ တထာ၊ ပညတ္တိယာ ဝုစ္စမာနဓမ္မာနုရူပံ  
ပညတ္တိသု အဝဗောဓောတိ အတ္ထော။ အဘိသမယတော အညမ္ပိ ပဋိဝေ-  
ဓတ္ထံ ဒဿေတုံ “တေသ”န္တိအာဒိမာဟ။ ပဋိဝိဇ္ဈိယတိတိ ပဋိဝေဓောတိ  
ဟိ တံတံရူပါဒိဓမ္မာနံ အဝိပရိတသဘာဝေါ ဝုစ္စတိ။ တတ္ထ တတ္ထာတိ  
တသ္မိံ တသ္မိံ ပိဋကေ၊ ပါဠိပဒေသေ ဝါ။ သလက္ခဏသင်္ခါတောတိ ရူပန-  
နမနဗုဒ္ဓသနာဒိသကသကလက္ခဏသင်္ခါတော။

ယထာဝုတ္တေဟိ ဓမ္မာဒိဟိ ပိဋကနံ ဂမ္ဘီရဘာဝံ ဒဿေတုံ “ဣဒါနိ”တိ-  
အာဒိမာဟ။ ဓမ္မဇာတန္တိ ကာရဏပ္ပဘေဒေါ၊ ကာရဏမေဝ ဝါ။ အတ္ထဇာတန္တိ  
ကာရိယပ္ပဘေဒေါ၊ ကာရိယမေဝ ဝါ။ ယာ စာယံ ဒေသနာတိ သမ္ပန္နော။  
တဒတ္ထဝိဇာနနဝသေန အဘိမုခေါ ဟောတိ။ ယော စေတ္တာတိ ယော  
ဧတာသု တံတံပိဋကာဂတာသု ဓမ္မတ္ထဒေသနာသု ပဋိဝေဓော၊ ယော စ  
ဧတေသု ပိဋကေသု တေသံ တေသံ ဓမ္မာနံ အဝိပရိတသဘာဝေါတိ အတ္ထော။  
သမ္ဘရိတဗ္ဗတော ကုသလမေဝ သမ္ဘာရော၊ သော သမ္မာ အနုပစိတော  
ယေဟိ တေ အနုပစိတကုသလသမ္ဘာရော၊ တတောဝ ဒုပ္ပညေဟိ၊ နိပ္ပညေဟိတိ  
အတ္ထော။ န ဟိ ပညဝတော၊ ပညာယ ဝါ ဒုဠာဘာဝေါ ဒုသိတဘာဝေါ စ  
သမ္ဘဝတိတိ နိပ္ပညတ္တာယေဝ ဒုပ္ပညာယထာ “ဒုဿီလော”တိ။ ဧတ္ထ စ အဝိဇ္ဇာ-  
သင်္ခါရာဒိနံ ဓမ္မတ္တာနံ ဒုပ္ပဋိဝိဇ္ဈတယ ဒုက္ခောဂါဟတာ၊ တေသံ ပညာ-  
ပနဿ ဒုက္ခရဘာဝတော တံဒေသနာယ၊ အဘိသမယသင်္ခါတဿ ပဋိဝေဓဿ  
ဥပ္ပါဒနဝိသယိကရဏာနံ အသက္ကုဏေယျတ္တာ၊ အဝိပရိတသဘာဝသင်္ခါတဿ  
ပဋိဝေဓဿ ဒုပ္ပိညေယျတယ ဒုက္ခောဂါဟတာ ဝေဒိတဗ္ဗာ။ ဧဝမ္ပိတိ ဝိ-သဒ္ဓေါ

၁-မ ၃-၁၀၉၊ သံ ၁-၂၄၃၊ ခု ၁-၇၇၊ အဘိ ၂-၁၄၂-ပိဋ္ဌာဒိသု။

၂-အံ ၂-၂၂၊ အံ ၃-၃၆၇၊ ဝိ ၁-၁၁၆၊ ခု ၁-၅၇-ပိဋ္ဌေသု။

ပုဗ္ဗေ ဝုတ္တံ ပကာရန္တရံ သမ္ပိဏ္ဍေတိ။ ဧဝံ ပဌမဂါထာယ အနုနံ ပရိပုဏ္ဏံ ပရိဒီပိတတ္ထဘာဝံ ဒဿေန္တော “**ဧတ္တာဝတာ**”တိအာဒိမာဟ။ “သိဒ္ဓေ ဟိ သဏ္ဍာရမ္ဘော အတ္တန္တရဝိညာပနာယ ဝါ ဟောတိ၊ နိယမာယ ဝါ”တိ<sup>၁</sup> ဣမိနာ ပုနာရန္တဝစနေန အနုနံ ပရိပုဏ္ဏံ ပရိဒီပိတတ္ထဘာဝံ ဒဿေတိ။ **ဧတ္တာဝတာ**တိ ပရိစ္ဆေဒတ္ထေ နိပါတော၊ ဧတ္တကေန ဝစနက္ကမေနာတိ အတ္ထော။ ဧတံ ဝါ ပရိမာဏံ ယဿာတိ **ဧတ္တာဝံ**၊ တေန၊ ဧတပရိမာဏဝတာ သဒ္ဓတ္တက္ကမေနာတိ အတ္ထော။ “သဒ္ဓေ ဟိ ဝုတ္တေ တဒတ္ထောပိ ဝုတ္တောယေဝ နာမာ”တိ<sup>၂</sup> ဝဒန္တိ။ ဝုတ္တော သံဝဏ္ဏိတော အတ္ထော ယဿာတိ **ဝုတ္တတ္တာ**။

**ဧတ္တာ**တိ ဧတိဿာ ဂါထာယ။ ဧဝံ အတ္ထော၊ ဝိနိစ္ဆယောတိ ဝါ သေသော။ **တိသု ပိဋကေသု**တိ ဧတ္ထ “**ဧကေကသ္မိ**”န္တိ အဓိကာရတော၊ ပကရဏတော ဝါ ဝေဒိတဗ္ဗံ။ “**ဧကမေကသ္မိဉ္ဇေတ္တာ**”တိ<sup>၃</sup> ဟိ ဟေဋ္ဌာ ဝုတ္တံ။ အထ ဝါ ဝတ္ထိန္ဒာ-နုပုဗ္ဗိကတ္တာ သဒ္ဓပဋိပတ္တိယာ နိဒ္ဒါရဏမိမ အဝတ္ထုကာမေန အာဓာရေယေဝ ဝုတ္တော။ န စေတ္ထ စောဒေတဗ္ဗံ “**တိသုယေဝ ပိဋကေသု တိဝိဓော ပရိယတ္တိ-ဘေဒေါ ဒဋ္ဌဗ္ဗော သိယာ**”တိ သမုဒါယဝသေန ဝုတ္တဿာပိ ဝါကျဿ အဝယဝါဝိပ္ပယသမ္ဘဝတော။ ဒိဿတိ ဟိ အဝယဝဝါကျနိပ္ပတ္တိ “**ဗြာဟ္မဏာ-ဒယော ဘုဉ္ဇန္တ**”တိအာဒိသု၊ တသ္မာ အလမတိပပဉ္စေန။ ယထာ အတ္ထော န ဝိရုဇ္ဈတိ၊ တထာယေဝ ဂဟေတဗ္ဗောတိ။ ဧဝံ သဗ္ဗတ္ထ။ **ပရိယတ္တိဘေဒေါ**တိ ပရိယာပုဏနံ **ပရိယတ္တိ**။ ပရိယာပုဏနဝါစကော ဟေတ္ထ ပရိယတ္တိသဒ္ဓေါ၊ န ပန ပါဠိပရိယာယော၊ တသ္မာ ပရိယာပုဏနပ္ပကာရောတိ အတ္ထော။ အထ ဝါတိဟိ ပကာရေဟိ ပရိယာပုဏိတဗ္ဗာ ပါဠိယော ဧဝံ “**ပရိယတ္တိ**”တိ ဝုစ္စန္တိ။ တထာ စေဝ အဘိဓမ္မဋ္ဌကထာယ သိဟဋ္ဌဂဏ္ဌိပဒေ ဝုတ္တန္တိ ဝဒန္တိ။ ဧဝမိ ဟိ အလဂဒ္ဓု-ပမာပရိယာပုဏနယောဂတော “**အလဂဒ္ဓုပမာ ပရိယတ္တိ**”တိ ပါဠိပိ သက္ကာ ဝတ္ထု။ ဧဝဉ္စ ကတွာ “**ဒုဂ္ဂဟိတာ ဥပါရန္တာဒိဟေတု ပရိယာပုဋ္ဌာ အလဂဒ္ဓု-ပမာ**”တိ ပရတော နိဒ္ဓေသဝစနမ္ပိ ဥပပန္နံ ဟောတိ။ တတ္ထ ဟိ ပါဠိယေဝ “**ဒုဂ္ဂဟိတာ၊ ပရိယာပုဋ္ဌာ**”တိ စ ဝတ္ထု ယုတ္တာ။

အလဂဒ္ဓေါ အလဂဒ္ဓဂ္ဂဟဏံ ဥပမာ ဧတိဿာတိ **အလဂဒ္ဓုပမာ**။ အလဂဒ္ဓဿ ဂဟဏဉ္ဇေတ္ထ အလဂဒ္ဓသဒ္ဓေန ဝုတ္တန္တိ ဒဋ္ဌဗ္ဗံ။ အာပူပိကောတိ ဧတ္ထ အာပူပ-သဒ္ဓေန အာပူပခါဒနံ ဝိယ၊ ဝေဏိကောတိ ဧတ္ထ ဝိဏာ-သဒ္ဓေန ဝိဏာဝါဒနဂ္ဂဟဏံ ဝိယ စ။ အလဂဒ္ဓဂ္ဂဟဏေန ဟိ ပရိယတ္တိ

၁-မုခမတ္တဒီပနိယံ နာမကပ္ပေ စတုတ္ထပရိစ္ဆေဒေ-၂၄၅-သုတ္တံ ပဿိတဗ္ဗံ။

၂-သာရတ္ထ-ဦး ၁-၇၉-ပိဋေ။

၃-ဒီ-၆ ၁-၂၀-ပိဋေ။

ဥပဓိယတိ၊ န အလဂဒ္ဓေန။ “အလဂဒ္ဓဂ္ဂဟဏူပမာ”တိ ဝါ ဝတ္တဗ္ဗေ မဇ္ဈေပဒလောပံ ကတွာ “အလဂဒ္ဓူပမာ”တိ ဝုတ္တံ “ဩဠမုခေါ”တိအာဒိသု ဝိယ။ အလဂဒ္ဓေါတိ စ အာသီဝိသော ဝုစ္စတိ။ ဂဒေါတိ ဟိ ဝိသဿ နာမံ၊ တဉ္စ တဿ အလံ ပရိပုဏ္ဏံ အတ္ထိ၊ တသ္မာ အလံ ပရိယတ္တော ပရိပုဏ္ဏော ဂဒေါ အဿာတိ **အလဂဒ္ဓေါ** အနုနာသိကလောပံ၊ ဒ-ကာရာဂမဉ္စ ကတွာ၊ အလံ ဝါ ဇီဝိတဟရဏေ သမတ္တော ဂဒေါ ယဿာတိ **အလဂဒ္ဓေါ** ဝုတ္တနယေန။ ဝဋ္ဋဒုက္ခတော နိဿရဏံ အတ္တော ပယောဇနမေတိဿာတိ **နိဿရဏတ္တာ**။ ဘဏ္ဍာဂါရေ နိယုတ္တော **ဘဏ္ဍာဂါရိကော**၊ ရာဇရတနာ- နုပါလကော၊ သော ဝိယာတိ တထာ၊ ဓမ္မရတနာနုပါလကော ဒီဏာသဝေါ။ အညမတ္ထမနပေက္ခိတွာ ဘဏ္ဍာဂါရိကဿေဝ သတော ပရိယတ္တိ **ဘဏ္ဍာ- ဂါရိကပရိယတ္တိ**။

ဒုဂ္ဂဟိတာတိ ဒုဠ ဂဟိတာ။ တဒေဝ သရူပတော နိယမေတုံ “ဥပါရန္တာဒိဟေတု ပရိယာပုဋ္ဌာ”တိ အာဟ၊ ဥပါရန္တုဇ္ဈတိဝါဒပ္ပမောက္ခာ- ဒိဟေတု ဥဂ္ဂဟိတာတိ အတ္တော။ လာဘသက္ကာရာဒိဟေတု ပရိယာ- ပုဏနမ္ပိ ဧတ္ထေဝ သင်္ဂဟိတန္တိ ဒဠဗ္ဗံ။ ဝုတ္တဉ္စေတံ **အလဂဒ္ဓသုတ္တန္တကထာယံ**—

“ယော ဗုဒ္ဓဝစနံ ဥဂ္ဂဟေတွာ ‘ဧဝံ စိဝရာဒိနိ ဝါ လဘိဿာမိ၊ စတုပရိသမဇ္ဈေ ဝါ မံ ဇာနိဿန္တိ’တိ လာဘသက္ကာရဟေတု ပရိယာပုဏာတိ၊ တဿ သာ ပရိယတ္တိ **အလဂဒ္ဓပရိယတ္တိ** နာမ။ ဧဝံ ပရိယာပုဏနတော ဟိ ဗုဒ္ဓဝစနံ အပရိယာပုဏိတွာ နိဒ္ဒေါက္ကမနံ ဝရတရ”န္တိ။

နန စ အလဂဒ္ဓဂ္ဂဟဏူပမာ ပရိယတ္တိ “အလဂဒ္ဓူပမာ”တိ ဝုစ္စတိ၊ ဧဝဉ္စ သတိ သုဂ္ဂဟိတာပိ ပရိယတ္တိ “အလဂဒ္ဓူပမာ”တိ ဝတ္တံ၊ ဝဋ္ဋတိ တတ္ထာပိ အလဂဒ္ဓဂ္ဂဟဏဿ ဥပမာဘာဝေန ပါဠိယံ ဝုတ္တတ္တာ။ ဝုတ္တဉ္စေတံ—

“သေယျထာပိ ဘိက္ခဝေ ပုရိသော အလဂဒ္ဓတ္ထိကော အလဂဒ္ဓဂ- ဝေသီ အလဂဒ္ဓပရိယေသနံ စရမာနော၊ သော ပသေယျ မဟန္တံ အလဂဒ္ဓံ၊ တမေနံ အဇပဒေန ဒဏ္ဍေန သုနိဂ္ဂဟိတံ နိဂ္ဂဏှေယျ၊ အဇပဒေန ဒဏ္ဍေန သုနိဂ္ဂဟိတံ နိဂ္ဂဟိတွာ ဂိဝါယ သုဂ္ဂဟိတံ ဂဏှေယျ။ ကိဉ္စာပိ သော ဘိက္ခဝေ အလဂဒ္ဓေါ တဿ ပုရိသဿ ဟတ္ထံ ဝါ ဗာဟံ ဝါ အညတရံ ဝါ အင်္ဂပစ္စင်္ဂံ ဘောဂေဟိ ပလိဝေ-

ဌေယျ။ အထ ခေါသော နေဝ တတောနိဒါနံ မရဏံ ဝါ နိဂစ္ဆေယျ မရဏမတ္တံ ဝါ ဒုက္ခံ။ တံ ကိဿ ဟေတု၊ သုဂ္ဂဟိတတ္တာ ဘိက္ခဝေ အလဂဒ္ဓဿ။ ဧဝမေဝ ခေါ ဘိက္ခဝေ ဣဓေကစွေ ကုလပုတ္တာ ဓမ္မံ ပရိယာပုဏန္တိ သုတ္တံ ဂေယျ”န္တိအာဒိ”။

တသ္မာ ဣဓ ဒုဂ္ဂဟိတာ ဧဝ ပရိယတ္တိ အလဂဒ္ဓပမာတိ အယံ ဝိသေသော ကုတော ဝိညာယတိ၊ ယေန ဒုဂ္ဂဟိတာ ဥပါရမ္ဘာဒိဟေတု ပရိယာပုဋ္ဌာ “အလဂဒ္ဓပမာ”တိ ဝုစ္စတိတိ? သစ္စမေတံ၊ ဣဒံ ပန ပါရိသေသဉာယေန ဝုတ္တန္တိ ဒဋ္ဌဗ္ဗံ။ တထာ ဟိ နိဿရဏတ္တဘဏ္ဍာဂါရိကပရိယတ္တိနံ ဝိသု ဂဟိတတ္တာ ပါရိသေသတော အလဂဒ္ဓဿ ဒုဂ္ဂဟဏူပမာယေဝ ပရိယတ္တိ “အလဂဒ္ဓပမာ”တိ ဝိညာယတိ။ အလဂဒ္ဓဿ သုဂ္ဂဟဏူပမာ ဟိ ပရိယတ္တိ နိဿရဏတ္တာ ဝါ ဟောတိ၊ ဘဏ္ဍာဂါရိကပရိယတ္တိ ဝါ။ တသ္မာ သုဝုတ္တမေတံ “ဒုဂ္ဂဟိတာ။ပ။ ပရိယတ္တိ”တိ။ ဣဒါနိ တမတ္တံ ပါဠိယာ သာဓေန္တော “ယံ သန္ဓာယာ”တိအာဒိမာဟ။ တတ္ထ ယန္တိ ယံ ပရိယတ္တိဒုဂ္ဂဟဏံ။ မဇ္ဈိမနိကာယေ မူလပဏ္ဏာသကေ အလဂဒ္ဓသုတ္တေ ဘဂဝတာ ဝုတ္တံ။

အလဂဒ္ဓတ္တိကောတိ အာသီဝိသေန၊ အာသီဝိသံ ဝါ အတ္တိကော။ အလဂဒ္ဓံ ဂဝေသတိ ပရိယေသတိ သီလေနာတိ အလဂဒ္ဓဂဝေသီ။ အလဂဒ္ဓပရိယေသနံ စရမာနောတိ အာသီဝိသပရိယေသနတ္တံ စရမာနော။ တဒတ္ထေ ဟေတံ ပစ္စတ္တဝစနံ၊ ဥပယောဂဝစနံ ဝါ၊ အလဂဒ္ဓပရိယေသနဋ္ဌာနံ ဝါ စရမာနော။ အလဂဒ္ဓံ ပရိယေသန္တိ ဧတ္တာတိ ဟိ အလဂဒ္ဓပရိယေသနံ။ တမေနန္တိ တံ အလဂဒ္ဓံ။ ဧဘာဂေတိ သရီရေ။ “ဘောဂေါ တု ဇဏိနော တနူ”တိ ဟိ ဝုတ္တံ။ ဘုဇိယတိ ကုဋိလံ ကရိယတိတိ ဧဘာဂေါ။ တဿာတိ ပုရိသဿ။ ဟတ္ထေ ဝါ ဗာဟာယဝါတိ သမ္ပန္နော။ မဏိဗန္ဓတော ပဋ္ဌာယ ယာဝ အဂ္ဂနခါ ဟတ္ထော။ သဒ္ဓိံ အဂ္ဂဗာဟာယ အဝသေသာ ဗာဟာ၊ ကတ္ထမိ ပန ကပ္ပရတော ပဋ္ဌာယ ယာဝ အဂ္ဂနခါ “ဟတ္ထော”တိ ဝုတ္တံ ဗာဟာယ ဝိသု အနာဂတတ္တာ။ ဝုတ္တလက္ခဏံ ဟတ္ထဉ္စ ဗာဟဉ္စ ဌပေတွာ အဝသေသံ သရီရံ အင်္ဂပစ္စင်္ဂံ။ တတောနိဒါနန္တိ တန္တိဒါနံ၊ တံကာရဏာတိ အတ္ထော။ တံ ဟတ္တာဒိသု ခံသနံ နိဒါနံ ကာရဏံ ဧတဿာတိ “တန္တိဒါန”န္တိ ဟိ ဝတ္ထဗေဗ္ဗ “တတောနိဒါန”န္တိ ပုရိမပဒေ ပစ္စတ္တတ္ထေ နိဿက္ကဝစနံ ကတွာ၊ တဿ စ လောပမကတွာ နိဒ္ဒေသော၊ ဟေတွတ္ထေ စ ပစ္စတ္တဝစနံ။ ကာရဏတ္ထေ နိပါတပဒမေတန္တိပိ ဝဒန္တိ။ အပိစ “တတောနိဒါန”န္တိ ဧတံ “မရဏံ ဝါ မရဏမတ္တံ ဝါ ဒုက္ခ”န္တိ ဧတ္ထ ဝုတ္တနယေန ဝိသေသနံ။

တံ ကိဿ ဟေတုတိ ယံ ဝုတ္တံ ဟတ္ထာဒိသု ခံသနံ၊ တန္တိဒါနဉ္စ မရဏာဒိ-  
ဥပဂမနံ၊ တံ ကိဿ ဟေတု ကေန ကာရဏေနာတိ စေ? တဿ ပုရိသဿ  
အလဂဒ္ဓဿ ဒုဂ္ဂဟိတတ္ထာ။

ဣဓာတိ ဣမသ္မိံ သာသနေ။ မောဃပုရိသတိ ဂုဏသာရရဟိတတာယ  
တုစ္ဆပုရိသာ။ ဓမ္မန္တိ ပါဠိဓမ္မံ။ ပရိယာပုဏန္တိတိ ဥဂ္ဂဏန္တိ၊ သဇ္ဈာယန္တိ  
စေဝ ဝါစုဂ္ဂတံ ကရေန္တာ ဓာရေန္တိ စာတိ ဝုတ္တံ ဟောတိ။ “ဓမ္မ”န္တိ  
သာမညတော ဝုတ္တမေဝ သရူပေန ဒဿေတိ “သုတ္တ”န္တိအာဒိနာ။ န ဟိ  
သုတ္တာဒိနဝဂ်တော အညော ဓမ္မော နာမ အတ္ထိ။ တထာ ဟိ ဝုတ္တံ  
“တေသံ ဓမ္မာန”န္တိ။ အတ္တန္တိ စေတ္ထ သမ္ပန္နိနိဒ္ဒေသော ဒေသော၊ အတ္တန္တိ စ  
ယထာဘူတံ ဘာသိတတ္ထံ၊ ပယောဇနတ္ထဉ္စ သာမညနိဒ္ဒေသေန၊ ဧကသေသ-  
နယေန ဝါ ဝုတ္တံ။ ယဉ္စိ ပဒံ သုတိသာမညေန အနေကဓာ အတ္ထံ ဒီပေတိ၊ တံ  
သာမညနိဒ္ဒေသေန၊ ဧကသေသနယေန ဝါတိ သဗ္ဗတ္ထ ဝေဒိတဗ္ဗံ။ န  
ဥပပရိက္ခန္တိတိ န ပရိဂ္ဂဏန္တိ န ဝိစာရေန္တိ။ ဣက္ခသဒ္ဓဿ ဟိ ဒဿနဏေသု ဣဓ  
ဒဿနမေဝ အတ္ထော၊ တဿ စ ပရိဂ္ဂဏနစက္ခုလောစနေသု ပရိဂ္ဂဏနမေဝ၊  
တဉ္စ ဝိစာရဏာပရိယာဒါနဝသေန ဒုဗ္ဗိဓေသု ဝိစာရဏာယေဝ၊ သာ စ  
ဝိမံသာယေဝ၊ န ဝိစာရော၊ ဝိမံသာ စ နာမေသာ ဘာသိတတ္ထဝိမံသာ၊  
ပယောဇနတ္ထဝိမံသာ စာတိဣဓ ဒုဗ္ဗိဓာဝ အဓိပ္ပေတာ၊ တာသု “ဣမသ္မိံ ဌာနေ  
သီလံ ကထိတံ၊ ဣမသ္မိံ သမာဓိ၊ ဣမသ္မိံ ပညာ၊ မယဉ္စ တံ ပူရေဿာမာ”တိ  
ဧဝံ ဘာသိတတ္ထဝိမံသဉ္စေဝ “သီလံ သမာဓိဿ ကာရဏံ၊ သမာဓိ ဝိပဿနာ-  
ယာ”တိအာဒိနာ ပယောဇနတ္ထဝိမံသဉ္စ န ကရေန္တိတိ အတ္ထော။ အနုပ-  
ပရိက္ခန္တိ အနုပပရိက္ခန္တာနံ တေသံ မောဃပုရိသာနံ။ န နိဇ္ဈာနက္ခမန္တိတိ  
နိဇ္ဈာနံ နိဿေသေန ပေက္ခနံ ပညံ န ခမန္တိ။ ဈေ-သဒ္ဓေါ ဟိ ဣဓ ပေက္ခနေယေဝ၊  
န စိန္တနဈာပနေသု၊ တဉ္စ ဉာဏပေက္ခနမေဝ၊ န စက္ခုပေက္ခနံ၊ အာရမ္မဏူပ-  
နိဇ္ဈာနမေဝ ဝါ၊ န လက္ခဏူပနိဇ္ဈာနံ၊ တသ္မာ ပညာယ ဒိသ္မာ ရောစေတွာ ဂဟေ-  
တဗ္ဗာန ဟောန္တိတိ အဓိပ္ပါယော ဝေဒိတဗ္ဗော။ နိဿေသေန ဈာယတေ ပေက္ခ-  
တေတိ ဟိ နိဇ္ဈာနံ။ သန္တိဝသေန အနုသ္မာရလောပေါနိဇ္ဈာနက္ခမန္တိတိ၊ “နိဇ္ဈာနံ  
ခမန္တိ”တိဝိ ပါဠော၊ တေန ဣမမတ္ထံ ဒီပေတိ “တေသံ ပညာယ အတ္ထဿ  
အနုပပရိက္ခန္တတော တေ ဓမ္မာ န ဥပဋ္ဌဟန္တိ၊ ဣမသ္မိံ ဌာနေ သီလံ၊ သမာဓိ၊  
ဝိပဿနာ၊ မဂ္ဂေါ၊ ဝဇ္ဇံ၊ ဝိဝဇ္ဇံ ကထိတန္တိ ဧဝံ ဇာနိတုံ န သက္ကာ ဟောန္တိ”တိ။

ဥပါရုက္ခာနိသံသာ စေဝါတိ ပရေသံ ဝါဒေ ဒေါသာရောပနာနိသံသာ စ  
ဟုတွာ။ ဘုသော အာရုက္ခနဉ္စိ ပရေသံ ဝါဒေ ဒေါသာရောပနံ ဥပါရုက္ခာ၊

ပရိယတ္တိ° နိဿာယ ပရဝတ္ထနန္တိ ဝုတ္တံ ဟောတိ။ တထာ ဟေသ “ပရဝဇ္ဇာနုပ-  
နယနလက္ခဏော”တိ ဝုတ္တော။ **ဣတိဝါဒပ္ပမောက္ခာနိသံသာ စာတိ** ဣတိ ဧဝံ  
တောယ ပရိယတ္တိယာ ဝါဒပ္ပမောက္ခာနိသံသာ အတ္တနော ဥပရိ ပရေဟိ  
အာရောပိတဿ ဝါဒဿ နိဂ္ဂဟဿ အတ္တတော၊ သကဝါဒတော ဝါပမောက္ခ-  
ပယောဇနာ စ ဟုတွာ။ **ဣတိသဒ္ဓေါ** ဣဒမတ္ထေ၊ တေန “ပရိယာပုဏန္တိ”တိ ဧတ္ထ  
ပရိယာပုဏနံ ပရာမသတိ။ ဝဒန္တိ နိဂ္ဂဏ္ဍန္တိ ဧတေနာတိ **ဝါဒေါ**၊ ဒေါသော၊  
ပမုစ္စနံ၊ ပမုစ္စာပနံ ဝါ **ပမောက္ခော**၊ အတ္တနော ဥပရိ အာရောပိတဿ  
ပမောက္ခော အာနိသံသော ယေသံ တထာ။ အာရောပိတဝါဒေါဟိ “ဝါဒေါ”တိ  
ဝုတ္တော ယထာ “ဒေဝေန ဒတ္တော ဒတ္တော”တိ။ **ဝါဒေါ**တိ ဝါ ဥပဝါဒေါ နိန္ဒာ  
ယထာဝုတ္တနယေနော သမာသော။ ဣဒံ ဝုတ္တံ ဟောတိ— ပရေဟိ သကဝါဒေ  
ဒေါသေ အာရောပိတေ၊ နိန္ဒာယ ဝါ အာရောပိတာယ တံ ဒေါသံ၊ နိန္ဒံ ဝါ ဧဝဉ္စ  
ဧဝဉ္စ မောစေဿာမာတိ ဣမိနာ စ ကာရဏေန ပရိယာပုဏန္တိတိ။ အထ ဝါ  
သော သော ဝါဒေါ **ဣတိဝါဒေါ** ဣတိ-သဒ္ဓဿ သဟ ဝိစ္ဆာယ တ-သဒ္ဓတ္ထေ  
ပဝတ္တတ္တာ။ ဣတိဝါဒဿ ပမောက္ခော ယထာဝုတ္တနယေန၊ သော အာနိသံသော  
ယေသံ တထာ၊ တံတံဝါဒပမောစနာနိသံသာ ဟုတွာတိ အတ္တော။ **ယဿ**  
**စတ္တာယာ**တိ ယဿ စ သီလာဒိပူရဏဿ၊ မဂ္ဂဖလနိဗ္ဗာနဘူတဿ ဝါ အနုပါ-  
ဒါဝိမောက္ခဿ အတ္တာယ။ အဘေဒေပိ ဘေဒဝေါဟာရော ဧသော ယထာ  
“ပဋိမာယ သရီရ”န္တိ၊ ဘေဒဘေဒကံ ဝါ ဧတံ ယထာ “ကထိနဿတ္တာယ  
အာဘတံ ဒုဿ”န္တိ။ “တဉ္ဇဿ အတ္ထ”န္တိ ဟိ ဝုတ္တံ။ **စ-သဒ္ဓေါ** အဝဓာရဏေ၊  
တေန တဒတ္တာယ ဧဝ ပရိယာပုဏနံ သမ္ဘဝတိ၊ နာညတ္တာယာတိ ဝိနိစ္ဆိနောတိ။  
**ဓမ္မံ ပရိယာပုဏန္တိ**တိ ဟိ ဇာတိအာစာရဝသေန ဒုဝိဓာပိ ကုလပုတ္တာ  
ဉာယေန ဓမ္မံ ပရိယာပုဏန္တိတိ အတ္တော။ **တဉ္ဇဿ အတ္ထံ နာနုဘော**န္တိတိ  
အဿ ဓမ္မဿ သီလာဒိပူရဏသင်္ဂါတံ၊ မဂ္ဂဖလနိဗ္ဗာနဘူတံ ဝါ အနုပါဒါ-  
ဝိမောက္ခသင်္ဂါတံ အတ္ထံ ဧတေ ဒုဂ္ဂဟိတဂါဟိနော နာနုဘောန္တိ န  
ဝိန္ဒန္တိယေဝ။

အပရော နယော—ယဿ ဥပါရမ္ဘဿ၊ ဣတိဝါဒပ္ပမောက္ခဿ ဝါ အတ္တာယ  
ယေ မောဿပုရိသာ ဓမ္မံ ပရိယာပုဏန္တိ၊ တေ ပရေဟိ “အယမတ္ထော န  
ဟောတိ”တိ ဝုတ္တေ ဒုဂ္ဂဟိတတ္တာယေဝ “တဒတ္ထောဝ ဟောတိ”တိ ပဋိပါဒ-  
နက္ခမာ န ဟောန္တိ၊ တသ္မာ ပရဿ ဝါဒေ ဥပါရမ္ဘံ အာရောပေတံ၊ အတ္တနော  
ဝါဒံ ပမောစေတုဉ္စ အသက္ခောန္တာပိ တံ အတ္ထံ နာနုဘောန္တိ စ န ဝိန္ဒန္တိယေ-  
ဝါတိ ဧဝမေတ္ထ အတ္ထော ဒဋ္ဌဗ္ဗော။ ဣဓာပိ ဟိ စ-သဒ္ဓေါ အဝဓာရဏတ္ထောဝ။

“တေသ”န္တိအာဒိသု တေသံ တေ ဓမ္မာ ဒုဂ္ဂဟိတတ္တာ ဥပါရမ္ဘမာနဒဗ္ဗမက္ခ-  
 ပလာသာဒိဟေတုဘာဝေန ဒီဃရတ္တံ အဟိတာယ ဒုက္ခာယ သံဝတ္တန္တိတိ  
 အတ္ထော။ ဒုဂ္ဂဟိတတိဟိ ဟေတုဂဟ္တဝစနံ။ တေနာဟ “ဒုဂ္ဂဟိတတ္တာ ဘိက္ခဝေ  
 ဓမ္မာန”န္တိ။ ဧတ္ထ စ ကာရဏေ ဖလဝေါဟာရဝသေန “တေ ဓမ္မာ အဟိတာယ  
 ဒုက္ခာယ သံဝတ္တန္တိ”တိ ဝုတ္တံ ယထာ “ဃတမာယု, ဒမိ ဗလ”န္တိ။ တထာ  
 ဟိ ကိဉ္ဇာပိ န တေ ဓမ္မာ အဟိတာယ ဒုက္ခာယ သံဝတ္တန္တိ၊ တထာပိ  
 ဝုတ္တနယေန ပရိယာပုဏန္တာနံ သဇ္ဈာယနကာလေ, ဝိဝါဒကာလေ စ တမ္ဗူလ-  
 ကာနံ ဥပါရမ္ဘဒီနံ အနေကေသံ အကုသလာနံ ဥပ္ပတ္တိသမ္ဘဝတော “တေ။ပ။  
 သံဝတ္တန္တိ”တိ ဝုစ္စတိ။ တံ ကိဿ ဟေတူတိ ဧတ္ထ တန္တိ ယထာဝုတ္တဿတ္တဿ  
 အနနဘဝနံ, တေသဉ္စ ဓမ္မာနံ အဟိတာယ ဒုက္ခာယ သံဝတ္တနံ ပရာမသတိ။  
 ကိဿာတိ သာမိဝစနံ ဟေတုတ္ထေ၊ တထာ ဟေတူတိ ပစ္စတ္တဝစနဉ္စ။

ယာ ပနာတိ ဧတ္ထ ကိရိယာ ပါဠိဝသေန ဝုတ္တနယေန အတ္ထော ဝေဒိတဗ္ဗော။  
 တတ္ထ ကိရိယာပက္ခေ ယာ သုဂ္ဂဟိတတိ အဘေဒေပိ ဘေဒဝေါဟာရော  
 “စာရိကံ ပက္ခမတိ, စာရိကံ စရမာနော”တိအာဒိသု? ဝိယ။ တဒေဝတ္ထံ ဝိဝရတိ  
 “သီလက္ခန္ဓာဒီ”တိအာဒိနာ၊ အာဒိသဒ္ဓေန စေတ္ထ သမာဓိဝိပဿနာဒီနံ သင်္ဂ-  
 ဟော။ ယော ဟိ ဗုဒ္ဓဝစနံ ဥဂ္ဂဟိတော သီလဿ အာဂတဋ္ဌာနေ သီလံ ပူရေ-  
 တော, သမာဓိနော အာဂတဋ္ဌာနေ သမာဓိံ ဂဟ္တံ ဂဏှာပေတွာ, ဝိပဿနာယ  
 အာဂတဋ္ဌာနေ ဝိပဿနံ ပဋ္ဌပေတွာ, မဂ္ဂဖလာနံ အာဂတဋ္ဌာနေ “မဂ္ဂံ  
 ဘာဝေဿံမိ၊ ဖလံ သစ္စိကရိဿံမိ”တိ ဥဂ္ဂဏှာတိ၊ တဿေဝ သာ ပရိယတ္တိ  
 နိဿရဏတ္တာ နာမ ဟောတိ။ ယန္တိ ယံ ပရိယတ္တိသုဂ္ဂဟဏံ။ ဝုတ္တံ အလဂဒ္ဓ-  
 သုတ္ထေ။ ဒီဃရတ္တံ ‘ဟိတာယ သုခါယ သံဝတ္တန္တိ’တိ သီလာဒီနံ အာဂတဋ္ဌာနေ  
 သီလာဒီနိ ပူရေန္တာနမ္ပိ အရဟတ္တံ ပတွာ ပရိသမဇ္ဈေ ဓမ္မံ ဒေသေတွာ ဓမ္မ-  
 ဒေသနာယ ပသန္ဓေဟိ ဥပနိတေ စတ္တာရော ပစ္စယေ ပရိဘုဉ္ဇန္တာနမ္ပိ ပရေသံ  
 ဝါဒေ သဟဓမ္မေန ဥပါရမ္ဘံ အာရောပေန္တာနမ္ပိ သကဝါဒတော ပရေဟိ  
 အာရောပိတဒေါသံ ပရိဟရန္တာနမ္ပိ ဒီဃရတ္တံ ဟိတာယ သုခါယ သံဝတ္တန္တိတိ  
 အတ္ထော။ တထာ ဟိ န ကေဝလံ သုဂ္ဂဟိတပရိယတ္တိံ နိဿာယ မဂ္ဂဘာဝနာ-  
 ဖလသစ္စိကိရိယာဒီနိယေဝ၊ အပိ တု ပရဝါဒနိဂ္ဂဟသကဝါဒပတိဋ္ဌာပနာနိပိ  
 ဣဇ္ဈန္တိ။ တထာ စ ဝုတ္တံ ပရိနိဗ္ဗာနသုတ္တာဒိသု “ဥပ္ပန္နံ ပရပ္ပဝါဒံ သဟဓမ္မေန  
 သုနိဂ္ဂဟိတံ နိဂ္ဂဟေတွာ သပ္ပါင်္ဂဟာရိယံ ဓမ္မံ ဒေသေဿန္တိ”တိအာဒိ ၄။

၁-မ ၁-၁၈၆-ပိဋေ။	၂-ဝိ ၁-၂၁၉-ပိဋေ။
၃-ဒီ ၁-၈၂၊ ၁၀၄-ပိဋေသု။	၄-ဒီ ၂-၈၇-ပိဋေ။

ယံ ပနာတိ ဧတ္ထာပိ ဝုတ္တနယေန ဒုဝိဓေန အတ္ထော။ ဒုက္ခပရိဇာနနေန ပရိညာတက္ခန္ဓော။ သမုဒယပ္ပဟာနေန ပဟိနကိလေသော။ ပဋိဝိဒ္ဓါရဟတ္တ-  
 ဖလတာယ ပဋိဝိဒ္ဓါကုပ္ပေါ။ အကုပ္ပန္တိ စ အရဟတ္တဖလသေတံ နာမံ။  
 သတိပိ ဟိ စတုန္တံ မဂ္ဂါနံ၊ စတုန္တု ဖလာနံ အဝိနဿနဘာဝေ သတ္တန္တံ သေက္ခာနံ  
 သကသကနာမပရိစ္စာဂေန ဥပရူပရိ နာမန္တရပ္ပတ္တိတော တေသံ မဂ္ဂဖလာနိ  
 “အကုပ္ပါနိ”တိ န ဝုစ္စန္တိ။ အရဟာ ပန သဗ္ဗဒါပိ အရဟာယေဝ နာမာတိ  
 တဿေဝ ဖလံ ပုဂ္ဂလနာမဝသေန “အကုပ္ပ”န္တိ ဝုတ္တံ၊ ဣမိနာ စ ဣမမတ္ထံ  
 ဒဿေတိ “ဒိဏာသဝဿေဝ ပရိယတ္တိ ဘဏ္ဍာဂါရိကပရိယတ္တိ နာမာ”တိ။  
 တဿ ဟိ အပရိညာတံ၊ အပ္ပဟိနံ၊ အဘာဝိတံ၊ အသစ္စိကတံ ဝါ နတ္ထိ၊ တသ္မာ  
 သော ဗုဒ္ဓဝစနံ ပရိယာပုဏန္တောပိ တန္တိဓာရကော ပဝေဏီပါလကော  
 ဝံသာနုရက္ခကောဝိ ဟုတွာ ပရိယာပုဏာတိ၊ တေနေဝါဟ “ပဝေဏီပါလ-  
 နတ္ထာယာ”တိအာဒိ။ ပဝေဏီ စေတ္တ ဓမ္မသန္တတိ ဓမ္မဿ အဝိစ္စေဒေန ပဝတ္တိ။  
 ဗုဒ္ဓဿ ဘဂဝတော ဝံသောတိ စ ယထာဝုတ္တပဝေဏီယေဝ။

နန စ ယဒိ ပဝေဏီပါလနတ္ထာယ ဗုဒ္ဓဝစနဿ ပရိယာပုဏာနံ ဘဏ္ဍာဂါရိ-  
 ကပရိယတ္တိ၊ အထ ကသ္မာ “ဒိဏာသဝေါ”တိ ဝိသေသေတွာ ဝုတ္တံ။ ဧကစ္စဿ  
 ဟိ ပုထုဇ္ဇနဿာပိ အယံ နယော လဗ္ဘတိ။ တထာ ဟိ ဧကစ္စော ပုထုဇ္ဇနော  
 ဘိက္ခု၊ ဆာတကဘယာဒိနာ ဂန္ထဓုရေသု ဧကသ္မိံ ဌာနေ ဝသိတုမသက္ကော-  
 နန္တသု သယံ ဘိက္ခာစာရေန အတိကိလမမာနော “အတိမရရံ ဗုဒ္ဓဝစနံ မာ  
 နဿတု၊ တန္တိ ဓာရေဿာမိ၊ ဝံသံ ဌပေဿာမိ၊ ပဝေဏီ ပါလေဿာမိ”တိ  
 ပရိယာပုဏာတိ။ တသ္မာ တဿာပိ ပရိယတ္တိ ဘဏ္ဍာဂါရိကပရိယတ္တိ နာမ  
 ကသ္မာ န ဟောတိတိ? ဝုစ္စတေ— ဧဝံ သန္တေပိ ဟိ ပုထုဇ္ဇနဿ ပရိယတ္တိ  
 ဘဏ္ဍာဂါရိကပရိယတ္တိ နာမ န ဟောတိ။ ကိဉ္စာပိ ဟိ ပုထုဇ္ဇနော “ပဝေဏီ  
 ပါလေဿာမိ”တိ အဇ္ဈာသယေန ပရိယာပုဏာတိ၊ အတ္တနော ပန ဘဝ-  
 ကန္တာရတော အဝိတိဏ္ဏတ္တာ တဿ သာ ပရိယတ္တိ နိဿရဏတ္တာယေဝ နာမ  
 ဟောတိ၊ တသ္မာ ပုထုဇ္ဇနဿ ပရိယတ္တိ အလဂဒ္ဓုပမာ ဝါ ဟောတိ၊ နိဿရ-  
 ဏတ္တာ ဝါ။ သတ္တန္တံ သေက္ခာနံ နိဿရဏတ္တာဝ။ ဒိဏာသဝါနံ ဘဏ္ဍာဂါရိက-  
 ပရိယတ္တိယေဝါတိ ဝေဒိတဗ္ဗံ။ ဒိဏာသဝေါ ဟိ ဘဏ္ဍာဂါရိကသဒိသတ္တာ  
 “ဘဏ္ဍာဂါရိကော”တိ ဝုစ္စတိ။ ယထာ ဟိ ဘဏ္ဍာဂါရိကော အလင်္ကာရဘဏ္ဍံ  
 ပဋိသာမေတွာ ပသာဓနကာလေ တဒုပိယံ အလင်္ကာရဘဏ္ဍံ ရညော ဥပနာ-  
 မေတွာ တံ အလင်္ကာရေတိ၊ ဧဝံ ဒိဏာသဝေါပိ ဓမ္မရတနဘဏ္ဍံ သမ္ပုဋိန္ဒြိတွာ

မောက္ခာဓိဂမာယ ဘဗ္ဗရူပေ သဟေတုကေ သတ္တေ ပဿိတွာ တဒနရူပံ ဓမ္မဒေသနံ ဝဓေတွာ မဂ္ဂင်္ဂဗောဇ္ဈင်္ဂါဒိသင်္ခါတေန လောကုတ္တရေန အလင်္ကာ-  
ရေန အလင်္ကာရောတိတိ။

ဧဝံ တိဿော ပရိယတ္တိယော ဝိဘဇိတွာ ဣဒါနိ တီသုပိ ပိဋကေသု  
ယထာရဟံ သမ္ပတ္တိဝိပတ္တိယော နိဒ္ဒါရေတွာ ဝိဘဇန္တော “ဝိနယေ ပနာ”တိ-  
အာဒိမာဟ။ “သီလသမ္ပဒံ နိဿာယ တိဿော ဝိဇ္ဇာ ပါပုဏာတိ”တိအာဒိသု  
ယသ္မာ သီလံ ဝိသုဇ္ဈမာနံ သတိသမ္ပဇညဗလေန၊ ကမ္မဿကတာဉာဏဗလေန  
စ သံကိလေသမလတော ဝိသုဇ္ဈတိ၊ ပါရိပူရိဉ္စ ဂစ္ဆတိ၊ တသ္မာ သီလသမ္ပဒါ  
သိဇ္ဈမာနာ ဥပနိဿယသမ္ပတ္တိဘာဝေန သတိဗလံ၊ ဉာဏဗလဉ္စ ပစ္စုပ္ပန်ပေတိတိ  
တဿာ ဝိဇ္ဇတ္တယူပနိဿယတာ ဝေဒိတဗ္ဗာ သဘာဂဟေတုသမ္ပာဒနတော။  
သတိဗလေန ဟိ ပုဗ္ဗေနိဝါသဝိဇ္ဇာသိဒ္ဓိ။ သမ္ပဇညဗလေန သဗ္ဗကိစ္စေသု  
သုဒ္ဓိဋ္ဌကာရိတာပရိစယေန စုတူပပါတဉာဏာနုဗ္ဗဒါယ ဒုတိယဝိဇ္ဇာယ သိဒ္ဓိ။  
ဝီတိက္ကမာဘာဝေန သံကိလေသပ္ပဟာနသမ္ဘာဝတော ဝိဝဇ္ဇူပနိဿယတာ-  
ဝသေန အဇ္ဈာသယသုဒ္ဓိယာ တတိယဝိဇ္ဇာသိဒ္ဓိ။ ပုရေတရသိဒ္ဓါနံ သမာဓိ-  
ပညာနံ ပါရိပူရိ ဝိနာ သီလဿ အာသဝက္ခယဉာဏူပနိဿယတာ သုက္ခ-  
ဝိပဿကဒိဏာသဝေဟိ ဒီပေတဗ္ဗာ။ “သမာဟိတော ယထာဘူတံ ပဇာ-  
နာတိ”တိ ဝစနတော သမာဓိသမ္ပဒါ ဆဋ္ဌတိညတာယ ဥပနိဿယော။  
“ယောဂါ ဝေ ဇာယတေ ဘူရိ”တိ ဝစနတော ပုဗ္ဗယောဂေန ဂရုဝါသဒေသ-  
ဘာသာကောသလ္လဥဂ္ဂဟဏပရိပုစ္ဆာဒီဟိ စ ပရိဘာဝိတာ ပညာသမ္ပဒါ  
ပဋိသန္တိဒါပွဘေဒဿ ဥပနိဿယော။ ဧတ္ထ စ “သီလသမ္ပဒံ နိဿာယာ”တိ  
ဝုတ္တတ္တာ ယဿ သမာဓိဝိဇ္ဇနဘူတာ အနဝသေသာ ဆ အဘိညာ န ဣဇ္ဈန္တိ၊  
တဿ ဥက္ကဋ္ဌပရိစ္ဆေဒဝသေန န သမာဓိသမ္ပဒါ အတ္ထိတိ သတိပိ ဝိဇ္ဇာနံ  
အဘိညေကဒေသဘာဝေ သီလသမ္ပဒါသမုဒါဂတာ ဧဝံ တိဿော ဝိဇ္ဇာ ဂဟိ-  
တာ၊ ယထာ စ ပညာသမ္ပဒါသမုဒါဂတာ စတဿော ပဋိသန္တိဒါဥပနိဿယ-  
သမ္ပန္နဿ မဂ္ဂေန ဣဇ္ဈန္တိ မဂ္ဂက္ခဏေယေဝ တာသံ ပဋိလဒ္ဓတ္တာ။ ဧဝံ  
သီလသမ္ပဒါသမုဒါဂတာ တိဿော ဝိဇ္ဇာ၊ သမာဓိသမ္ပဒါသမုဒါဂတာ စ  
ဆ အဘိညာ ဥပနိဿယသမ္ပန္နဿ မဂ္ဂေန ဣဇ္ဈန္တိတိ မဂ္ဂါဓိဂမေနေဝ တာသံ  
အဓိဂမော ဝေဒိတဗ္ဗော။ ပစ္စေကဗုဒ္ဓါနံ၊ သမ္မာသမ္ဗုဒ္ဓါနဉ္စ ပစ္စေကဗောဓိ-  
သမ္မာသမ္မောဓိသမဓိဂမသဒိသာ ဟိ ဣမေသံ အရိယာနံ ဣမေ ဝိသေသာဓိ-  
ဂမာတိ။

၁-သံ ၂-၁၂၊ ၃၀၂၊ သံ ၃-၃၆၃၊ ၃ ၁၀-၅၀၊ ၂၅၃၊ ၃ ၁၁-၃၈-ပိဋေသု။ ၂-၃ ၁-၅၃-ပိဋေ ဓမ္မပဒေ။

တာသံယေဝ ဝ တတ္ထ ပဘေဒဝစနတောတိ ဧတ္ထ “တာသံယေဝါ”တိ အဝဓာရဏံ ပါပုဏိတဗ္ဗာနံ ဆဋ္ဌဘိညာစတုပဋိသမ္ဘိဒါနံ ဝိနယေ ပဘေဒ-  
 ဝစနာဘာဝံ သန္ဓာယ ဝုတ္တံ။ ဝေရုဇ္ဈကဏ္ဍေ<sup>၁</sup> ဟိ တိဿော ဝိဇ္ဇာဝ ဝိဘတ္တာတိ။  
 စ-သဒ္ဓေန သမုစ္ဓိနနဉ္စ တာသံ ဧတ္ထ ဧကဒေသဝစနံ သန္ဓာယ ဝုတ္တံ အဘိညာ-  
 ပဋိသမ္ဘိဒါနမ္ပိ ဧကဒေသာနံ တတ္ထ ဝုတ္တတ္တာ။ ဒုတိယေ “တာသံယေဝါ”တိ  
 အဝဓာရဏံ စတဿော ပဋိသမ္ဘိဒါ အပေက္ခိတွာ ကတံ၊ န တိဿော  
 ဝိဇ္ဇာ။ တာ ဟိ ဆသု အဘိညာသု အန္တောဂဓတ္တာ သုတ္တေ ဝိဘတ္တာ-  
 ယေဝါတိ။ စ-သဒ္ဓေန စ ပဋိသမ္ဘိဒါနမေကဒေသဝစနံ သမုစ္ဓိနောတိ။ တတိယေ  
 “တာသဉ္စာ”တိ စ-သဒ္ဓေန သေသာနမ္ပိ တတ္ထ အတ္ထိဘာဝံ ဒီပေတိ။ အဘိဓမ္မေ  
 ဟိ တိဿော ဝိဇ္ဇာ၊ ဆ အဘိညာ၊ စတဿော စ ပဋိသမ္ဘိဒါ ဝုတ္တာယေဝ။  
 ပဋိသမ္ဘိဒါနံ ပန အညတ္ထ ပဘေဒဝစနာဘာဝံ၊ တတ္ထေဝ စ သမ္မာ ဝိဘတ္တဘာဝံ  
 ဒီပေတုကာမော ဟေဋ္ဌာ ဝုတ္တနယေန အဝဓာရဏမကတွာ “တတ္ထေဝါ”တိ  
 ပရိဝတ္တေတွာ အဝဓာရဏံ ဌပေတိ။ “အဘိဓမ္မေ ပန တိဿော ဝိဇ္ဇာ၊ ဆ  
 အဘိညာ၊ စတဿော စ ပဋိသမ္ဘိဒါ အညေ စ သမ္ပပ္ပဓာနာဒယော ဂုဏ-  
 ဝိသေသာ ဝိဘတ္တာ။ ကိဉ္စာပိ ဝိဘတ္တာ၊ ဝိသေသတော ပန ပညာဇာတိကတ္တာ  
 စတဿောဝ ပဋိသမ္ဘိဒါ ပါပုဏာတိတိ ဒဿနတ္ထံ ‘တာသဉ္စ တတ္ထေဝါ’တိ  
 အဝဓာရဏဝိပလ္လာသော ကတော”တိ ဝဇီရုဗုဒ္ဓိတ္ထေရော။ “ဝေ”န္တိအာဒိ  
 နိဂမနံ။

သုခေါ သမ္ပဿော ဧတေသန္တိ သုခသမ္ပဿာနိ၊ အနုညာတာနိယေဝ  
 တာဒိသာနိ အတ္ထရဏပါဝရဏာဒီနိ၊ တေသံ ဖဿသာမညတော သုခေါ  
 ဝါ သမ္ပဿော တထာ၊ အနုညာတော သော ယေသန္တိ အနုညာတသုခ-  
 သမ္ပဿာနိ၊ တာဒိသာနိ အတ္ထရဏပါဝရဏာဒီနိ တေသံ ဖဿေန သမာန-  
 တာယ။ ဥပါဒိန္တကဖဿော ဣတ္ထိဖဿော၊ မေထုနဓမ္မောယေဝ။ ဝုတ္တံ အရိဋ္ဌေန  
 နာမ ဂဒ္ဓဗာဓိပုဗ္ဗေန ဘိက္ခုနာ<sup>၂</sup>။ သော ဟိ ဗဟုဿုတော ဓမ္မကထိကော  
 ကမ္မကိလေသဝိပါကဥပဝါဒအာဏာဝိတိက္ကမဝသေန ပဉ္စဝိဓေသု အန္တ-  
 ရာယိကေသု အာဏာဝိတိက္ကမန္တရာယိကံ န ဇာနာတိ၊ သေသန္တရာယိကေ-  
 ယေဝ ဇာနာတိ၊ တသ္မာ သော ရဟောဂတော ဧဝံ စိန္တေသိ “ဣမေ  
 အဂါရိကာ ပဉ္စ ကာမဂုဏေ ပရိဘုဉ္ဇန္တ သောတာပန္နာပိ သကဒါဂါမိနောပိ  
 အနာဂါမိနောပိ ဟောန္တိ၊ ဘိက္ခုပိ မနာဝိကာနိ စက္ခုဝိညေယျာနိ ရူပါနိ

ပဿန္တိ ။ပ။ ကာယဝိညေယျ ဖောဋ္ဌဗ္ဗေ ဖုသန္တိ၊ မုဒုကာနိ အတ္တရဏပါဝု-  
 ရဏာနိ ပရိဘုဉ္ဇန္တိ၊ ဧတံ သဗ္ဗမ္ပိ ဝဇ္ဇတိ၊ ကဿာ ဣတ္ထိနံယေဝ ရူပသဒ္ဓဂန္ဓ-  
 ရသဖောဋ္ဌဗ္ဗာ န ဝဇ္ဇန္တိ၊ ဧတေပိ ဝဇ္ဇန္တိယေဝါ”တိ အနဝဇ္ဇေန ပစ္စယပရိ-  
 ဘောဂရသေန သာဝဇ္ဇံ ကာမဂုဏပရိဘောဂရသံ သံသန္တိတွာ သဆန္ဒရာဂ-  
 ပရိဘောဂဉ္စ နိစ္ဆန္ဒရာဂပရိဘောဂဉ္စ ဧကံ ကတွာ ထုလ္လဝါကေဟိ သဒ္ဓိံ အတိ-  
 သုရမသုတ္တံ သဇ္ဇေန္တော ဝိယ၊ သာသပေန သဒ္ဓိံ သိနေရနော သဒိသတံ ဥပ-  
 သံဟရန္တော ဝိယ စ ပါပကံ ဒိဋ္ဌိဂတံ ဥပ္ပါဒေတွာ “ကိ” ဘဂဝတာ မဟာသမုဒ္ဒိ  
 ဗန္ဓန္တေန ဝိယ မဟတာ ဥဿာဟေန ပဌမပါရာဇိကံ ပညတ္တံ၊ နတ္ထိ ဧတ္ထ  
 ဒေါသော”တိ သဗ္ဗညုတညာဏေန သဒ္ဓိံ ပဋိဝိရုဇ္ဈန္တော ဝေသာရဇဉာဏံ  
 ပဋိဗာဟန္တော အရိယမဂ္ဂေ ခါဏုကဏုကာဒိနိ ပက္ခိပန္တော “မေထုနဓမ္မေ  
 ဒေါသော နတ္ထိ”တိ ဇိနစက္ကေ ပဟာရမဒါသိ၊ တေနာဟ “တထာဟ”န္တိအာဒိ။

အနတ္တိက္ကမနတ္ထေန အန္တရာယေ နိယုတ္တာ၊ အန္တရာယံ ဝါ ဖလံ အရဟန္တိ၊  
 အန္တရာယဿ ဝါကရဏသီလာတိ **အန္တရာယိကာ**၊ သဂ္ဂမောက္ခာနံ အန္တရာယ-  
 ကရာတိ ဝုတ္တံ ဟောတိ။ တေ စ ကမ္မကိလေသဝိပါကဥပဝါဒအာဏာ-  
 ဝီတိက္ကံမဝသေန ပဉ္စဝိဓာ။ ဝိတ္တာရော **အရိဒ္ဓသိက္ခာပဒဝဏ္ဏနာဒိသု** ဂဟေ-  
 တဗ္ဗော။ အယံ ပနေတ္ထ ပဒတ္ထသမ္ပန္နော— ယေ ဣမေ ဓမ္မာ အန္တရာယိကာ ဣတိ  
 ဘဂဝတာ ဝုတ္တာ ဒေသိတာ စေဝ ပညတ္တာ စ၊ တေ ဓမ္မေ ပဋိသေဝတော  
 ပဋိသေဝန္တဿ ယထာ ယေန ပကာရေန တေ ဓမ္မာ အန္တရာယာယ သဂ္ဂ-  
 မောက္ခာနံ အန္တရာယကရဏတ္ထံ နာလံ သမတ္တာ န ဟောန္တိ၊ တထာ တေန  
 ပကာရေန အဟံ ဘဂဝတာ ဒေသိတံ ဓမ္မံ အာဇာနာမီတိ။ **တတော**  
**ဒုဿီလဘာဝံ ပါပုဏာတိတိ** တတော အနဝဇ္ဇသညိဘာဝဟေတုတော  
 ဝီတိက္ကမိတွာ ဒုဿီလဘာဝံ ပါပုဏာတိ။

**စတ္တာရော ။ပ။ အာဒိသူတိ ဧတ္ထ အာဒိ-သဒ္ဓေန—**

“စတ္တာရောမေ ဘိက္ခဝေ ပုဂ္ဂလာ သန္တော သံဝိဇ္ဇမာနာ လော-  
 ကသ္မိံ။ ကတမေ စတ္တာရော? အတ္တဟိတာယ ပဋိပန္နော နော ပရ-  
 ဟိတာယ၊ ပရဟိတာယ ပဋိပန္နော နော အတ္တဟိတာယ၊ နေဝတ္တ-  
 ဟိတာယ ပဋိပန္နော နော ပရဟိတာယ၊ အတ္တဟိတာယ စေဝ  
 ပဋိပန္နော ပရဟိတာယ စ ။ပ။ ဣမေ ခေါ ဘိက္ခဝေ ။ပ။  
 လောကသ္မိံ”န္တိ—

ဝေမာဒိနာ ပုဂ္ဂလဒေသနာပဋိသညုတ္တသုတ္တန္တပါဠိ နိဒ္ဒေသတိ။ အဓိပ္ပါ-  
ယန္တိ “အယံ ပုဂ္ဂလဒေသနာဝေါဟာရဝသေန၊ န ပရမတ္ထတော”တိ ဧဝံ  
ဘဂဝတော အဓိပ္ပါယ်။ ဝုတ္တဉ္စိ—

“ဒုဝေ သစ္စာနိ အက္ခာသိ၊ သမ္ပုဒ္ဓေါ ဝဒတံ ဝရော။

သမ္ပုတိံ ပရမတ္ထဉ္စ၊ တတိယံ နူပလဗ္ဗတိ။

သင်္ကေတဝစနံ သစ္စံ၊ လောကသမ္ပုတိကာရဏာ။

ပရမတ္ထဝစနံ သစ္စံ၊ ဓမ္မာနံ ဘူတကာရဏာ။

တသ္မာ ဝေါဟာရကုသလဿ၊ လောကနာထဿ သတ္ထုနော။

သမ္ပုတိံ ဝေါဟရန္တဿ၊ မုသာဝါဒေါ န ဇာယတိ”တိ။

န ဟိ လောကသမ္ပုတိံ ဗုဒ္ဓါ ဘဂဝန္တော ဝိဇဟန္တိ၊ လောကသမညာယ  
လောကနိရုတ္တိယာ လောကာဘိလာပေ ဌိတာယေဝ ဓမ္မံ ဒေသေန္တိ။ အပိစ  
“ဟိရောတ္တပ္ပဒီပနတ္ထံ၊ ကမ္မဿကတာဒီပနတ္ထ”န္တိ၊ ဝေမာဒိဟိပိ အဋ္ဌဟိ ကာရ-  
ဏေဟိ ဘဂဝါ ပုဂ္ဂလကထံ ကသေတိ”တိ ဧဝံ အဓိပ္ပါယ်မဇာနန္တော။ အယ-  
မတ္ထော ဥပရိ အာဝိ ဘဝိသတိ။ ဒုဂ္ဂဟိတံ ဂဏှာတိတိ “တထာဟံ ဘဂဝတာ  
ဓမ္မံ ဒေသိတံ အာဇာနာမိ၊ ယထာ တဒေဝိဒံ ဝိညာဏံ သန္ဓာဝတိ သံသ-  
ရတိ အနည”န္တိအာဒိနာ၊ ဒုဂ္ဂဟိတံ ကတွာ ဂဏှာတိ၊ ဝိပရိတံ ဂဏှာတိတိ  
ဝုတ္တံ ဟောတိ။ ဒုဂ္ဂဟိတန္တိ ဟိ ဘာဝနပုံသကနိဒ္ဒေသော ကိရိယာယ-  
ဝိသေသနဘာဝေန နပုံသကလိင်္ဂေန နိဒ္ဓိသိတဗ္ဗတ္တာ။ အယဉ္စိ ဘာဝနပုံသက-  
ပဒဿ ပကတိ၊ ယဒိဒံ နပုံသကလိင်္ဂေန နိဒ္ဓိသိတဗ္ဗတာ၊ ဘာဝပုဋ္ဌာနတာ၊  
သကမ္မာကမ္မကိရိယာနုယောဂံ ပစ္စတ္တောပယောဂဝစနတာ စ။ တေန ဝုတ္တံ  
“ဒုဂ္ဂဟိတံ ကတွာ”တိ။ ယန္တိ ဒုဂ္ဂဟိတဂါဟံ။ မဇ္ဈိမနိကာယေ မူလပဏှာ-  
သကေ မဟာတဏှာသင်္ခယသုတ္တေ၊ တထာဝါဒီနံ သာမိနာမကံ ကေဝဋ္ဌပုတ္တံ  
ဘိက္ခု အာရဗ္ဗ ဘဂဝတာ ဝုတ္တံ။ အတ္တနာ ဒုဂ္ဂဟိတေန ဓမ္မေနာတိ ပါဌ-  
သေသော၊ မိစ္ဆာသဘာဝေနာတိ အတ္ထော။ အထ ဝါ ဒုဂ္ဂဟဏံ ဒုဂ္ဂဟိတံ၊  
အတ္တနာတိ စ သာမိအတ္ထေ ကရဏဝစနံ၊ ဝိဘတ္တိယန္တပတိရူပကံ ဝါ အဗျယ-  
ပဒံ၊ တသ္မာ အတ္တနော ဒုဂ္ဂဟဏေန ဝိပရိတဂါဟေနာတိ အတ္ထော။ အပ္ပာ-  
မိက္ခတိ ဘိ အပ္ပက္ခာနံ ကရေတိ။ အတ္တနော ကုသလမူလာနိ ခနန္တော အတ္တာနံ  
ခနတိ နာမ။ တတောတိ ဒုဂ္ဂဟိတဘာဝဟေတုတော။

၁-မ-၄ ၁-၁၄၂၊ အံ-၄ ၁-၇၄၊ ဣတိဝုတ္တက-၄-၇၈-ပိဋေသု။

၂-မ-၄ ၁-၁၄၃၊ အံ-၄ ၁၇၄၊ ဣတိဝုတ္တက-၄-၇၉၊ အနု-ဒီ ၃-၆၈-ပိဋေသု။

၃-မ ၁-၃၂၃-ပိဋေ။

ဓမ္မစိန္တန္တိ ဓမ္မသဘာဝဝိစာရံ။ အတိဝေန္တောတိ ဌာတဗ္ဗမရိယာဒါယံ အဋ္ဌတွာ “စိတ္တုပ္ပါဒမတ္တေနပိ ဒါနံ ဟောတိ၊ သယမေဝ စိတ္တံ အတ္တနော အာရမ္မဏံ ဟောတိ၊ သဗ္ဗမ္ပိ စိတ္တံ သဘာဝဓမ္မာရမ္မဏမေဝ” ဟောတိ”တိ စ ဝေမာဒိနာ အတိက္ကမိတွာ ပဝတ္တယမာနော။ စိန္တေတုမသက္ကုဏေယျာနိ၊ အနရဟရူပါနိ ဝါ အစိန္တေယျာနိ နာမ၊ တာနိ ဒဿေန္တော “ပုတ္တဗ္ဗေတ”န္တိ- အာဒိမာဟ။ တတ္ထ အစိန္တေယျာနိတိ တေသံ သဘာဝဒဿနံ။ န စိန္တေ- တဗ္ဗာနိတိ တတ္ထ ကတ္တဗ္ဗကိစ္စဒဿနံ။ “ယာနိ”တိအာဒိ တဿ ဟေတုဒဿနံ။ ယာနိ စိန္တေန္တော ဥဗ္ဗာဒဿ စိတ္တက္ခေပဿ၊ ဝိဃာတဿ ဝိဟေသဿ စ ဘာဂီ အဿ၊ အစိန္တေယျာနိ ဣမာနိ စတ္တာရိ န စိန္တေတဗ္ဗာနိ၊ ဣမာနိ ဝါ စတ္တာရိ အစိန္တေယျာနိ နာမ န စိန္တေတဗ္ဗာနိ၊ ယာနိ ဝါ။ပ။ အဿ၊ တသ္မာ န စိန္တေတဗ္ဗာနိ အစိန္တေတဗ္ဗဘူတာနိ ဣမာနိ စတ္တာရိ အစိန္တေယျာနိ နာမာတိ ယောဇနာ။ ဣတိ-သဒ္ဓေန ပန—

“ကတမာနိ စတ္တာရိ? ဗုဒ္ဓါနံ ဘိက္ခဝေ ဗုဒ္ဓဝိသယော အစိန္တေ- ယျော န စိန္တေတဗ္ဗော၊ ယံ စိန္တေန္တော ဥဗ္ဗာဒဿ ဝိဃာတဿ ဘာဂီ အဿ။ဈာယိဿ ဘိက္ခဝေ ဈာနဝိသယော အစိန္တေယျော။ပ။ ကမ္မဝိပါကော ဘိက္ခဝေ အစိန္တေယျော။ပ။ လောကစိန္တာ ဘိက္ခဝေ အစိန္တေယျော။ပ။ ဣမာနိ။ပ။ အဿာ”တိ၂—

စတုရဂုံတ္တရေ ပုတ္တံ အစိန္တေယျသုတ္တံ အာဒိ ကတွာ သဗ္ဗံ အစိန္တေယျ- ဘာဝဒီပကံ ပါဠိ သင်္ဂဏှာတိ။ ကာမံ အစိန္တေယျာနိ ဆ အသာဓာရဏ- ဉာဏာဒိနိ၊ တာနိ ပန အနုဿရန္တဿ ကုသလုပ္ပတ္တိဟေတုဘာဝတော စိန္တေတဗ္ဗာနိ၊ ဣမာနိ ပန ဧဝံ န ဟောန္တိ အဗလဘာဝတော၊ တသ္မာ န စိန္တေတဗ္ဗာနိ။ “ဒုဿီလျ။ပ။ ပဘေဒ”န္တိ ဣမိနာ ဝိပတ္တိံ သရူပတော ဒဿေတိ။ “ကယံ? ပိဋကဝသေနာ”တိအာဒိဝစနသမ္ပဇ္ဈနေန ပုဗ္ဗာပရသမ္ပန္နံ ဒဿေန္တော “ဧဝံ နာနပ္ပကာရတော”တိအာဒိမာဟ။ ပုဗ္ဗာပရသမ္ပန္နဝိရဟိတဉ္စိ ဝစနံ ဗျာကုလံ။ သောတူနဉ္စ အတ္ထဝိညာပကံ န ဟောတိ၊ ပုဗ္ဗာပရညူနမေဝ စ တထာဝရီတဝစနံ ဝိသယော။ ယထာဟ—

“ပုဗ္ဗာပရညူ အတ္တညူ၊ နိရုတ္တိပဒကောဝိဒေါ။  
သုဂ္ဂဟိတဉ္စ ဂဏှာတိ၊ အတ္တဉ္စော’ပပရိက္ခတိ”တိ၃။

တေသန္တိ ပိဋကာနံ။ တေန္တိ ဗုဒ္ဓဝစနံ။

သီလက္ခန္ဓပက္ခမဟာဝဂ္ဂပါထိကဝဂ္ဂသင်္ခါတေဟိ တိဟိ ဝဂ္ဂေဟိ သင်္ဂဟော  
 ဧတေသန္တိ တိဝဂ္ဂသင်္ဂဟာနိ။ ဂါထာယ ပန ယဿ နိကာယဿ သုတ္တဂဏန-  
 တော စတုတ္ထိံသေ သုတ္တန္တာ။ ဝဂ္ဂသင်္ဂဟဝသေန တယော ဝဂ္ဂါ အဿ သင်္ဂ-  
 ဟဿာတိ တိဝဂ္ဂေါ သင်္ဂဟော။ ပဌမော သေ နိကာယော ဒီသနိကာယောတိ  
 အနုလောမိကော အပစ္စနိကော၊ အတ္ထာနုလောမနတော အတ္ထာနုလောမ-  
 နာမိကော ဝါ၊ အန္တတ္တနာမောတိ အတ္ထော။ တတ္ထ “တိဝဂ္ဂေါ သင်္ဂဟော”တိ  
 ဧတံ “ယဿ”တိ အန္တရိကေပိ သမာသောယေဝ ဟောတိ၊ န ဝါကျန္တိ  
 ဒဠဗ္ဗံ “နဝံ ပန ဘိက္ခုနာ စိဝရလာဘေနာ”တိ ဧတ္ထ “နဝံစိဝရလာဘေ-  
 နာ”တိ ပဒံ ဝိယ။ တထာ ဟိ အဋ္ဌကထာစရိယာ ဝဏ္ဏယန္တိ “အလတ္တိတိ  
 လဘော၊ လဘော ဧဝ လာဘော။ ကိံ အလတ္တိ? စိဝရံ။ ကိဒိသံ? နဝံ၊ ဣတိ  
 ‘နဝံစိဝရလာဘေနာ’တိ ဝတ္ထဗ္ဗေ အနုနာသိကလောပံ အကတွာ ‘နဝံစိဝရ-  
 လာဘေနာ’တိ ဝုတ္တံ၊ ပဋိလဒ္ဓနဝံစိဝရေနာတိ အတ္ထော။ မဇ္ဈေ ဌိတပဒဒ္ဓယေ  
 ပနာတိ နိပါတော။ ဘိက္ခုနာတိ ယေန လဒ္ဓံ၊ တဿ နိဒဿန”န္တိ<sup>၂</sup>။ ဣဓာပိ  
 သဒ္ဓတော၊ အတ္ထတော စ ဝါကျေ ယုတ္တိယာ အဘာဝတော သမာသောယေဝ  
 သမ္ဘဝတိ။ “တိဝဂ္ဂေါ”တိ ပဒဗ္ဗိ “သင်္ဂဟော”တိ ဧတ္ထ ယဒိ ကရဏံ၊ ဧဝံ သတိ  
 ကရဏဝစနန္တမေဝ သိယာ။ ယဒိ စ ပဒဒ္ဓယမေတံ တုလျာဓိကရဏံ၊ တထာ  
 စ သတိ နပုံသကလိင်္ဂမေဝ သိယာ “တိလောက”န္တိအာဒိပဒံ ဝိယ။ တထာ  
 “တိဝဂ္ဂေါ”တိ ဧတဿ “သင်္ဂဟော”တိ ပဒမန္တရေန အညတ္တာသမ္ပန္နော န  
 သမ္ဘဝတိ၊ တတ္ထ စ တာဒိသေန ဝါကျေန သမ္ပဇ္ဈနံ န ယုတ္တံ၊ တသ္မာ သမာနေပိ  
 ပဒန္တရန္တရိကေ သဒ္ဓတ္တာဝိရောဘောဝေါယေဝ သမာသတာကာရဏန္တိ  
 သမာသော ဧဝ ယုတ္တော။ တယော ဝဂ္ဂါ အဿ သင်္ဂဟဿာတိ ဟိ တိဝဂ္ဂေါ-  
 သင်္ဂဟော အကာရဿ ဩကာရာဒေသံ၊ ဩကာရာဂမံ ဝါ ကတွာ ယထာ  
 “သတ္တာဟပရိနိဗ္ဗုတော၊ အစိရပက္ကန္တော၊ မာသဇာတော”တိအာဒိ၊ အဿ  
 သင်္ဂဟဿာတိ စ သင်္ဂဟိတဿ အဿ နိကာယဿာတိ အတ္ထော။ အပရေ  
 ပန “တယော ဝဂ္ဂါ ယဿာတိ ကတွာ ‘သင်္ဂဟော’တိ ပဒေန တုလျာဓိကရဏ-  
 မေဝသမ္ဘဝတိ၊ သင်္ဂဟောတိ စ ဂဏနာ။ ဋီကာစရိယေဟိ? ပန ‘တယော ဝဂ္ဂါ  
 အဿ သင်္ဂဟဿာ’တိ ပဒဒ္ဓယဿ တုလျာဓိကရဏတာယေဝ ဒဿိတာ”တိ  
 ဝဒန္တိ၊ တဒယုတ္တမေဝ သင်္ချာသင်္ချေယျာနံ မိဿကတ္တာ၊ အပါကဋတ္တာ စ။

အတ္ထာနုလောမိကတ္ထံ ဝိဘာဝေတုမာဟ “ကဿ”တိအာဒိ။ ဂုဏော-  
 ပစာရေန၊ တဒ္ဓိတဝသေန ဝါ ဒီသ-သဒ္ဓေန ဒီသပ္ပမာဏာနိ သုတ္တာနိယေဝ

ဂဟိတာနိ၊ နိကာယသဒ္ဓေါ စ ရုဋ္ဌိဝသေန သမူဟနိဝါသတ္ထေသု ဝတ္တတိတိ  
 ဒဿေတိ “ဒီသပ္ပမာဏာန”န္တိအာဒိနာ။ သင်္ကေတသိဒ္ဓတ္တာ ဝစနီယဝါစကာနံ  
 ပယောဂတော တဒတ္ထေသု တဿ သင်္ကေတသိဒ္ဓတံ ဉ္စပေန္တော “နာဟ”န္တိ-  
 အာဒိမာဟ။ ကေနိကာယဗ္ဗိတိ ကေသမူဟမ္ပိ။ ဧဝံ စိတ္တန္တိ ဧဝံ ဝိစိတ္တံ။ ယထ-  
 ယိဒန္တိ ယထာ ဣမေ တိရစ္ဆာနဂတာ ပါဏာ။ ပေါဏ်ကာ၊ စိက္ခလိကာ စ  
 ခတ္တိယာ၊ တေသံ နိဝါသော “ပေါဏ်ကနိကာယော စိက္ခလိကနိကာယော”တိ  
 ဝုစ္ဆတိ။ ဧတ္ထာတိ နိကာယသဒ္ဓဿ သမူဟနိဝါသာနံ ဝါစကဘာဝေ။ သာဓကော-  
 နိတိ အဓိပ္ပေတဿတ္ထဿ သာဓနတော ဥဒါဟရဏာနိ ဝုစ္ဆန္တိ။ “သမာနီ-  
 တာနိ”တိ ပါဌသေသေန စေတဿ သမ္ပန္နော၊ သက္ခိနိ ဝါ ယထာဝုတ္တနယေန  
 သာဓကောနိ။ ယဉ္စ နိဒ္ဒါရေတွာ အဓိပ္ပေတတ္ထံသာဓေန္တိ၊ တံ “သက္ခိ”တိ ဝဒန္တိ။  
 တထာ ဟိ မနောရုထပူရဏီယံ ဝုတ္တံ “ပဉ္စဂရုဇာတကံ” ပန သက္ခိဘာဝတ္ထာယ  
 အာဟရိတွာ ကထေတဗ္ဗ”န္တိ။ သာသနတောတိ သာသနပယောဂတော၊  
 သာသနေ ဝါ။ လောကတောတိ လောကီယပယောဂတော၊ လောကေ ဝါ။  
 ဣဒံ ပန ပိဋကတ္တယေန ဝိဇ္ဇတိ၊ တသ္မာ ဧဝံ ဝုတ္တန္တိ ဝဒန္တိ။ ဧတ္ထ စပဌမမုဒါ-  
 ဟရဏံ သာသနတော သာဓကဝစနံ၊ ဒုတိယံ လောကတောတိ ဒဋ္ဌဗ္ဗံ။

မူလပရိယာယဝဂ္ဂါဒိဝသေန ပဉ္စဒသဝဂ္ဂသင်္ဂဟာနိ။ အဓေန ဒုတိယံ  
 ဒီသနံ၊ တဒေဝ သတံ၊ ကေသတံ၊ ပညာသ စ သုတ္တာနိကံ ဝုတ္တံ ဟောတိ။  
 ယတ္ထာတိ ယသ္မိံ နိကာယေ။ ပဉ္စဒသဝဂ္ဂပရိဂ္ဂဟောတိ ပဉ္စဒသဟိ ဝဂ္ဂေဟိ  
 ပရိဂ္ဂဟိတော သင်္ဂဟိတော။

သံယုဇန္တိ ဧတ္ထာတိ သံယုတ္တံ၊ ကေသံ သံယုတ္တံ? သုတ္တဝဂ္ဂါနံ။ ယထာ ဟိ  
 ဗျူဓနသမုဒါယေ ပဒံ၊ ပဒသမုဒါယေ စ ဝါကျံ၊ ဝါကျသမုဒါယေ သုတ္တံ၊ သုတ္တ-  
 သမုဒါယေ ဝဂ္ဂေတိ သမညာ၊ ဧဝံ ဝဂ္ဂသမုဒါယေ သံယုတ္တသမညာ။ ဒေဝ-  
 တာယ ပုစ္ဆိတေန ကထိတသုတ္တဝဂ္ဂါဒိနံ သံယုတ္တတ္တာ ဒေဝတာသံယုတ္တာဒိ-  
 ဘာဝေါ၊ တေနာဟ “ဒေဝတာသံယုတ္တာဒိဝသေနာ”တိအာဒိ။ “သုတ္တန္တာနံ  
 သဟဿာနိ သတ္တ သုတ္တသတနိ စာ”တိ ပါဌေ သုတ္တန္တာနံ သတ္တသဟဿာနိ၊  
 သတ္တ သုတ္တသတနိ စာတိ ယောဇေတဗ္ဗံ။ “သတ္တ သုတ္တသဟဿာနိ၊ သတ္တ  
 သုတ္တသတနိ စာ”တိပိ ပါဌော။ သံယုတ္တသင်္ဂဟောတိ သံယုတ္တနိကာယဿ  
 သင်္ဂဟော ဂဏနာ။

ဧကေကေဟိ အင်္ဂေဟိ ဥပရူပရိ ဥတ္တရော အဓိကော ဧတ္ထာတိ အင်္ဂုတ္တရောတိ အာဟ “ဧကေကအင်္ဂါတိရေကဝသေနာ” တိအာဒိ။ ဟတ္ထ ဟိ ဧကေကတော ပဌာယ ယာဝ ကောဒသ အင်္ဂါနိ ကထိတာနိ။ အင်္ဂန္တိ စ ဓမ္မကောဌာသော။

ပုဗ္ဗေတိ သုတ္တန္တပိဋကနိဒ္ဒေသေ။ ဝုတ္တမေဝ ပကာရန္တရေန သဒ္ဓိပိတွာ အဝိသေသေတွာဒဿေတုံ “ဌပေတွာ” တိအာဒိဝုတ္တံ။ “သကလံဝိနယပိဋက” န္တိ- အာဒိနာ ဝုတ္တမေဝ ဟိ ဣမိနာ ပကာရန္တရေန သဒ္ဓိပိတွာ ဒဿေတိ။ အပိစ ယထာဝုတ္တတော အဝသိဋ္ဌံ ယံ ကိဉ္စ ဘဂဝတာ ဒိန္နနယေ ဌတွာ ဒေသိတံ၊ ဘဂဝတာ စ အနုမောဒိတံ နေတ္ထိပေဋကောပဒေသာဒိကံ၊ တံ သဗ္ဗမ္ပိ ဧတ္ထေဝ ပရိယာပန္တန္တိ အနဝသေသပရိယာဒါနဝသေန ဒဿေတုံ ဧဝံ ဝုတ္တန္တိပိ ဒဋ္ဌဗ္ဗံ။ သိဒ္ဓေပိ ဟိ သတိ အာရမ္ဘော အတ္တန္တရိညာပနာယ ဝါ ဟောတိ၊ နိယမာယ ဝါတိ။ ဧတ္ထ စ ယထာ “ဒီဃပ္ပမာဏာန” န္တိအာဒိ ဝုတ္တံ၊ ဧဝံ “ခုဒ္ဒကပ္ပမာဏာ- န” န္တိအာဒိမဝတွာ သရူပဿေဝ ကထနံ ဝိနယာဘိဓမ္မာဒိနံ ဒီဃပ္ပမာဏာနမ္ပိ တဒန္တောဂဓတာယာတိ ဒဋ္ဌဗ္ဗံ၊ တေန စ ဝိညာယတိ “န သဗ္ဗတ္ထ ခုဒ္ဒက- ပရိယာပန္နေသု တဿ အန္တတ္ထသမညတာ၊ ဒီဃနိကာယာဒိသဘာဝဝိပရိတ- ဘာဝသာမညေန ပန ကတ္ထမိ တဗ္ဗောဟာရတာ” တိ။ တဒညန္တိ တေဟိ စတူဟိ နိကာယေဟိ အညံ၊ အဝသေသန္တိ အတ္ထော။

နဝပ္ပဘေဒန္တိ ဧတ္ထ ကထံ ပနေတံ နဝပ္ပဘေဒံ ဟောတိ။ တထာ ဟိ နဝဟိ အင်္ဂေဟိ ဝဝတ္ထိတေဟိ အညမညသင်္ကရရဟိတေဟိ ဘဝိတဗ္ဗံ၊ တထာ စ သတိ အသုတ္တသဘာဝါနေဝ ဂေယျင်္ဂါဒိနိ သိယံ၊ အထ သုတ္တသဘာဝါနေဝ ဂေယျင်္ဂါဒိနိ၊ ဧဝံ သတိ သုတ္တန္တိ ဝိသုံ သုတ္တင်္ဂမေဝ န သိယာ၊ ဧဝံ သန္တေ အဋ္ဌင်္ဂံ သာသနန္တိ အာပဇ္ဇတိ။ အပိစ “သဂါထကံ သုတ္တံ ဂေယျံ၊ နိဂ္ဂါထကံ သုတ္တံ ဂေယျာကရဏ” န္တိ အဋ္ဌကထာယံ ဝုတ္တံ။ သုတ္တန္တ နာမ သဂါထကံ ဝါ သိယာ၊ နိဂ္ဂါထကံ ဝါ၊ တသ္မာ အင်္ဂဒ္ဒယေနေဝ တဒုဘယံ သင်္ကဟိတန္တိ တဒုဘယဝိနိမုတ္တံ သုတ္တံ ဥဒါနာဒိဝိသေသသညာရဟိတံ နတ္ထိ၊ ယံ သုတ္တင်္ဂံ သိယာ၊ အထာပိ ကထဉ္စိ ဝိသုံ သုတ္တင်္ဂံ သိယာ၊ မင်္ဂလသုတ္တာဒိနံ သုတ္တင်္ဂ- သင်္ကဟော န သိယာ ဂါထာဘာဝတော ဓမ္မပဒါဒိနံ ဝိယ။ ဂေယျင်္ဂသင်္ကဟော ဝါ သိယာ သဂါထကတ္တာ သဂါထာဝဂ္ဂဿ ဝိယ။ တထာ ဥဘတောဝိဘင်္ဂါ- ဒိသု သဂါထကပ္ပဒေသာနန္တိ? ဝုစ္စတေ—

သုတ္တန္တိ သာမညဝိမိ၊ ဝိသေသဝိဓယော ပရေ။  
သနိမိတ္တာ နိရုဇ္ဈတာ၊ သဟတာညေန နာညတော။

ယထာဝုတ္တဿ ဒေါသဿ၊ နတ္ထိ ဧတ္တာဝဂါဟဏံ။  
တသ္မာ အသင်္ကရံယေဝ၊ နဝင်္ဂံ သတ္တုဿာသနံ။

သဗ္ဗဿာပိ ဟိ ဗုဒ္ဓဝစနဿ သုတ္တန္တိ အယံ သာမညဝိမိ။ တထာ ဟိ “ဧတ္တကံ တဿ ဘဂဝတော သုတ္တာဂတံ သုတ္တပရိယာပန္တံ၊ သာဝတ္ထိယာ သုတ္တဝိဘင်္ဂေ၊ သကဝါဒေ ပဉ္စ သုတ္တသတာနိ”တိအာဒိဝိဝစနတော ဝိနယာဘိဓမ္မပရိယတ္တိ-ဝိသေသေသုပိ သုတ္တဝေါဟာရော ဒိဿတိ။ တေနော စ အာယသ္မာ မဟာ-ကစ္စာယနော နေတ္ထိယံ အာဟ “နဝရိသုတ္တန္တပရိယေဋ္ဌိ”တိ။ တတ္ထ ဟိ သုတ္တာဒိဝသေန နဝင်္ဂဿ သာသနဿ ပရိယေဋ္ဌိ ပရိယေသနာ အတ္ထ-ဝိစာရဏာ “နဝရိသုတ္တန္တပရိယေဋ္ဌိ”တိ ဝုတ္တာ။ တဒေကဒေသေသု ပန ပရေ ဂေယျာဒယော သနိမိတ္တာ ဝိသေသဝိဓယော တေန တေန နိမိတ္တေန ပတိဋ္ဌိတာ။ တထာ ဟိ ဂေယျဿ သဂါထကတ္ထံ တဗ္ဘာဝနိမိတ္တံ။ လောကေပိ ဟိ သသိလောကံ သဂါထကံ စုက္ကိယဂန္ထံ “ဂေယျ”န္တိ ဝဒန္တိ၊ ဂါထာ-ဝိရဟေ ပန သတိ ပုစ္ဆံ ကတွာ ဝိဿန္ဓနဘာဝေါ ဝေယျာကရဏဿ တဗ္ဘာဝနိမိတ္တံ။ ပုစ္ဆာဝိဿန္ဓနဉ္စိ “ဗျာကရဏ”န္တိ ဝုစ္စတိ၊ ဗျာကရဏမေဝ ဝေယျာကရဏံ။ ဧဝံ သန္တေ သဂါထကာဒိနဗ္ဗိ ပုစ္ဆံ ကတွာ ဝိဿန္ဓနဝသေန ပဝတ္တာနံ ဝေယျာကရဏဘာဝေါ အာပဇ္ဇတိတိ? နာပဇ္ဇတိ ဂေယျာဒိသညာနံ အနောကာသဘာဝတော။ သဠြိကာသဝိမိတော ဟိ အနောကာသဝိမိ ဗလဝါ။ အပိစ “ဂါထာဝိရဟေ သတိ”တိ ဝိသေသိတတ္တာ။ ယထာမိပ္ပေတဿ ဟိ အတ္တဿ အနမိပ္ပေတတော ဗျဝစ္ဆေဒကံ ဝိသေသနံ။ တထာ ဟိ ဓမ္မပဒါဒိသု ကေဝလဂါထာဗန္ဓေသု၊ သဂါထကတ္ထေပိ သောမနဿဉာဏမယိကဂါထာ-ပဋိသညတ္တေသု၊ “ဝုတ္တံ ဟေဘ”န္တိအာဒိဝစနသမ္ပန္နေသု၊ အတ္ထုတဓမ္မပဋိ-သံယုတ္တေသု စ သုတ္တဝိသေသေသု ယထာက္ကမံ ဂါထာဥဒါနဇုတိဝုတ္တက-အတ္ထုတဓမ္မသညာ ပတိဋ္ဌိတာ။ ဧတ္ထ ဟိ သတိပိ သညာန္တရနိမိတ္တယောဂေ အနောကာသသညာနံ ဗလဝဘာဝေနော ဂါထာဒိသညာ ပတိဋ္ဌိတာ၊ တထာ သတိပိ ဂါထာဗန္ဓဘာဝေ ဘဂဝတော အတိတာသု ဇာတိသု စရိယာနုဘာဝပ္ပကာသကေသု ဇာတကသညာ ပတိဋ္ဌိတာ၊ သတိပိ

၁-နေတ္ထိ-ဋ္ဌ-၁၃၊ ဒီ-ဋီ ၁-၃၂၊ အနဋီ ၁-၂၄၊ သာရတ္ထ-ဋီ ၁-၉၃-ပိဋ္ဌေသု။ ၂-သာရတ္ထ-ဋီ ၁-၉၃-ပိဋ္ဌေ။  
၃-ဝိ ၂-၂၇၂၊ ၄၇၀-ပိဋ္ဌေသု။ ၄-ဝိ ၄-၅၀၅-ပိဋ္ဌေ။  
၅-အဘိ-ဋ္ဌ ၁-၅၊ ၆၊ ၉၊ အဘိ-ဋ္ဌ ၃-၁၀၅-ပိဋ္ဌေသု။ ၆-ခု ၁၀-၁-ပိဋ္ဌေ။

ပဉ္စာဝိသုဇ္ဇနဘာဝေ၊ သင်္ဂါထကတ္တေ စ ကေသုစိ သုတ္တန္တေသု ဝေဒဿ လဘာ-  
ပနတော ဝေဒလ္လသညာ ပတိဋ္ဌိတာ၊ ဧဝံ တေန တေန သင်္ဂါထကတ္တာဒိနာ  
နိမိတ္တေန တေသု တေသု သုတ္တဝိသေသေသု ဂေယျာဒိသညာ ပတိဋ္ဌိတာတိ  
ဝိသေသဝိဓယော သုတ္တင်္ဂတော ပရေ ဂေယျာဒယော၊ ယံ ပနေတ္ထ  
ဂေယျင်္ဂါဒိနိမိတ္တရဟိတံ၊ တံ သုတ္တင်္ဂမေဝ ဝိသေသသညာပရိဟာရေန သာမည-  
သညာယ ပဝတ္တနတော။ နနု စ ဧဝံ သန္တေပိ သင်္ဂါထကံ သုတ္တံ  
ဂေယျံ၊ နိဂ္ဂါထကံ သုတ္တံ ဝေယျာကရဏန္တိ တဒုဘယဝိနိမုတ္တဿ သုတ္တဿ  
အဘာဝတော ဝိသု သုတ္တင်္ဂမေဝ န သိယာတိ စောဒနာ တဒဝတ္ထာ ဧဝါတိ?  
န တဒဝတ္ထာ သောမိတတ္တာ။ သောမိတဉ္စိ ပုဗ္ဗေ ဂါထာဝိရဟေ သတိ ပုစ္ဆာ-  
ဝိသုဇ္ဇနဘာဝေါ ဝေယျာကရဏဿ တဗ္ဘာဝနိမိတ္တန္တိ။

ယဉ္စ ဝုတ္တံ “ဂါထာဘာဝတော မင်္ဂလသုတ္တာဒိနံ” သုတ္တင်္ဂသင်္ဂဟော  
န သိယာ”တိ၊ တမ္ပိ န၊ နိရုဠတ္တာ။ နိရုဠော ဟိ မင်္ဂလသုတ္တာဒိနံ  
သုတ္တဘာဝေါ။ န ဟိ တာနိ ဓမ္မပဒဗုဒ္ဓဝံသာဒယော ဝိယ ဂါထာဘာဝေန  
သညိတာနိ၊ အထ ခေါ သုတ္တဘာဝေနေဝ။ တေနေဝ ဟိ အဋ္ဌကထာယံ  
“သုတ္တနာမက”န္တိ နာမဂ္ဂဟဏံ ကတံ။ ယဉ္စ ပန ဝုတ္တံ “သင်္ဂါထကတ္တာ  
ဂေယျင်္ဂသင်္ဂဟော ဝါ သိယာ”တိ၊ တမ္ပိ နတ္ထိ။ ကသ္မာ တိ စေ? ယသ္မာ  
သဟတာညေန၊ တသ္မာ။ သဟဘာဝေါ ဟိ နာမ အတ္တတော အညေန  
ဟောတိ။ သဟ ဂါထာဟိတိ စ သင်္ဂါထကံ၊ န စ မင်္ဂလသုတ္တာဒိသု ဂါထာ-  
ဝိနိမုတ္တော ကောစိ သုတ္တပဒေသော အတ္ထိ၊ ယော “သဟ ဂါထာဟိ”တိ ဝုစ္စေယျ၊  
နနု စ ဂါထာသမုဒါယော တဒေကဒေသာဟိ ဂါထာဟိ အညော ဟောတိ၊  
ယဿ ဝသေန “သဟ ဂါထာဟိ”တိ သက္ကာ ဝတ္တုန္တိ? တံ န။ န ဟိ အဝယဝဝိနိ-  
မုတ္တော သမုဒါယော နာမ ကောစိ အတ္ထိ၊ ယော တဒေကဒေသာဟိ သဟ  
ဘာဝေယျ။ ကတ္ထစိ ပန “ဒီသသုတ္တင်္ဂိတဿာ”တိ အာဒိသု သမုဒါယေကဒေသာနံ  
ဝိဘာဂဝစနံ ဝေါဟာရမတ္ထံ ပတိ ပရိယာယဝစနမေဝ၊ အယဉ္စ နိပ္ပရိယာယေန  
ပဘေဒဝိဘာဂဒဿနကထာတိ။ ယမ္ပိ ဝုတ္တံ “ဥဘတောဝိဘင်္ဂါဒိသု သင်္ဂါထ-  
ကပ္ပဒေသာနံ ဂေယျင်္ဂသင်္ဂဟော သိယာ”တိ၊ တမ္ပိ န၊ အညတော။ အညာ-  
ယေဝ ဟိ တာ ဂါထာ ဇာတကာဒိပရိယာပန္နတ္တာ။ တာဒိသာယေဝ ဟိ  
ကာရဏာနုရူပေန တတ္ထ ဒေသိတာ၊ အတော န တာဟိ ဥဘတောဝိဘင်္ဂါဒိနံ  
ဂေယျင်္ဂဘာဝေါတိ။ ဧဝံ သုတ္တာဒိနဝင်္ဂါနံ အညမညသင်္ဂဟာဘာဝေါ  
ဝေဒိတဗ္ဗောတိ။

ဣဒါနိ တောနိ နဝင်္ဂါနိ ဝိဘဇိတွာ ဒဿေန္တော “တတ္ထာ”တိအာဒိမာဟ။  
နိဒ္ဒေသော နာမ သုတ္တနိပါတေ—

“ကာမံ ကာမယမာနဿ၊ တဿ စေ တံ သမိဇ္ဈတိ။  
အဒ္ဓါ ပီတိမနော ဟောတိ၊ လဒ္ဓါ မစ္စောယဒိစ္ဆတိ”တိအာဒိနာ—

အာဂတဿ အဋ္ဌကဝဂ္ဂဿ၊

“ကေနဿု နိဂုတော လောကော၊ (ဣစ္စာယသ္မာ အဇိတော)။  
ကေနဿု န ပကာသတိ။  
ကိဿာဘိလေပနံ မြူသိ၊  
ကိံသု တဿ မဟတ္တယ”န္တိအာဒိနာ—

အာဂတဿ ပါရာယနဝဂ္ဂဿ၊

“သဗ္ဗေသု ဘူတေသု နိဓာယ ဒဏ္ဍံ၊  
အဝိဟေဋ္ဌယံ အညတရမ္ပိ တေသံ။  
န ပုတ္တမိစ္ဆေယျ ကုတော သဟာယံ၊  
ဧကော စရေ ခဂ္ဂဝိသာဏကပ္ပေါ”တိအာဒိနာ—

အာဂတဿ ခဂ္ဂဝိသာဏသုတ္တဿ စ အတ္ထဝိဘာဂဝသေန သတ္ထုကပ္ပေန  
အာယသ္မတာ ဓမ္မသေနာပတိသာရိပုတ္တတ္ထေရေန ကတော နိဒ္ဒေသော၊ ယော  
“မဟာနိဒ္ဒေသော၊ စူဠနိဒ္ဒေသော”တိ ဂုစ္ဆတိ။ ဝေမိဓ နိဒ္ဒေသဿ သုတ္တင်္ဂ-  
သင်္ဂဟော အဒန္တပုဗ္ဗဓောသာစရိယေန ဒဿိတော၊ တထာ အညတ္တာပိ  
ဝိနယဋ္ဌကထာဒိသု၊ အာစရိယဓမ္မပါလတ္ထေရေနာပိ နေတ္တိပ္ပကရဏဋ္ဌကထာယံ။  
အပရေ ပန နိဒ္ဒေသဿ ဂါထာဝေယျာကရဏဇော်သု ဌိသု သင်္ဂဟံ ဝဒန္တိ။  
ဂုတ္တဉ္ဇေတံ နိဒ္ဒေသဋ္ဌကထာယံ ဥပသေနတ္ထေရေန—

“သော ပနေသ ဝိနယပိဋကံ။ပ။ အဘိဓမ္မပိဋကန္တိ တိသု ပိဋကေသု  
သုတ္တန္တပိဋကပရိယာပန္တော၊ ဒီဃနိကာယော။ပ။ ခုဒ္ဒကနိကာ-  
ယောတိ ပဉ္စသု နိကာယေသု ခုဒ္ဒကမဟာနိကာယပရိယာပန္တော၊  
သုတ္တံ။ပ။ ဝေဒလ္လန္တိ နဝသု သတ္ထုသာသနဇော်သု ယထာသမ္ဘဝံ  
ဂါထင်္ဂဝေယျာကရဏင်္ဒယသင်္ဂဟိတော”တိ၎။

တ္ထေ တာဝ ကတ္တမိ ပုစ္ဆာဝိဿဇ္ဇနသဟ္တာဝတော နိဒ္ဒေသေကဒေသဿ  
 ဝေယျာကရဏင်္ဂသင်္ဂဟော ယုဇ္ဇေတု၊ အဂါထာဘာဝတော ဂါထင်္ဂသင်္ဂဟော  
 ကထံ ယုဇ္ဇေယျာတိ ဝိမံသိတဗ္ဗမေတံ။ ဓမ္မပဒါဒိနံ ဝိယ ဟိ ကေဝလံ  
 ဂါထာဗန္ဓဘာဝေါ ဂါထင်္ဂဿ တဟ္တာဝနိမိတ္တံ။ ဓမ္မပဒါဒိသု ဟိ ကေဝလံ  
 ဂါထာဗန္ဓေသု ဂါထာသမညာ ပတိဋ္ဌိတာ၊ နိဒ္ဒေသေ စ န ကောစိ ကေဝလော  
 ဂါထာဗန္ဓပုဒေသော ဥပလဟ္တာတိ။ သမ္မာသမ္ဗုဒ္ဓေန ဘာသိတာနံယေဝ ဟိ  
 အဋ္ဌကဝဂ္ဂါဒိသင်္ဂဟိတာနံ ဂါထာနံ နိဒ္ဒေသမတ္ထံ ဓမ္မသေနာပတိနာ ကတံ။  
 အတ္ထဝိဘဇနတ္ထံ အာနိတာပိ ဟိ တာ အဋ္ဌကဝဂ္ဂါဒိသင်္ဂဟိတာ နိဒ္ဓိသိတဗ္ဗာ  
 မူလဂါထာယော သုတ္တနိပါတပရိယာပန္နတ္တာ အညာယေဝါတိ န နိဒ္ဒေသသင်္ချံ  
 ဂစ္ဆန္တိ ဥဘတောဝိဘင်္ဂါဒိသု အာဂတာပိ တံ ဝေါဟာရမလဘမာနာ  
 ဇာတကာဒိပရိယာပန္နာ ဂါထာယော ဝိယ၊ တသ္မာ ကာရဏန္တရမေတ္ထ  
 ဂဝေသိတဗ္ဗံ၊ ယုတ္တတရံ ဝါ ဂဟေတဗ္ဗံ။

နာလကသုတ္တံ နာမ ဓမ္မစက္ကပ္ပဝတ္တိတံ<sup>၁</sup> ဒိဝသတောသတ္တမေ ဒိဝသေ နာလ-  
 ကတ္ထေရဿ “မောနေယျံ တေ ဥပညိဿ”န္တိအာဒိနာ၊<sup>၂</sup> ဘဂဝတာ ဘာသိတံ  
 မောနေယျပဋိပဒါပရိဒီပကံ သုတ္တံ။ **တုဝန္တကသုတ္တံ** နာမ မဟာသမယသုတ္တန္တ-  
 ဒေသနာယ သန္နိပတိတေသု ဒေဝေသု “ကာ န ခေါ အရဟတ္တပ္ပတ္တိယာ ပဋိ-  
 ပတ္တိ”တိ ဥပ္ပန္နစိတ္တာနံ ကေစ္စာနံ ဒေဝတာနံ တမတ္ထံ ပကာသေတုံ နိမ္မိတဗုဒ္ဓေန  
 အတ္တာနံ ပုစ္ဆာပေတွာ “မူလံ ပပဉ္စသင်္ခါယာ”တိအာဒိနာ၊<sup>၃</sup> ဘဂဝတာ ဘာသိတံ  
 သုတ္တံ။ ဧဝမိမ သုတ္တနိပါတေ အာဂတာနံ မင်္ဂလသုတ္တာဒိနံ သုတ္တင်္ဂသင်္ဂဟော  
 ဒသိတော၊ တတ္ထေဝ အာဂတာနံ အသုတ္တနာမိကာနံ သုဋ္ဌိကဂါထာနံ  
 ဂါထင်္ဂသင်္ဂဟဉ္စ ဒဿယိဿတိ၊ ဧဝံ သတိ၊ သုတ္တနိပါတဋ္ဌကထာရမ္ဘေ—

“ဂါထာသတသမာကိဏ္ဏော၊ ဂေယျဗျာကရဏင်္ဂိတော။  
 ကသ္မာ သုတ္တနိပါတေတတိ၊ သင်္ခမေသ ဂတောတိ စေ”တိ၊<sup>၄</sup>—

သကလဿာပိ သုတ္တနိပါတဿ ဂေယျဝေယျာကရဏင်္ဂသင်္ဂဟော ကသ္မာ  
 စောဒိတောတိ? နာယံ ဝိရောဓော။ ကေဝလဉ္စိ တတ္ထ စောဒကေန  
 သဂါထကတ္တံ၊ ကတ္တမိ ပုစ္ဆာဝိဿဇ္ဇနတ္ထဉ္စ ဂဟေတွာ စောဒနာမတ္ထံ ကတံ၊  
 အညထာ သုတ္တနိပါတေ နိဂ္ဂါထကဿ သုတ္တဿေဝ အဘာဝတော ဝေယျာ-  
 ကရဏင်္ဂသင်္ဂဟော န စောဒေတဗ္ဗော သိယာ၊ တသ္မာ စောဒကဿ ဝစန-  
 မေတံ အပ္ပမာဏန္တိ ဣမ၊ အညာသု စ ဝိနယဋ္ဌကထာဒိသု ဝုတ္တနယေနေဝ

၁-သံ ၃-၃၆ ဂမိ ၃-၁၄၊ ၃-၃၂၉-ပိဋ္ဌေသု။ ၂-၃ ၁-၃၈၈-ပိဋ္ဌေ။ ၃-၃ ၁-၄၂၁-ပိဋ္ဌေ။  
 ၄-သန္တေပိ (က) ၅-သုတ္တနိပါတ-ဋ္ဌ ၁-၁-ပိဋ္ဌေ။

တဿ သုတ္တင်္ဂါထင်္ဂသင်္ဂဟော ဒဿိတောတိ။ သုတ္တန္တိ စုဏ္ဏိယသုတ္တံ။  
ဝိသေသေနာတိ ရာသိဘာဝေန ဌိတံ သန္ဓာယာဟ။ သဂါထာဝဂ္ဂေါ ဂေယျန္တိ  
သဗ္ဗန္ဓော။

“အဋ္ဌဟိ အင်္ဂေဟိ အသင်္ဂဟိတံ နာမ ပဋိသမ္ဘိဒါဒိ”တိ တိသုပ္ပိ ကိရ  
ဂဏ္ဌိပဒေသု ဝုတ္တံ။ အပရေ ပန ပဋိသမ္ဘိဒါမဂ္ဂဿ ဂေယျဝေယျာကရဏင်္ဂ-  
ဒ္ဓယသင်္ဂဟံ ဝဒန္တိ။ ဝုတ္တဉ္ဇေတံ တဒဋ္ဌကထာယံ “နဝသု သတ္ထုသာသနင်္ဂေသု  
ယထာသမ္ဘဝံ ဂေယျဝေယျာကရဏင်္ဂဒ္ဓယသင်္ဂဟိတ”န္တိ။ ဧတ္ထာပိ ဂေယျင်္ဂသင်္ဂ-  
ဟိတဘာဝေါ ဝုတ္တနယေန ဝိမံသိတဗ္ဗော။ နော သုတ္တနာမိကာတိ အသုတ္တ-  
နာမိကာသင်္ဂိတိကာလေ သုတ္တသမညာယ အပညာတာ။ “သုဒ္ဓိကဂါထာ နာမ  
ဝတ္ထုဂါထာ”တိ တိသုပ္ပိ ကိရ ဂဏ္ဌိပဒေသု ဝုတ္တံ။ ဝတ္ထုဂါထာတိ စ ပါရာယန-  
ဝဂ္ဂဿ နိဒါနမာရောပေန္နေန အာယသ္မတာ အာနန္ဒတ္ထေရေန သင်္ဂိတိကာလေ  
ဝုတ္တာ ဆပ္ပညာသ ဂါထာယော၊ နာလကသုတ္တဿ နိဒါနမာရောပေန္နေန  
တေနော တဒါ ဝုတ္တာ ဝိသတိမတ္တာ ဂါထာယော စ ဝုစ္စန္တိ။ သုတ္တနိပါတဒ္ဓ-  
ကထာယံ၂ပန “ပရိနိဗ္ဗုတေ ဘဂဝတိ သင်္ဂိတိ”ကရောန္နေနာယသ္မတာ မဟာ-  
ကဿပေန တမေဝ မောနေယျပဋိပဒံ ပုဋ္ဌော အာယသ္မာ အာနန္ဒော ယေန၊  
ယဒါ စ သမာဒပိတော နာလကတ္ထေရော ဘဂဝန္တံ ပုစ္ဆိ၊ တံ သဗ္ဗံ ပါကင်္ဂ-  
ကတွာ ဒဿေတုကာမော ‘အာနန္ဒဇာတေ’တိအာဒိကာ၊ ဝိသတိ ဝတ္ထု-  
ဂါထာယော ဝတွာ ဝိဿဇ္ဇေသိ၊ တံ သဗ္ဗမ္ပိ ‘နာလကသုတ္တ’န္တိ ဝုစ္စတိ”တိ  
အာဂတတ္တာ နာလကသုတ္တဿ ဝတ္ထုဂါထာယော နာလကသုတ္တဂ္ဂဟဏေနော  
ဂဟိတာတိ ပါရာယနဝဂ္ဂဿ ဝတ္ထုဂါထာယော ဣမ သုဒ္ဓိကဂါထာတိ  
ဂဟေတဗ္ဗံ။ တတ္ထေဝ စ ပါရာယနဝဂ္ဂေ အဇိတမာဏဝကာဒိနံ သောဠသန္တံ  
ဗြာဟ္မဏာနံ ပုစ္ဆာဂါထာ၊ ဘဂဝတော ဝိဿဇ္ဇနဂါထာ စ ပါဠိယံ  
သုတ္တနာမေန အဝတွာ “အဇိတမာဏဝကပုစ္ဆာ၊ တိဿမေတ္ထေယျမာဏဝက-  
ပုစ္ဆာ”တိအာဒိနာ၊ အာဂတတ္တာ၊ စုဏ္ဏိယဂန္ဓေဟိ အသမ္ပိဿတ္တာ စ “နော  
သုတ္တနာမိကာ သုဒ္ဓိကဂါထာ နာမာ”တိ ဝတ္ထု ဝုစ္စတိ။

“သောမနဿဉာဏမယိကဂါထာပဋိသံယုတ္တာ”တိ ဧတေန ဥဒါနဌေန  
ဥဒါနန္တိ အန္တတ္ထသညတံ ဒဿေတိ။ ကိမိဒံ ဥဒါနံ နာမ? ဝိတိဝေဂသမုဋ္ဌာ-  
ပိတော ဥဒါဟာရော။ ယထာ ဟိ ယံ တေလံဒိ မိနိတဗ္ဗဝတ္ထု မာနံ ဂဟေတုံ  
န သက္ကောတိ၊ ဝိဿန္တိတွာ ဂစ္ဆတိ၊ တံ “အဝသေသကော”တိ ဝုစ္စတိ။

၁-ပဋိသံ-ဋ္ဌ ၁-ဂ-ပိဋ္ဌေ။ ၂-သုတ္တနိပါတ-၌ ၂-၂၀၂-ပိဋ္ဌေ။ ၃-၃၁-၃၈၅-ပိဋ္ဌေ။  
၄-၃ ၁-၄၃၄-ပိဋ္ဌေ။ ၅-ဥဒါန-၌ ၂-ပိဋ္ဌာဒိသုပ္ပိ ပဿိတဗ္ဗံ။

ယဉ္ဇ ဇလံ တဠာကံ ဂဟေတုံ န သက္ကောတိ၊ အဇ္ဈောတ္ထရိတွာ ဂစ္ဆတိ၊  
 တံ “မဟောသော”တိ ဝုစ္ဆတိ၊ ဝေဝေ ယံ ပီတိဝေဂသမုဋ္ဌာပိတံ  
 ဝိတက္ကဝိပ္ပါရံ အန္တောဟဒယံ သန္ဓာရေတုံ န သက္ကောတိ၊ သော အဓိကော  
 ဟုတွာ အန္တော အသဏ္ဌဟိတွာ ဗဟိ ဝစီဒ္ဓါရေန နိက္ခန္တော ပဋိဂ္ဂါဟက-  
 နိရပေက္ခော ဥဒါဟာရဝိသေသော “ဥဒါန”န္တိ ဝုစ္ဆတိ။ “ဥဒ မောဒေ  
 ကိဋ္ဌာယဉ္ဇာ”တိ<sup>၂</sup> ဟိ အက္ခရစိန္တကာ ဝဒန္တိ၊ ဣဒဉ္စ ယေဘုယျေန ဝုတ္တံ  
 ဓမ္မသံဝေဂဝသေန ဥဒိတဿာပိ “သစေ ဘာယထ ဒုက္ခဿာ”တိအာဒိ-  
 ဥဒါနဿ<sup>၃</sup> ဥဒါနပါဠိယံ အာဂတတ္တာ၊ တထာ “ဂါထာပဋိသံယုတ္တာ”တိ  
 ဣဒမ္ပိ ယေဘုယျေန “အတ္ထိ ဘိက္ခဝေ တဒါယတနံ၊ ယတ္ထ နေဝ ပထဝီ၊ န  
 အာပေါ”တိအာဒိကဿ<sup>၄</sup> စုဏ္ဍိယဝါကျဝသေန ဥဒိတဿာပိ တတ္ထ အာဂတတ္တာ။  
 နန စ ဥဒါနံ နာမ ပီတိသောမနဿသမုဋ္ဌာပိတော၊ ဓမ္မသံဝေဂသမုဋ္ဌာ-  
 ပိတော ဝါ ဓမ္မပဋိဂ္ဂါဟကနိရပေက္ခော ဂါထာဗန္ဓဝသေန၊ စုဏ္ဍိယဝါကျဝသေန  
 စ ပဝတ္တော ဥဒါဟာရော၊ တထာ စေဝ သဗ္ဗတ္ထ အာဂတံ၊ ဣဓ  
 ကဿာ “ဘိက္ခဝေ”တိ အာမန္တနံ ဝုတ္တန္တိ<sup>၅</sup>၊ တေသံ ဘိက္ခုနံ သညာပနတ္ထံ ဝေ၊ န  
 ပဋိဂ္ဂါဟကကရဏတ္ထံ။ နိဗ္ဗာနပဋိသံယုတ္တံ ဘဂဝါ ဓမ္မံ ဒေသေတွာ နိဗ္ဗာန-  
 ဂုဏာနုဿရဏေန ဥပ္ပန္နပီတိသောမနဿေန ဥဒါနံ ဥဒါနေန္တော “အယံ  
 နိဗ္ဗာနဓမ္မော ကထမပစ္စယော ဥပလဗ္ဘတိ”တိ တေသံ ဘိက္ခုနံ စေတော-  
 ပရိဝိတက္ကမညာယ တေသံ တမတ္ထံ ဉ္ဈပေတုကာမေန “တဒါယတန”န္တိ ဝုတ္တံ၊  
 န ပန ဧကန္တတော တေ ပဋိဂ္ဂါဟကေ ကတွာတိ ဝေဒိတဗ္ဗန္တိ။

တယိဒံ သဗ္ဗညုဗုဒ္ဓဘာသိတံ ပစ္စေကဗုဒ္ဓဘာသိတံ သာဝကဘာသိတန္တိ  
 တိဗ္ဗိဓံ ဟောတိ။ တတ္ထ ပစ္စေကဗုဒ္ဓဘာသိတံ—

“သဗ္ဗေသု ဘူတေသု နိဓာယ ဒဏ္ဍံ၊  
 အဝိဟေဌယံ အညတရမ္ပိ တေသ”န္တိအာဒိနာ<sup>၁</sup>—

ခဂ္ဂဝိသာဏသုတ္တေ အာဂတံ။ သာဝကဘာသိတမ္ပိ—

---

၁-ဥဒါန-၄ ၂-ပိဋ္ဌာဒိသုပိ ပဿိတဗ္ဗံ၊  
 ၂-သဒ္ဓနီတိဓာတုမာလာယံ သရဝဂ္ဂပဉ္စကန္တိကဓာတုဝိဘာဂေ-၇၀-ပိဋ္ဌေ။  
 ၃-ဒု ၁-၁၃၇-ပိဋ္ဌေ။ ၄-ဒု ၁-၁၇၇-ပိဋ္ဌေ။ ၅-ဒု ၁-၂၀၄-ပိဋ္ဌေ။  
 သီ-၉ (နဝ) ၁-၉—န-ဗု-သ

“သဗ္ဗော ရာဂေါ ပဟိနော မေ၊  
 သဗ္ဗော ဒေါသော သမူဟတော။  
 သဗ္ဗော မေ ဝိဟတော မောဟော၊  
 သီတိဘူတောသ္မိ နိဗ္ဗုတော”တိအာဒိနာ<sup>၁</sup>—

ထေရဂါထာသု၊

“ကာယေန သံဝုတာ အာသိ၊ ဝါစာယ ဥဒ စေတသာ။  
 သမူလံ တဏှမဗ္ဗုယျ၊ သီတိဘူတာမိ နိဗ္ဗုတာ”တိ၂—

ထေရီဂါထာသု စ အာဂတံ။ အညာနိပိ သက္ကာဒိဟိ ဒေဝေဟိ ဘာသိတာနိ “အဟော ဒါနံ ပရမဒါနံ၊ ကဿပေ သုပ္ပတိဋ္ဌိတ”န္တိအာဒိနိ<sup>၃</sup>။ သောဏဒဏှ-  
 မြာဟ္မဏာဒိဟိ မနုဿေဟိ စ ဘာသိတာနိ “နမော တဿ ဘဂဝတော”တိ-  
 အာဒိနိ<sup>၄</sup> တိဿော သင်္ဂီတိယော အာရဠာနိ ဥဒါနာနိ သန္တိ ဧဝ၊ တာနိ  
 သဗ္ဗာနိပိ ဣဓ န အဓိပ္ပေတာနိ။ ယံ ပန သမ္မာသမ္ဗုဒ္ဓေန သာမံ အာဟစ္စ-  
 ဘာသိဘံ ဇိနဝစနဘူဘံ၊ တဒေဝ ဓမ္မသင်္ဂါဟကေဟိ “ဥဒါန”န္တိ သင်္ဂီတံ၊ တဒေဝ  
 စ သန္ဓာယ ဘဂဝတာ ပရိယတ္တိဓမ္မံ နဝဓာ ဝိဘဇိတွာ ဥဒ္ဓိသန္ဓေန “ဥဒါန”န္တိ  
 ဝုတ္တံ။ ယာ ပန “အနေကဇာတိသံသာရ”န္တိအာဒိကာ<sup>၅</sup> ဂါထာ ဘဂဝတာ  
 ဗောဓိမူလေ ဥဒါနဝသေန ပဝတ္တိတာ၊ အနေကသတသဟဿာနံ သမ္မာ-  
 သမ္ဗုဒ္ဓါနံ ဥဒါနဘူတာ စ၊ တာ အပရဘာဂေ ဓမ္မဘဏှာဂါရိကဿ ဘဂဝတာ  
 ဒေသိတတ္တာ ဓမ္မသင်္ဂါဟကေဟိ ဥဒါနပါဠိယံ သင်္ဂဟံ အနာရောပေတွာ  
 ဓမ္မပဒေ သင်္ဂဟိတာ၊ ယဉ္စ “အညာသိ ဝတ ဘော ကောဏှညော အညာသိ  
 ဝတ ဘော ကောဏှညော”တိ<sup>၆</sup> ဥဒါနဝစနံ ဒသသဟဿိလောကဓာတုယာ  
 ဒေဝမနုဿာနံ ပဝေဒနသမတ္တနိဋ္ဌေါသဝိပ္ပုရံ ဘဂဝတာ ဘာသိတံ၊ တဒပိ  
 ပဌမဗောဓိယံ သဗ္ဗေသံ ဧဝ ဘိက္ခုနံ သမ္မာပဋိပတ္တိပစ္စဝေက္ခဏဟေတုကံ  
 “အာရာဓယိံသု ဝတ မံ ဘိက္ခု ဧကံ သမယ”န္တိအာဒိဝစနံ<sup>၇</sup>၊ ဝိယ ဓမ္မစက္ကပ္ပ-  
 ဝတ္တနသုတ္တန္တဒေသနာပရိယောသာနေ အတ္တနာပိ အဓိဂတဓမ္မေကဒေသဿ  
 ယထာဒေသိတဿ အရိယမဂ္ဂဿ သဗ္ဗပဌမံ သာဝကေသု ထေရေန  
 အဓိဂတတ္တာ အတ္တနော ပရိဿမဿ သဖလဘာဝပစ္စဝေက္ခဏဟေတုတံ

၁-ခု ၂-၂၃၇-ပိဋက။ ၂-ခု ၂-၃၇၉-ပိဋက။ ၃-ခု ၁-၁၁၁-ပိဋက။  
 ၄-ဒီ ၂-၂၃၀၊ မ ၁-၂၃၅၊ မ ၂-၃၁၄၊ ၃၄၁၊ ၄၂၄၊ သံ ၁-၁၆၂၊ အံ ၁-၆၈၊ အံ ၂-၂၀၈-ပိဋက။  
 ၅-ခု ၁-၃၆-ပိဋက ဓမ္မပဒေ။ ၆-သံ ၃-၃၇၁၊ ဝိ ၃-၁၇၊ ၃၉-၃၃၂-ပိဋက။ ၇-မ ၁-၁၇၅-ပိဋက။

ပီတိသောမနဿဇနိတံ ဥဒါဟာရမတ္ထံ၊ န ပန “ယဒါ ဟဝေ ပါတုဘဝန္တိ ဓမ္မာ”တိအာဒိဝစနံ<sup>၁</sup> ဝိယ ပဝတ္ထိယာ၊ နိဝတ္ထိယာ ဝါ ပကာသနန္တိ ဓမ္မသင်္ဂါ-  
ဟကေဟိ ဥဒါနပါဠိယံ န သင်္ဂီတန္တိ ဒဋ္ဌဗ္ဗံ။ **ဥဒါနပါဠိယံ** ပန အဋ္ဌသု  
ဝဂ္ဂေသု ဒသ ဒသ ကတွာ အသီတိယေဝ သုတ္တန္တာ သင်္ဂီတာ။ တထာ ဟိ  
**တဒဋ္ဌကထာယံ** ဝုတ္တံ—

“အသီတိယေဝ သုတ္တန္တာ၊ ဝဂ္ဂါ အဋ္ဌ သမာသတော”တိ၂။

ဣဓ ပန “ဒွေအသီတိ သုတ္တန္တာ”တိ ဝုတ္တံ၊ တံ ဥဒါနပါဠိယာ န သမေတိ၊  
တသ္မာ “အသီတိ သုတ္တန္တာ”တိ ပါဌေန ဘဝိတဗ္ဗံ။ အပိစ န ကေဝလံ ဣဓေဝ၊  
အထ ခေါ အညာသုပိ ဝိနယာဘိဓမ္မဋ္ဌကထာသု၊ တထာယေဝ ဝုတ္တတ္တာ  
“အပ္ပကံ ပန ဦးနမိကံ ဝါ ဂဏနူပကံ န ဟောတိ”တိ ပရိယာယေန အနေကံ-  
သေန ဝုတ္တံ သိယာ။ ယထာ ဝါ တထာ ဝါ အနုမာနေန ဂဏနမေဝ ဟိ တတ္ထ  
တတ္ထ ဦးနာမိကသင်္ချာ၊ ဣတရထာ တာယေဝ န သိယုန္တိဝိ ဝဒန္တိ၊ ပစ္ဆာ  
ပမာဒလေခဝစနံ ဝါ ဧတံ။

**ဝုတ္တံ ဟေတံ ဘဂဝတာတိအာဒိနယပ္ပဝတ္တာတိ** ဧတ္ထ အာဒိသဒ္ဓေန  
“ဝုတ္တံ ဟေတံ ဘဂဝတာ၊ ဝုတ္တမရဟတာတိ မေ သုတံ။ ဧကဓမ္မံ ဘိက္ခဝေ  
ပဇဟထ၊ အဟံ ဝေါ ပါဠိဘောဂေါ အနာဂါမိတာယ။ ကတမံ ဧကဓမ္မံ?  
လောဘံ ဘိက္ခဝေ ဧကဓမ္မံ ပဇဟထ၊ အဟံ ဝေါ ပါဠိဘောဂေါ အနာဂါမိ-  
တာယာ”တိ<sup>၁</sup> ဧဝမာဒိနာ ဧကဒုကတိကစတုက္ကနိပါတဝသေန ဝုတ္တံ ဒွါဒ-  
သုတ္တရသတသုတ္တသမူဟံ သင်္ဂဟာတိ။ တထာ ဟိ ဣတိဝုတ္တကပါဠိယမေဝ  
ဥဒါနဂါထာဟိ ဒွါဒသုတ္တရသတသုတ္တာနိ ဂဏေတွာ သင်္ဂီတာနိ၊ **တဒဋ္ဌ-**  
**ကထာယမ္ပိ** တထာယေဝ ဝုတ္တံ။ တသ္မာ “ဒွါဒသုတ္တရသတသုတ္တန္တာ”ဣစ္စေဝ  
ပါဌေန ဘဝိတဗ္ဗံ၊ ယထာဝုတ္တနယေန ဝါ အနေကံသတော ဝုတ္တန္တိဝိ ဝတ္တံ၊  
သက္ကာ၊ တထာပိ ဤဒိသေ ဌာနေ ပမာဏံ ဒဿေန္တေန ယာထာဝတောဝ  
နိယမေတွာ ဒဿေတဗ္ဗန္တိ “ဒသုတ္တရသတသုတ္တန္တာ”တိ ဣဒံ ပစ္ဆာ ပမာဒ-  
လေခမေဝါတိ ဂဟေတဗ္ဗန္တိ ဝဒန္တိ။ ဣတိ ဧဝံ ဘဂဝတာ ဝုတ္တံ **ဣတိဝုတ္တံ**။  
ဣတိဝုတ္တန္တိ သင်္ဂီတံ **ဣတိဝုတ္တကံ**။ ရဋ္ဌိနာမံ ဝါ ဧတံ ယထာ “ယေဝါပနကံ၊  
နတုမ္ဘာကဝဂ္ဂေါ”တိ၊ ဝုတ္တံ ဟေတံ ဘဂဝတာ၊ ဝုတ္တမရဟတာတိ မေ သုတန္တိ  
နိဒါနဝစနေန သင်္ဂီတံ ယထာဝုတ္တသုတ္တသမူဟံ။

၁-ဝိ ၃-၂၊ ၃ ၁-၇၈-ပိဋကေ။

၄-အဘိ-ဋ္ဌ ၁-၂၇-ပိဋကေ။

၂-ဥဒါန-ဋ္ဌ ၄-ပိဋကေ။

၅-၃ ၁-၁၉၅-ပိဋကေ။

၃-ဝိ-ဋ္ဌ ၁-၂၂-ပိဋကေ။

၆-ဣတိဝုတ္တက-ဋ္ဌ ၂-ပိဋကေ။

ဇာတံ ဘူတံ ပုရာဝုတ္တံ ဘဂဝတော ပုဗ္ဗစရိတံ ကာယတိ ကထေတိ ပကာ-  
 သေတိ ဧတေနာတိ ဇာတကံ၊ တံ ပန ဣမာနိတိ ဒဿေတုံ “အပဏ္ဏကဇာ-  
 တကာဒီနိ”တိအာဒိမာဟ။ တတ္ထ “ပညာသမိကာနိ ပဉ္စဇာတကသတာနိ”တိ  
 ဣဒံ အပ္ပကံ ပန ဦးမဓိကံ ဝါ ဂဏနူပကံ န ဟောတိတိ ကတွာ အနေကံသေန၊  
 ဝေါဟာရသုခတာမတ္တေန စ ဝုတ္တံ။ ဧကံသတော ဟိ သတ္တစတ္တာလီသမိကာနိ-  
 ယေဝ ယထာဝုတ္တဂဏနတော တိဟိ ဦးတ္တာ။ တထာ ဟိ ဧကနိပါတေ ပညာ-  
 သသတံ၊ ဒုကနိပါတေ သတံ၊ တိကနိပါတေ ပညာသ၊ တထာ စတုတ္ထနိပါတေ၊  
 ပဉ္စကနိပါတေ ပဉ္စဝိသ၊ ဆက္ကနိပါတေ ဝိသ၊ သတ္တနိပါတေ ဧကဝိသ၊ အဋ္ဌ-  
 နိပါတေ ဒသ၊ နဝနိပါတေ ဒွါဒသ၊ ဒသနိပါတေ သောဠသ၊ ဧကောဒသနိပါတေ  
 နဝ၊ ဒွါဒသနိပါတေ ဒသ၊ တထာ တေရသနိပါတေ၊ ပကိဏ္ဏကနိပါတေ တေရသ၊  
 ဝိသတိနိပါတေ စုဒ္ဒသ၊ တိသနိပါတေ ဒသ၊ စတ္တာလီသနိပါတေ ပဉ္စ၊  
 ပဏ္ဏာသနိပါတေ တိဏိ၊ သဠိနိပါတေ ဒွေ၊ တထာ သတ္တတိနိပါတေ၊ အသိတိ-  
 နိပါတေ ပဉ္စ၊ မဟာနိပါတေ ဒသာတိ သတ္တစတ္တာလီသမိကာနေဝ ပဉ္စ  
 ဇာတကသတာနိ သင်္ဂီတာနိတိ။

အပ္ပတော ဓမ္မော သဘာဝေါ ဝုတ္တော ယတ္ထာတိ အပ္ပတဓမ္မံ၊ တံ ပနိဒန္တိ  
 အာဟ “စတ္တာရောမေ”တိအာဒိ။ အာဒိသဒ္ဓေန စေတ္ထ—

“စတ္တာရောမေ ဘိက္ခဝေ အတ္ထရိယာ အပ္ပတော ဓမ္မော အာနန္ဒေ။  
 ကတမေ စတ္တာရော? သစေ ဘိက္ခဝေ ဘိက္ခုပရိသာ အာနန္တံ  
 ဒဿနာယ ဥပသင်္ကမတိ၊ ဒဿနေနပိ သာ အတ္တမနာ ဟောတိ။  
 တတြ စေ အာနန္ဒော ဓမ္မံ ဘာသတိ၊ ဘာသိတေနပိ သာ အတ္တမနာ  
 ဟောတိ၊ အတိတ္တာဝ ဘိက္ခဝေ ဘိက္ခုပရိသာ ဟောတိ၊ အထ  
 အာနန္ဒော တုဏှိ ဘဝတိ။ သစေ ဘိက္ခဝေ ဘိက္ခုနိပရိသာ။ပ။  
 ဥပါသကပရိသာ။ပ။ ဥပါသိကာပရိသာ။ပ။ တုဏှိ ဘဝတိ။ ဣမေ  
 ခေါ ဘိက္ခဝေ။ပ။ အာနန္ဒေ”တိ—

ဝေမာဒိနယပ္ပဝတ္တံ တတ္ထ တတ္ထ ဘာသိတံ သဗ္ဗမ္ပိ အတ္ထရိယပ္ပတဓမ္မပဋိ-  
 သံယုတ္တံ သုတ္တန္တံ သင်္ဂဏာတိ။

စူဠဝေဒလ္လာဒီသု၊ ဝိသာခေန နာမ ဥပါသကေန ပုဋ္ဌာယ ဓမ္မဒိန္နာယ နာမ  
 ဘိက္ခုနိယာ ဘာသိတံ သုတ္တံ စူဠဝေဒလ္လံ နာမ။ မဟာကောဠိကတ္ထေရေန  
 ပုစ္ဆိတေန အာယသ္မတာ သာရိပုတ္တတ္ထေရေန ဘာသိတံ မဟာဝေဒလ္လံ? နာမ။

သမ္ဘာဒိန္ဒိယုတ္တိ<sup>၁</sup> ဘိက္ခုဟိ ပုဋ္ဌေန တေနော ဘာသိတံ၊ တောနိ မဇ္ဈိမနိ-  
 ကာယပရိယာပန္နာနိ။ သက္ကပဉ္စ<sup>၂</sup> ပန သက္ကေန ပုဋ္ဌော ဘဂဝါ အဘာသိ၊ တံ  
 ဒီဃနိကာယပရိယာပန္နံ။ မဟာပုဏ္ဏမသုတ္တံ<sup>၃</sup> ပန တဒဟုပေါသထေ ပန္နရသေ  
 ပုဏ္ဏမာယ ရတ္တိယာ အညတရေန ဘိက္ခုနာ ပုဋ္ဌေန ဘဂဝတာ ဘာသိတံ၊ တံ  
 မဇ္ဈိမနိကာယပရိယာပန္နံ။ ဧဝမာဒယော သဗ္ဗေ တတ္ထ တတ္ထာဂတာ ဝေဒဉ္စ  
 ဟုန္တိန္ဒ လဒ္ဓါ လဒ္ဓါ ပုန္တိတသုတ္တန္တာ “ဝေဒဗ္ဗ”န္တိ ဝေဒိတဗ္ဗံ။ ဝေဒန္တိ ဉာဏံ။  
 ဟုန္တိန္ဒ ယထာဘာသိတဓမ္မဒေသနံ ဝိဒိတွာ “သာဓု အယျေ သာဓာဝုသော”တိ-  
 အာဒိနာ အဗ္ဘနုမောဒနဝသပ္ပဝတ္တံ ဝိတိသောမနဿ။ လဒ္ဓါ လဒ္ဓါတိ လဘိတွာ  
 လဘိတွာ၊ ပုနပ္ပုနံ လဘိတွာတိ ဝုတ္တံ ဟောတိ၊ ဧတေန ဝေဒသဒ္ဓေါ ဉာဏေ၊  
 သောမနဿေ စ ဧကသေသနယေန၊ သာမညနိဒ္ဒေသေန ဝါ ပဝတ္တတိ၊  
 ဝေဒမိ နိဿိတံ တဿ လဘာပနဝသေနာတိ ဝေဒဗ္ဗန္တိ စ ဒေသေတိ။

ဧဝံ အင်္ဂဝသေန သကလမ္ပိ ဗုဒ္ဓဝစနံ ဝိဘဇိတွာ ဣဒါနိ ဓမ္မက္ခန္ဓဝသေန  
 ဝိဘဇိတုကာမော “ကထ”န္တိအာဒိမာဟ။ ဟတ္ထ ဓမ္မက္ခန္ဓဝသေနာတိ ဓမ္မ-  
 ရာသိဝသေန။ “ဒ္ဓါသိတိ”တိ အယံ ဂါထာ ဝုတ္တတ္ထာဝ။ ဧဝံ ပရိဒီပိတဓမ္မက္ခန္ဓ-  
 ဝသေနာတိ ဂေါပကမောဂ္ဂလ္လာနေန နာမ ဗြာဟ္မဏေန ပုဋ္ဌေန ဂေါပက-  
 မောဂ္ဂလ္လာနသုတ္တေ<sup>၄</sup> အတ္တနော ဂုဏပ္ပကာသနတ္ထံ ဝါ ထေရဂါထာယံ<sup>၅</sup>  
 အာယသ္မတာ အာနန္ဒတ္ထရေန သမန္တတော ဒီပိတဓမ္မက္ခန္ဓဝသေန၊ ဣမိနာ  
 ဧဝံ တေန အပရိဒီပိတာပိ ဓမ္မက္ခန္ဓာ သန္တိတိ ပကာသေတိ၊ တသ္မာ ကထာ-  
 ဝတ္ထုပ္ပကရဏမာရရိယသုတ္တာဒိနံ<sup>၆</sup> ဝိမာနဝတ္ထာဒိသု ကေသဉ္စိ ဂါထာနဉ္စ  
 ဝသေန စတုရာသိတိသဟဿတောပိ ဓမ္မက္ခန္ဓာနံ အဓိကတာ ဝေဒိတဗ္ဗာ။

တ္ထေ စ သုဘသုတ္တံ<sup>၇</sup>၊ ဂေါပကမောဂ္ဂလ္လာနသုတ္တန္တံ<sup>၈</sup> ပရိနိဗ္ဗုတေ ဘဂဝတိ  
 အာနန္ဒတ္ထရေန ဘာသိတတ္တာ ‘စတုရာသိတိဓမ္မက္ခန္ဓသဟဿေသု အန္တောဂဓံ  
 ဟောတိ၊ န ဟောတိတိ? ပဋိသန္တိဒါဂဏ္ဌိပဒေ တာဝ ဣဒံ ဝုတ္တံ “သယံ  
 ဝုတ္တဓမ္မက္ခန္ဓာနမ္ပိ ဘိက္ခုတော ဂဟိတေယေဝ သင်္ဂဟေတွာ ဧဝမာဟာတိ  
 ဒဋ္ဌဗ္ဗ”န္တိ၊ ဘဂဝတာ ပန ဒိန္နနယေ ဌတွာ ဘာသိတတ္တာ “သယံ ဝုတ္တမ္ပိ စေတံ  
 သုတ္တဒ္ဓယံ ဘဂဝတော ဂဟိတေယေဝ သင်္ဂဟေတွာ ဝုတ္တ”န္တိ ဝေမိ ဝတ္ထု  
 ယုတ္တတရံ ဝိယ ဒိဿတိ။ ဘဂဝတာ ဟိ ဒိန္နနယေ ဌတွာ သာဝကာ ဓမ္မံ  
 ဒေသေန္တိ၊ တေနော သာဝကဘာသိတမ္ပိ ကထာဝတ္ထာဒိကံ ဗုဒ္ဓဘာသိတံ နာမ

၁-မ ၁-၅၇-ပိဋေ။	၂-ဒီ ၂-၂၁၁-ပိဋေ။	၃-မ ၃-၆၆-ပိဋေ။
၄-မ ၃-၅၈-ပိဋေ။		၅-ဒ ၂-၃၄၇-ပိဋေ။
၆-မ ၂-၂၇၀-ပိဋေ။		၇-ဒီ ၁-၁၈၈-ပိဋေ။

ဇာတံ၊ တတောယေဝ စ အတ္တနာ ဘာသိတမ္ပိ သုဘသုတ္တာဒိကံ သင်္ဂီတိ-  
မာရောပေန္တေန အာယသ္မတာ အာနန္ဒတ္ထေရေန “ဧဝံ မေ သုတ”န္တိ ဝုတ္တံ။

**ကောနုသန္ဓိကံ သုတ္တံ** သတိပဋ္ဌာနာဒိ။ သတိပဋ္ဌာနသုတ္တံ၌ “ကောယနော  
အယံ ဘိက္ခဝေ မဂ္ဂေါ သတ္တာနံ ဝိသုဒ္ဓိယာ”တိအာဒိနာ<sup>၁</sup> စတ္တာရော သတိ-  
ပဋ္ဌာနေ အာရဘိတွာ တေသံယေဝ ဝိဘာဂဒဿနဝသေန ပဝတ္တတ္တာ “ကော-  
နုသန္ဓိက”န္တိ ဝုစ္စတိ။ **အနေကောနုသန္ဓိကံ** ပရိနိဗ္ဗာနသုတ္တာဒိ။ ပရိနိဗ္ဗာန-  
သုတ္တံ၌ နာနာဌာနေသု နာနာဓမ္မဒေသနာနံ ဝသေန ပဝတ္တတ္တာ “အနေကော-  
နုသန္ဓိက”န္တိ ဝုစ္စတိ။

“ကတိ ဆိန္ဓေ ကတိ ဇဟေ၊ ကတိ စုတ္တရိ ဘာဝယေ။

ကတိ သင်္ဂါတိဂေါ ဘိက္ခု၊ ‘ဩဃတိဇ္ဈော’တိ ဝုစ္စတိ”တိ<sup>၂</sup>—

ဝေမာဒိနာ ပဉ္စာပုစ္ဆနံ ဂါထာဗန္ဓေသု ဧကော ဓမ္မက္ခန္ဓော။

“ပဉ္စ ဆိန္ဓေ ပဉ္စ ဇဟေ၊ ပဉ္စ စုတ္တရိ ဘာဝယေ။

ပဉ္စ သင်္ဂါတိဂေါ ဘိက္ခု၊ ‘ဩဃတိဇ္ဈော’တိ ဝုစ္စတိ”တိ<sup>၃</sup>—

ဝေမာဒိနာ စ ဝိဿဇ္ဇနံ ဧကော ဓမ္မက္ခန္ဓော။

**တိကဒုကဘာဇနံ** ဓမ္မသင်္ဂဏိယံ နိက္ခေပကဏ္ဍအဋ္ဌကထာကဏ္ဍဝသေန  
ဂဟေကဗ္ဗံ။ တသ္မာ ယံ **ကုသလတ္တိကမာတိကာပဒဿ**<sup>၄</sup> ဝိဘဇနဝသေန  
**နိက္ခေပကဏ္ဍေ** ဝုတ္တံ—

“ကတမေ ဓမ္မာ ကုသလာ? တိဏိ ကုသလမူလာနိ ။ပ။ ဣမေ  
ဓမ္မာ ကုသလာ။ ကတမေ ဓမ္မာ အကုသလာ? တိဏိ အကုသလ-  
မူလာနိ ။ပ။ ဣမေ ဓမ္မာ အကုသလာ။ ကတမေ ဓမ္မာ အဗျာကတာ?  
ကုသလာကုသလာနံ ဓမ္မာနံ ဝိပါကာ ။ပ။ ဣမေ ဓမ္မာ အဗျာ-  
ကတာ”တိ<sup>၅</sup>၊

အယမေကော ဓမ္မက္ခန္ဓော။ ဧသ နယော သေသတ္တိကဒုကပဒဝိဘဇနေသုပိ။  
ယဒပိ **အဋ္ဌကထာကဏ္ဍေ** ဝုတ္တံ—

“ကတမေ ဓမ္မာ ကုသလာ? စတုသု ဘူမိသု ကုသလံ။ ဣမေ  
ဓမ္မာ ကုသလာ။ ကတမေ ဓမ္မာ အကုသလာ? ဒွါဒသ အကုသလ-  
စိတ္တုပ္ပါဒါ။ ဣမေ ဓမ္မာ အကုသလာ။ ကတမေ ဓမ္မာ အဗျာကတာ?

၁-ဒီ ၂-၂၃၊ မ ၁-၇၀၊ သံ ၃-၁၂၊ ၁၄၅၊ ၁၆၁-ပိဋေသု။

၂-ဒီ ၂-၆၁-ပိဋေ၊ ၃-သံ ၁-၃-ပိဋေ၊ ၄-အဘိ ၈-၁-ပိဋေ၊ ၅-အဘိ ၁-၂၀၅-ပိဋေ။

စတုသု ဘူမိသု ဝိပါကော တိသု ဘူမိသု ကိရိယာဗျာကတံ ရူပဉ္စ  
နိဗ္ဗာနဉ္စ။ ဣမေ ဓမ္မာ အဗျာကတာ”တိ<sup>၁</sup>။

အယံ ကုသလတ္ထိကမာတိကာပဒဿ ဝိဘဇနဝသေန ပဝတ္တော ဧကော  
ဓမ္မက္ခန္ဓော။ ယေ နယော သေသေသုပိ။ စိတ္တဝါရဘာဇနံ ပန စိတ္တုပ္ပါဒ-  
ကဏ္ဍဝသေန<sup>၂</sup> ဂဟေတုဗ္ဗံ။ ယဉ္စိ တတ္ထ ဝုတ္တံ ကုသလစိတ္တဝိဘဇနတ္ထံ—

“ကတမေ ဓမ္မာ ကုသလာ? ယသ္မိံ သမယေ ကာမာဝစရံ  
ကုသလံ စိတ္တံ ဥပ္ပန္နံ ဟောတိ သောမနဿသဟဂတံ ဉာဏသမ္ပ-  
ယုတ္တံ ရူပါရမ္မဏံ ဝါ။ပ။ တသ္မိံ သမယေ ဖဿော ဟောတိ။ပ။  
အဝိက္ခေပေါ ဟောတိ”တိ<sup>၃</sup>။

အယမေကော ဓမ္မက္ခန္ဓော။ ဧဝံ သေသစိတ္တဝါရဝိဘဇနေသု။ ဧကော  
ဓမ္မက္ခန္ဓော<sup>၄</sup>တိ စ ဧကေကော ဓမ္မက္ခန္ဓောတိ အတ္တော။ “ဧကမေကံ တိက-  
ဒုကဘာဇနံ, ဧကမေကံ စိတ္တဝါရဘာဇနံ”န္တိ စ ဝစနတော ဟိ“ဧကေကော”တိ  
အဝုတ္တေပိ အယမတ္တော သာမတ္ထိယတော ဝိညာယမာနောဝ ဟောတိ။

ဝတ္ထု၊ နာမ သုဒ္ဓိန္နကဏ္ဍာဒိ။ မာတိကာ နာမ “ယော ပန ဘိက္ခု  
ဘိက္ခုနံ သိက္ခာသာဇီဝသမာပန္နော”တိအာဒိနာ၊<sup>၅</sup> တသ္မိံ တသ္မိံ အဇ္ဈာ-  
စာရေ ပညတ္တံ ဥဒ္ဓေသသိက္ခာပဒံ။ ပဒဘာဇနိယန္တိ တဿ တဿ သိက္ခာ-  
ပဒဿ “ယော ပနာတိ ယော ယာဒိသော”တိအာဒိနိယပ္ပဝတ္တံ ပဒဝိဘဇနံ။  
အနုပတ္တိတိ “ပဋိလာတံ ဥက္ခိပတိ၊ အာပတ္တိ ဒုက္ကဋ္ဌဿာ”တိ<sup>၆</sup> ဧဝမာဒိနာ  
သိက္ခာပဒန္တရေသု ပညတ္တာ အာပတ္တိ။ အာပတ္တိတိ တံတံသိက္ခာပဒါနုရူပံ  
ဝုတ္တော တိကစ္ဆေဒမုတ္တော အာပတ္တိဝါရေ။ အနာပတ္တိတိ “အနာပတ္တိ  
အဇာနန္တဿ အသာဒိယန္တဿ ခိတ္တစိတ္တဿ ဝေဒနာဋ္ဌဿ အာဒိကမ္မိ-  
ကဿာ”တိအာဒိနိယပ္ပဝတ္တော အနာပတ္တိဝါရေ။ တိကစ္ဆေဒေါတိ “ဒဿာ-  
ဟာတိက္ကန္တေ အတိက္ကန္တသညိ နိဿဂ္ဂိယံ ပါစိတ္တိယံ၊ ဒဿာဟာတိက္ကန္တေ  
ဝေမတိကော။ပ။ ဒဿာဟာတိက္ကန္တေ အနတိက္ကန္တသညိ နိဿဂ္ဂိယံ ပါစိတ္တိ-  
ယ”န္တိ<sup>၇</sup> ဧဝမာဒိနိယပ္ပဝတ္တော တိကပါစိတ္တိယတိကဒုက္ကဋ္ဌာဒိဘေဒေါ တိက-  
ပရိစ္ဆေဒေါ။ တတ္ထာတိ တေသု ဝတ္ထုမာတိကာဒိသု။

၁-အဘိ ၁-၂၆၆-ပိဋေ။

၃-ဧကမေကော ဓမ္မက္ခန္ဓော ဆဋ္ဌ-ဋ္ဌ။

၅-ဝိ ၁-၂၀-ပိဋေ။

၇-ဝိ ၁-၄၁-ပိဋာဒိသု။

၂-အဘိ ၁-၁၇-ပိဋေ။

၄-ဝိ ၁-၂၀-ပိဋေ။

၆-ဝိ ၂-၁၅၄-ပိဋေ။

၈-ဝိ ၁-၂၉၆-ပိဋေ။

ဧဝံ အနေကနယသမလင်္ကတံ သင်္ဂီတိပ္ပကာရံ ဒဿေတော “အယံ ဓမ္မော၊ အယံ ဝိနယော။ပ။ ဣမာနိ စတုရာသီတိ ဓမ္မက္ခန္ဓသဟဿာနိ”တိ ဗုဒ္ဓဝစနံ ဓမ္မဝိနယာဒိဘေဒေန ဝဝတ္ထပေတွာ သင်္ဂါယန္တေန မဟာကဿပပ္ပမုခေန ဝသီဂဏေန အနေကန္တရိယပါတုဘာဝပဋိမဏ္ဍိတာယ သင်္ဂီတိယာ ဣမဿ ဒီဃာဂမဿ ဓမ္မဘာဝေါ၊ မဇ္ဈိမဗုဒ္ဓဝစနာဒိဘာဝေါ စ ဝဝတ္ထာပိတောတိ ဒဿေန္တော “ဧဝမေတ”န္တိ အာဒိမာဟ။ သာဓာရဏာဝစနေန ဒဿိတေပိ ဟိ “ယဒတ္ထံ သံဝဏ္ဏေတုံ ဣဒမာရဘတိ၊ သောယေဝ ပဓာနဝသေန ဒဿိတော”တိ အာစရိယေဟိ အယံ သမ္ပန္နော ဝုတ္တော။ အပရော နယော—ဟေဋ္ဌာ ဝုတ္တေသု ဧကဝိဓာဒိဘေဒဘိန္တေသု ပကာရေသု ဓမ္မဝိနယာဒိဘာဝေါ သင်္ဂီတိကာရကေဟေဝ သင်္ဂီတိကာလေ ဝဝတ္ထာပိတော၊ န ပစ္ဆာ ကပ္ပနမတ္တသိဒ္ဓေါတိ ဒဿေန္တော “ဧဝမေတ”န္တိ အာဒိမာဟာတိပိ ဝတ္ထဗျော။ န ဧကဝလံ ယထာဝုတ္တပ္ပကာရေဝ ဝဝတ္ထာပေတွာ သင်္ဂီတံ၊ အထ ခေါ အညမ္ဘိတိ ဒဿေတိ “န ဧကဝလဉ္ဇာ”တိ အာဒိနာ။ ဥဒါနသင်္ဂဟော နာမ ပဌမပါရာဇိကာဒိသု အာဂတာနံ ဝိနိတဝတ္ထု၊ အာဒိနံ သင်္ခေပတော သင်္ဂဟဒဿနဝသေန ဓမ္မသင်္ဂါဟကေဟိ ဌပိတာ—

“မတ္တဋီ ဝဇ္ဇိပုတ္တာ စ၊ ဂိဟိ နဂ္ဂေါ စ တိတ္ထိယာ။  
ဒါရိကုပ္ပလဝဏ္ဏာ စ၊ ဗျဉ္ဇနေဟိ ပရေ ဒုဝေ”တိ အာဒိကာ—

ဂါထာယော။ ဝုစ္စမာနဿ ဟိ ဝုတ္တဿ ဝါ အတ္တဿ ဝိပ္ပကိဏ္ဏဘာဝေန ပဝတ္တိတုံ အဒတွာ ဥဒ္ဓိ ဒါနံ ရက္ခဏံ ဥဒါနံ၊ သင်္ဂဟဝစနန္တိ အတ္ထော။ သီလက္ခန္ဓဝဂ္ဂမူလပရိယာယဝဂ္ဂါဒိဝသေန ဝဂ္ဂသင်္ဂဟော။ ဝဂ္ဂေါတိ ဟိ ဓမ္မသင်္ဂါဟကေဟေဝ ကတာ သုတ္တသမုဒါယဿ သမညာ။ ဥတ္တရိမနဿ ပေယျာလနီလပေယျာလာဒိဝသေန ပေယျာလသင်္ဂဟော။ ပါတုံ ရက္ခိတုံ၊ ဝိတ္တာရိတုံ ဝါ အလန္တိ ဟိ ပေယျာလံ၊ သဒ္ဓိပိတွာ ဒဿနဝစနံ။ အင်္ဂုတ္တရနိကာယာဒိသု နိပါတသင်္ဂဟော၊ ဂါထင်္ဂါဒိဝသေန နိပါတနံ။ သမုဒါယကရဏဉ္စ နိပါတော။ ဒေဝတာသံယုတ္တာဒိဝသေန၊ သံယုတ္တသင်္ဂဟော။ ဝဂ္ဂသမုဒါယေ ဧဝ ဓမ္မသင်္ဂါဟကေဟိ ကတာ သံယုတ္တသမညာ။ မူလပဏ္ဏာသကာဒိဝသေန ပဏ္ဏာသသင်္ဂဟော၊ ပညာသ ပညာသ သုတ္တာနိ ဂဏေတွာ သင်္ဂဟောတိ ဝုတ္တံ ဟောတိ။ အာဒိသဒ္ဓေန တဿံ တဿံ ပါဠိယံ ဒိဿမာနံ သင်္ဂီတိကာရကဝစနံ သင်္ဂဟာတိ။ ဥဒါနသင်္ဂဟ။ပ။ ပဏ္ဏာသသင်္ဂဟာဒိဟိ အနေကဝိဓံ တထာ။ သတ္တဟိ မာသေဟိတိ ကိရိယာပဝဂ္ဂေ တတိယာ

“ကောဟေနေဝ ဗာရာဏသီ” ပါယာသိ။ နဝဟိ မာသေဟိ ဝိဟာရံ နိဋ္ဌာပေသိ”တိအာဒိသု ဝိယ။ ကိရိယာယ အာသုံ ပရိနိဋ္ဌာပနဉ္စိ ကိရိယာပဝဂ္ဂေါ။

တဒါ အနေကစ္ဆရိယပါတုဘာဝဒဿနေန သာရူနံ ပဿာဒဇနနတ္ထမာဟ “သင်္ဂီတိပရိယောသာနေ စဿာ”တိအာဒိ။ အဿ ဗုဒ္ဓဝစနဿ သင်္ဂီတိ-ပရိယောသာနေ သဉ္ဇာတပ္ပမောဒါ ဝိယ၊ သာရူကာရံ ဒေမာနာ ဝိယ စ သင်္ကမ္ပိ။ပ။ ပါတုရဟေသုန္တိ သမ္ပန္နော။ ဝိယာတိ ဟိ ဥဘယတ္ထ ယောဇေတဗ္ဗံ။ ပဝတ္တနေ၊ ပဝတ္တနာယ ဝါ သမတ္ထံ ပဝတ္တနသမတ္ထံ။ ဥဒကပရိယန္တန္တိ ပထဝီ-သန္တာရကဥဒကပရိယောသာနံ ကတွာ၊ သဟ တေန ဥဒကေန၊ တံ ဝါ ဥဒကံ အာဟစ္စာတိ ဝုတ္တံ ဟောတိ၊ တေန ဧကဒေသကမ္ပနံ နိဝါရေတိ။ သင်္ကမ္ပိတိ ဥဒ္ဓံ ဥဒ္ဓံ ဂစ္ဆန္တိ သုဠု ကမ္ပိ။ သမ္ပကမ္ပိတိ ဥဒ္ဓမဓော စ ဂစ္ဆန္တိ သမ္ပာ ပကာရေန ကမ္ပိ။ သမ္ပဝေဓိတိ စတုသု ဒိသာသု ဂစ္ဆန္တိ သုဠု ဘိယျော ပဝေဓိ။ ဧဝံ ဧတေန ပဒတ္တယေန ဆပ္ပကာရံ ပထဝီစလနံ ဒဿေတိ။ အထ ဝါ ပုရတ္ထိမတော၊ ပစ္ဆိမတော စ ဥန္တမနဩနမနဝသေန သင်္ကမ္ပိ။ ဥတ္တရတော၊ ဒက္ခိဏတော စ ဥန္တမနဩနမနဝသေန သမ္ပကမ္ပိ။ မဇ္ဈိမတော၊ ပရိယန္တတော စ ဥန္တမနဩနမနဝသေန သမ္ပဝေဓိ။ ဧဝံ ဆပ္ပကာရံ ပထဝီစလနံ ဒဿေတိ၊ ယံ သန္တာယ အဋ္ဌ-ကထာသု ဝုတ္တံ—

“ပုရတ္ထိမတော ဥန္တမတိ ပစ္ဆိမတော ဩနမတိ၊ ပစ္ဆိမတော ဥန္တမတိ ပုရတ္ထိမတော ဩနမတိ၊ ဥတ္တရတော ဥန္တမတိ ဒက္ခိဏတော ဩနမတိ၊ ဒက္ခိဏတော ဥန္တမတိ ဥတ္တရတော ဩနမတိ၊ မဇ္ဈိမတော ဥန္တမတိ ပရိယန္တတော ဩနမတိ၊ ပရိယန္တတော ဥန္တမတိ မဇ္ဈိမတော ဩနမတိတိ ဧဝံ ဆပ္ပကာရံ။ပ။ အကမ္ပိတ္တာ”တိ။

အစ္ဆရံ ပဟရိတုံ ယုတ္တာနိ အစ္ဆရိယာနိ၊ ပုပ္ဖဝဿဇေလုက္ခေပါဒိနိ။ အညာယပိ သာ သမညာယ ပါကဋ္ဌာတိ ဒဿေန္တော အာဟ “ယာ လောကေ”တိအာဒိ။ ယာ ပဌမမဟာသင်္ဂီတိ ဓမ္မသင်္ဂါဟကေဟိ မဟာ-ကဿပါဒိဟိ ပဉ္စဟိ သတေဟိ ယေန ကတာ သင်္ဂီတာ၊ တေန ပဉ္စ သတာနိ ဧတိဿာတိ “ပဉ္စသတာ”တိ စ ထေရေဟေဝ ကတတ္တာ ထေရာ မဟာ-ကဿပါဒယော ဧတိဿာ၊ ထေရေဟိ ဝါ ကတာတိ “ထေရိကာ”တိ စ လောကေ ပဝုစ္စတိ၊ အယံ ပဌမမဟာသင်္ဂီတိ နာမာတိ သမ္ပန္နော။

ဧဝံ ပဌမမဟာသင်္ဂီတိံ ဒဿေတွာ ယဒတ္ထံ သာ ဣဓ ဒဿိတာ၊ ဣဒါနိ တံ နိဒါနံ နိဂမနဝသေန ဒဿေန္တော “**ဣမိဿာ**”တိအာဒိမာဟ။ **အာဒိနိ- ကာယဿာ**တိ သုတ္တန္တပိဋကပရိယာပန္နေသု ပဉ္စသု နိကာယေသု အာဒိ- ဘူတဿ ဒီဃနိကာယဿ။ ခုဒ္ဒကပရိယာပန္နော ဟိ ဝိနယော ပဌမံ သင်္ဂီတော။ တထာ ဟိ ဝုတ္တံ “**သုတ္တန္တပိဋကေ**”တိ။ **တေနာ**တိ တထာဝုတ္တတ္တာ၊ ဣမိနာ ယထာဝုတ္တပဌမမဟာသင်္ဂီတိယံ တထာဝစနမေဝ သန္ဓာယ မယာ ဟေဋ္ဌာ ဧဝံ ဝုတ္တန္တိ ပုဗ္ဗာပရသမ္ပန္နံ၊ ယထာဝုတ္တဝိတ္တာရဝစနဿ ဝါဂုဏံ ဒဿေတိတိ။

ဣတိ သုမင်္ဂလဝိလာသိနိယာ ဒီဃနိကာယဋ္ဌကထာယ ပရမသုခုမဂမ္ဘိရ- ဒုရနုဗောဓတ္ထပရိဒီပနာယ သုဝိမလဝိပုလပညာဝေယျတ္ထိယဇနနာယ အဇ္ဇဝ- မဒ္ဒဝသောရစ္စသဒ္ဓါသင်္ကမိတိဗုဒ္ဓိခန္တိဝိရိယာဒိဓမ္မသမင်္ဂီနာ သာဋ္ဌကထေ ပိဋကတ္တယေ အသင်္ဂါသံဟိရိသာရဒဉာဏစာရိနာ အနေကပ္ပဘေဒသ- ကသမယသမယန္တရဂဟနဇ္ဈောဂါဟိနာ မဟာဂဏိနာ မဟာဝေယျာကရ- ဇာန ဉာဏာဘိဝံသဓမ္မသေနာပတိနာမထေရေန မဟာဓမ္မရာဇာဓိရာဇဂရုနာ ကတာယ သာဓုဝိလာသိနိယာ နာမ လိနတ္ထပကာသနိယာ ဗာဟိရနိဒါန- ဝဏ္ဏနာယ လိနတ္ထပကာသနာ။

နိဒါနကထာဝဏ္ဏနာ နိဋ္ဌိတာ။

# ၁-မြဟ္မဇာလသုတ္တ

## ပရိဗ္ဗာဇကကထာဝဏ္ဏနာ

၁။ ဧတ္တာဝတာ စ ပရမသဏှသုခုမဂ္ဂိရဒုဒ္ဓသာနေကဝိနေယသမလက်တံ မြဟ္မဇာလဿ သာဓာရဏတော ဗာဟိရနိဒါနံ ဒဿေတွာ ဣဒါနိ အဗ္ဗန္တရ-  
နိဒါနံ သံဝဏ္ဏန္တော အတ္တာမိဂမဿ သုနိက္ခိတ္တပဒမူလကတ္တာ၊ သုနိက္ခိတ္တ-  
ပဒဘာဝဿ စ “ဣဒမေဝ”န္တိ သဘာဝဝိဘာဝနေန ပဒဝိဘာဝေန သာဓေ-  
တဗ္ဗတ္တာ ပဌမံ တာဝ ပဒဝိဘာဝံ ဒဿေတုံ “တတ္ထ ဧဝ”န္တိ အာဒိမာဟ။  
ပဒဝိဘာဝေန ဟိ “ဣဒံ နာမ ဧတံ ပဒ”န္တိ ဝိဇာနနေန တံတံပဒါနုရူပံ လိဂ်-  
ဝိဘတ္တိဝစနကာလပယောဂါဒိကံ သမ္မာပတိဋ္ဌာပနတော ယထာဝုတ္တဿ  
ပဒဿ သုနိက္ခိတ္တတာ ဟောတိ၊ တာယ စ အတ္တဿ သမိဂမိယတာ။  
ယထာဟ “သုနိက္ခိတ္တဿ ဘိက္ခဝေ ပဒဗျဉ္ဇနဿ အတ္ထောပိ သုနယော  
ဟောတိ”တိအာဒိ။ အပိစ သမ္ပန္နတော၊ ပဒတော၊ ပဒဝိဘာဝတော၊ ပဒတ္တတော  
အနုယောဂတော၊ ပရိဟာရတော စာတိ ဆဟာကာရေဟိ အတ္ထဝဏ္ဏနာ  
ကာတဗ္ဗာ။ တတ္ထ သမ္ပန္တော နာမ ဒေသနာသမ္ပန္တော၊ ယံ လောကီယာ  
“ဥမ္မုလ္လုတော”တိပိ ဝဒန္တိ၊ သော ပန ပါဠိယာ နိဒါနပါဠိဝသေန၊ နိဒါန-  
ပါဠိယာ စ သင်္ကတိဝသေန ဝေဒိတဗ္ဗော။ ပဌမမဟာသင်္ကတိံ ဒဿေန္တေန  
ဟိ နိဒါနပါဠိယာ သမ္ပန္တော ဒဿိတော၊ တဿာ ပဒါဒိဝသေနဝ သံဝဏ္ဏနံ  
ကရေန္တော “ဧဝ”န္တိ အာဒိမာဟ။ ဧတ္ထ စ “ဧဝန္တိ နိပါတပဒ”န္တိ အာဒိနာ  
ပဒတော၊ ပဒဝိဘာဝတော စ သံဝဏ္ဏနံ ကရေတံ ပဒါနံ တဗ္ဗိသေသာနဉ္စ  
ဒဿိတတ္တာ။ ပဒဝိဘာဝေါတိ ဟိ ပဒါနံ ဝိသေသောယေဝ အဓိပ္ပေတော၊ န  
ပဒဝိဂ္ဂဟော။ ပဒါနိ စ ပဒဝိဘာဝေါ စ ပဒဝိဘာဝေါ။ အထ ဝါ ပဒဝိဘာဝေါ  
စ ပဒဝိဂ္ဂဟော စ ပဒဝိဘာဝေါတိ ဧကသေသဝသေန ပဒပဒဝိဂ္ဂဟာပိ ပဒ-  
ဝိဘာဝသဒ္ဓေန ဝုတ္တာတိ ဒဋ္ဌဗ္ဗံ။ ပဒဝိဂ္ဂဟတော ပန “ဘိက္ခုနံ သံဃော”တိ-  
အာဒိနာ ဥပရိ သံဝဏ္ဏနံ ကရိဿတိ၊ တထာ ပဒတ္တာနုယောဂပရိဟာရေဟိပိ။  
ဧဝန္တိ ဧတ္ထ လုတ္တနိဒ္ဓိဋ္ဌဇုတိ-သဒ္ဓေါ အာဒိအတ္ထော အန္တရာသဒ္ဓစသဒ္ဓါဒိနမ္ပိ  
သင်္ကတိတတ္တာ၊ နယဂ္ဂဟဏေန ဝါ တေ ဂဟိတာ။ တေနာဟ “မေတိ-  
အာဒိနိ နာမပဒါနိ”တိ။ ဣတရထာ ဟိ အန္တရာသဒ္ဓစသဒ္ဓါဒိနမ္ပိ နိပါတ-  
ဘာဝေါ ဝတ္ထဗ္ဗော သိယာ။ မေတိအာဒိနိတိ ဧတ္ထ ပန အာဒိသဒ္ဓေန

ယာဝ ပဋိသဒ္ဓေါ၊ တာဝ တဒဝသိဋ္ဌာယေဝ သဒ္ဓါ သင်္ဂဟိတာ။ ဗုဒ္ဓိတိ ဥပသစ္စပဒံ ပတိသဒ္ဓဿ ကာရိယဘာဝတော။

ဣဒါနိ အတ္ထုဒ္ဓါရက္ခမေန ပဒတ္တတော သံဝဏ္ဏနံ ကရောန္တော “အတ္တတော ပနာ”တိအာဒိမာဟ။ ဣမသ္မိံ ပန ဌာနေ သောတူနံ သံဝဏ္ဏနာနယ-  
ကောသလ္လတ္ထံ သံဝဏ္ဏနာပွကာရာ ဝတ္တဗ္ဗာ။ ကထံ?

ဧကနာဠိကာ ကထာ စ၊ စတုရဿာ တထာပိ စ။  
နိသိန္ဓဝတ္တိကာ စေဝ၊ တိဓာ သံဝဏ္ဏနံ ဝဒေ။

တတ္ထ ပါဠိ ဝတ္ထာ ဧကေနပဒဿ အတ္ထကထနံ ဧကာယ နာဠိယာ မိနိတသဒိသတ္တာ၊ ဧကေနံ ဝါ ပဒံ နာဠိ မူလံ၊ ဧကမေနံ ပဒံ ဝါ နာဠိကာ အတ္ထနိဂ္ဂမနမဂ္ဂေါတိဿာတိကတွာ ဧကနာဠိကာ နာမ။ ပဋိပက္ခံ ဒဿေတွာ၊ ပဋိပက္ခဿ စ ဥပမံ ဒဿေတွာ၊ သပက္ခံ ဒဿေတွာ၊ သပက္ခဿ စ ဥပမံ ဒဿေတွာ၊ ကထနံ စတုဟိ ဘာဂေဟိ ဝုတ္တတ္တာ၊ စတ္တာရော ဝါ ရဿာ သလ္လ-  
က္ခဏူပါယာ တိဿာတိ ကတွာ စတုရဿာ နာမ၊ ဝိသဘာဂဓမ္မဝသေနော ပရိယောသာနံ ဂန္ဓာ ပုန သဘာဂဓမ္မဝသေနော ပရိယောသာနဂမနံ နိသိဒါ-  
ပေတွာ ပတိဋ္ဌာပေတွာ အာဝတ္တနယုတ္တတ္တာ၊ နိယမတော ဝါ နိသိန္ဓဿ အာရဒ္ဓဿ ဝတ္တော သံဝတ္တော တိဿာတိ ကတွာ နိသိန္ဓဝတ္တိကာ နာမ၊  
ယထာရဒ္ဓဿ အတ္ထဿ ဝိသု ဝိသု ပရိယောသာနာပိ နိယုတ္တာတိ ဝုတ္တံ ဟောတိ၊ သောဒါဟရဏာ ပန ကထာ အင်္ဂုတ္တရဋ္ဌကထာယ တဇ္ဇိကာယံ ဧကာဒသနိပါတေ ဂေါပါလကသုတ္တဝဏ္ဏနာတော ဂဟေတဗ္ဗာ။

ဘေဒကထာ တတွကထာ၊ ပရိယာယကထာပိ စ။  
ဣတိ အတ္ထက္ခမေ ဝိဒ္ဓါ၊ တိဓာ သံဝဏ္ဏနံ ဝဒေ။

တတ္ထ ပကတိအာဒိဝိစာရဏာ ဘေဒကထာ ယထာ “ဗုဇ္ဈတိတိ ဗုဒ္ဓေါ”တိ-  
အာဒိ။ သရူပဝိစာရဏာ တတွကထာ ယထာ “ဗုဒ္ဓေါတိ ယော သော  
ဘဂဝါ သယမ္ဘူ အနာစရိယကော”တိအာဒိ။ ဝေဝစနဝိစာရဏာ ပရိယာယ-  
ကထာ ယထာ “ဗုဒ္ဓေါ ဘဂဝါ သဗ္ဗညူ လောကနာယကော”တိအာဒိ။

ပယောဇနဉ္စ ပိဏ္ဏတ္ထော၊ အနုသန္ဓိ စ စောဒနာ။  
ပရိဟာရော စ သဗ္ဗတ္ထ၊ ပဉ္စော ဝဏ္ဏနံ ဝဒေ။

၁-၃ ၇-၃၆၃၊ ၃ ၈-၁၉၇၊ ၃ ၉-၁၇၂-ပိဋေသု။

၂-၃ ၁၀-၄၆-ပိဋေ၊ ဝေဝစနာဟာရဝိဘင်္ဂနိဿိတာ ပါဠိ။

တတ္ထ ပယောဇနံ နာမ ဒေသနာဖလံ၊ တံ ပန သုတမယဉာဏာဒိ။ ပိဏ္ဍတ္တော နာမ ဝိပုကိဏ္ဏဿ အတ္တဿ သုဝိဇာနနတ္ထံ သမ္ဗိဇ္ဈေတွာ ကထနံ။ အနုသန္ဓိ နာမ ပုစ္ဆာနုသန္ဓာဒိ။ စောဒနာ နာမ ယထာဝုတ္တဿ ဝစနဿ ဝိရောဓိကထနံ။ ပရိဟာရော နာမ တဿ အဝိရောဓိကထနံ။

ဥမ္ပုလ္လိတော ပဒဇ္ဇေ၊ ပဒတ္တော ပဒဝိဂ္ဂဟော။  
စာလနာ ပစ္စုပ္ပန်၊ ဆဓာ သံဝဏ္ဏနံ ဝဒေ။

တတ္ထ အဇ္ဈတ္တိကာဒိနိဒါနံ ဥမ္ပုလ္လိတော။ “ဝေမိဒ”န္တိ နာနာဝိဓေန ပဒ-  
ဝိသေသတာကထနံ ဗဒံ၊ သဒ္ဓတ္တာမိပ္ပါယတ္တာဒိ ပဒတ္တော။ အနေကဓာ နိဗ္ဗစနံ  
ပဒဝိဂ္ဂဟော။ စာလနာ နာမ စောဒနာ။ ပစ္စုပ္ပန် ပရိဟာရော။

သမုဋ္ဌာနံ ပဒတ္တော စ၊ ဘာဝါနဝါဒဝိဓယော။  
ဝိရောဓော ပရိဟာရော စ၊ နိဂမနန္တိ အဋ္ဌဓာ။

တတ္ထ သမုဋ္ဌာနန္တိ အဇ္ဈတ္တိကာဒိနိဒါနံ။ ပဒတ္တောတိ အဓိပ္ပေတာနမိပ္ပေ-  
တာဒိဝသေန အနေကဓာ ပဒဿ အတ္တော။ ဘာဝေါတိ အဓိပ္ပါယော။  
အနုဝါဒဝိဓယောတိ ပဌမဝစနံ ဝိမိ၊ တဒါဝိကရဏဝသေန ပစ္စာ ဝစနံ  
အနုဝါဒေါ၊ ဝိသေသနဝိသေသျှာနံ ဝါ ဝိဓာနုဝါဒသမညာ။ ဝိရောဓောတိ  
အတ္တနိစ္စယနတ္ထံ စောဒနာ။ ပရိဟာရောတိ တဿာ သောဓနာ။ နိဂမနန္တိ  
အနုသန္ဓိယာ အနုရူပံ အပ္ပနာ။

အာဒိတော တဿ နိဒါနံ၊ ဝတ္တဗ္ဗံ တပ္ပယောဇနံ။  
ပိဏ္ဍတ္တော စေဝ ပဒတ္တော၊ သမ္ပန္နော အဓိပ္ပါယကော။  
စောဒနာ သောဓနာ စေတိ၊ အဋ္ဌဓာ ဝဏ္ဏနံ ဝဒေ။

တတ္ထ သမ္ပန္နော နာမ ပုဗ္ဗာပရသမ္ပန္နော၊ ယော “အနုသန္ဓိ”တိ ဝုစ္စတိ။ သေသာ  
ဝုတ္တတ္တာဝ၊ ဧဝမာဒိနာ တတ္ထ တတ္တာဂတေ သံဝဏ္ဏနာပ္ပကာရေ ဥတွာ သဗ္ဗတ္ထ  
ယထာရဟံ ဝိစေတဗ္ဗာတိ။

ဧဝမနေကတ္ထပ္ပဘေဒတာ ပယောဂတောဝ ဉာတဗ္ဗာတိ တဗ္ဗသေန တံ  
သမတ္ထေတုံ “တထာ ဟေသာ”တိအာဒိ ဝုတ္တံ။ အထ ဝါ အယံ သဒ္ဓေါ  
ဣမဿတ္ထဿ ဝါစကောတိ သင်္ကေတဝတ္ထိတာယေဝ သဒ္ဓါ တံတဒတ္ထဿ  
ဝါစကာ၊ သင်္ကေတော စ နာမ ပယောဂဝသေန သိဒ္ဓေါတိ ဒဿေတုမ္ပိ ဣဒံ  
ဝုတ္တန္တိ ဒဋ္ဌဗ္ဗံ။ ဧဝမိဒိသေသု။ နနု စ—

“ယထာပိ ပုပ္ဖရာသိမှာ၊ ကယိရာ မာလာဂုဏေ ဗဟူ။  
ဧဝံ ဇာတေန မစ္စေန၊ ကတ္တဗ္ဗံ ကုသလံ ဗဟု”န္တိ။—

ဧတ္ထ ဧဝံ-သဒ္ဓေန ဥပမာကာရဿေဝ ဝုတ္တတ္တာ အာကာရတ္ထောယေဝ ဧဝံ-သဒ္ဓေါ သိယာတိ? န, ဝိသေသသမ္ဘာဝတော။ “ဧဝံ ဗျာ ခေါ”တိ အာဒိသု<sup>၁</sup>ဟိ အာကာရမတ္ထဝါစကောယေဝ အာကာရတ္ထောတိ အဓိပ္ပေတော၊ န ပန အာကာရဝိသေသဝါစကော။ ဧတ္ထ ဟိ ကိဉ္ဇာပိ ပုပ္ဖရာသိသဒိသတော မနုဿူပ-ပတ္တိ သပ္ပုရိသုပနိဿယ သဒ္ဓမ္မသဝန ယောနိသောမနသိကာရ ဘောဂသမ္ပတ္တိ-အာဒိဒါနာဒိပုညကိရိယာဟေတုသမုဒါယတော သောဘာသုဂန္ဓတဒိဂုဏ-ယောဂေန မာလာဂုဏသဒိသိယော ဗဟုကာ? ပုညကိရိယာ မရိတဗ္ဗသဘာဝ-တာယ မစ္စေန သတ္တေန ကတ္တဗ္ဗာတိ အတ္တဿ ဇောတိတတ္တာ ပုပ္ဖရာသိမာလာ-ဂုဏာဝ ဥပမာ နာမ ဥပမီယတိ ဧတာယာတိ ကတွာ၊ တေသံ ဥပမာကာရော စ ယထာသဒ္ဓေန အနိယမတော ဇောတိတော၊ တသ္မာ “ဧဝံ-သဒ္ဓေါ နိယ-မတော ဥပမာကာရနိဂမနတ္ထော”တိ ဝတ္ထုယုတ္တံ၊ တထာပိ သော ဥပမာကာရော နိယမိယမာနော အတ္တတော ဥပမာဝ ဟောတိ နိဿယဘူတံ တမန္တရေန နိဿိတဘူတဿ ဥပမာကာရဿ အလဗ္ဘမာနတ္တာတိ အဓိပ္ပာယေနာဟ “ဥပမာယံ အာဂတော”တိ။ အထ ဝါ ဥပမီယနံ သဒိသိကရဏန္တိ ကတွာ ပုပ္ဖရာသိမာလာဂုဏေဟိ သဒိသဘာဝသင်္ခါတော ဥပမာကာရောယေဝ ဥပမာ နာမ။ “သဒ္ဓမ္မတ္ထံ သိယောပမာ”တိ<sup>၂</sup> ဟိ ဝုတ္တံ၊ တသ္မာ အာကာရမတ္ထ-ဝါစကောဝ အာကာရတ္ထော ဧဝံ-သဒ္ဓေါ။ ဥပမာသင်္ခါတအာကာရဝိသေသ-ဝါစကော ပန ဥပမာတ္ထောယေဝါတိ ဝုတ္တံ “ဥပမာယံ အာဂတော”တိ။

တထာ “ဧဝံ ဣမိနာ အာကာရေန အဘိက္ကမိတဗ္ဗ”န္တိ အာဒိနာ ဥပဒိသိယ-မာနာယ သမဏသာရူပ္ပါယ အာကပ္ပသမ္ပတ္တိယာ ဥပဒိသနာကာရောပိ အတ္တတော ဥပဒေသောယေဝါတိ အာဟ “ဧဝံ။ ပ။ ဥပဒေသေ”တိ။ ဧဝမေတန္တိ ဧတ္ထ ပန ဘဂဝတာ ယထာဝုတ္တမတ္ထံ အဝိပရိတတော ဇာနန္တေဟိ ကတံ တတ္ထ သံဝိဇ္ဇမာနဂုဏာနံ ပကာရေဟိ ဟံသနံ ဥဒဂ္ဂတာကရဏံ သမ္ပဟံသနံ။ တတ္ထ သမ္ပဟံသနာကာရောပိ အတ္တတော သမ္ပဟံသနမေဝါတိ ဝုတ္တံ “သမ္ပဟံသနေ”တိ။ ဧဝမေဝ ပနာယန္တိ ဧတ္ထ စ ဒေါသဝိဘာဝနေန ဂါရယှဝစနံ ဂရဟဏံ၊ တဒါကာရောပိ အတ္တတော ဂရဟဏံ နာမ၊ တသ္မာ

“ဂရဟဏေ”တိ ဝုတ္တံ။ သော စေတ္ထ ဂရဟဏာကာရော “ဝသလီ”တိ အာဒိခုံသန-  
သဒ္ဓသန္ဓိဓာနတော ဧဝံ-သဒ္ဓေန ပကာသိတောတိ ဝိညာယတိ။ ယထာ စေတ္ထ  
ဧဝံ ဥပမာကာရာဒယောပိ ဥပမာဒိဝသေန ဝုတ္တာနံ ပုပ္ဖရာသိအာဒိသဒ္ဓါနံ  
သန္ဓိဓာနတောတိ ဒဋ္ဌဗ္ဗံ။ ဇောတကမတ္တာ ဟိ နိပါတာတိ။ ဧဝမေဝါတိ စ  
အဓနာ ဘာသိတာကာရေနဝ။ အယံ ဝသလဂုဏယောဂတော ဝသလီ  
ကာဠကဏ္ဍိ ယသ္မိံ ဝါ တသ္မိံ ဝါ ဌာနေ ဘာသတိတိ သမ္ပန္နော။ ဧဝံ  
ဘန္တေတိ သာဓု ဘန္တေ၊ သုဋ္ဌ၊ ဘန္တေတိ ဝုတ္တံ ဟောတိ။ ဧတ္ထ ပန ဓမ္မဿ  
သာဓကံ သဝနမနသိကာရေ သန္ဓိယောဇိတေဟိ ဘိက္ခုဟိ တတ္ထ အတ္ထနော  
ဌိတဘာဝဿ ပဋိဇာနနမေဝ ဝစနသမ္ပုဋ္ဌိဂ္ဂဟော၊ တဒါကာရောပိ အတ္ထတော  
ဝစနသမ္ပုဋ္ဌိဂ္ဂဟောယေဝ နာမ၊ တေနာဟ “ဝစနသမ္ပုဋ္ဌိဂ္ဂဟေ”တိ။

ဧဝံ ဗျာ ခေါတိ ဧဝံ ဝိယ ခေါ။ ဧဝံ ခေါတိ ဟိ ဣမေသံ ပဒါနမန္တရေဝိယ-  
သဒ္ဓဿ ဗျာပဒေသောတိ နေရုတ္တိကာ။ “ဝ-ကာရဿ၊ ဗ-ကာရံ၊ ယ-ကာရ-  
သံယောဂဉ္စ ကတွာ ဒီဃဝသေန ပဒသိဒ္ဓိ”တိပိ ဝဒန္တိ။ အာကာရေတိ  
အာကာရမတ္ထေ။ အပ္ပါဗာဓန္တိ ဝိသဘာဂဝေဒနာဘာဝံ။ အပ္ပါတင်္ဂန္တိ ကိစ္ဆ-  
ဇီဝိတကရရောဂါဘာဝံ။ လဟုဋ္ဌာနန္တိ နိဂ္ဂေလညတာယ လဟုတာယုတ္တံ ဥဋ္ဌာနံ။  
မလန္တိ ကာယဗလံ။ ဗာသုဝိဟာရန္တိ စတုသု ဣရိယာပထေသု သုခဝိဟာရံ။  
ဝိတ္တာရောဒသမသုဘသုတ္တန္တကထာယမေဝ အာဝိ ဘဝိဿတိ။ ဧဝဉ္စ ဝဒေဟိတိ  
ယထာဟံ ဝဒါမိ၊ ဧဝမိ သမဏံ အာနန္တံ ဝဒေဟိ။ “သာဓု 'ကိရ ဘဝ'”န္တိ-  
အာဒိကံ ဣဒါနိ ဝတ္တဗ္ဗဝစနံ၊ သော စ ဝဒနာကာရော ဣဓ ဧဝံ-သဒ္ဓေန နိဒဿိ-  
ယတိတိ ဝုတ္တံ “နိဒဿနေ”တိ။ ကာလာမာတိ ကာလာမဂေါတ္တသမ္ပန္နေ ဇနေ  
အာလပတိ။ “ဣမေပ။ ဝါ”တိ ယံ မယာ ဝုတ္တံ၊ တံ ကိံ မညထာတိ အတ္ထော။  
သမတ္တာတိ ပရိပူရိတာ။ သမာဒိန္နာတိ သမာဒိယိတာ။ သံဝတ္တန္တိ ဝါ နော ဝါ  
သံဝတ္တန္တိ ဧတ္ထ ဝစနဒ္ဓယေ ကထံ ဝေါ တုမှာကံ မတိ ဟောတိတိ ယောဇေ-  
တဗ္ဗံ။ ဧဝံ နောတိ ဧဝမေဝ အမှာကံ မတိ ဧတ္ထ ဟောတိ၊ အမှာကမေတ္ထ မတိ  
ဟောတိယေဝါတိပိ အတ္ထော။ ဧတ္ထ စ တေသံ ယထာဝုတ္တဓမ္မာနံ အဟိတ-  
ဒုက္ခာဝဟဘာဝေ သန္ဓိဋ္ဌာနဇနနတ္ထံ အနမတိဂ္ဂဟဏဝသေန “သံဝတ္တန္တိ နော  
ဝါ၊ ကထံ ဝေါ ဧတ္ထ ဟောတိ”တိ ပုစ္ဆာယ ကတာယ “ဧဝံ နော ဧတ္ထ  
ဟောတိ”တိ ဝုတ္တတ္တာ တဒါကာရသန္ဓိဋ္ဌာနံ ဧဝံ-သဒ္ဓေန ဝိဘာဝိတံ၊ သော စ  
တေသံ ဓမ္မာနံ အဟိတာယ ဒုက္ခာယ သံဝတ္တနာကာရော နိယမိယမာနော

---

၁-သဒ္ဓနိတိသုတ္တမာလာယံ ဗျဉ္ဇနသန္ဓိဝိဓာနေ ၁၇၁-သုတ္တံ ပဿိတဗ္ဗံ။ ၂-ဒိ-ဋ္ဌ ၁-၃၁၈-ပိဋေ။

အတ္တတော အဝဓာရဏမေဝါတိ ဝုတ္တံ “အဝဓာရဏေ”တိ။ အာကာရတ္ထမညတြိ သဗ္ဗတ္ထ ဝုတ္တနယေန စောဒနာ၊ သောနော စ ဝေဒိတဗ္ဗာ။

အာဒိသဒ္ဓေန စေတ္ထ ဣဒမတ္ထပုစ္ဆာပရိမာဏာဒိအတ္တာနံ သင်္ဂဟော ဒဋ္ဌဗ္ဗော။ တထာ ဟိ “ဧဝံဂတာနိ၊ ဧဝံဝိဓော၊ ဧဝမာကာရော”တိ စ အာဒိသု ဣဒမတ္ထေ။ ဂတဝိဓာကာရသဒ္ဓါ ပန ပကာရပရိယာယာ။ ဂတဝိဓယုတ္တာကာရသဒ္ဓေ ဟိ လောကီယာ ပကာရတ္ထေ ဝဒန္တိ။ “ဧဝံ သု တေ သုန္ဓာတာ သုဝိလိတ္တာ ကပ္ပိတကေသမဿု အာမုတ္တမဏိကုဏ္ဍလာဘရဏာ ဩဒါတဝတ္ထဝသနာ ပဉ္စဟိ ကာမဂုဏေဟိ သမပ္ပိတာ သမင်္ဂိဘူတာ ပရိစာရေန္တိ။ သေယျထာပိ တံ တေရဟိ သာစရိယကောတိ? နော ဟိဒံ ဘော ဂေါတမာ”တိ-အာဒိသု ပုစ္ဆာယံ။ “ဧဝံ လဟုပရိဝတ္တံ၊ ဧဝမာယုပရိယန္တော”တိ? စ အာဒိသု ပရိမာဏေ။ ဣတ္ထာပိ “သုန္ဓာတာ သုဝိလိတ္တာ”တိအာဒိဝစနံ ပုစ္ဆာ၊ လဟုပရိဝတ္တံ၊ အာယုနံ ပမာဏဉ္စ ပရိမာဏံ၊ တဒါကာရောပိ အတ္တတော ပုစ္ဆာ စ ပရိမာဏဉ္စ နာမ၊ တသ္မာ ဧတေသု ပုစ္ဆတ္ထော၊ ပရိမာဏတ္ထော စ ဧဝံသဒ္ဓေါ ဝေဒိတဗ္ဗောတိ။ ဣဓ ပန သော ကတမေသု ဘဝတိ၊ သဗ္ဗတ္ထ ဝါ၊ အနိယမတော ပဒေသေ ဝါတိ စောဒနာယ “သွာယဒိဓာ”တိအာဒိ ဝုတ္တံ။

နန ဧကသ္မိယေဝ အတ္ထေ သိယာ၊ ကသ္မာ တီသုပီတိ စ၊ ဟောတု တိဗ္ဗိဓေသု အတ္ထေသု၊ ကေန ကိမတ္ထံ ဒီပေတီတိ စ အနုယောဂံ ပရိဟရန္တော “တတ္ထာ”တိ-အာဒိမာဟ။ တတ္ထာတိ တေသု တီသု အတ္ထေသု။ ဧကတ္တနာနတ္တအဗျာပါရဧဝံ-ဓမ္မတာသင်္ခါတာ၊ နန္ဒိယာဝတ္တတိပုက္ခလသီဟဝိက္ခိဋ္ဌိတ အင်္ဂသဒိသာလောစန-သင်္ခါတာ ဝါ အာဓာရာဒိဘေဒဝသေန နာနာဝိဓာ နယာ နာနာနယာ၊ ပါဠိဂတိယော ဝါနယာ၊ တာ စ ပညတ္တိအနုပညတ္တိအာဒိဝသေန၊ သင်္ခေပဝိတ္တာ-ရာဒိဝသေန၊ သံကိလေသဘာဂိယာဒိလောကီယာဒိတဒုဘယဝေါမိဿကာဒိ-ဝသေန၊ ကုသလာဒိဝသေန၊ ခန္ဓာဒိဝသေန၊ သင်္ဂဟာဒိဝသေန၊ သမယဝိမုတ္တာ-ဒိဝသေန၊ ဌပနာဒိဝသေန၊ ကုသလမူလာဒိဝသေန၊ တိကပဋ္ဌာနာဒိဝသေန စ ပိဋကတ္တယာနုရူပံ နာနာပ္ပကာရာတိ နာနာနယာ။ တေဟိ နိပူဏံ သဏှံ သုခုမံ တထာ။ အာသယောဝ အဇ္ဈာသယော၊ တေ စ သဿတာဒိဘေဒေန၊ တတ္ထ စ အပ္ပရဇကွတာဒိဝသေန အနေကာ၊ အတ္တဇ္ဈာသယာဒယော ဧဝ ဝါ သမုဋ္ဌာနမုပ္ပတ္တိဟေတု ဧတဿာတိ တထာ၊ ဥပနေတဗ္ဗာဘာဝတော

အတ္တဗျူဟေဟိ သမ္ပန္နံ ပရိပုဏ္ဏံ တထာ။ အပိစ သင်္ကာသနပကာသနဝိဝရဏ-  
ဝိဘဇနဥတ္တာနိကရဏပညတ္တိဝသေန ဆဟိ အတ္တပဒေဟိ၊ အက္ခရပဒ-  
ဗျူဟအာကာရနိရုတ္တိနိဒ္ဒေသဝသေန ဆဟိ ဗျူဟပဒေဟိ စ သမ္ပန္နံ သမန္နာ-  
ဂတံ တထာ။ အထ ဝါ ဝိညူနံ ဟဒယင်္ဂမတော၊ သဝနေ အတိတ္ထိဇနနတော၊  
ဗျူဟရသဝသေန ပရမဂန္တိရဘာဝတော၊ ဝိစာရဏေ အတိတ္ထိဇနနတော၊  
အတ္တရသဝသေန စ သမ္ပန္နံ သာဒုရသံ တထာ။

ပါဠိဟာရိယပဒဿ ဝစနတ္ထံ “ပဋိပက္ခဟရဏတော ရာဂါဒိကိလေသာပ-  
နယနတော ပါဠိဟာရိယ”န္တိ ဝဒန္တိ။ ဘဂဝတော ပန ပဋိပက္ခာ ရာဂါဒယော  
န သန္တိ၊ ယေ ဟရိတဗ္ဗာ ဗောဓိမူလေယေဝ သဝါသနသကလသံကိလေသာနံ  
ပဟိနတ္တာ။ ပုထုဇ္ဇနာနမ္ပိ စ ဝိဂတူပတ္တိလေသေ အဋ္ဌဂုဏသမန္နာဂတေ စိတ္တေ  
ဟတပဋိပက္ခေ သတိယေဝ ဣဒ္ဓိဝိဓံ ပဝတ္တတိ၊ တသ္မာ ပုထုဇ္ဇနေသု ပဝတ္တ-  
ဝေါဟာရေနပိ န သက္ကာ ဣဓ “ပါဠိဟာရိယ”န္တိ ဝတ္တု၊ သစေ ပန မဟာ-  
ကာရဏိကဿ ဘဂဝတော ဝေနေယျဂတာဝ ကိလေသာ ပဋိပက္ခာ သံသာရ-  
ပင်္ကနိမုဂ္ဂဿ သတ္တနိကာယဿ သမုဒ္ဓရိတုကာမတော၊ တသ္မာ တေသံ  
ဝေနေယျဂတကိလေသသင်္ခါတာနံ ပဋိပက္ခာနံ ဟရဏတော ပါဠိဟာရိယန္တိ  
ပုတ္တံ အဿ၊ ဧဝံ သတိ ယုတ္တမေတံ။

အထ ဝါ ဘဂဝတော သာသနဿ ပဋိပက္ခာ တိတ္ထိယာ၊ တေသံ တိတ္ထိယ-  
ဘူတာနံ ပဋိပက္ခာနံ ဟရဏတော ပါဠိဟာရိယန္တိပိ ယုဇ္ဇတိ။ ကာမဇ္ဈေတ္တ  
တိတ္ထိယာ ဟရိတဗ္ဗာ နာဿ၊ တေသံ ပန သန္တာနဂတဒိဋ္ဌိဟရဏဝသေန ဒိဋ္ဌိပု-  
ကာသနေ အသမတ္တတာကာရဏေန စ ဣဒ္ဓိအာဒေသနာနုသာသနိသင်္ခါတေဟိ  
တိဟိပိပါဠိဟာရိယေဟိ တေ ဟရိတာ အပနိတာ နာမ ဟောန္တိ။ ပဋိတိ ဝါ အယံ  
သဒ္ဓေါ “ပစ္ဆာ”တိတေဿ အတ္ထံ ဗောဓေတိ “တသ္မိ” ပဋိပဝိဋ္ဌမိ၊ အညော  
အာဂဉ္စ ဗြာဟ္မဏော”တိအာဒိသု” ဝိယ၊ တသ္မာ သမာဟိတေ စိတ္တေ ဝိဂတူ-  
ပတ္တေသေ ကတကိစ္စေန ပစ္ဆာ ဟရိတဗ္ဗံ ပဝတ္တေတဗ္ဗန္တိ ပဋိဟာရိယံ၊ တဒေဝ  
ဒီသဝသေန၊ သကတ္တပုတ္တိပစ္စယဝသေန ဝါ ပါဠိဟာရိယံ၊ အတ္တနော ဝါ ဥပတ္တေ-  
သေသု စတုတ္ထဇ္ဈာနမဂ္ဂေဟိ ဟရိတေသု ပစ္ဆာ တဒညေသံ ဟရဏံ ပါဠိ-  
ဟာရိယံ ပုတ္တနယေန။ ဣဒ္ဓိအာဒေသနာနုသာသနိယော ဟိ ဝိဂတူပတ္တေသေန၊  
ကတကိစ္စေန စ သတ္တဟိတတ္ထံ ပုန ပဝတ္တေတဗ္ဗာ၊ ဟတေသု စ အတ္တနော  
ဥပတ္တေသေသု ပရသတ္တာနံ ဥပတ္တေသဟရဏာနိ စ ဟောန္တိတိ တဒုဘယမ္ပိ  
နိဗ္ဗစနံ ယုဇ္ဇတိ။

၁-၃ ၁-၄ ၂၉၊ ၃ ၈-၁-ပိဋေသု၊

သီ-ဦး (နဝ) ၁-၁၀—န-ဗု-သ

အပိစ ယထာဝုတ္တေဟိ နိဗ္ဗစနေဟိ ဣဒ္ဓိအာဒေသနာနုသာသနီသင်္ခါတော သမုဒါယော ပဋိဟာရိယံ နာမ။ ဧကေကံ ပန တသ္မိံ ဘဝံ “ပါဠိဟာရိယ”န္တိ ဝုစ္စတိ ဝိသေသတ္ထဇောတကပစ္စယန္တရေန သဒ္ဓရစနာဝိသေသသမ္ဘဝတော၊ ပဋိ-  
 ဟာရိယံ ဝါ စတုတ္ထဇ္ဈာနံ၊ မဂ္ဂေါ စ ပဋိပက္ခဟရဏတော၊ တတ္ထ ဇာတံ၊ တသ္မိံ ဝါ နိမိတ္တဘူတေ၊ တတော ဝါ အာဂတန္တိ ပါဠိဟာရိယံ။ ဝိစိတြာ ဟိ တဒ္ဓိတဝုတ္တိ။ တဿ ပန ဣဒ္ဓိအာဒေသနာနုသာသနီဘေဒေန၊ ဝိသယဘေဒေန စ ဗဟုဝိဓဿ ဘဂဝတော ဒေသနာယ လဗ္ဘမာနတ္တာ “ဝိစိပေါဋ္ဌိဟာရိယ”န္တိ ဝုတ္တိ။ ဘဂဝါ ဟိ ကဒါစိ ဣဒ္ဓိဝသေနာပိ ဒေသနံ ကရေတိ နိဗ္ဗိတဗုဒ္ဓေန သဟ ပုစ္ဆာဝိဿဇ္ဇနာဒိသု၊ ကဒါစိ အာဒေသနာဝသေနာပိ အာမဂန္ဓုဗြာဟ္မဏဿ ဓမ္မဒေသနာဒိသု၊ ယေဘုယျေန ပန အနုသာသနီယာ။ အနုသာသနီပါဠိ-  
 ဟာရိယဉ္စိ ဗုဒ္ဓါနံ သတတံ ဓမ္မဒေသနာ။ ဣတိ တံတံဒေသနာကာရေန အနေကဝိပေါဋ္ဌိဟာရိယတာ ဒေသနာယ လဗ္ဘတိ။ အယမတ္ထော ဥပရိ ဧကောဒသမဿ ကေဝဋ္ဌသုတ္တဿ ဝဏ္ဏနာယ၊ အာဝိ ဘဝိဿတိ။ အထ ဝါ တဿ ဝိစိဿောပိ ပါဠိဟာရိယဿ ဘဂဝတော ဒေသနာယ သံသူစနတော “ဝိစိပေါဋ္ဌိဟာရိယ”န္တိ ဝုတ္တိ၊ အနေကဝိပေါဋ္ဌိဟာရိယဒဿနန္တိ အတ္ထော။

ဓမ္မနိရုတ္တိယာဝ ဘဂဝတိ ဓမ္မံ ဒေသေန္တေ သဗ္ဗေသံ သုဏန္တာနံ နာနာ-  
 ဘာသိတာနံ တံတံဘာသာနုရူပတော ဒေသနာ သောတပထမာဂစ္ဆတိတိ အာဟ “သဗ္ဗ။ ပ။ မာဂစ္ဆန္တိ”န္တိ။ သောတမေဝ သောတပထော၊ သဝနံ ဝါ သောတံ၊ တဿ ပထော တထာ၊ သောတဒ္ဓါရန္တိ အတ္ထော။ သဗ္ဗာကာရေ-  
 နာတိ ယထာဒေသိတာကာရေန။ ဧကော သမတ္ထော ဝိညာတုံ၊ အသမတ္ထော-  
 ယေဝ၊ တသ္မာတိ ပါဠိသေသော။ ပနာတိ ဧကံသတ္ထေ၊ တေန သဒ္ဓါသတိမိတိ-  
 ဝိရိယာဒိဗလသင်္ခါတေန သဗ္ဗထာမေန ဧကံသေနေဝ သောတုကာမတာသင်္ခါတ-  
 ကုသလစ္ဆန္ဒဿ ဇနနံ ဒဿေတိ။ ဇနေတွာပိတိ ဧတ္ထ ဝိ-သဒ္ဓေါ၊ အပိ-သဒ္ဓေါ ဝါ သမ္ဘာဝနတ္ထော “ဗုဒ္ဓေါပိ ဗုဒ္ဓဘာဝံ ဘာဝေတွာ”တိအာဒိသု၊ ဝိယ၊ တေန “သဗ္ဗထာမေန ဧကံသေနေဝ သောတုကာမတံ ဇနေတွာပိ နာမ ဧကေနာ-  
 ကာရေန သုတံ၊ ကိမင်္ဂံ ပန အညထာ”တိ တထာသုတေ ဓမ္မေ သမ္ဘာဝနံ ကံရေတိ။ ကေစိ ပန “ဒေသေသု ဂရဟတ္ထော”တိ ဝဒန္တိ၊ တဒယုတ္တမေဝ ဂရဟ-  
 တ္တဿ အဝိဇ္ဇမာနတ္တာ၊ ဝိဇ္ဇမာနတ္ထဿေဝ စ ဥပသဂ္ဂနိပါတာနံ ဇောတကတ္တာ။

---

၁-သုတ္တနိပါတ-၄ ၁-၂၉၇-ပိဋကေဝိတ္ထာရော။ ၂-ဒိ-၄ ၁-၃၂၁-ပိဋကေ။  
 ၃-ဒိ-၄ ၁-၁၊ မ-၄ ၁-၁၊ သိ-၄ ၁-၁၊ အံ-၄ ၁-၁-ပိဋကေသု။

“နာနာနယနိပုဏ” နှိအာဒိနာ ဟိ သဗ္ဗပ္ပကာရေန သောတုမသက္ကုဏေယျ-  
ဘာဝေန ဓမ္မဿ ဣဓ သမ္ဘာဝနမေဝ ကရေတိ၊ တသ္မာ “အပိ ဒိဗ္ဗေသု  
ကာမေသု၊ ရတိံ သော နာဓိဂစ္ဆတိ” တိအာဒိသုယေဝံ ဂရဟတ္ထသမ္ဘဝေသု  
ဂရဟတ္ထော ဝေဒိတဗ္ဗောတိ။ အပိ-သဒ္ဓေါ စ ဤဒိသေသု ဌာနေသု နိပါတော-  
ယေဝ၊ န ဥပသဂ္ဂေါ။ တထာ ဟိ “အပိ-သဒ္ဓေါ စ နိပါတပက္ခိကော  
ကာတဗ္ဗော၊ ယတ္ထ ကိရိယာဝါစကတော ပုဗ္ဗော န ဟောတိ” တိ အက္ခရစိန္တကာ  
ဝဒန္တိ။ မယာပီတိ ဧတ္ထ ပန န ကေဝလံ မယာဝ၊ အထ ခေါ အညေဟိပိ  
တထာရူပေဟိတိ သမ္ဗိဏ္ဏနတ္ထော ဂဟေတဗ္ဗော။

သာမံ ဘဝတိတိ သယန္တူ၊ အနာစရိယကော။ န မယံ ဣဒံ သန္တိကတန္တိ  
ဧတ္ထ ပန “န အတ္တနော ဉ္ဇဏေနော အတ္တနာ သန္တိကတ” နှိ ပကရဏတော  
အတ္ထော ဝိညာယတိ။ သာမညဝစနဿာပိ ဟိ သမ္ဗယောဂဝိပ္ပယောဂသဟ-  
စရဏဝိရောဓသဒ္ဓန္တရသန္တိဓာနလိင်္ဂဩစိတျကာလဒေသပကရဏာဒိဝသေန  
ဝိသေသတ္ထဂ္ဂဟဏံ သမ္ဘဝတိ။ ဧဝံ သဗ္ဗတ္ထ။ ပရိမောစေန္တောတိ “ပုန စပရံ  
ဘိက္ခဝေ ဣဓေကစ္စော ပါပဘိက္ခု တထာဂတပ္ပဝေဒိတံ ဓမ္မဝိနယံ ပရိယာပု-  
ဏိတွာ အတ္တနော ဒဟတိ” တိ ၂ ဝုတ္တဒေါသတော ပရိမောစာပနဟေတု။  
ဟေတွတ္ထေ ဟိ အန္တသဒ္ဓေါ “အသမ္ဗုဓံ ဗုဒ္ဓနိသေဝိတ” နှိအာဒိသု? ဝိယ။ ဣမဿ  
သုတ္တဿ သံဝဏ္ဏနာပုကာရဝိစာရဏေန အတ္တနော ဉ္ဇဏဿ ပစ္စက္ခတံ  
သန္တာယ “ဣဒါနိ ဝတ္တဗ္ဗ” နှိ ဝုတ္တံ။ သော ဟိ သံဝဏ္ဏနာကာရာနံ ပကတိ၊  
ယဒိဒံ သံဝဏ္ဏေတဗ္ဗဓမ္မေ သဗ္ဗတ္ထ “အယမိမဿ အတ္ထော၊ ဧဝံဓိ သံဝဏ္ဏ-  
ယိဿာမိ” တိ ပုရေတရမေဝ သံဝဏ္ဏနာပုကာရဝိစာရဏာ။

ဧတဒဂ္ဂပဒဿတ္ထော ဝုတ္ထောဝ။ “ဗဟုဿုတာန” နှိအာဒိသု ပန အညေပိ  
ထေရာ ဗဟုဿုတာ၊ သတိမန္တော၊ ဂတိမန္တော၊ မိတိမန္တော၊ ဥပဋ္ဌာကာ စ  
အတ္ထိ၊ အယံ ပနာယသ္မာ ဗုဒ္ဓဝစနံ ဂဏှန္တော ဒသဗလဿ သာသနေ ဘဏ္ဍာ-  
ဂါရိကပရိယတ္တိယံ ဌတွာ ဂဏှိ၊ တသ္မာ ဗဟုဿုတာနံ အဂ္ဂေါ နာမ ဇာတော။  
ဣမဿ စ ထေရဿ ဗုဒ္ဓဝစနံ ဥဂ္ဂဟေတွာ ဓာရဏသတိ အညေဟိ ထေရေဟိ  
ဗလဝတရာ အဟောသိ၊ တသ္မာ သတိမန္တာနံ အဂ္ဂေါ နာမ ဇာတော။  
အယမေဝါယသ္မာ ကေပဒေ ဌတွာ သဠိပဒသဟဿာနိ ဂဏှန္တော သတ္တာရာ  
ကထိတနိယာမေန သဗ္ဗပဒါနိ ဇာနာတိ၊ တသ္မာ ဂတိမန္တာနံ အဂ္ဂေါ နာမ

ဇာတော။ တဿေဝ စာယသ္မတော ဗုဒ္ဓဝစနံ ဥဂ္ဂဏှနဝီရိယံ၊ သဇ္ဈာယနဝီရိယဉ္စ  
 အညေဟိ အသဒိသံ အဟောသိ၊ တသ္မာ မိတိမန္တာနံ အဂ္ဂေါ နာမ ဇာတော။  
 တထာဂတံ ဥပဋ္ဌဟန္တာ စေသ န အညေသံ ဥပဋ္ဌာကဘိက္ခူနံ ဥပဋ္ဌဟနာ-  
 ကာရေန ဥပဋ္ဌဟတိ။ အညေပိ ဟိ တထာဂတံ ဥပဋ္ဌဟိံသု၊ န စ ပန ဗုဒ္ဓါနံ  
 မနံ ဂဟေတွာ ဥပဋ္ဌဟိတုံ သက္ကောန္တိ၊ အယံ ပန ထေရော ဥပဋ္ဌာကဋ္ဌာနံ  
 လဒ္ဓဒိဝသတော ပဋ္ဌာယ အာရဒ္ဓဝီရိယော ဟုတွာ တထာဂတဿ မနံ ဂဟေတွာ  
 ဥပဋ္ဌဟိ၊ တသ္မာ ဥပဋ္ဌာကာနံ အဂ္ဂေါ နာမ ဇာတော။ **အတ္ထကုသလောတိ**  
 ဘာသိတတ္ထေ၊ ပယောဇနတ္ထေ စ ဆေကော။ **ဓမ္မော**တိ ပါဠိဓမ္မော၊ နာနာ-  
 ဝိဓော ဝါ ဟေတု။ **ဗျဉ္ဇနန္တိ** အက္ခရံ အတ္ထဿ ဗျဉ္ဇနတော။ ပဒေန ဟိ  
 ဗျဉ္ဇိတောပိ အတ္ထော အက္ခရမူလကတ္တာပဒဿ “အက္ခရေန ဗျဉ္ဇိတော”တိ ဝုစ္စတိ။  
 အတ္ထဿ ဝိယဉ္ဇနတော ဝါ ဝါကျမ္ပိ ဣဓ **ဗျဉ္ဇနံ** နာမ။ ဝါကျေန ဟိ အတ္ထော  
 ပရိပုဏ္ဏံ ဗျဉ္ဇိယတိ၊ ယတော “ဗျဉ္ဇနေဟိ ဝိဝရတိ”တိ အာယသ္မတာ မဟာကစ္စာ-  
 ယနတ္ထေရေန ဝုတ္တံ။ **နိရုတ္တိ**တိ နိဗ္ဗစနံ၊ ပဉ္စဝိဓော ဝါ နိရုတ္တိနယာ။ တေသမ္ပိ ဟိ  
 သဒ္ဓရစနာဝိသေသေန အတ္တာဓိဂမဟေတုတော ဣဓ ဂဟဏံ ယုဇ္ဇတိ။ **ပုဗ္ဗာပရံ**  
 နာမ ပုဗ္ဗာပရာနသန္တိ၊ သုတ္တဿ ဝါ ပုဗ္ဗဘာဂေန အပရဘာဂဿ သံသန္တနံ။  
 ဘဂဝတာ စ ပဉ္စဝိဓတေဒဂ္ဂဋ္ဌာနေန ဓမ္မသေနာပတိနာ စ ပဉ္စဝိဓကောသလ္လေန  
 ပသဋ္ဌဘာဝါနုရူပန္တိ သမ္ပန္နော။ **ဓာရဏဗလန္တိ** ဓာရဏသင်္ခါတံ ဗလံ၊ ဓာရဏေ  
 ဝါ ဗလံ၊ ဥဘယတ္တာပိ ဓာရေတုံ သာမတ္ထိယန္တိ ဝုတ္တံ ဟောတိ။ **ဒဿန္တော**  
 ဟုတွာ၊ ဒဿနဟေတုတိပိ အတ္ထော။ **တဉ္စ ခေါ အတ္ထတော ဝါ ဗျဉ္ဇနတော**  
**ဝါ အနုနမနမိကန္တိ** အဝဓာရဏဖလမာဟ။ **န အညဿာ ဒန္တဗ္ဗန္တိ** ပန  
 နိဝတ္တေတဗ္ဗတ္ထံ။ **န အညဿာ**တိ စ ဘဂဝတော သမ္ပုခါ သုတာကာရတော  
 န အညဿာ၊ န ပန ဘဂဝတာ ဒေသိတာကာရတော။ အစိန္တေယျာနုဘာဝါ  
 ဟိ ဘဂဝတော ဒေသနာ၊ ဧဝံ ကတွာ “သဗ္ဗပ္ပကာရေန ကော သမတ္ထော  
 ဝိညာတု”န္တိ ဟေဋ္ဌာ ဝုတ္တဝစနံ သမတ္ထိတံ ဟောတိ၊ ဣတရဿ ဘဂဝတာ  
 ဒေသိတာကာရနေဝ သောတုံ သမတ္ထတ္တာ တဒေတံ န ဝတ္တဗ္ဗံ သိယာ။  
 ယထာဝုတ္တေန ပန အတ္ထေန ဓာရဏဗလဒဿနဉ္စ န ဝီရုဇ္ဈတိ သုတာကာရာ-  
 ဝီရုဇ္ဈနဝသေန ဓာရဏဿ အဓိပ္ပေတတ္တာ၊ အညဿာ ဘဂဝတာ ဒေသိတာ-  
 ကာရနေဝ ဓာရိတုံ သမတ္ထနတော ဟေဋ္ဌာ ဝုတ္တဝစနေန ဝီရုဇ္ဈေယျ။ န ဟေတ္ထ  
 ဦန္တံ အတ္တာနံ အတ္တန္တရတာပရိဟာရော ယုတ္တော တေသံ ဦန္တမ္ပိ အတ္တာနံ  
 သုတဘာဝဒီပနေန ဧကဝိသယတ္တာ၊ ဣတရဿ ထေရော ဘဂဝတော  
 ဒေသနာယ သဗ္ဗဿာ ပဋိဂ္ဂဟဏေ ပစ္စိမတ္ထဝသေန သမတ္ထော၊ ပုရိမတ္ထဝသေန  
 စ အသမတ္ထောတိ အာပဇ္ဇေယျာတိ။

“ယော ပရော န ဟောတိ၊ သော အတ္တာ”တိ ဝုတ္တာယ နိယကဇ္ဈတ္တ-  
သင်္ခါတာယ သန္တတိယာ ပဝတ္တနကော တိဝိဓောပိ မေ-သဒ္ဓေါ၊ တသ္မာ ကိဉ္ဇာပိ  
နိယကဇ္ဈတ္တသန္တတိဝသေန ဧကသ္မိယေဝတ္ထေ မေ-သဒ္ဓေါ ဒိဿတိ၊ တထာပိ  
ကရဏသမ္ပဒါနသာမိနိဒ္ဓေသဝသေန ဝိဇ္ဇမာနဝိဘတ္တိဘေဒံ သန္တာယ ဝုတ္တံ  
“တိသု အတ္ထေသု ဒိဿတိ”တိ၊ တိသု ဝိဘတ္တိယတ္ထေသု အတ္တနာ သညုတ္တ-  
ဝိဘတ္တိတော ဒိဿတိတိ အတ္ထော။ ဂါထာဘိဂီတန္တိ ဂါထာယ အဘိဂီတံ  
အဘိမုခံ ဂါယိတံ။ အဘောဇနေယျန္တိ ဘောဇနံ ကာတုမနရဟရူပံ။ အဘိ-  
ဂီတပဒဿ ကတ္ထုပေက္ခတ္တာ မယာတိ အတ္ထော။ ဧဝံ သေသေသုပိ ယထာရဟံ။  
သုတသဒ္ဓဿ ကမ္မဘာဝသာနေဝသေန ဒွါဗိပ္ပုယိကပဒတ္တာ ယထာယောဂံ  
“မယာ သုတ”န္တိ စ “မမ သုတ”န္တိ စ အတ္ထဒ္ဓယေ ယုဇ္ဇတိ။

ကိဉ္ဇာပိ ဥပသဂ္ဂေါ ကိရိယံ ဝိသေသေတိ၊ ဇောတကမတ္တဘာဝတော ပန  
သတိပိ တသ္မိ သုတသဒ္ဓေါယေဝ တံ တံ အတ္ထံ ဝဒတိတိ အနုပသဂ္ဂဿ သုတ-  
သဒ္ဓဿ အတ္ထုဒ္ဓါရေ သဥပသဂ္ဂဿ ဂဟဏံ န ဝိရုဇ္ဈတိတိ အာဟ “သဥပ-  
သဂ္ဂေါ စ အနုပသဂ္ဂေါ စာ”တိ။ အဿာတိ သုတသဒ္ဓဿ။ ဥပသဂ္ဂဝသေနပိ  
ဓာတုသဒ္ဓေါ ဝိသေသတ္ထဝါစကော ယထာ “အနုဘဝတိ ပရာဘဝတိ”တိ ဝုတ္တံ  
“ဂစ္ဆန္တောတိ အတ္ထော”တိ။ တထာ အနုပသဂ္ဂေါပိ ဓာတုသဒ္ဓေါ သဥပ-  
သဂ္ဂေါဝိယ ဝိသေသတ္ထဝါစကောတိ အာဟ “ဝိသုတဓမ္မဿာတိ အတ္ထော”တိ။  
ဧဝမိဒိသေသု။ သောတဝိညေယျန္တိ သောတဒ္ဓါရနိဿိတေန ဝိညာဏေန  
ဝိညာတဗ္ဗံ၊ သသမ္ဘာရကထာ ဝါ သော၊ သောတဒ္ဓါရေန ဝိညာတဗ္ဗန္တိ  
အတ္ထော။ သောတဒ္ဓါရနုသာရဝိညာတဓရောတိ သောတဒ္ဓါရနုသာရေန  
မနောဝိညာဏေန ဝိညာတဓမ္မဓရော။ န ဟိ သောတဒ္ဓါရနိဿိတဝိညာဏ-  
မတ္တေန ဓမ္မော ဝိညာယတိ၊ အထ ခေါ တဒနုသာရမနောဝိညာဏေနဝ၊  
သုတဓရောတိ စ တထာဝိညာတဓမ္မဓရော ဝုတ္တော၊ တသ္မာ တဒတ္ထောယေဝ  
သမ္ဘဝတိတိ ဧဝံ ဝုတ္တံ။ ကမ္မဘာဝသာနောနိ သုတသဒ္ဓေ သမ္ဘဝန္တိတိ ဒဿေတုံ  
“ဣဓ ပနာ”တိအာဒိမာဟ။ ပုဗ္ဗာပရပဒသမ္ပန္နဝသေန အတ္ထဿ ဥပပန္နတာ၊  
အနုပပန္နတာ စ ဝိညာယတိ၊ တသ္မာ သုတသဒ္ဓဿေဝ ဝသေန အယမတ္ထော  
“ဥပပန္နော၊ အနုပပန္နော”တိ ဝါန ဝိညာတဗ္ဗောတိ စောဒနာယ ပုဗ္ဗာပရပဒ-  
သမ္ပန္နဝသေန တေဒတ္ထဿ ဥပပန္နတံ ဒဿေတုံ “မေ-သဒ္ဓဿ ဟိ”တိအာဒိ  
ဝုတ္တံ။ မယာတိ အတ္ထေ သတိတိ ကတ္ထုတ္ထေ ကရဏနိဒ္ဓေသဝသေန  
မယာတိ အတ္ထေ ဝတ္ထဗ္ဗေ သတိ၊ ယဒါ မေ-သဒ္ဓဿ ကတ္ထုဝသေန ကရဏ-  
နိဒ္ဓေသော၊ တဒါတိ ဝုတ္တံ ဟောတိ။ မမာတိ အတ္ထေ သတိတိ သမ္ပန္နိယတ္ထေ

သာမိနိဋ္ဌေသဝသေန မမာတိ အတ္ထေ ဝတ္ထဗ္ဗေ သတိ၊ ယဒါ သမ္ပန္နဝသေန သာမိ နိဋ္ဌေသော၊ တဒါတိ ဝုတ္တံ ဟောတိ။

ဧဝံ သဒ္ဓတော ဉ္ဇတဗ္ဗမတ္ထံ ဝိညာပေတွာ ဣဒါနိ တေဟိ ဒဿေတဗ္ဗမတ္ထံ နိဒဿေန္တော “ဝေဗေတေသျှ” တိအာဒိမာဟ။ သုတသဒ္ဓသန္နိဓာနေ ပယုတ္တေန ဧဝံ-သဒ္ဓေန သဝနကိရိယာဇောတကေနော ဘဝိတဗ္ဗံ ဝိဇ္ဇမာနတ္ထဿ ဇောတကမတ္တတ္တာ နိပါတာနန္တိ ဝုတ္တံ “ဝေန္တိ သောတဝိညာဏာဒိဝိညာဏ- ကိစ္စနိဒဿန” န္တိ။ သဝနာယ ဧဝံ ဟိ အာကာရေ၊ နိဒဿနံ၊ အဝဓာရဏမ္ပိ၊ တသ္မာ ယထာဝုတ္တော ဧဝံ-သဒ္ဓဿ တိဝိဓောပိ အတ္ထော သဝနကိရိယာ- ဇောတကဘာဝေန ဣဓာမိပ္ပေတောတိ။ အာဒိ-သဒ္ဓေန စေတ္ထ သမ္ပုဋိစ္ဆနာဒိနံ သောတဒ္ဓါရိကဝိညာဏာနံ၊ တဒဘိနိပါတာနဉ္စ မနောဒ္ဓါရိကဝိညာဏာနံ ဂဟဏံ ဝေဒိတဗ္ဗံ၊ ယတော သောတဒ္ဓါရနုသာရဝိညာတတ္ထေ ဣဓ သုတ- သဒ္ဓေါတိ ဝုတ္တော။ အဝဓာရဏဖလတ္တာ သဒ္ဓပယောဂဿ သဗ္ဗမ္ပိ ဝါကျံ အန္တောဂဓာဝဓာရဏံ၊ တသ္မာ “သုတ” န္တိ ဧတဿ သုတမေဝါတိ အယမတ္ထော လဗ္ဘတိတိ အာဟ “အဿဝနဘာဝပဋိက္ခေပတော” တိ။ ဧတေန ဟိ ဝစနေန အဝဓာရဏေန နိရာကတံ ဒဿေတိ။ ယထာ ပန ယံ သုတံ သုတမေဝါတိ နိယမေတဗ္ဗံ၊ တထာ စ တံ သုတံ သမ္မာ သုတံ ဟောတိတိ အဝဓာရဏဖလံ ဒဿေတုံ ဝုတ္တံ “အနုနာဓိကာဝိပရိတဂ္ဂဟဏနိဒဿန” န္တိ။ အထ ဝါ သဒ္ဓန္တ- ရတ္တာပေါဟနဝသေန သဒ္ဓေါ အတ္ထံ ဝဒတိ၊ တသ္မာ “သုတ” န္တိ ဧတဿ အသုတံ န ဟောတိတိ အယမတ္ထော လဗ္ဘတိတိ သန္ဓာယ “အဿဝနဘာဝပဋိက္ခေ- ပတော” တိ ဝုတ္တံ၊ ဣမိနာ ဒိဋ္ဌာဒိနိဝတ္တနံ ကရေတိ ဒိဋ္ဌာဒိနံ “အသုတ” န္တိ သဒ္ဓန္တရတ္တဘာဝေန နိဝတ္ထေတဗ္ဗတ္တာ။ ဣဒံ ဝုတ္တံ ဟောတိ—န ဣဒံ မယာ အတ္တနော ဉ္ဇဏေန ဒိဋ္ဌံ၊ န စ သယန္တုဉ္ဇဏေန သစ္စိကတံ၊ အထ ခေါ သုတံ၊ တဉ္စ ခေါ သုတံ သမ္ပဒေဝါတိ။ တဒေဝ သမ္မာ သုတဘာဝံ သန္ဓာယာဟ “အနုနာပဿန” န္တိ။ ဟောတိ စေတ္ထ—

“ဧဝါဒိသတ္တိယာ စေဝ၊ အညတ္တာပေါဟနေန စ။

ဒွိဓာ သဒ္ဓေါ အတ္တန္တရံ၊ နိဝတ္ထေတိ ယထာရဟ” န္တိ။

အပိစ အဝဓာရဏတ္ထေ ဧဝံ-သဒ္ဓေ အယမတ္ထယောဇနာ ကရိယတိတိ တဒပေက္ခဿ သုတသဒ္ဓဿ သာဝဓာရဏတ္ထော ဝုတ္တော “အဿဝနဘာဝ- ပဋိက္ခေပတော” တိ၊ တဒဝဓာရဏဖလံ ဒဿေတိ “အနုနာပဿန” န္တိ ဣမိနာ။ သဝန-သဒ္ဓေါ စေတ္ထ ဘာဝသဒ္ဓေန ယောဂတော ကမ္မသာဓနော ဝေဒိတဗ္ဗော “သုယျတိ” တိ။ အနုနာဓိကတာယ ဘဂဝတော သမ္ပုဋိ သုတာကာရတော

အဝိပရီတံ၊ အဝိပရီတဿ ဝါ သုတ္တဿ ဂဟဏံ၊ တဿ နိဒဿနံ တထာ၊ ဣတိ သဝနဟေတု သုဏန္တပုဂ္ဂလသဝနဝိသေသဝသေန အယံ ယောဇနာ ကတာ။

ဧဝံ ပဒတ္တယဿ ဧကေန ပကာရေန အတ္ထယောဇနံ ဒဿေတွာ ဣဒါနိ ပကာရန္တရေနာပိ တံ ဒဿေတုံ “တထာ”တိအာဒိ ဝုတ္တံ။ တတ္ထ တဿာတိ ယာ ဘဂဝတော သမ္ပုခါ ဓမ္မဿဝနာကာရေန ပဝတ္တာ မနောဒွါရိကဝိညာဏ-  
ဝီရိယံ၊ တဿာ။ သာ ဟိ နာနာပွကာရေန အာရမ္မဏေ ပဝတ္တိတုံ သမတ္တာ၊  
န သောတဒွါရိကဝိညာဏဝီရိယံ ဧကောရမ္မဏေယေဝ ပဝတ္တနတော။ တထာ-  
စေဝ ဝုတ္တံ “သောတဒွါရနုသာရေနာ”တိ။ တေန ဟိ သောတဒွါရိကဝိညာဏ-  
ဝီရိယံ နိဝတ္တတိ။ နာနပွကာရေနာတိ ဝက္ခမာနေန အနေကဝိဟိတေန  
ဗျဉ္ဇနတ္ထဂ္ဂဟဏာကာရသင်္ခါတေန နာနာဝိဓေန အာကာရေန၊ ဧတေန ဣမိဿာ  
ယောဇနာယ အာကာရတ္ထော ဧဝံ-သဒ္ဓေါ ဂဟိတောတိ ဒဿေတိ။ ပဝတ္တိ-  
ဘာဝပွကာသနန္တိ ပဝတ္တိယာ အတ္တိဘာဝပွကာသနံ။ ယသ္မိံ ပကာရေ ဝုတ္တပွ-  
ကာရာ ဝိညာဏဝီရိယံ နာနပွကာရေန ပဝတ္တာ၊ တဒေဝ အာရမ္မဏံ သန္ဓာယ  
“ဓမ္မပွကာသန”န္တိ ဝုတ္တံ၊ န ပန သုတသဒ္ဓဿ ဓမ္မတ္ထံ၊ တေန ဝုတ္တံ  
“အယံ ဓမ္မော သုတော”တိ။ တဿာ ဟိ ဝိညာဏဝီရိယာ အာရမ္မဏ-  
မေဝ “အယံ ဓမ္မော သုတော”တိ ဝုစ္စတိ။ တဉ္စ နိယမိယမာနံ ယထာ-  
ဝုတ္တာယ ဝိညာဏဝီရိယာ အာရမ္မဏဘူတံ သုတ္တမေဝ။ အယဉ္ဇေတ္တာတိ-  
အာဒိ ဝုတ္တဿေဝတ္ထဿ ပါကင်္ဂီကရဏံ။ တပ္ပါကင်္ဂီကရဏတ္ထော ဟေတ္ထ  
‘ဟိ-သဒ္ဓေါ။ ဝိညာဏဝီရိယာ ကရဏဘူတဿ မယာ န အညံ ကတံ၊ ဣဒံ  
ပန အာရမ္မဏံ ကတံ။ ကိံ ပန တန္တိ စေ? အယံ ဓမ္မော သုတောတိ။ အယံ  
ပနေတ္တာမိပ္ပါယော—အာကာရတ္ထေ ဧဝံ-သဒ္ဓေ “ဧကေနာကာရေနာ”တိ  
ယော အာကာရော ဝုတ္တော၊ သော အတ္တတော သောတဒွါရနုသာရဝိညာ-  
ဏဝီရိယာ နာနပွကာရေန အာရမ္မဏေ ပဝတ္တိဘာဝေါယေဝ၊ တေန စ တဒါ-  
ရမ္မဏဘူတဿ ဓမ္မဿေဝ သဝနံ ကတံ၊ န အညန္တိ။ ဧဝံ သဝနကိရိယာယ  
ကရဏကတ္တုကမ္ပဝိသေသော ဣမိဿာ ယောဇနာယ ဒဿိတော။

အညမ္ပိ ယောဇနမာဟ “တထာ”တိအာဒိနာ။ နိဒဿနတ္ထံ ဧဝံ-သဒ္ဓံ  
ဂဟေတွာ နိဒဿနေန စ နိဒဿိတဗ္ဗဿာဝိနာဘာဝတော “ဝေန္တိ  
နိဒဿိတဗ္ဗပွကာသန”န္တိ ဝုတ္တံ။ ဣမိနာ ဟိ တဒဝိနာဘာဝတော ဧဝံ-  
သဒ္ဓေန သကလမ္ပိ သုတ္တံ ပစ္စာမဋ္ဌန္တိ ဒဿေတိ၊ သုတသဒ္ဓဿ ကိရိယာ-  
ပရတ္တာ၊ သဝနကိရိယာယ စ သာဓာရဏဝိညာဏပုဗ္ဗပဋိဗဒ္ဓတ္တာ တသ္မိဉ္စ

ဝိညာဏပ္ပဗန္ဓေ ပုဂ္ဂလဝေါဟာရေတိ ဝုတ္တံ “ပုဂ္ဂလကိစ္စပ္ပကာသန”န္တိ။ သာဓာ-  
ရဏဝိညာဏပ္ပဗန္ဓော ဟိ ပဏ္ဏတ္တိယာ ဣဓ ပုဂ္ဂလော နာမ၊ သဝနကိရိယာ  
ပန တဿ ကိစ္စံ နာမ။ န ဟိ ပုဂ္ဂလဝေါဟာရရဟိတေ ဓမ္မပ္ပဗန္ဓေ သဝန-  
ကိရိယာ လဗ္ဘတိ ဝေါဟာရဝိသယတ္တာ တဿာ ကိရိယာယာတိ ဒဋ္ဌဗ္ဗံ။  
“ဣဒ”န္တိအာဒိ ပိဏ္ဏတ္ထဒဿနံ။ ဗယာတိ ယထာဝုတ္တဝိညာဏပ္ပဗန္ဓသင်္ခါတ-  
ပုဂ္ဂလဘူတေန မယာ။ သုတန္တိ သဝနကိရိယာသင်္ခါတေန ပုဂ္ဂလကိစ္စေန  
ယောဇိတံ၊ ဣမိဿာ ပန ယောဇနာယ ပုဂ္ဂလဗျာပါရဝိသယဿ ပုဂ္ဂလဿ၊  
ပုဂ္ဂလဗျာပါရဿ စ နိဒဿနံ ကတန္တိ ဒဋ္ဌဗ္ဗံ။

အာကာရတ္ထမေဝ ဧဝံ-သဒ္ဓိ ဂဟေတွာ ပုရိမယောဇနာယ အညထာပိ  
အတ္ထယောဇနံ ဒဿေတုံ “တထာ”တိအာဒိ ဝုတ္တံ။ စိတ္တသန္တာနဿာတိ  
ယထာဝုတ္တဝိညာဏပ္ပဗန္ဓဿ။ နာနာကာရပ္ပဝတ္တိယာတိ နာနပ္ပကာရေန  
အာရမ္မဏေ ပဝတ္တိယာ။ နာနပ္ပကာရံ အတ္ထဗျဉ္ဇနဿ ဂဟဏံ၊ နာနပ္ပကာရဿ  
ဝါအတ္ထဗျဉ္ဇနဿ ဂဟဏံ တထာ၊ တတောယေဝ သာ “အာကာရပညတ္တိ”တိ  
ဝုတ္တာတိ တဒေဝတ္ထံ သမတ္ထေတိ “ဧဝန္တိ ဟိ”တိအာဒိနာ။ အာကာရပညတ္တိတိ  
စ ဥပါဒါပညတ္တိယေဝ၊ ဓမ္မာနံ ပန ပဝတ္တိအာကာရမုပါဒါယ ပညတ္တတ္တာ  
တဒညာယ ဥပါဒါပညတ္တိယာ ဝိသေသနတ္ထံ “အာကာရပညတ္တိ”တိ ဝုတ္တာ။  
ဝိသယနိဒ္ဒေသောတိ ဥပ္ပတ္တိဋ္ဌာနနိဒ္ဒေသော။ သောတဗ္ဗဘူတော ဟိ ဓမ္မော  
သဝနကိရိယာကတ္ထုဘူတဿ ပုဂ္ဂလဿ သဝနကိရိယာဝသေန ပဝတ္တိဋ္ဌာနံ  
ကိရိယာယ ကတ္ထုကမ္မဋ္ဌတ္တာ၊ တဗ္ဗသေန စ တဒါဓာရဿာပိ ဒဗ္ဗဿ အာ-  
ဓာရဘာဝဿ ဣစ္ဆိတတ္တာ၊ ဣဓ ပန ကိရိယာယ ကတ္ထုပဝတ္တိဋ္ဌာနဘာဝေါ  
ဣစ္ဆိတောတိ ကမ္မမေဝ အာဓာရဝသေန ဝုတ္တံ၊ တေနာဟ “ကတ္ထု ဝိသယဂ္ဂ-  
ဟဏသန္နိဋ္ဌာန”န္တိ၊ အာရမ္မဏမေဝ ဝါ ဝိသယော။ အာရမ္မဏဉ္စိ တဒါ-  
ရမ္မဏိကဿ ပဝတ္တိဋ္ဌာနံ။ ဧဝမ္ပိ ဟိ အတ္ထော သုဝိညေယျတရော ဟောတိ။  
ယထာဝုတ္တဝစနေ ပိဏ္ဏတ္ထံ ဒဿေတုံ “တ္ထောဝတာ”တိအာဒိ ဝုတ္တံ။  
တ္ထောဝတာ တ္ထေနေန ယထာဝုတ္တတ္ထေန ပဒတ္တယေန၊ ဂတံ ဟောတိတိ  
သဗ္ဗန္ဓော။ နာနာကာရပ္ပဝတ္တေနာတိ နာနပ္ပကာရေန အာရမ္မဏေ ပဝတ္တေန။  
စိတ္တသန္တာနေနာတိ ယထာဝုတ္တဝိညာဏဝိသင်္ခါတေန စိတ္တပ္ပဗန္ဓေန။ ဂဟဏ-  
သဒ္ဓေ စေတံ ကရဏံ။ စိတ္တသန္တာနဝိနိမုတ္တဿ ကဿမိ ကတ္ထု ပရမတ္ထတော  
အဘာဝေပိ သဒ္ဓဝေါဟာရေန ဗုဒ္ဓိပရိကပ္ပိတဘေဒဝစနိစ္ဆာယ စိတ္တသန္တာ-  
နတော အညမိဝ တံသမင်္ဂိ ကတွာ အဘေဒေပိ ဘေဒဝေါဟာရေန  
“စိတ္တသန္တာနေန တံသမင်္ဂိနေန”တိ ဝုတ္တံ။ ဝေါဟာရဝိသယော ဟိ သဒ္ဓေါ

နေကန္တပရမတ္ထိကောတိ။ သဝနကိရိယာဝိသယောပိ သောတဗ္ဗဓမ္မော သဝန-  
ကိရိယာဝသေန ပဝတ္တစိတ္တသန္တာနဿ ဣမ ပရမတ္ထတော ကတ္ထုဘာဝတော  
တဿ ဝိသယောယေဝါတိ ဝုတ္တံ “**ကတ္ထု ဝိသယဂဟဏသန္နိဋ္ဌာန**” န္တိ။

အပိစ သဝနဝသေန စိတ္တပွဝတ္တိယာ ဧဝ သဝနကိရိယာဘာဝတော  
တံဝသေန တဒညနာမရူပဓမ္မသမုဒါယဘူတဿ တံကိရိယာကတ္ထု စ ဝိသယော  
ဟောတီတိ ကတွာ တထာ ဝုတ္တံ။ ဣဒံ ဝုတ္တံ ဟောတိ—ပုရိမနယေ  
သဝနကိရိယာ၊ တက္ကတ္တာ စ ပရမတ္ထတော တထာပဝတ္တစိတ္တသန္တာနမေဝ၊  
တသ္မာ ကိရိယာဝိသယောပိ “**ကတ္ထု ဝိသယော**” တိ ဝုတ္တော။ ပစ္ဆိမနယေ  
ပန တထာပဝတ္တစိတ္တသန္တာနံ ကိရိယာ၊ တဒညဓမ္မသမုဒါယော ပန ကတ္တာ၊  
တသ္မာ ကာမံ ကေန္တတော ကိရိယာဝိသယောယေဝေသ ဓမ္မော၊ တထာပိ  
ကိရိယာဝသေန “**တဗ္ဗန္တကတ္ထု ဝိသယော**” တိ ဝုတ္တောတိ။ **တံသမဂ္ဂိနော**တိ  
တေန စိတ္တသန္တာနေန သမဂ္ဂိနော။ **ကတ္ထု** တိ ကတ္တာရဿ။ **ဝိသယော** တိ  
အာရမ္မဏဝသေန ပဝတ္တိဋ္ဌာနံ၊ အာရမ္မဏမေဝ ဝါ။ သုတာကာရဿ စ  
ထေရဿ သမ္မာ နိစ္ဆိတဘာဝတော “**ဂဟဏသန္နိဋ္ဌာန**” န္တိ ဝုတ္တံ။

အပရော နယော—ယဿ ။ပ။ **အာကာရပညတ္တိ**တိ အာကာရတ္ထေန  
ဧဝံ-သဒ္ဓေန ယောဇနံ ကတွာ တဒေဝ အဝဓာရဏတ္ထမ္ပိ ဂဟေတွာ ဣမသ္မိ-  
ယေဝ နယေ ယောဇေတုံ “**ဂဟဏံ ကတံ**” ဣစ္ဆေဝ အဝတွာ “**ဂဟဏသန္နိ-  
ဋ္ဌာနံ ကတံ**” န္တိ ဝုတ္တန္တိ ဒဋ္ဌဗ္ဗံ။ အဝဓာရဏေန ဟိ သန္နိဋ္ဌာနမိဓာမိပေတံ၊  
တသ္မာ “**တ္ထောဝတာ**” တိအာဒိနာ အဝဓာရဏတ္ထမ္ပိ ဧဝံ-သဒ္ဓိ ဂဟေတွာ  
အယမေဝ ယောဇနာ ကတာတိ ဒဿေတီတိ ဝေဒိတဗ္ဗံ၊ ဣမိဿာ ပန  
ယောဇနာယ ဂဟဏာကာရဂါဟကတဗ္ဗိသယဝိသေသနိဒဿနံ ကတန္တိ ဒဋ္ဌဗ္ဗံ။

အညမ္ပိ ယောဇနမာဟ “**အထ ဝါ**” တိအာဒိနာ။ ပုဗ္ဗေ အတ္တနာ သုတာနံ  
နာနာဝိဟိတာနံ သုတ္တသင်္ခါတာနံ အတ္ထဗျဉ္ဇနာနံ ဥပဓာရိတရူပဿ အာကာ-  
ရဿ နိဒဿနဿ၊ အဝဓာရဏဿ ဝါ ပကာသနသဘာဝေါ ဧဝံ-သဒ္ဓေါတိ  
တဒါကာရာဒိဘူတဿ ဥပဓာရဏဿ ပုဂ္ဂလပညတ္တိယာ ဥပါဒါနဘူတဓမ္မပု-  
ဗန္ဓဗျာပါရတာယ “**ပုဂ္ဂလကိစ္စနိဒ္ဒေသော**” တိ ဝုတ္တံ။ အတ္တနာ သုတာနဉ္စိ  
အတ္ထဗျဉ္ဇနာနံ ပန ဥပဓာရဏံ အာကာရာဒိတ္တယံ၊ တဉ္စ ဧဝံ-သဒ္ဓဿ အတ္ထော။  
သော ပန ယံ ဓမ္မပုဗန္ဓံ ဥပါဒါယ ပုဂ္ဂလပညတ္တိ ပဝတ္တာ၊ တဿ ဗျာပါရဘူတံ

ကိစ္စမေဝ၊ တသ္မာ ဧဝံ-သဒ္ဓေန ပုဂ္ဂလကိစ္စံ နိဒ္ဒိသီယတီတိ။ ကာမံ သဝနကိရိ-  
ယာ ပုဂ္ဂလဗျာပါရောပိ အဝိသေသေန၊ တထာပိ ဝိသေသတော ဝိညာဏ-  
ဗျာပါရောဝါတိ ဝုတ္တံ “ဝိညာဏကိစ္စနိဒ္ဓေသော”တိ။ တထာ ဟိ ပုဂ္ဂလ-  
ဝါဒီနမ္ပိ သဝနကိရိယာ ဝိညာဏနိရပေက္ခာ နတ္ထိ သဝနာဒီနံ ဝိသေသတော  
ဝိညာဏဗျာပါရဘာဝေန ဣစ္ဆိတတ္တာ။ မေတိ သဒ္ဓပ္ပဝတ္တိယာ ကေန္တေနော  
သတ္တဝိသယတ္တာ၊ ဝိညာဏကိစ္စဿ စ သတ္တဝိညာဏာနမဘေဒကရဏဝသေန  
တတ္ထေဝ သမောဒဟိတဗ္ဗတော “ဥဘယကိစ္စယုတ္တပုဂ္ဂလနိဒ္ဓေသော”တိ ဝုတ္တံ။  
“အယ”န္တိအာဒိ တပ္ပါကဋီကရဏံ။ ဧတ္ထ ဟိ သဝနကိစ္စဝိညာဏသမင်္ဂီနာတိ  
ဧဝံ-သဒ္ဓေန နိဒ္ဒိဋ္ဌံ ပုဂ္ဂလကိစ္စံ သန္ဓာယ ဝုတ္တံ၊ တံ ပန ပုဂ္ဂလဿ သဝနကိစ္စ-  
ဝိညာဏသမင်္ဂီဘာဝေန ပုဂ္ဂလကိစ္စံ နာမာတိ ဒဿေတုံ “ပုဂ္ဂလကိစ္စသမင်္ဂီ-  
နာ”တိ အဝတ္တော “သဝနကိစ္စဝိညာဏသမင်္ဂီနာ”တိ အာဟ၊ တသ္မာ  
“ပုဂ္ဂလကိစ္စ”န္တိ နိဒ္ဒိဋ္ဌသဝနကိစ္စဝတာ ဝိညာဏေန သမင်္ဂီနာတိ အတ္ထော။  
ဝိညာဏဝသေန၊ လဒ္ဓသဝနကိစ္စဝေါဟာရေနာတိ စ သုတသဒ္ဓေန နိဒ္ဒိဋ္ဌံ  
ဝိညာဏကိစ္စံ သန္ဓာယ ဝုတ္တံ။ သဝနမေဝ ကိစ္စံ ယဿာတိ တထာ။ သဝနကိစ္စန္တိ  
ဝေါဟာရော သဝနကိစ္စဝေါဟာရော၊ လဒ္ဓေါ သော ယေနာတိ တထာ။  
လဒ္ဓသဝနကိစ္စဝေါဟာရေန ဝိညာဏသင်္ခါတေန ဝသေန သာမတ္ထိယေနာတိ  
အတ္ထော။ အယံ ပန သမ္ပန္နော—သဝနကိစ္စဝိညာဏသမင်္ဂီနာ ပုဂ္ဂလေန မယာ  
လဒ္ဓသဝနကိစ္စဝေါဟာရေန ဝိညာဏဝသေန ကရဏဘူတေန သုတန္တိ။

အပိစ “ဝေ”န္တိ သဒ္ဓဿတ္ထော အဝိဇ္ဇမာနပညတ္တိ၊ “သုတ”န္တိ သဒ္ဓဿတ္ထော  
ဝိဇ္ဇမာနပညတ္တိ၊ တသ္မာ တေ တထာရူပပညတ္တိ ဥပါဒါနဘူတပုဂ္ဂလဗျာပါရ-  
ဘာဝေနော ဒဿေန္တော အာဟ “ဝေ”န္တိ ပုဂ္ဂလကိစ္စနိဒ္ဓေသော။ သုတန္တိ  
ဝိညာဏကိစ္စနိဒ္ဓေသော”တိ။ န ဟိ ပရမတ္ထတောယေဝ နိယမိယမာနေ သတိ  
ပုဂ္ဂလကိစ္စဝိညာဏကိစ္စဝသေန အယံ ဝိဘာဂေါ လဗ္ဘတီတိ။ ဣမိဿာ ပန  
ယောဇနာယ ကတ္တုဗျာပါရကရဏဗျာပါရကတ္တုနိဒ္ဓေသော ကတောတိ  
ဝေဒိတဗ္ဗော။

သဗ္ဗဿာပိ သဒ္ဓါမိဂမနိယဿ အတ္တဿ ပညတ္တိမုခေနော ပဋိပဇ္ဇိတဗ္ဗတ္တာ၊  
သဗ္ဗာသမ္ဘ ပညတ္တိနံ ဝိဇ္ဇမာနာဒိဝသေန ဆသု ပညတ္တိဘေဒေသု အန္တော-  
ဂတ္ထော တာသု “ဝေ”န္တိအာဒီနံ ပညတ္တိနံ သရူပံ နိဒ္ဓါရေတွာ ဒဿေန္တော  
“ဝေ”န္တိ စာ”တိအာဒိမာဟ။ တတ္ထ “ဝေ”န္တိ စ “မေ”တိ စ ဝုစ္စမာနဿ  
အတ္တဿ အာကာရာဒိဘူတဿ ဓမ္မာနံ အသလ္လက္ခဏဘာဝတော အဝိဇ္ဇမာန-  
ပညတ္တိဘာဝေါတိ အာဟ “သန္တိကန္ဓပရမတ္ထဝသေန အဝိဇ္ဇမာနပညတ္တိ”တိ။

သစ္စိကဋ္ဌပရမတ္ထဝသေနာတိ စ ဘူတတ္ထဥတ္တမတ္ထဝသေနာတိ အတ္ထော။ ဣဒံ  
 ဝုတ္တံ ဟောတိ—ယော မာယာမရိဗ်အာဒယော ဝိယ အဘူတတ္ထော၊ အနုဿ-  
 ဝါဒီဟိ ဂဟေတဗ္ဗော ဝိယ အနုတ္တမတ္ထော စ န ဟောတိ။ သော ရူပ-  
 သဒ္ဓါဒိသဘာဝေါ၊ ရူပနာနဘဝနာဒိသဘာဝေါ ဝါ အတ္ထော “သစ္စိကဋ္ဌော၊  
 ပရမတ္ထော”တိ စ ဝုစ္စတိ။ “ဧဝံ မေ”တိ ပဒါနံ ပန အတ္ထော အဘူတတ္ထာ၊  
 အနုတ္တမတ္ထာ စ န တထာ ဝုစ္စတိ။ တဿ ဘူတတ္ထဥတ္တမတ္ထသင်္ခါတေန သစ္စိကဋ္ဌ-  
 ပရမတ္ထဝသေန ဝိသေသနဘူတေန အဝိဇ္ဇမာနပညတ္တိယေဝါတိ။ ဧတေန စ  
 ဝိသေသနေန ဗာလဇနေဟိ “အတ္ထိ”တံ ပရိကပ္ပိတံ ပညတ္တိတ္ထေ နိဝတ္တေတိ။  
 တဒေဝတ္ထံ ပါကဋံ ကရေတိ၊ ဟေတုနာ ဝါ သာဓေတိ “**ကိဉ္ဇေတ္ထ တ**”န္တိ-  
 အာဒိနာ။ ယံ ဓမ္မဇာတံ၊ အတ္ထဇာတံ ဝါ “ဧဝံ”န္တိ ဝါ “မေ”တိ ဝါ နိဒ္ဒေသံ  
 လဘေထ။ **တံ ဧတ္ထ** ရူပဓဿာဒိဓမ္မသမုဒါယေ။ “ဧဝံ မေ”တိ ပဒါနံ ဝါ အတ္ထေ။  
 ပရမတ္ထတော န အတ္ထိတိ ယောဇနာ။ ရူပဓဿာဒိဘာဝေန နိဒ္ဓိဋ္ဌော ပရမတ္ထ-  
 တော ဧတ္ထ အတ္ထေဝ။ “ဧဝံ မေ”တိ ပန နိဒ္ဓိဋ္ဌော နတ္ထိတိ အဓိပ္ပါယော။ **သုတန္တိ**  
 ပန သဒ္ဓါယတနံ သန္ဓာယာဟ **“ဝိဇ္ဇမာနပညတ္တိ”**တိ။ “သစ္စိကဋ္ဌပရမတ္ထဝသေ-  
 နာ”တိ စေတ္ထ အဓိကာရော။ “**ယဉ္စိ**”တိအာဒိ တပ္ပါကဋီကရဏံ၊ ဟေတုဒဿနံ  
 ဝါ။ ယံ တံ သဒ္ဓါယတနံ **သောတေန** သောတဒ္ဓါရေန၊ တန္တိဿိတဝိညာဏေန  
 ဝါ ဥပလန္တံ အဓိဂမိတဗ္ဗန္တိ အတ္ထော။ တေန ဟိ သဒ္ဓါယတနမိမ ဂဟိတံ ကမ္မ-  
 သာဓနေနာတိ ဒဿေတိ။

ဧဝံ အဋ္ဌကထာနယေန ပညတ္တိသရူပံ နိဒ္ဓါရေတွာ ဣဒါနိ အဋ္ဌကထာ-  
 မုတ္တကေနာပိ နယေန ဝုတ္တေသု ဆသု ပညတ္တိဘေဒေသု “ဧဝံ”န္တိအာဒိနံ ပညတ္တိနံ  
 သရူပံ နိဒ္ဓါရေန္တော **“တထာ”**တိအာဒိမာဟ။ ဥပါဒါပညတ္တိ အာဒယော  
 ဟိ ပေါရာဏဋ္ဌကထာတော မုတ္တာ သင်္ဂဟကာရေနေဝ အာစရိယေန ဝုတ္တာ။  
 ဝိတ္တာရော အဘိဓမ္မဋ္ဌကထာယ ဂဟေတဗ္ဗော။ **တံ တန္တိ** တံ တံ ဓမ္မဇာတံ၊  
 သောတပထမာဂတေ ဓမ္မေ ဥပါဒါယ တေသံ ဥပဓာရိတာကာရနိဒဿနာ-  
 ဝဓာရဏဿ ပစ္စာမသနဝသေန **ဧဝန္တိ** • သသန္တတိပရိယာပန္နေ ခန္ဓေ  
 ဥပါဒါယ **မေတိ** • ဝတ္တဗ္ဗတ္တာတိ အတ္ထော။ ရူပဝေဒနာဒိဘေဒေဟိ ဓမ္မေ  
 ဥပါဒါယ နိဿာယ ကာရဏံ ကတွာ ပညတ္တိ **ဥပါဒါပညတ္တိ** ယထာ “တာနိ  
 တာနိ အင်္ဂါနိ ဥပါဒါယ ရထော ဂေဟံ၊ တေတေ ရူပရသာဒယော ဥပါဒါယ  
 ဃဇ္ဇော ပဇ္ဇော၊ စန္ဒိမသုရိယပရိဝတ္တာဒယော ဥပါဒါယ ကာလော ဒိသာ”တိ-  
 အာဒိ။ ပညပေတဗ္ဗဋ္ဌေန စေသာ ပညတ္တိ နာမ၊ န ပညာပနဋ္ဌေန။ ယာ  
 ပန တဿ အတ္ထဿ ပညာပနာ၊ အယံ အဝိဇ္ဇမာနပညတ္တိယေဝ။ **ဒိဋ္ဌာဒိနိ**

ဥပနိဓာယ ဝတ္ထုဗ္ဗတောတိ ဒိဋ္ဌမုတဝိညာတေ ဥပနိဓာယ ဥပတ္တန္တံ ကတွာ အပေက္ခိတွာ ဝတ္ထုဗ္ဗတ္တာ။ ဒိဋ္ဌာဒိသဘာဝဝိရဟိတေ သဒ္ဓါယတနေ ဝတ္ထုမာနောပိ ဟိသုတဝေါဟာရေ “ဒုတိယံ တတိယ” န္တိအာဒိကောဝိယ ပဌမာဒီနိ ဒိဋ္ဌမုတဝိညာတေ အပေက္ခိတွာ ပဝတ္ထော “ဥပနိဓာပညတ္တိ” တိ ဝုစ္စတေ။ သာ ပနေသာ အနေကဝိဓာ တဒညပေက္ခပုနိဓာ ဟတ္ထဂတူပနိဓာ သမ္ပယုတ္တပုနိဓာ သမာရောပိတူပနိဓာ အဝိဒူရဂတူပနိဓာ ပဋိဘာဂူပနိဓာ တဗ္ဗဟုလူပနိဓာ တဗ္ဗိသိဋ္ဌပုနိဓာ” တိအာဒိနာ။ တာသု အယံ “ဒုတိယံ တတိယ” န္တိအာဒိကာဝိယ ပဌမာဒီနိ ဒိဋ္ဌာဒီနိ အညမညမပေက္ခိတွာ ဝုတ္တတ္တာ တဒညပေက္ခပုနိဓာပညတ္တိ နာမ။

ဧဝံ ပညတ္တိယာပိ အတ္တာဓိဂမနိယတာသင်္ခါတံ ဒဿေတဗ္ဗတ္ထံ ဒဿေတွာ ဣဒါနိ သဒ္ဓသမတ္တိယေန ဒီပေတဗ္ဗမတ္တံ နိဒ္ဓါရေတွာ ဒီပေန္တော “ဧတ္ထ ဧဝံ” တိအာဒိမာဟ။ ဧတ္တာတိ တေသ္မိ ဝစနတ္တယေ။ စ-သဒ္ဓေါ ဥပဇ္ဈာသော အတ္တန္တရံ အာရဘိတုကာမေန ယောဇိတတ္တာ။ “သုတ” န္တိ ဝုတ္တေ အသုတံ န ဟောတိတိ ပကာသိတောယမတ္ထော၊ တသ္မာ တထာ သုတ-သဒ္ဓေန ပကာသိတာ အတ္တနာ ပဋိဝိဒ္ဓသုတ္တဿ ပကာရဝိသေသာ “ဧဝံ” န္တိ ထေရေန ပစ္စာမဋ္ဌာတိ တေန ဧဝံ-သဒ္ဓေန အသမ္မောဟော ဒီပိတော နာမ၊ တေနာဟ “ဧဝံ န္တိ ဝစနေန အသမ္မောဟံ ဒီပေတိ” တိ။ အသမ္မောဟန္တိ စ ယထာသုတေ သုတ္တေ အသမ္မောဟံ။ တဒေဝ ယုတ္တိယာ၊ ဗျတိရေကေန စ သမတ္ထေတိ “န ဟိ” တိ-အာဒိနာ ဝက္ခမာနဉ္စ သုတ္တံ နာနပ္ပကာရံ ဒုပ္ပုဋိဝိဒ္ဓဉ္စ။ ဧဝံ နာနပ္ပကာရေ ဒုပ္ပုဋိဝိဒ္ဓေ သုတ္တေ ကထံ သမ္ပုဋ္ဌော နာနပ္ပကာရပဋိဝေဓသမတ္ထော ဘဝိဿတိ။ ဣမာယ ယုတ္တိယာ၊ ဣမိနာ စ ဗျတိရေကေန ထေရဿ တတ္ထ အသမ္ပုဋ္ဌဘာဝသင်္ခါတော ဒီပေတဗ္ဗော အတ္ထော ဝိညာယတိတိ ဝုတ္တံ ဟောတိ။ ဧဝမိဒိသေသု ယထာရဟံ။ ဘဂဝတော သမ္ပုဇါ သုတကာရဿ ယာထာဝတော ဥပရိ ထေရေန ဒဿိယမာနတ္တာ “သုတဿ အသမ္မောသံ ဒီပေတိ” တိ ဝုတ္တံ။ ကာလန္တရေနာတိ သုတကာလတော အပရေန ကာလေန။ ယဿ ။ပ။ ပဋိဇာနာတိ၊ ထေရဿ ပန သုဝဏ္ဏဘာဇနေ ပက္ခိတ္တသိဟဝသာ ဝိယ အနဿမာနံ အသမ္ပုဋ္ဌံ တိဋ္ဌတိ၊ တသ္မာ သော ဧဝံ ပဋိဇာနာတိတိ ဝုတ္တံ ဟောတိ။ ဧဝံ ဒီပိတေန ပန အတ္ထေန ကိံ ပကာသိတန္တိ အာဟ “ဣစ္စဿာ” တိအာဒိ။ တတ္ထ ဣစ္စဿာတိ ဣတိ အဿ၊ တသ္မာ အသမ္မောဟဿ၊ အသမ္မောသဿ စ ဒီပိတတ္တာ အဿ ထေရဿ ပညာသိဒ္ဓိတိအာဒိနာ သမ္ပန္နော။ အသမ္မောဟေနာတိ သမ္မောဟဘာဝေန။ ပညာဝဋ္ဋိတသမာဓိအာဒိဓမ္မဇာတေန တံသမ္ပယုတ္တာယ

ပညာယ သိဒ္ဓိ သဟဇာတာဒိသတ္တိယာ သိဇ္ဈနတော။ သမ္မောဟပဋိပက္ခေန ဝါ ပညာသင်္ခါတေန ဓမ္မဇာတေန။ သဝနကာလသမ္ဘူတာယ ဟိ ပညာယ တဒုတ္တရိကာလပညာသိဒ္ဓိ ဥပနိဿယာဒိကောဋိယာ သိဇ္ဈနတော။ ဣတရတ္ထာပိ ယထာရဟံ နယော နေတဗ္ဗော။

ဧဝံ ပကာသိတေန ပန အတ္ထေန ကိံ ဝိဘာဝိတန္တိ အာဟ “တတ္ထာ”တိအာဒိ။ တတ္ထာတိ တေသု ဒုဗ္ဗိဓေသု ဓမ္မေသု။ ဗျဉ္ဇနာနံ ပဋိဝိဇ္ဈိတဗ္ဗော အာကာရော နာတိဂန္တိရော၊ ယထာသုတဓာရဏမေဝ တတ္ထ ကရဏီယံ၊ တသ္မာ တတ္ထ သတိယာ ဗျာပါရော အဓိကော၊ ပညာ ပန ဂုဏီဘူတာတိ ဝုတ္တံ “ပညာပုဗ္ဗ်မာယာ”တိအာဒိ။ ပညာယ ပုဗ္ဗ်မာ ပညာပုဗ္ဗ်မာတိ ဟိ နိဗ္ဗစနံ၊ ပုဗ္ဗ်မတာ စေတ္ထ ပဓာနဘာဝေါ “မနောပုဗ္ဗ်မာ ဓမ္မာ”တိအာဒိသု ဝိယ။ အပိစ ယထာ စက္ခုဝိညာဏာဒိသု အာဝဇ္ဇနာဒယော ပုဗ္ဗ်မာ သမာနာပိ တဒါရမ္မဏဿ အဝိဇာနနတော အပ္ပဓာနဘူတာ၊ ဧဝံ ပုဗ္ဗ်မာယပိ အပ္ပဓာနတ္ထေ သတိ ပညာပုဗ္ဗ်မာ ဧတိဿာတိ နိဗ္ဗစနမ္ပိ ယုဇ္ဇတိ။ ပုဗ္ဗ်မတာ စေတ္ထ ပုရေစာရိဘာဝေါ။ ဣတိ သဟဇာတပုဗ္ဗ်မော ပုရေစာတပုဗ္ဗ်မောတိ ဒုဝိဓောပိ ပုဗ္ဗ်မော ဣဓ သမ္ဘဝတိ၊ ယထာ စေတ္ထ၊ ဧဝံ သတိ “ပုဗ္ဗ်မာယာ”တိ ဧတ္ထာပိ ယထာသမ္ဘဝမေသ နယော ဝေဒိတဗ္ဗော။ ဧဝံ ဝိဘာဝိတေန သမတ္ထတာဝစနေန ကိမနုဘာဝိတန္တိ အာဟ “တဒုဘယသမတ္ထတာယောဂေနာ”တိအာဒိ။ တတ္ထ အတ္ထဗျဉ္ဇနသမ္ပန္နဿာတိ အတ္ထဗျဉ္ဇနေန ပရိပုဏ္ဏဿ၊ သင်္ကာသနာဒိဟိ ဝါ ဆဟိ အတ္ထပဒေဟိ၊ အက္ခရာဒိဟိ စ ဆဟိ ဗျဉ္ဇနပဒေဟိ သမန္တာဂတဿ၊ အတ္ထဗျဉ္ဇနသင်္ခါတေန ဝါ ရသေန သာဒုရသဿ။ ပရိယတ္တိဓမ္မောယေဝ နဝလောကုတ္တရရတနသန္တိဓာနတော သတ္တဝိဓဿ၊ ဒသဝိဓဿ ဝါ ရတနဿ သန္တိဓာနော ကောသော ဝိယာတိ ဓမ္မကောသော၊ တထာ ဓမ္မဘဏ္ဍာဂါရော၊ တတ္ထ နိယုတ္တောတိ ဓမ္မဘဏ္ဍာဂါရိကော။ အထ ဝါ နာနာရာဇဘဏ္ဍရက္ခကော ဘဏ္ဍာဂါရိကော ဝိယာတိ ဘဏ္ဍာဂါရိကော၊ ဓမ္မဿ အနုရက္ခကော ဘဏ္ဍာဂါရိကောတိ တမေဝ သဒိသတာကာရဏဒဿနေန ဝိသေသေတွာ “ဓမ္မဘဏ္ဍာဂါရိကော”တိ ဝုတ္တော။ ယထာဟ—

“မဟုဿုတော ဓမ္မဓရော၊ သဗ္ဗပါဠိ စ သာသနေ။

အာနန္ဒော နာမ နာမေန၊ ဓမ္မာရက္ခော တဝံ မုနေ”တိ၂။

အညထာပိ ဒီပေတဗ္ဗမတ္ထံ ဒီပေတိ “အပရော နယော”တိအာဒိနာ၊ ဧဝံသဒ္ဓေန ဝုစ္စမာနာနံ အာကာရနိဒဿနာဝဓာရဏတ္တာနံ အဝိပရိတသဒ္ဓမ္မဝိသယတ္တာ

တဗ္ဗိသယေဟိ တေဟိ အတ္တေဟိ ယောနိသော မနသိကာရဿ ဒီပနံ ယုတ္တန္တိ ဝုတ္တံ “ယောနိ။ပ။ ဒီပေတိ”တိ။ “အယောနိသော”တိအာဒိနာ ဗျတိရေကေန ဉှပကဟေတုဒဿနံ။ တတ္ထ ကတ္ထမိ ဟိ-သဒ္ဓေါ ဒိဿတိ၊ သော ကာရဏေ၊ ကဿာတိ အတ္ထော၊ ဣမိနာ ဝစနေနေဝ ယောနိသော မနသိ- ကရောတော နာနပ္ပကာရပဋိဝေဓသမ္ဘဝတော အဂ္ဂိ ဝိယ ဓူမေန ကာရိယေန ကာရဏဘူတော သော ဝိညာယတိတိ တဒန္တယမ္ပိ အတ္တာပတ္တိယာ ဒဿေတိ။ ဧသ နယော သဗ္ဗတ္ထ ယထာရဟံ။ “မြဟ္မဇာလံ အာရုသော ကတ္ထ ဘာသိ- တ”န္တိအာဒိပုစ္ဆာဝသေန အဓုနာ ပကရဏပ္ပတ္တဿ ဝက္ခမာနဿ သုတ္တဿ “သုတ”န္တိ ပဒေန ဝုစ္စမာနံ ဘဂဝတော သမ္ဗုဒ္ဓါ သဝနံ သမာဓာနမန္တရေန န သမ္ဘဝတိတိ ကတွာ ဝုတ္တံ “အဝိက္ခေပံ ဒီပေတိ”တိ။ “ဝိက္ခိတ္တမိတ္တဿာ”တိ- အာဒိနာ ဗျတိရေကကာရဏေန ဉှပကဟေတုံ ဒဿေတွာ တဒေဝ သမတ္ထေတိ “တထာ ဟိ”တိအာဒိနာ။ သဗ္ဗသမ္ပတ္တိယာတိ သဗ္ဗေန အတ္ထဗျဉ္ဇနဒေသက- ပယောဇနာဒိနာ သမ္ပတ္တိယာ။ ကိံ ဣမိနာ ပကာသိတန္တိ အာဟ “ယောနိ- သော မနသိကာရေန စေတ္တာ”တိအာဒိ။ စေတ္တာတိ တေသ္မိံ ဓမ္မဒ္ဓယေ။ “န ဟိ ဝိက္ခိတ္တမိတ္တော”တိအာဒိနာ ကာရဏဘူတေန အဝိက္ခေပေန၊ သပ္ပုရိသုပနိဿ- ယေန စ ဖလဘူတဿ သဒ္ဓမ္မဿဝနဿ သိဒ္ဓိယာ ဧဝ သမတ္ထနံ ဝုတ္တံ၊ အဝိက္ခေ- ပေန ပန သပ္ပုရိသုပနိဿယဿ သိဒ္ဓိယာ သမတ္ထနံ န ဝုတ္တံ။ ကဿာတိ စေ? ဝိက္ခိတ္တမိတ္တာနံ သပ္ပုရိသေ ပယိရူပါသနာဘာဝဿ အတ္ထတော သိဒ္ဓတ္တာ။ အတ္ထဝသေနေဝ ဟိ သော ပါကဋေသတိ န ဝုတ္တော။

တ္ထောဟ—ယထာ ယောနိသော မနသိကာရေန ဖလဘူတေန အတ္ထသမ္မာ- ပဏိဓိပုဗ္ဗေကတပုညတာနံ ကာရဏဘူတာနံ သိဒ္ဓိ ဝုတ္တာ တဒဝိနာဘာဝတော၊ ဧဝံ အဝိက္ခေပေန ဖလဘူတေန သဒ္ဓမ္မဿဝနသပ္ပုရိသုပနိဿယာနံ ကာရဏ- ဘူတာနံ သိဒ္ဓိ ဝတ္တဗ္ဗာ သိယာ အဿုတဝတော၊ သပ္ပုရိသုပနိဿယဝိရဟိ- တဿ စ တဒဘာဝတော။ ဧဝံ သန္တေပိ “န ဟိ ဝိက္ခိတ္တမိတ္တော”တိအာဒိသ- မတ္ထနဝစနေန အဝိက္ခေပေန၊ သပ္ပုရိသုပနိဿယေန စ ကာရဏဘူတေန သဒ္ဓမ္မဿဝနဿဝ ဖလဘူတဿ သိဒ္ဓိ ဝုတ္တာ၊ ကဿာ ပနေဝံ ဝုတ္တာတိ? ဝုစ္စတေ—အဓိပ္ပါယန္တရသမ္ဘဝတော ဟိ တထာ သိဒ္ဓိ ဝုတ္တာ။ အယံ ပနေတ္တာ- ဓိပ္ပါယော—သဒ္ဓမ္မဿဝနသပ္ပုရိသုပနိဿယာ န ဧကန္တေန အဝိက္ခေပဿ ကာရဏံ ဗာဟိရကာရဏတ္တာ၊ အဝိက္ခေပေါ ပန သပ္ပုရိသုပနိဿယော ဝိယ သဒ္ဓမ္မဿဝနဿ ဧကန္တကာရဏံ အဇ္ဈတ္တိကကာရဏတ္တာ၊ တသ္မာ ဧကန္တကာ- ရဏေ ဟောန္တေ ကိမတ္တိယာ အနေကန္တကာရဏံ ပတိ ဖလဘာဝပရိကပ္ပနာတိ

တထာယေဝေတဿ သိဗ္ဗိ ဝုတ္တာတိ။ ဧတ္ထ စ ပဌမံ ဖလေန ကာရဏဿ သိဗ္ဗိဒဿနံ နဒီပူရေန ဝိယ ဥပရိ ဝုဠိသဟ္တာဝဿ၊ ဒုတိယံ ကာရဏေန ဖလဿ သိဗ္ဗိဒဿနံ ကေန္တဝဿိနာ ဝိယ မေဃဝုဠာနေန ဝုဠိပဝတ္တိယာ။

“အပရော နယော”တိအာဒိနာ အညထာပိ ဒီပေတဗ္ဗတ္ထမာဟ၊ ယသ္မာ န ဟောတီတိ သမ္ပန္နော။ ဧဝန္တိ။ ပ။ နာနာကာရနိဒ္ဒေသောတိ ဟေဋ္ဌာ ဝုတ္တံ၊ သော စ အာကာရောတိ သောတဒ္ဓါရာနသ္မာရိပ္ပညာဏဝီထိသင်္ခါတဿ စိတ္တသန္တာနဿ နာနာကာရေန အာရမ္မဏေ ပဝတ္တိယာ နာနတ္ထဗျဉ္ဇနဂ္ဂဟဏသင်္ခါတော သော ဘဂဝတော ဝစနဿ အတ္ထဗျဉ္ဇနပ္ပဘောဒပရိစ္ဆေဒဝသေန သကလသာသနသမ္ပတ္တိဩဂါဟနာကာရေ။ ဧဝံ အဒ္ဓကောတိ နိရဝသေသပရဟိဘပါရိပူရိဘာဝကာရဏတ္တာ ဧဝံ ယထာဝုတ္တေန နာနတ္ထဗျဉ္ဇနဂ္ဂဟဏေန သုန္တရော သေဋ္ဌော၊ သမာသပဒံ ဝါ ဧတံ ဧဝံ ဤဒိသော ဘဒ္ဒေါ ယဿံတိ ကတွာ။ န ပဏိဟိတော အပ္ပဏိဟိတော၊ သမ္မာ အပ္ပဏိဟိတော အတ္တာ ယဿံတိ တထာ၊ တဿ။ ပန္နိမစက္ကဒ္ဓယသမ္ပတ္တိန္တိ အတ္တသမ္မာပဏိမိပုဗ္ဗေကတပုညတာသင်္ခါတဂုဏဒ္ဓယသမ္ပတ္တိံ။ ဂုဏဿေဝ ဟိ အပရောပရဝုတ္တိယာ ပဝတ္တနဋ္ဌေန စက္ကဘာဝေါ။ စရန္တိ ဝါ ဧတေန သတ္တာ သမ္ပတ္တိဘဝံ၊ သမ္ပတ္တိဘဝေသုတိ ဝါ စက္ကံ။ ယံ သန္ဓာယ ဝုတ္တံ “စက္ကာရိမာနိ ဘိက္ခဝေစက္ကာနိ၊ ယေဟိ သမန္ဓာဂတာနံ ဒေဝမနုဿံနံ စတုစက္ကံ ဝတ္တတိ”တိအာဒိ။ ပန္နိမဘာဝေါ စေတ္ထ ဒေသနာက္ကမဝသေနော။ ပုရိမစက္ကဒ္ဓယသမ္ပတ္တိန္တိ ပတိရူပဒေသဝါသသပ္ပုရိသုပနိဿယသင်္ခါတဂုဏဒ္ဓယသမ္ပတ္တိံ။ သေသံ ဝုတ္တနယမေဝ။ တဿာတိ ပုရိမကာရဏံ ပုရိမဿေဝါတိ ဣမ ကာရဏမာဟ “နဟိ”တိအာဒိနာ။

တေန ကိံ ပကာသိတန္တိ အာဟ “ဣဒ္ဓဿာ”တိအာဒိ။ ဣတိ ဣမာယ စတုစက္ကသမ္ပတ္တိယာ ကာရဏဘူတာယ။ အဿ ထေရဿ။ ပန္နိမစက္ကဒ္ဓယသိဗ္ဗိယာတိ ပန္နိမစက္ကဒ္ဓယဿ အတ္ထိဘာဝေန သိဗ္ဗိယာ။ အာသယသုဒ္ဓိတိ ဝိပဿနာဉာဏသင်္ခါတာယ အနုလောမိကခန္တိယာ၊ ကမ္မဿကတာဉာဏမဂ္ဂဉာဏသင်္ခါတဿ ယထာဘူတဉာဏဿ စာတိ ဒုဝိဿောပိ အာသယဿ အသုဒ္ဓိဟေတုဘူတာနံ ကိလေသာနံ ဒူရိဘာဝေန သုဒ္ဓိ။ တဒေဝ ဟိ ဒွယံ ဝိဝဇ္ဇနိဿိတာနံ သုဒ္ဓသတ္တာနံ အာသယော။ သမ္မာပဏိဟိတတ္တော ဟိ ပုဗ္ဗေ စ ကတပုညော သုဒ္ဓါသယော ဟောတိ။ တထာ ဟိ ဝုတ္တံ “သမ္မာပဏိဟိတံ စိတ္တံ၊ သေယျသောနံ တတောကရေ”တိ၊ “ကတပုညောသိ တုံ အာနန္တ

ပဓာနမနုယုဉ္ဇ ခိပ္ပံ ဟောဟိသိ အနာသဝေါ”တိ” စ။ ကေစိ ပန “ကတ္ထုကမ္ပ-  
 တာဆန္ဒော အာသယော”တိ ဝဒန္တိ၊ တဒယုတ္တမေဝ “တာယ စ အာသယ-  
 သုဒ္ဓိယာ အဓိဂမဗျတ္တိသိဒ္ဓိ”တိ ဝစနေန ဝိရောဓတော။ ဧဝံမ္ပိ မဂ္ဂဉာဏသင်္ခါ-  
 တဿ အာသယဿ သုဒ္ဓိ န ယုတ္တာ တာယ အဓိဂမဗျတ္တိသိဒ္ဓိယာ အဝတ္တဗ္ဗ-  
 တောတိ? နော န ယုတ္တော ပုရိမဿ မဂ္ဂဿ၊ ပစ္စိမာနံ မဂ္ဂါနံ၊ ဖလာနဉ္စ  
 ကာရဏဘာပတော။ ပယောဂသုဒ္ဓိတိ ယောနိသောမနသိကာရပုဗ္ဗင်္ဂမဿ  
 ဓမ္မဿဝနပယောဂဿ ဝိသဒဘာဝေန သုဒ္ဓိ၊ သဗ္ဗဿ ဝါ ကာယဝစိပယော-  
 ဂဿ နိဒ္ဒေါသဘာဝေန သုဒ္ဓိ။ ပတိရူပဒေသဝါသိ၊ ဟိ သပ္ပုရိသသေဝီ စ  
 ယထာဝုတ္တရိသုဒ္ဓပယောဂေါ ဟောတိ။ တထာဝိသုဒ္ဓေန ယောနိသောမန-  
 သိကာရပုဗ္ဗင်္ဂမေန ဓမ္မဿဝနပယောဂေန၊ ဝိပုဋ္ဌိသာရာဘာဝါဝဟေန စ ကာယ-  
 ဝစိပယောဂေန အဝိက္ခိတ္တစိတ္တော ပရိယတ္တိယံ ဝိသာရဒေါ ဟောတိ၊ တထာ-  
 ဘူတော စ ထေရော၊ တေန ဝိညာယတိ ပုရိမစက္ကဒ္ဓယသိဒ္ဓိယာ ထေရဿ  
 ပယောဂသုဒ္ဓိ သိဒ္ဓါဝါတိ။ တေန ကိံ ဝိဘာဝိတန္တိ အာဟ “တာယ စာ”တိ-  
 အာဒိ။ အဓိဂမဗျတ္တိသိဒ္ဓိတိ ပဋိဝေဓသင်္ခါတေ အဓိဂမေ ဆေကဘာဝသိဒ္ဓိ။ အဓိ-  
 ဂမေတဗ္ဗတော ဟိ ပဋိဝိဇ္ဈိတဗ္ဗတော ပဋိဝေဓော “အဓိဂမော”တိ အဋ္ဌကထာသု-  
 ဝုတ္တော၊ အာဂမောတိ စ ပရိယတ္တိ အာဂစ္ဆန္တိ အတ္တတ္ထပရတ္တာဒယော ဧတေန၊  
 အာဘုသော ဝါ ဂမိတဗ္ဗော ဉာတဗ္ဗောတိ ကတွာ။

တေန ကိမနုဘာဝိတန္တိ အာဟ “ဣတိ”တိအာဒိ။ ဣတိတိ ဧဝံ ဝုတ္တနယေန၊  
 တဿ သိဒ္ဓတ္တာတိ ဝါ ကာရဏနိဒ္ဒေသော။ ဝစနန္တိ နိဒါနဝစနံ။ လောကတော၊  
 ဓမ္မတော စ သိဒ္ဓါယ ဥပမာယ တမတ္ထံ ဉာပေတုံ “အရုဏုဂ္ဂံ ဝိယာ”တိအာဒိမာဟ။  
 “ဥပမာယ မိဓေကစ္စေ၊ အတ္ထံ ဇာနန္တိ ပဏှိတာ”တိ၊ ဟိ ဝုတ္တံ။ အရုဏောတိ  
 သူရိယဿ ဥဒယတော ပုဗ္ဗဘာဂေ ဥဋ္ဌိတရံသိ၊ တဿ ဥဂ္ဂံ ဥဂ္ဂမနံ ဥဒယတော  
 ဥဒယန္တဿ ဥဒယာဝါသမုဂ္ဂစ္ဆတော သူရိယဿ ပုဗ္ဗင်္ဂမံ ပုရေစရံ ဘဝိတုံ အရ-  
 ဟတိ ဝိယာတိ သဗ္ဗန္တော။ ဣဒံ ဝုတ္တံ ဟောတိ—အာဂမာဓိဂမဗျတ္တိယာ ဤဒိ-  
 သဿ ထေရဿ ဝုတ္တနိဒါနဝစနံ ဘဂဝတော ဝစနဿ ပုဗ္ဗင်္ဂမံ ဘဝိတုမရဟတိ၊  
 နိဒါနဘာဝံ ဂတံ ဟောတိတိ ဣဒမတ္ထဇာတံ အနုဘာဝိတန္တိ။

ဣဒါနိ အပရမ္ပိ ပုဗ္ဗေ ဝုတ္တဿ အသမ္မောဟာသမ္မောသသင်္ခါတဿ ဒီပေ-  
 တဗ္ဗဿတ္တဿ ဒီပကေဟိ ဧဝံ-သဒ္ဓသုတ-သဒ္ဓေဟိ ပကာသေတဗ္ဗမတ္ထံ ပကာ-  
 သေန္တော “အပရော နယော”တိအာဒိမာဟ။ တတ္ထ ဟိ “နာနပ္ပကာရပဋိဝေဓ-  
 ဒီပကေန၊ သောတဗ္ဗပ္ပဘေဒပဋိဝေဓဒီပကေနာ”တိ စ ဣမိနာ တေဟိ သဒ္ဓေဟိ

ပုဗ္ဗေ ဒီပိတံ အသမ္မောဟာသမ္မောသသင်္ခါတံ ဒီပေတဗ္ဗတ္ထမာဟ အသမ္မောဟေန နာနပ္ပကာရပဋိဝေဓဿ၊ အသမ္မောသေန စ သောတဗ္ဗပ္ပဘေဒပဋိဝေဓဿ သိဇ္ဈနတော။ “အတ္တနော” တိ အာဒိဟိ ပန ပကာသေတဗ္ဗတ္ထံ။ တေန ဝုတ္တံ အာစရိယ-ဓမ္မပါလတ္ထေရေန “နာနပ္ပကာရပဋိဝေဓဒီပကေနာ” တိ အာဒိနာ ဧဝံ-သဒ္ဓ သုတ-သဒ္ဓါနံ ထေရဿ အတ္ထဗျဉ္ဇနေသု အသမ္မောဟာသမ္မောသဒီပနတော စတုပဋိ-သမ္ဘိဒါဝသေန အတ္ထယောဇနံ ဒဿေတိ” တိ။ ဟေတုဂပ္ပဉ္စေတံ ပဒုဒ္ဓယံ၊ နာနပ္ပကာရပဋိဝေဓသင်္ခါတဿ၊ သောတဗ္ဗပ္ပဘေဒပဋိဝေဓသင်္ခါတဿ စ ဒီပေ-တဗ္ဗတ္ထဿ ဒီပကတ္တာတိ ဝုတ္တံ ဟောတိ။ သန္တဿ ဝိဇ္ဇမာနဿ ဘာဝေါ သမ္ဘာဝေါ၊ အတ္ထပဋိဘာနပဋိသမ္ဘိဒါဟိ သမ္ပတ္တိယာ သမ္ဘာဝေါ တထာ။ “သမ္ဘဝ” န္တိ ပါဌော၊ သမ္ဘဝနံ သမ္ဘာဝေါ၊ အတ္ထပဋိဘာနပဋိသမ္ဘိဒါသမ္ပတ္တိနံ သမ္ဘာဝေါ တထာ။ ဧဝံ ဣတရတ္ထာပိ။ “သောတဗ္ဗပ္ပဘေဒပဋိဝေဓဒီပကေနာ” တိ ဧတေန ပန အယံ သုတ-သဒ္ဓေါ ဧဝံ-သဒ္ဓသန္နိဓာနတော၊ ဝက္ခမာနာပေက္ခာယ ဝါ သာမညေနော ဝုတ္တေပိ သောတဗ္ဗဓမ္မဝိသေသံ အာမသတိတိ ဒဿေတိ။ ဧတ္ထ စ သောတဗ္ဗဓမ္မသင်္ခါတာယ ပါဠိယာ နိဒဿေတဗ္ဗာနံ ဘာသိတတ္ထပယော-ဇနတ္တာနံ၊ တီသု စ ဉာဏေသု ပဝတ္တဉာဏဿ နာနပ္ပကာရဘာဝတော တမ္ဘာဝ-ပဋိဝေဓဒီပကေန ဧဝံ-သဒ္ဓေန အတ္ထပဋိဘာနပဋိသမ္ဘိဒါသမ္ပတ္တိသမ္ဘာဝဒီပနံ ယုတ္တံ၊ သောတဗ္ဗဓမ္မဿ ပန အတ္တာဓိဂမဟေတုတော၊ တံဝသေန စ တဒ-ဝသေသဟေတုပ္ပဘေဒဿ ဂဟိတတ္တာ၊ နိရုတ္တိဘာဝတော စ သောတဗ္ဗ-ဘေဒဒီပကေန သုတ-သဒ္ဓေန ဓမ္မနိရုတ္တိပဋိသမ္ဘိဒါသမ္ပတ္တိသမ္ဘာဝဒီပနံ ယုတ္တန္တိ ဝေဒိတဗ္ဗံ။ တဒေဝတ္ထံ ဟိ ဉာပေတုံ “အသမ္မောဟဒီပကေန၊ အသမ္မောသ-ဒီပကေနာ” တိ စ အဝတွာ တထာ ဝုတ္တန္တိ။

ဧဝံ အသမ္မောဟာသမ္မောသသင်္ခါတဿ ဒီပေတဗ္ဗဿတ္ထဿ ဒီပကေဟိ ဧဝံ-သဒ္ဓ သုတ-သဒ္ဓေဟိ ပကာသေတဗ္ဗမတ္ထံ ပကာသေတွာ ဣဒါနိ ယောနိ-သောမနသိကာရာဝိက္ခေပသင်္ခါတဿ ဒီပေတဗ္ဗဿတ္ထဿ ဒီပကေဟိပိ တေဟိ ပကာသေတဗ္ဗမတ္ထံ ပကာသေန္တော “ဧဝန္တိ စာ” တိ အာဒိမာဟ။ တတ္ထ ဟိ “ဧဝန္တိ။ ပ။ ဘာသမာနော၊ သုတန္တိ ဣဒံ။ ပ။ ဘာသမာနော” တိ စ ဣမိနာ တေဟိ သဒ္ဓေဟိ ပုဗ္ဗေ ဒီပိတံ ယောနိသောမနသိကာရာဝိက္ခေပသင်္ခါတံ ဒီပေ-တဗ္ဗတ္ထမာဟ။ “ဧတေ မယာ” တိ အာဒိဟိ ပန ပကာသေတဗ္ဗတ္ထံ။ သဝနယောဂ-ဒီပကန္တိ စ အဝိက္ခေပဝသေန သဝနယောဂဿ သိဇ္ဈနတော တဒေဝ

သန္ဓာယာဟ။ တထာ ဟိ အာစရိယဓမ္မပါလတ္ထေရေန ဝုတ္တံ “သဝနဓာရဏ-  
ဝစီပရိစရိယာ ပရိယတ္တိဓမ္မာနံ ဝိသေသေန သောတာဝဓာရဏပဋိဗ္ဗါတိ တေ  
အဝိက္ခေပဒီပကေန သုတသဒ္ဓေန ယောဇေတွာ”တိ။ မနောဒိဋ္ဌိဟိ ပရိယတ္တိ-  
ဓမ္မာနံ အနုပေက္ခနသုပ္ပင်္ဂဝေဓာ ဝိသေသတော မနသိကာရပဋိဗ္ဗါ၊ တသ္မာ  
တဒ္ဓိပကဝစနေနေဝ ဧတေ မယာ ဓမ္မာ မနသာနုပေက္ခိတာ ဒိဋ္ဌိယာ သုပ္ပင်္ဂ-  
ဝိဋ္ဌါတိ ဣမမတ္ထံ ပကာသေတိတိ ဝုတ္တံ “ဝေန္တိ စ။ပ။ ဒီပေတိ”တိ။ တတ္ထ ဓမ္မာတိ  
ပရိယတ္တိဓမ္မာ။ မနသာနုပေက္ခိတာတိ “ဣဓ သီလံ ကထိတံ၊ ဣဓ သမာဓိ၊ ဣဓ  
ပညာ၊ ဣတ္ထကာဝ ဣတ္ထ အနုသန္ဓယော”တိအာဒိဘေဒေန မနသာ အနုပေက္ခိ-  
တာ။ ဒိဋ္ဌိယာ သုပ္ပင်္ဂဝိဋ္ဌါတိ နိဇ္ဈာနက္ခန္ဓိသင်္ခါတာယ၊ ဉာတပရိညာသင်္ခါတာယ  
ဝါ ဒိဋ္ဌိယာ တတ္ထ ဝုတ္တရူပါရူပဓမ္မေ “ဣတိ ရူပံ၊ ဣတ္ထကံ ရူပ”န္တိအာဒိနာ သုဠ၊  
ဝဝတ္ထာပေတွာ ပဋိဝိဋ္ဌါ။

သဝနဓာရဏဝစီပရိစရိယာ စ ပရိယတ္တိဓမ္မာနံ ဝိသေသေန သောတာ-  
ဝဓာရဏပဋိဗ္ဗါ၊ တသ္မာ တဒ္ဓိပကဝစနေနေဝ ဗဟူ မယာ ဓမ္မာ သုတာ ဓာတာ  
ဝစသာ ပရိစိတာတိ ဣမမတ္ထံ ပကာသေတိတိ ဝုတ္တံ “သုတန္တိ ဣဒံ။ပ။ ဒီပေ-  
တိ”တိ။ တတ္ထ သုတတိ သောတဒ္ဓါရာနုသာရေန ဝိညာတာ။ ဓာတာတိ  
သုဝဏ္ဏဘာဇနေ ပက္ခိတ္တသီဟဝသာ ဝိယ မနသိ သုပ္ပတိဋ္ဌိတဘာဝသာဓနေန  
ဥပဓာရိတာ။ ဝစသာ ပရိစိတာတိ ပဂုဏတာသမ္ပာဒနေန ဝါစာယ ပရိစိတာ  
သဇ္ဈာယိတာ။ ဣဒါနိ ပကာသေတဗ္ဗတ္ထဒ္ဓယဒီပကေန ယထာဝုတ္တသဒ္ဓဒ္ဓယေန  
ဝိဘာဝေတဗ္ဗမတ္ထံ ဝိဘာဝေန္တော “တဒုဘယေနာ”တိအာဒိမာဟ။ တတ္ထ  
တဒုဘယေနာတိ ပုရိမနယေ၊ ပစ္စိမနယေ စ ယထာဝုတ္တဿ ပကာသေ-  
တဗ္ဗဿတ္တဿ ပကာသကေန တေန ဒုဗ္ဗိဓေန သဒ္ဓေန။ အတ္ထဗျဉ္ဇနပါရိပူရိ  
ဒီပေန္တောတိ အာဒရဇနနဿ ကာရဏဝစနံ။ တဒေဝ ကာရဏံ ဗျတိရေ-  
ကေန ဝိဝရတိ၊ ယုတ္တိယာ ဝါ ဒဠိ ကရေတိ “အတ္ထဗျဉ္ဇနပါရိပူရိ”တိအာဒိနာ။  
အသုဏန္တောတိ စေတ္တ လက္ခဏေ၊ ဟေတုမိ ဝါ အန္တ-သဒ္ဓေါ။ မဟတာ  
ဟိတာတိ မဟန္တတော ဟိတသ္မာ။ ပရိမာဟိရေတိ သဗ္ဗတော ဘာဂေန  
ဗာဟိရော။

ဧတေန ပန ဝိဘာဝေတဗ္ဗတ္ထဒီပကေန သဒ္ဓဒ္ဓယေန အနုဘာဝေတဗ္ဗတ္ထမနု-  
ဘာဝေန္တော “ဝေံ မေ သုတန္တိ ဣမိနာ”တိအာဒိမာဟ။ ပုဗ္ဗေဝိသုံ ဝိသုံ အတ္ထေ  
ယောဇိတာယေဝ ဧတေ သဒ္ဓါ ဣဓ ဧကဿေဝါနဘာဝတ္ထဿ အနုဘာဝက-  
ဘာဝေန ဂဟိတာတိ ဉာပေတုံ “သကလေနာ”တိ ဝုတ္တံ။ ကာမဇ္ဇ မေ-သဒ္ဓေါ

ဣမသ္မိံ ဌာနေ ပုဗ္ဗေန ယောဇိတော၊ တဒပေက္ခာနံ ပန ဧဝံ-သဒ္ဓသုတ-သဒ္ဓါနံ သဟစရဏတော၊ အဝိနာဘာဝတော စ တထာ ဝုတ္တန္တိ ဒဋ္ဌဗ္ဗံ။ တထာဂတပ္ပဝေဒိတန္တိ တထာဂတေန ပကာရတော ဝိဒိတံ၊ ဘာသိတံ ဝါ။ အတ္တနော အဒဟန္တောတိ အတ္တနိ “မမေဒ”န္တိ အဋ္ဌပေန္တော။ ဘုဗ္ဗတ္ထေ စေတံ သာမိဝစနံ။ အသပ္ပုရိသဘူမိန္တိ အသပ္ပုရိသဝိသယံ၊ သော စ အတ္တတော အပကတညူတာသင်္ခါတာ “ဣဓေကစ္စော ပါပဘိက္ခု တထာဂတပ္ပဝေဒိတံ ဓမ္မဝိနယံ ပရိယာပုဏိတွာ အတ္တနော ဒဟတိ”တိ ဧဝံ မဟာစောရဒီပကေန ဘဂဝတာ ဝုတ္တာ အနရိယဝေါဟာရာဝတ္တာ၊ တထာ စာဟ “တထာဂတ။ပ။ အဒဟန္တော”တိ။ ဟုတွာတိ စေတ္တ သေသော။ တထာ သာဝကတ္ထံ ပဋိဇာနန္တောတိ သပ္ပုရိသဘူမိဩက္ကမနသရူပကထနံ။ နန စ အာနန္ဒတ္ထေရဿ “မမေတံ ဝစန”န္တိ အဓိမာနဿ၊ မဟာကဿပတ္ထေရာဒိနဉ္စ တဒါသင်္ကာယ အဘာဝတော အသပ္ပုရိသဘူမိသမတိက္ကမာဒိဝစနံ နိရတ္ထကံ သိယာတိ? နယိဒမေဝံ “ဧဝံ မေ သုတ”န္တိ ဝဒန္တေန အယမ္ပိ အတ္ထော အနုဘာဝိတောတိ အတ္ထဿေဝ ဒဿနတော။ တေန ဟိ အနုဘာဝေတဗ္ဗမတ္ထံယေဝ တထာ ဒဿေတိ၊ န ပန အာနန္ဒတ္ထေရဿ အဓိမာနဿ၊ မဟာကဿပတ္ထေရာဒိနဉ္စ တဒါသင်္ကာယ သမ္ဘဝန္တိ နိဋ္ဌမေတ္တ ဝန္တဗ္ဗံ။ ကေစိ ပန “ဒေဝတာနံ ပရိဝိတက္ကာပေက္ခံ တထာဝစနံ၊ တသ္မာ ဒေဝီ စောဒနာ အနဝကာသာ”တိ ဝဒန္တိ။ တသ္မိံ ကိရ သမယေ ဧကစ္စာနံ ဒေဝတာနံ ဧဝံစေတသောပရိဝိတက္ကာ ဥဒပါဒိ “ဘဂဝါစ ပရိနိဗ္ဗုတော၊ အယဉ္ဇာယသ္မာ အာနန္ဒော ဒေသနာကုသလော၊ ဣဒါနိ ဓမ္မံ ဒေသေတိ၊ သကျကုလပ္ပသုတော တထာဂတဿ ဘာတာ၊ စူဠဝိတုပုတ္တော စ၊ ကိံ န ခေါ သော သယံ သန္တိကတံ ဓမ္မံ ဒေသေတိ၊ ဥဒါဟု ဘဂဝတောယေဝ ဝစနံ ယထာသုတ”န္တိ၊ တေသမေဝ စေတောပရိဝိတက္ကမညာယ တဒဘိပရိဟရဏတ္ထံ အသပ္ပုရိသဘူမိသမတိက္ကမနာဒိအတ္ထော အနုဘာဝိတောတိ။ သာယေဝ ယထာဝုတ္တာ အနရိယဝေါဟာရာဝတ္တာ အသဒ္ဓဗ္ဗော၊ တဒဝတ္တာနောက္ကမနသင်္ခါတာ စ သာဝကတ္ထပဋိဇာနနာ သဒ္ဓဗ္ဗော။ ဧဝံ သတိ ပရိယာယန္တရေန ပုရိမတ္ထမေဝ ဒဿေတိတိ ဂဟေတဗ္ဗံ။ အပိစ ကုဟနလပနာဒိဝသေန ပဝတ္တော အကုသလရာသိ အသဒ္ဓဗ္ဗော၊ တဗ္ဗိရဟိတဘာဝေါ စ သဒ္ဓဗ္ဗော။ “ကေဝလ”န္တိ အာဒိနာပိ ဝုတ္တဿေဝတ္ထဿ ပရိယာယန္တရေန ဒဿနံ၊ ယထာဝုတ္တာယ အနရိယဝေါဟာရာဝတ္တာယ ပရိမောစေတိ။ သာဝကတ္ထံ ပဋိဇာနနေန သတ္တာရံ အပဒိသတိတိ အတ္ထော။ အပိစ သတ္ထုကပ္ပုဒိကိရိယတော အတ္တာနံ ပရိမောစေတိ

တက္ကိရိယာသင်္ကာယ သမ္ဘဝတော။ “သတ္ထု ဘဂဝတောယေဝ ဝစနံ မယာ သုတ”န္တိ သတ္တာရံ အပဒိသတိတိ အတ္တန္တရမနဘာဝနံ ဟောတိ။ “ဇိန-ဝစန”န္တိ အာဒိပိပရိယာယန္တရဒဿနံ၊ အတ္တန္တရမနဘာဝနမေဝ ဝါ။ အပ္ပေတိတိ နိဒဿေတိ။ ဒိဋ္ဌဓမ္မိကသမ္ပရာယိကပရမတ္ထေသု ယထာရဟံ သတ္ထေ နေတိတိ နေတ္ထိ၊ ဓမ္မောယေဝ နေတ္ထိ တထာ။ ဝုတ္တနယေန စေတ္ထ ဥဘယထာ အဓိပ္ပါ-ယော ဝေဒိတဗ္ဗော။

အပရမ္ပိ အနုဘာဝေတဗ္ဗမတ္ထမနဘာဝေတိ “အပိဇာ”တိအာဒိနာ။ တတ္ထ ဥပ္ပါဒိတဘာဝန္တိ ဒေသနာဝသေန ပဝတ္တိတဘာဝံ။ ပုရိမဝစနံ ဝိဝရန္တောတိ ဘဂဝတာ ဒေသိတဝသေန ပုရိမတရံ သံဝိဇ္ဇမာနံ ဘဂဝတော ဝစနမေဝ ဥတ္တာနိ ကရောန္တော၊ ဣဒံ ဝစနန္တိ သမ္ပန္နော။ စတူဟိ ဝေသာရဇ္ဇဉာဏေဟိ ဝိသာရဒဿ၊ ဝိသာရဒဟေတုဘူတစတုဝေသာရဇ္ဇဉာဏသမ္ပန္နဿ ဝါ။ ဒသ-ဉာဏဗလဓရဿ။ သမ္မာသမ္ဗုဒ္ဓဘာဝသင်္ခါတေ ဥတ္တမဋ္ဌာနေ ဌိတဿ၊ ဥသဘဿ ဣဒန္တိ ဝါ အတ္ထေန အာသဘသင်္ခါတေ အကမ္ပနသဘာဝဘူတေ ဌာနေ ဌိတဿ။ “ဝေမေဝ ခေါ ဘိက္ခဝေ ယဒါ တထာဂတော လောကေ ဥပ္ပဇ္ဇတိ။ပ။ သော ဓမ္မံ ဒေသေတိ”တိအာဒိနာ၊ သီဟောပမသုတ္တာဒီသု အာဂတေန အနေက-နယေန သီဟနာဒနဒိနော။ သဗ္ဗသတ္ထေသု၊ သဗ္ဗသတ္တာနံ ဝါ ဥတ္တမဿ။ န စေတ္ထ နိဒ္ဒါရဏလက္ခဏာဘာဝတော နိဒ္ဒါရဏဝသေန သမာသော။ သဗ္ဗတ္ထ ဟိ သက္ကတဂန္တေသု၊ သာသနဂန္တေသု စ ဝေမေဝ ဝုတ္တံ။ ဓမ္မေန သတ္တာနမိဿ-ရဿ။ ဓမ္မဿေဝ ဣဿရဿ တဒုပ္ပါဒနဝသေနာတိပိ ဝဒန္တိ။ သေသပဒဒွယံ တဿေဝတ္ထဿ ပရိယာယန္တရဒိပနံ။ ဓမ္မေန လောကဿ ပဒီပမိဝ ဘူတဿ၊ တဒုပ္ပါဒကဘာဝေန ဝါ ဓမ္မသင်္ခါတပဒီပသမ္ပန္နဿ။ “ဓမ္မကာယောတိ ဘိက္ခဝေ တထာဂတဿေတံ အဓိဝစန”န္တိ ဟိ ဝုတ္တံ။ ဓမ္မေန လောကပဋိသရဏဘူတဿ၊ ဓမ္မသင်္ခါတေန ဝါ ပဋိသရဏေန သမ္ပန္နဿ။ “ယန္တုနာဟံ။ပ။ တမေဝ ဓမ္မံ သက္ကတွာ ဂရုံ ကတွာ မာနေတွာ ပူဇေတွာ ဥပနိဿာယ ဝိဟရေယျ”န္တိ ဟိ ဝုတ္တံ။ သဒ္ဓိန္ဒြိယာဒိသဒ္ဓမ္မသင်္ခါတဿ ဝရစက္ကဿ ပဝတ္တိနော၊ သဒ္ဓမ္မာနမေတဿ ဝါ အာဏာစက္ကဝရဿ ပဝတ္တိနော သမ္မာသမ္ဗုဒ္ဓဿ တဿ ဘဂဝတော ဣဒံ ဝစနံ သမ္မုခေါ မယာ ပဋိဂ္ဂဟိတန္တိ ယောဇေတဗ္ဗံ။ ဗျဉ္ဇနေတိ ပဒသမုဒါယဘူတေ ဝါဏျ။ ကင်္ခါ ဝါ ဝိမတိ ဝါတိ ဧတ္ထ ဒဠတရံ နိဝိဋ္ဌာ ဝိစိကိစ္ဆာ ကင်္ခါ။ နာတိ-သံသပ္ပနံ မတိဘေဒမတ္ထံ ဝိမတိ။ သမ္မုခေါ ပဋိဂ္ဂဟိတမိဒံ မယာတိ တထာ-အကတ္တဗ္ဗဘာဝကာရဏဝစနံ။ အတ္တနာ ဥပ္ပါဒိတဘာဝံ အပ္ပဋိဇာနန္တော

ပုရိမဝစနံ ဝိဝရန္တောတိ ပန အဿဒ္ဓိယဝိနာသနဿ၊ သဒ္ဓါသမ္ပဒမုပ္ပါဒနဿ စ ကာရဏဝစနံ။ “တေနတ”န္တိ အာဒိနာ ယထာဝုတ္တမေဝတ္ထံ ဥဒါနဝသေန ဒဿေတိ။

“ဧဝံ မေ သုတ”န္တိ ဧဝံ ဝဒန္တော ဂေါတမဂေါတ္တဿ သမ္မာသမ္ဗုဒ္ဓဿ သာဝကော၊ ဂေါတမဂေါတ္တသမ္ပန္နော ဝါ သာဝကော အာယသ္မာ အာနန္တော ဘဂဝတာ ဘာသိတဘာဝဿ၊ သမ္မုခါ ပဋိဂ္ဂဟိတဘာဝဿ စ သူစနတော၊ တထာသုစနေနေဝ စ ခလိတဒုန္နိရုတ္တာဒိဂဟဏဒေါသာဘာဝဿ သိဇ္ဈနတော သာသနေ အဿဒ္ဓိ ဝိနာသယတိ၊ သဒ္ဓိ ဝဗျေတိတိ အတ္ထော။ ဧတ္ထ စ ပဉ္စမာ-ဒယော တိဿော အတ္ထယောဇနာ အာကာရာဒိအတ္ထေသု အဂ္ဂဟိတဝိသေသ-မေဝ ဧဝံ-သဒ္ဓိ ဂဟေတွာ ဒဿိတာ၊ တတော ပရာ တိဿော အာကာရတ္ထ-မေဝ ဧဝံ-သဒ္ဓိ ဂဟေတွာ ဝိဘာဝိတာ၊ ပစ္စိမာ ပန တိဿော ယထာက္ကမံ အာကာရတ္ထံ၊ နိဒဿနတ္ထံ၊ အဝဓာရဏတ္ထဉ္စ ဧဝံ-သဒ္ဓိ ဂဟေတွာ ယောဇိ-တာတိ ဒဋ္ဌဗ္ဗံ။ ဟောန္တိ စေတ္ထ—

“ဒဿနံ ဒီပနဉ္စာပိ၊ ပကာသနံ ဝိဘာဝနံ။  
အနုဘာဝနမိစ္စတ္ထော၊ ကိရိယာယောဂေန ပဉ္စဓာ။

ဒဿိတော ပရမ္ပရာယ၊ သိဒ္ဓေါ နေကတ္ထဝုတ္တိယာ။  
ဧဝံ မေ သုတမိစ္စတ္ထ၊ ပဒတ္တယေ နယညနာ”တိ။

ဧက-သဒ္ဓေါ ပန အညသေဋ္ဌာသဟာယသင်္ချာဒီသု ဒိဿတိ။ တထာ ဟေသ “သဿတော အတ္တာ စ လောကော စ၊ ဣဒမေဝ သစ္စံ မောဃမညန္တိ ဣတ္ထေကေ အဘိဝဒန္တိ”တိအာဒီသု<sup>၁</sup> အညတ္ထေ ဒိဿတိ၊ “စေတသော ဧကောဒိဘာဝ”န္တိအာဒီသု<sup>၂</sup>သေဋ္ဌေ၊ “ဧကောဂူပကဋ္ဌော”တိအာဒီသု<sup>၃</sup> အသ-ဟာယေ၊ “ဧကောဝ ခေါ ဘိက္ခဝေ ခဏော စ သမယော စ ပြဟ္မစရိယ-ဝါသာယာ”တိအာဒီသု<sup>၄</sup> သင်္ချာယံ၊ ဣဓာပိ သင်္ချာယမေဝါတိ ဒဿေန္တော အာဟ“ဧကန္တိ ဂဏနပရိစ္ဆေဒနိဒ္ဒေသော”တိ<sup>၅</sup>။ ဧကောယေဝေသ သမယော၊ န ဒွေ ဝါ တယော ဝါတိ ဦးနာဓိကာဘာဝေန ဂဏနဿ ပရိစ္ဆေဒနိဒ္ဒေသော ဧကန္တိ အယံ သဒ္ဓေါတိ အတ္ထော၊ တေန ကဿ ပရိစ္ဆိန္နနန္တိ အနုယောဂေ

၁-မ ၃-၂၂-ပိဋ္ဌေ၊ ၂-ဒီ ၁-၇၀၊ ဝိ ၁-၅-ပိဋ္ဌေသု။  
၃-ဒီ ၁-၁၆၆၊ ဒီ ၂-၁၂၆၊ မ ၁-၄၈၊ သံ ၂-၆၁၊ ဝိ ၄-၄၈၉-ပိဋ္ဌေသု။ ၄-အံ ၃-၆၁-ပိဋ္ဌေ။  
၅-ဣတိဝုတ္တက-ဋ္ဌ ၃၄၊ ဒီ-ဒီ ၁-၄၄-ပိဋ္ဌေသုပိ ပဿိတဗ္ဗံ။

သတိ “သမယ” နှိ ဝုတ္တန္တိ ဒသေယန္တော အာဟ “သမယန္တိ ပရိစ္ဆိန္နနိဒ္ဒေ-  
သော” တိ။ ဧဝံ ပရိစ္ဆေဒပရိစ္ဆိန္နဝသေန ဝုတ္တေပိ “အယံ နာမ သမယော” တိ  
သရူပတော အနိယမိတတ္တာ အနိယမိတဝစနမေဝါတိ ဒသေတိ “ဧကံ။ ပ။  
ဒီပန” နှိ ဣမိနာ။

ဣဒါနိ သမယသဒ္ဓဿ အနေကတ္ထဝုတ္တိတံ အတ္ထုဒ္ဓါရဝသေန ဒသေတွာ  
ဣဓာမိပ္ပေတမတ္ထံ နိယမေန္တော “တတ္တာ” တိအာဒိမာဟ။ တတ္တာတိ တသ္မိံ  
“ဧကံ သမယ” နှိ ပဒဒ္ဓယေ၊ သမဘိနိဝိဋ္ဌော သမယ-သဒ္ဓေါတိ သမ္ပန္နော။  
န ပန ဒိဿတိတိ တေသေကသ္မိံယေဝ အတ္ထေ ဣဓ ပဝတ္တနတော။ သမ-  
ဝါယေတိ ပစ္စယသာမဂ္ဂိယံ၊ ကာရဏသမဝါယေတိ အတ္ထော။ ခဏောတိ  
ဩကာသေ။ ဟေတုဒိဋ္ဌိသူတိ ဟေတုမှိ စေဝ လဒ္ဓိယဉ္စ။ အဿာတိ သမယ-  
သဒ္ဓဿ။ ကာလဉ္စ သမယဉ္စ ဥပါဒါယာတိ ဧတ္ထ ကာလော နာမ ဥပသင်္က-  
မနဿ ယုတ္တကာလော။ သမယော နာမ တဿေဝ ပစ္စယသာမဂ္ဂိ၊ အတ္ထတော  
ပန တဒနုရူပသရိရဗလဉ္စေဝ တပ္ပစ္စယပရိဿယာဘာဝေါ စ။ ဥပါဒါနံ နာမ  
ဉာဏေန တေသံ ဂဟဏံ၊ တသ္မာ ယထာဝုတ္တံ ကာလဉ္စ သမယဉ္စ ပညာယ  
ဂဟေတွာ ဥပဓာရေတွာတိ အတ္ထော။ ဣဒံ ဝုတ္တံ ဟောတိ— သစေ အမှာကံ  
သေ ဂမနဿ ယုတ္တကာလော ဘဝိဿတိ၊ ကာယေ ဗလမတ္တာ စ ဖရိဿတိ၊  
ဂမနပစ္စယာ စ အညော အဖာသုဝိဟာရော န ဘဝိဿတိ၊ အထေတံ  
ကာလဉ္စ ဂမနကာရဏသမဝါယသင်္ခါတံ သမယဉ္စ ဥပဓာရေတွာ အပ္ပေဝ  
နာမ သေပိ အာဂစ္ဆေယျာမာတိ။ ခဏောတိ ဩကာသော။ တထာ-  
ဂတုပ္ပါဒါဒိကော ဟိ မဂ္ဂမြဟ္မစရိယဿ ဩကာသော တပ္ပစ္စယပရိလာဘာ-  
ဟေတုတ္တာ။ ခဏောဧဝ စ သမယော။ ယော “ခဏော” တိ စ “သမယော” တိ  
စ ဝုစ္စတိ၊ သော ဧကောဝါတိ အဓိပ္ပာယ်ယော။ ဒိယဗော မာသော သေသော  
ဂိမှာနံ ဥဏှသမယော။ ဝဿာနဿ ပဌမော မာသော ပရိဋ္ဌာဟသမယော။  
မဟာသမယောတိ မဟာသမူဟော။ သမာသော ဝါ သေ၊ ဗျာသော ဝါ။ ပဝုဋ္ဌံ  
ဝနံ ပဝနံ၊ တသ္မိံ၊ ကပိလဝတ္ထုသမန္တေ မဟာဝနသင်္ခါတေ ဝနသဏ္ဍေတိ  
အတ္ထော။ သမယောပိ ဧဝါတိ ဧတ္ထ သမယောတိ သိက္ခာပဒပူရဏဿ ဟေတု။  
ဘဒ္ဒါလီတိ တဿ ဘိက္ခုဿ နာမံ။ ဣဒံ ဝုတ္တံ ဟောတိ—တယာ ဘဒ္ဒါလိ  
ပရိဝိဇ္ဈိတဗ္ဗယုတ္တကံ ဧကံ ကာရဏံ အတ္ထိ၊ တမ္ပိ တေ န ပရိဝိဇ္ဈံ န သလ္လက္ခိတန္တိ။  
ကိံ တံ ကာရဏန္တိ အာဟ “ဘဂဝါပိ ဧဝါ” တိအာဒိ။

“ဥဂ္ဂဟမာနော” တိအာဒိသု မာနောတိ တဿ ပရိဗ္ဗာဇကဿ ပကတိ-  
နာမံ၊ ဤဉ္စ ဤဉ္စ ပန သိပ္ပံ ဥဂ္ဂဟေတုံ သမတ္တတာယ “ဥဂ္ဂဟမာနော” တိ

နံ သဗ္ဗာနန္တိ၊ တသ္မာ “ဥဂ္ဂဟမာနော”တိ ဝုစ္စတိ။ သမဏမုဏ္ဍိကဿ ပုတ္တော သမဏမုဏ္ဍိကာပုတ္တော။ သော ကိရ ဒေဝဒတ္တဿ ဥပဋ္ဌာကော။ သမယံ ဒိဋ္ဌိံ ပကာရေန ဝဒန္တိ ဧတ္ထောတိ သမယပ္ပဝါဒကော၊ တသ္မိံ၊ ဒိဋ္ဌိပ္ပဝါဒကောတိ အတ္ထော။ တသ္မိံ ကိရ ဌာနေ စင်္ဂီတာရက္ခပေါက္ခရ-  
သာတိပ္ပာဘုတယော မြာဟူဏာ၊ နိဂဏ္ဌာစေလကပရိဗ္ဗာဇကောဒယော စ ပဗ္ဗဇိတာ သန္နိပတိတွာ အတ္တနော အတ္တနော သမယံ ပကာရေန ဝဒန္တိ ကထေန္တိ ဒီပေန္တိ၊ တသ္မာ သော အာရာမော “သမယပ္ပဝါဒကော”တိ ဝုစ္စတိ။ သွေဝ တိန္ဒြကာစီရသင်္ခါတာယ တိမ္မရူသကရက္ခပန္နိယာ ပရိက္ခိတ္တတ္တာ “တိန္ဒြကာစီရော”တိ ဝုစ္စတိ။ ဧကော သာလာ ဧတ္ထောတိ ဧကသာလကော။  
ယသ္မာ ပနေတ္ထ ပဌမံ ဧကော သာလာ အဟောသိ၊ ပစ္ဆာ ပန မဟာပုညံ ပေါဋ္ဌပါဒပရိဗ္ဗာဇကံ နိဿာယ ဗဟူ သာလာ ကတာ၊ တသ္မာ တမေဝ ပဌမံ ကတံ ဧကံ သာလံ ဥပါဒါယ လဒ္ဓပုဗ္ဗနာမဝသေန “ဧကသာလကော”တိ ဝုစ္စတိ။ မဏ္ဍိကာယ နာမ ပသေနဒီရညော ဒေဝိယာ ဥယျာနဘူတော သော ပုပ္ဖလသစ္ဆန္ဓော အာရာမော၊ တေန ဝုတ္တံ “မဏ္ဍိကာယ အာရာမေ”တိ။ ပဋိဝသတိတိ တသ္မိံ ဖာသုတာယ ဝသတိ။

ဒိဋ္ဌေ ဓမ္မေတိ ပစ္စက္ခေ အတ္တဘာဝေ။ အတ္ထောတိ ဝုဓိ။ ကမ္မကိလေသ-  
ဝသေန သမ္ပရေတဗ္ဗတော သမ္မာ ပါပုဏိတဗ္ဗတော သမ္ပရာယော၊ ပရ-  
လောကော၊ တတ္ထ နိယုတ္တော သမ္ပရာယိကော၊ ပရလောကတ္ထော။ အတ္တာဘိ-  
သမယာတိ ယထာဝုတ္တဉာယတ္ထသင်္ခါတဟိတပဋိလာဘာ။ သမ္ပရာယိကောပိ  
ဟိ အတ္ထော ကာရဏဿ နိပ္ပန္နတ္တာ ပဋိလဒ္ဓေါ နာမ ဟောတိတိ တံ  
အတ္တဒ္ဓယမေကတော ကတွာ “အတ္တာဘိသမယာ”တိ ဝုတ္တံ။ ဓိယာ ပညာယ  
တံတဒတ္ထေ ရာတိ ဂဏှာတိ၊ ဓိ ဝါ ပညာ ဧတဿတ္တိတိ ဧရော။ ပဏ္ဍာ  
ဝုစ္စတိ ပညာ။ သာ ဟိ သုခုမေသုပိ အတ္ထေသု ပဉ္စတိ ဂစ္ဆတိ၊ ဒုက္ခာဒိနံ  
ဝါ ဝိဋ္ဌနာဒိအာကာရံ ဇာနာတိတိ ပဏ္ဍာ။ တာယ ဣတော ဂတောတိ  
ပဏ္ဍိတော။ အထ ဝါ ဣတာ သဗ္ဗာတာ ပဏ္ဍာ ဧတဿ၊ ပဉ္စတိ ဝါ  
ဉာဏဂတိယာ ဂစ္ဆတိတိ ပဏ္ဍိတော။ သမ္မာ မာနာဘိသမယာတိ မာနဿ  
သမ္မာ ပဟာနေန။ သမ္မာတိ စေတ္တ အဂ္ဂမဂ္ဂဉာဏေန သမုစ္ဆေဒပ္ပဟာနံ ဝုတ္တံ။  
အန္တန္တိ အဝသာနံ။ ဝိဋ္ဌနံ တံသမင်္ဂိနော ဟိံသနံ အဝိပ္ပုရိတာကရဏံ။  
တဒေဝ အတ္ထော တထာတ္ထ-ကာရဿ ဌ-ကာရံ ကတွာ။ သမေစ္စ ပစ္စယေဟိ  
ကတဘာဝေါ သင်္ခတဋ္ဌော။ ဒုက္ခဒုက္ခတာဒိဝသေန သန္တာပနံ ပရိဒဟနံ  
သန္တာပဋ္ဌော။ ဇရာယ၊ မရဏေန စာတိ ဒွိဓာ ဝိပရိဏာမေတဗ္ဗော

ဝိမရိဏာမဋ္ဌော။ အဘိသမေတဗ္ဗော ပဋိဝိဇ္ဈိတဗ္ဗော အဘိသမယဋ္ဌော၊  
 ဝိဋ္ဌနာဒိနိယေဝ။ တာနိ ဟိ အဘိသမေတဗ္ဗဘာဝေန ကိဘာဝမုပနေတွာ  
 “အဘိသမယဋ္ဌော”တိ ဝုတ္တာနိ။ အဘိသမယဿ ဝါ ပဋိဝေဓဿ အတ္ထော  
 ဂေါစရော အဘိသမယဋ္ဌောတိ တာနိယေဝ တဗ္ဗိသယဘာဝူပဂမနသာမည-  
 တော ဧကတ္တေန ဝုတ္တာနိ။ ဧတ္ထ စ ဥပသဂ္ဂါနံ ဇောတကမတ္တတ္တာ တဿ တဿ  
 အတ္တဿ ဝါစကော သမယသဒ္ဓေါ ဝေါတိ သမယသဒ္ဓဿ အတ္ထုဒ္ဓါရေပိ  
 သဥပသဂ္ဂေါ အဘိသမယော ဝုတ္တာ။

တေသု ပန အတ္ထေသု အယံ ဝစနတ္ထော— သဟကာရီကာရဏဝသေန  
 သန္တိဇ္ဈံ သမေတိ သမဝေတိတိ သမယော၊ သမဝါယော။ သမေတိ သမာ-  
 ဂစ္ဆတိ မဂ္ဂမြဟူစရိယမေတ္တ တဒါဓာရပုဂ္ဂလဝသေနာတိ သမယော၊ ခဏော။  
 သမေန္တိ ဧတ္ထ၊ ဧတေန ဝါ သံဂစ္ဆန္တိ ဓမ္မာ၊ သတ္တာ ဝါ သဟဇာတာဒိဟိ၊  
 ဥပ္ပါဒါဒိဟိ စာတိ သမယော၊ ကာလော။ ဓမ္မပ္ပဝတ္တိမတ္တတာယ ဟိ အတ္တတော  
 အဘူတောပိ ကာလော ဓမ္မပ္ပဝတ္တိယာ အဓိကရဏံ၊ ကရဏံ ဝိယ စ ပရိ-  
 ကပ္ပနာမတ္တသိဒ္ဓေန ရူပေန ဝေါဟရိယတိ။ သမံ၊ သမ္မာ ဝါ အဝယဝါနံ  
 အယနံ ပဝတ္တိ အဝဋ္ဌာနန္တိ သမယော၊ သမူဟော ယထာ “သမုဒါယော”တိ။  
 အဝယဝါနံ သဟာဝဋ္ဌာနမေဝ ဟိ သမူဟော၊ န ပန အဝယဝရိနိမုတ္တော  
 သမူဟော နာမ ကောစိ ပရမတ္တတော အတ္ထိ။ ပစ္စယန္တရသမာဂမေ ဧတိ  
 ဖလံ ဥပ္ပဇ္ဇတိ၊ ပဝတ္တတိ ဝါ ဧတသ္မာတိ သမယော၊ ဟေတု ယထာ  
 “သမုဒယော”တိ။ သော ဟိ ပစ္စယန္တရသမာဂမနေနေဝ အတ္တနော ဖလံ  
 ဥပ္ပါဒဋ္ဌိတိသမင်္ဂိဘာဝံ ကရေတိ။ သမေတိ သံယောဇနဘာဝတော သမ္ပန္နော  
 ဟုတွာ ဧတိ အတ္တနော ဝိသယေ ပဝတ္တတိ၊ ဒဠ္ဋဂ္ဂဟဏဘာဝတော  
 ဝါ တံသညတ္တာ သတ္တာ အယန္တိ ဧတေန ယထာဘိနိဝေသံ ပဝတ္တန္တိတိ  
 သမယော၊ ဒိဋ္ဌိ။ ဒိဋ္ဌိသံယောဇနေန ဟိ သတ္တာ အတိဝိယ ဗျန္တိ။ သမိတိ  
 သင်္ဂတိ သမောဓာနံ သမယော၊ ပဋိလာဘော။ သမဿ နိရောဓဿ ယာနံ  
 ပါပုဏနံ၊ သမ္မာ ဝါ ယာနံ အပဂမော အပ္ပဝတ္တိ သမယော၊ ပဟာနံ။  
 အဘိမုခံ ဉာဏေန သမ္မာ ဧတဗ္ဗော အဘိဂန္တဗ္ဗောတိ အဘိသမယော၊ ဓမ္မာနံ  
 အဝိပရိတော သဘာဝေါ။ အဘိမုခဘာဝေန တံ တံ သဘာဝံ သမ္မာ ဧတိ  
 ဂစ္ဆတိ ပုဗ္ဗတိတိ အဘိသမယော၊ ဓမ္မာနံ ယထာဘူတသဘာဝါဝဗောဓော။

နန စ အတ္တမတ္တံ ယထာဓိပ္ပေတံ ပတိ သဒ္ဓါ အဘိနိဝိသန္တိတိ န ဧကေန  
 သဒ္ဓေန အနေကေ အတ္တာ အဘိဓိယန္တိ၊ အထ ကသ္မာ ဣဓ သမယသဒ္ဓဿ  
 အနေကော အတ္ထော ဝုတ္တာတိ? သစ္စမေတံ သဒ္ဓဝိသေသေ အပေက္ခိတေ။

သဒ္ဓဝိသေသေ ဟိ အပေက္ခိတေ န ဧကေန သဒ္ဓေန အနေကတ္တာဘိဓာနံ သမ္ဘဝတိ။ န ဟိ ယော ကာလာဒိအတ္ထော သမယ-သဒ္ဓေါ၊ သောယေဝ သမူဟာဒိအတ္ထံ ဝဒတိ။ ဧတ္ထ ပန တေသံ တေသမတ္တာနံ သမယသဒ္ဓဝစနိယ-တာသာမညမုပါဒါယ အနေကတ္တတာ သမယ-သဒ္ဓဿ ဝုတ္တာတိ။ ဧဝံ သဗ္ဗတ္ထ အတ္ထုဒ္ဓါရေ။ ဟောတိ စေတ္ထ—

“သာမညဝစနိယတံ၊ ဥပါဒါယ အနေကဓာ။

အတ္ထံ ဝဒေ န ဟိ သဒ္ဓေါ၊ ဧကော နေကတ္တကော သိယာ”တိ။

သမဝါယာဒိအတ္တာနံ ဣဓ အသမ္ဘဝတော၊ ကာလဿေဝ စ အပဒိသိ-တဗ္ဗတ္တာ “**ဣဓ ပနဿ ကာလော အတ္ထော**”တိ ဝုတ္တံ။ ဒေသဒေသကာဒိနံ ဝိယ ဟိ ကာလဿ နိဒါနဘာဝေန အဓိပ္ပေတတ္တာ သောပိ ဣဓ အပဒိသိယတိ။ ဣမိနာ ကိဒိသံ ကာလံ ဒိပေတိတိ အာဟ “**တေနာ**”တိအာဒိ။ **တေနာ**တိ ကာလတ္ထေန သမယ-သဒ္ဓေန။ အဗုဓာသော ပက္ခဝသေန ဝုတ္တာ၊ ပုဗ္ဗဏှာဒိ-ကော ဒိဝသဘာဝဝသေန၊ ပဌမယာမာဒိကော ပဟာရဝသေန။ **အာဒိ-**သဒ္ဓေန ခဏလယာဒယော သင်္ဂဟိတာ၊ အနိယမိတဝသေန **ဧကံ ကာလံ ဒိပေတိ**တိ အတ္ထော။

ကသ္မာ ပနေတ္ထ အနိယမိတဝသေန ကာလော နိဒ္ဒိဋ္ဌော၊ န ဥတု-သံဝစ္စရာဒိနာ နိယမိတဝသေနာတိ အာဟ “**တတ္ထ ကိဉ္ဇာပိ**”တိအာဒိ။ ကိဉ္ဇာပိ ပညာယ ဝိဒိတံ သုဝဏ္ဏာပိတံ၊ တထာပီတိ သမ္ဗန္ဓော။ ဝစသာ **ဓာရေတုံ ဝါ သယံ ဥဒ္ဓိသိတုံ ဝါ** ပရေန **ဥဒ္ဓိသာပေတုံ ဝါ န သက္ကာ နာနပ္ပ-**ကာရဘာဝတော။ **မဟု စ ဝတ္ထဗ္ဗံ ဟောတိ** ယာဝ ကာလပ္ပဘေဒေါ၊ တာဝ ဝတ္ထဗ္ဗတ္တာ။ “**ဧကံ သမယ**”န္တိ ဝုတ္တေ ပန န သော ကာလပ္ပဘေဒေါ အတ္ထိ၊ ယော ဧတ္တာနန္တောဂဓော သိယာတိ ဒဿေတိ “**ဧကေန ဝ ပဒေန တမတ္ထံ သမောဓာနေတွာ**”တိ ဣမိနာ။ ဧဝံ လောကီယသမ္ပတကာလဝသေန သမယတ္ထံ ဒဿေတွာ ဣဒါနိ သာသနေ ပါကဋကကာလဝသေန သမယတ္ထံ ဒဿေတုံ “**ယေ ဝါ ဣမေ**”တိအာဒိ ဝုတ္တံ။ အပိစ ဥတုသံဝစ္စရာဒိဝသေန နိယမံ အကတွာ သမယသဒ္ဓဿ ဝစနေ အယမ္ပိ ဝုဏော လဒ္ဓေါယေဝါတိ ဒဿေန္တော “**ယေ ဝါ ဣမေ**”တိအာဒိမာဟ။ သာမညဇောတနာ ဟိ ဝိသေသေ အဝတိဋ္ဌတိ တဿာ ဝိသေသပရိဟာရဝိသယတ္တာ။ တတ္ထ ယေ ဣမေ သမယာတိ သမ္ဗန္ဓော။ ဘဂဝတော မာတုကုမ္ဘိဩက္ကမနကာလော စေတ္ထ ဂန္တောက္ကန္တိသမယော။ စတ္တာရိ နိမိတ္တာနိ ပဿိတွာ သံဝေ-ဇေနကာလော သံဝေဂသမယော။ ဆဗ္ဗဿာနိ သမ္မောမိသမမိဂမာယ

စရိယကာလော ခုတ္တရကာရိကသမယော။ ဒေဝသိကံ ဈာနဖလသမာပတ္တိဟိ  
 ဝီတိနာမနကာလော ဒိဋ္ဌဓမ္မသုခဝိဟာရသမယော။ ဝိသေသတော ပန သတ္တ-  
 သတ္တာဟာနိ ဈာနသမာပတ္တိဝဋ္ဋေနေကာလော။ ပဉ္စစက္ကာလီသဝဿာနိ တံတံ-  
 ဓမ္မဒေသနာကာလော ဒေသနာသမယော။ အာဒိ-သဒ္ဓေန ယမကပါဠိ-  
 ဟာရိယသမယာဒယော သင်္ဂဏှာတိ။ ပကာသတိ ဒသသဟဿိလောက-  
 ဓာတုပကမ္ပနဩဘာသပါတုဘာဝါဒီဟိ ပါကဋ္ဌာ။ “ဧကံ သမယ”န္တိ ဝုတ္တေ  
 တဒညေဝိ သမယာ သန္တိတိ အတ္ထာပတ္တိတော တေသု သမယေသု ဣဓ  
 ဒေသနာသမယသင်္ခါတော သမယဝိသေသော “ဧကံ သမယ”န္တိ ဝုတ္တောတိ  
 ဒီပေတိတိ အဓိပ္ပာယော။

ယထာဝုတ္တပ္ပဘေဒေသုယေဝ သမယေသု ဧကဒေသံ ပကာရန္တရေဟိ  
 သင်္ဂဟေတွာ ဒေသေတုံ “ယော စာယ”န္တိအာဒိ ဝုတ္တံ။ တတ္ထ ဟိ ဉာဏ-  
 ကိစ္စသမယော၊ အတ္တဟိတပဋိပတ္တိသမယော စ အဘိသမ္ဘောဓိသမယောယေဝ။  
 အရိယတုဏှိဘာဝသမယော ဒိဋ္ဌဓမ္မသုခဝိဟာရသမယော။ ကရုဏာကိစ္စ-  
 ပရဟိတပဋိပတ္တိဓမ္မိကထာသမယော ဒေသနာသမယော။ တသ္မာ တေသု  
 ဝုတ္တပ္ပဘေဒေသု သမယေသု ဧကဒေသောဝ ပကာရန္တရေန ဒဿိတောတိ  
 ဒဋ္ဌဗ္ဗံ။ “သန္တိပတိတာနံ ဝေါ ဘိက္ခဝေ ဒွယံ ကရုဏီယံ ဓမ္မိ ကထာ ဝါ  
 အရိယော ဝါ တုဏှိဘာဝေါ”တိ ဝုတ္တသမယေ သန္ဓာယ “သန္တိပတိတာနံ  
 ကရုဏီယဒွယသမယေသု”တိ ဝုတ္တံ။ တေသုပိ သမယေသုတိ ကရုဏာကိစ္စ-  
 ပရဟိတပဋိပတ္တိဓမ္မိကထာဒေသနာသမယေသုပိ။ အညတရံ သမယံ သန္ဓာယ  
 “ဧကံ သမယ”န္တိ ဝုတ္တံ အတ္ထတော အဘေဒတ္တာ။

အညတ္ထ ဝိယ ဘုမ္မဝစနေန စ ကရုဏဝစနေန စ နိဒ္ဒေသမကတွာ ဣဓ  
 ဥပယောဂဝစနေန နိဒ္ဒေသပယောဇနံ နိဒ္ဓါရေတုကာမော ပရမ္ပုဓေန စောဒနံ  
 သမုဋ္ဌပေတိ “ကသ္မာ ပနေတ္တာ”တိအာဒိနာ။ ဧတ္ထာတိ “ဧကံ သမယ”န္တိ  
 ဣမသ္မိံ ပဒေ၊ ကရုဏဝစနေန နိဒ္ဒေသော ကတော ယထာတိ သမ္ပန္နော။  
 ဘဝန္တိ ဧတ္ထာတိ ဘုမ္မံ၊ ဩကာသော၊ တတ္ထ ပဝတ္တံ ဝစနံ ဝိဘတ္တိ ဘုမ္မဝစနံ။  
 ကရောတိ ကိရိယမဘိနိပ္ပာဒေဘိ ဧတေနာတိ ကရုဏံ၊ ကိရိယာနိပ္ပတ္တိကာရုဏံ။  
 ဥပယုဇ္ဇိတဗ္ဗော ကိရိယာယာတိ ဥပယောဂေါ၊ ကမ္ပံ၊ တတ္ထ ဝစနံ တထာ။  
 “တတ္တာ”တိအာဒိနာ ယထာဝုတ္တစောဒနံ ပရိဟရတိ။ တတ္ထာတိ တေသု အဘိ-  
 ဓမ္မတဒညသုတ္တပဒဝိနယေသု။ တထာတိ ဘုမ္မဝစနကရုဏဝစနေဟိ အတ္ထ-  
 သမ္ပဝတော စာတိ ယောဇေတဗ္ဗံ၊ အဓိကရုဏဘာဝေနဘာဝလက္ခဏတ္တာနံ၊

ဟေတုကရဏတ္တာနဉ္စ သမ္ဘဝတောတိ အတ္ထော။ ဣတောတိ ဣမသ္မိံ သုတ္တပဒေ။  
အညထာတိ ဥပယောဂဝစနေန။ အတ္ထသမ္ဘဝတောတိ အစွန္တသံယောဂတ္ထဿ  
သမ္ဘဝတော။

“တတ္ထ ဟိ”တိအာဒိ တဗ္ဗိဝရဏံ။ ဣတောတိ “ဧကံ သမယ”န္တိ သုတ္တ-  
ပဒတော။ အဓိကရဏတ္ထောတိ အာဓာရတ္ထော။ ဘဝနံ ဘာဝေါ၊ ကိရိယာ၊  
ကိရိယာယ ကိရိယန္တရလက္ခဏံ ဘာဝေနဘာဝလက္ခဏံ၊ တဒေဝတ္ထော  
တထာ။ ဧကေန သမယတ္ထေန ဣဒံ အတ္ထဒ္ဓယံ သမ္ဘဝတိတိ အနုယောဂေ  
သတိ တဒတ္ထဒ္ဓယသမ္ဘဝါနုရူပေန သမယတ္ထေန၊ တံ ဒဠိ ကရောန္တော  
“အဓိကရဏဉ္စ”တိအာဒိမာဟ။ ပဒတ္ထတောယေဝ ဟိ ယထာဝုတ္တမတ္ထဒ္ဓယံ  
သိဒ္ဓံ၊ ဝိဘတ္တိ ပန ဇောတကမတ္တာ။ တတ္ထ ကာလသင်္ခါတော၊ ကာလသဒ္ဓဿ  
ဝါ အတ္ထော ယဿာတိ ကာလတ္ထော။ သမူဟသင်္ခါတော၊ သမူဟသဒ္ဓဿ  
ဝါ အတ္ထော ယဿာတိ သမူဟတ္ထော၊ ကော သော? သမယော။ ဣဒံ  
ဝုတ္တံ ဟောတိ—ကာလတ္ထော၊ သမူဟတ္ထော စ သမယော တတ္ထ အဘိဓမ္မေ  
ဝုတ္တာနံ ဖဿာဒိဓမ္မာနံ အဓိကရဏံ အာဓာရေတိ၊ ယသ္မိံ ကာလေ၊  
ဓမ္မပုဉ္ဇေ ဝါ ကာမာဝစရံ ကုသလံ စိတ္တံ ဥပ္ပန္နံ ဟောတိ၊ တသ္မိံယေဝ  
ကာလေ၊ ဓမ္မပုဉ္ဇေ ဝါ ဖဿာဒယောပိ ဟောန္တိတိ အယဉ္စိ တတ္ထ အတ္ထော။  
နန စာယံ ဥပါဒါပညတ္တိမတ္ထော ကာလော၊ ဝေါဟာရမတ္ထော စ သမူဟော၊  
သော ကထံ အဓိကရဏံ သိယာ တတ္ထ ဝုတ္တဓမ္မာနန္တိ? နာယံ ဒေါသော။  
ယထာ ဟိ ကာလော သယံ ပရမတ္ထတော အဝိဇ္ဇမာနောပိ သဘာဝဓမ္မ-  
ပရိစ္ဆိန္နတ္တာ အာဓာရဘာဝေန ပညာတော၊ သဘာဝဓမ္မပရိစ္ဆိန္နော စ  
တင်္ခဏပ္ပဝတ္တာနံ တတောပုဗ္ဗေ၊ ပရတော စ အဘာဝတော “ပုဗ္ဗဏှေဇာတော၊  
သာယနေ အာဂစ္ဆတိ”တိအာဒိသု၊ သမူဟော စ အဝယဝဝိနိမုတ္တော ဝိသု  
အဝိဇ္ဇမာနောပိ ကပ္ပနာမတ္တသိဒ္ဓတ္တာ အဝယဝါနံ အာဓာရဘာဝေန ပညာဝိ-  
ယတိ “ရုက္ခေ သာခါ၊ ယဝရာသိယံ ပတ္တသမ္ဘူတော”တိအာဒိသု၊ ဧဝိဓာပိ  
သဘာဝဓမ္မပရိစ္ဆိန္နတ္တာ၊ ကပ္ပနာမတ္တသိဒ္ဓတ္တာ စ တဒုဘယံ တတ္ထ ဝုတ္တဓမ္မာနံ  
အဓိကရဏဘာဝေန ပညာဝိယတိတိ။

“ဓဏသမဝါယဟေတုသင်္ခါတဿာ”တိအာဒိ ဘာဝေနဘာဝလက္ခဏတ္ထ-  
သမ္ဘဝဒဿနံ။ တတ္ထ ဓဏော နာမ အဋ္ဌက္ခဏဝိနိမုတ္တော နဝမော  
ဗုဒ္ဓုပ္ပါဒက္ခဏော၊ ယာနိ ဝါ ပနေတာနိ “စတ္တာရိမာနိ ဘိက္ခဝေ စက္ကာနိ၊

ယေဟိ သမန္တာဂတာနံ ဒေဝမနုဿာနံ စတုစက္ကံ ပဝတ္တတိ”တိ<sup>၁</sup> ဧတ္ထ ပတိရူပ-  
 ဒေသဝါယော သပ္ပုရိသုပနိဿယော အတ္တသမ္မာပဏီမိ ပုဗ္ဗေကတပုညတာတိ  
 စက္ကာရိ စက္ကာနိ ဝုတ္တာနိ၊ တာနိ ဧကန္တံ ကတွာ ဩကာသဌေန “ခဏော”တိ  
 ဝေဒိတဗ္ဗာနိ။ တာနိ ဟိ ကုသလုပ္ပတ္တိယာ ဩကာသဘူတာနိ။ သမဝါယော  
 နာမ “စက္ခု စ ပဋိစ္စ ရူပေ စ ဥပ္ပဇ္ဇတိ စက္ခုဝိညာဏ”န္တိအာဒိနာ၊<sup>၂</sup> နိဒ္ဒိဋ္ဌာ စက္ခု-  
 ဝိညာဏာဒိသာဓာရဏဖလနိပ္ပုဒကတ္တေန သဏ္ဌိတာ စက္ခုရူပါဒိပစ္စယသာမဂ္ဂိ။  
 စက္ခုရူပါဒိနဉ္စိ စက္ခုဝိညာဏာဒိ သာဓာရဏဖလံ။ ဟေတု နာမ ယောနိသော-  
 မနသိကာရာဒိဇနကဟေတု။ ယထာဝုတ္တဿ ခဏသင်္ခါတဿ၊ သမဝါယသင်္ခါ-  
 တဿ၊ ဟေတုသင်္ခါတဿ စ သမယဿ သတ္တာသင်္ခါတေန ဘာဝေန တေသံ  
 ဖဿာဒိနံ ဓမ္မာနံ သတ္တာသင်္ခါတော ဘာဝေါလက္ခိယတိဝိညာယတိတိ အတ္ထော။  
 ဣဒံ ဝုတ္တံ ဟောတိ—ယထာ “ဂါဝိသု ဒုယုမာနာသု ဂတော၊ ဒုဒ္ဓါသု အာဂ-  
 တော”တိ ဧတ္ထ ဒေါဟနကိရိယာယ ဂမနကိရိယာ လက္ခိယတိ၊ ဧဝမိဓာပိ  
 ယထာဝုတ္တဿ သမယဿ သတ္တာကိရိယာယ စိတ္တဿ ဥပ္ပုဒကိရိယာ၊ ဖဿာဒိနံ  
 ဘဝနကိရိယာ စ လက္ခိယတိတိ။ နနု စေတ္ထ သတ္တာကိရိယာ အဝိဇ္ဇမာနာဝ၊  
 ကထံ တာယ လက္ခိယတိတိ? သစ္စံ၊ တထာပိ “ယသ္မိ” သမယေ”တိ စ ဝုတ္တော  
 သတိတိ အယမတ္ထော ဝိညာယမာနော ဧဝဟောတိ အညကိရိယာသမ္ပန္နာဘာဝေ  
 ပဒတ္တဿ သတ္တာဝိရဟာဘာဝတော၊ တသ္မာ အတ္ထတော ဂမ္မမာနာယ တာယ  
 သတ္တာကိရိယာယ လက္ခိယတိတိ။ အယဉ္စိ တတ္ထ အတ္ထော—ယသ္မိ ယထာဝုတ္တော  
 ခဏေ၊ ပစ္စယသမဝါယေ၊ ဟေတုမိ ဝါ သတိ ကာမာဝစရံ ကုသလံ စိတ္တံ ဥပ္ပန္နံ  
 ဟောတိ၊ တသ္မိ ယေဝ ခဏေ၊ ပစ္စယသမဝါယေ၊ ဟေတုမိ ဝါ သတိ ဖဿာ-  
 ဒယောပိ ဟောန္တိတိ။ အယံ ပန အတ္ထော အဘိဓမ္မေယေဝ? နိဒဿနဝသေန  
 ဝုတ္တော၊ ယထာရဟမေသ နယော အညေသုပိ သုတ္တပဒေသုတိ။ တဗ္ဗာတိ  
 အဓိကရဏတ္တဿ၊ ဘာဝေနဘာဝလက္ခဏတ္တဿ စ သမ္ဘဝတော။ တဒတ္ထ-  
 ဇောတနတ္တန္တိ တဒုဘယတ္တဿ သမယသဒ္ဓတ္တဘာဝေန ဝိဇ္ဇမာနဿေဝ ဘုဗ္ဗ-  
 ဝစနဝသေန ဒီပနတ္ထံ။ ဝိဘတ္တိယော ဟိ ပဒီပေါ ဝိယ ဝတ္ထုနော ဝိဇ္ဇမာနဿေဝ  
 အတ္တဿ ဇောတကာတိ၊ အယမတ္ထော သဒ္ဓသတ္ထေသု ပါကဋောယေဝ။

ဟေတုအတ္ထော၊ ကရဏတ္ထော စ သမ္ဘဝတိတိ “အန္ဓေန ဝသတိ၊ ဝိဇ္ဇာယ  
 ဝသတိ”တိအာဒိသု ဝိယ ဟေတုအတ္ထော၊ “ဖရသုနာ ဆိန္ဒတိ၊ ကုဒါလေန

---

၁-အံ ၁-၃၄၁-ပိဋ္ဌေ။  
 ၂-မ ၁-၁၅၈၊ ၂၆၊ မ ၃-၃၂၈၊ ၃၃၂၊ ၃၃၃၊ သံ ၁-၃၀၁၊ ၃၀၂၊ သံ ၂-၂၆၁၊ အဘိ ၄-၂၄၈၊ ၂၄၉-ပိဋ္ဌာဒိသု။  
 ၃-အဘိ-၄ ၁-၁၀၄-ပိဋ္ဌေ။

ခဏတိ”တိအာဒိသုဝိယကရဏတ္ထော စ သမ္ဘဝတိ။ ကထံ ပန သမ္ဘဝတိတိ  
 အာဟ “ယော ဟိ သော”တိအာဒိ။ ဝိနယေ<sup>၁</sup> အာဂတသိက္ခာပဒပညတ္တိ-  
 ယာစနဝတ္ထုဝသေန ထေရံ မရိယာဒံ ကတွာ “သာရိပုတ္တာဒိဟိမိ ခုဝိဗျေ-  
 ယျော”တိ ဝုတ္တံ။ တေန သမယေန ဟေတုဘူတေန ကရဏဘူတေနာတိ  
 ဧတ္ထ ပန တံတံဝတ္ထုဝိတိက္ကမောဝ သိက္ခာပဒပညတ္တိယာ ဟေတု စေဝ  
 ကရဏဉ္စ။ တထာ ဟိ ယဒါ ဘဂဝါ သိက္ခာပဒပညတ္တိယာ ပဌမမေဝ တေသံ  
 တေသံ တတ္ထ တတ္ထ သိက္ခာပဒပညတ္တိဟေတုဘူတံ တံ တံဝိတိက္ကမံ အပေက္ခမာ-  
 နော ဝိဟရတိ၊ တဒါ တံ တံ ဝိတိက္ကမံ အပေက္ခိတွာ တဒတ္ထံ ဝသတိတိ သိဒ္ဓေါ  
 ဝတ္ထုဝိတိက္ကမဿ သိက္ခာပဒပညတ္တိဟေတုဘာဝေါ “အန္ဓေန ဝသတိ”တိအာဒိသု  
 အန္ဓမပေက္ခိတွာ တဒတ္ထံ ဝသတိတိအာဒိနာ ကာရဏေန အန္ဓာဒိနံ ဟေတု-  
 ဘာဝေါ ဝိယ။ သိက္ခာပဒပညတ္တိကာလေ ပန တေနေဝ ပုဗ္ဗသိဒ္ဓေန ဝိတိက္ကမေန  
 သိက္ခာပဒံ ပညပေတိ၊ တသ္မာ သိက္ခာပဒပညတ္တိယာ သာဓကတမတ္တာ ကရဏ-  
 ဘာဝေါဝိဝိတိက္ကမဿေဝသိဒ္ဓေါ “အသိနာ ဆိန္ဒတိ”တိအာဒိသု အသိနာ ဆိန္ဒန-  
 ကိရိယံ သာဓေတိတိအာဒိနာ ကာရဏေန အသိအာဒိနံ ကရဏဘာဝေါ ဝိယ။  
 ဧဝံ သန္တေပိ ဝိတိက္ကမံ အပေက္ခမာနော တေနေဝ သဒ္ဓိံ<sup>၂</sup> တန္တိသိတမ္ပိ ကာလံ  
 အပေက္ခိတွာ ဝိဟရတိတိ ကာလဿာပိ ဣမ ဟေတုဘာဝေါ ဝုတ္တော၊ သိက္ခာပဒံ  
 ပညပေန္တော စ တံ တံ ဝိတိက္ကမကာလံ အနတိက္ကမိတွာ တေနေဝ ကာလေန  
 သိက္ခာပဒံ ပညပေတိတိ ဝိတိက္ကမနိဿယဿ ကာလဿာပိ ကရဏ-  
 ဘာဝေါ ဝုတ္တော၊ တသ္မာ ဣမိနာ ပရိယာယေန ကာလဿာပိ ဟေတုဘာဝေါ၊  
 ကရဏဘာဝေါ စ လဗ္ဘတိတိ ဝုတ္တံ “တေန သမယေန ဟေတုဘူတေန ကရဏ-  
 ဘူတေနာ”တိ၊ နိပ္ပရိယာယေန ပန ဝိတိက္ကမောယေဝ ဟေတုဘူတော၊  
 ကရဏဘူတော စ။ သော ဟိ ဝိတိက္ကမက္ခဏေ ဟေတု ဟုတွာ ပစ္စာ သိက္ခာ-  
 ပဒပညာပနက္ခဏေ ကရဏမ္ပိ ဟောတိတိ။ သိက္ခာပဒါနိ ပညာပယန္တောတိ  
 ဝိတိက္ကမံ ပုစ္ဆိတွာ ဘိက္ခုသံဃံ သန္တိပါတာပေတွာ ဩတိဏ္ဏဝတ္ထုံ တံ ပုဂ္ဂလံ  
 ပဋိပုစ္ဆိတွာ၊ ဝိဂရဟိတွာ စ တံ တံ ဝတ္ထုဩတိဏ္ဏကာလံ အနတိက္ကမိတွာ  
 တေနေဝ ကာလေန ကရဏဘူတေန သိက္ခာပဒါနိ ပညပေန္တော။ သိက္ခာ-  
 ပဒပညတ္တိဟေတုဉ္စ အပေက္ခမာနောတိ တတိယပါရာဇိကာဒိသု၊<sup>၃</sup> ဝိယ  
 သိက္ခာပဒပညတ္တိယာ ဟေတုဘူတံ တံတံဝတ္ထုဝိတိက္ကမသမယံ အပေက္ခမာနော  
 တေန သမယေန ဟေတုဘူတေန ဘဂဝါ တတ္ထ တတ္ထ ဝိဟာသိတိ  
 အတ္ထော။

“သိက္ခာပဒါနိ ပညာပယန္တော၊ သိက္ခာပဒပညတ္တိဟေတုဉ္စ အပေက္ခမာ-  
 နော”တိ ဣဒံ ယထာက္ခမံ ကရဏဘာဝဿ၊ ဟေတုဘာဝဿ စ သမတ္တနဝစနံ၊  
 တသ္မာ တဒနုရူပံ “တေန သမယေန ကရဏဘူတေန ဟေတုဘူတေနာ”တိ ဧဝံ  
 ဝတ္ထုဗ္ဗေပိ ပဌမံ “ဟေတုဘူတေနာ”တိ ဥပ္ပုဋ္ဌိပါဠိဝစနံ တတ္ထ ဟေတုဘာဝဿ  
 သာတိသယမဓိပ္ပေတတ္တာ ဝုတ္တန္တိ ဝေဒိတဗ္ဗံ။ “ဘဂဝါ ဟိ ဝေရဉ္ဇာယံ ဝိဟရန္တော  
 ဓမ္မသေနာပတိတ္ထေရဿ သိက္ခာပဒပညတ္တိယာစနဟေတုဘူတံ ပရိဝိတက္က-  
 သမယံ အပေက္ခမာနောတေန သမယေန ဟေတုဘူတေန ဝိဟာသိ”တိ တိသုပိ  
 ကိရ ဂဏ္ဍိပဒေသု ဝုတ္တံ။ “ကိ” ပနေတ္ထ ယုတ္တိစိန္တာယ၊ အာစရိယဿ ဣဓ  
 ကမဝစနိစ္ဆာ နတ္ထိတိ ဧဝမေတံ ဂဟေတဗ္ဗံ—အညာသုပိ ဟိ အဋ္ဌကထာသု  
 အယမေဝ အနုက္ကမော ဝုတ္တော၊ န စ တာသု ‘တေန သမယေန ဝေရဉ္ဇာယံ  
 ဝိဟရတိ’တိ ဝိနယပါဠိပဒေ ဟေတုအတ္ထဿေဝ သာတိသယံ အဓိပ္ပေတ-  
 ဘာဝဒီပနတ္ထံ ဝုတ္တော အဝိသယတ္တာ၊ သိက္ခာပဒါနိ ပညာပယန္တော ဟေတု-  
 ဘူတေန၊ ကရဏဘူတေန စ သမယေန ဝိဟာသိ၊ သိက္ခာပဒပညတ္တိဟေတုဉ္စ  
 အပေက္ခမာနော ဟေတုဘူတေန သမယေန ဝိဟာသိတိ ဧဝမေတ္ထ ယထာ-  
 လာဘံ သမ္ပန္နဘာဝတော ဧဝံ ဝုတ္တော”တိပိ ဝဒန္တိ။ တသ္မာတိ ယထာဝုတ္တဿ  
 ဒုဝိဿာပိ အတ္ထဿ သမ္ပဝတော။ တဒတ္ထဇောတနတ္ထန္တိ ဝုတ္တနယေန ကရဏ-  
 ဝစနေန တဒုဘယတ္ထဿ ဇောတနတ္ထံ။ တတ္ထာတိ တသ္မိံ ဝိနယေ။ ဧတ္ထ စ  
 သိက္ခာပဒပညတ္တိယာ ဧဝံ ဝိတိက္ကမသမယဿ သာဓကတမတ္တာ တဿ ကရဏ-  
 ဘာဝေ “သိက္ခာပဒါနိ ပညာပယန္တော”တိ အဇ္ဈာဟရိတပဒေန သမ္ပန္တော၊  
 ဟေတုဘာဝေ ပန တဒပေက္ခနမတ္တတ္တာ “ဝိဟရတိ”တိ ပဒေနေဝါတိ ဒဋ္ဌဗ္ဗံ။  
 တထာယေဝ ဟိ ဝုတ္တံ “တေန သမယေန ဟေတုဘူတေန၊ ကရဏဘူတေန စ  
 သိက္ခာပဒါနိ ပညာပယန္တော၊ သိက္ခာပဒပညတ္တိဟေတုဉ္စ အပေက္ခမာနော  
 ဘဂဝါ တတ္ထ တတ္ထ ဝိဟာသိ”တိ။ ကရဏဉ္စိ ကိရိယတ္ထံ၊ န ဟေတု ဝိယ ကိရိယာ-  
 ကာရဏံ။ ဟေတု ပန ကိရိယာကာရဏံ၊ န ကရဏံ ဝိယ ကိရိယတ္ထောတိ။

“ဣဓ ပနာ”တိအာဒိနာ ဥပယောဂဝစနဿ အစ္စန္တသံယောဂတ္ထ-  
 သမ္ပဝဒဿနံ၊ အစ္စန္တမေဝ ဒဗ္ဗဂုဏကိရိယာဟိ သံယောဂေါ အစ္စန္တ-  
 သံယောဂေါ၊ နိရန္တရမေဝ တေဟိ သံယုတ္တဘာဝေါတိ ဝုတ္တံ ဟောတိ။  
 သောယေဝတ္ထော တထာ။ ဧဝံဇာတိကေတိ ဧဝံသဘာဝေ။ ကထံ သမ္ပဝ-  
 တိတိ အာဟ “ယဉ္စိ”တိအာဒိ။ အစ္စန္တမေဝါတိ အာရပ္ပတော ပဋ္ဌာယ ယာဝ  
 ဒေသနာနိဋ္ဌာနံ၊ တာဝ ဧကံသမေဝ၊ နိရန္တရမေဝါတိ အတ္ထော။ ကရုဏာ-  
 ဝိဟာရေနာတိ ပရဟိတပဋိပတ္တိသင်္ခါတေန ကရုဏာဝိဟာရေန။ တထာ ဟိ

ကရုဏာနိဒါနတ္တာ ဒေသနာယ ဣဓ ပရဟိတပဋိပတ္တိ “ကရုဏာဝိဟာရေ”တိ  
 ဝုတ္တာ၊ န ပန ကရုဏာသမာပတ္တိဝိဟာရေ။ န ဟိ ဒေသနာကာလေ ဒေသေ-  
 တဗ္ဗဓမ္မဝိသယဿ ဒေသနာဉာဏဿ သတ္တဝိသယာယ မဟာကရုဏာယ  
 သဟုပ္ပတ္တိ သမ္ဘဝတိ ဘိန္ဒဝိသယတ္တာ၊ တသ္မာ ကရုဏာယ ပဝတ္တော ဝိဟာ-  
 ရေတိ ကတွာ ပရဟိတပဋိပတ္တိဝိဟာရေ ဣဓ “ကရုဏာဝိဟာရေ”တိ  
 ဝေဒိတဗ္ဗော။ တသ္မာတိ အစွန္တသံယောဂတ္ထသမ္ဘဝတော။ တဒတ္ထဇောတ-  
 နတ္ထန္တိ ဝုတ္တနယေန ဥပယောဂဝိဘတ္တိယာ တဒတ္ထဿ ဇောတနတ္ထံ ဥပ-  
 ယောဂနိဒ္ဒေသော ကတော ယထာ “မာသံ သဇ္ဈာယတိ၊ ဒိဝသံ ဘုဉ္ဇတိ”တိ။  
 တေနာတိ ယေန ကာရဏေန အဘိဓမ္မေ၊ ဣတော အညေသု စ သုတ္တပဒေသု  
 ဘုဗ္ဗဝစနဿ အဓိကရဏတ္ထော၊ ဘာဝေနဘာဝလက္ခဏတ္ထော စ၊ ဝိနယေ  
 ကရုဏဝစနဿ ဟေတုအတ္ထော၊ ကရုဏတ္ထော စ ဣဓ ဥပယောဂဝစနဿ  
 အစွန္တသံယောဂတ္ထော သမ္ဘဝတိ၊ တေနာတိ အတ္ထော။ တေန္တိ ယထာ  
 ဝုတ္တဿတ္ထဿ သင်္ဂဟဂါထာပဒံ။ အညတြာတိ အဘိဓမ္မေ၊ ဣတော အညေသု  
 သုတ္တပဒေသု၊ ဝိနယေ စ။ သမယောတိ သမယသဒ္ဓေါ။ သဒ္ဓေယေဝ ဟိ ဝိဘတ္တိ-  
 ပရာ ဘဝတိအတ္ထေ အသမ္ဘဝတော။ သောတိ သွေဝ သမယသဒ္ဓေါ။

ဧဝံ အတ္တနော မတိံ ဒဿေတွာ ဣဒါနိ ပေါရာဏာစရိယမတိံ ဒဿေတုံ  
 “ပေါရာဏာ ပနာ”တိအာဒိ ဝုတ္တံ။ ပေါရာဏာတိ စ ပုရိမာ အဋ္ဌကထာစရိ-  
 ယာ။ “တသ္မိံ သမယေ”တိ ဝါ။ပ။ “ဧကံ သမယ”န္တိ ဝါ သေ ဘေဒေါတိ  
 သမ္ပန္နော။ အဘိလာပမတ္တဘေဒေါတိ ဝစနမတ္တေန ဘေဒေါ ဝိသေသော၊ န  
 ပန အတ္ထေန၊ တေနာဟ “သဗ္ဗတ္ထ ဘုဗ္ဗမေဝတ္ထော”တိ၊ သဗ္ဗေသုပိ အတ္ထတော  
 အာဓာရော ဧဝံ အတ္ထောတိ ဝုတ္တံ ဟောတိ။ ဣမိနာ စ ဝစနေန သုတ္တဝိနယေသု  
 ဝိဘတ္တိဝိပရိဏာမော ကတော၊ ဘုဗ္ဗတ္ထေ ဝါ ဥပယောဂကရုဏာဝိဘတ္တိယော  
 သိဒ္ဓါတိ ဒဿေတိ။ “တသ္မာ”တိအာဒိနာ တေသံ မတိဒဿနေ ဂုဏမာဟ။

ဘာရိယဋ္ဌေန ဂရု။ တဒေဝတ္ထံ သင်္ကေတတော သမတ္ထေတိ “ဂရုံ ဟိ”တိ-  
 အာဒိနာ။ သင်္ကေတဝိသယော ဟိ သဒ္ဓေါ တံဝဝတ္ထိတောယေဝ စေသ အတ္ထ-  
 ဗောဓကောတိ။ ဂရုန္တိ ဂရုကာတဗ္ဗံ ဇနံ။ “လောကေ”တိ ဣမိနာ န ကေဝလံ  
 သာသနေယေဝ၊ လောကေပိ ဂရုကာတဗ္ဗဋ္ဌေန ဘဂဝါတိ သင်္ကေတသိဒ္ဓိတိ  
 ဒဿေတိ။ ယဒိ ဂရုကာတဗ္ဗဋ္ဌေန ဘဂဝါ၊ အထ အယမေဝ သာတိသယံ  
 ဘဂဝါ နာမာတိ ဒဿေန္တော “အယဉ္ဇာ”တိအာဒိမာဟ။ တထာ ဟိ  
 လောကနာထော အပရိမိတနိရူပမပ္ပဘာဝသီလာဒိဂုဏဝိသေသသမင်္ဂီတာယ၊

သဗ္ဗာနတ္ထပရိဟာရပုဗ္ဗင်္ဂမာယ နိရဝသေသဟိတသုခဝိဓာနတပ္ပရာယ နိရတိ-  
သယာယ ပယောဂသမ္ပတ္တိယာ သဒေဝမနုဿာယ ပဇာယ အစ္စန္တုပကာရိ-  
တာယ စ အပရိမာဏာသု လောကဓာတုသု အပရိမာဏာနံ သတ္တာနံ ဥတ္တမံ  
ဂါရဝဋ္ဌာနန္တိ။ န ကေဝလံ လောကေယေဝ၊ အထ ခေါ သာသနေပီတိ  
ဒဿေတိ “ပေါရာဏေဟိ”တိအာဒိနာ၊ ပေါရာဏေဟိတိ စ အဋ္ဌကထာ-  
စရိယေဟိတိ အတ္ထော။ သေဋ္ဌဝါစကဝစနဗ္ဗိ သေဋ္ဌဂုဏသဟစရဏတော  
သေဋ္ဌမေဝါတိ ဝုတ္တံ “ဘဂဝါတိ ဝစနံ သေဋ္ဌ”န္တိ။ ဝုစ္စတိ အတ္ထော ဧတေနာတိ  
ဟိ ဝစနံ၊ သဒ္ဓေါ။ အထ ဝါ ဝုစ္စတိတိ ဝစနံ၊ အတ္ထော၊ တသ္မာ ယော  
“ဘဂဝါ”တိ ဝစနေန ဝစနိယော အတ္ထော၊ သော သေဋ္ဌောတိ အတ္ထော။  
ဘဂဝါတိ ဝစနုပ္ပတ္တိန္တိ ဣောပိ ဧသေဝ နယော။ ဂါရဝယုတ္တောတိ  
ဂရုဘာဝယုတ္တော ဂရုဂုဏယောဂတ္တာ၊ သာတိသယံ ဝါ ဂရုကရဏာရဟတာယ  
ဂါရဝယုတ္တော၊ ဂါရဝါရဟောတိ အတ္ထော။ ယေန ကာရဏတ္ထယေန သော  
တထာဂတော ဂရု ဘာရိယဋ္ဌေန၊ တေန “ဘဂဝါ”တိ ဝုစ္စတိတိ သမ္ပန္နော။  
ဂရုတာကာရဏဒဿနဉ္စေတံ ပဒတ္တယံ။ “သိပ္ပါဒိသိက္ခာပကာပိ ဂရူယေဝ နာမ  
ဟောန္တိ၊ န စ ဂါရဝယုတ္တာ၊ အယံ ပန တာဒိသော န ဟောတိ၊ တသ္မာ  
ဂရုတိ ကတွာ ‘ဂါရဝယုတ္တော’တိ ဝုတ္တ”န္တိ ကေမိ။ ဧဝံ သတိ တဒေတံ  
ဝိသေသနပဒမတ္ထံ၊ ပုရိမပဒဒ္ဓယမေဝ ကာရဏဒဿနံ သိယာ။

အဝိဓာတိ အတ္ထန္တရိကပ္ပတ္တေ နိပါတော၊ အပရော နယောတိ အတ္ထော။  
တတ္ထ—

“ဝဏ္ဏာဂမော ဝဏ္ဏဝိပရိယာယော၊  
ဒွေ စာပရေ ဝဏ္ဏဝိကာရနာသာ။  
ဓာတုနမတ္တာတိသယေန ယောဂေါ၊  
တဒုစ္စတေ ပဉ္စဝိဓာ နိရုတ္တိ”တိ—

ဝုတ္တံ နိရုတ္တိလက္ခဏံ ဂဟေတွာ၊ “ဝိသောဒရာဒိနိ ယထောပဒိဋ္ဌ”န္တိ၊ ဝုတ္တသဒ္ဓ-  
နယေန ဝါ ဝိသောဒရာဒိအာကတိဂဏပက္ခေပလက္ခဏံ ဂဟေတွာ လောကီယ  
လောကုတ္တရသုခါဘိနိဗ္ဗတ္တကံ သီလာဒိပါရပ္ပတ္တံ ဘာဂျမဿ အတ္ထိတိ “ဘာရု-  
ဝါ”တိ ဝတ္ထဗ္ဗေ “ဘဂဝါ”တိ ဝုတ္တန္တိ အာဟ “ဘာရုဝါ”တိ။ တထာ အနေက-  
ဘေဒဘိန္တကိလေသသတသဟဿာနိ၊ သင်္ခေပတော ဝါ ပဉ္စမာရေ အဘဉ္စိတိ  
“ဘဂဝါ”တိ ဝတ္ထဗ္ဗေ “ဘဂဝါ”တိ ဝုတ္တန္တိ ဒဿေတိ “ဘဂဝါ”တိ ဣမိနာ။

လောကေ စ ဘဂ-သဒ္ဓေါ ဣဿရိယဓမ္မယသသိရိကာမပယတ္တေသု  
ဆသု ဓမ္မေသု ပဝတ္တတိ၊ တေ စ ဘဂသင်္ခါတာ ဓမ္မာ အဿ သန္တိတိ  
ဘဂဝါတိ အတ္ထံ ဒဿေတုံ “ယုတ္တော ဘဂေဟိ စာ”တိ ဝုတ္တံ။ ကုသလာဒီဟိ  
အနေကဘေဒေဟိ သဗ္ဗဓမ္မေ ဝိဘဇိ ဝိဘဇိတွာ ဝိဝရိတွာ ဒေဿေသိတိ  
“ဝိဘတ္တဝါ”တိ ဝတ္တဗ္ဗေ “ဘဂဝါ”တိ ဝုတ္တန္တိ အာဟ “ဝိဘတ္တဝါ”တိ။  
ဒိဗ္ဗဗြဟ္မအရိယဝိဟာရေ၊ ကာယစိတ္တဥပဓိဝိဝေကေ၊ သုညတာနိမိတ္တာပုဏ္ဏိ-  
ဟိတဝိမောက္ခေ၊ အညေ စ လောကီယလောကုတ္တရေ ဥတ္တရိမနဿဓမ္မေ  
ဘဇိ သေဝိ ဗဟုလမကာသိတိ “ဘတ္တဝါ”တိ ဝတ္တဗ္ဗေ “ဘဂဝါ”တိ ဝုတ္တန္တိ  
ဒဿေတိ “ဘတ္တဝါ”တိ ဣမိနာ။ တီသု ဘဝေသု တဏှာသင်္ခါတံ ဂမနမနေန  
ဝန္တံ ဝမိတန္တိ “ဘဝေသု ဝန္တဂမနော”တိ ဝတ္တဗ္ဗေ ဘဝသဒ္ဓတော ဘ-ကာရံ  
ဂမနသဒ္ဓတော ဂ-ကာရံ ဝန္တသဒ္ဓတော ဝ-ကာရံ အာဒါယ၊ တဿ စ ဒီဃံ  
ကတွာ ဝဏ္ဏဝိပရိယာယေန “ဘဂဝါ”တိ ဝုတ္တန္တိ ဒဿေတုံ “ဝန္တဂမနော  
ဘဝေသု”တိ ဝုတ္တံ။ “ယတော ဘာဂျဝါ၊ တတောဘဂဝါ”တိအာဒိနာ ပစ္စေကံ  
ယောဇေတဗ္ဗံ။ အဿ ပဒဿာတိ “ဘဂဝါ”တိ ပဒဿ။ ဝိတ္တာရတ္ထောတိ  
ဝိတ္တာရဘူတော အတ္ထော။ “သော စာ”တိအာဒိနာ ဂန္ထမဟတ္ထံ ပရိဟရတိ။  
ဝုတ္တောယေဝ၊ န ပန ဣဓ ပုန ဝတ္တဗ္ဗော ဝိသုဒ္ဓိမဂ္ဂဿ ဣမိဿာ အဋ္ဌကထာယ  
ဧကဒေသဘာဝတောတိ အဓိပ္ပာယ်ော။

အဝိစ ဘဂေ ဝနိ၊ ဝမိတိ ဝါ ဘဂဝါ။ သော ဟိ ဘဂေ သီလာဒီဂုဏေ  
ဝနိ ဘဇိ သေဝိ၊ တေ ဝါ ဘဂသင်္ခါတေ သီလာဒီဂုဏေ ဝိနေယျသန္တာနေသု  
“ကထံ န ခေါဥပ္ပဇ္ဇေယျ”န္တိ ဝနိ ယာစိ ပတ္တယိ၊ ဧဝံ ဘဂေ ဝနိတိ ဘဂဝါ၊  
ဘဂေ ဝါ သိရိ၊ ဣဿရိယံ၊ ယသဉ္စ ဝမိ ခေဋ္ဌပိဏ္ဍံ ဝိယ ဆဉ္စယိ။ တထာ ဟိ  
ဘဂဝါ ဟတ္ထဂတံ စက္ကဝတ္တိသိရိ၊ စတုဒီပိဿရိယံ၊ စက္ကဝတ္တိသမ္ပတ္တိသန္ဓိဿယဉ္စ  
သတ္တရုတနသမုဇ္ဇလံ ယသံ အနပေက္ခော ဆဉ္စယိ။ အထ ဝါ ဘာနိ နာမ  
နက္ခတ္တာနိ၊ တေဟိ သမံ ဂစ္ဆန္တိ ပဝတ္တန္တိတိ ဘဂါ အာကာရဿ ရဿံကတွာ၊  
သိနေရုယုဂန္ဓရာဒိဂတာ ဘာဇေနလောကသောဘာ။ တာ ဘဂါ ဝမိ တပ္ပဋိဗဒ္ဓ-  
ဆန္ဒရာဂပ္ပဟာနေန ပဇေဟိ၊ ဧဝံ ဘဂေ ဝမိတိ ဘဂဝါတိ ဧဝမာဒီဟိ တတ္ထ  
တတ္ထာဂတနယေဟိ စဿ အတ္ထော ဝတ္တဗ္ဗော၊ အမှေဟိ ပန သော ဂန္ထဘိရု-  
ဇနာနုဂ္ဂဟဏတ္ထံ၊ ဂန္ထဂရုတာပရိဟရဏတ္ထဉ္စ အဇ္ဈုပေက္ခိတောတိ။

ဧဝမေတေသံ အဝယဝတ္ထံ ဒဿေတွာ ဣဒါနိ သမုဒါယတ္ထံ ဒဿေန္တော  
ပုရိမပဒတ္တယဿ သမုဒါယတ္ထေန ဝုတ္တာဝသေသေန တေသမတ္တာနံ ပဋိ-  
ယောဂိတာယ တေနာပိ သဟ ဒဿေတုံ “တ္ထောဝတ”တိအာဒိမာဟ။

တ္ထောဝတတိ တေဿ “ဧဝံ မေ သုတ”န္တိဝစနေန “ဧကံ သမယံ ဘဂဝါ”တိ-  
 ဝစနေနာတိ ဣမေဟိ သဗ္ဗန္ဓော။ တတ္ထောတိ တေသ္မိ နိဒါနဝစနေ။ ယထာသုတံ  
 ဓမ္မံ ဒေသေန္တောတိ တေ အန္တ-သဒ္ဓေါ ဟေတုအတ္ထော။ တထာဒေသိတတ္တာ  
 ဟိ ပစ္စက္ခံ ကရေတိ နာမ။ ဧသ နယော အပရတ္တာပိ။ “ယော ခေါ အာနန္တ  
 မယာ ဓမ္မော စ။ပ။ သတ္တာ”တိ<sup>၁</sup> ဝစနေတော ဓမ္မဿ သတ္ထုဘာဝပရိယာယော  
 ဝိဇ္ဇတေဝါတိ ကတွာ “ဓမ္မသရီရုံ<sup>၂</sup> ပစ္စက္ခံ ကရေတိ”တိ ဝုတ္တံ။ဓမ္မကာယန္တိ ဟိ  
 ဘဂဝတော သဗ္ဗန္တိဘူတံ ဓမ္မသင်္ခါတံ ကာယန္တိ အတ္ထော။ တထာ စ ဝုတ္တံ “ဓမ္မ-  
 ကာယောတိ ဘိက္ခဝေ တထာဂတဿေတံ အဓိဝစန”န္တိ<sup>၃</sup>။ တံ ပန ကိမတ္ထိယန္တိ  
 အာဟ “တေနာ”တိအာဒိ။ တေနာတိ စ တာဒိသေန ပစ္စက္ခကရဏေနာတိ  
 အတ္ထော။ ဣဒံ အရနာ ဝက္ခမာနသုတ္တံ ပါဝစနံ ပကဋ္ဌံ ဥတ္တမံ ဗုဒ္ဓဿ ဘဂ-  
 ဝတော ဝစနံ နာမ။ တသ္မာ တုမှာကံ အတိက္ကန္တသတ္ထုကံ အတိတသတ္ထုက-  
 ဘာဝေါ န ဟောတိတိ အတ္ထော။ ဘာဝပ္ပဓာနော ဟိ အယံ နိဒ္ဒေသော၊  
 ဘာဝလောပေါ ဝါ၊ ဣတရထာ ပါဝစနေမေဝ အနတိက္ကန္တသတ္ထုကံ၊ သတ္ထု-  
 အဒဿနေန ပန ဥက္ကဏ္ဍိတဿ ဇနဿ အတိက္ကန္တသတ္ထုကဘာဝေါတိ  
 အတ္ထော အာပဇ္ဇေယျ၊ ဧဝေ သတိ “အယံ ဝေါ သတ္တာတိ သတ္ထုအဒဿနေန  
 ဥက္ကဏ္ဍိတံ ဇနံ သမဿာသေတိ”တိဝစနေန သဟ ဝိရောဓော ဘဝေယျာတိ  
 ဝဒန္တိ။ ဣဒံ ပါဝစနံ သတ္ထုကိစ္စနိပ္ပာဒနေန န အတိတသတ္ထုကန္တိ ပန အတ္ထော။  
 သတ္ထုတိ ကမ္မတ္ထေ ဆဋ္ဌိ၊ သမာသပဒံ ဝါဇေတံ သတ္ထုအဒဿနေနာတိ။ ဥက္ကဏ္ဍနံ  
 ဥက္ကဏ္ဍော၊ ကိစ္စဇိဝိတာ။ “ကဋ္ဌ ကိစ္စဇိဝနေ”တိ<sup>၄</sup> ဟိ ဝဒန္တိ။ တမိတော  
 ပတ္ထောတိ ဥက္ကဏ္ဍိတော၊ အနဘိရတိယာ ဝါ ဝိဋ္ဌိတော ဝိက္ခိတ္တစိတ္တော ဟုတွာ  
 သိသံ ဥက္ခိပိတွာ ဥဒ္ဓိ ကဏ္ဍံ ကတွာ ဣတော စိတော စ ဩလောကေန္တော  
 အာဟိဏ္ဍတိ၊ ဝိဟရတိ စာတိ ဥက္ကဏ္ဍိတော နိရုတ္တိနယေန၊ တံ ဥက္ကဏ္ဍိတံ။ သဒ္ဓ-  
 သာမတ္ထိယာဓိဂတမတ္ထော စေသ၊ ဝေါဟာရတော ပန အနဘိရတိယာ ဝိဋ္ဌိ-  
 တန္တိ အတ္ထော။ ဧသ နယော သဗ္ဗတ္ထ။ သမဿာသေတိတိ အဿာသံ ဇနေတိ။

တသ္မိ သမယေတိ ဣမဿ သုတ္တဿ သင်္ဂီတိသမယေ။ ကာမံ ဝိဇ္ဇမာနေပိ  
 ဘဂဝတိ ဧဝံ ဝတ္ထုမရဟတိ၊ ဣဓ ပန အဝိဇ္ဇမာနေယေဝ တသ္မိ ဧဝံ ဝဒတိ၊  
 တသ္မာ သန္ဓာယဘာသိတဝသေန တဒတ္တံ ဒဿေတိတိ အာဟ “အဝိဇ္ဇမာန-  
 ဘာဝံ ဒဿေန္တော”တိ။ ပရိနိဗ္ဗာနန္တိ အနုပါဒိသေသနိဗ္ဗာနဓာတုဝသေန  
 ခန္ဓပရိနိဗ္ဗာနံ။ တေနာတိ တထာသာဓနေန။ ဧဝံဝိဿောတိ ဧဝံပကာရဿ၊

---

၁-ဒီ ၂-၁၁၆-ပိဋ္ဌေ၊ ၂-ဓမ္မကာယံ (?) ၃-ဒီ ၃-၆၉-ပိဋ္ဌေ (ထောက် ဝိသဒိသံ၊)  
 ၄-သဒ္ဓနီတိဓာတုမာလာယံ သရဝဂ္ဂပဉ္စကန္တိကဓာတုဝိဘာဝေ၊

ဧဝံသဘာဝဿာတိပိ အတ္ထော။ နာမ-သဒ္ဓေါ ဂရဟာယံ နိပါတော “အတ္ထိ နာမ အာနန္တ ထေရံ ဘိက္ခုံ ဝိဟေသိယမာနံ အဇ္ဈုပေက္ခိဿထာ”တိ- အာဒိသု<sup>၁</sup> ဝိယ၊ တေန ဧဒိသော အပိ ဘဂဝါ ပရိနိဗ္ဗုတော၊ ကာ နာမ ကထာ အညေသန္တိ ဂရဟတ္ထံ ဇောတေတိ။ အရိယဓမ္မဿာတိ အရိယာနံ ဓမ္မဿ၊ အရိယဘူတဿ ဝါ ဓမ္မဿ။ ဒသဝိဓဿ ကာယဗလဿ၊ ဉာဏဗလဿ စ ဝသေန ဒဿဗလဓရော။ ဝဇီရဿ နာမ မဏိဝိသေသဿ သင်္ခာတော သမူဟော ကေဂ္ဂနော၊ တေန သမာနော ကာယော ယဿာတိ တထာ။ ဣဒံ ဝုတ္တံ ဟောတိ—ယထာ ဝဇီရသင်္ခာတော နာမ န အညေန မဏိနာ ဝါ ပါသာ- ဏေန ဝါ ဘောဇ္ဇော၊ အပိ တု သောယေဝ အညံ မဏိ<sup>၂</sup> ဝါ ပါသာဏံ ဝါ ဘိန္ဒတိ။ တေနေဝ ဝုတ္တံ “ဝဇီရဿ နတ္ထိ ကောစိ အဘောဇ္ဇော မဏိ ဝါ ပါသာဏော ဝါ”တိ၊ ဧဝံ ဘဂဝါပိ ကေနစိ အဘောဇ္ဇသရိရော။ န ဟိ ဘဂ- ဝတော ရူပကာယေ ကေနစိ အန္တရာယော ကာတုံ သက္ကာတိ။ နာမသဒ္ဓဿ ဂရဟာဇောတကတ္တာ ပိ-သဒ္ဓေါ သမ္ပိဏ္ဏနဇောတကော “န ကေဝလံ ဘဂဝါယေဝ၊ အထ ခေါ အညေပီ”တိ။ ဧတ္ထ စ ဧဝံဂုဏသမန္တာဂတတ္တာ အပရိနိဗ္ဗုတသဘာဝေန ဘဝိတုံ ယုတ္တောပိ ဧသ ပရိနိဗ္ဗုတော ဧဝါတိ ပက- ရဏာနုရူပမတ္ထံ ဒဿေတုံ “ဧဝ”န္တိအာဒိ ဝုတ္တန္တိ ဒဋ္ဌဗ္ဗံ။ အာသာ ပတ္တနာ ကေန ဇနေတဗ္ဗာ၊ န ဇနေတဗ္ဗာ ဧဝါတိ အတ္ထော။ “အဟံ စိရံ ဇီဝိံ၊ စိရံ ဇီဝါမိ၊ စိရံ ဇီဝိဿာမိ၊ သုခံ ဇီဝိံ၊ သုခံ ဇီဝါမိ၊ သုခံ ဇီဝိဿာမိ”တိ မဇ္ဇနဝသေန ဥပ္ပန္နော မာနော ဇီဝိတမဒေါ နာမ၊ တေန မတ္တော ပမတ္တော တထာ။ သံဝေဇေတိတိ သံဝေဂံ ဇနေတိ၊ တတောယေဝ အဿ ဇနဿ သဒ္ဓမ္မေ ဥဿာဟံ ဇနေတိ။ သံဝေဇနဉ္စိ ဥဿာဟဟေတု “သံဝိဂ္ဂေါယောနိသော ပဒဟတိ”တိ ဝစနတော။

ဒေသနာသမ္ပတ္တိံ နိဒ္ဒိသတိ ဝက္ခမာနဿ သကလသုတ္တဿ “ဧဝ”န္တိ နိဒဿ- နတော။ သာဝကသမ္ပတ္တိန္တိ သုဏန္တပုဂ္ဂလသမ္ပတ္တိံ နိဒ္ဒိသတိ ပဋိသန္တိဒါပုတ္တေန ပဉ္စသု ဌာနေသု ဘဂဝတာ ဧတဒဂ္ဂေ ဌပိတေန၊ ပဉ္စသု စ ကောသလ္လေသု အာယသ္မတာ ဓမ္မသေနာပတိနာ ပသံသိတေန မယာ မဟာသာဝကေန သုတံ၊ တဉ္စ ခေါ သယမေဝ သုတံ၊ န အနုဿုတံ၊ န စ ပရမ္ပရာဘတန္တိ အတ္တဿ ဒီပနတော။ ကာလသမ္ပတ္တိံ နိဒ္ဒိသတိ ဘဂဝါတိသဒ္ဓသန္တိဓာနေ ပယုတ္တဿ သမယသဒ္ဓဿ ဗုဒ္ဓုပ္ပါဒပဋိမဏ္ဍိတသမယဘာဝဒီပနတော။ ဗုဒ္ဓုပ္ပါဒ- ပရမာ ဟိ ကာလသမ္ပဒါ။ တေနေတံ ဝုစ္စတိ—

“ကပ္ပကဿာယကလိယုဂေ၊ ဗုဒ္ဓုပ္ပါဒေါ အဟော မဟစ္ဆရိယံ။  
ဟုတဝဟမဇ္ဈေ ဇာတံ၊ သမုဒိတမကရန္တမရဝိန္ဒ”န္တိ ၂။

တဿာယမတ္ထော—ကပ္ပသင်္ခါတကာလသဉ္စယဿ လေခနဝသေန ပဝတ္ထေ  
ကလိယုဂသင်္ခါတေ သကရာဇသမ္ပတေ ဝဿာဒိသမူဟေ ဇာတော ဗုဒ္ဓုပ္ပါဒ-  
ခဏသင်္ခါတော ဒိနသမူဟော အန္ဓဿ ပဗ္ဗတာရောဟနမိဝ ကဒါစိ ပဝတ္တန-  
ဌေန, အစ္ဆရံ ပဟရိတုံ ယုတ္တဌေန စ မဟစ္ဆရိယံ ဟောတိ။ ကိမိဝ ဇာတန္တိ  
စေ? ဟုတဝဟသင်္ခါတဿ ပါဝကဿ မဇ္ဈေ သမ္မာ ဥဒိတမရမန္တံ အရဝိန္ဒသင်္ခါတံ  
ဝါရိဇမိဝ ဇာတန္တိ။ **ဒေသကသမ္ပတ္တိ** နိဒ္ဒိသတိ ဂုဏဝိသိဋ္ဌသတ္တုတ္တမဂါရ-  
ဝါမိဝစနတော။

ဧဝံ ပဒဆက္ကဿ ပဒါနုက္ကမေန နာနပ္ပကာရတော အတ္ထဝဏ္ဏနံ ကတွာ  
ဣဒါနိ “အန္တရာ စ ရာဇဂဟ”န္တိအာဒိနံ ပဒါနမတ္ထဝဏ္ဏနံ ကရောန္တော  
“**အန္တရာ စာ**”တိအာဒိမာဟ။ **အန္တရာ စ ရာဇဂဟံ အန္တရာ စ နာဠန္ဒန္တိ**  
တ္ထေ သမဘိနိဝိဋ္ဌော အန္တရာ-သဒ္ဓေါ ဒိဿတိ သာမညဝစနိယတ္ထမပေက္ခိတွာ  
ပကရဏာဒိသာမတ္တိယာဒိဂတတ္ထမန္တရေနာတိ အတ္ထော။ ဧဝံ ပနဿ နာနတ္ထ-  
ဘာဝေါ ပယောဂတော အဝဂမီယတိတိ ဒဿေတိ “**တဒန္တရ**”န္တိအာဒိနာ။  
တတ္ထ **တဒန္တရ**န္တိ တံ ကာရဏံ။ မဉ္ဇ တဉ္စ မန္တေန္တိ၊ ကိမန္တရံ ကိံ ကာရဏန္တိ  
အတ္ထော။ **ဝိဇ္ဇန္တရိကာယာ**တိ ဝိဇ္ဇနိစ္ဆရဏက္ခဏေ။ ခောဝန္တိ ဣတ္ထိ အဒ္ဓဿာတိ  
သမ္ပန္နော။ **အန္တရတော**တိ ဟဒယေ။ **ကောပါ**တိ စိတ္တကာလုဿိယကရ-  
ဏတော စိတ္တပကောပါ ရာဂါဒယော။ **အန္တရာ ဝေါသာန**န္တိ အာရဟန္တနိပ္ပတ္တိနံ  
ဝေမဇ္ဈေ ပရိယောသာနံ အာပါဒိ။ **အဝိစာ**တိ တထာပိ၊ ဧဝံ ပဘဝသမ္ပန္န-  
ဝီတိ အတ္ထော။ **ဒိန္နံ မဟာနိရယာန**န္တိ လောဟကုမ္ဘိနိရယေ သန္ဓာယာဟ။  
**အန္တရိကာယာ**တိ အန္တရေန။ ရာဇဂဟနဂရံ ကိရ အာဝိဇ္ဈိတွာ မဟာပေတ-  
လောကော။ တတ္ထ ဒိန္နံ မဟာလောဟကုမ္ဘိနိရယာနံ အန္တရေန အယံ တပေါ-  
ဒါနဒိ အာဂစ္ဆတိ၊ တသ္မာ သာ ကုထိတာ သန္တတိတိ။ **သွာယမိဝ ဝိဝရေ**  
**ပဝတ္တတိ** တဒညေသမသမ္ဘဝတော။ ဧတ္ထ စ “တဒန္တရံ ကော ဇာနေယျ၊  
ဧတေသံ အန္တရာ ကပ္ပ၊ ဂဏနာတော အသင်္ခိယာ၊ အန္တရန္တရာ ကထံ  
ဩပါတေတိ”တိအာဒိသု၊ ဝိယ ကာရဏဝေမဇ္ဈေသု ဝတ္တမာနာ အန္တရာ-  
သဒ္ဓါယေဝ ဥဒါဟရိတဗ္ဗာ သိယုံ၊ န ပန စိတ္တခဏဝိဝရေသု ဝတ္တမာနာ

၁-ကပ္ပကဿာယေ ကလိယုဂေ (သဗ္ဗတ္ထ) ၂-ဒိ-ဇီ ၁-၄၈၊ သံ-ဇီ ၁-၃၉-ပိဋ္ဌေသု။  
၃-အံ ၂-၃၀၈၊ အံ ၃-၃၆၇-ပိဋ္ဌေသု။ ၄-၃ ၄-၃၈ ၂-ပိဋ္ဌေ ဗုဒ္ဓဝံသေ။  
၅-မ ၂-၃၈၀၊ ဝိ ၃-၅၈၊ ဝိ ၄-၃၉၃-ပိဋ္ဌေသု။

အန္တရိကအန္တရသဒ္ဓါ။ အန္တရာသဒ္ဓဿ ဟိ အယမတ္ထုဒ္ဓါရေတိ။ အယံ ပနေတ္ထာ-  
ဓိပ္ပါယော သိယာ — ယေသု အတ္ထေသု အန္တရိကသဒ္ဓေါ, အန္တရသဒ္ဓေါ စ  
ပဝတ္တတိ။ တေသု အန္တရာသဒ္ဓေါပိတိ သမာနတ္ထတ္တာ အန္တရာသဒ္ဓတ္ထေ  
ဝတ္တမာနော အန္တရိကသဒ္ဓေါ, အန္တရသဒ္ဓေါ စ ဥဒါဟဋ္ဌေတိ။ အထ ဝါ  
အန္တရာသဒ္ဓေါယေဝ “ယဿန္တရတော”တိ ဧတ္ထ ဂါထာဗန္ဓသုခတ္ထံ ရဿံ  
ကတွာ ဝုတ္တော—

“ယဿန္တရတော န သန္တိ ကောပါ၊  
ဣတိဘဝါဘဝတဉ္စ ဝီတိဝတ္တော။  
တံ ဝိဂတဘယံ သုဒ္ဓိံ အသောကံ၊  
ဒေဝါ နာနုဘဝန္တိ ဒဿနာယာ”တိ—

ဟိ အယံ ဥဒါနေ ဘဒ္ဒိယသုတ္တေ ဂါထာ။ သောယေဝ ဣက-သဒ္ဓေန သကတ္ထ-  
ပဝတ္တေန ပဒံ ဝဓေတွာ “အန္တရိကာယာ”တိ စ ဝုတ္တော၊ တသ္မာ ဥဒါဟရဏော-  
ဒါဟရိတဗ္ဗာနမေတ္ထ ဝိရောဓာဘာဝေါ ဝေဒိတဗ္ဗေတိ။ ကိမတ္ထံ အတ္ထဝိသေသ-  
နိယမော ကတောတိ အာဟ “တဿာ”တိအာဒိ။ နနု စေတ္ထ ဥပယောဂ-  
ဝစနမေဝ၊ အထ ကသ္မာ သမ္ဗန္ဓိယတ္ထော ဝုတ္တော၊ သမ္ဗန္ဓိယတ္ထေ ဝါ ကသ္မာ  
ဥပယောဂဝစနံ ကတန္တိ အနယောဂသမ္ဘဝတော တံ ပရိဟရိတုံ “အန္တရာ-  
သဒ္ဓေန ပနာ”တိအာဒိ ဝုတ္တံ၊ ဘေန သမ္ဗန္ဓိယတ္ထေ သာမိဝစနပ္ပသင်္ဂေ  
သဒ္ဓန္တရယောဂေန လဒ္ဓမိဒံ ဥပယောဂဝစနန္တိ ဒဿေတိ၊ န ကေဝလံ  
သာသနေဝ၊ လောကေပိ ဧဝမေဝိဒံ လဒ္ဓန္တိ ဒဿေန္တော “ဤဒိသေသု စာ”တိ-  
အာဒိမာဟ။ ဝိသေသယောဂတာဒဿနမုခေန ဟိ အယမတ္ထောပိ ဒဿိတော။  
ဧကေနပိ အန္တရာ-သဒ္ဓေန ယုတ္တတ္တာ ဒွေ ဥပယောဂဝစနာနိ ကာတဗ္ဗာနိ။  
ဒွိဟိ ပန ယောဂေ ကာ ကထာတိ အတ္ထဿ သိဇ္ဈနတော။ အက္ခရံ စိန္တေန္တိ  
လိင်္ဂဝိဘတ္တိယာဒိဟိတိ အက္ခရစိန္တကာ၊ သဒ္ဓဝိဒူ။ အက္ခရ-သဒ္ဓေန စေတ္ထ  
တဗ္ဗူလကာနိ ပဒါဒိနိပိ ဂဟေတဗ္ဗာနိ။ ယဒိပိ သဒ္ဓတော ဧကမေဝ ယုဇ္ဇန္တိ၊  
အတ္ထတော ပန သော ဒွိက္ခတ္တံ၊ ယောဇေတဗ္ဗော ဧကဿာပိ ပဒဿ  
အာဝုတ္တိယာဒိနယေန အနေကဓာ သမ္ဗုဇ္ဇနတောတိ ဒဿေတိ “ဒုတိယ-  
ပဒေနပိ”တိအာဒိနာ။ ကော ပန ဒေါသော အယောဇိတေတိ အာဟ  
“အယောဇိယမာနေ ဥပယောဂဝစနံ န ပါပုဏာတိ”တိ။ ဒုတိယပဒံ န  
ပါပုဏာတိတိ အတ္ထော သဒ္ဓန္တရယောဂဝသာ သဒ္ဓေယေဝ သာမိဝစနပ္ပသင်္ဂေ  
ဥပယောဂဝိဘတ္တိယာ ဣန္ဒြိတတ္တာ။ သဒ္ဓါမိကာရေ ဟိ ဝိဘတ္တိပယောဂေါ။

အဗ္ဗါန-သဒ္ဓေါ ဒီဃပရိယာယောတိ အာဟ “ဒီဃမဂ္ဂ”န္တိ။ ကိတ္တာဝတာ ပန သော ဒီဃော နာမ တဒတ္ထဘူတောတိ စောဒနမပနေတိ “အဗ္ဗါနဂမန-သမယဿ ဟိ”တိအာဒိနာ။ အဗ္ဗါနဂမနသမယဿ ဝိဘဏံတိ ဂဏဘောဇန-သိက္ခာပဒါဒိသု အဗ္ဗါနဂမနသမယသဒ္ဓဿ ပဒဘာဇနီယဘူတေ ဝိဘဏံ။ အစုယောဇနမ္ပိ အဗ္ဗါနမဂ္ဂေါ၊ ပဂေဝ တဒတ္ထရိ။ အမုမေဝ ယောဇနဿ အစုယောဇနံ၊ ဒွိဂါဝုတမတ္ထံ။ ဣဝ ပန စတုဂါဝုတပ္ပမာဏံ ယောဇနမေဝ၊ တသ္မာ “အဗ္ဗါနမဂ္ဂပဋိပန္နော”တိ ဝဒတိတိ အဓိပ္ပာယ်ယော။

မဟန္တသဒ္ဓေါ ဥတ္တမတ္ထော၊ ဗဟုတ္ထော စ ဣဓာမိပ္ပေတောတိ အာဟ “မဟတာ”တိအာဒိ။ ဂုဏမဟတ္တေနာတိ အပ္ပိစ္ဆတာဒိဂုဏမဟန္တဘာဝေန။ သင်္ချာမဟတ္တေနာတိ ဂဏနမဟန္တဘာဝေန။ တဒေဝတ္ထံ သမတ္ထေတိ “သော ဟိ”တိအာဒိနာ။ သော ဘိက္ခုသံဃောတိ ဣဝ အာဂတော တဒါ ပရိဝါရ-ဘူတော ဘိက္ခုသံဃော။ မဟာတိ ဥတ္တမော။ ဝါကျေပိ ဟိ တမိစ္ဆန္တိ ပယောဂဝဿ။ အပ္ပိစ္ဆတတိ နိလ္လောဘတာ။ သဒ္ဓေါ စေတ္ထ သာဝသေ-သော၊ အတ္ထော ပန နိရဝသေသော။ န ဟိ “အပ္ပလောဘတတိ အဘိတ္ထဝိတု-မရဟတိ”တိ အဋ္ဌကထာသု ဝုတ္တံ။ မဇ္ဈိမာဂမဋ္ဌိကာကာရော ပန အာစရိယ-ဓမ္မပါလတ္တေရော ဝေမာဟ “အပ္ပသဒ္ဓဿ ပရိတ္တပရိယာယံ မနသိ ကတွာ ‘ဗျဉ္ဇနံ သာဝသေသံ ဝိယာ’တိ၊ အဋ္ဌကထာယံ ဝုတ္တံ။ အပ္ပသဒ္ဓေါ ပနေတ္ထ ‘အဘာဝတ္ထော’တိပိ သက္ကာ ဝိညာတုံ ‘အပ္ပါဗာဓတဉ္စ သဉ္စာနာမီ’တိအာဒိသု၊ ဝိယာ”တိ။ သင်္ချာယမိ မဟာတိ ဂဏနာယမိ ဗဟု အဟောသိ၊ “ဘိက္ခု-သံဃော”တိ ပဒါဝတ္ထိကန္တဝစနဝသေန သံဝဏ္ဏေတဗ္ဗပဒဿ ဆေဒနမိဝ ဟောတိတိ တဒပရာမသိတွာ “တေန ဘိက္ခုသံဃေနာ”တိ ပုန ဝါကျာဝတ္ထိ-ကန္တဝစနဝသေန သံဝဏ္ဏေတဗ္ဗပဒေန သဒိသိကရဏံ။ သော ဟိ သံဝဏ္ဏန-ကာနံ ပကတိ၊ ယဒိဒံ ဝိဘတ္တိယာနပေက္ခာဝသေန ယထာရဟံ သံဝဏ္ဏေတဗ္ဗ-ပဒတ္ထံ သံဝဏ္ဏေတွာ ပုန တတ္ထ ဝိဇ္ဇမာနဝိဘတ္တိဝသေန ပရိဝတ္ထေတွာ နိက္ခိပနန္တိ။ ဒိဋ္ဌိသီလသာမညေန သံဟတတ္တာ သံဃောတိ ဣမမတ္ထံ ဝိဘာဝေန္တော အာဟ “ဒိဋ္ဌိသီလသာမညသင်္ခာတေန သမဏဂဏေနာ”တိ။ ဧတ္ထ ပန “ယာယံ ဒိဋ္ဌိ အရိယာ နိယျာနိကာ နိယျာတိ တက္ကရဿ သမ္မာ ဒုက္ခက္ခယာယ၊ တထာ-ရူပါယ ဒိဋ္ဌိယာ ဒိဋ္ဌိသာမညဂတော ဝိဟရတိ”တိ၊ ဧဝံ ဝုတ္တာယ ဒိဋ္ဌိယာ။ “ယာနိ တာနိ သီလာနိ အဓဏ္ဍာနိ အတ္ထိဒ္ဓါနိ အသဗလာနိ အကမ္မာသာနိ

---

၁-ဝိ ၂-၁၀၁-ပိဋ္ဌေ၊ ၂-မဟာနိဒ္ဒေသ-ဋ္ဌ-၂၀၅-ပိဋ္ဌေ၊  
 ၃-မ ၁-၁၇၅-ပိဋ္ဌေ၊ ၄-ဒီ ၃-၂၀၄၊ ၂၃၇၊ မ ၁-၃၉၇၊ မ ၃-၃၉၊ ဝိ ၅-၁၆၈-ပိဋ္ဌေသု။

ဘုဇိဿာနိ ဝိညုပ္ပသတ္တာနိ အပရာမဋ္ဌာနိ သမာဓိသံဝတ္တနိကာနိ၊ တထာ-  
 ရူပေသု သီလေသု သီလသာမညဂတော ဝိဟရတိ”တိ<sup>၁</sup> ဧဝံ ဝုတ္တာနန္တ သီလာနံ  
 သာမညေန သင်္ဃာတော သင်္ဃဋ္ဌိတော သမေတောတိ **ဒိဋ္ဌိသီလသာမည-  
 သင်္ဃာတော၊** သမဏဂဏော၊ ဒိဋ္ဌိသီလသာမညေန သံဟတောတိ ဝုတ္တံ  
 ဟောတိ။ “**ဒိဋ္ဌိသီလသာမညသင်္ဃာတေနာ**”တိပိ ပါဌော။ တထာ သင်္ခါ-  
 တေန ကကိတေနာတိ အတ္ထော။ တထာ ဟိ ဒိဋ္ဌိသီလာဒိနံ နိယတသဘာဝတ္တာ  
 သောတာပန္နာပိ အညမညံ ဒိဋ္ဌိသီလသာမညေန သံဟတာ၊ ပဂေဝ သကဒါ-  
 ဂါမိအာဒယော၊ တထာ စ ဝုတ္တံ “**နိယတော သမ္မောဓိပရာယဏော**”တိ<sup>၂</sup>၊  
 “**အဋ္ဌာနမေတံ ဘိက္ခဝေ အနဝကာသော၊** ယံ ဒိဋ္ဌိသမ္ပန္နော ပုဂ္ဂလော သဗ္ဗိစ္စ  
 ပါဏံ ဇီဝိတာ ဝေါရောပေယျ၊ နေတံ ဌာနံ ဝိဇ္ဇတိ”တိ စ အာဒိ။ အရိယ-  
 ပုဂ္ဂလဿ ဟိ ယတ္ထ ကတ္တစိ ဒူရေ ဌိတာပိ အတ္တနော ဂုဏသာမဂ္ဂိယာ  
 သံဟတတာယေဝ၊ “**တထာရူပါယ ဒိဋ္ဌိယာ ဒိဋ္ဌိသာမညဂတော ဝိဟရတိ**”  
 တထာရူပေသု သီလေသု သီလသာမညဂတော ဝိဟရတိ”တိ<sup>၃</sup> ဝစနတော ပန  
 ပုထုဇ္ဇနာနမ္ပိ ဒိဋ္ဌိသီလသာမညေန သံဟတဘာဝေါ လဗ္ဘတိယေဝ။ **သဒ္ဓိ**<sup>၄</sup>-သဒ္ဓေါ  
 ဧကတောတိ အတ္ထေ နိပါတော။ **ပဉ္စ**<sup>၅</sup>။ **ပ**။ **မတ္တာနိတိ** ပဉ္စ-သဒ္ဓေန မတ္တသဒ္ဓိ  
 သဒ္ဓိပိတွာ ဗာဟိရတ္ထသမာသော ဝုတ္တော။ **ဧတေသန္တိ** ဘိက္ခုသတာနံ။ ပုန ပဉ္စ  
 မတ္တာ ပမာဏာတိ ဗျာသော၊ နိကာရလောပေါ စေတ္ထ နပုံသကလိင်္ဂတ္တာ။

သုပ္ပိယောတိ တဿ နာမမေဝ၊ န ဂုဏာဒိ။ န ကေဝလံ ဘိက္ခုသံဃေန  
 သဒ္ဓိ<sup>၆</sup> ဘဂဝါယေဝ၊ အထ ခေါ သုပ္ပိယောပိ ပရိဗ္ဗာဇကော ဗြဟ္မဒတ္တေန  
 မာဏဝေန သဒ္ဓိန္တိ ပုဂ္ဂလံ သမ္ပိဇ္ဈေတိ၊ တဉ္စ ခေါ မဂ္ဂပဋိပန္နသဘာဂတာယ  
 ဧဝ၊ န သီလာစာရာဒိသဘာဂတာယာတိ ဝုတ္တံ “**ဝိ-ကာရော**”တိအာဒိ။  
 သုခုစ္စာရဏဝသေန ပုဗ္ဗာပရပဒါနံ သမ္ပန္နမတ္တကရဘာဝံ သန္ဓာယ “**ပဒသဒ္ဓိ-  
 ကရော**”တိ ဝုတ္တံ၊ န ပန သရဗျဉ္ဇနာဒိသန္ဓိဘာဝံ၊ တေနာဟ “**ဗျဉ္ဇနသီလိဋ္ဌ-  
 တာဝသေန ဝုတ္တော**”တိ၊ ဧတေန ပဒပူရဏမတ္တန္တိ ဒဿေတိ။ အပိစ  
 အဝဓာရဏတ္ထောပိ ခေါ-သဒ္ဓေါ ယုတ္တော “**အဿောသိ ခေါ ဝေရဉ္စော  
 ဗြာဟ္မဏော**”တိအာဒိသု<sup>၇</sup> ဝိယ၊ တေန အဒ္ဓါနမဂ္ဂပဋိပန္နော အဟောသိယေဝ၊  
 နာဿ မဂ္ဂပဋိပတ္တိယာ ကောစိ အန္တရာယော အဟောသိတိ အယမတ္ထော  
 ဒီပိတော ဟောတိ။ **သဉ္ဇယဿာ**တိ ရာဇဂဟဝါသိနော သဉ္ဇယနာမဿ  
 ပရိဗ္ဗာဇကဿ၊ ယဿ သန္တိကေ ပဌမံ ဥပတိဿကောလိတာပိ ပဗ္ဗဇိ<sup>၈</sup>သု

---

၁-ဒိ ၃-၂၀၃၊ ၄-၁-၃၉၇၊ ၅-၃-၃၉၊ အံ ၂-၂၅၆၊ ဝိ ၅-၁၆၈-ပိဋ္ဌေသု၊  
 ၂-သံ ၁-၂၉၇၊ သံ ၃-၂၉၉၊ ၃၁၁-ပိဋ္ဌာဒိသု၊ ၃-မ ၁-၃၉၇-ပိဋ္ဌေ။ ၄-ဝိ ၁-၁-ပိဋ္ဌေ။

ဆန္ဒပရိဗ္ဗာဇကောဝ၊ န အစေလကပရိဗ္ဗာဇကော။ “ယဒါ, တဒါ”တိ စ  
တေန သမကာလမေဝ အဗ္ဗါနမဂ္ဂပဋိပန္နတံ ဒဿေတိ။ **အတိတကာ-**  
**လတ္တော** ပါဠိယံ **ဟောတိသဒ္ဓေါ** ယောဂဝိဘာဂေန၊ တံကာလာပေက္ခာယ  
ဝါ ဧဝံ ဝုတ္တံ၊ တဒါ ဟောတိတိ အတ္တော။

**အန္တေတိ** သမိပေ။ **ဝသတိတိ** ဝတ္တပဋိဝတ္တာဒိကရဏဝသေန သဗ္ဗိရိယာပထ-  
သာဓာရဏဝစနံ၊ အဝစရတိတိ ဝုတ္တံ ဟောတိ၊ တေနောဟ “**သဒ္ဓိပစာရော**  
**သန္တိကာဝစရော သိဿော**”တိ။ **စောဒိတာ ဒေဝဒူတေဟိတိ** ဒဟရကုမာရော  
ဇရာဇိဏ္ဏသတ္တော ဂိလာနော ကမ္မကာရဏာ, ကမ္မကာရဏိကာ ဝါ မတ-  
သတ္တောတိ ဣမေဟိ ပဉ္စဟိ ဒေဝဒူတေဟိ **စောဒိတာ** ဩဝဒိတာ သံဝေဂံ  
ဥပ္ပါဒိတာ သမာနာပိ။ တေ ဟိ ဒေဝါ ဝိယ ဒူတာ, ဝိသုဒ္ဓိဒေဝါနံ ဝါ ဒူတာတိ  
**ဒေဝဒူတာ။** **ဟိနကာယူပဂါတိ** အပါယကာယမုပဂတာ။ နရသင်္ခါတာ တေ  
မာဏဝါတိ သမ္ပန္နော။ သာမညဝသေန စေတ္ထ သတ္တော “**မာဏဝေါ**”တိ  
ဝုတ္တော၊ ဣတရေ ပန ဝိသေသဝသေန။ ပကရဏာဓိဂတော ဟေသ အတ္ထုဒ္ဓါ-  
ရေတိ။ **ကတကဓမ္မဟိတိ** ကတစောရကဓမ္မဟိ။ **တရုဏောတိ** သောဠသ-  
ဝဿတောပဋ္ဌာယ ပတ္တဝီသတိဝဿော၊ **ဥဒါနန္တကထာယဉ္စိ** “သတ္တာ ဇာတ-  
ဒိဝသတော ပဋ္ဌာယယာဝ ပဉ္စဒသဝဿကာ၊ တာဝ ‘ကုမာရကာ, ဗာလာ’တိ  
စ ဝုစ္စန္တိ။ တတော ပရံ ဝီသတိဝဿာနိ ‘ယုဝါနော’တိ”<sup>၁</sup> ဝုတ္တံ။ တရုဏော,  
မာဏဝေါ, ယုဝါတိ စ အတ္ထတော ဧကံ၊ လောကီယာ ပန “ဒွါဒသဝဿတော  
ပဋ္ဌာယ ယာဝ ဇရမပ္ပတ္တော၊ တာဝ တရုဏော”တိပိ ဝဒန္တိ။

**တေသု ဝါ ဦးသု ဇနေသု**တိ နိဒ္ဒါရဏေ ဘုဉ္ဇံ။ ယော ဝါ “ဧကံ သမ-  
ယ”န္တိ ပုဗ္ဗေ အဓိဂတော ကာလော၊ တဿ ပဋိနိဒ္ဓေသော **တတြာတိ**။ ယဉ္စိ  
သမယံ ဘဂဝါ အန္တရာ ရာဇဂဟန္တ နာဠန္ဒန္တ အဗ္ဗါနမဂ္ဂပဋိပန္နော၊ တသ္မိ-  
ယေဝ သမယေ သုပ္ပိယောပိ တံ အဗ္ဗါနမဂ္ဂံ ပဋိပန္နော အဝဏ္ဏံ ဘာသတိ၊  
မြဟ္မဒတ္တော စ ဝဏ္ဏံ ဘာသတိတိ။ **နိပါတမတ္တန္တိ** ဧတ္ထ မတ္တသဒ္ဓေန ဝိသေ-  
သတ္တာဘာဝတော ပဒပူရဏတ္ထံ ဒဿေတိ။ **မရုပိဏ္ဍိကပရိယာယောတိ** မရု-  
ပိဏ္ဍိကဒေသနာ နာမ ဣတိ နံ သုတ္တန္တံ **ဓာရေဟိ**၊ ရာဇညာတိ ပါယာသိ-  
ရာဇညနာမကံ ရာဇာနမာလပတိ။ ပရိယာယတိ ပရိဝတ္တတိတိ **ပရိယာယော**၊  
ဝါရော။ ပရိယာယေတိ ဒေသေတဗ္ဗမတ္ထံ ပဋိပါဒေတိတိ **ပရိယာယော**၊ ဒေသ-  
နာ။ ပရိယာယတိ အတ္တနော ဖလံ ပဋိဂ္ဂဟေတွာ ပဝတ္တတိတိ **ပရိယာယော**၊  
ကာရဏံ။ အနေကသဒ္ဓေနော အနေကဝိနေနောတိ အတ္တော ဝိညာယတိ

အဓိပ္ပါယ်မထွေ့နာတိ အာဟ “အနေကဝိဇေနာ”တိ။ ကာရဏဉ္စေတ္ထ ကာရဏ-  
ပတိရူပကမေဝ၊ န ကေသကာရဏံ အဝဏ္ဏကာရဏဿ အဘူတတ္တာ၊ တသ္မာ  
ကာရဏေနာတိ ကာရဏပတိရူပကေနာတိ အတ္ထော။ တထာ ဟိ ဝက္ခတိ  
“အကာရဏမေဝ ‘ကာရဏ’န္တိ ဝတ္တာ”တိ။ ဇာတိဝသေနိဒံ ဗဟုတ္ထေ ဧကဝစ-  
နန္တိ ဒဿေတိ “ဗဟူဟိ”တိအာဒိနာ။

“အဝဏ္ဏဝိရဟိတဿ အသမာနဝဏ္ဏသမန္တာဂတဿပီ”တိ ဝက္ခမာနကာ-  
ရဏဿ အကာရဏဘာဝဟေတုဒဿနတ္ထံ ဝုတ္တံ၊ ဒေါသဝိရဟိတဿပီ အသ-  
ဒိသဂုဏသမန္တာဂတဿာပီတိ အတ္ထော။ ဗုဒ္ဓဿ ဘဂဝတော အဝဏ္ဏံ ဒေါသံ  
နိန္ဒန္တိ သမ္ပန္နော။ “ယံ လောကေ”တိအာဒိနာ အရသရူပနိဗ္ဗောဂဒဏ်ရိယ-  
ဝါဒဥစ္စေဒဝါဒဇေဂုတ္တိဝေနယိကတပဿီအပဂပ္ပဘာဝါနံ ကာရဏပတိရူပကံ  
ဒဿေတိ။ တသ္မာတိ ဟိ ဧတံ “အရသရူပေါ။ပ။ အပဂပ္ပော”တိ ဣမေဟိ  
ပဒေဟိ သမ္ပန္နိတဗ္ဗံ။ ဣဒံ ဝုတ္တံ ဟောတိ—လောကသမ္ပတော အဘိဝါဒန-  
ပစ္စုဋ္ဌာနအဇ္ဇလိကမ္ပသာမိစိကမ္ပအာသနာဘိနိမန္တနသင်္ခါတော သာမဂ္ဂိရသော  
သမဏဿ ဂေါတမဿ နတ္ထိ၊ တသ္မာ သော သာမဂ္ဂိရသသင်္ခါတေန  
ရသေန အသမ္ပန္နသဘာဝေါ၊ တေန သာမဂ္ဂိရသသင်္ခါတေန ပရိဘောဂေန  
အသမန္တာဂတော။ တဿ အကတ္တဗ္ဗတာဝါဒေါ၊ ဥစ္စိဇ္ဇိတဗ္ဗတာဝါဒေါ  
စ၊ တံ သဗ္ဗံ ဂူထံ ဝိယ မဏ္ဍနဇာတိယော ပုရိသော ဇေဂုတ္တိ။ တဿ  
ဝိနာသကော သောဝ တဒကရဏတော ဝိနေတဗ္ဗော။ တဒကရဏေန  
ဝယောဝုဓေ တာပေတိ၊ တဒါစာရဝိရဟိတတာယ ဝါ ကပဏပုရိသော။ တဒ-  
ကရဏေန ဒေဝလောကဂပ္ပတော အပဂတော၊ တဒကရဏတော ဝါ သော  
ဟိနဂပ္ပော စာတိ ဧဝံ တဒေဝ အဘိဝါဒနာဒိအကရဏံ အရသရူပတာဒီနံ  
ကာရဏပတိရူပကံဒဋ္ဌဗ္ဗံ။ “နတ္ထိ။ပ။ ဝိသေသော”တိ ဧတဿ ပန “သုန္ဒရိကာ-  
ယ နာမ ပရိဗ္ဗာဇိကာယ မရဏာနဝဗောဓော၊ သံသာရဿ အာဒိကောဋိ-  
ယာ အပညာယနပဋိညာ၊ ဌပနိယပုစ္ဆာယ အဗျာကတဝတ္ထုဗျာကရဏ”န္တိ  
ဝေမာဒီနိ ကာရဏပတိရူပကာနိ နိဒ္ဒါရိတဗ္ဗာနိ၊ တထာ “တက္ကပရိယာဟ-  
တံ သမဏော။ပ။ သယမ္ပဋိဘာန”န္တိ ဧတဿ “အနာစရိယကေန သာမံ ပဋိ-  
ဝေဓေန တတ္ထ တတ္ထ တထာ တထာ ဓမ္မဒေသနာ၊ ကတ္ထစိ ပရေသံ ပဋိ-  
ပုစ္ဆာကထနံ၊ မဟာမောဂ္ဂလ္လာနာဒိဟိ အာရောစိတနယေနော ဗျာကရဏ”န္တိ  
ဝေမာဒီနိ၊ “သမဏော။ပ။ န အဂ္ဂပုဂ္ဂလော”တိ ဧတေသံ ပန “သဗ္ဗဓမ္မာနံ

ကမေနေဝ အနဝဗောဓော၊ လောကန္တဿ အဇာနနံ၊ အတ္တနာ ဣစ္ဆိတ-  
 တပစာရာဘာဝေါ”တိ ဝေမာဒီနိ။ ဈာနဝိမောက္ခာဒိ ဟေဋ္ဌာ ဝုတ္တနယေန  
 ဥတ္တရိမနဿဓမ္မော။ အရိယံ ဝိသုဒ္ဓိံ၊ ဥတ္တမံ ဝါ ဉာဏသင်္ခါတံ ဒဿနံ၊ အလံ  
 ကိလေသဝိဒ္ဓိသနသမတ္တံ အရိယဉာဏဒဿနံ ဧတ္ထ၊ ဧတဿာတိ ဝါ အလ-  
 မရိယဉာဏဒဿနော။ သွေဝ ဝိသေသော တထာ။ အရိယဉာဏဒဿနမေဝ  
 ဝါ ဝိသေသံ ဝုတ္တနယေန အလံ ပရိယတ္တံ ယဿ၊ ယသ္မိန္တိ ဝါ အလမရိယ-  
 ဉာဏဒဿနဝိသေသော၊ ဥတ္တရိမနဿဓမ္မောဝ။ တက္ကပရိယာဟတန္တိ ကပ္ပ-  
 နာမတ္တေန သမန္တတော အာဟရိတံ၊ ဝိတက္ကေန ဝါ ပရိသုဒ္ဓိတံ။ ဝိမံသာနု-  
 စရိတန္တိ ဝိမံသနာယ ပုနပျုနံ ပရိမဇ္ဇိတံ။ သယဗ္ဗုဒ္ဓိဘာနန္တိ သယမေဝ အတ္တနော  
 ဝိဘူတံ၊ တာဒိသံ ဓမ္မန္တိ သမ္ပန္နော။ အကာရဏန္တိ အယုတ္တံ အနုပပတ္တိံ။  
 ကာရဏပဒေ စေတံ ဝိသေသနံ။ န ဟိ အရသရူပတာဒယော ဒေါသာ  
 ဘဂဝတိ သံဝိဇ္ဇန္တိ၊ ဓမ္မသံသေသု စ ဒုရက္ခာတဒုပ္ပုဋ္ဌိပန္နာဒယော။ အကာရဏန္တိ  
 ဝါ ယုတ္တိကာရဏရဟိတံ အတ္တနာ ပဋိညာမတ္တံ။ ပကတိကမ္မပဒဇ္ဇေတံ။ ဣမသ္မိဉ္စ  
 အတ္ထေ ကာရဏံ ဝတ္ထာတိ ဧတ္ထ ကာရဏံ ဣဝါတိ ဣဝ-သဒ္ဓတ္ထော ရူပကနယေန  
 ယောဇေတဗ္ဗော ပတိရူပကကာရဏဿ အဓိပ္ပေတတ္တာ။ တထာ တထာတိ  
 ဇာတိဝုဗ္ဗာနမနဘိဝါဒနာဒိနာ တေန တေန အာကာရေန။ ဝဏ္ဏသဒ္ဓဿ  
 ဂုဏပသံသာသု ပဝတ္တနတော ယထာက္ကမံ “အဝဏ္ဏံ ဒေါသံ နိဗ္ဗ”န္တိ ဝုတ္တံ။

ဒုရက္ခာတောတိ ဒုဠုမာက္ခာတော၊ တထာ ဒုပ္ပုဋ္ဌိဝေဒိတော။ ဝဋ္ဋတော  
 နိယျာတိတိ နိယျာနံ၊ တဒေဝ နိယျာနိကော၊ တတော ဝါ နိယျာနံ နိဿရဏံ၊  
 တတ္ထ နိယုတ္တောတိ နိယျာနိကော။ ဝဋ္ဋတော ဝါ နိယျာတိတိ နိယျာနိကော  
 ယ-ကာရဿ က-ကာရံ၊ ဤ-ကာရဿ စ ရဿံ ကတွာ။ “အနိယ-သဒ္ဓေါ ဟိ  
 ဗဟုလာ ကတ္ထုအဘိဓာယကော”တိ သဒ္ဓဝိဒူ ဝဒန္တိ၊ န နိယျာနိကော တထာ။  
 သံသာရဒုက္ခဿ အနုပသမသံဝတ္တနိကော ဝုတ္တနယေန။ ပစ္စနိကပဋိပဒန္တိ  
 သမ္မာပဋိပတ္တိယာ ဝိရုဒ္ဓပဋိပဒံ။ အနုနုလောမပဋိပဒန္တိ သပ္ပုရိသာနံ အန-  
 နုလောမပဋိပဒံ။ အဓမ္မာနုလောမပဋိပဒန္တိ လောကုတ္တရဓမ္မဿ အနုနုလောမ-  
 ပဋိပဒံ။ ကသ္မာပနေတ္ထ “အဝဏ္ဏံ ဘာသတိ၊ ဝဏ္ဏံ ဘာသတိ”တိ စ ဝတ္တမာနကာ-  
 လနိဒ္ဓေသော ကတော၊ နနု သင်္ဂတိကာလတော သော အဝဏ္ဏဝဏ္ဏာနံ ဘာသန-  
 ကာလော အဘိတောတိ? သစ္စမေတံ၊ “အဒ္ဓါနမဂ္ဂပဋိပန္နော ဟောတိ”တိ ဧတ္ထ  
 ဟောတိ-သဒ္ဓေါ ဝိယ အတိတကာလတ္ထတ္တာ ပန ဘာသတိ-သဒ္ဓဿ ဧဝံ ဝုတ္တန္တိ  
 ဒဋ္ဌဗ္ဗံ။ အထ ဝါ ယသ္မိံ ကာလေ တေဟိ အဝဏ္ဏော ဝဏ္ဏော စ ဘာသိယတိ၊

တမပေက္ခိတွာ ဧဝံ ဝုတ္တံ၊ ဧဝံ ကတွာ “တကြာ”တိ ပဒဿ ကာလပဋိ-  
နိဒ္ဒေသဝိကပ္ပနံ အဋ္ဌကထာယံ အဝုတ္တမ္ပိ သုပပန္နံ ဟောတိ။

“သုပ္ပိယဿ ပန ။ပ။ ဘာသတိ”တိ ပါဠိယာ သမ္ပန္နဒဿနံ “**အန္တေဝါသီ ပနဿာ**”တိအာဒိဝစနံ။ **အပရာမသိတဗ္ဗံ** အရိယူပဝါဒကမ္ပံ၊ တထာ **အနတ္တမိတဗ္ဗံ**။ သွာယန္တိ သော အာစရိယော။ **အသိဓာရန္တိ** အသိနော တိခိဏဘာဂံ။ **ကကဝန္တပန္တိယန္တိ** ခန္တကကဿ ဒန္တသင်္ခါဘာယ ဝိသမပန္တိယာ။ ဟတ္ထေန ဝါပါဒေန ဝါယေန ကေနစိ ဝါအင်္ဂပစ္စင်ေန ပဟရိတွာ **ကိဋ္ဌမာနော ဝိယ**။ အက္ခိကဏ္ဍကောသသင်္ခါတဋ္ဌာနဝသေန တိဟိ ပကာရေဟိ ဘိန္နော မဒေါ ယဿာတိ **ပဘိန္တမဒေါ**၊ တံ။ **အဝဏ္ဏံ ဘာသမာနော**တိ အဝဏ္ဏံ ဘာသန-  
ဟေတု။ ဟေတုအတ္ထော ဟိ အယံ မာန-သဒ္ဓေါ။ န အယော ဝုမ္ပိ **အနယော**။ သောယေဝ **ဗျသနံ**၊ အတိရေကဗျသနန္တိ အတ္ထော၊ တံ **ပါပုဏိဿတိ** ကေန္တမဟာသာဝဇ္ဇတ္တာ ရတနတ္ထယောပဝါဒဿ။ တေနောပါဟ—

“ယော နိဋ္ဌိယံ ပသံသတိ၊  
တံ ဝါ နိဋ္ဌတိ ယော ပသံသိယော။  
ဝိစိနာတိ မုခေန သော ကလိံ၊  
ကလိနာ တေန သုခံ န ဝိဋ္ဌတိ”တိ။

“**အပ္ပာကံ အာစရိယော**”တိအာဒိနာ ဗြဟ္မဒတ္တဿ သံဝေဂပ္ပတ္တိံ၊ အတ္တနော အာစရိယေ စ ကာရုညပ္ပဝတ္တိံ ဒဿေတွာ ကိဉ္ဇာပိ အန္တေဝါသီနာ အာစရိ-  
ယဿ အနုကူလေန ဘဝိတဗ္ဗံ၊ အယံ ပန ပဏ္ဍိတဇာတိကတ္တာ န ဤဒိသေသု  
ဌာနေသု တမနဝတ္တတိတိ ဣဒါနိဿ ကမ္မဿကတာဉာဏပ္ပဝတ္တိံ ဒဿေန္တော  
“**အာစရိယေ ခေါ ပနာ**”တိအာဒိမာဟ။ **ဟလာဟလန္တိ** တင်္ခိဏညေဝ  
မာရဏကံ ဝိသံ။ ဟနတိတိ ဟိ **ဟလော** န-ကာရဿ လ-ကာရံ ကတွာ၊  
ဟလာနမ္ပိ ဝိသေသော ဟလော ဟလာဟလော မဇ္ဈေဒီဃဝသေန၊ ဧတေန  
စ အညေ အဋ္ဌဝိဓေ ဝိသေ နိဝတ္တေတိ။ ဝုတ္တဉ္စ—

“ပုမေ ပဏ္ဍေ စ ကာကောလ၊ ကာဠုကုဋ္ဌဟလာဟလာ။  
သရောတ္ထိကောသုင်္ဂိကေ ယော၊ ဗြဟ္မပုတ္တော ပဒီပနော။  
ဒါရဒေါ ဝစ္ဆနာဘော စ၊ ဝိသဘေဒါ ဣမေ နဝါ”တိ။

၁-ခု ၁-ခုဂံ၊ သံ ၁-၁၅၊ ၁၅၄၊ အံ ၁-၃၁၉၊ ခု ၁၀-၁၁၁-ပိဋ္ဌေသု။

၂-အမရကောသ-ဂ-၁၀-အဘိဓာန ဋီ-၆၅၅-ပိဋ္ဌေ။

ခရောဒကန္တိ စဏ္ဍသောတောဒကံ။ “ခါရောဒက”န္တိပိ ပါဌော၊ အတိလော-  
 ဏတာယ တိတ္ထောဒကန္တိ အတ္ထော။ နရကပပါတန္တိ စောရပပါတံ။ မာဏ-  
 ဝကာတိ အတ္တာနမေဝ ဩဝဒိတုံ အာလပတိ “သမယောပိ ခေါ တေ  
 ဘဒ္ဒါလိ အပ္ပုဋ္ဌိဝိဒ္ဓေါအဟောသိ”တိအာဒိသု<sup>၁</sup>ဝိယ။ “ကမ္မဿကာ”တိ ကမ္မမေဝ  
 အတ္တသန္တကဘာဝံ ဝတွာ တဒေဝ ဝိဝရတိ “အတ္တနော ကမ္မာနုရူပမေဝ ဂတိ”  
 ဝန္တိန္တိ”တိအာဒိနာ။ ယောနိသောတိ ဥပါယေန ဉ္ဗယေန။ ဥမ္မုဇ္ဇိတွာတိ  
 အာစရိယော ဝိယ အယောနိသော အရိယူပဝါဒေ အနိမ္မုဇ္ဇန္တော ယောနိသော  
 အရိယူပဝါဒတော ဥမ္မုဇ္ဇိတွာ၊ ဥဒ္ဓံ ဟုတွာတိ အတ္ထော။ မဒ္ဒမာနောတိ  
 မဒ္ဒန္တော ဘိဒ္ဓန္တော။ ကေသကာရဏမေဝ ဣဓ ကာရဏန္တိ ဒဿေတုကာမေန  
 “သမ္မာ”တိ ဝုတ္တံ။ “ယထာ တ”န္တိအာဒိနာ တဿ သမာရဒ္ဓဘာဝံ ဒဿေတိ၊  
 တန္တိ စ နိပါတမတ္တံ။ ဣဒံ ဝုတ္တံ ဟောတိ—ယထာ အညော ပဏ္ဍိတသဘာဝေါ  
 ဇာတိအာစာရဝသေန ကုလပုတ္တော အနေကပရိယာယေန တိဏ္ဍံ ရတနာနံ  
 ဝဏ္ဏံ ဘာသိတုမာရဘတိ၊ တထာ အယမ္ပိ အာရဒ္ဓေါ၊ တဉ္စ ခေါ အပိ နာမာ-  
 ယမာစရိယော ဧတ္တကေနာပိ ရတနတ္ထယာဝဏ္ဏဘာသတော ဩရမေယျာတိ။

သပ္ပရာဇဝဏ္ဏန္တိ အဟိရာဇဝဏ္ဏံ။ ဝဏ္ဏပေါက္ခရတာယာတိ ဝဏ္ဏသုန္ဓရတာ-  
 ယ၊ ဝဏ္ဏသရီရေန ဝါ။ ဝါရိဇံ ကမလံ န ပဟရာမိ န ဘဉ္ဇာမိ၊ အာရာ ဒူရတောဝ  
 ဥပသိဃံာမိတိ အတ္ထော။ အထာတိ ဧဝံ သန္တေပိ။ ဂန္ဓတ္ထေနောတိ ဂန္ဓစော-  
 ရော။ သညုဋ္ဌာတိ ဂန္တိတာ ဗန္တိတာ။ ဂဟပတိတိ ဥပါလိဂဟပတိ<sup>၂</sup> နာဠုပုတ္တဿ  
 အာလပနံ။ ဧတ္ထ စ ဝဏ္ဏိတဗ္ဗော “အယမိဒိသော”တိ ပကာသေတဗ္ဗောတိ  
 ဝဏ္ဏော၊ သဏ္ဌာနံ။ ဝဏ္ဏိယတိ အသင်္ကရတော ဝဝတ္ထာပိယတိတိ ဝဏ္ဏော၊  
 ဇာတိ။ ဝဏ္ဏေတိ ဝိကာရမာပဇ္ဇမာနံ ဟဒယင်္ဂတဘာဝံ ပကာသေတိတိ  
 ဝဏ္ဏော၊ ရူပါယတနံ။ ဝဏ္ဏိယတိ ဖလမေတေန ယထာသဘာဝတော  
 ဝိဘာဝိယတိတိ ဝဏ္ဏော၊ ကာရဏံ။ ဝဏ္ဏိယတိ အပ္ပမဟန္တာဒိဝသေန ပမီယ-  
 တိတိ ဝဏ္ဏော၊ ပမာဏံ။ ဝဏ္ဏိယတိ ပသံသိယဘိတိ ဝဏ္ဏော၊ ဂုဏော။ ဝဏ္ဏနံ  
 ဂုဏသင်္ကိတ္တနံ ဝဏ္ဏော၊ ပသံသာ။ ဧဝံ တတ္ထ တတ္ထ ဝဏ္ဏသဒ္ဓသုပ္ပတ္တိ ဝေဒိ-  
 တဗ္ဗော။ အာဒိသဒ္ဓေန ဇာတရူပပုဋိနက္ခရာဒယော သင်္ကဏှာတိ။ “ဣဓ ဂုဏောပိ  
 ပသံသာပိ”တိ ဝုတ္တမေဝ သမတ္ထေတိ “အယံ ကိရာ”တိအာဒိနာ။ ကိရာတိ  
 စေတ္တ အနုဿဝနတ္ထေ၊ ပဒပူရဏမတ္ထေ ဝါ။ ဂုဏူပသဉ္ဌိတန္တိ ဂုဏောပသညုတ္တံ။  
 “ဂုဏူပသဉ္ဌိတံ ပသံသ”န္တိ ပန ဝဒန္တော ပသံသာယ ဧဝ ဂုဏဘာသနံ သိဒ္ဓိ  
 တဿာ တဒဝိနာဘာဝတော၊ တသ္မာ ဣဒမတ္တဒယံ ယုဇ္ဇတိတိ ဒဿေတိ။

ကထံ ဘာသတိတိ အာဟ “တတ္ထာ”တိအာဒိ။ ဧကော စ သော ပုဂ္ဂလော စာတိ **ဧကပုဂ္ဂလော**။ ကေနဌေန ဧကပုဂ္ဂလော? အသဒိသဌေန, ဂုဏဝိသိဌဌေန, အသမသမဌေန စ။ သော ဟိ ပဌမာဘိနိဟာရကာလေ ဒသန္တံ ပါရမီနံ ပဋိ-  
 ပါဋိယာ အာဝဇ္ဇနံ အာဒိံ ကတွာ ဗောဓိသတ္တရာသမ္ဘရဏဂုဏေဟိ စေဝ  
 ဗုဒ္ဓဂုဏေဟိ စ သေသမဟာဇနေန အသဒိသော။ ယေ စဿ ဂုဏာ၊ တေပိ  
 အညသတ္တာနံ ဂုဏေဟိ ဝိသိဌာ၊ ပုရိမကာ စ သမ္မာသမ္ဗုဒ္ဓါ သဗ္ဗသတ္တေဟိ  
**အသမော**၊ တေဟိ ပန အယမေဝေကော ရူပကာယနာမကာယေဟိ **သမော**။  
**လောကေတိ** သတ္တလောကေ။ “**ဥပ္ပဇ္ဇမာနော ဥပ္ပဇ္ဇတိ**”တိ ပန ဣဒံ ဥဘယမ္ပိ  
 ဝိပွကတဝစနမေဝ ဥပ္ပါဒကိရိယာယ ဝတ္တမာနကာလိကတ္တာ။ **ဥပ္ပဇ္ဇမာနော**  
 ဗဟုဇနဟိတာယ **ဥပ္ပဇ္ဇတိ**၊ န အညေန ကာရဏေနာတိ ဧဝံ ပနေတ္ထ အတ္ထော  
 ဝေဒိတဗ္ဗော။ လက္ခဏေ ဟေသ မာန-သဒ္ဓေါ၊ ဧဝရူပဉ္စေတ္ထ လက္ခဏံ န သက္ကာ  
 အညေန သဒ္ဓလက္ခဏေန ပဋိဗာဟိတုံ။ အပိစ ဥပ္ပဇ္ဇမာနော နာမ, ဥပ္ပဇ္ဇတိ  
 နာမ, ဥပ္ပဇ္ဇော နာမာတိ အယမေတ္ထ ဘေဒေါ ဝေဒိတဗ္ဗော။ ဧသ ဟိ ဒီပင်္ကရ-  
 ပါဒမူလတော ပဌာယ ယာဝ အနာဂါမိဖလံ၊ တာဝ ဥပ္ပဇ္ဇမာနော နာမ၊ အရ-  
 ဟတ္တမဂ္ဂက္ခဏေ ဥပ္ပဇ္ဇတိ နာမ၊ အရဟတ္တဖလက္ခဏေ ဥပ္ပဇ္ဇော နာမ။ ဗုဒ္ဓါနဉ္စိ  
 သာဝကာနံ ဝိယ န ပဋိပါဋိယာ ဣဒ္ဓိဝိဉ္ဇေဏာဒိနိ ဥပ္ပဇ္ဇန္တိ၊ သဟေဝ ပန အရ-  
 ဟတ္တမဂ္ဂေန သကလောပိ သဗ္ဗညုဂုဏရာသိ အာဂတောဝ နာမ ဟောတိ၊ တဿ  
 နိဗ္ဗုတ္တသဗ္ဗကိစ္စတ္တာ အရဟတ္တဖလက္ခဏေ ဥပ္ပဇ္ဇော နာမ၊ တဒနိဗ္ဗုတ္တတ္တာ တဒ-  
 ဉ္ဇက္ခဏေ ယထာရဟံ “ဥပ္ပဇ္ဇမာနော ဥပ္ပဇ္ဇတိ”စ္စေဝ ဂုဏတိ။ ဣမသ္မိမ္ပိ သုတ္တေ အရ-  
 ဟတ္တဖလက္ခဏံယေဝ သန္တာယ “ဥပ္ပဇ္ဇတိ”တိ ဂုဏံ။ အတိတကာလိကဿာပိ  
 ဝတ္တမာနပယောဂဿ ကတ္တမိ ဒိဌတ္တာ ဥပ္ပဇ္ဇော ဟောတိတိ အယဉ္ဇေတ္ထ အတ္ထော။  
 ဧဝံ သတိ “ဥပ္ပဇ္ဇမာနော”တိ စေတ္ထ မာန-သဒ္ဓေါ သာမတ္ထိယတ္ထော။ ယာဝတာ  
 သာမတ္ထိယေန မဟာဗောဓိသတ္တာနံ စရိမဘဝေ ဥပ္ပတ္တိ ဣတ္ထိတဗ္ဗာ၊ တာဝတာ  
 သာမတ္ထိယေန ဗောဓိသတ္တရာဘူတေန ပရိပုဏ္ဏေန သမန္နာဂတော ဟုတွာတိ  
 အတ္ထော။ တထာသာမတ္ထိယယောဂေန ဟိ ဥပ္ပဇ္ဇမာနော နာမာတိ။ သဗ္ဗ-  
 သတ္တေဟိ **အသမော**၊ အသမေဟိ ပုရိမဗုဒ္ဓေဟေဝ **သမော** မဇ္ဈေ ဘိန္နသုဝဏ္ဏ  
 နိက္ခံ ဝိယ နိဗ္ဗိသိဌော၊ “ဧကပုဂ္ဂလော”တိ စေတဿ ဝိသေသနံ။  
 အာလယသင်္ခါတံ တဏှံ သမုပ္ပါတေတိ သမုပ္ပါဒတိတိ **အာလယသမုပ္ပါ-  
 တော**။ ဝဋ္ဋံ ဥပတ္တိန္ဒတိတိ **ဝဋ္ဋုပစ္ဆေဒေါ**။

ပဟောန္တေနာတိ သက္ကာန္တေန။ “ပဉ္စနိကာယေ”တိ ဝတုာပိ အနေကာ-  
 ဝယဝတ္တာ တေသံ န ဧတ္တကေန သဗ္ဗထာ ပရိယာဒါနန္တိ “နဝင်္ဂံ သတ္ထုသုသနံ

စတုရသီတိဓမ္မက္ခန္ဓသဟဿာနီ”တိ ဝုတ္တံ။ အတိတ္ထေနာတိ အနောတရဏ-  
 ဌာနေန။ န ဝတ္တဗ္ဗော အပရိမာဏဝဏ္ဏတ္တာ ဗုဒ္ဓါဒိနံ၊ နိရဝသေသာနဉ္စ တေသံ  
 ဣဓ ပကာသနေန ပါဠိသံဝဏ္ဏနာယ ဧဝ သမ္ပဇ္ဇနတော၊ စိတ္တသမ္ပဟံသနကမ္မ-  
 ဌာနသမ္ပဇ္ဇနဝသေန စ သဖလတ္တာ။ ထာမော ဝေဒိတဗ္ဗော သဗ္ဗထာမေန  
 ပကာသိတတ္တာ။ ကိံ ပန သော တထာ ဩဂါဟေတွာ ဘာသတိတိ အာဟ  
 “မြဟ္မဒတ္တော ပနာ”တိအာဒိ။ အနုက္ကမေန၊ ပုနပ္ပုနံ ဝါ သဝနံ အနုဿဝေါ၊  
 ပရမ္ပရသဝနံ။ အာဒိ-သဒ္ဓေန အာကာရပရိဝိတက္ကဒိဋ္ဌိနိဇ္ဈာနက္ခန္ဓိယော သင်္ဂ-  
 ဏာတိ။ တတ္ထ “သုန္ဓရမိဒံ ကာရဏ”န္တိ ဧဝံ သယမေဝ ကာရဏပရိဝိတက္ကနံ  
 အာကာရပရိဝိတက္ကော။ အတ္တနော ဒိဋ္ဌိယာ နိဇ္ဈာယိတွာ ခမနံ ရစ္စနံ  
 ဒိဋ္ဌိနိဇ္ဈာနက္ခန္ဓိတိ အဋ္ဌကထာသု ဝုတ္တံ၊ တေဟိယေဝ သမ္ပန္နိတေနာတိ အတ္တော။  
 မတ္တ-သဒ္ဓေါ ဟေတ္ထ ဝိသေသနိဝတ္တိအတ္တော၊ တေန ယထာဝုတ္တံ ကာရဏံ  
 နိဝတ္တေတိ။ အတ္တနော ထာမေနာတိ အတ္တနောဉာဏဗလေနော၊ န ပန ဗုဒ္ဓါဒိနံ  
 ဂုဏာနုရူပန္တိ အဓိပ္ပါယော။ အသင်္ချေယျာပရိမေယုပ္ပဘေဒါ ဟိ ဗုဒ္ဓါဒိနံ  
 ဂုဏာ။ ဝုတ္တဉ္စေတံ—

“ဗုဒ္ဓေါပိ ဗုဒ္ဓဿ ဘဏေယျ ဝဏ္ဏံ၊  
 ကပ္ပမ္ပိ စေ အညမဘာသမာနော။  
 ဒီယေထ ကပ္ပေါ စိရဒီဃမန္တရေ၊  
 ဝဏ္ဏော န ဒီယေထ တထာဂတဿာ”တိ။

ဣဓာပိဝက္ခတိ “အပ္ပမတ္တကံ ခေါ ပနေတ”န္တိအာဒိ။

ဣတိ-သဒ္ဓေါ နိဒဿနတ္တော ဝုတ္တပ္ပကာရံ နိဒဿေတိ။ ဟ-ကာရော  
 နိပါတမတ္တန္တိ အာဟ “ဧဝံ တေ”တိ။ “အညမညဿာ”တိ ဣဒံ ရုဠိပဒံ “ကော  
 ကောယာ”တိ၊ ပဒံ ဝိယာတိ ဒဿေန္တော “အညောအညဿာ”တိ ရုဠိပဒေနော  
 ဝိဝရတိ။ “ဥဇုမေဝါ”တိ သာဝဓာရဏသမာသတံ ဝတွာ တေန နိဝတ္တေတဗ္ဗတ္ထံ  
 အာဟ “ဤသကမ္ပိ အပရိဟရိတွာ”တိ၊ အောကတရမ္ပိ အဝိရဇ္ဈိတွာတိ အတ္တော။  
 ကထန္တိ အာဟ “အာစရိယေန ဟိ”တိအာဒိ။ ပုဗ္ဗေကေဝါရမိဝ အဝဏ္ဏဝဏ္ဏ-  
 ဘာသနေ နိဒ္ဒိဋ္ဌေပိ “ဥဇုပိပစ္စနိကဝါဒါ”တိ၊ ဝုတ္တတ္တာ အနေကဝါရမေဝ တေ ဧဝံ  
 ဘာသန္တိတိ ဝေဒိတဗ္ဗန္တိ ဒဿေတုံ “ပုန ဣတရော အဝဏ္ဏံ ဣတရော ဝဏ္ဏံ”န္တိ  
 ဝုတ္တံ။ တေန ဟိ ဝိသဒ္ဓဿ ဝိဝိဇ္ဈေတံ သမတ္တေတိ။ သာရဖလကေတိ

၁-ဒီ-ဋ္ဌ ၁-၂၅၇၊ ဒီ-ဋ္ဌ ၃-၆၁၊ မ-ဋ္ဌ ၃- ၂၀၉၊ ဥဒါန-ဋ္ဌ-၃၀၅၊ အပဒါန-ဋ္ဌ ၂-၉၁၊

စရိယာပိဝုဏ္ဏ-ဋ္ဌ-၉၊ ၃၂၉၊ ဗုဒ္ဓဝံသ-ဋ္ဌ-၁၆၃-ပိဋ္ဌေသု။

၂-ပိ ၁-၂၀၆၊ ၂၉၀-ပိဋ္ဌေသု။

၃-ဒီ ၁-၁-ပိဋ္ဌေ။

သာရဒါရုဖလကေ၊ ဥတ္တမဖလကေ ဝါ။ ဝိသရုက္ခအာဏိန္တိ ဝိသဒါရုမယ-  
ပဋ္ဌာဏိ။ ဣရိယာပထာနုဗန္ဓနေန အနုဗန္ဓာ ဟောန္တိ၊ န သမ္မာပဋိပတ္တိ-  
အနုဗန္ဓနေန။

သီသာနုလောကိနောတိ သီသေန အနုလောကိနော၊ သီသံ ဥက္ခိပိတွာ  
မဂ္ဂါနုက္ကမေန ဩလောကယမာနာတိ အတ္ထော။ တသ္မိံ ကာလေတိ  
ယမိ သံဝစ္ဆရေ၊ ဥတုမိ၊ မာသေ၊ ပက္ခေ ဝါ ဘဂဝါ တံ အဒ္ဓါနမဂ္ဂံ ပဋိပန္နော၊  
တသ္မိံ ကာလေ။ တေန ဟိ အနိယမတော သံဝစ္ဆရဥတုမာသမုမာသာဝ  
နိဒ္ဓိသိတာ “တံ ဒိဝသ”န္တိ ဒိဝသဿ ဝိသုံနိဒ္ဓိဋ္ဌတ္တာ၊ မဟုတ္တာဒိနန္တံ ဒိဝသပရိယာ-  
ပန္နတော။ “တံ အဒ္ဓါနံ ပဋိပန္နော”တိ စေတ္ထ အာဓာရဝစနမေတံ။ တေနေဝ  
ဟိ ကိရိယာဝိစ္ဆေဒဒဿနဝသေန “ရာဇဂဟေ ပိဏ္ဍာယ စရတိ”တိ သဟ  
ပုဗ္ဗကာလကိရိယာဟိ ဝတ္တမာနနိဒ္ဓေသော ကတော၊ ဣတရဏာ တသ္မိံ  
ကာလေ ရာဇဂဟေ ပိဏ္ဍာယ စရတိ၊ တံ အဒ္ဓါနမဂ္ဂန္တံ ပဋိပန္နောတိ အနဓိပ္ပေ-  
တတ္ထော အာပဇ္ဇေယျ။ န ဟိ အသမာနဝိသယာ ကိရိယာ ကောဓာရာ  
သမ္ဘဝန္တိ၊ ယာ စေတ္ထ အဓိပ္ပေတာ အဒ္ဓါနပဋိပဇ္ဇနကိရိယာ၊ သာ စ အနိယမိတာ  
န ယုတ္တာတိ။ ရာဇဂဟပရိဝတ္တကေသုတိ ရာဇဂဟံ ပရိဝတ္တေတွာ ဌိတေသု။  
“အညတရသ္မိ”န္တိ ဣမိနာ တေသု ဘဂဝတော အနိဗဒ္ဓဝါသံ ဒေသေတိ။  
သောတိ ဧဝံ ရာဇဂဟေ ဝသမာနော သော ဘဂဝါ။ ပိဏ္ဍာယ စရဏေနပိ  
ဟိ တတ္ထ ပဋိဗဒ္ဓဘာဝဝစနတော သန္တိဝါသတ္တမေဝ ဒေသေတိ။ ယဒိ ပန  
“ပိဏ္ဍာယ စရမာနော သော ဘဂဝါ”တိ ပစ္စာမသေယျ၊ ယထာဝုတ္တောဝ  
အနဓိပ္ပေတတ္ထော အာပဇ္ဇေယျာတိ။ တံ ဒိဝသန္တိ ယံ ဒိဝသံ အဒ္ဓါနမဂ္ဂံ ပဋိပန္နော၊  
တံ ဒိဝသံ။ တံ အဒ္ဓါနံ ပဋိပန္နောတိ ဧတ္ထ အစ္စန္တသံယောဂဝစနမေတံ။ ဘတ္တ-  
ဘုဉ္ဇနတော ပစ္စာ ပစ္စာဘတ္တံ၊ တသ္မိံ ပစ္စာဘတ္တသမယေ။ ပိဏ္ဍပါတပဋိက္ခ-  
န္တောတိ ယတ္ထ ပိဏ္ဍပါတတ္ထာယ စရိတွာ ဘုဉ္ဇန္တိ၊ တတော အပက္ခန္တော။ တံ  
အဒ္ဓါနံ ပဋိပန္နောတိ “နာဠန္ဒာယံ ဝေနယျာနံ ဝိဝိဓဟိတသုခနိပ္ပတ္တိ” အာကင်္ခ-  
မာနော ဣမိဿာ အဠာပ္ပတ္တိယာ တိဝိဓသီလာလင်္ကတံ နာနာဝိဓကုဟနလပ-  
နာဒိမိစ္ဆာဇီဝဝိဒ္ဓံသနံ ဒွါသဌိဒိဌိဇာလဝိနိဝေဋ္ဌနံ ဒသသဟသိလောကဓာတု-  
ပကမ္ပနံ မြဟ္မဇာလသုတ္တံ ဒေသေဿာမီ”တိ တံ ယထာဝုတ္တံ ဒီဃမဂ္ဂံ ပဋိပန္နော၊  
ဣဒံ ပန ကာရဏံ ပကရဏတောဝ ပါကဋန္တိ န ဝုတ္တံ။ ဧတ္တာဝတာ “ကဿာ ပန  
ဘဂဝါ တံ အဒ္ဓါနံ ပဋိပန္နော”တိ စောဒနာ ဝိသောမိတာ ဟောတိ။

ဣဒါနိ ဣတရမ္ပိ စောဒနံ ဝိသောမိတုံ “သုပ္ပိယောဝီ”တိ ဝုတ္တံ။  
တသ္မိံ ကာလေ၊ တံ ဒိဝသံ အနုဗန္ဓောတိ စ ဝုတ္တနယေန သမ္ပန္နော။

ပါတော အသိတဗ္ဗောတိ ပါတရာသော၊ သော ဘုတ္တော ယေနာတိ ဘုတ္တ-  
 ပါတရာသော။ ဣစ္ဆေဝါတိ ဧဝမေဝ မနသိ သန္တိဓာယ၊ န ပန “ဘဂဝန္တံ၊ ဘိက္ခု-  
 သံဃဉ္စ ပိဋ္ဌိတော ပိဋ္ဌိတော အနုဗန္ဓိဿာမိ”တိ။ တေန ဝုတ္တံ “ဘဂဝတော တံ မဂ္ဂံ  
 ပဋိပန္နဘာဝံ အဇာနန္တောဝါ”တိ၊ တထာ အဇာနန္တော ဧဝ ဟုတွာ  
 အနုဗန္ဓောတိ အတ္ထော။ န ဟိ သော ဘဂဝန္တံ ဒဠုမေဝ ဣစ္ဆတိ၊ တေနာဟ  
 “သစေ ပန ဇာနေယျ၊ နာနုဗန္ဓေယျာ”တိ။ ဧတ္တာဝတာ “ကသ္မာ စ သုပ္ပိယော  
 အနုဗန္ဓော”တိ စောဒနာ ဝိသောဓိတာ ဟောတိ။ “သော”တိ အာဒိနာ အပရမ္ပိ  
 စောဒနံ ဝိသောဓေတိ။ ကဒါဏိ ပန ဘဂဝါ အညတရဝေသေနဝ ဂစ္ဆတိ  
 အင်္ဂုလိမာလဒမနပတ္တုဿာတိ အဘိဂ္ဂမနာဒိသု၊ ကဒါဏိ ဗုဒ္ဓသိရိယာ၊ ဣဓာပိ  
 ဤဒိဿာယ ဗုဒ္ဓသိရိယာတိ ဒဿေတုံ “ဗုဒ္ဓသိရိယာ သောဘမာန”န္တိ အာဒိ  
 ဝုတ္တံ။ သိရိတိ စေတ္ထ သရီရသောဘဂ္ဂါဒိသမ္ပတ္တိ၊ တဒေဝ ဥပမာဝသေန ဒဿေတိ  
 “ရတ္တကမ္ပလပရိက္ခိတ္တမိဝါ”တိ အာဒိနာ။ ဂစ္ဆတိတိ ဇင်္ဂမော ယထာ “စင်္ဂ-  
 မော”တိ။ စဉ္စလမာနေဝ ဂစ္ဆန္တော ဂိရိ၊ တာဒိဿဿ ကနကဂိရိနေဝ သိခရ-  
 မိဝါတိ အတ္ထော။

“တသ္မိံ ကိရာ”တိ အာဒိ တဗ္ဗိဝရဏံ၊ ပါဠိယံ အဒဿိတတ္တာ၊ ပေါရာဏဋ္ဌက-  
 ထာယဉ္စ အနာဂတတ္တာ အနုဿဝသိဒ္ဓါ အယံ ကထာတိ ဒဿေတုံ “ကိရာ”တိ  
 ဝုတ္တန္တိ ဝဒန္တိ၊ တထာ ဝါ ဟောတု အညထာ ဝါ၊ အတ္တနာ အဒိဋ္ဌံ၊ အသုတံ၊  
 အမုတဉ္စ အနုဿဝမေဝါတိ ဒဠုဗ္ဗံ။ နိလဝီတလောဟိတောဒါတမဉ္စိဋ္ဌပဘဿရ-  
 ဝသေန ဆဗ္ဗဏ္ဏာ။ သမန္တောတိ သမန္တတော ဒသဟိ ဒိဿာဟိ။ အသိတိ-  
 ဟတ္ထပ္ပမာဏေတိ တေသံ ရသ္မိနံ ပကတိယာ ပဝတ္တိဋ္ဌာနဝသေန ဝုတ္တံ၊ တသ္မာ  
 သမန္တတော၊ ဥပရိ စ ပစ္စေကံ အသိတိဟတ္ထမတ္ထေ ပဒေသေ ပကတိယာဝ  
 သနိဘူတာ ရသ္မိယော တိဋ္ဌန္တိတိ ဒဠုဗ္ဗံ၊ ဝိနယဋီကာယံ ပန “တာယေဝ  
 ဗျာမပ္ပဘာ နာမ။ ယတော ဆဗ္ဗဏ္ဏာ ရသ္မိယော တဋ္ဌာကတော မာတိကာ ဝိယ  
 ဒသသု ဒိဿာသု ဓာဝန္တိ၊ သာ ယသ္မာ ဗျာမမတ္တာ ဝိယ ခါယတိ၊ တသ္မာ  
 ဗျာမပ္ပဘာတိ ဝုစ္ဆတိ”တိ ဝုတ္တံ၊ သင်္ဂတိသုတ္တဝဏ္ဏနာယံ ပန ဝက္ခတိ  
 “ပုရတ္ထိမကာယတော သုဝဏ္ဏဝဏ္ဏာ ရသ္မိ ဥဋ္ဌဟိတွာ အသိတိဟတ္ထံ ဌာနံ  
 ဂဏှာတိ။ ပစ္စိမကာယတော။ ဒက္ခိဏဟတ္ထတော။ ဝါမဟတ္ထတော သုဝဏ္ဏ-  
 ဝဏ္ဏာ ရသ္မိ ဥဋ္ဌဟိတွာ အသိတိဟတ္ထံ ဌာနံ ဂဏှာတိ။ ဥပရိ ကေသန္တ-  
 တော ပဋ္ဌာယ သဗ္ဗကေသာဝနေဟိ မောရဂီဝဏ္ဏာ ရသ္မိ ဥဋ္ဌဟိတွာ

ဂဂနတလေ အသီတိဟတ္ထံ ဌာနံ ဂဏှာတိ။ ဟေဋ္ဌာ ပါဒတလေဟိ ပဝါဠဝဏ္ဏာ ရသ္မိ ဥဋ္ဌဟိတွာ သနပထဝိယံ အသီတိဟတ္ထံ ဌာနံ ဂဏှာတိ။ ဧဝံ သမန္တာ အသီတိဟတ္ထမတ္ထံ ဌာနံ ဆဗ္ဗဏှာ ဗုဒ္ဓရသ္မိယော ဝိဇ္ဇောတမာနာ ဝိပုန္ဒမာနာ ဝိဓာဝန္တိ”တိ။ ကေဓိ ပန အညထာပိ ပရိကပ္ပနာမတ္တေန ဝဒန္တိ၊ တံ န ဂဟေ-  
 တဗ္ဗံ တထာ အညတ္ထ အနာဂတတ္တာ၊ အယုတ္တတ္တာ စ။ တာသံ ပန ဗုဒ္ဓရသ္မိနံ တဒါ အနိဂ္ဂုဟိတဘာဝဒဿနတ္ထံ “တသ္မိံ ကိရ သမယေ”တိ ဝုတ္တံ။ ပက္ကုသဘိတိ-  
 အဘိဂ္ဂမနာဒိသု ဝိယ ဟိ တဒါ တာသံ နိဂ္ဂုဟနေ ကိဉ္စိ ကာရဏံ နတ္ထိ။  
**အာဓာဝန္တိ**တိ အဘိဓမ္မံ ဒိသံ ဓာဝန္တိ။ **ဝိဓာဝန္တိ**တိ ဝိဝိဓာ ဟုတွာ ဝိဒိသံ ဓာဝန္တိ။

တသ္မိံ ဝနန္တရေ ဒိဿမာနာကာရေန တာသံ ရသ္မိနံ သောဘာ ဝိညာယတိတိ အာဟ “**ရတနာဝေဋ္ဌာ**”တိအာဒိ။ **ရတနာဝေဋ္ဌာ** နာမ ရတန-  
 မယဝဋ်သကံ။ မုဒ္ဒိ အဝတိရက္ခတိတိ ဟိ **အဝေဋ္ဌာ၊ အာဝေဋ္ဌာ** ဝါ၊ မုဒ္ဒမာလာ။  
**ဥက္ကာ** နာမ ယာ သဇောတိဘူတာ၊ တာသံ သတံ၊ နိပတနံ **နိပါတော၊**  
 တဿ နိပါတော၊ တေန သမာကုလံ တထာ။ ပိသိတဗ္ဗတ္တာ ဝိဋ္ဌံ၊ စိနဒေသေ  
 ဇာတံ ဝိဋ္ဌံ **စိနဝိဋ္ဌံ၊** ရတ္တစုဏ္ဏံ၊ ယံ “သိန္ဓုရော”တိပိ ဝုစ္စတိ၊ စိနပိဋ္ဌမေဝ စုဏ္ဏံ။  
 ဝါယုနော ဝေဂေန ဣတော စိတော စ ခိတ္တံ တန္တိ တထာ။ ဣန္ဒဿ ဓနု-  
 လောကသင်္ကေတဝသေနာတိ **ဣန္ဒဓနု၊** သူရိယရသ္မိဝသေန ဂဂနေ ပညာယ-  
 မာနာကာရဝိသေသော။ ကုဋိလံ အစိရဋ္ဌာယိတ္တာ ဝိရူပံ ဟုတွာ ဇဝတိ  
 ဓာဝတိတိ **ဝိဇ္ဇု၊** သာယေဝ လတော တံသဒိသဘာဝေနာတိ တထာ၊ ဝါယု-  
 ဝေဂတော ဝလာဟကသန္ဓေနေနေဝ ဇာတရသ္မိ။ တာယတိ အဝိဇဟနဝသေန  
 အာကာသံ ပါလေတိတိ **တာရာ၊** ဂဏသဒ္ဓေါပစ္စေကံ ယောဇေတဗ္ဗော။ တဿ  
 ပဘာ တထာ။ **ဝိပ္ပုရိတဝိန္နရိတဝိဝါတိ** အာဘာယ ဝိဝိဓံ ဖရမာနံ၊ ဝိဇ္ဇော-  
 တယမာနံ ဝိယ စ။ ဝနဿ အန္တရံ ဝိဝရံ **ဝနန္တရံ၊** ဘဂဝတာ ပတ္တပတ္တ-  
 ဝနပ္ပဒေသန္တိ ဝုတ္တံ ဟောတိ။

အသီတိယာ အနုဗျဉ္ဇနေဟိ<sup>၂</sup> တဗ္ဗနခတာဒိဟိ အနုရုဋ္ဌိတံ တထာ။ **ကမလံ**  
 ပဒုမပုဏ္ဏရိကာနိ၊ အဝသေသံ နီလရတ္တသေတဘေဒံ သရောရူဟံ **ဥပ္ပလံ၊** ဣတိ  
 ပဉ္စဝိဓာ ပဏ္ဍိတဇာတိ ပရိဂ္ဂဟိတာ ဟောတိ။ ဝိကသိတံ ဖုလ္လိတံ တဒုဘယံ  
 ယဿ သရဿ တထာ။ သဗ္ဗေန ပကာရေန ပရိတော သမန္တတော ဖုလ္လတိ  
 ဝိကသတိတိ **သဗ္ဗပေါလီဖုလ္လံ** အ-ကာရဿ အာ-ကာရံ၊ ရ-ကာရဿ စ လ-ကာရံ  
 ကံတွာ ယထာ “ပါလိဘဒ္ဓေါ”တိ၊ တာရာနံ မရိစိ ပဘာ၊ တာယ ဝိကသိတံ

၁-ဒိ-ဋ္ဌ ၃-၁၅၄-ပိဋ္ဌေ၊ ၂-ဇိနာလင်္ကာရဋီကာယ ဝိဇာတမင်္ဂလဝဏ္ဏနာယံ ဝိက္ခာရေ။  
 သိ-ဋီ (နဝ) ၁-၁၃-န-ဗု-သ

ဝိဇ္ဇောတိတံ တထာ။ ဗျာမပ္ပဘာယ ပရိက္ခေပေါ ပရိမဏ္ဍလော၊ တေန  
 ဝိလာသိနိ သောဘိနိ တထာ။ မဟာပုရိသလက္ခဏာနိ အညမညပဋိဗဒ္ဓတ္တာ  
 မာလာကာရေနေဝ ဌိတာနိတိ ဝုတ္တံ “ဒုတ္တိံသဝရလက္ခဏမာလာ”တိ။ ဒုတ္တိံသ-  
 စန္ဒာဒီနံ မာလာ ကေနစိ ဂန္ဓေတွာ ပဋိပါဠိယာ စ ဌာပိတာတိ န ဝတ္တဗ္ဗာ။  
 “ယဒိ သိဿာ”တိ ပရိကပ္ပနာမတ္ထေန ဟိ “ဂန္ဓေတွာ ဌာပိတဒုတ္တိံသစန္ဒမာ-  
 လာယာ”တိအာဒိ ဝုတ္တံ။ ပရိကပ္ပေါပမာ ဟေသ၊ လောကေပိ စ ဒိဿတိ။

“မယေဝ မုခသောဘာဿေ၊ တျလမိန္ဒုရိကတ္တနာ။  
 ယတောဗျူဇေပိ သာတ္ထိတိ၊ ပရိကပ္ပေါပမာ အယ”န္တိ။

ဒုတ္တိံသစန္ဒမာလာယ သိရိံ အတ္တနော သိရိယာ အဘိဘဝန္တိ ဣဝါတိ  
 သမ္ပန္နော။ ဧသ နယော သေသေသုပိ။

ဧဝံ ဘဂဝတော တဒါ သောဘံ ဒဿေတွာ ဣဒါနိ ဘိက္ခုသံဃဿာပိ  
 သောဘံ ဒဿေန္တော “တဉ္စ ပနာ”တိအာဒိမာဟ။ စတုဗ္ဗိဓာယ အပ္ပိစ္ဆတာယ  
 အပ္ပိစ္ဆာ။ ဒွါဒသဟိ သန္တောသေဟိ သန္တုန္တော။ တိဝိဓေန ဝိဝေကေန  
 ပရိဝိတ္တာ။ ရာဇရာဇမဟာမတ္တာဒိဟိ အသံသန္တာ။ ဒုပ္ပုပ္ပတ္တိကာနံ စော-  
 ဒကာ။ ပါပေ အကုသလေ ဂရဟိနော။ ပရေသံ ဟိတပဋိပတ္တိယာ  
 ဝတ္တာရော။ ပရေသဉ္စ ဝစနက္ခမာ။ ဝိပုတ္တိဉာဏဒဿနံ နာမပစ္စဝေက္ခဏဉာဏံ။  
 “တေသ”န္တိအာဒိနာ တဒဘိသမ္ပန္နေန ဘဂဝတော သောဘံ ဒဿေတိ။ ရတ္တ-  
 ပဒုမာနံ သဏ္ဍော သမူဟော ဝနံ၊ တဿ မဇ္ဈေ ဂတာ တံထာ။ “ရတ္တံ ပဒုမံ၊  
 သေတံ ပုဏ္ဏရိက”န္တိ ပတ္တနိယမမန္တရေန တထာ ဝုတ္တံ၊ ပတ္တနိယမေန ပန  
 သတပတ္တံ ပဒုမံ၊ ဥိနကသတပတ္တံ ပုဏ္ဏရိကံ။ ပဝါဠံ ဝိဒ္ဓါမော၊ တေန ကတာယ  
 ဝေဒိကာယ ပရိက္ခိတ္တော ဝိယ။ ဝိဂပက္ခိနဗ္ဗိတိ ဝိ-သဒ္ဓေါ၊ အဝိ-သဒ္ဓေါ ဝါ  
 သမ္ဘာဝနာယံ၊ တေနာဟ “ပဂေဝ ဒေဝမနုဿာန”န္တိ။ မဟာထေရာတိမဟာ-  
 သာဝကေ သန္ဓာယာဟ။ သုရဉ္စိတဘာဝေန ဤသကံ ကဏ္ဍဝဏ္ဏတာယ မေဃ-  
 ဝဏ္ဏံ။ ကေသံ ကရိတွာတိ ကေသပါရုပနဝသေန ဝါမံသေ ကရိတွာ။ ကတ္တရဿ  
 ဇိက္ခဿ အာလမ္ပနော ဒဏ္ဍော ကတ္တရဒဏ္ဍော၊ ဗာဟုလ္လဝသေနာယံ သမညာ။  
 သုဝဠံ နာမ သောဘဏုရစ္ဆဒေါ၊ တေန ဝဗ္ဗိတာ သန္ဓုဒ္ဓါတိ သုဝဠဝဗ္ဗိတာ၊  
 ဣဒံ တေသံ ပံသုကူလဓာရဏာနိဒဿနံ။ ယေသံ ကုတ္တိဂတံ သဗ္ဗမ္ပိ တိဏ-  
 ပလာသာဒိ ဂန္ဓဇာတမေဝ ဟောတိ၊ တေ ဂန္ဓဟတ္ထိနော နာမ၊ ယေ “ဟေမ-  
 ဝတာ”တိပိ ဝုစ္စန္တိ၊ တေသမ္ပိ ထေရာနံ သီလာဒိဂုဏဂန္ဓတာယ တံသဒိသတာ။

၁-သုဗေဒာလင်္ကာရေ စတုတ္ထပရိစ္ဆေဒေ-၁၉၈-ဂါထာ၊ ၂-အဘိဓမ္မာ-၄၉၁-ပိဋကေ။

အန္တောဇဉာဗဟိဇဉာသင်္ခါတာယ တဏှာဇဉာယ ဝိဇဉိတဘာဝတော  
 ဝိဇဉိတဇဉာ။ တဏှာဗန္ဓနာယ ဆိန္ဒတ္တာ ဆိန္ဒဗန္ဓနာ။ “သော”တိအာဒိ  
 ယထာဝုတ္တဝစနဿ ဂုဏဒဿနံ။ အနုဗုဒ္ဓေဟိတိ ဗုဒ္ဓါနမနုဗုဒ္ဓေဟိ။ တေပိ  
 ဟိ ဧကဒေသေန ဘဂဝတာ ပဋိဝိဒ္ဓပဋိဘာဂေနော စတ္တာရိ သစ္စာနိ ဗုဇ္ဈန္တိ။  
 ပတ္တပရိဝါရိတန္တိ ပုပ္ဖဒလေန ပရိဝါရိတံ။ ကံ ဝုစ္စတိ ကမလာဒိ၊ တသ္မိံ  
 သရတိ ဝိရာဇတိတိ ကေသရံ၊ ကိဉ္ဇက္ခော။ ကဏ္ဏေ ကရိယတိတိ ကဏ္ဏိကာ။  
 ကဏ္ဏာလင်္ကာရော၊ တံသဒိသသဏ္ဌာနတာယ ကဏ္ဏိကာ၊ ဗိဇကောသော။ ဆန္တံ  
 ဟံသကုလာနံ သေဋ္ဌော စတရဋ္ဌော ဟံသရာဇာ ဝိယ၊ ဟာရိတော နာမ  
 မဟာဗြဟ္မာ ဝိယ။

ဧဝံ ဂစ္ဆန္တံ ဘဂဝန္တံ၊ ဘိက္ခု။ စ ဒိသ္မာ အတ္တနော ပရိသံ ဩလောကေသီတိ  
 သမ္ဗုန္ဓော။ ကာဇေဏ္ဍကေတိ ကာဇသင်္ခါတေ ဘာရာဏသီယဇ္ဇာကေ၊ ကာဇသ္မိံ  
 ဝါ ဘာရလဂ္ဂိတဒဏ္ဍကေ။ ခုဒ္ဒကံ ပိဋံ ပိဋကံ။ မူလေ၊ အဂ္ဂေ စ တိဓာ ကတော  
 ဒဏ္ဍော တိဒဏ္ဍော။ မောရဟတ္ထကော မောရပိဋံ။ ခုဒ္ဒကံ ပသိဗ္ဗံ ပသိဗ္ဗကံ။  
 ကုဏ္ဏိကာ ကမဏ္ဍလု။ သာ ဟိ ကံ ဥဒကံ ဥဒေတိ ပသဝေတိ၊ ရက္ခတိတိ ဝါ  
 ကုဏ္ဏိကာ နိရုတ္တိနယေန။ ဂဟိတံ ဩမကတော လုဇ္ဈိတံ၊ ဝိဝိဓံ လုဇ္ဈိတဉ္စ  
 ပိဋက။ပ။ ကုဏ္ဏိကာဒိအနေကပရိက္ခာရသင်္ခါတံ ဘာရံ ဘရတိ ဝဟတိတိ  
 ဂဟိတ။ပ။ ဘာရဘရိတာ။ ဣတိတိ နိဒဿနတ္ထော။ ဇေတိ ဣဒမတ္ထော။  
 ဧဝံ ဣဒံ ဝစနမာဒိ ယဿ ဝစနဿ တထာ၊ တဒေဝ နိရုတ္တကံ ဝစနံ ယဿာတိ  
 ဇေမာဒိနိရုတ္တကဝစနာ။ မုခံ ဧတဿ အတ္ထိတိ မုခရာ၊ သဗ္ဗေပိ မုခဝန္တာ  
 ဧဝ၊ အယံ ပန ဖရဿာဘိလာပမုခဝတိ၊ တသ္မာ ဧဝံ ဝုတ္တံ။ နိန္ဒာယဉ္စ အယံ  
 ရပစ္စယော။ မုခေန ဝါ အမနာပံ ကမ္မံ ရာတိ ဂဏှာတိတိ မုခရာ။ ဝိဝိဓာ  
 ကိဏ္ဌာ ဝါစာ ယဿာတိ ဝိကိဏ္ဏဝါစာ။ တဿာတိ သုပ္ပိယဿ ပရိဗ္ဗာဇကဿ။  
 တန္တိ ယထာဝုတ္တပ္ပကာရံ ပရိသံ။

ဣဒါနီတိ တဿံ တထာရူပါယ ပရိသာယ ဒဿနက္ခဏေ။ ပနာတိ  
 အရုစိသံသုစနတ္ထော၊ တထာပီတိ အတ္ထော။ လာဘ။ပ။ ဟာနိယာ ဇေဝ  
 ဟေတုဘူတာယ။ ကထံ ဟာနိတိ အာဟ “အညတိတ္ထိယာနဉ္စ”တိအာဒိ။  
 နိဿိရိကတန္တိ နိသောဘတံ၊ အယမတ္ထော မောရဇာတကာဒိဟိပိ ဒီပေတဗ္ဗော။  
 “ဥပတိဿကောလိတာနဉ္စ”တိအာဒိနာ ပက္ခဟာနိတာယ ဝိတ္တာရော။  
 အာယသ္မတော သာရိပုတ္တဿ၊ မဟာမောဂ္ဂလ္လာနဿ စ ဘဂဝတော  
 သန္တိကေ ပဗ္ဗဇ္ဇံ သန္ဓာယ “ဧသု ပန ပတ္တန္တေသု”တိ ဝုတ္တံ။ တေသံ  
 ပဗ္ဗဇိတကာလေယေဝ အစုံတေယျသတံ ပရိဗ္ဗာဇကပရိသာ ပဗ္ဗဇိ၊ တတော

ပရမ္ပိ တဒနုပဗ္ဗဇိတာ ပရိဗ္ဗာဇကပရိသာ အပရိမာဏာတိ ဒဿတိ “သာဝိ  
 တေသံ ပရိသာ ဘိန္နာ”တိ ဣဓိနာ။ ယာယ ကာယစိ ဟိ ပရိဗ္ဗာဇကပရိသာယ  
 ပဗ္ဗဇိတာယ တဿ ပရိသာ ဘိန္နာယေဝ နာမ သမာနဂဏတ္တာတိ တထာ ဝုတ္တံ။  
 “ဣမေဟိ”တိ အာဒိနာ လာဘပက္ခဟာနိ နိဂမနဝသေန ဒဿတိ။ ဥသုယ-  
 သမ္ပါတဿ ဝိသဿ ဥဂ္ဂါရော ဥဂ္ဂိလနံ ဥသုယဝိသုဂ္ဂါရော၊ တံ။ ဧတ္ထ စ  
 “ယသ္မာ ပနေသာ”တိ အာဒိနာဝ “ကသ္မာ စ သော ရတနတ္တယဿ အဝဏ္ဏံ  
 ဘာသတိ”တိ စောဒနံ ဝိသောဓေတိ။ “သစေ”တိ အာဒိကံ ပန သဗ္ဗမ္ပိ တပ္ပရိ-  
 ဝါရဝစနမေဝါတိ တေဟိပိ သာ ဝိသောဓိတာယေဝ နာမ။ ဘဂဝတော  
 ဝိရောဓာနနယာဘာဝဝိမံသနတ္ထံ ဧတေ အဝဏ္ဏံ ဝဏ္ဏံ ဘာသန္တိ။ “မာရေန  
 အန္ဓာဝိဋ္ဌာ ဧဝံ ဘာသန္တိ”တိ စ ကေစိ ဝဒန္တိ၊ တဒယုတ္တမေဝ အဋ္ဌကထာယ  
 ဥဇုဝိပစ္စနိကတ္တာ။ ပါကဠောယေဝါယမတ္ထောတိ။

၂။ ယသ္မာ အတ္တင်္ဂတော သူရိယော၊ တသ္မာ အကာလော ဒါနိ ဂန္တန္တိ  
 သမ္ပန္နော။

အဗ္ဗလဋ္ဌိကာဘိ သာမိပိကဝေါဟာရော ယထာ “ဝရုဏနဂရံ၊ ဂေါဒါ-  
 ဂါမော”တိ အာဟ “တဿ ကိရု”တိ အာဒိ။ တရုဏပရိယာယော လဋ္ဌိကာ-  
 သဒ္ဓေါ ရုက္ခဝိသယေ ယထာ “မဟာဝနံ အဇ္ဈောဂါဟေတွာ ဗေလုဝ-  
 လဋ္ဌိကာယ မူလေ ဒိဝါဝိဟာရံ နိသီဒိ”တိ အာဒိသုတိ ဒဿတိ “တရုဏဗ္ဗ-  
 ရုက္ခော”တိ ဣဓိနာ။ ကေစိ ပန “အဗ္ဗလဋ္ဌိကာ နာမ ဝုတ္တနယေန ဧကော  
 ဂါမော”တိ ဝဒန္တိ၊ တေသံ မတေ အဗ္ဗလဋ္ဌိကာယန္တိ သမိပတ္ထေ ဘုမ္မဝစနံ။  
 ဆာယူဒကသပ္ပန္နန္တိ ဆာယာယ စေဝ ဥဒကေန စ သမ္ပန္နံ။ မဇ္ဈိသတိ ပေဋ္ဌာ။  
 ပဋိဘာနဝိတ္တဝိမိတ္တန္တိ ဣတ္ထိပရိသသညောဂါဒိနာ ပဋိဘာနဝိတ္တေန ဝိမိတ္တံ၊  
 ဧတေန ရညော အဂါရံ၊ တဒေဝ ရာဇာဂါရကန္တိ ဒဿတိ။ ရာဇာဂါရကံ  
 နာမ ဝေဿဝဏမဟာရာဇဿ ဒေဝါယတနန္တိ ဧကေ။

မဟုပရိဿယောတိ မဟုပဒ္ဒဝေါ။ ကေဟိတိ ဝုတ္တံ “စောရေဟိပိ”တိ အာဒိ။  
 ဟန္တာတိ ဝစနဝေါဿဂ္ဂတ္ထေ နိပါတော၊ တဒါနဘာဝတော နိပ္ပရိသယတ္တာယ  
 ဣဒါနိ ဥပဂန္တာ သွေ ဂမိဿာမိတိ အဓိပ္ပာယ်။ “သဒ္ဓိံ အန္တေဝါသိနာ  
 မြဟ္မဒတ္တေန မာဏဝေနာ”တိ စေဝ သီဟဋ္ဌကထာယံ ဝုတ္တံ၊ တဉ္စ ခေါ  
 ပါဋိအာရဋ္ဌဝသေနော၊ န ပန တဒါ သုပ္ပိယဿ ပရိသာယ အဘာဝတောတိ  
 ဣမမတ္ထံ ဒဿတုံ “သဒ္ဓိံ အတ္တနော ပရိသာယာ”တိ ဣဓ ဝုတ္တံ။ ကသ္မာ  
 ပနေတ္ထ မြဟ္မဒတ္တောယေဝ ပါဋိယမာရုဋ္ဌော၊ န ပန တဒဝသေသာ သုပ္ပိယဿ

ပရိသာတိ? ဒေသနာနဓိနဘာဝေန ပယောဇနာဘာဝတော။ ယထာ စေတံ၊ ဧဝံ အညဗ္ဗိ ဒေသံ ပယောဇနာဘာဝတော သင်္ကတိကာရဏေဟိ န သင်္ကတန္တိ ဒဋ္ဌဗ္ဗံ။ ကေမိ ပန “ပါဠိယံ ဝုတ္တန္တိ အာဓာရံ ဝတ္တာ ‘တဒေတံ န သီဟဋ္ဌဋ္ဌ- ကထာနယဒဿနံ၊ ပါဠိယံ ဝုတ္တဘာဝဒဿနမေဝါ’တိ”ဝဒန္တိ၊ တံ န ယုဇ္ဇတိ။ ပါဠိအာရုဋ္ဌဝသေနော ပါဠိယံ ဝုတ္တန္တိ အဓိပ္ပေတတ္ထဿ အာပဇ္ဇနတော။ တဿ ယထာဝုတ္တနယေနော အတ္ထော ဂဟေတဗ္ဗောတိ။ “ဝုတ္တန္တိ ဝါ အမှေဟိပိ ဣဓ ဝတ္တဗ္ဗန္တိ အတ္ထော။ ဧဝံ တဒါ အညာယပိ ပရိသာယ ဝိဇ္ဇမာနဘာဝဒဿနတ္ထံ ဧဝံ ဝုတ္တံ၊ ပါဠိယမာရုဋ္ဌဝသေန ပန အညထာပိ ဣဓ ဝတ္တဗ္ဗန္တိ အဓိပ္ပာယော ယုတ္ထော”တိ ဝဒန္တိ။

ဣဒါနိ “တတြာပိ သုဒ”န္တိအာဒိပါဠိယာ သမ္ဗန္တံ ဒဿေတုံ “**ဧဝံ ဝါသံ ဥပဂတော ပနာ**”တိအာဒိ ဝုတ္တံ။ ပရိဝါရေတွာ နိသိန္ဓော ဟောတိတိ သမ္ဗန္ဓော။ ကုစ္ဆိတံ ကတ္တဗ္ဗန္တိ **ကုကတံ၊** တဿ ဘာဝေါ **ကုက္ကုစ္စံ၊** ကုစ္ဆိတ- ကိရိယာ၊ ဣတော စိတော စ စန္ဒလနန္တိ အတ္ထော၊ ဟတ္ထဿ ကုက္ကုစ္စံ တထာ။ “**သာ ဟိ**”တိအာဒိနာ တထာဘူတတာယ ကာရဏံ ဒဿေတိ။ **နိဝါတေတိ** ငါတဝိရဟိတဋ္ဌာနေ။ ယထာဝုတ္တဒေါသာဘာဝေန **နိစ္စလာ။** **တံ ဝိဘူတိန္တိ** တာဒိသံ သောတံ။ **ဝိပ္ပလပန္တိ**တိ သတိဝေါဿဂ္ဂဝသေန ဝိဝိဓာ လပန္တိ။ **နိဗ္ဗာလိတဇိဝှါ**တိ ဣတော စိတော စ နိက္ခန္တဇိဝှါ။ **ကာကန္တမာနာတိ** ကာကာနံ သဒ္ဓသဒိသံ သဒ္ဓိ ကုရုမာနာ။ **သရုသရုပဿာသိနောတိ** သရုသရု- ဣတိ သဒ္ဓိ ဇနေတွာ ပဿသန္တာ။ **ဣဿာဝသေနာတိ** ယထာဝုတ္တေဟိ ဒွိဟိ ကာရဏေဟိ ဥသုယနဝသေန။ “**သဗ္ဗံ ဝတ္တဗ္ဗ**”န္တိ ဣမိနာ “အာဒိပေယျာလ- နယောယ”န္တိ ဒဿေတိ။

၃။ သမ္မာ ပဟောန္တိ တံ တံ ကမ္မန္တိ **သမ္မဟုလာ၊** ဗဟဝေါ၊ တေနာဟ “**မဟုကာန**”န္တိ။ သဗ္ဗန္တိမေန ပရိစ္ဆေဒေန စတုဝဂ္ဂသံသေနေဝ ဝိနယကမ္မဿ ကတ္တဗ္ဗတ္တာ “**ဝိနယပရိယာယေနာ**”တိအာဒိ ဝုတ္တံ။ **တယော ဇနာတိ** စေသ ဥပလက္ခဏနိဒ္ဒေသော ဒွိန္တမ္ဘိ သမ္မဟုလတ္တာ။ တတ္ထ တတ္ထ တထာယေဝါဂတတ္တာ “**သုတ္တန္တပရိယာယေနာ**”တိအာဒိမာဟ။ ဟံတံပါဠိယာ အာဂတဝေါဟာရ- ဝသေန ဟိ အယံ ဘေဒေါ။ တယော ဇနာ တယော ဧဝ နာမ၊ တတော ပဋ္ဌာယ ဥတ္တရိ စတုပဉ္စဇနာဒိကာ သမ္မဟုလာတိ အတ္ထော။ **တတောတိ** စာယံ မရိယာဒါဝမိ။ **မဏ္ဍလမာဋ္ဌောတိ** အနေကတ္ထပဝတ္တာ သမညာ၊ ဣဓ ပန ဤဒိသာယ ဧဝါတိ နိယမေန္တော အာဟ “**ကတ္တမိ**”တိအာဒိ။ **ကဏ္ဍိကာ** ဝုစ္စတိ ကုဋ်။ **ဟံသဝဋ္ဋကန္တန္တေနာတိ** ဟံသမဏ္ဍလာကာရဆန္တေန။ တဒေဝ ဆန္တံ

အညတ္တ “သုပဏ္ဏဝဏ်စွဒန” နှိ ဝုတ္တံ။ ကုဋေနေ ယုတ္တော အဂါရော၊ သောယေဝ သာလာတိ ကုဋ္ဌာဂါရသာလာ။ ထန္တပန္နိ ပရိက္ခိပိတွာတိ ထန္တမာလံ ပရိဝါရေတွာ၊ ပရိမဏ္ဍလာကာရေန ထန္တပန္နိ ကတွာတိ ဝုတ္တံ ဟောတိ။ ဥပဋ္ဌာနသာလာ နာမ ပယိရူပါသနသာလာ။ ယတ္ထ ဥပဋ္ဌာနမတ္တံ ကရေန္တိ၊ န ကေရတ္တဒိရတ္တာဒိဝသေန နိသီဒနံ၊ ဣမ ပန တထာ ကတာ နိသီဒနသာလာ-ယေဝါတိ ဒဿေတိ “ဣမ ပနာ” တိအာဒိနာ။ တေနေဝ ပါဠိယံ “သန္နိပတိ-တာန” နှေဝ အဝတွာ “သန္နိသိန္ဓာန” နှိဝိ ဝုတ္တံ။ မာနိတဗ္ဗောတိ မာဠော၊ မိယတိ ပမိယတိတိ ဝါ မာဠော။ မဏ္ဍလာကာရေန ပဋိစ္စန္ဓော မာဠောတံ မဏ္ဍလ-မာဠော၊ အနေကကောဏဝန္တော ပဋိဿယဝိသေသော။ “သန္နိသိန္ဓာန” နှိ နိသဇ္ဇနဝသေန ဝုတ္တံ၊ နိသဇ္ဇနဝသေန ဝါ “သန္နိသိန္ဓာန” နှိ သံဝဏ္ဏေတဗ္ဗပဒ-မဇ္ဈာဟရိတွာ သမ္ပန္နော။ ဣမိနာ နိသီဒနဣရိယာပထံ၊ ကာယသာမဂ္ဂိဝသေန စ သမောဓာနံ သန္ဓာယ ပဒုဒ္ဓယမေတံ ဝုတ္တန္တိ ဒဿေတိ။ သဒ္ဓိယာ ဝုစ္စတိ ကထာ သမ္မာ ခိယနတော ကထနတော။ ကထာဓဗ္ဗောတိ ကထာသဘာဝေါ၊ ဥပပရိက္ခာ ဝိမိတိ ကေမိ။

“အစ္စရိယ” နှိအာဒိ တဿ ရူပဒဿနန္တိ အာဟ “ကတမော ပန သော” တိအာဒိ။ သောတိ ကထာဓဗ္ဗော။ “နိယတိတိ နယော၊ အတ္ထော၊ သဒ္ဓသတ္တံ အနုဂတော နယော သဒ္ဓနယော” တိ အာစရိယဓဗ္ဗပါလတ္ထေရေန ဝုတ္တံ။ နိယတိ အတ္ထော ဧတေနာတိ ဝါ နယော၊ ဥပါယော၊ သဒ္ဓသတ္ထေ အာဂတော နယော အတ္ထဂဟဏူပါယော သဒ္ဓနယော။ တတ္ထ ဟိ အနဘိဏ္ဍ-ဝုတ္တိကေအစ္စရိယ-သဒ္ဓေါဣတ္ထိတော ရုဠိဝသေန။ တေနေဝါဟ “အန္ဓဿ ပဗ္ဗတာ-ရောဟဏံ ဝိယာ” တိအာဒိ။ တဿ ဟိ တဒါရောဟဏံ န နိစ္စံ၊ ကဒါစိယေဝ သိယာ၊ ဝေမိဒမ္ပိ။ အစ္စရာယောဂ္ဂံ အစ္စရိယံ နိရုတ္တိနယေန ယောဂ္ဂသဒ္ဓဿ လောပတော၊ တဒ္ဓိတဝသေန ဝါ ဣယပစ္စယဿ ဝိစိတြုတ္တိတော၊ သော ပန ပေါရာဏဋ္ဌကထာယမေဝ အာဂတတ္တာ “အဋ္ဌကထာနယော” တိ ဝုတ္တော။ ပုဗ္ဗေ အဘူတန္တိ အဘူတပုဗ္ဗံ၊ ဧတေန န ဘူတံ အဘူတန္တိ နိဗ္ဗစနံ၊ ဘူတ-သဒ္ဓဿ စ အတိတတ္ထံ ဒဿေတိ။ ယာဝဉ္စိဒန္တိ သန္ဓိဝသေန နိဂ္ဂဟိတာဂမောတိ အာဟ “ယာဝ စ ဣဒ” နှိ၊ ဧတဿ စ “သုပ္ပုဋိဝိဒိတာ” တိ ဧတေန သမ္ပန္နော။ ယာဝ စ ယတ္ထကံ ဣဒံ အယံ နာနာဓိမုတ္တိကတာ သုပ္ပုဋိဝိဒိတာ၊ တံ “တ္ထေကမေဝါ” တိ န သက္ကာ အမှေဟိ ပဋိဝိဇ္ဈိတုံ၊ အက္ခာတုဇ္ဇာတိ သပါဌသေသတ္ထော။ တေနေ-ဝါဟ “တေန သုပ္ပုဋိဝိဒိတတာယ အပ္ပမေယျတံ ဒဿေတိ” တိ။

“ဘဂဝတ”တိအာဒိဟိ ပဒေဟိ သမာနာဓိကရဏဘာဝေန ဝုတ္တတ္တာ တေနာတိ ဧတ္ထ တ-သဒ္ဓေါ သကတ္ထပဋိနိဒ္ဒေသော၊ တသ္မာ ယေန အဘိသမ္ဗုဒ္ဓ- ဘာဝေန ဘဂဝါ ပကတော<sup>၁</sup> သမာနော သုပါကဇ္ဇော နာမ ဟောတိ၊ တဒဘိသမ္ဗုဒ္ဓဘာဝံ သဒ္ဓိံ အာဂမနပဋိပဒါယ တဿ အတ္ထဘာဝေန ဒဿေန္တော “ယော သော”တိအာဒိမာဟ။ န ဟေတ္ထ သော ပုဗ္ဗေ ဝုတ္တော အတ္ထိ၊ ယော အတ္ထော တေဟိ ထေရေဟိ တ-သဒ္ဓေန ပရာမသိတဗ္ဗော ဘဝေယျ။ တသ္မာ ယထာဝုတ္တရုဏသင်္ခါတံ သကတ္ထံယေဝေသ ပဓာနဘာဝေန ပရာမသတိတိ ဒဋ္ဌဗ္ဗံ။ အနုတ္တရံ သမ္မာသမ္ဗောဓိန္နိ အဂ္ဂမဂ္ဂဉာဏပဒဋ္ဌာနံ အနာဝရဏဉာဏံ၊ အနာဝရဏဉာဏပဒဋ္ဌာနဉ္စ အဂ္ဂမဂ္ဂဉာဏံ။ တဒုဘယဉ္စိ သမ္မာ အဝိပရိတံ သယမေဝ ဗုဇ္ဈတိ၊ သမ္မာ ဝါ ပသဋ္ဌာ သုန္နရံ ဗုဇ္ဈတိတိ သမ္မာ- သမ္ဗောဓိ။ သာ ပန ဗုဒ္ဓါနံ သဗ္ဗရုဏသမ္ပတ္တိံ ဒေတိ အဘိသေကော ဝိယ ရညော သဗ္ဗလောကီယရိယဘာဝံ၊ တသ္မာ “အနုတ္တရာ သမ္မာသမ္ဗောဓိ”တိ ဝုဇ္ဈတိ။ အဘိသမ္ဗုဒ္ဓေါတိ အဗ္ဘညာသိ ပဋိဝိဇ္ဈိ၊ တေန တာဒိသေန ဘဂဝ- တာတိ အတ္ထော။ သတိဝိ ဉာဏဒဿနာနံ ဣမ ပညာဝေဝစနဘာဝေ တေန တေန ဝိသေသေန နေသံ ဝိသယဝိသေသပ္ပဝတ္တိံ ဒဿေန္တော “တေသံ တေသံ သတ္တာန”န္တိအာဒိမာဟ။ ဧတ္ထ ဟိ ပဌမမတ္ထံ အသာဓာရဏဉာဏဝသေန ဒဿေတိ။ အာသယာနုသယဉာဏေန ဇာနတာ သဗ္ဗညုတနာဝရဏ- ဉာဏေဟိ ပဿတာတိ အတ္ထော။

ဒုတိယံ ဝိဇ္ဇတ္တယဝသေန။ ပုဗ္ဗေနိဝါသာဒိဟိတိ ပုဗ္ဗေနိဝါသာသဝက္ခယ- ဉာဏေဟိ။ တတိယံ အဘိညာနာဝရဏဉာဏဝသေန။ အဘိညာပရိယာပန္နေပိ “တိဟိ ဝိဇ္ဇာဟိ”တိ တာသံ ရာသိဘေဒဒဿနတ္ထံ ဝုတ္တံ။ အနာဝရဏဉာဏ- သင်္ခါတေန သမန္တဝက္ခုနာ ပဿတာတိ အတ္ထော။ စတုတ္ထံ သဗ္ဗညုတ- ဉာဏမိသစက္ခဝသေန။ ပညာယာတိ သဗ္ဗညုတညာဏေန။ ကုဋံသ ဘိတ္တိယာ တိရော ပရံ၊ အန္တော ဝါ၊ တဒါဒိသု ဂတာနိ။ အတိဝိသုဒ္ဓေနာတိ အတိဝိယ ဝိသုဒ္ဓေန ပဉ္စဝဏ္ဏသမန္တာဂတေန သုနီလပါသာဒိကအက္ခိလောမသမလင်္က- တေန ရတ္ထိဉ္စေဝ ဒိဝါ စ သမန္တာ ယောဇနံ ပဿန္တေန မိသစက္ခုနာ။ ပဉ္စမံ ပဋိဝေဓဒေသနာဉာဏဝသေန။ “အတ္တဟိတသာဓိကာယာ”တိ ဧကံသတော ဝုတ္တံ၊ ပရိယာယတော ပနေသာ ပရဟိတသာဓိကာပိ ဟောတိ။ တာယ ဟိ ဓမ္မသဘာဝပဋိစ္စာဒကကိလေသသမုပ္ပါတာယ ဒေသနာဉာဏာဒိ သမ္ဘဝတိ။ ပဋိဝေဓပညာယာတိ အရိယမဂ္ဂပညာယ။ ဝိပဿနာသဟဂတော သမာဓိ

ပဒဋ္ဌာနံ အာသန္နကာရဏမေတိဿာတိ သမာဓိပဒဋ္ဌာနာ၊ တာယ။ ဒေသ-  
 နာပညာယာတိ ဒေသနာကိစ္စနိပ္ပုဒကေန သဗ္ဗညုတညာဏေန။ အရိနန္တိ  
 ကိလေသာရိနံ၊ ပဉ္စမာရာနံ ဝါ၊ သာသနပစ္စတ္တိကာနံ ဝါ အညတိတ္ထိယာနံ။  
 တေသံ ဟနနံ ပါဠိဟာရိယေဟိ အဘိဘဝနံ အပ္ပဋ္ဌိဘာနတာကရဏံ၊ အဇ္ဈိ-  
 ပေက္ခနဉ္စ၊ မဇ္ဈိမပဏ္ဏာသကေ ပဉ္စမဝဂ္ဂေ သင်္ဂီတံ စင်္ဂီယုတ္တိန္ဒြေတ္ထ နိဒဿနံ၊  
 ဧတေန အရယော ဟတာ အနေနာတိ နိရုတ္တိနယေန ပဒသိဒ္ဓိမာဟ။ အတော  
 နာ-ဝစနဿ တာဗျပဒေသော မဟာဝိသယေနာတိ ဒဋ္ဌဗ္ဗံ။ အပိစ အရယော  
 ဟနတိတိ အန္တသဒ္ဓေန ပဒသိဒ္ဓိ၊ ဣကာရဿ စ အကာရော။ ပစ္စယာဒိနံ  
 သမ္ပဒါနဘူတာနံ၊ တေသံ ဝါ ပဋိဂ္ဂဟဏံ၊ ပဋိဂ္ဂဟိတုံ ဝါ အရဟတိတိ အရဟန္တိ  
 ဒဿေတိ “ပစ္စယာဒိနဉ္စ အရဟတ္တာ”တိ ဣမိနာ။ သမ္မာတိ အဝိပရိတံ။  
 သာမဉ္ဇာတိ သယမေဝ၊ အပရနေယျော ဟုတွာတိ ဝုတ္တံ ဟောတိ။ ကထံ  
 ပနေတ္ထ “သဗ္ဗဓမ္မာန”န္တိ အယံ ဝိသေသော လဟ္တတိတိ? သာမညဇောတနာယ  
 ဝိသေသေ အဝဋ္ဌာနတော၊ ဝိသေသတ္ထိနာ စ ဝိသေသဿ အနုပယောဇေ-  
 တဗ္ဗတော ယဇ္ဇေဝံ “ဓမ္မာန”န္တိ ဝိသေသောဝါနုပယောဇိတော သိယာ၊  
 ကသ္မာ သဗ္ဗဓမ္မာနန္တိ အယမတ္ထော အနုပယောဇီယတိတိ? ဧကဒေသဿ  
 အဂ္ဂဟဏတော။ ပဒေသဂ္ဂဟဏေ ဟိ အသတိ ဂဟေတဗ္ဗဿ နိပ္ပဒေသတာ  
 ဝိညာယတိ ယထာ “ဒိက္ခိတော န ဒဒါတိ”တိ၊ ဧသ နယော ဤဒိသေသု။

ဣဒါနိ စ စတူဟိ ပဒေဟိ စတုဝေသာရဇ္ဇဝသေန အတ္တနာ အဓိပ္ပေတတရံ  
 ဆဋ္ဌမတ္ထံ ဒဿေတုံ “အန္တရာယိကဓမ္မေ ဝါ”တိအာဒိ ဝုတ္တံ။ တထာ ဟိ  
 တဒေဝ နိဂမနံ ကရေတိ “ဧဝ”န္တိအာဒိနာ။ တတ္ထ အန္တရာယကရဓမ္မဉာဏေန  
 ဇာနတ၊ နိယျာနိကဓမ္မဉာဏေန ပဿတာ၊ အာသဝက္ခယဉာဏေန အရဟ-  
 တာ၊ သဗ္ဗညုတညာဏေန သမ္မာသမ္ဗုဒ္ဓေနာတိ ယထာက္ကမံ၊ ယောဇေတဗ္ဗံ။  
 အနတ္တစရဏေန ကိလေသာ ဧဝ အရယေတိ ကိလေသာရယော၊ တေသံ  
 ကိလေသာရိနံ။ ဣတ္ထာဟ—ယဿ ဉာဏဿ ဝသေန သမ္မာ သာမဉ္ဇ သဗ္ဗဓမ္မာနံ  
 ဗုဒ္ဓတ္တာ ဘဂဝါ သမ္မာသမ္ဗုဒ္ဓေါ နာမ ဇာတော၊ ကိံ ပနိဒံ ဉာဏံ သဗ္ဗဓမ္မာနံ  
 ဗုဒ္ဓနဝသေန ပဝတ္တမာနံ သင်္ကိယေဝ သဗ္ဗသ္မိံ ဝိသယေ ပဝတ္တတိ၊ ဥဒါဟု  
 ကမေနာတိ။ ကိဉ္စေတ္ထ—ယဒိ တာဝ သင်္ကိယေဝ သဗ္ဗသ္မိံ ဝိသယေ ပဝတ္တတိ၊  
 ဧဝံ သတိ အတိတာနာဂတပစ္စုပ္ပန္နအဇ္ဈတ္တဗဟိဒ္ဓါဒိဘေဒဘိန္နာနံ သင်္ခတဓမ္မာနံ၊  
 အသင်္ခတသမ္မုတိဓမ္မာနဉ္စ ဧကဇ္ဈံ ဥပဋ္ဌာနေ ဒူရတော စိတ္တပဋိ ပေက္ခန္တဿ  
 ဝိယ ပဋိဘာဂေနာဝဗောဓော န သိယာ၊ တထာ စ သတိ “သဗ္ဗေ ဓမ္မာ

အနတ္တာ”တိ” ဝိပဿန္တာနံ အနတ္တာကာရေန ဝိယ သဗ္ဗေ မ္မော အနိရူပိတ-  
 ရူပေန ဘဂဝတော ဉာဏဝိသယာ ဟောန္တိတိ အာပဇ္ဇတိ။ ယေပိ “သဗ္ဗ-  
 ဥပယုဓမ္မာနံ ဌိတိလက္ခဏာဝိသယံ ဝိကပ္ပရဟိတံ သဗ္ဗကာလံ ဗုဒ္ဓါနံ ဉာဏံ  
 ပဝတ္တတိ၊ တေန တေ ‘သဗ္ဗဝိဒူ’တိ ဝုစ္ဆန္တိ၊ ဧဝံ ကတွာ—

‘ဂစ္ဆံ သမာဟိတော နာဂေါ၊ ဌိတော နာဂေါ သမာဟိတော။  
 သေယျံ သမာဟိတော နာဂေါ၊ နိသိန္ဓောပိ သမာဟိတော’တိ—

ဣဒမ္ပိ သဗ္ဗဒါ ဉာဏပွဝတ္တိဒီပကံ အင်္ဂုတ္တရာဂမေ နာဂေါပမသုတ္တဝစနံ  
 သုဝုတ္တံ နာမ ဟောတိ”တိ ဝဒန္တိ၊ တေသမ္ပိ ဝါဒေ ဝုတ္တဒေါသာ နာတိဝတ္တိ။  
 ဌိတိလက္ခဏာရမ္မဏတာယ စ အတိတာနာဂတဓမ္မာနံ တဒဘာဝတော ဧက-  
 ဒေသဝိသယမေ ဘဂဝတော ဉာဏံ သိယာ၊ တသ္မာ သင်္ကပ္ပေ သဗ္ဗသ္မိ  
 ဝိသယေ ဉာဏံ ပဝတ္တတိတိ န ယုဇ္ဇတိ။ အထ ကမေန သဗ္ဗသ္မိမ္ပိ ဝိသယေ  
 ဉာဏံ ပဝတ္တတိ၊ ဧဝမ္ပိ န ယုဇ္ဇတိ။ န ဟိ ဇာတိဘူမိသဘာဝါဒိဝသေန၊  
 ဒိသာဒေသကာလာဒိဝသေန စ အနေကဘေဒဘိန္ဓေ ဥပယု နမေန ဂယု-  
 မာနေ တဿ အနဝသေသပဋိဝေဓော သမ္ဘဝတိ အပရိယန္တဘာဝတော  
 ဥပယုဿ။ ယေ ပန “အတ္တဿ အဝိသံဝါဒနတော ဥပယုဿ ဧကဒေသံ  
 ပစ္စက္ခံ ကတွာ သေသေပိ ဧဝန္တိ အဓိမုစ္စိတွာ ဝဝတ္ထာပနေန သဗ္ဗညူ နာမ ဘဂဝါ  
 ဇာတော၊ တဉ္စ ဉာဏံ န အနုမာနိကံ နာမ သံသယာဘာဝတော။ သံသယာနု-  
 ဗဒ္ဓပ္ပိ ဉာဏံ လောကေ အနုမာနိက”န္တိ ဝဒန္တိ၊ တေသမ္ပိ တံ န ယုတ္တမေဝ။  
 သဗ္ဗဿ ဟိ အပ္ပစ္စက္ခဘာဝေ ‘အတ္တာဝိသံဝါဒနေန ဥပယုဿ ဧကဒေသံ  
 ပစ္စက္ခံ ကတွာ သေသေပိ ဧဝန္တိ အဓိမုစ္စိတွာ ဝဝတ္ထာပနသေဝ အသမ္ဘဝတော၊  
 တထာ အသက္ကုဏေယျတ္တာ စ။ ယဉ္စိ သေသံ၊ တဒပစ္စက္ခမေဝ၊ အထ တမ္ပိ  
 ပစ္စက္ခံ၊ တဿ သေသဘာဝေါ ဧဝ န သိယာ၊ အပရိယန္တဘာဝတော ဥပယုဿ  
 တထာဝဝတ္တိတုမေဝ န သက္ကာတိ? သဗ္ဗမေတံ အကာရဏံ။ ကသ္မာ? အဝိသယ-  
 ဝိစာရဏဘာဝတော။ ဝုတ္တဉ္စေတံ ဘဂဝတာ “ဗုဒ္ဓါနံ ဘိက္ခဝေ ဗုဒ္ဓဝိသယော  
 အစိန္တေယျော န စိန္တေတဓမ္မော၊ ယံ စိန္တေန္တော ဥဗ္ဗာဒဿ ဝိစာတဿ ဘာဂီ  
 အဿာ”တိ”။ ဣဒံ ပနေတ္ထ သန္နိဋ္ဌာနံ—ယံ ကိဉ္စိ ဘဂဝတာ ဉာတုံ ဣန္ဒြိယံ၊  
 သကလမေကဒေသော ဝါ၊ တတ္ထ တတ္ထ အပ္ပဋိဟတဝုတ္တိတာယ ပစ္စက္ခတော  
 ဉာဏံ ပဝတ္တတိ နိစ္စသမာဓာနဉ္စ ဝိက္ခေပါဘာဝတော၊ ဉာတုံ ဣန္ဒြိယဿ စ  
 သကလဿ အဝိသယဘာဝေ တဿ အာကင်္ခါပဋိဗဒ္ဓဝုတ္တိတာ န သိယာ။

---

၁-အံ ၁-၂၉၀၊ ၃၁-၅၃၊ ၃၂-၇၂၊ ၃၃-၃၄-၈-၄၃၊ ၃၉-၃၆၊ ၃၁၀-၇-ပိဋေသု။  
 ၂-အံ ၂-၃၀၄-ပိဋေ၊ ၃-အံ ၁-၃၉၂-ပိဋေ။

ဧကန္တေနော သာ ဣစ္ဆိတဗ္ဗာ၊ သဗ္ဗေ ဓမ္မာ ဗုဒ္ဓဿ ဘဂဝတော အာဝဇ္ဇနပဋိဗဒ္ဓါ အာကင်္ခါပဋိဗဒ္ဓါ မနသိကာရပဋိဗဒ္ဓါ စိတ္တုပ္ပါဒပဋိဗဒ္ဓါတိ<sup>၁</sup> ဝစနတော။ အတိ-  
တာနာဂတဝိသယမ္ပိ ဘဂဝတော ဉာဏံ အနုမာနာဂမတက္ကဂဟဏဝိရဟိတတ္တာ ပစ္စက္ခမေဝ။

နန စ ဧတသ္မိမ္ပိ ပက္ခေ ယဒါ သကလံ ဉာတုံ ဣစ္ဆိတံ၊ တဒါ သင်္ကိယေဝ သကလဝိသယတာယ အနိရူပိတရူပေန ဘဂဝတော ဉာဏံ ပဝတ္တေယျာတိ ဝုတ္တဒေါသာ နာတိဝတ္တိယေဝါတိ? န, တဿ ဝိသောဓိတတ္တာ။ ဝိသောဓိတော ဟိ သော ဗုဒ္ဓဝိသယော အစိန္တေယျောတိ။ အညထာ ပစုရဇနဉာဏသမာနဝုတ္တိ-  
တာယ ဗုဒ္ဓါနံ ဘဂဝန္တာနံ ဉာဏဿ အစိန္တေယျတာ န သိယာ၊ တသ္မာ သကလ-  
ဓမ္မာရမ္မဏမ္ပိ တံ ဧကဓမ္မာရမ္မဏံ ဝိယ သုဝဝတ္ထာပိတေယေဝ တေ ဓမ္မေ ကတွာ ပဝတ္တတိတိ ဣဒမေတ္ထ အစိန္တေယျံ၊ “ယာဝတကံ နေယျံ၊ တာဝတကံ ဉာဏံ။  
ယာဝတကံ ဉာဏံ၊ တာဝတကံ နေယျံ။ နေယျပရိယန္တိကံ ဉာဏံ၊ ဉာဏပရိ-  
ယန္တိကံ နေယျံ။ နေယျံ အတိက္ကမိတွာ ဉာဏံ နပ္ပဝတ္တတိ၊ ဉာဏံ အတိက္ကမိတွာ  
နေယျပထော နတ္ထိ။ အညမညပရိယန္တဋ္ဌာယိနော တေ ဓမ္မာ၊ ယထာ ခြိန္တံ သမုဂ္ဂပဋ္ဌလာနံ သမ္မာ ဖုသိတာနံ ဟေဋ္ဌိမံ သမုဂ္ဂပဋ္ဌလံ ဥပရိမံ နာတိဝတ္တတိ၊  
ဥပရိမံ သမုဂ္ဂပဋ္ဌလံ ဟေဋ္ဌိမံ နာတိဝတ္တတိ။ အညမညပရိယန္တဋ္ဌာယိနော၊ ဧဝမေဝ ဗုဒ္ဓဿ ဘဂဝတော နေယျဉ္စ ဉာဏဉ္စ အညမညပရိယန္တဋ္ဌာယိနော။ပ။  
တေ ဓမ္မာ”တိ<sup>၂</sup> ဧဝမေကဇ္ဈံ၊ ဝိသုံ၊ သင်္ကိယံ၊ ကမေန ဝါ ဣစ္ဆာနရူပံ ပဝတ္တဿ တဿ ဉာဏဿ ဝသေန သမ္မာ သာမဉ္စ သဗ္ဗဓမ္မာနံ ဗုဒ္ဓတ္တာ ဘဂဝါ သမ္မာ-  
သမ္ဗုဒ္ဓေါ နာမ ဇာတောတိ။

အယံ ပနေတ္ထ အဋ္ဌကထာမုတ္တကော နယော— ဌာနာဌာနာဒိနိ ဆဗ္ဗိ-  
သယာနိ ဆဟိ ဉာဏေဟိ ဇာနတာ၊ ယထာကမ္မူပဂေ သတ္တေ စတူပပါတ-  
ဒိဗ္ဗစက္ခုဉာဏေဟိ ပဿတာ၊ သဝါသနာနမာသဝါနံ အာသဝက္ခယဉာဏေန  
ခိဏတ္တာ အရဟတာ၊ ဈာနာဒိဓမ္မေ သံကိလေသဝေါဒါနဝသေန သာမိယေဝ  
အဝိပရိတာဝဗောဓတော သမ္မာသမ္ဗုဒ္ဓေန၊ ဧဝံ ဒသဗလဉာဏဝသေန စတူ-  
ဟာကာရေဟိ ယောမိတေန။ အပိစ တီသု ကာလေသု အပ္ပင်္ဂါဟတဉာဏတာယ  
ဇာနတာ၊ တိဏ္ဍမ္ပိ ကမ္မာနံ ဉာဏာနုပရိဝတ္တိတော နိသမ္ဗကာရိတာယ ပဿတာ၊  
ဒဝါဒိနိ ဆန္တမဘာဝသာဓိကာယ ပဟာနသမ္ပဒါယ အရဟတာ၊ ဆန္ဒာဒိနိ  
ဆန္တမဟာနိဟေတုဘူတာယ အပရိက္ခယပဋိဘာနသာဓိကာယ သဗ္ဗညုတာယ

၁-ဒ ၇-၁၃၉၊ ၂၇၀၊ ဒ ၈-၁၇၆၊ ဒ ၉-၃၇၆-ပိဋေသု။  
၂-ဒ ၇-၁၃၉၊ ၂၇၀၊ ဒ ၈-၁၇၅-၆၊ ဒ ၉-၃၇၆-ပိဋေသု။

သပ္ပာသဗ္ဗုဒ္ဓေန၊ ဧဝံ အဋ္ဌာရသာဝေဏိကဗုဒ္ဓဓမ္မဝသေန<sup>၁</sup> စတူဟာကာရေဟိ  
ထောမိတေနာတိ ဧဝမာဒိနာ တေသံ တေသံ ဉာဏဒဿနပဟာနဗော-  
နေတ္ထေဟိ သင်္ဂဟိတာနံ ဗုဒ္ဓဂုဏာနံ ဝသေန ယောဇနာ ကာတဗ္ဗာတိ။

စတုဝေသာရဇံ သန္ဓာယ “စတူဟာကာရေဟိ”တိ ဂုတ္တံ။ “ထောမိ-  
တေနာ”တိ ဧတေန ဣမေသံ “ဘဂဝတာ”တိ ပဒဿ ဝိသေသနတံ ဒဿေတိ။  
ယဒိပိ ဟိနပဏိတဘေဒေန ဒုဝိဇာဝ အဓိမုတ္တိ ပါဠိယံ ဂုတ္တာ၊ ပဝတ္တိအာကာရ-  
ဝသေန ပန အနေကဘေဒဘိန္နာဝါတိ အာဟ “နာနာဓိမုတ္တိကတာ”တိ။ သာ  
ပန အဓိမုတ္တိ အဇ္ဈာသယဓာတုယေဝ၊ တဒပိ တထာ တထာ ဒဿနံ၊ ခမနံ၊  
ရောစနဉာတိ အတ္ထံ ဝိညာပေတိ “နာနဇ္ဈာသယတာ”တိ ဣမိနာ။ တထာ ဟိ  
ဝက္ခတိ “နာနာဓိမုတ္တိကတာ နာနဇ္ဈာသယတာ နာနာဒိဋ္ဌိကတာ နာနက္ခန္ဓိ-  
တာ နာနာရူပိတာ”တိ။ “ယာဝဉ္စိဒ”န္တိ ဧတဿ “သုပ္ပုဋိဝိဒိတာ”တိ ဣမိနာ  
သမ္ပန္နော။ တတ္ထ စ ဣဒန္တိ ပဒပူရဏမတ္ထံ၊ “နာနာဓိမုတ္တိကတာ”တိ ဧတေန  
ဝါ ပဒေန သမာနာဓိကရဏံ၊ တဿတ္ထော ပန ပါကဋ္ဌောယေဝါတိ အာဟ  
“ယာဝ စ သုပ္ပု ပုဋိဝိဒိတာ”တိ။

“ယာ ဝ အယ”န္တိ အာဒိနာ ဓာတုသံယုတ္တပါဠိ<sup>၂</sup> ဒဿေန္တော တဒေဝသံယုတ္တံ  
မနသိ ကရိတွာ တေသံ အဝဏ္ဏဝဏ္ဏဘာသနေန သဒ္ဓိ<sup>၃</sup> ဃဋ္ဌေတွာ ထေရာနမယံ  
သဒ္ဓိယဓမ္မော ဥဒပါဒိတိ ဒဿေတိ။ အတော အဿ ဘဂဝတော ဓာတု-  
သံယုတ္တဒေသနာနယေန တာသံ သုပ္ပုဋိဝိဒိတဘာဝံ သမတ္ထနဝသေန ဒဿေတုံ  
“အယံ ဟိ”တိ အာဒိမာဟာတိ အတ္ထော ဒဋ္ဌဗ္ဗော။ သုပ္ပုဋိဝိဒိတဘာဝသမတ္ထနဂ္ဂိ  
“အယံ ဟိ”တိ အာဒိဝစနံ။ တတ္ထ ယာ အယံ နာနာဓိမုတ္တိကတာ။ ပ။ ရူပိတာတိ  
သမ္ပန္နော။ ဓာတုသောတိ အဇ္ဈာသယဓာတုယာ။ သံသန္တန္တိတိ သမ္ပန္နန္တိ  
ဝိဿာသေန္တိ။ သမေန္တိတိ သမ္မာ၊ သဟ ဝါ ဘဝန္တိ။ “ဟိနာဓိမုတ္တိက”တိ အာဒိ  
တထာဘာဝဝိဘာဝနံ။ အတိတမ္ပိ အဋ္ဌါနန္တိ အတိတသ္မိ<sup>၄</sup> ကာလေ၊ အစ္စန္တ-  
သံယောဂေ ဝါ ဧတံ ဥပယောဂဝစနံ။ နာနာဓိမုတ္တိကတာ-ပဒဿ နာနဇ္ဈာ-  
သယတာတိ အတ္ထဝစနံ။ နာနာဒိဋ္ဌိ။ ပ။ ရူပိတာတိ တဿ သရူပဒဿနံ။  
သဿတာဒိလဒ္ဓိဝသေန နာနာဒိဋ္ဌိကတာ။ ပါပါစာရကလျာဏာစာရာဒိ-  
ပကတိဝသေန နာနက္ခန္ဓိကတာ။ ပါပိစ္ဆာအပ္ပိစ္ဆာဒိဝသေန နာနာရူပိတာ။  
နာဠိယာတိ တုဗ္ဗေန၊ အာဠကေန ဝါ။ တုလယာတိ မာနေန။ နာနာဓိမုတ္တိ-  
ကတာဉာဏန္တိ စေတ္တ သဗ္ဗညုတညာဏမေဝ အဓိပ္ပေတံ၊ န ဒသဗလဉာဏန္တိ

အာဟ “သဗ္ဗညုတညာဏေနာ”တိ။ ဧဝံ အာစရိယဓမ္မပါလတ္ထေရေန<sup>၁</sup> ဝုတ္တံ၊ အဘိဓမ္မဋ္ဌကထာယံ၊ ဒသဗလသုတ္တဋ္ဌကထာသု<sup>၂</sup> စ ဝေမာဂတံ။

ပရဝါဒီ ပနာဟ “ဒသဗလဉာဏံ နာမ ပါဠိယေက္ကံ နတ္ထိ၊ သဗ္ဗညုတ-  
ညာဏဿေဝါယံ ပဘေဒေါ”တိ၊ တံ တထာ န ဒဋ္ဌဗ္ဗံ။ အညမေဝ ဟိ  
ဒသဗလဉာဏံ၊ အညံ သဗ္ဗညုတညာဏံ။ ဒသဗလဉာဏံ၌ သကကိစ္စမေဝ  
ဇာနာတိ၊ သဗ္ဗညုတညာဏံ ပန တမ္ဗိ တတော အဝသေသမ္ဗိ ဇာနာတိ။  
ဒသဗလဉာဏေသု ဟိ ပဌမံ ကာရဏာကာရဏမေဝ ဇာနာတိ၊ ဒုတိယံ ကမ္မန္တ-  
ရဝိပါကန္တရမေဝ၊ တတိယံ ကမ္မပရိစ္ဆေဒမေဝ၊ စတုတ္ထံ ဓာတုနာနတ္ထကာရဏ-  
မေဝ၊ ပဉ္စမံ သတ္တာနမဇ္ဈာသယာဓိမုတ္တိမေဝ၊ ဆဋ္ဌံ ဣန္ဒြိယာနံ တိက္ခမုဒုဘာဝမေဝ၊  
သတ္တမံ ဈာနာဒိဟိ သမ္ဘိ<sup>၃</sup> တေသံ သံကိလေသာဒိမေဝ၊ အဋ္ဌမံ ပုဗ္ဗေနိဝုတ္တက္ခန္ဓ-  
သန္တတိမေဝ၊ နဝမံ သတ္တာနံ စုတိပဋိသန္ဓိမေဝ၊ ဒသမံ သစ္စပရိစ္ဆေဒမေဝ၊  
သဗ္ဗညုတညာဏံ ပန ဧတေဟိ ဇာနိတဗ္ဗူ တတော ဥတ္တရိဉ္စ ဇာနာတိ၊  
ဧတေသံ ပန ကိစ္စံ န သဗ္ဗံ ကရေတိ။ တဉ္စိ ဈာနံ ဟုတွာ အပ္ပေတုံ န  
သက္ကောတိ၊ ဣဒ္ဓိ ဟုတွာ ဝိကုဗ္ဗိတုံ န သက္ကောတိ၊ မဂ္ဂေါ ဟုတွာ ကိလေသေ  
ခေပေတုံ န သက္ကောတိ။ အဝိစ ပရဝါဒီ ဧဝံ ပုစ္ဆိတဗ္ဗော “ဒသဗလဉာဏံ  
နာမ ဧတံ သဝိတက္ကသဝိစာရံ အဝိတက္ကဝိစာရမတ္ထံ အဝိတက္ကအဝိစာရံ၊  
ကာမာဝစရံ ရူပါဝစရံ အရူပါဝစရံ၊ လောကီယံ လောကုတ္တရ”န္တိ။ ဇာနန္တော  
ပဋိပါဠိယာ သတ္တ ဉာဏာနိ “သဝိတက္ကသဝိစာရေနိ”တိ ဝက္ခတိ၊ တတော  
ပရာနိ ဒွေ “အဝိတက္ကအဝိစာရေနိ”တိ ဝက္ခတိ၊ အာသဝက္ခယဉာဏံ “သိယာ  
သဝိတက္ကသဝိစာရံ၊ သိယာ အဝိတက္ကဝိစာရမတ္ထံ၊ သိယာ အဝိတက္ကအဝိစာ-  
ရ”န္တိ ဝက္ခတိ၊ တထာ ပဋိပါဠိယာ သတ္တ ကာမာဝစရေနိ၊ တတော ပရံ  
ဒွေ ရူပါဝစရေနိ၊ အဝသာနေ ဧကံ “လောကုတ္တရ”န္တိ ဝက္ခတိ၊ သဗ္ဗညုတ-  
ညာဏံ ပန သဝိတက္ကသဝိစာရမေဝ၊ ကာမာဝစရမေဝ၊ လောကီယမေဝါတိ။  
ဣတိ အညဒေဝ ဒသဗလဉာဏံ၊ အညံ သဗ္ဗညုတညာဏန္တိ၊ တသ္မာ ပဉ္စမဗလ-  
ဉာဏသင်္ခါတေန နာနာဓိမုတ္တိကတာဉာဏေန စ သဗ္ဗညုတညာဏေန စ  
ဝိဒိတာတိ အတ္ထော ဝေဒိတဗ္ဗော။ စ-ကာရောပိ ဟိ ပေါတ္ထကေသု ဒိဿတိ။  
သမ္ဘတိ ယထာဝုတ္တာ နာနာဓိမုတ္တိကတာ။ “ဒွေဝိ နာမာ”တိအာဒိနာ  
ယထာဝုတ္တသုတ္တဿတ္ထံ သင်္ခေပေန ဒဿေတွာ “ဣမေသု စာဒိ”တိအာဒိနာ  
တဿ သဒ္ဓိယဓမ္မဿ တဒဘိသမ္ပန္နတံ အာဝိ ကရေတိ။ ဣတိ ဟ မေတိ  
တ္ထေ ဧဝံသဒ္ဓတ္ထေ ဣတိ-သဒ္ဓေါ၊ ဟ-ကာရော နိပါတမတ္ထံ၊ အာဂမော ဝါ။

၁-ဒိ-ဒီ ၁-၅၄-ပိဋေ။ ၂-မ-ဋ္ဌ ၁-၃၃၆၊ အံ-ဋ္ဌ ၃-၂၉၇၊ အဘိ-ဋ္ဌ ၂-၄၄၅-ပိဋေသု။

သန္တိဝသေန ဣကာရလောပေါ၊ အကာရာဒေသော ဝါတိ ဒဿေတိ “ဧဝံ ဣမေ”တိ ဣမိနာ။

၄။ “ဝိဒိတွာ”တိ ဧတ္ထ ပကတိယတ္ထဘူတာ ဝိဇာနနက်ရိယာ သာမညေန အဘေဒဝတီပိ သမာနာ တံတံကရဏယောဂျတာယ အနေကပ္ပဘေဒါတိ ဒဿေတုံ “ဘဂဝါ ဟိ”တိအာဒိ ဝုတ္တံ။ ဝတ္ထုနီတိ သရဝတ္ထုနိ။ “သဗ္ဗညုတညာဏေန ဒိသ္မာ” အညာသီ”တိ စ ဝေါဟာရဝစနမတ္တမေတံ။ န ဟိ တေန ဒဿနတော အညံ ဇာနနံ နာမ နတ္ထိ။ တဒိဒံ ဉာဏံ အာဝဇ္ဇနပဋိဗ္ဗန္ဓိ အာကင်္ခါပဋိဗ္ဗန္ဓိ မနသိကာရပဋိဗ္ဗန္ဓိ စိတ္တုပ္ပါဒပဋိဗ္ဗန္ဓိ ဟုတွာ ပဝတ္ထတိ။ ကိ” နာမ ကရောန္တော ဘဂဝါ တေန ဉာဏေန အာဝဇ္ဇနာဒိပဋိဗ္ဗန္ဓေန အညာသီတိ သောတုနမတ္တဿ သုဝိညာပနတ္ထံ ပရမ္မုခါ ဝိယ စောဒနံ သမုဋ္ဌာပေတိ “ဣ” ကရောန္တော အညာသီ”တိ ဣမိနာ၊ ပစ္စိမယာမကိစ္စံ ကရောန္တော တံ ဉာဏံ အာဝဇ္ဇနာဒိပဋိဗ္ဗန္ဓိ ဟုတွာ တေန တထာ အညာသီတိ ဝုတ္တံ ဟောတိ။ သာမညသ္မိံ သတိဝိသေသဝစနံ သာတ္ထကံ သိယာတိ အနုယောဂေနာဟ “ဣစ္ဆန္နာမေတ”န္တိအာဒိ။ အရဟတ္တမဂ္ဂေန သမုပ္ပါဒံ ကတံ တဿ သမုဋ္ဌာပကကိလေသသမုပ္ပါဒုနေန၊ ယတော “နတ္ထိ အဗျာဝဋ္ဌမနော”တိ အဋ္ဌာရသသု ဗုဒ္ဓဓမ္မေသု ဝုစ္စတိ။ နိရတ္ထကော စိတ္တသမုဒါစာရော နတ္ထိတိ ဟေတ္ထ အတ္ထော။ ဧဝမ္ပိဝုတ္တာနုယောဂေါတဒဝတ္ထောယေဝါတိစောဒနမပနေတိ “တံ ပဉ္စဝိ”န္တိအာဒိနာ။ တတ္ထ ပုရိမကိစ္စဒွယံ ဒိဝသဘာဂဝသေန၊ ဣတရတ္ထယံ ရတ္ထိဘာဂဝသေန ဂဟေတဗ္ဗံ တထာယေဝ ဝက္ခမာနတ္တာ။

“ဥပဋ္ဌာကာနုဂ္ဂဟဏတ္ထံ၊ သရီရဗာသုကတ္ထဉ္စာ”တိ ဧတေန အနေကကပ္ပသမုပစိတပုညသမ္ဘာရဇနိတံ ဘဂဝတော မုခဝရံ ဒုဂ္ဂန္ဓာဒိဒေါသံ နာမ နတ္ထိ၊ တဒုဘယတ္ထမေဝ ပန မုခခောဝနာဒိနိ ကရောတီတိ ဒဿေတိ။ သဗ္ဗောပိ ဟိ ဗုဒ္ဓါနံ ကာယော ဗာဟိရုပ္ပန္တရေဟိ မလေဟိ အနုပက္ကိလိဋ္ဌော သုခောတမဏိ ဝိယ ဟောတိ။ ဝိဝိတ္တာသနေတိ ဖလသမာပတ္တိနမနုရူပေ ဝိဝေကာနုဗြူဟနာသနေ။ ဝိတိနာမေတွာတိ ဖလသမာပတ္တိဟိ ဝိတိနာမနံ ဝုတ္တံ၊ တဗ္ဗိ န ဝိဝေကနိန္ဒဘာယ၊ ပရေသဉ္စ ဒိဋ္ဌာနဂတိအာပဇ္ဇနတ္ထံ။ သုရတ္ထဒုပဉ္စံ အန္တရဝါသကံ ဝိဟာရနိဝါသနပရိဝတ္တနဝသေန နိဝါသေတွာ ဝိဇ္ဇုလတာသဒိသံ ကာယဗန္ဓနံ ဗန္ဓိတွာ မေဃဝဏ္ဏံ သုဂဘစိဝရံ ပါရပိတွာ သေလမယပတ္တံ အာဒါယာတိ အဓိပ္ပါယော။ တထာယေဝ ဟိ တတ္ထ တတ္ထ ဝုတ္တော။ “ကဒါစိ

ကေကော”တိအာဒိ တေသံ တေသံ ဝိနေယျာနံ ဝိနယနာနုကူလံ ဘဂဝတော ဥပသင်္ကမနဒဿနံ။ ဂါမံ ဝါ နိဂမံ ဝါတိ ဧတ္ထ ဝါ-သဒ္ဓေါဝိကပ္ပနတ္ထော၊ တေန နဂရဗ္ဗိ ဝိကပ္ပေတိ။ ယထာရူပိ ဝတ္တမာနေဟိ အနေကေဟိ ပါဠိဟာရိယေဟိ ပဝိသတိတိ သမ္ပန္နော။

“သေယျထိဒ”န္တိအာဒိနာ ပစ္ဆိမပက္ခံ ဝိတ္တာရေတိ။ သေယျထိဒန္တိ စ တံ ကတမန္တိ အတ္ထေ နိပါတော၊ ဣဒံ ဝါ သပ္ပါဠိဟိရပဝိသနံ ကတမန္တိပိ ဝဋ္ဋတိ။ မုဒုဂတဝါတာတိ မုဒုဘူတာ၊ မုဒုဘာဝေန ဝါ ဂတာ ဝါတာ။ ဥဒက-မုသိတာနီတိ ဥဒကဗိန္ဒုနိ။ မုဉ္ဇန္တာတိ ဩသိဉ္ဇန္တာ။ ရေဏုံ ဂူပသမေတွာတိ ရဇံ သန္ဓိသီဒါပေတွာဥပရိ ဝိတာနံ ဟုတွာ တိဋ္ဌန္တိ စဏ္ဍဝါတာတပဟိမပါတာဒိ-ဟရဏေန ဝိတာနကိစ္စနိပ္ပေါဒကတ္တာ၊ တတော တတော ဟိမဝန္တာဒိသု ပုပ္ဖုပဂ-ရုက္ခတော ဥပသံဟရိတွာတိ အတ္ထဿ ဝိညာယမာနတ္တာ တထာ န ဝုတ္တံ။ သမဘာဂကရဏမတ္ထေန ဩနမန္တိ၊ ဥန္တမန္တိ စ၊ တတောယေဝ ပါဒနိက္ခေပသမ-ယေ သမာဝ ဘူမိ ဟောတိ။ နိဒဿနမတ္ထဉ္ဇေတံ သက္ခရကထလကဏ္ဍကသင်္က-ကလလာဒိအပဂမနဿာပိ သမ္ပဝတော၊ တဉ္စ သုပ္ပတိဋ္ဌိတပါဒတာလက္ခဏဿ နိဿန္တဖလံ၊ န ဣဒ္ဓိနိဗ္ဗာနံ။ မုဒုမုပ္ဖုဂါနိ ဝါတိ ဧတ္ထ ဝါ-သဒ္ဓေါဝိကပ္ပနတ္ထော၊ တေန “ယဒိ ယထာဝုတ္တနယေန သမာ ဘူမိ ဟောတိ၊ ဧဝံ သတိ တာနိ န ပဋိဂ္ဂဏန္တိ၊ တထာ ပန အသတိယေဝ ပဋိဂ္ဂဏန္တိ”တိ ဘဂဝတော ယထာရူပိ ပဝတ္တနံ ဒဿေတိ။ သဗ္ဗဒါဝ ဘဂဝတော ဂမနံ ပဌမံ ဒက္ခိဏပါဒုဒ္ဓရဏ-သင်္ခါတာနုဗျဉ္ဇနပဋိမဏ္ဍိတန္တိ အာဟ “ဌပိတမတ္ထေ ဒက္ခိဏပါဒေ”တိ။ မုဒ္ဓါနံ သဗ္ဗဒက္ခိဏတာယ တထာ ဝုတ္တန္တိ အာစရိယဓမ္မပါလတ္ထေရော<sup>၁</sup>၊ အာစရိယ-သာရိပုတ္တတ္ထေရော<sup>၂</sup> စ ဝဒတိ၊ သဗ္ဗေသံ ဥတ္တမတာယ ဧဝံ ဝုတ္တန္တိ အတ္ထော။ ဧဝံ သတိ ဥတ္တမပုရိသာနံ တထာပကတိတာယာတိ အာပဇ္ဇတိ။ ဌပိတမတ္ထေ နိက္ခမိတွာ ဓာဝန္တိတိ သမ္ပန္နော။ ဣဒဉ္စ ယာဝဒေဝ ဝိနေယျဇနဝိနယနတ္ထံ သတ္ထု ပါဠိဟာရိယန္တိ တေသံ ဒဿနဋ္ဌာနံ သန္ဓာယ ဝုတ္တံ။ “ဆဗ္ဗဏ္ဏရသ္မိ-ယော”တိ ဝတွာပိ “သုဝဏ္ဏရသပိဉ္ဇရနိ ဝိယာ”တိ ဝစနံ ဘဂဝတော သရိရေ ဝိတာဘာယ ယေဘုယျတာယာတိ ဒဋ္ဌဗ္ဗံ။ “ရသ-သဒ္ဓေါ စေတ္ထ ဥဒကပရိ-ယာယော၊ ဝိဉ္ဇရ-သဒ္ဓေါ ဟေမဝဏ္ဏပရိယာယော၊ သုဝဏ္ဏဇလဓာရာ ဝိယ သုဝဏ္ဏဝဏ္ဏာနီတိအတ္ထော”တိ<sup>၃</sup> သာရတ္ထဒီပနိယံ ဝုတ္တံ။ ပါသာဒကူဋာဂါရာဒိနိ တေသု တေသု ဂါမနိဂမာဒိသု သံဝိဇ္ဇမာနာနိ အလင်္ကရေန္တိယော ဟုတွာ။

“တထာ”တိအာဒိနာ သယမေဝ ဓမ္မတာဝသေန တေသံ သဒ္ဓကရဏံ ဒဿေတိ။ တဒါ ကာယံ ဥပဂစ္ဆန္တိတိ ကာယူပဂါနိ၊ န ယတ္ထ ကတ္ထမိ ဌိတာနိ။ “အန္တရီယံ”န္တိ ဣမိနာ ဘဂဝတော ပိဏ္ဍာယ ဂမနာနုရူပဝီထိံ ဒဿေတိ။ န ဟိ ဘဂဝံ၊ လောလုပ္ပစာရပိဏ္ဍာစာရိကော ဝိယ ယတ္ထ ကတ္ထမိ ဂစ္ဆတိ။ ယေ ပဌမံ ဂတာ၊ ယေ ဝါတဒနုစ္ဆရိကံ ပိဏ္ဍာပါတံ ဒါတုံ သမတ္တာ၊ တေ ဘဂဝတောပိ ဗတ္တံ ဂဏှန္တိတိ ဝေဒိတဗ္ဗံ။ ပဋိမာနေန္တိတိ ပတိဿမာနဿာ<sup>၁</sup> ပူဇေန္တိ၊ ဘဂဝန္တံ ဝါ ပဋိမာနာပေန္တိ ပဋိမာနန္တံ ကရောန္တိ။ ဝေါဟာရမတ္တဉ္ဇေတံ၊ ဘဂဝတော ပန အပဋိမာနနာ နာမ နတ္ထိ။ စိတ္တသန္တာနာနီတိ အတီတေ၊ တေရဟိ စ ပဝတ္တ- စိတ္တသန္တာနာနိ။ ယထာ ကေမိ အရဟတ္တေ ပတိဋ္ဌဟန္တိ၊ တထာ ဓမ္မံ ဒေဿေ- တိတိ သမ္ဗန္ဓော။ ကေမိ ပဗ္ဗဇိတွာဘိ စ အရဟတ္တသမာပန္နာနံ ပဗ္ဗဇာသင်္ခေပ- ဂတဒဿနတ္ထံ၊ န ပန ဂိဟိနံ အရဟတ္တသမာပန္နတာပဋိက္ခေပနတ္ထံ။ အယဉ္စိ အရ- ဟတ္တပ္ပတ္တာနံ ဂိဟိနံ သဘာဝေါ၊ ယာ တဒဟေဝ ပဗ္ဗဇော ဝါ၊ ကာလံ ကိရိယာ- ဝါတိ။ တထာ ဟိ ဝုတ္တံ အာယသ္မတာ နာဂသေနတ္ထေရေန “ဝိသမံ မဟာရာဇ ဂိဟိလိင်္ဂံ၊ ဝိသမေ လိင်္ဂေ လိင်္ဂဒုဗ္ဗလတာယ အရဟတ္တံ ပတ္တော ဂိဟိ တသ္မိံ ယေဝ ဒိဝသေ ပဗ္ဗဇတိ ဝါ ပရိနိဗ္ဗာယတိ ဝါ နေသော မဟာရာဇ ဒေါသော အရ- ဟတ္တဿ၊ ဂိဟိလိင်္ဂဿေဝေသော ဒေါသော ယဒိဒံ လိင်္ဂဒုဗ္ဗလတာ”တိ<sup>၂</sup> သဗ္ဗံ ဝတ္တဗ္ဗံ။ ဧတ္ထ စ သပ္ပါဋ္ဌိဟိရပ္ပဝေသနသမ္ဗန္ဓေနေဝ မဟာဇနာနုဂ္ဂဟဏံ ဒဿိတံ၊ အပ္ပါဋ္ဌိဟိရပ္ပဝေသနေန စ ပန “တေ သုနိဝတ္တာ သုပါရတာ”တိအာဒိဝစနံ ယထာရဟံ သမ္ဗန္ဓိတွာ မဟာဇနာနုဂ္ဂဟဏံ အတ္ထတောဝိဘာဝေတဗ္ဗံ ဟောတိ။ တမ္ပိ ဟိ ပုရောဟတ္တကိစ္စမေဝါတိ။ ဥပဋ္ဌာနသာလာ စေတ္ထ မဏ္ဍလမာဋ္ဌော။ တတ္ထ ဂန္ဓာ မဏ္ဍလမာဋ္ဌေတိ ဣမပါဋ္ဌော လိဒိတော။ “ဂန္ဓမဏ္ဍလမာဋ္ဌေ”တိဝိ<sup>၃</sup> မနောရထပူရဏိယာ ဒိဿတိ၊ တဇ္ဇိကာယဉ္စ “စတုဇ္ဇာတိယဂန္ဓေန ပရိဘလ္လေ မဏ္ဍလမာဋ္ဌေ”တိ ဝုတ္တံ။ ဂန္ဓကုဋိံ<sup>၄</sup> ပဝိသတိတိ စ ပဝိသနကိရိယာသမ္ဗန္ဓတာယ၊ တဿမိပတာယ စ ဝုတ္တံ၊ တသ္မာ ပဝိသိတုံ ဂစ္ဆတိတိ အတ္ထော ဒဋ္ဌဗ္ဗော၊ န ပန အန္တော တိဋ္ဌတိတိ။ ဧဝံ “အထ ခေါ ဘဂဝါ”တိအာဒိဝစနံ<sup>၅</sup> သူပပန္နံ ဟောတိ။

အထ ခေါတိ ဧဝံ ဂန္ဓကုဋိံ<sup>၆</sup> ပဝိသိတုံ ဂမနကာလေ။ ဥပဋ္ဌာနေတိ သမိပ- ပဒေသေ။ “ပါဒေ ပက္ခာလေတွာ ပါဒဝိဋ္ဌေ ဌတွာ ဘိက္ခုသံသံ ဩဝဒတိ”တိ ဧတ္ထ ပါဒေ ပက္ခာလေန္တောဝ ပါဒဝိဋ္ဌေ တိဋ္ဌန္တော ဩဝဒတိတိ ဝေဒိတဗ္ဗံ။

---

၁-ပတိတမာနဿာ (ဗဟုသု)	၂-၃ ၁၁-၂၇၇-ပိဋ္ဌေ၊
၃-အံ-ဋ္ဌ ၁-၄၉-ပိဋ္ဌေ၊	၄-ဒီ ၁-၂-ပိဋ္ဌေ၊

တေဒတ္ထံယေဝ ဟိ ဘိက္ခုနံ ဘတ္တကိစ္စပရိယောသာနံ အာဂမယမာနော နိဿိဒိ။  
 ဒုလ္လဘာ သမ္ပတ္တိတိ သတိပိ မနုဿတ္တပဋိလာဘော ပတိရူပဒေသဝါသဇ္ဈန္ဒိယာ-  
 ဝေကလ္လသဒ္ဓါပဋိလာဘာဒယော သမ္ပတ္တိသင်္ခါတာ ဂုဏာ ဒုလ္လဘာတိ အတ္ထော။  
 ပေါတ္ထကေသု ပန “ဒုလ္လဘာ သဒ္ဓါသမ္ပတ္တိ”တိ ပါဌော ဒိဿတိ၊ သော  
 အယုတ္တောဝ။ တတ္ထာတိ တသ္မိံ ပါဒပိဌေ ဌတော ဩဝဒနကာလေ၊ တေသု  
 ဝါ ဘိက္ခုသု၊ ရတ္တိယာ ဝသနံ ဌာနံ ရတ္တိဌာနံ၊ တထာဒိဝါဌာနံ။ “ကေစိ”တိ-  
 အာဒိတဗ္ဗိဝရဏံ။ စာတုမဟာရာဇိကဘဝနန္တိ စာတုမဟာရာဇိကဒေဝလောကေ  
 သုညဝိမာနာနိ သန္ဓာယ ဂုတ္တံ။ သေ နယော တာဝတိံသဘဝနာဒိသုပိ။  
 တတော ဘဂဝါ ဂန္ဓကုဋိံ ပဝိသိတွာ ပစ္ဆာဘတ္တံ တယော ဘာဂေ ကတွာ  
 ပဌမဘာဂေ သစေ အာကင်္ခတိ၊ ဒက္ခိဏေန ပဿေန သီဟသေယျံ ကပ္ပေတိ၊  
 သစေ နာကင်္ခတိ၊ ဗုဒ္ဓါစိဏ္ဏံ ဖလသမာပတ္တိံ သမာပဇ္ဇတိ၊ အထ ယထာကာ-  
 လပရိစ္ဆေဒံ တတော ဂုဌဟိတွာ ဒုတိယဘာဂေ ပစ္ဆိမယာမဿ တတိယ-  
 ကောဌာသေ ဝိယ လောကံ ဝေါလောကေတိ ဝေနေယျာနံ ဉာဏပရိပါကံ  
 ပဿိတုံ၊ တေနာဟ “သစေ အာကင်္ခတိ”တိအာဒိ။ သီဟသေယျန္တိအာ-  
 ဒိနမတ္ထောဟေဌာ ဂုတ္တောဝ။ ယဉ္ဇိ အပုဗ္ဗံ ပဒံ အနုတ္တာနံ၊ တဒေဝ ဝဏ္ဏယိဿာမ။  
 သမ္မာ အဿာသိတဗ္ဗောတိ ဂါဟာပနဝသေန ဥပတ္တန္တိတဗ္ဗောတိ သမဿာ-  
 သိတော။ တာဒိသော ကာယောယဿာတိတထာ။ ဓမ္မဿဝနတ္ထံ သန္တိပတတိ။  
 တဿာ ပရိသာယ စိတ္တာစာရံ ဥတွာ ကတဘာဝံ သန္ဓာယာဟ “သမ္ပတ္တပရိ-  
 သာယ အနုရူပေန ပါဠိဟာရိယေနာ”တိ။ ယတ္ထ ဓမ္မံ သဟ ဘာသန္တိ၊ သာ ဓမ္မ-  
 သဘာနာမ။ ကာလယုတ္တန္တိ “ဣမိဿာ ဝေလာယဇ္ဈမဿ ဧဝံဝတ္တဗ္ဗ”န္တိ တံတံ-  
 ကာလာနုရူပံ။ သမယယုတ္တန္တိ တဿေဝ ဝေဝစနံ၊ အဋ္ဌပ္ပတ္တိအနုရူပံ ဝါ သမယ-  
 ယုတ္တံ။ အထ ဝါ သမယယုတ္တန္တိ ဟေတုဒါဟရဏေဟိ ယုတ္တံ။ ကာလေန  
 သာပဒေသဉ္စိ ဘဂဝါ ဓမ္မံ ဒေသေတိ။ ကာလံ ဝိဒိတွာ ပရိသံ ဥယျောဇေတိ၊  
 န ယာဝသမန္ဓကာရာ ဓမ္မံ ဒေသေတိတိ အဓိပ္ပါယော။ “သမယံ ဝိဒိတွာ ပရိသံ  
 ဥယျောဇေသိ”တိပိ ကတ္ထစိ ပရိယာယဝစနပါဌော ဒိဿတိ၊ သော ပစ္ဆာ  
 ပမာဒလိခိတော။

ဂတ္တာနီတိ ကာယောယေဝ အနေကာဝယဝတ္တာ ဂုတ္တော။ “ဥတုံ ဂဏှာပေ-  
 တိ”တိ ဣမိနာ ဥတုဂဏှာပနတ္ထမေဝ ဩသိဉ္စနံ၊ န ပန မလဝိက္ခာလနတ္တန္တိ  
 ဒဿေတိ။ န ဟိ ဘဂဝတော ကာယေ ရဇောဇလ္လံ ဥပလိမ္ပတိတိ။ စတုဇ္ဇာတိ-  
 ကေန ဂန္ဓေန ပရိဘာဝိတာ ကုဋိ ဂန္ဓကုဋိ။ တဿာ ပရိဝေဏံ တဏှာ။  
 ဖလသမာပတ္တိဟိ ပုဟုတ္တံ ပဋိသန္ဓိနော။ တတော တတောတိ အတ္တနော

အတ္တနော ရတ္တိဋ္ဌာနဒိဝါဋ္ဌာနတော၊ ဥပဂန္တာ၊ သမိပေ ဝါ ဌာနံ ဥပဋ္ဌာနံ၊ ဘဇနံ သေဝနန္တိ အတ္ထော။ တတ္ထာတိ တသ္မိံ နိဿိဒနဋ္ဌာနော၊ ပုရိမယာမေ ဝါ၊ တေသု ဝါ ဘိက္ခုသု။

ပဉ္စာကထနာဒိဝသေန အဓိပ္ပါယ် သမ္မာဒေန္တော “ဒသသဟဿိ-  
လောကဓာတူ”တိ ဧဝံ အဝတွာ တဿာ အနေကာဝယဝသင်္ဂဟဏတ္ထံ  
“သကလဒသသဟဿိလောကဓာတူ”တိ ဝုတ္တံ။ ပုရောဘတ္တပစ္ဆာဘတ္တပုရိမ-  
ယာမေသု မနုဿပရိသာဗာဟုလ္လတော ဩကာသံ အလဘိတွာ ဣဒါနိ  
မဇ္ဈိမယာမေယေဝ ဩကာသံ လဘမာနာ၊ ဘဂဝတာ ဝါ ကတောကာသ-  
တာယ ဩကာသံ လဘမာနာတိ အဓိပ္ပါယော။ ကိဒိသံ ပန ပုစ္ဆန္တိတိ အာဟ  
“ယထာဘိသင်္ခတံ အန္တမသော စတုရက္ခရဗ္ဗိ”တိ။ ယထာဘိသင်္ခတန္တိ အဘိ-  
သင်္ခတာနုရူပံ၊ တဒနတိက္ကမ္မ ဝါ၊ ဧတေန ယထာ တထာ အတ္တနော ပဋိ-  
ဘာနာနုရူပံ ပုစ္ဆန္တိတိ ဒဿေတိ။

ပစ္ဆာဘတ္တကာလဿ တိသု ဘာဂေသု ပဌမဘာဂေ သီဟသေယျာကပ္ပနံ  
ဧကန္တံ န ဟောတိတိ အာဟ “ပုရောဘတ္တတော ပဋ္ဌာယ နိသဇ္ဇာယ ဝီဇ္ဇိ-  
တဿ သရီရဿာ”တိ။ တေနော ဟိ ပုဗ္ဗေ “သစေ အာကင်္ခတိ”တိ တဒါ သီဟ-  
သေယျာကပ္ပနဿ အနိဗ္ဗတာ ဝိဘာဝိတာ။ ကိလသုဘာဝေါ ကိလမထော။  
သရီရဿ ကိလသုဘာဝမောစနတ္ထံ စက်မေန ဝီတိနာမေတိ သီဟသေယျံ  
ကပ္ပေတိတိ သမ္ပန္နော။ ဗုဒ္ဓစက္ခုနာတိ အာသယာနုသယဇုန္တိယပရောပရိယတ္တ-  
ဉာဏသင်္ခါတေန ပဉ္စမဆဋ္ဌဗလဘူတေန ဗုဒ္ဓစက္ခုနာ။ တေန ဟိ လောက-  
ဝေါလောကနဗာဟုလ္လတာယ တံ “ဗုဒ္ဓစက္ခု”တိ ဝုစ္စတိ၊ ဣဒဉ္စ ပစ္စိမယာမေ  
ဘဂဝတော ဗဟုလံ အာစိဏ္ဏဝသေန ဝုတ္တံ။ အပ္ပေကဒါ အဝသိဋ္ဌဗလဉာဏေဟိ၊  
သဗ္ဗညုတညာဏေနော စ ဘဂဝါ တမတ္ထံ သာဓေတိ။

“ပစ္စိမယာမကိစ္စံ ကရောန္တော အညာသိ”တိ ပုဗ္ဗေ ဝုတ္တမတ္ထံ သမတ္ထေန္တော  
“တသ္မိံ ပန ဒိဝသေ”တိအာဒိမာဟ။ ဗုဒ္ဓါနံ ဘဂဝန္တာနံ ယတ္ထ ကတ္တမိ  
ဝသန္တာနံ ဣဒံ ပဉ္စဝိဓံ ကိစ္စံ အဝိဇဟိတမေဝ ဟောတိ သဗ္ဗကာလံ သုပ္ပတိဋ္ဌိ-  
တသတိသမ္ပဇညတ္တာ၊ တသ္မာ တဒဟေဝိ တဒဝိဇဟနဘာဝဒဿနတ္ထံ ဣဓ  
ပဉ္စဝိဓကိစ္စပယောဇနန္တိ ဒဋ္ဌဗ္ဗံ။ စက်မန္တိ တတ္ထ စက်မနာနုရူပဋ္ဌာနံ။ စက်မ-  
မာနော အညာသိတိ ယောဇေတဗ္ဗံ။ ပုဗ္ဗေ ဝုတ္တေ အတ္တဒ္ဓယေ ပစ္စိမတ္ထညေဝ  
ဂဟေတွာ “သဗ္ဗညုတညာဏံ အာရဉ္ဇာ”တိ ဝုတ္တံ။ ပုရိမတ္ထော ဟိ ပကရဏာမိ-  
ဂတတ္တာ သုဝိညေယျောတိ။

“အထ ခေါ် ဘဂဝါ တေသံ ဘိက္ခုနံ ဣမံ သဒ္ဓိယဓမ္မံ ဝိဒိတွာ  
 ယေန မဏ္ဍလမာဠော၊ တေနပသင်္ကမိ”တိ အယံ သာဝသေသပါဠော၊  
 တသ္မာ ဧတံ ဝိဒိတွာ၊ ဧဝံ စိန္တေတွာ စ ဥပသင်္ကမိတိ အတ္ထော  
 ဝေဒိတဗ္ဗောတိ ဒဿေတုံ “ဥတွာ စ ပနဿာ”တိအာဒိ ဝုတ္တံ။ တတ္ထ အဿ  
 ဧတေဟောသီတိ အဿ ဘဂဝတော ဧတံ ပရိဝိတက္ကနံ၊ ဧသော ဝါ  
 စေတသော ပရိဝိတက္ကော အဟောသိ၊ လိင်္ဂဝိပလ္လာသောယံ “ဧတဒဂ္ဂ”န္တိ-  
 အာဒိသု<sup>၁</sup> ဝိယ။ သဗ္ဗညုတညာဏကိစ္စံ န သဗ္ဗထာ ပါကဋံ။ နိရန္တရန္တိ  
 အနုပုဗ္ဗာရောစနဝသေန နိဗ္ဗိဝရံ၊ ယထာဘာသိတဿ ဝါ အာရောစန-  
 ဝသေန နိဗ္ဗိသေသံ။ ဘာဝနပုံသကဇ္ဇေတံ။ တံ အဋ္ဌပ္ပတ္တိ<sup>၂</sup> ကတွာတိ တံ  
 ယထာရောစိတံ ဝစနံ ဣမဿ သုတ္တဿ ဥပ္ပတ္တိကာရဏံ ကတွာ၊ ဣမဿ  
 ဝါ သုတ္တဿ ဒေသနာယ ဥပ္ပန္တံ ကာရဏံ ကတွာတိပိ အတ္ထော။ အတ္ထ-  
 သဒ္ဓေါ စေတ္ထ ကာရဏေ၊ တေန ဣမဿ သုတ္တဿ အဋ္ဌပ္ပတ္တိကံ နိက္ခေပံ  
 ဒဿေတိ။ ဒွါသဋ္ဌိယာ ဌာနေသုတိ ဒွါသဋ္ဌိဒိဋ္ဌိဂတဋ္ဌာနေသု။ အပ္ပဋိဝတ္တိယန္တိ  
 သမဏေန ဝါ မြာဟ္မဏေန ဝါ ဒေဝေန ဝါ မာရေန ဝါ မြဟ္မနာ ဝါ  
 ကေနစိ ဝါ လောကသ္မိံ အနိဝတ္တိယံ။ သီဟနာဒံ နဒန္တောတိ သေဋ္ဌနာဒ-  
 သင်္ခါတံ အဘိတနာဒံ နဒန္တော။ ယံ ပန လောကိယာ ဝဒန္တိ—

“ဥတ္တရသ္မိံ ပဒေ ဗျဿ-ပုဂံဝေါသဘကုဉ္ဇရာ။  
 သီဟသဒ္ဓုလနာဂါချာ၊ ပုမေ သေဋ္ဌတ္ထဂေါစရာ”တိ၊

တံ ယေဘုယျဝသေနာတိ ဒဋ္ဌဗ္ဗံ။ သီဟနာဒသဒိသံ ဝါ နာဒံ နဒန္တော။  
 အယမတ္ထော သီဟနာဒသုတ္တေန<sup>၂</sup> ဒိပေတဗ္ဗော။ ယထာ ဝါ ကေသရော မိဂ-  
 ရာဇာ သဟနတော၊ ဟနနတော၊ စ “သီဟော”တိ ဝုစ္စတိ၊ ဧဝံ တထာဂတောပိ  
 လောကဓမ္မာနံ သဟနတော၊ ပရပ္ပဝါဒါနံ ဟနနတော စ “သီဟော”တိ ဝုစ္စတိ။  
 တသ္မာ သီဟဿ တထာဂတဿ နာဒံ နဒန္တောတိပိ အတ္ထော ဒဋ္ဌဗ္ဗော။  
 ယထာ ဟိ သီဟော သီဟဗလေန သမန္တာဂတော သဗ္ဗတ္ထ ဝိသာရဒေါ ဝိဂတ-  
 လောမဟံသော သီဟနာဒံ နဒတိ၊ ဧဝံ တထာဂတသီဟောပိ တထာဂတ-  
 ဗလေဟိ သမန္တာဂတော အဋ္ဌသု ပရိသာသု ဝိသာရဒေါ ဝိဂတလောမဟံ-  
 သော “ဣမေ ဒိဋ္ဌိဋ္ဌာနာ”တိအာဒိနာ နယေန နာနာဝိဓဒေသနာဝိလာသ-  
 သမ္ပန္တံ သီဟနာဒံ နဒတိ။ ယံ သန္ဓာယ ဝုတ္တံ “သီဟောတိ ခေါ ဘိက္ခဝေ  
 တထာဂတဿေတံ အဓိဝစနံ အရဟတော သမ္မာသမ္ဗုဒ္ဓဿ။ ယံ ခေါ ဘိက္ခဝေ  
 တထာဂတော ပရိသာယ ဓမ္မံ ဒေသေတိ၊ ဣဒမဿ ဟောတိ သီဟနာဒသ္မိံ”န္တိ<sup>၃</sup>။

၁-အံ ၁-၂၃-၂၀-ပိဋေသု၊ ၂-အံ ၂-၃၆၅၊အံ ၃-၂၀၂-ပိဋေသု၊ ၃-အံ ၃-၂၀၂-ပိဋေ၊

“ဣမေ ဒိဋ္ဌိဋ္ဌာနာ”တိအာဒိကာ ဟိ ဣဓဝက္ခမာနဒေသနာယေဝ **သီဟနာဒေါ**။  
 တေသံ “ဝေဒနာပစ္စယာ တဏှာ”တိအာဒိနာ ဝက္ခမာနနယေန ပစ္စယာ-  
 ကာရဿ သမောဓာနမ္ပိ ဝေဒိတဗ္ဗံ။ **သိနေရုံ။ပ။** ဝိယ စာတိ ဥပမာဒွယေန  
 မြဟ္မဇာလဒေသနာယ အနညဿာဓာရဏတ္တာ သုဒုက္ကရတံ ဒဿေတိ။  
**သုဝဏ္ဏကုဋေနာ**တိ သုဝဏ္ဏမယပဟရဏောပကရဏဝိသေသေန။ ရတန-  
 နိကုဋေန ဝိယ အဂါရံ **အရဟတ္တနိကုဋေန** မြဟ္မဇာလသုတ္တန္တံ နိဋ္ဌပေန္တော၊  
**နိကုဋေနာ**တိ စ နိဋ္ဌာနဂတေန အစ္စုဂ္ဂတကုဋေနာတိ အတ္ထော။ ဣဒဉ္စ  
 အရဟတ္တဖလပရိယောသာနတ္တာ သဗ္ဗဂုဏာနံ တဒေဝ သဗ္ဗေသံ ဥတ္တရိတရန္တိ  
 ဝုတ္တံ။ ပုရိမော ပန **မေ-သဒ္ဓေါ** ဒေသနာပေက္ခောတိ ပရိနိဗ္ဗုတဿာပိ မေ  
 သာ ဒေသနာ အပရဘာဂေ ပဉ္စဝဿသဟဿာနီတိ အတ္ထော ယုတ္ထော။  
 သဝနဥဂ္ဂဟဏဓာရဏဝါစနာဒိဝသေန ပရိစယံ ကရောန္တေ၊ တထာ စ  
 ပဋိပန္နေ နိဗ္ဗာနံ သမ္ပာပိကာ ဘဝိဿတိတိ အဓိပ္ပာယ်ော။

ယဒဂ္ဂေန **ယေနာ**တိ ကရဏနိဒ္ဒေသော၊ တဒဂ္ဂေန **တေနာ**တိပိ ဒဋ္ဌဗ္ဗံ။ **တေန္တိ**  
 “ယေနတေနာ”တိ ဧတံ ပဒဒ္ဓယံ။ **တတ္ထာ**တိ ဟိ တသ္မိံ မဏ္ဍလမာဠေတိ အတ္ထော။  
**ယေနာ**တိဝါ ဘုမ္မတ္ထေ ကရဏဝစနံ။ **တေနာ**တိ ပန ဥပယောဂတ္ထေ။ တသ္မာ  
**တတ္ထာ**တိ တံ မဏ္ဍလမာဠန္တိပိ ဝဒန္တိ။ **ဥပသင်္ကမီ**တိ စ ဥပသင်္ကမန္တောတိ အတ္ထော  
 ပစ္စုပ္ပန္နကာလဿ အဓိပ္ပေတတ္တာ၊ တဒုပသင်္ကမနဿ ပန အတိတဘာဝဿ  
 သူစနတော “ဥပသင်္ကမီ”တိ တက္ကာလာပေက္ခနဝသေန အတိတပယောဂေါ  
 ဝုတ္ထော။ ဧဝံ “ဥပသင်္ကမီတွာ”တိ ဝစနံ သူပပန္နံ ဟောတိ။ ဣတရဏာ  
 ဒိန္နမ္ပိ ဝစနာနံ အတိတကာလိကတ္တာ တထာဝတ္တဗ္ဗမေဝ န သိယာ။ ဥပသင်္က-  
 မနဿ စ ဂမနံ၊ ဥပဂမနဉ္စာတိ ဒွိဓာ အတ္ထော၊ ဣဓ ပန ဂမနမေဝ။ သမ္ပတ္တု-  
 ကာမတာယ ဟိ ယံ ကိဉ္စိ ဌာနံ ဂစ္ဆန္တော တံတံပဒေသတိက္ကမနဝသေန “တံ  
 ဌာနံ ဥပသင်္ကမီ ဥပသင်္ကမန္တော”တိ ဝတ္တဗ္ဗတံ လဘတိ၊ တေနာဟ **“တတ္ထ**  
**ဂတော”**တိ၊ တေန ဥပဂမနတ္ထံ နိဝုတ္တေတိ။ ယဉ္စိ ဌာနံ ပတ္တုမိစ္ဆန္တော ဂစ္ဆတိ၊  
 တံ ပတ္တတာယေဝ “ဥပဂမန”န္တိ ဝုတ္တေတိ။ ယမေတ္ထ န သံဝဏ္ဏိတံ **“ဥပသင်္ကမီ-**  
**တွာ”**တိ ပဒံ၊ တံ ဥပသင်္ကမနပရိယောသာနဒိပနံ။ အထ ဝါ **ဂံတော**တိ ဥပ-  
 ဂံတော။ အနုပသဂ္ဂေါပိ ဟိ သဒ္ဓေါ သဥပသဂ္ဂေါ ဝိယ အတ္တန္တရံ ဝဒတိ သဥပ-  
 သဂ္ဂေါပိ အနုပသဂ္ဂေါ ဝိယာတိ။ အတော **“ဥပသင်္ကမီတွာ”**တိ ပဒဿ ဧဝံ  
 ဥပဂတော တတော အာသန္နတရံ ဘိက္ခုနံ သမိပသင်္ခါတံ ပဉ္စ ဝါ ကထေတုံ၊  
 ဓမ္မံ ဝါ ဒေသေတုံ သက္ကုဏေယျဌာနံ ဥပဂန္တာတိ အတ္ထော ဝေဒိတဗ္ဗော။  
 အပိစ **ယေနာ**တိ ဟေတုမ္ပိ ကရဏဝစနံ။ ယေန ကာရဏေန ဘဂဝတာ

သော မဏ္ဍလမာဠော ဥပသင်္ကမိတဗ္ဗော၊ တေန ကာရဏေန ဥပသင်္ကမိတိ အတ္ထော။ ကာရဏံ ပန “ဣမေ ဘိက္ခု”တိအာဒိနာ အဋ္ဌကထာယံ ဝုတ္တမေဝ။

ပညတ္တေ အာသနေ နိသီဒိတိ ဧတ္ထ ကေနိဒံ ပညတ္တန္တိ အနုယောဂေ သတိ ဘိက္ခုဟိတိ ဒဿေတုံ “ဗုဒ္ဓကာလေ ကိရာ”တိအာဒိမာဟ။ တတ္ထ ဗုဒ္ဓကာလေတိ ဓရမာနဿ ဘဂဝတော ကာလေ။ ဝိသေသန္တိ ယထာလဒ္ဓတော ဥတ္တရိ ဈာနမဂ္ဂဖလံ။ အထာတိ သံသယတ္ထေ နိပါတော၊ ယဒိ ပဿတိတိ အတ္ထော။ ဝိတက္ကယမာနံ နံ ဘိက္ခုန္တိ သမ္ဗန္ဓော၊ တထာ တတော ပဿနဟေတု ဒဿေတွာ၊ ဩဝဒိတွာတိ စ။ အနမတဂ္ဂေတိ အနာဒိမတိ။ အာကာသံ ဥပ္ပတိတွာတိ အာကာသေ ဥဂန္ဓာ။ ဤဒိသေသု ဟိ ဘုမ္မတ္ထော ဧဝယုဇ္ဇတိတိ ဥဒါနဋ္ဌကထာယံ ဝုတ္တံ။ အာရောတိ တင်္ဂဏေယေဝ ဘဂဝတော အနုစ္ဆရိကာသနဿ ဒုလ္လဘတ္တာ ဂရုကမ္ပံ။ ဖလကန္တိ နိသီဒနတ္ထာယ ကတံ ဖလံ။ ကဋ္ဌကန္တိ နိသီဒနယောဂုံ ဖလကတော အညံ ဒါရုက္ခန္တံ။ သင်္ကမိတွာတိ သံဟရိတွာ။ တတ္ထာတိ ပုရာဏပဏ္ဍေသု၊ ကေဝလံ တေသု ဧဝ နိသီဒိတုမနနုစ္ဆရိကတ္တာ တထာ ဝုတ္တံ၊ တတ္ထာတိ ဝါ တေသု ပိဋ္ဌာဒိသု။ ဧဝံ သတိ သင်္ကမိတွာ ပညပေန္တိတိ အတ္ထဝဿာ ဝိဘတ္တိံ ဝိပရိဏာမေတွာ သမ္ဗန္ဓော။ ပဗ္ဗေါဋ္ဌေတွာတိ ယထာဌိတံ ရဇောဇလ္လာဒိသံကိဏ္ဍမနနုပန္တိ တဗ္ဗိသောနေတ္ထံ သဗ္ဗာလေတွာ။ “အမှာကံ ဤဒိသာ ကထာ အညတရိဿာ ဒေသနာယ ကာရဏံ ဘဝိတုံ ယုတ္တာ၊ အဝဿံ ဘဂဝါ အာဂမိဿတိ”တိ ဥတွာ ယထာနိသီဒနံ သန္ဓာယ ဧဝံ ဝုတ္တံ။ ဧတ္ထ စ “ဣဓာဂတော သမဏော ဝါ မြာဟ္မဏော ဝါတာဝကာလိကံ ဂဏှိတွာ ပရိဘုဉ္ဇတူ”တိ ရညာ ဌပိတံ၊ တေန စ အာဂတကာလေ ပရိဘုတ္တံ အာသနံ ရညော နိသီဒနာသနန္တိ ဝေဒိတဗ္ဗံ။ န ဟိ တထာ အဋ္ဌပိတံ ဘိက္ခုဟိ ပရိဘုဉ္ဇိတုံ၊ ဘဂဝတော စ ပညပေတုံ ဝဇ္ဇတိ။ တသ္မာ တာဒိသံ ရညော နိသီဒနာသနံ ပါဠိယံ ကထိတန္တိ ဒဿေတုံ “တံ သန္ဓာယာ”တိအာဒိ ဝုတ္တံ။ အဓိမုတ္တိဉာဏန္တိ စ သတ္တာနံ နာနာဓိမုတ္တိကတာရမ္ဗဏံ သဗ္ဗညုတညာဏံ၊ ဗလဉာဏဉ္စ၊ ဝုတ္တောဝါယမတ္ထော။

“နိသဇ္ဇာ”တိဣဒံ နိသီဒနပရိယောသာနဒီပနန္တိ ဒဿေတိ“ဧဝ”န္တိအာဒိနာ။ “တေသံ ဘိက္ခုနံ ဣမေ သဒ္ဓိယဓမ္မံ ဝိဒိတွာ”တိ ဝုတ္တတ္တာ ဇာနန္တောယေဝ ပုစ္ဆိတိ အယမတ္ထော သိဒ္ဓေါတိ အာဟ “ဇာနန္တောယေဝါ”တိ။ အသတိ ကထာဝတ္ထုမှိ တဒနုရူပါ ဥပရူပရိ ဝတ္တဗ္ဗာ ဝိသေသကထာ န သမူပဗြူဟတိတိ ကထာသမုဋ္ဌာပနတ္ထံ ပုစ္ဆနံ ဝေဒိတဗ္ဗံ။ န-ဣတိ ပုစ္ဆနတ္ထေ။ အသ-သဒ္ဓေါ ပဝတ္တနတ္ထေတိ ဝုတ္တံ “ကတမာယ နု ။ပ။ ဘဝထာ”တိ။ ဧတ္ထာတိ တေသျိံ

ဌာနေ သန္တိဝသေန ဥကာရဿ ဩကာရာဒေသော၊ န ပဌမာယ ပါဠိယာ အတ္တတောဝိသေသောတိ ဒဿေတိ “တဿာပိ ပုရိမောယေဝ အတ္ထော”တိ ဣမိနာ။ ပုရိမောယေဝတ္ထောတိ စ “ကတမာယ န ဘဝထာ”တိ ဧဝံ ဝုတ္ထော အတ္ထော။

“ကာ စ ပနာ”တိ ဧတ္ထ စ-သဒ္ဓေါ ဗျတိရေကေ “ယော စ ဗုဒ္ဓဉ္စ ဓမ္မဉ္စ၊ သံဃဉ္စ သရဏံ ဂတော”တိအာဒိသု<sup>၁</sup> ဝိယ။ ဗျတိရေကော စ နာမ ပုဗ္ဗေ ဝုတ္တတ္တာပေက္ခကော ဝိသေသတိရေကတ္ထော၊ သော စ တံ ပုဗ္ဗေ ယထာပုစ္ဆိ-တာယ ကထာယ ဝက္ခမာနံ ဝိပုကတဘာဝသင်္ခါတံ ဗျတိရေကတ္ထံ ဇောတေတိ။ ပန-သဒ္ဓေါ ဝစနာလင်္ကာရော။ တာဒိသော ပန အတ္ထော သဒ္ဓသတ္ထတောဝ သုဝိညေယျောတိ ကတွာ တဒညေသမေဝ အတ္ထံ ဒဿေတုံ “အန္တရာ-ကထာတိ ကမ္မဋ္ဌာန။ ပ။ ကထာ”တိအာဒိမာဟ။ ကမ္မဋ္ဌာနမနသိကာရ-ဥဒ္ဓေသပရိပုစ္ဆာဒယော သမဏကရဏီယဘူတာတိ အန္တရာသဒ္ဓေန အပေက္ခိ-တေ ကရဏီယဝိသေသေ သမ္ပန္နာပါဒါနဘာဝေန ဝတ္တဗ္ဗေ တေသမေဝ ဝတ္တဗ္ဗရူပတ္တာ “ကမ္မဋ္ဌာနမနသိကာရဥဒ္ဓေသပရိပုစ္ဆာဒိန”န္တိ ဝုတ္တံ။ ယာယ ဟိ ကထာယ တေ ဘိက္ခု သန္တိသိန္နာ၊ သာ ဧဝံ အန္တရာကထာ ဝိပုကတာ ဝိသေသေန ပုန ပုစ္ဆိယတိ၊ န တဒညေ ကမ္မဋ္ဌာနမနသိကာရဥဒ္ဓေသပရိပုစ္ဆာ-ဒယောတိ။ အန္တရာသဒ္ဓဿ အညတ္ထမာဟ “အညာ၊ ကော”တိ စ။ ပရိယာယ-ဝစနဉ္စေတံ ပဒဒ္ဓယံ။ ယသ္မာ စ အညတ္ထေ အယံ အန္တရာသဒ္ဓေါ “ဘူမန္တရံ၊ သမယန္တရံ”န္တိအာဒိသု ဝိယ။ တသ္မာ “ကမ္မဋ္ဌာနမနသိကာရဥဒ္ဓေသပရိပုစ္ဆာ-ဒိန”န္တိ နိဿက္ကတ္ထေ သာမိဝစနံ ဒဋ္ဌဗ္ဗံ။ ဝေမဇ္ဈေ ဝါ အန္တရာသဒ္ဓေါ၊ သာ ပန တေသံ ဝေမဇ္ဈဘူတတ္တာ အညာယေဝ၊ တေဟိ စ အသမ္ဘိဿတ္တာ ဝိသုံ ကောယေဝါတိ အဓိပ္ပါယ် ဒဿေတုံ “အညာ၊ ကော”တိ စ ဝုတ္တံ။ ပကာရေန ကရဏံ ပကတော၊ တတော ဝိဂတော၊ ဝိဂတံ ဝါ ပကတံ ယဿာတိ ဝိပုကတာ၊ အပရိနိဋ္ဌိတာ။ သိခန္တိ ပရိယောသာနံ။ အယံ ပန တဒဘိသမ္ပန္န-ဝသေန ဥတ္တရိ ကထေတုကမျတာပုစ္ဆာ၊ တံ သန္ဓာယာဟ “နာဟ”န္တိအာဒိ။ ကထာဘင်္ဂတ္ထန္တိ ကထာယ ဘဉ္ဇနတ္ထံ။ အတ္တတော အာပန္နတ္တာ သဗ္ဗညုပဝါရဏံ ပဝါရေတိ။ အနိယျာနိကတ္တာ သဂ္ဂမောက္ခမဂ္ဂါနံ တိရစ္ဆာနဘူတာ ကထာ တိရစ္ဆာနကထာ။ တိရစ္ဆာနဘူတာတိ စ တိရောကရဏဘူတာ၊ ဝိဗန္ဓန-ဘူတာတိ အတ္ထော။ အာဒိ-သဒ္ဓေန စေတ္ထ စောရမဟာမတ္တသေနာဘယ-ကထာဒိကံ အနေကဝိဟိတံ နိရတ္ထကကထံ သင်္ဂဏှာတိ။ အယံ ကထာ ဧဝါတိ

အန္တောဂဓာဝဓာရဏတံ၊ အညတ္တာပေါဟနံ ဝါ သန္ဓာယ စေတံ ဂုတ္တံ။  
**အထာ**တိ တဿာ အဝိပ္ပကတကာလေယေဝ။ “**တံ နော**”တိအာဒိနာ  
 အတ္ထတော အာပန္နမာဟ။ ဧသ နယော ဤဒိသေသု။ နန စ တေဟိ ဘိက္ခုဟိ  
 သာ ကထာ “ဣတိ ဟ မေ”တိအာဒိနာ သထာဓိပ္ပါယံ နိဋ္ဌာပိတာယေဝါတိ?  
 န နိဋ္ဌာပိတာ ဘဂဝတော ဥပသင်္ကမနေန ဥပစ္စိန္တတ္တာ။ ယဒိ ဟိ ဘဂဝါ တသ္မိံ  
 ခဏေ န ဥပသင်္ကမေယျ၊ ဘိယျောပိ တပ္ပဋိဗဒ္ဓါယေဝ တထာ ပဝတ္ထေယျ၊  
 ဘဂဝတော ဥပသင်္ကမနေန ပန န ပဝတ္ထေသုံ၊ တေနောဟိ “**အယံ နော ဥပ**  
**အနုပ္ပတ္တော**”တိ။

ဣဒါနိ နိဒါနဿ၊ နိဒါနဝဏ္ဏနာယ ဝါ ပရိနိဋ္ဌိတဘာဝံ ဒဿေန္တော တဿ  
 ဘဂဝတော ဝစနဿာနုကူလဘာဝမ္ပိ သမတ္ထေတုံ “**တ္ထောဝတာ**”တိအာဒိ-  
 မာဟ။ **တ္ထောဝတာ**တိ ဟိ တ္ထေကေန “ဧဝံ မေ သုတ”န္တိအာဒိဝစနက္ကမေန  
 ယံ နိဒါနံ ဘာသိတန္တိ ဝါ တ္ထေကေန “တတ္ထ ဧဝန္တိ နိပါတပဒ”န္တိအာဒိ-  
 ဝစနက္ကမေန အတ္ထဝဏ္ဏနာ သမတ္တာတိ ဝါဒ္ဓိဓာ အတ္ထော ဒဋ္ဌဗ္ဗော။ “**ကမလဥပ**  
**သလိလာယာ**”တိအာဒိနာ ပန တဿ နိဒါနဿ ဘဂဝတော ဝစနဿာနု-  
 ကူလဘာဝံ ဒီပေတိ။ တတ္ထ **ကမလကုဝလယုဇ္ဇလဝိမလသာရုသသလိလာ-**  
**ယာ**တိ ကမလသင်္ခါတေဟိ ပဒုံမပုဏ္ဏရိကသေတုပ္ပလရတ္တုပ္ပလေဟိ စေဝ  
 ကုဝလယသင်္ခါတေန နိလုပ္ပလေန စ ဥဇ္ဇလဝိမလသာရုသသလိလဝတိယာ။  
**နိမ္မလသိလာတလရစနဝိလာသသောဘိတရတနသောပါနန္တိ** နိမ္မလေန  
 သိလာတလေန ရစနာယ ဝိလာသေန လိလာယ သောဘိတရတနသောပါန-  
 ဝန္တိ၊ နိမ္မလသိလာတလေန ဝါ ရစနဝိလာသေန၊ သုသင်္ခတကိရိယာသောဘေန  
 စ သောဘိတရတနသောပါနံ၊ ဝိလာသသောဘိတသဒ္ဓေဟိ ဝါ အတိဝိယ  
 သောဘိတဘာဝေါ ဂုတ္တော။ **ဝိပ္ပကိဏ္ဏမုတ္တာတလသဒိသဝါလုကာစုဏ္ဏပဏ္ဏ-**  
**ရဘူမိဘာဝန္တိ** ဝိဝိဓေန ပကိဏ္ဏာယ မုတ္တာယ တလသဒိသာနံ ဝါလုကာနံ  
 စုဏ္ဏေဟိ ပဏ္ဏရဝဏ္ဏဘူမိဘာဝန္တိ။ **သုဝိဘတ္တဘိတ္တိဝိမိတြဝေဒိကာ-**  
**ပရိက္ခိတ္တဿာ**တိ သုဠု ဝိဘတ္တာဟိ ဘိတ္တိဟိ ဝိမိတြဿ၊ ဝေဒိကာဟိ ပရိက္ခိတ္တဿ  
 စ။ ဥစ္စတရေန နက္ခတ္တပထံ အာကာသံ ဖုသိတုကာမတာယ ဝိယ၊ ဝိဇ္ဇိတ-  
 သဒ္ဓေန စေတဿ သမ္ပန္နော။ **ဝိဇ္ဇိတသမုဿယဿာ**တိ ဝိက္ခိဋ္ဌနသမူဟဝန္တဿ။  
**ဒန္တမယသဏ္ဌမုဒုဖလကကဉ္စနလတာဝိနဒ္ဓမဏိဂဏပ္ပဘာသ မုဒယုဇ္ဇလသော-**  
**ဘန္တိ** ဒန္တမယေ အတိဝိယ သိနိဒ္ဓဖလကေ ကဉ္စနမယာဟိ လတာဟိ ဝိနဒ္ဓါနံ  
 မဏိနံ ဂဏပ္ပဘာသမုဒါယေန သမုဇ္ဇလသောဘာသမ္ပန္နံ။ **သုဝဏ္ဏဝလယန-**  
**ပုရာဒိသဃ်နုသဒ္ဓသမ္ပိသိတကထိတဟသိတမရုဿရဂေဟဇနဝိစရိတဿာ**တိ

သုဝဏ္ဏမယနိယုရပါဒကဋကောဒီနံ အညမညံ သဃ်ဇ္ဇနေန ဇနိတသဒ္ဓေဟိ သမ္ပိသိတကထိတသရဟသိတသရသင်္ခါတေန မရုဿရေန သမ္ပန္နာနံ ဂေဟ-  
နိဝါသီနံ နရနာရီနံ ဝိစရိတဋ္ဌာနဘူတဿ။ ဥဋ္ဌာရိဿရိယဝိဘဝသောဘိ-  
တဿာတိ ဥဋ္ဌာရတာသမ္ပန္နဇနဣဿရိယသမ္ပန္နဇနဝိဘဝသမ္ပန္နဇနေဟိ၊ တန္တိ-  
ဝါသီနံ ဝါ နရနာရီနံ ဥတ္တမာဓိပစ္စဘောဂေဟိ သောဘိတဿ။ သုဝဏ္ဏရဇတ-  
မဏိမုတ္တာပဝါဋ္ဌာဒိဇုတိဝိဿရ ဝိဇ္ဇောတိတသုပ္ပတိဋ္ဌိတဝိသလဒ္ဓါရဗဟန္တိ  
သုဝဏ္ဏရဇတနာနာမဏိမုတ္တာပဝါဋ္ဌာဒီနံ ဇုတိဟိ ပဘဿရဝိဇ္ဇောတိတသုပ္ပတိ-  
ဋ္ဌိတဝိတ္ထတဒ္ဓါရဗဟံ။

တိဝိဓသီလာဒိဒဿနဝသေန ဗုဒ္ဓဿ ဂုဏာနုဘာဝံ သမ္မာ သူစေတိတိ  
ဗုဒ္ဓဂုဏာနုဘာဝသံသုစကံ၊ တဿ။ ကာလော စ ဒေသော စ ဒေသကော စ  
ဝတ္ထု စ ပရိသာ စ၊ တာသံ အပဒေသေန နိဒဿနေန ပဋိမဏ္ဍိတံ တထာ။

ကိမတ္ထံ ပနေတ္ထ ဓမ္မဝိနယသင်္ဂဟေ ကုရိယမာနေ နိဒါနဝစနံ ဝုတ္တံ၊ နနု  
ဘဂဝတာ ဘာသိတဝစနဿေဝ သင်္ဂဟော ကာတဗ္ဗောတိ? ဝုစ္စတေ—  
ဒေသနာယ ဌိတိအသမ္မောသသဒ္ဓေယျဘာဝသမ္မာဒနတ္ထံ။ ကာလဒေသဒေသ-  
ကဝတ္ထုပရိသာပဒေသေဟိ ဥပနိဗန္ဓိတွာ ဌပိတာ ဟိ ဒေသနာ စိရဋ္ဌိတိကာ  
ဟောတိ၊ အသမ္မောသဓမ္မာ၊ သဒ္ဓေယျာ စ ဒေသကာလဝတ္ထုဟေတု-  
နိမိတ္တေဟိ ဥပနိဗန္ဓော ဝိယ ဝေါဟာရဝိနိစ္ဆယော၊ တေနေဝ စာယသ္မတာ  
မဟာကဿပေန “ဗြဟ္မဇာလံ အာဝုသော အာနန္ဒ ကတ္ထ ဘာသိတ”န္တိအာဒိနာ<sup>၁</sup>  
ဒေသာဒိပုစ္ဆာသု ကတာသု တာသံ ဝိဿဇ္ဇနံ ကရောန္တေန ဓမ္မဘဏ္ဍာဂါရိကေန  
အာယသ္မတာ အာနန္ဒတ္ထေရေန နိဒါနံ ဘာသိတန္တိ တဒေဝိဓာပိ ဝုတ္တံ  
“ကာလဒေသဒေသကဝတ္ထုပရိသာပဒေသပဋိမဏ္ဍိတံ နိဒါန”န္တိ။

အဝိစ သတ္ထုသမ္ပတ္တိပကာသနတ္ထံ နိဒါနဝစနံ။ တထာဂတဿ ဟိ ဘဂဝတော  
ပုဗ္ဗရစနာနုမာနာဂမတက္ကာဘာဝတော သမ္မာသမ္ဗုဒ္ဓတ္ထသိဒ္ဓိ။ သမ္မာသမ္ဗုဒ္ဓ-  
ဘာဝေန ဟိဿ ပုရေတရံ ရစနာယ၊ “ဧဝမ္ပိနာမ ဘဝေယျာ”တိ အနုမာနဿ၊  
အာဂမန္တရံ နိဿာယ ပရိဝိတက္ကဿ စ အဘာဝေါ သမ္ပတ္တ အပ္ပင်္ဂဟတဉာဏ-  
စာရတာယ ဧကပ္ပမာဏတ္တာ ဥေယျဓမ္မေသု။ တထာ အာစရိယမုဋ္ဌိဓမ္မမစ္ဆရိယ-  
သာသနသာဝကာနုရောဓဘာဝတော ဝိဏာသဝတ္ထသိဒ္ဓိ။ ဝိဏာသဝတာယ  
ဟိ အာစရိယမုဋ္ဌိအာဒိနမဘာဝေါ၊ ဝိသုဒ္ဓါ စ ပရာနုဂ္ဂဟပ္ပဝတ္တိ။ ဣတိ  
ဒေသကသံကိလေသဘူတာနံ ဒိဋ္ဌိသီလသမ္ပတ္တိဒူသကာနံ အဝိဇ္ဇာတဏှာနံ

အဘာဝသံသုစကေဟိ၊ ဣဏပ္ပဟာနသမ္ပဒါဘိဗျဉ္ဇနကေဟိ စ သမ္ပုဒ္ဓိသုဒ္ဓ-  
ဘာဝေဟိ ပုရိမဝေသာရဇ္ဇဒ္ဓယသိဒ္ဓိ။ တတောယေဝ စ အန္တရာယိကနိယျာ-  
နိကေသု သမ္မောဟာဘာဝသိဒ္ဓိတော ပစ္ဆိမဝေသာရဇ္ဇဒ္ဓယသိဒ္ဓိတိ ဘဂဝတော  
စတုဝေသာရဇ္ဇသမန္တာဂမော၊ အတ္တဟိတပရဟိတပဋိပတ္တိ စ နိဒါနဝစနေန  
ပကာသိတာ ဟောတိ သမ္ပတ္တပရိသာယ အဇ္ဈာသယာနုရူပံ ဌာနပ္ပတ္တိကပဋိ-  
ဘာနေန ဓမ္မဒေသနာဒီပနတော၊ “ဇာနတာ ပဿတာ”တိအာဒိဝစနတော စ၊  
တေန ဝုတ္တံ “သတ္ထုသမ္ပတ္တိပကာသနတ္ထံ နိဒါနဝစန”န္တိ။

အပိစ သာသနသမ္ပတ္တိပကာသနတ္ထံ နိဒါနဝစနံ။ ဣဏကရဏာပရိဂ္ဂဟိတ-  
သဗ္ဗကိရိယဿ ဟိ ဘဂဝတော နတ္ထိ နိရတ္တိကာ ပဝတ္တိ၊ အတ္တဟိတတ္တာ ဝါ၊  
တသ္မာ ပရေသံယေဝ ဟိတာယ ပဝတ္တသဗ္ဗကိရိယဿ သမ္မာသမ္ပုဒ္ဓဿ  
သကလမ္ပိ ကာယဝစီမနောကမ္ပံ ယထာပဝတ္တံ ဝုစ္စမာနံ ဒိဋ္ဌဓမ္မိကသမ္ပရာယိက-  
ပရမတ္ထေဟိ ယထာရဟံ သတ္တာနံ အနုသာသနဋ္ဌေန သာသနံ၊ န ကဗ္ဗရစနာ။  
တယိဒံ သတ္ထု စရိတံ ကာလဒေသဒေသကဝတ္ထုပရိသာပဒေသေဟိ သဒ္ဓိံ  
တတ္ထ တတ္ထ နိဒါနဝစနေဟိ ယထာသမ္ဘဝံ ပကာသိယတိ။ အထ ဝါ သတ္ထုနော  
ပမာဏဘာဝပ္ပကာသနေန သာသနဿ ပမာဏဘာဝပ္ပကာသနတ္ထံ နိဒါနဝစနံ၊  
တဉ္ဇဿ ပမာဏဘာဝဒဿနံ “ဘဂဝါ”တိ ဣမိနာ တထာဂတဿ ဂုဏ-  
ဝိသိဋ္ဌသဗ္ဗသတ္တုတ္တမဘာဝဒီပနေန စေဝ “ဇာနတာ ပဿတာ”တိအာဒိနာ  
အာသယာနုသယဉာဏာဒီပယောဂဒီပနေန စ ဝိဘာဝိတံ ဟောတိ၊ ဣဒမေတ္ထ  
နိဒါနဝစနပယောဇနဿ မုခမတ္တနိဒဿနံ။ ကော ဟိ သမတ္ထော ဗုဒ္ဓါနုဗုဒ္ဓေန  
ဓမ္မဘဏ္ဍာဂါရိကေန ဘာသိတဿ နိဒါနဿ ပယောဇနာနိ နိရဝသေသတော  
ဝိဘာဝိတုန္တိ။ ဟောန္တိ စေတ္ထ—

“ဒေသနာစိရဋ္ဌိတတ္ထံ၊ အသမ္မောသာယ ဘာသိတံ။

သဒ္ဓါယ စာပိ နိဒါနံ၊ ဝေဒေဟေန ယသဿိနာ။

သတ္ထုသမ္ပတ္တိယာ စေဝ၊ သာသနသမ္ပဒါယ စ။

တဿ ပမာဏဘာဝဿ၊ ဒဿနတ္ထမ္ပိ ဘာသိတ”န္တိ။

ဣတိ သုမင်္ဂလဝိလာသိနိယာ ဒီဃနိကာယဋ္ဌကထာယ ပရမသုခုမဂမ္ဘီရဒုရ-  
နဗောဓတ္ထပရိဒီပနာယ သုဝိမလဝိပုလပညာဝေယျတ္ထိယဇနနာယ အဇ္ဇဝမဒ္ဒဝ-  
သောရစ္စသဒ္ဓါသတိဓိတိဗုဒ္ဓိခန္တိဝိရိယာဒိဓမ္မသမင်္ဂိနာ သာဋ္ဌကထေ ပိဋက-  
တ္ထယေ အသင်္ဂါသံဟိရဝိသာရဒဉာဏစာရိနာ အနေကပ္ပဘေဒသကသမယ-  
သမယန္တရဂဟနဇ္ဈောဂါဟိနာ မဟာဂဏိနာ မဟာဝေယျာကရဏေန

ဤဏာဘိဝံသဓမ္မသေနာပတိနာမထေရေန မဟာဓမ္မရာဇာဓိရာဇဂရုနာ ကတာ-  
ယ သာဓုဝိလာသိနိယာ နာမ လိနတ္ထပကာသနိယာ အဗ္ဘန္တရနိဒါနဝဏ္ဏနာယ  
လိနတ္ထပကာသနာ။

နိဒါနဝဏ္ဏနာ နိဋ္ဌိတာ။

၅။ ဧဝံ အဗ္ဘန္တရနိဒါနသံဝဏ္ဏနံ ကဏ္ဍာ ဣဒါနိ ယထာနိက္ခိတ္တဿ သုတ္တဿ  
သံဝဏ္ဏနံ ကရောန္တော အနုပုဗ္ဗာရိရောမိနိ သံဝဏ္ဏနာ ကမာနတိက္ကမနေန  
ဗျာကုလဒေါသပ္ပဟာယိနိ၊ ဝိညနန္တ ဖိတ္တာရာမိနိ၊ အာဂတဘာရော စ အဝဿံ  
အာဝဟိတဗ္ဗောတိ သံဝဏ္ဏကဿ သမ္ပတ္တဘာရာဝဟနေန ပဏ္ဍိတာစာရသမ-  
တိက္ကမာဘာဝဒိဘာဝိနိ၊ တဿွာ တဒါဝိကရဏသာဓကံ သံဝဏ္ဏနောကာသ-  
ဝိစာရဏံ ကာတုမာဟ “**ဣဒါနိ**”တိအာဒိ။ **နိက္ခိတ္တဿာ**တိ ဒေသိတဿ။  
“ဒေသနာ နိက္ခေပေါ”တိ ဟိ ဧတံ အတ္ထတော ဘိန္တုဗ္ဗိ သရူပတော ဧကမေဝ။  
ဒေသနာပိ ဟိ ဒေသေတဗ္ဗဿ သီလာဒိအတ္တဿ ဝေနေယျသန္တာနေသု  
နိက္ခိပနတော “နိက္ခေပေါ”တိ ဝုစ္စတိ။ နန သုတ္တမေဝ သံဝဏ္ဏိယတိတိ အာဟ  
“**သာ ပနေသာ**”တိအာဒိ။ ဣဒံ ဝုတ္တံ ဟောတိ—သုတ္တနိက္ခေပံ ဝိစာရေတွာ  
ဝုစ္စမာနာ သံဝဏ္ဏနာ “အယံ ဒေသနာ ဧဝံသမုဋ္ဌာနာ”တိ သုတ္တဿ သမ္ပဒေဝ  
နိဒါနပရိဇ္ဈာနေန တဗ္ဗဏ္ဏနာယ သုဝိညေယျတ္တာ ပါကဋ္ဌာ ဟောတိ၊ တဿွာ  
တဒေဝ သာဓာရဏတော ပဌမံ ဝိစာရယိဿာမာတိ။ ယာ ဟိ သာ ကထာ  
သုတ္တတ္ထသံဝဏ္ဏနာပါကဋ္ဌကာရိနိ၊ သာ သဗ္ဗာပိ သံဝဏ္ဏကေန ဝတ္တဗ္ဗာ။ တဒတ္ထ-  
ဝိဇာနနုပါယတ္တာ စ သာ ပရိယာယေန သံဝဏ္ဏနာယေဝါတိ။ ဣမ ပန တသ္မိံ  
ဝိစာရိတေ ယဿာ အဋ္ဌပ္ပတ္တိယာ ဣဒံ သုတ္တံ နိက္ခိတ္တံ၊ တဿာ ဝိဘာဂဝသေန  
“မမံ ဝါ ဘိက္ခဝေ”တိအာဒိနာ၊ “အပ္ပမတ္တကံ ခေါ ပနေတ”န္တိအာဒိနာ၊  
“အတ္ထိ ဘိက္ခဝေ”တိအာဒိနာ၊ စ ဝုတ္တာနံ သုတ္တပဒေသာနံ သံဝဏ္ဏနာ ဝုစ္စ-  
မာနာ တံတံအနုသန္ဓိဒဿနသုခတာယ သုဝိညေယျာတိ ဒဋ္ဌဗ္ဗိ။ တတ္ထ ယထာ  
အနေကသတအနေကသဟဿဘေဒါနိပိ သုတ္တန္တာနိ သံကိလေသဘာဂိယာဒိ-  
သာသနပဋ္ဌာနနယေန သောဋ္ဌသဝိဘောဝံ နာတိဝတ္တန္တိ၊ ဧဝံ အတ္တဇ္ဈာသယာ-  
ဒိသုတ္တနိက္ခေပဝသေန စတုဗ္ဗိဘောဝန္တိ အာဟ “**စတ္တာရော သုတ္တနိက္ခေပေါ**”တိ။  
နန သံသဂ္ဂဘေဒေါပိ သမ္ဘဝတိ၊ အထ ကဿွာ “စတ္တာရော သုတ္တနိက္ခေပေါ”တိ  
ဝုတ္တန္တိ? သံသဂ္ဂဘေဒဿ သဗ္ဗတ္ထ အလဗ္ဘမာနတ္တာ။ အတ္တဇ္ဈာသယဿ၊ ဟိ  
အဋ္ဌပ္ပတ္တိယာ စ ပရိဇ္ဈာသယပုစ္ဆာဝသိကေဟိ သဒ္ဓိံ သံသဂ္ဂဘေဒေါ သမ္ဘဝတိ။

“အတ္တဇ္ဈာသယော စ ပရဇ္ဈာသယော စ၊ အတ္တဇ္ဈာသယော စ ပုစ္ဆာဝသိကော စ၊ အတ္တဇ္ဈာသယော စ ပရဇ္ဈာသယော စ ပုစ္ဆာဝသိကော စ၊ အဋ္ဌပ္ပတ္တိကော စ ပရဇ္ဈာသယော စ၊ အဋ္ဌပ္ပတ္တိကော စ ပုစ္ဆာဝသိကော စ၊ အဋ္ဌပ္ပတ္တိကော စ ပရဇ္ဈာသယော စ ပုစ္ဆာဝသိကော စ”တိ အဇ္ဈာသယပုစ္ဆာနုသန္ဓိသမ္ဘာဝတော။ အတ္တဇ္ဈာသယဋ္ဌပ္ပတ္တိနံ ဗန အညမညံ သံသဂ္ဂေါ နတ္ထိ၊ တသ္မာ နိရဝသေသံ ပတ္တာရနယေန သံသဂ္ဂဘေဒဿ အလဗ္ဘနတော ဧဝံ ဝုတ္တန္တိ ဒဋ္ဌဗ္ဗံ။

အထ ဝါ အဋ္ဌပ္ပတ္တိယာ အတ္တဇ္ဈာသယေနပိ သိယာ သံသဂ္ဂဘေဒေါ၊ တဒန္တောဝဓတ္တာ ပန သံသဂ္ဂဝသေန ဝုတ္တာနံ သေသနိက္ခေပါနံ မူလနိက္ခေပေယေဝ သန္ဓာယ “စတ္တာရော သုတ္တနိက္ခေပါ”တိ ဝုတ္တံ။ ဣမသ္မိံ ပန အတ္ထဝိကပ္ပေယထာရဟံ ဧကကဒုကတိကစတုကဝသေန သာသနပဋ္ဌာနနယေန သုတ္တနိက္ခေပါဝတ္တဗ္ဗာတိ နယမတ္ထံ ဒေသတိတိ ဝေဒိတဗ္ဗံ။ တတြာယံ ဝစနတ္ထော— နိက္ခိပနံ ကထနံ နိက္ခေပေါ၊ သုတ္တဿ နိက္ခေပေါ သုတ္တနိက္ခေပေါ၊ သုတ္တဒေသနာတိ အတ္ထော။ နိက္ခိပိယတိတိ ဝါ နိက္ခေပေါ၊ သုတ္တမေဝ နိက္ခေပေါ သုတ္တနိက္ခေပေါ။ အတ္တနော အဇ္ဈာသယော အတ္တဇ္ဈာသယော၊ သော အဿ အတ္ထိ ကာရဏဝသေနာတိ အတ္တဇ္ဈာသယော၊ အတ္တနော အဇ္ဈာသယော ဝါ ဧတဿ ယထာဝုတ္တနယေနာတိ အတ္တဇ္ဈာသယော။ ပရဇ္ဈာသယေပိ ဧသေဝနယော။ ပုစ္ဆာယ ဝသော ပုစ္ဆာဝသော၊ သော ဧတဿ အတ္ထိ ယထာဝုတ္တနယေနာတိ ပုစ္ဆာဝသိကော။ အရဏီယတော အဝဂန္တဗ္ဗတော အတ္ထော ဝုစ္စတိ သုတ္တဒေသနာယ ဝတ္ထု၊ တဿ ဥပ္ပတ္တိ အတ္ထပ္ပတ္တိ၊ သာ ဧဝံ အဋ္ဌပ္ပတ္တိတ္ထ-ကာရဿ ဋ္ဌ-ကာရံ ကတ္တာ၊ သာ ဧတဿ အတ္ထိ ဝုတ္တနယေနာတိ အဋ္ဌပ္ပတ္တိကော။ အဝိစ နိက္ခိပိယတိ သုတ္တမေတေနာတိ နိက္ခေပေါ၊ အတ္တဇ္ဈာသယာဒိသုတ္တဒေသနာကာရဏမေဝ။ ဧတသ္မိံ ပန အတ္ထဝိကပ္ပေ အတ္တနော အဇ္ဈာသယော အတ္တဇ္ဈာသယော။ ပရေသံ အဇ္ဈာသယော ပရဇ္ဈာသယော။ ပုစ္ဆိယတိတိ ပုစ္ဆာ၊ ပုစ္ဆိတဗ္ဗော အတ္ထော။ တဿ ပုစ္ဆာယ ဝသေန ပဝတ္တံ ဓမ္မပဋိဂ္ဂါဟကာနံ ဝစနံ ပုစ္ဆာဝသိကံ။ တဒေဝ နိက္ခေပသဒ္ဓါပေက္ခာယ ပုလိဂ်ဝသေန ဝုတ္တံ “ပုစ္ဆာဝသိကော”တိ။ ဝုတ္တနယေန အဋ္ဌပ္ပတ္တိယေဝ အဋ္ဌပ္ပတ္တိကောတိ ဧဝံ အတ္ထော ဒဋ္ဌဗ္ဗော။

ဧတ္ထ စ ပရေသံ ဣန္ဒြိယပရိပါကာဒိကာရဏံ နိရပေက္ခိတွာ အတ္တနော အဇ္ဈာသယေနေဝ ဓမ္မတန္တိဋ္ဌပနတ္ထံ ပဝတ္တိတဒေသနတ္တာ အတ္တဇ္ဈာသယဿ ဝိသ္မိံ နိက္ခေပဘာဝေါ ယုတ္တော။ ဧတေနေဝ ဝက္ခတိ “အတ္တနော

အဇ္ဈာသယေနေဝ ကထေတိ”တိ”။ ပရဇ္ဈာသယပုစ္ဆာဝသိကာနံ ပန ပရေသံ အဇ္ဈာသယပုစ္ဆာနံ ဒေသနာနိမိတ္တဘူတာနံ ဥပ္ပတ္တိယံ ပဝတ္တတ္တာ ကထံ အဋ္ဌပ္ပတ္တိကေ အနဝရောဓော သိယာ၊ ပုစ္ဆာဝသိကဋ္ဌပ္ပတ္တိကာနံ ဝါ ပရဇ္ဈာသယာနုရောဓေန ပဝတ္တိတဒေသနတ္တာ ကထံ ပရဇ္ဈာသယေ အနဝရောဓော သိယာတိ န စောဒေတဗ္ဗမေတံ။ ပရေသဉ္စိ အဘိနိဟာရပရိပုစ္ဆာဒိဝိနိမုတ္တသေဝ သုတ္တဒေသနာကာရဏုပ္ပါဒဿ အဋ္ဌပ္ပတ္တိဝသေန ဂဟိတတ္တာ ပရဇ္ဈာသယပုစ္ဆာဝသိကာနံ ဝိသုံ ဂဟဏံ။ တထာ ဟိ ဓမ္မဒါယာဒသုတ္တာဒိနံ အာမိသုပ္ပါဒါဒိဒေသနာနိမိတ္တံ “အဋ္ဌပ္ပတ္တိ”တိ ဝုစ္စတိ။ ပရေသံ ပုစ္ဆံ ဝိနာ အဇ္ဈာသယမေဝ နိမိတ္တံ ကတွာ ဒေသိတော ပရဇ္ဈာသယော။ ပုစ္ဆာဝသေန ဒေသိတော ပုစ္ဆာဝသိကောတိ ပါကဋ္ဌောဝါယမတ္ထော။

အနုန္တိဋ္ဌာတိ ပုစ္ဆာဒိနာ အနုဇ္ဈေသိတော အယာစိတော၊ အတ္တနော အဇ္ဈာသယေနော ကထေတိ ဓမ္မတန္တိဌပနတ္ထန္တိ အဓိပ္ပါယော။ ဟာရောတိ အာဝဠိ ယသာ “မုတ္တာဟာရော”တိ၊ သွေဝ ဟာရကော၊ သမ္ပပ္ပဓာနသုတ္တန္တာနံ ဟာရကော တထာ။ အနုပုဗ္ဗေန ဟိ သံယုတ္တကေ နိဒ္ဒိဋ္ဌာနံ သမ္ပပ္ပဓာနပဋိ- သံယုတ္တာနံ သုတ္တန္တာနံ အာဝဠိ “သမ္ပပ္ပဓာနသုတ္တန္တဟာရကော”တိ ဝုစ္စတိ၊ တထာ ဣဒ္ဓိပါဒဟာရကောဒိ။ ဣဒ္ဓိပါဒဣန္ဒြိယဗလဗောဇ္ဈင်္ဂမဂ္ဂင်္ဂသုတ္တန္တဟာ- ရကောတိ ပုပ္ဖပဒေသု ပရပဒလောပေါ၊ ဒန္တဂဟ္တသမာသော ဝါ ဧသော၊ ပေယျာလနိဒ္ဒေသော ဝါ။ တေသန္တိ ယထာဝုတ္တသုတ္တာနံ။

ပရိပက္ခာတိ ပရိဏတာ။ ဝိမုတ္တိပရိပါစနိယာတိ အရဟတ္တဖလံ ပရိပါ-  
 စေန္ဒာ သဒ္ဓိန္ဒြိယာဒယော ဓမ္မာ။ ခယေတိ ခယနတ္ထံ၊ ခယကာရဏဘူတာယ  
 ဝါ ဓမ္မဒေသနာယ။ အဇ္ဈာသယန္တိ အဓိမုတ္တိံ။ ခန္တိန္တိ ဒိဋ္ဌိနိဇ္ဈာနက္ခန္တိံ။ မနန္တိ  
 စိတ္တံ။ အဘိနိဟာရန္တိ ပဏိဓာနံ။ ဗုဇ္ဈနဘာဝန္တိ ဗုဇ္ဈနသဘာဝံ၊ ဗုဇ္ဈနာကာရံ  
 ဝါ။ အဝေက္ခိတွာတိ ပစ္စဝေက္ခိတွာ၊ အပေက္ခိတွာ ဝါ။

•တ္တာရော ဝဏ္ဏာတိ စတ္တာရိ ကုလာနိ၊ စတ္တာရော ဝါ ရူပါဒိပမာဏာ သတ္တာ။ မဟာရာဇာနောတိ စတ္တာရော မဟာရာဇာနော ဒေဝါ။ ဝုစ္ဆန္တိ ကိံ၊ ပဉ္စုပါဒါနက္ခန္ဓာ ကိန္တိ အတ္ထော။

ကသွာတိ အာဟ “အဋ္ဌပ္ပတ္တိယံ ဟိ”တိအာဒိ။ ဝဏ္ဏာဝဏ္ဏေတိ နိမိတ္တေ ဘုမ္မံ၊ ဝဏ္ဏသဒ္ဓေန စေတ္ထ “အတ္ထရိယံ အာဝုဿော”တိအာဒိနာ၊ ဘိက္ခုသံဃေန ဝုတ္တောပိ ဝဏ္ဏော သင်္ဂဟိတော။ တမ္ဗိ ဟိ အဋ္ဌပ္ပတ္တိံ ကတွာ “အတ္ထိ ဘိက္ခဝေ



နန တေသံ အာဃာတော နတ္ထိ ဂုဏမဟတ္တတ္တာ၊ အထ ကသ္မာ ဧဝံ  
 ဝုတ္တန္တိ စောဒနာလေသံ ဒဿေတွာ တဒပနေတိ “**ကိဉ္ဇာပီ**”တိအာဒိနာ။  
 ကိဉ္ဇာပီ နတ္ထိ၊ အထ ခေါ တထာပီတိ အတ္ထော။ ဤဒိသေသုပီတိ ဧတ္ထ  
 ပိ-သဒ္ဓေါ သမ္ဘာဝနတ္ထော၊ တေန ရတနတ္တယနိမိတ္တဗ္ဗိ အကုသလစိတ္တံ န  
 ဥပ္ပါဒေတဗ္ဗံ၊ ပဂေဝ ဝဇ္ဇာမိသလောကာမိသနိမိတ္တန္တိ သမ္ဘာဝေတိ။ ပရိယတ္တိ-  
 ဓမ္မောယေဝ သဒ္ဓမ္မနယနဋ္ဌေန နေတ္တိတိ ဓမ္မနေတ္ထိ။ **အာဟနတိ**တိ အာဘုသော  
 ဃဇ္ဇေတိ၊ ဟိံသတိ ဝါ၊ ဝိဗာဓတိ၊ ဥပတာပေတိ စာတိ အတ္ထော။ ကတ္ထမိ  
 “**တ္ထော**”တိ ပါဌောဒိဿတိ၊ သောပစ္စာလိဒိတော ပေါရာဏပါဌာနဂတာယ  
 ဋီကာယ ဝိရောဓတ္တာ၊ အတ္ထယုတ္တိယာ စ အဘာဝတော။ ယဒိပိ ဒေါမနဿာ-  
 ဒယော စ အာဟနန္တိ၊ ကောပေယေဝ ပနာယံ နိရုဇ္ဈေတိ ဒဿေတိ “**ကော-  
 ပဿေတံ အမိဝစန**”န္တိ ဣမိနာ။ အဝယဝတ္ထုဉ္စိ ဒဿေတွာ တတ္ထ ပရိယာယေန  
 အတ္ထံ ဒဿေန္တော ဧဝမာဟ။ **အမိဝစန**န္တိ စ အမိကိစ္စ ပဝတ္ထံ ဝစနံ၊ ပသိဒ္ဓံ ဝါ  
 ဝစနံ၊ နာမန္တိ အတ္ထော။ ဧဝမိတရေသုပိ။ ဧတ္ထ စ သဘာဝဓမ္မတော အညဿ  
 ကတ္ထုအဘာဝဇောတနတ္ထံ “**အာဟနတိ**”တိ ကတ္ထုတ္ထေ အာဃာတသဒ္ဓိဒဿေ-  
 တိ။ အာဟနတိ ဧတေန၊ အာဟနနမတ္ထံ ဝါ **အာဃာတော**တိ ကရဏဘာဝတ္ထာပိ  
 သမ္ဘဝန္တိယေဝ။ “**အပ္ပတိတာ**”တိ တေဿတ္ထော “**အတုဋ္ဌာ အသောမနဿိ-  
 ကာ**”တိဝုတ္တော၊ ဣဒံ ပန ပါကဋပရိယာယေန အပစ္စယသဒ္ဓဿ နိဗ္ဗစနဒဿနံ၊  
 တမ္ဗုခေန ပန န ပစ္စေတိ တေနာတိ **အပ္ပစ္စယော**တိ ကာတဗ္ဗံ။ **အဘိရာဓ-  
 ယတိ**တိ သာဓယတိ။ **တ္ထော**တိ ဧတေသု တီသု ပဒေသု။ ဒွိဟိတိ အာဃာတ-  
 အနဘိရဒ္ဓိပဒေဟိ။ **ဧကေနာ**တိ အပစ္စယပဒေန။ ဧတ္ထကေသု ဂဟိတေသု  
 တံသမ္ပယုတ္တာ အဂ္ဂဟိတာ သိယံ၊ န စ သက္ကာ တေပိ အဂ္ဂဟိတုံ ကေုပ္ပါဒါဒိ-  
 သဘာဝတ္ထာတိ စောဒနံ ဝိသောဓေတုံ “**တေသ**”န္တိအာဒိ ဝုတ္တံ၊ **တေသ**န္တိ  
 ယထာဝုတ္တာနံ သင်္ခါရက္ခန္ဓဝေဒနာက္ခန္ဓကဒေသာနံ။ **သေသာန**န္တိ သညာဝိညာ-  
 ဏာဝသိဋ္ဌသင်္ခါရက္ခန္ဓကဒေသာနံ။ **ကရဏ**န္တိ ဥပ္ပါဒနံ။ အာဃာတာဒိနဉ္စိ  
 ပဝတ္ထိယာ ပစ္စယသမဝါယနံ ဣဓ “**ကရဏ**”န္တိ ဝုတ္တံ၊ တံ ပန အတ္ထတော ဥပ္ပါဒန-  
 မေဝ။ တဒနုပ္ပါဒနဉ္စိ သန္ဓာယ ပါဠိယံ “**န ကရဏီယာ**”တိ ဝုတ္တံ။ **ပဋိက္ခိတ္တ-  
 မေဝ** ယထာရဟံ ကေုပ္ပါဒနိရောဓာရမ္မဏဝတ္ထုဘာဝတော။

တတ္ထာတိ တသ္မိံ မနောပဒေါသေ။ “**တေသု အဝဏ္ဏဘာသကေသု**”တိ  
 ဣမိနာ အာဓာရတ္ထေ ဘုဗ္ဗံ ဒဿေတိ။ နိမိတ္တတ္ထေ၊ ဘာဝလက္ခဏေ ဝါ ဧတံ  
 ဘုဗ္ဗန္တိ အာဟ “**တသ္မိံ ဝါ အဝဏ္ဏ**”တိ။ န ဟိ အရဏော၊ နိန္ဒာ ဝါ  
 ကောပဒေါမနဿာနံ အာဓာရော သမ္ဘဝတိ တမ္ဘာသကာယတ္တတ္တာ တေသံ။

အသထာတိ သတ္တမိယာ ရူပံ စေ-သဒ္ဓယောဂေန ပရိကပ္ပနဝိသယတ္တာတိ ဒဿေတိ “ဘဝေယျာထာ”တိ ဣမိနာ။ “ဘဝေယျာထ စေ၊ ယဒိ ဘဝေယျာထာ’တိ စ ဝဒန္တော’ယထာက္ကမံ ပုဗ္ဗာပရယောဂိနော ဧတေ သဒ္ဓါ’တိ ဉာပေတိ”တိ ဝဒန္တိ။ “ကုပိတာ ကောပေန၊ အနတ္တမနာ ဒေါမနဿေနာ”တိ ဣမိနာ “ဧဝံ ပဌမေန နယေနာ”တိ အာဒိနာ ဝတ္ထဝစနံ အတ္တန္တရာဘာဝဒဿနေန သမတ္ထေတိ။ “တုမှာက”န္တိ ဣမိနာ သမာနတ္ထော “တုမှ”န္တိ ဧကော သဒ္ဓေါ “အမှာက”န္တိ ဣမိနာ သမာနတ္ထော “အမှ”န္တိ သဒ္ဓေါဝိယ၊ ယထာ “တသ္မာ ဟိ အမှံ ဒဟရာန မိယရေ”တိ အာဟ “တုမှာကံယေဝါ”တိ။ အတ္ထဝဿာ လိင်္ဂဝိပရိယာယောတိ ကတွာ “တာယ စ အနတ္တမနတာယာ”တိ ဝုတ္တံ။ “အန္တရာယော”တိ ဝုတ္တေ သမဏဓမ္မဝိသေသာနန္တိ အတ္ထဿ ပကရဏတော ဝိညာယမာနတ္တာ၊ ဝိညာယမာနတ္ထဿ စ သဒ္ဓဿ ပယောဂေ ကာမစာရတ္တာ “ပဌမဇ္ဈာနာဒိနံ အန္တရာယော”တိ ဝုတ္တံ။ ဧတ္ထ စ “အန္တရာယော”တိ ဣဒံ မနောပဒေါသဿ အကရဏီယတာယ ကာရဏဝစနံ။ ယသ္မာ တုမှာကမေဝ တေန ကောပါဒိနာ ပဌမဇ္ဈာနာဒိနမန္တရာယော ဘဝေယျ၊ တသ္မာ တေ ကောပါဒိပရိယာယေန ဝုတ္တာ အာဃာတာဒယော န ကရဏီယာတိ အဓိပ္ပာယ်ော၊ တေန “နာဟံ သဗ္ဗညူ”တိ ဣဿရဘာဝေန တုမှေ တတော နိဝါရေမိ၊ အထ ခေါ ဣမိနာဝ ကာရဏေနာတိ ဒဿေတိ။ တံ ပန ကာရဏဝစနံ ယသ္မာ အာဒိနဝိဘာဝနံ ဟောတိ၊ တသ္မာ “အာဒိနဝံ ဒဿေန္တော”တိ ဟေဋ္ဌာ ဝုတ္တန္တိ ဒဋ္ဌဗ္ဗံ။

သော ပန မနောပဒေါသော န ကေဝလံ ကာလန္တရဘာဝိနောယေဝ ဟိတသုခဿ အန္တရာယကရော၊ အထ ခေါ တင်္ဂဏပဝတ္တနာရဟဿပိ ဟိတသုခဿ အန္တရာယကရောတိ မနောပဒေါသေ အာဒိနဝံ ဒဋ္ဌတရံ ကတွာ ဒဿေတုံ “အပိ နူ”တိ အာဒိမာဟာတိပိ သဗ္ဗန္တော ဝတ္ထုဗ္ဗော။ ပရေသန္တိ ယေ အတ္တတော အညေ၊ တေသန္တိ အတ္ထော၊ န ပန “ပရေ အဝဏ္ဏံ ဘာသေယျ”န္တိ အာဒိသု ဝိယ ပဋိဝိရုဒ္ဓသတ္တာနန္တိ အာဟ “ယေသံ ကေသဉ္စိ”တိ။ တဒေဝတ္ထံ သမတ္ထေတိ “ကုပိတော ဟိ”တိ အာဒိနာ။ ပါဠိယံ သုဘာသိတဒုပ္ပာသိတဝစနဇာနနမ္ပိ တဒတ္ထဇာနနေနေဝ သိဒ္ဓန္တိ အာဟ “သုဘာသိတဒုပ္ပာသိတဿ အတ္ထ”န္တိ။

အန္တတမန္တိ အန္တဘာဝကရံ တမံ၊ အတိဝိယ ဝါ တမံ။ ယံ နရံ သဟတေ အဘိဘဝတိ၊ တဿ အန္တတမန္တိ သဗ္ဗန္တော။ ယန္တိ ဝါ ဘုမ္မတ္ထေ ပစ္စတ္တဝစနံ၊ ယသ္မိံ ကာလေ သဟတေ၊ တဒါ အန္တတမံ ဟောတိတိ

အတ္ထော၊ ကာရဏနိဒ္ဒေသော ဝါ၊ ယေန ကာရဏေန သဟတေ၊ တေန အန္တတမန္တိ။ ဧဝံ သတိ ယံတံ-သဒ္ဓါနံ နိစ္စသမ္ပန္နတ္တာ “ယဒါ”တိ အဇ္ဈာဟရိတဗ္ဗံ။ ကိရိယာပရာမသနံ-ဝါ ဧတံ၊ “ကောဓော သဟတေ”တိ ယဒေတံ ကောဓဿ အဘိဘဝနံ ဝုတ္တံ၊ ဧတံ အန္တတမန္တိ။ တတော စ ကုဒ္ဓေါ အတ္ထံ န ဇာနာတိ၊ ကုဒ္ဓေါ ဓမ္မံ န ပဿတိတိ ယောဇေတဗ္ဗံ။ အတ္ထံ ဓမ္မန္တိ ပါဠိအတ္ထံ၊ ပါဠိဓမ္မဉ္စ။ စိတ္တပ္ပကောပနောတိ စိတ္တဿ ပကတိဘာဝဝိဇဟနေန ပဒူသကော။ အန္တရ-တောတိ အပ္ပန္နရတော၊ စိတ္တတော ဝါ ကောဓဝသေန ဘယံ ဇာတံ။ တန္တိ တထာသဘာဝံ ကောဓံ၊ ကောဓဿ ဝါ အနတ္ထဇနနာဒိပ္ပကာရံ။

သပ္ပတ္တာပီတိ သဗ္ဗေသုပိ ပဌမဒုတိယတတိယနယေသု။ “အဝဏ္ဏေ ပဋိ-ပဋ္ဌိတဗ္ဗာကာရ”န္တိ အဓိကာရော။ အဝဏ္ဏဘာသကာနမဝိသယတ္တာ “တတြာ”တိ ပဒဿ တသ္မိံ အဝဏ္ဏတိ အတ္ထောဝ ဒဿိတော။ အဘူတန္တိ ကတ္တုဘူတံ ဝစနံ၊ ယံ ဝစနံ အဘူတံ ဟောတိတိ အတ္ထော။ အဘူတတောတိ ပန အဘူတတာကိရိယာဝ ဘာဝပွဓာနတ္တာ၊ ဘာဝလောပတ္တာ စာတိ ဒဿတိ “အဘူတဘာဝေနော”တိ ဣမိနာ။ “ဣတိပေတ”န္တိ အာဒိ နိဗ္ဗေဌနာကာရ-နိဒဿနန္တိ ဒဿေတုံ “ကထ”န္တိ အာဒိ ဝုတ္တံ။ တတြာတိ တသ္မိံ ဝစနေ။ ယောဇနာတိ အဓိပ္ပါယ်ပယောဇနာ။ ဣဏ္ဍိတိ အဘာသနတ္ထေ နိပါတော၊ ဘာဝနပုံသကော စေသ။ “ဣတိပေတံ အဘူတ”န္တိ ဝတှာ “ယံ ဣဗ္ဗေဟိ”တိ-အာဒိနာ တဒတ္ထံ ဝိဝရတိ။ ဣမိနာပီတိ ဝိ-သဒ္ဓေန အနေကဝိဓံ ကာရဏံ သမ္ပိဏ္ဍေတိ။ ကာရဏသရူပမာဟ “သပ္ပညယေဝါ”တိ အာဒိနာ။ ဧဝ-သဒ္ဓေါ တိသုပိ ပဒေသု ယောဇေတဗ္ဗော၊ သပ္ပညဘာဝတော န အသပ္ပည၊ သွာက္ခာတတ္တာ န ဒုရက္ခာတော၊ သုပ္ပုဋ္ဌိပန္နတ္တာ န ဒုပ္ပုဋ္ဌိပန္နောတိ ဣမိနာပိ ကာရဏေန နိဗ္ဗေဌတဗ္ဗန္တိ ဝုတ္တံ ဟောတိ။ “ကသ္မာ ပန သပ္ပည”တိ အာဒိ-ပဋိစောဒနာယပိ တံကာရဏဒဿနေန နိဗ္ဗေဌတဗ္ဗမေဝါတိ အာဟ “တတြ ဣဒဉ္စိဒဉ္စ ကာရဏ”န္တိ။ တတြာတိ တေသု သပ္ပညတာဒိသု။ ဣဒဉ္စ ဣဒဉ္စ ကာရဏန္တိ အနေကဝိဓေန ကာရဏာနုကာရဏံ ဒဿေတွာ “န သပ္ပည”တိ-အာဒိဝစနံ နိဗ္ဗေဌတဗ္ဗန္တိ အတ္ထော။ တတြိဒံ ကာရဏံ—သပ္ပည ဧဝ အမှာကံ သတ္တာ အဝိပရိတဓမ္မဒေသနတ္တာ။ သွာက္ခာတော ဧဝ ဓမ္မော ဧကန္တနိယျာ-နိကတ္တာ။ သုပ္ပုဋ္ဌိပန္နော ဧဝ သံဃော သံကိလေသရဟိတတ္တာတိ။ ကာရဏာ-နုကာရဏဒဿနမ္ပတ္တ အသပ္ပညတာဒိဝစနံ နိဗ္ဗေဌနမေဝ တထာဒဿနဿ တေသမ္ပိ ကာရဏဘာဝတောတိ ဒဋ္ဌဗ္ဗံ။ ကာရဏကာရဏမ္ပိ ဟိ “ကာရ-ဏ”န္တေဝ ဝုစ္စတိ၊ ပတိဋ္ဌာနပတိဋ္ဌာနမ္ပိ “ပတိဋ္ဌာန”န္တေဝ ယထာ “တိဏေဟိ

ဘတ္တံ သိနိဒ္ဓိံ၊ ပါသာဒေ ဓမ္မမဇ္ဈာယတိ”တိ။ ခုတိယံ ပဒန္တိ “အတစ္ဆ”န္တိ ပဒံ။ ပဌမဿ ပဒဿာတိ “အဘူတ”န္တိ ပဒဿ။ စတုတ္ထန္တိ “န စ ပနေတံ အမှေသု သံဝိဇ္ဇတိ”တိ ပဒံ။ တတိယဿာတိ “နတ္ထိ စေတံ အမှေသု”တိ ပဒဿ။ ဝိဝိဓမေကတ္ထေယေဝ ပဝတ္တံ ဝစနံ ဝိဝစနံ၊ တဒေဝ ဝေဝစနံ၊ ဝစနန္တိ ဝါ အတ္ထော သဒ္ဓေန ဝစနိယတ္တာ “ဘဂဝါတိ ဝစနံ သေဌံ၊ ဘဂဝါ-တိ ဝစနမုတ္တမ”န္တိ အာဒိသု ဝိယ။ နာနာသဘာဝတော ဝိဂတံ ဝစနံ ယဿာတိ ဝေဝစနံ ဝုတ္တနယေန၊ ပရိယာယဝစနန္တိ အတ္ထော။

တ္ထောဟ—ကသ္မာပနေတ္ထ ပရိယာယဝစနံ ဝုတ္တံ၊ နန ဧကေကပဒဝသေနော အဓိပ္ပေတော အတ္ထော သိဒ္ဓေါ၊ ဧဝံ သိဒ္ဓေ သတိ ကိမေတေ၊ တေန ပရိယာယဝ-စနေန။ တဒေတဉ္စိ ဂန္ထဂါရဝါဒိအနေကဒေါသကရံ၊ ယဒိ စ တံ ဝတ္တဗ္ဗံ သိယာ၊ တဒေဝ ဝုတ္တံ အဿ၊ န တဒညန္တိ? ဝုစ္စတေ— ဒေသနာကာလေ၊ ဟိ အာယ-တိဉ္စ ကဿမိ ကထဉ္စိ တဒတ္ထပဋိဝေဓနတ္ထံ ပရိယာယဝစနံ ဝုတ္တံ။ ဒေသနာ-ပဋိဂ္ဂါဟကေသု ဟိ ယော တေသံ ပရိယာယဝစနာနံ ယံ ပုဗ္ဗေ သင်္ကေတံ ကရေတိ “ဣဒမိဿတ္ထဿ ဝစန”န္တိ၊ တဿ တေနော တဒတ္ထပဋိဝေဓော ဟောတိ။ အပိစ တသ္မိ ခဏေ ဝိက္ခိတ္တမိတ္တာနံ အညုဝိဟိတာနံ ဝိပရိယာယာနံ အညေန ပရိယာယေန တဒတ္တာဝဗောဓနတ္ထမ္ပိ ပရိယာယဝစနံ ဝုတ္တံ။ ယဉ္စိ ယေ န သုဏန္တိ၊ တပ္ပရိဟာယနဝသေန တေသံ သဗ္ဗထာ ပရိပုဏ္ဏဿ ယထာ-ဝုတ္တဿ အတ္တဿ အနဝဗောဓော သိယာ၊ ပရိယာယဝစနေ ပန ဝုတ္တေ တဗ္ဗသေန ပရိပုဏ္ဏမတ္တာဝဗောဓော ဟောတိ။ အထ ဝါ မန္တဗုဒ္ဓိနံ ပုနပုနံ တဒတ္ထလက္ခဏေန အသမ္မောဟနတ္ထံ ပရိယာယဝစနံ ဝုတ္တံ။ မန္တဗုဒ္ဓိနဉ္စိ ဧကေ-နေဝ ပဒေန ဧကတ္ထဿ သလ္လက္ခဏေန သမ္မောဟော ဟောတိ၊ အနေကေန ပရိယာယေန ပန ဧကတ္ထဿ သလ္လက္ခဏေန တထာသမ္မောဟော န ဟောတိ အနေကပ္ပဝတ္တိနိမိတ္တေန ဧကတ္ထေယေဝ ပဝတ္တသဒ္ဓေန ယထာဓိပ္ပေတဿ အတ္တဿ နိစ္ဆိတတ္တာ။

အပရော နယော—“အနေကေဝိ အတ္တာ သမာနဗျဉ္ဇနာ ဟောန္တိ”တိ ယာ အတ္တန္တရပရိကပ္ပနာ သိယာ၊ တဿာ ပရိဝဇ္ဇနတ္ထမ္ပိ ပရိယာယဝစနံ ဝုတ္တန္တိ ဝေဒိတဗ္ဗံ။ အနေကေသမ္ပိ ဟိ အတ္တာနံ ဧကပဒဝနိယတာဝသေန သမာနဗျဉ္ဇနတ္တာ ယထာဝုတ္တဿ ပဒဿ “အယမတ္ထော န ခေါ အဓိပ္ပေတော၊ ဥဒါဟု အယမတ္ထောဝါ”တိ ပဝတ္တံ သောတူနမတ္တန္တရပရိကပ္ပနံ ဝေဝစနံ အညမညံ ဘေဒကဝသေန ပရိဝဇ္ဇေတိ။ ဝုတ္တဉ္စ—

“နေကတ္ထဝုတ္တိယာ သဒ္ဓေါ၊ န ဝိသေသတ္ထဉာပကော။  
ပရိယာယေန ယုတ္တော တု၊ ပရိယာယော စ ဘေဒကော”တိ။

အပရော နယော—အနညဿံာပိ ပရိယာယဝစနဿ ဝစနေ အနေကဟိ  
တာဟိ တာဟိ နာမပညတ္တိဟိ တေသံ တေသံ အတ္တာနံ ပညာပနတ္ထမ္ပိ ပရိ-  
ယာယဝစနံ ဝတ္ထဗ္ဗံ ဟောတိ။ တထာ ဟိ ပရိယာယဝစနေ ဝုတ္တေ “ဣမဿတ္ထဿ  
ဣဒမိဒမ္ပိ နာမ”န္တိ သောတူနံ အနေကော နာမပညတ္တိဝိဇာနနံ။ တတော စ  
တံတံပညတ္တိကောသလ္လံ ဟောတိ သေယျထာပိ နိဿဏုသတ္တေ ပရိစယတံ။  
အဝိစ ဓမ္မကထိကာနံ တန္တိအတ္ထုပနိဗန္ဓနပရာဓဇာနာနံ သုခသိဒ္ဓိယာပိ  
ပရိယာယဝစနံ။ တဗ္ဗစနေန ဟိ ဓမ္မဒေသကာနံ တန္တိအတ္ထဿ အတ္တနော  
စိတ္တေ ဥပနိဗန္ဓနေန ဌပနေန ပရေသံ သောတူနမဝဓောဓနံ သုခသိဒ္ဓိံ ဟောတိ။  
အထ ဝါ သမ္မာသမ္ဗုဒ္ဓဿ အတ္တနော ဓမ္မနိရုတ္တိပဋိသန္တိဒါသမ္ပတ္တိယာ ဝိဘာဝ-  
နတ္ထံ၊ ဝေနေယျာနဉ္စ တတ္ထ ဗီဇဝါပနတ္ထံ ပရိယာယဝစနံ ဘဂဝါ နိဒ္ဒိသတိ။  
တဒသမ္ပတ္တိကဿ ဟိ တထာဝစနံ န သမ္ဘဝတိ။ တေန စ ပရိယာယဝစနေန  
ယထာသုတေန တဿံ ဓမ္မနိရုတ္တိပဋိသန္တိဒါသမ္ပတ္တိယံ တပ္ပရိစရဏေန၊  
တဒညသုစရိတသမုပဗြူဟနေန စ ပုညသင်္ခါတဿ ဗီဇဿ ဝပနံ သမ္ဘဝတိ။  
ကော ဟိ ဤဒိသာယ သမ္ပတ္တိယာ ဝိညာယမာနာယ တဒေတံ နာဘိပတ္တေ-  
ယျာတိ၊ ကိံ ဝါ ဗဟုနာ။ ယဿာ ဓမ္မဓာတုယာ သုပ္ပုဋိဝိဒ္ဓတ္တာ သမ္မာ-  
သမ္ဗုဒ္ဓေါ ယထာ သဗ္ဗသ္မိံ အတ္ထေ အပ္ပုဋိဟတညဏစာရော၊ တထာ သဗ္ဗသ္မိံ  
သဒ္ဓဝေါဟာရေတိ ဧကမ္ပိ အတ္ထံ အနေကေဟိ ပရိယာယေဟိ ဗောဓေတိ၊  
နတ္ထိ တတ္ထ ဒန္ဓာယိတတ္ထံ ဝိတ္တာရိတတ္ထံ၊ နာပိဓမ္မဒေသနာယ ဟာနိ၊ အာဝေ-  
ဏိကော စာယံ ဗုဒ္ဓဓမ္မော။ သဗ္ဗညုတညာဏဿ ဟိ သုပ္ပုဋိဝိဒိတဘာဝေန  
ပဋိသန္တိဒါဉာဏေဟိ ဝိယ တေနပိ ဉာဏေန အတ္ထေ၊ ဓမ္မေ၊ နိရုတ္တိယာ စ  
အပ္ပုဋိဟတဝုတ္တိတာယ ဗုဒ္ဓလိဋ္ဌာယ ဧကမ္ပိ အတ္ထံ အနေကေဟိ ပရိယာယေဟိ  
ဗောဓေတိ၊ န ပန တသ္မိံ သဒ္ဓဝေါဟာရေ၊ တထာဗောဓနေ ဝါ မန္တဘာဝေါ  
သမ္မာဗောဓနဿ သာဓနတ္တာ၊ န စ တေန အတ္ထဿ ဝိတ္တာရဘာဝေါ ဧက-  
ဿေဝတ္ထဿ ဒေသေတဗ္ဗဿ သုဗ္ဗိဇာနနကာရဏတ္တာ၊ နာပိ တဗ္ဗစနေန  
ဓမ္မဒေသနာဟာနိ တဿ ဒေသနာသမ္ပတ္တိဘာဝတော။ တသ္မာ သာတ္ထကံ  
ပရိယာယဝစနံ၊ န စာပိ တံ ဂန္ထဂါရဝါဒိအနေကဒေါသကရန္တိ ဒဋ္ဌဗ္ဗံ။ ယံ  
ပနေတံ ဝုတ္တံ “ယဒိ စ တံ ဝတ္ထဗ္ဗံ သိယာ၊ တဒေဝ ဝုတ္တံ အဿ၊ န တဒည”န္တိ၊  
တမ္ပိ န ယုတ္တံ ပယောဇနန္တရသမ္ဘဝတော။ တဒေဝ ဟိ အဝတွာ တဒညဿ  
ဝစနေန ဒေသနာက္ခဏေ သမာဟိတဝိတ္တာနမ္ပိ သမ္မဒေဝ ပဋိဂ္ဂဏန္တာနံ

တံတံပဒန္တောဂပဝတ္တိနိမိတ္တမာရဗ္ဗ တဒတ္ထာဓိဂမော ဟောတိ၊ ဣတရထာ တသ္မိယေဝ ပဒေ ပုနပ္ပုနံ ဝုတ္တေ တေသံ တဒတ္ထာနဓိဂတတာ သိယာတိ။ ဟောန္တိ စေတ္ထ—

“ယေန ကေနစိ အတ္တဿ၊ ဗောဓာယ အညသဒ္ဓတော။

ဝိက္ခိတ္တကမနာနမ္ပိ၊ ပရိယာယကထာ ကတာ။

မန္ဒာနဉ္စ အမူဠတ္ထံ၊ အတ္တန္တရနိသေဓယာ။

တံတံနာမနိရုဠတ္ထံ၊ ပရိယာယကထာ ကတာ။

ဒေသကာနံ သုကရတ္ထံ၊ တန္တိအတ္တာဝဗောဓနေ။

ဓမ္မနိရုတ္တိဗောဓတ္ထံ၊ ပရိယာယကထာ ကတာ။

ဝေနယျာနံ တတ္ထ ဗီဇ-ဝါပနတ္ထဉ္စ အတ္တနော။

ဓမ္မဓာတုယာ လိဋ္ဌာယ၊ ပရိယာယကထာ ကတာ။

တဒေဝ တု အဝတွာန၊ တဒညေဟိ ပဗောဓနံ။

သမ္မာပဋိဂ္ဂဏန္တာနံ၊ အတ္တာဓိဂမာယ ကတ”န္တိ။

ဣဒံ ပန နိဗ္ဗေဋ္ဌနံ ဤဒိသေယေဝ၊ န သဗ္ဗတ္ထ ကာတဗ္ဗန္တိ ဒဿေန္တော “**ဣဒဉ္စာ**”တိအာဒိမာဟ။ တတ္ထ **အဝဏ္ဏေယေဝါ**တိ ကာရဏပတိရူပံ ဝတွာ၊ အဝတွာ ဝါ ဒေါသပတိဋ္ဌာပနဝသေန နိန္ဒာယ ဝေ။ န သဗ္ဗတ္တာတိ န ကေဝလံ အက္ခောသနသုသနဝမ္ဘနာဒိသု သဗ္ဗတ္ထ နိဗ္ဗေဋ္ဌနံ ကာတဗ္ဗန္တိ အက္ခော။ တဒေဝတ္ထံ “**ယဒိ ဟိ**”တိအာဒိနာ ပါကဋံ ကရေတိ။ “သာသင်္ကနိယော ဟောတိ”တိ ဝုတ္တံ တထာနိဗ္ဗေဋ္ဌေတဗ္ဗတာယ ကာရဏမေဝ “**တသ္မာ**”တိ ပဋိနိဒ္ဓိသတိ။ “**ဩဋ္ဌော-သိ**”တိအာဒိ “န သဗ္ဗတ္တာ”တိ ဧတဿ ဝိဝရဏံ။ ဇာတိနာမဂေါတ္တကမ္မသိပ္ပ-အာဗာဓ လိင်္ဂ ကိလေသ အာပတ္တိ အက္ခောသနသင်္ခါတေဟိ **ဒသဟိ အက္ခောသ-ဝတ္ထုဟိ**။ အဓိဝါသနမေဝ ခန္တိ၊ န ဒိဋ္ဌိနိဇ္ဈာနက္ခမနာဒယောတိ **အဓိဝါသနခန္တိ**။

၆။ ဧဝံ အဝဏ္ဏဘူမိယာ သံဝဏ္ဏနံ ကတွာ ဣဒါနိ ဝဏ္ဏဘူမိယာပိ သံဝဏ္ဏနံ ကာတုမာဟ “**ဝေ**”န္တိအာဒိ။ တတ္ထ **အဝဏ္ဏဘူမိယ**န္တိ အဝဏ္ဏပ္ပကာသနဋ္ဌာနေ။ **တာဒိလက္ခဏ**န္တိ ဧတ္ထ “ပဉ္စဟာကာရေဟိ တာဒိ ဣဋ္ဌာနိဋ္ဌေ တာဒိ၊ စတ္တာဝိတိ တာဒိ၊ တိဏ္ဍာဝိတိ တာဒိ၊ မုတ္တာဝိတိ တာဒိ၊ တံနိဒ္ဓေသာ တာဒိ”တိ နိဒ္ဓေသ-နယေန ပဉ္စသု အက္ခေသု ဣဝ ပဌမေနတ္ထေန တာဒိ။ တကြာယံ နိဒ္ဓေသော—

ကထံ အရဟာ ဣဋ္ဌာနိဋ္ဌေ တာဒိ၊ အရဟာ လာဘေပိ တာဒိ၊  
အလာဘေပိ တာဒိ၊ ယသေပိ၊ အယသေပိ၊ ပသံသာယပိ၊ နိန္ဒာယပိ၊

သုခေပိ၊ ဒုက္ခေပိ တာဒိ၊ ဧကဉ္စေ ဗာဟံ ဂန္ဓေန လိမ္မေယျ၊  
ဧကဉ္စေ ဗာဟံ ဝါသိယာ တစ္ဆေယျ၊ အမုသ္မိံ နတ္ထိ ရာဂေါ၊ အမုသ္မိံ  
နတ္ထိ ပဋိသော၊ အနုနယပဋိသဝိပုဟိနော ဥဿါဋိနိဿါဋိဝိတိဝတ္တော၊  
အနုရောဓဝိရောဓသမတိက္ကန္တော၊ ဧဝံ အရဟတာ ဣဋ္ဌာနိဋ္ဌေ တာဒိတိ။

ဝစနတ္တော ပန တမိဝ ဒိဿတိတိ တာဒိ၊ ဣဋ္ဌမိဝ အနိဋ္ဌမိ ပဿတိတိ  
အတ္တော။ တဿ လက္ခဏံ တာဒိလက္ခဏံ၊ ဣဋ္ဌာနိဋ္ဌေသု သမပေက္ခနသဘာဝေါ။  
အထ ဝါ တမိဝ ဒိဿတေ တာဒိ၊ သော ဧဝ သဘာဝေါ၊ တဒေဝ လက္ခဏံ  
တာဒိလက္ခဏန္တိ။ ဝဏ္ဏဘူမိယံ တာဒိလက္ခဏံ ဒဿေတုန္တိ သမ္ပန္နော။ ပရ-သဒ္ဓေါ  
အညတ္တေတိ အာဟ “ယေ ဧကစီ”တိအာဒိ။ အာနန္ဒန္တိ ဘုသံ ပမောဒန္တိ  
တံသမဂ္ဂိနော သတ္တာ ဧတေနာတိ အာနန္ဒသဒ္ဓဿ ကရဏတ္ထတံ ဒဿေတိ။  
သောဘနမနော သုမနော၊ စိတ္တံ၊ သောဘနံ ဝါ မနော ယဿာတိ သုမနော၊  
တံသမဂ္ဂိပုဂ္ဂလော။ နန စ စိတ္တဝါစကဘာဝေ သတိ စေတသိကသုခဿ  
ဘာဝတ္ထဘာ ယုတ္တာ၊ ပုဂ္ဂလဝါစကဘာဝေ ပန စိတ္တမေဝ ဘာဝတ္တော သိယာ၊  
န စေတသိကသုခံ၊ သုမနသဒ္ဓဿ ဒဗ္ဗနိမိတ္တံ ပတိ ပဝတ္တတ္တာ ယထာ “ဒဏ္ဍိတ္တံ  
သိမိတ္တ”န္တိအာဒိတိ? သစ္စမေတံ ဒဗ္ဗေ အပေက္ခိတေ၊ ဣမ ပန တဒနပေက္ခိတွာ  
တေန ဒဗ္ဗေန ယုတ္တံ မူလနိမိတ္တဘူတံ စေတသိကသုခမေဝ အပေက္ခိတွာ သုမန-  
သဒ္ဓေါ ပဝတ္တော၊ တဿာ ဧတ္တာပိ စေတသိကသုခမေဝ ဘာဝတ္တော သမ္ဘဝတိ၊  
တေနာဟ “စေတသိကသုခဿေတံ အဓိဝစန”န္တိ။ ဧတေန ဟိ ဝစနေန  
တဒညစေတသိကာနမ္ပိ စိတ္တပဋိဗဒ္ဓတ္တာ၊ စိတ္တကိရိယတ္တာ စ ယထာသမ္ဘဝံ  
သောမနဿဘာဝေါ အာပဇ္ဇတိတိ စောဒနံ နာပဇ္ဇတေဝ ရုဋ္ဌိသဒ္ဓတ္တာ တဿ  
ယထာ “ပင်္ကဇ”န္တိ ပရိဟရတိ။ ဥဗ္ဗိလယတိတိ ဥဗ္ဗိလံ၊ ဘိန္ဒတိ ပုရိမာဝတ္ထာယ  
ဝိသေသံ အာပဇ္ဇတိတိ အတ္တော။ တဒေဝ ဥဗ္ဗိလာဝိတံ ပစ္စယန္တရာဂမာဒိ-  
ဝသေန။ ဥဗ္ဗံ ပလဝတိတိ ဝါ ဥဗ္ဗိလာဝိတံ အကာရာနံ ဣကာရံ၊ အာကာရဉ္စ  
ကတွာ၊ စိတ္တမေဝ “စေတသော”တိ ဝုတ္တတ္တာ။ တဒ္ဓိတေပန သိဒ္ဓေ တံ အဗျတိ-  
ရိတ္တံ တသ္မိံ ပဒေ ဝစနီယဿ သာမညဘာဝတော၊ တဿ ဝါ သဒ္ဓဿ နာမ-  
ပဒတ္တာ၊ တဿာ ကဿာတိ သမ္ပန္နိဝိသေသာနယောဂေ “စေတသော”တိ  
ဝုတ္တန္တိ ဒဿေတုံ “ကဿာ”တိအာဒိ ဝုတ္တံ။ သေ နယော ဤဒိသေသု။ ယာယ  
ဥပ္ပန္နာယ ကာယစိတ္တံ ဝါတပူရိတဘတ္တာ ဝိယ ဥဒ္ဓါမာယနာကာရပုတ္တံ ဟောတိ  
တဿာ ဂေဟသိတာယ ဩဒဂျပီတိယာ ဧတံ အဓိဝစနန္တိ သရူပံ ဒဿေတိ  
“ဥဒ္ဓစ္စာဝဟာယာ”တိအာဒိနာ။ ဥဒ္ဓစ္စာဝဟာယာတိ ဥဒ္ဓတဘာဝါဝဟာယ။

ဥပ္ပါယာပေတိ စိတ္တံ ဥပ္ပါယာပိတံ ကရေတိတိ ဥပ္ပါယာပနာ၊ သာ ဧဝံ ပီတိ၊ တဿာ။ ခန္ဓဝသေန ဓမ္မဝိသေသတ္ထံ အာဟ “ဣဓာပီ”တိအာဒိနာ။ အဝဏ္ဏ-  
ဘူမိမပေက္ခာယ အပိ-သဒ္ဓေါ “အယမ္ပိ ပါရာဇိကော”တိအာဒိသု<sup>၁</sup>ဝိယ၊ ဣဓ စ  
ကိဉ္ဇာပိ တေသံ ဘိက္ခုနံ ဥပ္ပါယာပိတမေဝ နတ္ထိ၊ အထ ခေါ အာယတိ<sup>၂</sup> ကုလ-  
ပုတ္တာနံ ဒေဝိသေသုပိ ဌာနေသု အကုသလပ္ပတ္တိ<sup>၃</sup> ပဋိသေဓေန္တော ဓမ္မနေတ္ထိ<sup>၄</sup>  
ဌပေတိတိ။ ဦးဟိ ပဒေဟိ သင်္ခါရက္ခန္ဓော၊ ဧကေန ဝေဒနာက္ခန္ဓော ဝုတ္တောတိ  
တ္ထောပိ “တေသံ ဝသေန သေသာနံ သမ္ပယုတ္တဓမ္မာနံ ကရဏံ ပဋိက္ခိတ္တမေ-  
ဝါ”တိ<sup>၅</sup> စ အဋ္ဌကထာယံ ဝုတ္တနယေန သက္ကာ ဝိညာတုန္တိ န ဝုတ္တံ။ “ဝိ-သဒ္ဓေါ  
သမ္ဘာဝနတ္ထော”တိအာဒိနာ ဝုတ္တနယေန စေတ္ထ အတ္ထော ယထာသမ္ဘဝံ  
ဝေဒိတဗျော။

တုမှံယေဝဿ တေန အန္တရာယောတိ တ္ထောပိ “အန္တရာယော”တိ ဣဒံ  
“ဥပ္ပါယာပိတတ္ထဿ အကရဏီယတာကာရဏဝစန”န္တိအာဒိနာ ဟေဋ္ဌာ  
အဝဏ္ဏပက္ခေ အမှေဟိ ဝုတ္တနယာနုသာရေန အတ္ထော ဒဋ္ဌဗျော။ တေ စ  
“အာနန္ဒိနော ဥပ္ပါယာပိတာ”တိ ဒီပိတံ ပီတိမေဝ ဂဟေတွာ “တေန ဥပ္ပါယာ-  
ပိတတ္ထေနာ”တိ ဝစနံ သောမနဿရဟိတာယ ပီတိယာ အဘာဝတော  
တဗ္ဗစနေနေဝ “သုမနာ”တိ ဒီပိတံ သောမနဿမ္ပိ သိဒ္ဓမေဝါတိ ကတွာ ဝုတ္တံ။  
အထ ဝါ သောမနဿဿ အန္တရာယကရတာ ပါကဋ္ဌာ၊ န တထာ ပီတိယာတိ  
ဧဝံ ဝုတ္တန္တိ ဒဋ္ဌဗ္ဗံ။ ကဿာ ပနေတန္တိ ယထာဝုတ္တံ အတ္ထံ အဝိဘာဂတော  
မနသိ ကတွာ စောဒေတိ။ အာစရိယော “သစ္စ”န္တိ တမတ္ထံ ပဋိဇာနိတွာ “တံ  
ပနာ”တိအာဒိနာ ဝိဘဇ္ဇဗျာကရဏဝသေန ပရိဟရတိ။

တတ္ထ တေန္တိ အာနန္ဒာဒိနမကရဏီယတာဝစနံ၊ နန ဘဂဝတာ ဝဏ္ဏိတန္တိ  
သမ္ပန္နော။ ပုဒ္ဓေါတိ ကိတ္တယန္တဿာတိ “ပုဒ္ဓေါ”တိ ဝစနံ ဂုဏာနုဿရဏ-  
ဝသေန ကထေန္တဿ သာရဇနဿ။ ကသိဏေနာတိ ကသိဏတာယ သကလ-  
ဘာဝေန။ ဇမ္ဗုဒီပဿာတိ စေတဿ အဝယဝဘာဝေန သမ္ပန္နိဝစနံ။ အပရေ  
ပန “ဇမ္ဗုဒီပဿာတိ ကရဏဝစနတ္ထေ သာမိဝစန”န္တိ ဝဒန္တိ၊ တေသံ မတေန  
ကသိဏဇမ္ဗုဒီပသဒ္ဓါနံ သမာနာဓိကရဏဘာဝေါ ဒဋ္ဌဗျော၊ ကရဏဝစနဉ္စ  
နိဿက္ကတ္ထေ။ ပဂေဝ ဧကဒေသတော ပနာတိ အပိ-သဒ္ဓေါ သမ္ဘာဝနေ။  
အာဒိ-သဒ္ဓေန စေတ္ထ—

“မာ သောစိ ဥဒါယိ အာနန္ဒော အဝိတရာဂေါ ကာလံ  
ကရေယျ၊ တေန စိတ္တပ္ပသာဒေန သတ္တက္ခတ္တံ ဒေဝရဇံ ကာရေယျ၊

---

၁-မိ ၁-၅၅-၆၊ ၉၀-၂၊ ၁၁၆-၇-ပိဋေသု။ ၂-မိ-၄၁-၅၂-ပိဋေ။

သတ္တက္ခတ္တံ၊ ဣမသ္မိံယေဝ ဇမ္ဗုဒီပေ မဟာရဇ္ဇံ ကာရေယျ၊ အပိစ ဥဒါယိ အာနန္ဒော ဒိဋ္ဌေဝ ဓမ္မေ ပရိနိဗ္ဗာယိဿတိ”တိအာဒိသုတ္တံ” —

သင်္ဂဟိတံ။ တန္တိ သုတ္တန္တရေ ဝုတ္တံ ပီတိသောမနဿံ။ နေက္ခမ္ပဿိတန္တိ ကာမတော နိက္ခမနေ ကုသလဓမ္မေ နိဿိတံ။ ဣဓာတံ ဣမသ္မိံ သုတ္တေ။ ဂေဟဿိတန္တိ ဂေဟဝါသီနံ သမုဒါစိတ္တတော ဂေဟသင်္ခါတေ ကာမဂုဏေ နိဿိတံ။ ကသ္မာ တဒေဝိဓာမိပ္ပေတန္တိ အာဟ “ဣဒဉ္စိ”တိအာဒိ။ “အာယသ္မ- တော ဆန္ဿ ဥပ္ပန္နသဒိသ”န္တိ ဝုတ္တမတ္ထံ ပါကဋံ ကာတုံ၊ သမတ္ထေတုံ ဝါ “တေနောဝါ”တိအာဒိ ဝုတ္တံ။ ဝိသေသံ နိဗ္ဗတ္တေတုံ နာသက္ခိ ဘဂဝတိ၊ ဓမ္မေ စ ပဝတ္ထဂေဟဿိတပေမတာယ။ ပရိနိဗ္ဗာနကာလေတိ ပရိနိဗ္ဗာနာသန္တကာလေ ဘဂဝတာ ပညတ္တေန တဇ္ဇိတောတိ ဝါ သမ္ပန္နော။ ပရိနိဗ္ဗာနကာလေတိ ဝါ ဘဂဝတော ပရိနိဗ္ဗုတကာလေ သံသေန တဇ္ဇိတော နိဗ္ဗတ္တေတိတိ ဝါ သမ္ပန္နော။ မြဟ္မဒဏ္ဍေနာတိ “ဘိက္ခုဟိ ဣတ္ထန္တာမော နေဝ ဝတ္ထဗ္ဗော၊ န ဩဝဒိတဗ္ဗော၊ နာနုသာသိတဗ္ဗော”တိ ၂ ကတေန မြဟ္မဒဏ္ဍေန။ တဇ္ဇိတောတိ သံဝေဇိတော။ တသ္မာတိ ယသ္မာ ဂေဟဿိတပီတိသောမနဿံ ဈာနာဒီနံ အန္တရာယကရံ၊ တသ္မာ။ ဝုတ္တဉ္ဇေတံ ဘဂဝတာ သက္ကပဉ္စသုတ္တေ “သောမနဿံပါဟံ ဒေဝါနမိန္ဒ ဒုဝိဓေန ဝဒါမိ သေဝိတဗ္ဗမ္ပိ အသေဝိတဗ္ဗမ္ပိ”တိ ၃။

“အယဉ္စိ”တိအာဒိနာ တဒေဝတ္ထံ ကာရဏတော သမတ္ထေတိ။ ရာဂသဟိ- တတ္တာ ဟိ သာ အန္တရာယကရာတိ။ ဧတ္ထ ပန “ဣဒဉ္စိ ရာဂသဉ္စိတံ ပီတိသော- မနဿ”န္တိ ဝတ္ထဗ္ဗံ သိယာ၊ တထာပိ ပီတိဂ္ဂဟဏေန သောမနဿမ္ပိ ဂဟိတမေဝ ဟောတိ သောမနဿရဟိတာယ ပီတိယာ အဘာဝတောတိ ဟေဋ္ဌာ ဝုတ္တ- နယေန ပီတိယေဝ ဂဟိတာ။ အပိစ သေဝိတဗ္ဗာသေဝိတဗ္ဗဝိဘာဂဿ သုတ္တေ ဝစနတော သောမနဿဿ ပါကဋော အန္တရာယကရဘာဝေါ၊ န တထာ ပီတိယာတိ သာယေဝ ရာဂသဟိတတ္ထေန ဝိသေသေတွာ ဝုတ္တာ။ အဝဏ္ဏ- ဘူမိယာ သဒ္ဓိံ သမ္ပန္နိတွာ ပါကဋံ ကာတုံ “လောဘော စာ”တိအာဒိ ဝုတ္တံ။ ကောသေဒိသောဝါတိ အဝဏ္ဏဘူမိယံ ဝုတ္တကောသေဒိသော ဝေ။ “လုဒ္ဓေါ”တိ- အာဒိဂါထာနံ “ကုဒ္ဓေါ”တိအာဒိဂါထာသု ဝုတ္တနယေန အတ္ထော ဒဋ္ဌဗ္ဗော။

“မမံ ဝါဘိက္ခဝေ ပရေ ဝဏ္ဏံ ဘာသေယျ၊ ဓမ္မဿ ဝါ ဝဏ္ဏံ ဘာသေယျ၊ သံဃဿ ဝါ ဝဏ္ဏံ ဘာသေယျ၊ တတြ စေ တုမှေ အဿထ အာနန္ဒိနော သုမနာ

၁-အံ ၁-၂၂၉-ပိဋက (ထောက် ဝိသဒိသံ) ၂-ဝိ ၄-၄၈၇-ပိဋက ၃-ဒိ ၂-၂၂၁-ပိဋက

ဥဗ္ဗိလာဝိတာ၊ အပိ နု တုမှေ ပရေသံ သုဘာသိတဒုတ္တာသိတံ အာဇာနေယျာ-  
 ထာတိ? နော ဟေတံ ဘန္တေ”တိ အယံ တတိယဝါရော နာမ အဝဏ္ဏဘူမိယံ  
 ဝုတ္တနယဝသေန တတိယဝါရဌာနေ နိဟရိတဗ္ဗတ္တာ၊ သော ဒေသနာကာလေ  
 တေန ဝါရေန ဗောဓေတဗ္ဗပုဂ္ဂလာဘာဝတော ဒေသနာယ အနာဂတောပိ  
 တဒတ္တသမ္ဘဝတော အတ္တတော အာဂတောယေဝ။ ယထာ တံ ဝိတ္တာရဝသေန  
 ကထာဝတ္ထုပ္ပကရဏန္တိ ဒဿေတုံ “တတိယဝါရော ပနာ”တိအာဒိ ဝုတ္တံ၊  
 ဧတေန သံဝဏ္ဏနာကာလေ တထာဗုဇ္ဈနကသတ္တာနံ ဝသေန သော ဝါရော  
 အာနေတွာ သံဝဏ္ဏေတဗ္ဗောတိ ဒဿေတိ။ “ယထေဝ ဟိ”တိအာဒိနာ တဒေ-  
 ဝတ္တသမ္ဘဝံ ဝိဘာဝေတိ။ ကုဒ္ဒေါ အတ္ထံ န ဇာနာတိ ယထေဝါတိ သမ္ဗန္ဓော။

ပဋိပဋိတဗ္ဗာကာရဒဿနဝါရေတိ ယထာဝုတ္တံ တတိယဝါရံ ဥပါဒါယ  
 ဝတ္တဗ္ဗေ စတုတ္ထဝါရေ။ “တုမှာကံ သတ္တာ”တိဝစနတော ပဘုတိ ယာဝ “ဣမိနာပိ  
 ကာရဏေန တစ္ဆ”န္တိ ဝစနံ၊ တာဝ ယောဇနာ။ “သော ဟိ ဘဂဝါ”တိအာဒိ  
 တဗ္ဗိဝရဏံ။ တတ္ထ ဣတိပီတိ ဣမိနာပိ ကာရဏေန။ ဝိတ္တာရော ဝိသုဒ္ဓိမဂ္ဂေ။  
 “အနာပတ္တိ ဥပသမ္ပန္နဿ ဘူဘံ အာရောစေတိ”တိ ၂ ဝုတ္တေပိ သဘာဝါန-  
 မေဝ အာရောစနံ ယုတ္တန္တိ အာဟ “သဘာဝါနံ ဘိက္ခုနံယေဝ ပဋိဇာနိ-  
 တဗ္ဗ”န္တိ။ တေယေဝ ဟိ တဿ အတ္တကာမာ၊ သဒ္ဓေယျဝစနတ္တဉ္စ မညန္တိ၊  
 တတော စ “သာသနဿ အမောဃတာ ဒိပိတာ ဟောတိ”တိ ဝုတ္တတ္ထသမတ္တနံ  
 သိယာ။ “ဧဝဉ္စ”တိအာဒိ ကာရဏဝစနံ။ ပါပိစ္ဆတာ စေဝပရိဝဇ္ဇိတာ၊ ကတ္တု-  
 ဘူတာ ဝါ သာ၊ ဟောတိတိ သမ္ဗန္ဓော။ အမောဃတာတိ နိယျာနိကဘာဝေန  
 အတုစ္ဆတာ။ ဝုတ္တနယေနာတိ “တတြ တုမှေဟိတိ တသ္မိ” ဝဏ္ဏေ တုမှေဟိ”တိ-  
 အာဒိနာ စေဝ “ဒုတိယံ ပဒံ ပဌမဿ ပဒဿ၊ စတုတ္ထဉ္စ တတိယဿ  
 ဝေဝစန”န္တိအာဒိနာ စ ဝုတ္တနယေန။

### ဣဒ္ဓသီလဝဏ္ဏနာ

၇။ ကော အနုသန္တိတိ ပုစ္ဆာ “နနု ဧတ္တကေနေဝ ယထာဝုတ္တေဟိ အဝဏ္ဏ-  
 ဝဏ္ဏေဟိ သမ္ဗန္ဓာ ဒေသနာမတ္တကံ ပတ္တာ”တိ အနုယောဂသမ္ဘဝတော ကတာ။  
 ဝဏ္ဏေန စ အဝဏ္ဏေန စာတိ တဒုဘယပဒေန။ အတ္တနိဒ္ဒေသောဝိယ ဟိ သဒ္ဓ-  
 နိဒ္ဒေသောပီတိ အက္ခရစိန္တကာ။ အထ ဝါ တထာဘာသနဿ ကာရဏတ္တာ၊  
 ကောဌာသတ္တာ စ “ပဒေဟိ”တိ ဝုတ္တံ။ အဝဏ္ဏေန စ ဝဏ္ဏေန စာတိ ပန  
 အဂုဏဂုဏဝသေန၊ နိန္ဒာပသံသာဝသေန စ သရူပဒဿနံ။ “နိဝတ္တော

အမူလကတယ ဝိဿဇ္ဇေတဗ္ဗတာဘာဝတော”တိ<sup>၁</sup> အာစရိယဓမ္မပါလတ္ထေ-  
 ရေန ဝုတ္တံ။ တံ ဝိတ္တာရေတွာ ဒေသနာယ ဗောဓေတဗ္ဗပုဂ္ဂလာဘာဝတော  
 ဧတ္တကာဝ သာ ယုတ္တရူပါတိ ဘဂဝတော အဇ္ဈာသယေနော အဒေသနာ-  
 ဘာဝေန နိဝဇ္ဇော၊ ယထာ တံ ဝဏ္ဏဘူမိယံ တတိယဝါရေတိပိ ဒဋ္ဌဗ္ဗံ။ တထာ  
 ဗောဓေတဗ္ဗပုဂ္ဂလသမ္ဘဝေန ဝိဿဇ္ဇေတဗ္ဗတာယ အဓိဂတဘာဝတော အနု-  
 ဝတ္တတိယေဝ။ ဣတိပေတံ ဘူတန္တိ ဧတ္ထ ဣတိ-သဒ္ဓေါ အာဒိအတ္ထော တဒုပရိပိ  
 အနုဝတ္တကတ္တာ၊ တေန ဝက္ခတိ “ဣဝ ပနာ”တိအာဒိ။ ဧတ္တာဝတာ အယံ  
 ဝဏ္ဏာနုသန္တိတိ ဒဿေတွာ ဒုဝိဓေသု ပန တေသု ဝဏ္ဏေသု မြဟ္မဒတ္တဿ  
 ဝဏ္ဏာနုသန္တိတိ ဒဿေန္တော “သော ပနာ”တိအာဒိမာဟ။ ဥပရိ သုညတာ-  
 ပကာသနေ အနုသန္တိံ ဒဿေသတိ “အတ္ထိ ဘိက္ခဝေ”တိအာဒိနာ။

ဧဝံ ပုစ္ဆာဝိဿဇ္ဇနာမုခေန သမုဒါယတ္တတံ ဝတွာ ဣဒါနိ အဝယဝတ္တတံ  
 ဒဿေတိ “တတ္ထာ”တိအာဒိနာ။ အပ္ပမေဝ ပရိတော သမန္တတော ခဏ္ဍိတတ္ထာ  
 ပရိတ္တံ နာမာတိ အာဟ “အပ္ပမတ္တကန္တိ ပရိတ္တဿ နာမ”န္တိ။ မတ္တာ ဝုစ္စတိ  
 ပမာဏံ မီယတေ ပရိမီယတေတိ ကတွာ။ သမာသန္တကကာရေန အပ္ပမတ္တကံ  
 ယထာ “မဟုပုတ္တကော”တိ။ ဧဝံ ဩရမတ္တကေပိ။ ဧတေနော “အပ္ပါ မတ္တာ  
 အပ္ပမတ္တာ၊ သာ ဧတဿာတိ အပ္ပမတ္တက”န္တိအာဒိနာ က-ပစ္စယဿ သာတ္ထက-  
 တမ္ပိ ဒဿေတိ အတ္ထတော အဘိန္တတ္တာ။ မတ္တကသဒ္ဓဿ အနတ္ထကဘာဝတော  
 သီလမေဝ သီလမတ္တကံ။ အနတ္ထကဘာဝေါတိ စသကတ္တတာ ပုရိမပဒတ္ထေယေဝ  
 ပဝတ္တနဘော။ န ဟိ သဒ္ဓါ ကေဝလံ အနတ္တကာ ဘဝန္တိတိ အက္ခရစိန္တကာ။  
 နန စ ဘဂဝတော ပါရမိတာနုဘာဝေန နိရတ္ထကမေကက္ခရမ္ပိ မုခဝရံ နာရော-  
 ဟတိ၊ သကလဉ္စ ပရိယတ္တိသာသနံ ပဒေ ပဒေ စတုသစ္စပ္ပကာသနန္တိ ဝုတ္တံ၊ ကထံ  
 တဿ အနတ္တကတာ သမ္ဘဝတိတိ? သစ္စံ၊ တမ္ပိ ပဒန္တရာဘိဟိတဿ အတ္တဿ  
 ဝိသေသနဝသေန တဒဘိဟိတံ အတ္ထံ ဝဒတိ ဧဝ၊ သော ပန အတ္ထော  
 ဝိနာပိ တေန ပဒန္တရေနော သက္ကာ ဝိညာတုန္တိ အနတ္တကမိစ္ဆေဝ ဝုတ္တန္တိ။  
 နန အဝေါစုမှ “အနတ္တကဘာဝေါ။ပ။ ပဝတ္တနဘော”တိ။ အပိစ ဝိနေ-  
 ယုဇ္ဈာသယာနုရူပဝသေန ဘဂဝတော ဒေသနာ ပဝတ္တတိ၊ ဝိနေယျာ စ  
 အနာဒိမတိသံသာရေ လောကိယေသုယေဝ သဒ္ဓေသု ပရိဘာဝိတစိတ္တာ၊  
 လောကေ စ အသတိပိ အတ္တန္တရာဝဗောဓေ ဝါစာသိလိဋ္ဌတာဒိဝသေန  
 သဒ္ဓပယောဂေါ ဒိဿတိ “လဗ္ဘတိ ပလဗ္ဘတိ၊ ခဉ္စတိ နိခဉ္စတိ၊ အာဂစ္ဆတိ  
 ပစ္စာဂစ္ဆတိ”တိအာဒိနာ။ တထာပရိစိတာနဉ္စ တထာဝိဓေနော သဒ္ဓပယောဂေန

---

၁-ဒိ-ဇီ ၁-၆၂-ပိဋေ။ ၂-ဒိ ၁-၁၁-ပိဋေ။

အတ္တာဝဂမော သုခေါ ဟောတိတိ အနတ္တကသဒ္ဓပယောဂေါ ဝုတ္တောတိ။ ဧဝံ သဗ္ဗတ္ထ။ ဟောတိ စေတ္ထ—

“ပဒန္တရဝစနိယ-ဿတ္တဿ ဝိသေသနာယ။  
ဗောဓနာယ ဝိနေယျာနံ၊ တထာနတ္ထပဒံ ဝဒေ”တိ။

အထ ဝါ သီလမတ္တကန္တိ ဧတ္ထ မတ္တ-သဒ္ဓေါ ဝိသေသနိဝတ္တိအတ္ထော “အဝိ-  
တက္ကဝိစာရမတ္တာ ဓမ္မာ<sup>၁</sup>၊ မနောမတ္တာ ဓာတု မနောဓာတူ”တိ<sup>၂</sup> စ အာဒိသု  
ဝိယ။ “အပ္ပမတ္တကံ ဩရမတ္တက”န္တိ ပဒဒ္ဓယေန သာမညတော ဝုတ္တောယေဝ  
ဟိ အတ္ထော “သီလမတ္တက”န္တိ ပဒေန ဝိသေသတော ဝုတ္တော၊ တေန စ သီလံ  
ဧဝ သီလမတ္တံ၊ တဒေဝ သီလမတ္တကန္တိ နိဗ္ဗစနံ ကာတဗ္ဗန္တိ ဒဿေတုံ “သီလမေဝ  
‘သီလမတ္တက’”န္တိ ဝုတ္တံ။

အယံ ပန အဋ္ဌကထာမုတ္တကော နယော— ဩရမတ္တကန္တိ ဧတ္ထ ဩရန္တိ  
အပါရဘာဂေါ “ဩရတော ဘောဂံ<sup>၃</sup>၊ ဩရံ ပါရ”န္တိ အာဒိသု ဝိယ။ အထ ဝါ  
ဟေဋ္ဌာအတ္ထော ဩရသဒ္ဓေါ ဩရံ အာဂမနာယ ယေ ပစ္စယာ၊ တေ ဩရန္တာ-  
ဂိယာနိ သံယောဇနာနိတိအာဒိသု ဝိယ။ သီလဉ္စိ သမာဓိပညာယော  
အပေက္ခိတွာ အပါရဘာဂေ၊ ဟေဋ္ဌာဘာဂေ စ ဟောတိ၊ ဥဘယတ္ထာဝိ  
“ဩရေ ပဝတ္တံ မတ္တံ ယဿာ”တိအာဒိနာ ဝိဂ္ဂဟော။ သီလမတ္တကန္တိ  
တ္ထောဝိ မတ္တသဒ္ဓေါ အမဟတ္တဝါစကော “ဘေသဇ္ဇမတ္တာ”တိအာဒိသု<sup>၄</sup>  
ဝိယ။ အထ ဝါ သီလေဝိ တဒေကဒေသဿေဝ သင်္ဂဟဏတ္ထံ အမဟတ္တဝါ-  
စကော ဧတ္ထ မတ္တသဒ္ဓေါ ဝုတ္တော။ တထာ ဟိ ဣန္ဒြိယသံဝရပစ္စယသန္နိသိတ-  
သီလာနိ ဣဓ ဒေသနံ အနာရဋ္ဌာနိ။ ကသ္မာတိ စေ? ယသ္မာ တာနိ ပါတိ-  
မောက္ခသံဝရအာဇီဝပါရိသုဒ္ဓိသီလာနိ ဝိယ န သဗ္ဗပုထုဇ္ဇနေသု ပါကဋာ-  
နိတိ။ မတ္တန္တိ စေတ္ထ ဝိသေသနိဝတ္တိအတ္ထေ နပုံသကလိင်္ဂံ။ ပမာဏပ္ပကတ္ထေသု  
ပန “မတ္တ”န္တိ ဝါ “မတ္တာ”တိ ဝါ နပုံသကိတ္တိလိင်္ဂံ။

“ဣဒံ ဝုတ္တံ ဟောတိ”တိအာဒိနာ သဟ ယောဇနာယ ပိဏှတ္ထံ ဒဿေတိ။  
ယေန သီလေန ဝဒေယျ၊ ဧတံ သီလမတ္တကံ နာမာတိ သမ္ပန္နော။ “စန္တံ  
ဝဒါမိတိ ဥဿာဟံ ကတွာဝီ”တိ ဣဒံ “ဝဏ္ဏံ ဝဒမာနော”တိ ဧတဿ ဝိဝရဏံ။  
ဧတေန ဟိ “ဧကပုဂ္ဂလော ဘိက္ခဝေ လောကေ ဥပ္ပဇ္ဇမာနော ဥပ္ပဇ္ဇတိ”တိ-  
အာဒိသု<sup>၅</sup> ဝိယ မာနသဒ္ဓဿ သာမတ္တိယတ္ထတံ ဒဿေတိ။ “ဥဿာဟံ

၁-အဘိ ၁-၂-ပိဋ္ဌေ။

၂-မူလဋီ ၁-၁၂၆-ပိဋ္ဌေ။

၃-ဝိ ၃-၅၉-ပိဋ္ဌေ။

၄-ဒီ ၁-၁၈၈-၉-ပိဋ္ဌေသု။

၅-အံ ၁-၂၁-ပိဋ္ဌေ။

ကုရမာနော”တိ အဝတွာ “ကတွာ”တိ စ ဝစနံ တွာဒိပစ္စယန္တပဒါနမိဝ မာနန္တ-  
ပစ္စယန္တပဒါနမ္ပိ ပရကိရိယာပေက္ခမေဝါတိ ဒဿနတ္ထံ။ “တတ္ထ သိယာ”တိ-  
အာဒိနာ သန္ဓာယဘာသိတမတ္ထံ အဇာနိတွာ နိတတ္ထမေဝ ဂဟေတွာ  
သုတ္တန္တရဝိရောဓိတံ မညမာနဿ ကဿမိ ဤဒိသိ စောဒနာ သိယာတိ  
ဒဿေတိ။ တတ္ထာတိ တသ္မိံ “အပ္ပမတ္တကံ ခေါ ပနေတ”န္တိအာဒိဝစနေ။  
ကမ္မဋ္ဌာနဘာဝနေ ယုဉ္ဇေတိ သီလေနာတ် ယောဂီ၊ တဿ။

အလံကရဏံ ဝိဘူသနံ အလင်္ကာရော၊ ပဿာနေကိရိယာ။ အလံ ကရေတိ  
ဧတေနေဝါတိ ဝါ အလင်္ကာရော၊ ကုဏ္ဍလာဒိပဿာဓနံ။ မဏ္ဍိယတေ မဏ္ဍနံ၊  
ဦးဋ္ဌာနပူရဏံ။ မဏ္ဍိယတိ ဧတေနာတိ ဝါ မဏ္ဍနံ၊ မုခရုဏ္ဏာဒိဦးဋ္ဌာနပူရဏော-  
ပကရဏံ။ ဣမ ပန သဒိသဝေါဟာရေန၊ တဒ္ဓိတဝသေန ဝါ သီလမေဝ  
တထာ ဝုတ္တံ။ မဏ္ဍနေတိ မဏ္ဍနဟေတု၊ မဏ္ဍနကိရိယာနိမိတ္တံ ဂတောတိ  
အတ္ထော။ အထ ဝါ မဏ္ဍတိ သီလေနာတိ မဏ္ဍနော၊ မဏ္ဍနဇာတိကော  
ပုရိသော။ ဗဟုမ္ပိ စေတံ ဇာတျာပေက္ခာယ ဧကဝစနံ။ ဥဗ္ဗာဟနတ္ထေပိ ဟိ  
ဧကဝစနမိစ္ဆန္တိ ကေမိ၊ တဒယုတ္တမေဝ သဒ္ဓသတ္ထေ အနာဂတတ္တာ၊ အတ္ထ-  
ယုတ္တိယာ စ အဘာဝတော။ ကထဉ္စိ ဧကဝစနနိဒ္ဓိဋ္ဌတော ဥဗ္ဗာဟနကရဏံ  
ယုတ္တံ သိယာ ကေသ္မိံယေဝတ္ထေ ဥဗ္ဗာဟိတဗ္ဗဿ အညဿတ္ထဿ  
အဘာဝတော။ တသ္မာ ဝိပလ္လာသဝသေန ဗဟုတ္ထေ ဣဒံ ဧကဝစနံ ဒဋ္ဌဗ္ဗံ၊  
မဏ္ဍနသီလေသူတိ အတ္ထော။ အာစရိယဓမ္မပါလတ္ထေရေနပိ ဟိ အယမေဝိဓ  
ဝိနိစ္ဆယော၊ ဝုတ္တော။ အဂ္ဂတန္တိ ဥတ္တမဘာဝံ။

အဿံ ဘဝိဿာမိတိ အာကဇံယျာတိ သမ္ပန္နော။ အဿာတိ ဘဝေယျ။  
ပရိပူရကာရီတိ စေတ္ထ ဣတိ-သဒ္ဓေါ အာဒိအတ္ထော၊ ပကာရတ္ထော ဝါ၊ တေန  
သကလမ္ပိ သီလထောမနသုတ္တံ ဒဿေတိ။

ကိကိဝ အဏ္ဍန္တိ ဧတ္ထာပိ တဒတ္ထေန ဣတိ-သဒ္ဓေန—

“ကိကိဝ အဏ္ဍံ စမရိဝ ဝါလမိံ၊

ပိယံ ပုတ္တံ နယနံဝ ကေကံ။

တထေဝ သီလံ အနုရက္ခမာနာ၊

သုပေသလာ ဟောထ သဒါ သဂါရဝါ”တိ?—

ဂါထံ သင်္ဂဏှာတိ။ “ပုပ္ဖဂန္ဓော”တိ ဝတွာ တဒေကဒေသေန ဒဿေတုံ  
“န စန္ဒန”န္တိအာဒိ ဝုတ္တံ။ စန္ဒနံ တဂရံ မလ္လိကာတိ ဟိ တံသဟစရဏတော

တေသံ ဂန္ဓောဝ ဝုတ္တော။ ပုပ္ဖဂန္ဓောတိ စ ပုပ္ဖဉ္စ တဒဝသေသော ဂန္ဓော စာတိ အတ္တော။ တဂရမလ္လိကာဟိ ဝါ အဝသိဋ္ဌော “ပုပ္ဖဂန္ဓော”တိ ဝုတ္တော။ သတဉ္စ ဂန္ဓောတိ ဧတ္ထ သီလမေဝ သဒိသဝေါဟာရေန ဝါ တဒ္ဓိတဝသေန ဝါ ဂန္ဓော။ သီလနိဗန္ဓနော ဝါ ထုတိသောသော ဝုတ္တနယေန “ဂန္ဓော”တိ အဓိပ္ပေတော။ သီလဉ္စ ကိတ္တိယာ နိမိတ္တံ။ ယထာဟ “သီလဝတော ကလျာဏော ကိတ္တိသဒ္ဓေါ အဗ္ဘုဂ္ဂစ္ဆတိ”တိ။ သပ္ပုရိသော ပဝါယတိ ပကာရေဟိ ဂန္ဓတိ တဿ ဂန္ဓုပဂရုက္ခပဋိဘာဂတ္တာ။

ဝဿိကီတိ သုမနုပုပ္ဖံ၊ “ဝဿိက”န္တိပိ ပါဌော၊ တဒတ္တောဝ။ ဂန္ဓာ ဧဝ ဂန္ဓဇာတာ၊ ဂန္ဓပ္ပကာရာ ဝါ။ ယွာယန္တိ ယဒိဒံ၊ ဥတ္တမော ဂန္ဓော ဝါတိတိ သမ္ပန္နော။

သပ္ပဒညာ ဝိမုတ္တာနန္တိ သမ္ပာ အညာယ ဇာနိတွာ၊ အဂ္ဂမဂ္ဂေန ဝါ ဝိမုတ္တာနံ။ မဂ္ဂံ န ဝိန္ဒတိတိ ကာရဏံ န လဘတိ၊ န ဇာနာတိ ဝါ။

“သီလေ ပတိဋ္ဌာယာ”တိ ဂါထာယ ပဋိသန္ဓိပညာယ သပညော အာတာပိ ဝိရိယဝါ ပါရိဟာရိကပညာယ နိပဏော နရသင်္ခါတော ဘိက္ခု၊ သီလေ ပတိဋ္ဌာယ ဝိတ္တံ တပ္ပဓာနေန ဝုတ္တံ သမာဓိံ ဘာဝယံ ဘာဝယန္တော ဘာဝနာဟေတု တထာ ပညံ ဝိပဿနဉ္စ ဣမံ အန္တောဇဇာဗဟိဇဇာသင်္ခါတံ ဇဉ် ဝိဇဉ်ယေ ဝိဇဉေယျ ဝိဇဉ်တုံ သမတ္ထေယျာတိ သင်္ခေပတ္တော။

ပထဝိံ နိဿာယာတိ ပထဝိံ ရသဂ္ဂဟဏဝသေန နိဿာယ၊ သီလသ္မိံ ပန ပရိပူရဏဝသေန နိဿာယ ပတိဋ္ဌာနံ ဒဋ္ဌဗ္ဗံ။

အပ္ပကမဟန္တတာယ ပါရာပါရာဒိ ဝိယ ဥပနိဓာပညတ္တိဘာဝတော အညမညံ ဥပနိဓာယ အာဟာတိ ဝိဿဇေတုံ “ဥပရိ ဂုဏေ ဥပနိဓာယာ”တိ ဝုတ္တံ။ သီလဉ္စိတိ ဧတ္ထ ဟိ-သဒ္ဓေါ ကာရဏတ္တော၊ တေနိဒံ ကာရဏံ ဒဿေတိ “ယသ္မာ သီလံ ကိဉ္ဇာပိ ပတိဋ္ဌာဘာဝေန သမာဓိဿ ဗဟူပကာရံ၊ ပဘာဝါဒိ-ဂုဏဝိသေသေ ပနဿ ဥပနိဓာယ ကလမ္ပိ ဘာဂံ န ဥပေတိ၊ တထာ သမာဓိ စ ပညာယာ”တိ။ တေနေဝါဟ “တသ္မာ”တိအာဒိ။ န ပါပုဏာတိတိ ဂုဏသမဘာဝေန န သမ္ပာပုဏာတိ၊ န သမေတိတိ ဝုတ္တံ ဟောတိ။ ဥပရိမန္တိ သမာဓိပညံ။ ဥပနိဓာယာတိ ဥပတ္တန္တံ ကတွာ။ တဉ္စိ တာဒိသာယ ပညတ္တိယာ ဥပတ္တန္တနံ ဟောတိ။ ဟေန္တိမန္တိ သီလသမာဓိဒွယံ။

“ကထ”န္တိအာဒိ ဝိတ္တာရဝစနံ။ ကဏ္ဍမ္မမူလိကပါဠိဟာရိယကထနဉ္စေတ္ထ ယထာကထဉ္စိပိ သီလဿ သမာဓိမပါပုဏ္ဏတာသိဒ္ဓိယေဝိဓာဓိပေတတိ ပါကဋ္ဌတရပါဠိဟာရိယဘာဝေန၊ နိဒဿနနယေန စာတိ ဒဠဗ္ဗံ။ “အဘိ။ ပ။ တိတ္ထိယမဒ္ဒန”န္တိ ဣဒံ ပန တဿ ယမကပါဠိဟာရိယဿ သုပါကဋ္ဌဘာဝ- ဒဿနတ္ထံ၊ အညေဟိ ဗောဓိမူလေ ဉှတိသမာဂမာဒိသု စ ကတပါဠိဟာရိယေဟိ ဝိသေသဒဿနတ္ထဉ္စ ဝုတ္တံ။ သမ္ဗောဓိတော ဟိ အဠမေဝိ ဒိဝသေ ဒေဝတာနံ “ဗုဒ္ဓေါ ဝါ နော ဝါ”တိ ဥပ္ပန္နကါဝိဓမနတ္ထံ အာကာသေ ရတနစက်မံ မာပေတွာ စက်မန္တော ပါဠိဟာရိယံ အကာသိ၊ တတော ဒုတိယသံဝစ္ဆရေ ကုလနဂရဂတော ကပိလဝတ္ထုပုရေ နိဂြောဓာရာမေ ဉှတိနံ သမာဂမေဝိ တေသံ မာနမဒပ္ပဟာနတ္ထံ ယမကပါဠိဟာရိယံ အကာသိ။ တတ္ထ အဘိ- သမ္ဗောဓိတောတိ အဘိသမ္ဗုဇ္ဈနကာလတော။ သာဝတ္ထိနဂရဒ္ဓါရေတိ သာဝတ္ထိနဂရဿ ဒက္ခိဏဒ္ဓါရေ။ ကဏ္ဍမ္မရက္ခမူလေတိ ကဏ္ဍေန နာမ ပသေနဒိ- ရညော ဥယျာနပါလေန ရောပိတတ္တာ ကဏ္ဍမ္မနာမကဿ ရက္ခဿ မူလေ။ ယမကပါဠိဟာရိယကရဏတ္တာယ ဘဂဝတော စိတ္တေဥပ္ပန္န “တဒနန္တဝိကံ ဌာနံ ဣတ္ထိတဗ္ဗ”န္တိ ရတနမဏ္ဍပါဒိ သက္ကေန ဒေဝရညာ အာဏတ္တေန ဝိဿကမ္မနာ ကတန္တိ ဝဒန္တိ ကေစိ။ ဘဂဝတာ နိမ္မိတန္တိ အပရေ။ အဠကထာသု ပန အနေကာသု “သက္ကေန ဒေဝါနမိန္ဒေန အာဏာပိတေန ဝိဿကမ္မဒေဝပုတ္တေန မဏ္ဍပေါ ကတော၊ စက်မော ပန ဘဂဝတာ နိမ္မိတော”တိ ဝုတ္တံ။ ဒိဗ္ဗသေ- တန္တတ္တေ ဒေဝတာဟိ ဓာရိယမာနေတိ အတ္ထော ဝိညာယတိ အညေသမ- သမ္ဘဝတော။ “ဒ္ဓါဒသယောဇနာယ ပရိသာယာ”တိ ဣဒံ စတုသု ဒိသာသု ပစ္စေကံ ဒ္ဓါဒသယောဇနံ မနုဿပရိသံ သန္ဓာယ ဝုတ္တံ။ တဒါ ကိရ ဒသသဟဿိလောကဓာတုတော စက္ကဝါဠဂန္တံ ပရိပူရေတွာ ဒေဝဗြဟ္မာ- နောပိ သန္တိပတိသု။ ယော ကောစိ ဧဝရူပံ ပါဠိဟာရိယံ ကာတုံ သမတ္ထော စေ၊ သော အာဂစ္ဆတူတိ စောဒနာသဒိသတ္တာ ဝုတ္တံ “အတ္တာ- ဒါနပရိဒီပန”န္တိ။ အတ္တာဒါနဉ္စိ အနုယောဂေါ ပဋိပက္ခဿ အတ္တဿ အာဒါနံ ဂဟဏန္တိ ကတွာ။ တိတ္ထိယမဒ္ဒနန္တိ “ပါဠိဟာရိယံ ကရိဿာမာ”တိ ကုဟာယနဝသေန ပုဗ္ဗေ ဥဋ္ဌိတာနံ တိတ္ထိယာနံ မဒ္ဒနံ၊ တဉ္စ တထာ ကာတုံ အသမတ္ထတာသမ္မာဒနမေဝ။ တဒေတံ ပဒေသံ “ယမကပါဠိဟာရိယ”န္တိ ဧတေန သမ္ဗန္ဓိတဗ္ဗံ။ ရာဇဂဟသေဋ္ဌိနော စန္ဒနဃဋိကုပ္ပတ္တိတော ပဋ္ဌာယ သဗ္ဗမေဝ စေတ္ထ ဝတ္တဗ္ဗံ။

ဥပရိမကာယတောတိအာဒိ ပဋိသမ္ဘိဒါမဂ္ဂေ အာဂတနယဒဿနံ၊ တေန ဝုတ္တံ “ဇုတိအာဒိနယပ္ပဝတ္တံ”န္တိ၊ “သဗ္ဗံ ဝိတ္တာရေတဗ္ဗံ”န္တိ စ။ တတ္ထာယံ ပါဠိသေသော—

“ဟေဋ္ဌိမကာယတော အဂ္ဂိက္ခန္ဓော ပဝတ္တတိ၊ ဥပရိမကာယတော ဥဒကဓာရာ ပဝတ္တတိ။ ပုရတ္ထိမကာယတော အဂ္ဂိ၊ ပစ္ဆိမကာယတော ဥဒက။ ပစ္ဆိမကာယတော အဂ္ဂိ၊ ပုရတ္ထိမကာယတော ဥဒက။ ဒက္ခိဏအက္ခိတော အဂ္ဂိ၊ ဝါမအက္ခိတော ဥဒက။ ဝါမအက္ခိတော အဂ္ဂိ၊ ဒက္ခိဏအက္ခိတော ဥဒက။ ဒက္ခိဏကဏ္ဍသောတတော အဂ္ဂိ၊ ဝါမကဏ္ဍသောတတော ဥဒက။ ဝါမကဏ္ဍသောတတော အဂ္ဂိ၊ ဒက္ခိဏကဏ္ဍသောတတော ဥဒက။ ဒက္ခိဏနာသိကာသောတတော အဂ္ဂိ၊ ဝါမနာသိကာသောတတော ဥဒက။ ဝါမနာသိကာသောတတော အဂ္ဂိ၊ ဒက္ခိဏနာသိကာသောတတော ဥဒက။ ဒက္ခိဏအံသကူဠတော အဂ္ဂိ၊ ဝါမအံသကူဠတော ဥဒက။ ဝါမအံသကူဠတော အဂ္ဂိ၊ ဒက္ခိဏအံသကူဠတော ဥဒက။ ဒက္ခိဏဟတ္ထတော အဂ္ဂိ၊ ဝါမဟတ္ထတော ဥဒက။ ဝါမဟတ္ထတော အဂ္ဂိ၊ ဒက္ခိဏဟတ္ထတော ဥဒက။ ဒက္ခိဏပဿတော အဂ္ဂိ၊ ဝါမပဿတော ဥဒက။ ဝါမပဿတော အဂ္ဂိ၊ ဒက္ခိဏပဿတော ဥဒက။ ဒက္ခိဏပါဒတော အဂ္ဂိ၊ ဝါမပါဒတော ဥဒက။ ဝါမပါဒတော အဂ္ဂိ၊ ဒက္ခိဏပါဒတော ဥဒက။ အင်္ဂုလင်္ဂလေဟိ အဂ္ဂိ၊ အင်္ဂုလန္တရိကာဟိ ဥဒက။ အင်္ဂုလန္တရိကာဟိ အဂ္ဂိ၊ အင်္ဂုလင်္ဂလေဟိ ဥဒက။ ဧကေကလောမတော အဂ္ဂိ၊ ဧကေကလောမတော ဥဒက။ လောမကူပတော လောမကူပတော အဂ္ဂိက္ခန္ဓော ပဝတ္တတိ၊ လောမကူပတော လောမကူပတော ဥဒကဓာရာ ပဝတ္တတိ”တိ။

အဋ္ဌကထာယံ ပန “ဧကေကလောမကူပတော” ဣစ္ဆေဝါ အာဂတံ။

ဆန္ဒံ ဝဏ္ဏာနန္တိ ဧတ္ထာပိ နီလာနံ ပီတကာနံ လောဟိတကာနံ ဩဒါတာနံ မဉ္ဇိဋ္ဌာနံ ပဘဿရာနန္တိ အယံ သဗ္ဗေပိ ပါဠိသေသော ပေယျာလနယေန၊ အာဒိ-သဒ္ဓေန စ ဒဿိတော။ ဧတ္ထ စ ဆန္ဒံ ဝဏ္ဏာနံ ဥဗ္ဗာဟနဘူတာနံ ယမကာ ယမကာ ဝဏ္ဏာ ပဝတ္တန္တိတိ ပါဠိသေသေန သမ္ပန္နော၊ တေန ဝက္ခတိ “ဒုတိယာ ဒုတိယာ ရသ္မိယော”တိအာဒိ။ တတ္ထ ဟိ တာသံ

ယမကံ ယမကံ ပဝတ္တနာကာရေန သဟ အာဝဇ္ဇနပရိကမ္မာဓိဋ္ဌာနာနံ ဝိသု ပဝတ္တိံ ဒဿိတာ။ ကေဓိ ပန “ဆန္တံ ဝဏ္ဏာန”န္တိ ဧတဿ “အဂ္ဂိက္ခန္ဓော ဥဒကဓာရာ”တိ ပုရိမေဟိ ပဒေဟိ သမ္ပန္တံ ဝဒန္တိ၊ တဒယုတ္တမေဝ အဂ္ဂိက္ခန္ဓ- ဥဒကဓာရာနံ အတ္ထာယ တေဇောကသိဏဝါယောကသိဏာနံ သမာပဇ္ဇန- သယ ဝက္ခမာနတ္တာ။ ဆန္တံ ဝဏ္ဏာနံ ဆဗ္ဗဏ္ဏာ ပဝတ္တန္တိတိ ကတ္ထုဝသေန ဝါ သမ္ပန္နော ယထာ “ဧကဿ စေပိ ဘိက္ခုနော န ပဋိဘာသေယျ တံ ဘိက္ခုနိ” အပသာဒေတု”န္တိ။ ကတ္ထုကမ္မေသု ဟိ ဗဟုလာ သာမိဝစနံ အာချာတပယော- ဂေပိ ဣစ္ဆန္တိ နေရုတ္တိကာ။

ဧဝံ ပါဠိနယေန ယမကပါဠိဟာရိယံ ဒဿေတွာ ဣဒါနိ တံ အဋ္ဌကထာ- နယေန ဝိဝရန္တော ပစ္စာသတ္တိနယေန “ဆန္တံ ဝဏ္ဏာန”န္တိ ပဒမေဝ ပဌမံ ဝိဝရိတုံ “တဿာ”တိအာဒိမာဟ။ တတ္ထ တဿာတိ ဘဂဝတော။ “သုဝဏ္ဏဝဏ္ဏာ ရသ္မိယော”တိ ဣဒံ တာသံ ဝိတာဘာနံ ယေဘုယျတာယ ဝုတ္တံ၊ ဆဗ္ဗဏ္ဏာဟိ ရသ္မိဟိ အလင်္ကရဏကာလော ဝိယာတိ အတ္ထော။ တာပိ ဟိ စက္ကဝါဠဂဗ္ဘတော ဥဂန္ဓာ မြဟ္မလောကမာဟစ္စ ပဋိနိဝတ္တိတွာ စက္ကဝါဠမုခဝဋ်ဇေဝ ဂဏှိံသု။ ဧကစက္ကဝါဠဂဗ္ဘံ ဝက်ဂေါပါနသိကံ ဝိယ ဗောဓိသရံ အဟောသိ ဧကာ- လောကံ။ ဒုတိယာ ဒုတိယာ ရသ္မိယောတိ ပုရိမပုရိမတော ပစ္စာ ပစ္စာ နိက္ခန္ဓာ ရသ္မိယော။ ကဿ သဒိသာကာရဝသေန “ဝိယာ”တိ ဝစနံ ဝုတ္တန္တိ အာဟ “ဝိန္ဒဉ္ဇာ”တိအာဒိ။ ဝိန္ဒဉ္ဇ ဝိတ္တာနံ ဧကက္ခဏေ ပဝတ္တိ နာမ နတ္ထိ၊ ယေဟိ တာ ဧဝံ သိယုံ၊ တထာပိ ဣမိနာ ကာရဏဒွယေန ဧဝမေဝ ခါယန္တိတိ အဓိပ္ပာယော။ အဝင်္ဂပရိဝါသဿာတိ ဘဝင်္ဂဝသေန ပရိဝသနဿ၊ ဘဝင်္ဂသင်္ခါ- တဿ ပရိဝသနဿ ဝါ၊ ဘဝင်္ဂပတနဿာတိ ဝုတ္တံ ဟောတိ။ အာစိဏ္ဏဝံသိ- တာယာတိ အာဝဇ္ဇနသမာပဇ္ဇနာဒိဟိ ပဉ္စဟာကာရေဟိ သမာစိဏ္ဏပရိစယ- တာယ။ နနု စ ဧကဿာပိ စိတ္တဿ ပဝတ္တိယာ ဒွေ ကိဿော ရသ္မိယောပိ သမ္ပဝေယျန္တိ အနုယောဂမပနေတိ “တဿာ တဿာ ပန ရသ္မိယာ”တိ- အာဒိနာ။ စိတ္တဝါရနာနတ္တာ အာဝဇ္ဇနပရိကမ္မစိတ္တာနိ၊ ကသိဏနာနတ္တာ အဓိဋ္ဌာနစိတ္တဝါရာနိပိ ဝိသု ဝိသုယေဝ ပဝတ္တန္တိ။ အာဝဇ္ဇနာဝသာနေတိက္ခတ္တု ပဝတ္တဇဝနာနိ ပရိကမ္မနာမေနေဝ ဣဓ ဝုတ္တာနိ။

ကထန္တိ အာဟ “နီလရသ္မိအတ္ထာယ ဟိ”တိအာဒိ။ “မဉ္ဇိဋ္ဌရသ္မိအတ္ထာယ လောဟိတကသိဏံ၊ ပဘဿရရသ္မိအတ္ထာယ ဝိတကသိဏ”န္တိ ဣဒံ လောဟိတ- ဝိတရသ္မိနံ ကာရဏေယေဝ ဝုတ္တေ သိဒ္ဓန္တိ န ဝုတ္တံ။ တာသမေဝ ဟိ

မဉ္ဇိဋ္ဌပဘဿရရသ္မိယော ဝိသေသပဘေဒဘူတာတိ။ “အဂ္ဂိက္ခန္ဓတ္ထာယာ”တိ-  
 အာဒိနာ “ဥပရိမကာယတော”တိအာဒိနံ ဝိဝရဏံ။ အဂ္ဂိက္ခန္ဓဥဒကက္ခန္ဓာပိ  
 အညမညအသမ္ဘိဿာ ယာဝ ဗြဟ္မလောကာ ဥဂန္ဓာ စက္ကဝါဠမုခဝဋ်ယံ ပတိံသု၊  
 တံ ဒိဝသံ ပန သတ္တာ ယော ယော ယသ္မိံ ယသ္မိံ ဓမ္မေ စ ပါဠိဟာရိယေ စ  
 ပသန္ဓော၊ တဿ တဿ အဇ္ဈာသယဝသေန တံ တံ ဓမ္မဉ္စ ကထေသိ၊ ပါဠိ-  
 ဟာရိယဉ္စ ဒဿေသိ၊ ဧဝံ ဓမ္မေ ဘာသိယမာနေ၊ ပါဠိဟာရိယေ စ ကရိယ-  
 မာနေ မဟာဇနော ဓမ္မာဘိသမယော အဟောသိ။ တသ္မိဉ္စ သမာဂမေ  
 အတ္တနော မနံ ဂဟေတွာ ပဉ္စ ပုစ္ဆိတုံ သမတ္ထံ အဒိသ္မာ နိမ္မိတံ ဗုဒ္ဓံ မာပေသိ၊  
 တေန ပုစ္ဆိတံ ပဉ္စ သတ္တာ ဝိဿဇ္ဇေသိ။ သတ္တာရာ ပုစ္ဆိတံ ပဉ္စ သော  
 ဝိဿဇ္ဇေသိ၊ သတ္တု စက်မနကာလေ နိမ္မိတော ဌာနာဒိသု အညတရံ ကပ္ပေသိ၊  
 တဿ စက်မနကာလေ သတ္တာ ဌာနာဒိသု အညတရံ ကပ္ပေသိတိ တေမတ္ထံ  
 ဒဿေတုံ “သတ္တာ စက်မတိ”တိအာဒိ ဝုတ္တံ။ “သဗ္ဗံ ဝိတ္တာရေတဗ္ဗ”န္တိ ဧတေန  
 “သတ္တာ တိဋ္ဌတိ၊ နိမ္မိတော စက်မတိ ဝါ နိသီဒတိ ဝါ သေယျံ ဝါ ကပ္ပေတိ”တိ-  
 အာဒိနာ<sup>၁</sup> စတုသု ဣရိယာပထေသု ဧကေကမူလကာ သတ္တုပက္ခေ စတ္တာရေ၊  
 နိမ္မိတပက္ခေ စတ္တာရေတိ သဗ္ဗေ အဋ္ဌ ဝါရာ ဝိတ္တာရေတွာ ဝတ္တဗ္ဗာတိ ဒဿေတိ။  
 ယသ္မာ သီလံ သမာဓိဿ ပတိဋ္ဌာမတ္တမေဝ ဟုတွာ နိဝတ္တတိ၊ သမာဓိယေဝ  
 တတ္ထ ပတိဋ္ဌာယ ယထာဝုတ္တံ သဗ္ဗံ ပါဠိဟာရိယကိစ္စံ ပဝတ္တေတိ၊ တသ္မာ  
 တဒေတံ သမာဓိကိစ္စမေဝါတိ ဝုတ္တံ “ဧတ္ထ ဧကမ္ပိ”တိအာဒိ။

“ယံ ပနာ”တိအာဒိနာ သမာဓိဿ ပညမပါပုဏတာ ဝိဘာဝိတာ၊ ယံ ပန  
 ပဋိဝိဇ္ဈိ၊ ဣဒံ ပဋိဝိဇ္ဈနံ ပညာကိစ္စန္တိ အတ္ထော။ တံ အနုက္ကမတော ဒဿေတိ  
 “ဘဂဝါ”တိအာဒိနာ။ “ကပ္ပသတသဟဿာဓိကာနိ စတ္တာရိ အသင်္ချေယျာ-  
 နိ”တိ ဣဒံ ဒီပက်ရပါဒမူလေ ကတပဌမာဘိနိဟာရတော ပဌာယဝုတ္တံ၊ တတော  
 ပုဗ္ဗေပိ ယတ္ထကေန တသ္မိံ ဘဝေ ဣစ္ဆန္တော သာဝကဗောဓိံ ပတ္တု၊ သက္ကု-  
 ဏေယျ၊ တတ္ထကံ ပုညသမ္ဘာရံ သမုပစိနိတိ ဝေဒိတဗ္ဗံ။ တတောယေဝ ဟိ  
 “မနုဿတ္တံ လိင်္ဂသမ္ပတ္တိ၊ ဟေတု သတ္တာရဒဿန”န္တိအာဒိနာ၊<sup>၂</sup> ဝုတ္တေသု အဋ္ဌ-  
 ဓမ္မေသု ဟေတုသမ္ပန္နတာ အဟောသိ။ ကေဝိ ပန မနောပဏိဓာနဝစိပဏိ-  
 ဓာနဝသေန အနေကဓာ အသင်္ချေယျပရိစ္ဆေဒံ ကတွာ ပုဗ္ဗသမ္ဘာရံ ဝဒန္တိ၊  
 တဒယုတ္တမေဝ သင်္ဂဟာရဋ္ဌာသု အဋ္ဌကထာသု တထာ အဝုတ္တတ္တာ။ တာသု  
 ဟိ ယသာဝုတ္တနယေန ပဌမာဘိနိဟာရတော ပုဗ္ဗေ ဟေတုသမ္ပန္နတာယေဝ  
 ဒဿိတာ။ ဧကေနတိံသဝဿကာလေ နိက္ခမ္ပ ပဗ္ဗဇိတွာတိ သမ္ပန္နော။

စက္ကရတနာရဟပုညဝန္တတာယ ဗောဓိသတ္တော စက္ကဝတ္တိသိရိသမ္ပန္နောတိ တဿ နိဝါသဘဝနံ “စက္ကဝတ္တိသိရိနိဝါသဘူတ”န္တိ ဝုတ္တံ။ ဘဝနာတိ ရမ္မသုရမ္မသုဘ-  
သင်္ခါတာ နိကေတနာ။ ပဓာနယောဂန္တိ ဒုက္ကရစရိယာယ ဥတ္တမဝိရိယာနု-  
ယောဂံ။

ဥရုဝေလာယံ ကိရ သေနာနိဂမေ ကုဋုမ္ဘိကဿ ဓိတာ သုဇာတာ  
နာမ ဒါရိကာ ဝယပ္ပတ္တာ နေရဉ္စရာယ တီရေ နိဂြောဓမူလေ ပတ္တနမကာသိ  
“သစာဟံ သမဇာတိကံ ကုလဃရံ ဂန္ဓာ ပဌမဂဗ္ဘေ ပုတ္တံ လဘိဿာမိ၊  
ဒီရပါယာသေန ဗလိကမ္ပံ ကရိဿာမိ”တိ။ တဿာ သာ ပတ္တနာ သမိဇ္ဈိ။  
သာ သတ္တ ဓေနယော လဠိဝနေ ခါဒါပေတွာ တာသမ္ပိ ဓိတရောဂါဝိယော  
လဠါ တထေဝ ခါဒါပေတွာ ပုန တာသမ္ပိ ဓိတရော တထေဝါတိ သတ္တပုတ္တိ-  
နတ္တိပနတ္တိပရမ္ပရာဂတာဟိ ဓေနဟိ ဒီရံ ဂဟေတွာ ဒီရပါယာသံ ပစိတုမာရဘိ။  
တသ္မိ ခဏေ မဟာဗြဟ္မာ တိယောဇနိကံ သေတစ္ဆတ္တံ ဥပရိ ဓာရေသိ၊  
သက္ကော ဒေဝရာဇာ အဂ္ဂိ ဥဇ္ဇာလေသိ၊ သကလလောကေ ဝိဇ္ဇမာနရသံ  
ဒေဝတာ ပက္ခိပိသု၊ ပါယာသံ ဒက္ခိဏာဝဋ္ဌံ ဟုတွာ ပစတိ၊ တံ သာ သုဝဏ္ဏ-  
ပါတိယာ သတသဟဿဋ္ဌနိကာယ သဟေဝ ဗောဓိသတ္တဿ ဒတွာ ပက္ကာမိ။  
အထ ဗောဓိသတ္တော တံ ဂဟေတွာ နေရဉ္စရာယ တီရေ သုပ္ပတိဋ္ဌိတေ နာမ  
တိတ္ထေ ဧကတာလဠိပ္ပမာဏေ ဧကေနပညာသပိဏ္ဍေ ကရေန္တော ပရိဘုဉ္ဇိ၊  
တံ သန္ဓာယ ဝုတ္တံ “ဝိသာခါပုဏ္ဏမာယံ ဥရုဝေလဂါမေ သုဇာတာယ ဒိန္နံ  
ပက္ခိတ္တဒိဗ္ဗောဇံ မရပါယာသံ ပရိဘုဉ္ဇိတွာ”တိ။ တတ္ထ သုဇာတာယာတိ  
အာယသ္မတော ယသတ္ထေရဿ မာတုဘူတာယ ပစ္ဆာ သရဏဂမနဋ္ဌာနေ  
ဧတဒဂ္ဂပ္ပတ္တာယ သုဇာတာယ နာမ သေဋ္ဌိဘရိယာယ။ အင်္ဂမင်္ဂါနုသာရိနော  
ရသဿ သာရော ဥပတ္တမ္ဘဗလကရော ဘူတနိဿိတော ဧကော ဝိသေသော  
ဩဇာ နာမ၊ သာ ဒိဝိ ဘဝါ ပက္ခိတ္တာ ဧတ္တာတိ ပက္ခိတ္တဒိဗ္ဗောဇော၊ တံ။  
ပါတဗ္ဗော စ သော အသိတဗ္ဗော စာတိ ပါယာသော၊ ရသံ ကတွာ ပိဝိတုံ၊  
အာလောပံ ကတွာ စ ဘုဉ္ဇိတုံ ယုတ္တော ဘောဇနဝိသေသော၊ မရနာ  
သိတ္တော ပါယာသော မရပါယာသော၊ တံ။

တတော နေရဉ္စရာယ တီရေ မဟာသာလဝနေ နာနာသမာပတ္တိဟိ ဒိဝါဝိ-  
ဟာရဿ ကတတ္တာ “သာယနသမယေ”တိအာဒိ ဝုတ္တံ။ ဝိတ္တာရော တတ္ထ တတ္ထ  
ဂဟေတဗ္ဗော။ ဒက္ခိဏုတ္တရေနာတိ ဒိဝါဝိဟာရတော ဗောဓိယာ ပဝိသနမဂ္ဂံ  
သန္ဓာယာဟ၊ ဥဇုကံ ဒက္ခိဏုတ္တရဂတေန ဒေဝတာဟိ အလင်္ကတေန မဂ္ဂေနာတိ

အတ္ထော။ ဧဝံပိဝဒန္တိ “ဒက္ခိဏုတ္တရေနာတိ ဒက္ခိဏပစ္စိမုတ္တရေန အာဒိအဝသာ-  
 နဂဟဏေန မဇ္ဈိမဿာပိ ဂဟိတတ္တာ၊ တထာ လုတ္တပယောဂဿ စ ဒဿန-  
 တော။ ဧဝံပိ သတိ ‘ဒက္ခိဏပစ္စိမုတ္တရဒိသာဘာဂေန ဗောဓိမဏ္ဍံ ပဝိသိတွာ  
 တိဋ္ဌတိ’တိ” ဇာတကနိဒါနေ ဝုတ္တဝစနေန သမေတိ”တိ။ ဒက္ခိဏဒိသတော  
 ဂန္တဗ္ဗော ဥတ္တရဒိသာဘာဂေါ ဒက္ခိဏုတ္တရော၊ တေန ပဝိသိတွာတိ  
 အပရေ။ ကေစိ ပန “ဥတ္တရသဒ္ဓေါ စေတ္တ မဂ္ဂဝါစကော။ ယဒိ ဟိ ဒိသာ-  
 ဝါစကော ဘဝေယျ၊ ‘ဒက္ခိဏုတ္တရယာ’တိ ဝဒေယျာ”တိ၊ တံ န “ဥတ္တရေန  
 နဒိ သိဒါ၊ ဂန္တိရာ ဒုရတိက္ကမာ”တိအာဒိနာ ဒိသာဝါစကဿာပိ နေယောဂဿ  
 ဒဿနတော၊ ဥတ္တရသဒ္ဓဿ စ မဂ္ဂဝါစကဿ အနာဂတတ္တာ။ အပိစ ဒိသာ-  
 ဘာဂံ သန္ဓာယ ဧဝံ ဝုတ္တံ။ ဒိသာဘာဂေါပိ ဟိ ဒိသာ ဧဝါတိ။ အထ အန္တရာ-  
 မဂ္ဂေ သောတ္ထိယေန နာမ တိဏဟာရကဗြာဟ္မဏေန ဒိန္နာ အဋ္ဌ ကုသတိဏ-  
 မုဋ္ဌိယော ဂဟေတွာ အသိတဉ္စနိရိသင်္ကာသံ သဗ္ဗဗောဓိသတ္တာနမဿာသဇန-  
 နဋ္ဌာနေ သမာဝိရုဋ္ဌံ ဗောဓိယာ မဏ္ဍနဘူတံ ဗောဓိမဏ္ဍမုပဂန္တာ တိက္ခတ္တံ၊  
 ပဒက္ခိဏံ ကတွာ ဒက္ခိဏဒိသာဘာဂေ အဋ္ဌာသိ၊ သော ပန ပဒေသော ပဒုမိ-  
 နိပတ္တေ ဥဒကဗိန္ဒု၊ ဝိယ ပကမ္ပိတ္တ၊ တတော ပစ္စိမဒိသာဘာဂံ၊ ဥတ္တရဒိသာဘာ-  
 ဂဉ္စ ဂန္တာ တိဋ္ဌန္တေပိ မဟာပုရိသေ တထေဝ တေ အကမ္ပိ”သု၊ တတော “နာယံ  
 သဗ္ဗောပိ ပဒေသော မမ ဂုဏံ သန္ဓာရေတုံ သမတ္ထော”တိ ပုရတ္ထိမဒိသာဘာဂ-  
 မဂမာသိ၊ တတ္ထ ပလ္လင်္ဂပုမာဏံ နိစ္စလမဟောသိ၊ တဿေဝ စ နိပ္ပရိယာယေန  
 ဗောဓိမဏ္ဍသမညာ၊ မဟာပုရိသော “ဣဒံ ကိလေသဝိဒ္ဓိသနဋ္ဌာန”န္တိ သန္နိဋ္ဌာနံ  
 ကတွာ ပုဗ္ဗုတ္တရဒိသာဘာဂေ ဌိတော တတ္ထ အကမ္ပနပ္ပဒေသေ တာနိ တိဏာနိ  
 အဂ္ဂေ ဂဟေတွာ သဉ္စာလေသိ၊ တာဝဒေဝ စုဒ္ဓသဟတ္ထော ပလ္လင်္ကော အဟောသိ၊  
 တာနိပိ တိဏာနိ ဝိစိတ္တာကာရေန တူလိကာယ လေခါ ဂဟိတာနိ ဝိယ  
 အဟေသုံ။ သော တတ္ထ တိသန္နိပလ္လင်္ဂံ အာဘုဇိတွာ စတုရင်္ဂသမန္တာဂတံ  
 မေတ္တာကမ္ပဋ္ဌာနံ ပုဗ္ဗင်္ဂမံ ကတွာ စတုရင်္ဂိကံ ဝိရိယံ အဓိဋ္ဌဟိတွာ နိသိဒိ၊ တမတ္ထံ  
 သဒ္ဓိပိတွာ ဒဿေန္တော “ဗောဓိမဏ္ဍံ ပဝိသိတွာ”တိအာဒိမာဟ။

တတ္ထ ဗောဓိ ဝုစ္စတိ အရဟတ္တမဂ္ဂဉာဏံ၊ သဗ္ဗညုတညာဏဉ္စ၊ သာ မဏ္ဍတိ  
 ထာမဂတတာယ ပသီဒတိ ဧတ္ထာတိ ဗောဓိမဏ္ဍော၊ နိပ္ပရိယာယေန ယထာ-  
 ဝုတ္တပ္ပဒေသော၊ ပရိယာယေန ပန ဣဓ ဒုမရာဇာ။ တထာ ဟိ အာစရိယာ-  
 နန္တုတ္တရေန ဝုတ္တံ “ဗောဓိမဏ္ဍသဒ္ဓေါပဋ္ဌမာဘိသမ္ပုဒ္ဓဋ္ဌာနေ ဧဝ ဒဋ္ဌဗ္ဗော၊  
 န ယတ္ထ ကတ္ထစိ ဗောဓိရုက္ခဿ ပတိဋ္ဌိတဋ္ဌာနေ”တိ၊ တံ။

၁-ဇာတက-ဋ္ဌ ၁-ဂဉ္စ-ပိဋ္ဌေ။

မာရဝိဇယသဗ္ဗညုတညာဏပဋိလာဘာဒီဟိ ဘဂဝန္တံ အဿာသေတိတိ အဿတ္ထော။ အာပုဗ္ဗဉ္စိ သာသသဒ္ဓိံ အနုသိဋ္ဌိတောသနေသု ဣစ္ဆန္တိ။ ယံ တု လောကေ “စလဒလော၊ ကုဉ္ဇရာသနော”တိပိ ဝဒန္တိ။ အဇ္ဈဂ္ဂတဘာဝေန၊ အဇေယျဘူမိသီသဂတဘာဝေန၊ သကလသဗ္ဗညုဂုဏပဋိလာဘဌာနဝိရုဠ-ဘာဝေန စ ဒုမာနံ ရာဇာတိ ဒုမရာဇာ။ အဿတ္ထော စ သော ဒုမရာဇာ စာတိ **အဿတ္ထဒုမရာဇာ**။ တံ။ ဒိန္နံ ဦရဇာဏုသန္ဓိနံ၊ ဦရမူလကဋိသန္ဓိဿ စ ဝသေန တယော သန္ဓယော၊ သဏ္ဌာနဝသေန ဝါ တယော ကောဏာ ယဿာတိ **တိသန္ဓိ**။ သွေဝ ပလ္လင်္ဂော ဦရဗဒ္ဓါသနံ ပရိသမန္တတော အင်္ဂနံ အာသနန္တိ အတ္ထေန ရ-ကာရဿ လ-ကာရံ၊ ဒွိဘာဝဉ္စ ကတွာ၊ တိဟိ ဝါ သန္ဓိဟိ လက္ခိတော ပလ္လင်္ဂော **တိသန္ဓိပလ္လင်္ဂော**။ တံ။ အာဘုဇိတွာတိ အာဗန္ဓိတွာ၊ ဥဘော ပါဒေ သမဋ္ဌိတေ ကတွာတိ ဝုတ္တံ ဟောတိ။ ဝိတ္တာရော သာမဉ္ဇေလသုတ္တဝဏ္ဏနာယံ<sup>၁</sup> အာဂမိဿတိ။ အတ္တာ၊ မိတ္တော၊ မဇ္ဈတ္တော၊ ဝေရိတိ စတုသုပိ သမပ္ပဝတ္တနဝသေန စတုရင်္ဂသမန္တာဂတံ မေတ္တာကမ္မဋ္ဌာနံ။ “စတုရင်္ဂသမန္တာဂတ”န္တိ ဣဒံ ပန “ဝိရိယာမိဋ္ဌာန”န္တိ ဧတေနာပိ ယောဇေတဗ္ဗံ။ တမ္ပိ ဟိ—

ကာမံ တစော စ နှာရ စ အဋ္ဌိ စ အဝသိဿတု၊ ဥပသုဿတု သရီရေ မံသလောဟိတံ၊ ယံ တံ ပုရိသထာမေန ပုရိသဝိရိယေန ပုရိသပရက္ကမေန ပတ္တဗ္ဗံ၊ န တံ အပါပုဏိတွာ ဝိရိယဿ သဏ္ဌာနံ ဘဝိဿတိ”တိ၂—

ဝုတ္တနယေန စတုရင်္ဂသမန္တာဂတမေဝ။

စုဒ္ဓသ ဟတ္တာ ဝိတ္တတပ္ပမာဏဘာဝေန ယဿာတိ **စုဒ္ဓသဟတ္ထော**။ ပရိသမန္တတော အင်္ဂီယတေ လက္ခိယတေ ပရိစ္ဆေဒဝသေနာတိ ပလ္လင်္ဂော ရ-ကာရဿ လ-ကာရံ၊ တဿ စ ဒိတ္တံ ကတွာ။ အပိစ “ဣဒံ ကိလေသဝိဒ္ဓိသနဋ္ဌာန”န္တိ အဋ္ဌကထာသု ဝစနတော ပလ္လံ ကိလေသဝိဒ္ဓိသနံ ကရောတိ ဧတ္တာတိ ပလ္လင်္ဂော နိဂ္ဂဟိတာဂမဝသေန၊ အလုတ္တသမာသဝသေန ဝါ၊ စုဒ္ဓသဟတ္ထော စ သော ပလ္လင်္ဂော စ၊ သွေဝ ဥတ္တမဋ္ဌေန ပတ္တနိယ-ဋ္ဌေန စ ဝရောတိ **စုဒ္ဓသဟတ္ထပလ္လင်္ဂဝရော**။ တတ္ထ ဂတော ပဝတ္ထော နိသိန္ဓော တထာ။ စုဒ္ဓသဟတ္ထတာ စေတ္ထ ဝိတ္တာရဝသေန ဂဟေတဗ္ဗာ။

၁-ဒီ-ဋ္ဌ ၁-၁၀၀-ပိဋေ။ ၂-မ ၂-၁၄၆၊ သံ ၁-၂၆၆၊ အံ ၁-၅၂၊ အံ ၃-၃၃၊ ခ ၇-၅၀၊ ၃၇၉-ပိဋေသု။  
သီ-နီ (နဝ) ၁-၁၆—န-ဗု-သ

တာနိယေဝ ဟိ တိဏာနိ အပရိမိတပုညာနုဘာဝတော စုဒ္ဓသဟတ္ထဝိတ္ထတ-  
 ပလ္လင်္ကဘာဝေန ပဝတ္တာနိ၊ န စ တာနိ အဋ္ဌမုဋ္ဌိပ္ပမာဏာနိ စုဒ္ဓသဟတ္ထ-  
 အစူဂ္ဂတာနိ သမ္ဘဝန္တိ။ တတောယေဝ စ ဣဓ “တိဏသန္တရံ သန္တရိတွာ”တိ  
 ဝုတ္တံ၊ ဓမ္မပဒဋ္ဌကထာဒီသု စ “တိဏာနိ သန္တရိတွာ။ပ။ ပုရတ္ထိမာဘိမုခေါ  
 နိသိဒိတွာ”တိ၊ အညတ္ထ စ “တိဏာသနေ စုဒ္ဓသဟတ္ထသမ္ပတေ”တိ။ ကေမိ ပန  
 “အစူဂ္ဂတဘာဝေနော စုဒ္ဓသဟတ္ထော”တိ ယထာ တထာ ပရိကပ္ပနာဝသေန  
 ဝဒန္တိ၊ တံ န ဂဟေဘဗ္ဗံ ယထာဝုတ္တေန ကာရဏေန၊ သာဓကေန စ ဝိရုဒ္ဓတ္တာ။  
 ကာမဉ္စ မနောရထပူရဏိယာ စတုရင်္ဂတ္ထရဝဏ္ဏနာယ “တိက္ခတ္တံ၊ ဗောဓံ”  
 ပဒက္ခိဏံ ကတွာ ဗောဓိမဏ္ဍံ အာရယု စုဒ္ဓသဟတ္ထဗြေဓေ ဌာနေ တိဏသန္တရံ  
 သန္တရိတွာ စတုရင်္ဂဝိရိယံ အဓိဋ္ဌာယ နိသိန္နကာလတော”တိ၊ ပါဠော ဒိဿတိ၊  
 တထာပိ တတ္ထ ဥဗ္ဗေခသဒ္ဓေါ ဝိတ္တာရဝါစကောတိ ဝေဒိတဗျော၊ ယထာ  
 “တိရိယံ သောဠသုဗ္ဗေခော၊ ဥဗ္ဗမာဟု သဟဿဓာ”တိ၊ မဟာပနာဝဇာတကေ။  
 တထာ ဟိ တဒဋ္ဌကထာယံ ဝုတ္တံ “တိရိယံ သောဠသုဗ္ဗေခောတိ ဝိတ္တာရတော  
 သောဠသကဏ္ဍပါတဝိတ္တာရော အဟောသိ”တိ၊ အညထာ ဟိ အာကာသေ-  
 ယေဝ ဥက္ခိပိတွာ တိဏသန္တရဏံ ကတံ၊ န အစလပဒေသေတိ အတ္ထော  
 အာပဇ္ဇေယျ သန္တရဏကိရိယာဓာရဘာဝတော တဿ၊ သော စတ္ထော  
 အနဓိပ္ပေတော အညတ္ထ အနာဂတတ္တာတိ။

ရဇတက္ခန္ဓံ ပိဋ္ဌိတော ကတွာ ဝိယာတိ သမ္ပန္နော။ အတ္တန္တိ ပစ္စိမပဗ္ဗတံ။  
 မာရဗလန္တိ မာရံ၊ မာရဗလဉ္စ၊ မာရဿ ဝါ သာမတ္ထိယံ။ ပုဗ္ဗေနိဝါသန္တိ  
 ပုဗ္ဗေ နိဝုတ္တက္ခန္ဓံ။ ဒိဗ္ဗစက္ခန္တိ ဒိဗ္ဗစက္ခဉ္ဇာဏံ။ “ကိစ္ဆံ ဝတဿ လောကော  
 အာပန္နော”တိအာဒိနာ၊ ဇရာမရဏမုခေန ပစ္စယာကာရေ ဉာဏံ ဩတ-  
 ရေတွာ။ အာနာပါနစတုတ္ထဇ္ဈာနန္တိ ဧတ္ထာပိ “သဗ္ဗဗုဒ္ဓါနံ အာစိဏ္ဏ”န္တိ  
 ဝိဘတ္တိဝိပရိဏာမံ ကတွာ ယောဇေတဗ္ဗံ။ တမ္ပိ ဟိ ဗုဒ္ဓါနမာစိဏ္ဏမေဝါတိ  
 ဝဒန္တိ။ ပါဒကံ ကတွာတိ ကာရဏံ၊ ပတိဋ္ဌာနံ ဝါ ကတွာ။ ဝိပဿနံ  
 ဝစေတွာတိ ဆတ္တိသကောဋိသတသဟဿမုခေန အာသဝက္ခယဉာဏသင်္ခါတ-  
 မဟာဝဇီရဉာဏဂစ္ဆံ ဂဏှာပနဝသေန ဝိပဿနံ ဘာဝေတွာ။ သဗ္ဗညုတညာ-  
 ကာမိဂမာယ အနုပဒဓမ္မဝိပဿနာဝသေန အနေကာကာရဝေါကာရေ သင်္ခါရေ  
 သမ္ပသတော ဆတ္တိသကောဋိသတသဟဿမုခေန ပဝတ္တံ ဝိပဿနာဉာဏမ္ပိ ဟိ

၁-ဓမ္မပဒ-၄ ၁-၅၄၊ အဘိ-၄ ၁-၇၇-ပိဋ္ဌေသု၊ ၂-အံ-၄ ၂-၂၉၂-ပိဋ္ဌေ။  
 ၃-၃ ၅-၇၆-ပိဋ္ဌေ၊ ၄-ဇာတက-၄ ၂-၃၀၂-ပိဋ္ဌေ။  
 ၅-ဒီ ၂-၂၆၊ သံ ၁-၂၄၆-ပိဋ္ဌေသု။

“မဟာဝဇီရဉာဏ”န္တိ ဝုစ္စတိ၊ စတုရိသတိကောဋိသတသဟဿသင်္ချာယ ဒေဝသိကံ ဝဋ္ဋနကသမာပတ္တိနံ ပုရေစရာနစရဉာဏမ္ပိ။ ဣမ ပန မဂ္ဂဉာဏမေဝ၊ ဝိသေသတော စ အဂ္ဂမဂ္ဂဉာဏံ၊ တသ္မာ တဿေဝ ဝိပဿနာဂမ္ဘဘာဝေါ ဝေဒိတဗ္ဗောတိ။ သဗ္ဗဗုဒ္ဓဂုဏေတိ သဗ္ဗညုတဘိနိရဝသေသဗုဒ္ဓဂုဏေ။ တဿာ ပါဒကံ ကတွာ သမာဓိ နိဝဏ္ဏောတိ ဝုတ္တံ “**ဣဒမဿ ပညာကိစ္စ**”န္တိ။ အဿာတိ ဘဂဝတော။

“တတ္ထ ယထာ ဟတ္ထေ”တိအာဒိနာ ဥပမာယ ပါကဋီကရဏံ။ ဟတ္ထေတိ ဟတ္ထပသတေ၊ ကရပုဋေ ဝါ။ ပါတိယန္တိ သရာဝကေ။ ဃဋေတိ ဥဒကဟရဏသဋေ။ ဒွတ္တိံသဒေါဏဂဏှနပ္ပမာဏံ ကုဏ္ဍံ **ကောလဗ္ဗော**။ တတော မဟတရာစာဋိ။ တတောပိ မဟတိ **မဟာကုန္တိ**။ သောဏ္ဍိ **ကုသောဗ္ဗော**။ နဒိဘာဂေါ **ကန္တရော**။ စက္ကဝါဠပါဒေသုသမုဒ္ဒေါ **စက္ကဝါဠမဟာသမုဒ္ဒေါ**။ သိနေရပါဒကေ **မဟာသမုဒ္ဒေ**တိ သိဒန္တရသမုဒ္ဒံ သန္ဓာယာဟ။ “**ပါတိယ**”န္တိအာဒိနာပိ တဒေဝတ္ထံ ပကာရန္တရေန ဝိဘာဝေတိ။ ပရိတ္တံ ဟောတိ ယထာတိ သမ္ပန္နော။ ယဿာ ပါဠိယာ အတ္ထဝိဘာဝနတ္ထာယ ယာ သံဝဏ္ဏနာ ဝုတ္တာ၊ တဒေဝ တဿာ ဂုဏဘာဝေန ဒဿေတုံ “**တေနာဟာ**”တိအာဒိ ဝုတ္တံ။ ဧဝံ သဗ္ဗတ္ထ။

“ဒုဝေ ပုထုဇ္ဇနာ”တိအာဒိ ပုထုဇ္ဇနေသု လဗ္ဘမာနဝိဘာဝဒဿနတ္ထမေဝ ဝုတ္တံ၊ န ပန **မူလပရိယာယသံဝဏ္ဏနာဒီသု** ဝိယ ပုထုဇ္ဇနဝိသေသနိဒ္ဒါရဏတ္ထံ နိရဝသေသပုထုဇ္ဇနဿေဝ ဣမ အဓိပ္ပေတတ္တာ။ သဗ္ဗောပိ ဟိ ပုထုဇ္ဇနော ဘဂဝတော ဥပရိဂုဏေ ဝိဘာဝေတုံ န သက္ကောတိ၊ တိဋ္ဌတု တာဝ ပုထုဇ္ဇနော၊ အရိယသာဝကပစ္စေကဗုဒ္ဓါနမ္ပိ အဝိသယာ ဧဝ ဗုဒ္ဓဂုဏာ။ တထာ ဟိ ဝက္ခတိ“သောတာပန္နော”တိအာဒိ၂။ ဂေါတ္တသမ္ပန္နတာယ အာဒိစ္စဿ သူရိယဒေဝပုတ္တဿ ဗန္ဓုတိ **အာဒိစ္စဗန္ဓု**၊ တေန ဝုတ္တံ **နိဒ္ဒေသေ**—

“အာဒိစ္စော ဝုစ္စတိ သူရိယော။ သူရိယော ဂေါတမော ဂေါတ္တေန၊ ဘဂဝါပိ ဂေါတမော ဂေါတ္တေန၊ ဘဂဝါ သူရိယဿ ဂေါတ္တဉ္ဇတကော ဂေါတ္တဗန္ဓု၊ တသ္မာ ဗုဒ္ဓေါ အာဒိစ္စဗန္ဓု”တိ၃။

သဒ္ဓဝိဒူ ပန “**ဗုဒ္ဓဿာဒိစ္စဗန္ဓုနာ**”တိ ပါဠိမိစ္ဆန္တိ။ အာဒိစ္စဿ ဗန္ဓုနာ ဂေါတ္တေန သမာနော ဂေါတ္တသင်္ခါတော ဗန္ဓု ယဿ၊ ဗုဒ္ဓေါ စ သော အာဒိစ္စဗန္ဓု စာတိ ကတွာ။ ယသ္မာ ပန ခန္ဓကထာဒိကောသလ္လေနာပိ ဥပတ္တိလေသာနုပတ္တိလေသာနံ ဇာနနဟေတုဘူတံ ဗာဟုသစ္စံ ဟောတိ၊ ယထာဟ—

---

၁-မ-ဋ္ဌ ၁-၂၂-ပိဋေ။ ၂-ဒိ-ဋ္ဌ ၁-၇၀-ပိဋေ။ ၃-ဒ ၇-၂၆၄၊ ၃ ဂ-၁၉၉-ပိဋေသု။

“ကိတ္တာဝတာ န ခေါ ဘန္တေ ဗဟုဿတော ဟောတိတိ? ယတော ခေါ ဘိက္ခု ခန္ဓကုသလော ဟောတိ။ ဓာတု။ပ။ အာယတန ။ပ။ ပဋိစ္စသမုပ္ပါဒကုသလော ဟောတိ၊ ဧတ္တာဝတာ ခေါ ဘိက္ခု ဗဟုဿတော ဟောတိ”တိ။

တသ္မာ “ယဿ ခန္ဓဓာတုအာယတနာဒီသု”တိအာဒိ ပုတ္တံ။ အာဒိ-သဒ္ဓေန စေတ္တ ယာဝ ပဋိစ္စသမုပ္ပါဒါ သင်္ဂဏှာတိ။ တတ္ထ ဝါစုဂ္ဂတကရဏံ ဥဂ္ဂဟော။ အတ္ထဿ ပရိပုစ္ဆနံ ပရိပုစ္ဆာ။ အဋ္ဌကထာဝသေန အတ္ထဿ သောတဒ္ဓါရ-ပဋိဗဒ္ဓတာကရဏံ သဝနံ။ ဗျဉ္ဇနတ္ထာနံ သုနိက္ခေပသုနယနေနံ ဓမ္မဿ ပရိ-ဟရဏံ ဓာရဏံ။ ဧဝံ သုတခာတပရိစိတာနံ ဝိတက္ကနံ မနသာနုပေက္ခနံ ပစ္စဝေက္ခဏံ။

ဧဝံပဘောဒံ ဒဿေဘွာ ဝစနတ္ထမ္ပိ ဒဿေတိ “ဒုဝိဓော”တိအာဒိနာ။ ပုထုနန္တိ အနေကဝိဓာနံ ကိလေသာဒီနံ။ ပုထုဇ္ဇနန္တောဂဓတ္တာတိ ဗဟူနံ ဇနာနံ အပ္ပန္နရေ သမဝရောဘောဝတော ပုထုဇ္ဇနောတိ သမ္ပန္နော။ ပုထုဓါယံ ဇနောတိ ပုထု ဧဝ ဝိသုယေဝ အယံ သင်္ချံ ဂတော။ ဣတိတိ တသ္မာ ပုထုဇ္ဇနောတိ သမ္ပန္နော။ ဧဝံ ဂါထာဗန္ဓေန သင်္ခေပတော ဒဿိတမတ္ထံ “သောဟိ”တိအာဒိနာ ဝိဝရတိ။ “နာနပ္ပကာရာန”န္တိ ဣမိနာ ပုထု-သဒ္ဓေါ ဣဓ ဗဟုတ္ထောတိ ဒဿေတိ။

အာဒိ-သဒ္ဓေန သင်္ဂဟိတမတ္ထံ၊ တဒတ္ထဿ စ သာဓကံ အဗ္ဗသေနေ-ဂရုသိနာနနယေန နိဒ္ဒေသပါဠိယာ ဒဿေန္တော “ယထာဟာ”တိအာဒိမာဟ။ အဝိဟတာ သက္ကာယဒိဋ္ဌိယော၊ ပုထု ဗဟုကာ တာ ဧတေသန္တိ ပုထုအဝိ-ဟတသက္ကာယဒိဋ္ဌိကာ၊ ဧတေန အဝိဟတတ္တာ ပုထု သက္ကာယဒိဋ္ဌိယော ဇနေန္တိ၊ ပုထုဘိ ဝါ သက္ကာယဒိဋ္ဌိဟိ ဇနိတာတိ အတ္ထံ ဒဿေတိ။ အဝိဟ-တတ္ထမေဝ ဝါ ဇနသဒ္ဓေါ ဝဒတိ၊ တသ္မာ ပုထု သက္ကာယဒိဋ္ဌိယော ဇနေန္တိ န ဝိဟနန္တိ၊ ဇနာ ဝါ အဝိဟတာ ပုထု သက္ကာယဒိဋ္ဌိယော ဧတေသန္တိ အတ္ထံ ဒဿေတိတိပိ ဝဇ္ဇတိ၊ ဝိသေသနပရနိပါတနဉ္စေတ္ထ ဒဋ္ဌဗ္ဗံ ယထာ “အဂ္ဂါဟိ-တော”တိ။ “ပုထု သက္ကာရာနံ မုဒုလ္လောကိကာ”တိ ဧတေန ပုထု ဗဟဝေါ ဇနာ သက္ကာရာ ဧတေသန္တိ နိဗ္ဗစနံ ဒဿိတံ။ ပုထု သဗ္ဗဂတိဟိ အပုဋ္ဌိတာတိ ဧတ္ထ ပန ကမ္မကိလေသေဟိ ဇနေတဗ္ဗာ၊ ဇာယန္တိ ဝါ သက္ကာ ဧတ္တာတိ ဇနာ၊ ဂတိယော၊ ပုထု သဗ္ဗာ ဧဝ ဇနာ ဂတိယော ဧတေသန္တိ ဝစနတ္ထော။ “ပုထု

နာနာဘိသင်္ခါရေ အဘိသင်္ခရေန္တိ”တိ ဧတေန စ ဇာယန္တိ ဧတေဟိ သတ္တာတိ ဇနာ၊ ပုညာဘိသင်္ခါရာဒယော၊ ပုထု နာနာဝိဓော ဇနာ သင်္ခါရာ ဧတေသံ ဝိဇ္ဇန္တိ၊ ပုထု ဝါ နာနာဘိသင်္ခါရေ ဇနေန္တိ အဘိသင်္ခရေန္တိတိ အတ္ထမာဟ။ တတော ပရံ ပန “ပုထု နာနာဩဃေဟိ ဝုယန္တိ”တိ အာဒိအတ္ထတ္တယံ ဇနေန္တိ ဧတေဟိ သတ္တာတိ ဇနာ၊ ကာမောဃာဒယော၊ ရာဂသန္တာပါဒယော၊ ရာဂ-ပရိဋ္ဌာဟာဒယော စ၊ သဗ္ဗေပိ ဝါ ကိလေသပရိဋ္ဌာဟာ။ ပုထု နာနပ္ပကာရာ တေ ဧတေသံ ဝိဇ္ဇန္တိ၊ တေဟိ ဝါ ဇနေန္တိ ဝုယန္တိ၊ သန္တာပေန္တိ၊ ပရိဋ္ဌဟန္တိ စာတိ နိဗ္ဗစနံ ဒဿေတုံ ဝုတ္တံ။ “ရတ္တာ ဂိဇ္ဈါ”တိ အာဒိ ပရိယာယဝစနံ။

အပိ စ ရတ္တာတိ ဝတ္တံ ဝိယ ရင်္ဂဇာတေန စိတ္တဿ ဝိပရိဏာမကရေန ဆန္ဒ-ရာဂေန ရတ္တာ။ ဂိဇ္ဈါတိ အဘိကင်္ခသဘာဝေန အဘိဂိဇ္ဈနေန ဂိဇ္ဈါ။ ဂထိတာတိ ဂန္ထိတာ ဝိယ ဒုဗ္ဗောစနိယဘာဝေန တတ္ထ ပဋိဗဒ္ဓါ။ မုန္တိတာတိ ကိလေသာ-ဝိသနဝသေန ဝိသညီဘူတာ ဝိယ အနညကိစ္စမောဟံ သမာပန္နာ။ အဇ္ဈော-သန္တာတိ အနညာသာဓာရဏေ ဝိယ ကတွာ ဂိလိတွာ ပရိနိဋ္ဌပေတွာ ဌိတာ။ လဂ္ဂါတိ ဂါဝေါ ကဏူကေ ဝိယ အာသတ္တာ၊ မဟာပလိပေ ဝါ ပတနေန နာသိကဂ္ဂပလိပန္တပုရိသော ဝိယ ဥဒ္ဓရိတုမသက္ကုဏေယျဘာဝေန နိမုဂ္ဂါ။ လဂ္ဂိ-တာတိ မက္ကဋ္ဌာလေပေန ဝိယ မက္ကဋ္ဌော ပဉ္စန္ဒ ဣန္ဒြိယာနံ ဝသေန အာသကိတာ၊ ပလိဗုဒ္ဓါတိ သမ္ဗုဒ္ဓါ၊ ဥပဒ္ဓုတာ ဝါတိ အယမတ္ထော အင်္ဂုတ္တရဋီကာယံ<sup>၁</sup> ဝုတ္တော။ ဧတေန ဇာယတိတိ ဇနော၊ “ရာဂေါ ဂေဓော”တိ ဧဝမာဒိကော၊ ပုထု နာနာဝိဓော ဇနော ရာဂါဒိကော ဧတေသံ၊ ပုထုသု ဝါ ပဉ္စသု ကာမဂုဏေသု ဇနာ ရတ္တာ ဂိဇ္ဈါ။ ပ။ ပလိဗုဒ္ဓါတိ အတ္ထံ ဒဿေတိ။

“အာဝုတာ”တိ အာဒိပိ ပရိယာယဝစနမေဝ။ အပိစ “အာဝုတာတိ အာဝရိတာ။ နိဝုတာတိ နိဝါရိတာ။ ဩပုတာတိ ပလိဂုဏ္ဍိတာ၊ ပရိယောနဒ္ဓါ ဝါ။ ဝိဟိတာတိ ဝိဒဟိတာ။ ပဋိစ္ဆန္တာတိ ဆာဒိတာ။ ပဋိကုဋ္ဌိတာတိ ဟေဋ္ဌာ-မုခဇာတာ”တိ တတ္ထေဝ<sup>၂</sup> ဝုတ္တံ။ ဧတ္ထ စ ဇနေန္တိ ဧတေဟိတိ ဇနာ၊ နိဝရဏာ၊ ပုထု နာနာဝိဓော ဇနာ နိဝရဏာ ဧတေသံ၊ ပုထုဟိ ဝါ နိဝရဏေဟိ ဇနာ အာဝုတာ။ ပ။ ပဋိကုဋ္ဌိတာတိ နိဗ္ဗစနံ ဒဿေတိ။ ပုထုသု နိစဓမ္မသမာစာရေသု ဇာယတိ၊ ပုထုနံ ဝါ အပ္ပန္နရေ ဇနော အန္တောဂဓော၊ ပုထု ဝါ ဗဟုကော ဇနောတိ အတ္ထံ ဒဿေတိ “ပုထုန”န္တိ အာဒိနာ၊ ဧတေန စ တတိယပါဒံ ဝိဝရတိ၊ သမတ္ထေတိ ဝါ။ “ပုထုဝါ”တိ အာဒိနာ ပန စတုတ္ထပါဒံ။ ပုထု ဝိသံသဋ္ဌော ဧဝ ဇနော ပုထုဇနောတိ အယဉ္ဇေတ္ထ ဝစနတ္ထော။

ယေဟိ ဂုဏဝိသေသေဟိ နိမိတ္တဘူတေဟိ ဘဂဝတိ “တထာဂတော”တိ အယံ သမညာ ပဝတ္တာ၊ တံ ဒဿနတ္ထံ “အဋ္ဌဟိ ကာရဏေဟိ ဘဂဝါ တထာဂတော”တိအာဒိ ဂုတ္တံ။ ဧကောပိ ဟိ သဒ္ဓေါ အနေကပဝတ္တိနိမိတ္တ-မဓိကိစ္စ အနေကဓာ အတ္ထပ္ပကာသကော၊ ဘဂဝတော စ သဗ္ဗေပိ နာမသဒ္ဓေါ အနေကဂုဏနေမိတ္တိကာယေဝ။ ယထာဟ—

“အသင်္ချေယျာနိ နာမာနိ၊ သဂုဏေန မဟေသိနော။  
ဂုဏေန နာမမုဋ္ဌေယျံ၊ အပိ နာမသဟဿတော”တိ။

ကာနိ ပန တာနီတိ အနုယောဂေ သတိ ပဌမံ တဿရူပံ သင်္ခေပတော ဥဒ္ဓိသိတွာ “ကဏ”န္တိအာဒိနာ နိဒ္ဓိသတိ။ တထာ အာဂတောတိ ဧတ္ထ အာကာရနိယမနဝသေန ဩပမ္မသမ္ပုပ္ပါဒနတ္ထော တထာ-သဒ္ဓေါ။ သာမည-ဇောတနာယ ဝိသေသာဝဋ္ဌာနတော၊ ဝိသေသတ္တိနာ စ သာမညသဒ္ဓဿာပိ ဝိသေသတ္ထေယေဝ အနုပယုဇ္ဇိတဗ္ဗတော ပဋိပဒါဂမနတ္ထော အာဂတသဒ္ဓေါ ဒဋ္ဌဗ္ဗော၊ န ဉာဏဂမနတ္ထော “တထလက္ခဏံ အာဂတော”တိအာဒိသု၊ ဝိယ၊ နာပိ ကာယဂမနာဒိအတ္ထော “အာဂတော ခေါ မဟာသမဏော၊ မာဂဓာနံ ဂိရိဗ္ဗဇ”န္တိအာဒိသု၊ ဝိယ။ တတ္ထ ယဿ အာကာရဿ နိယမနဝသေန ဩပမ္မ-သမ္ပုပ္ပါဒနတ္ထော တထာ-သဒ္ဓေါ၊ တဒါကာရံ ကရုဏာပဓာနတ္တာ တဿ မဟာကရုဏာမုခေန ပုရိမဗုဒ္ဓါနံ အာဂမနပဋိပဒါယ ဥဒါဟရဏဝသေန သာမညတော ဒဿေန္တော “ယထာ သဗ္ဗလောကေ”တိအာဒိမာဟ။ ယံတံ-သဒ္ဓါနံ ဧကန္တသမ္ပန္နဘာဝတော စေတ္ထ တထာ-သဒ္ဓဿတ္ထဒဿနေ ယထာ-သဒ္ဓေန အတ္ထော ဝိဘာဝိတော။ တဒေဝ ဝိတ္တာရေတိ “ယထာ ဝိပဿီ ဘဂဝါ”တိအာဒိနာ၊ ဝိပဿီအာဒိနဉ္စေတ္ထ ဆန္တံ သမ္မာသမ္ဗုဒ္ဓါနံ မဟာပဒါန-သုတ္တာဒိသု၊ သမ္ပဟုလနိဒ္ဒေသေန၊ သုပါကဋ္ဌတ္တာ၊ အာသန္နတ္တာ စ တေသံ ဝသေန တံ ပဋိပဒံ ဒဿေတိတိ ဒဋ္ဌဗ္ဗံ။ အာဂတော ယထာ၊ တထာ အာဂတောတိ သဗ္ဗတြ သမ္ပန္တော။ “ကိ” ဂုတ္တံ ဟောတိ”တိအာဒိနာပိ တဒေဝ ပဋိနိဒ္ဓိ-သတိ။ တတ္ထ ယေန အဘိနိဟာရေနာတိ မနုဿတ္တလိင်္ဂသမ္ပတ္တိဟေတုသတ္တာရ-ဒဿနပဗ္ဗဇ္ဇာဂုဏသမ္ပတ္တိအဓိကာရဆန္တာနံ ဝသေန အဋ္ဌင်္ဂသမန္တာဂတေန

၁-အဘိ-ဋ္ဌ ၁-၄၂၀၊ ဥဒါန-ဋ္ဌ-၃၁၆၊ နေတ္ထိ-ဋ္ဌ-၁၁၉၊ ပဋိသံ-ဋ္ဌ ၁-၂၇၇၊ ဒီ-ဋီ ၁-၆၂၊ ၃၆၇-ပိဋေသု။  
၂-ဒီ-ဋ္ဌ ၁-၅၉၊ ၆၂၊ မ-ဋ္ဌ ၁-၄၇၊ ၅၀၊ သံ-ဋ္ဌ ၂-၂၆၅၊ အံ-ဋ္ဌ ၁-၈၀-၃၊ ထေရဂါထာ-ဋ္ဌ ၁-၄၂၊  
ဇုတိဂုတ္တက-ဋ္ဌ ၁၁၁-၂၊ ပဋိသံ-ဋ္ဌ ၁-၁၉၀-၂၊ ဗုဒ္ဓဝံသ-ဋ္ဌ-၁၈-၉၊ မဟာနိဒ္ဒေသ-ဋ္ဌ-၁၅၃-၅-ပိဋေသု။  
၃-ဝိ ၃-၅၅-ပိဋေ။ ၄-ဒီ ၂-၂-ပိဋေ။ ၅-ဒီ-ဋ္ဌ ၂-၁၅-ပိဋေ။

မဟာပဏိဓာနေန။ သဗ္ဗေသညိ ဗုဒ္ဓါနံ ပဌမပဏိဓာနံ ဣမိနာဝ နိဟာရေန သမိဇ္ဈတိ။ အဘိနိဟာရောတိ စေတ္တ မူလပဏိဓာနဿေတံ အဓိဝစနန္တိ ဒဋ္ဌဗ္ဗံ။

ဧဝံ မဟာဘိနိဟာရဝသေန “တသာဂတော”တိ ပဒဿ အတ္ထံ ဒဿေတွာ ဣဒါနိ ပါရမီပူရဏဝသေနပိ ဒဿေတုံ “အထ ဝါ”တိအာဒိမာဟ။ “ဧတ္ထ စ သုတ္တန္တိကာနံ မဟာဗောဓိယာနပဋိပဒါယ ကောသလ္လဇနနတ္ထံ ပါရမီသု အယံ ဝိတ္ထာရကထာ”တိအာဒိနာ အာစရိယဓမ္မပါလတ္ထေရေန ယာ ပါရမီသု ဝိနိစ္ဆယကထာ ဝုတ္တာ၊ ကိဉ္ဇာပိ သာ အမှေဟိ ဣဓ ဝုစ္စမာနာ ဂန္ထဝိတ္ထာရက ရာ ဝိယ ဘဝိဿတိ၊ ယသ္မာ ပနာယံ သံဝဏ္ဏနာ ဧတိဿံ ပစ္ဆာ ပမာဒလေခ-  
ဝိသောဓနဝသေန၊ တဒဝသေသတ္ထပရိယာဒါနဝသေန စ ပဝတ္တာ၊ တသ္မာ သာပိ ပါရမီကထာ ဣဓ ဝတ္တဗ္ဗာယေဝါတိ တတော စေဝ စရိယာပိဋကဋ္ဌကထာတော စ အာဟရိတွာ ယထာရဟံ ဂါထာဗန္ဓေဟိ သမလင်္ကရိတွာ အတ္ထမဓိပ္ပါယဉ္စ ဝိသောဓယမာနာ ဘဝိဿတိ။ ကထံ?

ကာ ပနေတာ ပါရမီယော၊ ကေနဋ္ဌေန ကတိဝိဓာ။

ကော စ တာသံ ကမော ကာနိ၊ လက္ခဏာဒီနိ သဗ္ဗထာ။

ကော ပစ္စယော၊ သံကိလေသော၊ ဝေါဒါနံ ပဋိပက္ခကော။

ပဋိပတ္တိဝိဘာဂေါ စ၊ သင်္ဂဟော သမ္ပဒါ တထာ။

ကိတ္တကေန သမ္ပာဒနံ၊ အာနိသံသော စ ကိံ ဖလံ။

ပဥ္ဗမေတံ ဝိဿဇ္ဇိတွာ၊ ဘဝိဿတိ ဝိနိစ္ဆယော။

တတြိဒံ ဝိဿဇ္ဇနံ—

ကာ ပနေတာ ပါရမီယောတိ—

တဏှာမာနာဒိမညတြ၊ ဥပါယကုသလေန ယာ။

ဉ္ဈဏေန ပရိဂ္ဂဟိတာ၊ ပါရမီ သာ ဝိဘာဝိတာ။

တဏှာမာနာဒိနာ ဟိ အနုပဟတာ ကရုဏူပါယကောသလ္လပရိဂ္ဂဟိတာ ဒါနာ-  
ဒယော ဂုဏသင်္ခါတာ တော ကိရိယာ “ပါရမီ”တိ ဝိဘာဝိတာ။

ကေနဋ္ဌေန ပါရမီယောတိ—

ပရမော ဥတ္တမဋ္ဌေန၊ တဿာယံ ပါရမီ တထာ။

ကမ္ပံ ဘာဝေါတိဒါနာဒိ၊ တဒ္ဓိတတော တိဓာ မတာ။

ပူရေတိ မဝတိ ပရေ၊ ပရံ မဇ္ဇတိ မယတိ။  
 မုနာတိ မိနောတိ တထာ၊ မိနာတိတိ ဝါ ပရမော။  
 ပါရေ မဇ္ဇတိ သောဓေတိ၊ မဝတိ မယတိတိ ဝါ။  
 မာယေတိ တံ ဝါ မုနာတိ၊ မိနောတိ မိနာတိ တထာ။  
 ပါရမီတိ မဟာသတ္တော၊ ဝုတ္တာနုသာရတော ပန။  
 တဒ္ဓိတတ္ထတ္ထယေနော၊ ပါရမီတိ အယံ မတာ။

ဒါနသီလာဒိဂုဏဝိသေသယောဂေန ဟိ သတ္တုတ္တမတာယ မဟာဗောဓိ-  
 သတ္တော ပရမော၊ တဿ အယံ၊ ဘာဝေါ၊ ကမ္မန္တိ ဝါ ပါရမီ၊ ဒါနာဒိကိရိယာ။  
 အထ ဝါ ပရတိ ပူရေတိတိ ပရမော နိရုတ္တိနယေန၊ ဒါနာဒိဂုဏာနံ ပူရကော၊  
 ပါလကော စ ဗောဓိသတ္တော၊ ပရမဿ အယံ၊ ဘာဝေါ၊ ကမ္မံ ဝါ ပါရမီ။ အပိစ  
 ပရေ သတ္တေ မဝတိ အတ္တနိ ဗန္ဓတိ ဂုဏဝိသေသယောဂေန၊ ပရံ ဝါ အတိရေကံ  
 မဇ္ဇတိ သံကိလေသမလတော၊ ပရံ ဝါ သေဋ္ဌံ နိဗ္ဗာနံ ဝိသေသေန မယတိ  
 ဂစ္ဆတိ၊ ပရံ ဝါ လောကံ ပမာဏဘူတေန ဣဏဝိသေသေန ဣဓလောကမိဝ  
 မုနာတိ ပရိစ္ဆိန္နတိ၊ ပရံ ဝါ အတိဝိယ သီလာဒိဂုဏဂဏံ အတ္တနော သန္တာနေ  
 မိနောတိ ပက္ခိပတိ၊ ပရံ ဝါ အတ္တဘူတတော ဓမ္မကာယတော အညံ၊ ပဋိပက္ခံ ဝါ  
 တဒနတ္ထကရံ ကိလေသစောရဂဏံ မိနာတိ ဟိံသတိတိ ပရမော၊ မဟာသတ္တော၊  
 “ပရမဿ အယံ”န္တိ အာဒိနာ ဝုတ္တနယေန ပါရမီ။ ပါရေ ဝါ နိဗ္ဗာနေ မဇ္ဇတိ  
 သုဇ္ဈတိ၊ သတ္တေ စ သောဓေတိ၊ တတ္ထ ဝါ သတ္တေ မဝတိ ဗန္ဓတိ ယောဇေတိ၊  
 တံ ဝါ မယတိ ဂစ္ဆတိ၊ သတ္တေ စ မာယေတိ ဂမေတိ၊ တံ ဝါ ယာထာဝတော  
 မုနာတိ ပရိစ္ဆိန္နတိ၊ တတ္ထ ဝါ သတ္တေ မိနောတိ ပက္ခိပတိ၊ တတ္ထ ဝါ သတ္တာနံ  
 ကိလေသာရိံ မိနာတိ ဟိံသတိတိ ပါရမီ၊ မဟာသတ္တော၊ “တဿ အယံ”န္တိ-  
 အာဒိနာ ဒါနာဒိကိရိယာဝ ပါရမီတိ။ ဣမိနာ နယေန ပါရမီနံ ဝစနတ္ထော  
 ဝေဒိတဗျော။

ကတိဝိဇာတိ သင်္ခေပတော ဒသဝိဓာ၊ တာ ပန ဗုဒ္ဓဝံသပါဠိယံ သရူပတော  
 အာဂတာယေဝ။ ယထာဟ “ဝိစိနန္တော တဒါဒက္ခိံ၊ ပဌမံ ဒါနပါရမိ” န္တိ အာဒိ။  
 ယထာ စာဟ—

“ကတိ န ခေါ ဘန္တေ ဗုဒ္ဓကာရကာ ဓမ္မာတိ? ဒသ ခေါ  
 သာရိပုတ္တ ဗုဒ္ဓကာရကာ ဓမ္မာ၊ ကတမေ ဒသ? ဒါနံ ခေါ သာရိပုတ္တ  
 ဗုဒ္ဓကာရကော ဓမ္မော၊ သီလံ နေက္ခမ္ပံ ပညာ ဝီရိယံ ခန္တိ သစ္စံ

အဓိဋ္ဌာနံ မေတ္တာ ဥပေက္ခာ ဗုဒ္ဓကာရကော ဓမ္မော၊ ဣမေ ခေါ  
သာရိပုတ္တ ဒသ ဗုဒ္ဓကာရကော ဓမ္မာတိ။ ဣဒမဝေါစ ဘဂဝါ၊ ဣဒံ  
ဝတ္တာန သုဂတော အထာပရံ ဧတဒဝေါစ သတ္တာ—

‘ဒါနံ သီလဉ္စ နေက္ခမ္ပံ၊ ပညာဝီရိယေန ပဉ္စမံ။  
ခန္တိသစ္စမဓိဋ္ဌာနံ၊ မေတ္တာပေက္ခာတိ တေ ဒဿာ’တိ”။

ကေဓိ ပန “ဆဗ္ဗိဓာ”တိ ဝဒန္တိ၊ တံ ဧတာသံ သင်္ဂဟဝသေန ဝုတ္တံ၊ သော  
ပန သင်္ဂဟော ပရတော အာဝိ ဘဝိဿတိ။

ကော စ တာသံ ကမောတိ ဧတ္ထ ကမော နာမ ဒေသနာက္ခမော၊ သော စ  
ပဌမသမာဒါနဟေတုကော၊ သမာဒါနံ ပဝိစယဟေတုကံ၊ ဣတိ ယထာ အာဒိမိ  
ပဌမာဘိနိဟာရကာလေ ပဝိစိတာ၊ သမာဒိန္နာ စ၊ တထာ ဒေသိတာ။ ယထာဟ  
“ဝိစိနန္တော တဒါဒက္ခိ”၊ ပဌမံ ဒါနပါရမိ”န္တိ အာဒိ၂။ တေနေတံ ဝုစ္စတိ—

“ပဌမံ သမာဒါနတာ-ဝသေနာယံ ကမော ရုတော။  
အထ ဝါ အညမညဿ၊ ဗဟူပကာရတောပိ စာ”တိ။

တတ္ထ ဟိ ဒါနံ သီလဿ ဗဟူပကာရံ၊ သုကရဉ္စာတိ တံ အာဒိမိ ဝုတ္တံ။ ဒါနံ ပန  
သီလပရိဂ္ဂဟိတံ မဟပ္ပလံ ဟောတိ မဟာနိသံသန္တိ ဒါနာနန္တရံ သီလံ ဝုတ္တံ။  
သီလံ နေက္ခမ္ပပရိဂ္ဂဟိတံ။ ပ။ နေက္ခမ္ပံ ပညာပရိဂ္ဂဟိတံ။ ပ။ ပညာ ဝီရိယပရိဂ္ဂဟိ-  
တာ။ ပ။ ဝီရိယံ ခန္တိပရိဂ္ဂဟိတံ။ ပ။ ခန္တိ သစ္စပရိဂ္ဂဟိတာ။ ပ။ သစ္စံ အဓိဋ္ဌာန-  
ပရိဂ္ဂဟိတံ။ ပ။ အဓိဋ္ဌာနံ မေတ္တာပရိဂ္ဂဟိတံ။ ပ။ မေတ္တာ ဥပေက္ခာပရိဂ္ဂဟိတာ  
မဟပ္ပလာ ဟောတိ မဟာနိသံသာတိ မေတ္တာနန္တရံ ဥပေက္ခာ ဝုတ္တော။ ဥပေက္ခာ  
ပန ကရုဏာပရိဂ္ဂဟိတာ၊ ကရုဏာ စ ဥပေက္ခာပရိဂ္ဂဟိတာတိ ဝေဒိတဗ္ဗော။  
ကထံ ပန မဟာကာရဏိကာ ဗောဓိသတ္တာ သတ္တေသု ဥပေက္ခကာ ဟောန္တိတိ?  
ဥပေက္ခိတဗ္ဗယုတ္တကေသု ကဉ္စိ ကာလံ ဥပေက္ခကာ ဟောန္တိ၊ န ပန သဗ္ဗတ္ထ၊  
သဗ္ဗဒါ စာတိ ကေဓိ။ အပရေ ပန န စ သတ္တေသု ဥပေက္ခကာ၊ သတ္တက-  
တေသု ပန ဝိပ္ပကာရေသု ဥပေက္ခကာ ဟောန္တိတိ၊ ဣဒမေဝေတ္ထ ယုတ္တံ။

အပရော နယော—

သဗ္ဗသာဓာရဏတာဒိ-ကာရဏေဟိပိ ဤရိတံ။  
ဒါနံ အာဒိမိ သေသာ တု၊ ပုရိမေပိ အပေက္ခကာ။

ပရုရဇနေသုပိ ဟိ ပဝတ္တိယာ သဗ္ဗသတ္တသာဓာရဏတ္တာ၊ အပ္ပဖလတ္တာ၊ သုကရတ္တာ စ ဒါနံ အာဒိမ္ပိ ဝုတ္တံ။ သီလေန ဒါယကပဋိဂ္ဂါဟကသုဒ္ဓိတော ပရာနုဂ္ဂဟံ ဝတ္တာ ပရပိဋ္ဌာနိဝတ္တိဝစနတော၊ ကံရိယဓမ္မံ ဝတ္တာ အကိရိယဓမ္မဝစနတော၊ ဘောဂသမ္ပတ္တိဟေတု ဝတ္တာ ဘဝသမ္ပတ္တိဟေတုဝစနတော စ ဒါနဿာနန္တရံ သီလံ ဝုတ္တံ။ နေက္ခမ္မေန သီလသမ္ပတ္တိသိဒ္ဓိတော၊ ကာယဝစီသုစရိတံ ဝတ္တာ မနောသုစရိတဝစနတော၊ ဝိသုဒ္ဓသီလဿ သုခေနော ဈာနသမိဇ္ဈနတော၊ ကမ္မာပရာဓပ္ပဟာနေန ပယောဂသုဒ္ဓိံ ဝတ္တာ ကိလေသာပရာဓပ္ပဟာနေန အာသယသုဒ္ဓိဝစနတော၊ ဝိတိက္ကမပ္ပဟာနေ ဌိတဿ ပရိယုဋ္ဌာနပ္ပဟာနဝစနတော စ သီလဿာနန္တရံ နေက္ခမ္မံ ဝုတ္တံ။ ပညာယ နေက္ခမ္မဿ သိဒ္ဓိပရိသုဒ္ဓိတော၊ ဈာနဘာဝေ ပညာဘာဝဝစနတော။ သမာဓိပဒဋ္ဌာနာ ဟိ ပညာ၊ ပညာပစ္စုပဋ္ဌာနော စ သမာဓိ။ သမထနိမိတ္တံ ဝတ္တာ ဥပေက္ခာနိမိတ္တဝစနတော၊ ပရဟိတဇ္ဈာနေန ပရဟိတကရဏူပါယကောသလ္လဝစနတော စ နေက္ခမ္မဿာနန္တရံ ပညာ ဝုတ္တာ။ ဝီရိယာရမ္ဘေန ပညာကိစ္စသိဒ္ဓိတော၊ သတ္တသုညတာဓမ္မနိဇ္ဈာနက္ခန္တိံ ဝတ္တာ သတ္တဟိတဿ အာရမ္ဘဿ အစ္ဆရိယတာဝစနတော၊ ဥပေက္ခာနိမိတ္တံ ဝတ္တာ ပဂ္ဂဟနိမိတ္တဝစနတော၊ နိသမ္မကာရိတံ ဝတ္တာ ဥဋ္ဌာနဝစနတော စ။ နိသမ္မကာရိနော ဟိ ဥဋ္ဌာနံ ဖလဝိသေသမာဝဟတိတိ ပညာယာနန္တရံ ဝီရိယံ ဝုတ္တံ။

ဝီရိယေန တိတိက္ခာသိဒ္ဓိတော။ ဝီရိယဝါ ဟိ အာရဒ္ဓဝီရိယတ္တာ သတ္တသင်္ခါရေဟိ ဥပနိတံ ဒုက္ခံ အဘိဘုယျ ဝိဟရတိ။ ဝီရိယဿ တိတိက္ခာလင်္ကာရဘာဝတော။ ဝီရိယဝတော ဟိ တိတိက္ခာ သောဘတိ။ ပဂ္ဂဟနိမိတ္တံ ဝတ္တာ သမထနိမိတ္တဝစနတော၊ အစ္စာရမ္ဘေန ဥဒ္ဓစ္စဒေါသပ္ပဟာနဝစနတော။ ဓမ္မနိဇ္ဈာနက္ခန္တိယာ ဟိ ဥဒ္ဓစ္စဒေါသော ပဟိယတိ။ ဝီရိယဝတော သာတစ္စကရဏဝစနတော။ ခန္တိဗဟုလော ဟိ အနုဒ္ဓတော သာတစ္စကာရီ ဟောတိ။ အပ္ပမာဒဝတော ပရဟိတကိရိယာရမ္ဘေ ပစ္စုပကာရတဏှာဘာဝဝစနတော။ ယာထာဝတော ဓမ္မနိဇ္ဈာနေ ဟိ သတိ တဏှာ န ဟောတိ။ ပရဟိတာရမ္ဘေ ပရမေပိ ပရကတဒုက္ခသဟနတာဝစနတော စ ဝီရိယဿာနန္တရံ ခန္တိ ဝုတ္တာ။ သစ္စေန ခန္တိယာ စိရာဓိဋ္ဌာနတော၊ အပကာရိနော အပကာရခန္တိံ ဝတ္တာ တဒုပကာရကရဏေ အဝိသံဝါဒဝစနတော၊ ခန္တိယာ အပဝါဒဝါစာဝိကမ္ပနေန ဘူတဝါဒိတဿ အဝိဇ္ဇဟနဝစနတော၊ သတ္တသုညတာဓမ္မနိဇ္ဈာနက္ခန္တိံ ဝတ္တာ တဒုပမြူဟိတဉာဏသစ္စဿ ဝစနတော စ ခန္တိယာနန္တရံ သစ္စံ ဝုတ္တံ။ အဓိဋ္ဌာနေန သစ္စသိဒ္ဓိတော။ အစလာဓိဋ္ဌာနဿ ဟိ ဝိရတိ သိဇ္ဈတိ။ အဝိသံဝါဒိတံ

ဝတ္တာ တတ္ထ အစလဘာဝဝစနတော။ သစ္စသန္ဓော ဟိ ဒါနာဒီသု ပဋိညာနုရူပံ နိစ္စလော ပဝတ္တတိ။ ဤဏသစ္စံ ဝတ္တာ သမ္ဘာရေသု ပဝတ္တိနိဋ္ဌာပနဝစနတော။ ယထာဘူတဉာဏဝါ ဟိ ဗောဓိသမ္ဘာရေသု အဓိဋ္ဌာတိ၊ တေ စ နိဋ္ဌာပေတိ။ ပဋိပက္ခေဟိ အကမ္ပိယဘာဝတော စ သစ္စဿာနန္တရံ **အဓိဋ္ဌာနံ** ဝုတ္တံ။ မေတ္တာယ ပရဟိတကရဏသမာဒါနာဓိဋ္ဌာနသိဋ္ဌိတော၊ အဓိဋ္ဌာနံ ဝတ္တာ ဟိတူပသံဟာရဝစနတော။ ဗောဓိသမ္ဘာရေ ဟိ အဓိတိဋ္ဌမာနော မေတ္တာဝိဟာရီ ဟောတိ။ အစလာဓိဋ္ဌာနဿ သမာဒါနာဝိကောပနေန သမာဒါနသမ္ပဝတော စ အဓိဋ္ဌာနဿာနန္တရံ **မေတ္တာ** ဝုတ္တာ။ ဥပေက္ခာယ မေတ္တာဝိသုဋ္ဌိတော၊ သတ္တေသု ဟိတူပသံဟာရံ ဝတ္တာ တဒပရာဓေသု ဥဒါသိနတာဝစနတော၊ မေတ္တာဘာဝနံ ဝတ္တာ တန္တိဿန္တဘာဝနာဝစနတော၊ “ဟိတကာမသတ္တေဝိ ဥပေက္ခကော”တိ အတ္ထရိယဂုဏတာဝစနတော စ မေတ္တာယာနန္တရံ **ဥပေက္ခာ** ဝုတ္တာတိ ဝေမေတာသံ ကမော ဝေဒိတဗ္ဗော။

**ကာနိ လက္ခဏာဒီနိ သဗ္ဗထာတိ** ဧတ္ထ ပန အဝိသေသေန—

ပရေသမနုဂ္ဂဟဏံ၊ **လက္ခဏန္တိ** ပဝုစ္စတိ။  
 ဥပကာရော အကမ္ပော စ၊ **ရသော** ဟိတေသိတာပိ စ။  
 ဗုဒ္ဓတ္ထံ **ပစ္စုပ္ပန်**၊ ဒယာ ဉာဏံ ပဝုစ္စတိ။  
**ပဒဋ္ဌာနန္တိ** တာသန္တု၊ ပစ္စေကံ တာနိ ဘေဒတေစ။

သဗ္ဗာပိ ဟိ ပါရမိယော ပရာနုဂ္ဂဟလက္ခဏာ၊ ပရေသံ ဥပကာရကရဏရသာ၊ အဝိကမ္ပနရသာ ဝါ၊ ဟိတေသိတာပစ္စုပ္ပန်နာ၊ ဗုဒ္ဓတ္ထပစ္စုပ္ပန်နာ ဝါ၊ မဟာကရဏာပဒဋ္ဌာနာ၊ ကရုဏူပါယကောသလ္လပဒဋ္ဌာနာ ဝါ။

ဝိသေသေန ပန ယသ္မာ ကရုဏူပါယကောသလ္လပရိဂ္ဂဟိတာ အတ္ထုပကရဏပရိစ္စာဂစေတနာ **ဒါနပါရမီ**။ ကရုဏူပါယကောသလ္လပရိဂ္ဂဟိတံ ကာယဝစီသုစရိတံ အတ္ထတော အကတ္တဗ္ဗဝိရတိ၊ ကတ္တဗ္ဗကရဏစေတနာဒယော စ **သီလပါရမီ**။ ကရုဏူပါယကောသလ္လပရိဂ္ဂဟိတော အာဒိနဝဒဿနပုဗ္ဗင်္ဂမော ကာမဘဝေဟိ နိက္ခမနစိတ္တုပ္ပါဒေါ **နေက္ခမ္ပပါရမီ**။ ကရုဏူပါယကောသလ္လပရိဂ္ဂဟိတော ဓမ္မာနံ သာမညဝိသေသလက္ခဏာဝဗောဓော **ပညာပါရမီ**။ ကရုဏူပါယကောသလ္လပရိဂ္ဂဟိတော ကာယစိတ္တေဟိ ပရဟိတာရမ္ဘော **ဝီရိယပါရမီ**။ ကရုဏူပါယကောသလ္လပရိဂ္ဂဟိတော သတ္တသင်္ခါရာပရာဓေဟနသင်္ခါတော အဒေါသပ္ပဓာနော တဒါကာရပ္ပဝတ္တော စိတ္တုပ္ပါဒေါ **ဓန္တိပါရမီ**။ ကရုဏူပါယကောသလ္လပရိဂ္ဂဟိတံ ဝိရတိစေတနာဒိဘေဒံ အဝိသံဝါဒနံ

**သစ္စပါရမီ။** ကရုဏူပါယကောသလ္လပရိဂ္ဂဟိတော အစလသမာဒါနာမိဋ္ဌာနသင်္ခါတော တဒါကာရပ္ပဝတ္တော စိတ္တုပ္ပါဒေါ **အဓိဋ္ဌာနပါရမီ။** ကရုဏူပါယကောသလ္လပရိဂ္ဂဟိတော လောကဿ ဟိတသုခပသံဟာရော အတ္တတော အဗျာပါဒေါ **မေတ္တာပါရမီ။** ကရုဏူပါယကောသလ္လပရိဂ္ဂဟိတာ အနုနယပဋိသဝိဒ္ဓိသနသင်္ခါတာ ဣဋ္ဌာနိဋ္ဌေသု သတ္တသင်္ခါရေသု သမပ္ပဝတ္တိ **ဥပေက္ခာပါရမီ။**

တသ္မာ ပရိစ္စာဂလက္ခဏံ **ဒါနံ**၊ ဒေယျဓမ္မေ လောဘဝိဒ္ဓိသနရသံ၊ အနာသတ္တိပစ္စုပ္ပန်၊ ဘဝဝိဘဝသမ္ပတ္တိပစ္စုပ္ပန် ဝါ၊ ပရိစ္စတိတဗ္ဗဝတ္ထုပ္ပဒဋ္ဌာနံ။ သီလနလက္ခဏံ **သီလံ**၊ သမာဓာနလက္ခဏံ၊ ပတိဋ္ဌာနလက္ခဏံ ဝါတိ ဂုတ္တံ ဟောတိ။ ဒုဿီလျဝိဒ္ဓိသနရသံ၊ အနဝဇ္ဇရသံ ဝါ၊ သောစေယျပစ္စုပ္ပန်၊ ဟိရောတ္တပ္ပပဒဋ္ဌာနံ။ ကာမတော၊ ဘဝတော စ နိက္ခမနလက္ခဏံ **နေက္ခမ္ပံ**၊ တဒါဒီနဝိဘာဝနရသံ၊ တတောယေဝ ဝိမုခဘာဝပစ္စုပ္ပန်၊ သံဝေဂပဒဋ္ဌာနံ။ ယထာသဘာဝပဋိဝေဓလက္ခဏာ **ပညာ**၊ အက္ခလိတပဋိဝေဓလက္ခဏာ ဝါ ကုသလိဿာသဒိတ္တဥသုပဋိဝေဓော ဝိယ၊ ဝိသယောဘာသနရသာ ပဒီပေါ ဝိယ၊ အသမ္မောဟပစ္စုပ္ပန်၊ အရညဂတသုဒေသကော ဝိယ၊ သမာဓိပဒဋ္ဌာနာ၊ စတုသစ္စပဒဋ္ဌာနာ ဝါ။ ဥဿာဟလက္ခဏံ **ဝီရိယံ**၊ ဥပတ္တန္တနရသံ၊ အသံသီဒနပစ္စုပ္ပန်၊ ဝီရိယာရမ္ဘဝတ္ထုပ္ပဒဋ္ဌာနံ၊ သံဝေဂပဒဋ္ဌာနံ ဝါ။

ခမနလက္ခဏာ **ခန္တိ**၊ ဣဋ္ဌာနိဋ္ဌသဟနရသာ၊ အဓိဝါသနပစ္စုပ္ပန်၊ အဝိရောပေစ္စုပ္ပန်၊ ဝါ၊ ယထာဘူတဒဿနပဒဋ္ဌာနာ။ အဝိသံဝါဒနလက္ခဏံ **သစ္စံ**၊ ယာထာဝဝိဘာဝနရသံ၊ သာဓုတာပစ္စုပ္ပန်၊ သောရစ္စပဒဋ္ဌာနံ။ ဗောဓိသမ္ဘာရေသု အဓိဋ္ဌာနလက္ခဏံ **အဓိဋ္ဌာနံ**၊ တေသံ ပဋိပက္ခာဘိဘဝနရသံ၊ တတ္ထ အစလတာပစ္စုပ္ပန်၊ ဗောဓိသမ္ဘာရပဒဋ္ဌာနံ။ ဟိတကာရပ္ပဝတ္တိလက္ခဏာ **မေတ္တာ**၊ ဟိတူပသံဟာရရသာ၊ အာဃာတဝိနယနံရသာ ဝါ၊ သောမ္မဘာဝပစ္စုပ္ပန်၊ သတ္တာနံ မနာပဘာဝဒဿနပဒဋ္ဌာနာ။ မဇ္ဈတ္တာကာရပ္ပဝတ္တိလက္ခဏာ **ဥပေက္ခာ**၊ သမဘာဝဒဿနရသာ၊ ပဋိဃာနုနယဂူပသမပစ္စုပ္ပန်၊ ကမ္မဿကတာပစ္စဝေက္ခဏပဒဋ္ဌာနာ။ ဧတ္ထ စ ကရုဏူပါယကောသလ္လပရိဂ္ဂဟိတတာ ဒါနာဒီနံ ပရိစ္စာဂါဒီလက္ခဏဿ ဝိသေသနဘာဝေန ဝတ္တဗ္ဗာ၊ ယတော တာနိ ပါရမီသင်္ချံ လဘန္တိ။ န ဟိ သမ္မာသမ္မောဓိယာဒိပတ္တနမညတြ အကရုဏူပါယကောသလ္လပရိဂ္ဂဟိတာနိ ဝနုဂါမီနိ ဒါနာဒီနိ ပါရမီသင်္ချံ လဘန္တိတိ။

ကော ပစ္စယောတိ—

အဘိနိဟာရော စ တာသံ၊ ဒယာ ဉာဏန္တ ပစ္စယော။  
ဥဿာဟုမ္မင်္ဂဝတ္ထာနံ၊ ဟိတာစာရဒယော တထာ။

အဘိနိဟာရော တာဝ ပါရမီနံ သဗ္ဗာသမ္ဘိ ပစ္စယော။ ယော ဟိ အယံ “မနုဿတ္တံ လိင်္ဂသမ္ဘတ္တိ”တိအာဒိ<sup>၁</sup> အဋ္ဌဓမ္မသမောဓာနေသမ္ဘဝဉ္စိတော “တိဇ္ဈော တာရေယျံ၊ မုတ္တော မောစေယျံ၊ ဗုဒ္ဓေါ ဗောဓေယျံ၊ သုဒ္ဓေါ သောဓေယျံ၊ ဒန္တော ဒမေယျံ၊ သန္တော သမေယျံ၊ အဿတ္တော အဿာသေယျံ၊ ပရိနိဗ္ဗာတော ပရိနိဗ္ဗာပေယျံ”န္တိအာဒိနာ<sup>၂</sup> ပဝတ္တော အဘိနိဟာရော၊ သော အဝိသေသေန သဗ္ဗပါရမီနံ ပစ္စယော။ တပ္ပဝတ္တိယာ ဟိ ဥဒ္ဓံ ပါရမီနံ ပဝိစယုပဋ္ဌာနသမာ-ဒါနာဓိဋ္ဌာနနိပ္ပတ္တိယော မဟာပုရိသာနံ သမ္ဘဝန္တိ၊ အဘိနိဟာရော စ နာမေသ အတ္ထတော ဘေသမဋ္ဌင်္ဂါနံ သမောဓာနေန တထာပဝတ္တော စိတ္တုပ္ပါဒေါ၊ “အဟော ဝတာဟံ အနုတ္တရံ သမ္ဘာသမ္ဘောဓိ” အဘိသမ္ဗုဇ္ဈေယျံ၊ သဗ္ဗသတ္တာနံ ဟိတသုခံ နိပ္ပာဒေယျံ”န္တိအာဒိပတ္ထနာသင်္ခါတော အစိန္တေယျံ ဗုဒ္ဓဘူမိ<sup>၃</sup>၊ အာရိမာဏံ သောကဟိတန္တ အာရဗ္ဗ ပဝတ္တိယာ သဗ္ဗဗုဒ္ဓကာရကဓမ္မမူလ-ဘူတော ပရမဘဒ္ဒကော ပရမကလျာဏော အပရိမေယုပ္ပဘာဝေါ ပုည-ဝိသေသောတိ ဒဋ္ဌဗ္ဗော။

တဿ စ ဥပ္ပတ္တိယာ သဟေဝ မဟာပုရိသော မဟာဗောဓိယာနပဋိပတ္တိ<sup>၄</sup> ဩတိဇ္ဈော နာမ ဟောတိ၊ နိယတဘာဝသမဓိဂမနတော၊ တတော စ အနိဝတ္တနသဘာဝတော “ဗောဓိသတ္တော”တိ သမညံ လဘတိ၊ သဗ္ဗဘာဝေန သမ္ဘာသမ္ဘောဓိယံ သမ္ဘာသတ္တမာနသတာ၊ ဗောဓိသမ္ဘာဝေ သိက္ခာသမတ္တတာ စဿ သန္တိဋ္ဌတိ။ ယထာဝုတ္တာဘိနိဟာရသမိဇ္ဈနေန ဟိ မဟာပုရိသာ သဗ္ဗညုတညာဏာဓိဂမနပုဗ္ဗလိင်္ဂေန သယမ္ဘုဉာဏေန သမ္ဘဝေ သဗ္ဗပါရမီယော ဝိစိနိက္ခာ သမာဒါယ အနုက္ကမေန ပရိပူရေန္တိ၊ ယထာ တံ ကတမဟာဘိနိ-ဟာရော သုမေဓပဏ္ဍိတော။ ယထာဟ—

“ဟန္တ ဗုဒ္ဓကရေ ဓမ္မေ၊ ဝိစိနာမိ ဣတော စိတော။  
ဥဒ္ဓံ အဓော ဒသ ဒိသာ၊ ယာဝတာ ဓမ္မဓာတုယာ။  
ဝိစိနန္တော တဒါ ဒက္ခိံ၊ ပဌမံ ဒါနပါရမိ”န္တိ<sup>၅</sup>—

ဝိတ္တာရော။ လက္ခဏာဒိတော ပနေသ သမ္ဘဝေ သမ္ဘာသမ္ဘောဓိပဏိဓာန-လက္ခဏော၊ “အဟော ဝတာဟံ အနုတ္တရံ သမ္ဘာသမ္ဘောဓိ” အဘိသမ္ဗုဇ္ဈေယျံ၊

၁-ခု ၄-၃၁၁-ပိဋေ၊ ၂-စရိသာပိဋက-၈-၂၇၄၊ ဗုဒ္ဓဝံသ-၉-၁၂-ပိဋေသု။ ၃-ခု ၄-၃၁၅-ပိဋေ။

သဗ္ဗသတ္တာနံ ဟိတသုခံ နိပ္ပါဒေယျ”န္တိအာဒိပတ္တနာရသော၊ ဗောဓိသမ္ဘာရ-  
ဟေတုဘာဝပစ္စုပ္ပန်နော၊ မဟာကရုဏာပဒဋ္ဌာနော၊ ဥပနိဿယသမ္ပတ္တိ-  
ပဒဋ္ဌာနော ဝါ။

တဿ ပန အဘိနိဟာရဿ စတ္တာရော ပစ္စယာ၊ စတ္တာရော ဟေတု၊  
စတ္တာရိ စ ဗလာနိ ဝေဒိတဗ္ဗာနိ။ တတ္ထ ကတမေ **စတ္တာရော ပစ္စယာ**  
မဟာဘိနိဟာရယ? ဣမ မဟာပုရိသော ပဿတိ တထာဂတံ မဟတာ  
ဗုဒ္ဓါနုဘာဝေန အစ္ဆရိယတ္တုတံ ပါဠိဟာရိယံ ကရောန္တံ၊ တဿ တံ နိဿာယ  
တံ အာရမ္မဏံ ကတွာ မဟာဗောဓိယံ စိတ္တံ သန္တိဋ္ဌတိ “မဟာနုဘာဝါ  
ဝတာယံ ဓမ္မဓာတု၊ ယဿာ သုပ္ပုဋိဝိဒ္ဓတ္တာ ဘဂဝါ ဧဝံ အစ္ဆရိယတ္တုတဓမ္မော၊  
အစိန္နေယျာနုဘာဝေါ စာ”တိ၊ သော တမေဝ မဟာနုဘာဝဒဿနံ နိဿာယ  
တံ ပစ္စယံ ကတွာ သမ္မောဓိယံ အဓိမုစ္စန္တော တတ္ထ စိတ္တံ ဌပေတိ၊ အယံ  
**ပဌမော ပစ္စယော** မဟာဘိနိဟာရယ။

န ဟေဝ ခေါ ပဿတိ တထာဂတဿ ယထာဝုတ္တံ မဟာနုဘာဝတံ၊  
အပိစ ခေါ သုဏာတိ “ဒေဝိသော စ ဒေဝိသော စ ဘဂဝါ”တိ၊ သော တံ  
နိဿာယ တံ ပစ္စယံ ကတွာ သမ္မောဓိယံ အဓိမုစ္စန္တော တတ္ထ စိတ္တံ ဌပေတိ၊  
အယံ **ဒုတိယော ပစ္စယော** မဟာဘိနိဟာရယ။

န ဟေဝ ခေါ ပဿတိ တထာဂတဿ ယထာဝုတ္တံ မဟာနုဘာဝတံ၊  
နာပိ တံ ပရတော သုဏာတိ၊ အပိစ ခေါ တထာဂတဿ ဓမ္မံ ဒေသေန္တဿ  
“ဒသဗလသမန္နာဂတော ဘိက္ခဝေ တထာဂတော”တိအာဒိနာ ဗုဒ္ဓါနုဘာဝ-  
ပဋိသံယုတ္တံ ဓမ္မံ သုဏာတိ၊ သော တံ နိဿာယ ။ပ။ အယံ **တတိယော**  
**ပစ္စယော** မဟာဘိနိဟာရယ။

န ဟေဝ ခေါ ပဿတိ တထာဂတဿ ယထာဝုတ္တံ မဟာနုဘာဝတံ၊  
နာပိ တံ ပရတော သုဏာတိ၊ နာပိ တထာဂတဿ ဓမ္မံ သုဏာတိ၊ အပိစ  
ခေါ ဥဋ္ဌာရဇ္ဈာသယော ကလျာဏာဓိမုတ္တိကော “အဟမေတံ ဗုဒ္ဓဝံသံ  
ဗုဒ္ဓတန္တိ ဗုဒ္ဓပဝေဏိ ဗုဒ္ဓဓမ္မတံ ပရိပါလေဿာမီ”တိ ယာဝဒေဝ ဓမ္မညေဝ  
သက္ကရာဇ္ဇော ဂရုံ ကရာဇ္ဇော မာနေဇ္ဇော ပူဇေဇ္ဇော ဓမ္မံ အပစယမာနော  
တံ နိဿာယ။ပ။ ဌပေတိ၊ အယံ **စတုတ္ထော ပစ္စယော** မဟာဘိနိဟာရ-  
ယာတိ။

ကတမေ ဝတ္ထာရော ဟေတု မဟာဘိနိဟာရာယ? ဣမ မဟာပုရိသော ပကတိယာ ဥပနိဿယသမ္ပန္နော ဟောတိ ပုရိမကေသု ဗုဒ္ဓေသု ကတာမိ-  
ကာရော၊ အယံ ပဌမော ဟေတု မဟာဘိနိဟာရာယ။ ပုန စပရံ မဟာ-  
ပုရိသော ပကတိယာပိ ကရုဏာဇ္ဈာသယော ဟောတိ ကရုဏာမိမုတ္တော  
သတ္တာနံ ဒုက္ခံ အပနေတုကာမော၊ အပိစ အတ္တနော ကာယဉ္စ ဇီဝိတဉ္စ  
ပရိစ္စဇိ၊ အယံ ဒုတိယော ဟေတု မဟာဘိနိဟာရာယ။ ပုန စပရံ မဟာ-  
ပုရိသော သကလတောပိ ဝဋ္ဋဒုက္ခတော သတ္တဟိတာယ ဒုက္ခရစရိယတော  
သုစိရမ္ပိ ကာလံ သဋ္ဌေန္တော ဝါယမန္တော အနိဗ္ဗိန္တော ဟောတိ အနုတြာသိ၊  
ယာဝ ဣစ္ဆိတတ္ထနိပ္ပတ္တိ၊ အယံ တတိယော ဟေတု မဟာဘိနိဟာရာယ။ ပုန  
စပရံ မဟာပုရိသော ကလျာဏမိတ္တသန္တိဿိတော ဟောတိ၊ ယော အဟိ-  
တတော နံ နိဝါရေတိ၊ ဟိတေ ပတိဋ္ဌာပေတိ၊ အယံ ဇတုတ္ထော ဟေတု  
မဟာဘိနိဟာရာယ။

တတြာယံ မဟာပုရိသဿ ဥပနိဿယသမ္ပဒါ— ဧကန္တေနဝဿ ယထာ  
အဇ္ဈာသယော သမ္မောမိနိန္တော ဟောတိ သမ္မောမိပေါဏော သမ္မောမိ-  
ပဗ္ဗာရော၊ တထာ သတ္တာနံ ဟိတစရိယာယ၊ ယတော အနေန ပုရိမဗုဒ္ဓါနံ  
သန္တိကေ သမ္မောမိယာ ပဏိဓာနံ ကတံ ဟောတိ မနဿ၊ ဝါစာယ စ  
“အဟမ္ပိ ဧဒိသော သမ္မာသမ္ဗုဒ္ဓေါ ဟုတ္တာ သမ္မဒေဝ သတ္တာနံ ဟိတသုခံ  
နိပ္ပုဒေယျ”န္တိ။ ဧဝံ သမ္ပန္နုပနိဿယဿ ပနဿ ဣမာနိ ဥပနိဿယသမ္ပတ္တိယာ  
လိင်္ဂါနိ သမ္ဘဝန္တိ၊ ယေဟိ သမန္တာဂတဿ သာဝကဗောဓိသတ္တေဟိ၊ ပစ္စေက-  
ဗောဓိသတ္တေဟိ စ မဟာဝိသေသော မဟန္တံ နာနာကရဏံ ပညာယတိ  
ဣန္ဒြိယတော၊ ပဋိပတ္တိတော၊ ကောသလ္လတော စ။ ဣမ ဟိ ဥပနိဿယသမ္ပန္နော  
မဟာပုရိသော ယထာ ဝိသဒိန္ဒြိယော ဟောတိ ဝိသဒဉ္ဈဏော၊ န တထာ  
ဣတရေ။ ပရဟိတာယ ပဋိပန္နော ဟောတိ၊ နော အတ္တဟိတာယ။ တထာ ဟိ  
သော ယထာ ဗဟုဇနဟိတာယ ဗဟုဇနသုခါယ လောကာနုကမ္မာယ  
အတ္တာယ ဟိတာယ သုခါယ ဒေဝမနဿာနံ ပဋိပဋ္ဌိ၊ န တထာ ဣတရေ၊  
တတ္ထ စ ကောသလ္လံ အာဝဟတိ ဌာနုပ္ပတ္တိကပဋိဘာနေန၊ ဌာနာဌာန-  
ကုသလတာယ စ။

တထာ မဟာပုရိသော ပကတိယာ ဒါနဇ္ဈာသယော ဟောတိ ဒါနာ-  
ဘိရတော၊ သတိ ဒေယျဓမ္မေ ဒေတိယေဝ၊ န ဒါနတော သင်္ကေတံ  
အာပဇ္ဇတိ၊ သတတံ သမိတံ သံဝိဘာဂသီလော ဟောတိ၊ ပမုဒိတောဝ  
ဒေတိ အာဒရဇာတော၊ န ဥဒါသိနစိတ္တော၊ မဟန္တမ္ပိ ဒါနံ ဒတ္တာ

နေဝ ဒါနေန သန္တုဋ္ဌော ဟောတိ၊ ပဂေဝ အပ္ပံ။ ပရေသဉ္စ ဥဿာဟံ ဇနေန္တော ဒါနေ ဝဏ္ဏံ ဘာသတိ၊ ဒါနပဋိသံယုတ္တံ ဓမ္မကထံ ကရေတိ၊ အညေ စ ပရေသံ ဒေန္တေ ဒိသ္မာ အတ္တမနော ဟောတိ၊ ဘယဋ္ဌာနေသု စ ပရေသံ အဘယံ ဒေတိတိ ဝေမာဒီနိ ဒါနဇ္ဈာသယဿ မဟာပုရိသဿ ဒါနပါရမိယာ လိင်္ဂါနိ။

တထာ ပါဏာတိပါတာဒီဟိ ပါပဓမ္မေဟိ ဟိရိယတိ ဩတ္တပ္ပတိ၊ သတ္တာနံ အဝိဟေဋ္ဌနဇာတိကော ဟောတိ၊ သောရတော သုခသီလော အသဋ္ဌော အမာယာဝိ ဥဇုဇာတိကော သုဗ္ဗစော သောဝစဿကရဏီယေဟိ ဓမ္မေဟိ သမန္နာဂတော မုဒုဇာတိကော အထဋ္ဌေါ အနတိမာနိ၊ ပရသန္တကံ နာဒိယတိ အန္တမသော တိဏသလာကမုပါဒါယ၊ အတ္တနော ဟတ္ထေ နိက္ခိတ္တံ ဣဏံ ဝါ ဂဟေတွာ ပရံ န ဝိသံဝါဒေတိ၊ ပရသ္မိံ ဝါ အတ္တနော သန္တကေ ဗျာမူဠေ၊ ဝိဿရိတေ ဝါ တံ သညာပေတွာ ပဋိပါဒေတိ ယထာ တံ န ပရ-ဟတ္ထဂတံ ဟောတိ၊ အလောလုပ္ပေါ ဟောတိ၊ ပရပရိဂ္ဂဟိတေသု ပါပကံ စိတ္တမ္ပိ န ဥပ္ပါဒေတိ၊ ဣတ္ထိဗျသနာဒီနိ ဒူရတော ပရိဝဇ္ဇေတိ၊ သစ္စဝါဒီ သစ္စ-သန္တော ဘိန္နာနံ သန္တာတာ သဟိတာနံ အနုပ္ပဒါတာ ဝိယဝါဒီ မိဟိတပုဗ္ဗင်္ဂ-မော ပုဗ္ဗဘာသိ အတ္တဝါဒီ ဓမ္မဝါဒီ အနဘိဇ္ဈာလု အဗျာပန္နစိတ္တော အဝိပရိတ-ဒဿနော ကမ္မဿကတာဉာဏေန၊ သစ္စာနုလောပိကဉာဏေန စ၊ ကတညူ ကတဝေဒီ ဂုဗျာပစာယိ သုဝိသုဒ္ဓါဇီဝေါ ဓမ္မကာမော၊ ပရေသမ္ပိ ဓမ္မေ သမာဒပေတာ သဗ္ဗေန သမ္ပိ အကိစ္စတော သတ္တေ နိဝါရေတာ ကိစ္စေသု ပတိဋ္ဌပေတာ အတ္တနာ စ တတ္ထ ကိစ္စေ ယောဂံ အာပဇ္ဇိတာ၊ ကတွာ ဝါ ပန သယံ အကတ္တဗ္ဗံ သီဃညေဝ တတော ပဋိဝိရတော ဟောတိတိ ဝေမာဒီနိ သီလဇ္ဈာသယဿ မဟာပုရိသဿ သီလပါရမိယာ လိင်္ဂါနိ။

တထာ မန္တကိလေသော ဟောတိ မန္တနီဝရဏော ပဝိဝေကဇ္ဈာသယော အဝိက္ခေပဗဟုလော၊ နတဿ ပါပကာ ဝိတက္ကာ စိတ္တမန္တာဿဝန္တိ၊ ဝိဝေကဂ-တဿ စဿ အပ္ပကသိရေနေဝစိတ္တံ သမာဓိယတိ၊ အမိတ္တပက္ခေပိတုဝဋ် မေတ္တ-စိတ္တတာ သန္တိဋ္ဌတိ၊ ပဂေဝ ဣတရသ္မိံ၊ သတိမာ စ ဟောတိ စိရကတမ္ပိ စိရ-ဘာသိတမ္ပိ သုသရိတာ အနုဿရိတာ၊ မေဓာဝိ စ ဟောတိ ဓမ္မောဇပညာယ သမန္နာဂတော၊ နိပကော စ ဟောတိ တာသု တာသု ဣတိကတ္တဗ္ဗတာသု၊ အာရဒ္ဓ-ဝီရိယော စ ဟောတိ သတ္တာနံ ဟိတကိရိယာသု၊ ခန္တိဗလသမန္နာဂတော စ ဟောတိ သဗ္ဗသဟော၊ အစလာဓိဋ္ဌာနော စ ဟောတိ ဒဋ္ဌသမာဒါနော၊ အဇ္ဈု-ပေက္ခကော စ ဟောတိ ဥပေက္ခာဋ္ဌာနီယေသု ဓမ္မေသုတိ ဝေမာဒီနိ မဟာပုရိသ-ဿ နေက္ခမ္မဇ္ဈာသယာဒီနံ ဝသေန နေက္ခမ္မပါရမိယာဒီနံ လိင်္ဂါနိ ဝေဒိတဗ္ဗာနိ။

ဝေမေတေဟိ ဗောဓိသမ္ဘာရလိင်္ဂေဟိ သမန္တာဂတဿ မဟာပုရိသဿ ယံ ဝုတ္တံ “မဟာဘိနိဟာရာယ ကလျာဏမိတ္တသန္နိဿယော ဟေတူ”တိ၊ တတြိဒံ သင်္ခေပတော ကလျာဏမိတ္တလက္ခဏံ—ဣဓ ကလျာဏမိတ္တော သဒ္ဓါသမ္ပန္နော ဟောတိ သီလသမ္ပန္နော သုတသမ္ပန္နော စာဂဝီရိယသတိ-သမာဓိပညာသမ္ပန္နော။ တတ္ထ သဒ္ဓါသမ္ပတ္တိယာ သဒ္ဓဟတိ တထာဂတဿ ဗောဓိံ ကမ္ပံ၊ ကမ္မဗလဉ္စ၊ တေန သမ္မာသမ္ဗောဓိယာ ဟေတုဘူတံ သတ္တေသု ဟိတေသိတံ န ပရိစ္စဇတိ။ သီလသမ္ပတ္တိယာ သတ္တာနံ ပိယော ဟောတိ မနာပေါ ဂရု ဘာဝနိယော စောဒကော ပါပဂရဟိကော ဝတ္တာ ဝစနက္ခမော။ သုတသမ္ပတ္တိယာ သတ္တာနံ ဟိတသုခါဝဟံ ဂမ္ဘီရံ ဓမ္မကထံ ကတ္တာ ဟောတိ။ စာဂသမ္ပတ္တိယာ အပ္ပိစ္ဆော ဟောတိ သမာဟိတော သန္တုဋ္ဌော ပဝိဝိတ္တော အသံသဋ္ဌော။ ဝီရိယသမ္ပတ္တိယာ အာရဒ္ဓဝီရိယော ဟောတိ သတ္တာနံ ဟိတ-ပဋိပတ္တိယာ။ သတိသမ္ပတ္တိယာ ဥပဋ္ဌိတဿတိ ဟောတိ အနဝဇ္ဇေသု ဓမ္မေသု။ သမာဓိသမ္ပတ္တိယာ အဝိက္ခိတ္တော ဟောတိ သမာဟိတမိတ္တော။ ပညာသမ္ပတ္တိယာ အဝိပရိတံ ပဇာနာတိ။ သော သတိယာ ကုသလာနံ ဓမ္မာနံ ဂတိယော သမန္တေ-သမာနော ပညာယ သတ္တာနံ ဟိတဟိတံ ယထာဘူတံ ဇာနိတွာ သမာဓိနာ တတ္ထ ဧကဂ္ဂမိတ္တော ဟုတွာ ဝီရိယေန အဟိတာ သတ္တေ နိသေဓေတွာ ဟိတေ နိယောဇေတိ။ တေနာဟ—

“ပိယော ဂရု ဘာဝနိယော၊ ဝတ္တာ စ ဝစနက္ခမော။

ဂမ္ဘီရဉ္စ ကထံ ကတ္တာ၊ နော စဋ္ဌာနေ နိယောဇကော”တိ။

ဧဝံ ဂုဏသမန္တာဂတံဝ ကလျာဏမိတ္တံ ဥပနိဿာယ မဟာပုရိသော အတ္တ-နော ဥပနိဿယသမ္ပတ္တိံ သမ္ပဒေဝ ပရိယောဒပေတိ။ သုဝိသုဒ္ဓါသယပယော-ဂေါဝ ဟုတွာ စတူဟိ ဗလေဟိ သမန္တာဂတော နစိရေနေဝ အဋ္ဌင်္ဂေ သမော-ဓာနေတွာ မဟာဘိနိဟာရံ ကရောန္တော ဗောဓိသတ္တဘာဝေ ပတိဋ္ဌဟတိ အနိဝတ္တိဓမ္မော နိယတော သမ္ဘောဓိပရာယဏော။

တဿိမာနိ စတ္တာရိ ဗလာနိ အဇ္ဈတ္တိကဗလံ ယာ သမ္မာသမ္ဘောဓိယံ အတ္တ-သန္နိဿယာ ဓမ္မဂါရဝေန အဘိရုစိ ဧကန္တနိန္ဒဇ္ဈာသယတာ၊ ယာယ မဟာ-ပုရိသော အတ္တာဓိပတိလဇ္ဇာသန္နိဿယော၊ အဘိနိဟာရသမ္ပန္နော စ ဟုတွာ ပါရမိယောပူရေတွာ သမ္မာသမ္ဘောဓိံ ပါပုဏာတိ။ ဗာဟိရဗလံ ယာ သမ္မာသ-မ္ဘောဓိယံ ပရသန္နိဿယာ အဘိရုစိ ဧကန္တနိန္ဒဇ္ဈာသယတာ၊ ယာယ မဟာပုရိ-သော လောကာဓိပတိဩတ္တပ္ပနသန္နိဿယော၊ အဘိနိဟာရသမ္ပန္နော စ ဟုတွာ

၁-အံ ၂-၄၂၂၊ ၃ ၁၀-၁၄၂၊ ၄ ၁၁-၃၅၆-ပိဋကေသု၊

သိ-ဦး (နဝ) ၁-၁၇—န-ဗု-သ

ပါရမိယော ပူရေတွာ သမ္မာသမ္ဗောဓိံ ပါပုဏာတိ။ ဥပနိဿယဗလံ ယာ သမ္မာသမ္ဗောဓိယံ ဥပနိဿယသမ္ပတ္တိယာ အဘိရုစိ ဧကန္တနိန္ဒဇ္ဈာသယတာ၊ ယာယ မဟာပုရိသော တိက္ခိန္ဒြိယော၊ ဝိသဒဓာတုကော၊ သတိသန္ဓိသယော၊ အဘိနိဟာရသမ္ပန္နော စ ဟုတွာ ပါရမိယော ပူရေတွာ သမ္မာသမ္ဗောဓိံ ပါပုဏာတိ။ ပယောဂဗလံ ယာ သမ္မာသမ္ဗောဓိယာ တဇ္ဇာ ပယောဂသမ္ပဒါ သက္ကစ္စကာရိတာ သာတစ္စကာရိတာ၊ ယာယ မဟာပုရိသောဝိသုဒ္ဓပယောဂေါ၊ နိရန္တရကာရိ၊ အဘိနိဟာရသမ္ပန္နော စ ဟုတွာ ပါရမိယော ပူရေတွာ သမ္မာသမ္ဗောဓိံ ပါပုဏာတိ။ ဧဝမယံ စတူဟိ ပစ္စယေဟိ၊ စတူဟိ ဟေတူဟိ၊ စတူဟိ စ ဗလေဟိ သမ္ပန္နသမုဒါဂမော အဋ္ဌင်္ဂသမောဓာနသမ္ပာဒိတော အဘိ- နိဟာရော ပါရမီနံ ပစ္စယော ဟောတိ မူလကာရဏဘာဝတော။

ယဿ စ ပဝတ္တိယာ မဟာပုရိသေ စတ္တာရော အန္တရိယာ အန္တုတာ ဓမ္မာ ပတိဋ္ဌဟန္တိ၊ သဗ္ဗံ သတ္တနိကာယံ အတ္တနော ဩရသပုတ္တံ ဝိယ ပိယစိတ္တေန ပရိဂ္ဂဏှာတိ၊ န စဿ စိတ္တံ ပုန သံကိလေသဝသေန သံကိလိဿတိ၊ သတ္တာနံ ဟိတသုခါဝဟော စဿ အဇ္ဈာသယော၊ ပယောဂေါ စ ဟောတိ၊ အတ္တနော စ ဗုဒ္ဓကာရကဓမ္မာ ဥပရူပရိ ဝေုန္တိ၊ ပရိပစ္စန္တိ စ၊ ယတော မဟာပုရိသော ဥဠာရတရေန ပုညာဘိသန္ဓေန ကုသလာဘိသန္ဓေန ပဝနိယာ<sup>၁</sup> ပစ္စယေန သုခဿာဟာရေန သမန္ဓာဂတော သတ္တာနံ ဒက္ခိဏေယျော ဥတ္တမံ ဂါရဝဋ္ဌာနံ၊ အသဒိသံ ပုညက္ခေတ္တဉ္စ ဟောတိ။ ဧဝမနေကရုဏော အနေကာနိသံသော မဟာဘိနိဟာရော ပါရမီနံ ပစ္စယောတိ ဝေဒိတဗ္ဗော။

ယထာ စ မဟာဘိနိဟာရော၊ ဧဝံ မဟာကရုဏာ၊ ဥပါယကောသလ္လဉ္စ။ တတ္ထ ဥပါယကောသလ္လံ နာမ ဒါနာဒီနံ ဗောဓိသမ္ဘာရဘာဝဿ နိမိတ္တဘူတာ ပညာ၊ ယာဟိ မဟာကရုဏူပါယကောသလ္လတာဟိ မဟာပုရိသာနံ အတ္တသုခ- နိရပေက္ခဘာ၊ နိရန္တရံ ပရသုခကရုဏပသုတတာ၊ သုဒုက္ခရေဟိ မဟာဗောဓိ- သတ္တစရိတေဟိ ဝိသာဒါဘာဝေါ၊ ပသာဒသံဝုဒ္ဓိဒဿနသဝနာနုဿရဏာ- ဝတ္တာသုပိ သတ္တာနံ ဟိတသုခပဋိလာဘဟေတုဘာဝေါ စ သမ္ပဇ္ဇတိ။ တထာ ဟိ တဿ ပညာယ ဗုဒ္ဓဘာဝသိဒ္ဓိ၊ ကရုဏာယ ဗုဒ္ဓကမ္မသိဒ္ဓိ။ ပညာယ သယံ တရတိ၊ ကရုဏာယ ပရေ တာရေတိ။ ပညာယ ပရဒုက္ခံ ပရိဇာနာတိ၊ ကရုဏာယ ပရဒုက္ခပဋိကာရံ အာရဘတိ။ ပညာယ ဒုက္ခံ နိဗ္ဗိန္ဒတိ၊ ကရုဏာယ ဒုက္ခံ သမ္ပုဋိစ္စတိ။ ပညာယ နိဗ္ဗာနာဘိမုခေါ ဟောတိ။

ကရုဏာယ တံ န ပါပုဏာဘိ။ တထာ ကရုဏာယ သံသာရာဘိ-  
မုခေါ ဟောတိ၊ ပညာယ တတြ နာဘိရမတိ။ ပညာယ သဗ္ဗတ္ထ ဝိရဇ္ဇတိ၊  
ကရုဏာနုဂတတ္တာ န စ န သဗ္ဗေသမနုဂဟာယ ပဝတ္တော၊ ကရုဏာယ သဗ္ဗေပိ  
အနုကမ္ပတိ၊ ပညာနုဂတတ္တာ န စ န သဗ္ဗတ္ထ ဝိရတ္တစိတ္တော။ ပညာယ  
အဟံကာရမမံကာရာဘာဝေါ၊ ကရုဏာယ အာလသိယဒီနတာဘာဝေါ။

တထာ ပညာကရုဏာဟိ ယထာက္ကမံ အတ္တနာထပရနာထတာ၊ ဓိရဝိရ-  
ဘာဝေါ၊ အနတ္တန္တပါပရန္တပတာ၊ အတ္တဟိတပရဟိတနိပ္ပတ္တိ၊ နိဗ္ဗယာဘိ-  
သနကဘာဝေါ၊ ဓမ္မာဓိပတိလောကာဓိပတိတာ၊ ကတညုပုဗ္ဗကာရိဘာဝေါ၊  
မောဟတဏှာဝိဂမော၊ ဝိဇ္ဇာစရဏသိဒ္ဓိ၊ ဗလဝေသာရဇ္ဇနိပ္ပတ္တိတိ သဗ္ဗဿာပိ  
ပါရမိတာဖလဿ ဝိသေသေန ဥပါယဘာဝတော ပညာ ကရုဏာ ပါရမီနံ  
ပစ္စယော။ ဣဒံ ပန ဒွယံ ပါရမီနံ ဝိယ ပဏိဓာနဿာပိ ပစ္စယော။

တထာ ဥဿာဟဥမ္မင်္ဂအဝတ္ထာနဟိတစရိယာ စ ပါရမီနံ ပစ္စယောတိ  
ဝေဒိတဗ္ဗော။ ယာ စ ဗုဒ္ဓဘာဝဿ ဥပ္ပတ္တိဋ္ဌာနတာယ “ဗုဒ္ဓဘူမိယော” တိ ဝုစ္စန္တိ။  
တတ္ထ ဥဿာဟော နာမ ဗောဓိသမ္ဘာရာနံ အတ္တဿာဟနဝိရိယံ။ ဥပ္ပဇင်္ဂါ နာမ  
ဗောဓိသမ္ဘာရေသု ဥပါယကောသလ္လဘူတာ ပညာ။ အဝတ္ထာနံ နာမ အဓိဋ္ဌာနံ၊  
အစလာဓိဋ္ဌာနတာ။ ဟိတစရိယာ နာမ မေတ္တာဘာဝနာ၊ ကရုဏာဘာဝနာ  
စ။ ယထာဟ—

“ကတိ ပန ဘန္တေ ဗုဒ္ဓဘူမိယောတိ? စတဿော ခေါ သာရိပုတ္တ  
ဗုဒ္ဓဘူမိယော။ ကတမာ စတဿော? ဥဿာဟော စ ဟောတိ  
ဝိရိယံ၊ ဥပ္ပဇင်္ဂါ စ ဟောတိ ပညာဘာဝနာ၊ အဝတ္ထာနဉ္စ ဟောတိ  
အဓိဋ္ဌာနံ၊ ဟိတစရိယာ စ ဟောတိ မေတ္တာဘာဝနာ။ ဣမာ ခေါ  
သာရိပုတ္တ စတဿော ဗုဒ္ဓဘူမိယော” တိ။

တထာ နေက္ခမ္မပဝိဝေကအလောဘာဒေါသာမောဟနိဿရဏပ္ပဘေဒါ စ  
ဆ အဇ္ဈာသယာ။ ဝုတ္တဉ္ဇေတံ—

“နေက္ခမ္မဇ္ဈာသယာ စ ဗောဓိသတ္တာ ကာမေသု၊ ဃရာဝါသေ  
စ ဒေါသဒဿာဝိနော၊ ပဝိဝေကဇ္ဈာသယာ စ ဗောဓိသတ္တာ  
သင်္ဂဏိကာယ ဒေါသဒဿာဝိနော။ အလောဘ။ပ။ လောဘေ။ပ။  
အဒေါသ။ပ။ ဒေါသေ။ပ။ အမောဟ။ပ။ မောဟေ။ပ။ နိဿရဏ။ပ။  
သဗ္ဗဘဝေသု ဒေါသဒဿာဝိနော” တိ။

တသ္မာ ဧတေ စ ဆ အဇ္ဈာသယာပိ ပါရမီနံ ပစ္စယာတိ ဝေဒိတဗ္ဗာ။  
န ဟိ လောဘာဒီသု အာဒိနဝဒဿနေန၊ အလောဘာဒီနံ အဓိကဘာ-  
ဝေန စ ဝိနာ ဒါနာဒိပါရမိယောသမ္ဘဝန္တိ။ အလောဘာဒီနံ အဓိကဘာဝေန  
ပရိစ္စာဂါဒိနိန္ဒစိတ္တတာ၊ အလောဘဇ္ဈာသယာဒိတာ စာတိ၊ ယထာ စေတေ၊  
ဧဝံဒါနဇ္ဈာသယတာဒယောပိ။ ယထာဟ—

“ကတိ ပန ဘန္တေ ဗောဓာယ စရန္တာနံ ဗောဓိသတ္တာနံ အဇ္ဈာ-  
သယာတိ? ဒသ ခေါသာရိပုတ္တ ဗောဓာယ စရန္တာနံ ဗောဓိသတ္တာနံ  
အဇ္ဈာသယာ။ ကတမေ ဒသ? ဒါနဇ္ဈာသယာ သာရိပုတ္တ ဗောဓိ-  
သတ္တာ မစ္ဆေရေ ဒေါသဒဿာဝိနော။ သီလ။ပ။ အသံဝရေ။ပ။  
နေက္ခမ္မ။ပ။ ကာမေသု။ပ။ ယထာဘူတဉာဏ။ပ။ ဝိစိကိစ္ဆာယ။ပ။  
ဝိရိယ။ပ။ ကောသဇ္ဇေ။ပ။ ခန္တိ။ပ။ အက္ခန္တိယံ။ပ။ သစ္စ။ပ။ ဝိသံဝါဒ-  
နေ။ပ။ အဓိဋ္ဌာန။ပ။ အနဓိဋ္ဌာနေ။ပ။ မေတ္တာ။ပ။ ဗျာပါဒေ။ပ။  
ဥပေက္ခာ။ပ။ သုခဒုက္ခေသု အာဒိနဝဒဿာဝိနော”တိ။

ဧတေသု ဟိ မစ္ဆေရအသံဝရကာမဝိစိကိစ္ဆာကောသဇ္ဇအက္ခန္တိဝိသံဝါဒန-  
အနဓိဋ္ဌာနဗျာပါဒသုခဒုက္ခသင်္ခါတေသု အာဒိနဝဒဿနပုဗ္ဗင်္ဂမာ ဒါနာဒိနိန္ဒစိတ္တ-  
တာသင်္ခါတာ ဒါနဇ္ဈာသယတာဒယော ဒါနာဒိပါရမီနံ နိဗ္ဗတ္တိယာ ပစ္စယော။  
တထာ အပရိစ္စာဂပရိစ္စာဂါဒိသု ယထာက္ကမံ အာဒိနဝါနိသံသပစ္စဝေက္ခဏမ္ပိ  
ဒါနာဒိပါရမီနံ ပစ္စယော ဟောတိ။

တတြာယံ ပစ္စဝေက္ခဏာဝိမိ—ခေတ္တဝတ္ထု၊ ဟိရညသုဝဏ္ဏဂေါမဟိံသဒါသိ-  
ဒါသပုတ္တဒါရာဒိပရိဂ္ဂဟဗျာသတ္တစိတ္တာနံ သတ္တာနံ ခေတ္တာဒီနံ ဝတ္ထုကာမ-  
ဘာဝေန ဗဟုပတ္တနီယဘာဝတော၊ ရာဇစောရာဒိသာဓာရဏဘာဝတော၊  
ဝိဝါဒါဓိဋ္ဌာနတော၊ သပတ္တကရဏတော၊ နိဿာရတော၊ ပဋိလာဘပရိပါလ-  
နေသု ပရဝိဟေဌနဟေတုဘာဝတော၊ ဝိနာသနိမိတ္တဉ္စသောကာဒိအနေကဝိဟိ-  
တဗျသနာဝဟတော တဒါသတ္တိနိဒါနဉ္စ မစ္ဆေရမလပရိယုဋ်တစိတ္တာနံ အပါ-  
ယူပပတ္တိဟေတုဘာဝတောတိ ဧဝံ ဝိဝိဓပုလ္လာနတ္တာဝဟာနိ ပရိဂ္ဂဟိတဝတ္ထုနိ  
နာမ၊ တေသံ ပရိစ္စာဂေါယေဝေကော သောတ္ထိဘာဝေါတိ ပရိစ္စာဂေ  
အပ္ပမာဒေါ ကရဏီယော။

အပိစ “ယာစကော ယာစမာနော အတ္တနော ဂုယုဿ အာစိက္ခနတော  
မယံ ဝိဿာသိကော”တိ စ “ပဟာယ ဂမနီယံ အတ္တနော သန္တကံ ဂဟေတွာ  
ပရလောကံ ယာဟိတိဥပဒိသနတော မယံ ဥပဒေသကော”တိ စ “အာဒိတ္တေ

ဝိယ အဂါရေ မရဏဂ္ဂိနာ အာဒိတ္တေ လောကေ တတော မယံ သန္တကဿ အပဟရဏတော အပဝါဟကသဟာယော”တိ စ “အပဝါဟိတဿ စဿ အဇ္ဈာပနနိက္ခေပဋ္ဌာနဘူတော”တိ စ “ဒါနသင်္ခါတေ ကလျာဏကမ္မသ္မိံ သဟာယဘာဝတော၊ သဗ္ဗသမ္ပတ္တိနံ အဂ္ဂဘူဟာယ ပရမဒုလ္လဘာယ ဗုဒ္ဓဘူမိယာ သမ္ပတ္တိဟေတုဘာဝတော စ ပရမော ကလျာဏမိတ္တော”တိ စ ပစ္စဝေက္ခိတဗ္ဗံ။

တထာ “ဥဠာရေ ကမ္မနိ အနေနာဟံ သမ္ဘာဝိတော၊ တသ္မာ သာ သမ္ဘာဝနာ အဝိတထာ ကာတဗ္ဗာ”တိ စ “ဧကန္တဘေဒိတာယ ဇီဝိတဿ အာယာစိတေနာပိ မယာ ဒါတဗ္ဗံ၊ ပဂေဝ ယာစိတေနာ”တိ စ “ဥဠာရဇ္ဈာသယေဟိ ဂဝေသိတွာပိ ဒါတဗ္ဗော၊ သယမေဝါဂတော မမ ပုညေနာ”တိ စ “ယာစကဿ ဒါနာပဒေသေန မယုမေဝါယမနုဂ္ဂဟော”တိ စ “အဟံ ဝိယ အယံ သဗ္ဗောပိ လောကော မယာ အနုဂ္ဂဟေတဗ္ဗော”တိ စ “အသတိ ယာစကေ ကထံ မယံ ဒါနပါရမီ ပူရေယျာ”တိ စ “ယာစကာနမေဝတ္ထာယ မယာ သဗ္ဗောပိ ပရိဂ္ဂဟေတဗ္ဗော”တိ စ “အယာစိတွာပိ မံ မမ သန္တကံ ယာစကာ ကဒါ သယမေဝ ဂဏှေယျ”န္တိ စ “ကထမဟံ ယာစကာနံ ဝိယော စသံ မနာပေါ”တိ စ “ကထံ ဝါ တေ မယံ ဝိယာ စသု မနာပေါ”တိ စ “ကထံ ဝါဟံ ဒဒမာနောဒတွာပိ စ အတ္တမနော အသံ ပမုဒိတော ဝီတိသောမနဿဇာတော”တိ စ “ကထံ ဝါ မေ ယာစကာ ဘဝေယျ၊ ဥဠာရော စ ဒါနဇ္ဈာသယော”တိ စ “ကထံ ဝါဟမယာစိတော ဧဝ ယာစကာနံ ဟဒယမညာယ ဒဒေယျ”န္တိ စ “သတိ ဓနေ၊ ယာစကေ စ အပရိစ္စာဂေါ မဟတိ မယံ ဝဉ္ဇနာ”တိ စ “ကထမဟံ အတ္တနော အင်္ဂါနိ၊ ဇီဝိတဉ္စာပိ ပရိစ္စဇေယျ”န္တိ စ စာဂနိန္ဒတာ ဥပဋ္ဌပေတဗ္ဗာ။

အပိစ “အတ္တော နာမာယံ နိရပေက္ခံ ဒါယကမနုဂစ္ဆတိ ယထာ တံ နိရပေက္ခံ ခေပကံ ကိဋ္ဌကော”တိ အတ္တေ နိရပေက္ခတာယ စိတ္တံ ဥပ္ပါဒေတဗ္ဗံ။ ယာစမာနော ပန ယဒိ ဝိယပုဂ္ဂလော ဟောတိ “ဝိယော မံ ယာစတိ”တိ သောမနဿံ ဥပ္ပါဒေတဗ္ဗံ။ အထ ဥဒါသိနပုဂ္ဂလော ဟောတိ “အယံ မံ ယာစမာနော အဒ္ဓါ ဣမိနာ ပရိစ္စာဂေန မိတ္တော ဟောတိ”တိ သောမနဿံ ဥပ္ပါဒေတဗ္ဗံ။ ဒဒန္တော ဟိ ယာစကာနံ ဝိယော ဟောတိတိ။ အထ ပန ဝေရီပုဂ္ဂလော ယာစတိ။ “ပစ္စတ္တိကော မံ ယာစတိ၊ အယံ မံ ယာစမာနော အဒ္ဓါ ဣမိနာ ပရိစ္စာဂေန ဝေရီပိ ဝိယော မိတ္တော ဟောတိ”တိ ဝိသေသတော သောမနဿံ ဥပ္ပါဒေတဗ္ဗံ။

ဧဝံ ဝိယပုဂ္ဂလေ ဝိယ မဇ္ဈတ္တဝေရီပုဂ္ဂလေသုပိ မေတ္တာပုဗ္ဗင်္ဂမံ ကရုဏံ ဥပဋ္ဌ-  
ပေတွာဝ ဒါတဗ္ဗံ။

သစေ ပနဿ စိရကာလံ ပရိဘာဝိတတ္တာ လောဘဿ ဒေယျဓမ္မ-  
ဝိသယာ လောဘဓမ္မာ ဥပ္ပဇ္ဇေယျံ၊ တေန ဗောဓိသတ္တပဋိညေန ဣတိ  
ပဋိသဉ္ဇိက္ခိတဗ္ဗံ “နန တယာ သပ္ပုရိသ သမ္မောဓာယ အဘိနိဟာရံ ကရောန္တေန  
သဗ္ဗသတ္တာနမုပကာရာယ အယံ ကာယော နိဿဋ္ဌော၊ တပ္ပရိစ္စာဂမယဉ္စ ပုညံ၊  
တတ္ထ နာမ တေ ဗာဟိရေပိ ဝတ္ထုသ္မိံ အဘိသင်္ဂပ္ပဝတ္တိ ဟတ္ထိသိနာနသဒိသိ  
ဟောတိ၊ တသ္မာ တယာ န ကတ္ထစိ အဘိသင်္ဂါ ဥပ္ပါဒေတဗ္ဗော။ သေယျထာပိ  
နာမ မဟတော ဘေသဇ္ဇရက္ခဿ တိဋ္ဌတော မူလံ မူလတ္ထိကာ ဟရန္တိ၊  
ပပဋိကံ၊ တစံ၊ ခန္ဓံ၊ ဝိဇ္ဇပံ၊ သာခံ၊ ပလာသံ၊ ပုပ္ဖံ၊ ဖလံ ဖလတ္ထိကာ ဟရန္တိ၊ န တဿ  
ရက္ခဿ ‘မယံ သန္တကံ ဧတေ ဟရန္တိ’တိ ဝိတက္ကသမုဒါစာရော ဟောတိ၊  
ဧဝမေဝ သဗ္ဗလောကဟိတာယ ဥဿုက္ကမာပဇ္ဇန္တေန မယာ မဟာဒုက္ခေ  
အကတညကေ နိစ္စာသုစိမ္ပိ ကာယေ ပရေသံ ဥပကာရာယ ဝိနိယုဇ္ဇမာနေ  
အဏုမတ္တောပိ မိစ္ဆာဝိတက္ကော န ဥပ္ပါဒေတဗ္ဗော။ ကော ဝါ ဧတ္ထ ဝိသေသော  
အဇ္ဈတ္တိကဗာဟိရေသု မဟာဘူတေသု ဧကန္တဘေဒနဝိကိရဏဝိဒ္ဓံသနဓမ္မေသု။  
ကေဝလံ ပန သမ္မောဟဝိဇ္ဇိတမေတံ၊ ယဒိဒံ ဧတံ မမ၊ ဧသောဟမသ္မိ၊ ဧသော  
မေ အတ္တာ’တိ အဘိနိဝေသော၊ တသ္မာ ဗာဟိရေသု မဟာဘူတေသု ဝိယ  
အဇ္ဈတ္တိကေသုပိ ကရစရဏနယနာဒိသု၊ မံသာဒိသု စ အနပေက္ခေန ဟုတွာ  
‘တံ တဒတ္ထိကာ ဟရန္တိ’တိ နိဿဋ္ဌစိတ္တေန ဘဝိတဗ္ဗံ”န္တိ။ ဧဝံ ပဋိသဉ္ဇိက္ခတော  
စဿ သမ္မောဓာယ ပဟိတတ္ထဿ ကာယဇီဝိတေသု နိရပေက္ခဿ အပ္ပက-  
သိရေနေဝ ကာယဝစီမနောကမ္မာနိ သုဝိသုဒ္ဓါနိ ဟောန္တိ၊ သော ဝိသုဒ္ဓိ-  
ကာယဝစီမနောကမ္မန္တော ဝိသုဒ္ဓါဇီဝေါ ဉ္ဈယပဋိပတ္တိယံ ဌိတော အာယာ-  
ပါယုပါယကောသလ္လသမန္တာဂမေန ဘိယျောသော မတ္တာယ ဒေယျဓမ္မပရိစ္စာ-  
ဂေန၊ အဘယဒါနသဒ္ဓမ္မဒါနေဟိ စ သဗ္ဗသတ္တေ အနုဂ္ဂဏိတုံ သမတ္တော  
ဟောတိ၊ အယံ တာဝ ဒါနပါရမီယံ ပစ္စဝေက္ခဏာနယော။

သီလပါရမီယံ ပန ဧဝံ ပစ္စဝေက္ခိတဗ္ဗံ—“ဣဒဉ္စိ သီလံ နာမ ဂင်္ဂါဒကာဒီဟိ  
ဝိသောဓေတုံ အသက္ကုဏေယျဿ ဒေါသမလဿ ဝိက္ခာလနဇလံ၊ ဟရိ-  
စန္ဒနာဒီဟိ ဝိနေတုံ အသက္ကုဏေယျဿ ရာဂါဒိပရိဋ္ဌာဟဿ ဝိနယနံ၊  
မုတ္တာဟာရမကုဋကုဏ္ဍလာဒီဟိ ပစုရဇနာလင်္ကာရေဟိ အသာဓာရဏော  
သာဓုနမလင်္ကာရဝိသေသော၊ သဗ္ဗဒိသာဝါယနကော အတိကိတ္တိမော”

သဗ္ဗကာလာနုရူပေါ စ သုရဘိဂဇ္ဇော၊ ခတ္တိယမဟာသာလာဒီဟိ၊ ဒေဝတာဟိ စ ဝန္တနိယာဒိဘာဝါဝဟနတော ပရမော ဝသီကရဏမန္တော၊ စာတုမဟာရာဇိကာ- ဒိဒေဝလောကာရောဟဏသောပါနပန္နိ၊ ဈာနာဘိညာနံ အဓိဂမူပါယော၊ နိဗ္ဗာနမဟာနဂရဿ သမ္မာပကမဂ္ဂေါ၊ သာဝကဗောဓိပဇ္ဇေကဗောဓိသမ္မာ- သမ္မောဓိနံ ပတိဋ္ဌာနဘူမိ၊ ယံ ယံ ဝါ ပနိစ္ဆိတံ ပတ္တိတံ၊ တဿ တဿ သမိဇ္ဈ- နူပါယဘာဝတော စိန္တာမဏိကပ္ပရက္ခာဒိကေ စ အတိသေတိ။ ဝုတ္တဉ္ဇေတံ ဘဂဝတာ “ဣဇ္ဈတိ ဘိက္ခဝေ သီလဝတော စေတောပဏိမိ ဝိသုဒ္ဓတ္တာ”တိ။ အပရမ္ပိ ဝုတ္တံ “အာကဇံယျ စေ ဘိက္ခဝေ ဘိက္ခု သဗြဟ္မစာရီနံ ပိယော စ အဿံ မနာပေါ စ ဂရ စ ဘာဝနီယော စာတိ၊ သီလေသ္မေဝဿ ပရိပူရကာရိ”တိ- အာဒိ။ တထာ “အဝိပ္ပုဋ္ဌိသာရတ္တာနိ ခေါ အာနန္တ ကုသလာနိ သီလာနိ”တိ၊ “ပဉ္စမေ ဂဟပတယော အာနိသံသာ သီလဝတော သီလသမ္ပဒါယာ”တိ- အာဒိသုတ္တာနဉ္စ၊ ဝသေန သီလဂုဏာ ပစ္စဝေက္ခိတဗ္ဗာ။ တထာ အဂ္ဂိက္ခန္ဓောပမ- သုတ္တာဒိနံ၊ ဝသေန သီလဝိရဟေ အာဒိနဝါ။

အပိစ ပီတိသောမနဿနိမိတ္တတော၊ အတ္တာနုဝါဒပရာနုဝါဒဒဏ္ဍဒုဂ္ဂတိ- ဘယာဘာဝတော၊ ဝိညူဟိ ပါသံသဘာဝတော၊ အဝိပ္ပုဋ္ဌိသာရဟေတုတော၊ ပရမသောတ္ထိဋ္ဌာနတော၊ ကုလသာပတေယျာဓိပတေယျဇိဝိတရူပဋ္ဌာနဗန္ဓုငြိတ္တ- သမ္ပတ္တိနံ အတိသယနတော စ သီလံ ပစ္စဝေက္ခိတဗ္ဗံ။ သီလဝတော ဟိ အတ္တနော သီလသမ္ပဒါဟေတု မဟန္တံ ပီတိသောမနဿံ ဥပ္ပဇ္ဇတိ “ကတံ ဝတ မယာ ကုသလံ၊ ကတံ ကလျာဏံ၊ ကတံ ဘိရုတ္တာဏ”န္တိ။

တထာ သီလဝတော အတ္တာ န ဥပဝဒတိ၊ န စ ပရေ ဝိညူ၊ ဒဏ္ဍဒုဂ္ဂတိ- ဘယာနဉ္စ သမ္ဘဝေါယေဝ နတ္ထိ၊ “သီလဝါ ပုရိသပုဂ္ဂလော ကလျာဏဓမ္မော”တိ ဝိညူနံ ပါသံသော စ ဟောတိ။ တထာ သီလဝတော ယွာယံ “ကတံ ဝတ မယာ ပါပံ၊ ကတံ လုဒ္ဓံ၊ ကတံ ကိပ္ပိသ”န္တိ ဒုဿီလဿ ဝိပ္ပုဋ္ဌိသာရော ဥပ္ပဇ္ဇတိ၊ သော န ဟောတိ။ သီလဉ္စ နာမေတံ အပ္ပမာဒါဓိဋ္ဌာနတော၊ ဘောဂ- ဗျသနာဒိပရိဟာရမုခေန မဟတော အတ္တဿ သာဓနတော၊ မင်္ဂလ- ဘာဝတော၊ ပရမံ သောတ္ထိဋ္ဌာနံ။ နိဟိနဇစ္စောပိ သီလဝါ ခတ္တိယမဟာသာလာ- ဒိနံ ပူဇနီယော ဟောတိတိ ကုလသမ္ပတ္တိံ အတိသေတိ သီလသမ္ပဒါ၊ “တံ ကိ”

၁-ဒိ ၃-၂၁၄-၅၊ သံ ၂-၄၉၁၊ အံ ၃-၇၁-၂-ပိဋ္ဌေသု။

၂-မ ၁-၃၉-ပိဋ္ဌေ။

၃-အံ ၃-၂၅၇၊ ၅၁၅-ပိဋ္ဌေသု။

၄-ဒိ ၂-၇၃၊ အံ ၂-၂၂၁၊ ၃ ၁-၁၀၅၊ ဝိ ၃-၃၂၂-ပိဋ္ဌေသု။

၅-အံ ၂-၄၉၅-ပိဋ္ဌေ။

မညသိ မဟာရာဇ၊ ဣမ တေ အဿ ဒါသော ကမ္မကရော”တိအာဒိဝိက္ခ-  
မာနဿမညသုတ္တဝစနဇ္ဈတ္ထ သာဓကံ၊ စောရာဒီဟိ အသာဓာရဏတော၊  
ပရလောကာနုဂမနတော၊ မဟပ္ပလဘာဝတော၊ သမထာဒိဂုဏာဓိဋ္ဌာနတော  
စ ဗာဟိရဓနံ သာပတေယျံ အတိသေတိ သီလံ။ ပရမဿ စိတ္တိဿရိယဿ  
အဓိဋ္ဌာနဘာဝတော ခတ္တိယာဒိနမိဿရိယံ အတိသေတိ သီလံ။ သီလနိမိတ္တဉ္စ  
တံတံသတ္တနိကာယေသု သတ္တာနမိဿရိယံ၊ ဝဿသတာဒိဒီဃပ္ပမာဏတော စ  
ဇီဝိတတော ကောဟမ္ဘိ သီလဝတော ဇီဝိတဿ ဝိသိဋ္ဌတာဝစနတော၊ သတိပ  
ဇီဝိတေ သိက္ခာနိက္ခိပနဿ မရဏတာဝစနတော စ သီလံ ဇီဝိတတော  
ဝိသိဋ္ဌတရံ။ ဝေရီနမ္ဘိ မနုညဘာဝါဝဟနတော၊ ဇရာရောဂဝိပတ္တိဟိ အနဘိ-  
ဘဝနိယတော စ ရူပသမ္ပတ္တိံ အတိသေတိ သီလံ။ ပါသာဒဟမ္ဘိယာဒိဋ္ဌာနပ္ပ-  
ဘေဒေ ရာဇယုဝရာဇသေနာပတိအာဒိဋ္ဌာနဝိသေသေ စ သုခဝိသေသာဓိ-  
ဋ္ဌာနဘာဝတော အတိသေတိ သီလံ။ သဘာဝသိနိဋ္ဌေ သန္တိကာဝစရေပိ ဗန္ဓု-  
ဇနေ၊ မိတ္တဇနေ စ ကေန္တဟိတသမ္ပာဒနတော၊ ပရလောကာနုဂမနတော  
စ အတိသေတိ သီလံ။ “န တံ မာတာ ပိတာ ကယိရာ”တိအာဒိဝိက္ခမနဇ္ဈတ္ထ  
သာဓကံ။ တထာ ဟတ္ထိအဿရထပတ္တိဗလကာယေဟိ၊ မန္တာဂဒသောတ္တာန-  
ပယောဂေဟိ စ ဒုရာရက္ခာနမနာယာနံ အတ္တာဓိနတော၊ အနပရာဓိနတော၊  
မဟာဝိသယတော စ အာရက္ခဘာဝေန သီလမေဝ ဝိသိဋ္ဌတရံ။ တေနောပါဟ  
“ဓမ္မော ဟဝေ ရက္ခတိ ဓမ္မစာရိ”န္တိအာဒိဝိ။ ဧဝမနေကဂုဏသမန္တာဂတံ သီလန္တိ  
ပစ္စဝေက္ခန္တဿ အပရိပုဏ္ဏာ စေဝ သီလသမ္ပဒါ ပါရိပူရိ ဂစ္ဆတိ၊ အပရိသုဒ္ဓါ စ  
ပါရိသုဒ္ဓိံ။

သစေ ပနဿ ဒီဃရတ္တံ ပရိစယေန သီလပဋိပက္ခဓမ္မော ဒေါသာဒယော  
အန္တရန္တရာ ဥပ္ပဇ္ဇေယျ၊ တေန ဗောဓိသတ္တပဋိညေန ဧဝံ ပဋိသန္တိက္ခိတဗ္ဗံ  
“နန တယာ ဗောဓာယ ပဏိဓာနံ ကတံ၊ သီလဝေကလ္လေန စ န  
သက္ကာ န စ သုကရာ လောကီယာပိ သမ္ပတ္တိယော ပါပုဏိတုံ၊ ပဂေဝ  
လောကုတ္တရာ”တိ။ သဗ္ဗသမ္ပတ္တိနမဂ္ဂဘူတာယ သမ္မာသမ္မောဓိယာ အဓိဋ္ဌာန-  
ဘူတေန သီလေန ပရမုက္ခံသဂတေန ဘဝိတဗ္ဗံ၊ တသ္မာ “ကိကီဝ အဏ္ဏ”န္တိ-  
အာဒိနာ၊ ဝုတ္တနယေန သမ္ပဒေဝ သီလံ ရက္ခန္တေန သုဠ တယာ ပေသလေန  
ဘဝိတဗ္ဗံ။

အပိစ တယာ ဓမ္မဒေသနာယ ယာနတ္တယေ သတ္တာနမဝတာရဏပရိပါစ-  
 နာနိ ကာတဗ္ဗာနိ၊ သီလဝေကလ္လဿ စ ဝစနံ န ပစ္စေတဗ္ဗံ ဟောတိ၊ အသပ္ပိ-  
 ယာဟာရဝိစာရဿ ဝိယ ဝေဇ္ဇဿ တိကိစ္ဆနံ၊ တသ္မာ “ကထာဟံ သဒ္ဓေယျော  
 ဟုတ္တာသတ္တာနမဝတာရဏပရိပါစနာနိ ကရေယျ” နှိ သဘာဝပရိသုဒ္ဓသီလေန  
 ဘဝိတဗ္ဗံ။ ကိဉ္စ ဈာနာဒိဂုဏဝိသေသယောဂေန မေ သတ္တာနမုပကာရကရဏ-  
 သမတ္တတာ၊ ပညာပါရမီအာဒိပရိပူရဏန္တ ဈာနာဒယော ဂုဏာ စ သီလ-  
 ပါရိသုဒ္ဓိံ ဝိနာ န သမ္ဘဝန္တိတိ သမ္မဒေဝ သီလံ သောစေတဗ္ဗံ။

တထာ “သမ္မာဓော ဃရာဝါသော ရဇောပထော” တိအာဒိနာ၊ ဃရာဝါ-  
 သေ၊ “အဋ္ဌိကင်္ဂလူပမာ ကာမာ” တိအာဒိနာ၊ “မာတာပိပုတ္တေန ဝိဝဒတိ” တိ-  
 အာဒိနာ၊ စ ကာမေသု၊ “သေယျထာပိ ပုရိသော ဣဏံ အာဒါယ ကမ္မန္တေ  
 ပယောဇေယျာ” တိအာဒိနာ၊ ကာမစ္ဆန္တာဒိသု အာဒိနဝဒဿနပုဗ္ဗင်္ဂမာ၊ ဂုတ္တ-  
 ဝိပရိယာယေန “အန္တောကာသော ပဗ္ဗဇ္ဇာ” တိအာဒိနာ၊ ပဗ္ဗဇ္ဇာဒိသု အာနိ-  
 သံသာပဋိသင်္ခါဝသေန နေက္ခဗ္ဗပါရမီယံ ပစ္စဝေက္ခဏာ ကာတဗ္ဗာ။ အယမေတ္ထ  
 သင်္ခေပေါ၊ ဝိတ္တာရော ပန ဒုက္ခက္ခန္ဓအာသိဝိသောပမသုတ္တာဒိဝိဝသေန  
 ဝေဒိတဗ္ဗော။

တထာ “ပညာယ ဝိနာ ဒါနာဒယော ဓမ္မာ န ဝိသုဇ္ဈန္တိ၊ ယထာသင်္ကံ  
 ဈာပါရသမတ္တာ စ န ဟောန္တိ” တိ ပညာယ ဂုဏာ မနသိ ကာတဗ္ဗာ။  
 ယထေဝ ဟိ ဇီဝိတေန ဝိနာ သရီရယန္တံ န သောဘတိ၊ န စ အတ္တနော  
 ကိရိယာသု ပဋိပတ္တိသမတ္တံ ဟောတိ။ ယထာ စ စက္ခာဒိနိ ဣန္ဒြိယာနိ ဝိညာဏေန  
 ဝိနာ ယထာသင်္ကံ ဝိသယေသု ကိစ္စံ ကာတုံ နပ္ပဟောန္တိ၊ ဧဝံ သဒ္ဓါဒိနိ ဣန္ဒြိယာနိ  
 ပညာယ ဝိနာ သကကိစ္စပဋိပတ္တိယမသမတ္တာနိတိ ပရိစ္စာဂါဒိပဋိပတ္တိယံ ပညာ  
 ပဓာနကာရဏံ။ ဥဗ္ဗိလိတပညာစက္ခုကာ ဟိ မဟာသတ္တာ ဗောဓိသတ္တာ  
 အတ္တနော အင်္ဂပစ္စင်္ဂါနိပိ ဒတွာ အနတ္တုက္ကံသကာ၊ အပရဝဟ္မကာ စ ဟောန္တိ၊  
 ဘေသဇ္ဇရက္ခာ ဝိယ ဝိကပ္ပရဟိတာ ကာလတ္တယေပိ သောမနဿဇောတာ။  
 ပညာဝသေန ဟိ ဥပါယကောသလ္လယောဂတော ပရိစ္စာဂေါ ပရဟိတပဝတ္တိယာ  
 ဒါနပါရမီဘာဝံ ဥပေတိ။ အတ္တတ္ထဉ္စိ ဒါနံ မုဒ္ဒသဒိသံ ဟောတိ။

---

၁-ဒီ ၁-၅၉၊ ၁၉၈၊ မ ၁-၂၃၆၊ ၃၀၃၊ မ ၂-၇၊ မ ၃-၁၂၊ ၁၇၄၊ သံ ၁-၄၁၉၊  
 သံ ၃-၃၀၅-၆၊ အံ ၃-၄၂၂၊ ၃ ၁၀-၁၁၅-ပိဋေသု။  
 ၂-မ ၁-၁၈၂-၄၊ မ ၂-၂၇၊ ဝိ ၂-၁၇၅၊ ၃ ၈-၂၈၂-ပိဋေသု။  
 ၃-မ ၁-၁၂၁-၈-ပိဋေသု။ ၄-မ ၁-၃၄၃-ပိဋေ။  
 ၅-မ ၁-၁၁၈၊ ၁၂၆၊ သံ ၂-၃၈၁-ပိဋေသု။ ၆-ဝုဒ္ဓိသဒိသံ (ဒီ-ဒီ ၁-၇၉-ပိဋေ)။

တထာ ပညာယ အဘာဝေန တဏှာဒိသံကိလေသာဝိယောဂတော သီလဿ ဝိသုဒ္ဓိယေဝ န သမ္ဘဝတိ၊ ကုတော သဗ္ဗညုဂုဏာဓိဋ္ဌာနဘာဝေါ။ ပညဝါ ဧဝ စ ခရဝါသေ ကာမဂုဏေသု သံသာရေ စ အာဒီနဝံ၊ ပဗ္ဗဇ္ဇာယ ဈာနသမာပတ္တိယံ နိဗ္ဗာနေ စ အာနိသံသံ သုဠ၊ သလ္လက္ခေန္တော ပဗ္ဗဇိတွာ ဈာနသမာပတ္တိယော နိဗ္ဗတ္တေတွာ နိဗ္ဗာနနိဇ္ဇော၊ ပရေ စ တတ္ထ ပတိဋ္ဌပေတိ။

ဝိရိယဉ္စ ပညာရဟိတံ ယထိစ္ဆိတမတ္ထံ န သာဓေတိ ဒုရာရမ္ဘဘာဝတော။ အနာရမ္ဘောယေဝ ဟိ ဒုရာရမ္ဘတော သေယျော၊ ပညာသဟိတေန ပန ဝိရိယေန န ကိဉ္စိ ဒုရဓိဂမံ ဥပါယပဋိပတ္တိတော။ တထာ ပညဝါ ဧဝ ပရာပကာရာဒီနမဓိဝါသကဇာတ်ယော ဟောတိ၊ န ဒုပ္ပညော။ ပညာဝိရဟိ- တဿ စ ပရေဟိ ဥပနိတာ အပကာရာ ခန္တိယာ ပဋိပက္ခမေဝ အနုဗြူဟေန္တိ။ ပညဝတော ပန တေ ခန္တိသမ္ပတ္တိယာ အနုဗြူဟနဝသေန အဿာ ထိရဘာ- ဝါယ သံဝတ္တန္တိ။ ပညဝါ ဧဝ တိဏိပိ သစ္စာနိ တေသံ ကာရဏာနိ ပဋိပက္ခေ စ ယထာဘူတံ ဇာနိတွာ ပရေသံ အဝိသံဝါဒကော ဟောတိ။ တထာ ပညာ- ဗလေန အတ္တာနမုပတ္ထမ္ဘေတွာ မိတိသမ္ပဒါယ သဗ္ဗပါရမီသု အစလသမာဒါ- နာဓိဋ္ဌာနော ဟောတိ။ ပညဝါ ဧဝ စ ပိယမဇ္ဈတ္တဝေရိဝိဘာဂမကတွာ သဗ္ဗတ္ထ ဟိတူပသံဟာရကုသလော ဟောတိ။ တထာ ပညာဝသေန လာဘာလာဘာ- ဒိလောကဓမ္မသန္နိပါတေ နိဗ္ဗိကာရတာယ မဇ္ဈတ္တော ဟောတိ။ ဧဝံ သဗ္ဗာသံ ပါရမီနံ ပညာဝ ပါရိသုဒ္ဓိဟေတူတိ **ပညာဂုဏာ** ပစ္စဝေက္ခိတဗ္ဗာ။

အပိစ ပညာယ ဝိနာ န ဒဿနသမ္ပတ္တိ၊ အန္တရေန စ ဒိဋ္ဌိသမ္ပဒံ န သီလသမ္ပဒါ၊ သီလဒိဋ္ဌိသမ္ပဒါရဟိတဿ စ န သမာဓိသမ္ပဒါ၊ အသ- မာဟိတေန စ န သက္ကာ အတ္တဟိတမတ္တန္တိ သာဓေတုံ၊ ပဂေဝ ဥက္ကံသဂတံ ပရဟိတန္တိ။ “နန တယာ ပရဟိတာယ ပဋိပန္နေန သက္ကစ္စံ ပညာပါရိသုဒ္ဓိယာ အာယောဂေါ ကရဏီယော”တိ ဗောဓိသတ္တေန အတ္တာ ဩဝဒိတဗ္ဗော။ ပညာနုဘာဝေန ဟိ မဟာသတ္တော စတုရဓိဋ္ဌာနာဓိဋ္ဌိတော စတူဟိ သင်္ဂဟဝတ္ထုဟိ လောကံ အနုဂ္ဂဏှန္တော သတ္တေ နိယျာနမဂ္ဂေ အဝတာရေတိ၊ ဣန္ဒြိယာနိ စ နေသံ ပရိပါစေတိ။ တထာ ပညာဗလေန ခန္ဓာယတနာဒိသု ပဝိစယဗဟုလော ပဝတ္တိနိဝတ္တိယော ယာထာဝတော ပရိဇာနန္တော ဒါနာဒယော ဂုဏဝိသေသေ နိဗ္ဗေဘောဂိယဘာဝံ နယန္တော ဗောဓိသတ္တ- သိက္ခာယ ပရိပူရကာရီ ဟောတိတိ ဝေမာဒိနာ အနေကာကာရဝေါ- ကာရေ ပညာဂုဏေ ဝဝတ္ထပေတွာ ပညာပါရမီ အနုဗြူဟေတဗ္ဗာ။

တထာ ဒိဿမာနပါရာနိပိ လောကိယာနိ ကမ္မာနိ နိဟိနဝီရိယေန ပါပ-  
ဏိတုမသက္ကုဏေယျာနိ၊ အဂဏိတခေဒေန ပန အာရဒ္ဓဝီရိယေန ဒုရမိဂမံ  
နာမ နတ္ထိ။ နိဟိနဝီရိယော ဟိ “သံသာရမဟောဃတော သဗ္ဗသတ္တေ  
သန္တာရေဿာမိ”တိ အာရဘိတုမေဝ န သက္ကုဏောတိ။ မဇ္ဈိမော ပန  
အာရဘိတွာန အန္တရာဝေါသာနမာပဇ္ဇတိ။ ဥက္ကဋ္ဌဝီရိယော ပန အတ္တသုခ-  
နိရပေက္ခော အာရဘိတွာ ပါရမမိဂစ္ဆတိတိ ဝီရိယသမ္ပတ္တိ ပစ္စဝေက္ခိတဗ္ဗာ။

အပိစ “ယဿ အတ္တနော ဧဝ သံသာရပက်တော သမုဒ္ဓရဏတ္ထမာရတ္တော၊  
တဿာပိ ဝီရိယဿ သိထိလဘာဝေန မနောရထာနံ မတ္တကပ္ပတ္တိ န သက္ကာ  
သမ္ဘဝေတုံ၊ ပဂေဝ သဒေဝကဿ လောကဿ သမုဒ္ဓရဏတ္ထံ ကတဘိနိ-  
ဟာရေနာ”တိ စ “ရာဂါဒိနံ ဒေါသဂဏာနံ မတ္တမဟာနာဂါနဓိဝ ဒုန္နိ-  
ဝါရဏဘာဝတော၊ တန္တိဒါနာနဉ္စ ကမ္မသမာဒါနာနံ ဥက္ခိတ္တံသိကဝကေ-  
သဒိသဘာဝတော၊ တန္တိမိတ္တာနဉ္စ ဒုဂ္ဂတိနံ သဗ္ဗဒါ ပိဝဋ္ဌမုခဘာဝတော၊  
တတ္ထ နိယောဇကောနဉ္စ ပါပမိတ္တာနံ သဒါ သန္တိဟိတဘာဝတော၊ တဒေါ-  
ဝါဒကာရိတာယ စ ဝသလဿ ပုထုဇ္ဇနဘာဝဿ သတိ သမ္ဘဝေ ယုတ္တံ  
သယမေဝ သံသာရဒုက္ခတော နိဿရိတု”န္တိ စ “ဗိစ္ဆာဝိတက္ကာ ဝီရိယာ-  
နဘာဝေန ဒူရိ ဘဝန္တိ”တိ စ “ယဒိ ပန သမ္မောဓိံ အတ္တာမိနေန ဝီရိယေန  
သက္ကာ သမမိဂန္တု၊ ကိမေတ္ထ ဒုက္ကရ”န္တိ စ ဧဝမာဒိနာ နယေန ဝီရိယဂုဏာ  
ပစ္စဝေက္ခိတဗ္ဗာ။

တထာ “ခန္တိ နာမာယံ နိရဝသေသဂုဏပဋိပက္ခဿ ကောဓဿံ ဝိမေန-  
တော ဂုဏသမ္ဘာဒနေ သာရူနံ အပ္ပဋိဟတမာယုဓံ၊ ပရာဘိဘဝနေ သမတ္တာန-  
မလင်္ကာရော၊ သမဏဗြာဟ္မဏာနံ ဗလသမ္ပဒါ၊ ကောဓဂ္ဂိဝိနယနာ ဥဒက-  
ဓာရာ၊ ကလျာဏကိတ္တိသဒ္ဓဿ သဉ္ဇာတိဒေသော၊ ပါပပုဂ္ဂလာနံ ဝစီဝိသ-  
ဂူပသမကရော မန္တာဂဒေါ၊ သံဝရေ ဌိတာနံ ပရမာ ဓီရပကတိ၊ ဂမ္ဘိရာသယ-  
တာယ သာဂရော၊ ဒေါသမဟာသာဂရဿ ဝေလာ၊ အပါယဒ္ဓါရဿ ပိဓာ-  
နကဝါဠိ၊ ဒေဝဗြဟ္မလောကာနံ အာရောဟဏသောပါနံ၊ သဗ္ဗဂုဏာနမမိ-  
ဝါသဘူမိ၊ ဥတ္တမာ ကာယဝစီမနောဝိသုဒ္ဓိ”တိ မနသိ ကာတဗ္ဗံ။ အပိစ “ဧတေ  
သတ္တာ ခန္တိသမ္ပတ္တိယာ အဘာဝတော ဣဓလောကေ တပန္နိ၊ ပရလောကေ စ  
တပနီယဓမ္မာနုယောဂတော”တိ စ “ယဒိပိ ပရာပကာရနိမိတ္တံ ဒုက္ခံ ဥပ္ပဇ္ဇတိ၊  
တဿ ပန ဒုက္ခဿ ခေတ္တဘူတော အတ္တဘာဝေါ၊ ဗီဇဘူတဉ္စ ကမ္မံ မယာဝ  
အဘိသင်္ခတ”န္တိ စ “တဿ စ ဒုက္ခဿ အာဏဏျကရဏမေတ”န္တိ စ “အပ-  
ကာရကေ အသတိ ကထံ မယံ ခန္တိသမ္ပဒါ သမ္ဘဝတိ”တိ စ “ယဒိပါယံ ဧတရဟိ

အပကာရကော၊ အယံ နာမ ပုဗ္ဗေ အနေန မယံ ဥပကာရော ကတော”တိ စ “အပကာရော ဧဝ ဝါ ခန္တိနိမိတ္တတာယ ဥပကာရော”တိ စ “သဗ္ဗေပိမေ သတ္တာ မယံ ပုတ္တသဒိသာ၊ ပုတ္တကတာပရာဓေသု စ ကော ကုဇ္ဈိဿတိ”တိ စ “ယေန ကောဓာတုတာဝေသေန အယံ မယံ အပရဇ္ဈတိ၊ သွာယံ ကောဓာတုတာဝေသော မယာ ဝိနေတဗ္ဗော”တိ စ “ယေန အပကာရေန ဣဒံ မယံ ဒုက္ခံ ဥပ္ပန္နံ၊ တဿ အဟမ္ပိ နိမိတ္တ”န္တိ စ “ယေဟိ ဓမ္မေဟိ အပကာရော ကတော၊ ယတ္ထ စ ကတော၊ သဗ္ဗေပိ တေ တသ္မိယေဝ ခဏေ နိရုဒ္ဓါ၊ ကဿိဒါနိ ကေန ကောပေါကာတဗ္ဗော”တိ စ “အနတ္တတာယ သဗ္ဗဓမ္မာနံ ကော ကဿ အပရဇ္ဈတိ”တိ စ ပစ္စဝေက္ခန္တေန ခန္တိသမ္ပဒါ ပြုဟေတဗ္ဗာ။

ယဒိ ပနဿ ဒီဃရတ္တံ ပရိစယေန ပရာပကာရနိမိတ္တကော ကောဓော စိတ္တံ ပရိယာဒါယ တိဋ္ဌေယျ၊ တေန ဣတိ ပဋိသန္ဓိက္ခိတဗ္ဗံ “ခန္တိ နာမေသာ ပရာပကာရဿ ပဋိပက္ခပဋိပတ္တိနံ ပစ္စုပကာရကာရဏ”န္တိ စ “အပကာရော စ မယံ ဒုက္ခုပ္ပါဒနေန ဒုက္ခုပနိသာယ သဒ္ဓါယ၊ သဗ္ဗလောကေ အနဘိရတိသညာယ စ ပစ္စယော”တိ စ “ဣန္ဒြိယပကတိရေသာ၊ ယဒိဒံ ဣဋ္ဌာနိဋ္ဌဝိသယသမာယောဂေါ၊ တတ္ထ အနိဋ္ဌဝိသယသမာယောဂေါ မယံ န သိယာတိ တံ ကုတေတ္ထ လဟ္တာ”တိ စ “ကောဓဝသိကော သတ္တော ကောဓေန ဥဗ္ဗတ္တော ဝိက္ခိတ္တစိတ္တော၊ တတ္ထ ကိံ ပစ္စပကာရေနာ”တိ စ “သဗ္ဗေပိမေ သတ္တာ သမ္မာသမ္ဗုဒ္ဓေန ဩရသပုတ္တာ ဝိယ ပရိပါလိတာ၊ တသ္မာ န တတ္ထ မယာ စိတ္တကောပေါကာတဗ္ဗော”တိ စ “အပရာဓကေ စ သတိ ဂုဏေ ဂုဏဝတိ မယာ ကောပေါ န ကာတဗ္ဗော”တိ စ “အသတိ ဂုဏေ ကဿစိပိ ဂုဏဿာဘာဝတော ဝိသေသေန ကရုဏာယိတဗ္ဗော”တိ စ “ကောပေန မယံ ဂုဏယသာ နိဟိယန္တိ”တိ စ “ကုဇ္ဈနေန မယံ ဒုဗ္ဗဏ္ဏဒုက္ခသေယျာဒယော သပတ္တကန္တာ အာဂစ္ဆန္တိ”တိ စ “ကောဓော စ နာမာယံ သဗ္ဗဒုက္ခာဟိတကာရကော သဗ္ဗသုခဟိတဝိနာသကော ဗလဝါ ပစ္စတ္ထိကော”တိ စ “သတိ စ ခန္တိယာ န ကောစိ ပစ္စတ္ထိကော”တိ စ “အပရာဓကေန အပရာဓနိမိတ္တံ ယံ ဒုက္ခံ အာယတိံ လဒ္ဓဗ္ဗံ၊ သတိ စ ခန္တိယာ မယံ တဒဘာဝေါ”တိ စ “စိန္တေန္တေန၊ ကုဇ္ဈန္တေန စ မယာ ပစ္စတ္ထိကောယေဝ အနဝတ္တိတော”တိ စ “ကောဓေ စ မယာ ခန္တိယာ အဘိဘူတေ တဿ ဒါသဘူတော ပစ္စတ္ထိကော သမ္ပဒေဝ အဘိဘူတော”တိ စ “ကောဓနိမိတ္တံ ခန္တိဂုဏပရိစ္စာဂေါ မယံ န ယုတ္တော”တိ စ “သတိ စ ကောဓေ ဂုဏဝိရောပေစ္စနိကဓမ္မေ ကထံ မေ သီလာဒိဓမ္မာ ပါရိပူရိံ ဂစ္ဆေယျ၊ အသတိ စ တေသု ကထာဟံ သတ္တာနံ

ဥပကာရဗဟုလော ပဋိညာနုရူပံ ဥတ္တမံ သမ္ပတ္တိံ ပါပုဏိဿာမီ”တိ စ “ခန္တိယာ စ သတိ ဗဟိဒ္ဓါ ဝိက္ခေပါဘာဝတော သမာဟိတဿ သဗ္ဗေ သင်္ခါရာ အနိစ္စတော ဒုက္ခတော သဗ္ဗေ ဓမ္မာ အနတ္တတော နိဗ္ဗာနံ အသင်္ခတမတသန္တပဏီတတာဒိဘာဝတော နိဇ္ဈာနံ ခမန္တိ၊ ‘ဗုဒ္ဓဓမ္မာ စ အစိန္တေယျာပရိမေယျပ္ပဘဝါ’တိ”၊ တတော စ “အနုလောမိကခန္တိယံ ဌိတော ‘ကေဝလာ ဣမေ အတ္တတ္တနိယဘာဝရဟိတာ ဓမ္မမတ္တာ ယထာသကံ ပစ္စယေဟိ ဥပ္ပဇ္ဇန္တိ ဝိနဿန္တိ၊ န ကုတောစိ အာဂစ္ဆန္တိ၊ န ကုဟိန္ဒိ ဂစ္ဆန္တိ၊ န စ ကတ္တစိ ပတိဋ္ဌိတာ၊ န စေတ္ထ ကောစိ ကဿစိ ဗျာပါရော’တိ အဟံကာရမမံကာရာနမိဋ္ဌာနတာ နိဇ္ဈာနံ ခမတိ၊ ယေန ဗောဓိသတ္တော ဗောဓိယာ နိယတော အနာဝတ္တိဓမ္မော ဟောတိ”တိ ဝေမာဒိနာ ခန္တိပါရမိယာ ပစ္စဝေက္ခဏာ ဝေဒိတဗျာ။

တထာ “သစ္စေန ဝိနာ သီလာဒိနမသမ္ဘဝတော၊ ပဋိညာနုရူပပဋိပတ္တိယာ အဘာဝတော၊ သစ္စဓမ္မာတိက္ကမေ စ သဗ္ဗပါပဓမ္မာနံ သမောသရဏဘာဝတော၊ အသစ္စသန္ဓဿ အပ္ပစ္စယိကဘာဝတော၊ အာယတိဉ္စ အနာဒေယျဝစနတာဝဟနတော၊ သမ္ပန္နသစ္စဿ သဗ္ဗဂုဏာမိဋ္ဌာနဘာဝတော၊ သစ္စာမိဋ္ဌာနေန သဗ္ဗသမ္မောဓိသမ္ဘာရာနံ ပါရိသုဒ္ဓိပါရိပုရိသမန္တာယတော”၊ သဘာဝဓမ္မာဝိသံဝါဒနေန သဗ္ဗဗောဓိသမ္ဘာရကိစ္စကရဏတော၊ ဗောဓိသတ္တပဋိပတ္တိယာ စ ပရိနိပ္ပတ္တိတော”တိ အာဒိနာ သစ္စပါရမိယာ သမ္ပတ္တိယော ပစ္စဝေက္ခိတဗျာ။

တထာ “ဒါနာဒိသု ဒဠသမာဒါနံ၊ တပ္ပဋိပက္ခသန္တိပါတေ စ နေသံ အစလာမိဋ္ဌာနံ၊ တတ္ထ စ မိရဝီရဘာဝံ ဝိနာ န ဒါနာဒိသမ္ဘာရာ သမ္မောဓိနိမိတ္တာ သမ္ဘဝန္တိ”တိ အာဒိနာ အမိဋ္ဌာနဂုဏာ ပစ္စဝေက္ခိတဗျာ။

တထာ “အတ္တဟိတမတ္တေ အဝတိဋ္ဌန္တေနာပိ သတ္တေသု ဟိတစိတ္တတံ ဝိနာ န သက္ကာ ဣဒလောကပရလောကသမ္ပတ္တိယော ပါပုဏိတုံ၊ ပဂေဝ သဗ္ဗသတ္တေ နိဗ္ဗာနသမ္ပတ္တိယံ ပတိဋ္ဌာပေတုကာမေနာ”တိ စ “ပစ္စာ သဗ္ဗသတ္တာနံ လောကုတ္တရသမ္ပတ္တိမာကင်္ခန္တေန ဣဒါနိ လောကီယသမ္ပတ္တိမာကင်္ခါ ယုတ္တရူပါ”တိ စ “ဣဒါနိ အာသယမတ္တေန ပရေသံ ဟိတသုရူပသံဟာရံ ကာတုမသက္ကောန္တော ကဒါ ပယောဂေန တံ သာဓယိဿာမီ”တိ စ “ဣဒါနိ မယာ ဟိတသုရူပသံဟာရေန သံဝဋ္ဌိတာ ပစ္စာ ဓမ္မသံဝိဘာဂသဟာယာ မယံ ဘဝိဿန္တိ”တိ စ “ဧတေဟိ ဝိနာ န မယံ ဗောဓိသမ္ဘာရာ သမ္ဘဝန္တိ၊ တသ္မာ သဗ္ဗဗုဒ္ဓဂုဏဝိဘူတိနိပ္ပတ္တိကာရဏတ္တာ မယံ ဧတေ ပရမံ ပုညက္ခေတ္တံ အနတ္တရံ ကုသလာယတနံ

ဥတ္တမံ ဂါရဝဋ္ဌာန”န္တိ စ “သဝိသေသံ သဗ္ဗေသုပိ သတ္တေသု ဟိတဇ္ဈာသယတာ ပစ္စုပဋ္ဌပေတဗ္ဗာ၊ ကိဉ္စ ကရုဏာမိဋ္ဌာနတောပိ သဗ္ဗသတ္တေသု မေတ္တာ အနုဗြူဟေတဗ္ဗာ။ ဝိမရိယာဒိကတေန ဟိ စေတသာ သတ္တေသု ဟိတသုခုပသံဟာရနိရတဿ တေသံ အဟိတဒုက္ခာပနယနကာမတာ ဗလဝတိ ဥပ္ပဇ္ဇတိ ဒဋ္ဌမူလာ၊ ကရုဏာ စ သဗ္ဗေသံ ဗုဒ္ဓကာရကဓမ္မာနံ အာဒိ စရဏံ ပတိဋ္ဌာ မူလံ မုခံ ပမုခ”န္တိ ဝေမာဒိနာ မေတ္တာရုဏာ ပစ္စဝေက္ခိတဗ္ဗာ။

တထာ “ဥပေက္ခာယ အဘာဝေ သတ္တေဟိ ကတာ ဝိပုကာရာ စိတ္တဿ ဝိကာရံ ဥပ္ပါဒေယျ၊ သတိ စ စိတ္တဝိကာရေ ဒါနာဒိသမ္ဘာရာနံ သမ္ဘဝေါ ဝေ နတ္ထိ”တိ စ “မေတ္တာသိနေဟေန သိနေဟိတေ စိတ္တေ ဥပေက္ခာယ ဝိနာ သမ္ဘာရာနံ ပါရိသုဒ္ဓိန ဟောတိ”တိ စ “အနုပေက္ခကောသင်္ခါရေသု ပုညသမ္ဘာရံ၊ တဗ္ဗိပါကဉ္စ သတ္တဟိတတ္ထံ ပရိဏာမေတုံ န သက္ကောတိ”တိ စ “ဥပေက္ခာယ အဘာဝေ ဒေယျဓမ္မပဋိဂ္ဂါဟကာနံ ဝိဘာဂမကတွာ ပရိစ္စဇိတုံ န သက္ကောတိ”တိ စ “ဥပေက္ခာရဟိတေန ဇီဝိတပရိက္ခာရာနံ၊ ဇီဝိတဿ ဝါ အန္တရာယံ အမနသိကရိတွာ သီလဝိသောဓနံ ကာတုံ န သက္ကာ”တိ စ တထာ “ဥပေက္ခာဝသေန အရတိရတိသဟဿေဝ နေက္ခမ္မဗလသိဒ္ဓိတော၊ ဥပပတ္တိတော ဣက္ခနဝသေနေဝ သဗ္ဗသမ္ဘာရကိစ္စနိပ္ပတ္တိတော၊ အစွာရဒ္ဓဝီရိယဿ အနုပေက္ခနေ ပဓာနကိစ္စာကရဏတော၊ ဥပေက္ခတော ဝေ တိတိက္ခာနိဇ္ဈာနသမ္ဘဝတော၊ ဥပေက္ခာဝသေန သတ္တသင်္ခါရာနံ အဝိသံဝါဒနတော၊ လောကဓမ္မာနံ အဇ္ဈုပေက္ခနေန သမာဒိန္နဓမ္မေသု အစလာမိဋ္ဌာနသိဒ္ဓိတော၊ ပရာပကာရာဒိသု အနာဘောဂဝသေနေဝ မေတ္တာဝိဟာရနိပ္ပတ္တိတောတိ သဗ္ဗသမ္မောမိသမ္ဘာရာနံ သမာဒါနာမိဋ္ဌာနပါရိပူရိနိပ္ပတ္တိယော ဥပေက္ခာနုဘာဝေန သမ္ပဇ္ဇန္တိ”တိ ဝေမာဒိနာ နယေန ဥပေက္ခာပါရမီ ပစ္စဝေက္ခိတဗ္ဗာ။ ဧဝံ အပရိစ္စာဂပရိစ္စာဂါဒိသုယထာက္ကမံ အာဒိနဝါနိသံသပစ္စဝေက္ခကာ ဒါနာဒိပါရမီနံ ပစ္စယောတိ ဒဋ္ဌဗ္ဗံ။

တထာ သပရိက္ခာရာ ပဉ္စဒသ စရဏဓမ္မာ ပဉ္စ စ အဘိညာယော။ တတ္ထ စရဏဓမ္မာ နာမ သီလသံဝရော၊ ဣန္ဒြိယေသု ဂုတ္တဒ္ဓါရတာ၊ ဘောဇနေ မတ္တညတာ၊ ဇာဂရိယာနုယောဂေါ၊ သတ္တ သဒ္ဓမ္မာ၊ စတုာရိ ဖျာနာနိ စ။ တေသု သီလာဒိနံ စတုန္တံ တေရသပိ ဓုတင်္ဂဓမ္မာ၊ အပ္ပိစ္ဆတာဒယော စ ပရိက္ခာရာ။ သဒ္ဓမ္မေသု သဒ္ဓါယ ဗုဒ္ဓဓမ္မသံဃသီလစာဂဒေဝတုပသမာနုဿတိ လူခပုဂ္ဂလပရိဝဇ္ဇနာ၊ သိနိဒ္ဓပုဂ္ဂလသေဝနာ၊ သမ္ပသာဒနိယဓမ္မပစ္စဝေက္ခကာ၊ တဒမိမုတ္တတာ စ ပရိက္ခာရာ။ ဟိရောတ္တပ္ပါနံ အကုသလာဒိနပစ္စဝေက္ခကာ၊

အပါယာဒီနဝပစ္စဝေက္ခဏာ၊ ကုသလဓမ္မပဉ္စမ္ဘဘာဝပစ္စဝေက္ခဏာ၊ ဟိရေတ္တပ္ပရဟိတပုဂ္ဂလပရိဝဇ္ဇနာ၊ ဟိရေတ္တပ္ပသမ္ပန္နပုဂ္ဂလသေဝနာ၊ တဒဓိမုတ္တတာ စ။ **ဗဟုသစ္စဿ** ပုဗ္ဗယောဂေါ၊ ပရိပုစ္ဆကဘာဝေါ၊ သဒ္ဓမ္မာဘိယောဂေါ၊ အနဝဇ္ဇဝိဇ္ဇာဌာနာဒိပရိစယော၊ ပရိပတ္တိန္ဒြိယတာ၊ ကိလေသဒ္ဓုရိဘာဝေါ၊ အပ္ပဿုတပုဂ္ဂလပရိဝဇ္ဇနာ၊ ဗဟုဿုတပုဂ္ဂလသေဝနာ၊ တဒဓိမုတ္တတာ စ။ **ဝီရိယဿ** အပါယဘယပစ္စဝေက္ခဏာ၊ ဂမနဝိထိပစ္စဝေက္ခဏာ၊ ဓမ္မမဟတ္တပစ္စဝေက္ခဏာ၊ ထိနမိဒ္ဓဝိနောဒနာ၊ ကုသိတပုဂ္ဂလပရိဝဇ္ဇနာ၊ အာရဒ္ဓဝီရိယပုဂ္ဂလသေဝနာ၊ သမ္ပပ္ပဓာနပစ္စဝေက္ခဏာ၊ တဒဓိမုတ္တတာ စ။ **သတိယာ** သတိသမ္ပဇညံ၊ မုဋ္ဌဿတိပုဂ္ဂလပရိဝဇ္ဇနာ၊ ဥပဋ္ဌိတသတိပုဂ္ဂလသေဝနာ၊ တဒဓိမုတ္တတာ စ။ ပညာယ ပရိပုစ္ဆကဘာဝေါ၊ ဝတ္ထုဝိသဒကိရိယာ၊ ဣန္ဒြိယသမတ္တပဋိပါဒနာ၊ ဒုပ္ပညပုဂ္ဂလပရိဝဇ္ဇနာ၊ ပညဝန္တပုဂ္ဂလသေဝနာ၊ ဂမ္ဘီရဉာဏစရိယသုတ္တန္တပစ္စဝေက္ခဏာ၊ ဓမ္မမဟတ္တပစ္စဝေက္ခဏာ၊ တဒဓိမုတ္တတာ စ။ **ဓတုန္တဈာနာနံ** သီလာဒိစတုက္ကံ၊ အဋ္ဌတိံသာယ အာရမ္မဏေသု ပုဗ္ဗဘာဂဘာဝနာ၊ အာဝဇ္ဇနာဒိဝသီဘာဝကရဏဉ္စ ပရိက္ခာရာ။

တတ္ထ သီလာဒိဟိ ပယောဂသုဒ္ဓိယာ သတ္တာနံ အဘယဒါနေ၊ အာသယသုဒ္ဓိယာ အာမိသဒါနေ၊ ဥဘယသုဒ္ဓိယာ ဓမ္မဒါနေ သမတ္တော ဟောတိတိ-အာဒိနာ စရဏာဒိနံ ဒါနာဒိသမ္ဘာရပစ္စယတာ ယထာရဟံ နိဒ္ဒါရေတဗ္ဗာ။ အတိဝိတ္တာရဘယေန ပန မယံ န ဝိတ္တာရယိမှ။ တထာ သမ္ပတ္တိစက္ကာဒယောပိ ဒါနာဒိနံ ပစ္စယောတိ ဝေဒိတဗ္ဗာ။

**ဧကော သံကိလေသောတိ ဧတ္ထ—**

တဏှာဒိဟိ ပရာမဋ္ဌဘာဝေါ တာသံ ကိလိဿနံ။  
သာမညတော ဝိသေသေန၊ ယထာရဟံ ဝိကပ္ပတာ။

အဝိသေသေန ဟိ တဏှာဒိဟိ ပရာမဋ္ဌဘာဝေါ ပါရမီနံ သံကိလေသော။ ဝိသေသေန ပန ဒေယျဓမ္မပဋိဂ္ဂဟကဝိကပ္ပေါ ဒါနပါရမိယာ သံကိလေသော။ သတ္တကာလဝိကပ္ပေါ သီလပါရမိယာ။ ကာမဘဝတဒုပသမေသု အဘိရတိ-အနဘိရတိဝိကပ္ပေါ နေက္ခမ္ပပါရမိယာ။ “အဟံ မမာ”တိ ဝိကပ္ပေါ ပညာပါရမိယာ။ လီနုဒ္ဓစ္စဝိကပ္ပေါ ဝီရိယပါရမိယာ။ အတ္တပရဝိကပ္ပေါ ခန္တိပါရမိယာ။ အဒိဋ္ဌာဒိသုဒ္ဓါဒိဝိကပ္ပေါ သစ္စပါရမိယာ။ ဗောဓိသမ္ဘာရတဗ္ဗိပက္ခေသု ဒေါသဂုဏဝိကပ္ပေါ အမိဋ္ဌာနပါရမိယာ။ ဟိတာဟိတဝိကပ္ပေါ မေတ္တာပါရမိယာ။ ဣဋ္ဌာနိဋ္ဌဝိကပ္ပေါ ဥပေက္ခာပါရမိယာ သံကိလေသောတိ ဝေဒိတဗ္ဗော။

ဏိ° ဝေါဒါနန္တိ—

တဏှာဒီဟိ အဃာတတာ၊ ရဟိတတာ ဝိကပ္ပါနံ။  
ဝေါဒါနန္တိ ဝိဇာနိယာ၊ သဗ္ဗာသမေဝ တာသမ္ဘိ။

အနုပဃာတာ ဟိ တဏှာမာနဒိဋ္ဌိကောရုပနာဟ မက္ခပလာသဇ္ဇဿာ-  
မစ္ဆရိယ မာယာ သာဠေယျထန္တ သာရန္တ မဒပမာဒါဒီဟိ ကိလေသေဟိ  
ဒေယျပဋိဂ္ဂါဟကဝိကပ္ပါဒိရဟိတာ စ ဒါနာဒိပါရမိယော ပရိသုဒ္ဓါ ပဘဿရာ  
ဘဝန္တိတိ။

ဧကော ပဋိပက္ခောတိ—

အကုသလာ ကိလေသာ စ၊ ပဋိပက္ခာ အဘေဒတော။  
ဘေဒတော ပန ပုဗ္ဗေပိ၊ ဝုတ္တာ မစ္ဆရိယာဒယော။

အဝိသေသေန ဟိ သဗ္ဗေပိ အကုသလာ ဓမ္မာ၊ သဗ္ဗေပိ ကိလေသာ စ  
တောသံ ပဋိပက္ခာ။ ဝိသေသေန ပန ပုဗ္ဗေ ဝုတ္တာ မစ္ဆရိယာဒယောတိ ဝေဒိ-  
တဗ္ဗာ။ အပိစ ဒေယျပဋိဂ္ဂါဟကဒါနဖလေသု အလောဘာဒေါသမောဟ-  
ဂုဏယောဂတော လောဘဒေါသမောဟပဋိပက္ခံ ဒါနံ၊ ကာယာဒိဒေါ-  
သတ္တယဝင်္ကာပဂမတော လောဘာဒိပဋိပက္ခံ သီလံ၊ ကာမသုခပရူပဃာတ-  
အတ္တကိလမထပရိဝဇ္ဇနတော ဒေါသတ္တယပဋိပက္ခံ နေက္ခမ္ပံ၊ လောဘာဒီနံ  
အန္တိကရဏတော၊ ဉာဏဿ စ အနန္တိကရဏတော လောဘာဒိပဋိပက္ခာ ပညာ၊  
အလိနာနုဒ္ဓတဉာယာရမ္ဘဝသေန လောဘာဒိပဋိပက္ခံ ဝီရိယံ၊ ဣဋ္ဌာနိဋ္ဌ-  
သုညတာနံ ခမနတော လောဘာဒိပဋိပက္ခာ ခန္တိ၊ သတိပိ ပရေသံ ဥပကာရေ၊  
အပကာရေ စ ယထာဘူတပ္ပဝတ္တိယာ လောဘာဒိပဋိပက္ခံ သစ္စံ၊ လောကဓမ္မေ  
အဘိဘုယျ ယထာသမာဒိန္နေသု သမ္ဘာရေသု အစလနတော လောဘာဒိ-  
ပဋိပက္ခံ အဓိဋ္ဌာနံ၊ နိဝရဏဝိဝေကတော လောဘာဒိပဋိပက္ခာ မေတ္တာ၊  
ဣဋ္ဌာနိဋ္ဌေသု အနုနယပဋိသဝိဒ္ဓိသနတော၊ သမပ္ပဝတ္တိတော စ လောဘာဒိ-  
ပဋိပက္ခာ ဥပေက္ခာတိ ဒဋ္ဌဗ္ဗံ။

ဧကော ပဋိပတ္တိတိ—

ဒါနာကာရာဒယော ဧဝံ၊ ဥပ္ပါဒိတာ အနေကော။  
ပဋိပတ္တိတိ ဝိညေယျာ၊ ပါရမီပူရဏက္ကမေ။

ဒါနပါရမိယာ ဟိ တာဝ သုရူပကရဏသရီရဇိဝိတပရိစ္စာဂေန၊ ဘယာ-  
ပနယနေန၊ ဓမ္မောပဒေသေန စ ဗဟုဓာ သတ္တာနံ အနုဂ္ဂဟကရဏံ ပဋိပတ္တိ။

တတ္ထ အာမိသဒါနံ အဘယဒါနံ ဓမ္မဒါနန္တိ ဒါတဗ္ဗဝတ္ထုဝသေန တိရိစ္ဆံ ဒါနံ။  
 တေသု ဗောဓိသတ္တဿ ဒါတဗ္ဗဝတ္ထု အဇ္ဈတ္တိကံ၊ ဗာဟိရန္တိ ဒုရိဓံ။ တတ္ထ  
 ဗာဟိရံ အနံပါနံ ဝတ္ထံ ယာနံ မာလာ ဂန္ဓံ ဝိလေပနံ သေယျာ အာဝသထံ ပဒီ-  
 ပေယျန္တိ ဒသဝိဓံ။ အန္တာဒီနံ ခါဒနိယဘောဇနိယာဒိဝိဘာဂေန အနေကဝိဓဉ္စ။  
 တထာ ရူပါရမ္မဏံ ယာဝ ဓမ္မာရမ္မဏန္တိ အာရမ္မဏတော ဆဗ္ဗိဓံ။ ရူပါရမ္မဏာ-  
 ဒီနဉ္စ နိလာဒိဝိဘာဂေန အနေကဝိဓံ။ တထာ မဏိကနကရဇတမုတ္တာပဝါ-  
 ဌာဒိဓေတ္တဝတ္ထု အာရာမာဒိ ဒါသီဒါသဂေါမဟံ သာဒိနာနာဝိဝေတ္ထုပကရဏ-  
 ဝသေန အနေကဝိဓံ။

တတ္ထ မဟာပုရိသော ဗာဟိရံ ဝတ္ထု ဒေန္တော “ယော ယေန အတ္ထိကော၊  
 တံ တဿေဝ ဒေတိ။ ဒေန္တော စ တဿ အတ္ထိကော”တိ သယမေဝ ဇာနန္တော  
 အယာစိတောပိ ဒေတိ၊ ပဂေဝ ယာစိတော။ မုတ္တစာဂေါ ဒေတိ၊ နော  
 အမုတ္တစာဂေါ။ ပရိယတ္တံ ဒေတိ၊ နော အပရိယတ္တံ။ သတိ ဒေယျဓမ္မေ ပစ္စု-  
 ပကာရသန္ဓိဿိတော န ဒေတိ၊ အသတိ ဒေယျဓမ္မေ၊ ပရိယတ္တေ စ  
 သံဝိဘာဂါရဟံ ဝိဘဇတိ။ န စ ဒေတိ ပရူပဿာတာဝဟံ သတ္တဝိသမဇ္ဇာဒိကံ၊  
 နာပိ ကိဋ္ဌနကံ၊ ယံ အနတ္ထုပသံဟိတံ၊ ပမာဒါဝဟဉ္စ၊ န စ ဂိလာနဿ  
 ယာစကဿ ပါနဘောဇနာဒိအသပ္ပါယံ၊ ပမာဏရဟိတံ ဝါ ဒေတိ၊ ပမာဏ-  
 ယုတ္တံ ပန သပ္ပါယမေဝ ဒေတိ။

တထာ ယာစိတော ဂဟဋ္ဌာနံ ဂဟဋ္ဌာနုစ္ဆရိကံ ဒေတိ၊ ပဗ္ဗဇိတာနံ ပဗ္ဗဇိတာ-  
 နုစ္ဆရိကံ ဒေတိ။ မာတာပိတရော ဉှုတိသာလောဟိတာ မိတ္တာမစ္စာ ပုတ္တဒါရ-  
 ဒါသကမ္မကရာတိ ဧတေသု ကဿစိ ပိဋံ အဇေနေန္တော ဒေတိ၊ န စ ဥဋ္ဌာရံ ဒေယျ-  
 ဓမ္မံ ပဋိဇာနိတွာ လူခံ ဒေတိ၊ န စ လာဘသက္ကာရသိလောကသန္ဓိဿိတော  
 ဒေတိ၊ န စ ပစ္စုပကာရသန္ဓိဿိတော ဒေတိ၊ န စ ဖလပါဋိကဒီ ဒေတိ  
 အညတြ သမ္မာသမ္မောဓိယာ၊ န စ ယာစိတော၊ ဒေယျဓမ္မံ ဝါ ဇိဂုစ္ဆန္တော  
 ဒေတိ၊ န စ အသညတာနံ ယာစကာနံ အက္ခောသကပရိဘာသကာနမ္ပိ  
 အပဝိဒ္ဓါ ဒါနံ ဒေတိ၊ အညဒတ္ထု ပသန္ဓစိတ္တော အနုကမ္ပန္တော သက္ကစ္စမေဝ  
 ဒေတိ၊ န စ ကောတူဟလမင်္ဂလိကော ဟုတွာ ဒေတိ၊ ကမ္မဖလမေဝ ပန  
 သဒ္ဓဟန္တော ဒေတိ၊ နာပိ ယာစကေ ပယိရူပါသနာဒီဟိ သံကိလမေတွာ  
 ဒေတိ၊ အပရိကိလမေန္တော ဧဝ ပန ဒေတိ၊ န စ ပရေသံ ဝဉ္စနာမိပ္ပါယော၊  
 ဘေဒါမိပ္ပါယော ဝါ ဒါနံ ဒေတိ၊ အသံကိလိဋ္ဌစိတ္တောဝ ဒေတိ၊ နာပိ ဖရသ-  
 ဝါစော ဘာကုဋိကမုခေါ ဒါနံ ဒေတိ၊ ပိယဝါဒီ စ ပန ပုဗ္ဗဘာသိ မိဟိတ-  
 သိတဝစနော ဟုတွာ ဒေတိ၊ ယသ္မိံ စေ ဒေယျဓမ္မေ ဥဋ္ဌာရမနုညတာယ ဝါ

စိရပရိစယေန ဝါ ဂေဓသဘာဝတာယ ဝါ လောဘဓမ္မော အဓိမက္ခော ဟောတိ၊ ဇာနန္တော ဗောဓိသက္ခော တံ ခိပ္ပမေဝ ပဋိဝိနောဒယိတွာ ယာစကေ ပရိယေသေတွာပိ ဒေတိ၊ ယဉ္စ ဒေယျဝတ္ထု ပရိတ္တံ၊ ယာစကောပိ ပစ္စု- ပဋ္ဌိတော၊ တံ အစိန္တေတွာ အပိ အတ္တာနံ ဓာဝိတွာ ဒေန္တော ယာစကံ သမ္မာ- နေတိ ယထာ တံ အကိတ္တိပဏ္ဍိတော၊ န စ မဟာပုရိသော အတ္တနော ပုတ္တဒါရဒါသကမ္မကရပေါရိသေ ယာစိတော တေ အသညာပိတေ ဒေါမ- နဿပ္ပတ္တေ ယာစကာနံ ဒေတိ၊ သမ္ပဒေဝ ပန သညာပိတေ သောမ- နဿပ္ပတ္တေ ဒေတိ၊ ဒေန္တော စ ယက္ခရက္ခသပိသာစာဒီနံ ဝါ မနုဿာနံ ဝါ ကုရုရကမ္မန္တာနံ ဇာနန္တော န ဒေတိ၊ တထာ ရဇ္ဇမ္ပိ တာဒိဿာနံ န ဒေတိ၊ ယေ လောကဿ အဟိတာယ ဒုက္ခာယ အနတ္တာယ ပဋိပဇ္ဇန္တိ၊ ယေ ပန ဓမ္မိကာ ဓမ္မေန လောကံ ပါလေန္တိ၊ တေသံ ရဇ္ဇဒါနံ ဒေတိ။ ဧဝံ တာဝ ဗာဟိရဒါနေ ပဋိပတ္တိ ဝေဒိတဗ္ဗာ။

**အဇ္ဈတ္တိကဒါနမ္ပိ** ဒွိဟာကာရေဟိ ဝေဒိတဗ္ဗံ။ ကထံ? ယထာ နာမ ကောစိ ပုရိသော ဃာသန္တာဒနဟေတု အတ္တာနံ ပရဿ နိဿဇ္ဇတိ၊ ဝိဓေယျဘာဝံ ဥပဂစ္ဆတိ ဒါသဗျံ၊ ဧဝမေဝ မဟာပုရိသော သမ္မောဓိဟေတု နိရာမိသစိတ္တော သတ္တာနံ အနုတ္တရံ ဟိတသုခံ ဣစ္ဆန္တော အတ္တနော ဒါနပါရမိံ ပရိပူရေတု- ကာမော အတ္တာနံ ပရဿ နိဿဇ္ဇတိ၊ ဝိဓေယျဘာဝံ ဥပဂစ္ဆတိ ယထာကာမ- ကရဏီယတံ၊ ကရစရဏနယနာဒိအင်္ဂပစ္စင်္ဂံ တေန တေန အတ္တိကာနံ အကမ္ပိတော အလိနော အနုပ္ပဒေတိ၊ န တတ္ထ သဇ္ဇတိ၊ န သင်္ကေတံ အာပဇ္ဇတိ ယထာ တံ ဗာဟိရဝတ္ထုသ္မိံ။ တထာ ဟိ မဟာပုရိသော ဒွိဟာကာရေဟိ ဗာဟိ- ရဝတ္ထု ပရိစ္စုဇတိ ယထာသုခံ ပရိဘောဂါယ ဝါယာစကာနံ၊ တေသံ မနောရထံ ပူရေန္တော အတ္တနော ဝသီဘာဝါယ ဝါ။ တတ္ထ သဗ္ဗေန သဗ္ဗံ မုတ္တစာဂေါ ဧဝံမာဟ “နိဿင်္ဂဘာဝေနာဟံ သမ္မောဓိံ ပါပုဏိဿာမီ”တိ၊ ဧဝံ အဇ္ဈတ္တိ- ကဝတ္ထုသ္မိံ ဝေဒိတဗ္ဗံ။

တတ္ထ ယံ အဇ္ဈတ္တိကဝတ္ထု ဒိယျမာနံ ယာစကဿ ဧကန္တေနေဝ ဟိတာယ သံဝတ္တတိ၊ တံ ဒေတိ၊ န ဣတရံ။ န စ မဟာပုရိသော မာရဿ၊ မာရကာယိကာနံ ဝါဒေဝတာနံ ဝိဟိံသာဓိပ္ပေါယာနံ အတ္တနော အတ္တဘာဝံ၊ အင်္ဂပစ္စင်္ဂါနိ ဝါဇာန- မာနော ဒေတိ “မာ တေသံ အနတ္တော အဟောသီ”တိ။ ယထာ စ မာရကာ- ယိကာနံ၊ ဧဝံ တေဟိ အန္တာဝိဇ္ဇာနမ္ပိ န ဒေတိ၊ နာပိ ဥမ္ပတ္တကာနံ၊ ဣတရေသံ ပန ယာစိယမာနော သမနန္တရမေဝ ဒေတိ တာဒိဿာယ ယာစနာယ ဒုလ္လဘ- ဘာဝတော၊ တာဒိဿဿ စ ဒါနဿ ဒုက္ကရဘာဝတော။

**အဘယဒါနံ** ပန ရာဇတော စောရတော အဂ္ဂိတော ဥဒကတော ဝေရီပုဂ္ဂလတော သီဟဗျုပ္ပါဒိဝါဠမိဂတော နာဂယက္ခရက္ခသပိဿာစာဒိတော သတ္တာနံ ဘယေ ပစ္စုပ္ပိတေ တတော ပရိတ္တာဏဘာဝေန ဒါတဗ္ဗံ။

**ဓမ္မဒါနံ** ပန အသံကိလိဋ္ဌစိတ္တဿ အဝိပရိတဓမ္မဒေသနာ။ ဩပါယိကော ဟိ တဿ ဥပဒေသော ဒိဋ္ဌဓမ္မိကသမ္ပရာယိကပရမတ္ထဝသေန၊ ယေန သာသနေ အနောတိဏ္ဏာနံ အဝတာရဏံ ဩတိဏ္ဏာနံ ပရိပါစနံ။ တတ္ထာယံ နယော— သင်္ခေပတော တာဝ ဒါနကထာ သီလကထာ သဂ္ဂကထာ ကာမာနံ အာဒိ- နဝေါ သံကိလေသော ဩကာရော စ နေက္ခမ္မေ အာနိသံသော။ ဝိတ္ထာရတော ပန သာဝကဗောဓိယံ အဓိမုတ္တစိတ္တာနံ သရဏဂမနံ၊ သီလသံဝရော၊ ဣန္ဒြိယေသု ဂုတ္တဒ္ဓါရတာ၊ ဘောဇနေ မတ္တညုတာ၊ ဇာဂရိယာနုယောဂေါ၊ သတ္တ သဒ္ဓမ္မာ၊ အဋ္ဌတိဿာယ အာရမ္မဏေသု ကမ္မကရဏဝသေန သမထာနုယောဂေါ၊ ရူပမုခါဒိသု ဝိပဿနာဘိနိဝေသေသု ယထာရဟံ အဘိနိဝေသနမုခေန ဝိပ- သနာနုယောဂေါ၊ တထာဝိသုဒ္ဓိပဋိပဒါယ သမ္ပတ္တဂဟဏံ၊ တိဿော ဝိဇ္ဇာ၊ ဆ အဘိညာ၊ စတဿော ပဋိသန္တိဒါ၊ သာဝကဗောဓိတိ ဧတေသံ ဂုဏသံကိတ္တ- နဝသေန ယထာရဟံ တတ္ထ တတ္ထ ပတိဋ္ဌာပနာ၊ ပရိယောဒပနာ စ။ တထာ ပစ္စေကဗောဓိယံ၊ သမ္မာသမ္မောဓိယဉ္စ အဓိမုတ္တစိတ္တာနံ ယထာရဟံ ဒါနာဒိ- ပါရမီနံ သဘာဝသရသလက္ခဏာဒိသံကိတ္တနမုခေနတိသုပိ အဝတ္ထာဘေဒေသု တေသံ ဗုဒ္ဓါနံ မဟာနုဘာဝတာဝိဘာဝနေန ယာနဒ္ဓယေ ပတိဋ္ဌာပနာ၊ ပရိယောဒပနာ စ။ ဧဝံ မဟာပုရိသော သတ္တာနံ ဓမ္မဒါနံ ဒေတိ။

တထာ မဟာပုရိသော အာမိသဒါနံ ဒေန္တော “ဣမိနာဟံ ဒါနေန သတ္တာနံ အာယုဝဏ္ဏသုခဗလပဋိဘာနာဒိသမ္ပတ္တိဉ္စ ရမဏီယံ အဂ္ဂဗလသမ္ပတ္တိဉ္စ နိပ္ပါဒေယျ”န္တိ အန္တံ ဒေတိ။ တထာ သတ္တာနံ ကာမကိလေသပိပါသဝူပသမာယ ပါနံ ဒေတိ။ တထာ သုဝဏ္ဏဝဏ္ဏတာယ၊ ဟိရေတ္တပ္ပုလင်္ကာရဿ စ နိပ္ပတ္တိယာ ဝတ္ထာနိ ဒေတိ။ တထာ ဣဒ္ဓိဝိဓဿ စေဝ နိဗ္ဗာနသုခဿ စ နိပ္ပတ္တိယာ ယာနံ ဒေတိ။ တထာ သီလဂန္ဓနိပ္ပတ္တိယာ ဂန္ဓံ ဒေတိ။ တထာ ဗုဒ္ဓဂုဏသောဘာ- နိပ္ပတ္တိယာ မာလာဝိလေပနံ ဒေတိ။ တထာ ဗောဓိမဏ္ဍာသနနိပ္ပတ္တိယာ အာသနံ ဒေတိ။ တထာဂတသေယျနိပ္ပတ္တိယာ သေယျံ ဒေတိ။ သရဏဘာဝ- နိပ္ပတ္တိယာ အာဝသထံ ဒေတိ။ ပဉ္စစက္ခုပဋိလဘာယ ပဒီပေယျံ ဒေတိ။

ဗျာမပ္ပဘာနိပ္ပတ္တိယာ ရူပဒါနံ ဒေတိ။ ပြဟ္မဿရနိပ္ပတ္တိယာ သဒ္ဓဒါနံ ဒေတိ။ သဗ္ဗလောကဿ ပိယဘာဝါယ ရသဒါနံ ဒေတိ။ ဗုဒ္ဓသုခမာလဘာဝါယ

ဗောဓဗ္ဗဒါနံ ဒေတိ၊ အဇရာမရဏဘာဝါယ ဘောသဇ္ဇဒါနံ ဒေတိ၊ ကိလေသဒါသဗျဝိမောစနတ္ထံ ဒါသာနံ ဘုဇိဿတာဒါနံ ဒေတိ၊ သဒ္ဓမ္မဘိရတိယာ အနဝဇ္ဇဒိဋ္ဌာရတိဟေတုဒါနံ ဒေတိ၊ သဗ္ဗေပိ သတ္တေ အရိယာယ ဇာတိယာ အတ္တနော ပုတ္တဘာဂူပနယနာယ ပုတ္တဒါနံ ဒေတိ၊ သကလဿာပိ လောကဿ ပတိဘာဂူပဂမနာယ ဒါရဒါနံ ဒေတိ၊ သုဘလက္ခဏသမ္ပတ္တိယာ သုဝဏ္ဏမဏိမုတ္တာပဝါဠာဒိဒါနံ၊ အနုဗျဉ္ဇနသမ္ပတ္တိယာ နာနာဝိဝေဉာဏသနဒါနံ၊ သဒ္ဓမ္မကောသာမိဂမာယ ဝိတ္တကောသဒါနံ၊ ဓမ္မရာဇဘာဝါယ ရဇ္ဇဒါနံ၊ ဒါနာဒိသမ္ပတ္တိယာ အာရာမုယျာနာဒိဝနဒါနံ၊ စက္ကင်္ဂိတေဟိ ပါဒေဟိ ဗောဓိမဏ္ဍူပသင်္ကမနာယ စရဏဒါနံ၊ စတုရောသနိတ္တရဏေ သတ္တာနံ သဒ္ဓမ္မဟတ္ထဒါနတ္ထံ ဟတ္ထဒါနံ၊ သဒ္ဓိန္ဒြိယာဒိပဋိလဘာယ ကဏ္ဍနာသာဒိဒါနံ၊ သမန္တစက္ခုပဋိလဘာယ စက္ခုဒါနံ၊ “ဒဿနသဝနာနုဿရဏပါရိစရိယာဒိသုသဗ္ဗကာလံ သဗ္ဗသတ္တာနံ ဟိတသုခါဝဟော သဗ္ဗလောကေန စ ဥပဇိဝိတဗ္ဗောမေ ကာယော ဘဝေယျာ”တိ မံသလောဟိတာဒိဒါနံ။ “သဗ္ဗလောကုတ္တမော ဘဝေယျ”န္တိ ဥတ္တမင်္ဂဒါနံ ဒေတိ။

ဧဝံ ဒဒန္တော စ န အနေသနာယ ဒေတိ၊ န ပရောပသာတေန၊ န ဘယေန၊ န လဇ္ဇာယ၊ န ဒက္ခိဏေယျရောသနေန<sup>၁</sup>၊ န ပဏီတေ သတိ လူခံ၊ န အတ္တုက္ကံသနေန၊ န ပရဝုတ္တနေန၊ န ဖလာဘိကဗျါယ၊ န ယာစကဇိဂုစ္ဆာယ၊ န အစိတ္တိကာရေန၊ အထ ခေါ သက္ကစ္စံ ဒေတိ၊ သဟတ္ထေန ဒေတိ၊ ကာလေန ဒေတိ၊ စိတ္တိံ ကတွာ ဒေတိ၊ အဝိဘာဂေန ဒေတိ၊ တီသု ကာလေသု သောမနဿိကော ဒေတိ၊ တတော ဧဝ စ ဒတွာ န ပစ္ဆာနုတာပိ ဟောတိ၊ န ပဋိဂ္ဂါဟကဝသေန မာနာဝမာနံ ကရေတိ၊ ပဋိဂ္ဂါဟကာနံ ပိယသမုဒါစာရော ဟောတိ ဝဒညှုယာစယောဂေါ သပရိဝါရဒါယကော။ အန္ဓဒါနဉ္စိ ဒေန္တော “တံ သပရိဝါရံ ကတွာ ဒဿာမိ”တိ ဝတ္တာဒိဟိ သဒ္ဓိံ<sup>၂</sup> ဒေတိ၊ တထာ ဝတ္တဒါနံ ဒေန္တော “တံ သပရိဝါရံ ကတွာ ဒဿာမိ”တိ အန္ဓာဒိဟိ သဒ္ဓိံ<sup>၃</sup> ဒေတိ။ ပါနဒါနာဒိသုပိ ဧသေဝနယော၊ တထာ ရူပဒါနံ ဒေန္တော ဣတရာရမ္မဏာနိပိ တဿ ပရိဝါရံ ကတွာ ဒေတိ၊ ဧဝံ သေသေသုပိ။

တတ္ထ ရူပဒါနံ နာမ နီလပိတလောဟိတောဒါတာဒိဝဏ္ဏာဒိသု ပုပ္ဖဝတ္ထဓာတုသု အညုတရံ လဘိတွာ ရူပဝသေန အာဘုဇိတွာ “ရူပဒါနံ ဒဿာမိ၊ ရူပဒါနံ မယျ”န္တိ စိန္တေတွာ တာဒိသေ ဒက္ခိဏေယျ ဒါနံ ပတိဋ္ဌာပေတိ၊ ဧတံ ရူပဒါနံ နာမ။

သဒ္ဓဒါနံ ပန ဘေရိသဒ္ဓါဒိဝသေန ဝေဒိတဗ္ဗံ။ တတ္ထ သဒ္ဓံ ကန္ဓမူလာနိ ဝိယ ဥပ္ပါဋေတွာ၊ နိလုပ္ပလဟတ္ထကံ ဝိယ စ ဟတ္ထေ ဌပေတွာ ဒါတုံ န သက္ကောတိ။ သဝတ္ထုကံ ပန ကတွာ ဒဒန္တော သဒ္ဓဒါနံ ဒေတိ နာမ၊ တသ္မာ ယဒါ “သဒ္ဓဒါနံ ဒဿာမိ”တိ ဘေရိမုဒိင်္ဂါဒိသု အညတရေန တူရိယေန တိဏ္ဍံ ရတနာနံ ဥပဟာရံ ကရေတိ၊ ကာရေတိ စ၊ “သဒ္ဓဒါနံ ဒဿာမိ၊ သဒ္ဓဒါနံ မေ”တိ ဘေရိအာဒိနိ ဌပါပေတိ၊ ဓမ္မကထိကာနံ ပန သဒ္ဓဘေသဇ္ဇံ၊ တေလဖာဏိတာဒိနိ စ ဒေတိ၊ ဓမ္မဿဝနံ ဃောသေတိ၊ သရဘညံ ဘဏတိ၊ ဓမ္မကထံ ကထေတိ၊ ဥပနိသိန္ဓကထံ၊ အနုမောဒနကထဉ္စ ကရေတိ၊ ကာရေတိ စ၊ တဒါ **သဒ္ဓဒါနံ** နာမ ဟေတိ။

တထာ မူလဂန္ဓာဒိသု အညတရံ ရဇနီယံ ဂန္ဓဝတ္ထု၊ ပိသိတမေဝ ဝါ ဂန္ဓယံ ကိဉ္စိ လဘိတွာ ဂန္ဓဝသေန အာဘုဇိတွာ “ဂန္ဓဒါနံ ဒဿာမိ၊ ဂန္ဓဒါနံ မယျ”န္တိ ဗုဒ္ဓရတနာဒိနံ ပူဇံ ကရေတိ၊ ကာရေတိ စ၊ ဂန္ဓပူဇနတ္ထာယ အဂရ-စန္ဒနာဒိကေ ဂန္ဓဝတ္ထုကေ ပရိစ္စဇတိ၊ ဣဒံ **ဂန္ဓဒါနံ**။

တထာ မူလရသာဒိသု ယံ ကိဉ္စိ ရဇနီယံ ရသဝတ္ထု၊ လဘိတွာ ရသဝသေန အာဘုဇိတွာ “ရသဒါနံ ဒဿာမိ၊ ရသဒါနံ မယျ”န္တိ ဒက္ခိဏေယျာနံ ဒေတိ၊ ရသဝတ္ထုမေဝ ဝါ အညံ ဂဝါဒိကံ ပရိစ္စဇတိ၊ ဣဒံ **ရသဒါနံ**။

တထာ ဖောဋ္ဌဗ္ဗဒါနံ မဇ္ဇဝိဋ္ဌာဒိဝသေန၊ အတ္ထရဏပါဝရဏာဒိဝသေန စ ဝေဒိတဗ္ဗံ။ ယဒါ ဟိ မဇ္ဇဝိဋ္ဌာဘိသိဗိဗ္ဗောဟနာဒိကံ၊ နိဝါသနပါရူပနာဒိကံ ဝါ သုခသမ္ပဿံ ရဇနီယံ အနဝဇ္ဇံ ဖောဋ္ဌဗ္ဗဝတ္ထု၊ လဘိတွာ ဖောဋ္ဌဗ္ဗဝသေန အာဘုဇိတွာ “ဖောဋ္ဌဗ္ဗဒါနံ ဒဿာမိ၊ ဖောဋ္ဌဗ္ဗဒါနံ မယျ”န္တိ ဒက္ခိဏေယျာနံ ဒေတိ။ ယထာဝုတ္တံ ဖောဋ္ဌဗ္ဗဝတ္ထု၊ လဘိတွာ ပရိစ္စဇတိ၊ တေ **ဖောဋ္ဌဗ္ဗဒါနံ**။

ဓမ္မဒါနံ ပန ဓမ္မာရမ္မဏဿ အဓိပ္ပေတတ္တာ ဩဇာပါနဇိဝိတဝသေန ဝေဒိတဗ္ဗံ။ ဩဇာဒိသု ဟိ အညတရံ ရဇနီယံ ဓမ္မဝတ္ထု၊ လဘိတွာ ဓမ္မာရမ္မဏ-ဝသေန အာဘုဇိတွာ “ဓမ္မဒါနံ ဒဿာမိ၊ ဓမ္မဒါနံ မယျ”န္တိ သပ္ပိနဝနီတာဒိ-**ဩဇာဒါနံ** ဒေတိ၊ အဗ္ဗပါနာဒိအဋ္ဌဝိဓံ **ပါနဒါနံ** ဒေတိ၊ **ဇိဝိတဒါနံ** အာဘုဇိတွာ သလကဘတ္တပက္ခိကဘတ္တာဒိနိ ဒေတိ။ အဖာသုကဘာဝေန အဘိ-ဘူတာနံ ဗျာဓိကာနံ ဝေဇ္ဇံ ပဌပေတိ၊ ဇာလံ ဖာလာပေတိ၊ ကုမိနံ ဝိဒ္ဓိ-သာပေတိ၊ သကုဏပဉ္စရံ ဝိဒ္ဓိသာပေတိ၊ ဗန္ဓနေန ဗဒ္ဓါနံ သတ္တာနံ ဗန္ဓနမောက္ခံ ကာရေတိ၊ မာဃာတဘေရိံ စရာပေတိ၊ အညာနိပိ သတ္တာနံ ဇိဝိတပရိတ္တာ-ဏတ္ထံ ဝေရူပါနိ ကမ္မာနိ ကရေတိ၊ ကာရာပေတိ စ၊ ဣဒံ **ဓမ္မဒါနံ** နာမ။

သဗ္ဗမ္ပေတံ ယထာဝုတ္တဒါနသမ္ပဒံ သကလလောကဟိတသုခါယ ပရိဏာမေတိ အတ္တနော စ အကုပ္ပါယ ဝိမုတ္တိယာ အပရိက္ခယဿ ဆန္တဿ အပရိက္ခယဿ ဝီရိယဿ အပရိက္ခယဿ သမာဓိဿ အပရိက္ခယဿ ပဋိဘာနဿ အပရိက္ခယဿ ဈာနဿ အပရိက္ခယာယ သမ္မာသမ္ဗောဓိယာ ပရိဏာမေတိ၊ ဣမဉ္ဇဒါနပါရမိံ ပဋိပဇ္ဇန္တေန မဟာသတ္တေန ဇီဝိတေ အနိစ္စသညာ ပစ္စုပ္ပန်ပေတဗ္ဗာ။ တထာ ဘောဂေသု၊ ဗဟုသာဓာရဏတာ စ နေသံ မနသိ ကာတဗ္ဗာ၊ သတ္တေသု စ မဟာကရုဏာ သတတံ သမိတံ ပစ္စုပ္ပန်ပေတဗ္ဗာ။ ဧဝံ ဘောဂေဟိ ဂဟေတဗ္ဗသာရံ ဂဏှန္တော အာဒိတ္တတော ဝိယ အဂါရတော သဗ္ဗံ သာပတေယျံ၊ အတ္တာနဉ္စ ဗဟိ နိဟရန္တော န ကိဉ္စိ သေသေတိ၊ န ကတ္တမိ ဝိဘာဂံ ကရေတိ၊ အညဒတ္တ၊ နိရပေက္ခော နိဿဇ္ဇတိ ဧဝံ။ အယံ တာဝဒါနပါရမိယာ ပဋိပတ္တိက္ကမော။

သီလပါရမိယာ ပန အယံ ပဋိပတ္တိက္ကမော—ယသ္မာ သဗ္ဗညုသီလာလင်္ကာရေဟိ သတ္တေ အလင်္ကာရိတုကာမေန မဟာပုရိသေန အာဒိတော အတ္တနော ဧဝတာဝ သီလံ ဝိသောဓေတဗ္ဗံ။ တတ္ထ စတူဟာကာရေဟိ သီလံ ဝိသုဇ္ဈတိ အဇ္ဈာသယဝိသုဒ္ဓိတော၊ သမာဒါနတော၊ အဝီတိက္ကမနတော၊ သတိ ဝိတိက္ကမေ ပုန ပါကဋီကရဏတော စ။ ဝိသုဒ္ဓါသယတာယ ဟိ ဧကစ္စော အတ္တာမိပတိ ဟုတွာ ပါပဇိဂုစ္ဆနသဘာဝေါ အဇ္ဈတ္တံ ဟိရိဓမ္မံ ပစ္စုပ္ပန်ပေတွာ သုပရိသုဒ္ဓသမာစာရေ ဟောတိ၊ တထာ ပရတော သမာဒါနေ သတိ ဧကစ္စော လောကာမိပတိ ဟုတွာ ပါပတော ဥတ္တသန္တော ဩတ္တပ္ပဓမ္မံ ပစ္စုပ္ပန်ပေတွာ သုပရိသုဒ္ဓသမာစာရေ ဟောတိ၊ ဣတိ ဥဘယထာပိ ဧတေ အဝီတိက္ကမနတော သီလေ ပတိဋ္ဌဟန္တိ။ အထ စ ပန ကဒါစိ သတိသမ္ဗောသေန သီလဿ ခဏှာဒိဘာဝေါ သိယာ၊ တာယယေဝ ယထာဝုတ္တာယ ဟိရေတ္တပ္ပသမ္ပတ္တိယာ ခိပ္ပမေဝ နံ ဝုဋ္ဌာနာဒိနာ ပဋိပါကတိကံ ကရေန္တိတိ။

တယိဒံ သီလံ ဝါရိတ္တံ စာရိတ္တန္တိ ဒုဝိဓံ။ တတ္ထာယံ ဗောဓိသတ္တဿ ဝါရိတ္တသီလေ ပဋိပတ္တိက္ကမော—တေန သဗ္ဗသတ္တေသု တထာ ဒယာပန္နစိတ္တေန ဘဝိတဗ္ဗံ၊ ယထာ သုပိနန္တေနပိ န အာဃာတော ဥပ္ပဇ္ဇေယျ၊ ပရူပကရဏဝိရတတာယ ပရသန္တကော အလဂဒ္ဓေါ ဝိယ န ပရာမသိတဗ္ဗော။ သစေ ပဗ္ဗဇိတော ဟောတိ၊ အမြဟ္မစရိယတောပိ အာရာစာရီ ဟောတိ သတ္တဝိဓမေထုနသံယောဂဝိရတော၊ ပဂေဝ ပရဒါရဂမနတော။ ဂဟဋ္ဌော သမာနော ပရေသံ ဒါရေသု သဒါ ပါပကံ စိတ္တမ္ပိ န ဥပ္ပါဒေတိ။ ကထေန္တော သစ္စံ ဟိတံ ဝိယံ ပရိမိတမေဝ စ ကာလေန ဓမ္မိံ ကထံ ဘာသိတာ ဟောတိ။ သဗ္ဗတ္ထ

အနတ္တိဇ္ဈာလု၊ အဗျာပန္နစိတ္တော၊ အဝိပရိတဒဿနော ကမ္မဿကတာဉာဏေန စ သမန္တာဂတော။ သမဂ္ဂတေသု သမ္မာပဋိပန္နေသု နိဝိဋ္ဌသဒ္ဓေါ ဟောတိ နိဝိဋ္ဌပေမောတိ။

ဣတိ စတုရာပါယဝဋ်ဒုက္ခာနံ ပထဘူတေဟိ အကုသလကမ္မပထေဟိ၊ အကုသလဓမ္မေဟိ စ ဩရမိတ္တာ သဂ္ဂမောက္ခာနံ ပထဘူတေသု ကုသလကမ္မပထေသု၊ ကုသလဓမ္မေသု စ ပတိဋ္ဌိတဿ မဟာပုရိသဿ ပရိသုဒ္ဓါသယပယောဂတော ယထာဘိပတ္တိတာ သတ္တာနံ ဟိတသုခုပသဉ္စိတာ မနောရထာ သီဃံ သီဃံ အဘိနိပ္ပဇ္ဇန္တိ၊ ပါရမိယော ပရိပူရေန္တိ။ ဧဝံဘူတော ဟိ အယံ။ တတ္ထ ဟိံသာနိဝတ္တိယာ သဗ္ဗသတ္တာနံ အဘယဒါနံ ဒေတိ၊ အပ္ပကသီရေနော မေတ္တာဘာဝနံ သမ္မာဒေတိ၊ ကောဒသ မေတ္တာနိသံသေ အဓိဂစ္ဆတိ၊ အပ္ပါဗာဓော ဟောတိ အပ္ပါတဏှော၊ ဒီဃာယုကော သုခဗဟုလော၊ လက္ခဏဝိသေသေ ပါပုဏှာတိ၊ ဒေါသဝါသနဉ္စ သမုစ္ဆိန္တတိ။ တထာ အဒိန္နာဒါနနိဝတ္တိယာ စောရာဒီဟိ အသာဓာရဏေ ဘောဂေ အဓိဂစ္ဆတိ၊ ပရေဟိ အနာသင်္ကနိယော၊ ပိယော၊ မနာပေါ၊ ဝိဿာသနိယော၊ ဘဝသမ္ပတ္တိသု အလဂ္ဂစိတ္တော ပရိစ္စာဂသီလော၊ လောဘဝါသနဉ္စ သမုစ္ဆိန္တတိ။ အဗြဟ္မစရိယနိဝတ္တိယာ အလောဘော ဟောတိ သန္တကာယစိတ္တော၊ သတ္တာနံ ပိယော ဟောတိ မနာပေါ အပရိသင်္ကနိယော၊ ကလျာဏော စဿ ကိတ္တိသဒ္ဓေါ အဗ္ဘုဂ္ဂစ္ဆတိ၊ အလဂ္ဂစိတ္တော ဟောတိ မာတုဂါမေသု အလုဒ္ဓါသယော၊ နေက္ခမ္မဗဟုလော၊ လက္ခဏဝိသေသေ အဓိဂစ္ဆတိ၊ လောဘဝါသနဉ္စ သမုစ္ဆိန္တတိ။

မုသာဝါဒနိဝတ္တိယာ သတ္တာနံ ပမာဏဘူတော ဟောတိ ပစ္စယိကော ထေတော အာဒေယျဝစနော ဒေဝတာနံ ပိယော မနာပေါ သုရဘိဂန္ဓမုခေါ အသဒ္ဓမ္မာရက္ခိတကာယဝစီသမာစာရော၊ လက္ခဏဝိသေသေ အဓိဂစ္ဆတိ၊ ကိလေသဝါသနဉ္စ သမုစ္ဆိန္တတိ။ ပေသုညနိဝတ္တိယာ ပရူပက္ကမေဟိ အဘေဇ္ဇကာယော ဟောတိ အဘေဇ္ဇပရိဝါရော၊ သဒ္ဓမ္မေ စ အဘေဇ္ဇနကသဒ္ဓေါ၊ ဒဠမိတ္တော ဘဝန္တရပရိစိတာနမ္ပိ သတ္တာနံ ဧကန္တပိယော၊ အသံကိလေသဗဟုလော။ ဖရုသဝါစာနိဝတ္တိယာ သတ္တာနံ ပိယော ဟောတိ မနာပေါ သုခသီလော မဓုရဝစနော သမ္ဘာဝနိယော၊ အဠာရသမန္တာဂတော စဿ သရောနိဗ္ဗတ္တတိ။ သမ္ဗုပ္ပလာပနိဝတ္တိယာ သတ္တာနံ ပိယော ဟောတိ မနာပေါ၊ ဂရုဘာဝနိယော စ၊ အာဒေယျဝစနော ပရိမိတာလာပေါ၊ မဟေသက္ခော စ

ဟောတိ မဟာနုဘာဝေါ၊ ဌာနုပ္ပတ္တိကေန ပဋိဘာနေန ပဉ္စာဗျာကရဏ-  
ကုသလော၊ ဗုဒ္ဓဘူမိယဉ္စ ကောယ ဝေ ဝါစာယ အနေကဘာသာနံ သတ္တာနံ  
အနေမကသံ ပဉ္စာနံ ဗျာကရဏသမတ္ထော ဟောတိ။

အနဘိဇ္ဈာလုတာယ အင်္ဂိစ္ဆလာဘီ ဟောတိ၊ ဥဋ္ဌာရေသု စ ဘောဂေသု  
ရုစိံ ပဋိလဘတိ၊ ခတ္တိယမဟာသာလာဒီနံ သမ္ပတော ဟောတိ၊ ပစ္စတ္တိကေဟိ  
အနဘိဘဝနိယော၊ ဣန္ဒြိယဝေကလ္လံ န ပါပုဏာတိ၊ အပ္ပဋိပုဂ္ဂလော စ ဟောတိ။  
အဗျာပါဒေန ပိယဒဿနော ဟောတိ သတ္တာနံ သမ္ဘာဝနိယော၊ ပရဟိ-  
တာဘိနန္ဒိတာယ စ သတ္ထေ အပ္ပကသိရေနော ပဿာဒေတိ၊ အလူခသဘာ-  
ဝေါ စ ဟောတိ မေတ္တာဝိဟာရီ၊ မဟေသက္ခော စ ဟောတိ မဟာနုဘာဝေါ။  
မိစ္ဆာဒဿနာဘာဝေန ကလျာဏေ သဟာယေ ပဋိလဘတိ၊ သီသစ္ဆေဒံ  
ပါပုဏန္တောပိ ပါပကမ္မံ န ကရေတိ၊ ကမ္မဿကတာဒဿနတော အကော-  
တူဟလမင်္ဂလိကော စ ဟောတိ၊ သဒ္ဓမ္မေ စဿ သဒ္ဓါ ပတိဋ္ဌိတာ ဟောတိ  
မူလဇာတာ၊ သဒ္ဓဟတိ စ တထာဂတာနံ ဗောဓိံ၊ သမယန္တရေသု နာဘိရမတိ  
ဥက္ကာရဋ္ဌာနေ ရာဇဟံသောဝိယ၊ လက္ခဏတ္တယဝိဇာနနေ ကုသလော ဟောတိ၊  
အန္တေ စ အနာဝရဏဉာဏလာဘီ၊ ယာဝ စ ဗောဓိံ န ပါပုဏာတိ၊ တာဝ  
တသ္မိံ တသ္မိံ သတ္တနိကာယေ ဥက္ကဋ္ဌုက္ကဋ္ဌော ဟောတိ၊ ဥဋ္ဌာရဋ္ဌာရသမ္ပတ္တိယော  
ပါပုဏာတိ။

“ဣတိ ဟိဒံ သီလံ နာမ သဗ္ဗသမ္ပတ္တိနံ အဓိဋ္ဌာနံ၊ သဗ္ဗဗုဒ္ဓဂုဏာနံ  
ပဘဝဘူမိ၊ သဗ္ဗဗုဒ္ဓကာရကဓမ္မာနံ အာဒိ စရဏံ ကာရဏံ မုခံ ပမုခ”န္တိ  
ဗဟုမာနံ ဥပ္ပါဒေတွာ ကာယဝစီသံယမေ၊ ဣန္ဒြိယဒမနေ၊ အာဇီဝပါရိသုဒ္ဓိယံ၊  
ပစ္စယပရိဘောဂေ စ သတိသမ္ပဇညဗလေန အပ္ပမတ္တော ဟောတိ၊ လာဘ-  
သက္ကာရသိလောကံ ဥက္ခိတ္တာသိကပစ္စတ္တိကံ ဝိယ သလ္လက္ခေတွာ “ကိကိဝ  
အဏ္ဍ”န္တိ အာဒိနာ ဝ ပုတ္တနယေန သက္ကစ္စံ သီလံ သမ္ပာဒေတဗ္ဗံ။ အယံ တာဝ  
ဝါရိတ္တသီလေ ပဋိပတ္တိက္ကမော။

ဝါရိတ္တသီလေ ပန ပဋိပတ္တိ ဧဝံ ဝေဒိတဗ္ဗာ—ဣဓ ဗောဓိသတ္တော  
ကလျာဏမိတ္တာနံ ဂရုဋ္ဌာနိယာနံ အဘိဝါဒနံ ပစ္စုဋ္ဌာနံ အဉ္စလိကမ္မံ  
သာမီစိကမ္မံ ကာလေန ကာလံ ကတ္တာ ဟောတိ၊ တထာ တေသံ ကာလေန  
ကာလံ ဥပဋ္ဌာနံ ကတ္တာ ဟောတိ၊ ဂိလာနာနံ ကာယဝေယျာဝဋ်ကံ၊  
ဝါစာယ ပုစ္ဆနဉ္စ ကတ္တာ ဟောတိ၊ သုဘာသိတပဒါနိ သုတွာ သာဓုကာရံ

ကတ္တာ ဟောတိ၊ ဂုဏဝန္တာနံ ဂုဏေ ဝဏ္ဏေတာ၊ ပရေသံ အပကာရေ ခန္တာ၊ ဥပကာရေ အနုဿရိတာ၊ ပုညာနိ အနုမောဒိတာ၊ အတ္တနော ပုညာနိ သမ္မာ-  
သမ္ဗောဓိယာ ပရိဏာမေတာ၊ သဗ္ဗကာလံ အပ္ပမာဒဝိဟာရီ ကုသလေသု  
ဓမ္မေသု၊ သတိ စ အစွယေ အစွယတော ဒိသွာ တာဒိသာနံ သဟဓမ္မိကာနံ  
ယထာဘူတံ အာဝိ ကတ္တာ၊ ဥတ္တရိဉ္စ သမ္မာပဋိပတ္တိံ သမ္မဒေဝ ပရိပူရေတာ။

တထာ အတ္တနော အနုရူပါသု အတ္ထုပသံဟိတာသု သတ္တာနံ ဣတိ-  
ကတ္တဗ္ဗတာပုရေက္ခာရော အနုလသော သဟာယဘာဝံ ဥပဂစ္ဆတိ။ ဥပ္ပန္နေသု  
စ သတ္တာနံ ဗျာဓိအာဒိဒုက္ခေသု ယထာရဟံ ပတိကာရဝိဓာယကော၊ ဤတိ-  
ဘောဂါဒိဗျသနပတိတေသု သောကပနောဒနော၊ ဥလ္လုမ္ဗနသဘာဝါဝဋ္ဌိတော  
ဟုတွာ နိဂ္ဂဟာရဟာနံ ဓမ္မေနဝ နိဂ္ဂဏှနကော ယာဝဒေဝ အကုသလာ  
ဝုဋ္ဌာပေတွာ ကုသလေ ပတိဋ္ဌာပနာယ၊ ပဂ္ဂဟာရဟာနံ ဓမ္မေနဝ ပဂ္ဂဏှနကော။  
ယာနိ ပုရိမကာနံ မဟာဗောဓိသတ္တာနံ ဥဋ္ဌာရတမာနိ ပရမဒုက္ကရာနိ အစိန္တေ-  
ယျာနုဘာဝါနိ သတ္တာနံ ဧကန္တဟိတသုခါဝဟာနိ စရိတာနိ၊ ယေဟိ နေသံ  
ဗောဓိသမ္ဘာရာ သမ္မဒေဝ ပရိပါကံ အဂမိံသု၊ တာနိ သုတွာ အနုဗ္ဗိဂ္ဂေါ အနု-  
တြာသော “တေပိ မဟာပုရိသာ မနုဿာ ဧဝ၊ အနုက္ကမေန ပန သိက္ခာပါရိ-  
ပူရိယာ ဘာဝိတတ္တာ တာဒိသာယ ဥဋ္ဌာရတမာယ အာနုဘာဝသမ္ပတ္တိယာ  
ဗောဓိသမ္ဘာရေသု ဥက္ကံသပါရမိပ္ပတ္တာ အဟေသုံ၊ တသ္မာ မယာပိ သီလာဒိ-  
သိက္ခာသု သမ္မဒေဝ တထာ ပဋိပဇ္ဇိတဗ္ဗံ၊ ယာယ ပဋိပတ္တိယာ အဟမ္မိ အနုက္ကမေန  
သိက္ခံ ပရိပူရေတွာ ဧကန္တတော ပဒံ အနုပါပုဏိဿာမိ”တိ သဒ္ဓါပုရေစာရိကံ  
ဝီရိယံ အဝိဿဇ္ဇန္တော သမ္မဒေဝ သီလေသု ပရိပူရကာရီ ဟောတိ။

တထာ ပဋိစ္ဆန္တကလျာဏော ဟောတိ ဝိဝဋ္ဌာပရာဓော၊ အပ္ပိစ္ဆော  
သန္တုဋ္ဌော ပဝိဝိတ္တော အသံသဋ္ဌော ဒုက္ခသဟော အဝိပရိတဒဿနဇာတိ-  
ကော အနုဒ္ဓတော အနုန္တဋ္ဌော အစပလော အမုခရော အဝိကိဏ္ဍဝါစော  
သံဝုတိန္ဒြိယော သန္တမာနသော ကုဟနာဒိမိစ္ဆာဇီဝဝိရဟိတော အာစာရ-  
ဂေါစရသမ္ပန္နော၊ အဏုမတ္တေသု ဝဇ္ဇေသု ဘယဒဿာဝိ သမာဒါယ သိက္ခတိ  
သိက္ခာပဒေသု၊ အာရဒ္ဓဝီရိယော ပဟိတတ္တော ကာယေ စ ဇီဝိတေ စ  
နိရပေက္ခော၊ အပ္ပမတ္တကမ္မိ ကာယေ၊ ဇီဝိတေ ဝါ အပေက္ခံ နာမိဝါသေတိ  
ပဇာဟတိ ဝိနောဒေတိ၊ ပဂေဝ အဓိမတ္တံ။ သဗ္ဗေပိ ဒုဿီလျဟေတုဘူတေ ကောဓု-  
ပနာဟာဒိကေ ကိလေသုပတ္တိလေသေ ပဇာဟတိ ဝိနောဒေတိ၊ အပ္ပမတ္တကေန  
ဝိသေသာမိဂမေန အပရိတုဋ္ဌော ဟောတိ၊ န သင်္ကောစံ အာပဇ္ဇတိ၊ ဥပရူပရိ-  
ဝိသေသာမိဂမာယ ဝါယမတိ။

ယေန ယထာလဒ္ဓါ သမ္ပတ္တိ ဟာနဘာဂိယာ ဝါ ဌိတိဘာဂိယာ ဝါ န ဟောတိ၊ တထာ မဟာပုရိသော အန္ဓာနံ ပရိဏာယကော ဟောတိ၊ မဂ္ဂံ အာစိက္ခတိ၊ ဗမိရာနံ ဟတ္ထမုဒ္ဒါယ သညံ ဒေတိ၊ အတ္ထမနုဂ္ဂါဟေတိ၊ တထာ မူဂါနံ။ ဝိဌသပ္ပိကာနံ ဝိဌံ ဒေတိ၊ ဝါဟေတိ ဝါ။ အဿဒ္ဓါနံ သဒ္ဓါ-ပဋိလာဘာယ ဝါယမတိ၊ ကုသိတာနံ ဥဿာဟဇနနာယ၊ မုဋ္ဌဿတိနံ သတိ-သမာယောဂါယ။ ဝိဗ္ဗန္တတ္တာနံ သမာဓိသမ္ပဒါယ၊ ဒုပ္ပညာနံ ပညာဓိဂမာယ ဝါယမတိ။ ကာမစ္ဆန္ဒပရိယုဋ္ဌိတာနံ ကာမစ္ဆန္ဒပဋိဝိနောဒနာယ ဝါယမတိ။ ဗျာပါဒ၊ ထိနမိဒ္ဓ၊ ဥဒ္ဓစ္စကုက္ကုစ္စ၊ ဝိစိကိစ္ဆာပရိယုဋ္ဌိတာနံ ဝိစိကိစ္ဆာဝိနောဒနာယ ဝါယမတိ။ ကာမဝိတက္ကာဒိပကတာနံ ကာမဝိတက္ကာဒိမိစ္ဆာဝိတက္ကာဝိနောဒနာယ ဝါယမတိ။ ပုဗ္ဗကာရီနံ သတ္တာနံ ကတညုတံ နိဿာယ ပုဗ္ဗဘာသီ ဝိယဝါဒီ သင်္ဂါဟကော သဒိသေန၊ အဓိကေန ဝါ ပစ္စုပကာရေ သမ္မာနေတာ ဟောတိ။

အာပဒါသု သဟာယကိစ္စံ အနုတိဋ္ဌတိ၊ တေသံ တေသဉ္စ သတ္တာနံ ပကတိံ၊ သဘာဝဉ္စ ပရိဇာနိတော ယေဟိ ယထာ သံဝသိတဗ္ဗံ ဟောတိ၊ တေဟိ တထာ သံဝသတိ။ ယေသု စ ယထာ ပဋိပဇ္ဇိတဗ္ဗံ ဟောတိ၊ တေသု တထာ ပဋိပဇ္ဇတိ။ တဉ္စ ခေါ အကုသလတော ဝုဋ္ဌာပေတွာ ကုသလေ ပတိဋ္ဌာပနဝသေန၊ န အညုထာ။ ပရစိတ္တာနုရက္ခဏာ ဟိ ဗောဓိသတ္တာနံ ယာဝဒေဝ ကုသလာဘိ-ဝနိယာ။ တထာ ဟိတဇ္ဈာသယေနာပိ ပရော န သာဟသိတဗ္ဗော၊ န ဘဏ္ဍိ-တဗ္ဗော၊ န မင်္ဂုဘာဝမာပါဒေတဗ္ဗော၊ န ပရဿ ကုက္ကုစ္စံ ဥပ္ပါဒေတဗ္ဗံ၊ န နိဂ္ဂဟဋ္ဌာနေ စောဒေတဗ္ဗော၊ န နိစတရံ ပဋိပန္နဿ အတ္တာ ဥစ္စတရေ ဌပေတဗ္ဗော၊ န စ ပရေသု သဗ္ဗေန သဗ္ဗံ အသေဝိနာ ဘဝိတဗ္ဗံ၊ န အတိသေ-ဝိနာ၊ န အကာလသေဝိနာ ဘဝိတဗ္ဗံ။

ယုတ္တေ ပန သတ္တေ ဒေသကာလာနုရူပံ သေဝတိ၊ န စ ပရေသံ ပုရတော ပိယေပိ ဂရဟတိ၊ အပ္ပိယေ ဝါ ပသံသတိ၊ န အဓိဋ္ဌာယ ဝိဿာသီ ဟောတိ၊ န ဓမ္မိကံ ဥပနိမန္တနံ ပဋိက္ခိပတိ၊ န ပညတ္တိံ ဥပဂစ္ဆတိ၊ နာဓိကံ ပဋိဂ္ဂဏှာတိ၊ သဒ္ဓါသမ္ပန္နေ သဒ္ဓါနိသံသကထာယ သမ္ပဟံသေတိ၊ သီလသုတစာဂပညာ-သမ္ပန္နေ ပညာနိသံသကထာယ သမ္ပဟံသေတိ။ သစေ ပန ဗောဓိသတ္တော အဘိညာဗလပ္ပတ္တော ဟောတိ၊ ပမာဒါပန္နေ သတ္တေ အဘိညာဗလေန ယထာရဟံ နိရယာဒိကေ ဒဿေန္တော သံဝေဇေတွာ အဿဒ္ဓါဒိကေ သဒ္ဓါဒိသု ပတိဋ္ဌာပေတိ၊ သာသနေ ဩတာရေတိ၊ သဒ္ဓါဒိဂုဏသမ္ပန္နေ ပရိပါစေတိ။ ဧဝမဿ မဟာပုရိသဿ စာရိတ္တဘူတော အပရိမာဏော ပုညာဘိသန္ဓော ကုသလာဘိသန္ဓော ဥပရူပရိ အဘိဝေဒတိတိ ဝေဒိတဗ္ဗံ။

အဝိစ ယာ သာ “ကိံ သီလံ၊ ကေနဋ္ဌေန သီလ”န္တိအာဒိနာ ပုစ္ဆံ ကတွာ “ပါဏာတိပါတာဒီဟိ ဝိရမန္တဿ၊ ဝတ္ထပဋိပတ္တိံ ဝါ ပူရေန္တဿ စေတနာဒယော ဓမ္မာ သီလ”န္တိအာဒိနာ နယေန နာနပ္ပကာရတော သီလဿ ဝိတ္တာရကထာ ဝိသုဒ္ဓိမဂ္ဂေ<sup>၁</sup> ဝုတ္တာ၊ သာ သဗ္ဗာပိ ဣမ အာဟရိတွာ ဝတ္ထဗ္ဗာ။ ကေဝလဉ္စိ တတ္ထ သာဝကဗောဓိသတ္တဝသေန သီလကထာ အာဂတာ၊ ဣမ မဟာဗောဓိသတ္တဝသေန ကရုဏူပါယကောသလ္လပုဗ္ဗင်္ဂမံ ကတွာ ဝတ္ထဗ္ဗာတိ အယမေဝ ဝိသေသော။ ယတော ဣဒံ သီလံ မဟာပုရိသော ယထာ န အတ္တနော ဒုဂ္ဂတိယံ ပရိကိလေသဝိမုတ္တိယာ၊ သုဂတိယမ္ပိ န ရဇ္ဇသမ္ပတ္တိယာ၊ န စက္ကဝတ္တိ၊ န ဒေဝ၊ န သက္က၊ န မာရ၊ န ဗြဟ္မသမ္ပတ္တိယာ ပရိဏာမေတိ၊ တထာ န အတ္တနော တေဝိဇ္ဇတာယ၊ န ဆဋ္ဌဘိညတာယ၊ န စတုပဋိသမ္ဘိဒါဓိဂမာယ၊ န သာဝကဗောဓိယာ၊ န ပစ္စေကဗောဓိယာ ပရိဏာမေတိ၊ အထ ခေါသဗ္ဗညုဘာဝေန သဗ္ဗသတ္တာနံ အနုတ္တရသီလာလင်္ကာရသမ္ပာဒနတ္ထမေဝ ပရိဏာမေတိတိ အယံ သီလပါရမိယာ ပဋိပတ္တိက္ကမော။

တထာ ယသ္မာ ကရုဏူပါယကောသလ္လပရိဂ္ဂဟိတာ အာဒိနဝဒဿနပုဗ္ဗင်္ဂမာ ကာမေဟိ စ ဘဝေဟိ စ နိက္ခမနဝသေန ပဝတ္တာ ကုသလဝိတ္တုပ္ပတ္တိနေက္ခမ္ပပါရမီ၊ တသ္မာ သကလသံကိလေသနိဝါသနဋ္ဌာနတာယ၊ ပုတ္တဒါရာဒီဟိ မဟာသမ္ပာဓတာယ၊ ကသိဝါဏိဇ္ဇာဒိနာနာဝိဓကမ္ပန္တာဓိဋ္ဌာနဗျာကုလတာယ စ သရာဝါသဿ နေက္ခမ္ပသုခါဒီနံ အနောကာသတံ၊ ကာမာနဉ္စ “သတ္ထဓာရာလဂ္ဂမဓုမိန္ဒု၊ ဝိယ စ ကဒလီ ဝိယ စ အဝလေယုမာနပရိတ္တဿာဒဝိပုလနတ္ထာနုဗန္ဓာ”တိ စ ဝိဇ္ဇုလတောဘာသေန ဂဟေတဗ္ဗံ နစ္စံ ဝိယ ပရိတ္တကာလူပလမ္ဘာ၊ ဥမ္ပတ္တကာလင်္ကာရော ဝိယ ဝိပရိတသညာယ အနုဘဝိတဗ္ဗာ၊ ကရိသာဝစ္ဆာဒနမုခံ ဝိယ ပဋိကာရဘူတာ၊ ဥဒကေ တေမိတင်္ဂလိယာ နိသာရဒကပါနံ ဝိယ အတိတ္ထိကရာ၊ ဆာတဇ္ဈတ္တဘောဇနံ ဝိယ သာဗာဓာ၊ ဗလိသာမိသံ ဝိယ ဗျသနုပနိပါတကာရဏာ<sup>၂</sup>၊ အဂ္ဂိသန္တာပေါ ဝိယ ကာလတ္တယေဝိ ဒုက္ခုပ္ပတ္တိဟေတုဘူတာ၊ မက္ကဋ္ဌာလေပေါ ဝိယ ဗန္ဓနနိမိတ္တာ၊ သာတကာဝစ္ဆာဒနကိမာလယော ဝိယ အနတ္တစ္ဆာဒနာ၊ သပတ္တဂါမဝါသော ဝိယ ဘယဋ္ဌာနဘူတာ၊ ပစ္စတ္တိကပေါသကော ဝိယ ကိလေသမာရာဒီနံ အာမိသဘူတာ၊ ဆဏသမ္ပတ္တိယော ဝိယ ဝိပရိဏာမဒုက္ခာ၊ ကောဋရဂ္ဂိ ဝိယ အန္တောဒါဟကာ၊ ပုရာဏကူပါဝလမ္ပဗိရဏမဓုပိဏ္ဍံ ဝိယ အနေကာဒိနဝါ၊ လောဏုဒကပါနံ ဝိယ ဝိပါသာဟေတုဘူတာ၊ သုရာမေရယံ ဝိယ

နိစဇနသေဝိတာ၊ အပ္ပဿာဒတာယ အဋ္ဌိကင်္ဂလူပမာ”တိအာဒိနာ စ နယေန အာဒိနဝံ သလ္လက္ခေတွာ တဗ္ဗိပရိယာယေန နေက္ခမ္မေ အာနိသံသံ ပဿန္တေန နေက္ခမ္ပပဝိဝေကဥပသမသုခါဒိသု နိန္ဒပေါဏပဟ္တာရစိတ္တေန နေက္ခမ္ပပါရမိယံ ပဋိပဇ္ဇိတဗ္ဗံ။

ယသ္မာ ပန နေက္ခမ္ပံ ပဗ္ဗဇ္ဇာမူလကံ၊ တသ္မာ ပဗ္ဗဇ္ဇာ တာဝ အနုဋ္ဌာတဗ္ဗာ။ ပဗ္ဗဇ္ဇမနုတိဋ္ဌန္တေန မဟာသတ္တေန အသတိ ဗုဒ္ဓုပ္ပါဒေ ကမ္မဝါဒိနံ ကိရိယဝါဒိနံ တာပသပရိဗ္ဗာဇကာနံ ပဗ္ဗဇ္ဇာ အနုဋ္ဌာတဗ္ဗာ။ ဥပ္ပန္နေသု ပန သမ္မာသမ္ဗုဒ္ဓေသု တေသံ သာသနေ ဧဝ ပဗ္ဗဇိတဗ္ဗံ။ ပဗ္ဗဇိတွာ စ ယထာဝုတ္တေ သီလေ ပတိဋ္ဌိတေန တဿာ ဧဝ သီလပါရမိယာ ဝေါဒါပနတ္ထံ ဓုတဂုဏာ သမာဒါတဗ္ဗာ။ သမာဒိန္နဓုတဓမ္မော ဟိ မဟာပုရိသာ သမ္ပဒေဝ တေ ပရိဟရန္တာ အပ္ပိစ္ဆာသန္တုဋ္ဌသလ္လေခပဝိဝေကအသံသဂ္ဂဝိရိယာရမ္ဘသုဘရတာဒိဂုဏသလိလ-ဝိက္ခာလိတင်္ဂလေသမလတာယ အနဝဇ္ဇသီလဝတဂုဏပရိသုဒ္ဓသမာစာရာ ပေါရာဏေ အရိယဝံသတ္တယေ ပတိဋ္ဌိတာ စတုတ္ထံ ဘာဝနာရာမတာသင်္ခါတံ အရိယဝံသံ ဂန္တု စတ္တာရိသာယ အာရမ္မဏေသု ယထာရဟံ ဥပစာရပ္ပနာဘေဒံ ဈာနံ ဥပသမ္ပဇ္ဇေ ဝိဟရန္တိ။ ဧဝံဉိဿ သမ္ပဒေဝ နေက္ခမ္ပပါရမိ ပါရိပူရိတာ ဟောတိ။ ဣမသ္မိံ ပန ဌာနေ တေရသဟိ ဓုတဓမ္မေဟိ သဒ္ဓိံ ဒသ ကသိဏာနိ ဒသာသုဘာနိ ဒသာနုဿတိယော စတ္တာရော မြဟ္မဝိဟာရာ စတ္တာရော အာရုပ္ပါ ဧကာ သညာ ဧကံ ဝဝတ္ထာနန္တိ စတ္တာရိသ သမာဓိ-ဘာဝနာကမ္မဋ္ဌာနာနိ၊ ဘာဝနာဝိဇာနဉ္စ ဝိတ္တာရတော ဝတ္တဗ္ဗာနိ၊ တံ ပနေတံ သဗ္ဗံ ယသ္မာ ဝိသုဒ္ဓိမဂ္ဂေ သဗ္ဗာကာရတော ဝိတ္တာရေတွာ ဝုတ္တံ၊ တသ္မာ တတ္ထ ဝုတ္တနယေနေဝ ဝေဒိတဗ္ဗံ။ ဧကဝလဉ္စိ တတ္ထ သာဝကဗောဓိသတ္တဿ ဝသေန ဝုတ္တံ၊ ဣဓ မဟာဗောဓိသတ္တဿ ဝသေန ကရုဏူပါယကောသလ္လပုဗ္ဗင်္ဂမံ ကတွာ ဝတ္တဗ္ဗန္တိ အယမေဝ ဝိသေသော။ ဧဝမေတ္ထ နေက္ခမ္ပပါရမိယာ ပဋိ-ပတ္တိက္ကမော ဝေဒိတဗ္ဗော။

တထာ ပညာပါရမိံ သမ္မာဒေတုကာမေန ယသ္မာ ပညာ အာလောကော ဝိယ အန္ဓကာရေန မောဟေန သဟ န ဝတ္တတိ၊ တသ္မာ မောဟကာရဏာနိ တာဝ ဗောဓိသတ္တေန ပရိဝဇ္ဇေတဗ္ဗာနိ။ တတ္ထိမာနိ မောဟကာရဏာနိ—အရတိ တန္တိ ဝိဇ္ဇိတာ အာလသိယံ ဂဏသင်္ဂဏိကာရာမတာ နိဒ္ဒါ-သီလတာ အနိစ္ဆယသီလတာ ဉာဏသ္မိံ အကုတုဟလတာ မိစ္ဆာဓိမာနော အပရိပုစ္ဆကတာ ကာယဿ နသမ္မာပရိဟာရော အသမာဟိတစိတ္တတာ

ဒုပ္ပညာနံ ပုဂ္ဂလာနံ သေဝနာ ပညဝန္တာနံ အပယိရူပါသနာ အတ္တပရိဘဝေါ မိစ္ဆာဝိကပ္ပေါ ဝိပရိတာဘိနိဝေသော ကာယဒဠိဗဟုလတာ အသံဝေဂ-  
သီလတာ ပဉ္စ နိဝရဏာနိ၊ သင်္ခေပတော ယေဝါပနဓမ္မေ အာသေဝတော  
အနုပ္ပန္နာ ပညာ နုပ္ပဇ္ဇတိ၊ ဥပ္ပန္နာ ပရိဟာယတိ၊ ဣတိ ဣမာနိ မောဟကာရ-  
ဏာနိ၊ တာနိ ပရိဝဇ္ဇန္တေန ဗာဟုသစ္စေ၊ ဈာနာဒိသု စ ယောဂေါ ကရ-  
ဏီယော။

တတ္ထာယံ ဗာဟုသစ္စဿ ဝိသယဝိဘာဂေါ— ပဉ္စက္ခန္ဓာ ဒွါဒသာယ-  
တနာနိ အဋ္ဌာရသ ဓာတုယော စက္ကာရိ သစ္စာနိ ဗာဝိသတိန္ဒြိယာနိ  
ဒွါဒသပဒိကော ပဋိစ္စသမုပ္ပါဒေါ၊ တထာ သတိပဋ္ဌာနာဒယော ကုသလာဒိ-  
ဓမ္မပ္ပဘေဒါ စ၊ ယာနိ စ လောကေ အနဝဇ္ဇာနိ ဝိဇ္ဇာဋ္ဌာနာနိ၊ ယော စ  
သတ္တာနံ ဟိတသုခဝိဓာနနယော ဗျာကရဏဝိသေသော။ ဣတိ ဧဝံ ပကာရံ  
သကလမေဝ သုတဝိသယံ ဥပါယကောသလ္လပုဗ္ဗင်္ဂမာယ ပညာယ၊ သတိယာ၊  
ဝီရိယေန စ သာဓုကံ ဥဂ္ဂဟဏသဝနဓာရဏပရိစယပရိပုစ္ဆာဟိ ဩဂါဟေတွာ  
တတ္ထ စ ပရေသံ ပတိဋ္ဌာပနေန သုတမယာ ပညာ နိဗ္ဗတ္တေတဗ္ဗာ၊ တထာ  
သတ္တာနံ ဣတိကတ္တဗ္ဗတာသု ဌာနုပ္ပတ္တိကာ ပဋိဘာနဘူတာ၊ အာယာပါယ-  
ဥပါယကောသလ္လဘူတာ စ ပညာ ဟိတေသိတံ နိဿာယ တတ္ထ တတ္ထ ယထာ-  
ရဟံ ပဝတ္တေတဗ္ဗာ၊ တထာ ခန္ဓာဒီနံ သဘာဝဓမ္မာနံ အာကာရပရိတက္ကန-  
မုခေန စေဝ နိဇ္ဈာနံ ခမာပေန္တေန စ စိန္တာမယာ ပညာ နိဗ္ဗတ္တေတဗ္ဗာ။

ခန္ဓာဒီနံယေဝ ပန သလက္ခဏသာမညလက္ခဏပရိဂ္ဂဟဏဝသေန လော-  
ကီယပရိညံ နိဗ္ဗတ္တေန္တေန ပုဗ္ဗဘာဂဘာဝနာပညာ သမ္မာဒေတဗ္ဗာ။ ဧဝံပိ  
“နာမရူပမတ္တမိဒံ၊ ယထာရဟံ ပစ္စယေဟိ ဥပ္ပဇ္ဇတိ စေဝ နိရုဇ္ဈတိ စ၊ န ဧတ္ထ  
ကောစိ ကတ္တာ ဝါ ကာရေတာ ဝါ၊ ဟုတွာ အဘာဝဋ္ဌေန အနိစ္စံ၊ ဥဒယဗ္ဗယ-  
ပဋိဝိဋ္ဌနဋ္ဌေန ဒုက္ခံ၊ အဝသဝတ္တနဋ္ဌေန အနတ္တာ”တိ အဇ္ဈတ္တိကဓမ္မေ၊ ဗာဟိရ-  
ကဓမ္မေ စ နိဗ္ဗိသေသံ ပရိဇာနန္တော တတ္ထ အာသင်္ဂံ ပဇဟန္တော၊ ပရေ စ  
တတ္ထ တံ ပဇဟာပေန္တော ကေဝလံ ကရုဏာဝသေနေဝ ယာဝ န ဗုဒ္ဓဂုဏာ  
ဟတ္ထတလံ အာဂစ္ဆန္တိ၊ တာဝ ယာနတ္တယေ သတ္တေ အဝတာရဏပရိပါစနေဟိ  
ပတိဋ္ဌာပေန္တော၊ ဈာနဝိမောက္ခသမာဓိသမာပတ္တိယော၊ အဘိညာယော စ  
လောကီယဝသီဘာဝံ ပါပေန္တော ပညာယ မတ္ထကံ ပါပုဏာတိ။

တတ္ထ ယာစိမာ ဣဒ္ဓိဝိဉာဏံ ဒိဗ္ဗသောတဓာတုဉာဏံ စေတောပရိယဉာဏံ  
ပုဗ္ဗေနိဝါသာနုဿတိဉာဏံ ဒိဗ္ဗစက္ခုဉာဏံ ယထာကမ္မူပဂဉာဏံ အနာဂတံ-  
သဉာဏန္တိ သပရိဘဏ္ဍာ ပဉ္စလောကီယဘိညာသင်္ခါတာ ဘာဝနာပညာ၊ ယာ

စ ခန္ဓာယတနဓာတုဇုန္တိယသစ္စပဋိစ္စသမုပ္ပါဒါဒိဘေဒေသု စတုဘူမကေသု ဓမ္မေသု ဥဂ္ဂဟပရိပုစ္ဆာဝသေန ဉာဏပရိစယံ ကတွာ သီလဝိသုဒ္ဓိ ဖိတ္တဝိသုဒ္ဓိတိ မူလဘူတာသု ဣမာသု ဒွိသု ဝိသုဒ္ဓိသု ပတိဋ္ဌာယ ဒိဋ္ဌိဝိသုဒ္ဓိ ကင်္ခါဝိတရဏဝိသုဒ္ဓိ မဂ္ဂါမဂ္ဂဉာဏဒဿနဝိသုဒ္ဓိ ပဋိပဒါဉာဏဒဿနဝိသုဒ္ဓိ ဉာဏဒဿနဝိသုဒ္ဓိတိ သရီရဘူတာ ဣမာ ပဉ္စ ဝိသုဒ္ဓိယော သမ္မာဒေန္တေန ဘာဝေတဗ္ဗာ လောကီယ-လောကုတ္တရဘေဒါ ဘာဝနာပညာ၊ တာသံ သမ္မာဒနဝိဓာနံ ယသ္မာ “တတ္ထ ‘ဧကောပိ ဟုတွာ ဗဟုဓာ ဟောတိ’တိအာဒိကံ ဣဒ္ဓိဝိကုဗ္ဗနံ ကာတုကာမေန အာဒိကမ္ပိကေန ယောဂိနာ”တိအာဒိနာ၊ “ခန္ဓာတိ ပဉ္စ ခန္ဓာ ရူပက္ခန္ဓော ဝေဒနာက္ခန္ဓော သညာက္ခန္ဓော သင်္ခါရက္ခန္ဓော ဝိညာဏက္ခန္ဓော”တိအာဒိနာ၊ စ ဝိသယဝိသယိဝိဘာဂေန၊ သဒ္ဓိံ ဝိသုဒ္ဓိမဂ္ဂေ သမ္မာကာရတော ဝိတ္တာရေတွာ ဝုတ္တံ၊ တသ္မာ တတ္ထ ဝုတ္တနယေနေဝ ဝေဒိတဗ္ဗံ။ ကေဝလဉ္စိ တတ္ထ သာဝက-ဗောဓိသတ္တဿ ဝသေန ပညာ အာဂတာ၊ ဣဓ မဟာဗောဓိသတ္တဿ ဝသေန ကရုဏူပါယကောသလ္လပုဗ္ဗင်္ဂမံ ကတွာ ဝတ္တဗ္ဗာ။ ဉာဏဒဿနဝိသုဒ္ဓိံ အပါ-ပေတွာ ပဋိပဒါဉာဏဒဿနဝိသုဒ္ဓိယံယေဝ ဝိပဿနာ ဌပေတဗ္ဗာတိ အယမေဝ ဝိသေသောတိ။ ဧဝမေတ္ထ ပညာပါရမိယာ ပဋိပတ္တိက္ကမော ဝေဒိတဗ္ဗော။

တထာ ယသ္မာ သမ္မာသမ္မောဓိယာ ကတာဘိနိဟာရေန မဟာသတ္တေန ပါရမီပရိပူရဏတ္ထံ သဗ္ဗကာလံ ယုတ္တပ္ပယုတ္တေန ဘဝိတဗ္ဗံ အာဗဒ္ဓပရိကရဏေန၊ တသ္မာ ကာလေန ကာလံ “ကော န ခေါ အဇ္ဇ မယာ ပုညသမ္ဘာရေ၊ ဉာဏ-သမ္ဘာရေ ဝါ ဥပစိတော၊ ကိံ ဝါ မယာ ပရဟိတံ ကတ”န္တိ ဒိဝသေ ဒိဝသေ ပစ္စဝေက္ခန္တေန သတ္တဟိတတ္ထံ ဥဿာဟော ကရဏီယော၊ သဗ္ဗေသမ္ဘိ သတ္တာနံ ဥပကာရာယ အတ္တနော ပရိဂ္ဂဟဘူတံ ဝတ္ထု၊ ကာယံ၊ ဇီဝိတဉ္စ နိရပေက္ခန-စိတ္တေန ဩဿဇ္ဇိတဗ္ဗံ၊ ယံ ကိဉ္စိ ကမ္မံ ကရေတိ ကာယေန၊ ဝါစာယ ဝါ၊ တံ သဗ္ဗံ သမ္မောဓိယံ နိန္နစိတ္တေနေဝ ကာတဗ္ဗံ၊ ဗောဓိယာ ပရိဏာမေတဗ္ဗံ၊ ဥဋ္ဌာရေဟိ၊ ဣတ္ထရေဟိ စ ကာမေဟိ ဝိနိဝတ္တစိတ္တေနေဝ ဘဝိတဗ္ဗံ၊ သဗ္ဗာသု စ ဣတိကတ္တဗ္ဗတာသု ဥပါယကောသလ္လံ ပစ္စုပဋ္ဌပေတွာ ပဋိပဇ္ဇိတဗ္ဗံ။

တသ္မိံ တသ္မိဉ္စ သတ္တဟိတေ အာရဒ္ဓဝိရိယေန ဘဝိတဗ္ဗံ ဣဋ္ဌာနိဋ္ဌာဒိသဗ္ဗသ-ဟေန အဝိသံဝါဒိနာ။ သဗ္ဗေပိ သတ္တာ အနောဓိသော မေတ္တာယ၊ ကရုဏာယ စ ဖရိတဗ္ဗာ။ ယာ ကာစိ သတ္တာနံ ဒုက္ခုပ္ပတ္တိ၊ သဗ္ဗာ သာ အတ္တနိ ပါဠိကမ္ပိ-တဗ္ဗာ။ သဗ္ဗေသဉ္စ သတ္တာနံ ပုညံ အတ္တနုမောဒိတဗ္ဗံ၊ ပုဒ္ဓါနံ မဟန္တတာ

---

၁-ဝိသုဒ္ဓိ ၂-၂-ပိဋကေ။၂-ဝိသုဒ္ဓိ ၂-၇၃-ပိဋကေ။  
 ၃-ဝိသယဝိဘာဂေန (စရိယာပိဋက-ဋ္ဌ-၃၀၈-ပိဋကေ။)

မဟာနဘာဝတာ အဘိဏ္ဍိကံ ပစ္စဝေက္ခိတဗ္ဗာ၊ ယဉ္ဇ ကိဉ္ဇိ ကမ္မံ ကရောတိ ကာယေန၊ ဝါစာယ ဝါ၊ တံ သဗ္ဗံ ဗောဓိစိတ္တပုဗ္ဗင်္ဂမံ ကာတဗ္ဗံ။ ဣမိနာ ဟိ ဥပါယေန ဒါနာဒီသု ယုတ္တပ္ပယုတ္တဿ ထာမဝတော ဒဠ္ဗပရက္ကမဿ မဟာသတ္တဿ ဗောဓိသတ္တဿ အပရိမေယျော ပုညသမ္ဘာရော၊ ဣဏသမ္ဘာရော စ ဒိဝသေ ဒိဝသေ ဥပစီယတိ။

အပိစ သတ္တာနံ ပရိဘောဂတ္ထံ၊ ပရိပါလနတ္ထဉ္စ အတ္တနော သရီရံ၊ ဇီဝိတဉ္စ ပရိစ္စဇိတွာ ခုပ္ပိပါသသိတုဏှဝါတာတပါဒိဒုက္ခပတိကာရော ပရိယေသိတဗ္ဗော စ ဥပ္ပါဒေတဗ္ဗော စ၊ ယဉ္ဇ ယထာဂုတ္တဒုက္ခပတိကာရဇံ သုခံ အတ္တနာ ပဋိလဘတိ၊ တထာ ရမဏီယေသု အာရာမုယျာနပါသာဒတဠာကာဒီသု၊ အရညာယတနေသု စ ကာယစိတ္တသန္တာပါဘာဝေန အဘိနိဗ္ဗုတတ္တာ အတ္တနာ သုခံ ပဋိလဘတိ၊ ယဉ္ဇ သုဏာတိ “ဗုဒ္ဓါနုဗုဒ္ဓပစ္စေကဗုဒ္ဓါ၊ မဟာဗောဓိသတ္တာ စ နေက္ခမ္ပပဋိပတ္တိယံ ဌိတာ”တိ စ “ဒိဠ္ဗဓမ္မိကသုခဝိဟာရဘူတံ ဤဒိသံ နာမ ဈာနသမာပတ္တိသုခမနုဘဝန္တိ”တိ စ၊ တံ သဗ္ဗံ သတ္တေသု အနောဓိသော ဥပသံဟရတိ။ အယံ တာဝ နယော အသမာဟိတဘူမိယံ ပတိဋ္ဌိတဿ။

သမာဟိတဘူမိယံ ပန ပတိဋ္ဌိတော အတ္တနာ ယထာနုဘူတံ ဝိသေသာမိဂမနိဗ္ဗတ္တံ ဝီတိံ၊ ပဿဒ္ဓိံ၊ သုခံ၊ သမာဓိံ၊ ယထာဘူတဉ္စာဉ္စ သတ္တေသု အဓိမုစ္စန္တော ဥပသံဟရတိ ပရိဏာမေတိ၊ တထာ မဟတိ သံသာရဒုက္ခေ၊ တဿ စ နိမိတ္တဘူတေ ကိလေသာဘိသင်္ခါရဒုက္ခေ နိမုဂ္ဂံ သတ္တနိကာယံ ဒိသ္မာ တတြာပိ ခါဒနဆေဒနဘေဒန သေဒန ပိသနဟိံ သနအဂ္ဂိသန္တာပါဒိဇနိတာ ဒုက္ခာ တိဗ္ဗာ ခရာ ကဋုကာ ဝေဒနာ နိရန္တရံ စိရကာလံ ဝေဒယန္တေ နရကေ၊ အညမညံ ကုဇ္ဈနသန္တာသနဝိသောနေဟိံ သနပရာမိနတာဒီဟိ မဟာဒုက္ခံ အနုဘဝန္တေ တိရစ္ဆာနဂတေ၊ ဇောတိမာလာကုလသရီရေ ခုပ္ပိပါသဝါတာတပါဒိဟိ ဥယုမာနေ၊ ဝိသုဿမာနေ စ ဝန္တခေဠာဒိအာဟာရေ၊ ဥဒ္ဓဗာဟု ဝိရဝန္တေ နိဇ္ဈာမတဏှိကာဒိကေ မဟာဒုက္ခံ ဝေဒယမာနေ ပေတေ စ ပရိယေဋ္ဌိမူလကံ မဟန္တံ အနယဗျသနံ ပါပုဏန္တေ ဟတ္ထစ္ဆေဒါဒိကရဏယောဂေန ဒုဗ္ဗဏှဒုဒ္ဓသိကဒလိဒ္ဓါဒိဘာဝေန ခုပ္ပိပါသာဒိအာဗာဓယောဂေန ဗလဝန္တေဟိ အဘိဘဝနီယတော၊ ပရေသံ ဝဟနတော၊ ပရာမိနတော စ နရကေ၊ ပေတေ၊ တိရစ္ဆာနဂတေ စ အတိသယန္တေ အပါယဒုက္ခနိဗ္ဗိသေသံ ဒုက္ခမနုဘဝန္တေ မနုဿေ စ တထာ ဝိသယပရိဘောဂဝိက္ခိတ္တစိတ္တတာယ ရာဂါဒိပရိဠာဟေန ဥယုမာနေ ဝါတဝေဂသမုပ္ပိတဇာလာသမိဒ္ဓသုက္ခကဋ္ဌသန္တိပါတေ အဂ္ဂိက္ခန္တေ ဝိယ အနုပသန္တပရိဠာဟဂုတ္တိကေ

အနုပသန္တနိဟတပရာမိနေ<sup>၁</sup> ကာမာဝစရဒေဝေ စ မဟတာ ဝါယာမေန ဝိဒူရ-  
 မာကာသံ ဝိဂါဟိတသကုန္တာ ဝိယ၊ ဗလဝတာ ဒူရေ ပါဏိနာ ခိတ္တသရာ ဝိယ  
 စ “သတိဝိ စိရပ္ပဝတ္တိယံ အနစ္စန္တိကတာယ<sup>၂</sup> ပါတပရိယောသာနာ အနတိက္ကန္တ-  
 ဇာတိဇရာမရဏာ ဧဝါ”တိ ရူပါဝစရာရူပါဝစရဒေဝေ စ ပဿန္တေန မဟန္တံ  
 သံဝေဂံ ပစ္စုပဋ္ဌာပေတွာ မေတ္တာယ၊ ကရုဏာယ စ အနောဓိသော သတ္တာ  
 ဖရိတဗ္ဗာ။ ဧဝံ ကာယေန၊ ဝါစာယ၊ မနသာ စ ဗောဓိသမ္ဘာရေ နိရန္တရံ ဥပစိ-  
 နန္တေန ယထာ ပါရမိယော ပရိပူရေန္တိ၊ ဧဝံ သက္ကစ္စကာရိနာ သာတစ္စကာရိနာ  
 အနောလိနဝုတ္တိနာ ဥဿာဟော ပဝတ္ထေတဗ္ဗော၊ ဝီရိယပါရမီ ပရိပူရေတဗ္ဗာ။

အပိစ“အစိန္တေယျာပရိမေယျဝိပုလောဋ္ဌာရဝိမလနိရူပမနိရူပက္ခိလေသဂုဏ-  
 ဂဏနိစယနိဒါနဘူတဿ ဗုဒ္ဓဘာဝဿ ဥဿက္ခိတွာ သမ္ပဟံသနယောဂံ ဝီရိယံ  
 နာမ အစိန္တေယျာနုဘာဝမေဝ၊ ယံ န ပစုရဇနာ သောတုမ္ဗိ သက္ကုဏန္တိ၊ ပဂေဝ  
 ပဋိပဇ္ဇိတုံ။ တထာ ဟိ တိဝိဓာ အဘိနိဟာရစိတ္တုပ္ပတ္တိ၊ စတဿော ဗုဒ္ဓဘူမိယော<sup>၃</sup>၊  
 စတ္တာရိ သင်္ဂဟဝတ္ထု<sup>၄</sup>နိ<sup>၅</sup>၊ ကရုဏေကရသတာ၊ ဗုဒ္ဓဓမ္မေသု သမ္ဘိကရဏေန  
 ဝိသေသပ္ပစ္စယော၊ နိဇ္ဈာနက္ခန္တိ၊ သဗ္ဗဓမ္မေသု နိရူပလေပေါ၊ သဗ္ဗသတ္တေသု  
 ဝိယပုတ္တသညာ၊ သံသာရဒုက္ခေဟိ အပရိခေဒေါ၊ သဗ္ဗဒေယျဓမ္မပရိစ္စာဂေါ၊  
 တေန စ နိရတိမာနတာ၊ အဓိသီလာဒိအဓိဋ္ဌာနံ၊ တတ္ထ စ အစဉ္စလတာ၊  
 ကုသလကိရိယာသုံ ပီတိပါမောဇ္ဇတာ၊ ဝိဝေကနိန္ဒစိတ္တတာ၊ ဈာနာနုယောဂေါ၊  
 အနဝဇ္ဇဓမ္မေသု အတိတ္တိယတာ၊ ယထာသုတဿ ဓမ္မဿ ပရေသံ ဟိတဇ္ဈာ-  
 သယေန ဒေသနာယ အာရမ္မဒဋ္ဌတာ၊ မိရဝီရဘာဝေါ၊ ပရာပဝါဒပရာပကာ-  
 ရေသု ဝိကာရာဘာဝေါ၊ သစ္စာဓိဋ္ဌာနံ၊ သမာပတ္တိသု ဝသီဘာဝေါ၊ အဘိညာသု  
 ဗလပ္ပတ္တိ၊ လက္ခဏတ္တယာဝဗောဓော၊ သတိပဋ္ဌာနာဒိသု အဘိယောဂေန  
 လောကုတ္တရမဂ္ဂသမ္ဘာရသမ္ဘရဏံ၊ နဝလောကုတ္တရာဝက္ကန္တိ”တိ ဧဝမာဒိကာ  
 သဗ္ဗာပိ ဗောဓိသမ္ဘာရပဋိပတ္တိ ဝီရိယာနုဘာဝေနေဝ သမိဇ္ဈတီတိ အဘိနိဟာ-  
 ရတော ယာဝ မဟာဗောဓိ အနောဿဇ္ဇန္တေန သက္ကစ္စံ နိရန္တရံ ဝီရိယံ ယထာ  
 ဥပရူပရိ ဝိသေသာဝဟံ ဟောတိ၊ ဧဝံ သမ္မာဒေတဗ္ဗံ။ သမ္ပဇ္ဇမာနေ စ ယထာ-  
 ဝုတ္တေ ဝီရိယေ၊ ခန္တိသစ္စာဓိဋ္ဌာနာဒယော စ ဒါနသီလာဒယော စ သဗ္ဗေပိ  
 ဗောဓိသမ္ဘာရာ တဒဓိနဝုတ္တိတာယ သမ္ပန္နာ ဧဝ ဟောန္တိတိ ခန္တိအာဒိသုပိ  
 ဣမိနာဝ နယေန ပဋိပတ္တိ ဝေဒိတဗ္ဗာ။

၁-အနိဟတပရာမိနေ (ဒီ-ဇွီ ၁-၉၁-ပိဋေ)။ အနုပသန္တနိပါတပရာမိနေ (က)  
 ၂-အနိစ္စန္တိကတာယ (က) ၃-သုတ္တနိပါတ-ဋ္ဌ ၁-၄၅-ပိဋေ။  
 ၄-ဒီ ၃-၁၂၅၊ ၁၉၃၊ အံ ၁-၃၄၁-ပိဋေသု။

ဣတိသတ္တာနံ သုခုပကရဏပရိစ္ဆာဂေန ဗဟုခာနုဂ္ဂဟကရဏံ ဒါနေန ပဋိပတ္တိ၊ သီလေန တေသံ ဇီဝိတသာပတေယျဒါရရက္ခာဘေဒပိယဟိတဝစနာဝိဟိံသာဒိကရဏာနိ၊ နေက္ခမ္မေန တေသံ အာမိသပဋိဂ္ဂဟဏဓမ္မဒါနာဒိနာ အနေကဝိဓာဟိတစရိယာ၊ ပညာယ တေသံ ဟိတကရဏူပါယကောသလ္လံ၊ ဝီရိယေန တတ္ထဥဿာဟာရန္တအသံဟီရကရဏာနိ၊ ခန္တိယာ တဒပရာဓေဟနံ၊ သစ္စေန နေသံ အဝဉ္ဇနတဒုပကာရကိရိယာသမာဒါနာဝိသံဝါဒနာဒိ၊ အဓိဋ္ဌာနေန တဒုပကရဏေ အနတ္တသမ္မာတေပိ အစလနံ၊ မေတ္တာယ နေသံ ဟိတသုခါနုစိန္တနံ၊ ဥပေက္ခာယ နေသံ ဥပကာရာပကာရေသု ဝိကာရာနာပတ္တိတိ ဧဝံ အပရိမာဏေ သတ္တေ အာရမ္ဘ အနုကမ္ပိတသဗ္ဗသတ္တဿ ဗောဓိသတ္တဿ ပုထုဇ္ဇနေဟိ အသာဓာရဏော အပရိမာဏော ပုညဉာဏသမ္ဘာရူပစယော ဧတ္ထ ပဋိပတ္တိတိ ဝေဒိတဗ္ဗံ။ ယော စေတောသံ ပစ္စယော ဝုတ္တော၊ တတ္ထ စ သက္ကစ္စံ သမ္မာဒနံ။

ကော ဝိဘာဂေါတိ—

သာမညဘေဒတော တော၊ ဒသဝိဓာ ဝိဘာဂတော။  
 တိဓာ ဟုတွာန ပစ္စေကံ၊ သမတိံသဝိဓာ သမံ။

ဒသ ပါရမိယော ဒသ ဥပပါရမိယော ဒသ ပရမတ္ထပါရမိယောတိ ဟိ သမတိံသ ပါရမိယော။ တတ္ထ “ကတာဘိနိဟာရဿ ဗောဓိသတ္တဿ ပရဟိတကရဏာဘိနိန္ဒာသယပယောဂဿ ကဏ္ဍမ္မဝေါကိဏ္ဏာ သုက္ကာ ဓမ္မာ ပါရမိယော၊ တေဟိ အဝေါကိဏ္ဏာ သုက္ကာ ဓမ္မာ ဥပပါရမိယော၊ အကဏ္ဍာ အသုက္ကာ ဓမ္မာ ပရမတ္ထပါရမိယော”တိ **ကေမိ။** “သမုဒါဂမနကာလေသု ပူရိယမာနာ ပါရမိယော၊ ဗောဓိသတ္တဘူမိယံ ပုဏ္ဏာ ဥပပါရမိယော၊ ဗုဒ္ဓဘူမိယံ သဗ္ဗာကာရပရိပုဏ္ဏာ ပရမတ္ထပါရမိယော။ ဗောဓိသတ္တဘူမိယံ ဝါ ပရဟိတကရဏတော ပါရမိယော၊ အတ္တဟိတကရဏတော ဥပပါရမိယော၊ ဗုဒ္ဓဘူမိယံ ဗလဝေသာရဇ္ဇသမဓိဂမေန ဥဘယဟိတပရိပူရဏတော ပရမတ္ထပါရမိယောတိ ဧဝံ အာဒိမဇ္ဈပရိယောသာနေသု ပဏိဓာနာရမ္ဘပရိနိဋ္ဌာနေသု တေသံဝိဘာဂေါ”တိ **အပရေ။** “ဒေါသုပသမကရဏာပကတိကာနံ ဘဝသုခဝိမုတ္တိသုခပရမသုခပ္ပတ္တာနံ ပုညူပစယဘေဒတော တဗ္ဗိဘာဂေါ”တိ **အညေ။**

“လဇ္ဇာသတိမာနာပဿယာနံ လောကုတ္တရဓမ္မာဓိပတိနံ သီလသမာဓိပညာဂရုကာနံ တာရိတတရိတတာရယိတူနံ အနုဗုဒ္ဓပစ္စေကဗုဒ္ဓသမ္မာသမ္ဗုဒ္ဓါနံ ပါရမီဥပပါရမီပရမတ္ထပါရမီဟိ ဗောဓိတ္တယပ္ပတ္တိတော ယထာဝုတ္တဝိဘာဂေါ”တိ **ကေမိ။** “စိတ္တပဏိဓိတော ယာဝ ဝစီပဏိဓိ၊ တာဝ ပဝတ္တာ သမ္ဘာရာ

ပါရမိယော၊ ဝစီပဏိမိတော ယာဝ ကာယပဏိမိ၊ တာဝ ပဝတ္တာ ဥပပါရမိ-  
ယော၊ ကာယပဏိမိတော ပဘုတိ ပရမတ္ထပါရမိယော”တိ အပရေ။ အညေ  
ပန “ပရပုညာနုမောဒနဝသေန ပဝတ္တာ သမ္ဘရာ ပါရမိယော၊ ပရေသံ  
ကာရာပနဝသေန ပဝတ္တာ ဥပပါရမိယော၊ သယံ ကရဏဝသေန ပဝတ္တာ  
ပရမတ္ထပါရမိယော”တိ ဝဒန္တိ။ တထာ “ဘဝသုခါဝဟော ပုညဉာဏသမ္ဘာရော  
ပါရမီ၊ အတ္တနော နိဗ္ဗာနသုခါဝဟော ဥပပါရမီ၊ ပရေသံ တဒုဘယသုခါဝဟော  
ပရမတ္ထပါရမီ”တိ ဧကေ။

ပုတ္တဒါရဓနာဒိဥပကရဏပရိစ္စာဂေါ ပန ဒါနပါရမီ၊ အတ္တနော အင်္ဂ-  
ပရိစ္စာဂေါ ဒါနဥပပါရမီ၊ အတ္တနော ဇီဝိတပရိစ္စာဂေါ ဒါနပရမတ္ထပါရမီ။  
တထာ ပုတ္တဒါရာဒိကဿ တိဝိဿောပိ ဟေတု၊ အဝိတိက္ကမနဝသေန  
တိဿော သီလပါရမိယော၊ တေသု ဧဝ တိဝိဓေသု ဝတ္ထုသု အာလယံ  
ဥပစ္စိန္တိတွာ နိက္ခမနဝသေန တိဿော နေက္ခမ္မပါရမိယော၊ ဥပကရဏအင်္ဂ-  
ဇီဝိတတဏှံ သမူဟနိတွာ သတ္တာနံ ဟိတာဟိတဝိနိစ္ဆယကရဏဝသေန  
တိဿော ပညာပါရမိယော၊ ယထာဝုတ္တဘေဒါနံ ပရိစ္စာဂါဒိနံ ဝါယမနဝသေန  
တိဿော ဝီရိယပါရမိယော၊ ဥပကရဏအင်္ဂဇီဝိတန္တရာယကရာနံ ခမနဝသေန  
တိဿော ခန္တိပါရမိယော၊ ဥပကရဏအင်္ဂဇီဝိတဟေတု သစ္စာပရိစ္စာဂဝသေန  
တိဿော သစ္စပါရမိယော၊ ဒါနာဒိပါရမိယော အကုပ္ပါမိဋ္ဌာနဝသေန နေဝ  
သမိဇ္ဈန္တိတိ ဥပကရဏာဒိဝိနာသေဝိ အစလာမိဋ္ဌာနဝသေန တိဿော အမိဋ္ဌာ-  
နပါရမိယော၊ ဥပကရဏာဒိဝိသုတကေသုပိ သတ္တေသု မေတ္တာယ အဝိဇ္ဇာ-  
နဝသေန တိဿော မေတ္တာပါရမိယော၊ ယထာဝုတ္တဝတ္ထုတ္တယဿ ဥပကာရာ-  
ပကာရေသု သတ္တသင်္ခါရေသု မဇ္ဈတ္တတာပဋိလာဘဝသေန တိဿော ဥပေက္ခာ-  
ပါရမိယောတိ ဧဝမာဒိနာ ဧတာသံ ဝိဘာဂေါ ဝေဒိတဗျော။

ဧကော သင်္ဂဟောတိ ဧတ္ထ ပန—

ယထာ ဝိဘာဂတော တိံသ-ဝိဓာ သင်္ဂဟတော ဒသ။  
ဆပ္ပကာရာဝ ဧတာသု၊ ယုဂဋ္ဌာဒီဟိ သာဓယေ။

ယထာ ဟိ ဧဘာ ဝိဘာဂတော တိံသဝိဓာပိ ဒါနပါရမိအာဒိဘာဝတော  
ဒသဝိဓာ၊ ဧဝံ ဒါနသီလခန္တိဝီရိယဈာနပညာသဘာဝေန ဆဗ္ဗိဓာ။ ဧတာသု  
ဟိ နေက္ခမ္မပါရမီ သီလပါရမိယာ သင်္ဂဟိတာ တဿာ ပဗ္ဗဇ္ဇာဘာဝေ။ နိဝရဏ-  
ဝိဝေကဘာဝေ ပန ဈာနပါရမိယာ၊ ကုသလဓမ္မဘာဝေ ဆဟိပိ သင်္ဂဟိတာ၊  
သစ္စပါရမီ သီလပါရမိယာ ဧကဒေသာ ဧဝ ဝစီသစ္စဝိရတိသစ္စပက္ခေ။

ဤဏသစ္စပက္ခေ ပန ပညာပါရမိယာ သင်္ဂဟိတာ၊ မေတ္တာပါရမိ ဈာနပါရမိယာ ဧဝံ၊ ဥပေက္ခာပါရမိ ဈာနပညာပါရမိဟိ၊ အဓိဋ္ဌာနပါရမိ သဗ္ဗာဟိပ သင်္ဂဟိတာတိ။

ဧတေသဉ္စ ဒါနာဒိနံ ဆန္တံ ဂုဏာနံ အညမညသမ္ပန္နာနံ ပဉ္စဒသ ယုဂဋ္ဌာဒိနံ ပဉ္စဒသ ယုဂဋ္ဌာဒိသာဓကောနံ ဟောန္တိ။ သေယျထိဒံ? ဒါနသီလယုဂဋ္ဌေန ပရဟိတာဟိတာနံ ကရဏာကရဏယုဂဋ္ဌသိဒ္ဓိ၊ ဒါနခန္တိယုဂဋ္ဌေန အလောဘာဒေါသယုဂဋ္ဌသိဒ္ဓိ၊ ဒါနဝီရိယယုဂဋ္ဌေန စာဂသုတယုဂဋ္ဌသိဒ္ဓိ၊ ဒါနဈာနယုဂဋ္ဌေန ကာမဒေါသပ္ပဟာနယုဂဋ္ဌသိဒ္ဓိ၊ ဒါနပညာယုဂဋ္ဌေန အရိယယာနဓုရယုဂဋ္ဌသိဒ္ဓိ၊ သီလခန္တိဒွယေန ပယောဂါသယသုဒ္ဓဒွယသိဒ္ဓိ၊ သီလဝီရိယဒွယေန ဘာဝနာဒွယသိဒ္ဓိ၊ သီလဈာနဒွယေန ဒုဿီလူပရိယုဋ္ဌာနပ္ပဟာနဒွယသိဒ္ဓိ၊ သီလပညာဒွယေန ဒါနဒွယသိဒ္ဓိ၊ ခန္တိဝီရိယဒွယေန ခမာတေဇဒွယသိဒ္ဓိ၊ ခန္တိဈာနဒုကေန ဝိရောဓာနုရောဓပ္ပဟာနဒုကသိဒ္ဓိ၊ ခန္တိပညာဒုကေန သုညတာခန္တိပဋိဝေဓဒုကသိဒ္ဓိ၊ ဝီရိယဈာနဒုကေန ပဂ္ဂဟာဝိက္ခေပဒုကသိဒ္ဓိ၊ ဝီရိယပညာဒုကေန သရဏဒုကသိဒ္ဓိ၊ ဈာနပညာဒုကေန ယာနဒုကသိဒ္ဓိ။ ဒါနသီလခန္တိတိကေန လောဘဒေါသမောဟပ္ပဟာနတိကသိဒ္ဓိ၊ ဒါနသီလဝီရိယတိကေန ဘောဂဇီဝိတကာယသာရာဒါနတိကသိဒ္ဓိ၊ ဒါနသီလဈာနတိကေန ပုညကိရိယဝတ္ထုတိကသိဒ္ဓိ၊ ဒါနသီလပညာတိကေန အာမိသာဘယဓမ္မဒါနတိကသိဒ္ဓိတိ ဧဝံ ဣတရေဟိပိ တိကေဟိ၊ စတုက္ကာဒိဟိ စ ယထာသမ္ဘဝံ တိကာနိ၊ စတုက္ကာဒိနိ စ ယောဇေတဗ္ဗာနိ။

ဧဝံ ဆဗ္ဗိဓာနမ္ပိ ပန ဣမာသံ ပါရမီနံ စတူဟိ အဓိဋ္ဌာနေဟိ သင်္ဂဟော ဝေဒိတဗ္ဗော။ သဗ္ဗပါရမီနံ သမူဟသင်္ဂဟတော ဟိ စတ္တာရိ အဓိဋ္ဌာနာနိ။ သေယျထိဒံ? သစ္စာဓိဋ္ဌာနံ၊ စာဂါဓိဋ္ဌာနံ၊ ဥပသမာဓိဋ္ဌာနံ၊ ပညာဓိဋ္ဌာနန္တိ။ တတ္ထ အဓိတိဋ္ဌတိ ဧတေန၊ ဧတ္ထ ဝါ အဓိတိဋ္ဌတိ၊ အဓိဋ္ဌာနမတ္ထမေဝ ဝါ တန္တိ **အဓိဋ္ဌာနံ**၊ သစ္စဉ္စတံ အဓိဋ္ဌာနဉ္စ၊ သစ္စဿ ဝါ အဓိဋ္ဌာနံ၊ သစ္စံ ဝါ အဓိဋ္ဌာနမေတဿာတိ **သစ္စာဓိဋ္ဌာနံ**။ ဧဝံ သေသေသုပိ။ တတ္ထ အဝိသေသတော တာဝ ကတာဘိနိဟာရဿ အနုကမ္ပိတသဗ္ဗသတ္တဿ မဟာသတ္တဿ ပဋိညာနရူပံ သဗ္ဗပါရမီပရိဂ္ဂဟတော **သစ္စာဓိဋ္ဌာနံ**၊ တေသံ ပဋိပက္ခပရိစ္စာဂတော **စာဂါဓိဋ္ဌာနံ**၊ သဗ္ဗပါရမိတာဂုဏေဟိ ဥပသမနတော **ဥပသမာဓိဋ္ဌာနံ**။ တေဟိ ဧဝ ပရဟိတေသု ဥပါယကောသလ္လတော **ပညာဓိဋ္ဌာနံ**။

ဝိသေသတော ပန “ယာစကာနံ ဇနာနံ အဝိသံဝါဒေတွာ ဒဿာမီ”တိ ပဋိဇာနနတော၊ ပဋိညံ အဝိသံဝါဒေတွာ ဒါနတော၊ ဒါနံ အဝိသံဝါဒေတွာ

အနုမောဒနတော၊ မစ္ဆရိယာဒိပဋိပက္ခပရိစ္စာဂတော၊ ဒေယျပဋိဂ္ဂါဟကဒါန-  
 ဒေယျဓမ္မက္ခယေသု လောဘဒေါသမောဟဘယဝူပသမနတော၊ ယထာရဟံ  
 ယထာကာလံ ယထာဝိဓာနဉ္စ ဒါနတော၊ ပညတ္တရတော စ ကုသလဓမ္မာနံ  
 စတုရမိဋ္ဌာနပဒဋ္ဌာနံ ဒါနံ။ တထာ သံဝရသမာဒါနဿ အဝိတိက္ကမနတော၊  
 ဒုဿီလျပရိစ္စာဂတော၊ ဒုစ္စရိတဝူပသမနတော၊ ပညတ္တရတော စ စတုရမိဋ္ဌာန-  
 ပဒဋ္ဌာနံ သီလံ။ ယထာပဋိညံ ခမနတော၊ ကတာပရာဓဝိကပ္ပပရိစ္စာဂတော၊  
 ကောဓပရိယုဋ္ဌာနဝူပသမနတော၊ ပညတ္တရတော စ စတုရမိဋ္ဌာနပဒဋ္ဌာနာ ခန္တိ။  
 ပဋိညာနုရူပံ ပရဟိတကရဏတော၊ ဝိသယပရိစ္စာဂတော၊ အကုသလဝူပသမန-  
 တော၊ ပညတ္တရတော စ စတုရမိဋ္ဌာနပဒဋ္ဌာနံ ဝီရိယံ။ ပဋိညာနုရူပံ လောကဟိ-  
 တာနုစိန္တနတော၊ နီဝရဏပရိစ္စာဂတော၊ စိတ္တဝူပသမနတော၊ ပညတ္တရတော  
 စ စတုရမိဋ္ဌာနပဒဋ္ဌာနံ ဈာနံ။ ယထာပဋိညံ ပရဟိတူပါယကောသလ္လတော၊  
 အနုပါယကိရိယပရိစ္စာဂတော၊ မောဟဇပရိဋ္ဌာဟဝူပသမနတော၊ သဗ္ဗညုတာ-  
 ပဋိလာဘတော စ စတုရမိဋ္ဌာနပဒဋ္ဌာနာ ပညာ။

တတ္ထ ဥေယျပဋိညာနုဝိဓာနေဟိ သစ္စာမိဋ္ဌာနံ၊ ဝတ္ထုကာမကိလေသကာမ-  
 ပရိစ္စာဂေဟိ စာဂါမိဋ္ဌာနံ၊ ဒေါသဒုက္ခဝူပသမေဟိ ဥပသမာမိဋ္ဌာနံ၊  
 အနုမောဒပဋိဝေဓေဟိ ပညာမိဋ္ဌာနံ။ တိဝိဓသစ္စပရိဂ္ဂဟိတံ ဒေါသတ္တယဝိရောဓိ  
 သစ္စာမိဋ္ဌာနံ၊ တိဝိဓစာဂပရိဂ္ဂဟိတံ ဒေါသတ္တယဝိရောဓိ စာဂါမိဋ္ဌာနံ၊  
 တိဝိဓဝူပသမပရိဂ္ဂဟိတံ ဒေါသတ္တယဝိရောဓိ ဥပသမာမိဋ္ဌာနံ၊ တိဝိဓဉာဏ-  
 ပရိဂ္ဂဟိတံ ဒေါသတ္တယဝိရောဓိ ပညာမိဋ္ဌာနံ။ သစ္စာမိဋ္ဌာနပရိဂ္ဂဟိတာနိ  
 စာဂူပသမပညာမိဋ္ဌာနာနိ အဝိသံဝါဒနတော၊ ပဋိညာနုဝိဓာနတော စ။  
 စာဂါမိဋ္ဌာနပရိဂ္ဂဟိတာနိ သစ္စူပသမပညာမိဋ္ဌာနာနိ ပဋိပက္ခပရိစ္စာဂတော၊  
 သဗ္ဗပရိစ္စာဂဖလတ္တာ စ။ ဥပသမာမိဋ္ဌာနပရိဂ္ဂဟိတာနိ သစ္စစာဂပညာမိဋ္ဌာ-  
 နာနိ ကိလေသပရိဋ္ဌာဟူပသမနတော၊ ကမ္မပရိဋ္ဌာဟူပသမနတော စ။ ပညာမိ-  
 ဋ္ဌာနပရိဂ္ဂဟိတာနိ သစ္စစာဂူပသမာမိဋ္ဌာနာနိ ဉာဏပုဗ္ဗင်္ဂမတော၊ ဉာဏာနုပရိ-  
 ဝတ္တနတော စာတိ ဧဝံ သဗ္ဗာပိ ပါရမိယော သစ္စပ္ပဘာဝိတာ စာဂပရိဗျူတိတာ  
 ဥပသမောပဗြူဟိတာ ပညာပရိသုဒ္ဓါ။ သစ္စံ ဟိ ဧတာသံ ဇနကဟေတု၊ စာဂေါ  
 ပဋိဂ္ဂါဟကဟေတု၊ ဥပသမော ပရိဗုဒ္ဓိဟေတု၊ ပညာ ပါရိသုဒ္ဓိဟေတု။ တထာ  
 အာဒိမိ သစ္စာမိဋ္ဌာနံ သစ္စပဋိညတ္တာ၊ မဇ္ဈေ စာဂါမိဋ္ဌာနံ ကတပဏိဓာနဿ  
 ပရဟိတာယ အတ္တပရိစ္စာဂတော၊ အန္တေ ဥပသမာမိဋ္ဌာနံ သဗ္ဗူပသမပရိယော-  
 သာနတ္တာ။ အာဒိမဇ္ဈပရိယောသာနေသု ပညာမိဋ္ဌာနံ တသ္မိံ သတိသမ္ဘဝတော၊  
 အသတိ အသမ္ဘဝတော၊ ယထာပဋိညဉ္စ သမ္ဘဝတော။

တတ္ထ မဟာပုရိသာ သတတံ အတ္တဟိတပရဟိတကရေဟိ ဂရုပ္ပိယဘာဝ-  
ကရေဟိ သစ္စစာဂါမိဋ္ဌာနေဟိ ဂိဟိဘူတာအာမိသဒါနေန ပရေ အနုဂ္ဂဏန္တိ။  
တထာ အတ္တဟိတပရဟိတကရေဟိ၊ ဂရုပ္ပိယဘာဝကရေဟိ၊ ဥပသမပညာ-  
မိဋ္ဌာနေဟိ စ ပဗ္ဗဇိတဘူတာ ဓမ္မဒါနေန ပရေ အနုဂ္ဂဏန္တိ။

တတ္ထ အန္တိမဘဝေ ဗောဓိသက္ကဿ စတုရမိဋ္ဌာနပရိပူရဏံ။ ပရိပူဏ္ဏစတုရ-  
မိဋ္ဌာနဿ ဟိ စရိမကဘဂူပပတ္တိတိ ဧကေ။ တတြာပိ ဟိ ဂဟ္တာဝဏ္ဏန္တိ-  
အဘိနိက္ခမနေသု ပညာမိဋ္ဌာနသမုဒါဂမေန သတော သမ္ပဇာနော သစ္စာ-  
မိဋ္ဌာနပါရိပူရိယာ သမ္ပတိဇာတော ဥတ္တရာဘိမုခေါ သတ္တပဒဝီတိဟာရေန  
ဂန္တာသဗ္ဗာ ဒိသာ ဩလောကေတွာ သစ္စာနပရိဝတ္တိနာ ဝစသာ “အဂ္ဂေါဟမသ္မိ  
လောကဿ၊ ဇေဋ္ဌောဟမသ္မိ လောကဿ၊ သေဋ္ဌောဟမသ္မိ လောကဿ”တိ  
တိက္ခတ္တု သီဟနာဒံ နဒိ၊ ဥပသမာမိဋ္ဌာနသမုဒါဂမေန ဇိဏ္ဏာတုရမတပဗ္ဗဇိတ-  
ဒဿာဝိနော စတုခမ္မပ္ပဒေသကောဝိဒဿ ယောဗ္ဗနာရောဂျဇိဝိတသမ္ပတ္တိမဒါနံ  
ဥပသမော၊ စာဂါမိဋ္ဌာနသမုဒါဂမေန မဟတော ဉ္ဇတိပရိဝဇ္ဇဿ၊ ဟတ္ထဂတဿ  
စ စက္ကဝတ္တိရဇ္ဇဿ အနပေက္ခပရိစ္စာဂေါတိ။

ဒုတိယေ ဌာနေ အဘိသမ္ဗောဓိယံ စတုရမိဋ္ဌာနပရိပူရဏန္တိ ကေစိ။ တတ္ထ  
ဟိ ယထာပဋိညံ သစ္စာမိဋ္ဌာနသမုဒါဂမေန စတုန္တံ အရိယသစ္စာနံ  
အဘိသမယော။ တတော ဟိ သစ္စာမိဋ္ဌာနံ ပရိပူဏ္ဏံ။ စာဂါမိဋ္ဌာနသမု-  
ဒါဂမေန သဗ္ဗကိလေသုပတ္တိလေသပရိစ္စာဂေါ။ တတော ဟိ စာဂါမိဋ္ဌာနံ  
ပရိပူဏ္ဏံ။ ဥပသမာမိဋ္ဌာနသမုဒါဂမေန ပရမူပသမသမ္ပတ္တိ။ တတော ဟိ  
ဥပသမာမိဋ္ဌာနံ ပရိပူဏ္ဏံ။ ပညာမိဋ္ဌာနသမုဒါဂမေန အနာဝရဏဉ္ဇာဏ-  
ပဋိလာဘော။ တတော ဟိ ပညာမိဋ္ဌာနံ ပရိပူဏ္ဏန္တိ၊ တံ အသိဒ္ဓံ  
အဘိသမ္ဗောဓိယာပိ ပရမတ္ထဘာဝတော။

တတိယေ ဌာနေ ဓမ္မစက္ကပ္ပဝတ္တနေ စတုရမိဋ္ဌာနံ ပရိပူဏ္ဏန္တိ အညေ။ တတ္ထ ဟိ  
သစ္စာမိဋ္ဌာနသမုဒါဂတဿ ဒွါဒသဟိ အာကာရေဟိ အရိယသစ္စဒေသနာယ  
သစ္စာမိဋ္ဌာနံ ပရိပူဏ္ဏံ၊ စာဂါမိဋ္ဌာနသမုဒါဂတဿ သဒ္ဓမ္မမဟာယာဂကရဏေန  
စာဂါမိဋ္ဌာနံ ပရိပူဏ္ဏံ၊ ဥပသမာမိဋ္ဌာနသမုဒါဂတဿ သယံ ဥပသန္တဿ  
ပရေသံ ဥပသမနေန ဥပသမာမိဋ္ဌာနံ ပရိပူဏ္ဏံ၊ ပညာမိဋ္ဌာနသမုဒါဂတဿ  
ဝိနေယျာနံ အာသယာဒိပရိဇာနနေန ပညာမိဋ္ဌာနံ ပရိပူဏ္ဏန္တိ၊ တဒပိ အသိဒ္ဓံ  
အပရိယောသိတတ္တာ ဗုဒ္ဓကိစ္စဿ။

စတုတ္ထေ ဌာနေ ပရိနိဗ္ဗာနေ စတုရမိဋ္ဌာနံ ပရိပုဏ္ဏန္တိ အပရေ။ တတြ  
ဟိ ပရိနိဗ္ဗုတတ္တာ ပရမတ္ထသစ္စသမ္ပတ္တိယာ သစ္စာမိဋ္ဌာနပရိပူရဏံ၊ သဗ္ဗပမိ-  
ပဋိနိဿဂ္ဂေန စာဂါမိဋ္ဌာနပရိပူရဏံ၊ သဗ္ဗသင်္ခါရူပသမေန ဥပသမာမိဋ္ဌာနပရိ-  
ပူရဏံ၊ ပညာပယောဇနပရိနိဗ္ဗာနေန ပညာမိဋ္ဌာနပရိပူရဏန္တိ။

တတြ မဟာပုရိသဿ ဝိသေသေန မေတ္တာခေတ္တေ အဘိဇာတိယံ သစ္စာ-  
မိဋ္ဌာနသမုဒါဂတဿ သစ္စာမိဋ္ဌာနပရိပူရဏမဘိဗျတ္တံ၊ ဝိသေသေန ကရုဏာ-  
ခေတ္တေ အဘိသမ္မောမိယံ ပညာမိဋ္ဌာနသမုဒါဂတဿ ပညာမိဋ္ဌာနပရိပူရဏ-  
မဘိဗျတ္တံ၊ ဝိသေသေန မုဒိတာခေတ္တေ ဓမ္မစက္ကပ္ပဝတ္တနေ စာဂါမိဋ္ဌာနသမုဒါ-  
ဂတဿ စာဂါမိဋ္ဌာနပရိပူရဏမဘိဗျတ္တံ၊ ဝိသေသေန ဥပေက္ခာခေတ္တေ ပရိ-  
နိဗ္ဗာနေ ဥပသမာမိဋ္ဌာနသမုဒါဂတဿ ဥပသမာမိဋ္ဌာနပရိပူရဏမဘိဗျတ္တန္တိ  
ဒဋ္ဌဗ္ဗံ။

တတြာပိ သစ္စာမိဋ္ဌာနသမုဒါဂတဿ သံဝါသေန သီလံ ဝေဒိတဗ္ဗံ၊  
စာဂါမိဋ္ဌာနသမုဒါဂတဿ သံဝေါဟာရေန သောစေယျံ ဝေဒိတဗ္ဗံ၊ ဥပ-  
သမာမိဋ္ဌာနသမုဒါဂတဿ အာပဒါသု ထာမော ဝေဒိတဗ္ဗော၊ ပညာမိဋ္ဌာန-  
သမုဒါဂတဿ သာကစ္ဆာယ ပညာ ဝေဒိတဗ္ဗော။ ဧဝံ သီလာဇီဝစိတ္တဒိဋ္ဌိဝိသုဒ္ဓိ-  
ယော ဝေဒိတဗ္ဗော။ တထာ သစ္စာမိဋ္ဌာနသမုဒါဂမေန ဒေါသာဂတိံ န ဂစ္ဆတိ  
အဝိသံဝါဒနတော၊ စာဂါမိဋ္ဌာနသမုဒါဂမေန ဆန္ဒာဂတိံ န ဂစ္ဆတိ အနဘိ-  
သင်္ဂတော၊ ဥပသမာမိဋ္ဌာနသမုဒါဂမေန ဘယာဂတိံ န ဂစ္ဆတိ အနုပရော-  
ဓတော၊ ပညာမိဋ္ဌာနသမုဒါဂမေန မောဟာဂတိံ န ဂစ္ဆတိ ယထာဘူတာဝ-  
ဗောဓတော။

တထာ ပဌမေန အဒုဋ္ဌော အဓိဝါသေတိ၊ ဒုတိယေန အလုဒ္ဓေါ  
ပဋိသေဝတိ၊ တတိယေန အဘိတော ပရိဝဇ္ဇေတိ၊ စတုတ္ထေန အသံမူဋ္ဌော  
ဝိနောဒေတိ။ ပဌမေန နေက္ခမ္မသုခုပ္ပတ္တိ၊ ဣတရေဟိ ပဝိဝေကဥပသမသမ္မောမိ-  
သုခုပ္ပတ္တိယော ဟောန္တိ။ တထာ ဝိဝေကဇပီတိသုခသမာဓိဇပီတိသုခ-  
အဝီတိဇကာယသုခ သတိပါရိသုဒ္ဓိဇဥပေက္ခာသုခုပ္ပတ္တိယော ဧတေဟိ စတူဟိ  
ယသက္ကမံ ဟောန္တိတိ။ ဧဝမနေကရုဏာနုဗန္ဓေဟိ စတူဟိ အဓိဋ္ဌာနေဟိ  
သဗ္ဗပါရမိသမူဟသင်္ဂဟော ဝေဒိတဗ္ဗော။ ယထာ စ စတူဟိ အဓိဋ္ဌာနေဟိ  
သဗ္ဗပါရမိသင်္ဂဟော၊ ဧဝံ ကရုဏာပညာဟိပီတိ ဒဋ္ဌဗ္ဗံ။ သဗ္ဗောပိ ဟိ ဗောဓိ-  
သမ္ဘာရော ကရုဏာပညာဟိ သင်္ဂဟိတော။ ကရုဏာပညာပရိဂ္ဂဟိတာ ဟိ  
ဒါနာဒိဂုဏာ မဟာဗောဓိသမ္ဘာရာ ဘဝန္တိ ဗုဒ္ဓတ္တသိဒ္ဓိပရိယောသာနာတိ။  
ဧဝမေတာသံ သင်္ဂဟော ဝေဒိတဗ္ဗော။

ကော သမ္မာဒနူပါယောတိ----

သဗ္ဗာသံ ပန တာသမ္ပိ၊ ဥပါယောတိ သမ္မာဒနေ။  
အဝေကလ္လာဒယော အတ္တ-နိယျာတနာဒယော မတာ။

သကလဿာပိ ဟိ ပုညာဒိသမ္ဘာရဿ သမ္မာသမ္ဗောဓိံ ဥဒ္ဓိဿ **အနဝ-  
သေသသမ္ဘရဏံ** အဝေကလ္လကာရိတာယောဂေန၊ တတ္ထ စ **သက္ကစ္စကာရိတာ**  
အာဒရဗဟုမာနယောဂေန၊ **သာတစ္စကာရိတာ** နိရန္တရပယောဂေန၊ **စိရ-  
ကာလာဒိယောဂေါ** စ အန္တရာ အဝေါသာနာပဇ္ဇနေနာတိ။ တံ ပနဿ  
ကာလပရိမာဏံ ပရတော အာဝိ ဘဝိဿတိ။ ဣတိ စတုရင်္ဂယောဂေါ  
တောသံ ပါရမီနံ သမ္မာဒနူပါယော။

တထာ မဟာသတ္တေန ဗောဓာယ ပဋိပဇ္ဇန္တေန သမ္မာသမ္ဗောဓာယ ဗုဒ္ဓါနံ  
ပုရေတရမေဝ အတ္တာ နိယျာတေတဗ္ဗော “ဣမာဟံ အတ္တဘာဝံ ဗုဒ္ဓါနံ  
နိယျာတေမိ”တိ။ တံ တံ ပရိဂ္ဂဟဝတ္ထု၌ ပဋိလာဘတော ပုရေတရမေဝ  
ဒါနမုခေ နိဿဇ္ဇိတဗ္ဗံ “ယံ ကိဉ္စိ မယံ ဥပ္ပဇ္ဇနကံ ဇီဝိတပရိက္ခာရဇာတံ၊ တံ သဗ္ဗံ  
သတိ ယာစကေ ဒဿာမိ၊ တေသံ ပန ဒိန္နာဝသေသံ ဧဝ မယာ ပရိဘုဉ္ဇိ-  
တဗ္ဗံ”န္တိ။

ဧဝံဉ္စဿ သမ္မဒေဝ ပရိစ္စာဂါယ ကတေ စိတ္တာဘိသင်္ခါရေ ယံ ဥပ္ပဇ္ဇတိ  
ပရိဂ္ဂဟဝတ္ထု၊ အဝိညာဏကံ၊ သဝိညာဏကံ ဝါ၊ တတ္ထ ယေ ဣမေ ပုဗ္ဗေ  
ဒါနေ အကတပရိစယော၊ ပရိဂ္ဂဟဝတ္ထုဿ ပရိတ္တဘာဝေါ၊ ဥဋ္ဌာရမနညတာ၊  
ပရိက္ခယစိန္တာတိ **စတ္တာရော ဒါနဝိနိဗန္ဓာ**။ တေသု ယဒါ မဟာဗောဓိ-  
သတ္တဿ သံဝိဇ္ဇမာနေသု ဒေယျဓမ္မေသု၊ ပစ္စုပဋ္ဌိတေ စ ယာစကဇနေ  
ဒါနေ စိတ္တံ န ပက္ခန္တတိ န ကမတိ၊ တေန နိဋ္ဌမေတ္ထ ဂန္တဗ္ဗံ “အဒ္ဓါဟံ ဒါနေ  
ပုဗ္ဗေ အကတပရိစယော၊ တေန မေ တေရဟိ ဒါတုကမျတာ စိတ္တေ န  
သဏ္ဌာတိ”တိ။ သော “ဧဝံ မေ ဣတော ပရံ ဒါနာဘိရတံ စိတ္တံ ဘဝိဿတိ၊  
ဟန္တာဟံ ဣတော ပဋ္ဌာယ ဒါနံ ဒဿာမိ၊ နနု မယာ ပဋိကဇ္ဇေဝ ပရိဂ္ဂဟဝတ္ထု၊  
ယာစကာနံ ပရိစ္စတ္တ”န္တိ ဒါနံ ဒေတိ မုတ္တစာဂေါ ပယတပါဏိ ဝေါဿဂ္ဂရတော  
ယာစယောဂေါ ဒါနသံဝိဘာဂရတော။ ဧဝံ မဟာသတ္တဿ **ပဌမော ဒါနဝိနိ-  
ဗန္ဓော** ဟတော ဟောတိ ဝိဟတော သမုစ္ဆိန္ဓော။

တထာ မဟာသတ္တော ဒေယျဓမ္မဿ ပရိတ္တဘာဝေ သတိ ပစ္စယဝေကလ္လေ  
ဣတိ ပဋိသန္တိက္ခတိ “အဟံ ခေါ ပုဗ္ဗေ အဒါနသီလတာယ တေရဟိ ဧဝံ  
ပစ္စယဝေကလ္လော ဇာတော၊ တသ္မာ ဣဒါနိ မယာ ပရိတ္တေန ဝါ ဟိနေန ဝါ

ယထာလဋ္ဌေန ဒေယျဓမ္မေန အတ္တာနံ ပိဋေတွာပိ ဒါနမေဝ ဒါတဗ္ဗံ၊ ယေနာဟံ အာယတိမ္ပိ ဒါနပါရမိံ မတ္ထကံ ပါပေဿာမိ”တိ သော ဣတရိတရေန ဒါနံ ဒေတိ မုတ္တစာဂေါ ပယတပါဏိ ဝေါဿဂ္ဂရတော ယာစယောဂေါ ဒါနသံဝိဘာဂရတော။ ဧဝံ မဟာသတ္တဿ **ဒုတိယော ဒါနဝိနိဗန္ဓော** ဟတော ဟောတိ ဝိဟတော သမုတ္တိန္ဒော။

တထာ မဟာသတ္တော ဒေယျဓမ္မဿ ဥဋ္ဌာရမနုညတာယ အဒါတုကမျတာ-  
စိတ္တေ ဥပ္ပဇ္ဇမာနေ ဣတိ ပဋိသဉ္ဇိက္ခတိ “နန တယာ သပ္ပုရိသ ဥဋ္ဌာရတမာ  
သဗ္ဗသေဋ္ဌာ သမ္မာသမ္မောမိ အဘိပတ္တိတာ၊ တသ္မာ တဒတ္တံ တယာ ဥဋ္ဌာရ-  
မနုညေ ဧဝ ဒေယျဓမ္မေ ဒါတုံ ယုတ္တရူပ”န္တိ။ သော ဥဋ္ဌာရံ၊ မနုညေ ဒါနံ ဒေတိ  
မုတ္တစာဂေါ ပယတပါဏိ ဝေါဿဂ္ဂရတော ယာစယောဂေါ ဒါနသံဝိဘာဂ-  
ရတော။ ဧဝံ မဟာပုရိသဿ **တတိယော ဒါနဝိနိဗန္ဓော** ဟတော ဟောတိ  
ဝိဟတော သမုတ္တိန္ဒော။

တထာ မဟာသတ္တော ဒါနံ ဒေန္တော ယဒါ ဒေယျဓမ္မဿ ပရိက္ခယံ  
ပဿတိ၊ သော ဣတိ ပဋိသဉ္ဇိက္ခတိ “အယံ ခေါ ဘောဂါနံ သဘာဝေါ၊  
ယဒိဒံ ခယဓမ္မတာ ဝယဓမ္မဘာ၊ အပိစ မေ ပုဗ္ဗေ တာဒိသဿ ဒါနဿ  
အကတတ္တာ ဧဝံ ဘောဂါနံ ပရိက္ခယော ဒိဿတိ၊ ဟန္တာဟံ ယထာလဋ္ဌေန  
ဒေယျဓမ္မေန ပရိတ္တေန ဝါ၊ ဝိပုလေန ဝါ ဒါနမေဝ ဒဒေယျံ၊ ယေနာဟံ  
အာယတိ” ဒါနပါရမိယာ မတ္ထကံ ပါပုဏိဿာမိ”တိ။ သော ယထာလဋ္ဌေန  
ဒါနံ ဒေတိ မုတ္တစာဂေါ ပယတပါဏိ ဝေါဿဂ္ဂရတော ယာစယောဂေါ  
ဒါနသံဝိဘာဂရတော။ ဧဝံ မဟာသတ္တဿ **စတုတ္ထော ဒါနဝိနိဗန္ဓော** ဟတော  
ဟောတိ ဝိဟတော သမုတ္တိန္ဒော။ ဧဝံ ယေ ယေ ဒါနပါရမိယာ ဝိနိဗန္ဓဘူတာ  
အနတ္တာ၊ တေသံ တေသံ ယထာရဟံ ပစ္စဝေက္ခိတွာ ပဋိဝိနောဒနံ ဥပါယော။  
ယထာ စ ဒါနပါရမိယာ၊ ဧဝံ သီလပါရမိအာဒိသုပိ ဒဋ္ဌဗ္ဗံ။

အပိစ ယံ မဟာသတ္တဿ ဗုဒ္ဓါနံ အတ္တသန္တိယျာတနံ၊ တံ သဗ္ဗဒေဝ  
သဗ္ဗပါရမီနံ သမ္မာဒနူပါယော၊ ဗုဒ္ဓါနဉ္စ အတ္တာနံ နိယျာတေတွာ ဌိတော  
မဟာပုရိသော တတ္ထ တတ္ထ ဗောဓိသမ္ဘာရပါရိပူရိယာ ဃဋေန္တော ဝါယ-  
မန္တော သရီရဿ၊ သုရူပကရဏာနဉ္စ ဥပစ္ဆေဒကေသု ဒုဿဟေသုပိ ကိစ္စေသု<sup>၁</sup>  
ဒုရဘိသမ္ဘဝေသုပိ သတ္တသင်္ခါရသမုပနိတေသု အနတ္တေသု တိဗ္ဗေသု ပါဏ-  
ဟရေသု “အယံ မယာ အတ္တဘာဝေါ ဗုဒ္ဓါနံ ပရိစ္စတ္တော၊ ယံ ဝါ တံ ဝါ ဧတ္ထ

ဟောတူ”တိ တန္တိမိတ္တံ န ကမ္မတိ န ဝေဓတိ ဤသကမ္ပိ အညထတ္တံ န ဂစ္ဆတိ၊ ကုသလာရမ္ဘေ အညဒတ္တု၊ အစလာမိဋ္ဌာနော စ ဟောတိ၊ ဧဝံ အတ္တသန္တိယျာ-  
တနန္တိ တောသံ သမ္မာဒနူပါယော။

အပိစ သမာသတော ကတာဘိနိဟာရဿ အတ္တနိ သိနေဟဿ ပရိယာ-  
ဒါနံ<sup>၁</sup>၊ ပရေသု စ သိနေဟဿ ပရိဝုဓနံ တောသံ သမ္မာဒနူပါယော။ သမ္မာ-  
သမ္ဗောဓိသမဓိဂမာယ ဟိ ကတမဟာပဏိဓာနဿ မဟာသတ္တဿ ယာထာ-  
ဝတော ပရိဇာနနေန သဗ္ဗေသု ဓမ္မေသု အနုပလိတ္တဿ အတ္တနိ သိနေဟော  
ပရိက္ခယံ ပရိယာဒါနံ ဂစ္ဆတိ၊ မဟာကရုဏာသမာယောဂဝသေန<sup>၂</sup> ပန  
ဝိသပုတ္တေ ဝိယ သဗ္ဗသတ္တေ သမ္ဗဿမာနဿ တေသု မေတ္တာကရုဏာသိနေ-  
ဟော ပရိဝုဓတိ၊ တတော စ တံ တဒါဝတ္ထာနရူပံ အတ္တပရသန္တာနေသု  
လောဘဒေါသမောဟဝိဂမေန ဝိဒူရိကတမစ္ဆရိယာဒိဗောဓိသမ္ဘာရပဋိပက္ခော  
မဟာပုရိသော ဒါနဝိယဝစနအတ္တစရိယာ သမာနတ္တတာသင်္ခါတေဟိ စတူဟိ  
သင်္ဂဟဝတ္ထုဟိ<sup>၃</sup> စတုရမိဋ္ဌာနာနဂတေဟိ အစ္စန္တိ ဇနဿ သင်္ဂဟကရဏေန  
ဥပရိ ယာနတ္တယေ အဝတာရဏံ၊ ပရိပါစနဉ္စ ကရေတိ။

မဟာသတ္တာနဉ္စ မဟာကရုဏာ၊ မဟာပညာ စ ဒါနေန အလင်္ကတာ၊  
ဒါနံ ဝိယဝစနေန၊ ဝိယဝစနံ အတ္တစရိယာယ၊ အတ္တစရိယာ သမာနတ္တတာယ  
အလင်္ကတာ၊ သင်္ဂဟိတာ စ။ တေသဉ္စိ သဗ္ဗေပိ သတ္တေ အတ္တနာ နိဗ္ဗိသေသေ  
ကတွာ ဗောဓိသမ္ဘာရေသု ပဋိပဇ္ဇန္တာနံ သဗ္ဗတ္ထ သမာနသုခဒုက္ခတာယ  
သမာနတ္တတာသိဉ္စိ။ ဗုဒ္ဓဘူတာနဉ္စိ စ တေဟေဝ စတူဟိ သင်္ဂဟဝတ္ထုဟိ  
စတုရမိဋ္ဌာနေန ပရိပူရိတာဘိဗုဒ္ဓေဟိ ဇနဿ အစ္စန္တိကသင်္ဂဟကရဏေန  
အဘိဝိနယနံ သိဉ္စတိ။ ဒါနဉ္စိ သမ္မာသမ္ဗုဒ္ဓါနံ စာဂါမိဋ္ဌာနေန ပရိပူရိတာဘိဗုဒ္ဓိ။  
ဝိယဝစနံ သစ္စာမိဋ္ဌာနေန၊ အတ္တစရိယာ ပညာမိဋ္ဌာနေန၊ သမာနတ္တတာ  
ဥပသမာမိဋ္ဌာနေန ပရိပူရိတာဘိဗုဒ္ဓါ။ တထာဂတာနဉ္စိ သဗ္ဗသာဝကပစ္စေက-  
ဗုဒ္ဓေဟိ သမာနတ္တတာ ပရိနိဗ္ဗာနေ။ တဩ ဟိ နေသံ အဝိသေသတော  
ဧကီဘာဝေါ။ တေနောဟ “နတ္ထိ ဝိမုတ္တိယာ နာနတ္တ”န္တိ။ ဟောန္တိ စေတ္ထ—

“သစ္စော စာဂီ ဥပသန္တော၊ ပညဝါ အနုကမ္ပကော။  
သမ္ဘတသဗ္ဗသမ္ဘာရော၊ ကံ နာမတ္ထံ န သာဓယေ။

၁-ပရိသောသနံ (စရိယာဗိဇ္ဇက-ဋ္ဌ-၃၁၉-ပိဋေ။)  
၂-.....သမာသေဝနေန (စရိယာဗိဇ္ဇက-ဋ္ဌ-၃၁၉-ပိဋေ။)  
၃-ဒီ ၃-၁၉၃၊ အံ ၁-၃၄၁-ပိဋေသု။

မဟာကာရုဏီကော သတ္တာ၊ ဟိတေသီ စ ဥပေက္ခကော။  
 နိရပေက္ခော စ သဗ္ဗတ္ထ၊ အဟော အတ္ထရိယော ဇိနော။  
 ဝိရတ္တော သဗ္ဗဓမ္မေသု၊ သတ္တေသု စ ဥပေက္ခကော။  
 သဒါ သတ္တဟိတေ ယုတ္တော၊ အဟော အတ္ထရိယော ဇိနော။  
 သဗ္ဗဒါ သဗ္ဗသတ္တာနံ၊ ဟိတာယ စ သုခါယ စ။  
 ဥယျုတ္တော အင်္ဂါလာသု စ၊ အဟော အတ္ထရိယော ဇိနော”တိ။

### ကိတ္တကေန ကာလေန သမ္ပာဒနန္တိ—

ပညာဓိကာဒိဘေဒေန၊ ဥဋ္ဌါဋိတညုအာဒိနာ။  
 တိဏ္ဏမ္ပိ ဗောဓိသတ္တာနံ၊ ဝဿ ကာလော တိဓာ မတော။

ဟေဋ္ဌိမေန ဟိ တာဝ ပရိစ္ဆေဒေန စတ္တာရိ အသင်္ချေယျာနိ၊ မဟာကပ္ပါနံ သတသဟဿဉ္စ၊ မဇ္ဈိမေန အဋ္ဌ အသင်္ချေယျာနိ၊ မဟာကပ္ပါနံ သတသဟဿဉ္စ၊ ဥပရိမေန ပန သောဠသ အသင်္ချေယျာနိ၊ မဟာကပ္ပါနံ သတသဟဿဉ္စ။ ဧတေ စ ဘေဒါ ယထာက္ကမံ ပညာဓိကသဒ္ဓါမိကဝီရိယာမိကဝသေန ဝေဒိတဗ္ဗာ။ ပညာဓိကာနဉ္စ သဒ္ဓါမန္တာ ဟောတိ၊ ပညာ တိက္ခာ။ သဒ္ဓါမိကာနံ ပညာ မဇ္ဈိမာ ဟောတိ။ ဝီရိယာမိကာနံ ပညာ မန္တာ။ ပညာနုဘာဝေန စ သမ္ပာသမ္ပောဓိ အဘိဂန္တဗ္ဗာတိ၊ အဋ္ဌကထာယံ ဝုတ္တံ။

အပရေ ပန “ဝီရိယဿ တိက္ခမဇ္ဈိမမုဒုဘာဝေန ဗောဓိသတ္တာနံ အယံ ကာလဝိဘာဂေါ”တိ ဝဒန္တိ၊ အဝိသေသေန ပန ဝိမုတ္တိပရိပါစနီယာနံ ဓမ္မာနံ တိက္ခမဇ္ဈိမမုဒုဘာဝေန ယထာဝုတ္တကာလဘေဒေန ဗောဓိသမ္ဘာရာ တေသံ ပါရိပူရိံ ဂစ္ဆန္တိတိတယောပေတေ ကာလဘေဒါယုတ္တာတိဝိဝဒန္တိ။ ဧဝံတိဝိဓာ ဟိ ဗောဓိသတ္တာ အဘိနိဟာရက္ခဏေ ဘဝန္တိ ဧကော ဥဋ္ဌဋိတညု၊ ဧကော ဝိပဇ္ဈိတညု၊ ဧကော နေယျောတိ။ တေသု ယော ဥဋ္ဌဋိတညု၊ သော သမ္ပာသမ္ပုဋ္ဌဿ သမ္ပုခါ စတုပ္ပဒဂါထံ သုဏန္တော ဂါထာယ တတိယပဒေ အပရိယောသိတေ ဧဝံ ဆဟိ အဘိညာဟိ သဟ ပဋိသမ္ဘိဒါဟိ အရဟတ္တံ အဓိဂန္တု သမတ္ထုပနိဿယော ဟောတိ၊ သစေ သာဝကဗောဓိယံ အဓိမုတ္တော သိယာ။

ဒုတိယော ဘဂဝတော သမ္ပုခါ စတုပ္ပဒဂါထံ သုဏန္တော အပရိယောသိတေ ဧဝံ ဂါထာယ စတုတ္ထပဒေ ဆဟိ အဘိညာဟိ အရဟတ္တံ အဓိဂန္တု သမတ္ထုပနိဿယော ဟောတိ၊ ယဒိ သာဝကဗောဓိယံ အဓိမုတ္တော သိယာ။

ဣတရော ပန ဘဂဝတော သမ္ပုခါ စတုပ္ပဒဂါထံ သုတွာ ပရိယောသိတာယ ဂါထာယ ဆဟိ အဘိညာဟိ အရဟတ္တံ အဓိဂန္တု သမတ္ထုပနိဿယော ဟောတိ။

တယောပေတေ ဝိနာ ကာလဘေဒေန ကတာဘိနိဟာရာ၊ ဗုဒ္ဓါနံ သန္တိကေ လဒ္ဓဗျာကရဏာ စ အနုက္ကမေန ပါရမိယော ပူရေန္တာ ယထာက္ကမံ ယထာဝုတ္တဘေဒေန ကာလေန သမ္မာသမ္ဗောဓိံ ပါပုဏန္တိ။ တေသု တေသု ပန ကာလဘေဒေသု အပရိပုဏ္ဏေသု တေ တေ မဟာသတ္တာ ဒိဝသေ ဒိဝသေ ဝေဿန္တရဒါနသဒိသံ မဟာဒါနံ ဒေန္တာပိ တဒနုရူပေ သီလာဒိ- သဗ္ဗပါရမိဓမ္မေ အာစိနန္တာပိ ပဉ္စ မဟာပရိစ္စာဂေ ပရိစ္စန္ဒေန္တာပိ ဉာတတ္ထ- စရိယံ လောကတ္ထစရိယံ ဗုဒ္ဓတ္ထစရိယံ ပရမကောဋ် ပါပေန္တာပိ အန္တရာဝ သမ္မာသမ္ဗုဒ္ဓါ ဘဝိဿန္တိတိ နေတံ ဌာနံ ဝိဇ္ဇတိ။ ကသ္မာ? ဉာဏဿ အပရိပစ္စနတော၊ ဗုဒ္ဓကာရကဓမ္မာနဉ္စ အပရိနိဋ္ဌာနတော။ ပရိစ္စိန္နကာလနိပ္ပု- ဒိတံ ဝိယ ဟိ သဿံ ယထာဝုတ္တကာလပရိစ္ဆေဒေန ပရိနိပ္ပုဒိတာ သမ္မာ- သမ္ဗောဓိ တဒန္တရာ ပန သဗ္ဗဿာဟေန ဝါယမန္တေနာပိ န သက္ကာ အဓိဂန္တုန္တိ ပါရမိပါရိပူရိ ယထာဝုတ္တကာလဝိသေသေန သမ္ပဇ္ဇတိတိ ဝေဒိတဗျံ။

**ကော အာနိသံသောတိ—**

ယေ တေ ကတာဘိနိဟာရာနံ ဗောဓိသတ္တာနံ—

“ဧဝံ သဗ္ဗင်္ဂသမ္ပန္နာ၊ ဗောဓိယာ နိယတာ နရာ။  
သံသရံ ဒီဃမဒ္ဓါနံ၊ ကပ္ပကောဋိသတေဟိပိ။

အဝီစိမ္ပိ နုပ္ပဇ္ဇန္တိ၊ တထာ လောကန္တရေသု စ။  
နိဇ္ဈာမတဏှာ ခုပ္ပိပါသာ၊ န ဟောန္တိ ကာလကဉ္စိကာ<sup>၁</sup>။

န ဟောန္တိ ခုဒ္ဒကာ ပါဏာ၊ ဥပပဇ္ဇန္တာပိ ဒုဂ္ဂတိံ။  
ဇာယမာနာ မနုဿေသု၊ ဇစ္စန္တာ န ဘဝန္တိ တေ။

သောတဝေကလ္လတာ နတ္ထိ၊ န ဘဝန္တိ မူဂပက္ခိကာ။  
ဣတ္ထိဘာဝံ န ဂစ္ဆန္တိ၊ ဥဘတောဗျဉ္ဇနပဏ္ဏကာ။

န ဘဝန္တိ ပရိယာပန္နာ၊ ဗောဓိယာ နိယတာ နရာ။  
မုတ္တာ အာနန္တရိကေဟိ၊ သဗ္ဗတ္ထ သုဒ္ဓဂေါစရာ။

၁-ကာလကဉ္စိကာ (စရိယာပိဋက-ဋ-၃၂၁-ပိဋက)

မိစ္ဆာဒိဋ္ဌိ န သေဝန္တိ၊ ကမ္မကိရိယဒဿနာ။  
ဝသမာနာပိ သဂ္ဂေသု၊ အသညံ နုပပဇ္ဇရေ။

သုဒ္ဓါဝါသေသု ဒေဝေသု၊ ဟေတု နာမ န ဝိဇ္ဇတိ။  
နေက္ခမ္မနိန္ဒာ သပ္ပုရိသာ၊ ဝိသံယုတ္တာ ဘဝါဘဝေ။  
စရန္တိ လောကတ္ထစရိယာယော၊ ပူရေန္တိ သဗ္ဗပါရမီ”တိ—

ဧဝံ သံဝဏ္ဏိတာ အာနိသံသာ၊ ယေ စ “သတော သမ္ပဇာနော အာနန္ဒ  
ဗောဓိသတ္တော တုသိတာ ကာယာ စရိတွာ မာတုကုန္တိ” ဩက္ကမတိ”တိ-  
အာဒိနာ၊ သောဠသ အတ္ထရိယဗ္ဗုတဓမ္မပ္ပကာရာ၊ ယေ စ “သီတံ ဗျပဂတံ  
ဟောတိ၊ ဥဏှဉ္စ ဝူပသမတိ”တိအာဒိနာ၊ “ဇာယမာနေ ခေါ သာရိပုတ္တ  
ဗောဓိသတ္တေ အယံ ဒသသဟဿိလောကဓာတု သင်္ကမ္ပတိ သမ္ပကမ္ပတိ  
သမ္ပဝေဓတိ”တိအာဒိနာ စ ဒွတ္တိံသ ပုဗ္ဗနိမိတ္တပ္ပကာရာ၊ ယေ ဝါ ပနညေဝိ  
ဗောဓိသတ္တာနံ အဓိပ္ပါယသမိဇ္ဈနံ၊ ကမ္မာဒိသု စ ဝသိဘာဝေါတိ ဧဝမာဒယော  
တတ္ထ တတ္ထ ဇာတကဗုဒ္ဓဝံသာဒိသု ဒဿိတပ္ပကာရာ အာနိသံသာ၊ တေ  
သဗ္ဗေဝိ ဧတာသံ အာနိသံသာ၊ တထာ ယထာနိဒဿိတဘေဒါ အလောဘာ-  
ဒေါသာဒိဂုဏယုဂဠာဒယော စာတိ ဝေဒိတဗ္ဗာ။

အပိစ ယသ္မာ ဗောဓိသတ္တော အဘိနိဟာရတော ပဠာယ သဗ္ဗသတ္တာနံ  
ပိတုသမော ဟောတိ ဟိတေသိတာယ၊ ဒက္ခိဏေယျကော ဂရု ဘာဝနီယော  
ပရမဉ္စ ပုညက္ခေတ္တံ ဟောတိ ဂုဏဝိသေသယောဂေန၊ ယေဘုယျေန စ မနု-  
ဿာနံ ဝိယော ဟောတိ၊ အမနုဿာနံ ဝိယော ဟောတိ၊ ဒေဝတာဟိ အနု-  
ပါလိယတိ၊ မေတ္တာကရုဏာပရိဘာဝိတသန္တာနတာယ ဝါဠမိဂါဒီဟိ စ  
အနဘိဘဝနီယော ဟောတိ၊ ယသ္မိ ယသ္မိဉ္စ သတ္တနိကာယေ ပစ္စာဇာယတိ၊  
တသ္မိ တသ္မိ ဥဠာရေန ဝဏ္ဏေန ဥဠာရေန ယသေန ဥဠာရေန သုခေန  
ဥဠာရေန ဗလေန ဥဠာရေန အာဓိပတေယျေန အညေ သတ္တေ အဘိဘဝတိ  
ပုညဝိသေသယောဂတော။

အပ္ပါဗာဓော ဟောတိ အပ္ပါတင်္ဂော၊ သုဝိသုဒ္ဓါ စဿ သဒ္ဓါ ဟောတိ  
သုဝိသဒါ၊ သုဝိသုဒ္ဓံ ဝိရိယံ၊ သတိ သမာဓိ ပညာ သုဝိသဒါ၊ မန္တကိလေသော  
ဟောတိ မန္တဒရထော မန္တပရိဠာဟော၊ ကိလေသာနံ မန္တဘာဝေနေဝ သုဗ္ဗစော  
ဟောတိ ပဒက္ခိဏဂ္ဂါဟိ၊ ခမော ဟောတိ သောရတော၊ သဒ္ဓိလော ဟောတိ

၁-အဘိ-ဋ္ဌ ၁-၇၂၊ စရိယာပိဋက-ဋ္ဌ ၃၂-၂၊ အပဒါန-ဋ္ဌ ၁-၅၅၊ ဇာတက-ဋ္ဌ ၁-၅၁-ဗုဒ္ဓဝံသ-ဋ္ဌ ၃၁၆-ပိဋေသု။  
၂-မ ၃-၁၆၃-ပိဋေ။ ၃-၃ ၄-၃၁၃-ပိဋေ။

ပဋိသန္ဓာရကုသလော၊ အကောဓေနော ဟောတိ အနုပနာဟိ၊ အမက္ခိ ဟောတိ အပဋ္ဌာသိ၊ အနိဿုကိ ဟောတိ အမစ္ဆရိ၊ အသဋ္ဌော ဟောတိ အမာယာဝိ၊ အထဒ္ဓေါ ဟောတိ အနုတိမာနိ၊ အသာရဒ္ဓေါ ဟောတိ အပ္ပမတ္တော၊ ပရတော ဥပတာပသဟော ဟောတိ ပရေသံ အနုပတာဝိ၊ ယသ္မိဉ္စ ဂါမခေတ္တေ ပဋိဝသတိ၊ တတ္ထ သတ္တာနံ ဘယာဒယော ဥပဒ္ဒဝါ ယေဘုယျေန အနုပ္ပန္နာ နုပ္ပဇ္ဇန္တိ၊ ဥပ္ပန္နာ စ ဂူပသမန္တိ၊ ယေသု စ အပါယေသု ဥပ္ပဇ္ဇတိ၊ န တတ္ထ ပစုရဇေနော ဝိယ ဒုက္ခေန အဓိမတ္တံ ဝိဇ္ဇိယတိ၊ ဘိယျောသော မတ္တာယ သံဝေဂ-ဘယမာပဇ္ဇတိ။ တသ္မာ မဟာပုရိသဿ ယထာရဟံ တသ္မိံ တသ္မိံ ဘဝေ လဗ္ဘမာနာ ဧတေ သတ္တာနံ ဝိတုသမတာဒက္ခိဏေယျတာဒယော ဂုဏ-ဝိသေသာ အာနိသံသာတိ ဝေဒိတဗ္ဗာ။

တထာ အာယုသမ္ပဒါ ရူပသမ္ပဒါ ကုလသမ္ပဒါ ဣဿရိယသမ္ပဒါ အာဒေယျ-ဝစနတာ မဟာနုဘာဝတာတိ ဧတေပိ မဟာပုရိသဿ ပါရမီနံ အာနိ-သံသာတိ ဝေဒိတဗ္ဗာ။ တတ္ထ **အာယုသမ္ပဒါ** နာမ တဿံ တဿံ ဥပပတ္တိယံ ဒီဃာယုကတာ စိရဋ္ဌိတိကတာ၊ တာယ ယထာရဒ္ဓါနိ ကုသလသမာဒါနာနိ ပရိယောသာပေတိ၊ ဗဟုဉ္စ ကုသလံ ဥပစိနောတိ။ **ရူပသမ္ပဒါ** နာမ အဘိရူပတာ ဒဿနိယတာ ပါသာဒိကတာ၊ တာယ ရူပပ္ပမာဏာနံ သတ္တာနံ ပသာဒါဝဟော ဟောတိ သမ္ဘာဝနိယော။ **ကုလသမ္ပဒါ** နာမ ဥဋ္ဌာရေသု .ကုလေသု အဘိနိဗ္ဗတ္တိ၊ တာယ ဇာတိမဒါဒိမဒသတ္တာနမ္ပိ ဥပသင်္က-မနိယော ဟောတိ ပယိရူပါသနိယော၊ တေန တေ နိဗ္ဗိသေဝနေ ကရောန္တိ။ **ဣဿရိယသမ္ပဒါ** နာမ မဟာဝိဘဝတာ၊ မဟေသက္ခတာ၊ မဟာပရိဝါရတာ စ၊ တာဟိ သင်္ကဟိတဗ္ဗေ စတူဟိ သင်္ကဟဝတ္ထုဟိ၊ သင်္ကဟိတုံ၊ နိဂ္ဂဟေတဗ္ဗေ ဓမ္မေန နိဂ္ဂဟေတုဉ္စ သမတ္တော ဟောတိ။ **အာဒေယျဝစနတာ** နာမ သဒ္ဓေယျတာ ပစ္စယိကတာ၊ တာယ သတ္တာနံ ပမာဏဘူတော ဟောတိ၊ အလဉ်နိယာ စဿ အာဏာ ဟောတိ။ **မဟာနုဘာဝတာ** နာမ ပဘာဝမဟန္တတာ၊ တာယ ပရေဟိ န အဘိဘုယျတိ၊ သယမေဝ ပန ပရေ အညဒတ္ထ၊ အဘိဘဝတိ ဓမ္မေန၊ သမေန၊ ယထာဘူတဂုဏေဟိ စ၊ ဧဝမေတေသံ အာယုသမ္ပဒါဒယော မဟာ-ပုရိသဿ ပါရမီနံ အာနိသံသာ၊ သယဉ္စ အပရိမာဏဿ ပုညသမ္ဘာရဿ ပရိဝုဒ္ဓိဟေတုဘူတာ၊ ယာနတ္ထယေ သတ္တာနံ အဝတာရဏဿ ပရိပါစနဿ ကာရဏဘူတာတိ ဝေဒိတဗ္ဗာ။

၁-....မဒမတ္တာနမ္ပိ (စရိယာပိဋက-ဋ-၃၉၊ ၃၂၃-ပိဋကေသု။)

၂-ဒီ ၃-၁၉၃၊ အံ ၁-၅၇၁-ပိဋကေသု။

၃-ပရိသုဒ္ဓိဟေတုဘူတာ (က)

ကိ° ဖလန္တိ—

သမ္မာသမ္ဗုဒ္ဓတာ တာသံ၊ ဇညာ ဖလံ သမာသတော။  
ဝိတ္တာရတော အနန္တာပ-ဇေယျာ ဂုဏဂဏာ မတာ။

သမာသတော ဟိ တာဝ သမ္မာသမ္ဗုဒ္ဓတာဝေါ ဧတာသံ ဖလံ။ ဝိတ္တာရ-  
တော ပန ဗာတ္ထိံသမဟာပုရိသလက္ခဏံ<sup>၁</sup>အသိတာနုဗျဉ္ဇန<sup>၂</sup>၊ ဗျာမပ္ပဘာဒိ-  
အနေကဂုဏဂဏသမုဇ္ဈလရူပကာယသမ္ပတ္တိအဓိဋ္ဌာနာ ဒသဗလ<sup>၃</sup>စတုဝေသာ-  
ရဇ္ဇ<sup>၄</sup>ဆအသာဓာရဏဉာဏအဋ္ဌာရသာဝေဏိကဗုဒ္ဓဓမ္မ<sup>၅</sup>၊ ပဘုတိအနန္တာပရိမာ-  
ဏဂုဏသမုဒယောပသောဘိနိ ဓမ္မကာယသိရိ၊ ယာဝတာ ပန ဗုဒ္ဓဂုဏာ  
ယေ အနေကေဟိပိ ကပ္ပေဟိ သမ္မာသမ္ဗုဒ္ဓေနာပိ ဝါစာယ ပရိယောသာပေတုံ  
န သက္ကာ၊ ဣဒမေဝ တာသံ ဖလံ။ ဝုတ္တဇ္ဇေတံ ဘဂဝတာ—

“ဗုဒ္ဓေါပိ ဗုဒ္ဓဿ ဘဏေယျ ဝဏ္ဏံ၊  
ကပ္ပမ္ပိ စေ အညမဘာသမာနော။  
ဒီယေထ ကပ္ပေါ ဖိရဒီဃမန္တရေ၊  
ဝဏ္ဏော န ဒီယေထ တထာဂတဿာ”တိ၆—

ဧဝမေတ္ထ ပါရမီသု ပကိဏ္ဏကကထာ ဝေဒိတဗ္ဗာ။

ဧဝံ ယထာဝုတ္တာယ ပဋိပဒါယ ယထာဝုတ္တဝိဘာဂါနံ ပါရမီနံ ပူရိတဘာဝံ  
သန္တာယာဟ “သမတိံသ ပါရမီယော ပူရေတွာ”တိ။ သတိပ မဟာပရိစ္စာ-  
ဂါနံ ဒါနပါရမီဘာဝေ ပရိစ္စာဂဝိသေသဘာဝဒဿနတ္ထံ၊ ဝိသေသသမ္ဘာရတာ-  
ဒဿနတ္ထံ၊ သုဒ္ဓက္ကရဘာဝဒဿနတ္ထဉ္စ တေသံ ဝိသုံ ဂဟဏံ၊ တတောယေဝ စ  
အင်္ဂပရိစ္စာဂတော နယနပရိစ္စာဂဿ၊ ပရိဂ္ဂဟပရိစ္စာဂဘာဝသာမညေပိ နေရဇ္ဇ-  
ပရိစ္စာဂတော ပုတ္တဒါရပရိစ္စာဂဿ ဝိသုံ ဂဟဏံ ကတံ၊ တထာယေဝ  
အာစရိယဓမ္မပါလတ္ထေရေန<sup>၇</sup> ဝုတ္တံ။ အာစရိယသာရိပုတ္တတ္ထေရေနပိ အင်္ဂုတ္တရ-  
ဋီကာယံ<sup>၈</sup>၊ ကတ္ထဝိ ပန ပုတ္တဒါရပရိစ္စာဂေ ဝိသုံ ကတွာ နယနပရိစ္စာဂမညတြ  
ဇီဝိတပရိစ္စာဂံ ဝါ ပကိဝိတွာ ရဇ္ဇပရိစ္စာဂမညတြ ပဉ္စ မဟာပရိစ္စာဂေ ဝဒန္တိ။

၁-ဒီ ၂-၁၄၊ ဒီ ၃-၁၁၇၊ မ ၂-၃၃၆-ပိဋေသု၊ ၂ ဇိနာလင်္ကာရဋီကာယ ဝိဇ-တမင်္ဂလဝဏ္ဏနာယံ ဝိတ္တာရော၊  
၃-မ ၁-၉၉၊ အံ ၃-၂၀၃-၄-ပိဋေသု၊ ၄-အံ ၁-၃၁၅-ပိဋေ။ ၅-ဒီ-ဋ္ဌ ၃-၁၇၆၊ မူလဋီ ၂-၂-ပိဋေသု၊  
၆-ဒီ-ဋ္ဌ ၁-၂၅၇၊ ဒီ-ဋ္ဌ ၃-၆၁၊ မ-ဋ္ဌ ၃-၂၀၉၊ ဥဒါန-ဋ္ဌ-၃၀၅၊ ဧရိယာပိဋက-ဋ္ဌ-၉၊ ၃၂၄-ပိဋေသု၊  
၇-ဒီ-ဋီ ၁-၁၀၁-ပိဋေ။ ၈-အံ-ဋီ ၁-ဧကပုဂ္ဂလဝဂ္ဂဿ ပဌမေ၊

ဂတပစ္စာဂတိကဝတ္ထသင်္ခါတာယ<sup>၁</sup> ပုဗ္ဗဘာဂပဋိပဒါယ သဒ္ဓိ<sup>၂</sup> အဘိညာ-  
သမာပတ္တိနိပ္ပာဒနံ ပုဗ္ဗယောဂေါ။ ဒါနာဒိသုယေဝ သာတိသယပဋိပတ္တိနိပ္ပာဒနံ  
ပုဗ္ဗစရိယာ။ ယာ ဝါ စရိယာပိဋကသင်္ဂဟိတာ၊ သာ ပုဗ္ဗစရိယာ။ ကေစ ပန  
“အဘိနိဟာရော ပုဗ္ဗယောဂေါ။ ဒါနာဒိပဋိပတ္တိ ဝါ ကာယဝိဝေကဝသေန  
ဧကစရိယာ ဝါ ပုဗ္ဗစရိယာ”တိ ဝဒန္တိ။ ဒါနာဒိနဉ္စေဝ အပ္ပိစ္ဆတာဒိနဉ္စ သံသာရ-  
နိဗ္ဗာနေသု အာဒိနဝါနိသံသာနဉ္စ ဝိဘာဝနဝသေန၊ သတ္တာနံ ဗောဓိတ္ထယေ  
ပတိဋ္ဌာပနပရိပါစနဝသေန စ ပဝတ္တာကဏာ ဓမ္မက္ခာနံ။ ဉ္စတိနမတ္ထဿ စရိယာ  
ဉာတတ္ထစရိယာ၊ သာပိ ကရုဏာယနဝသေနေဝ။ အာဒိ-သဒ္ဓေန လောကတ္ထ-  
စရိယာဒယော သင်္ဂဟာတိ။ ကမ္မဿကတဉာဏဝသေန၊ အနဝဇ္ဇကမ္မာ-  
ယတနသိပ္ပာယတနဝိဇ္ဇာဋ္ဌာနပရိစယဝသေန၊ ခန္ဓာယတနာဒိပရိယေဝသေန၊  
လက္ခဏတ္ထယတိရဏဝသေန စ ဉာဏစာရော ဗုဒ္ဓိစရိယာ၊ သာ ပနတ္ထတော  
ပညာပါရမီယေဝ၊ ဉာဏသမ္ဘာရဒဿနတ္ထံ ပန ဝိသုံ ဂဟဏံ။ ကောဋိန္တိ  
ပရိယန္တံ ဥက္ကံသံ။ တထာ အပ္ပာကမ္ဘိ ဘဂဝါ အာဂတောတိ ဧတ္ထာပိ  
“ဒါနပါရမိံ ပူရေတွာ”တိအာဒိနာ သမ္ပန္နော။

ဧဝံ ပါရမိပူရဏဝသေန “တထာ အာဂတော”တိ ပဒဿတ္ထံ ဒဿေတွာ  
ဣဒါနိ ဗောဓိပက္ခိယဓမ္မဝသေနပိ ဒဿေန္တော “စတ္တာရော သတိပဋ္ဌာနေ”တိ-  
အာဒိမာဟ။ တတ္ထ သတိပဋ္ဌာနာဒိဂ္ဂဟဏေန အာဂမနပဋိပဒံ မတ္ထကံ  
ပါပေတွာ ဒဿေတိ မဂ္ဂဖလပက္ခိကာနညေဝ ဂဟေတဗ္ဗတ္တာ၊ ဝိပဿနာ-  
သင်္ဂဟိတာ ဧဝံ ဝါ သတိပဋ္ဌာနာဒယော ဒဋ္ဌဗ္ဗာ ပုဗ္ဗဘာဂပဋိပဒါယ ဂဟဏ-  
တော။ အာဝေတွာတိ ဥပ္ပါဒေတွာ။ ဗြူဟေတွာတိ ဝဓေတွာ။ ဧတ္ထ စ  
“သေန အဘိနိဟာရေနာ”တိအာဒိနာ အာဂမနပဋိပဒါယ အာဒိ<sup>၃</sup> ဒဿေတိ၊  
“ဒါနပါရမိံ ပူရေတွာ”တိအာဒိနာ မဇ္ဈေ၊ “စတ္တာရော သတိပဋ္ဌာနေ”တိ-  
အာဒိနာ ပရိယောသာနံ။ တသ္မာ “အာဂတော”တိ ဝုတ္တဿ အာဂမနဿ  
ကာရဏဘူတပဋိပဒါဝိသေသဒဿနံယေဝ တိဏ္ဍံ နယာနံ ဝိသေသောတိ  
ဒဋ္ဌဗ္ဗံ။ ဣဒါနိ ယထာဝုတ္တေန အတ္ထယောဇနတ္ထယေန သိဒ္ဓိ ပဌမကာရဏမေဝ  
ဂါထာဗန္ဓဝသေန ဒဿေတုံ “ယထေဝါ”တိအာဒိ ဝုတ္တံ။ တတ္ထ ဣလောကမ္ဘိ  
ဝိပဿိအာဒယော မုနယော သဗ္ဗညဘာဝံ ယထာဝုတ္တေန ကာရဏတ္ထယေန  
အာဂတာ ယထေဝ၊ တထာ ပဉ္စဟိ စက္ခုဟိ စက္ခုမာ အယံ သကျမုနိပိ ယေန  
ကာရဏေန အာဂတော၊ တေနေသ တထာဂတော နာမ ဝုစ္စတိတိ  
ယောဇနာ။ (၁)

သဗ္ဗတိဇာတောတိ မနုဿာနံ ဟတ္ထတော မုစ္ဆိတွာ မုဟုတ္တဇာတော၊ န ပန မာတုကုစ္ဆိတော နိက္ခန္တမတ္တော။ မာတုကုစ္ဆိတော နိက္ခန္တမတ္တံ မဟာသတ္တံ ပဌမံ မြဟ္မာနော သုဝဏ္ဏဇာလေန ပဋိဂ္ဂဏိဋ္ဌာ၊ တေသံ ဟတ္ထတော စတ္တာရော မဟာရာဇာနော အဇိနပ္ပဝေဏိယာ၊ တေသံ ဟတ္ထတော မနုဿာ ဒုကူလစုမ္ပဋကေန ပဋိဂ္ဂဏိဋ္ဌာ၊ “မနုဿာနံ ဟတ္ထတော မုစ္ဆိတွာ ပထဝိယံ ပတိဋ္ဌိတော”တိ ဝိဂ္ဂတိ။ “ကထဉ္စော”တိ အာဒိဝိတ္တာရဒဿနံ။ ယထာဟ ဘဂဝါ မဟာပဒါနဒေသနာယံ။ သေတမှိ ဆတ္တေတိ ဒိဗ္ဗသေတန္တတ္ထေ။ အနုဟိရမာနောတိ ဓာရိယမာနော။ “အနုဓာရိယမာနော”တိ ပိ ဣဒါနိ ပါဌော။ “တ္ထေ စ ဆတ္တဂ္ဂဟဏေနေဝ ခဂ္ဂါဒိနိ ပဉ္စ ကကုဓာဏ္ဍာနိပိ” ဂဟိတာနေဝါတိ ဒဋ္ဌဗ္ဗံ။ ခဂ္ဂတာလဝဏ္ဏမောရဟတ္ထကဝါလဗီဇနိဥဏ္ဏိသပဋ္ဌာပိ ဟိ ဆတ္တေန သဟ တဒါ ဥပဋ္ဌိတာ အဟေသုံ။ ဆတ္တာဒိနိယေဝ စ တဒါ ပညာယံသု၊ န ဆတ္တာဒိဂါဟကာ”တိ အာစရိယဓမ္မပါလတ္ထေရေန ဝုတ္တံ၊ အာစရိယသာရိပုတ္တတ္ထေရေနာပိ အင်္ဂုတ္တရဋီကာယံ။ ဧဝံ သတိ တာလဝဏ္ဏာဒိနမ္ပိ ကကုဓာဏ္ဍာသမညာ။ အပိစ ခဂ္ဂါဒိနိ ကကုဓာဏ္ဍာနိ၊ တဒညာနိပိ တာလဝဏ္ဏာဒိနိ တဒါ ဥပဋ္ဌိတာနိတိ အဓိပ္ပါယေန တထာ ဝုတ္တံ။

သဗ္ဗာ စ ဒိသတိ ဒသ ဒိသာ။ အနုဝိလောကေတိတံ ပုညာနုဘာဝေန လောကဝိဝရဏပါဋိဟာရိယေ ဇာတေ ပညာယမာနံ ဒသသဟဿိလောကဓာတုံ မံသစက္ခုနာဝ ဩလောကေတိတိ အတ္ထော။ နယိဒံ သဗ္ဗဒိသာနုဝိလောကနံ သတ္တပဒဝိတိဟာရုတ္တရကာလံ ပဌမမေဝါနုဝိလောကနတော။ မဟာသတ္တောဟိ မနုဿာနံ ဟတ္ထတော မုစ္ဆိတွာ ပုရတ္ထိမံ ဒိသံ ဩလောကေသိ။ တတ္ထ ဒေဝမနုဿာ ဂန္ဓမာလာဒိဟိ ပူဇယမာနာ “မဟာပုရိသ ဣဓ တုမေဟိ သဒိသောပိ နတ္ထိ၊ ကုတော တယာ ဥတ္တရိတရော”တိ အာဟံသု။ ဧဝံ စတသော ဒိသာ စတသော အနုဒိသာ ဟေဋ္ဌာ ဥပရိတိ သဗ္ဗာ ဒိသာ အနုဝိလောကေတွာ သဗ္ဗတ္ထ အက္ကနာ သဒိသမဒိသွာ “အယံ ဥတ္တရာ ဒိသာ”တိ သတ္တပဒဝိတိဟာရေန အဂမာသိတိ အာစရိယဓမ္မပါလတ္ထေရေန၊<sup>၁</sup> အာစရိယသာရိပုတ္တတ္ထေရေန<sup>၆</sup> စ ဝုတ္တံ။ မဟာပဒါနသုတ္တန္တကထာယမ္ပိ<sup>၇</sup> ဧဝမေဝ ဝုတ္တိတံ။ တသ္မာ သတ္တပဒဝိတိဟာရတော ပဌမံ သဗ္ဗဒိသာနုဝိလောကနံ ကတွာ သတ္တပဒဝိတိဟာရေန ဂန္ဓာ တဒုပရိ အာသဘိ ဝါစံ ဘာသတိတိ ဒဋ္ဌဗ္ဗံ။ ဣဓ၊ ပန အညာသု စ အဋ္ဌကထာသု

၁-ဒိ-ဋ္ဌ ၂-၃၀-ပိဋေ၊	၂-ခု ၆-၅၉-ပိဋေ၊	၃-ဒိ-ဋီ ၁-၁၀၂-ပိဋေ၊
၄-အံ-ဋီ ၁-ကေပုဂ္ဂလဝဂ္ဂဿ ပဌမေ၊		၅-ဒိ-ဋီ ၁-၁၀၂-ပိဋေ၊
၆-အံ-ဋီ ၁-ကေပုဂ္ဂလဝဂ္ဂဿ ပဌမေ။		၇-ဒိ-ဋ ၂-၃၁-ပိဋေ။

သမေဟိ ပါဒေဟိ ပတိဋ္ဌဟနတော ပဋ္ဌာယ ယာဝ အာသဘိဝါစာဘာသနံ တာဝ ယထာက္ကမံ ဧဝ ပုဗ္ဗနိမိတ္တဘာဝံ ဝိဘာဝေန္တော “သတ္တမပဒူပရိ ဌတ္တာ သဗ္ဗဒိသာနုဝိလောကနံ သဗ္ဗညုတာနာဝရဏဉာဏပဋိလာဘဿာ”တိအာဒိနိ ဝဒတိ၊ ဧဝမိယထာ န ဝိရုဇ္ဈတိ၊ တထာ ဧဝ အတ္ထော ဂဟေတဗျော။ “သတ္တမ- ပဒူပရိ ဌတ္တာ”တိ စ ပါဌော ပစ္စာ ပမာဒလေခဝသေန ဧဒိသေန ဝစနက္ကမေန မဟာပဒါနဋ္ဌကထာယမဒိဿမာနတ္တာတိ။ အာသဘိန္တိ ဥတ္တမံ၊ အကမ္ပနိကံ ဝါ၊ နိဗ္ဗယန္တိ အတ္ထော။ ဥသဘဿ ဣဒန္တိ ဟိ အာသဘံ၊ သူရဘာဝေါ၊ တေန ယုတ္တတ္တာ ပနာယံ ဝါစာ “အာသဘိ”တိ ဝုစ္စတိ။ အဂ္ဂေါတိ သဗ္ဗပဌမော။ ဇေဋ္ဌော၊ သေဋ္ဌောတိ စ တဿေဝ ဝေဝစနံ။ သဒ္ဓတ္ထမတ္တတော ပန အဂ္ဂေါတိ ဂုဏေဟိ သဗ္ဗပဓာနော။ ဇေဋ္ဌောတိ ဂုဏဝသေနော သဗ္ဗေသံ ဝုဒ္ဓတမော၊ ဂုဏေဟိ မဟလ္လကတမောတိ ဝုတ္တံ ဟောတိ။ သေဋ္ဌောတိ ဂုဏဝသေနော သဗ္ဗေသံ ပသဋ္ဌတမော။ လောကဿာတိ ဝိဘတ္တာဝဓိ- ဘူတေ နိဿက္ကတ္ထေ သာမိဝစနံ။ အယမန္တိမာ ဇာတိ၊ နတ္ထိ ဒါနိ ပုနန္တ- ဝေါတိ ဣမသ္မိ အတ္တဘာဝေ ပတ္တဗ္ဗံ အရဟတ္တံ ဗျာကာသိ တဗ္ဗသေနော ပုနန္တဝါဘာဝတော။

ဣဒါနိ တထာဂမနံ သမ္ဘာဝေန္တော “တဉ္ဇဿာ”တိအာဒိမာဟ။ ပုဗ္ဗနိမိတ္တ- ဘာဝေန တထံ အဝိတထန္တိ သမ္ပန္နော။ ဝိသေသာမိဂမာနန္တိ ဂုဏဝိ- သေသာမိဂမာနံ။ တဒေဝတ္ထံ ဝိတ္တာရတော ဒဿေတိ “ယဉ္ဇိ”တိအာဒိနာ။ တတ္ထ ယန္တိ ကိရိယာပရာမသနံ၊ တေန “ပတိဋ္ဌဟိ”တိတ္ထေ ပကတိယတ္ထံ ပတိ- ဋ္ဌာနကိရိယံ ပရာမသတိ။ ဣဒမဿာတိ ဣဒံ ပတိဋ္ဌဟနံ အဿ ဘဂဝ- တော။ ပဋိလာဘသဒ္ဓေ သာမိနိဒ္ဓေသော စေသ၊ ကတ္ထုနိဒ္ဓေသော ဝါ။ ပုဗ္ဗ- နိမိတ္တန္တိ တပုဋိလာဘသင်္ခါတဿ အာယတိ ဥပ္ပဇ္ဇမာနကဿ ဟိတဿ ပဌမံ ပဝတ္ထံ သဉ္ဇာနနကာရဏံ။ ဘဂဝတော ဟိ အတ္ထရိယဗ္ဗုတဂုဏဝိသေ- သာမိဂမနေ ပဉ္စ မဟာသုဝိနာဒယော ဝိယ တောနိ သဉ္ဇာနနနိမိတ္တာနိ ပါတုဘဝန္တိ၊ ယထာ တံ လောကေ ပုညဝန္တာနံ ပုညဖလဝိသေသာမိဂမ- နေတိ။

သဗ္ဗလောကုတ္တရဘာဝဿာတိ သဗ္ဗလောကာနမုတ္တမဘာဝဿ၊ သဗ္ဗ- လောကာတိက္ကမနဘာဝဿ ဝါ။ သတ္တ ပဒါနိ သတ္တပဒံ၊ တဿ ဝိတိဟာရော ဝိသေသေန အတိဟရဏံ သတ္တပဒဝိတိဟာရော၊ သတ္တပဒနိက္ခေပေါတိ အတ္ထော။ သော ပန သမဂမနေ ဒိန္နံ ပဒါနမန္တရေ မုဋ္ဌိရတနမတ္တန္တိ ဝုတ္တံ။

“အနေကသာခဉ္စ သဟဿမဏ္ဍလံ၊  
 ဆတ္တံ မရူ ဓာရယုမန္တလိက္ခေ။  
 သုဝဏ္ဏဒဏ္ဍာ ဝိတိပတန္တိ စာမရာ၊  
 န ဒိဿရေ စာမရဆတ္တဂါဟကာ”တိ—

သုတ္တနိပါတေ နာဠကသုတ္တေ အာယသ္မတာ အာနန္ဒတ္ထေရေန ဝုတ္တံ နိဒါန-  
 ဂါထာပဒံ သန္ဓာယ “သုဝဏ္ဏဒဏ္ဍာ ဝိတိပတန္တိ စာမရာတိ ဧတ္တာ”တိ ဝုတ္တံ။  
 ဧတ္တာတိ ဟိ တေသ္မိံ ဂါထာပဒေတိ အတ္ထော။ မဟာပဒါနသုတ္တေ အနာ-  
 ဂတတ္တာ ပန စာမရက္ခေပဿ တထာ ဝစနံ ဒဋ္ဌဗ္ဗံ။ တတ္ထ အာဂတာနုသာရေန  
 ဟိ ဣဓ ပုဗ္ဗနိမိတ္တဘာဝံ ဝဒတိ။ စမရာ နာမ မိဂဝိသေသော။ ယဿ  
 ဝါလေန ရာဇကုဓဘူတံ ဝါလဗီဇနိံ ကရေန္တိ၊ တဿ အယန္တိ စာမရီ။  
 တဿာ ဥက္ခေပေါတထာ၊ ဝုတ္တော သောတိ ဝုတ္တစာမရက္ခေပေါ။ အရဟတ္တ-  
 ဝိပုတ္တိဝရဝိမလသေတန္တုတ္တပဋိလာဘဿာတိ အရဟတ္တဖလသမာပတ္တိသင်္ခါတ-  
 ဝရဝိမလသေတန္တုတ္တပဋိလာဘဿ။ သတ္တမပဉ္စပရိတိ ဧတ္ထ ပဒ-သဒ္ဓေါ ပဒ-  
 ဝဠုနဝါစကော၊ တသ္မာ သတ္တမဿ ပဒဝဠုနဿ ဥပရိတိ အတ္ထော။  
 သဗ္ဗညုတညာဏမေဝ သဗ္ဗတ္ထ အပ္ပဋိဟတစာရတာယ အနာဝရဏန္တိ အာဟ  
 “သဗ္ဗညုတနာဝရဏဉာဏပဋိလာဘဿာ”တိ။ တထာ အယံ ဘဂဝါ။ ပ။  
 ပုဗ္ဗနိမိတ္တဘာဝနာတိ ဧတ္ထ “ယဉ္ဇ”တိအာဒိ အဓိကာရတ္တာ၊ ဂမ္ပမာနတ္တာ  
 စ န ဝုတ္တံ၊ ဧတေန စ အဘိဇာတိယံ ဓမ္မတာဝသေန ဥပ္ပဇ္ဇနကဝိသေသာ  
 သဗ္ဗဗောဓိသတ္တာနံ သာဓာရဏာတိ ဒဿေတိ။ ပါရမိတာနိဿန္တာ ဟိ တေ။

ပေါရာဏာတိ အဋ္ဌကထာစရိယာ။ ဂဝမ္ပတိ ဥသဘော သမေဟိ ပါဒေဟိ  
 ဝသုနံ ရတနာနံ ဓာရဏတော ဝသုန္ဓရသင်္ခါတံ ဘူမိံ ဖုသီ ယထာ၊ တထာ  
 မနုဿာနံ ဟတ္ထတော မုစ္ဆိတွာ မုဟုတ္တဇာတော သော ဂေါတမော သမေဟိ  
 ပါဒေဟိ ဝသုန္ဓရံ ဖုသီတိ အတ္ထော။ ဝိက္ခမီတိ အဂမာသိ။ သတ္တ ပဒါနီတိ  
 သတ္တပဒဝဠုနဋ္ဌာနာနိ။ အစ္စန္ဒသံယောဂေ စေတံ ဥပယောဂဝစနံ၊ သတ္တ-  
 ပဒဝါရေဟိတိ ဝါ ကရဏတ္ထော ဥတ္တရပဒလောပဝသေန ဒဋ္ဌဗ္ဗော။ မဇ္ဈတိ  
 ဒေဝါ ယထာမရိယာဒံ မရဏသဘာဝတော။ သမာတိ ဝိလောကနသမ-  
 တာယ သမာ သဒိသိယော။ မဟာပုရိသော ဟိ ယထာ ဧကံ ဒိသံ ဝိလော-  
 ကေသိ၊ ဧဝံ သေသဒိသာပိ၊ န ကတ္ထမိ ဝိလောကနေ ဝိနိဗန္ဓော တဿ  
 အဟောသိ၊ သမာတိ ဝါ ဝိလောကေတုံ ယုတ္တာတိ အတ္ထော။ န ဟိ တဒါ  
 ဗောဓိသတ္တဿ ဝိရူပဗိဘန္တဝိသမရူပါနိ ဝိလောကေတုမယုတ္တာနိ ဒိသာသု

ဥပဋ္ဌဟန္တိ၊ ဝိဿဋ္ဌမဉ္ဇူဝိညေယျာဒိဝသေန အဋ္ဌင်္ဂပေတံ ဂိရံ အတ္တဒီရယံ ပဗ္ဗတမုဒ္ဒနိဋ္ဌိတော သီဟော ယထာ အဘိနဒိတိ အတ္ထော။

ဧဝံ ကာယဂမနတ္ထေန ဂတသဒ္ဓေန တထာဂတသဒ္ဓံ နိဒ္ဓိသိတွာ ဣဒါနိ ဉာဏဂမနတ္ထေန နိဒ္ဓိသိတုံ “အထ ဝါ”တိအာဒိမာဟ။ တတ္ထ “ယထာ ဝိပဿီ ဘဂဝါ”တိအာဒိသုပိ “နေက္ခမ္ပေန ကာမစ္ဆန္တံ ပဟာယာ”တိအာဒိနာ ယောဇေတဗ္ဗံ။ နေက္ခမ္ပေနာတိ အလောဘပဓာနေန ကုသလစိတ္တုပ္ပါဒေန။ ကုသလာ ဟိ ဓမ္မာ ဣဓ နေက္ခမ္ပံ တေသံ သဗ္ဗေသမ္ပိ ကာမစ္ဆန္တပဋိပက္ခတ္တာ၊ န ပဗ္ဗဇ္ဇာဒယော ဧဝ။ “ပဌမဇ္ဈာနေနာ”တိပိ ဝဒန္တိ ကေစိ၊ တဒယုတ္တမေဝ ပဌမဇ္ဈာနဿ ပုဗ္ဗဘာဂပဋိပဒါယ ဧဝ ဣဓ ဣန္ဒြိတတ္တာ။ ပဟာယာတိ ပဇ-  
ဟိတွာ။ ဂတောတိ ဥတ္တရိဝိသေသံ ဉာဏဂမနေန ပဋိပန္နော။ ပဟာယာတိ ဝါ ပဟာနဟေတု၊ ပဟာနေ ဝါ သတိ။ ဟေတုလက္ခဏတ္ထေသု ဟိ အယံ တွာ-သဒ္ဓေါ “သက္ကောဟုတွာ နိဗ္ဗတ္တိ”တိအာဒိသု ဝိယ။ ကာမစ္ဆန္တာဒိပ္ပဟာန-  
ဟေတုကဉ္စ “ဂတော”တိတ္ထေ ဝုတ္တံ အဝဗောဓသင်္ခါတံ၊ ပဋိပတ္တိသင်္ခါတံ ဝါ ဂမနံ ကာမစ္ဆန္တာဒိပ္ပဟာနေန စ တံ လက္ခိယတိ၊ ယေ နယော “ပဒါလေတွာ”တိ-  
အာဒိသုပိ။ အဗျာပါဒေနာတိ မေတ္တာယ။ အာလောကသညာယာတိ ဝိဘူတံ ကတွာ မနသိကာရေန ဥပဋ္ဌိတာလောကသညာနနေန။ အဝိက္ခေပေနာတိ-  
သမာဓိနာ။ ဓမ္မဝေတ္တာနေနာတိ ကုသလာဒိဓမ္မာနံ ယာထာဝနိစ္ဆယေန၊ သပ္ပစ္စယနာမရူပဝေတ္တာနေနာတိပိ ဝဒန္တိ။

ဧဝံ ကာမစ္ဆန္တာဒိနိဝရဏပ္ပဟာနေန “အဘိဇ္ဈံ လောကေ ပဟာယာ”တိ-  
အာဒိနာ ဝုတ္တာယ ပဌမဇ္ဈာနဿ ပုဗ္ဗဘာဂပဋိပဒါယ ဘဂဝတော ဉာဏဂမန-  
ဝိသိဋ္ဌံ တထာဂတဘာဝံ ဒဿေတွာ ဣဒါနိ သဟဥပါယေန အဋ္ဌဟိ သမာပတ္တိဟိ၊  
အဋ္ဌာရသဟိ စ မဟာဝိပဿနာဟိ တံ ဒဿေတုံ “ဉာဏေနာ”တိအာဒိမာဟ။  
နာမရူပပရိဂ္ဂဟကင်္ခါဝိတရဏာနဉ္စ ဝိနိဗန္ဓဘူတဿ မောဟဿ ဒူရိကရဏေန  
ဉာတပရိညာယံ ဌိတဿ အနိစ္စသညာဒယော သိဇ္ဈန္တိ၊ တဿ အဝိဇ္ဇာပဒါလနံ  
ဝိပဿနာယ ဥပါယော။ တထာ ဈာနသမာပတ္တိသု အဘိရတိနိမိတ္တေန  
ပါမောဇ္ဇေန၊ တတ္ထ အနဘိရတိယာ ဝိနောဒိတာယ ဈာနာဒိနံ သမဓိဂမောတိ  
သမာပတ္တိယာ အရတိဝိနောဒနံ ဥပါယော။ သမာပတ္တိဝိပဿနာနုက္ကမေန  
ပန ဥပရိ ဝက္ခမာနနယေန နိဒ္ဓိသိတဗ္ဗေပိ နိဝရဏသဘာဝါယ အဝိဇ္ဇာယ  
ဟေဋ္ဌာ ကာမစ္ဆန္တာဒိဝသေန ဒဿိတနိဝရဏေသုပိ သင်္ဂဟဒဿနတ္ထံ ဥပ္ပုဋ္ဌိ-  
ပါဋိနိဒ္ဓေသော ဒဋ္ဌဗ္ဗော။

သမာပတ္တိဝိဟာရပဝေသနနိဗန္ဓနေန နိဝရဏာနိ ကဝါဠသဒိသာနီတိ အာဟာ “**နိဝရဏကဝါဠံ ဥဒ္ဓါဒေတွာ**”တိ။ “ရတ္တိ” အနုဝိတက္ကေတွာ အနုဝိစာရေတွာ ဒိဝါ ကမ္မန္တေ ပယောဇေတိ”တိ မဇ္ဈိမာဂမဝရေ မူလပဏ္ဏာသကေ **ဝဗ္ဗိကသုတ္တေ**၊ ဝုတ္တဋ္ဌာနေ ဝိယ ဝိတက္ကဝိစာရာ ဝုပသမာ၊ အဓိပ္ပေတာတိ သန္ဓာယ “**ဝိတက္ကဝိစာရရူပံ ဝုပသမေတွာ**”တိ ဝုတ္တံ၊ ဝိတက္ကဝိစာရသင်္ခါတံ ရူပံ ဝုပသမေတွာတိ အတ္ထော။ “ဝိတက္ကဝိစာရ”မိစ္ဆေဝ အရုနာ ပါဌော၊ သော န ပေါရာဏော အာစရိယဓမ္မပါလတ္ထေရေန၊ အာစရိယသာရိပုတ္တတ္ထေရေန စ ယထာဝုတ္တပါဌဿေဝ ဥဒ္ဓတတ္တာ။ **ဝိရာဇေတွာ**တိ ဇိရုတ္တိတွာ၊ သမတိက္ကမိတွာ ဝါ။ တဒုဘယတ္ထော ဟေသ “ဝိတိယာ စ ဝိရာဂါ”တိအာဒိသု၊ ဝိယ။ ကာမံ ပဌမဇ္ဈာနူပစာရေ ဧဝ ဒုက္ခံ၊ စတုတ္ထဇ္ဈာနူပစာရေ ဧဝ စ သုခံ ပဟိယတိ၊ အတိသယပ္ပဟာနံ ပန သန္ဓာယာဟ “**စတုတ္ထဇ္ဈာနေန သုခဒုက္ခံ ပဟာယာ**”တိ။

ရူပသညာတိ သညာသီသေန ရူပါဝစရဇ္ဈာနာနိ စေဝ တဒါရမ္မဏာနိ စ ဝုတ္တာနိ။ ရူပါဝစရဇ္ဈာနမ္ပိ ဟိ “ရူပ”န္တိ ဝုစ္စတိဥတ္တရပဒလောပေန “ရူပီ ရူပါနိ ပဿတိ”တိအာဒိသု။ တဿ အာရမ္မဏမ္ပိ ကသိဏရူပံ ပုရိမပဒလောပေန “ဗဟိဒ္ဓါ ရူပါနိ ပဿတိ သုဝဏ္ဏဒုဗ္ဗဏ္ဏာနိ”တိအာဒိသု။ တသ္မာ ဣမ ရူပေ ရူပဇ္ဈာနေ တံသဟဂတာ သညာ ရူပသညာတိ ဧဝံ သညာသီသေန ရူပါဝစရဇ္ဈာနာနိ ဝုတ္တာနိ၊ ရူပံ သညာ အဿာတိ **ရူပသညံ**၊ ရူပသညာသမန္ဓာဂတန္တိ ဝုတ္တံ ဟောတိ။ ဧဝံ ပထဝီကသိဏာဒိဘေဒဿ တဒါရမ္မဏဿ စေတံ အဓိဝစနန္တိ ဝေဒိတဗ္ဗံ။ **ပဋိသသညာ**တိ စက္ခာဒိနံ ဝတ္ထုနံ၊ ရူပါဒိနံ အာရမ္မဏာနဉ္စ ပဋိသဘာတေန ပဋိဟနနေန ဝိသယိဝိသယသမောဓာနေန သမုပ္ပန္နာ ဒွိပဉ္စဝိညာဏသဟဂတာ သညာ။ **နာနတ္တသညာ**တိ အဋ္ဌ ကာမာဝစရကုသလသညာ၊ ဒွါဒသ အကုသလသညာ၊ ဧကောဒသ ကာမာဝစရကုသလဝိပါကသညာ၊ ဒွေ အကုသလဝိပါကသညာ၊ ဧကောဒသ ကာမာဝစရကိရိယသညာတိ ဧတာသံ စတုစက္ကာလီသသညာနမေတံ အဓိဝစနံ။ ဧတာ ဟိ ယသ္မာ ရူပသဒ္ဓါဒိဘေဒေနာနတ္ထေ နာနာသဘာဝေ ဂေါစရေ ပဝတ္တန္တိ၊ ယသ္မာ စ နာနတ္တာ နာနာသဘာဝါ အညမညံ အသဒိသာ၊ တသ္မာ “**နာနတ္တသညာ**”တိ ဝုစ္စန္တိ။

အနိစ္စဿ၊ အနိစ္စန္တိ ဝါ အနုပဿနာ **အနိစ္စာနုပဿနာ**၊ တေဘူမကဓမ္မာနံ အနိစ္စတံ ဂဟေတွာ ပဝတ္တာယ ဝိပဿနာယေတံ နာမံ။ **နိစ္စသညန္တိ** သင်္ခတဓမ္မေ

၁-မ၁-၁၉၇-ပိဋေ၊ ၂-ရူမာယနာ (ဒီ-ဋီ ၁-၁၀၄-ပိဋေ၊)  
 ၃-ဒီ ၁-၇၁၊မ ၃-၁၃၅၊ဝိ ၁-၅၊ အဘိ ၂-၂၇၅-ပိဋေသု၊ ၄-အဘိ ၁-၆၅-ပိဋေ၊ ၅-အဘိ ၁-၅၉-ပိဋာဒိသု၊

အဘိနိဝေသန္တိ အတ္ထာနုဒိဋ္ဌိ။ အနိစ္စာဒိဝသေန သဗ္ဗဓမ္မတိရဏံ အဓိပညာ-  
ဓမ္မဝိပဿနာ။ သာရာဒါနာဘိနိဝေသန္တိ အသာရေ သာရဂ္ဂဟဏာဝိပလ္လာသံ။  
ဣဿရကုတ္တာဒိဝသေန လောကော သမုပ္ပန္နောတိ အဘိနိဝေသော သမ္မော-  
ဟာဘိနိဝေသော နာမ။ ကေဓိ ပန “အဟောသံ” န ခေါ အဟမတိတမဒ္ဓါန’န္တိ-  
အာဒိနာ ပဝတ္တသံသယာပတ္တိ သမ္မောဟာဘိနိဝေသော”တိ ဝဒန္တိ။ သင်္ခါရေသု  
လေဏတာဏဘာဝဂ္ဂဟဏံ အာလယာဘိနိဝေသော။ “အာလယရတာ  
အာလယသမုဒိတာ”တိ ဝစနတော အာလယော ဝုစ္စတိ တဏှာ၊ သာယေဝ  
စက္ခာဒိသု၊ ရူပါဒိသု စ အဘိနိဝေသဝသေန ပဝတ္တိယာ အာလယာဘိနိဝေ-  
သောတိ ကေဓိ။ “ဧဝံဝိဓာ သင်္ခါရာ ပဋိနိဿဇ္ဇိယန္တိ”တိ ပဝတ္တဉာဏံ ပဋိသင်္ခါနု-  
ပဿနာ။ ဝဋ္ဋတော ဝိဂတတ္တာ ဝိဝဋ္ဌံ၊ နိဗ္ဗာနံ၊ တတ္ထ အာရမ္မဏကရဏသင်္ခါတေန  
အနုပဿနေန ပဝတ္တိယာ ဝိဝဋ္ဌာနုပဿနာ၊ ဂေါတြဘုသံယောဂါဘိနိဝေသန္တိ  
သံယုဇ္ဇနဝသေန သင်္ခါရေသု အဘိနိဝိသနံ။ ဒိဋ္ဌေကဋ္ဌေတိ ဒိဋ္ဌိယာ သဟဇာတေ-  
ကဋ္ဌေ၊ ပဟာနေကဋ္ဌေ စ။ ဩဋ္ဌာရိကေတိ ဥပရိမဂ္ဂဝဇ္ဈေ ကိလေသေ အပေက္ခိတွာ  
ဝုတ္တံ၊ အညဏာ ဒဿနပဟာတဗ္ဗာ စ ဒုတိယမဂ္ဂဝဇ္ဈေဟိပိ ဩဋ္ဌာရိကာတိ  
တေသမ္ပိ တဗ္ဗာနိယတာ သိယာ။ အဏုသဟဂတေတိ အဏုဘူတေ။ တဗ္ဗာဝ-  
ဝုတ္တိကော ဟိ ဧတ္ထ သဟဂတသဒ္ဓေါ။ ဣဒံ ပန ဟေဋ္ဌိမမဂ္ဂဝဇ္ဈေ အပေက္ခိတွာ

ဝုတ္တံ။ သဗ္ဗကိလေသေတိ အဝသိဋ္ဌသဗ္ဗကိလေသေ။ န ဟိ ပဌမာဒိမဂ္ဂေဟိ ပဟိနာ ကိလေသာ ပုန ပဟိယန္တိ။ သဗ္ဗသဒ္ဓေါ စေတ္ထ သပ္ပဒေသဝိသယော “သဗ္ဗေ တသန္တိ ဒဏှဿာ”တိအာဒိသု<sup>၁</sup>ဝိယ။ (၂)

ကက္ခဠတ္တံ ကဋ္ဌိနဘာဝေါ။ ဗန္ဓရဏံ ခြံဘာဝေါ။ လောကီယဝါယုနာ ဘတ္တဿ ဝိယ ယေန တံတံကလာပဿ ဥဒ္ဓုမာယနံ၊ ထမ္ဘဘာဝေါ ဝါ၊ တံ ဝိတ္တန္တနံ။ ဝိဇ္ဇမာနေပိ ကလာပန္တရဘူတာနံ ကလာပန္တရဘူတေဟိ ဖုဋ္ဌဘာဝေ တံတံဘူတဝိဝိတ္တတာ ရူပပရိယန္တော အာကာသောတိ ယေသံ ယော ပရိစ္ဆေဒေါ၊ တေဟိ သော အသမ္ပုဋ္ဌောဝ၊ အညထာ ဘူတာနံ ပရိစ္ဆေဒ-  
ဘာဝေါ န သိယာ ဗျာပိတဘာဝါပတ္တိတော။ ယသ္မိံ ကလာပေ ဘူတာနံ ပရိစ္ဆေဒေါ၊ တေဟိ တတ္ထ အသမ္ပုဋ္ဌဘာဝေါ အသမ္ပုဋ္ဌလက္ခဏံ၊ တေနာဟ ဘဂဝါ အာကာသဓာတုနိဒ္ဒေသေ “အသမ္ပုဋ္ဌောစတူဟိ မဟာဘူတေဟိ”တိ၊။

ဝိရောမိပစ္စယသန္တိပါတေ ဝိသဒိသုပ္ပတ္တိ ရူပနံ။ စေတနာပဓာနတ္တာ သင်္ခါ-  
ရက္ခန္ဓဓမ္မာနံ စေတနာဝသေနေတံ ဝုတ္တံ “သင်္ခါရာနံ အဘိသင်္ခရဏလက္ခဏ”န္တိ။  
တထာ ဟိ သုတ္တန္တဘာဇနိယေ သင်္ခါရက္ခန္ဓဝိဘဏေ “စက္ခုသမ္ပဿဇာ စေတ-  
နာ”တိအာဒိနာ<sup>၂</sup> စေတနာဝ ဝိဘတ္တာ။ အဘိသင်္ခါရလက္ခဏာ စ စေတနာ။  
ယထာဟ “တတ္ထကတမော ပုညဘိသင်္ခါရော၊ ကုသလာ စေတနာ”တိအာဒိ<sup>၄</sup>။  
သမ္ပယုတ္တဓမ္မာနံ အာရမ္မဏေ ဌပနံ အဘိနိရောပနံ။ အာရမ္မဏာနမနုဗန္ဓနံ  
အနုမဇ္ဇနံ။ သဝိပ္ပါရိကတာ ဗရဏံ။ အဓိမုစ္စနံ သဒ္ဓဟနံ အဓိမောက္ခော။  
အဿဒ္ဓိယေတိ အဿဒ္ဓိယဟေတု။ နိမိတ္တတ္ထေ စေတံ ဘုမ္မံ။ သေ နယော  
ဧကသဇ္ဇာဒိသုပိ။ ကာယစိတ္တပရိဋ္ဌာဟူပသမော ဂူပသမလက္ခဏံ။ လိနုဒ္ဓစ္စ-  
ရဟိတေ အဓိစိတ္တေ ဝတ္တမာနေ ပဂ္ဂဟနိဂ္ဂဟသမ္ပဟံသနေသု အဗျာဝဋ္ဌတာယ  
အဇ္ဈုပေက္ခနံ ပဋိသင်္ခါနံ ပက္ခပိတုပစ္ဆေဒတော။

မုသာဝါဒါဒီနံ ဝိသံဝါဒနာဒိကိစ္စတာယ လူခါနံ အပရိဂ္ဂါဟကာနံ  
ပဋိပက္ခဘာဝတော ပရိဂ္ဂါဟကသဘာဝါ သမ္မာဝါစာ သိနိဒ္ဓဘာဝတော  
သမ္ပယုတ္တဓမ္မေ၊ သမ္မာဝါစာပစ္စယသုဘာသိတံ သောတာရဉ္စ ပုဂ္ဂလံ  
ပရိဂ္ဂဏှာတိတိ သာ ပရိဂ္ဂဟလက္ခဏာ။ ကာယိကကိရိယာ ကိဉ္စိ ကတ္တဗ္ဗံ  
သမုဋ္ဌာပေတိ၊ သယဉ္စ သမုဋ္ဌာနံ ဃဋ္ဌနံ ဟောတိတိ သမ္မာကမ္မန္တ-  
သင်္ခါတာ ဝိရတိ သမုဋ္ဌာနလက္ခဏာတိ ဒဋ္ဌဗျာ၊ သမ္ပယုတ္တဓမ္မာနံ ဝါ ဥက္ခိပနံ

၁-၃၁-၃၂-ပိဋေ ဓမ္မပဒေ၊ ၂-အဘိ ၁-၁၆၉-ပိဋေ။  
၃-အဘိ ၂-ဂ-ပိဋေ၊ ၄-အဘိ ၂-၁၄၂-ပိဋေ။

သမုဋ္ဌာနံ ကာယိကကိရိယာယ ဘာရုက္ခိပနံ ဝိယ။ ဇီဝမာနဿ သတ္တဿ၊ သမ္ပယုတ္တဓမ္မာနံ ဝါ ဇီဝိတိန္ဒြိယဝုတ္တိယာ၊ အာဇီဝဿေဝ ဝါ သုဒ္ဓိ ဝေါဒါနံ။

“သင်္ခါရာ”တိ ဣဓ စေတနာ အဓိပ္ပေတော၊ န ပန “သင်္ခါရာ သင်္ခါရက္ခန္ဓော”တိ-  
အာဒိသု<sup>၁</sup> ဝိယ သမပညာသစေတသိကာတ် ဝုတ္တံ “သင်္ခါရာနံ စေတနာ-  
လက္ခဏ”န္တိ။ အဝိဇ္ဇာပစ္စယာ ဟိ ပုညာဘိသင်္ခါရာဒိကာဝ စေတနာ။  
အာရမ္မဏာဘိမုခဘာဝေါ နမနံ။ အာယတနံ ပဝတ္တနံ။ သဠာယတနဝသေန  
ဟိ စိတ္တစေတသိကာနံ ပဝတ္တိ။ တဏှာယ ဟေတုလက္ခဏန္တိ ဣတ္ထ ဝဋ္ဋဿ  
ဇနကဟေတုဘာဝေါ တဏှာယ ဟေတုလက္ခဏံ။ မဂ္ဂဿ ပန ဝက္ခမာနဿ  
နိဗ္ဗာနသမ္ပာပကတ္တန္တိ အယမေတေသံ ဝိသေသော။ အာရမ္မဏဿ ဂဟဏ-  
လက္ခဏံ။ ပုန ဥပ္ပတ္တိယာ အာယူဟနလက္ခဏံ။ သတ္တဇီဝတော သုညတာ-  
လက္ခဏံ။ ပဒဟနံ ဥဿာဟနံ။ ဣဇ္ဈနံ သမ္ပတ္တိ။ ဝဋ္ဋတော နိဿရဏံ နိယျာနံ။  
အဝိပရိတဘာဝေါ တထလက္ခဏံ။ အညမညာနတိဝတ္တနံ ကေရသော၊ အနုနာ-  
မိကဘာဝေါဝ။ ယုဂနဒ္ဓါ နာမ သမထဝိပဿနာ အညမညောပကာရတာယ  
ယုဂဋ္ဌဝသေန ဗန္ဓိတဗ္ဗတော။ “သဒ္ဓါပညာပဂ္ဂဟာဝိက္ခေပါ”တိပိ ဝဒန္တိ။ ဝိတ္တ-  
ဝိသုဒ္ဓိ နာမ သမာဓိ။ ဒိဋ္ဌိဝိသုဒ္ဓိ နာမ ပညာ။ ခယောတိ ကိလေသက္ခယော  
မဂ္ဂေ၊ တသ္မိံ ပဝတ္တဿ သမ္မာဒိဋ္ဌိသင်္ခါတဿ ဉာဏဿ သမုဇ္ဈေဒနလက္ခဏံ။  
ကိလေသာနမနုပ္ပါဒပရိယောသာနတာယ အနုပ္ပါဒေါ၊ ဖလံ။ ကိလေသ-  
ဝုပသမော ဖဿန္တိ။ ဆန္ဒဿာဘိ ကတ္တုကာမတာဆန္ဒဿ။ ပတိဋ္ဌာဘာဝေါ  
မူလလက္ခဏံ။ အာရမ္မဏပဋိပါဒကတာယ သမ္ပယုတ္တဓမ္မာနမုပ္ပတ္တိဟေတုတာ  
သမုဋ္ဌာပနလက္ခဏံ။ ဝိသယာဒိသန္နိပါတေန ဂဟေတဗ္ဗာကာရော သမောဓာနံ။  
ယာ “သင်္ဂတိ”တိဝုစ္စတိ “တိဏ္ဍံ သင်္ဂတိ ဖဿော”တိအာဒိသု။ သမံ၊ သမ္မာ ဝါ  
ဩဒဟန္တိ သမ္ပိဏ္ဍိတာ ဘဝန္တိ သမ္ပယုတ္တဓမ္မာ အနေနာတိပိ သမောဓာနံ၊  
ဖဿော၊ တဗ္ဘာဝေါ သမောဓာနလက္ခဏံ။ သမောသရန္တိ သန္နိပတန္တိ ဣတ္ထာတိ  
သမောသရဏံ၊ ဝေဒနာ။ တာယ ဟိ ဝိနာ အပ္ပဝတ္တမာနာ သမ္ပယုတ္တဓမ္မာ  
ဝေဒနာနုဘဝနနိမိတ္တံ သမောသဋ္ဌာ ဝိယ ဟောန္တိတိ ဧဝံ ဝုတ္တံ၊ တဗ္ဘာဝေါ  
သမောသရဏလက္ခဏံ။ ပါသာဒါဒိသု ဂေါပါနသီနံ ဣဋ္ဌံ ဝိယ သမ္ပယုတ္တဓမ္မာနံ  
ပါမောက္ခဘာဝေါ ပမုခလက္ခဏံ။ သတိယာ သဗ္ဗတ္တကတ္တာ သမ္ပယုတ္တာနံ အဓိ-  
ပတိဘာဝေါ အာဓိပတေယျလက္ခဏံ။ တတော သမ္ပယုတ္တဓမ္မတော၊ တေသံ ဝါ  
သမ္ပယုတ္တဓမ္မာနံ ဥတ္တရိ ပဓာနံ တတုတ္တရိ၊ တဗ္ဘာဝေါ တတုတ္တရိယလက္ခဏံ။  
ပညတ္တရာ ဟိ ကုသလာ ဓမ္မာ။ ဝိပုတ္တိတိ ဖလံ ကိလေသေဟိ ဝိမုစ္စိတ္တာတိ ကတွာ။

တံ ပန သီလာဒိဂုဏသာရဿ ပရမုက္ကံသဘာဝေန သာရံ။ တတော ဥတ္တရိ  
ဓမ္မဿာဘာဝတော ပရိယောသာနံ။ အယဉ္ဇ လက္ခဏဝိဘာဂေါဆဓာတုပဉ္စ-  
ဈာနင်္ဂါဒိဝသေန တံတံသုတ္တပဒါနုသာရေန ပေါရာဏဋ္ဌကထာယမာဂတ-  
နယေန ဝုတ္တောတိ ဒဋ္ဌဗ္ဗံ။ တထာ ဟိ ပုဗ္ဗေ ဝုတ္တောပိ ကောစိ ဓမ္မော ပရိယာ-  
ယန္တရပ္ပကာသနတ္ထံ ပုန ဒဿိတော။ တတော ဧဝ စ “ဆန္ဒမူလကာ ဓမ္မာ မနသိ-  
ကာရသမုဋ္ဌာနာ ဖဿသမောဓာနာ ဝေဒနာသမောသရဏာ”တိ, “ပညတ္တရာ  
ကုသလာ ဓမ္မာ”တိ, “ဝိမုတ္တိသာရမိဒံ ဗြဟ္မစရိယ”န္တိ, “နိဗ္ဗာနောဂဓဉ္စိ  
အာဝုသော ဗြဟ္မစရိယံ နိဗ္ဗာနပရိယောသာန”န္တိ စ သုတ္တပဒါနံ ဝသေန  
ဆန္ဒဿ မူလလက္ခဏ”န္တိအာဒိ ဝုတ္တံ။ တေသံ တေသံ ဓမ္မာနံ တထံ အဝိတထံ  
လက္ခဏံ အာဂတောတိ အတ္ထံ ဒဿေတိ “ဧဝ”န္တိအာဒိနာ။ တံ ပန ဂမနံ  
ဇုဓ ဉ္ဈာဂမနမေဝါတိ ဝုတ္တံ “ဉ္ဈာဂတိယာ”တိ။ သတိပိ ဂတသဒ္ဓဿ  
အဝဓောနေတ္တဘာဝေ ဉ္ဈာဂမနတ္ထေနေဝေသော သိဒ္ဓေါတိ န ဝုတ္တော။  
အာ-သဒ္ဓဿ စေတ္ထ ဂတသဒ္ဓါနုဝတ္တိမတ္တမေဝ။ တေနာဟ “ပတ္တော အနုပ္ပ-  
တ္တော”တိ။ (၃)

အဝိပရိတသဘာဝတ္တာ “တထဓမ္မာ နာမ စတ္တာရိ အရိယသစ္စာနိ”တိ  
ဝုတ္တံ။ အဝိပရိတသဘာဝတော တထာနိ။ အမုဿသဘာဝတော အဝိတထာနိ။  
အညာကာရရဟိတတော အနညထာနိ။ သစ္စသံယုတ္တာဒိသု အာဂတံ ပရိပုဏ္ဏ-  
သစ္စစတုက္ကကထံ သန္ဓာယ “ဇုတိ ဝိတ္တာဓော”တိ အာဟ။ “တဿ”တိ ဝတွာ  
တဒပရာမသိတဗ္ဗမေဝ ဒဿေတိ “တထာနံ အဘိသဗ္ဗဒ္ဓတ္တာ”တိ ဇုမိနာ။  
ဧသ နယော ဤဒိသေသု။

ဧဝံ သစ္စဝသေန စတုတ္ထကာရဏံ ဒဿေတွာ ဇုဒါနိ ပစ္စယပစ္စယုပ္ပန္န-  
ဘာဝေန အဝိပရိတသဘာဝတ္တာ တထဘူတာနံ ပဋိစ္စသမုပ္ပါဒင်္ဂါနံ ဝသေနာပိ  
ဒဿေန္တော “အဝိဓာ”တိအာဒိမာဟ။ တတ္ထ ဇာတိပစ္စယသမ္ဘူတသမုဒါ-  
ဂတဋ္ဌောတိ ဇာတိပစ္စယာ သမ္ဘူတံ ဟုတွာ သဟိတဿ အတ္တနော ပစ္စယာနု-  
ရူပဿ ဥဒ္ဓံ ဥဒ္ဓံ အာဂတသဘာဝေါ၊ အနုပဝတ္တဋ္ဌောတိ အတ္တော။ အထ ဝါ  
သမ္ဘူတဋ္ဌော စ သမုဒါဂတဋ္ဌော စ သမ္ဘူတသမုဒါဂတဋ္ဌော ပုဗ္ဗပဒေ ဥတ္တရ-  
ပဒလောပဝသေန။ သမာဟာရဒ္ဓန္ဓေပိ ဟိ ပုလ္လိင်္ဂမိစ္ဆန္တိ နေရုတ္တိကာ။ န စေတ္ထ  
ဇာတိတော ဇရာမရဏံ န ဟောတိ၊ န စ ဇာတိံ ဝိနာ အညတော ဟောတိတိ  
ဇာတိပစ္စယသမ္ဘူတဋ္ဌော။ ဇုတ္ထမေဝ ဇာတိတော သမုဒါဂစ္ဆတိတိ ဇာတိ-  
ပစ္စယသမုဒါဂတဋ္ဌော။ ဇုဒံ ဝုတ္တံ ဟောတိ— ယာ ယာ ဇာတိ ယထာ ယထာ

ပစ္စယော ဟောတိ၊ တဒနုရူပံ ပါတုဘူတသဘာဝေါတိ။ ပစ္စယပက္ခေ ပန အဝိဇ္ဇာယ သင်္ခါရာနံ ပစ္စယဋ္ဌောတိ ဧတ္ထ န အဝိဇ္ဇာ သင်္ခါရာနံ ပစ္စယော န ဟောတိ၊ န စ အဝိဇ္ဇံ ဝိနာ သင်္ခါရာ ဥပ္ပဇန္တိ။ ယာ ယာ အဝိဇ္ဇာ ယေသံ ယေသံ သင်္ခါရာနံ ယထာ ယထာ ပစ္စယော ဟောတိ၊ အယံ အဝိဇ္ဇာ သင်္ခါရာနံ ပစ္စယဋ္ဌော ပစ္စယသဘာဝေါတိ အတ္ထော။ တထာနံ ဓမ္မာနန္တိ ပစ္စယာကာရဓမ္မာနံ။ “သုဂတော”တိအာဒိသု<sup>၁</sup> ဝိယ ဂမုသဒ္ဓဿ ဗုဒ္ဓိယတ္ထတံ သန္ဓာယ “အဘိသမ္ဗုဒ္ဓတ္တာ”တိ ဝုတ္တံ၊ န ဉာဏဂမနတ္ထံ။ ဂတိဗုဒ္ဓိယတ္ထာ ဟိ သဒ္ဓါ အညမညပရိယာယာ။ တသ္မာ “အဘိသမ္ဗုဒ္ဓတ္ထော ဟေတ္ထ ဂတသဒ္ဓေါ”တိ အဓိကာရော၊ ဂမ္ပမာနတ္တာ ဝါ န ပယုတ္တော။ (၄)

ယံ ရူပါရမ္မဏံ နာမ အတ္ထိ၊ တံ ဘဂဝါ ဇာနာတိ ပဿတီတိ သမ္ဗန္ဓော။ သဒ္ဓေဝကေ။ပ။ ပဇာယာတိ အာဓာရော “အတ္ထိ”တိ ပဒေတိ ပုန အပရိမာဏာသု လောကဓာတုသုတိ တံနိဝါသသတ္တာပေက္ခာယ၊ အာပါထဂမနာပေက္ခာယ ဝါ ဝုတ္တံ။ တေန ဘဂဝတာ ဝိဘဇ္ဇမာနံ တံ ရူပါယတနံ တထမေဝ ဟောတီတိ ယောဇေတဗ္ဗံ။ တထာဝိတထဘာဝေ ကာရဏမာဟ “ဧဝံ ဇာနတာ ပဿတာ”တိ။ သဗ္ဗာကာရတော ဉာတတ္တာ ပဿိတတ္တာတိ ဟိဟေတွန္တောဂဓမေတံ ပဒေသံ။ ဣဋ္ဌာနိဋ္ဌာဒိဝသေနာတိ ဧတ္ထ အာဒိသဒ္ဓေန မဇ္ဈတ္တံ သင်္ဂဏှာတိ။ တထာ အတိတာနာဂတပစ္စုပ္ပန္နပရိတ္တအဇ္ဈတ္တဗဟိဒ္ဓါတဒုဘယာဒိဘေဒဗ္ဗိ။ လန္တမာနကပဒေဝသေနာတိ “ရူပါယတနံ ဒိဋ္ဌိ သဒ္ဓါယတနံ သုတံ ဂန္ဓာယတနံ ရသာယတနံ ဖောဠဗ္ဗာယတနံ မုတံ သဗ္ဗံ ရူပံ မနသာ ဝိညာတ”န္တိ၊ ဝစနတော ဒိဋ္ဌပဒေဝ ဝိညာတပဒေဝ ရူပါရမ္မဏေ လန္တတိ။ ရူပါရမ္မဏံ ဣဋ္ဌံ အနိဋ္ဌံ မဇ္ဈတ္တံ ပရိတ္တံ အတိတံ အနာဂတံ ပစ္စုပ္ပန္နံ အဇ္ဈတ္တံ ဗဟိဒ္ဓါ ဒိဋ္ဌိ ဝိညာတံ ရူပံ ရူပါယတနံ ရူပဓာတု ဝဏ္ဏနိဘာသနိဒဿနံ သပ္ပုဋိဃံ နိလံ ဝိတကန္တိ ဧဝမာဒိဟိ အနေကေဟိ နာမေဟိ။ “ဣဋ္ဌာနိဋ္ဌာဒိဝသေနာ”တိအာဒိနာ ဟိ အနေကနာမဘာဝံ သရူပတော နိဒဿေတိ။ တေရသဟိ ဝါရေဟိတိ ဓမ္မသင်္ဂဏှိယံ ရူပကဏ္ဍော၊ အာဂတေ တေရသ နိဒ္ဓေသဝါရေ သန္ဓာယာဟ။ ဧကေကသ္မိံ ဝါရေ စေတ္ထ စတုန္တံ စတုန္တံ ဝဝတ္တာပနနယာနံ ဝသေန “ဒွိပညာသာယ နယေဟိ”တိ ဝုတ္တံ။ တထမေဝါတိ ယထာဝုတ္တေန ဇာနနေန အပ္ပုဋိဝတ္တိယဒေသနတာယ၊ ယထာဝုတ္တေန စ ပဿနေန အဝိပရိတဒဿိတာယ သစ္စမေဝ။ တမတ္ထံ စတုရင်္ဂတ္ထရေ ကာဠကရာမသုတ္တေန<sup>၄</sup> သာဓေန္တော “ဝုတ္တဇ္ဇေတ”န္တိ အာဒိမာဟ။ စ-သဒ္ဓေါ စေတ္ထ ဒဠိကရဏဇောတကော၊

တေန ယထာဝုတ္တဿတ္ထဿ ဒဠိကရဏံ ဇောတေတိ၊ သမ္ဗိဏ္ဏနတ္ထော ဝါ အဋ္ဌာနပယုတ္တော၊ န ကေဝလံ မယာ ဧဝံ အထ ခေါ ဘဂဝတာပီတိ။ **အနု-  
ဝိစရိတ**န္တိ ပရိစရိတံ။ **ဇာနာမိ အပ္ပညာသိန္တိ** ပစ္စုပ္ပန္နာတိတကာလေသု ဉာဏပ္ပ-  
ဝတ္တိဒဿနေန အနာဂတေပိ ဉာဏပ္ပဝတ္တိ ဒဿိတာယေဝ နယတော ဒဿိ-  
တတ္တာ။ **ဝိဒိတ**-သဒ္ဓေါ ပန အနာမဋ္ဌကာလဝိသေသော ကာလတ္တယသာဓာ-  
ရဏတ္တာ “ဒိဋ္ဌံ သုတံ မုတ”န္တိ အာဒိသု<sup>၁</sup> ဝိယ၊ ပါကဋံ ကတွာ ဉာတန္တိ အတ္ထော၊  
ဣမိနာ စေတံ ဒဿေတိ “အညေ ဇာနန္တိယေဝ၊ မယာ ပန ပါကဋံ ကတွာ  
ဝိဒိတ”န္တိ။ ဘဂဝတာ ဟိ ဣမေဟိ ပဒေဟိ သဗ္ဗညုဘူမိ နာမ ကထိတာ။ န  
**ဥပဋ္ဌာသီ**တိ တံ ဆဒ္ဓါရိကမာရမ္ဗဏံ တဏှာယ ဝါ ဒိဋ္ဌိယာ ဝါ တထာဂတော  
အတ္တတ္တနိယဝသေန န ဥပဋ္ဌာသီ န ဥပဂစ္ဆတိ၊ ဣမိနာ ပန ပဒေန ဒီဏာသဝ-  
ဘူမိ ကထိတာ။ ယထာ ရူပါရမ္ဗဏာဒယော ဓမ္မာ ယံသဘာဝါ၊ ယံပကာရာ စ၊  
တထာတေ ဓမ္မေတံသဘာဝေတံပကာရေ ဂမတိ ပဿတိ ဇာနာတိ<sup>၂</sup>တိ **တထာ-  
ဂတော**တိ ဣမမတ္ထံ သန္ဓာယ “**တထဒဿိအတ္ထေ**”တိ ဝုတ္တံ။ အနေကတ္တာ ဟိ  
ဓာတုသဒ္ဓါ။ ကေဝိ ပန နိရုတ္တိနယေန၊ ပိသောဒရာဒိဂဏပက္ခေပေန<sup>၃</sup> ဝါ  
ဒဿိ-သဒ္ဓလောပံ၊ အာဂတ-သဒ္ဓဿ စာဂမံ ကတွာ “တထာဂတော”တိ  
ပဒသိဒ္ဓိမေတ္ထ ဝဏ္ဏေန္တိ၊ တဒယုတ္တမေဝ ဝိဇ္ဇမာနပဒံ ဆဇ္ဇေတွာ အဝိဇ္ဇမာန-  
ပဒဿ ဂဟဏတော။ ဝုတ္တန္တ ဗုဒ္ဓဝံသန္တကထာယံ—

“တထာကာရေန ယော ဓမ္မေ၊ ဇာနာတိ အနုပဿတိ။  
တထဒဿိတိ သမ္မုဒ္ဓေါ၊ တသ္မာ ဝုတ္တော တထာဂတော”တိ<sup>၄</sup>။

တ္ထေ “**အနုပဿတိ**”တိ အာဂတသဒ္ဓတ္ထံ ဝတွာ တဒိဒံ ဉာဏပဿနမေဝါတိ  
ဒဿေတုံ “**ဇာနာတိ**”တိ၊ သဒ္ဓါမိဂတမတ္ထံ ပန ဝိဘာဝေတုံ “**တထဒဿိ**”တိ  
စ ဝုတ္တံ။ (၅)

**ယံ ရတ္တိန္တိ** ယဿံ ရတ္တိယံ၊ အစ္စန္ဒသံယောဂေ ဝါ ဧတံ ဥပယောဂဝစနံ  
ရတ္ထေကဒေသဘူတဿ အဘိသမ္မုဇ္ဈနက္ခဏဿ အစ္စန္ဒသံယောဂတ္တာ၊ သက-  
လာပိ ဝါ သော ရတ္တိ အဘိသမ္မောဓာယ ပဒဟနကာလတ္တာ ပရိယာယေန  
အစ္စန္ဒသံယောဂဘူတာတိ ဒဋ္ဌဗ္ဗံ။ ပထဝိပုက္ခလနိရုတ္တရဘူမိသီသဂတတ္တာ န  
ပရာဇိတော အညေဟိ ဧတ္တာတိ **အပရာဇိတော**၊ သွေဝ ပလ္လင်္ဂောတိ **အပရာ-  
ဇိတပလ္လင်္ဂော**၊ တသ္မိံ။ တိဏ္ဍံမာရာနန္တိ ကိလေသာဘိသင်္ခါရဒေဝပုတ္တမာရာနံ၊  
ဣဒဉ္စ နိပ္ပရိယာယတော ဝုတ္တံ၊ ပရိယာယတော ပန ဟေဋ္ဌာ ဝုတ္တနယေန ပဉ္စန္ဒမ္ပိ

၁-ဒီ ၃-၁၁၁၊ မ ၁-၅၊ သံ ၂-၁၆၈၊ အံ ၁-၃၃၂၊ ခု ၉-၁၂၈-ပိဋ္ဌေသု။  
၂-ဝိ-ဋ္ဌ ၁-၉၅၊ ဝိသုဒ္ဓိ ၁-၂၀၄-ပိဋ္ဌေသုပိ။  
၃-ဗုဒ္ဓဝံသ-၄-၂၀-ပိဋ္ဌေ၊

မာရာနံ မဒ္ဒနံ ဝေဒိတဗ္ဗံ။ မတ္တကန္တိ သာမတ္တိယသင်္ခါတံ သိသံ။ **တ္ထေန္တရေ**တိ ဥဘိန္တံ ရတ္တိနမန္တရေ။ “**ပဌမဗောဓိယာပီ**”တိအာဒိနာ ပဉ္စစတ္တာလီသဝဿပရိ-  
 မာဏကာလမေဝ အန္တောဂဂတောဒေန နိယမေတွာ ပိသေသေတိ။ တာသု  
 ပန ဝိသတိဝဿပရိစ္ဆိန္တာ ပဌမဗောဓိတိ **ဝိနယဂဏ္ဍိပဒေ** ဝုတ္တံ၊ တဉ္စ တဒဋ္ဌ-  
 ကထာယမေဝ “ဘဂဝတော ဟိ ပဌမဗောဓိယံ ဝိသတိဝဿန္တရေ နိဗ္ဗာ-  
 ပဋ္ဌာကော နာမ နတ္ထိ”တိ ကထိတတ္တာ ပဌမဗောဓိ နာမ ဝိသတိဝဿာနိတိ  
 ဂဟေတွာ ဝုတ္တံ။ **အာစရိယဓမ္မပါလတ္ထေရေန** ပန “ပဉ္စစတ္တာလီသာယ  
 ဝဿေသု အာဒိတော ပန္နရသ ဝဿာနိ ပဌမဗောဓိ”တိ ဝုတ္တံ၊ ဧဝဉ္စ သတိ  
 မဇ္ဈေ ပန္နရသ ဝဿာနိ မဇ္ဈိမဗောဓိ၊ အန္တေ ပန္နရသ ဝဿာနိ ပစ္ဆိမဗောဓိတိ  
 တိတ္ထံ ဗောဓိနံ သမပ္ပမာဏတာ သိယာ၊ တမ္ပိ ယုတ္တံ။ ပန္နရသတိကေန ဟိ  
 ပဉ္စစတ္တာလီသဝဿာနိ ပရိပူရေန္တိ။ အဋ္ဌကထာယံ ပန ပန္နရသဝဿပမာဏာယ  
 ပဌမဗောဓိယာ ဝိသတိဝဿေသုယေဝ အန္တောဂတ္တာ “ပဌမဗောဓိယံ  
 ဝိသတိဝဿန္တရေ”တိ ဝုတ္တန္တိ ဧဝမ္ပိ သက္ကာ ပိညာတုံ။ “ယံ သုတ္တ”န္တိအာဒိနာ  
 သမ္ပန္နော။

နိဒ္ဒေါသတာယ **အနုပဝဇ္ဇံ** အနုပဝဒနီယံ။ ပက္ခိပိတဗ္ဗာဘာဝေန **အနုနံ**။  
 အပနေတဗ္ဗာဘာဝေန **အနုမိကံ**။ အတ္ထဗျူဉာဒိသမ္ပတ္တိယာ သဗ္ဗာကာရပရိပူဏ္ဏံ။  
 နိဗ္ဗဒနဟေတု **နိဗ္ဗဒနံ**။ **ဝါလဂ္ဂမတ္တမ္ပိတိ** ဝါလမိလောမဿ ကောဋိပ္ပမာဏမ္ပိ။  
**အဝက္ခလိတန္တိ** ဝိရာမိတံ မုဿာ ဘဏိတံ။ **ကေမုဒ္ဓိကာယာတိ** ကေရာဇလဉ္စနေန။  
**ကေနာဋိယာတိ** ကောဠကေန၊ ကေတုဗ္ဗေန ဝါ။ **ကေတုလာယာတိ** ကေ-  
 မာနေန။ “**တထမေဝါ**”တိ ဝုတ္တမေဝတ္ထံ **နော အညထာတိ** ဗျုတိရေကတော  
 ဒဿေတိ၊ တေန ယဒတ္ထံ ဘာသိတံ၊ ကေန္တေန တဒတ္ထနိပ္ပါဒနတော ယထာ  
 ဘာသိတံ ဘဂဝတာ၊ တထာယေဝါတိ အဝိပရိတဒေသနတံ ဒဿေတိ။  
 “**ဂဒတ္ထော**”တိ ဧတေန တထံ ဂဒတိ ဘာသတိတိ **တထာဂတော** ဒ-ကာရဿ  
 တ-ကာရံ၊ နိရုတ္တိနယေန စ အာကာရာဂမံ ကတွာ၊ ဓာတုသဒ္ဓါနုဂတေန ဝါ  
 အာကာရေနာတိ နိဗ္ဗစနံ ဒဿေတိ။

ဧဝံ “သုဂတော”တိအာဒိသု၊ ဝိယ ဓာတုသဒ္ဓါနိပ္ပတ္တိပရိကပ္ပေန နိရုတ္တိံ  
 ဒဿေတွာ ဗာဟိရတ္ထသမာသေနပိ ဒဿေတုံ “**အဝိစာ**”တိအာဒိ ဝုတ္တံ။  
**အာဂဒနန္တိ** သဗ္ဗဟိတနိပ္ပါဒနတော ဘုသံ ကထနံ ဝစနံ၊ စာဗ္ဘာဝမတ္ထော ဝါ  
**အာ-သဒ္ဓေါ**။ (၆)

တထာ ဂတမဿာတိ တထာဂတော။ ယထာ ဝါစာယ ဂတံ ပဝတ္တိ၊  
 တထာ ကာယဿ၊ ယထာ ဝါ ကာယဿ ဂတံ ပဝတ္တိ၊ တထာ ဝါစာယ  
 အဿ၊ တသ္မာ တထာဂတောတိ အတ္ထော။ တဒေဝ နိဗ္ဗစနံ ဒဿေတုံ  
 “အဂဂတော”တိအာဒိမာဟ။ တတ္ထ ဟိ “ဂတော ပဝတ္တော၊ ဂတာ  
 ပဝတ္တာ”တိ စ ဧတေန ကာယဝစီကိရိယာနံ အညမညာနုလောမနဝစနိစ္ဆာယ  
 ကာယဿ၊ ဝါစာယ စ ပဝတ္တိ ဣမ ဂတ-သဒ္ဓေန ကထိတာတိ ဒဿေတိ၊  
 “ဧဝံဘူတဿာ”တိအာဒိနာ ဗာဟိရတ္ထသမာသံ၊ “ယထာ တထာ”တိ ဧတေန  
 ယံတံ-သဒ္ဓါနံ အဗျတိစာရိတသမ္ပန္နတာယ “တထာ”တိ ဝုတ္တေ “ယထာ”တိ  
 အယမတ္ထော ဥပဋ္ဌိတောယေဝ ဟောတိတိ တထာသဒ္ဓတ္ထံ၊ “ဝါဒိ ကာရီ”တိ  
 ဧတေန ပဝတ္တိသရူပံ၊ “အဂဂတော ဟိ”တိ ဧတေန ယထာဝါဒိတထာကာရိတာ-  
 ဒိကာရဏန္တိ။ ဧဝံဘူတဿာတိ ယထာဝါဒိတထာကာရိတာဒိနာ ပကာရေန  
 ပဝတ္တဿ၊ ဣမံ ပကာရံ ဝါ ပတ္တဿ။ ဣတိတိ ဝုတ္တပ္ပကာရံ နိဒ္ဓိသတိ။ ယသ္မာ  
 ပနေတ္ထ ဂတ-သဒ္ဓေါ ဝါစာယ ပဝတ္တိမ္ပိ ဒဿေတိ၊ တသ္မာ ကာမံ တထာဝါဒိ-  
 တာယ တထာဂတောတိ အယမ္ပိ အတ္ထော သိဒ္ဓေါ ဟောတိ၊ သော ပန ပုဗ္ဗေ  
 ပကာရန္တရေန ဒဿိတောတိ ပါရိသေသနယေန တထာကာရိတာအတ္ထမေဝ  
 ဒဿေတုံ “ဧဝံ တထာကာရိတာယ တထာဂတော”တိ ဝုတ္တံ။ ဝုတ္တဉ္စ—

“ယထာ ဝါစာ ဂတာ ယဿ၊

တထာ ကာယော ဂတော ယတော။

ယထာ ကာယော တထာ ဝါစာ၊

တတော သတ္ထာ တထာဂတော”တိ။ (၇)

ဘဝဂ္ဂံ ပရိယန္တံ ကတွာတိ သမ္ပန္နော။ ယံ ပနေကေ ဝဒန္တိ “တိရိယံ ဝိယ  
 ဥပရိ၊ အဓော စ သန္တိ အပရိမာဏာ လောကဓာတုယော”တိ၊ တေသံ တံ  
 ပဋိသေဓေတုံ ဧဝံ ဝုတ္တန္တိ ဒဋ္ဌဗ္ဗံ။ ဝိမုတ္တိယာတိ ဖလေန။ ဝိမုတ္တိဉာဏဒဿနေ-  
 နာတိ ပစ္စဝေက္ခဏာဉာဏသင်္ခါတေန ဒဿနေန။ တုလောတိ သဒိသော။  
 ပမာဏန္တိ မိနနကာရဏံ။ ပရေ အဘိဘဝတိ ဂုဏေန အဇ္ဈောတ္တရတိ အဓိကော  
 ဘဝတိတိ အဘိဘူ။ ပရေဟိ န အဘိဘူတော အဇ္ဈောတ္တရောတိ အနဘိဘူတော။  
 အညဒတ္ထ။ တိ ဧကံသဝစနေ နိပါတော။ ဒဿနဝသေန ဒဿော၊ သဗ္ဗံ ပဿတိတိ  
 အတ္ထော။ ပရေ အတ္တနော ဝသံ ဝတ္ထေတိတိ ဝသဝတ္တိ။

“အဘိဘဝနဋ္ဌေန တထာဂတော”တိ အယံ န သဒ္ဓတော လဗ္ဘတိ၊  
 သဒ္ဓတော ပန ဧဝန္တိ ဒဿေတုံ “တတြေဝ”န္တိအာဒိ ဝုတ္တံ။ တတ္ထ အဂဒေါတိ  
 ဒိဗ္ဗာဂဒေါ အဂံ ရောဂံ ဒါတိ အဝဇ္ဈတိ၊ နတ္ထိ ဝါ ဂဒေါ ရောဂေါ ဧတေနာတိ

ကတွာ၊ တဿဒိသဋ္ဌေန ဣဓ ဒေသနာဝိလာသဿ၊ ပုညဿယဿ စ အဂဒတာ လဟ္တတိတိ အာဟ “အဂဒေါ ဝိယာ”တိ။ ယာယ ဓမ္မဓာတုယာ ဒေသနာဝိဇ္ဇနပုတ္တာ၊ သာ ဒေသနာဝိလာသော။ ဓမ္မဓာတုတိ စ သဗ္ဗညုတညာဏမေဝ။ တေန ဟိ ဓမ္မာနမာကာရဘေဒံ ဥတွာ တဒနရူပံ ဒေသနံ နိယာမေတိ။ ဒေသနာဝိလာသောယေဝ ဒေသနာဝိလာသမယော ယထာ “ဒါနမယံ သီလမယ”န္တိ။ အဓနာ ပန ပေါတ္တကေသု ဗဟူသုပိ မယ-သဒ္ဓေါ န ဒိဿတိ။ ပုညဿယောတိ ဥဿန္တံ၊ အတိရေကံ ဝါ ဣဏာဒိသမ္ဘာရဘူတံ ပုညံ။ “တေနာ”တိအာဒိ ဩပဗ္ဗသမ္ပာဒနံ။ တေနာတိ စ တဒုဘယေန ဒေသနာဝိလာသေန စေဝ ပုညဿယေန စ သော ဘဂဝံ၊ အဘိဘဝတိတိ သဗ္ဗန္ဓော။ “ဣတိ”တိအာဒိနာ ဗာဟိရတ္ထသမာသံ ဒဿေတိ။ သဗ္ဗလောကာဘိဘဝနေန တထော၊ န အညထာတိ ဝုတ္တံ ဟောတိ။ (ဂ)

တထာယ ဂတောတိ ပုရိမသစ္စတ္ထယံ သန္တာယာဟ၊ တထံ ဂတောတိ ပန ပစ္စိမသစ္စံ။ စတုသစ္စာနုက္ကမေန စေတ္ထ ဂတ-သဒ္ဓဿ အတ္ထစတုက္ကံ ဝုတ္တံ။ ဝါစက-သဒ္ဓသန္တိဓာနေ ဥပသဂ္ဂနိပါတာနံ တဒတ္ထဇောတနဘာဝေန ပဝတ္တနတော ဂတ-သဒ္ဓေါယေဝ အနုပသဂ္ဂေါ အဝဂတတ္ထံ၊ အတိတတ္ထဉ္စ ဝဒတိတိ ဒဿေတိ “အဝဂတော အတိတော”တိ ဣမိနာ။

“တတ္ထာ”တိအာဒိ တဗ္ဗိဝရဏံ။ လောကန္တိ ဒုက္ခသစ္စဘူတံ လောကံ။ တထာယ တိရဏပရိညာယာတိ ယောဇေတဗ္ဗံ။ လောကနိရောဓဂါမိနိ ပဋိပဒန္တိ အရိယမဂ္ဂံ၊ န ပန အဘိသမ္ဗုဇ္ဈနမတ္တံ။ တတ္ထ ကတ္တဗ္ဗကိစ္စမ္ပိ ကတမေဝါတိ ဒဿေတုံ “လောကဿာ တထာဂတော ဝိသံယုတ္တော”တိ-အာဒိနာ သစ္စစတုက္ကေပိ ဒုတိယပက္ခံ ဝုတ္တံ၊ အဘိသမ္ဗုဇ္ဈနဟေတုံ ဝါ ဧတေဟိ ဒဿေတိ။ တတောယေဝ ဟိ တာနိ အဘိသမ္ဗုဒ္ဓေါတိ။ “ယံ ဘိက္ခဝေ သဒေဝကဿ လောကဿ သမာရကဿ သဗြဟ္မကဿ သဿမဏဗြာဟ္မ-ဏိယာ ပဇာယ သဒေဝမနုဿာယ ဒိဋ္ဌံ သုတံ မုတံ ဝိညာတံ ပတ္တံ ပရိယေသိတံ အနုဝိစရိတံ မနသာ၊ သဗ္ဗံ တံ တထာဂတေန အဘိသမ္ဗုဒ္ဓံ၊ တဿာ တထာ-ဂတောတိ ဝုစ္စတိ”တိ၊ အင်္ဂုတ္တရာဂမေ စတုက္ကနိပါတေ အာဂတံ ပါဠိမိမံ ပေယျာလမုခေန ဒဿေတိ၊ တဉ္စ အတ္ထသမ္ဗန္ဓတာယ ဧဝ၊ န ဣမဿတ္ထဿ သာဓကတာယ။ သာ ဟိ ပေယျာလနိဒ္ဓိဋ္ဌာ ပါဠိ တထဒဿိတာ အတ္ထဿ သာဓိကာတိ။ “တဿပိ ဧဝံ အတ္ထော ဝေဒိတဗ္ဗော”တိ ဣမိနာ သာဓု-သာဓကသံသန္ဓနံ ကရေတိ။ “ဣဒမ္ပိ စာ”တိအာဒိနာ တထာဂတပဒဿ

မဟာဝိသယတံ၊ အဋ္ဌဝိဿောပိ ယထာဝုတ္တကာရဏဿ နိဒဿနမတ္တဉ္စ  
 ဒဿေတိ။ တတ္ထ ဣဒန္တိ အတိဗျာသရူပေန ဝုတ္တံ အဋ္ဌဝိဓံ ကာရဏံ၊ ဖိ-သဒ္ဓေါ၊  
 အဖိ-သဒ္ဓေါ ဝါ သမ္ဘာဝနေ “ဣတ္ထမ္ပိ မုခမတ္တမေဝ၊ ပဂေဝ အညုထာ”တိ။  
 တထာဂတဘာဝဒီပနေတိ တထာဂတနာမဒီပနေ။ ဂုဏေန ဟိ ဘဂဝါ  
 တထာဂတော နာမ၊ နာမေန စ ဘဂဝတိ တထာဂတ-သဒ္ဓေါတိ။ “အသင်္ချေ-  
 ယျာနိ နာမာနိ၊ သဂုဏေန မဟေသိနော”တိအာဒိ<sup>၁</sup> ဟိ ဝုတ္တံ။ အပ္ပမာဒပဒံ ဝိယ  
 သကလကုသလဓမ္မပဋိပတ္တိယာ သဗ္ဗဗုဒ္ဓဂုဏာနံ တထာဂတပဒံ သင်္ဂါဟကန္တိ  
 ဒဿေတုံ “သဗ္ဗာကာရေနာ”တိအာဒိမာဟ။ ဝဏ္ဏေယျာတိ ပရိကပ္ပဝစနမေတံ  
 “ဝဏ္ဏေယျ ဝါ၊ န ဝါ ဝဏ္ဏေယျာ”တိ။ ဝုတ္တဉ္စ—

“ဗုဒ္ဓေါပိ ဗုဒ္ဓဿ ဘဏေယျ ဝဏ္ဏံ၊  
 ကပ္ပမ္ပိ စေ အညမဘာသမာနော။  
 ဒီယေထ ကပ္ပေါ စိရဒီဃမန္တရေ၊  
 ဝဏ္ဏော န ဒီယေထ တထာဂတဿာ”တိ<sup>၂</sup>၊

သမတ္တနေ ဝါ ဧတံ “သော ဣမံ ဝိဇ္ဇေယေ ဇဉ်”န္တိအာဒိသု<sup>၃</sup> ဝိယာတိပိ ဝဒန္တိ  
 ကေစိ။

အယံ ပနေတ္ထ အဋ္ဌကထာမုတ္တကော နယော— အဘိနိဟာရတော  
 ပဋ္ဌာယ ယာဝ သမ္မာသမ္ဗောဓိ၊ ဧတ္ထန္တရေ မဟာဗောဓိယာနပဋိပတ္တိယာ  
 ဟာနဋ္ဌာနသံကိလေသနိဝတ္တိနံ အဘာဝတော ယထာပဏီဓာနံ တထာဂတော  
 အဘိနိဟာရာနရူပံ ပဋိပဇ္ဇောတိ တထာဂတော။ အထ ဝါ မဟိဒ္ဓိကတာယ၊  
 ပဋိသန္တိဒါနံ ဥက္ကံသာမိဂမေန အနာဝရဏဉာဏတာယ စ ကတ္တစိပိ ပဋိဇာ-  
 တာဘာဝတော ယထာရူစိ၊ တထာ ကာယဝစီစိတ္တာနံ ဂတာနိ ဂမနာနိ  
 ပဝတ္တိယော ဧတဿာတိ တထာဂတော။ အပိစ ယသ္မာ လောကေ ဝိဇယုတ္တ-  
 ဂတပကာရသဒ္ဓါ သမာနတ္ထာ ဒိဿန္တိ၊ တသ္မာ ယထာ ဝိဓာ ဝိပဿိအာဒယော  
 ဘဂဝန္တော နိဗ္ဗိလသဗ္ဗညုဂုဏသမင်္ဂိတာယ၊ အယမ္ပိ ဘဂဝါ တထာ ဝိဓောတိ  
 တထာဂတော၊ ယထာ ယုတ္တာ စ တေ ဘဂဝန္တော ဝုတ္တနယေန၊ အယမ္ပိ  
 ဘဂဝါ တထာ ယုတ္တောတိ တထာဂတော။ အပရော နယော—ယသ္မာ သစ္စံ  
 တစ္စံ တထန္တိ ဉာဏဿေတံ အဓိဝစနံ၊ တသ္မာ တထေန ဉာဏေန အာဂတောတိ  
 တထာဂတောတိ။

---

၁-အဘိ-ဋ္ဌ ၁-၄၂၀၊ ဥဒါန-ဋ္ဌ-၃၀၆၊ ပဋိသံ-ဋ္ဌ ၁-၂၇၇၊ နေတ္ထိ-ဋ္ဌ-၁၁၉-ပိဋေသု။  
 ၂-ဒီ-ဋ္ဌ ၁-၂၅၇၊ ဒီ-ဋ္ဌ ၃-၆၁၊ ဧ-ဋ္ဌ ၃-၂၀၉၊ ဥဒါန-ဋ္ဌ-၃၀၅၊ အပဒါန-ဋ္ဌ ၂-၉၁၊  
 ဗုဒ္ဓဝံသ-ဋ္ဌ-၁၆၃-စရိယာပိဋကံ-ဋ္ဌ-၃၂၄-ပိဋေသု။ ၃-သံ ၁-၁၃-ပိဋေ။

“ပဟာယ ကာမာဒိမလေ ယထာ ဂတာ၊  
 သမာဓိဉ္ဇဏေဟိ ဝိပဿိအာဒယော။  
 မဟေသိနော သကျမုနီ ဇုတိန္ဒရော၊  
 တထာ ဂတော တေန **တထာဂတော** မတော။  
 တထဉ္စ ဓာတာယတနာဒိလက္ခဏံ၊  
 သဘာဝသာမညဝိဘာဂဘေဒတော။  
 သယမ္ဘုဉ္ဇဏေန ဇိနော သမာဂတော၊  
**တထာဂတော** ဝုစ္စတိ သကျပုဂံဝေါ။  
 တထာနိ သစ္စာနိ သမန္တစက္ခုနာ၊  
 တထာ ဣဒပ္ပစ္စယတာ စ သဗ္ဗသော။  
 အနညနေယျေန ယတော ဝိဘာဝိတာ၊  
 ယာထာဝတော တေန ဇိနော **တထာဂတော**။  
 အနေကဘေဒါသုပ္ပိ လောကဓာတူသု၊  
 ဇိနဿ ရူပါယတနာဒိဂေါစရေ။  
 ဝိစိတ္တဘေဒေ တထမေဝ ဒဿနံ၊  
**တထာဂတော** တေန သမန္တလောစနော။  
 ယတော စ ဓမ္မံ တထမေဝ ဘာသတိ၊  
 ကရောတိ ဝါစာယနုလောမမတ္တနော။  
 ဂုဏေဟိ လောကံ အဘိဘုယျိုရိယတိ၊  
**တထာဂတော** တေနပိ လောကနာယကော။  
 ယထာဘိနိဟာရမတော ယထာရူပိ၊  
 ပဝတ္ထဝါစာတနုစိတ္တဘာဝတော။  
 ယထာဝိဓာ ယေန ပုရာ မဟေသိနော၊  
 တထာဝိဓော တေန ဇိနော **တထာဂတော**။  
 ယထာ စ ယုတ္တာ သုဂတာ ပုရာတနာ၊  
 တထာဝ ယုတ္တော တထဉ္ဇဏတော စ သော။  
 သမာဂတော တေန သမန္တလောစနော၊  
**တထာဂတော** ဝုစ္စတိ သကျပုဂံဝေါ”တိ—

သင်္ဂဟဂါထာ။

“ကတမဉ္ဇ တုံ ဘိက္ခဝေ”တိ အယံ ကဿ ပုစ္ဆာတိ အာဟ “ယေနာ”တိ-  
အာဒိ။ ဧဝံ သာမညတော ယထာပုတ္တဿ သီလမတ္တကဿ ပုစ္ဆာဘာဝံ ဒဿေ-  
တွာ ဣဒါနိ ပုစ္ဆာဝိသေသဘာဝဉာဉ္ဇပနတ္ထံ မဟာနိဒ္ဒေသေ အာဂတော သဗ္ဗာဝ  
ပုစ္ဆာ . အတ္ထုဒ္ဓါရဝသေန ဒဿေတိ “တတ္ထ ပုစ္ဆာ နာမာ”တိအာဒိနာ။  
တတ္ထ တတ္ထာတိ “တံ ကတမဉ္ဇိ ပုစ္ဆတိ”တိ ဧတ္ထ ယဒေတံ သာမညတော  
ပုစ္ဆာဝစနံ ပုတ္တံ၊ တသ္မိံ။

ပကတိယာတိ အတ္တနော ဓမ္မတာယ၊ သယမေဝါတိ ဝုတ္တံ ဟောတိ။  
လက္ခဏန္တိ ယော ကောစိ ဉာတုမိစ္ဆိတော သဘာဝေါ။ အညာတန္တိ ဒဿနာဒိ-  
ဝိသေသယုတ္တေန၊ ဣတရေန ဝါ ယေန ကေနစိပိ ဉာဏေန အညာတံ။  
အဝတ္ထာဝိသေသာနိ ဟိ ဉာဏဒဿနတုလနတိရဏာနိ။ အဒိဋ္ဌန္တိ ဒဿန-  
ဘူတေန ဉာဏေန ပစ္စက္ခမိဝ အဒိဋ္ဌံ။ အတုလိတန္တိ “တ္ထေကမေတ”န္တိ  
တုလနဘူတေန အတုလိတံ။ အတိရိတန္တိ “ဝေမေဝိဒ”န္တိ တိရဏဘူတေန  
အကတဉာဏကိရိယာသမာပနံ။ အဝိဘူတန္တိ ဉာဏဿ အပါကဋ္ဌဘူတံ။  
အဝိဘာဝိတန္တိ ဉာဏေန အပါကဋ္ဌကတံ။ တဿာတိ ယထာဝုတ္တလက္ခဏဿ။  
အဒိဋ္ဌံ ဇောတိယတိ ပကာသိယတိ ဧတာယာတိ အဒိဋ္ဌဇောတနာ။ သံသန္တန-  
တ္တာယာတိ သာကစ္ဆာဝသေန ဝိနိစ္ဆယကရဏတ္တာယ။ သံသန္တနဉ္စိ သာကစ္ဆာ-  
ဝသေန ဝိနိစ္ဆယကရဏံ။ ဒိဋ္ဌံ သံသန္တိယတိ ဧတာယာတိ ဒိဋ္ဌသံသန္တနာ။  
“သံသယပက္ခန္ဓော”တိအာဒိသု ဒဠတရံနိဝိဋ္ဌာ ဝိစိကိစ္ဆာ သံသယော။ နာတိ-  
သံသပ္ပနမတိဘေဒမတ္တံ ဝိမတိ။ တတောပိ အပ္ပတရံ “ဝေ န ခေါ၊ န န ခေါ”တိ-  
အာဒိနာ ဒ္ဓိဓာ ဝိယ ပဝတ္တံ ခွေဋ္ဌကံ။ ဒ္ဓိဓာ ဇလတိ ကမ္ပတိ စိတ္တမေတေနာတိ  
ဟိ ခွေဋ္ဌကံ ဟပစ္စယံ၊ သကတ္ထဝုတ္တိကပစ္စယဉ္စ ကတွာ၊ တေန ဇာတော၊ တံ  
ဝါ ဇာတံ ယဿာတိ ခွေဋ္ဌကဇာတော။ ဝိမတိ ဆိဇ္ဇတိ ဧတာယာတိ  
ဝိမတိစ္ဆေဒနာ။ အနတ္တလက္ခဏသုတ္တာဒိသု၊ အာဂတံ ခန္တပဉ္စကပဋိသံယုတ္တံ  
ပုစ္ဆံ သန္တာယာဟ “သဗ္ဗံ ဝတ္တဗ္ဗ”န္တိ။ အနုမတိယာ ပုစ္ဆာ အနုမတိပုစ္ဆာ။  
“တံ ကိံ မညထ ဘိက္ခဝေ”တိအာဒိပုစ္ဆာယ ဟိ “ကာ တုမှာကံ အနုမတိ”တိ  
အနုမတိ ပုစ္ဆိတာ ဟောတိ။ ကထေတုကမျတတိ ကထေတုကာမတာယ။  
“အညာဏတာ အာပဇ္ဇတိ”တိအာဒိသု၊ ဝိယ ဟိ ဧတ္ထ ယ-ကာရလောပေါ၊  
ကရဏတ္ထေ ဝါ ပစ္စတ္တဝစနံ၊ ကထေတုကမျတာယ ဝါ ပုစ္ဆာ ကထေတု-  
ကမျတပုစ္ဆာတိပိ ဝဇ္ဇတိ။ အတ္ထတော ပန သဗ္ဗာပိ တထာ ပဝတ္တဝစနံ၊  
တဒုပ္ပါဒကော ဝါ စိတ္တုပ္ပါဒေါတိ ဝေဒိတဗ္ဗံ။

ယဒတ္ထံ ပနာယံ နိဒ္ဒေသနယော အာဟရိတော၊ တဿ ပုစ္ဆာဝိသေသဘာဝဿ ဤပနတ္ထံ “**ဣမာယူ**”တိအာဒိမာဟ။ စိတ္တာဘောဂေါ သမန္တာဟာရော။ ဘုသံ၊ သမန္တတော စ သံသပ္ပနာ ကင်္ခါ **အာသပ္ပနာ၊ ပရိသပ္ပနာ စ။ သဗ္ဗာကင်္ခါ ဆိန္ဒာ** သဗ္ဗညုတညာဏပဒဋ္ဌာနေန အဂ္ဂမဂ္ဂေန သမုတ္တိန္ဒနတော။ ပရေသံ အနုမတိယာ၊ ကထေတုကမျတာယ စ ဓမ္မဒေသနာသမ္ဘဝတော၊ တထာ ဧဝံ တတ္ထ တတ္ထ ဒိဋ္ဌတ္တာ စ ဝုတ္တံ “**အဝသေသာ ပန ဒွေ ပုစ္ဆာ ပုဒ္ဓါနံ အတ္ထိ**”တိ။ ယဒ ပနေတော “သတ္တာမိဋ္ဌာနာ ပုစ္ဆာ ဓမ္မာမိဋ္ဌာနာ ပုစ္ဆာ ကောမိဋ္ဌာနာ ပုစ္ဆာ အနေကာမိဋ္ဌာနာ ပုစ္ဆာ”တိအာဒိနာ အပရာပိ အနေကော ပုစ္ဆာယော နိဒ္ဒေသေ အာဂတာ၊ တာ သဗ္ဗာပိ နိဒ္ဓါရေတွာ ဣမ အဝိစယနံ “အလံ တောဝတာဝ၊ အတ္ထိကေဟိ ပန ဣမိနာ နယေန နိဒ္ဓါရေတွာ ဝိစေတဗ္ဗာ”တိ နယဒါနဿ သိဇ္ဈနတောတိ ဒဋ္ဌဗ္ဗံ။

ဂ။ ပုစ္ဆာစနာမေသာ ဝိဿဇ္ဇနာယ သတိယေဝ ယုတ္တရူပါတိ စောဒနာယ “**ဣဒါနိ**”တိအာဒိ ဝုတ္တံ။ အတိပါတနံ **အတိပါတော။ အတိ-သဒ္ဓေါ** စေတ္ထ အတိ-ရေကတ္ထော။ သီသဘာဝေါ ဧဝံ စ အတိရေကတာ၊ တသ္မာ သရသေနော ပတနသဘာဝဿ အန္တရာ ဧဝံ အတိရေကံ ပါတနံ၊ သဏိကံ ပတိတုံ အဒတွာ သီသံ ပါတနန္တိ အတ္ထော၊ အဘိဘဝနတ္ထော ဝါ၊ အတိက္ကမ္မ သတ္တာဒိဟိ အဘိ-ဘဝိတွာ ပါတနန္တိ ဝုတ္တံ ဟောတိ၊ ဝေါဟာရဝစနမေတံ “**အတိပါတော**”တိ။ အတ္ထတော ပန ပကရဏာဒိဝသေနာမိဂတတ္တာ **ပါဏဝဇော ပါဏသာ-တောတိ ဝုတ္တံ ဟောတိ**တိ အဓိပ္ပါယော။ **ဝေါဟာရတောတိ** ပညတ္တိတော။ **သတ္ထောတိ** ခန္ဓသန္တာနော။ တတ္ထ ဟိ သတ္ထပညတ္တိ။ ဝုတ္တု—

“ယထာ ဟိ အင်္ဂသမ္ဘာရာ၊ ဟောတိ သဒ္ဓေါ ရထော ဣတိ။  
ဧဝံ ခန္ဓေသု သန္တေသု၊ ဟောတိ သတ္ထောတိ သမ္ပုတိ”တိ။

ဇိဝိတိန္ဒြိယန္တိ ရူပါရူပဇိဝိတိန္ဒြိယံ။ ရူပဇိဝိတိန္ဒြိယေ ဟိ ဝိကောပိတေ ဣတရမ္ပိ တံသမ္ပန္နတာယ ဝိနဿတိ။ ကသ္မာ ပနေတ္ထ “**ပါဏဿ အတိ-ပါတော**”တိ၊ “**ပါဏောတိ** စေတ္ထ ဝေါဟာရတော သတ္ထော”တိ စ ကေ-ဝစနနိဒ္ဒေသော ကတော၊ နန နိရဝသေသာနံ ပါဏာနံ အတိပါတတော ဝိရတိ ဣမ အဓိပ္ပေတာ။ တထာ ဟိ ဝက္ခတိ “သဗ္ဗပါဏဘူတဟိတာနု-ကမ္ပိတိ သဗ္ဗေ ပါဏဘူတေ”တိအာဒိနာ၊ ဗဟုဝစနနိဒ္ဒေသန္တိ သစ္စမေတံ၊ ပါဏဘာဝသာမညေန ပနေတ္ထ ကေဝစနနိဒ္ဒေသော ကတော၊ တတ္ထ ပန

သဗ္ဗသဒ္ဓသန္တိဓာနေန ပုထုတ္တံ သုဝိညာယမာနမေဝါတိ သာမညနိဒ္ဒေသမကတွာ  
ဘေဒဝစနိစ္ဆာဝသေန ဗဟုဝစနနိဒ္ဒေသော ကတော။ ကိဉ္စ ဘိယျော—  
သာမညတော သံဝရသမာဒါနံ၊ တဗ္ဗိသေသတော သံဝရဘေဒေါတိ ဣမဿ  
ဝိသေသဿ ဤပနတ္ထမ္ပိ အယံ ဝစနဘေဒေါ ကတောတိ ဝေဒိတဗျော။  
“ပါဏဿ အတိပါတော”တိအာဒိ ဟိ သံဝရဘေဒဒဿနံ။ “သဗ္ဗေ  
ပါဏဘူတေ”တိအာဒိ ပန သံဝရသမာဒါနဒဿနန္တိ။ သဒ္ဓဝိဒူ ပန “ဤဝိသေသု  
ဌာနေသု ဇာတိဒဗ္ဗာပေက္ခဝသေန ဝစနဘေဒမတ္ထံ၊ အတ္ထတော သမာန”န္တိ  
ဝဒန္တိ။

တသ္မိံ ပန ပါဏေတိ ယထာဝုတ္တေ ဒုဗ္ဗိဓေဝိ ပါဏေ။ ပါဏသညိနောတိ  
ပါဏသညာသမင်္ဂိနော ပုဂ္ဂလဿ။ ယာယ ပန စေတနာယ ပဝတ္တမာနဿ  
ဇီဝိတိန္ဒြိယဿ နိဿယဘူတေသု မဟာဘူတေသု ဥပက္ကမကရဏဟေတု  
တံမဟာဘူတပစ္စယာ ဥပ္ပဇ္ဇနကမဟာဘူတာ နုပ္ပဇ္ဇိဿန္တိ၊ သာ တာဒိသပ-  
ယောဂသမုဋ္ဌာပိကာ စေတနာ ပါဏာတိပါတောတိ အာဟ “ဇီဝိတိန္ဒြိယု-  
ပစ္ဆေဒကဥပက္ကမသမုဋ္ဌာပိကာ”တိ၊ ဇီဝိတိန္ဒြိယုပစ္ဆေဒကဿ ကာယဝစီပ-  
ယောဂဿ တန္တိဿယေသု မဟာဘူတေသု သမုဋ္ဌာပိကာတိ အတ္ထော။  
လဒ္ဓုပက္ကမာနိ ဟိ ဘူတာနိ ပုရိမဘူတာနိ ဝိယ န ဝိသဒါနိ၊ တသ္မာ  
သမာနဇာတိယာနံဘူတာနံ ကာရဏာနိ န ဟောန္တိတိ တေသုယေဝ ဥပက္ကမေ  
ကတေ တတော ပရာနံ အသတိ အန္တရာယေ ဥပ္ပဇ္ဇမာနာနံ ဘူတာနံ၊  
တန္တိဿိတဿ စ ဇီဝိတိန္ဒြိယဿ ဥပစ္ဆေဒေါ ဟောတိ။ “ကာယဝစီဒွါရာန”န္တိ  
ဧတေန ဝိတဏှဝါဒိမတံ မနောဒွါရေ ပဝတ္တာယ ဝကေစေတနာယ ပါဏာတိ-  
ပါတဘာဝံ ပဋိက္ခိပတိ။

ပယောဂဝတ္ထုမဟန္တတာဒိဟိ မဟာသာဝဇ္ဇတာတေဟိ ပစ္စယေဟိ ဥပ္ပဇ္ဇ-  
မာနာယ စေတနာယ ဗလဝဘာဝတော ဝေဒိတဗျော။ ဧကဿာပိ ဟိ ပယော-  
ဂဿ သဟဿာ နိပ္ပါဒနဝသေန၊ ကိစ္စသာမိကာယ ဗဟုက္ခတ္ထု ပဝတ္တဇဝနေဟိ  
လဒ္ဓါသေဝနာယ စ သန္တိဋ္ဌာပကစေတနာယ ဝသေန ပယောဂဿ မဟန္တ-  
ဘာဝေါ။ သတိပိ ကဒါစိ ခုဒ္ဒကေ စေဝ မဟန္တေ စ ပါဏေ ပယောဂဿ  
သမဘာဝေ မဟန္တံ ဟနန္တဿ စေတနာ တိဗ္ဗတရာ ဥပ္ပဇ္ဇတိတိ ဝတ္ထုဿ  
မဟန္တဘာဝေါ။ ဣတိ ဥဘယမေတံ စေတနာယ ဗလဝဘာဝေနေဝ ဟောတိ။  
သတိပိ စ ပယောဂဝတ္ထုနံ အမဟန္တဘာဝေ ဟန္တဗ္ဗဿ ဂုဏမဟတ္တေနပိ  
တတ္ထ ပဝတ္ထဥပကာရစေတနာ ဝိယ ခေတ္တဝိသေသနိပ္ပတ္တိယာ အပကာရ-  
စေတနာပိ ဗလဝတိ၊ တိဗ္ဗတရာ စ ဥပ္ပဇ္ဇတိတိ တဿာ မဟာသာဝဇ္ဇတာ

ဒဋ္ဌဗ္ဗာ၊ တေနာဟ “ဂုဏဝန္တသျှ”တိအာဒိ။ “ကိလေသာန”န္တိအာဒိနာပန သတိပိ ပယောဂဝတ္ထုဂုဏာနံ အမဟန္တဘာဝေ ကိလေသုပက္ကမာနံ မုဒုတိဗ္ဗ- တာယ စေတနာယ ဒုဗ္ဗလဗလဝဘာဝဝသေန အပ္ပသာဝဇ္ဇမဟာသာဝဇ္ဇ- ဘာဝေါ ဝေဒိတဗ္ဗောတိ ဒဿတိ။

သမ္ဘရိယန္တိ သဟရိယန္တိ ဧတေဟိတိ သမ္ဘာရာ၊ အင်္ဂါနိ။ တေသု ပါဏသ- ညိတာ၊ ဝဓကစိတ္တဉ္စပုဗ္ဗဘာဂိယာနိပိ ဟောန္တိ။ ဥပက္ကမော ပန ဝဓကစေတနာ- သမုဋ္ဌာပိတော သဟဇာတောဝ။ ပဉ္စသမ္ဘာရဝတိ ပန ပါဏာတိပါတစေတနာတိ သာ ပဉ္စသမ္ဘာရဝိနိမုတ္တာ ဒဋ္ဌဗ္ဗာ။ ဧသ နယော အဒိန္နာဒါနာဒိသုပိ။

တ္ထောဟ—ခဏေ ခဏေ နိရုဇ္ဈနသဘာဝေသု သင်္ခါရေသု ကော ဟန္တိ၊ ကော ဝါ ဟညတိ၊ ယဒိ စိတ္တစေတသိကသန္တာနော၊ ဧဝံ သော အနုပတာ- ပနဆေဒနဘေဒနာဒိဝသေန န ဝိကောပနသမတ္ထော၊ နာပိ ဝိကောပနိယော၊ အထ ရူပသန္တာနော၊ ဧဝံ သော အစေတနတာယ ကဋ္ဌကလိင်္ဂရူပမောတိ န တတ္ထ ဆေဒနာဒိနာ ပါဏာတိပါတော လမ္ဘတိ ယထာ မတသရီရေ။ ပယောဂေါပိ ပါဏာတိပါတဿ ပဟရဏပ္ပကာရာဒိအတိတေသု ဝါ သင်္ခါ- ရေသု ဘဝေယျ၊ အနာဂတေသု ဝါ ပစ္စုပ္ပန္နေသု ဝါ။ တတ္ထ န တာဝ အတိ- တာနာဂတေသု သမ္ဘဝတိ တေသံ အဘာဝတော။ ပစ္စုပ္ပန္နေသု စ သင်္ခါရာနံ ခဏိကတ္တာ သရသေနော နိရုဇ္ဈနသဘာဝတာယ ဝိနာသာဘိမုခေသု နိပ္ပယော- ဇနော ဧဝ ပယောဂေါ သိယာ၊ ဝိနာသဿ စ ကာရဏရဟိတတ္တာ န ပဟ- ရဏပ္ပကာရာဒိပယောဂဟေတုကံ မရဏံ၊ နိရိဟကတာယ စ သင်္ခါရာနံ ကဿ သော ပယောဂေါ၊ ခဏိကတ္တာ ဝဓာဓိပ္ပိယသမကာလဘိဇ္ဇနကဿ ကိရိယာ- ပရိယောသာနကာလာနဝဋ္ဌာနတော ကဿ ဝါ ပါဏာတိပါတကမ္မဗဒ္ဓေါတိ?

ဝုစ္စတေ—ဝဓကစေတနာသဟိတော သင်္ခါရာနံ ပုဉ္ဇော သတ္တသင်္ခါတော ဟန္တိ၊ တေန ပဝတ္တိတဝဓပ္ပယောဂနိမိတ္တာပဂတုသ္မာဝိညာဏဇိဝိတိန္ဒြိယော မဘဝေါဟာရပ္ပဝတ္တိနိဗန္ဓနော ယထာဝုတ္တဝဓပ္ပယောဂါကရဏေ ဥပ္ပဇ္ဇနာ- ရဟော ရူပါရူပဓမ္မသမူဟော ဟညတိ၊ ကေဝလော ဝါ စိတ္တစေတသိကသန္တာ- နော၊ ဝဓပ္ပယောဂါဝိသယဘာဝေပိ တဿ ပဉ္စဝေါကာရဘဝေ ရူပသန္တာနာဓိန- ဝုတ္တိတာယ ရူပသန္တာနေ ပရေန ပယောဇိတဇိဝိတိန္ဒြိယုပစ္ဆေဒကပယောဂ- ဝသေန တန္တိဗ္ဗတ္တိဝိဗန္ဓကဝိသဒိသရူပုပ္ပတ္တိယာ ဝိဟတေ ဝိစ္ဆေဒေါ ဟောတိတိ န ပါဏာတိပါတဿ အသမ္ဘဝေါ၊ နာပိ အဟေတုကော ပါဏာတိပါတော၊ န စ ပယောဂေါ နိပ္ပယောဇနော ပစ္စုပ္ပန္နေသု သင်္ခါရေသု ကတပယောဂ- ဝသေန တဒနန္တရံ ဥပ္ပဇ္ဇနာရဟဿ သင်္ခါရကလာပဿ တထာအနုပ္ပတ္တိတော၊

ခဏိကာနံ သင်္ခါရာနံ ခဏိကမရဏဿ ဣဓ မရဏဘာဝေန အနဓိပ္ပေတတ္ထာ၊ သန္တတိမရဏဿ စ ယထာဝုတ္တနယေန သဟေတုကဘာဝတော န အဟေတုကံ မရဏံ။ န စ ကတ္ထုရဟိတော ပါဏာတိပါတပ္ပယောဂေါ နိရိဟကေသုပိ သင်္ခါရေသု သန္တိဟိတတာမတ္တေန ဥပကာရကေသု အတ္တနော အတ္တနော အနုရူပဖလုပ္ပါဒနိယတေသု ကာရဏေသု ကတ္ထုဝေါဟာရသိဗ္ဗိတော ယထာ “ပဒီပေါ ပကာသေတိ၊ နိဿာကရော စန္ဒိမာ”တိ။ န စ ကေဝလဿ ဝဓာ- မိပ္ပယသဟဘုနော စိတ္တစေတသိကကလာပဿ ပါဏာတိပါတော ဣစ္ဆိတော သန္တာနဝသေန အဝဠိတဿေဝ ပဋိဇာနနတော၊ သန္တာနဝသေန ပဝတ္တ- မာနာနဉ္စ ပဒီပါဒိနံ အတ္တကိရိယာသိဗ္ဗိ ဒိဿတိတိ အတ္ထေဝ ပါဏာတိပါတေန ကမ္မဗဒ္ဓေါတိ။ အယဉ္စ ဝိစာရော အဒိန္နာဒါနာဒိသုပိ ယထာသမ္ဘဝံ ဝိဘာဝေ- တဗ္ဗော။

သဟတ္ထိကောတိ သယံ မာရေန္တဿ ကာယေန ဝါ ကာယပဋိဗဒ္ဓေန ဝါ ပဟရဏံ။ အာဏတ္ထိကောတိ အညံ အာဏာပေန္တဿ “ဧဝံ ဝိဇ္ဈိတွာ ဝါ ပဟရိတွာ ဝါ မာရေဟိ”တိ အာဏာပနံ။ နိဿဂ္ဂိယောတိ ဒူရေ ဌိတံ မာရေတု- ကာမဿ ကာယေန ဝါ ကာယပဋိဗဒ္ဓေန ဝါ ဥသုယန္တပါသာဏာဒိနံ နိဿဇ္ဇနံ။ ထာဝရောတိ အသဉ္စာရိမေန ဥပကာရဏေန မာရေတုကာမဿ ဩပါတာ- ပဿေနဥပနိက္ခိပနံ၊ ဘေသဇ္ဇသံဝိဓာနဉ္စ။ ဝိဇ္ဇာမယောတိ မာရဏတ္ထံ မန္တပရိဇပ္ပနံ အာထဗ္ဗဏိကာဒိနံ ဝိယ။ အာထဗ္ဗဏိကာ ဟိ အာထဗ္ဗဏံ ပယော- ဇေန္တိ နဂရေ ဝါ ရုဒ္ဓေ သင်္ဂါမေ ဝါ ပစ္စုပဋိတေ ပဋိသေနာယ ပစ္စတ္ထိကေသု ပစ္စာမိတ္တေသု ဤတိ° ဥပ္ပါဒေန္တိ ဥပဒ္ဓဝံ ဥပ္ပါဒေန္တိ ရောဂံ ဥပ္ပါဒေန္တိ ပဇ္ဇရကံ ဥပ္ပါဒေန္တိ သူစိကံ ဥပ္ပါဒေန္တိ ဝိသူစိကံ ကရောန္တိ ပက္ခန္ဓိယံ ကရောန္တိ။ ဝိဇ္ဇာရော စ ဝိဇ္ဇံ ပရိဝတ္တေတွာ နဂရေ ဝါ ရုဒ္ဓေ။ပ။ ပက္ခန္ဓိယံ ကရောန္တိ။ ဣဒ္ဓိမယောတိ ကမ္မဝိပါကဇိဒ္ဓိမယော ဒါဌာကောဋနာဒိနိ ဝိယ။ ဝိတုရညော ကိရ သီဟဋ္ဌ- နရိန္ဒဿ ဒါဌာကောဋနေန စူဠသုမနကုဋုမ္ဘိယဿ မရဏံ ဟောတိ။ “ဣမသ္မိ° ပနတ္ထေ”တိအာဒိနာ ဂန္ထဂါရဝံ ပရိဟရိတွာတဿ အနုနဘာဝမ္ပိ ကရောတိ “အတ္ထိကေဟိ”တိအာဒိနာ။ ဣဓ အဝုတ္တောပိ ဟိ ဧသ အတ္ထော အတိဒိသ- နေန ဝုတ္တော ဝိယ အနုနော ပရိပုဏ္ဏောတိ။

ဒုဿီလဿ ဘာဝေါ ဒုဿီလျံ၊ ယထာဝုတ္တာ စေတနာ။ “ပဟာယာ”တိ ဧတ္ထ တွာ-သဒ္ဓေါ ပုဗ္ဗကာလေတိ အာဟ “ပဟိနကာလတော ပဋ္ဌာယာ”တိ၊ ဟေတုအတ္တတံ ဝါ သန္တာယ ဧဝံ ဝုတ္တံ။ ဧတေန ဟိ ပဟာနဟေတုကာ ဣဓာ- မိပ္ပေတာ သမုစ္ဆေဒနိကာ ဝိရတိတိ ဒဿေတိ။ ကမ္မက္ခယဉာဏေန ဟိ

ပါဏာတိပါတဒုဿီလျဿ ပဟိနတ္တာ ဘဂဝါ အစ္စန္တမေဝ တတော ပဋိ-  
 ဝိရတောတိ ဝုစ္ဆတိ သမုစ္ဆေဒဝသေန ပဟာနဝိရတိနမဓိပ္ပေတတ္တာ။ ကိဉ္ဇာပိ  
 “ပဟာယ ပဋိဝိရတော”တိ ပဒေဟိ ဝုတ္တာနံ ပဟာနဝိရမဏာနံ ပုရိမ-  
 ပစ္စိမကာလတာ နတ္ထိ၊ မဂ္ဂဓမ္မာနံ ပန သမ္မာဒိဋ္ဌိအာဒိနံ၊ ပစ္စယဘူတာနံ  
 သမ္မာဝါစာဒိနဉ္စ ပစ္စယုပ္ပန္နဘူတာနံ ပစ္စယပစ္စယုပ္ပန္နဘာဝေ အပေက္ခိတေ  
 သဟဇာတာနမ္ပိ ပစ္စယပစ္စယုပ္ပန္နဘာဝေန ဂဟဏံ ပုရိမပစ္စိမဘာဝေန ဝိယ  
 ဟောတိ။ ပစ္စယော ဟိ ပုရိမတရံ ပစ္စယသတ္တိယာ ဌိတော၊ တတော ပရံ  
 ပစ္စယုပ္ပန္နံ ပစ္စယသတ္တိံ ပဋိစ္စ ပဝတ္တတိ၊ တသ္မာ ဂဟဏပ္ပဝတ္တိအာကာရဝသေန  
 သဟဇာတာဒိပစ္စယဘူတေသု သမ္မာဒိဋ္ဌိအာဒိသု ပဟာယကဓမ္မေသု ပဟာန-  
 ကိရိယာယ ပုရိမကာလဝေါဟာရော၊ တပ္ပစ္စယုပ္ပန္နာသု စ ဝိရတိသု ဝိရမဏ-  
 ကိရိယာယ အပရကာလဝေါဟာရော သမ္ဘဝတိ။ တသ္မာ “သမ္မာဒိဋ္ဌိအာဒိဟိ  
 ပါဏာတိပါတံ ပဟာယ သမ္မာဝါစာဒိဟိ ပါဏာတိပါတာ ပဋိဝိရတော”တိ  
 ပါဠိယံ အတ္ထော ဒဋ္ဌဗ္ဗော။

အယံ ပနေတ္ထ အဋ္ဌကထာမုတ္တကော နယော—ပဟာနံ သမုစ္ဆေဒဝသေန  
 ဝိရတိပဋိပ္ပဿဒ္ဓိဝသေန ယောဇေတဗ္ဗော၊ တသ္မာ မဂ္ဂေန ပါဏာတိပါတံ  
 ပဟာယ ဖလေန ပါဏာတိပါတာ ပဋိဝိရတောတိ အတ္ထော။ အပိစ ပါဏော  
 အတိပါတိယတိ ဧတေနာတိ ပါဏာတိပါတော၊ ပါဏဿာတဟေတုဘူတော  
 ဓမ္မသမူဟော။ ကော ပနေသော? အဟိရိကာနောတ္တပ္ပဒေါသမောဟဝိဟိ-  
 သာဒယော ကိလေသာ။ တေ ဟိ ဘဂဝါ အရိယမဂ္ဂေန ပဟာယ သမုတ္ထိ-  
 ဇ္ဇေတွာ ပါဏာတိပါတဒုဿီလျတော အစ္စန္တမေဝ ပဋိဝိရတော ကိလေသေသု  
 ပဟိနေသု တန္တိမိတ္တကမ္မဿ အနုပ္ပဇ္ဇနတော၊ တသ္မာ မဂ္ဂေန ပါဏာတိပါတံ  
 ယထာဝုတ္တကိလေသံ ပဟာယ တေနေဝ ပါဏာတိပါတာ ဒုဿီလျစေတနာ  
 ပဋိဝိရတောတိ အတ္ထော။ ဧသ နယော “အဒိန္နာဒါနံ ပဟာယာ”တိအာဒိသုပိ။

ဩရတော ဝိရတောတိ ပရိယာယဝစနမေတံ၊ ပတိ-ဝိသဒ္ဓါနံ ဝါ ပစ္စေကံ  
 ယောဇေတဗ္ဗတော တထာ ဝုတ္တံ။ ဩရတောတိ ဟိ အဝရတော အဘိမုခံ  
 ရတော၊ တေန ဥဇုကံ ဝိရမဏဝသေန သာတိသယတံ ဒဿေတိ။ ပဋိရတဿ  
 စေတံ အတ္ထဝစနံ။ ဝိရတောတိ ဝိသေသေန ရတော၊ တေန သဟ ဝါသနာယ  
 ဝိရမဏဘာဝံ၊ ဥဘယေန ပန သမုစ္ဆေဒဝိရတိဘာဝံ ဝိဘာဝေတိ။ ၈၀-သဒ္ဓေါ  
 ပန တဿာ ဝိရတိယာ ကာလာဒိဝသေန အပရိယန္တတံ ဒဿေတုံ ဝုတ္တော။  
 သော ဥဘယတ္ထ ယောဇေတဗ္ဗော။ ယထာ ဟိ အညေ သမာဒိန္နဝိရတိကာပိ  
 အနဝဋ္ဌိတမိတ္တတာယ လာဘဇိဝိတာဒိဟေတု သမာဒါနံ ဘိန္နန္တိ၊ န ဧဝံ ဘဂဝါ။

သဗ္ဗသော ပဟိနပါဏာတိပါတတ္တာ ပနေသ အစ္စန္တရိရတော ဝေါတိ။ “နတ္ထိ တဿာ”တိအာဒိနာ ဝေ-သဒ္ဓေန ဒဿိတံ ယထာဝုတ္တမတ္ထံ နိဝတ္တေတဗ္ဗတ္ထဝသေန သမတ္ထေတိ။ တတ္ထ ဝီတိက္ကမိဿာမီတိ ဥပ္ပဇ္ဇနကာ ဓမ္မာတိ သဟ ပါဌသေသေန သမ္ပန္နော။ တေ ပန အနဝဇ္ဇဓမ္မေဟိ ဝေါကိဏ္ဏာ အန္တရန္တရာ ဥပ္ပဇ္ဇနကာ ဒုဗ္ဗလာ သာဝဇ္ဇာ ဓမ္မာ၊ ယသ္မာ စ “ကာယဝစီပယောဂံ ဥပလဘိတွာ ဣမဿ ကိလေသာ ဥပ္ပန္နာ”တိ ဝိညုနာ သက္ကာ ဉှတုံ၊ တသ္မာ တေ ဣမိနာဝ ပရိယာယေန “စက္ခုသောတဝိညေယျာ”တိ ဝုတ္တာ၊ န ပန စက္ခုသောတဝိညာဏာရမ္မဏတ္တာ။ အတော သသမ္ဘာရကထာယ စက္ခုသောတေဟိ၊ တန္တိဿိတဝိညာဏေဟိ ဝါ ကာယိကဝါစသိကပယောဂမုပလဘိတွာ မနောဝိညာဏေန ဝိညေယျာတိ အတ္ထော ဒဋ္ဌဗ္ဗော။ ကာယိကာတိ ကာယေန ကတာ ပါဏာတိပါတာဒိနိပ္ပုဒကာ ဗလဝန္တော အကုသလာ။ “ကာဠုကာ”တိပိ ဋီကာယံ ဥဒ္ဓတပါဌော၊ ကဏ္ဍပက္ခိကာ ဗလဝန္တော အကုသလာတိ အတ္ထော။ “ဣမိနာဝေါ”တိအာဒိနာ နယဒါနံ ကရေတိ၊ တဉ္စ ခေါ “အဒိန္နာဒါနံ ပဟာယ အဒိန္နာဒါနာ ပဋိဝိရတော”တိအာဒိပဒေသု။

ပါပေသမေတိတိ သမဏော၊ ဂေါတမသမညာ၊ တေန ဂေါတ္တေန သမ္ပန္နော ဂေါတမောတိ အတ္ထံ သန္ဓာယ “သမဏောတိ ဘဂဝါ”တိအာဒိ ဝုတ္တံ။ ဂေါတ္တဝသေန လဒ္ဓဝေါဟာရေတိ သမ္ပန္နော။ မြဟ္မဒတ္တေန ဘာသိတဝဏ္ဏာနုသန္ဓိယာ ဣမိဿာ ဒေသနာယ ပဝတ္တနတော၊ တေန စ ဘိက္ခုသံဃဝဏ္ဏဿာပိ ဘာသိတတ္တာ ဘိက္ခုသံဃဝဏ္ဏာပိ ဝုတ္တနယေန ဒေသိတဗ္ဗော၊ သော န ဒေသိတော။ ကိံ သော ပါဏာတိပါတာ ပဋိဝိရတဘာဝေါ ဘိက္ခုသံဃဿ န ဝိဇ္ဇတိတိ အနုယောဂမပနေန္တော “န ကေဝလဉ္စာ”တိအာဒိမာဟ။ ဧဝံ သတိ ကသ္မာ န ဒေသိတောတိ ပုနာနုယောဂံ ပရိဟရတိ “ဒေသနာ ပနာ”တိ အာဒိနာ။ ဧဝန္တိ ဧဝမေဝ။

တ္ထောယမိပ္ပါယော—“အတ္ထိ ဘိက္ခဝေ အညေ စ ဓမ္မာ”တိအာဒိနာ အနညသာဓာရဏေ ဗုဒ္ဓဂုဏေ အာရက္ခ ဥပရိ ဒေသနံ ဝဇေတုကာမော ဘဂဝါ အာဒိတော ပဋ္ဌာယ “တထာဂတဿ ဝဏ္ဏံ ဝဒမာနော ဝဒေယျာ”တိအာဒိနာ ဗုဒ္ဓဂုဏဝသေနေဝ ဒေသနံ အာရတိ၊ န ဘိက္ခုသံဃဂုဏဝသေနာပိ။ သော ဟိ ဘဂဝတော ဒေသနာယ ပကတိ၊ ယဒိဒံ ဧကရသေနေဝ ဒေသနံ ဒဿေတုံ လဟ္တမာနဿာပိ ကဿမိ အဂ္ဂဟဏံ။ တထာ ဟိ ရူပကဏ္ဍေ ဒုကာဒိသု၊ တန္တိဒ္ဓေသေသု စ ဟဒယဝတ္ထု န ဂဟိတံ။ ဣတရဝတ္ထုဟိ အသမာနဂတိကတ္တာ ဒေသနာဘေဒေါ ဟောတိတိ။ ယထာ ဟိ

စက္ခုဝိညာဏာဒိနိ ဧကန္တတော စက္ခာဒိနိဿယာနိ၊ န ဧဝံ မနောဝိညာဏံ ဧကန္တေန ဟဒယဝတ္ထုနိဿယံ အာရုပ္ပေ တဒဘာဝတော၊ နိဿယနိဿိတဝသေန စ ဝတ္ထုဒုကာဒိဒေသနာပဝတ္တာ “အတ္ထိ ရူပံ စက္ခုဝိညာဏဿ ဝတ္ထု၊ အတ္ထိ ရူပံ န စက္ခုဝိညာဏဿ ဝတ္ထု”တိအာဒိနာ။ ယမ္ဗိ မနောဝိညာဏံ ဧကန္တတော ဟဒယဝတ္ထုနိဿယံ၊ တဿ ဝသေန “အတ္ထိ ရူပံ မနောဝိညာဏဿ ဝတ္ထု”တိအာဒိနာ ဒုကာဒိသု ဝုစ္စမာနေသုပိ န တဒနုရူပါ အာရမ္မဏဒုကာဒယော သမ္ဘဝန္တိ။ န ဟိ “အတ္ထိ ရူပံ မနောဝိညာဏဿ အာရမ္မဏံ၊ အတ္ထိ ရူပံ န မနောဝိညာဏဿ အာရမ္မဏ”န္တိ သက္ကာ ဝတ္ထု၊ တဒနာရမ္မဏရူပဿာဘာဝတောတိ ဝတ္ထာရမ္မဏဒုကာ ဘိန္နဂတိကာ သိယံ၊ တဿ န ဧကရသာ ဒေသနာ ဘဝေယျာတိ န ဝုတ္တံ၊ တထာ နိက္ခေပကဏ္ဍေ စိတ္တုပ္ပါဒဝိဘာဂေန ဝိသုံ အဝုစ္စမာနတ္တာ အဝိတက္ကအဝိစာရပဒဝိဿဇ္ဇနေ “ဝိစာရော စာ”တိ ဝတ္ထု၊ န သက္ကာတိ အဝိတက္ကဝိစာရမတ္တပဒဝိဿဇ္ဇနေ လမ္ဘမာနောပိ ဝိတက္ကော န ဥဒ္ဓတော။ အညထာ ဟိ “ဝိတက္ကော စာ”တိ ဝတ္ထုဗ္ဗိ သိယာ၊ ဧဝမေဝိဓာပိ ဘိက္ခုသံဃဂုဏော န ဒေသိတောတိ။ ကာမံ သဒ္ဓတော ဧဝံ န ဒေသိတော၊ အတ္ထတော ပန ဗြဟ္မဒတ္တေန ဘာသိတဝဏ္ဏဿ အနုသန္ဓိဒဿနဝသေန ဣမိဿာ ဒေသနာယ အာရဒ္ဓတ္တာ ဒီပေတုံ ဝဇ္ဇတိတိ အာဟ “အတ္ထိ ပနာ”တိအာဒိ။

တတ္ထာယံ ဒီပနာ—“ပါဏာတိပါတံ ပဟာယ ပါဏာတိပါတာ ပဋိရိရတော သမဏဿ ဂေါတမဿ သာဝကသံဃော နိဟိတဒဏ္ဍော နိဟိတသတ္တော”တိဝိတ္ထာရေတဗ္ဗံ။ နနု ဓမ္မဿာပိ ဝဏ္ဏော ဗြဟ္မဒတ္တေန ဘာသိတောတိ? သစ္စံ ဘာသိတော၊ သော ပန သမ္မာသမ္ဗုဒ္ဓပဘဝတ္တာ၊ အရိယသံဃာဘေရတ္တာ စ ဓမ္မဿ ဓမ္မာနုဘာဝသိဒ္ဓတ္တာ စ တေသံ၊ တဒုဘယဝဏ္ဏဒီပနေနေဝ ဒီပိတောတိ ဝိသုံ န ဥဒ္ဓတော။ သဒ္ဓမ္မာနုဘာဝေနေဝ ဟိ ဘဂဝါ၊ ဘိက္ခုသံဃော စ ပါဏာတိပါတာဒီပုဟာနသမတ္တော ဟောတိ။ အတ္တာပတ္တိဝသေန ပရဝိဟေဌနဿ ပရိဝဇ္ဇိတဘာဝဒီပနတ္ထံ ဒဏ္ဍသတ္တာနံ နိက္ခေပဝစနန္တိ အာဟ “ပရူပဿာတတ္ထာယာ”တိအာဒိ။ အဝတ္တနတောတိ အပဝတ္တနတော၊ အသမ္ဘရဏတော ဝါ။ နိက္ခိတ္တော ဒဏ္ဍော ယေနာတိ နိက္ခိတ္တဒဏ္ဍော။ တထာ နိက္ခိတ္တသတ္တော။ မဇ္ဈိမဿ ပုရိသဿ စတုဟတ္ထပ္ပမာဏော စေတ္ထ ဒဏ္ဍော။ တဒဝသေသာ မုဂ္ဂရခဂ္ဂါဒယော သတ္ထံ၊ တေန ဝုတ္တံ “ဧတ္ထ စာ”တိအာဒိ။ ဝိဟေဌနဘာဝတောတိ ဝိဟိံသနဘာဝတော၊ ဧတေန သသတိ ဟိံသတိ အနေနာတိ သတ္တန္တိ အတ္ထံ ဒသေတိ။ “ပရူပဿာတတ္ထာယာ”တိအာဒိနာ

အာပန္နမတ္တံ ဝိဝရိတုံ “ယံ ပနာ”တိအာဒိ ဝုတ္တံ။ ကတ္တရော ဖိက္ခော၊ တဿ၊ တေန ဝါ အာလမ္ဗိတော ဒုက္ခော ကတ္တရဒုက္ခော။ ဒန္တသောဓနံ ကာတုံ ယောဂုံ ကဋ္ဌံ ဒန္တကဋ္ဌံ၊ န ပန ဒန္တသောဓနကဋ္ဌံ။ “ဒန္တကဋ္ဌဝါသိ” ဝါ”တိပိ ပါဌော၊ ဒန္တကဋ္ဌန္တေဒနကဝါသိန္တိ အတ္ထော။ ခုဒ္ဒကံ နခန္တေဒနာဒိကိစ္စနိပ္ပါဒကံ သတ္တံ ဝိပ္ပလိကံ။ ဣဒံ ပန ဘိက္ခုသံဃာဓိနဝစနံ။ “ဘိက္ခုသံဃဝသေနပိ ဒီပေတုံ ဝရုတိ”တိ ဝုတ္တတ္တာ တဿာပိ ဧကဒေသေန ဒီပနတ္ထံ ဝုတ္တံ။

လဇ္ဇာ-သဒ္ဓေါ ဟိရိအတ္ထောတိ အာဟ “ပါပဇိရုန္တနလက္ခဏာယာ”တိ။ ဓမ္မဂရုတာယ ဟိ ဗုဒ္ဓါနံ၊ ဓမ္မဿ စ အတ္တာဓိနတ္တာ အတ္တာဓိပတိဘူတာ လဇ္ဇာဝ ဝုတ္တာ၊ န လောကာဓိပတိဘူတံ ဩတ္တပ္ပံ။ အပိစ “လဇ္ဇိ”တိ ဧတ္ထ ဝုတ္တ-လဇ္ဇာယ ဩတ္တပ္ပမ္ပိ ဝုတ္တမေဝ၊ တဿ လဇ္ဇာတိ ဟိရိဩတ္တပ္ပါနမဓိဝစနံ ဒဠဗ္ဗံ။ န ဟိ ပါပဇိရုန္တံ ပါပုတ္တာသနရဟိတံ၊ ပါပဘယံ ဝါ အလဇ္ဇနံ နာမ အတ္ထိတိ။ “ဒယံ မေတ္တစိတ္တတံ အာပန္နော”တိ ကဿ ဝုတ္တံ၊ နန ဒယာ-သဒ္ဓေါ “ဒယာ-ပန္နော”တိအာဒိသု ကရုဏာယပိ ဝတ္တတိတံ? သစ္စမေတံ၊ အယံ ပန ဒယာ-သဒ္ဓေါ အနုရက္ခဏတ္ထံ အန္တောနိတံ ကတွာ ပဝတ္တမာနော မေတ္တာယ၊ ကရုဏာယ စ ပဝတ္တတိတိ ဣမ မေတ္တာယ ပဝတ္တမာနော ဝုတ္တော ကရုဏာယ ဝက္ခမာနတ္တာ။ မိဒတိ သိနေဟတိတိ မေတ္တာ၊ သာ ဧတဿ အတ္ထိတိ မေတ္တံ၊ မေတ္တံ စိတ္တံ ဧတဿာတိ မေတ္တစိတ္တော၊ မေတ္တာယ သမ္ပယုတ္တံ စိတ္တံ ဧတဿာတိ ဝါ၊ တဿ ဘာဝေါ မေတ္တစိတ္တတာ မေတ္တာ ဧဝ မူလဘူတေန တန္တိမိတ္တေန ပုဂ္ဂလသ္မိံ ဗုဒ္ဓိယာ၊ သဒ္ဓဿ စ ပဝတ္တနတော။

“ပါဏဘူတေတိ ပါဏဇာတေ”တိ ဝုတ္တံ။ ဧဝံ သတိ ပါဏော ဘူတော ယေသန္တိ ပါဏဘူတာတိ နိဗ္ဗစနံ ကတ္တဗ္ဗံ။ အထ ဝါ ဇီဝိတိန္ဒြိယသမင်္ဂိတာယ ပါဏသင်္ခါတေ တံတံကမ္မာနုရူပံ ပဝတ္တနတော ဘူတနာမကေ သတ္တေတိ အတ္ထော။ အနုကမ္မကောတိ ကရုဏာယနကော။ ယသ္မာ ပန မေတ္တာ ကရုဏာယ ဝိသေသပစ္စယော ဟောတိ၊ တဿ ပုရိမပဒတ္တဘူတာ မေတ္တာ ဧဝ ပစ္စယဘာဝေန “တာယ ဧဝ ဒယာပန္နတာယာ”တိ ဝုတ္တာ။ ဣမိနာ ဟိ ပဒေန ကရုဏာယ ဂဟိတာယ ယေဟိ ဓမ္မေဟိ ပါဏာတိပါတာ ပဋိဝိရတိ သမ္ပဇ္ဇတိ၊ တေဟိ လဇ္ဇာမေတ္တာကရုဏာဟိ သမင်္ဂိဘာဝေါ ယထာက္ကမံ ပဒတ္တယေန ဒဿိတော။ ပရဒုက္ခာပနယနကာမတာပိ ဟိ ဟိတာနုကမ္မန-မေဝါတိ အဝဿံ အယမတ္ထော သမ္ပုဋ္ဌိစ္စိတဗ္ဗောတိ။ ဣမာယ ပါဠိယာ၊ သံဝဏ္ဏနာယ စ တဿာ ဝိရတိယာ သတ္တဝသေန အပရိယန္တတံ ဒဿေတိ။

ဝိဟရတိတိ ဧတ္ထ ဝိ-သဒ္ဓေါ ဝိစ္ဆိန္နနတ္ထေ၊ ဟရ-သဒ္ဓေါ နယနတ္ထေ၊ နယနန္တ  
နာမေတံ ဣဓ ပဝတ္တနံ၊ ယာပနံ၊ ပါလနံ ဝါတိ အာဟ “ဣရိယတိ ယပေတိ  
ယာပေတိ ပါလေတိ”တိ။ ယပေတိ ယာပေတိတိ စေတ္ထ ပရိယာယဝစနံ။  
တသ္မာ ယထာဝုတ္တပ္ပကာရော ဟုတွာ ဧကသ္မိံ ဣရိယာပထေ ဥပ္ပန္နံ ဒုက္ခံ အညေန  
ဣရိယာပထေန ဝိစ္ဆိန္နိတွာ ဟရတိ ပဝတ္တေတိ၊ အတ္တဘာဝံ ဝါ ယာပေတိ  
ပါလေတိတိ အတ္ထော ဝေဒိတဗ္ဗော။ ဣတိ ဝါ ဟိတိ ဧတ္ထ ဟိ-သဒ္ဓေါ ဝစန-  
သိလိဋ္ဌတာမတ္ထေ ကဿဖိပိ တေန ဇောတိတတ္ထဿ အဘာဝတော။ တေနာဟ  
“ဧဝံ ဝါ ဘိက္ခဝေ”တိ။ ဝိသု ကပ္ပနမေဝ အတ္ထော ဝိကပ္ပတ္ထောတိ သော  
အနေကဘိန္ဓေသုယေဝ အတ္ထေသု လဗ္ဘတိ၊ အနေကဘေဒါ စ အတ္ထာ ဥပရိ  
ဝက္ခမာနာ ဧဝါတိ ဝုတ္တံ “ဥပရိ အဒိန္နာ”ပ။ အပေက္ခိတွာ”တိ။ “ဧဝ”န္တိအာဒိ  
ဂန္ထဂါရဝပရိဟရဏံ၊ နယဒါနံ ဝါ။

ဣဒါနိ သမ္ပိဏ္ဏနတ္ထံ ဒဿေန္တော “အယံ ပနေတ္ထာ”တိအာဒိမာဟ။ တတ္ထ  
န ဟနတိတိ န ဟိံသတိ။ န ဃာတေတိတိ န ဝေတိ။ တတ္ထာတိ ပါဏာတိ-  
ပါတေ။ သမနုဗ္ဗောတိ သန္တုဋ္ဌော။ အဟော ဝတ ရေတိ ဘောန္တော  
ဧကံသတော အတ္ထရိယာတိ အတ္ထော။ အာစာရသီလမတ္တကန္တိ သာဓုဇနာ-  
စာရမတ္တကံ၊ မတ္တ-သဒ္ဓေါ စေတ္ထ ဝိသေသနိဝတ္တိအတ္ထော၊ တေန ဣန္ဒြိယ-  
သံဝရာဒိဂုဏေဟိပိ လောကီယပုထုဇ္ဇေနော တထာဂတဿ ဝဏ္ဏံ ဝတ္ထု န  
သက္ကောတိတိ ဒဿေတိ။ တထာ ဟိ ဣန္ဒြိယသံဝရပစ္စယပရိဘောဂသီလာနိ ဣဓ  
န ဝိဘတ္တာနိ။ ဧဝ-သဒ္ဓေါ ပဒပူရဏမတ္တံ၊ မတ္တ-သဒ္ဓေန ဝါ ယထာ-  
ဝုတ္တတ္ထဿာဝဓာရဏံ ကရေတိ၊ ဧဝ-သဒ္ဓေန အာစာရသီလမေဝ ဝတ္ထု  
သက္ကောတိတိ သန္တိဋ္ဌာနံ။ ဧဝေဒိသေသု။ “ဣတိ ဝါ ဟိ ဘိက္ခဝေ ပုထုဇ္ဇေနော  
တထာဂတဿ ဝဏ္ဏံ ဝဒမာနော ဝဒေယျာ”တိ ဝစနသာမတ္ထိယေနော  
တဒုတ္တရိ ဂုဏံ ဝတ္ထု န သက္ခိဿတိ။ “တံ ဧဝါ ဥပရိ ဝက္ခာမိ”တိ စ အတ္ထဿာ-  
ပဇ္ဇနတော တထာပန္နမတ္တံ ဒဿေတုံ “ဥပရိ အသာဓာရဏဘာဝ”န္တိအာဒိ  
ဝုတ္တံ။ “န ကေဝလဉ္ဇာ”တိအာဒိနာ ပုဂ္ဂလဝိဝေစနေန ပန “ပုထုဇ္ဇေနော”တိ  
ဣဒံ နိဒဿနမတ္တန္တိ ဒဿိတံ။ “ဣတော ပရ”န္တိအာဒိနာ ဂန္ထဂါရဝံ ပရိဟရတိ။  
ပုဗ္ဗေ ဝုတ္တံ ပဒံ ပုဗ္ဗပဒံ၊ န ပုဗ္ဗပဒံ တထာ၊ န ပုဗ္ဗံ ဝါ အပုဗ္ဗံ၊ တမေဝ ပဒံ  
တထာ။

သဒ္ဓန္တရယောဂေန ဓာတုနမတ္တဝိသေသဝါစကတ္တာ “အာဒါန”န္တိ တေဿ  
ဂဟဏန္တိ အတ္ထော ဒဋ္ဌဗ္ဗော၊ တေနာဟ “ဟရဏ”န္တိအာဒိ။ ပရဿာတိ  
အတ္ထသန္တကတော ပရဘူတဿ သန္တကဿ၊ ယော ဝါ အတ္တတော အညော၊

သော ပုဂ္ဂလော ပရော နာမ၊ တဿ ဣဒံ ပရန္တိပိ ယုဇ္ဇတိ၊ “ပရသံဟရဏ”န္တိပိ ပါဌော၊ သံ-သဒ္ဓေါ စေတ္ထ ဓနတ္ထော၊ ပရသန္တကဟရဏန္တိ ဝုတ္တံ ဟောတိ။ ထေနော ဝုတ္တတိ စောရော၊ တဿ ဘာဝေါ ထေယျံ၊ စောရကမ္ပံ။ စောရိကာတိ စောရဿ ကိရိယာ။ တဒတ္ထံ ဝိဝရတိ “တတ္ထာ”တိအာဒိနာ။ တတ္ထာတိ “အဒိန္နာဒါန”န္တိ ပဒေ။ ပရပရိဂ္ဂဟိတမေဝ ဧတ္ထ အဒိန္နံ၊ န ပန ဒန္တပေါဏ- သိက္ခာပဒေ ဝိယ အပ္ပဋိဂ္ဂဟိတကံ အတ္တသန္တကန္တိ အဓိပ္ပာယ်ယော။ “ယတ္ထ ပရော”တိအာဒိ ဥဘယတ္ထ သမ္ပန္နော အာဝုတ္တိယာဒိနယေန။ တသ္မာ “တံ ပရပရိဂ္ဂဟိတံ နာမ၊ တသ္မိံ ပရပရိဂ္ဂဟိတေ”တိ စ ယောဇေတဗ္ဗံ။ ယထာကာမံ ကရေတိတိ ယထာကာမကာရီ၊ တဿ ဘာဝေါ ယထာကာမ- ကာရိတာ၊ တံ။ ယထာရုစိကရဏံ အာပဇ္ဇန္တောတိ အတ္ထော။ သသန္တကတ္တာ အဒဏ္ဍာရဟော ဓနဒဏ္ဍရာဇဒဏ္ဍဝသေန။ အနုပဝဇ္ဇော စ စောဒနာ- သာရဏာဒိဝသေန။ တံ ပရပရိဂ္ဂဟိတံ အာဒိယတိ ဧတေနာတိ တဒါဒါ- ယကော၊ သွေဝ ဥပက္ကမော၊ တံ သမုဋ္ဌာပေတိတိ တဒါဒါယကဥပက္ကမသ- မုဋ္ဌာပိကာ။ ထေယျာ ဧဝ စေတနာ ထေယျစေတနာ။ ခုဒ္ဒကတာအပ္ပပ္ပတာ- ဒိဝသေန ဟိနေ။ မဟန္တတာမဟပ္ပတာဒိဝသေန ပဏီတေ။ ကသ္မာ? ဝတ္ထု- ဟိနတာယာတိ ဂမ္မမာနတ္တာ န ဝုတ္တံ၊ ဟိနေ၊ ဟိနဂုဏာနံ သန္တကေ စ စေတနာ ဒုဗ္ဗလာ၊ ပဏီတေ၊ ပဏီတဂုဏာနံ သန္တကေ စ ဗလဝတိတိ ဟေဋ္ဌာ ဝုတ္တနယေန တေဟိ ကာရဏေဟိ အပ္ပသာဝဇ္ဇမဟာသာဝဇ္ဇတာ ဝေဒိတဗ္ဗာ။ အာစရိယာ ပန ဟိနပဏီတတော ခုဒ္ဒကမဟန္တေ ဝိသု ဂဟေတွာ “ဣဓာပိ ခုဒ္ဒကေ ပရသန္တကေ အပ္ပသာဝဇ္ဇံ၊ မဟန္တေ မဟာသာဝဇ္ဇံ။ ကသ္မာ? ပယောဂ- မဟန္တတာယ။ ဝတ္ထုဂုဏာနံ ပန သမဘာဝေ သတိ ကိလေသာနမုပက္ကမာ- နဉ္စ မုဒုတာယ အပ္ပသာဝဇ္ဇံ၊ တိဗ္ဗတာယ မဟာသာဝဇ္ဇန္တိ အယမ္ပိ နယော ယောဇေတဗ္ဗော”တိ ဝဒန္တိ။

သဟတ္ထိကာဒယောတိ ဧတ္ထ ပရသန္တကဿ သဟတ္တာ ဂဟဏံ သဟတ္ထိ- ကော။ အညေ အာဏာပေတွာ ဂဟဏံ အာဏတ္ထိကော။ အန္တောသုဂ်ဿာတေ ပြိတေန ဗဟိသုဂ်ဿာတံ ပါတေတွာ ဂဟဏံ နိဿဂ္ဂိယော။ “အသုဂ် ဘဏ္ဍံ ယဒါ သက္ကောသိ၊ တဒါ အဝဟရာ”တိ အတ္တသာဓကောဝဟာရနိပ္ပာဒကေန၊ အာဏာပနေန ဝါ၊ ယဒါ ကဒါစိ ပရသန္တကဝိနာသကေန သပ္ပိတေလကုတ္တိ- အာဒိသု ဒုကူလသာဠကစမ္မခဏ္ဍာဒိပက္ခိပနာဒိနာ ဝါ ဂဟဏံ ထာဝရော။ မန္တပရိဇ္ဇေနေန ဂဟဏံ ဝိဇ္ဇာဓယော။ ဝိနာ မန္တေန၊ ကာယဝစိပယော- ဂေဟိ တာဒိသဇ္ဈဒ္ဓိယောဂေန ပရသန္တကဿ အာကမုနံ ဣဒ္ဓိဓယော။

ကာယဝစီပယောဂေသု ဟိ သန္တေသုယေဝ ဣဒ္ဓိမယော အဝဟရဏပယောဂေါ  
 ဟောတိ၊ နော အသန္တေသု။ တထာ ဟိ ဝုတ္တံ “အနာပတ္တိ ဘိက္ခဝေ ဣဒ္ဓိမဿ  
 ဣဒ္ဓိဝိသယေ”တိ၊ တေ စ ခေါ ပယောဂါ ယထာနုရူပံ ပဝတ္တာတိ သဗ္ဗန္ဓော။  
 တေသံ ပန ပယောဂါနံ သဗ္ဗေသံ သဗ္ဗတ္ထ အဝဟာရေသု အသမ္ဘဝတော  
 “ယထာနုရူပ”န္တိ ဝုတ္တံ။

သန္တိစ္ဆေဒါဒီနိ ကတွာ အဒိဿမာနေန ဝါ၊ ကုဋမာနကုဋကဟာပဏာဒီဟိ  
 ဝဉ္စနေန ဝါ၊ အဝဟရဏံ ထေယျာဝဟာရော။ ပဿယ ဗလဿ အဘိဘုယျ  
 သန္တဇ္ဇေတွာ၊ ဘယံ ဒဿေတွာ ဝါ အဝဟရဏံ ပဿယာဝဟာရော။ ပရဘဏ္ဍံ  
 ပဋိစ္ဆာဒေတွာ အဝဟရဏံ ပဋိစ္ဆန္တာဝဟာရော။ ဘဏ္ဍောကာသပရိကပ္ပ-  
 ဝသေန ပရိကပ္ပေတွာ အဝဟရဏံ ပရိကပ္ပါဝဟာရော။ ကုသံ သင်္ကာမေတွာ  
 အဝဟရဏံ ကုသာဝဟာရော။ ဣတိ-သဒ္ဓေန စေတ္ထ အာဒိအတ္ထေန၊ နိဒဿန-  
 နယေန ဝါ အဝသေဿ စတ္တာရော ပဉ္စကာပိ ဂဟိတာတိ ဝေဒိတဗ္ဗံ။ ပဉ္စန္ဒြိ  
 ပဉ္စကာနံ သမောဓာနဘူတာ ပဉ္စဝိသတိ အဝဟာရာ သဗ္ဗေပိ အဒိန္နာဒါနမေဝ၊  
 အဝိညတ္တိယာ ဝါ အရိယာယ ဝိညတ္တိယာ ဝါ ဒိန္နမေဝါတိ အတ္ထော။ “ဒိန္နာ-  
 ဒါယီ”တိ ဣဒံ ပယောဂတော ပရိသုဒ္ဓဘာဝဒဿနံ။ “ဒိန္နပါဠိကဗ္ဗီ”တိ ဣဒံ  
 ပန အာသယတောတိ အာဟ “ဝိတ္တေနာ”တိအာဒိ။

အထေနနာတိ ဧတ္ထ အ-သဒ္ဓေါ န-သဒ္ဓဿ ကာရိယော၊ အ-သဒ္ဓေါ ဝါ  
 ဧကော နိပါတော န-သဒ္ဓတ္ထောတိ ဒဿေတုံ “န ထေနနာ”တိ ဝုတ္တံ။ ပါဠိယံ  
 ဒိဿမာနဝါကျာဝတ္ထိကဝိဘတ္တိယန္တပဋိရူပကတာကရဏေန သဒ္ဓိံ သမာသ-  
 ဒဿနမေတံ။ ပကရဏာဓိဂတေ ပန အတ္ထေ ဝိဝေဓိယမာနေ ဣမ အထေန-  
 တောယေဝ သုစိဘူတတာ အဓိဂမီယတိ အဒိန္နာဒါနာဓိကာရတ္တာတိ အာဟ  
 “အထေနတ္တာယေဝ သုစိဘူတေနာ”တိ တေန ဟေတာလင်္ကာရဝစနမေတန္တိ  
 ဒဿေတိ။ အာဟိတော အဟံမာနော ဧတ္တာတိ အတ္တာ၊ အတ္တဘာဝေါ။  
 ဘဂဝတော ပန သော ရုဠိယာ ယထာ တံ နိစ္ဆန္တရာဂေသု သတ္တဝေါဟာရော။  
 အဒတိ ဝါ သံသာရဒုက္ခန္တိ အတ္တာ၊ တေနာဟ “အတ္တဘာဝေနာ”တိ။  
 ပဒတ္တယေပိ ဣတ္ထန္တုတလက္ခဏေ ကရဏဝစနန္တိ ဉ္ဗပေတုံ “အထေနံ။ ပ။  
 ကတွာ”တိ ဝုတ္တံ။ အထေနေန အတ္တနာ အထေနတ္တာ ဟုတွာ သုစိဘူတေန  
 အတ္တနာ သုစိဘူတတ္တာ ဟုတွာ ဝိဟရတိတိပိ အတ္ထော။

သေသန္တိ “ပဟာယ ပဋိရိရတော”တိ ဧဝမာဒိကံ။ တဉ္စိ ပုဗ္ဗေ ဝုတ္တနယံ။ ကိဉ္စာပိ နယိမ သိက္ခာပဒဝေါဟာရေန ဝိရတိ ဝုတ္တာ၊ ဣတော အညေသု ပန သုတ္တပဒေသေသု၊ ဝိနယဘိဓမ္မေသု စ ပဝတ္တဝေါဟာရေန ဝိရတိယော၊ စေတနာ စ အဓိသီလသိက္ခာနမဓိဋ္ဌာနဘာဝတော၊ တေသမညတရကောဋ္ဌာသဘာဝတော စ “သိက္ခာပဒ”န္တေဝ ဝတ္တဗ္ဗာတိ အာဟ “ပဌမသိက္ခာပဒေ”တိ။ ကာမဇ္ဈေတ္ထ “လဇ္ဈိ ဒယာပန္နော”တိ န ဝုတ္တံ၊ အဓိကာရဝသေန၊ ပန အတ္ထတော စ ဝုတ္တမေဝါတိ ဝေဒိတဗ္ဗံ။ ယထာ ဟိ လဇ္ဇာဒယော ပါဏာတိပါတပ္ပဟာနဿ ဝိသေသပစ္စယော၊ ဧဝံ အဒိန္နာဒါနပ္ပဟာနဿာပီတိ။ ဧသ နယော ဣတော ပရေသုပိ။ အထ ဝါ သုစိဘူတေနာတိ ဟိရောတ္တပ္ပုဒိသမန္တာဂမနံ၊ အဟိရိကာဒိနဉ္စ ပဟာနံ ဝုတ္တမေဝါတိ “လဇ္ဈိ ဒယာပန္နော”တိ န ဝုတ္တံ။

မြဟ္မ-သဒ္ဓေါ ဣမ သေဋ္ဌဝါစကော၊ အမြဟ္မာနံ နိဟိနာနံ၊ အမြဟ္မံ ဝါ နိဟိနံ စရိယံ ဝုတ္တိ အမြဟ္မစရိယံ၊ မေထုနဓမ္မော။ မြဟ္မံ သေဋ္ဌံ အာစာရန္တိ မေထုနဝိရတိ။ န အာစရတိတိ အနာစာရီ၊ တဒါစာရဝိရဟိတောတိ အတ္ထော၊ တေနာဟ “အမြဟ္မစရိယတော ခူရစာရီ”တိ။ ခူရော မေထုနသင်္ခါတော အာစာရော၊ သော ဝိရဟေန ယဿတ္တိတိ ခူရစာရီ၊ မေထုနဓမ္မတော ဝါ ခူရော ဟုတွာ တဗ္ဗိရတိ အာစရတိတိ ခူရစာရီတိပိ ဝဇ္ဇတိ။ မိထုနာနံ ရာဂပရိယုဋ္ဌာနေန သဒိသာနံ ဥဘိန္တံ အယံ မေထုနောတိ အတ္ထံ ဒသေတိ “ရာဂပရိယုဋ္ဌာနဝသေနာ”တိအာဒိနာ။ အသတံ ဓမ္မော အာစာရောတိ အသဒ္ဓမ္မော၊ တသ္မာ။ အဘေဒဝေါဟာရေန ဂါမသဒ္ဓေနဝ ဂါမဝါသိနော ဂဟိတာတိ ဝုတ္တံ “ဂါမဝါသိန”န္တိ၊ ဂါမေ ဝသတံ ဓမ္မောတိပိ ယုဇ္ဇတိ။ “ခူရစာရီ”တိ စေတ္ထ ဝစနတော၊ ပါဠိယံ ဝါ “မေထုနာ”တွေဝ အဝတွာ “ဂါမဓမ္မာ”တိပိ ဝုတ္တတ္တာ—

“ဣမ မြာဟ္မဏ ဧကစ္စော သမဏော ဝါ မြာဟ္မဏော ဝါ သမ္မာ မြဟ္မစာရီ ပဋိဇာနမာနော န ဟေဝ ခေါ မာတုဂါမေန သဒ္ဓိံ ဒွယံဒွယသမာပတ္တိံ သမာပဇ္ဇတိ၊ အပိစ ခေါ မာတုဂါမဿ ဥစ္ဆာဒနပရိမဒ္ဓနနာပနသမ္မာဟနံ သာဒိယတိ၊ သော တံ အဿာဒေတိ၊ တံ နိကာမေတိ၊ တေန စ ဝိတ္တိံ အာပဇ္ဇတိ၊ ဣဒမ္ပိ ခေါ မြာဟ္မဏ မြဟ္မစရိယဿ ခဏ္ဍမ္ပိ ဆိဒ္ဓမ္ပိ သဗလမ္ပိ ကမ္မာသမ္ပိ၊ အယံ ဝုစ္စတိ မြာဟ္မဏ အပရိသုဒ္ဓိံ မြဟ္မစရိယံ စရတိ သံယုတ္တော မေထုနေန သံယောဂေန၊ န ပရိမုစ္စတိ ဇာတိယာ ဇရာယ မရဏေန

သောကေဟိ ပရိဒေဝေဟိ ဒုက္ခေဟိ ဒေါမနဿေဟိ ဥပါယာသေဟိ၊  
န ပရိမုစ္စတိ ဒုက္ခသွာတိ ဝဒါမိ။

ပုန စပရံ ။ပ။ နပိ မာတုဂါမဿ ဥစ္ဆာဒနပရိမန္တနနာပန-  
သမ္မာဟနံ သာဒိယတိ၊ အပိစ ခေါ မာတုဂါမေန သဒ္ဓိံ သဇ္ဈတိ  
သံကိဋ္ဌတိ သံကေလာယတိ ။ပ။ နပိ မာတုဂါမေန သဒ္ဓိံ သဇ္ဈတိ  
သံကိဋ္ဌတိ သံကေလာယတိ၊ အပိစ ခေါ မာတုဂါမဿ စက္ခုနာ  
စက္ခံ ဥပနိဇ္ဈာယတိ ပေက္ခတိ ။ပ။ နပိ မာတုဂါမဿ စက္ခုနာ  
စက္ခံ ဥပနိဇ္ဈာယတိ ပေက္ခတိ၊ အပိစ ခေါ မာတုဂါမဿ သဒ္ဓိံ  
သုဏာတိ တိရောကုန္တံ ဝါ တိရောပါကာရံ ဝါ ဟသန္တိယာ ဝါ  
ဘဏန္တိယာ ဝါ ဂါယန္တိယာ ဝါ ရောဒန္တိယာ ဝါ။ပ။ နပိ မာတု-  
ဂါမဿ သဒ္ဓိံ သုဏာတိ တိရောကုန္တံ ဝါ တိရောပါကာရံ ဝါ  
ဟသန္တိယာ ဝါ ဘဏန္တိယာ ဝါ ဂါယန္တိယာ ဝါ ရောဒန္တိယာ ဝါ၊  
အပိစ ခေါ ယာနိဿ တာနိ ပုဗ္ဗေ မာတုဂါမေန သဒ္ဓိံ ဟသိတလပိ-  
တကိဋ္ဌိတာနိ၊ တာနိ အနုဿရတိ ။ပ။ နပိ ယာနိဿ တာနိ ပုဗ္ဗေ  
မာတုဂါမေန သဒ္ဓိံ ဟသိတလပိတကိဋ္ဌိတာနိ၊ တာနိ အနုဿရတိ၊  
အပိစ ခေါ ပဿတိ ဂဟပတိံ ဝါ ဂဟပတိပုတ္တံ ဝါ ပဉ္စဟိ ကာမ-  
ဂုဏေဟိ သမပ္ပိတံ သမဂ္ဂိဘူတံ ပရိစာရယမာနံ။ပ။ နပိ ပဿတိ  
ဂဟပတိံ ဝါ ဂဟပတိပုတ္တံ ဝါ ပဉ္စဟိ ကာမဂုဏေဟိ သမပ္ပိတံ သမဂ္ဂိ-  
ဘူတံ ပရိစာရယမာနံ၊ အပိစ ခေါ အညတရံ ဒေဝနိကာယံ ပဏိ-  
ဓာယ မြဟ္မစရိယံ စရတိ “ဣမိနာဟံ သီလေန ဝါ ဝတေန ဝါ တပေန  
ဝါ မြဟ္မစရိယေန ဝါ ဒေဝေါ ဝါ ဘဝိဿာမိ ဒေဝညတရော ဝါ”တိ။  
သော တံ အဿာဒေတိ၊ တံ နိကာမေတိ၊ တေန စ ဝိတ္တိံ အာပဇ္ဇတိ။  
ဣဒမ္ပိ ခေါ မြာဟ္မဏ မြဟ္မစရိယဿ ခဏ္ဍမ္ပိ ဆိဒ္ဓမ္ပိ သဗလမ္ပိ ကမ္မာ-  
သမ္ပိ။ အယံ ဝုစ္စတိ မြာဟ္မဏ အပရိသုဒ္ဓိံ မြဟ္မစရိယံ စရတိ သံယုတ္တော  
မေထုနေန သံယောဂေန၊ န ပရိမုစ္စတိ ဇာတိယာ ဇရာယ မရဏေန  
သောကေဟိ ပရိဒေဝေဟိ ဒုက္ခေဟိ ဒေါမနဿေဟိ ဥပါယာသေဟိ၊  
န ပရိမုစ္စတိ ဒုက္ခသွာတိ ဝဒါမိ”တိ—

အင်္ဂုတ္တရာဂမေ သက္ကကနိပါတေ ဇာဏုသောဏိသုတ္တေ အာဂတာ သတ္တ-  
ဝိဓမေထုနသံယောဂါပိ ပဋိဝိရတိ ဒဿိတာတိ ဒဋ္ဌဗ္ဗာ။ ဣဓာပိ အသဒ္ဓမ္မ-  
သေဝနာဓိပ္ပါယေန ကာယဒွါရပ္ပဝတ္တာ မဂ္ဂေနမဂ္ဂပဋိပတ္တိသမုဋ္ဌာပိကာ စေတနာ

အမြဲဟူစရိယံ။ ပဉ္စသိက္ခာပဒက္ကမေ မိစ္ဆာစာရေ ပန အဂမနီယဋ္ဌာနဝိတိက္ကမ-  
စေတနာ ယထာဂုတ္တာ ကာမေသု မိစ္ဆာစာရေတိ ယောဇေတဗ္ဗံ။

တတ္ထ အဂမနီယဋ္ဌာနံ နာမ ပုရိသာနံ တာဝ မာတုရက္ခိတာဒယော  
ဒသ၊ ဓနက္ခိတာဒယော ဒသာတိ ဝိသတိ ဣတ္ထိယော။ ဣတ္ထိသု ပန ဒသန္တံ  
ဓနက္ခိတာဒီနံ၊ သာရက္ခသပရိဒဏ္ဍာနဉ္စ ဝသေန ဒွါဒသန္တံ အညေ ပုရိသာ။  
ယေ ပနေကေ ဝဒန္တိ “စတ္တာရော ကာမေသု မိစ္ဆာစာရေ အကာလော၊  
အဒေသော၊ အနင်္ဂေါ၊ အဓမ္မော စာ”တိ၊ တေ ဝိပုဋ္ဌိပတ္တိမတ္တံ ပတိ ပရိကပ္ပေတွာ  
ဝဒန္တိ။ န ဟိ သာဂမနီယဋ္ဌာနေ ပဝတ္တာ ဝိပုဋ္ဌိပတ္တိ မိစ္ဆာစာရေ နာမ သမ္ဘဝတိ။  
သာ ပနေသာ ဒုဝိဓာပိ ဝိပုဋ္ဌိပတ္တိ ဂုဏဝိရဟိတေ အပ္ပသာဝဇ္ဇော၊ ဂုဏသမ္ပန္နေ  
မဟာသာဝဇ္ဇော။ ဂုဏရဟိတေပိ စ အဘိဘဝိတွာ ဝိပုဋ္ဌိပတ္တိ မဟာသာဝဇ္ဇော၊  
ဥဘိန္တံ သမာနန္တန္တဘာဝေ အပ္ပသာဝဇ္ဇော၊ သမာနန္တန္တဘာဝေပိ ကိလေသာနံ၊  
ဥပက္ကမာနဉ္စ မုဒုတာယ အပ္ပသာဝဇ္ဇော၊ တိဗ္ဗတာယ မဟာသာဝဇ္ဇောတိ  
ဝေဒိတဗ္ဗံ။

တဿ ပန အမြဲဟူစရိယဿ ဒွေ သမ္ဘာရေ သေဝေတုကာမတာစိတ္တံ၊  
မဂ္ဂေနမဂ္ဂပဋိပတ္တိတိ။ မိစ္ဆာစာရဿ ပန စတ္တာရော သမ္ဘာရေ အဂမနီယဝတ္ထု၊  
တသ္မိံ သေဝနစိတ္တံ၊ သေဝနာပယောဂေါ၊ မဂ္ဂေနမဂ္ဂပဋိပတ္တိအဓိဝါသနန္တိ  
ဧဝံ အဋ္ဌကထာသု “စတ္တာရော သမ္ဘာရေ”တိ ဝုတ္တတ္တာ အဘိဘဝိတွာ  
ဝိတိက္ကမနေ မဂ္ဂေနမဂ္ဂပဋိပတ္တိအဓိဝါသနေ သတိပ ပုရိမုပ္ပန္နသေဝနာဘိသန္ဓိ-  
ပယောဂါဘာဝတော အဘိဘုယျမာနဿ မိစ္ဆာစာရေ န ဟောတိတိ ဝဒန္တိ  
ကေစိ။ သေဝနစိတ္တေ သတိ ပယောဂါဘာဝေါ န ပမာဏံ ဣတ္ထိယာ သေဝန-  
ပယောဂဿ ယေဘုယျေန အဘာဝတော၊ ပုရိသဿေဝ ယေဘုယျေန သေဝန-  
ပယောဂေါ ဟောတိတိ ဣတ္ထိယာ ပုရေတရံ သေဝနစိတ္တံ ဥပဋ္ဌပေတွာ  
နိသိန္နာယ၊ မိစ္ဆာစာရေ န သိယာတိ အာပဇ္ဇတိ။ တသ္မာ ပုရိသဿ ဝသေန  
ဥက္ကံသတော “စတ္တာရော သမ္ဘာရေ”တိ ဝုတ္တံ။ အညထာ ဟိ ဣတ္ထိယာ ပုရိသ-  
ကိစ္စကရဏကာလေ ပုရိသဿာပိ သေဝနာပယောဂါဘာဝတော မိစ္ဆာစာရေ  
န သိယာတိ ဝဒန္တိ ဧကေ။

ဣဒံ ပနေတ္ထ သန္နိဋ္ဌာနံ— အတ္တနော ရုစိယာ ပဝတ္တိတဿ သေဝနာ-  
ပယောဂေနေဝ သေဝနစိတ္တတာသိဒ္ဓိတော အဂမနီယဝတ္ထု၊ သေဝနာ-  
ပယောဂေါ၊ မဂ္ဂေနမဂ္ဂပဋိပတ္တိအဓိဝါသနန္တိ တယော၊ ဗလက္ကာရေန ပဝတ္တိ-  
တဿ ပုရိမုပ္ပန္နသေဝနာဘိသန္ဓိပယောဂါဘာဝတော အဂမနီယဝတ္ထု၊ တသ္မိံ

၁-အဘိ-ဋ္ဌ ၁-၁၄၁၊ မ-ဋ္ဌ ၁-၂၀၃၊ သံ-ဋ္ဌ ၂-၁၃၅-ပိဋ္ဌေသု။ ၂-နိပန္နာယ (အနုဂီ ၁-၈၉-ပိဋ္ဌေ၊)

သေဝနစိတ္တံ၊ မဂ္ဂေနမဂ္ဂပဋိပတ္တိအဓိဝါသနန္တိ တယော၊ အနဝသေသဂ္ဂဟဏေန ပန ဝုတ္တနယေန စတ္တာရေတိ၊ တမ္ပိ ကေစိယေဝ ဝဒန္တိ၊ ဝိမံသိတွာ ဂဟေ-  
တဗ္ဗန္တိ အဘိဓမ္မာနုဋ္ဌိကာယံ<sup>၁</sup> ဝုတ္တံ။ ကောပယောဂေါသာဟတ္ထိကောဝ။

၉။ မုဿတိ တတိယန္တော၊ ဒုတိယန္တော ဝါ နိပါတော မိစ္ဆာပရိ-  
ယာယော၊ ကိရိယာပဓာနောတိ အာဟ “ဝိသံဝါဒနပုရေက္ခာရဿာ”တိ-  
အာဒိ။ ပုရေ ကရဏံ ပုရေက္ခာရော၊ ဝိသံဝါဒနဿ ပုရေက္ခာရော ယဿာတိ  
တထာ၊ တဿ။ ကမ္မပထပ္ပတ္တမေဝ ဒဿေတုံ “အတ္တဘဉ္ဇနကော”တိ ဝုတ္တံ၊  
ပရဿ ဟိတဝိနာသကောတိ အတ္ထော။ မုသာဝါဒေါ ပန သသန္တကဿ  
အဒါတုကာမတာယ၊ ဟသာမိပ္ပါယေန စ ဘဝတိ။ ဝစသာ ကတာ  
ဝါယာမပ္ပဓာနာ ကိရိယာ ဝစီပယောဂေါ။ တထာ ကာယေန ကတာ  
ကာယပယောဂေါ။ ဝိသံဝါဒနာမိပ္ပါယော ပုဗ္ဗဘာဂက္ခဏေ၊ တင်္ခဏေ စ။  
ဝုတ္တုဉ္စိ “ပုဗ္ဗေဿ ဟောတိ ‘မုသာ ဘဏိဿ’န္တိ၊ ဘဏန္တဿ ဟောတိ  
‘မုသာ ဘဏာမီ’တိ”<sup>၂</sup>။ တေဒေဝ ဟိ ဒွယံ အင်္ဂဘူတံ။ ဣတရံ “ဘဏိတဿ  
ဟောတိ ‘မုသာ မယာ ဘဏိတ’န္တိ”<sup>၂</sup> ဝုတ္တံ ပန ဟောတု ဝါ၊ မာ ဝါ၊ အကာ-  
ရဏမေတံ။ အဿာတိ ဝိသံဝါဒကဿ။ “စေတနာ”တိ ဧတေန သမ္ပန္နော။  
ဝိသံ ဝါဒေတိ ဧတေနာတိ ဝိသံဝါဒနံ၊ တဒေဝ ကာယဝစီပယောဂေါ၊  
တံ သမုဋ္ဌာပေတိတိ တထာ၊ ဣမိနာ မုသာသင်္ခါတေန ကာယဝစီပယော-  
ဂေန၊ မုသာသင်္ခါတံ ဝါ ကာယဝစီပယောဂံ ဝဒတိ ဝိညာပေတိ၊ သမုဋ္ဌာ-  
ပေတိ ဝါ ဧတေနာတိ မုသာဝါဒေါတိ အတ္ထမာဟ။ “ဝါဒေါ”တိ ဝုတ္တေ  
ဝိသံဝါဒစိတ္တံ၊ တဇ္ဇော ဝါယာမော၊ ပရဿ တဒတ္ထဝိဇာနနန္တိ လက္ခဏတ္တယံ  
ဝိဘာဝိတမေဝ ဟောတိ။

“အတထံ ဝတ္ထု”န္တိ လက္ခဏံ ပန အဝိဘာဝိတမေဝ မုသာ-သဒ္ဓဿ  
ပယောဂသင်္ခါတကိရိယာဝါစကတ္တာ။ တသ္မာ ဣဓ နယေ လက္ခဏဿ  
အဗျာပိတတာယ၊ မုသာ-သဒ္ဓဿ စ ဝိသံဝါဒိတဗ္ဗတ္ထဝါစကတာသမ္ဘဝတော  
ပရိပုဏ္ဏံ ကတ္တာ မုသာဝါဒလက္ခဏံ ဒဿေတုံ “အပရော နယော”တိအာဒိ  
ဝုတ္တံ။ လက္ခဏတောတိ သဘာဝတော။ တထာတိ တေန တထာကာရေန။  
ကာယဝစီဝိညတ္တိယော သမုဋ္ဌာပေတိတိ ဝိညတ္တိသမုဋ္ဌာဝိကာ။ ဣမသ္မိံ<sup>၃</sup> ပန  
နယေ မုသာ ဝတ္ထု ဝဒီယတိ ဝုစ္စတိ ဧတေနာတိ မုသာဝါဒေါတိ နိဗ္ဗစနံ  
ဒဋ္ဌဗ္ဗံ။ “သော ယမတ္ထ”န္တိအာဒိနာ ကမ္မပထပ္ပတ္တဿ ဝတ္ထုဝသေန အပ္ပသာဝဇ္ဇ-  
မဟာသာဝဇ္ဇဘာဝမာဟ။ ယဿ အတ္ထံ ဘဉ္ဇတိ၊ တဿ အပ္ပဂုဏတာယ

အပ္ပသာဝဇ္ဇော၊ မဟာဂုဏတာယ မဟာသာဝဇ္ဇောတိ အဒိန္နာဒါနေ ဝိယ  
ဂုဏဝသေနာပိ ယောဇေတဗ္ဗံ။ ကိလေသာနံ မုဒုတိဗ္ဗတာဝသေနာပိ အပ္ပ-  
သာဝဇ္ဇမဟာသာဝဇ္ဇတာ လဗ္ဘတိယေဝ။

“အဝိဇာ”တိအာဒိနာ မုသာဝါဒသာမညဿာပိ အပ္ပသာဝဇ္ဇမဟာသာ-  
ဝဇ္ဇဘာဝံ ဒဿေတိ။ အတ္တနော သန္တကံ အခါတုကာမတာယာတိ၊ ဟိ  
ဟသာဓိပ္ပါယေနာတိ စ မုသာဝါဒသာမညတော ဝုတ္တံ။ ဥဘယတ္တာပိ စ  
ဝိသံဝါဒနပုရေက္ခန္ဓရေနေဝ မုသာဝါဒေါ၊ န ပန ဝစနမတ္တေန။ တတ္ထ ပန  
စေတနာ ဗလဝတိ န ဟောတိတိ အပ္ပသာဝဇ္ဇတာ ဝုတ္တာ။ နဒိ မညေတိ  
နဒိ ဝိယ။ အပ္ပတာယ ဦနဿ အတ္တဿ ပူရဏဝသေန ပဝတ္တာ ကထာ  
ပူရဏကထာ၊ ဗဟုတရတာဝေန ဝုတ္တကထာတိ ဝုတ္တံ ဟောတိ။

တေနာကာရေန ဇာတော တဇ္ဇော၊ တဿ ဝိသံဝါဒနဿ အနုရူပေါတိ  
အတ္ထော။ ဝါယာမောတိ ဝါယာမသိသေန ပယောဂမာဟ။ ဝီရိယပ္ပဓာနာ ဟိ  
ကာယိကဝါစသိကကိရိယာ ဣဓ အဓိပ္ပေတာ၊ န ဝါယာမမတ္တံ။ ဝိသံဝါဒနာ-  
ဓိပ္ပါယေန ပယောဂေ ကတေပိ အပရေန တသ္မိ အတ္ထေ အဝိညာတေ  
ဝိသံဝါဒနဿ အသိဇ္ဈနတော ပရဿ တဒတ္ထဝိဇာနနဗ္ဗိ ကေသမ္ဘာရ-  
ဘာဝေန ဝုတ္တံ။ ကေဓိ ပန “အဘူတဝစနံ၊ ဝိသံဝါဒနစိတ္တံ၊ ပရဿ တဒတ္ထ-  
ဝိဇာနန”န္တိ တယော သမ္ဘာရေ ဝဒန္တိ။ ကာယိကောဝ သာဟတ္ထိကောတိ  
ကောဓိ မညေယျာတိ တံ နိဝါရဏတ္ထံ “သော ကာယေန ဝါ”တိအာဒိ  
ဝုတ္တံ။ တာယ စေ ကိရိယာယ ပရော တမတ္တံ ဇာနာတိတိ တင်္ခဏေ  
ဝါ ဒန္ဓတာယ ဝိစာရေတွာ ပစ္ဆာ ဝါ ဇာနနံ သန္ဓာယ ဝုတ္တံ။ အယန္တိ  
ဝိသံဝါဒကော။ ကိရိယသမုဋ္ဌာပိကစေတနာက္ခန္ဓေယေဝါတိ ကာယိက-  
ဝါစသိကကိရိယသမုဋ္ဌာပိကာယ စေတနာယ ပဝတ္တက္ခန္ဓေ ဧဝ။ မုသာ-  
ဝါဒကမ္မုနာ ဗန္ဓတိတိ ဝိသံဝါဒနစေတနာသင်္ခါတေန မုသာဝါဒကမ္မုနာ  
သမ္ပန္နိယတိ၊ အလ္လိယတိတိ ဝါ အတ္ထော။ သစေပိ ဒန္ဓတာယ ဝိစာ-  
ရေတွာ ပစ္ဆာ စိရေနာပိ ပရော တဒတ္တံ ဇာနာတိ၊ သန္ဓိဋ္ဌာပက-  
စေတနာယ နိဗ္ဗတ္တတ္တာ တင်္ခဏေယေဝ ဗန္ဓတိတိ ဝုတ္တံ ဟောတိ။

“ကော ပယောဂေါ သာဟတ္ထိကောဝါ”တိ ဣဒံ ပေါရာဏဋ္ဌကထာသု  
အာဂတနယေန ဝုတ္တန္တိ ဣဓ သင်္ဂဟဋ္ဌကထာယ သင်္ဂဟကာရဿ အတ္တနော-  
မတိဘေဒံ ဒဿေတုံ “ယဿာ ပနာ”တိအာဒိ ဝုတ္တံ။ တတ္ထ “ယထာ။ ပ။  
တထာ”တိ ဧတေန သာဟတ္ထိကော ဝိယ အာဏတ္ထိကာဒယောပိ ဂဟေတဗ္ဗာ၊  
အဂ္ဂဟဏေ ကာရဏံ နတ္ထိ ပရဿ ဝိသံဝါဒနဘာဝေန တဿဒိသတ္တာတိ

ဒဿေတိ။ “ဣဒမဿ။ပ။ အာဏာပေဇ္ဇောဒီ”တိ အာဏတ္တိကဿ ဂဟဏေ ကာရဏံ။ “ပဏ္ဍိ။ပ။ နိဿဇ္ဇန္တောဒီ”တိ နိဿဂ္ဂိယဿ။ “အယမတ္ထော။ပ။ ဌပေဇ္ဇောဒီ”တိ ထာဝရဿ။ ယသ္မာ ဝိသံဝါဒေတိတိ သဗ္ဗတ္ထ သမ္ဗန္ဓော။ ပဏ္ဍိ လိဒိတွာတိ တာလာဒီနံ ပဏ္ဍိ အက္ခရေန လိဒိတွာ။ ပဏ္ဍိ ဝါ ဘုမ္မတ္ထေ ဥပယောဂဝစနံ။ တေန ဝုတ္တံ “တိရောကုန္ဒာဒီသု”တိ။ ပဏ္ဍေ အက္ခရံ လေခနိယာ လိဒိတွာတိ အတ္ထော။ ဝိမံသိတွာ ဂဟေတဗ္ဗာတိ အတ္တနော-  
မတိယာ သဗ္ဗဒုဗ္ဗလတ္တာ အနတ္တုက္ကံသနေန ဝုတ္တံ။ ကိဉ္ဇေတ္ထ ဝိစာရေတဗ္ဗ-  
ကာရဏံ အတ္တိ သယမေဝ ဝိစာရိတတ္တာ။

သစ္စန္တိ ဝစီသစ္စံ၊ သစ္စေန သစ္စန္တိ ပုရိမေန ဝစီသစ္စေန ပစ္ဆိမံ ဝစီသစ္စံ။ ပစ္စယဝသေန ဓာတုပဒန္တလောပံ သန္ဓာယ “သန္တဟတိ”တိ ဝုတ္တံ။ သဒ္ဓ-  
ဝိဒူ ပန—

“ဝိပုဗ္ဗော ဓာ ကရေတုတ္ထေ၊ အဘိပုဗ္ဗော တု ဘာသနေ။  
ဇ္ဈာသံပုဗ္ဗော ယထာယောဂံ၊ ဇ္ဈာသာရောပနသန္တိသု”တိ။—

ဓာ-သဒ္ဓမေဝ သဋ္ဌနတ္ထေ ပဌန္တိ။ တသ္မာ ပရိယာယဝသေန “သန္တဟတိ”တိ ဝုတ္တန္တိပိ ဒဌဗ္ဗံ။ တဒဓိပ္ပာယ် ဒဿေတိ “န အန္တရန္တရာ”တိအာဒိနာ။ “ယော-  
ဟိ”တိအာဒိ တဗ္ဗိဝရဏံ။ အန္တရိတတ္တာတိ အန္တရာ ပရိစ္ဆိန္တတ္တာ။ န တာဒိ-  
သောတိ န ဧဝံဒနသဘာဝေါ။ ဇီဝိတဟေတုပိ၊ ပဂေဝ အညဟေတူတိ  
အဝိ-သဒ္ဓေါ သမ္ဘာဝနတ္ထော။

“သစ္စတော ထေတတော”တိအာဒိသု? ဝိယ ထေတ-သဒ္ဓေါ ထိရ-  
ပရိယာယော၊ ထိရဘာဝေါ စ သစ္စဝါဒိတာမိကာရတ္တာ ကထာဝသေန  
ဝေဒိတဗ္ဗောတိ အာဟ “ထိရကထောတိ အတ္ထော”တိ။ ထိတဿ ဘာဝေါတိ  
ဟိ ထေတော၊ ထိရဘာဝေါ၊ တေန ယုတ္တတ္တာ ပုဂ္ဂလော ဣဓ ထေတော နာမ။  
ဟလိဒ္ဓိတိ သုဝဏ္ဏဝဏ္ဏကန္တနိပ္ပတ္တကော ဂစ္ဆဝိသေသော။ ထုသော နာမ  
ဓညတ္တစော၊ ဓညပလာသော စ။ ကုမ္ဘန္တန္တိ မဟာဖလော သူပသမ္မာဒကော  
လတာဝိသေသော။ ဣန္ဒြိလော နာမ ဂမ္ဘိရနေမော သေကာထမ္ဘော။  
ယထာ ဟလိဒ္ဓိရာဂါဒယော အနဝဋ္ဌိတသဘာဝတာယ န ဌိတာ၊ ဧဝံ န  
ဌိတာ ကထာ ဧတဿာတိ နဋ္ဌိတကထော။ ယထာ ပါသာဏလေခါ-  
ဒယော အဝဋ္ဌိတသဘာဝတာယ ဌိတာ၊ ဧဝံ ဌိတာ ကထာ ဧတဿာတိ

၁-ကုန္ဒာဒီသု(ဒိ-ဋ္ဌ ၁-၇၂-ပိဋ္ဌေ။)      ၂-သဒ္ဓနိတိဓာတုမာလာယံ ဧကာရန္တဓာတုရူပေ ပဿိတဗ္ဗံ။  
၃-မ ၁-၁၀-ပိဋ္ဌေ။      ၄-နထိရကထော (ဒိ-ဋ္ဌ ၁-၇၂-ပိဋ္ဌေ။)  
သိ-နီ (နဝ) ၁-၂၂—န-ဗု-သ

ဦးတကထောတိ။ ဟလိဒ္ဓိရာဂါဒယော ယထာ ကထာယ ဥပမာယော ဟောန္တိ၊  
ဧဝံ ယောဇေတဗ္ဗံ။ ကထာယ ဟိ ဧတာ ဥပမာယောတိ။

ပတ္တိသင်္ခါတာ သဒ္ဓါ အယတိ ပဝတ္တတိ ဧတ္တာတိ ပစ္စယိကောတိ အာဟ  
“ပတ္တိယာယိတဗ္ဗကော”တိ။ ပတ္တိယာ အယိတဗ္ဗာ ပဝတ္တေတဗ္ဗာတိ ပတ္တိယာ-  
ယိတဗ္ဗာ ယ-ကာရာဂမေန၊ ဝါစာ။ သာ ဧတဿာတိ ပတ္တိယာယိတဗ္ဗကော၊  
တေနာဟ “သဒ္ဓါယိတဗ္ဗကော”တိ။ တဒေဝတ္ထံ ဗျတိရေကေန၊ အန္တယေန စ  
ဒဿေတုံ “ဧကစ္စော ဟိ”တိအာဒိဝုတ္တံ။ ဝတ္တဗ္ဗတံ အာပဇ္ဇတိဝိသံဝါဒနတော။  
ဣတရပက္ခေ စ အဝိသံဝါဒနတောတိ အဓိပ္ပါယော။ “လောက”န္တိ ဧတေန  
“လောကဿာ”တိ ဧတ္ထ ကမ္မတ္ထေ ဆဋ္ဌိတိ ဒဿေတိ။

သတိပိ ပစ္စေကံ ပါဠက္ခမေ အညာသု အဘိဓမ္မဋ္ဌကထာဒိသု၊ သံဝဏ္ဏ-  
နာက္ခမေန တိက္ခမ္ဘိ ပဒါနံ ဧကတ္ထသံဝဏ္ဏနံ ကာတုံ “ယာယ ဝါစာယာ”တိ-  
အာဒိမာဟ၊ ယာယ ဝါစာယ ကရေတိတိ သမ္ပန္နော။ ဖရဿာတိ ယံ  
ဘိဒ္ဓိတုံ တံ ဝါစံ ဘာသတိ၊ တဿ။ ၁-သဒ္ဓေါ အဋ္ဌာနပယုတ္တော၊ သော  
ဒန္တဂဟ္တဘာဝံ ဇောတေတုံ ကမ္မဒ္ဓယေ ပယုဇ္ဇိတဗ္ဗော။ သုညဘာဝန္တိ ပိယ-  
ဝိရဟိတတာယ ရိတ္တဘာဝံ။ သာတိ ယထာဝုတ္တာ သဒ္ဓသဘာဝါ ဝါစာ၊  
ဧတေန ပိယဉ္စ သုညဉ္စ ပိယသုညံ၊ တံ ကရေတိ ဧတာယာတိ ဝိသုဏာ  
နိရုတ္တိနယေနာတိ ဝစနတ္ထံ ဒဿေတိ၊ ပိသတိတိ ဝါ ဝိသုဏာ၊ သမဂ္ဂေ  
သတ္တေ အဝယဝဘူတေ ဝဂ္ဂဘိန္ဓေ ကရေတိတိ အတ္ထော။

ဖရုသန္တိ သိနေဟာဘာဝေန လူခံ။ သယမ္ဘိ ဖရုသာတိ ဒေါမနဿသမုဋ္ဌိ-  
တတ္တာ သဘာဝေန သယမ္ဘိ ကက္ကသ၊ ဖရုသသဘာဝတော နေဝ ကဏ္ဏ-  
သုခါ။ အတ္ထဝိပန္နတာယ န ဟဒယင်္ဂမာ။ ဧတ္ထ ပန ပဌမနယေ ဖရုသံ ကရေ-  
တိတိ ဝစနတ္ထေန ဝါ ဖလူပစာရေန ဝါ ဝါစာယ ဖရုသသဒ္ဓပ္ပဝတ္တိ ဝေဒိတဗ္ဗော။  
ဒုတိယနယေ မဗ္ဗစ္ဆေဒဝသေန ပဝတ္တိယာ ဧကန္တနိဋ္ဌရတာယ ရုဋ္ဌိသဒ္ဓဝသေန  
သဘာဝေန၊ ကာရဏူပစာရေန ဝါ ဝါစာယ ဖရုသသဒ္ဓပ္ပဝတ္တိ ဒဋ္ဌဗ္ဗော။

ယေနာတိ ပလာပသင်္ခါတေန နိရုတ္တကဝစနေန။ သမ္ပန္တိ “ယ”န္တိ ဝုတ္တံ  
သုခံ၊ ဟိတဉ္စ ဖလတိ ပဟရတိ ဝိနာသေတိတိ အတ္ထေန “သမ္ပ”န္တိ လဒ္ဓနာမံ  
အတ္တနော၊ ပရေသဉ္စ အနုပကာရကံ ယံ ကိဉ္စိ အတ္ထံ၊ တေနာဟ “နိရုတ္တက”န္တိ၊  
ဣဒိနာ သမ္ပံ ပလပတိ ဧတေနာတိ သမ္ပပ္ပလာပေါတိ ဝစနတ္ထံ ဒဿေတိ။

“တေသ” နှိအာဒိနာ စေတနာယ ဖလဝေါဟာရေန ပိသုဏာဒိသဒ္ဓပ္ပဝတ္တိ  
 ဝုတ္တာ။ “သာ ဧဝါ” တိအာဒိနာ ပန စေတနာယ ပဝတ္တိပရိကပ္ပနာယ  
 ဟေတု ဝိဘာဝေတိ။ တတ္ထ “ပဟာယာ” တိအာဒိဝစနသန္တိဓာနတော တဿာ-  
 ယေဝ စ ပဟာတဗ္ဗတာ ယုတ္တိတော အဓိပ္ပေတာတိ အတ္ထော။

တတ္ထာတိ တာသု ပိသုဏဝါစာဒိသု။ သံကိလိဋ္ဌစိတ္တဿာတိ လောဘေန၊  
 ဒေါသေန ဝါ ဝိဗာဓိတစိတ္တဿ၊ ဥပတာပိတစိတ္တဿ ဝါ၊ ဒူသိတစိတ္တဿာတိ  
 ဝုတ္တိဟေတု။ “စေတနာ” တိ ဧတေန သမ္ပန္နော။ ယေန သဟ ပရေသံ ဘေဒါယ  
 ဝဒတိ။ တဿ အတ္တနော ပိယကမျတာယာတိ အတ္ထော။ စေတနာ ပိသုဏ-  
 ဝါစာ နာမ ပိသုဏံ ဝဒန္တိ တောယာတိ ကတွာ။ သမာသဝိသယေ ဟိ  
 မုချဝသေန အတ္ထော ဂဟေတဗ္ဗော၊ ဗျာသဝိသယေ ဥပစာရဝသေနာတိ ဒဋ္ဌဗ္ဗံ။  
 ယဿ ယတော ဘေဒံ ကရေတိ။ တေသု အဘိန္နေသု အပ္ပသာဝဇ္ဇံ၊ ဘိန္နေသု  
 မဟာသာဝဇ္ဇံ။ တထာ ကိလေသာနံ မုဒုတိဗ္ဗတာဝိသေသေသုပိ ယောဇေတဗ္ဗံ။

ယဿ ပေသုညံ ဥပသံဟရတိ၊ သော ဘိဇ္ဇတု ဝါ၊ မာ ဝါ၊ တဿ တဒတ္ထ-  
 ဝိညာပနမေဝ ပမာဏန္တိ အာဟ “တဿ တဒတ္ထဝိဇ္ဇာနန” နှိ။ ဘေဒ-  
 ပုရေက္ခာရဘာပိယကမျတာနမေကေကပက္ခိပနေန စတ္တာရော။ ကမ္မပထပ္ပတ္တိ  
 ပန ဘိန္နေ ဧဝ။ ဣမေသန္တိ အနိယမတာယ ပရမ္ပုခါပဝတ္တာနမ္ပိ အတ္တနော  
 ဗုဒ္ဓိယံ ပရိဝတ္တမာနေ သန္တာယ ဝုတ္တန္တိ ဒဿေတုံ “ယေသ” နှိအာဒိမာဟ။  
 ဣတောတိ ဣဓ ပဒေသေ၊ ဝုတ္တာနံ ယေသံ သန္တိကေ သုတန္တိ ယောဇေတဗ္ဗံ။

“ဒွိန္ဒ” နှိ နိဒဿနဝစနံ ဗဟူနမ္ပိ သန္တာနတော။ “ဝိတ္တာန” နှိအာဒိ “သန္တာန” နှိ  
 ဧတ္ထ ကမ္မံ၊ တေန ပါဠိယံ “ဘိန္တာန” နှိ ဧတဿ ကမ္မဘာဝံ ဒဿေတိ။  
 သန္တာနကရဏဉ္စ နာမ တေသမနုရူပကရဏမေဝါတိ ဝုတ္တိ “အနုကတ္တာ” တိ။  
 အနုပ္ပဒါတာတိ အနုဗလပ္ပဒါတာ၊ အနုဝတ္တနဝသေန ဝါ ပဒါတာ။ ကဿ ပန  
 အနုဗလပ္ပဒါနံ၊ အနုဝတ္တနဉ္စာတိ? “သဟိတာန” နှိ ဝုတ္တတ္တာ သန္တာနဿာတိ  
 ဝိညာယတိတိ အာဟ “သန္တာနာနုပ္ပဒါတာ” တိ။ ယသ္မာ ပန အနုဗလဝသေန၊  
 အနုဝတ္တနဝသေန စ သန္တာနဿ ပဒါနံ အာဒါနံ၊ ရက္ခဏံ ဝါ ဒဠိကရဏံ  
 ဟေတု၊ တသ္မာ ဝုတ္တိ “ဒဠိကမ္မံ ကတ္တာ” တိ။ အာရမန္တိ ဧတ္တာတိ အာရာမော။  
 ရမိတဗ္ဗဋ္ဌာနံ သမဂ္ဂေါတိ ဟိ တဒဓိဋ္ဌာနာနံ ဝသေန တဗ္ဗိသေသနတာ ဝုတ္တာ။  
 “သမဂ္ဂေ” တိပိ ပဌန္တိ၊ တဒယုတ္တိ “ယတ္တာ” တိအာဒိဝစနေန ဝိရုဒ္ဓတ္တာ။ ယသ္မာ  
 ပန အာကာရေန ဝိနာပိ အယမတ္ထော လဗ္ဘတိ၊ တသ္မာ “အယမေဝေတ္ထ  
 အတ္ထော” တိ ဝုတ္တိ။ သမဂ္ဂေသုတိ သမဂ္ဂဘူတေသု ဇနကာယေသု၊ တေနာဟ  
 “တေ ပဟာယာ” တိအာဒိ။ တပ္ပကတိယံတ္ထောပိ ကတ္ထုအတ္ထောဝါတိ

ဒဿတိ “နန္ဒတိ”တိ ဣမိနာ။ တပ္ပကတိယတ္ထေန ဟိ “ဒိသ္ဿာပိ သုတွာပိ”တိ  
ဝစနံ သုပပန္တံ ဟောတိ။ သမဂ္ဂေ ကရောတိ တောယာတိ သမဂ္ဂကရဏံ။  
သာယေဝ ဝါစာ၊ တံ ဘာသိတာတိ အတ္ထမာဟ “ယာ ဝါစာ”တိအာဒိနာ။  
တာယ ဝါစာယ သမဂ္ဂကရဏံ နာမ။ “သုခါ သံဃဿ သာမဂ္ဂိ၊ သမဂ္ဂါနံ  
တပေါ သုခေါ”တိအာဒိနာ၊ သမဂ္ဂါနိသံသဒဿနမေဝါတိ ဝုတ္တံ “သာမဂ္ဂိ-  
ဂုဏပရိဒီပိကမေဝါ”တိ။ ဣတရန္တိ တဗ္ဗိပရိတံ ဘေဒနိကံ ဝါစံ။

မဗ္ဗာနိတိ ဒုဋ္ဌာရူနိ၊ တဿဒိသတာယ ပန ဣဓ အက္ခောသဝတ္ထုနိ  
“မဗ္ဗာနိ”တိ ဝုစ္စန္တိ။ ယထာ ဟိ ဒုဋ္ဌာရူသု ယေန ကေနစိ ဝတ္ထုနာ ဃဋ္ဌိတေသု  
စိတ္တံ အဓိမတ္တံ ဒုက္ခပ္ပတ္တံ ဟောတိ၊ တထာ တေသု ဒဿသု ဇာတိအာဒိသု  
အက္ခောသဝတ္ထုသု ဖရသဝါစာယ ဖုသိတမတ္တေသုတိ။ တထာ ဟိ ဝုတ္တံ  
“မဗ္ဗာနိ ဝိယ မဗ္ဗာနိ၊ ယေသု ဖရသဝါစာယ ဆုပိတမတ္တေသု ဒုဋ္ဌာရူသု ဝိယ  
ဃဋ္ဌိတေသု စိတ္တံ အဓိမတ္တံ ဒုက္ခပ္ပတ္တံ ဟောတိ၊ ကာနိ ပန တာနိ? ဇာတိအာဒိနိ  
အက္ခောသဝတ္ထုနိ”တိ။ “ယဿ သရီရပ္ပဒေသဿ သတ္တာဒိပဋိဟနေန ဘုသံ  
ရုဇ္ဇနံ၊ သော မဗ္ဗံ နာမ။ ဣဓ ပန ယဿ စိတ္တဿ ဖရသဝါစာဝသေန  
ဒေါမနဿသင်္ခါတံ ဘုသံ ရုဇ္ဇနံ၊ တံ မဗ္ဗံ ဝိယာတိ မဗ္ဗ”န္တိ အပရေ။ တာနိ  
မဗ္ဗာနိ ဆိဇ္ဇန္တိ ဘိဇ္ဇန္တိ ယေနာတိ မဗ္ဗန္တေဒကော၊ သွေဝ ကာယဝစိ-  
ပယောဂေါ၊ တာနိ သမုဋ္ဌာပေတိတိ တထာ။ ကေန္တဖရသစေတနာ ဖရသ-  
ဝါစာ ဖရသံ ဝဒန္တိ တောယာတိ ကတွာ။ “ဖရသစေတနာ” ဣစ္စေဝ အဝတွာ  
“ကေန္တဖရသစေတနာ”တိ ဝစနံ ဒုဋ္ဌစိတ္တတာယ ဧဝ ဖရသစေတနာ အဓိပ္ပေ-  
တာ၊ န ပန သဝနဖရသတာမတ္တေနာတိ ဉာပနတ္တံ။ တဿာတိ ကေန္တဖရသ-  
စေတနာယ ဧဝ။ အာဝိဘာဝတ္ထန္တိ ဖရသဝါစာဘာဝဿ ပါကဋကရဏတ္တံ။  
တဿာတိဝါကေန္တဖရသစေတနာယ ဧဝ၊ ဖရသဝါစာဘာဝဿာတိ အက္ခော။  
တထေဝါတိ မာတုဝုတ္တာကာရေနေဝ၊ ဥဋ္ဌာသိ အနုဗန္ဓိတုန္တိ အက္ခော။  
သစ္စကိရိယန္တိ ယံ “စဏှာ တံ မဟိ”သိ အနုဗန္ဓတူ”တိ ဝစနံ မုခေန ကထေသိ၊  
တံ မာတုစိတ္တေနတ္ထိ၊ တသ္မာ “တံ မာ ဟောတု၊ ယံ ပန ဥပ္ပလပတ္တမ္ပိ မယံ ဥပရိ  
န ပတတူ”တိ ကာရဏံ စိတ္တေန စိန္တေသိ၊ တဒေဝ မာတုစိတ္တေ အတ္ထိ၊ တသ္မာ  
“တမေဝ ဟောတူ”တိ သစ္စကရဏံ၊ ကတ္တဗ္ဗသစ္စံ ဝါ။ တတ္ထေဝါတိ ဥဋ္ဌာနဋ္ဌာနေ-  
ယေဝ။ ဗဒ္ဓါ ဝိယာတိ ယောတ္တာဒိနာ ပရိဗန္ဓိ ဝိယ။ ဧဝံ မဗ္ဗန္တေဒကောတိ  
တ္ထေ သဝနဖရသတာမတ္တေန မဗ္ဗန္တေဒကတာ ဝေဒိတဗ္ဗာ။

ပယောဂေါတိ ဝစီပယောဂေါ။ စိတ္တသဏ္ဌတယာတိ ကေန္တဖရသစေတနာယ အဘာဝမာဟ။ တတောယေဝ ဟိ ဖရသဝါစာ န ဟောတိ ကမ္မပထပ္ပတ္တာ၊ ကမ္မဘာဝံ ပန န သက္ကာ ဝါရေတုန္တိ ဒဠဗ္ဗံ။ “မာတာပိတရောဟိ”တိအာဒိနာပိ တဒေဝတ္ထံ သမတ္ထေတိ။ ဧဝံ ဗျုတ်ရေကဝသေန စေတနာဖရသတယ ဖရသဝါစာဘာဝံ သာဓေတွာ ဣဒါနိ တမေဝ အန္တယဝသေန သာဓေတုံ “ယထာ”တိအာဒိ ဝုတ္တံ။ အဖရသ ဝါစာ န ဟောတိ ဖရသဝါစာ ဟောတိယေဝါတိ အတ္ထော။ သာတိ ဖရသဝါစာ။ ယန္တိ ပုဂ္ဂလံ။

တ္ထောပိ ကမ္မပထဘာဝံ အပ္ပတ္တာ အပ္ပသာဝဇ္ဇာ၊ ဣတရာ မဟာသာဝဇ္ဇာ။ တထာ ကိလေသာနံ မုဒုတိဗ္ဗတာဘေဒေပိ ယောဇေတဗ္ဗံ။ ကေမိ ပန “ယံ ဥဒ္ဓိဿ ဖရသဝါစာ ပယုဇ္ဇတိ၊ တဿ သမ္ဗုခါယေဝ သီသံ ဧတိ”တိ ဝဒန္တိ၊ ဧကေ ပန “ပရမ္မုခါပိ ဖရသဝါစာ ဟောတိယေဝါ”တိ။ တတ္ထာယမဓိပ္ပါယော ယုတ္ထော သိယာ၊ သမ္ဗုခါ ပယောဂေ အဂါရဝါဒိနံ ဗလဝဘာဝတော သိယာ စေတနာ ဗလဝတိ၊ ပရဿ စတဒတ္ထဝိဇာနနံ၊ နတထာ ပရမ္မုခါ။ ယထာ ပန အက္ခောသိတေ မတေ အာဠဟနေ ကတာ ခမနာ ဥပဝါဒန္တရာယံ နိဝတ္ထေတိ၊ ဧဝံ ပရမ္မုခါ ပယုတ္တာပိ ဖရသဝါစာ ဟောတိယေဝါတိ သက္ကာ ဉာတုန္တိ၊ တဿ ဥဘယတ္တာပိ ဖရသဝါစာ သမ္ဘဝတိတိ ဒဠဗ္ဗံ။ တထာ ဟိ ပရဿ တဒတ္ထဝိဇာနနမညတြ တယောဝ တဿာ သမ္ဘာရာ အဋ္ဌကထာသု ဝုတ္တာတိ။ ကုပိတစိတ္တန္တိ အက္ခောသနာဓိပ္ပါယေနဝ ဝုတ္တံ၊ န ပန မရဏာဓိပ္ပါယေန။ မရဏာဓိပ္ပါယေန ဟိ သတိ စိတ္တကောပေ အတ္ထသိဒ္ဓိယာ၊ တဒဘာဝေ စ ယထာရဟံ ပါဏာတိပါတဗျာပါဒါဝ ဟောန္တိ။

ဧလံ ဝုစ္ဆတိ ဒေါသော ဣလတိ စိတ္တံ၊ ပုဂ္ဂလော ဝါ ကမ္မတိ ဧတေနာတိ ကတွာ။ ဧတ္ထာတိ—

“နေလင်္ဂေါ သေတပစ္စာဒေါ၊ ကောရော ဝတ္တတိ ရထော။  
အနီဃံ ပဿ အာယန္တံ၊ ဆိန္နသောတံ အဗန္ဓန”န္တိ—

ဣမိဿာ ဥဒါနဂါထာယ။ သီလဥေတ္ထ နိဒ္ဒေါသတယ “နေလ”န္တိ ဝုတ္တံ။ တေနောပါဟ စိတ္တော ဂဟပတိ အာယသ္မတာ ကာမဘူထေရေန ပုဋ္ဌော သံယုတ္တာဂမဝရေ သဠာယတနဝဂ္ဂေ “နေလင်္ဂ”န္တိ ခေါ ဘန္တေ သီလာနမေတံ အဓိဝစန”န္တိ။ ဝါစာ နာမသဒ္ဓသဘာဝါတံတဒတ္ထနိဗန္ဓနာတိ သာဒုရသသဒိသတ္တာ မဓုရမေဝ ဗျုဉ်နံ၊ အတ္ထော စ တဗ္ဘာဝတောတိ အတ္ထမေဝ သန္ဓာယ

“ဗျဉ္ဇနမရုတယ၊ အတ္တမရုတယာ”တိ စ ဝုတ္တံ။ ဝိသေသနပရနိပါတောပိ  
 ဟိ လောကေ ဒိဿတိ “အဂ္ဂါဟိတော”တိအာဒိသု။ အပိစ အဝယဝါ-  
 ပေက္ခနေ သတိ “မရုရံ ဗျဉ္ဇနံ ယဿာ”တိအာဒိနာ ဝတ္တဗ္ဗေ။ သုခါတိ သုခကရဏီ၊  
 သုခဟေတုတိ ဝုတ္တံ ဟောတိ။ ကဏ္ဍသူလန္တိ ကဏ္ဍသင်္ကံ။ ကဏ္ဍသဒ္ဓေန စေတ္တ  
 သောတဝိညာဏပဋိဗဒ္ဓတဒနုဝတ္တကာ ဝိညာဏဝီထိယော ဂဟိတာ။ ဝေါဟာ-  
 ရကထာ ဟေသာ သုတ္တန္တဒေသနာ၊ တဿာ ဝဏ္ဏနာ စ၊ တထာ စေဝ ဝုတ္တံ  
 “သကလသရီရေ ကောပံ၊ ပေမ”န္တိ စ။ န ဟိ ဟဒယဝတ္ထုနိဿိတော  
 ကောပေါ၊ ပေမော စ သကလသရီရေ ဝတ္တတိ။ ဒေသ နယော ဤဒိသေသု။  
 သုခေန ဖိတ္တံ ပဝိသတိ ယထာဝုတ္တကာရဏဒ္ဓယေနာတိ အတ္ထော၊ အလုတ္တသ-  
 မာသောစေသ ယထာ “အမတင်္ဂတော”တိ။ ပုရေတိ ဂုဏပေါရိပုရေ၊ တေနာဟ  
 “ဂုဏပရိပုဏ္ဏတယာ”တိ။ ပုရေ သံဝဇာ ပေါရိ၊ တာဒိသာ နာရိ ဝိယာတိ  
 ဝါစာပိ ပေါရိတိ အတ္ထမာဟ “ပုရေ”တိအာဒိနာ။ သုကုမာရာတိ သုတရဏာ။  
 ဥပမေယျပက္ခေ ပန အရုသဘာယ မုဒုကဘာဝေါ ဧဝ သုကုမာရတာ။  
 ပုရဿာတိတ္ထေ ပုရ-သဒ္ဓေါတန္တိဝါသိဝါစကော သဟစရဏဝသေန “ဂါမော  
 အာဂတော”တိအာဒိသု ဝိယ၊ တေနောဟ “နဂရဝါသီန”န္တိ။ သောတိ  
 တံသမ္ဗန္ဓိနိဒ္ဓေသာ ဝါစာ။ ဧဝူပိ ကထာတိ အတ္တတ္တယေန ပကာသိတာ  
 ကထာ။ ကန္တာတိ ကာမိတာ တုဋ္ဌာယထာ “ပက္ကန္တာ”တိ၊ မာန-သဒ္ဓဿ ဝါ  
 အန္တဗျုပ္ပဒေသော၊ ကာမိယမာနာတိ အတ္ထော။ ယထာ “အနာပတ္တိ အသမန-  
 ဘာသန္တဿာ”တိ။ မနံ အပ္ပေတိ ဝဇေတိတိ မနာပါ၊ တေန ဝုတ္တံ “ဖိတ္တ-  
 ဝုဗ္ဗိကရာ”တိ။ တထာကာရိနိတိ အတ္ထော။ အတော မဟုနော ဇနဿာတိ  
 ဣမ သမ္ဗန္ဓေ သာမိဝစနံ၊ န တု ပုရိမသ္မိံ ဝိယ ကတ္တရိ။

ကာမံ တေဟိ ဝတ္ထုမိစ္ဆိတော အတ္ထော သမ္ဘဝတိ၊ သော ပန အဖလတ္တာ  
 ဘာသိတတ္ထပရိယာယေန အတ္ထောယေဝ နာမ န ဟောတိတိ အာဟ  
 “အနတ္တဝိညာပိကာ”တိ။ အပိစ ပယောဇနတ္တာဘာဝတော အနတ္တာ၊ ဝါစာ၊  
 တံ ဝိညာပိကာတိပိ ဝဋ္ဋတိ။ အကုသလစေတနာ သမ္ဗုပ္ပလာပေါ သမ္ဘံ ပလပန္တိ  
 တောယာတိ ကတွာ။ အာသေဝနံ ဘာဝနံ မဟုလိကရဏံ။ ယံ ဇနံ ဂါဟာ-  
 ပယိတုံ ပဝတ္တိတော၊ တေန အဂ္ဂဟိတေ အပ္ပသာဝဇ္ဇော၊ ဂဟိတေ မဟာ-  
 သာဝဇ္ဇော။ ကိလေသာနံ မုဒုဘိဗ္ဗတာဝသေနာပိ အပ္ပသာဝဇ္ဇမဟာသာဝဇ္ဇ-  
 တာ သောဇေတဗ္ဗာ။ အာရတနာမကာနံ ဒွေဘာတုကရာဇနံ ယုဒ္ဓကထာ၊  
 ဒသဂိရိယက္ခေန သီတာယ နာမ ဒေဝိယာ အာဟရဏကထာ၊ ရာမရညာ

ပဗ္ဗာဟရဏကထာ၊ ယထာ တံ အရနာ ဗာဟိရကေဟိ ပရိစယ်တာ သက္ကဋ္ဌ-  
ဘာသာယ ဂဏ္ဍိတာ ရာမပုရာဏဘာရတပုရာဏာဒိကထာတိ၊ ဧဝမာဒိကာ  
နိရတ္တကကထာ သမ္ဗုပ္ပလာပေါတိ ဝုတ္တံ “ဘာရတ။ ၁။ ပုရေက္ခာရတာ”တိ။

“ကာလဝါဒီ”တိအာဒိ သမ္ဗုပ္ပလာပါပဋိဝိရတဿ ပဋိပတ္တိသန္တဿနံ ယထာ  
“ပါဏာတိပါတာပဋိဝိရတော”တိအာဒိ ပါဏာတိပါတပ္ပဟာနဿ ပဋိပတ္တိ-  
ဒဿနံ။ “ပါဏာတိပါတံ ပဟာယ ဝိဟရတိ”တိ ဟိ ဝုတ္တေ ကထံ ပါဏာတိ-  
ပါတပ္ပဟာနံ ဟောတီတိ အပေက္ခာသမ္ဘဝတော “ပါဏာတိပါတာ ပဋိ-  
ဝိရတော ဟောတိ”တိ ဝုတ္တံ။ သာ ပန ဝိရတိကထန္တိ အာဟ “နိဟိတဒဏ္ဍော  
နိဟိတသတ္ထော”တိ။ တဉ္စ ဒဏ္ဍသတ္တနိဓာနံ ကထန္တိ ဝုတ္တံ “လဇ္ဇိ”တိအာဒိ။  
ဧဝံ ဥတ္တရုတ္တရံ ပုရိမဿ ပုရိမဿ ဥပါယသန္တဿနံ။ တထာ အဒိန္နာဒါနာဒိသုပိ  
ယထာသမ္ဘဝံ ယောဇေတဗ္ဗံ။ တေန ဝုတ္တံ “ကာလဝါဒီတိအာဒိ သမ္ဗုပ္ပလာပါ  
ပဋိဝိရတဿ ပဋိပတ္တိသန္တဿနံ”န္တိ။ အတ္ထသံဟိတာပိ ဟိ ဝါစာ အယုတ္တ-  
ကာလပယောဂေန အတ္တာဝဟာ န သိယာတိ အနတ္ထဝိညာပနဘာဝံ အန-  
လောမေတိ၊ တသ္မာ သမ္ဗုပ္ပလာပံ ပဇဟန္တေန အကာလဝါဒိတာ ပရိဝဇ္ဇေ-  
တဗ္ဗာတိ ဒဿေတုံ “ကာလဝါဒီ”တိ ဝုတ္တံ။ ကာလေ ဝဒန္တေနာပိ ဥဘယတ္ထ  
အသာဓနတော အဘူတံ ပရိဝဇ္ဇေတဗ္ဗန္တိ အာဟ “ဘူတဝါဒီ”တိ။ ဘူတဉ္စ  
ဝဒန္တေန ယံ ဣဓလောကပရလောကဟိတသမ္မာဒနကံ၊ တဒေဝ ဝတ္တဗ္ဗန္တိ ဝုတ္တံ  
“အတ္တဝါဒီ”တိ။ အတ္ထံ ဝဒန္တေနာပိ န လောကီယဓမ္မနိဿိတမေဝ ဝတ္တဗ္ဗံ၊  
အထ ခေါ လောကုတ္တရဓမ္မနိဿိတမ္ပိတိ အာဟ “ဓမ္မဝါဒီ”တိ။ ယထာ  
စ အတ္ထော လောကုတ္တရဓမ္မနိဿိတော ဟောတိ၊ တထာ ဒဿနတ္ထံ  
“ဝိနယဝါဒီ”တိ ဝုတ္တံ။

ပါတိမောက္ခသံဝရော၊ သတိဉ္စာဏခန္တိဝီရိယသံဝရောတိ ဟိ ပဉ္စန္ဒံ သံဝရ-  
ဝိနယာနံ တဒဂ်ပ္ပဟာနံ၊ ဝိက္ခမ္ဘနသမုစ္ဆေဒပဋိပ္ပဿဒ္ဓိနိဿရဏပ္ပဟာနန္တိ ပဉ္စန္ဒံ  
ပဟာနဝိနယာနဉ္စ ဝသေန ဝုစ္စမာနော အတ္ထော နိဗ္ဗာနာဓိဂမဟေတုဘာဝတော  
လောကုတ္တရဓမ္မသန္တိဿိတော ဟောတိ။ ဧဝံ ဂုဏဝိသေသယုတ္တော စ အတ္ထော  
ဝုစ္စမာနော ဒေသနာကောသလ္လေ သတိ သောဘတိ၊ ကိစ္စကရော စ ဟောတိ၊  
နာညထာတိ ဒဿေတုံ “နိဓာနဝတိံ ဝါစံ ဘာသိတာ”တိ ဝုတ္တံ။ ဣဒါနိ  
တမေဝ ဒေသနာကောသလ္လံ ဝိဘာဝေတုံ “ကာလေနာ”တိအာဒိမာဟ။  
အဇ္ဈာသယဋ္ဌာပုတ္တိနံ၊ ပုစ္ဆာယ စ ဝသေန ဩတိဏ္ဏေ ဒေသနာဝိသယေ  
ဧကံသာဒိဗျာကရဏဝိဘာဝံ သလ္လက္ခေတွာ ဌပနာဟေတုဒါဟရဏသံသန္တနာနိ

တံတံကာလာနုရူပံ ဝိဘာဝေန္တိယာ ပရိမိတပရိစ္ဆိန္နရူပါယ ဂန္ထိရူဒါနပဟူ-  
တတ္ထဝိတ္ထာရသင်္ဂါဟိကာယ ဒေသနာယ ပရေ ယထာဇ္ဈာသယံ ပရမတ္ထသိဒ္ဓိယံ  
ပတိဋ္ဌာပေန္တော “ဒေသနာကုသလော”တိ ဝုစ္စတိတိ ဝေမေတ္တာပိ အတ္ထ-  
ယောဇနာ ဝေဒိတဗျာ။

ဝတ္တဗ္ဗယုတ္တကာလန္တိ ဝတ္တဗ္ဗဝစနဿ အနုရူပကာလံ၊ တတ္ထ ဝါ ပယုဇ္ဇိတဗ္ဗ-  
ကာလံ။ သဘာဝဝသေနေဝ ဘူတတာတိ အာဟ “သဘာဝမေဝါ”တိ။ အတ္ထံ  
ဝဒတိတိ အတ္ထဝါဒီ။ အတ္ထဝဒနဉ္စ တန္တိသိတဝါစာကထနမေဝါတိ အဓိပ္ပါ-  
ယေန ဝုတ္တံ “ဒိဋ္ဌဓမ္မိကသမ္ပရာယိကတ္ထသန္တိသိတမေဝ ကတွာ”တိ။ “ဓမ္မ-  
ဝါဒီ”တိအာဒိသုပိ ဒေသေဝ နယော။

နိဓေတိ သန္တိဓာနံ ကရေတိ ဧတ္ထာတိ နိဓာနံ။ ဌပနောကာသော။  
“ဌာနဝတိ”တိ ဝုတ္တေ တသ္မိံ ဌာနေ ဌပေတုံ ယုတ္တာတိပိ အတ္ထော  
သမ္ဘဝတိတိ အာဟ “ဟဒယေ”တိအာဒိ။ နိဓာနဝတိပိ ဝါစာ ကာလယုတ္တာဝ  
အတ္ထာဝဟာ၊ တသ္မာ “ကာလေနာ”တိ ဣဒံ “နိဓာနဝတိ” ဝါစံ ဘာသိတာ”တိ  
တေဿာပေက္ခဝစနန္တိ ဒသေတိ “ဓေဝရူပိ”န္တိအာဒိနာ။ ဣတ္ထိတတ္ထနိဗ္ဗတ္တနတ္ထံ  
အပဒိသိတဗျော၊ အပဒိသိယတိ ဝါ ဣတ္ထိတတ္ထော အနေနာတိ အပဒေသော၊  
ဥပမာ၊ ဟေတုဒါဟရဏာဒိကာရဏံ ဝါ၊ တေန သဟ ဝတ္တတိတိ သာပဒေသော၊  
ဝါစာ၊ တေနာဟ “သဥပမံ သကာရဏန္တိ အတ္ထော”တိ။ ပရိစ္ဆေဒံ ဒသေ-  
တွာတိ ယာဝတာ ပရိယောသာနံ သမ္ဘဝတိ၊ တာဝတာ မရိယာဒံ ဒသေတွာ၊  
တေန ဝုတ္တံ “ယထာ။ပ။ ဧဝံ ဘာသတိ”တိ။ သိခမပ္ပတ္တာ ဟိ ကထာ အတ္ထာ-  
ဝဟာ နာမ န ဟောတိ။ အတ္ထသံဟိတန္တိ ဧတ္ထ အတ္ထ-သဒ္ဓေါဘာသိတတ္ထပရိ-  
ယာယောတိ ဝုတ္တံ “အနေကေဟိဝီ”တိအာဒိ။ ဘာသိတတ္ထော စ နာမ  
သဒ္ဓါနုသာရေန အဓိဂတော သဗ္ဗေပိ ပကတုတ္ထပစ္စယတ္ထဘာဝတ္ထာဒိကော၊  
တတောယေဝ ဘဂဝတော ဝစနံ ကေဂါထာပဒမ္ပိ သင်္ခေပဝိတ္ထာရာဒိကေတ္တာဒိ-  
နန္တိယာဝတ္ထာဒိနယေဟိ အနေကေဟိပိ နိဗ္ဗါရဏက္ခမတာယ ပရိယာဒါတု-  
မသက္ကုဏေယျံ အတ္ထမာဝဟတိတိ။ ဧဝံ အတ္ထသာမညတော သံဝဏ္ဏေတွာ  
ဣတ္ထိတတ္ထဝိသေသတေပိ သံဝဏ္ဏေတုံ “ယံ ဝါ”တိအာဒိမာဟ။ အတ္ထဝါဒိနာ  
ဝတ္ထုမိတ္ထိတတ္ထောယေဝ ဟိ ဣဓ ဂဟိတော။ နန သဗ္ဗေသမ္ပိ ဝစနံ အတ္တနာ  
ဣတ္ထိတတ္ထသဟိတံယေဝ၊ ကိမေတ္ထ ဝတ္တဗ္ဗံ အတ္ထိတိ အန္တောလိနစောဒနံ  
ပရိသောဓေတိ “န အည”န္တိအာဒိနာ။ အညမတ္ထံ ပဌမံ နိက္ခိပိတွာ အနနုသန္တိ-  
ဝသေန ပစ္ဆာ အညမတ္ထံ န ဘာသတိ။ ယထာနိက္ခိတ္တာနုသန္တိဝသေနေဝ  
ပရိယောသာပေတွာ ကထေတိတိ အဓိပ္ပါယော။

၁၀။ ဧဝံ ပဋိပါဠိယာ သတ္တမူလသိက္ခာပဒါနိ ဝိဘဇိတွာ သတိပိ အဘိဇ္ဈာ-  
 ဒိပ္ပဟာနဿ သံဝရသီလသင်္ဂဟေ ဥပရိဂုဏသင်္ဂဟတော, လောကီယပုထုဇ္ဇနာ-  
 ဝိသယတော စ ဥတ္တရိဒေသနာယ သင်္ဂဟိတုံ တံ ပရိဟရိတွာ ပစုရဇနပါကဋ္ဌံ  
 အာစာရသီလမေဝ ဝိဘဇန္တော ဘဂဝါ “ဗီဇဂါမဘူတဂါမသမာရဗ္ဘာ”တိ-  
 အာဒိမာဟာတိ ပါဠိယံ သမ္ပန္နော ဝတ္တဗ္ဗော။ တတ္ထ ဝိဇာယန္တိ ဝိရဟန္တိ  
 ဧတေဟိတိ ဗီဇာနိ။ ပစ္စယန္တရသမဝါယေ သဒိသဖလုပ္ပတ္တိယာ ဝိသေသ-  
 ကာရဏဘာဝတော ဝိရဟနသမတ္တာနံ သာရဖလောဒိနမေတံ အဓိဝစနံ။  
 ဘဝန္တိ, အဟုရန္တိ စာတိ ဘူတာ၊ ဇာယန္တိ ဝဗုန္တိ ဇာတာ, ဝဗိတာ စာတိ  
 အတ္ထော။ ဝဗုမာနကာနံ ဝဗိတွာ, ဌိတာနဉ္စ ရုက္ခဂစ္ဆာဒိနံ ယထာက္ကမမဓိဝစနံ။  
 ဝိရုဠမူလာ ဟိ နိလဘာဝံ အာပဇ္ဇန္တော တရုဏရုက္ခဂစ္ဆာ ဇာယန္တိ ဝဗုန္တိတိ  
 ဝုစ္စန္တိ။ ဝဗိတွာ ဌိတာ မဟန္တာ ရုက္ခဂစ္ဆာ ဇာတာ ဝဗိတာတိ။ ဂါမောတိ  
 သမူဟော၊ သော စ သုဒ္ဓဋ္ဌကဓမ္မရာသိ၊ ဗီဇာနံ, ဘူတာနဉ္စ တထာလဒ္ဓသမ-  
 ညာနံ အဋ္ဌဓမ္မာနံ ဂါမော၊ တေယေဝ ဝါ ဂါမောတိ တထာ။ အဝယဝဝိနိမုတ္တဿ  
 ဟိ သမုဒါယဿ အဘာဝတော ဒုဝိဓေနာပိ အတ္ထေန တေယေဝ တိဏ-  
 ရုက္ခလတာဒယော ဂယန္တိ။

အပိစ ဘူမိယံ ပတိဋ္ဌဟိတွာ ဟရိတဘာဝမာပန္နာ ရုက္ခဂစ္ဆာဒယော  
 ဒေဝတာ ပရိဂူယန္တိ၊ တသ္မာ ဘူတာနံ နိဝါသနဋ္ဌာနတာယ ဂါမောတိ  
 ဘူတဂါမောတိပိ ဝဒန္တိ၊ တေ သရူပတော ဒဿေတုံ “မူလဗီဇ”န္တိ-  
 အာဒိမာဟ။ မူလမေဝ ဗီဇံ မူလဗီဇံ။ သေသေသုပိ အယံ နယော။ ဖဠုဗီဇန္တိ  
 ပဗ္ဗဗီဇံ။ ပစ္စယန္တရသမဝါယေ သဒိသဖလုပ္ပတ္တိယာ ဝိသေသကာရဏဘာဝတော  
 ဝိရဟနသမတ္ထေ သာရဖလေ နိရုဠောဗီဇ-သဒ္ဓေါ တဒတ္ထသိဒ္ဓိယာ မူလာဒိသုပိ  
 ကေသုစိ ပဝတ္တတိတိ မူလာဒိတော နိဝတ္တနတ္ထံ ဧကေန ဗီဇ-သဒ္ဓေန ဝိသေ-  
 သေတွာ “ဗီဇဗီဇ”န္တိ ဝုတ္တံ ယထာ “ရူပရူပံ, ဒုက္ခဒုက္ခ”န္တိ စ။ နိလတိဏရုက္ခာဒိ-  
 ကဿာတိ အလ္လတိဏဿ စေဝ အလ္လရုက္ခာဒိကဿ စ။ အာဒိ-သဒ္ဓေန ဩသဓိ-  
 ဂစ္ဆလတာဒယော ဝေဒိတဗ္ဗာ။ သမာရဗ္ဘော ဣဓ ဝိကောပနံ၊ တဉ္စ ဆေဒနာဒိ-  
 ယေဝါတိ ဝုတ္တံ “ဆေဒနဘေဒနပစနာဒိဘာဝေနာ”တိ။ နနု စ ရုက္ခာဒယော  
 စိတ္တရဟိတတာယ န ဇီဝါ၊ စိတ္တရဟိတတာ စ ပရိပ္ပန္နနာဘာဝတော, ဆိန္ဓေ  
 ဝိရဟနတော, ဝိသဒိသဇာတိကဘာဝတော, စတုယောနိအပရိယာပန္နတော စ  
 ဝေဒိတဗ္ဗာ။ ဝုဗိ ပန ပဝါဠသီလာလဝဏ္ဏာဒိနမ္ပိ ဝိဇ္ဇတိတိ န တေသံ ဇီဝတာ-  
 ဘာဝေ ကာရဏံ။ ဝိသယဂ္ဂဟဏဉ္စ နေသံ ပရိကပ္ပနာမတ္ထံ သုပနံ ဝိယ  
 စိဉ္စာဒိနံ၊ တထာ ဣဋ္ဌကမ္ပိလာသာဒိနာ ဒေါဟဋ္ဌာဒယော။ တတ္ထ ကသ္မာ

ဗီဇဂါမဘူတဂါမသမာရဗ္ဘာ ပဋိဝိရတိ ဣစ္ဆိတာတိ? သမဏသာရပုတော၊ တန္တိဿိတသတ္တာနုကမ္ပနတော စ။ တေနေဝါဟ အာဠဝကာနံ ရုက္ခစ္ဆေဒနာဒိ-  
ဝတ္ထုသု “ဇီဝသညိနော ဟိ မောဃပုရိသာ မနုဿာ ရုက္ခသ္မိ”န္တိအာဒိ။

ဧကံ ဘတ္တံ ဧကဘတ္တံ၊ တမဿ အတ္ထိ ဧကသ္မိံ ဒိဝသေ ဧကဝါရမေဝ  
ဘုဉ္ဇနတောတိ ဧကဘတ္တိကော။ တယိဒံ ဧကဘတ္တံ ကဒါ ဘုဉ္ဇိတဗ္ဗန္တိ သန္ဓာယ  
ဝုတ္တံ “ပါတရာသဘတ္တ”န္တိအာဒိ၊ ဒီသု ဘတ္တေသု ပါတရာသဘတ္တံ သန္ဓာယာ-  
ဟာတိ အဓိပ္ပါယော။ ပါတော အသိတဗ္ဗန္တိ ပါတရာသံ။ သာယံ အသိတဗ္ဗန္တိ  
သာယမာသံ၊ တဒေဝ ဘတ္တံ တထာ။ ဧက-သဒ္ဓေါ စေတ္ထ မဇ္ဈနိကကာလ-  
ပရိစ္ဆေဒဘာဝေန ပယုတ္တော၊ န တဒန္တောဂဝေါရဘာဝေနာတိ ဒဿေတိ  
“တဗ္ဗာ”တိအာဒိနာ။

ရတ္တိယာ ဘောဇနံ ဥတ္တရပဒလောပတော ရတ္တိသဒ္ဓေန ဝုတ္တံ၊  
တဒ္ဓိတဝသေန ဝါ တထာယေဝါဓိပ္ပါယသမ္ဘဝတော၊ တေနာဟ “ရတ္တိ-  
ယာ”တိအာဒိ။ အရုက္ခဂ္ဂမနတော ပဋ္ဌာယ ယာဝ မဇ္ဈနိကာ အယံ  
ဗုဒ္ဓါဒိနံ အရိယာနံ အာစိဏ္ဏသမာစိဏ္ဏော ဘောဇနဿ ကာလော နာမ၊  
တဒညော ဝိကာလော။ တတ္ထ ဒုတိယပဒေန ရတ္တိဘောဇနဿ ပဋိက္ခိတ္တတ္တာ  
အပရနောဝ ဣဓ ဝိကာလောတိ ပါရိသေသနယေန တတိယပဒဿ အတ္ထိ  
ဒိပေတုံ “အတိက္ကန္တေ မဇ္ဈနိကေ”တိအာဒိ ဝုတ္တံ။ ဘာဝသာနေော စေတ္ထ  
ဘောဇန-သဒ္ဓေါ အဇ္ဈောဟရဏတ္ထဝါစကောတိ ဒိပေတိ “ယာဝ သူရိ-  
ယတ္ထင်္ဂမနာ ဘောဇန”န္တိ ဣမိနာ။ ကဿ ပန တဒဇ္ဈောဟရဏန္တိ?  
ယာမကာလိကာဒိနမနုညာတတ္တာ၊ ဝိကာလဘောဇနသဒ္ဓဿ စ ယာဝကာလိ-  
ကဇ္ဈောဟရဏေယေဝ နိရုဠတ္တာ “ယာဝကာလိကဿာ”တိ ဝိညာယတိ။ အယံ  
ပနေတ္ထ အဋ္ဌကထာဝသေသော အာစရိယာနံ နယော—ဘုဉ္ဇိတဗ္ဗန္တေန  
ဘောဇနံ၊ ယာဂုဘတ္တာဒိ သဗ္ဗံ ယာဝကာလိကဝတ္ထု။ ယထာ စ “ရတ္ထုပ-  
ရတော”တိ ဧတ္ထ ရတ္တိဘောဇနံ ရတ္တိသဒ္ဓေန ဝုစ္စတိ၊ ဧဝမေတ္ထ ဘောဇနဇ္ဈော-  
ဟရဏံ ဘောဇနသဒ္ဓေန။ ဝိကာလေ ဘောဇနံ ဝိကာလဘောဇနံ၊ တတော  
ဝိကာလဘောဇနာ။ ဝိကာလေ ယာဝကာလိကဝတ္ထုဿ အဇ္ဈောဟရဏာတိ  
အတ္ထောတိ။ ဤဒိသာ ဂုဏ္ဍဝိဘူတိ န ဗုဒ္ဓကာလေယေဝါတိ အာဟ “အနောမာ-  
နဒိတိရေ”တိအာဒိ။ အယံ ပန ပါဠိယံ အနုသန္တိက္ကမော—ဧကသ္မိံ ဒိဝသေ  
ဧကဝါရမေဝ ဘုဉ္ဇနတော “ဧကဘတ္တိကော”တိ ဝုတ္တေ ရတ္တိဘောဇနောပိ

သိယာတိ တန္တိဝါရဏတ္ထံ “ရတ္တပရတော”တိ ဝုတ္တံ။ ဧဝံ သတိ သာယန-  
ဘောဇိပိ ဧကဘတ္တိကော သိယာတိ တဒါသင်္ကာနိဝတ္တနတ္ထံ “ဝိရတော  
ဝိကာလဘောဇနာ”တိ ဝုတ္တန္တိ။

သင်္ခေပတော “သဗ္ဗပါပဿ အကရဏ”န္တိအာဒိနယပ္ပဝတ္တံ ဘဂဝတော  
သာသနံ သဆန္ဒရာဂပ္ပဝတ္တိတော နစ္စာဒီနံ ဒဿနံ နာနုလောမေတိတိ အာဟ  
“သာသနဿ အနုလောမတ္တာ”တိ။ ဝိသုစတိ သာသနံ ဝိဇ္ဈတိ အနု-  
လောမိကဘာဝေနာတိ ဝိသုကံ၊ ပဋိဝိရုဒ္ဓန္တိ ဝုတ္တံ ဟောတိ။ တတြ ဥပမံ  
ဒဿေတိ “ပဋ္ဌာဏီဘူတ”န္တိ ဣမိနာ၊ ပဋ္ဌာဏီသင်္ခါတံ ကိလံ ဝိယ ဘူတန္တိ  
အတ္ထော။ “ဝိသုက”န္တိ ဧတဿ ပဋ္ဌာဏီဘူတန္တိ အတ္ထမာဟာတံပိ ဝဒန္တိ။  
အတ္တနာ ပယောဇိယမာနံ၊ ပရေဟိ ပယောဇာပိယမာနဉ္စ နစ္စံ နစ္စဘာဝ-  
သာမညတော ပါဠိယံ ဧကေနော နစ္စသဒ္ဓေန သာမညနိဒ္ဓေသနယေန  
ဂဟိတံ၊ ဧကသေသနယေန ဝါ။ တထာ ဂီတဝါဒိတသဒ္ဓေဟိ ဂါယနဂါယာပန-  
ဝါဒနဝါဒါပနာနီတိ အာဟ “နစ္စနနစ္စာပနာဒိဝသေနာ”တိ။ သုဒ္ဓဟေတုတာ-  
ဇောတနဝသေန ဟိဒ္ဓါမိပ္ပယိကာ ဧတေ သဒ္ဓါ။ နစ္စဉ္စဂီတဉ္စ ဝါဒိတဉ္စ ဝိသုက-  
ဒဿနဉ္စ နစ္စဂီတဝါဒိတဝိသုကဒဿနံ၊ သမာဟာရဝသေနေတ္ထ ဧကတ္ထံ။  
အဋ္ဌကထာယံ ပန ယထာပါဠိ ဝါကျာဝတ္ထိကန္တဝစနေန သဟ သမုစ္စယ-  
သမာသဒဿနတ္ထံ “နစ္စာ စာ”တိအာဒိ ဝုတ္တံ။ ဧဝံ သဗ္ဗတ္ထ ဤဒိသေသု။  
ဒဿနဝိသယေ မယူရနစ္စာဒိပဋိက္ခိပနေန နစ္စာပနဝိသယေပိ ပဋိက္ခိပနံ ဒဋ္ဌဗ္ဗံ။  
“နစ္စာဒီနိ ဟိ”တိအာဒိနာ ယထာဝုတ္တတ္ထသမတ္ထနံ။ ဒဿနေန စေတ္ထ သဝနဗ္ဗိ  
သင်္ဂဟိတံ ဝိရူပေကသေသနယေန၊ ယထာသကံ ဝါ ဝိသယဿ အာလော-  
စနသဘာဝတာယ ပဉ္စန္တိ ဝိညာဏာနံ သဝနကိရိယာယပိ ဒဿနသင်္ခေပ-  
သမ္ဘဝတော “ဒဿနာ”ဣစ္စေဝ ဝုတ္တံ။ တေနောဟ “ပဉ္စဟိ ဝိညာဏေဟိ  
န ကိဉ္စ ဓမ္မံ ပဋိဇာနာတိ အညတြ အဘိနိပါတမတ္တာ”တိ။

“ဝိသုကဘူတာ ဒဿနာ စာ”တိ ဧတေန အဝိသုကဘူတဿ ပန ဂီတဿ  
သဝနံ ကဒါစိ ဝဇ္ဇတိတိ ဒဿေတိ။ တထာ ဟိ ဝုတ္တံ ပရမတ္ထဇောတိကာယ ခုဒ္ဒက-  
ပါဌဋ္ဌကထာယ “ဓမ္မပသံဟိတဗ္ဗိ စေတ္ထ ဂီတံ န ဝဇ္ဇတိ၊ ဂီတုပသံဟိတော ပန  
ဓမ္မော ဝဇ္ဇတိ”တိ။ ကတ္ထစိ ပန န-ကာရဝိပရိယာယေန ပါဌော ဒိဿတိ။ ဥဘ-  
ယတ္ထာပိ စ ဂီတော စေ ဓမ္မာနုလောမတ္ထပဋိသံယုတ္တောပိ န ဝဇ္ဇတိ၊ ဓမ္မော စေ  
ဂီတသဒ္ဓပဋိသံယုတ္တောပိ ဝဇ္ဇတိတိ အဓိပ္ပာယော ဝေဒိတဗ္ဗော။ “န ဘိက္ခဝေ

ဂီတဿရေန ဓမ္မော ဂါယိတဗ္ဗော၊ ယော ဂါယေယျ၊ အာပတ္တိ ဒုက္ကဋ္ဌဿာ”တိ<sup>၁</sup>  
 ဟိ ဒေသနာယ ဧဝ ပဋိက္ခေပေါ၊ န သဝနာယ။ ဣမဿ စ သိက္ခာပဒဿ ဝိသုံ  
 ပညာပနတော ဝိညာယတိ “ဂီတဿရေန ဒေသိတောပိ ဓမ္မော န ဂီတော”တိ။  
 ယဉ္စ သက္ကပဉ္စသုတ္တဝဏ္ဏနာယံ သေဝိတဗ္ဗာသေဝိတဗ္ဗသဒ္ဓိ နိဗ္ဗရန္တေန “ယံ ပန  
 အတ္တနိဿိတံ ဓမ္မနိဿိတံ ကုမ္ဘဒါသိဂီတမ္ပိ သုဏန္တဿ ပသာဒေါ ဝါ ဥပ္ပဇ္ဇတိ၊  
 နိဗ္ဗိဒါ ဝါ သဏ္ဌာတိ၊ ဧဝရူပေါ သဒ္ဓေါ သေဝိတဗ္ဗော”တိ<sup>၂</sup> ဝုတ္တံ၊ တံ  
 အသမာဒါနသိက္ခာပဒဿ သေဝိတဗ္ဗတာမတ္တပရိယာယေန ဝုတ္တံ။ သမာဒါန-  
 သိက္ခာပဒဿ ဟိ ဧဝရူပံ သုဏန္တဿ သိက္ခာပဒသံဝရံ ဘိဇ္ဇတိ ဂီတသဒ္ဓ-  
 ဘာဝတောတိ ဝေဒိတဗ္ဗံ။ တထာ ဟိ ဝိနယဋ္ဌကထာသု ဝုတ္တံ “ဂီတန္တိ နဋ္ဌာဒီနံ  
 ဝါ ဂီတံ ဟောတု၊ အရိယာနံ ပရိနိဗ္ဗာနကာလေ ရတနတ္ထယဂုဏူပသံဟိတံ  
 သာဓုကီဠနဂီတံ ဝါ၊ အသံယတဘိက္ခုနံ ဓမ္မဘာဏကဂီတံ ဝါ၊ အန္တမသော  
 ဒန္တဂီတမ္ပိ၊ ယံ “ဂါယိဿာမာ”တိ ပုဗ္ဗဘာဂေ ဩကုဇိတံ ကရေန္တိ၊ သဗ္ဗမေတံ  
 ဂီတံ နာမာ”တိ<sup>၃</sup>။

ကိဉ္စာပိ မာလာ-သဒ္ဓေါ လောကေ ဗဒ္ဓပုပ္ဖဝါစကော၊ သာသနေ ပန  
 ရုဋ္ဌိယာ အဗဒ္ဓပုပ္ဖေသုပိ ဝဇ္ဇတိ၊ တဿာ ယံ ကိဉ္စိ ပုပ္ဖံ ဗဒ္ဓမဗဒ္ဓံ ဝါ၊ တံ သဗ္ဗံ  
 “မာလာ”တွေဝ ဒဠဗ္ဗန္တိ အာဟ “ယံ ကိဉ္စိ ပုပ္ဖ”န္တိ။ “ယံ ကိဉ္စိ ဝဇ္ဇ”န္တိ စေတ္ထ  
 ဝါသစုဏ္ဏရူပါဒိကံ ဝိလေပနတော အညံ ယံ ကိဉ္စိ ဝဇ္ဇဇာတံ။ ဝုတ္တတ္ထံ ဝိယ ဟိ  
 ဝုစ္စမာနတ္ထမန္တရေနာပိ သဒ္ဓေါ အတ္ထဝိသေသဝါစကော။ ဆဝိရာဂကရဏန္တိ  
 ဝိလေပနေန ဆဝိယာ ရဉ္စနတ္ထံ ဝိသိတွာ ပဋိယတ္ထံ ယံ ကိဉ္စိ ဝဇ္ဇစုဏ္ဏံ။ ပိဋန္တနံ  
 ဇာရဏံ။ ဦးဋ္ဌာနပူရဏံ မဏ္ဍနံ။ ဝဇ္ဇဝသေန၊ ဆဝိရာဂဝသေန စ သာဒိယနံ  
 ဝိဘူသနံ။ တဒေဝတ္ထံ ပုဂ္ဂလာဓိဋ္ဌာနေန ဒီပေတိ “တတ္ထ ပိဋန္တန္တော”တိ-  
 အာဒိနာ။ တထာ စေဝ မဇ္ဈိမဋ္ဌကထာယမ္ပိ<sup>၄</sup> ဝုတ္တံ၊ ပရမတ္ထဇောတိကာယံ  
 ပန ခုဒ္ဒကပါဌဋ္ဌကထာယံ “မာလာဒီသု ဇာရဏာဒီနိ ယထာသင်္ချံ”ယောဇေ-  
 တဗ္ဗာနီ”တိ<sup>၅</sup> ဧတ္တကမေဝ ဝုတ္တံ။ တတ္ထာပိ ယောဇေန္တေန ယထာဝုတ္တနယေနေဝ  
 ယောဇေတဗ္ဗာနိ။ ကိံ ပနေတံ ကာရဏန္တိ အာဟ “ယာယာ”တိအာဒိ။  
 ယာယ ဒုဿီလျစေတနာယ ကရေတိ၊ သာ ဣဓ ကာရဏံ။ “တတော  
 ပဋိဝိရတော”တိ ဟိ ဥဘယတ္ထ သမ္ပန္နိတဗ္ဗံ၊ ဧတေနေဝ “မာလာ”ပ။ ဝိဘူ-  
 သနာနံ ဌာနံ၊ မာလာ”ပ။ ဝိဘူသနာနေဝ ဝါ ဌာန”န္တိ သမာသမ္ပိ ဒသေတိ။

---

၁-ဝိ ၄- ၂၄၃-ပိဋ္ဌေ၊ ၂-ဝိ-၄ ၂-၃၂၈-ပိဋ္ဌေ၊  
 ၃-ဝိ-၄ ၃- ၂၀၁၊ ဝိ-၄ ၄-၁၅၊ ဝိနယသင်္ဂဟ-၄-၄၃၈-ပိဋ္ဌေသု၊  
 ၄-မ-၄ ၃-၁၁၃-ပိဋ္ဌေ၊ ၅-ခုဒ္ဒကပါဌ-၄- ၂၆-ပိဋ္ဌေ၊

တဒါကာရပ္ပဝတ္ထော စေတနာဒိဓမ္မောယေဝ ဟိ ဓာရဏာဒိကိရိယာ။ တတ္ထ  
 စ စေတနာသမ္ပယုတ္တဓမ္မာနံ ကာရဏံ သဟဇာတာဒေါပကာရကတော၊  
 ပဓာနတော စ။ “စေတယိတွာ ကမ္မံ ကရေတိ ကာယေန ဝါစာယ မနဿာ”တိ  
 ဟိ ဝုတ္တံ။ ဓာရဏာဒိဘူတာ ဧဝ စ စေတနာ ဌာနန္တိ။ ဌာန-သဒ္ဓေါ ပစ္စေကံ  
 ယောဇေတဗ္ဗော ဒွန္တပဒတော သုယျမာနတ္တာ။

ဥစ္စာတိ ဥစ္စသဒ္ဓေန အကာရန္နေန သမာနတ္ထံ အာကာရန္တံ ဧကံ သဒ္ဓန္တံရံ  
 အစ္စုဂ္ဂတဝါစကန္တိ အာဟ “ပမာဏာတိက္ကန္တ”န္တိ။ သေတိ ဧတ္ထာတိ သယနံ၊  
 မဇ္ဇာဒိ။ သမဏသာရူပရဟိတတ္တာ၊ ဂဟဋ္ဌေဟိ စ သေဋ္ဌသမ္ပတတ္တာ အကပ္ပိယ-  
 ပစ္စတ္တရဏံ “မဟာသယန”န္တိ ဣဓာမိပ္ပေတန္တိ ဒဿေတုံ “အကပ္ပိယတ္ထရဏ”န္တိ  
 ဝုတ္တံ။ နိဿိဒနံ ပနေတ္ထ သယနေနေဝ သင်္ဂဟိတန္တိ ဒဋ္ဌဗ္ဗံ။ ယသ္မာ ပန အာဓာရေ  
 ပဋိက္ခိတ္တေ တဒါဓာရကိရိယာပိ ပဋိက္ခိတ္တာဝ ဟောတိ။ တသ္မာ “ဥစ္စာသယန-  
 မဟာသယနာ” ဣစ္စေဝ ဝုတ္တံ။ အတ္ထတော ပန တဒုပဘောဂဘူတနိသဇ္ဇာနိပဇ္ဇ-  
 နေဟိ ဝိရတိ ဒဿိတာတိ ဝေဒိတဗ္ဗံ။ အထ ဝါ “ဥစ္စာသယနမဟာသယနာ”တိ  
 သေ နိဒ္ဒေသော ဧကသေသနယေန ယထာ “နာမရူပပစ္စယာ သဋ္ဌာယတန”န္တိ ၂။  
 ဧတသ္မိမ္ပိ ဝိကပ္ပေ အာသနပုဗ္ဗကတ္တာ သယနကိရိယာယ သယနဂ္ဂဟဏေနေဝ  
 အာသနမ္ပိ ဂဟိတန္တိ ဝေဒိတဗ္ဗံ။ ကိရိယာဝါစကအာသနသယနသဒ္ဓလော-  
 ပတော ဥတ္တရပဒလောပနိဒ္ဒေသောတိပိ ဝိနယဋီကာယံ? ဝုတ္တံ။

ဇာတမေဝ ရူပမဿ န ဝိပ္ပကာရန္တိ ဇာတဂ္ဂပံ၊ သတ္ထဝဏ္ဏံ။ ရဋ္ဌိယတိ  
 သေတဝဏ္ဏတာယ၊ ရဋ္ဌန္တိ ဝါ ဧတ္ထ သတ္တာတိ ရဇတံ ယထာ “နေသံ  
 ပဒက္ကန္တ”န္တိ။ “စတ္တာရော ဝိဟယော ဂဉ္ဇာ၊ ဒွေ ဂဉ္ဇာ မာသကော ဘဝေ”တိ ၄  
 ဝုတ္တလက္ခဏေန ဝိသတိမာသကော နီလကဟာပဏော ဝါ ဒုတြိဒါမကာဒိကော  
 ဝါ တံတံဒေသဝေါဟာရာနုရူပံ ကတော ကဟာပဏော။ လောဟာဒိဟိ  
 ကတော လောဟမာသကာဒိကော။ ယေ ဝေါဟာရံ ဂစ္ဆန္တိတိ ပရိယာဒါန-  
 ဝစနံ။ ဝေါဟာရန္တိ စ ကယဝိက္ကယဝသေန သဗ္ဗောဟာရံ။ အညေဟိ  
 ဝါဟာပနေ၊ ဥပနိက္ခိတ္တသာဒိယနေ စ ပဋိဂ္ဂဟဏတ္ထော လဗ္ဘတိတိ အာဟ  
 “န ဥဂ္ဂဏှာပေတိ န ဥပနိက္ခိတ္တံ သာဒိယတိ”တိ။ အထ ဝါ တိဝိဓံ ပဋိဂ္ဂဟဏံ  
 ကာယေန ဝါစာယ မနဿာ။ တတ္ထ ကာယေန ပဋိဂ္ဂဟဏံ ဥဂ္ဂဟဏံ။ ဝါစာယ  
 ပဋိဂ္ဂဟဏံ ဥဂ္ဂဟာပနံ။ မနဿာ ပဋိဂ္ဂဟဏံ သာဒိယနံ။ တိဝိဓေမ္မေတံ ပဋိဂ္ဂဟဏံ  
 သာမညနိဒ္ဒေသေန၊ ဧကသေသနယေန ဝါ ဂဟေတွာ ပဋိဂ္ဂဟဏာတိ ဝုတ္တန္တိ

၁-အံ ၂-၃၆၃-ပိဋေ။ ၂-မ ၃-၁၀၉၊ သံ ၁-၂၄၃၊ ခု ၁-၇၇-ပိဋာဒိသု၊ ၃-ဝိမတိ-ဋီ ၂-၁၁၆-ပိဋေ၊  
 ၄-အဘိဓာနေ ဘူတဏှေ စတုဗ္ဗဏ္ဏဝဂ္ဂေ-၄၇၉-ဂါထာ၊

အာဟ “နေဝ နံ ဥဂ္ဂဏှာတိ”တိအာဒိ။ ဧသ နယော အာမကဗျေပဋိဂ္ဂဟ-  
ဏာတိအာဒိသုပိ။

နိဝါရာဒိဥပဗညဿ သာလိယာဒိမူလဗျေန္တောဂဓတ္တာ “သတ္တဝိဓဿာ-  
ဒိ”တိ ဝုတ္တံ။ သဗ္ဗိဒိနပရိပါကော သုကဗျေဝိသေသော သာလိ နာမ သလိယတေ  
သီလာသတေတိ ကတွာ။ ဒဗ္ဗဂုဏပကာသေ ပန—

“အထ ဗညံ တိဓာ သာလိ-သဗ္ဗိကဝိဟိဘေဒတော။  
သာလယော ဟေမန္တာ တတြ၊ သဗ္ဗိကာ ဂိမှဇာ အပိ။  
ဝိဟယော တွာသဠာချာတာ၊ ဝဿကာလသမုပ္ပဝါ”တိ—

ဝုတ္တံ။ ဝဟတိ၊ မြူဟေတိ ဝါ သတ္တာနံ ဇိဝိတန္တိ ဝိဟိ၊ သဿံ။ ယုဝိတဗ္ဗော  
မိဿိတဗ္ဗောတိ ယဝေါ။ သော ဟိ အတိလူခတာယ အညေန မိဿေတွာ  
ပရိဘုဒ္ဓိယတိ။ ဂုဓတိ ပရိဝေဓတိ ပလိဗုဒ္ဓတိတိ ဂေါရူမော၊ ယံ “မိလက္ခ-  
ဘောဇန”န္တိပိ ဝဒန္တိ။ သောဘနတ္တာ ကမနိယဘာဝံ ဂစ္ဆတိတိ ကင်္ဂ၊ အတိ-  
သုခုမဗျေဝိသေသော။ ဝရိယတိ အတိလူခတာယ နိဝါရိယတိ၊ ခုဒ္ဒါပဋိဝိနယ-  
နတော ဝါ ဘဇိယတိတိ ဝရကော။ ကောရံ ရုမိရံ ဒူသတိတိ ကုဗြူသကော၊  
ဝဏ္ဏသင်္ကမနေန ယော “ဂေါဝခုနော”တိပိ ဝုစ္ဆတိ။ တာနိ သတ္တပိ သပ္ပဘေဒါ  
နိဓာနေ ပေါသနေ သာဓုတ္တေန “ဗျောနိ”တိ ဝုစ္ဆန္တိ။ “န ကေဝလဉ္ဇာ”တိ-  
အာဒိနာ သမ္ပုဋ္ဌိစ္ဆနံ၊ ပရာမသနဉ္စ ဣဓ ပဋိဂ္ဂဟဏသဒ္ဓေန ဝုတ္တန္တိ ဒဿေတိ။  
ဧဝမိဒိသေသု။ “အနုဇာနာမိ ဘိက္ခဝေ ဝသာနိ ဘေသဇ္ဇာနိ အစ္ဆဝသံ မစ္ဆဝသံ  
သုသုကာဝသံ သူကရဝသံ ဂဗြာဘဝသ”န္တိ ဝုတ္တတ္တာ ဣဒံ ပဉ္စဝိဓမ္မိ ဘေသဇ္ဇံ  
ဩဒိဿ အနုညာတံ နာမ။ တဿ ပန “ကာလေ ပဋိဂ္ဂဟိတ”န္တိ ဝုတ္တတ္တာ  
ပဋိဂ္ဂဟဏံ ဝဇ္ဇတိတိ အာဟ “အညတြ ဩဒိဿ အနုညာတာ”တိ။ မံသ-သဒ္ဓေန  
မစ္ဆာနမ္ပိ မံသံ ဂဟိတံ ဧဝါတိ ဒဿေတုံ “အာမကမံသမစ္ဆာန”န္တိ ဝုတ္တံ၊  
တိကောဋိပရိသုဒ္ဓိ မစ္ဆမံသံ အနုညာတံ အဒိဋ္ဌံ၊ အသုတံ၊ အပရိသင်္ကိတန္တိ ဝါ  
ပယောဂဿ ဒဿနတော ဝိရူပေကသေသနယော ဒဿိတော အနေနာတိ  
ဝေဒိတဗ္ဗံ။

ကာမံ လောကိယာ—

“အဋ္ဌဝဿာ ဘဝေ ဂေါရိ၊ ဒသဝဿာ တု ကညကာ။  
သမ္ပတ္တေ ဒွါဒသဝဿေ၊ ကုမာရိတိဘိဓိယတေ”တိ?—

၁-ဝိ ၃-၂၉၁-ပိဋက။ ၂-ဝိ ၃-၂၉၂-ပိဋက။  
၃-အဘိဓာနဋီကာယံ ဘူကဏ္ဍေ နရဝဂ္ဂ-၂၃၁-ဂါထာဝဏ္ဏနာ ပဿိတဗ္ဗာ၊

ဝဒန္တိ။ ဣဓ ပန ပုရိသန္တရဂတာဂတဝသေန ဣတ္ထိကုမာရိကာဘေဒေါတိ အာဟ “**ဣတ္ထိတိ ပုရိသန္တရဂတာ**”တိအာဒိ။ **ဒါသိဒါသဝေနေဝါတိ** ဒါသိဒါသဝေါဟာရဝသေနော။ **ဧဝံ ဝုတ္တေတိ** တာဒိသေန ကပ္ပိယဝစနေန ဝုတ္တေ။ ဝိနယဋ္ဌကထာသု အာဂတဝိနိစ္ဆယံ သန္ဓာယ “**ဝိနယဝသေနာ**”တိ ဝုတ္တံ။ သော ကုဋိကာရသိက္ခာပဒဝဏ္ဏနာဒိသု<sup>၁</sup> ဂဟေတဗ္ဗော။

ဗီဇံ ခိပန္တိ ဧတ္ထ၊ ခိတ္တံ ဝါ ဗီဇံ တာယတိတိ **ခေတ္တံ**၊ ကေဒါရေတိ အာဟ “**ယသ္မိံ ပုဗ္ဗဏ္ဏံ ဂဟတိ**”တိ။ အပရဏ္ဏဿ ပုဗ္ဗေ ပဝတ္တမန္တံ ပုဗ္ဗဏ္ဏံ န ကာရဿ ဏ-ကာရံ ကတွာ၊ သာလိအာဒိ။ ဝသန္တိ ပတိဋ္ဌဟန္တိ အပရဏ္ဏာနိ ဧတ္တာတိ **ဝတ္ထု**တိ အတ္ထံ ဒဿေတိ “**ဝတ္ထု နာမာ**”တိအာဒိနာ။ ပုဗ္ဗဏ္ဏဿ အပရံ ပဝတ္တမန္တံ အပရဏ္ဏံ ဝုတ္တနယေန။ ဧဝံ အဋ္ဌကထာနယာနရူပံ အတ္ထံ ဒဿေတွာ ဣဒါနိ “**ခေတ္တံ နာမ ယတ္ထ ပုဗ္ဗဏ္ဏံ ဝါ အပရဏ္ဏံ ဝါ ဇာယတိ**”တိ<sup>၂</sup> ဝုတ္တဝိနယပါဠိနယာနရူပမ္ပိ အတ္ထံ ဒဿေန္တော “**ယတ္ထ ဝါ**”တိအာဒိမာဟ။ **တဒတ္ထာယာတိ** ခေတ္တတ္ထာယ။ **အကတဘူမိဘာဂေါတိ** အပရိသင်္ခတော တဒုဒ္ဓေသိကော ဘူမိဘာဂေါ။ “**ခေတ္တဝတ္ထုသိသေနာ**”တိအာဒိနာ နိဒဿနမတ္တမေတန္တိ ဒဿေတိ။ **အာဒိ-သဒ္ဓေန** ပေါက္ခရဏီကူပါဒယော သင်္ဂဟိတာ။

ဒူတဿ ဣဒံ၊ ဒူတေန ဝါ ကာတုမရဟတိတိ **ဒူတေယျံ**။ ပဏ္ဏန္တိ လေခသာသနံ။ **သာသနန္တိ** မုခသာသနံ။ **ဃရာ ဃရန္တိ** အညသ္မာ ဃရာ အညံ ဃရံ။ **ရုဒ္ဓကဝဓနန္တိ** ဒူတေယျဂမနတော အပ္ပတရဂမနံ၊ အနဒ္ဓါနဂမနံ ရဿဂမနန္တိ အတ္ထော။ တဒုဘယေသံ အနုယုဉ္ဇနံ အနုယောဂေါတိ အာဟ “**တဒုဘယ-ကရဏ**”န္တိ။ **တသ္မာတိ** တဒုဘယကရဏဿေဝ အနုယောဂဘာဝတော။

ကယနံ ကယော၊ ပရမ္ပရာ ဂဟေတွာ အတ္တနော နေဿ ဒါနံ။ ကိ-သဒ္ဓပ္ပိ ဒဗ္ဗဝိနိမယေ ပဌန္တိ<sup>၃</sup>။ ဝိက္ကယနံ **ဝိက္ကယော**၊ ပဌမမေဝ အတ္တနော နေဿ ပရေသံ ဒါနန္တိ ဝဒန္တိ။ **သာရတ္ထဒီပနိယာဒိသု** ပန “**ကယန္တိ** ပရဘဏ္ဍဿ ဂဟဏံ။ **ဝိက္ကယန္တိ** အတ္တနော ဘဏ္ဍဿ ဒါန”န္တိ<sup>၄</sup> ဝုတ္တံ။ တဒေဝ “**ကယိတဉ္စ** ဟောတိ ပရဘဏ္ဍံ အတ္တနော ဟတ္ထဂတံ ကရောန္တေန၊ ဝိက္ခိတဉ္စ အတ္တနော ဘဏ္ဍံ ပရဟတ္ထဂတံ ကရောန္တေနာ”တိ<sup>၅</sup> ဝိနယဋ္ဌကထာဝစနေန သမေတိ။ **ဝဉ္ဇနံ** မာယာကရိဏံ၊ ပဋိဘာနကရဏဝသေန ဥပါယကုသလတာယ ပရသန္တကဂ္ဂဟဏန္တိ ဝုတ္တံ ဟောတိ။ တုလာ နာမ ယာယ တုလီယတိ ပမီယတိ။

၁-ဝိ-၄၂-၁၅၆-ပိဋေ။	၂-ဝိ ၁-၆၁-ပိဋေ။
၃-သဒ္ဓနီတိဓာတုမာလာယ ရုဓာဒိဆဒတ္တ ကိယာဒိဂဏိကရူပံ ပဿိတဗ္ဗံ။	
၄-သာရတ္ထ-ဦ ၂-၄၂၅-ပိဋေ။	၅-ဝိ-၄၂-၂၇၉-ပိဋေ။

တာယ ကုဋ် “တုလၢကုဋ်” နှိ ဝုစ္စတိ။ တံ ပန ကရောန္တော တုလၢယ ရူပ-  
 အင်္ဂဂဟဏာကာရပဋိစ္ဆန္တသဏ္ဌာနဝသေန ကရေတိတိ စတုဗ္ဗိတော ဝုတ္တာ။  
 အတ္တနာ ဂဟေတဗ္ဗံ ဘဏ္ဍံ ပစ္ဆာဘာဂေ၊ ပရေသံ ဒါတဗ္ဗံ ပုဗ္ဗဘာဂေ  
 ကတွာ မိနေန္တိတိ အာဟ “ဂဏှန္တော ပစ္ဆာဘာဂေ” တိအာဒိ။ အက္ကမတိ  
 နိဗ္ဗိဇ္ဇတိ၊ ပုဗ္ဗဘာဂေ အက္ကမတိတိ သမ္ပန္နော။ မူလေ ရန္တုန္တိ တုလၢယ မူလေ  
 ယောဇိတံ ရန္တု။ တထာ အဂ္ဂေ။ တန္တိ အယစုဏ္ဍံ။

ကနတိ ဒိဗ္ဗတိတိ ကံသော၊ သုဝဏ္ဏရဇတောဒိမယာ ဘောဇနပါနပတ္တာ။  
 ဣဓ ပန သောဝဏ္ဏမယေ ပါနပတ္တေတိ အာဟ “သုဝဏ္ဏပါတိ” တိ။ တာယ  
 ဝဉ္စနန္တိ နိကတိဝသေန ဝဉ္စနံ။ “ပတိရူပကံ ဒဿေတွာ ပရသန္တကဂဟဏဗ္ဗိ  
 နိကတိ၊ ပဋိဘာနကရဏဝသေန ပန ဥပါယကုသလတာယ ဝဉ္စန” နှိ နိကတိ-  
 ဝဉ္စနံ ဘေဒတော ကဏှဇာတကဋ္ဌကထာဒိသုဝုတ္တံ၊ ဣဓ ပန တဒုဘယဗ္ဗိ  
 “ဝဉ္စန” မိစ္စေဝ။ “ကထ” နှိအာဒိနာ ဟိ ပတိရူပကံ ဒဿေတွာ ပရသန္တက-  
 ဂဟဏမေဝ ဝိဘာဝေတိ။ သမဗ္ဗတရန္တိ တာသံ ပါတိနံ အညမညံ သမကံ  
 အဋ္ဌဝိသေသံ။ ပါသာဏေတိ ဘူတာဘူတဘာဝသဉ္စာနနကေ ပါသာဏေ။  
 ဃံသနေနေဝ သုဝဏ္ဏဘာဝသညာပနံ သိဒ္ဓန္တိ “ဃံသိတွာ” တွေဝ ဝုတ္တံ။

ဟဒယန္တိ နာဠိအာဒိမိနနဘာဇနာနံ အပ္ပန္နရံ၊ တသ္မိံ ဘေဒေါ ဆိဒ္ဓကရဏံ  
 ဟဒယဘေဒေါ။ တိလာဒိနံ နာဠိအာဒိဟိ မိနနကာလေ ဥဿာပိတာ  
 သိခါယေဝ သိခါ၊ တဿာ ဘေဒေါ ဟာပနံ သိခါဘေဒေါ။

ရဇ္ဇုယာ ဘေဒေါ ဝိသမကရဏံ ရန္တုဘေဒေါ။ တာနိတိ သပ္ပိတေလာဒိနိ။  
 အန္တောဘာဇနေတိ ပဌမံ နိက္ခိတ္တဘာဇနေ။ ဥဿာပေတွာတိ ဥဂ္ဂမာပေတွာ၊  
 ဥဒ္ဓိ ရာသိံ ကတွာတိ ဝုတ္တံ ဟောတိ။ ဆိန္ဒန္တောတိ အပနေန္တော။

ကတ္တဗ္ဗကမ္မဟော ဥဒ္ဓိ ကောဋနံ ပဋိဟနနံ ဥက္ကောဋနံ။ အဘူတကာရိနံ  
 လဉ္စဂ္ဂဟဏံ၊ န ပန ပုန ကမ္မာယ ဥက္ကောဋနမတ္တန္တိ အာဟ “အဿာမိကေ။ ပ။  
 ဂ္ဂဟဏ” နှိ။ ဥပါယေဟိတိ ကာရဏပတိရူပကေဟိ။ တတြာတိ တသ္မိံ  
 ဝဉ္စနေ။ “ဝတ္ထု” နှိ အဝတွာ “ဧကံ ဝတ္ထု” နှိ ဝဒန္တော အညာနိပိ အတ္ထိ  
 ဗဟူနိတိ ဒဿေတိ။ အညာနိပိ ဟိ သသဝတ္ထုအာဒိနိ တတ္ထ တတ္ထ ဝုတ္တာနိ။  
 မိဂန္တိ မဟန္တ မိဂံ။ တေန ဟိတိ မိဂဂ္ဂဟဏေ ဥယျောဇနံ၊ ယေန ဝါ  
 ကာရဏေန “မိဂံ မေ ဒေဟိ” တိ အာဟ၊ တေန ကာရဏေနာတိ အတ္ထော။

၁-ဇာတက-၄ ၄-၁၂၊ ဒီ-၄ ၁-၇၈၊ မ-၄ ၂-၁၁၅၊ သံ-၄ ၃-၃၃၈၊ အံ-၄ ၂-၃၇၉-  
 ပိဋေသု အတ္ထတော သမာနံ။

‘ဟိ-သဒ္ဓေါ နိပါတမတ္တံ။ ယောဂဝသေနာတိ ဝိဇ္ဇာဇပုနာဒိပယောဂဝသေန။  
 မာယာဝသေနာတိ မန္တဇပုနံ ဝိနာ အဘူတဿာပိ ဘူတာကာရသညာပနာယ  
 စက္ခုမောဟနမာယာယ ဝသေန။ ယာယ ဟိ အမဏိအာဒယောပိ မဏိ-  
 အာဒိအာကာရေန ဒိဿန္တိ။ ပါမင်္ဂေါ နာမ ကုလာစာရယုတ္တော အာဘရဏ-  
 ဝိသေသော၊ ယံ လောကေ “ယညောပဝိတ္တ”န္တိ ဝဒန္တိ။ ဝတ္ထလိတ္တရာပဒါနေပိ  
 ဝုတ္တံ—

“ပဿထေတံ မာဏဝကံ၊ ဝိတမဋ္ဌနိဝါသနံ။

ဟေမယညောပဝိတ္တင်္ဂံ၊ ဇနနေတ္ထမနောဟရ”န္တိ။

တဒဋ္ဌကထာယမ္ပိ “ဝိတမဋ္ဌနိဝါသန”န္တိ သိလိဋ္ဌသုဝဏ္ဏဝဏ္ဏဝတ္ထေ နိဝတ္တန္တိ  
 အတ္ထော။ ဟေမယညောပဝိတ္တင်္ဂ”န္တိ သုဝဏ္ဏပါမင်္ဂလဂ္ဂိတဂတ္တန္တိ အတ္ထော”တိ။  
 သဝနံ သဋ္ဌနံ သာဝိ၊ အနုဇုကတာ၊ တေနာဟ “ကုဋ္ဌိလယောဂေါ”တိ၊  
 ဇိမှတာယောဂေါတိ အတ္ထော။ “ဧတေသံယေဝေါ”တိအာဒိနာ တုလျာဓိ-  
 ကရဏတံ ဒဿေတိ။ “တသ္မာ”တိအာဒိ လဒ္ဓဂုဏဒဿနံ။ ယေ ပန စတုန္တမ္ပိ  
 ပဒါနံ ဘိန္နာဓိကရဏတံ ဝဒန္တိ၊ တေသံ ဝါဒမာဟ “ကေစီ”တိအာဒိနာ။  
 တတ္ထ “ကေစီ”တိ သာရသမာသကာရကာ အာစရိယာ၊ ဥတ္တရဝိဟာရ-  
 ဝါသိနော စ၊ တေသံ တံ န ယုတ္တံ ဝဉ္စနေန သင်္ဂဟိတဿေဝ ပုန ဂဟိတတ္တာတိ  
 ဒဿေတိ “တံ ပနာ”တိအာဒိနာ။

မာရဏန္တိ မုဋ္ဌိပဟာရကသာတာဋ္ဌနာဒိဟိ ဟိံသနံ ဝိဟေဋ္ဌနံ သန္ဓာယ  
 ဝုတ္တံ၊ န တု ပါဏာတိပါတံ။ ဝိဟေဋ္ဌနတ္ထေပိ ဟိ ဝေ-သဒ္ဓေါ ဒိဿတိ  
 “အတ္တာနံ ဝဓိတွာ ဝဓိတွာ ရောဒေယျာ”တိအာဒိသု။ မာရဏ-သဒ္ဓေါပိ  
 ဣဓ ဝိဟေဋ္ဌနေယေဝ ဝတ္တတိတိ ဒဋ္ဌဗ္ဗော။ ကေစိ ပန “ပုဗ္ဗေ ပါဏာတိပါတံ  
 ပဟာယာ”တိအာဒိသု သယံကာရော၊ ဣဓ ပရံကာရော”တိဝဒန္တိ၊ တံ န  
 သက္ကာ တထာ ဝတ္တံ၊ “ကာယဝစိပယောဂသမုဋ္ဌာပိကာ စေတနာ၊ ဆ ပယော-  
 ဂါ”တိ စ ဝုတ္တတ္တာ။ ယထာ ဟိ အပ္ပဋိဂ္ဂါဟဘာဝသာမညေပိ သတိ ပဗ္ဗ-  
 ဇိတေဟိ အပ္ပဋိဂ္ဂဟိတဗ္ဗဝတ္ထုဝိသေသဘာဝသန္ဓဿနတ္ထံ ဣတ္ထိကုမာရိဒါသိ-  
 ဒါသာဒယော ဝိဘာဂေန ဝုတ္တာ။ ယထာ စ ပရသန္တကဿ ဟရဏ-  
 ဘာဝတော အဒိန္နာဒါနဘာဝသာမညေပိ သတိ တုလာကုဋ္ဌာဒယော အဒိန္နာ-  
 ဒါနဝိသေသဘာဝသန္ဓဿနတ္ထံ ဝိဘာဂေန ဝုတ္တာ၊ န ဧဝံ ပါဏာတိပါတ-  
 ပရိယာယဿ ဝဿေ ပုန ဂဟဏေ ပယောဇနံ အတ္ထိ တထာဝိဘဇိတဗ္ဗ-  
 သာဘာဝတော၊ တသ္မာ ယထာဝုတ္တောယေဝတ္ထော သုန္တရတရောတိ။

ဝိပရာမောသောတိ ဝိသေသေန သမန္တတော ဘုသံ မောသာပနံ မုယုန-  
ကရဏံ၊ ထေနနံ ဝါ။ ထေယျံ စောရိကာ မောသောတိ ဟိ ပရိ-  
ယာယော။ သော ကာရဏဝသေန ဒုဝိဇောတိ အာဟ “ဟိမဝိပရာမော-  
သော”တိအာဒိ။ မုသန္တိတိ စောရေန္တိ၊ မောသေန္တိ ဝါ မုယုနံ ကရောန္တိ၊  
မောသေတွာ တေသံ သန္တကံ ဂဏှန္တိတိ ဝုတ္တံ ဟောတိ။ ယန္တိ စ တဿာ  
ကိရိယာယ ပရာမသနံ။ မဂ္ဂပ္ပဋိပန္တံ ဇနန္တိ ပရပက္ခေပိ အဓိကာရော။  
အာလောပနံ ဝိလုမ္ပနံ အာလောပေါ။ သဟဿာ ကရဏံ သဟဿာကာရော။  
သဟဿာ ပဝတ္တိတာ သာဟသိကာ၊ သာဝ ကိရိယာ တထာ။

တ္ထောဝတတိ “ပါဏာတိပါတံ ပဟာယာ”တိအာဒိနာ “သဟဿာကာရာ  
ပဋိဝိရတော”တိ ပရိယောသာနေန ဧတပ္ပရိမာဏေန ပါဌေန။ အန္တရဘေဒံ  
အဂ္ဂဟေတွာ ပါဠိယံ ယထာရုတမာဂတဝသေနဝ ဆဗ္ဗိသတိသိက္ခာပဒသင်္ဂဟ-  
မေတံ သီလံ ယေဘုယျေန သိက္ခာပဒါနမဝိဘတ္တတ္တာ ဂူဠသီလံ နာမာတိ  
အတ္ထော။ ဒေသနာဝသေန ဟိ ဣဓ ဂူဠမဇ္ဈိမာဒိဘာဝေါ ဝေဒိတဗ္ဗော၊ န  
ဓမ္မဝသေန။ တထာ ဟိ ဣဓသဒိတ္ထေန ဥဒ္ဓိဋ္ဌာနံ သိက္ခာပဒါနံ အဝိဘတ္တာနံ  
ဝိဘဇနဝသေန မဇ္ဈိမသီလဒေသနာ ပဝတ္တော၊ တေနောဟ “မဇ္ဈိမသီလံ  
ဝိတ္တာရေန္တော”တိ။

ဂူဠသီလဝဏ္ဏနာ နိဋ္ဌိတာ။

### မဇ္ဈိမသီလဝဏ္ဏနာ

၁၁။ “ယထာ ဝါ ပနေကေ ဘောန္တော”တိအာဒိဒေသနာယ သမ္ပန္န-  
မာဟ “ဣဒါနိ”တိအာဒိနာ။ တတ္ထာယမဋ္ဌကထာမုတ္တကော နယော—  
ယထာတိ ဩပမ္ပတ္ထေ နိပါတော။ ဝါတိ ဝိကပ္ပနတ္ထေ၊ တေန ဣမမတ္ထံ  
ဝိကပ္ပေတိ “ဥဿာဟံ ကတွာ မမ ဝဏ္ဏံ ဝဒမာနောပိ ပုထုဇ္ဇနော ပါဏာတိ-  
ပါတံ ပဟာယ ပါဏာတိပါတာ ပဋိဝိရတော”တိအာဒိနာ ပရာနုဒ္ဒေသိက-  
နယေန ဝါ သဗ္ဗထာပိ အာစာရသီလမတ္တမေဝ ဝဒေယျ၊ န တဒုတ္တရိ။  
“ယထာပနေကေ ဘောန္တော သမဏဗြာဟ္မဏဘာဝံ ပဋိဇာနမာနာ၊ ပရေဟိ  
စ တထာသမ္ဘာဝိယမာနာတဒနုရူပပဋိပတ္တိံ အဇာနနတော၊ အသမတ္တနတော  
စ န အဘိသမ္ဘုဏန္တိ၊ န ဝေမယံ။ အယံ ပန သမဏော ဂေါတမော  
သဗ္ဗထာပိ သမဏသာရုပ္ပပဋိပတ္တိံ ပူရေသိယေဝါ”တိ ဧဝံ အညုဒ္ဓေသိက-  
နယေန ဝါ သဗ္ဗထာပိ အာစာရသီလမတ္တမေဝ ဝဒေယျ၊ န တဒုတ္တရိန္တိ။

ပနာတိ ဝစနာလင်္ကာရေ ဝိကပ္ပနတ္ထေနဝ ဥပချာသာဒိအတ္တဿ သိဇ္ဈနတော။  
 ဧကေတိ အညေ။ “ဧကစ္စေ”တိပိ ဝဒန္တိ။ ဘောန္တောတိ သာရူနံ ပိယသမုဒါ-  
 ဟာရော။ သာဓဝေါ ဟိ ပရေ “ဘောန္တော”တိ ဝါ “ဒေဝါနံ ပိယာ”တိ ဝါ  
 “အာယသ္မန္တော”တိ ဝါ သမာလပန္တိ။ သမဏဗြာဟ္မဏာတိ ယံ ကိဉ္စိ ပဗ္ဗဇ္ဇံ  
 ဥပဂတတာယ သမဏာ။ ဇာတိမတ္တေန စ ဗြာဟ္မဏာတိ။

သဒ္ဓါ နာမ ဣမ စတုဗ္ဗိဓေသု ဌာနေသုတိ အာဟ “ကမ္မဉ္ဇာ”တိအာဒိ။  
 ကမ္မကမ္မဗလသမ္ပန္နေနဝ ဣမလောကပရလောကသဒ္ဓဟနံ ဒဋ္ဌဗ္ဗံ “တ္ထေ ကမ္မံ  
 ဝိပစ္စတိ၊ ကမ္မဗလဉ္စ အနုဘဝိတဗ္ဗ”န္တိ။ တဒတ္ထံ ဗျတိရေကတော ဉ္စပေတိ  
 “အယံ မေ”တိအာဒိနာ။ ပဋိကရိဿတိတိ ပစ္စုပကာရံ ကရိဿတိ။ တဒေဝ  
 သမတ္ထေတုံ “ဝေဒိန္တာနိ ဟိ”တိအာဒိမာဟ။ ဒေသနာသီသမတ္ထံ ပဓာနံ ကတွာ  
 နိဒဿနတော။ တေန စတုဗ္ဗိဓေ ပစ္စယံ နိဒဿေတိတိ ဝုတ္တံ “အတ္တတော  
 ပနာ”တိအာဒိ။

“သေယျထိဒ”န္တိ အယံ သဒ္ဓေါ “သော ကတမော”တိ အတ္ထေ  
 ဧကော နိပါတော၊ နိပါတသမုဒါယော ဝါ၊ တေန စ ဗီဇဂါမ-  
 ဘူတဂါမသမာရမ္ဘပဒေ သဒ္ဓက္ကမေန အပ္ပဓာနဘူတောပိ ဗီဇဂါမဘူတ-  
 ဂါမော ဝိဘဇ္ဇိတဗ္ဗဌာနေ ပဓာနဘူတော ပိယ ပဋိနိဒ္ဓိသီယတိ။ အညော  
 ဟိ သဒ္ဓက္ကမော အညော အတ္တက္ကမောတိ အာဟ “ကတမော သော  
 ဗီဇဂါမဘူတဂါမော”တိ။ တသ္မိဉ္စိ ဝိဘတ္တေ တဗ္ဗိသယသမာရမ္ဘောပိ  
 ဝိဘတ္တောဝ ဟောတိ။ ဣမမတ္ထဉ္စိ ဒဿေတုံ “ယဿ သမာရမ္ဘံ အနုယုတ္တာ  
 ဝိဟရန္တိ”တိ ဝုတ္တံ။ တေနဝ စ ပါဠိယံ “မူလဗီဇ”န္တိအာဒိနာ သော နိဒ္ဓိ-  
 ဌောတိ။ မူလမေဝ ဗီဇံ မူလဗီဇံ၊ မူလံ ဗီဇံ ဧတဿံတိပိ မူလံဗီဇန္တိ ဣမ ခွိဓာ  
 အတ္ထော။ သေသပဒေသုပိ ဒေသေဝ နယော။ အတော န စောဒေတဗ္ဗမေတံ  
 “ကသ္မာ ပနေတ္ထ ဗီဇဂါမဘူတဂါမံ ပုစ္ဆိတွာ ဗီဇဂါမော ဧဝ ဝိဘတ္တော”တိ။  
 တတ္ထ ဟိ ပဌမေန အတ္ထေန ဗီဇဂါမော နိဒ္ဓိဌော၊ ဒုတိယေန ဘူတ-  
 ဂါမော၊ ဒုဝိဓောပေသ သာမညနိဒ္ဓေသေန ဝါ မူလဗီဇဉ္စ မူလဗီဇဉ္စ မူလဗီဇန္တိ  
 ဧကသေသနယေန ဝါ နိဒ္ဓိဌောတိ ဝေဒိတဗ္ဗော၊ တေနဝ ဝက္ခတိ “သဗ္ဗဓ္မေ-  
 တ”န္တိအာဒိ။ အတိဝ ဝိသတိ ဘေသဇ္ဇပယောဂေသုတိ အတိဝိသံ၊ အတိဝိသာ  
 ဝါ၊ ယာ “မဟောသမ”န္တိပိ ဝုစ္စတိ။ ကမ္မကောတိ ကာဠကမ္မကော၊ ယံ  
 “ဝိလက္ခော”တိပိ ဝဒန္တိ။ ကပိတ္တနောတိ အဗ္ဗိလင်္ကရဗလော သေတရက္ခော။  
 သော ဟိ ကမ္မတိ စလတိတိ ကပိတ္တနော ထနပစ္စယေန၊ ကပိတိ ဝါ မက္ကဋ္ဌော၊

တဿ ထနသဒိသံ ဖလံ ယဿာတိ ကပိတ္တနော။ “ကပိတ္တနောတိ ပိပ္ပလိ-  
ရက္ခော”တိ ဟိ ဝိသုဒ္ဓိမဂ္ဂဋီကာယံ ဝုတ္တံ။ ဖဠမိဇံ နာမ ပဗ္ဗမိဇံ။ အဇ္ဇကန္တိ  
သေတပဏ္ဏာသံ။ ဖဏိဇ္ဇကန္တိ သမီရဏံ။ ဟိရိဝေရန္တိ ဝါရံ။ ပစ္စယန္တရသမ-  
ဝါယေ သဒိသဖလုပ္ပတ္တိယာ ဝိသေသကာရဏဘာဝတော ဝိရဟနသမတ္ထေ  
သာရဖလေ နိရုဋ္ဌော ဗီဇသဒ္ဓေါတိ ဒဿေတိ “ဝိရဟနသမတ္ထမေဝ”တိ  
ဣမိနာ။ ဣတရဉ္စိ အဗီဇသင်္ချံ ဂတံ၊ တဉ္စ ခေါ ရက္ခတော ဝိယောဇိတ-  
မေဝ။ အဝိယောဇိတံ ပန တထာ ဝါ ဟောတု၊ အညထာ ဝါ “ဘူတ-  
ဂါမော”တွေဝ ဝုတ္တတိ ယထာဝုတ္တေန ဒုတိယဋ္ဌေန။ ဝိနယာ၂နရူပတော တေသံ  
ဝိသေသံ ဒဿေတိ “တတ္ထာ”တိအာဒိနာ။ ယမေတ္ထ ဝတ္တဗ္ဗံ၊ တံ ဟေဋ္ဌာ  
ဝုတ္တမေဝ။

၁၂။ သန္ဓိဓာနံ သန္ဓိမိ၊ တာယ ကရိယတေတိ သန္ဓိမိကာရော၊ အန္ဓပါနာဒိ။  
ဧဝံ ကာရ-သဒ္ဓဿ ကမ္မတ္ထတံ သန္ဓာယ “သန္ဓိမိကာရပရိဘောဂ”န္တိ ဝုတ္တံ။  
အယမပရော နယော—ယထာ “အာစယံ ဂါမိနော”တိ ဝတ္တဗ္ဗေ အနနာသိက-  
လောပေန “အာစယဂါမိနော”တိ နိဒ္ဒေသော ကတော၊ ဧဝမိဓာပိ “သန္ဓိမိ-  
ကာရံ ပရိဘောဂ”န္တိ ဝတ္တဗ္ဗေ အနနာသိကလောပေန “သန္ဓိမိကာရ-  
ပရိဘောဂ”န္တိ ဝုတ္တံ၊ သန္ဓိမိံ ကတွာ ပရိဘောဂန္တိ အတ္ထော။ ဝိနယ-  
ဝသေနာတိ ဝိနယာဂတာစာရဝသေန။ ဝိနယာဂတာစာရော ဟိ ဥတ္တရ-  
လောပေန “ဝိနယော”တိ ဝုတ္တော၊ ကာယဝါစာနံ ဝါ ဝိနယနံ ဝိနယော။  
သုတ္တန္တနယပဋိပတ္တိယာ ဝိသုံ ဂဟိတတ္တာ ဝိနယာစာရောယေဝ ဣဓ လဗ္ဘတိ။  
သမ္မာ ကိလေသေ လိခတိတိ သလ္လေခေါတိ စ ဝိနယာစာရဿ ဝိသုံ ဂဟိတတ္တာ  
သုတ္တန္တနယပဋိပတ္တိ ဧဝ။ ပဋိဂ္ဂဟိတန္တိ ကာယေန ဝါ ကာယပဋိဗဒ္ဓေန ဝါ  
ပဋိဂ္ဂဟိတံ။ အပရုဇ္ဇတိ အပရသ္မိံ ဒိဝသေ။ ဒတွာတိ ပရိဝတ္တနဝသေန ဒတွာ။  
ဌပါပေတွာတိ စ အတ္တနော သန္တကကရဏေန ဌပါပေတွာ။ တေသမ္ပိ သန္တကံ  
ဝိဿံသဂ္ဂါဟာဒိဝသေန ပရိဘုဉ္စိတုံ ဝုတ္တတိ။ သုတ္တန္တနယဝသေန သလ္လေခေါ ဧဝ  
န ဟောတိ။

ယာနိ စ တေသံ အနုလောမာနီတိ ဧတ္ထ သာနုလောမဓညရသံ၊  
မဓုကပုပ္ဖရသံ၊ ပက္ကဋ္ဌာကရသဉ္စ ဌပေတွာ အဝသေသာ သဗ္ဗေပိ ဖလပုပ္ဖပတ္တရသာ  
အနုလောမပါနာနီတိ ဒဋ္ဌဗ္ဗံ၊ ယထာပရိစ္ဆေဒကာလံ အနမိဋ္ဌိတံ အဝိကပ္ပိတန္တိ  
အတ္ထော။

သန္တိဓိယတေတိ သန္တိဓိ၊ ဝတ္ထမေဝ။ ပရိယာယတိ ကပ္ပိယတိတိ ပရိယာ-  
 ယော၊ ကပ္ပိယဝါစာနုသာရေန ပဋိပတ္တိ၊ တဿ ကထာတိ ပရိယာယ-  
 ကထာ။ တဗ္ဗိပရိတော နိပ္ပရိယာယော၊ ကပ္ပိယဗ္ဗိ အနုပဂ္ဂမ္မ သန္တုဋ္ဌိဝသေန  
 ပဋိပတ္တိ၊ ပရိယာယ-သဒ္ဓေါ ဝါ ကာရဏေ၊ တသ္မာ ကပ္ပိယကာရဏဝသေန  
 ဝုတ္တာ ကထာ ပရိယာယကထာ။ တဒပိ အဝတွာ သန္တုဋ္ဌိဝသေန ဝုတ္တာ  
 နိပ္ပရိယာယော။ “သစေ”တိအာဒိ အညဿ ဒါနာကာရဒဿနံ။ ပါဠိယာ  
 ဥဒ္ဓိသနံ ဥဒ္ဓေသော။ အတ္ထဿ ပုစ္ဆာ ပရိပုစ္ဆနံ။ “အဒါတုံ န ဝဇ္ဇတိ”တိ ဣမိနာ  
 အဒါနေ သလ္လေခကောပနံ ဒဿေတိ။ အပ္ပဟောန္တေတိ ကာတုံ အပ္ပဟောနကေ  
 သတိ။ ပစ္စာသာယာတိ စိဝရပဋိလာဘာသာယ။ အနုညာတကာလေတိ  
 အနတ္တတေ ကထိနေ ဧကော ပစ္စိမကတ္တိကမာသော၊ အတ္တတေ ကထိနေ  
 ပစ္စိမကတ္တိကမာသေန သဟ ဟေမန္တိကာ စတ္တာရော မာသာ၊ ပိဋ္ဌိသမယေ  
 ယော ကောစိ ဧကော မာသောတိ ဧဝံ တတိယကထိနသိက္ခာပဒါဒိသု  
 အနုညာတသမယေ။ သုတ္တန္တိ စိဝရသိဗ္ဗနသုတ္တံ။ ဝိနယကမ္မံ ကတွာတိ မူလ-  
 စိဝရံ ပရိက္ခာရစောဠံ အဓိဋ္ဌဟိတွာ ပစ္စာသာစိဝရမေဝ မူလစိဝရံ ကတွာ  
 ဌပေတဗ္ဗံ၊ တံ ပုန မာသပရိဟာရံ လဘတိ၊ ဧတေန ဥပါယေန ယာဝ ဣစ္ဆတိ၊  
 တာဝ အညမညံ မူလစိဝရံ ကတွာ ဌပေတုံ လဗ္ဘတိတိ ဝုတ္တနယေန၊ ဝိကပ္ပနာ-  
 ဝသေန ဝါ ဝိနယကမ္မံ ကတွာ။ ကသ္မာ န ဝဇ္ဇတိတိ အာဟ “သန္တိဓိ ဓ ဟောတိ  
 သလ္လေခန္တ ကောပေတိ”တိ။

ဥပရိ မဏ္ဍပသဒိသံ ပဒရစ္ဆန္တံ၊ သဗ္ဗပလိဂုဏ်မိံ ဝါ ဆာဒေတွာ ကတံ ဓယံ။  
 ဥဘောသု ပဿေသု သုဝဏ္ဏရဇတောဒိမယာ ဂေါပါနသိယော ဒတွာ  
 ဂရုဋ္ဌပက္ခကနယေန ကတာ သန္တမာနိတာ။ ဖလကာဒိနာ ကတံ ပိဋကယာနံ  
 သိဝိကာ။ အန္တောလိကာသင်္ခါတာ ပဋ္ဌပေါဋ္ဌလိကာ ပါဠိဟိ။ “ကေဘိက္ခုသု  
 ဟိ”တိအာဒိ တဒတ္ထဿ သမတ္တနံ။ အရညတ္တာယာတိ အရညဂမနတ္တာယ။  
 ဧတပပါဒကတ္တာယာတိ ဧတပတပါဒါနမနုရက္ခဏတ္တာယ။ သံဟနိတဗ္ဗာ  
 ဗန္တိတဗ္ဗာတိ သင်္ခာဋ္ဌာ၊ ဥပါဟနာယေဝ သင်္ခာဋ္ဌာ တထာ၊ ယုဂဋ္ဌဘူတာ  
 ဥပါဟနာတိ အတ္ထော။ အညဿ ဒါတဗ္ဗာတိ ဧတ္ထ ဝုတ္တနယေန ဒါနံ ဝေဒိတဗ္ဗံ။

မဇ္ဈောတိ နိဒဿနမတ္တံ။ သဗ္ဗေပိ ဟိ ပိဋ္ဌဘိသာဒယော နိသီဒနသယနယောဂ္ဂါ  
 ဂဟေတဗ္ဗာ တေသုပိ တထာပဋိပဋ္ဌိတဗ္ဗတော။

အာဗာပေစ္စယာ ဧဝ အတ္တနာ ပရိဘုဉ္ဇိတဗ္ဗာ ဂန္ဓာ ဝဇ္ဇန္တိတိ ဒဿေတိ  
 “ကဏ္ဍ၊ ကန္တ၊ ဆဝိဒေါသာဒိအာဗာပေ သတိ”တိ ဣမိနာ။ “လက္ခဏေ ဟိ  
 သတိ ဟေတုတ္ထောပိ ကတ္တမိ သမ္ဘဝတိ”တိ ဟေဋ္ဌာ ဝုတ္တောယေဝ။ တတ္ထ

ကဏ္ဍုတိ ခဇ္ဇ။ ကန္တုတိ ဝိတတ္ထိကာ။ ဆဝိဒေါသောတိ ကိလာသာဒိ။  
 အာဟရုပေတွာတိ ဉ္ဇတိပဝါရိတတော ဘိက္ခာစာရဝတ္ထေန ဝါ န ယေန  
 ကေနစိ ဝါ အာကာရေန ဟရုပေတွာ။ ဘောသဇ္ဇပစ္စယေဟိ ဂိလာနဿ  
 ဝိညတ္တိပိ ဝဇ္ဇတိ။ “အနုဇာနာမိ ဘိက္ခဝေ ဂန္ဓံ ဂဟေတွာ ကဝါဠေ ပဉ္စဂုံလိကံ  
 ဒါတုံ၊ ပုပ္ဖံ ဂဟေတွာ ဝိဟာရေ ကေမန္တံ နိက္ခိပိတု”န္တိ ဝစနတော “ဒွါရေ”တိ  
 အာဒိ ဝုတ္တံ။ ဆရူပနံ ဝိဟာရဝါသနာ၊ စေတိယသရဝါသနာ ဝါ။ အာဒိ-  
 သဒ္ဓေန စေတိယပဋိမာပူဇာဒီနိ သင်္ဂဏှာတိ။

ကိလေသေဟိ အာမသိတဗ္ဗတော အာမိသံ၊ ယံ ကိန္ဓိ ဥပဘောဂါရဟံ  
 ဝတ္ထု၊ တဿ ယထာဝုတ္တာနမ္ပိ ပသင်္ဂံ နိဝါရေတုံ “ဝုတ္တာဝသေသံ ဒဋ္ဌဗ္ဗ”န္တိ  
 အာဟ၊ ပါရိသေသနယတော ဂဟိတတ္တာ ဝုတ္တာဝသေသံ ဒဋ္ဌဗ္ဗန္တိ အဓိပ္ပါယော။  
 ကိံ ပနေတန္တိ ဝုတ္တံ “သေယျထိဒ”န္တိအာဒိ။ တထာဂူပေ ကာလေတိ ဂါမံ  
 ပဝိသိတုံ ဒုက္ကရာဒိကာလေ။ ဝလ္လုရောတိ သုက္ခမံသံ။ အာဇန-သဒ္ဓေါ  
 သပ္ပိတေလဂုဠသဒ္ဓေဟိ ယောဇေတဗ္ဗော တဒဝိနာဘာဝိတ္တာ။ ကာလသေဝါတိ  
 ပဂေဝ။ ဥဒကကဒ္ဓမေတိ ဥဒကေ စ ကဒ္ဓမေ စ။ နိမိတ္တေ စေတံ ဘုမ္မံ၊  
 ဘာဝလက္ခဏေ ဝါ။ အန္တထာတိ နိသိဒထ။ ဘုဉ္ဇန္တသေဝါတိ ဘုဉ္ဇတော ဧဝ  
 ဘိက္ခုနော၊ သမ္ပဒါနဝစနံ၊ အနာဒရတ္ထေ ဝါ သာမိဝစနံ။ ကိရိယန္တရာဝစ္ဆေ-  
 ဒနယောဂေန ဟေတ္ထ အနာဒရတာ။ ဂီဝါယာမကန္တိ ဘာဝနပုံသကဝစနံ၊  
 ဂီဝံ အာယမေတွာ အာယတံ ကတွာတိ အတ္ထော၊ ယထာ ဝါ ဘုတ္တေ  
 အတိဘုတ္တတာယ ဂီဝါ အာယမိတဗ္ဗာ ဟောတိ၊ တထာတိပိ ဝဇ္ဇတိ။  
 စတုမာသမ္ပိတိ ဝဿာနဿ စတ္တာရော မာသေပိ။ ကုဋုမ္ပံ ဝုစ္ဆတိ ခနံ၊  
 တဒဿတ္တိတိ ကုဋုမ္ပိကော၊ မုဏ္ဍော စ သော ကုဋုမ္ပိကော စာတိ  
 ပုဏ္ဏကုဋုမ္ပိကော၊ တဿ ဇိဝိကံ တထာ၊ တံ ကတွာ ဇိဝိတိတိ  
 အတ္ထော။ နယဒဿနမတ္တဉ္စေတံ အာမိသပဒေန ဒဿိတာနံ သန္ဓိမိဝတ္ထုနန္တိ  
 ဒဋ္ဌဗ္ဗံ။

တဗ္ဗိရဟိတံ သမဏပဋိပတ္တိံ ဒဿေန္တော “ဘိက္ခုနော ပနာ”တိ-  
 အာဒိမာဟ။ တတ္ထ “ဂုဠဝိဏ္ဍော တာလပက္ကပ္ပမာဏ”န္တိ သာရတ္ထဒီပနိယံ ဝုတ္တံ။  
 စတုအာဂမတ္တန္တိ ကုဋုမ္ပမတ္တန္တိ ဝုတ္တံ။ “ကော တဏှုလနာဠိ”တိ ဝုတ္တတ္တာ ပန  
 တဿာ စတုဘာဂေါ ကေပတ္ထောတိ ဝဒန္တိ။ ဝုတ္တု—

“ကုဋုဝေါ ပသတော ဧကော၊ ပတ္ထော တေ စတုရော သိယံ။  
 အာဠကော စတုရော ပတ္တာ၊ ဒေါဏံ ဝါ စတုရဠက”န္တိ။

---

၁-ဝိ ၄-၂၆၁-ဝိဇ္ဇေ၊ ၂-အဘိဓာနေ ဘုကဏ္ဍေ စတုဗ္ဗဏ္ဏဝဂ္ဂေ-၄၈၂-ဂါထာ။

ကသ္မာတိ ဝုတ္တံ “တေ ဟိ”တိအာဒိ။ အာဟာရပေတွာပိ ဌပေတုံ ဝန္တတိ၊ ပဂေဝ ယထာလဉ္စိ။ “အဗာသုကကာလေ”တိအာဒိနာ သုဒ္ဓစိတ္တေန ဌပိတဿ ပရိဘောဂေါ သလ္လေခံ န ကောပေတိတိ ဒဿေတိ။ သမ္မုတိကုဋ်ကာဒယော စတဿော၊ အဝါသာဂါရဘူတေန ဝါ ဥပေါသထာဂါရာဒိနာ သဟ ပဉ္စကုဋ်-ယော သန္ဓာယ “ကပ္ပိယကုဋ်ယ”န္တိအာဒိ ဝုတ္တံ။ သန္တိမိ နာမ နတ္ထိ တတ္ထ အန္တောဝုတ္ထအန္တောပက္ကဿ အနုညာတတ္တာ။ “တထာဂတဿာ”တိအာဒိနာ အဓိကာရာနုရူပံ အတ္ထံ ပယောဇေတိ။ ဝိလောတိကဗ္ဗန္တန္တိ ဇိဏ္ဏစောဠာဓဏ္ဍံ။

၁၃။ “ဝိဝံ ပသာရေတွာ”တိ ဇေတေန သယမေဝ အာပါထဂမနေ ဒေါသော နတ္ထိတိ ဒဿေတိ။ ဧတ္တကမ္ပိတိ ဝိနိစ္ဆယဝိစာရဏာ ဝတ္ထုကိတ္တနမ္ပိ။ ပယောဇန-မတ္တမေဝါတိ ပဒတ္တယောဇနမတ္တမေဝ။ ယဿ ပန ပဒဿ ဝိတ္တာရကထံ ဝိနာ န သက္ကာ အတ္ထော ဝိညာတုံ၊ တတ္ထ ဝိတ္တာရကထာပိ ပဒတ္တသင်္ဂဟမေဝ ဂစ္ဆတိ။

ကုတူဟလဝသေန ပေက္ခိတဗ္ဗတော ပေက္ခံ၊ နဋသတ္ထဝိမိနာ ပယောဂေါ။ နဋသမူဟေန ပန ဇနသမူဟေ ကတ္တဗ္ဗဝသေန “နဋသမ္ပန္တ”န္တိ ဝုတ္တံ။ ဇနာနံ သမ္ပဗ္ဗေ သမူဟေ ကတန္တိ ဟိ သမ္ပန္တံ။ သာရသမာသေ ပန “ပေက္ခာမဟ”န္တိ ဝိဝေန္တိ။ “သမ္ပဇ္ဇဒဿနဿဝ”န္တိ တေသံ မတေ အတ္ထော။ ဘာရတနာမကာနံ ဒွေဘာတုကရာဇုနံ၊ ရာမရညော စ ယုတ္တနာဒိကံ တပ္ပသုတေဟိ အာစိက္ခိတဗ္ဗတော အက္ခာနံ။ ဂန္တုမ္ပိ န ဝန္တတိ၊ ပဂေဝ တံ သောတုံ။ ပါဏိနာ တာဠိတဗ္ဗံ သရံ ပါဏိသရန္တိ အာဟာ “ကံသတောဠ”န္တိ၊ လောဟမယော တူရိယဇာတိဝိသေ-သော ကံသော၊ လောဟမယပတ္တော ဝါ၊ တဿ တာဠနသဒ္ဓန္တိ အတ္ထော။ ပါဏိနံ တာဠနသရန္တိ အတ္ထံ သန္ဓာယ ပါဏိတောဠန္တိ ဝိဝေန္တိ။ သနသင်္ခါတာနံ တူရိယဝိသေသာနံ တာဠနံ သနတောဠ နာမ၊ ဒဏ္ဍမယသမ္ပတာဠံ သိလာတလာ-ကတာဠံ ဝါ။ မန္တေနာတိ ဘူတာဝိသနမန္တေန။ ဧကေတိ သာရသမာသာစရိယာ၊ ဥတ္တရဝိဟာရဝါသိနော စ၊ ယထာ စေတ္ထ၊ ဧဝမိတော ပရေသုပိ “ဧကေ”တိ-အာဂတဋ္ဌာနေသု။ တေ ကိရ ဒိသနိကာယဿတ္ထဝိသေသဝါဒိနော။ စတုရဿ-အဗ္ဗဏကတောဠံ နာမ ရုက္ခသာရဒဏ္ဍာဒိသု ယေန ကေနစိ စတုရဿအဗ္ဗဏံ ကတွာ စတုသု ပဿေသု စမ္ပေန ဩနဒ္ဓိတွာ ဝါဒိတဘဏ္ဍဿ တာဠနံ။ တဗ္ဗိ ကောဒသဒေါဏပုံမာဏမာနဝိသေသသဏ္ဌာနတ္တာ “အဗ္ဗဏက”န္တိ ဝုတ္တတိ၊ မိမ္ဗိသကန္တိပိ တဿေဝ နာမံ။ တယာ ကုမ္ဘသဏ္ဌာနတာယ ကုမ္ဘော၊ သဇ္ဇော-ယေဝ ဝါ၊ တဿ ဓုနနန္တိ ဓုဒ္ဓကဘာဏကာ။ အန္တောတ္ထိရဏံ ရင်္ဂဗလိကရဏံ။ တေ ဟိ နစ္စဋ္ဌာနေ ဒေဝတာနံ ဗလိကရဏံ နာမ ကတွာ ကိဋ္ဌန္တိ၊ ယံ “နန္တိ”တိပိ

ဝုစ္စတိ။ ဣတ္ထိပုရိသသံယောဂါဒိကိလေသဇနကံ ပဋိဘာနစိတ္တံ သောဘန-  
 ကရဏတော သောဘနဉာရံ နာမ။ “သောဘနသရက”န္တိ သာရသမာသေ  
 ဝုတ္တံ။ စဏ္ဍာယ အလန္တိ စဏ္ဍာလံ၊ အယောဂုဋ္ဌကိဋ္ဌာ။ စဏ္ဍာလာ နာမ ဟိန-  
 ဇာတိကာ သုနခမံသဘောဇိနော၊ တေသံ ဣဒန္တိ စဏ္ဍာလံ။ သာဏေ ဥဒ-  
 ကေန တေမေတွာ အညမညံ အာကောဋ္ဌနကိဋ္ဌာ သာဏဓောဝနကိဋ္ဌာ။  
 ဝံသေန ကတံ ကိဋ္ဌနံ ဝံသန္တိ အာဟ “ဝေဠု၊ ဥဿာပေတွာ ကိဋ္ဌန”န္တိ။

နိခဏိတွာတိ ဘူမိယံ နိခါတံ ကတွာ။ နက္ခတ္တကာလေတိ နက္ခတ္တယောဂ-  
 ဆဏကာလေ။ တမတ္ထံ အင်္ဂုတ္တရာဂမေ ဒသကနိပါတပါဠိယာ သာဓေန္တော  
 “ဝုတ္တမ္ပိစေတ”န္တိ အာဒိမာဟ။ တတ္ထာတိ တသ္မိံ အဋ္ဌိဓောဝနော။ ဣန္ဒဇာလေနာတိ  
 အဋ္ဌိဓောဝနမန္တံ ပရိဇပေတွာ ယထာ ပရေ အဋ္ဌိနိယေဝ ပဿန္တိ၊ န မံသာဒိနိ၊  
 ဧဝံ မံသာဒိနမန္တရဓာပနမာယာယ။ ဣန္ဒဿ ဇာလမိဝ ဟိ ပဋိစ္ဆာဒိတုံ  
 သမတ္တနတော “ဣန္ဒဇာလ”န္တိ မာယာ ဝုစ္စတိ ဣန္ဒစာပါဒယော ဝိယ။ အဋ္ဌိ-  
 ဓောဝနန္တိ အဋ္ဌိဓောဝနကိဋ္ဌာ။

ဟတ္ထိအာဒိဟိ သဒ္ဓိံ ယုဇ္ဈိတုန္တိ ဟတ္ထိအာဒိသု အဘိရုဟိတွာ အညေဟိ  
 သဒ္ဓိံ ယုဇ္ဈနံ၊ ဟတ္ထိအာဒိဟိ စ သဒ္ဓိံ သယမေဝ ယုဇ္ဈနံ သန္ဓာယ  
 ဝုတ္တံ၊ ဟတ္ထိအာဒိဟိ သဒ္ဓိံ အညေဟိ ယုဇ္ဈိတုံ၊ သယံ ဝါ ယုဇ္ဈိတုန္တိ  
 ဟိ အတ္ထော။ စေတိ ဟတ္ထိအာဒိယော။ အညမညံ မထေန္တိ ဝိလောထေန္တိတိ  
 ဗလ္လာ၊ ဗာဟုယုဒ္ဓကာရကာ၊ တေသံ ယုဒ္ဓိံ။ သမ္ပဟာရေတိ သင်္ဂါမော။  
 ဗလဿ သေနာယ အဂ္ဂံ ဂဏနကောဋ္ဌာသံ ကရေန္တိ ဧတ္ထာတိ ဗလဂ္ဂံ၊ “ဧတ္တ-  
 ကာ ဟတ္ထိ၊ ဧတ္တကာ အဿာ”တိအာဒိနာ ဗလဂဏနဋ္ဌာနံ။ သေနံ ဝိယူဟန္တိ  
 ဧတ္ထ ဝိဘဇိတွာ ဌပေန္တိ၊ သေနာယ ဝါ ဧတ္ထ ဗျူဟနံ ဝိချာသောတိ သေနာ-  
 ဗျူဟော၊ “ဣတော ဟတ္ထိ ဟောန္တု၊ ဣတော အဿာ ဟောန္တု”တိအာဒိနာ  
 ယုဒ္ဓတ္ထံ စတုရင်္ဂဗလဿ သေနာယ ဒေသဝိသေသေသု ဝိစာရဏဋ္ဌာနံ၊ တံ ပန  
 ဘေဒတော သကဋ္ဌဗျူဟာဒိဝသေန။ အာဒိ-သဒ္ဓေန စက္ကပဒုမဗျူဟာနံ ဒဏ္ဍ-  
 ဘောဂမဏ္ဍလာသံဟတဗျူဟာနဉ္စ ဂဟဏံ၊ “တယော ဟတ္ထိ ပစ္ဆိမံ ဟတ္ထာနိကံ၊  
 တယော အဿာ ပစ္ဆိမံ အဿာနိကံ၊ တယော ရထာ ပစ္ဆိမံ ရထာနိကံ၊  
 စက္ကာရေ ပုရိသာ သရဟတ္ထာ ပတ္တိ ပစ္ဆိမံ ပတ္တာနိက”န္တိ၊ ကဏ္ဍဝိဒ္ဓသိက္ခာ-  
 ပဒဿ ပဒဘာဇနံ သန္ဓာယ “တယော။ပ။ အာဒိနာ နယေန ဝုတ္တဿာ”တိ  
 အာဟ။ တဉ္စ ခေါ “ဒွါဒသပုရိသော ဟတ္ထိ၊ တိပုရိသော အဿော၊

“စတုပုရိသော ရထော၊ စတ္တာရော ပုရိသာ သရဟတ္တာ ပတ္တိ”တိ<sup>၁</sup> ဂုတ္တ-  
လက္ခဏတော ဟတ္ထိအာဒိဂဏနေနာတိ ဒဋ္ဌဗ္ဗံ၊ ဧတေန စ “ဆ ဟတ္ထိနိယော၊  
ဧကော စ ဟတ္ထိ ဣဒမေက”န္တိ၊ စဗ္ဗက္ခန္ဓကဝဏ္ဏနာယံ ဂုတ္တမနိကံ ပဋိက္ခိပတိ။

၁၄။ ကာရဏံ နာမ ဖလဿ ဌာနန္တိ ဂုတ္တံ “ပမာဒေါ။ပ။ ဌာန”န္တိ။  
ပဒါနီတိ သာရိအာဒိနံ ပတိဌာနာနံ။ အဌာပဒန္တိ သညာယ ဒိဃတာ။ “အဌ-  
ပဒ”န္တိပိ ပဌန္တိ။ ဒသပဒံ နာမ ဦဟိ ပန္တိဟိ ဝိသတိယာ ပဒေဟိ ကိဋ္ဌနဇ္ဇတံ။  
အဌပဒဒသပဒေသုတိ အဌပဒဒသပဒဖလဂေသု။ အာကာသေယေဝ ကိဋ္ဌနန္တိ  
“အယံ သာရိအသုကပဒံ မယာ နိတာ၊ အယံ အသုကပဒ”န္တိ ဧကဝလံ မုခေနေဝ  
ဝဒန္တာနံ အာကာသေယေဝ ဇူတဿ ကိဋ္ဌနံ။ နာနာပထမဏ္ဍလန္တိ အနေက-  
ဝိဟိတသာရိမဂ္ဂပရိဝဋ္ဌံ။ ပရိဟရိတဗ္ဗန္တိ သာရိယော ပရိဟရိတုံ ယုတ္တကံ။  
ဣတော စိတော စ သရန္တိ ပရိဝတ္တန္တိတိ သာရိယော၊ ယေန ဧကေနစိ ကတာနိ  
အက္ခဗိဇာနိ။ တတ္ထာတိ တာသု သာရိသု၊ တသ္မိံ ဝါ အပနယနုပနယနေ။  
ဇူတခလိကေတိ ဇူတမဏ္ဍလေ။ “ဇူတဖလကေ”တိပိ အရုနာ ပါဌော။ ပါသကံ  
ဂုစ္ဆတိ ဆသု ပဿေသု ဧကေကံ ယာဝ ဆက္ကံ ဒဿေတွာ ကတကိဋ္ဌနကံ၊ တံ  
ဝဓေတွာ ယထာလဒ္ဓိ ဧကကာဒိဝသေန သာရိယော အပနေန္တော၊ ဥပနေန္တော  
စ ကိဋ္ဌန္တိ၊ ပသတိ အဌပဒါဒိသု ဗာဓတိ၊ ဖုသတိ စာတိဟိ ပါသကော၊ စတုဗ္ဗိ-  
သတိဝိဓော အက္ခော။ ယံ သန္ဓာယ ဂုတ္တံ—

“အဌကံ မာလိကံ ဂုတ္တံ၊ သာဝနုဉ္စ ဆကံ မတံ။  
စတုက္ကံ ဗဟုလံ ဥေယျံ၊ ဦ ပိန္နသန္တိဘဒြကံ။  
စတုဝိသတိ အာယာ စ၊ မုနိန္ဒေန ပကာသိတာ”တိ။

တေန ကိဋ္ဌနမိမ ပါသကကိဋ္ဌနံ။ ဃဋ္ဌနံ ပဟရဏံ၊ တေန ကိဋ္ဌာ ဃဋ္ဌိကာတိ  
အာဟ “ဒီဃဒဏ္ဍကေနာ”တိအာဒိ။ ဃဋ္ဌေန ကုမ္ဘေန ကိဋ္ဌာ ဃဋ္ဌိကာတိ  
ဧကေ။ မဉ္ဇိဋ္ဌိကာယ ဝါတိ မဉ္ဇိဋ္ဌိသင်္ခါတဿ ယောဇနဝလ္လိရက္ခဿ သာရံ  
ဂဟေတွာ ပက္ကကသာဝံ သန္ဓာယ ဝဒတိ။ သိတ္ထောဒကေန ဝါ<sup>၂</sup>တိ စ ပက္က-  
မရသိတ္ထောဒကံ။ သလကဟတ္ထန္တိ တာလဟိရာဒိနံ ကလာပဿေတံ အဝိဝစနံ။  
ဗဟူသု သလကာသု ဝိသေသရဟိတံ ဧကံ သလကံ ဂဟေတွာ တာသု  
ပက္ခိပိတွာ ပုန တညေဝ ဥဒ္ဓရန္တာ သလကဟတ္ထေန ကိဋ္ဌန္တိတိ ဧကေ။ ဂုဋ္ဌ-  
ကိဋ္ဌာတိ ဂုဋ္ဌဖလကိဋ္ဌာ၊ ယေန ဧကေနစိ ဝါ ကတဂုဋ္ဌကိဋ္ဌာ။ ပဏ္ဍေန ဝံသာကာ-  
ရေန ကတာ နာဋိကာ ပဏ္ဍနာဋိကာ၊ တေနောဝါဟ “တံ ဓမ္မန္တာ”တိ။ ခုဒ္ဒကေ

၁-ဝိ ၂-၁၄၀-ပိဋ္ဌေ ဥယျုတ္တသေနာသိက္ခာပဒေ၊ ၂-ဝိ-၄၃-၃၆၇-ပိဋ္ဌေ၊  
၃-ပိဋ္ဌောဒကေန ဝါ(အဋ္ဌကထာယံ)

က-ပစ္စယောတိ ဒဿေတိ “**ခုဒ္ဒကနင်္ဂလ**” နှိ ဣမိနာ။ ဟတ္ထပါဒါနံ မောက္ခေန  
မောစနေန စယတိ ပရိဝတ္တတိ တောယာတိ **မောက္ခမိကာ**၊ တေနာဟ  
“**အာကာသေ ဝါ**” တိအာဒိ။ ပရိတ္တမနတ္တာယေဝ တံ ဓက္ကံ နာမာတိ  
ဒဿေတုံ “**ပရိတ္တမနဓက္ကံ**” နှိ ဝုတ္တံ။

ပဏ္ဍေန ကတာ နာဠိ **ပဏ္ဏနာဠိ**၊ ဣမိနာ ပတ္တာဠကပဒဒ္ဒယဿ ယထာက္ကမံ  
ပရိယာယံ ဒဿေတိ။ တေန ကတာ ပန ကိဠာ **ပတ္တာဠကတိ** ဝုတ္တံ  
“**တာယာ**” တိအာဒိ။ ခုဒ္ဒကော ရထော **ရထကော** က-သဒ္ဒဿ ခုဒ္ဒကတ္ထ-  
ဝစနတော။ ဧသ နယော သေသပဒေသုပိ။ အာကာသေ ဝါ ယံ ဉ္ဗပေတိ၊  
တဿ ပိဋ္ဌိယံ ဝါ ယထာ ဝါ တထာ ဝါ အက္ခရံ လိခိတွာ “**ဝေမိဒ**” နှိ  
ဇာနနေန ကိဠာ **အက္ခရိကာ**၊ ပုစ္ဆန္တဿ မုခါဂတံ အက္ခရံ ဂဟေတွာ  
နဠမုတ္တိလာဘာဒိဇာနနကိဠာတိပိ ဝဒန္တိ။ ဓဇ္ဇ-သဒ္ဓေါ အပရာဓတ္ထောတိ  
အာဟ “**ယထာဝဇ္ဇံ နာမာ**” တိအာဒိ။ ဝါဒိတာနုရူပံ နစ္စနံ၊ ဂါယနံ ဝါ ယထာ-  
ဝဇ္ဇန္တိပိ ဝဒန္တိ။ “**ဧဝံ ကတေ ဇယော ဘဝိဿတိ၊ ဧဝံ ကတေ ပရာဇယော**” တိ  
ဇယပရာဇယံ ပုရက္ခတွာ ပယောဂကရဏဝသေန ပရိဟာရပထာဒိနမ္ပိ  
ဇူတပ္ပမာဒဠာနဘာဝေါ ဝေဒိတဗ္ဗော၊ ပင်္ဂစိရာဒိဟိ စ ဝံသာဒိဟိ ကတ္တဗ္ဗာ  
ကိစ္စသိပ္ပိ၊ အသိပ္ပိ စာတိ ဇယပရာဇယာဝဟော ပယောဂေါ ဝုတ္တော၊ ယထာ-  
ဝဇ္ဇန္တိ စ ကာဏာဒိဟိ သဒိသာကာရဒဿနေဟိ ဇယပရာဇယဝသေန ဇူတ-  
ကိဠိကဘာဝေန ဝုတ္တံ။ သဗ္ဗေပိ ဟေတေ ဇောတေန္တိ ပကာသေန္တိ ဧတေဟိ  
တပ္ပယောဂိကာ ဇယပရာဇယဝသေန၊ ဇဝန္တိ စ ဂစ္ဆန္တိ ဇယပရာဇယံ ဧတေ-  
ဟိတိ ဝါ အတ္ထေန ဇူတသဒ္ဓဝစနိယတံ နာတိဝတ္တန္တိ။

၁၅။ ပမာဏာတိက္ကန္တာသနန္တိ “**အဠာရပါဒကံ ကာရေတဗ္ဗံ သုဂတင်္ဂ-  
လေနာ**” တိ ဝုတ္တပ္ပမာဏတော အတိက္ကန္တာသနံ။ ကမ္မဝသေန ပယောဇ-  
နတော “**အနယုတ္တာ ဝိဟရန္တိ တိ ပဒံ အပေက္ခိတွာ**” တိ ဝုတ္တံ။ ဝါဠုပါနိတိ  
အာဟရိမာနိ သီဟဗျုဒ္ဓါဒိဝါဠုပါနိ။ ဝုတ္တဉ္စိ **ဘိက္ခုနိဝိဘဏံ** “**ပလ္လင်္ကော  
နာမ အာဟရိမေဟိ ဝါဠေဟိ ကတော**” တိ ၂။ “**အကပ္ပိယရူပါကုလော အကပ္ပိ-  
ယမဇ္ဈော ပလ္လင်္ကော**” တိ **သာရသမာသေ** ဝုတ္တံ။ **ဒီဃလောမကော မဟာ-  
ကောဇဝေါ**တိ စတုရင်္ဂလာမိကလောမော ကာဠဝတ္ထော မဟာကောဇဝေါ။  
ကု ဝုစ္စတိ ပထဝီ၊ တဿံ ဇဝတိ သောဘနဝိတ္ထုဠဝသေနာတိ **ကောဇဝေါ**။  
“**စတုရင်္ဂလာမိကာနိ ကိရ တဿ လောမာနိ**” တိ ဝစနတော စတုရင်္ဂလတော

ဟေဋ္ဌာ ဝဋ်တိတိ ဝဒန္တိ။ ဥဒ္ဓလောမီ ဧကန္တလောမီတိ ဝိသေသဒဿနမေတံ၊ တဿ ယဒိ တာသု န ပဝိသတိ၊ ဝဋ်တိတိ ဂဟေတဗ္ဗံ။ ဝါနဝိစိတ္တန္တိ ဘိတ္တိစ္ဆ-ဒါဒိအာကာရေန ဝါနေန သိဗ္ဗနေန ဝိစိတြိ။ ဥဏ္ဏာမယတ္ထရဏန္တိ မိဂလောမ-ပကတမတ္ထရဏံ။ သေတတ္ထရဏောတိ ဝေလတ္ထရဏော။ သီတတ္ထိကေဟိ သေဝိတဗ္ဗတ္တာ သေတတ္ထရဏော၊ “ဗဟုမုဒုလောမကော”တိပိ ဝဒန္တိ။ ဃန-ပုပ္ဖကောတိ သဗ္ဗထာ ပုပ္ဖါကာရသဗ္ဗန္ဓော။ “ဥဏ္ဏာမယတ္ထရဏောတိ ဥဏ္ဏာ-မယော လောဟိတတ္ထရဏော”တိ သာရတ္ထဒီပနိယံ ဝုတ္တံ။ အာမလကပတ္တာ-ကာရာဟိ ပုပ္ဖပန္နိဟိ ယေဘုယျတော ကတတ္တာ အာမလကပတ္တောတိပိ ဝုတ္တိ။

တိဏ္ဏံ တူလာနန္တိ ရုက္ခတူလလတာတူလပေါဋ္ဌကီတူလသင်္ခါတာနံ တိဏ္ဏံ တူလာနံ။ ဥဒိတံ ဒွိသု လောမံ ဒဿာ ယဿာတိ ဥဒ္ဓလောမီ ဣ-ကာရဿ အ-ကာရံ၊ တ-ကာရဿ လောပံ၊ ဒွိဘာဝဉ္စ ကတွာ။ ဧကသ္မိံ အန္တေ လောမံ ဒဿာ ယဿာတိ ဧကန္တလောမီ။ ဥဘယတ္ထ ဧကစိတိ သာရသမာသာစရိယာ၊ ဥတ္တရဝိဟာရဝါသိနော စ။ တေသံ ဝါဒေ ပန ဥဒိတမေကတော ဥဂ္ဂတံ လောမမယံ ပုပ္ဖံ ယဿာတိ ဥဒ္ဓလောမီ ဝုတ္တနယေန။ ဥဘတော အန္တတော ဧကံ သဒိသံ လောမမယံ ပုပ္ဖံ ယဿာတိ ဧကန္တလောမီတိ ဝစနတ္ထော။ ဝိနယဋ္ဌကထာယံ ပန “ဥဒ္ဓလောမီတိ ဧကတော ဥဂ္ဂတလောမံ ဥဏ္ဏာမယတ္ထ-ရဏံ။ ‘ဥဒ္ဓလောမီ’တိပိ ပါဌော။ ဧကန္တလောမီတိ ဥဘတော ဥဂ္ဂတလောမံ ဥဏ္ဏာမယတ္ထရဏ”န္တိ ၂ ဝုတ္တံ၊ နာမမတ္ထမေသ ဝိသေသော။ အတ္ထတော ပန အဂ္ဂဟိတာဝသေသော အဋ္ဌကထာဒ္ဓယေပိ နတ္ထိတိ ဒဋ္ဌဗ္ဗော။

ကောသေယျဉ္စ ကဋိဿဉ္စ ကဋိဿာနိ ဝိရူပေကသေသဝသေန။ တေဟိ ပကတမတ္ထရဏံ ကဋိဿံ။ တေဒေဝတ္ထံ ဒဿေတုံ “ကောသေယျကဋိဿမယ-ပစ္စတ္ထရဏ”န္တိ ဝုတ္တံ၊ ကောသေယျသုတ္တာနမန္တရန္တရံ သုဝဏ္ဏမယသုတ္တာနိ ပဝေသေတွာ ဝိတမတ္ထရဏန္တိ ဝုတ္တံ ဟောတိ။ သုဝဏ္ဏသုတ္တံ ကိရ “ကဋိဿံ၊ ကဿဋ”န္တိ စ ဝဒန္တိ။ တေနော “ကောသေယျကဿဋမယ”န္တိ အာစရိယဓဗ္ဗ-ပါလတ္ထေရေန ၇ ဝုတ္တံ။ ကဋိဿံ နာမ ဝါကဝိသေသောတိပိ ဝဒန္တိ။ ရတနပရိ-သိဗ္ဗိတန္တိ ရတနေဟိ သံသိဗ္ဗိတံ၊ သုဝဏ္ဏလိတ္တန္တိ ဧကစိ။ သုဒ္ဓကောသေယျန္တိ ရတနပရိသိဗ္ဗနရဟိတံ။ ဝိနယေတိ ဝိနယဋ္ဌကထံ၊ ဝိနယပရိယာယံ ဝါ သန္ဓာယ ဝုတ္တံ။ ဣမ ဟိ သုတ္တန္တိကပရိယာယေ “ဌပေတွာ တူလိကံ သဗ္ဗာနေဝ ဂေါန-ကာဒိနိ ရတနပရိသိဗ္ဗိတာနိ ဝဋ်တိ”တိ ဝုတ္တံ။ ဝိနယပရိယာယံ ပန ပတွာ

ဂရုကော ဌာတဗ္ဗတ္တာ သုဒ္ဓကောသေယျမေဝ ဝဇ္ဇတိ၊ နေတရာနိတိ ဝိနိစ္ဆယော  
 ဝေဒိတဗ္ဗော၊ သုတ္တန္တိကပရိယာယေ ပန ရတနပရိသိဗ္ဗနရဟိတာပိ တူလိကာ  
 န ဝဇ္ဇတိ၊ ဣတရာနိ ဝဇ္ဇန္တိ၊ သစေပိ တာနိ ရတနပရိသိဗ္ဗိတာနိ၊ ဘူမတ္ထရဏ-  
 ဝသေန ယထာနုရူပံ မဉ္ဇဝိဌာဒိသု စ ဥပနေတုံ ဝဇ္ဇန္တိတိ။ သုတ္တန္တဒေသနာယ  
 ဂဟဋ္ဌာနမ္ပိ ဝသေန ဝုတ္တတ္တာ တေသံ သင်္ဂဏှနတ္ထံ “ဌပေတွာ။ပ။ န ဝဇ္ဇန္တိတိ  
 ဝုတ္တ”န္တိ အပရေ။ ဒီဃနိကာယဋ္ဌကထာယန္တိ ကတ္ထစိ ပါဌော၊ ပေါရာဏဒီဃ-  
 နိကာယဋ္ဌကထာယန္တိ အတ္ထော။ နစ္စယောဂ္ဂန္တိ နစ္စိတုံ ပဟောနကံ။ ကရောန္တိ  
 ဧတ္ထ နစ္စန္တိ ဣတ္တကံ၊ တံ ပန ဥဒ္ဓလောမိဧကန္တလောမိဝိသေသမေဝ။ ဝုတ္တဉ္စ—

“ဒွိဒသေကဒသာနုဋ္ဌ-လောမိဧကန္တလောမိနော။  
 တဒေဝ သောဋ္ဌသိတ္တိနံ၊ နစ္စယောဂ္ဂံ ဟိ ကုတ္တက”န္တိ။

ဟတ္ထိနော ဝိဋ္ဌိယံ အတ္ထရံ ဟတ္ထတ္ထရံ။ ဧဝံ သေသပဒေသုပိ။ အဇိနစဗ္ဗေ-  
 ဟိတိ အဇိနမိဂစဗ္ဗေဟိ၊ တာနိ ကိရ စမ္မာနိ သုခုမတရာနိ၊ တသ္မာ ဒုပဇ္ဇ-  
 တိပဇ္ဇာနိ ကဘ္ဘာ သိဗ္ဗန္တိ။ တေန ဝုတ္တံ “အဇိနပ္ပဝေဏ်”တိ၊ ဥပရူပရံ ဌပေတွာ  
 သိဗ္ဗနဝသေန ဟိ သန္တတိဘူတာ “ပဝေဏ်”တိ ဝုဇ္ဇတိ။ ကဒလိမိဂေါတိ မဉ္ဇာရာ-  
 ကာရမိဂေါ၊ တဿ စဗ္ဗေန ကတံ ပဝရပစ္စတ္ထရဏံ တထာ။ “တံ ကိရာ”တိအာဒိ  
 တဒါကာရဒဿနံ၊ တသ္မာ သုဒ္ဓမေဝ ကဒလိမိဂစမ္ပံ ဝဇ္ဇတိတိ ဝဒန္တိ။ ဥတ္တရံ  
 ဥပရိဘာဂံ ဆာဒေတိတိ ဥတ္တရန္တဒေါ၊ ဝိတာနံ။ တမ္ပိ လောဟိတမေဝ ဣဓာ-  
 မိပ္ပေတန္တိ အာဟ “ရတ္တဝိတာနေနာ”တိ။ “ယံ ဝတ္တတိ၊ တံ သဥတ္တရန္တဒ”န္တိ  
 ဧတ္ထ သေသော၊ သံသိဗ္ဗိတဘာဝေန သမ္ဘိံ ဝတ္တတိတိ အတ္ထော။ ရတ္တဝိတာ-  
 နေသု စ ကာသာဝံ ဝဇ္ဇတိ၊ ကုသုတ္တဒိရတ္တမေဝ န ဝဇ္ဇတိ၊ တဉ္စ ခေါ သဗ္ဗ-  
 ရတ္တမေဝ။ ယံ ပန နာနာဝဏ္ဏံ ဝါနစိတ္တံ ဝါ လေပစိတ္တံ ဝါ၊ တံ ဝဇ္ဇတိ။ ပစ္စတ္တ-  
 ရဏဿေဝ ပဓာနတ္တာ တပ္ပဋိဗ္ဗန္တိ သေတဝိတာနမ္ပိ န ဝဇ္ဇတိတိ ဝုတ္တံ။  
 ဥဘတောတိ ဥဘယတ္ထ မဉ္ဇဿ သီသဘာဂေ၊ ပါဒဘာဂေ စာတိ အတ္ထော။  
 ဧတ္ထာပိ သဥတ္တရန္တဒေ ဝိယ ဝိနိစ္ဆယော။ ပဗုမဝဏ္ဏံ ဝါတိ နာတိရတ္တံ သန္ဓာ-  
 ယာဟ။ ဝိစိတြိ ဝါတိ ပန သဗ္ဗထာ ကပ္ပိယတ္တာ ဝုတ္တံ၊ န ပန ဥဘတော  
 ဥပဓာနေသု အကပ္ပိယတ္တာ။ န ဟိ လောဟိတက-သဒ္ဓေါ စိတ္တေ ဝဇ္ဇတိ။  
 ပဋုလိကဂ္ဂဟဏေနေဝ စိတ္တကဿာပိ အတ္ထရဏဿ သင်္ဂဟေတဗ္ဗပ္ပသင်္ဂတော။  
 သစေ ပမာဏယုတ္တန္တိ ဝုတ္တမေဝတ္ထံ ဗျတိရေကတော သမတ္ထေတုံ အာဟ  
 “မဟာဥပဓာနံ ပန ပဋိက္ခိတ္တ”န္တိ။ မဟာဥပဓာနန္တိ စ ပမာဏာတိက္ကန္တံ  
 ဥပဓာနံ။ သီသပ္ပမာဏမေဝ ဟိ တဿ ပမာဏံ။ ဝုတ္တဉ္စ “အနုဇာနာမိ ဘိက္ခဝေ

သီသပ္ပမာဏံ ဗိဗ္ဗောဟနံ ကာတု”န္တိ။ သီသပ္ပမာဏန္တ နာမ ယဿ ဝိတ္တာရတော တီသု ကဏ္ဍေသု ခြိန္တံ ကဏ္ဍာနံ အန္တရံ မိနိယမာနံ ဝိဒတ္ထိ စေဝ စတုရဂ်လဉ္စ ဟောတိ။ ဗိဗ္ဗောဟနဿ မဇ္ဈိဋ္ဌာနံ တိရိယတော မုဋ္ဌိရတနံ ဟောတိ၊ ဒီဃတော ပန ဒီယမုရတနံ ဝါ ခြိရတနံ ဝါ။ တံ ပန အကပ္ပိယတ္တာယေဝ ပဋိက္ခိတ္တံ၊ န တု ဥစ္စာသယနမဟာသယနပရိယာပနတ္တာ။ ခွေဝီတိ သီသုပဓာနံ၊ ပါဒူပဓာနဉ္စ။

**ပစ္စတ္တရဏံ ဒတ္တာတိ** ပစ္စတ္တရဏံ ကတွာ၊ အတ္တရိတွာတိ အတ္ထော၊ ဣဒဉ္စ ဂိလာန-  
မေဝ သန္ဓာယ ဝုတ္တံ။ တေနာဟ **သေနာသနက္ခန္ဓကဝဏ္ဏနာယံ** “အဂိလာ-  
နဿာပိ သီသုပဓာနဉ္စ ပါဒူပဓာနဉ္စာတိ ဒွယမေဝ ဝဋ္ဋတိ။ ဂိလာနဿ  
ဗိဗ္ဗောဟနာနိ သန္တရိတွာ ဥပရိ ပစ္စတ္တရဏံ ကတွာ နိပဇ္ဇိတုမ္ပိ ဝဋ္ဋတိ”တိ။

**ဝုတ္တ-  
နယေနောတိ** ဝိနယေ ဘဂဝတာ ဝုတ္တနယေနော။ ကထံ ပန ဝုတ္တန္တိ  
အာဟ **“ဝုတ္တဉ္စေတ”**န္တိအာဒိ။ ယထာ အဋ္ဌဂ်လပါဒကံ ဟောတိ၊ ဧဝံ  
အာသန္ဓိယာ ပါဒတ္ထိန္တနံ ဝေဒိတဗ္ဗံ။ ပလ္လင်္ကဿ ပန အာဟရိမာနိ ဝါဠုရူပါနိ  
အာဟရိတွာ ပန အပ္ပဋိဗဒ္ဓတာကာရဏမ္ပိ ဘေဒနမေဝ။ **ဝိဇ္ဇေတွာတိ** ဇဋ်  
နိဗ္ဗေဓေတွာ။ **ဗိဗ္ဗောဟနံ ကာတုန္တိ** တာနိ ဝိဇ္ဇိတတူလာနိ အန္တော ပက္ခိ-  
ဝိတွာ ဗိဗ္ဗောဟနံ ကာတု။

၁၆။ **“မာတုကုန္တိတော နိက္ခန္တဒါရကာန”**န္တိ ဧတေန အဏ္ဏဇဇလာဗု-  
ဇာနမေဝ ဂဟဏံ၊ မာတုကုန္တိတော နိက္ခန္တတ္တာတိ စ ကာရဏံ ဒဿေတိ၊  
တေနောဝါယမတ္ထော သိဇ္ဈတိ “အနေကဒိဝသာနိ အန္တောသယနဟေတု ဧသ  
ဂန္တော”တိ။ **ဥစ္စာဒေန္တိ** ဥဗ္ဗဒေန္တိ။ **သဏ္ဌာနသမ္ပာဒနတ္ထန္တိ** သုသဏ္ဌာနတာ-  
သမ္ပာဒနတ္ထံ။ **ပရိမဒ္ဒန္တိ** တိ သမန္တတော မဒ္ဒန္တိ။

**တေသံယေဝ ဒါရကာနန္တိ** ပုညဝန္တာနမေဝ ဒါရကာနံ။ တေသမေဝ ဟိ  
ပကရဏာနုရူပတာယ ဂဟဏံ။ **မဟာမလ္လာနန္တိ** မဟတံ မာဟုယုဒ္ဓကာရကာနံ။  
**အာဒါသော** နာမ မဏ္ဍနကပကတိကာနံ မနဿာနံ အတ္တနော မုခဆာယာ-  
ပဿနတ္ထံ ကံသလောဟာဒီဟိ ကတော ဘဏ္ဍဝိသေသော။ တာဒိသံ သန္ဓာယ  
“ယံ ကိဉ္စိ။ ပ။ **န ဝဋ္ဋတိ**”တိ ဝုတ္တံ။ **အလင်္ကာရဉ္စနမေဝ** န ဘေသဇ္ဇဉ္စနံ။ မဏ္ဍနာ-  
နယောဂဿ ဟိ အဓိပ္ပေတတ္တာ တဓိဓာနဓိပ္ပေတံ။ လောကေ **မာလာ-သဒ္ဓေါ**  
ဗဒ္ဓမာလာယမေဝ “မာလာ မာလျံ ပုပ္ဖဒါမေ”တိ ဝစနတော။ သာသနေ ပန  
သုဒ္ဓပုပ္ဖေသုပိ နိရုဋ္ဌောတိ အာဟ **“အဗဒ္ဓမာလာ ဝါ”**တိ။ **ကာဠုပိဠကာဒီနန္တိ**  
ကာဠုဝဏ္ဏပိဠကာဒီနံ။ **မတ္တိကကတ္တန္တိ** ဩသဓေဟိ အဘိသင်္ခတံ ယောဂမတ္တိ-  
ကာစုဏ္ဏံ။ **ဒေန္တိ**တိ ဝိလေပေန္တိ။ **စလိတေတိ** ဝိကာရာပဇ္ဇနဝသေန စလနံ

ပတ္တေ၊ ကုပိတေတိ အတ္ထော။ ●တနာတိ သာသပကက္ကေန။ ဒေါသေတိ ကာဠုပ္ပိဋ္ဌကာဒိနံ ဟေတုဘူတေ လောဟိတဒေါသေ။ ခါဒိတေတိ အပနယနဝသေန ခါဒိတေ။ သန္တိသိန္ဓေတိ တာဒိသေ ဒုဠ္လလောဟိတေ ပရိက္ခိဏေ။ မုခရုဏ္ဏကေနာတိ မုခရိလေပနေန။ စုဏ္ဏန္တိတိ ဝိလိမ္ပေန္တိ။ တံ သဒ္ဓန္တိ မတ္တိကာကက္ကသာသပတိလဟလိဒ္ဓိကက္ကဒါနသင်္ခါတံ မုခရုဏ္ဏံ၊ မုခရိလေပနန္တ န ဝဇ္ဇတိ။ အတ္တာနုက္ကမသမ္ဘဝတော ဟိ အယံ ပဒဒ္ဓယဿ ဝဏ္ဏနာ။ မုခရုဏ္ဏသင်္ခါတံ မုခရိလေပနန္တ ဝါ ပဒဒ္ဓယဿ တုလျာဓိကရဏဝသေန အတ္ထဝိဘာဝနာ။

ဟတ္ထဗန္ဓန္တိ ဟတ္ထေ ဗန္ဓိတဗ္ဗမာဘရဏံ၊ တံ ပန သင်္ခကပါလာဒယောတိ အာဟ “ဟတ္ထ”တိအာဒိ။ သင်္ခါ ဝေ ကပါလံ တထာ။ “အပရေ”တိ-အာဒိနာ ယထာက္ကမံ “သိခါဗန္ဓ”န္တိအာဒိပဒါနမတ္ထံ သံဝဏ္ဏေတိ။ တတ္ထ သိခန္တိ စူဠံ။ စီရကံ နာမ ယေန စူဠာယ ထိရကရဏတ္ထံ၊ သောဘနတ္ထန္တ ဝိဇ္ဈတိ။ မုတ္တာယ၊ မုတ္တာ ဝေ ဝါ လတာ မုတ္တာလတာ၊ မုတ္တာဝဠိ။ ဒဏ္ဍော နာမ စတုဟတ္ထောတိ ဝုတ္တံ “စတုဟတ္ထဒဏ္ဍံ ဝါ”တိ။ အလင်္ကတဒဏ္ဍကန္တိ ပန တတော ဩမကံ ရထယဠိအာဒိကံ သန္ဓာယာဟ။ ဘေသဇ္ဇနာဠိကန္တိ ဘေသဇ္ဇတုမ္ပံ။ ပတ္တာဒိဩလမ္ပနံ ဝါမံသေယေဝ အာစိဏ္ဏန္တိ ဝုတ္တံ “ဝါမပသေ ဩလဂ္ဂိတ”န္တိ။ ကဏ္ဍိကာ နာမ ကူဠံ၊ ဟာယ စ ရတနေန စ ပရိက္ခိတ္တော ကောသော ယဿ တထာ။ ပဉ္စဝဏ္ဏသုတ္တသိမ္ပိတန္တိ နီလဝီတလောဟိတောဒါတမဉ္စိဠဝသေန ပဉ္စဝဏ္ဏေဟိ သုတ္တေဟိ သိမ္ပိတံ တိဝိဓမ္မိ ဆတ္တံ။ ရတနမတ္တာယာမံ စတုရင်္ဂလဝိတ္တတန္တိ တေသံ ပရိစယနိယာမေန ဝါ နလာဠေ ဗန္ဓိတုံ ပဟောနကပ္ပမာဏေန ဝါ ဝုတ္တံ။ “ကေသန္တပရိစ္ဆေဒံ ဒသေတွာ”တိ ဧတေန တဒနဇ္ဈောတ္ထရဏဝသေန ဗန္ဓနာကာရံ ဒသေတိ။ မေဃမုခေတိ အပ္ပန္တရေ။ “မဏိ”န္တိ ဣဒံ သိရောမဏိံ သန္ဓာယ ဝုတ္တန္တိ အာဟ “စူဠာမဏိ”န္တိ၊ စူဠာယံ မဏိန္တိ အတ္ထော။ စမရဿ အယံ စာမရော၊ သွေဝ ဝါလော၊ တေန ကတာ ဗိဇနိ စာမရဝါလဗိဇနိ။ အညာသံ ပန မကသဗိဇနိဝါကမယဗိဇနိ-ဥသီရမယဗိဇနိမောရဝိဉ္စမယဗိဇနိနံ၊ ဝိရူပနတာလဝဏ္ဏာနန္တ ကပ္ပိယတ္တာ တဿာယေဝ ဂဟဏံ ဒဠဗ္ဗံ။

၁၇။ ဒုဂ္ဂတိတော၊ သံသာရတော စ နိယျာတိ ဧတေနာတိ နိယျာနံ၊ သဂ္ဂမဂ္ဂေါ၊ မောက္ခမဂ္ဂေါ စ။ တံ နိယျာနမရဟတိ၊ တသ္မိံ ဝါ နိယျာနေ နိယုတ္တာ၊ တံ ဝါ နိယျာနံ ဖလဘူတံ ဧတိဿာတိ နိယျာနိကာ၊ ဝစီဒုစ္စရိတကိလေသတော နိယျာတိတိ ဝါ နိယျာနိကာ ဤ-ကာရဿ ရဿတ္တံ၊ ယ-ကာရဿ စ

က-ကာရံ ကတွာ။ အနိယ-သဒ္ဓေါ ဟိ ဗဟုလာ<sup>၁</sup> ကတွတ္ထာဘိဓာယကော။ စေတနာယ သဒ္ဓိ<sup>၂</sup> သမ္ပပ္ပလာပဝိရတိ ဣဓ အဓိပ္ပေတာ။ တပ္ပုပ္ပါပက္ခတော အနိယျာနိကာ၊ သမ္ပပ္ပလာပေါ၊ တဿာ ဘာဝေါ အနိယျာနိကတ္တံ၊ တသ္မာ အနိယျာနိကတ္တာ။ တိရစ္ဆာနဘူတတိ တိရောကရဏဘူတာ ဝိဗန္ဓနဘူတာ။ သောဝိ နာမာတိ ဧတ္ထ နာမ-သဒ္ဓေါ ဂရဟာယံ။ ကမ္မဋ္ဌာနဘာဝေတိ အနိစ္စတာပဋိသံယုတ္တတ္တာ စတုသစ္စကမ္မဋ္ဌာနဘာဝေ။ ကာမဿာဒဝသေနာတိ ကာမသင်္ခါတအဿာဒဝသေန။ သဟ အတ္ထေနာတိ သာတ္ထကံ၊ ဟိတပဋိသံယုတ္တန္တိ အတ္ထော။ ဥပါဟနာတိ ယာနကထာသမ္ပန္နံ သန္ဓာယ ဝုတ္တံ။ သုဠှ နိဝေသိတဗ္ဗောတိ သုနိဝိဇ္ဇော။ တဿာ ခုန္တိဝိဇ္ဇော။ ဂါမ-သဒ္ဓေန ဂါမဝါသိ ဇနောဝိ ဂဟိတောတိ အာဟ “အသုကဂါမဝါသိနော”တိအာဒိ။

သူရကထာတိ ဧတ္ထ သူရ-သဒ္ဓေါ ဝီရဝါစကောတိ ဒဿေတိ “သူရော အဟောသိ”တိ ဣမိနာ။ ဝိသိခါ နာမ မဂ္ဂသန္တိဝေသော၊ ဣဓ ပန ဝိသိခါ-ဂဟဏေန တန္တိဝါသိနောဝိ ဂဟိတာ “သဗ္ဗော ဂါမော အာဂတော”တိအာဒိသုဝိယ၊ တေနောဝါဟ “သဒ္ဓေါ ပသန္တာ”တိအာဒိ။

ကုမ္ဘဿ ဌာနံ နာမ ဥဒကဌာနန္တိ ဝုတ္တံ “ဥဒကဌာနကထာ”တိ။ ဥဒက-တိတ္ထကထာတိဝိ ဝုစ္စတိ တတ္ထေဝ သမဝရောဓတော။ အဝိစ ကုမ္ဘဿ ကရဏဌာနံ ကုမ္ဘဌာနံ။ တဒပဒေသေန ပန ကုမ္ဘဒါသိယော ဝုတ္တာတိ ဒဿေတိ “ကုမ္ဘဒါသိကထာ ဝါ”တိ ဣမိနာ။ ပုဗ္ဗေ ပေတာ ကာလင်္ကတာတိ ပုဗ္ဗပေတာ။ “ပေတော ပရေတော ကာလင်္ကတော”တိ ဟိ ပရိယာယဝစနံ။ ဟေဌာ ဝုတ္တနယမတိဒိသိတုံ “တတ္ထာ”တိအာဒိ ဝုတ္တံ။

ပုရိမပန္နိမကထာဟိ ဝိမုတ္တာတိ ဣဓာဂတာဟိ ပုရိမာဟိ၊ ပစ္ဆိမာဟိ စ ကထာဟိ ဝိမုတ္တာ။ နာနာသဘာဝါတိ အတ္တ-သဒ္ဓဿ သဘာဝပရိယာယ-ဘာဝမာဟ။ အသုကေန နာမာတိ ပဇာပတိနာ မြဟ္မနာ၊ ဣဿရေန ဝါ။ ဥပ္ပတ္တိဌိတိသမ္ဘာရာဒိဝသေန လောကံ အက္ခာယတိ ဧတာယာတိ လောကက္ခာ-ယိကာ၊ သာ ပန လောကာယတသမညေ ဝိတဏှာသတ္ထေ နိဿိတာ သလ္လာပ-ကထာတိ ဒဿေတိ “လောကာယတဝိတဏှာသလ္လာပကထာ”တိ ဣမိနာ။ လောကာ ဗာလဇနာ အာယတန္တိ ဧတ္ထ ဥဿဟန္တိ ဝါဒဿာဒေနာတိ လောကာယတံ၊ လောကော ဝါ ဟိတံ န ယတတိ န ဣဟတိ တေနာတိ လောကာယတံ။ တဋ္ဌိ ဂန္တိ နိဿာယ သတ္တာ ပုညကိရိယာယ စိတ္တမ္ပိ န

ဥပ္ပါဒေန္တိ။ အညမညဝိရုဋ်၊ သဂ္ဂမောက္ခဝိရုဋ် ဝါ ကထံ တနောန္တိ ဧတ္ထာတိ ဝိတဏှော၊ ဝိရုဋ္ဌေန ဝါ ဝါဒဒဏှေန တာဠေန္တိ ဧတ္ထ ဝါဒိနောတိ ဝိတဏှော၊ သဗ္ဗတ္ထ နိရုတ္တိနယေန ပဒသိဋ္ဌိ။

သာဂရဒေဝေန ခတောတိ ဧတ္ထ သာဂရရညော ပုတ္တေဟိ ခတောတိပိ ဝဒန္တိ။ ဝိဇ္ဇတိ ပဝေဒနဟေတုဘူတာ မုဒ္ဒါ ယဿာတိ သမုဒ္ဒေါ ဓ-ကာရဿ ဒ-ကာရံ ကတွာ၊ သဟ-သဒ္ဓေါ စေတ္ထ ဝိဇ္ဇမာနတ္ထဝါစကော “သလောမကော သပက္ခကော”တိအာဒိသု ဝိယ။ အဝေါတိ ဝုဒ္ဓိ ဘဝတိ ဝဗုတိတိ ကတွာ။ ဝိအဝေါတိ ဟာနိ တဗ္ဗိရဟတော။ ဒွန္ဒတော ပုဗ္ဗေ သုယျမာနော ဣတိသဒ္ဓေါ ပစ္စေကံ ယောဇေတဗ္ဗောတိ အာဟ “ဣတိ အဝေါ ဣတိ အအဝေါ”တိ။ ယံ ဝါ တံ ဝါတိ ယံ ကိဋ္ဌိ၊ အထ တံ အနိယမန္တိ အတ္ထော။ အဘူတဉ္စိ အနိယမတ္ထံ သဟ ဝိကပ္ပေန ယံတံ-သဒ္ဓေဟိ ဒီပေန္တိ အာစရိယာ။ အဝိစ အဝေါတိ သဿတော။ အအဝေါတိ ဥစ္ဆေဒေါ။ အဝေါတိ ဝါ ကာမသုခံ၊ အအဝေါတိ အတ္တကိလမထော။

ဣတိ ဣမာယ ဆဗ္ဗိဓာယ ဣတိဘဝါဘဝကထာယ သဒ္ဓိံ ဗာတ္ထိံသ တိရစ္ဆာနကထာ နာမ ဟောန္တိ။ အထ ဝါ ပါဠိယံ သရူပတော အနာ-ဂတာပိ အရညပဗ္ဗတနဒီဒီပကထာ ဣတိ-သဒ္ဓေန သင်္ဂဟေတွာ ဗာတ္ထိံသ တိရစ္ဆာနကထာတိ ဝုစ္စန္တိ။ ပါဠိယဉ္စိ “ဣတိ ဝါ”တိ ဧတ္ထ ဣတိ-သဒ္ဓေါပကာ-ရတ္ထော၊ ဝါ-သဒ္ဓေါ ဝိကပ္ပနတ္ထော။ ဣဒံ ဝုတ္တံ ဟောတိ “ဝေပကာရံ၊ ဣတော အညံ ဝါ တာဒိသံ နိရုတ္တကကထံ အနုယုတ္တာ ဝိဟရန္တိ”တိ၊ အာဒိအတ္ထော ဝါ ဣတိ-သဒ္ဓေါ ဣတိ ဝါ ဣတိ ဝေရူပါ “နစ္စဂိတဝါဒိတဝိသုကဒဿနာ ပဋိဝိရ-တော”တိအာဒိသု ဝိယ၊ ဣတိ ဝေမာဒိ အညဗ္ဗိ တာဒိသံ ကထမနုယုတ္တာ ဝိဟရန္တိတိ အတ္ထော။

၁၈။ ဝိရုဋ္ဌဿ ဂဟဏံ ဝိဂ္ဂဟော၊ သော ယေသန္တိ ဝိဂ္ဂါဟိကာ၊ တေသံ တထာ၊ ဝိရုဋ် ဝါ ဂဏှာတိ တောယာတိ ဝိဂ္ဂါဟိကာ၊ သာယေဝ ကထာ တထာ။ သာရမ္ဘကထာတိ ဥပါရမ္ဘကထာ။ သဟိတန္တိ ပုဗ္ဗာပရာဝိရုဋ်။ တတော-ယေဝ သီလိန္ဒံ။ တံ ပန အတ္ထကာရဏယုတ္တတာယာတိ ဒဿေတုံ “အတ္ထယုတ္တိ ကာရဏယုတ္တန္တိ အတ္ထော”တိ ဝုတ္တံ။ တန္တိ ဝစနံ။ ပရိဝတ္တိတွာ ဦးတံ သပတ္တ-ဂတော အသမတ္ထော ယောဓော ဝိယ န ကိဋ္ဌိ ဇာနာသိ၊ ကိန္တု သယမေဝ ပရာဇေသိတိ အဓိပ္ပာယော။ ဝါဒေါ ဒေါသောတိ ပရိယာယဝစနံ။ တထာ

၈၇ ဝိစရာတိ။ တတ္ထ တတ္ထာတိ တသ္မိံ တသ္မိံ အာစရိယကုလေ။ နိဗ္ဗေဓေဟိတိ မယာ ရောပိတံ ဝါဒံ ဝိဿဇ္ဇေဟိ။

၁၉။ ဒုတဿ ကမ္မံ ခူတေယျံ၊ တဿ ကထာ တထာ၊ တဿံ။ ဣဓ၊ အမုတြာတိ စ ဥပယောဂတ္ထေ ဘုမ္မဝစနံ၊ တေနာဟ “အသုကံ နာမ ဌာန”န္တိ။ ဝိတ္ထာရတော ဝိနိစ္ဆယော ဝိနယဋ္ဌကထာယံ၊ ဝုတ္တောတိ သင်္ခေပတော ဣဓ ဒဿေတုံ “သင်္ခေပတော ပနာ”တိ အာဒိ ဝုတ္တံ။ ဂိဟိသာသနန္တိ ယထာ-ဝုတ္တဝိပရိတံ သာသနံ။ အညေသန္တိ ဂိဟိနညေဝ။

၂၀။ တိဝိဓေနာတိ သာမန္တဇပုနုဇ္ဈရိယာပထသန္တိသိတပစ္စယပဋိသေဝန-ဘေဒတော တိဝိဓေန။ ဝိမှာပယန္တိတိ “အယမတ္ထရိယပုရိသော”တိ အတ္တနိ ပရေသံ ဝိမှယံ သမ္ပဟံသနံ အတ္ထရိယံ ဥပ္ပါဒေန္တိ။ ဝိပုဗ္ဗဉ္စိ မိ-သဒ္ဓိ သမ္ပဟံသနေ ဝဒန္တိ သဒ္ဓဝိဒူ။ သမ္ပဟံသနာကာရော စ အတ္ထရိယံ။ လပန္တိတိ အတ္တာနံ ဝါဒါယကံ ဝါ ဥက္ခိပိတွာ ယထာ သော ကိဉ္စိ ဒဒါတိ၊ ဧဝံ ဥက္ကာစေတွာ ဥက္ခိပနဝသေန ဒိပေတွာ ကထေန္တိ။ နိမိတ္တံ သီလမေတေသန္တိ နေမိတ္တိ-ကာတိ တဒ္ဓိတဝသေန တဿီလတ္ထော ယထာ “ပံသုကူလိကော”တိ၊ အပိစ နိမိတ္တေန ဝဒန္တိ၊ နိမိတ္တံ ဝါ ကရေန္တိတိ နေမိတ္တိကာ။ နိမိတ္တန္တိ စ ပရေသံ ပစ္စယဒါနသညပ္ပါဒကံ ကာယဝစိကမ္မံ ဝုစ္စတိ။ နိဗ္ဗေသော နိပ္ပိသနံ စုဏ္ဍံ ဝိယ ကရဏံ။ နိပ္ပိသန္တိတိ ဝါ နိဗ္ဗေသာ၊ နိဗ္ဗေသာယေဝ နိဗ္ဗေသိကာ၊ နိပ္ပိသနံ ဝါ နိဗ္ဗေသော၊ တံ ကရေန္တိတိပိ နိဗ္ဗေသိကာ။ နိဗ္ဗေသော စ နာမ ဘဠ-ပုရိသော ဝိယ လာဘသက္ကာရတ္ထံ အက္ခောသနခံသနုပ္ပဏ္ဍနပရပိဋ္ဌိမံသိကတာ။ လာဘေန လာဘန္တိ ဣတော လာဘေန အမုတြ လာဘံ။ နိဇ္ဈိသန္တိ မဂ္ဂန္တိ ပရိယေသန္တိတိ ပရိယာယဝစနံ။ ကုဟကာဒယော သဒ္ဓါ ကုဟနာဒိနိ နိမိတ္တံ ကတွာ တံသမဂ္ဂိပုဂ္ဂလေသု ပဝတ္တာတိ အာဟ “ကုဟနာ။ ပ။ အဓိဝေဓန”န္တိ။ အဋ္ဌကထဉ္စာတိ တံတံပါဠိသံဝဏ္ဏနာဘူတံ ပေါရာဏဋ္ဌကထဉ္စ။

မဇ္ဈိမသီလဝဏ္ဏနာ နိဋ္ဌိတာ။

မဟာသီလဝတ္ထုနာ

၂၁။ အင်္ဂါနိ အာရဟန္တ ပဝတ္တတ္တာ အင်္ဂသဟစရိတံ သတ္ထံ “အင်္ဂ”န္တိ ဝုတ္တံ ဥတ္တရပဒလောပေန ဝါ။ နိမိတ္တန္တိ ဧတ္ထာပိ ဧသေဝ နယော၊ တေနာဟ “ဟတ္ထပါဒါဒိယျ”တိအာဒိ။ ကေဓိ ပန “အင်္ဂန္တိ အင်္ဂဝိကာရံ ပရေသံ အင်္ဂဝိကာရဒဿနေနာပိ လာဘာလာဘာဒိဝိဇာနန”န္တိ ဝဒန္တိ။ နိမိတ္တသတ္တန္တိ နိမိတ္တေန သဉ္ဇာနနပ္ပကာရဒီပကံ သတ္ထံ၊ တံ ဝတ္ထုနာ ဝိဘာဝေတုံ “ပဏ္ဍု-  
ရာဇာ”တိအာဒိမာဟ။ ပဏ္ဍုရာဇာတိ စ “ဒက္ခိဏာရာမာဓိပတိ”ဣစ္စေဝ ဝုတ္တံ။ သီဟဋ္ဌဒီပေ ဒက္ခိဏာရာမနာမကဿ သံဃာရာမဿ ကာရကောတိ ဝဒန္တိ။ “ဒက္ခိဏမရုရာဓိပတိ”တိ စ ကတ္ထမိ လိဒိတံ၊ ဒက္ခိဏမရုရနဂရဿ အဓိပတိတိ အတ္ထော။ မုတ္တာယောတိ မုတ္တိကာ။ မုဋ္ဌိယာတိ ဟတ္ထမုဋ္ဌါယ။ ဃရဂေါလိ-  
ကာယာတိ သရဗုနာ။ သော “မုတ္တာ”တိ သညာနိမိတ္တေနာဟ၊ သင်္ချာနိမိတ္တေန ပန “တိဿော”တိ။

“မဟန္တာန”န္တိ ဧတေန အပ္ပကံ နိမိတ္တမေဝ၊ မဟန္တံ ပန ဥပ္ပါဒေါတိ နိမိတ္တုပ္ပါဒါနံ ဝိသေသံ ဒဿေတိ။ ဥပ္ပတိတန္တိ ဥပ္ပတနံ။ သုဘာသုဘဖလံ ပကာသေန္တော ဥပ္ပဇ္ဇတိ ဂစ္ဆတိတိ ဥပ္ပါဒေါ၊ ဥပ္ပါတောပိ၊ သုဘာ-  
သုဘသုစိကာ ဘူတဝိကတိ။ သော ဟိ ဝုဓော ဝိယ အဂ္ဂိဿ ကမ္မဖလဿ ပကာသနမတ္တမေဝ ကရောတိ၊ န တု တမုပ္ပါဒေတိတိ။ ဣဒန္တိ ဣဒံ နာမ ဖလံ။ ဧဝန္တိ ဣမိနာ နာမ အာကာရေန။ အာဒိသန္တိတိ နိဋ္ဌိသန္တိ။ ပုဗ္ဗဏှသမယေတိ ကာလဝသေန။ ဣဒံ နာမာတိ ဝတ္ထုဝသေန ဝဒတိ။ ယော ဝသဘံ၊ ကုဉ္ဇရံ၊ ပါသာဒံ၊ ပဗ္ဗတံ ဝါ အာရုဋ္ဌမတ္တာနံ သုပိနေ ပဿတိ၊ တဿ “ဣဒံ နာမ ဖလ”န္တိအာဒိနာ ဟိ ဝတ္ထုကြိတ္တနံ ဟောတိ။ သုပိနန္တိ သုပိနသတ္ထံ။ အင်္ဂ-  
သမ္ပတ္တိဝိပတ္တိဒဿနမတ္တေန ပုဗ္ဗေ “အင်္ဂ”န္တိ ဝုတ္တံ၊ ဣဓ ပန မဟာနုဘာဝတာဒိ-  
နိပ္ပုဒကလက္ခဏာဝိသေသဒဿနေန “လက္ခဏ”န္တိ အယမေတေသံ ဝိသေသော၊ တေနာဟ “ဣမိနာ လက္ခဏေနာ”တိအာဒိ။ လက္ခဏန္တိ ဟိ အင်္ဂပစ္စင်္ဂေသု ဒိဿမာနာကာရဝိသေသံ သတ္တိသိရိဝစ္စဂဒါပါသာဒါဒိကမဓိပ္ပေတံ တံ တံ ဖလံ လက္ခိယတိ အနေနာတိ ကတွာ၊ သတ္ထံ ပန တပ္ပကာသနတော လက္ခဏံ။  
အာဟတေတိ ပုရာဏေ။ အနာဟတေတိ နဝေ။ အဟတေတိ ပန ပါဌေ ဝုတ္တဝိပရိယာယေန အတ္ထော။ ဣတော ပဋ္ဌာယာတိ ဒေဝရက္ခသမနုဿာဒိ-  
ဘေဒေန ယထာဖလံ ပရိကပ္ပိတေန ဝိဝိဓဝတ္ထဘာဂေ ဣတော ဝါ ဧတ္ထော ဝါ သဋ္ဌိန္နေ ဣဒံ နာမ ဘောဂါဒိဖလံ ဟောတိ။ ဝေဇ္ဇပေန ဒါရုနာတိ ပလာသသိရိဖလာဒိဒါရုနာ၊ တထာ ဒဋ္ဌိယာ။ ယဒိ ဒဋ္ဌိဟောမာဒိနိပိ

အဂ္ဂိဟောမာနေဝ၊ အထ ကသ္မာ ဝိသုံ ဝုတ္တာနီတိ အာဟ “ဝေရူပပါယာ”တိ-  
အာဒိ။ **ဒဗ္ဗိဟောမာဒီနိ** ဟောမောပကရဏာဒိဝိသေသေဟိ ဖလဝိသေသ-  
ဒဿနဝသေန ဝုတ္တာနိ၊ **အဂ္ဂိဟောမံ** ပန ဝုတ္တာဝသေသသာနေဝသေန  
ဝုတ္တန္တိ အဓိပ္ပါယော။ တေနာဟ “**ဒဗ္ဗိဟောမာဒီနိ**”တိအာဒိ။

**ကုဏ္ဍကော**တိ တဏှုလခဏှံ၊ တိလဿ ဣဒန္တိ **တေလံ**၊ သမာသတဒ္ဓိတပဒါနိ  
ပသိဒ္ဓေသု သာမညဘူတာနီတိ ဝိသေသကရဏတ္ထံ “**တိလတေလာဒိက**”န္တိ  
ဝုတ္တံ။ **ပက္ခိပနန္တိ** ပက္ခိပနတ္ထံ။ “**ပက္ခိပနဝိဇ္ဇာ**”န္တိပိ ပါဌော၊ ပက္ခိပနဟေတုဘူတံ  
ဝိဇ္ဇန္တိ အတ္ထော။ **ဒက္ခိဏက္ခကဇဏှုလောဟိတာဒိဟိ**တိ ဒက္ခိဏက္ခကလော-  
ဟိတဒက္ခိဏဇဏှုလောဟိတာဒိဟိ။ “**ပုဗ္ဗေ**”တိအာဒိနာ အင်္ဂအင်္ဂဝိဇ္ဇာနံ  
ဝိသေသဒဿနေန ပုနရုတ္တဘာဝမပနေတိ။ **အင်္ဂလဋ္ဌိံ ဒိသ္မာ**တိ အင်္ဂလိဘူတံ၊  
အင်္ဂလိယာ ဝါ ဇာတံ အဋ္ဌိံ ပဿိတွာ၊ အင်္ဂလိစ္ဆဝိမတ္တံ အပဿိတွာ တဒဋ္ဌိ-  
ဝိပဿနဝသေန ဗျာကရေန္တိတိ ဝုတ္တံ ဟောတိ။ “**အင်္ဂလဋ္ဌိန္တိ သရီရ**”န္တိ  
ပန **အာစရိယဓမ္မပါလတ္ထေရေန** ဝုတ္တံ၊ ဧဝံ သတိ အင်္ဂပစ္စင်္ဂါနံ ဝိရုဟနဘာဝေန  
လဋ္ဌိသဒိသတ္တာ သရီရမေဝ အင်္ဂလဋ္ဌိတိ ဝိညာယတိ။ **ကုလပုတ္တော**တိ ဇာတိ-  
ကုလပုတ္တော၊ အာစာရကုလပုတ္တော စ။ **ဒိသ္မာ**ပီတိ ဧတ္ထ အဝိ-သဒ္ဓေါ အဝိ-  
သ္မာပီတိ သမ္ပိဏှနတ္ထော။ အဋ္ဌိနော သတ္တံ **အဗ္ဗေယျံ**။ မာသုရက္ခေန ကတော  
ဂန္တော **မာသုရက္ခော**။ ရာဇူဟိ ပရိဘုတ္တံ သတ္တံ **ရာဇသတ္တံ**။ သဗ္ဗာနိပေတာနိ  
ခေတ္တဝိဇ္ဇာပကရဏာနိ။ **သိဝ-သဒ္ဓေါ** သန္တိအတ္ထောတိ အာဟ “**သန္တိကရဏ-  
ဝိဇ္ဇာ**”တိ၊ ဥပသဂ္ဂူပသမနဝိဇ္ဇာတိ အတ္ထော။ သိဝါ-သဒ္ဓမေဝ ရဿံ ကတွာ  
ဝေမဟာတိ သန္ဓာယ “**သိင်္ဂါလရုတဝိဇ္ဇာ**”တိ ဝဒန္တိ၊ သိင်္ဂါလာနံ ရုတေ  
သုဘာသုဘသဇ္ဇာနနဝိဇ္ဇာတိ အတ္ထော။ **ဘူတဝေဇ္ဇမန္တော**တိ ဘူတဝသိကရဏ-  
မန္တော။ **ဘူရိယရေတိ** အန္တောပထဝိယံ ကတဃရေ၊ မတ္တိကာမယဃရေ ဝါ။  
“**ဘူရိဝိဇ္ဇာ သဿဗုဒ္ဓိကရဏဝိဇ္ဇာ**”တိ **သာရသမာသေ**။ **သပ္ပါဝါယနဝိဇ္ဇာ**တိ  
သပ္ပါဝမနဝိဇ္ဇာ။ **ဝိသဝန္တမေဝ ဝါ**တိ ဝိသဝမာနမေဝ ဝါ။ ဘာဝနိဒ္ဓေသဿ  
ဟိ မာန-သဒ္ဓဿ အန္တဗျုပ္ပဒေသော။ ယာယ ကရေန္တိ၊ သာ ဝိသဝိဇ္ဇာတိ  
ယောဇနာ။ “**ဝိသတန္တိမေဝ ဝါ**”တိပိ ပါဌော။ ဧဝံ သတိ သရူပဒဿနံ  
ဟောတိ၊ ဝိသဝိစာရဏဂန္တောယေဝါတိ အတ္ထော။ တန္တိန္တိ ဟိ ဂန္တဿ  
ပရသမညာ။ **သပက္ခကအပက္ခကဒ္ဓိပဒေတုပ္ပဒါနန္တိ** ပိင်္ဂလမက္ခိကာဒိသပက္ခက-  
သရဂေါလိကာဒိအပက္ခကဒေဝမနဿစင်္ကောရာဒိဒ္ဓိပဒကကဏ္ဍသသဇေမ္ပကာ-  
ဒိစတုပ္ပဒါနံ။ **ရုတံ** ဝဿိတံ။ **ဂတံ** ဂမနံ၊ ဧတေန “**သကုဏဝိဇ္ဇာ**”တိ ဣ

မိဂသဒ္ဓဿ လောပံ၊ နိဒဿနမတ္ထံ ဝါ ဒဿေတိ။ သက္ကဏဉာဏန္တိ သက္ကဏ-  
ဝသေန သုဘာသုဘဇာလဿ ဇာနနံ။ နန သက္ကဏဝိဇ္ဇာယ ဧဝ ဝါယသဝိဇ္ဇာ  
ပဝိဋ္ဌာတိ အာဟ “တံ ဝိသုညေဝ သတ္တ”န္တိ။ တံတံပကာသကသတ္တာနုရူပ-  
ဝသေန ဟိ ဣဓ တဿ တဿ ဝစနန္တိ ဒဋ္ဌဗ္ဗံ။

ပရိပတ္တဂတဘာဝေါ အတ္တဘာဝဿ၊ ဇီဝိတကာလဿ စ ဝသေန ဂဟေ-  
တဗ္ဗောတိ ဒဿေတိ “ဣဒါနိ”တိအာဒိနာ။ အာဒိဋ္ဌဉာဏန္တိ အာဒိသိတဗ္ဗဿ  
ဉာဏံ။ သရရက္ခဏန္တိ သရတော အတ္တာနံ၊ အတ္တတော ဝါ သရဿ ရက္ခဏံ။  
“သဗ္ဗသင်္ခါဟိက”န္တိ ဣမိနာ မိဂ-သဒ္ဓဿ သဗ္ဗသက္ကဏစတုပ္ပဒေသု ပဝတ္တိ  
ဒဿေတိ။ ဧကသေသနိဒ္ဓေသော ဝါ ဧသ စတုပ္ပဒေသေဝ မိဂ-သဒ္ဓဿ  
နိရုဋ္ဌတ္တာ။ သဗ္ဗေသမ္ပိ သက္ကဏစတုပ္ပဒါနံ ရုတဇာနနသတ္တဿ မိဂစက္ကသမညာ၊  
ယထာ တံ သုဘာသုဘဇာနနပ္ပကာရေ သဗ္ဗတော ဘဠိ စက္ကာဒိသမညာတိ  
အာဟ “သဗ္ဗ။ပ။ ဝုတ္တ”န္တိ။

၂၂။ “သာမိနော”တိအာဒိ ပသဋ္ဌာပသဋ္ဌကာရဏဝစနံ။ လက္ခဏန္တိ  
တေသံ လက္ခဏပ္ပကာသကသတ္တံ။ ပါရိသေသနယေန အဝသေသံ အာဝုဓံ။ “ယမ္ပိ  
ကုလေ”တိအာဒိနာ ဣမသ္မိံ ဌာနေ တဘာဇာနနဟေတု ဧဝ သေသံ လက္ခဏန္တိ  
ဒဿေတိ။ အယံ ဝိသေသောတိ “လက္ခဏ”န္တိ ဟေဋ္ဌာ ဝုတ္တာ လက္ခဏတော  
ဝိသေသော။ တဒတ္ထာဝိကရဏတ္ထံ “ဣဒဉ္ဇေတ္ထ ဝတ္ထ”တိ ဝုတ္တံ။ အဂ္ဂိံ ဓမ-  
မာနန္တိ အဂ္ဂိံ မုခဝါတေန ဇာလေန္တိ။ မက္ခေသိတိ ဝိနာသေတိ။ ဝိဇ္ဇန္တနကဏ္ဍိ-  
ကာယာတိ ကဏ္ဍာလင်္ကာရဿ။ ဂေဟကဏ္ဍိကာယာတိ ဂေဟကုဋဿ။  
ဧတေန ဧကသေသနယံ၊ သာမညနိဒ္ဓေသံ ဝါ ဥပေတံ။ ကန္တပလက္ခဏန္တိ  
ကုမ္မလက္ခဏံ။ သဗ္ဗစတုပ္ပဒါနန္တိ မိဂ-သဒ္ဓဿ စတုပ္ပဒဝါစကတ္တမာဟ။

၂၃။ အသုကဒိဝသေတိ ဒုတိယာတတိယာဒိတိထိဝသေန ဝုတ္တံ။ အသုက-  
နက္ခတ္တေနာတိ အဿယုဇာရဏီကတ္တိကာရောဟဏီအာဒိနက္ခတ္တယောဂ-  
ဝသေန။ ဝိပ္ပဝုတ္တာနန္တိ ဝိပ္ပဝသိတာနံ သဒေသတော နိက္ခန္တာနံ။ ဥပသင်္ကမနံ  
ဥပယာနံ။ အပယာနံ ပဋိက္ခမနံ။ ဒုတိယပဒေဝီတိ “ဗာဟိရာနံ ရညံ။ပ။ ဘဝိ-  
သတိ”တိ ဝုတ္တေ ဒုတိယဝါကျေပိ။ “အပ္ပန္တရာနံ ရညံ ဇယော”တိအာဒိဟိ  
ဒ္ဒိဟိ ဝါကျေဟိ ဝုတ္တာ ဇယပရာဇယာ ဝါကဋ္ဌာယေစ။

၂၄။ ရာဟူတိ ရာဟု နာမ အသုရိဿရော အသုရရာဇာ။ တထာ ဟိ  
မဟာသမယသုတ္တေ အသုရနိကာယေ ဝုတ္တံ—

“သတဉ္စ ဗလိပုတ္တာနံ၊ သဗ္ဗေ ဝေရောစနာမကာ။  
သန္တယိတွာ ဗလိသေနံ၊ ရာဟုဘဒ္ဒမုပါဂမု”န္တိ။

တဿ စန္ဒိမသုရိယာနံ ဂဟဏံ သံယုတ္တနိကာယေ စန္ဒိမသုတ္တသုရိယ-  
သုတ္တေဟိ၊ ဒိပေတဗ္ဗံ။ ဣတိ-သဒ္ဓေါ စေတ္တ အာဒိအတ္ထော “စန္ဒဂ္ဂါဟာဒယော”တိ  
ဝုတ္တတ္တာ၊ တေန သုရိယဂ္ဂါဟနက္ခတ္တဂ္ဂါဟာ သင်္ဂယန္တိ။ တသ္မာ စန္ဒိမ-  
သုရိယာနမိဝ နက္ခတ္တာနမ္ပိ ရာဟုနာ ဂဟဏံ ဝေဒိတဗ္ဗံ။ တတော ဧဝ ဟိ “အဝိ  
စာ”တိအာဒိနာ နက္ခတ္တဂါဟေ ဒုတိယနယော ဝုတ္တော။ အင်္ဂါရကဒိဂါဟ-  
သမာယောဂေါပိတိ အဂ္ဂဟိတဂ္ဂဟဏေန အင်္ဂါရကသသိပုတ္တသုရဂရသုတ္တ-  
ရဝိသုတကေတုသင်္ခါတာနံ ဂါဟာနံ သမာယောဂေါပိ အဝိ နက္ခတ္တဂါဟောယေဝ  
သဟ ပယောဂေန ဂဟဏတော။ သဟပယောဂေါပိ ဟိ ဝေဒသမယေန ဂဟ-  
ဏန္တိ ဝုစ္စတိ။ ဥက္ကာနံ ပတနန္တိ ဥက္ကောဘာသာနံ ပတနံ။ ဝါတသင်္ခါတေသု  
ဟိ ဝေဂေန အညမညံ သံဃဇ္ဇေန္တေသု ဒိပိကောဘာသော ဝိယ ဩဘာသော  
ဥပ္ပဇ္ဇိတွာ အာကာသတော ပတတိ၊ တတြာယံ ဥက္ကာပါတဝေါဟာရော။  
ဇောတိသတ္ထေပိ ဝုတ္တံ—

“မဟာသိခါ စ သုက္ခဂ္ဂါ-ရတ္တာနိလသိခေါဇ္ဇလာ။  
ပေါရိသီ စ ပမာဏေန၊ ဥက္ကာ နာနာဝိဓာ မတာ”တိ။

ဒိသာကာလုသီယန္တိ ဒိသာသု ခေါဘနံ၊ တံ သရူပတော ဒဿေတိ “အဂ္ဂိ-  
သိခရူမသိခါဒိဟိ အာကုလဘာဂေါ ဝိယာ”တိ ဣမိနာ၊ အဂ္ဂိသိခရူမသိခါဒိနံ  
ဗဟုဓာ ပါတုဘာဂေါ ဧဝ ဒိသာဒါဟော နာမာတိ ဝုတ္တံ ဟောတိ။ တဒေဝ  
“ရူမကေတူ”တိ လောကီယာ ဝဒန္တိ။ ဝုတ္တဉ္စ ဇောတိသတ္ထေ—

“ကေတု ဝိယ သိခါဝတိ၊ ဇောတိ ဥပ္ပါတရူပိနိ”တိ။

သုက္ခဝလာဟကဝဇ္ဇနန္တိ ဝုဠိမန္တရေန ဝါယုဝေဂစလိတဿ ဝလာဟကဿ  
နဒနံ။ ယံ လောကီယာ “နိဿာတော”တိ ဝဒန္တိ။ ဝုတ္တဉ္စ ဇောတိသတ္ထေ—

“ယဒါန္တလိက္ခေ ဗလဝါ၊ မာရတော မာရတာဟတော။  
ပတတျဇော သ နိဿာတော၊ ဇာယတေ ဝါယုသမ္ဘဝေါ”တိ။

ဥဒယနန္တိ လဂ္ဂနမာယူဟနံ။

“ယဒေါဒေတိ တဒါ လဂနံ၊ ရာသီနမန္တယံ ကမာ”တိ—

ဟိ ဝုတ္တံ။ အတ္တမနဗ္ဗိ တတော သတ္တမရာသိပ္ပမာဏဝသေန ဝေဒိတဗ္ဗံ။ အဟ္တာ  
 ဓူမော ရဇော ရာဟုတိ ဣမေဟိ စတူဟိ ကာရဏေဟိ အဝိသုဒ္ဓတာ။ တဗ္ဗိ-  
 နိမုတ္တတာ ဝေါဒါနံ။ ဝုတ္တဉ္စ “စတ္တာရောမေ ဘိက္ခဝေ စန္ဒိမသုရိယာနံ ဥပက္ကိ-  
 လေသာ၊ ယေဟိ ဥပက္ကိလေသေဟိ ဥပက္ကိလိဋ္ဌာ စန္ဒိမသုရိယာ န တပန္နိ န  
 ဘာသန္တိ န ဝိရောစန္တိ။ ကတမေ စတ္တာရော? အဟ္တာ ဘိက္ခဝေ စန္ဒိမသုရိယာနံ  
 ဥပက္ကိလေသာ၊ ယေန ပ။ ဓူမော ပ။ ရဇော ပ။ ရာဟု ဘိက္ခဝေ ပ။ ဣမေ  
 ခေါ ပ။ န ဝိရောစန္တိ”တိ ၁။

၂၅။ ဒေဝဿာတိ မေဃဿ။ ဓာရာနုပ္ပဝေန္တနံ ဝဿနံ။ အဝဂ္ဂါ-  
 ဟောတိ ဓာရာယ အဝဂ္ဂဟဏံ ဒုဂ္ဂဟဏံ၊ တေနာဟ “ဝဿဝိဗန္ဓော”တိ။  
 ဟတ္ထမုဒ္ဒါတိ ဟတ္ထေန အဓိပ္ပေတဝိညာပနံ၊ တံ ပန အင်္ဂုလိသင်္ကောစနေန  
 ဂဏနာယေဝါတိ အာစရိယဓမ္မပါလတ္ထေရေန ၂ ဝုတ္တံ။ အာစရိယသာရိပုတ္တတ္ထေ-  
 ရေန ပန “ဟတ္ထမုဒ္ဒါ နာမ အင်္ဂုလိပဗ္ဗေသု သညံ ဌပေတွာ ဂဏနာ”တိ  
 ဒဿိတာ။ ဂဏနာ ဝုတ္တတိ အန္တိဒ္ဓကဂဏနာ ပါရိသေသဉ္စယေန၊ သာ  
 ပန ပါဒသိကမိလက္ခကာဒယော ဝိယ “ဧကံ ဒွေ”တိအာဒိနာ နဝန္တဝိမိနာ  
 နိရန္တရဂဏနာတိ ဝေဒိတဗ္ဗာ။ သမူဟနံ သင်္ကလနံ။ ဝိသု ဥပ္ပါဒနံ အပ-  
 နယနံ ပဋုပ္ပါဒနံ?။ “သဒုပ္ပါဒနံ”န္တိပိ ပဋန္တိ၊ သမ္မာ ဥပ္ပါဒနန္တိ အတ္ထော။  
 အာဒိ-သဒ္ဓေန ဝေါကလနဘာဂဟာရာဒိကေ သင်္ကဏှာတိ။ တတ္ထ ဝေါကလနံ  
 ဝိသု သမူဟကရဏံ၊ ဝေါမိဿနန္တိ အတ္ထော။ ဘာဂကရဏံ ဘာဂေါ။  
 ဘုဉ္ဇနံ ဝိဘဇနံ ဟာရော။ သာတိ ယထာဝုတ္တာ ပိဏ္ဏဂဏနာ။ ဒိသွာတိ  
 ဧတ္ထ ဒိဋ္ဌမတ္တေန ဂဏေတွာတိ အတ္ထော ဂဟေတဗ္ဗော။

ပဋိဘာနကဝီတိ ဧတ္ထ အင်္ဂုတ္တရာဂမေ ၄ ဝုတ္တာနန္တိ သေသော၊ ကဝိနံ  
 ကဗျကရဏန္တိ သမ္ပန္နော၊ ဧတေန ကဝီဟိ ကတံ၊ ကဝိနံ ဝါ ဣဒံ  
 ကာဝေယျန္တိ အတ္ထံ ဒေသေတိ။ “အတ္တနော စိန္တာဝသေနာ”တိအာဒိ  
 တေသံ သဘာဝဒဿနံ။ တထာ ဟိ ဝတ္ထု၊ အနုသန္တိဉ္စ သယမေဝ  
 စိရေန စိန္တေတွာ ကရဏဝသေန စိန္တာကဝိ ဝေဒိတဗ္ဗော။ ကိဉ္စိ သုတွာ  
 သုတေန အသုတံ အနုသန္တေတွာ ကရဏဝသေန သုတကဝိ၊ ကိဉ္စိ အတ္ထံ  
 ဥပဓာရေတွာ တဿ သဒ္ဓိပနဝိတ္တာရဏာဒိဝသေန အတ္တကဝိ၊ ယံ ကိဉ္စိ  
 ပရေန ကတံ ကဗ္ဗံ ဝါ နာဠကံ ဝါ ဒိသွာ တံသဒိသမေဝ အညံ အတ္တနော  
 ဌာနုပ္ပတ္တိကပဋိဘာနေန ကရဏဝသေန ပဋိဘာနကဝီတိ။ တန္တိ တမတ္ထံ။

၁-အံ ၁-၃၆၂၊ ၆ ၄-၄၉၂-ပိဋေသု။	၂-ဒိ-ဒီ ၁-၁၃၀-ပိဋေ။
၃-သဠုပ္ပါဒနံ (အဋ္ဌကထာယံ)	၄-အံ ၁-၅၅၃-ပိဋေ။

တပွဋိဘာဂန္တိ တေန ဒိဋ္ဌေန သဒိသံ။ “ကတ္တဗ္ဗ”န္တိ ဧတ္ထ ဝိသေသနံ၊ “ကရိဿာမီ”တိ ဧတ္ထ ဝါ ဘာဝနပုံသကံ။ ဌာနုပ္ပတ္တိကပဋိဘာနဝသေနာတိ ကာရဏာနရူပံ ပဝတ္တနကဉာဏဝသေန။ ဇီဝိကတ္တာယာတ် ပကရဏာမိဂတဝသေနော ဝုတ္တံ။ ကဝိနံ ဣဒန္တိ ကဗျံ၊ ယံ “ဂိတ”န္တိ ဝုဇ္ဇတိ။

၂၆။ ပရိဂ္ဂဟဘာဝေန ဒါရိကာယ ဂဏှနံ အာဝါဟနံ။ တထာ ဒါနံ ဝိဝါဟနံ။ ဣမ ပန တထာကရဏဿ ဥတ္တရပဒလောပေန နိဒ္ဒေသော၊ ဟေတုဂဟ္တဝသေန ဝါ၊ ဘေသာဟ “ဣမဿ ဒါရကဿာ”တိအာဒိ။ ဣတိတိ ဧဝံဟောန္တေသု၊ ဧဝံဘာဝတောဝါ။ ဥဋ္ဌာနန္တိ ခေတ္တာဒိတော ဥပ္ပန္နမာယံ။ ဣဏန္တိ နေဝစုနတ္ထံ ပရဿ ဒိန္တံ ပရိယုဒဇ္ဇနံ။ ပုဗ္ဗေ ပရိစ္ဆိန္နကာလေ အသမ္ပတ္တေပိ ဥဒ္ဓရိတမိဏံ ဥဋ္ဌာနံ၊ ယထာပရိစ္ဆိန္နကာလေ ပန သမ္ပတ္တေ ဣဏန္တိ ကေမိ၊ တဒယုတ္တမေဝ ဣဏဂဟဏေနေဝ သိဇ္ဈနတော။ ပရေသံ ဒိန္တံ ဣဏံ ဝါ နေန္တိ သမ္ပန္နော။ ထာဝရန္တိ စိရဋ္ဌတိကံ။ ဒေသန္တရေ ဒိဂုဏတိဂုဏာဒိဂဟဏဝသေန ဘဏ္ဍုပ္ပယောဇနံ ပယောဂေါ။ တတ္ထ ဝါ အညတ္ထ ဝါ ယထာကာလပရိစ္ဆေဒံ ဝဇိဂဟဏဝသေန ပယောဇနံ ဥဒ္ဓါရော။ “ဘဏ္ဍုမူလရဟိတာနံ ဝါဏီဇိ ကတွာ ‘ဧတ္တကေန ဥဒယေန သဟ မူလံ ဒေသာ’တိ နေဒါနံ ပယောဂေါ၊ တာဝကာလိကဒါနံ ဥဒ္ဓါရော”တိပိ ဝဒန္တိ။ အဇ္ဇ ပယောဇိတံ ဒိဂုဏံ စတုဂုဏံ ဟောတိတိ ယဒိ အဇ္ဇ ပယောဇိတံ ဘဏ္ဍံ၊ ဧဝံ အပရဇ္ဇ ဒိဂုဏံ၊ အဇ္ဇ စတုဂုဏံ ဟောတိတိ အတ္ထော။ သုဘဿ၊ သုဘေန ဝါ ဂမနံ ပဝတ္တနံ သုဘဂေါ၊ တဿ ကရဏံ သုဘဂကရဏံ၊ တံ ပန ပိယမနာပဿ၊ သဿိရိကဿ ဝါ ကရဏမေဝါတိ အာဟ “ပိယမနာပကရဏ”န္တိအာဒိ။ သဿိရိကကရဏန္တိ သရိရသောဘဂ္ဂကရဏံ။ ဝိလိနဿာတိ ပတိဋ္ဌဟိတွာပိ ပရိပက္ကမပါပုဏိတွာ ဝိလောပဿ။ တထာ ပရိပက္ကဘာဝေန အဋ္ဌိတဿ။ ပရိယာယဝစနမေတံ ပဒစတုက္ကံ။ ဘေသဇ္ဇဒါနန္တိ ဂဟ္တသဏ္ဌာပနဘေသဇ္ဇဿ ဒါနံ။ တိဟိ ကာရဏေဟိတိ ဧတ္ထ ဝါတေန၊ ပါဏကေဟိ ဝါ ဂဟ္တေ ဝိနဿန္တေ န ပုရိမကမ္မုနာ ဩကာသော ကတော၊ တပ္ပစ္စယာ ဧဝံ ကမ္မံ ဝိပစ္စတိ၊ သယမေဝ ပန ကမ္မုနာ ဩကာသေ ကတေန ကေန္တေန ဝါတာ၊ ပါဏကာ ဝါ အပေက္ခိတဗ္ဗာတိ ကမ္မဿ ဝိသုံ ကာရဏဘာဝေါ ဝုတ္တောတိ ဒဋ္ဌဗ္ဗံ။ ဝိနယဋ္ဌကထာယံ” ပန ဝါတေန ပါဏကေဟိ ဝါ ဂဟ္တော ဝိနဿန္တော ကမ္မံ ဝိနာ န ဝိနဿတိတိ အဓိပ္ပါယေန တမညတြ ခွိဟိ ကာရဏေဟိတိ ဝုတ္တံ။ နိဗ္ဗာပနိယန္တိ ဥပသမကရံ။ ပဋိကမ္မန္တိ ယထာ တေန ခါဒန္တိ၊ တထာ ပဋိကရဏံ။

မန္တကရဏန္တိ ယထာ ဇိ° စာလေတုံ န သက္ကောတိ၊ ဧဝံ အနာလောဠိတ-  
ကရဏံ။ ပရိဝတ္တနတ္ထန္တိ အာဝုဓာဒိနာ သဟ ဥက္ခိတ္တဟတ္တာနံ အညတ္ထ ပရိဝတ္တ-  
နတ္ထံ၊ အတ္တနာ ဂေါပိတဌာနေ အခိပေတွာ ပရတ္ထ ခိပနတ္ထန္တိ ဝုတ္တံ ဟောတိ။  
ခိပတိတိ စ အညတ္ထ ခိပတိတိ အတ္ထော။ ဝိနိစ္ဆယဌာနေတိ အနုဝိနိစ္ဆယဌာနေ။  
ဣန္ဒြိတတ္ထဿ ဒေဝတာယ ကဏ္ဍေ ကထနဝသေန ဇပ္ပနံ ကဏ္ဍဇပ္ပနန္တိ စ ဝဒန္တိ။  
ဒေဝတံ ဩတာရေတွာတိ ဧတ္ထ မန္တဇပ္ပနေန ဒေဝတာယ ဩတာရဏံ။ ဇီဝိ-  
ကတ္တာယာတိ ယထာ ပါရိစရိယံ ကတွာ ဇီဝိတဝုတ္တိ ဟောတိ၊ တထာ ဇီဝိတ-  
ဝုတ္တိကရဏတ္ထာယ။ အာဒိစ္စပါရိစရိယာတိ ကရမာလာဟိ ပူဇံ ကတွာ သကလ-  
ဒိဝသံ အာဒိစ္စဘိမုခါဝဌာနေန အာဒိစ္စဿ ပရိစရဏံ။ “တထေဝါ”တိ ဣမိနာ  
“ဇီဝိကတ္တာယာ”တိ ပဒမာကဗုတိ။ သိရိဂ္ဂါယနန္တိ ဤ-ကာရတော အ-ကာရ-  
လောပေန သန္တိနိဒ္ဒေသော၊ တေနာဟ “သိရိယာ အဂ္ဂါယန”န္တိ။ “သိရေနာ”တိ  
ပန ဌာနဝသေန အဂ္ဂါယနာကာရံ ဒဿေတိ။ ယေ တု အ-ကာရတော  
အ-ကာရဿ လောပံ ကတွာ “သိရဂ္ဂါယန”န္တိ ပဌန္တိ၊ တေသံ ပါဌေ အယ-  
မတ္ထော “မန္တ ဇပ္ပေတွာ သိရဿ ဣန္ဒြိတဿ အတ္ထဿ အဂ္ဂါယန”န္တိ။

၂၇။ ဒေဝဌာနန္တိ ဒေဝါယတနံ။ ဥပဟာရန္တိ ပူဇံ။ သမိဒ္ဓိကာလေတိ  
အာယာစိတဿ အတ္ထဿ သိဒ္ဓကာလေ။ သန္တိပဋိဿဝကမ္မန္တိ ဒေဝတာယာ-  
စနာယယာ သန္တိ ပဋိကတ္တဗ္ဗာ၊ တဿာ ပဋိဿဝကရဏံ။ သန္တိတိ စေတ္ထ မန္တ-  
ဇပ္ပနေန ပူဇာကရဏံ၊ တာယ သန္တိယာ အာယာစနပ္ပယောဂေါတိ အတ္ထော။  
တသ္မိန္တိ ယံ “သစေ မေ ဣဒံ နာမ သမိဇ္ဈိဿတိ”တိ ဝုတ္တံ၊ တသ္မိ° ပဋိဿဝဗလဘူတေ  
ယထာဘိပတ္တိတကမ္မသ္မိ°။ တဿာတိ ယော “ပဏိမိ”တိ စ ဝုတ္တော၊ တဿ  
ပဋိဿဝဿ။ ယထာပဋိဿဝဂ္ဂိ ဥပဟာရေ ကတေ ပဏိမိအာယာစနာ  
ကတာ နိယျာတိတာ ဟောတိတိ။ ဂဟိတမန္တဿာတိ ဥဂ္ဂဟိတမန္တဿ။  
ပယောဂကရဏန္တိ ဥပစာရကမ္မကရဏံ။ ဣတိတိ ကာရဏတ္ထေ နိပါတော၊  
တေန ဝဿဝေါဿ-သဒ္ဓါနံ ပုရိသပဏ္ဍကေသု ပဝတ္တိ° ကာရဏဘာဝေန  
ဒဿေတိ၊ ပဏ္ဍကတော ဝိသေသေန အသတိ ဘဝတိတိ ဝဿော။ ပုရိသ-  
လိင်္ဂတော ဝိရဟေန အဝအသတိ ဟိဋ္ဌိတော ဟုတွာ ဘဝတိတိ ဝေါဿော။  
ဝိသေသော ရာဂဿဝေါ ယဿာတိ ဝဿော။ ဝိဂတော ရာဂဿဝေါ  
ယဿာတိ ဝေါဿောတိ နိရုတ္တိနယေန ပဒသိဒ္ဓိတိပိ ဝဒန္တိ။ ဝဿကရဏံ  
တဒနုရူပဘေသဇ္ဇေန။ ဝေါဿကရဏံ ပန ဥဒ္ဓတဗိဇတောဒိနာပိ၊ တေနေဝ  
ဇာတကန္တကထာယံ “ဝေါဿဝရာတိ ဥဒ္ဓတဗိဇာ ဩရောပေါလကာ”တိ°

ဝုတ္တံ။ အတ္တန္တိကဘာဝမတ္တန္တိ ဣတ္ထိယာ အကာမဘာဝမတ္တံ။ လိင်္ဂန္တိ ပုရိသ-  
နိမိတ္တံ။

ဝတ္ထုဗလိကမ္ပကရဏန္တိ သရဝတ္ထုသ္မိံ ဗလိကမ္ပဿ ကရဏံ၊ တံ ပန  
ဥပဒ္ဒဝပဋိဗာဟနတ္တံ၊ ဝဗုဒ္ဓတ္ထဉ္စ ကရေန္တိ၊ မန္တဇပုနေန အတ္တနော၊ အညေသဉ္စ  
မုခသုဒ္ဓိကရဏံ။ တေသန္တိ အညေသံ။ ယောဂန္တိ ဘေသဇ္ဇပယောဂံ။ ဝမနန္တိ  
ပစ္ဆိန္ဒနံ။ ဥဒ္ဓံဝိရေစနန္တိ ဝမနဘေဒမေဝ “ဥဒ္ဓံ ဒေါသနံ နိဟရဏ”န္တိ  
ဝုတ္တတ္တာ။ ဝိရေစနန္တိ ပကတိဝိရေစနမေဝ။ အခေါဝိရေစနန္တိ သုဒ္ဓဝတ္ထိ-  
ကသာဝဝတ္ထိအာဒိဝတ္ထိကိရိယာ “အခေါ ဒေါသနံ နိဟရဏ”န္တိ ဝုတ္တတ္တာ။  
အထော ဝမနံ ဥဂ္ဂိရဏမေဝ၊ ဥဒ္ဓံဝိရေစနံ ဒေါသနိဟရဏံ။ တထာ ဝိရေစနံ  
ဝိရေကောဝ၊ အခေါဝိရေစနံ ဒေါသနိဟရဏန္တိ အယမေတေသံ ဝိသေသော  
ပါကဋ္ဌော ဟောတိ။ ဒေါသနန္တိ စ ဝိတ္တာဒိဒေါသနန္တိ အတ္ထော။ သေမှ-  
နိဟရဏာဒိ သိရေဝိရေစနံ။ ကဏ္ဍဗန္ဓနတ္တန္တိ ဆိန္ဒကဏ္ဍာနံ သဃ်ဋနတ္တံ။  
ဇကဟရဏတ္တန္တိ အရူပနယနတ္တံ။ အက္ခိတပ္ပနတေလန္တိ အက္ခိသု ဥသုမဿ  
နိဟရဏတေလံ။ ယေန အက္ခိမ္ပိ အဋ္ဌိတေ ဥဏှံ ဥသုမံ နိက္ခမတိ။ ယံ နာသိကာယ  
ဂဏှိယတိ၊ တံ နတ္ထု။ ပဋ္ဌလာနီတိ အက္ခိပဋ္ဌလာနိ။ နိဟရဏသမတ္တန္တိ အပန-  
ယနသမတ္တံ။ ခါရဉ္စနန္တိ ခါရကမဉ္စနံ။ သီတမေဝ သစ္စံ နိရုတ္တိနယေန၊ တဿ  
ကာရဏံ အဉ္စနံ သစ္စဉ္စနန္တိ အာဟ “သီတလဘေသဇ္ဇဉ္စန”န္တိ။ သလာကဝေဇ္ဇ-  
ကမ္ပန္တိ အက္ခိရောဂဝေဇ္ဇကမ္ပံ။ သလာကသဒိသတ္တာ သလာကသင်္ခါတဿ  
အက္ခိရောဂဿ ဝေဇ္ဇကမ္ပန္တိ ဟိ သာလာကီယံ။ ဣဒံ ပန ဝုတ္တာဝသေသဿ  
အက္ခိရောဂပဋိကမ္ပဿ သင်္ဂဟဏတ္တံ ဝုတ္တံ “တပ္ပနာဒယောပိ ဟိ သာလာ-  
ကီယာနေဝါ”တိ။ ပဋိဝိဒ္ဓဿ သလာကဿ နိက္ခမနတ္တံ ဝေဇ္ဇကမ္ပံ သလာက-  
ဝေဇ္ဇကမ္ပန္တိ ကေမိ၊ တံ ပန သလ္လကတ္တိယပဒေနေဝ သင်္ဂဟိတန္တိ ဒဋ္ဌဗ္ဗံ။

သလ္လဿ ပဋိဝိဒ္ဓဿ ကတ္တနံ ဥဗ္ဗာဟနံ သလ္လကတ္တံ၊ တဒတ္တာယ ဝေဇ္ဇကမ္ပံ  
သလ္လကတ္တဝေဇ္ဇကမ္ပံ။ ကုမာရံ ဘရတိတိ ကုမာရဘတော၊ တဿ ဘာဝေါ  
ကောမာရဘန္တံ၊ ကုမာရော ဧဝ ဝါ ကောမာရော၊ ဘတနံ ဘန္တံ၊ တဿ ဘန္တံ  
တထာ၊ တဒဘိနိပ္ပုဒကံ ဝေဇ္ဇကမ္ပန္တိ အတ္ထော။ မူလာနိ ပဓာနာနိ ရောဂူပ-  
သမနေ သမတ္တာနိ ဘေသဇ္ဇာနိ မူလဘေသဇ္ဇာနိ၊ မူလာနံ ဝါ ဗျာဓိနံ  
ဘေသဇ္ဇာနိ တထာ။ မူလာနုဗန္ဓဝသေန ဟိ ဒုဝိခေါ ဗျာဓိ။ တတြ မူလဗျာဓိမ္ပိ  
တိကိစ္ဆိတေ ယေဘုယျေန ဣတရံ ဝူပသမတိ၊ တေနာဟ “ကာယတိကိစ္ဆတံ”

ဒဿတီ”တိအာဒိ။ တတ္ထ ကာယတိကိစ္ဆတန္တိ မူလဘာဝတော သရီရဘူ-  
 တေဟိ ဘေသဇ္ဇေဟိ၊ သရီရဘူတာနံ ဝါ ရောဂါနံ တိကိစ္ဆကဘာဝံ။ ခါရာဒီနိတိ  
 ခါရောဒကာဒီနိ။ တဒနူပေ ဝဏေတိ ဝုပသမိတဿ မူလဗျာဓိနော အနုစ္စ-  
 ဝိကေ အရမ္ပိ။ တေသန္တိ မူလဘေသဇ္ဇာနံ။ အပနယနံ အပဟရဏံ၊ တေဟိ  
 အတိကိစ္ဆနန္တိ ဝုတ္တံ ဟောတိ။ ဣဒဉ္စ ကောမာရဘစ္စသလ္လကတ္တသင်္ဂဟာသိ-  
 ဝိသေသဘူတာနံ တန္တိနံ ပုဗ္ဗေ ဝုတ္တတ္တာ ပါရိသေသဝသေန ဝုတ္တံ၊ တသ္မာ  
 တဒဝသေသဿ တန္တိယာ ဣဓ သင်္ဂဟော ဒဋ္ဌဗ္ဗော၊ သဗ္ဗာနိ စေတနိ  
 အာဇီဝဟေဘုကာနိယေဝ ဣဓာဓိပ္ပေတနိ “မိစ္ဆာဇီဝေန ဇီဝိကံ ကပ္ပေန္တိ”တိ  
 ဝုတ္တတ္တာ။ ယံ ပန တတ္ထ တတ္ထ ပါဠိယံ “ဣတိ ဝါ”တိ ဝုတ္တံ။ တတ္ထ ဣတိ-  
 ပကာရတ္ထေ နိပါတော၊ ဝါ-တိ ဝိကပ္ပနတ္ထေ။ ဣဒံ ဝုတ္တံ ဟောတိ—ဣမိနာ  
 ပကာရေန၊ ဣတော အညေန ဝါတိ။ တေန ယာနိ ဣတော ဗာဟိရကပဗ္ဗဇိတာ  
 သိပ္ပာယတနဝိဇ္ဇာဌာနာဒီနိ ဇီဝိကောပါယဘူတာနိ အာဇီဝိကပကတာ ဥပ-  
 ဇိဝန္တိ၊ တေသံ ပရိဂ္ဂဟော ကတောတိ ဝေဒိတဗ္ဗံ။

မဟာသီလဝဏ္ဏနာ နိဋ္ဌိတာ။

ပုဗ္ဗန္တကပ္ပိကသဿတဝါဒဝဏ္ဏနာ

၂၈။ ဣဒါနိ သုညတာပကာသနဝါရဿတ္ထံ ဝဏ္ဏေန္တော အနုသန္တိ ပကာ-  
 သေတုံ “ဝေ”န္တိအာဒိမာဟ။ တတ္ထ ဝုတ္တဝဏ္ဏဿာတိ သဟတ္ထေ ဆဋ္ဌိဝစနံ၊  
 သာမိအတ္ထေ ဝါ အနုသန္တိ-သဒ္ဓဿ ဘာဝကမ္မဝသေန ကိရိယာဒေသနာသု  
 ပဝတ္တနတော။ ဘိက္ခုသံဃေန ဝုတ္တဝဏ္ဏဿာတိ “ယာဝဉ္စိဒံ တေန ဘဂဝ-  
 တာ”တိအာဒိနာ ဝုတ္တဝဏ္ဏဿ။ တတြ ပါဠိယံ အယံ သမ္ပန္နော— န ဘိက္ခဝေ  
 ဧတ္တကာ ဧဝ ဗုဒ္ဓဂုဏာ ယေ တုမှာကံ ပါကဋ္ဌာ၊ အပါကဋ္ဌာ ပန “အတ္ထိ  
 ဘိက္ခဝေ အညေ ဓမ္မာ”တိ ဝိတ္ထာရော။ “ဣမေ ဒိဋ္ဌိဌာနာ ဧဝံ ဂဟိတာ”တိ-  
 အာဒိနာ သဿတာဒိဒိဋ္ဌိဌာနာနံ ယထာဂဟိတာကာရဿ သုညဘာဝပ္ပကာ-  
 သနတော၊ “တဉ္စ ပဇာနနံ န ပရာမသတိ”တိ သီလာဒိနဉ္စ အပရာမသနိယ-  
 ဘာဝဒီပနေန နိစ္စသာရာဒိဝိရဟပ္ပကာသနတော၊ ယာသု ဝေဒနာသု အဝိတ-  
 ရာဂတာယ ဗာဟိရာနံ ဧတာနိ ဒိဋ္ဌိဝိဗန္ဓကာနိ သမ္ဘဝန္တိ၊ တာသံ ပစ္စယဘူတာ-  
 နဉ္စ သမ္မောဟာဒီနံ ဝေဒကကာရကသဘာဝါဘာဝဒဿနမှခေန သဗ္ဗဓမ္မာနံ  
 အတ္တတ္တနိယတာဝိရဟဒီပနတော၊ အနုပါဒါပရိနိဗ္ဗာနဒီပနတော စ အယံ

ဒေသနာ သုညတဝိဘာဝနပ္ပဓာနာတိ အာဟ “သုညတပကာသနံ အာရဘိ”တိ။

ပရိယတ္တိတိ ဝိနယာဒိဘေဒဘိန္နာ မနဿ ဝဝတ္ထာပိတာ တန္တိ။ ဒေသနာတိ တဿာ တန္တိယာ မနဿ ဝဝတ္ထာပိတာယ ဝိဘာဝနာ၊ ယထာဓမ္မံ ဓမ္မာဘိ-  
လာပဘူတာ ဝါ ပညာပနာ၊ အနုလောမာဒိဝသေန ဝါ ကထနန္တိ ပရိယတ္တိ-  
ဒေသနာနံ ဝိသေသော ပုဗ္ဗေယေဝ ဝဝတ္ထာပိတောတိ ဣမမတ္ထံ သန္ဓာယ  
“ဒေသနာယ၊ ပရိယတ္တိယ”န္တိ စ ဝုတ္တံ။ ဝေမာဒီသုတိ ဧတ္ထ အာဒိ-သဒ္ဓေန  
သစ္စသဘာဝသမာဓိပညာပကတိပုညာပတ္တိဥေယျာဒယော သင်္ဂယန္တိ။ တထာ  
ဟိ အယံ ဓမ္မ-သဒ္ဓေါ “စတုန္တံ ဘိက္ခဝေ ဓမ္မာနံ အနနုဗောဓာ”တိအာဒိသု<sup>၁</sup>  
သစ္စေ ပဝတ္တတိ။ “ကုသလာ ဓမ္မာ အကုသလာ ဓမ္မာ”တိအာဒိသု<sup>၂</sup> သဘာဝေ။  
“ဧဝံဓမ္မာ တေ ဘဂဝန္တော အဟေသု”န္တိအာဒိသု<sup>၃</sup> သမာဓိမိ။ “သစ္စံ ဓမ္မော  
မိတိ စာဂေါ၊ သ ဝေ ပေစ္စ န သောစတိ”တိအာဒိသု<sup>၄</sup> ပညာယံ။ “ဇာတိဓမ္မာနံ  
ဘိက္ခဝေ သတ္တာနံ ဧဝံ ဣန္ဒြာ ဥပ္ပဇ္ဇတိ”တိအာဒိသု<sup>၅</sup> ပကတိယံ။ “ဓမ္မော  
သုစိဏ္ဏော သုခမာဝဟာတိ”တိအာဒိသု<sup>၆</sup> ပုညေ။ “စတ္တာရော ပါရာဇိကာ  
ဓမ္မာ”တိအာဒိသု<sup>၇</sup> အာပတ္တိယံ။ “သဗ္ဗေ ဓမ္မာ သဗ္ဗာကာရေန ဗုဒ္ဓဿ  
ဘဂဝတော ဉ္ဇဏမုခေ အာပါထမာဂစ္ဆန္တိ”တိအာဒိသု<sup>၈</sup> ဥေယျေ ပဝတ္တတိ။  
ဓမ္မာ ဟောန္တိတိ သတ္တဇီဝတော သုညာ ဓမ္မမတ္တာ ဟောန္တိတိ အတ္ထော။  
ကိမတ္ထိယံ ဂုဏေ ပဝတ္တနန္တိ အာဟ “တသ္မာ”တိအာဒိ။

မကသတုဏ္ဏသုစိယာတိ သုစိမုခမက္ခိကာယ တုဏ္ဏသင်္ခါတာယ သုစိယာ။  
အလဗ္ဘနေယျပတိဋ္ဌာ ဝိယာတိ သမ္ပန္နော။ အညတြိ တထာဂတတိဋ္ဌပေတွာ  
တထာဂတံ။ “ဒုဒ္ဓဿ”တိ ပဒေနေဝ တေသံ ဓမ္မာနံ ဒုက္ခောဂါဟတာ  
ပကာသိတာတိ “အလဗ္ဘနေယျပတိဋ္ဌာ”ဣစ္စေဝ ဝုတ္တံ။ လဘိတဗ္ဗာတိ လဗ္ဘ-  
နိယာ၊ သာ ဝေ လဗ္ဘနေယျာ၊ လဘိယတေ ဝါ လဗ္ဘနံ၊ တမရဟတိတိ  
လဗ္ဘနေယျာ၊ န လဗ္ဘနေယျာ အလဗ္ဘနေယျာ၊ ပတိဋ္ဌဟန္တိ ဧတ္တာတိ ပတိဋ္ဌာ၊  
ပတိဋ္ဌဟနံ ဝါ ပတိဋ္ဌာ၊ အလဗ္ဘနေယျာ ပတိဋ္ဌာ ဧတ္တာတိ အလဗ္ဘနေယျ-  
ပတိဋ္ဌာ။ ဣဒံ ဝုတ္တံ ဟောတိ — သစေ ကောဝိ အတ္တနော ပမာဏံ အဇာနန္တော

၁-ဒိ ၂-၁၀၂၊ အံ ၁-၃၀၇-ပိဋ္ဌေ၊ ၂-အဘိ ၁-၁-ပိဋ္ဌေ။  
၃-ဒိ ၂-၇၊ ၄၆၊ ၇၀၊ ဒိ ၃-၈၂၊ မ ၃-၁၆၀၊ သံ ၃-၁၃၈-ပိဋ္ဌေသု။  
၄-သံ ၁-၂၁၇၊ ခ ၁-၃၀၇-ပိဋ္ဌေသု၊ ၅-မ ၁-၈၄၊ မ ၃-၂၉၃၊ ခ ၉-၃၈-ပိဋ္ဌေသု။  
၆-ခ ၁-၃၀၆၊ ခ ၂-၂၇၂၊ ခ ၅-၂၁၅၊ ၃၅၇-ပိဋ္ဌေသု၊ ၇-ဝိ ၁-၁၇၀-ပိဋ္ဌေ။  
၈-ခ ၇-၂၇၇၊ ခ ၈-၁၇၅၊ ခ ၉-၃၇၅-ပိဋ္ဌေသု။

ဤဏေန တေ ဓမ္မေ ဩဂါဟိတုံ ဥဿာဟံ ကရေယျ၊ တဿ တံ ဤဏံ အပ္ပတိဋ္ဌမေဝ မကသတုဏှာသုစိ ဝိယ မဟာသမုဒ္ဒေတိ။ ဩဂါဟိတုမသက္ကု-  
 ဏေယျတာယ “ဧတ္တကာ ဧတေ ဤဒိသာ ဝါ”တိ တေ ပဿိတုံ န သက္ကာတိ  
 ဝုတ္တံ “ဂန္တိရတ္တာ ဝေ ဒုဒ္ဓဿ”တိ။ ယေ ပန ဒဋ္ဌမေဝ န သက္ကာ၊ တေသံ  
 ဩဂါဟိတွာ အနု အနု ဗုဇ္ဈနေ ကထာ ဧဝ နတ္ထိတိ အာဟ “ဒုဒ္ဓဿတ္တာ ဝေ  
 ဒုရနုဗောဓာ”တိ။ သဗ္ဗကိလေသပရိဋ္ဌာဟပဋိပ္ပဿဒ္ဓိသင်္ခါတအဂ္ဂဖလမတ္ထကေ  
 သမုပ္ပန္နတ္တာ၊ ပုရေစရာနုစရဝသေန နိဗ္ဗုတသဗ္ဗကိလေသပရိဋ္ဌာဟသမာပတ္တိ-  
 သမောက်ဏှတ္တာ စ နိဗ္ဗုတသဗ္ဗပရိဋ္ဌာဟာ။ တဗ္ဘာဝတော သန္တာတိ အတ္ထော။  
 သန္တာရမ္ပဏာနိ မဂ္ဂဖလနိဗ္ဗာနာနိ အနုပသန္တသဘာဝါနိ ကိလေသာနံ၊  
 သင်္ခါရာနဉ္စ အဘာဝတော။

အထ ဝါ ကသိဏုဠါဋီမာကာသတဗ္ဗိသယဝိညာဏာနံ အနန္တဘာဝေါ ဝိယ  
 သုသမူဟတဝိက္ခေပတာယ နိစ္စသမာဟိတဿ မနသိကာရဿ ဝသေန တဒါ-  
 ရမ္ပဏဓမ္မာနံ သန္တဘာဝေါ ဝေဒိတဗ္ဗော။ အဝိရဇ္ဈိတွာ နိမိတ္တပဋိဝေဓော ဝိယ  
 ဣဿာသာနံ အဝိရဇ္ဈိတွာ ဓမ္မာနံ ယထာဘူတသဘာဝါဝဗောဓော သာဒု-  
 ရသော မဟာရသောဝ ဟောတိတိ အာဟ “အတိတ္ထိကရဏဋ္ဌေနာ”တိ၊  
 အတပ္ပနကရဏသဘာဝေနာတိ အတ္ထော။ သောဟိစ္စံ တိတ္ထိ တပ္ပနန္တိ ဟိ ပရိ-  
 ယာယော။ အတိတ္ထိကရဏဋ္ဌေနာတိ ပတ္ထေတွာ သာဒုရသကရဏဋ္ဌေနာတိပိ  
 အတ္ထံ ဝဒန္တိ။ ပဋိဝေဓပ္ပတ္တာနံ တေသု စ ဗုဒ္ဓါနမေဝ သဗ္ဗာကာရေန ဝိသယဘာ-  
 ဝူပဂမနတော န တက္ကဗုဒ္ဓိယာ ဂေါစရာတိ အာဟ “ဥတ္တမဉာဏဝိသယတ္တာ”တိ-  
 အာဒိ။ နိဗ္ဗုဏာတိ ဥပယျေသု တိက္ခပ္ပဝတ္တိယာ ဆေကာ။ ယသ္မာ ပန သော  
 ဆေကာဘာဝေါ အာရမ္ပဏေ အပ္ပဋိဟတဝုတ္တိတာယ၊ သုဒုမဉ္ဇေယျဂ္ဂဟဏ-  
 သမတ္တတာယ စ သုပါကဇ္ဇော ဟောတိ၊ တသ္မာ ဝုတ္တံ “သဏှသုဒုမသဘာ-  
 ဝတ္တာ”တိ။ ပဏ္ဍိတေဟိယေဝါတိ အဝဓာရဏံ သမတ္ထေတုံ “မာလာနံ  
 အဝိသယတ္တာ”တိ အာဟ။

အယံ အဋ္ဌကထာနယတော အပရော နယော— ဝိနယပဏ္ဏတ္တိအာဒိ-  
 ဂန္တိရနေယျဝိဘာဝနတော ဂန္တိရာ။ ကဒါစိယေဝ အသင်္ချေယျေ မဟာကပ္ပေ  
 အတိက္ကမိတွာပိ ဒုလ္လဘဒဿနတာယ ဒုဒ္ဓဿ။ ဒဿနဇ္ဈေတ္ထ ပညာစက္ခု-  
 ဝသေနေဝ ဝေဒိတဗ္ဗံ။ ဓမ္မန္တယသင်္ခါတဿ အနုဗောဓဿ ကဿစိဒေဝ  
 သမ္ဘဝတော ဒုရနုဗောဓာ။ သန္တသဘာဝတော၊ ဝေနေယျာနဉ္စ သဗ္ဗဂုဏ-  
 သမ္ပဒါနံ ပရိယောသာနတ္တာ သန္တာ။ အတ္တနော ပစ္စယေဟိ ပဓာနဘာဝံ  
 နိတတာယ ပဏီတာ။ သမဓိဂတသစ္စလက္ခဏတာယ အတက္ကေဟိ ပုဂ္ဂလေဟိ၊

အတက္ကေန ဝါ ဉာဏေန အဝစရိတဗ္ဗတော အတက္ကာဝစရာ။ နိပုဏံ၊ နိပုဏေ ဝါ အတ္ထေ သစ္စပစ္စယာကာရာဒိဝသေန ဝိဘာဝနတော နိပုဏာ။ လောကေ အဂ္ဂပဏ္ဍိတေန သမ္မာသမ္ဗုဒ္ဓေန ဝေဒိတဗ္ဗတော ပကာသိတဗ္ဗတော ပဏ္ဍိတ-ဝေဒနိယာ။

အနာဝရဏဉာဏပဋိလာဘတော ဟိ ဘဂဝါ “သဗ္ဗဝိဒူဟမသ္မိံ၊ ဒသဗလ-သမန္တာဂတော ဘိက္ခဝေ တထာဂတော”တိအာဒိနာ၊ အတ္တနော သဗ္ဗညုတာဒိ-ရုဏေ ပကာသေသိ၊ တေနောဟ “သယံ အဘိညာ သန္တိကတွာ ပဝေဒေ-တိ”တိ။ သယံ-သဒ္ဓေန၊ နိဒ္ဒါရိတာဝဓာရဏေန ဝါ နိဝတ္တေတဗ္ဗမတ္ထံ ဒသေတုံ “အနညနေယျော ဟုတွာ”တိ ဝုတ္တံ၊ အညေဟိ အဗောဓိတော ဟုတွာတိ အတ္ထော။ အဘိညာတိ ယ-ကာရလောပေါ “အညာဏတာ အာပဇ္ဇတိ”တိ-အာဒိသု၊ ဝိယာတိ ဒသေတိ “အဘိဝိသိဋ္ဌေန ဉာဏေနာ”တိ ဣမိနာ။ အပိစ “သယံ အဘိညာ”တိ ပဒဿ အနညနေယျော ဟုတွာတိ အတ္ထဝစနံ၊ “သန္တိ-ကတွာ”တိ ပဒဿ ပန သယမေဝ။ ပ။ ကတွာတိ။ သယံ-သဒ္ဓါ ဟိ သန္တိ-ကတွာတိ ဧတ္ထာပိ သမ္ဗုဒ္ဓိတဗ္ဗော။ အဘိဝိသိဋ္ဌေန ဉာဏေနာတိ စ တဿ ဟေတုဝစနံ၊ ကရဏဝစနံ ဝါ။

တတ္ထ ကိဉ္စာပိ သဗ္ဗညုတညာဏံ ဖလနိဗ္ဗာနာနိ ဝိယ သန္တိကာတဗ္ဗသဘာဝံ န ဟောတိ၊ အာသဝက္ခယဉာဏေ ပန အဓိဂတေ အဓိဂတမေဝ ဟောတိ၊ တသ္မာ တဿ ပစ္စက္ခကရဏံ သန္တိကိရိယာတိ အာဟ “အဘိဝိသိဋ္ဌေန ဉာဏေန ပစ္စက္ခံ ကတွာ”တိ။ ဟေတုအတ္ထေ စေတံ ကရဏဝစနံ၊ အဂ္ဂမဂ္ဂဉာဏသင်္ခါတဿ အဘိဝိသိဋ္ဌဉာဏဿာဓိဂမဟေတူတိ အတ္ထော။ အဘိဝိသိဋ္ဌဉာဏန္တိ ဝါ ပစ္စဝေက္ခဏာဉာဏေ အဓိပ္ပေတေ ကရဏတ္ထေ ကရဏဝစနမ္ပိ ယုဇ္ဇေတေဝ။ ပဝေ-ဒနဉ္စေတ္ထ အညာဝိသယာနံ သစ္စာဒိနံ ဒေသနာကိစ္စသာဓေနတော၊ “ဧကောမိ သမ္မာသမ္ဗုဒ္ဓေါ”တိအာဒိနာ၊ ပဋိဇာနနတော စ ဝေဒိတဗ္ဗံ။ ဂုဏဓဓ္မေဟိတိ ဂုဏသင်္ခါတေဟိ ဓဓ္မေဟိ။ ယထာဘူတမေဝ ယထာဘူစ္စံ သကတ္ထေ ဣပစ္စယ-ဝသေန။

ဝဒမာနာတိ ဧတ္ထ သတ္တိအတ္ထော မာနသဒ္ဓေါ ယထာ “ဧကပုဂ္ဂလော ဘိက္ခဝေ လောကေ ဥပ္ပဇ္ဇမာနော ဥပ္ပဇ္ဇတိ”တိ၊ တသ္မာ ဝတ္ထု ဥဿာဟံ ကရောန္တောတိ အတ္ထော။ ဧဝံဘူတာ ဟိ ဝတ္ထုကာမာ နာမ ဟောန္တိ၊ တေနာဟ

၁-မ ၁-၂၇၊ မ ၂-၂၉၅၊ ခ ၁-၆၄၊ ဝိ ၃-၁၂၊ အဘိ ၄-၂၁၈-ပိဋေသု။  
၂-သံ ၁-၂၆၅-၆-ပိဋေ။  
၄-ဝိ ၃-၁၂၊ အဘိ ၄-၂၁၈-ပိဋေသု။  
၃-ဝိ ၅-၁၈၄-ပိဋေ။  
၅-အံ ၁-၂၁၊ အဘိ ၄-၅၇-ပိဋေ။

“တထာဂတဿာ”တိအာဒိ။ သာဝသေသံ ဝဒန္တာပိ ဝိပရိတဝဒန္တာ ဝိယ သမ္မာ ဝဒန္တိတိ န ဝတ္တဗ္ဗာတိ ယထာ သမ္မာ ဝဒန္တိ၊ တထာ ဒဿေတုံ “အဟာ-  
ပေတွာ”တိအာဒိ ဝုတ္တံ။ တေန ဟိ အနဝသေသဝဒနမေဝ သမ္မာ ဝဒနန္တိ  
ဒဿေတိ။ “ဝတ္တံ သက္ကုဏေယျ”န္တိ ဣမိနာ စ “ဝဒေယျ”န္တိ ဧတဿ  
သမတ္တနတ္တဘာဝမာဟ ယထာ “သော ဣမံ ဝိဇ္ဇေယေ ဇဉ္ဇ”န္တိ။ ယေ ဧဝံ  
ဘဂဝတာ ထောမိတာ၊ တေ ဓမ္မာ ကတမေတိ ယောဇနာ။ “အတ္ထိ ဘိက္ခဝေ  
အညေဝ ဓမ္မာ”တိအာဒိပါဠိယာ “သဗ္ဗညုတညာဏ”န္တိ ဝုတ္တဝစနဿ ဝိရောဓိ-  
ဘာဝံ စောဒေန္တော “ယဒိ ဧ”န္တိအာဒိမာဟ။ တတ္ထ ယဒိ ဧ”န္တိ ဧဝံ  
“သဗ္ဗညုတညာဏ”န္တိ ဝုတ္တဝစနံ ယဒိ သိယာတိ အတ္ထော။ ဗဟုဝစနနိဒ္ဒေ-  
သောတိ “အတ္ထိ ဘိက္ခဝေ”တိအာဒိနိ သန္ဓာယ ဝုတ္တံ။ အတ္ထိ-သဒ္ဓေါပိ ဟိ ဣဓ  
ဗဟုဝစနောယေဝ “အတ္ထိ ဒီရာ၊ အတ္ထိ ဂါဝေါ”တိအာဒိသု ဝိယ နိပါတ-  
ဘာဝဿေဝ ဣစ္ဆိတတ္တာ။ ယဒိပိ တဒိဒံ ဉာဏံ ဧကမေဝ သဘာဝတော၊  
တထာပိ သမ္ပယောဂတော၊ အာရမ္မဏတော စ ပုထုဝစနပ္ပယောဂမရဟတီတိ  
ဝိဿဇ္ဇေတိ “ပုထုစိတ္တံ ။ ဗ ။ ရမ္မဏတော”တိ ဣမိနာ။ ပုထုစိတ္တသမာယောဂ-  
တောတိ ပုထုဟိ စိတ္တေဟိ သမ္ပယောဂတော။ ပုထုနိ အာရမ္မဏာနိ ဧတဿာတိ  
ပုထုအာရမ္မဏံ၊ တဗ္ဘာဝတော သဗ္ဗာရမ္မဏတ္တာတိ ဝုတ္တံ ဟောတိ။

အပိစ ပုထု အာရမ္မဏံ အာရမ္မဏမေတဿာတိ ပုထုအာရမ္မဏာရမ္မဏန္တိ  
ဧတသ္မိံ အတ္ထေ “ဩဠမုခေါ၊ ကာမာဝစရ”န္တိအာဒိသု ဝိယ ဧကဿ အာရမ္မဏ-  
သဒ္ဓဿ လောပံ ကတွာ “ပုထုအာရမ္မဏတော”တိ ဝုတ္တံ၊ တေနဿ  
ပုထုဉာဏကိစ္စသာဓကတ္တံ ဒဿေတိ။ တထာ ဟေတံ ဉာဏံ တီသု ကာလေသု  
အပ္ပင်္ဂဟတဉာဏံ၊ စဘုယောနိပရိစ္ဆေဒကဉာဏံ၊ ပဉ္စဂတိပရိစ္ဆေဒကဉာဏံ၊ ဆသု  
အသာဓာရဏဉာဏေသု သေသာသာဓာရဏဉာဏာနိ၊ သတ္တာရိယပုဂ္ဂလ-  
ဝိဘာဝနကဉာဏံ၊ အဋ္ဌသု ပရိသာသု အကမ္မနဉာဏံ၊ နဝသတ္တာဝါသပရိဇာနန-  
ဉာဏံ၊ ဒသဗလဉာဏန္တိ ဧဝမာဒိနံ အနေကသတသဟဿဘေဒါနံ ဉာဏာနံ  
ယသာသမ္ဘဝံ ကိစ္စံ သာဓေတိ၊ တေသံ အာရမ္မဏဘူတာနံ အနေကေသမ္ဘိ ဓမ္မာနံ  
တဒါရမ္မဏဘာဝတောတိ ဒဠဗ္ဗံ။ “တဉ္စိ”တိ အာဒိ ယထာက္ကမံ တဗ္ဗိဝရဏံ။  
“ယထာဟာ”တိအာဒိနာ ပဋိသန္တိဒါမဂ္ဂပါဠိ သာဓကဘာဝေန ဒဿေတိ။  
တတ္ထာတိ အတိတဓမ္မေ။ ဧကဝါရဝသေန ပုထုအာရမ္မဏဘာဝံ နိဝတ္တေတွာ  
အနေကဝါရဝသေန ကမပ္ပဝတ္တိယာ တံ ဒဿေတုံ “ပုနဗ္ဗုနံ ဥပ္ပတ္တိဝသေ-  
နာ”တိ ဝုတ္တံ။ ကမေနာပိ ဟိ သဗ္ဗညုတညာဏံ ဝိသယေသု ပဝတ္တတိ၊ န တထာ

သင်္ကိယေဝ။ ယထာ ဗာဟိရကာ ဝဒန္တိ “သင်္ကိယေဝ သဗ္ဗညူ သဗ္ဗံ ဇာနာတိ၊ န ကမေနာ”တိ။

ယဒိ ဧဝံ အစိန္တေယျာပရိမေယျပ္ပဘေဒဿ ဥေယျဿ ပရိစ္ဆေဒဝတာ ဧကေန ဉာဏေန နိရဝသေသတော ကထံ ပဋိဝေဓောတိ၊ ကော ဝါ ဧဝမာဟ “ပရိစ္ဆေဒဝန္တံ သဗ္ဗညုတညာဏ”န္တိ။ အပရိစ္ဆေဒဉ္စိ တံ ဉာဏံ ဥေယျဇိဝ။ ဝုတ္တဉ္စေတံ “ယာဝတကံ ဉာဏံ၊ တာဝတကံ ဥေယျံ။ ယာဝတကံ ဥေယျံ၊ တာဝတကံ ဉာဏ”န္တိ ဧဝမိ ဇာတိဘူမိသဘာဝါဒိဝသေန၊ ဒိသဒေသ- ကာလာဒိဝသေန စ အနေကဘေဒဘိန္တေ ဥေယျေ ကမေန ဂယမာနေ အနဝသေသပဋိဝေဓော န သမ္ဘဝတိယေဝါတိ? နယိဒမေဝံ။ ယဉ္စိ ကိဉ္စိ ဘဂဝတာ ဉာတုမိစ္ဆိတံ သကလမေကဒေသော ဝါ၊ တတ္ထ အပ္ပဋိဟတ- စာရိတာယ ပစ္စက္ခတော ဉာဏံ ပဝတ္တတိ။ ဝိက္ခေပါဘာဝတော စ ဘဂဝါ သဗ္ဗကာလံ သမာဟိတောတိ ဉာတုမိစ္ဆိတဿ ပစ္စက္ခဘာဝေါ န သက္ကာ နိဝါရေတုံ။ ဝုတ္တဉ္စိ “အာကင်္ခါပဋိဗဒ္ဓံ ဗုဒ္ဓဿ ဘဂဝတော ဉာဏ”န္တိအာဒိ-၊ နနု စေတ္ထ ဒူရတော စိတ္တပဋိပဿန္တာနံ ဝိယ၊ “သဗ္ဗေ ဓမ္မာ အနတ္တာ”တိ ဝိပဿန္တာနံ ဝိယ စ အနေကဓမ္မာဝဓောဓကာလေ အနိရူပိတရူပေန ဘဂဝတော ဉာဏံ ပဝတ္တတိတိ ဂဟေတဗ္ဗန္တိ? န ဂဟေတဗ္ဗံ အစိန္တေယျာ- နဘာဝတာယ ဗုဒ္ဓဉာဏဿ။ တေနောဟ “ဗုဒ္ဓဝိသယော အစိန္တေယျော”တိ၊ ဣဒံ ပနေတ္ထ သန္တိဌာနံ— သဗ္ဗာကာရေန သဗ္ဗဓမ္မာဝဓောဓနသမတ္ထဿ အာကင်္ခါပဋိဗဒ္ဓဝုတ္တိနော အနာဝရဏဉာဏဿ ပဋိလာဘေန ဘဂဝါ သန္တာ- နေန သဗ္ဗဓမ္မပဋိဝေဓသမတ္ထော အဟောသိ သဗ္ဗနေယျာဝရဏဿ ပဟာန- တော၊ တဿ သဗ္ဗညူ၊ န သင်္ကိယေဝ သဗ္ဗဓမ္မာဝဓောဓတော ယထာ- သန္တာနေန သဗ္ဗဿ ဣန္ဒနဿ ဒဟနသမတ္တတာယ ပါဝကော “သဗ္ဗဘူ”တိ ဝုစ္စတိတိ။

ကာမဇ္ဇာယမတ္ထော ပုဗ္ဗေ ဝိတ္တာရိတောယေဝ၊ ပကာရန္တရေန ပန သောတု- ဇနာနုဂ္ဂဟကာမတာယ၊ ဣမိဿာ စ ပေါရာဏသံဝဏ္ဏနာဝိသောဓနဝသေန ပဝတ္တတ္တာ ပန ဝိဘာဝိတောတိ န စေတ္ထ ပနရုတ္တိဒေါသော ပရိယေသိတဗ္ဗော၊ ဧဝမိဒိသေသု။ ဧတ္ထ စ ကိဉ္စာပိ ဘဂဝတော ဒသဗလာဒိဉာဏာနိပိ အနည- သာဓာရဏာနိ၊ သဗ္ဗဒေသဝိသယတ္တာ ပန တေသံ ဉာဏာနံ န တေဟိ ဗုဒ္ဓဂုဏာ အဟာပေတွာ ဂဟိတာ နာမ ဟောန္တိ။ သဗ္ဗညုတညာဏဿ ပန

၁-၃၇-၁၃၃၊ ၂၇၈၊ ၃ ၈-၁၇၅-၆၊ ၃ ၉-၃၇၆-ပိဋ္ဌေဟိ အဓိပ္ပါယ်တ္ထမေဝ ဂဟိတံ ဝိယ ဒိသတိ။  
၂-၃၇-၁၃၃၊ ၂၇၈၊ ၃ ၈-၁၇၆၊ ၃ ၉-၃၇၆-ပိဋ္ဌေသု၊ ၃-အံ ၁-၃၉၂-ပိဋ္ဌေ။

နိပ္ပဒေသဝိသယတ္တာ တသ္မိံ ဂဟိတေ သဗ္ဗေပိ ဗုဒ္ဓဂုဏာ ဂဟိတာ ဧဝ နာမ ဟောန္တိ၊ တသ္မာ ပါဠိအတ္ထာနုသာရေန တဒေဝ ဉာဏံ ဂဟိတန္တိ ဝေဒိတဗ္ဗံ။ ပါဠိယမ္ပိ ဟိ “ယေဟိ တထာဂတဿ ယထာဘူစ္စံ ဝဏ္ဏံ သမ္မာ ဝဒမာနာ ဝဒေယျ”န္တိ တမေဝ ပကာသိတံ တမန္တရေန အညဿ နိပ္ပဒေသဝိသယဿ အဘာဝတော၊ နိပ္ပဒေသဝိသယေနော စ ယထာဘူစ္စံ သမ္မာ ဝဒနသမ္ဘဝတောတိ။

အညေဝါတိ ဧတ္ထ ဧဝ-သဒ္ဓေါ သန္နိဋ္ဌာပနတ္ထောတိ ဒဿေတုံ “အညေ-ဝါတိ ဣဒံ ပနောတ္ထ ဝဝတ္ထာပနဝစန”န္တိ ဂုတ္တံ၊ ဝဝတ္ထာပနဝစနန္တိ စ သန္နိဋ္ဌာ-ပနဝစနန္တိ အတ္ထော၊ သန္နိဋ္ဌာပနန္တိ အဝဓာရဏမေဝ။ ကထန္တိ အာဟ “အညေဝါ”တိအာဒိ။ “န ပါဏာတိပါတာ ဝေရမဏိအာဒယော”တိ ဣမိနာ အဝဓာရဏေန နိဝတ္တိတံ ဒဿေတိ။ အယဉ္စ ဧဝ-သဒ္ဓေါ အနိယတ-ဒေသတာယ စ-သဒ္ဓေါ ဝိယ ယတ္ထ ဂုတ္ထော၊ တတော အညတ္ထာပိ ဝစနိစ္ဆာ-ဝသေန ဥပတိဋ္ဌတိတိ အာဟ “ဂန္တိရာဝါ”တိအာဒိ။ ဣတိ-သဒ္ဓေန စ အာဒိအတ္ထေန ဒုဒ္ဓသာဝ န သုဒသာ၊ ဒုရနုဗောဓာဝ န သုရနုဗောဓာ၊ သန္တာဝ န ဒရထာ၊ ပဏီတာဝ န ဟိနာ၊ အတက္ကာဝစရာဝ န တက္ကာဝဇရာ၊ နိပုဏာဝ န လူခါ၊ ပဏ္ဍိတဝေဒနီယာဝ န ဗာလဝေဒနီယာတိ နိဝတ္တိတံ ဒဿေတိ။ သဗ္ဗပဒေဟိတိ ယာဝ “ပဏ္ဍိတဝေဒနီယာ”တိ ဣဒံ ပဒံ၊ တာဝ သဗ္ဗပဒေဟိ။

ဧဝံ နိဝတ္တေတဗ္ဗတံ ယုတ္တိယာ ဒဠိကရောန္တော “သာဝကပါရမိဉာဏ”န္တိ-အာဒိမာဟ။ တတ္ထ သာဝကပါရမိဉာဏန္တိ သာဝကာနံ ဒါနာဒိပါရမိပါရိ-ပူရိယာ နိပ္ပန္နံ ဝိဇ္ဇတ္တယဆဋ္ဌတိညာစတုပဋိသမ္ဘိဒါဘေဒံ ဉာဏံ၊ တထာ ပစ္စေကဗုဒ္ဓါနံ ပစ္စေကဗောဓိဉာဏံ။ တတောတိ သာဝကပါရမိဉာဏတော။ တတ္ထာတိ သာဝကပါရမိဉာဏေ။ တတောပီတိ အနန္တရနိဒ္ဓိဋ္ဌတော ပစ္စေက-ဗောဓိဉာဏတောပိ။ အဝိ-သဒ္ဓေန၊ ဝိ-သဒ္ဓေန ဝါ ကော ပန ဝါဒေါ သာဝကပါရမိဉာဏတောတိ သမ္ဘာဝေတိ။ တတ္ထာပီတိ ပစ္စေကဗောဓိဉာဏေပိ။ ဣတော ပနာတိ သဗ္ဗညုတညာဏတော ပန၊ တသ္မာ ဧတ္ထ သဗ္ဗညုတညာဏေ ဝဝတ္ထာနံ လဗ္ဘတိတိ အဓိပ္ပါယော။ ဂန္တိရေသု ဝိသေသာ၊ ဂန္တိရာနံ ဝါ ဝိသေသေန ဂန္တိရာ။ အယဉ္စ ဂန္တိရော အယဉ္စ ဂန္တိရော ဣမေ ဣမေသံ ဝိသေသေန ဂန္တိရာတိ ဝါ ဂန္တိရတရာ။ တရသဒ္ဓေနောဝေတ္ထ ဗျဝစ္ဆေဒနံ သိဒ္ဓံ။

တ္ထောယံ ယောဇနာ— ကိဉ္ဇာပိ သာဝကပါရမိဉာဏံ ဟေဋ္ဌိမံ ဟေဋ္ဌိမံ သေက္ခဉာဏံ၊ ပုထုဇနဉာဏန္တိ ဥပါဒါယ ဂန္တိရံ၊ ပစ္စေကဗောဓိဉာဏံ ပန ဥပါဒါယ န တထာ ဂန္တိရန္တိ “ဂန္တိရမေဝါ”တိ န သက္ကာ ဗျဝစ္ဆိဇ္ဇိတုံ၊ တထာ

ပစ္စေကဗောဓိဉာဏမ္ပိ ယထာဝုတ္တံ ဉာဏမုပါဒါယ ဂမ္ဘီရံ၊ သဗ္ဗညုတညာဏံ ပန ဥပါဒါယ န ဧဝံ ဂမ္ဘီရန္တိ “ဂမ္ဘီရမေဝါ”တိ န သက္ကာ ဗျဝစ္ဆိဇ္ဇိတုံ၊ တသ္မာ တတ္ထ ဝဝတ္ထာနံ န လမ္ဘတိ။ သဗ္ဗညုတညာဏဓမ္မော ပန သာဝကပါရမိ-ဉာဏာဒိနမိဝ ကိဉ္စ ဥပါဒါယ ဂမ္ဘီရဘာဝါဘာဝတော “ဂမ္ဘီရ ဧဝါ”တိ ဝဝတ္ထာနံ လမ္ဘတိတိ။ ယထာ စေတ္တ ဝဝတ္ထာနံ ဒဿိတံ၊ ဧဝံ သာဝကပါရမိ-ဉာဏံ ဒုဒ္ဒသံ။ “ပစ္စေကဗောဓိဉာဏံ ပန တတော ဒုဒ္ဒသတရန္တိ တတ္ထ ဝဝတ္ထာ-နံ နတ္ထိ”တိအာဒိနာ ဝဝတ္ထာနသမ္ဘဝေါ နေတဗ္ဗော၊ တေနောဟ “တထာ ဒုဒ္ဒသာဝ။ပ။ ဝေဒိတဗ္ဗ”န္တိ။

ပုစ္ဆာဝိဿန္တနန္တိပိ ပါဌော၊ တဿာ ပုစ္ဆာယ ဝိဿန္တနန္တိ အတ္ထော။ တေန္တိ ယထာဝုတ္တံ ဝိဿန္တနဝစနံ။ ဧဝန္တိ ဣမိနာ ဒိဋ္ဌိနံ ဝိဘဇနာကာရေန။ ဧတ္ထာယမဓိပ္ပါယော—ဘဝတု တာဝ နိရဝသေသဗုဒ္ဓဂုဏဝိဘာဝနုပါယ-ဘာဝတော သဗ္ဗညုတညာဏမေဝ ကေမ္ပိ ပုထုနိဿယာရမ္မဏဉာဏကိစ္စ-သိဒ္ဓိယာ “အတ္ထိ ဘိက္ခဝေ အညေဝ ဓမ္မော”တိအာဒိနာ ဗဟုဝစနေန ဥဒ္ဓိဋ္ဌံ၊ တဿ ပန ဝိဿန္တနံ သစ္စပစ္စယာကာရာဒိဝိသယဝိသေသဝသေန အနညသာ-ဓာရဏေန ဝိဘဇနနယေန အနာရဘိတွာ သနိဿယာနံ ဒိဋ္ဌိဂတာနံ ဝိဘဇန-နယေန ကသ္မာ အာရဒ္ဓန္တိ? တတ္ထ ယထာ သစ္စပစ္စယာကာရာဒိနံ ဝိဘဇနံ အနညသာဓာရဏံ သဗ္ဗညုတညာဏဿေဝ ဝိသယော၊ ဧဝံ နိရဝသေသဒိဋ္ဌိ-ဂတဝိဘဇနမ္ပိတိ ဒဿေတုံ “ဗုဒ္ဓါနဉ္စိ”တိအာဒိ အာရဒ္ဓံ၊ တတ္ထ ဌာနာနီတိ ကာရဏာနိ။ ဂမ္ဘီတံ မဟန္တံ ဟောတီတိ ဒေသေတဗ္ဗဿ အတ္ထဿ အနေက-ဝိဓတာယ၊ ဒုဗ္ဗိညေယျတာယ စ နာနာနယေဟိ ပဝတ္တမာနံ ဒေသနာဂမ္ဘီတံ မဟန္တံ ဝိပုလံ၊ ဗဟုပုဘေဒဉ္စ ဟောတိ။ ဉာဏံ အနုပဝိသတိတိ တတော ဧဝ စ ဒေသနာဉာဏံ ဒေသေတဗ္ဗဓမ္မေ ဝိဘာဂသော ကုရမာနံ အနုပဝိသတိ၊ တေ အနုပဝိသိတွာ ဌိတံ ဝိယ ဟောတိတိ အတ္ထော။

ဗုဒ္ဓဉာဏဿ မဟန္တဘာဝေါ ပညာယတိတိ ဧဝံဝိဿေ နာမ ဓမ္မဿ ဒေသကံ၊ ပဋိဝေဓကဉ္စာတိ ဗုဒ္ဓါနံ ဒေသနာဉာဏဿ၊ ပဋိဝေဓဉာဏဿ စ ဥဋ္ဌာရဘာဝေါ ပါကဋော ဟောတိ။ ဒေသနာ ဂမ္ဘီရ ဟောတိတိ သဘာဝေန ဂမ္ဘီရာနံ တေသံ စတုဗ္ဗိဓာနမ္ပိ ဒေသနာ ဒေသေတဗ္ဗဝသေန ဂမ္ဘီရာဝ ဟောတိ၊ သာ ပန ဗုဒ္ဓါနံ ဒေသနာ သဗ္ဗတ္ထ၊ သဗ္ဗဒါ စ ယာနတ္ထယမုခေနေဝါတိ ဝုတ္တံ “တိလက္ခဏာဟတာ သုညတာပဋိသံယုတ္တာ”တိ၊ တီဟိ လက္ခဏေဟိ အာ-ဟတာ၊ အတ္တတ္တနိယတော သုညဘာဝပဋိသညတ္တာ စာတိ အတ္ထော။ ဧတ္ထ စ

ကိဉ္ဇာပိ “သဗ္ဗံ ဝစီကမ္ပံ ဗုဒ္ဓဿ ဘဂဝတော ဉာဏပုဗ္ဗင်္ဂံ ဉာဏာနုပရိဝတ္တိ”တိ ဝစနတော သဗ္ဗာပိ ဘဂဝတော ဒေသနာ ဉာဏရဟိတာ နာမ နတ္ထိ၊ သမသမပရက္ကမနဝသေန သီဟသမာနဝုတ္တိတာယ စ သဗ္ဗတ္ထ သမာနုဿာဟပ္ပဝတ္တိ၊ ဒေသေတဗ္ဗဓမ္မဝသေန ပန ဒေသနာ ဝိသေသတော ဉာဏေန အနုပဝိဋ္ဌာ၊ ဂမ္ဘီရတရာ စ ဟောတီတိ ဒဋ္ဌဗ္ဗံ။

ကထံ ပန ဝိနယပဏ္ဏတ္တိံ ပတွာ ဒေသနာ တိလက္ခဏာဟတာ၊ သုညတာပဋိသညတ္တာ စ ဟောတိ၊ နန တတ္ထ ဝိနယပဏ္ဏတ္တိမတ္တမေဝါတိ? န တတ္ထ ဝိနယပဏ္ဏတ္တိမတ္တမေဝ။ တတ္ထာပိ ဟိ သန္တိသိန္နပရိသာယ အဇ္ဈာသယာနုရူပံ ပဝတ္တမာနာ ဒေသနာ သင်္ခါရာနံ အနိစ္စတာဒိဝိဘာဝိနိ သဗ္ဗဓမ္မာနံ အတ္တတ္တနိယတာ၊ သုညဘာဝပ္ပကာသိနိ စ ဟောတိ၊ တေနေဝါဟ “အနေကပရိယာယေန ဓမ္မိံ ကထံ ကတွာ”တိအာဒိ။ ဝိနယပညတ္တိန္တိ ဝိနယဿ ပညာပနံ။ ည-ကာရဿ ပန ဣ-ကာရေ ကတေ ဝိနယပဏ္ဏတ္တိန္တိပိ ပါဌော။ ဣမန္တရန္တိ ဓမ္မာနံ အဝတ္ထာဝိသေသဉ္စ ဌာနဝိသေသဉ္စ။ ဘဝန္တိ ဓမ္မာ ဧတ္ထာတိ ဣဒီတိ ဟိ အဝတ္ထာဝိသေသော၊ ဌာနဉ္စ ဝုစ္စတိ။ တတ္ထ အဝတ္ထာဝိသေသော သတိအာဒိဓမ္မာနံ သတိပဋ္ဌာနိန္ဒြိယဗလဗောဇ္ဈင်္ဂမဂ္ဂင်္ဂါဒိဘေဒေါ “ဝစ္ဆော၊ ဒဓမ္မော၊ ဗလီဗဒ္ဓေါ”တိအာဒယော ဝိယ။ ဌာနဝိသေသော ကာမာဝစရာဒိဘေဒေါ။ ပစ္စယာကာရ-သဒ္ဓဿ အတ္ထော ဟေဋ္ဌာ ဝုတ္တောယေဝ။ သမ-ယန္တရန္တိ ဒိဋ္ဌိဝိသေသံ၊ နာနာဝိဟိတာ ဒိဋ္ဌိယောတိ အတ္ထော၊ အညသမယံ ဝါ၊ ဗာဟိရကသမယန္တိ ဝုတ္တံ ဟောတိ။ ဝိနယပညတ္တိံ ပတွာ ဟေန္တံ ဂဇ္ဇိတံ ဟောတီတိအာဒိနာ သမ္ပန္နော။ တသ္မာတိ ယသ္မာ ဂဇ္ဇိတံ မဟန္တံ ။ပ။ ပဋိသံယုတ္တာ၊ တသ္မာ။ ဆေဇ္ဇဂါမိနီတိ အတေကိစ္ဆဂါမိနီ။

ဝေံ ဩတိဏ္ဏေ ဝတ္ထုသိန္တိ ယထာဝုတ္တနယေန လဟုကဂရကာဒိဝသေန တဒနုရူပေ ဝတ္ထုမိ ဩတရန္တေ။ ယံ သိက္ခာပဒပညာပနံ နာမ အတ္ထိ၊ တတ္ထာတိ သမ္ပန္နော။ ထာမောတိ ဉာဏသာမတ္ထိယံ။ ဗလန္တိ အကမ္ပနသင်္ခါတော ဝီရဘာဝေါ။ ထာမော ဗလန္တိ ဝါ သာမတ္ထိယဝစနမေဝ။ ပစ္စဝေက္ခဏာဒေသနာ-ဉာဏဝသေန ယောဇေတဗ္ဗံ။ ပစ္စဝေက္ခဏာဉာဏပုဗ္ဗင်္ဂမ္ပိ ဒေသနာဉာဏံ။ သောတိ သိက္ခာပဒပညာပနမေဝ ဝုစ္စမာနပဒမပေက္ခိတွာ ပုလ္လိင်္ဂေန နိဒ္ဓိသတိ၊ ဧသော သိက္ခာပဒပညာပနသင်္ခါတော ဝိသယော အညေသံ အဝိသယောတိ အတ္ထော။ ဣတိတိ တထာဝိသယာဝိသယဘာဝဿ ဟေတုဘာဝေန

ပဋိနိဒ္ဒေသဝစနံ၊ နိဒဿနတ္ထော ဝါ ဣတိ-သဒ္ဓေါ၊ တေန “ဣဒံ လဟုကံ၊ ဣဒံ ဂရုက” န္တိအာဒိနယံ နိဒ္ဓိသတိ။ ဧဝမပရတ္ထာပိ ယထာသမ္ဘဝံ။

ယဒိပိ ကာယာနုပဿနာဒိဝသေန သတိပဋ္ဌာနာဒယော သုတ္တန္တပိဋကေ<sup>၁</sup> ဝိဘတ္တာ၊ တထာပိ သုတ္တန္တဘာဇနိယာဒိဝသေန အဘိဓမ္မေယေဝ တေ ဝိသေ- သတော ဝိဘတ္တာတိ အာဟ “ဣမေ ဓတ္တာဓော သတိပဋ္ဌာနာ။ပ။ အဘိဓမ္မ- ပိဋကံ ဝိဘဇိတွာ” တိ။ တတ္ထ သတ္တ ဖဿာတိ သတ္တဝိညာဏဓာတုသမ္ပယောဂ- ဝသေန ဝုတ္တံ။ တထာ “သတ္တ ဝေဒနာ” တိအာဒိပိ။ လောကုတ္တရာ ဓမ္မာနာမာတိ ဧတ္ထ ဣတိ-သဒ္ဓေါ အာဒိအတ္ထော၊ ပကာရတ္ထော ဝါ၊ တေန ဝုတ္တာဝသေသံ အဘိဓမ္မေ အာဂတံ ဓမ္မာနံ ဝိဘဇိတဗ္ဗာကာရံ သင်္ဂဏှာတိ။ စတုရိသတိ- သမန္တပဋ္ဌာနာနိ ဧတ္တာတိ စတုရိသတိသမန္တပဋ္ဌာနန္တိ ဗာဟိရတ္ထသမာသော။ “အဘိဓမ္မပိဋက” န္တိ ဧတဿ ဟိ ဣဒံ ဝိသေသနံ။ ဧတ္ထ စ ပစ္စယနယံ အဂ္ဂဟေတွာ ဓမ္မဝသေနေဝ သမန္တပဋ္ဌာနဿ စတုရိသတိဝိတော ဝုတ္တာ။ ယထာဟ—

“တိကဉ္စ ပဋ္ဌာနဝရံ ဒုကုတ္တမံ၊  
ဒုကတိကဉ္စေဝ တိကဒုကဉ္စ။  
တိကတိကဉ္စေဝ ဒုကဒုကဉ္စ၊  
ဆ အနုလောမမ္ပိ နယာ သုဂမ္ဘိရာ။ပ။  
ဆ ပစ္စနိယမ္ပိ။ပ။ အနုလောမပစ္စနိယမ္ပိ။ပ။  
ပစ္စနိယာနုလောမမ္ပိ နယာ သုဂမ္ဘိရာ” တိ<sup>၂</sup>။

ဧဝံ ဓမ္မဝသေန စတုရိသတိဘေဒေသု တိကပဋ္ဌာနာဒိသု ဧကေကံ ပစ္စယ- နယေန အနုလောမာဒိဝသေန စတုဗ္ဗိဓံ ဟောတီတိ ဆန္တဝုတိသမန္တပဋ္ဌာနာနိ။ တတ္ထ ပန ဓမ္မာနုလောမေ တိကပဋ္ဌာနေ ကုသလတ္တိကေ ပဋိစ္စဝါရေ ပစ္စယာ- နုလောမေ ဟေတုမူလကေ ဟေတုပစ္စယဝသေန ဧကေနပညာသ ပုစ္ဆာနယာ သတ္တ ဝိဿဇ္ဇနနယာတိအာဒိနာ ဒဿိယမာနာ အနန္တဘေဒါ နယာတိ အာဟ “အနန္တနယ” န္တိ။

နဝဟာကာရေဟိတိ ဥပ္ပါဒါဒိဟိ နဝဟိ ပစ္စယာကာရေဟိ။ တံ သရူပတော ဒဿေတုံ “ဥပ္ပါဒေါ ဟုတွာ” တိအာဒိ ဝုတ္တံ။ တတ္ထ ဥပ္ပဇ္ဇတိ ဧတသ္မာ ဖလန္တိ ဥပ္ပါဒေါ၊ ဖလုပ္ပတ္တိယာ ကာရဏဘာဝေါ။ သတိ စ အဝိဇ္ဇာယ သင်္ခါရာ ဥပ္ပဇ္ဇန္တိ၊ နာသတိ။ တသ္မာ အဝိဇ္ဇာ သင်္ခါရာနံ ဥပ္ပါဒေါဟုတွာ ပစ္စယော ဟောတိ၊ တထာ ပဝတ္တတိ ရေတိ ဧတသ္မိံ ဖလန္တိ ပဝတ္တံ။ နိမိယတိ ဖလမေတသ္မိန္တိ

နိမိတ္တံ။ (နိဒဒါတိ ဖလံ အတ္တနော ပစ္စယုပ္ပန္နံ ဧတေနာတိ နိဒါနံ။)။<sup>၁</sup>  
 အာယူဟတိ ဖလံ အတ္တနော ပစ္စယုပ္ပန္နုပ္ပတ္တိယာ ဃဋ္ဌေတိ ဧတေနာတိ  
**အာယူဟနံ။** သံယုဇ္ဇတိ ဖလံ အတ္တနော ပစ္စယုပ္ပန္နေန ဧတသ္မိန္တိ သံယောဂေါ။  
 ယတ္ထ သယံ ဥပ္ပဇ္ဇတိ၊ တံ ပလိဗုဒ္ဓတိ ဖလမေတေနာတိ **ပလိဗောဓော။**  
 ပစ္စယန္တရသမဝါယေ သတိ ဖလမုဒယတိ ဧတေနာတိ **သမုဒယော။** ဟိနောတိ  
 ကာရဏဘာဝံ ဂစ္ဆတိတိ **ဟေတု။** အဝိဇ္ဇာယ ဟိ သတိ သင်္ခါရာ ပဝတ္တန္တိ၊  
 ဓရန္တိ စ၊ တေ အဝိဇ္ဇာယသတိအတ္တနော ဖလံ (နိဒဒန္တိ)။<sup>၂</sup> ဘဝါဒီသု ခိပန္တိ၊  
 အာယူဟန္တိ အတ္တနော ဖလုပ္ပတ္တိယာ ဃဋ္ဌေန္တိ၊ အတ္တနော ဖလေန သံယုဇ္ဇန္တိ၊  
 ယသ္မိံ သန္တာနေ သယံ ဥပ္ပန္နာ တံ ပလိဗုဒ္ဓန္တိ၊ ပစ္စယန္တရသမဝါယေ ဥဒယန္တိ  
 ဥပ္ပဇ္ဇန္တိ၊ ဟိနောတိ စ သင်္ခါရာနံ ကာရဏဘာဝံ ဂစ္ဆတိ၊ တသ္မာ အဝိဇ္ဇာ  
 သင်္ခါရာနံ ပဝတ္တံ ဟုတွာ။ ပ။ ပစ္စယော ဟုတွာ ပစ္စယော ဟောတိ။ ဧဝံ အဝိဇ္ဇာယ  
 သင်္ခါရာနံ ကာရဏဘာဝုပဂမနဝိသေသာ ဥပ္ပါဒါဒယော ဝေဒိတဗ္ဗာ။ သင်္ခါရာဒီနံ  
 ဝိညာဏာဒီသုပိ ဧသေဝ နယော။

တမတ္ထံ ပဋိသန္တိဒါမဂ္ဂပါဠိယာ သာဓေန္တေန “ယထာဟာ”တိအာဒိ ဝုတ္တံ။  
 တတ္ထ တိဋ္ဌတိ ဧတေနာတိ ဌိတိ၊ ပစ္စယော၊ ဥပ္ပါဒေါ ဧဝံ ဌိတိ **ဥပ္ပါဒဌိတိ။**  
 ဧဝံ သေသေသုပိ။ ယသ္မာ ပန “အာသဝသမုဒယာ အဝိဇ္ဇာသမုဒယော”တိ၊  
 ဝုတ္တတ္တာ အာသဝါဝ အဝိဇ္ဇာယ ပစ္စယော၊ တသ္မာ ဝုတ္တံ “**ဥဘောပေတေ ဓမ္မာ  
 ပစ္စယသမုပ္ပန္နာ**”တိ၊ အဝိဇ္ဇာ စ သင်္ခါရာ စ ဥဘောပေတေ ဓမ္မာ ပစ္စယတော  
 ဧဝံ သမုပ္ပန္နာ၊ န ဝိနာ ပစ္စယေနာတိ အတ္ထော။ **ပစ္စယပရိဂ္ဂဟေ ပညာတိ**  
**သင်္ခါရာနံ၊** အဝိဇ္ဇာယ စ ဥပ္ပါဒါဒိကေ ပစ္စယာကာရေ ပရိစ္ဆိန္တိတွာ ဂဟဏဝသေန  
 ပဝတ္တာ ပညာ။ **ဓမ္မဌိတိဉာဏန္တိ** ပစ္စယုပ္ပန္နဓမ္မာနံ ပစ္စယဘာဝတော ဓမ္မဌိတိ-  
 သင်္ခါတေ ပဋိစ္စသမုပ္ပါဒေ ဉာဏံ။ “ဒွါဒသ ပဋိစ္စသမုပ္ပါဒါ”တိ ဝစနတော ဟိ  
 ဒွါဒသ ပစ္စယာ ဧဝံ ပဋိစ္စသမုပ္ပါဒေါ။ အယဉ္ဇ နယော န ပစ္စုပ္ပန္န ဧဝံ၊ အထ  
 ခေါ အတိတာနာဂတေသုပိ၊ န စ အဝိဇ္ဇာယ ဧဝံ သင်္ခါရေသု၊ အထ ခေါ  
 သင်္ခါရာဒီနံ ဝိညာဏာဒီသုပိ လဗ္ဘတိတိ ပရိပုဏ္ဏံ ကတွာ ပစ္စယာကာရဿ  
 ဝိဘက္ခဘာဝံ ဒသေတုံ “**အတိတမ္ပိ အဒ္ဓါန**”န္တိအာဒိ ပါဠိမာဟရိ။ **ပဋ္ဌာနေ**၊  
 ပန ဒဿိတာ ဟေတာဒိပစ္စယာဧဝေတ္ထ ဥပ္ပါဒါဒိပစ္စယာကာရေဟိ ဂဟိတာတိ  
 တေပိ ယထာသမ္ဘဝံ နိဟရိတွာ ယောဇေတဗ္ဗာ။ အတိဝိတ္တာရဘယေန ပန န  
 ယောဇယိမှ၊ အတ္ထိကေဟိ စ ဝိသုဒ္ဓိမဂ္ဂါဒိတော၊<sup>၃</sup> ဂဟေတဗ္ဗာ။

---

ဓ-တ္ထေန္တရေ အဋ္ဌကထာယ န သမေတိ။ ၃-၉-၄၈-ဒီ-ဋီ ၁-၁၃၈-ပိဋေသု ပဿိတဗ္ဗံ။  
 ၂-မ ၁-၆၇-ပိဋေ။ ၃-အဘိ ၈-၁-ပိဋေ။ ၄-ဝိသုဒ္ဓိ ၂-၁၆၃-ပိဋေ။

တဿ တဿ ဓမ္မဿာတိ သင်္ခါရာဒိပစ္စယုပ္ပန္နဓမ္မဿ။ တဏှာ တဏှာ ပစ္စယဘာဝေနာတိ ဥပ္ပါဒါဒိဟေတဘဒိပစ္စယသတ္တိယာ။ ကမ္မကိလေသဝိပါကဝသေန တီဏ် ဝဇ္ဇာန ယဿာတိ တိဝဋ်။ အတိတပစ္စုပ္ပန္နာနာဂတဝသေန တယော အဒ္ဓါ ကာလာ တေဿာတိ တိယဒ္ဓံ။ ဟေတုဖလဖလဟေတုဟေတုဖလဝသေန တယော သန္ဓယော တေဿာတိ တိသန္ဓိ။ သဒ္ဓိပ္ပန္နိ ဧတ္ထ အဝိဇ္ဇာဒယော၊ ဝိညာဏာဒယော စာတိ သင်္ခေပါ၊ ဟေတု၊ ဝိပါကော စ။ အထ ဝါ ဟေတု ဝိပါကောတိ သဒ္ဓိပ္ပန္နိတိ သင်္ခေပါ။ အဝိဇ္ဇာဒယော၊ ဝိညာဏာဒယော စ ကောဠာသပရိယာယော ဝါ သင်္ခေပါသဒ္ဓေါ။ အတိတဟေတုသင်္ခေပါဒိဝသေန စတ္တာရော သင်္ခေပါယဿာတိ စတုသင်္ခေပံ။ သရူပတော အဝုတ္တာပိ တသ္မိံ တသ္မိံ သင်္ခေပေ အာကိရိယန္တိ အဝိဇ္ဇာသင်္ခါရာဒိဂ္ဂဟဏေဟိ ပကာသိယန္တိတိ အာကာရာ၊ အတိတဟေတုအာဒိနံ ပကာရာ။ တေ သင်္ခေပေ ပဉ္စ ပဉ္စ ကတွာ ဝိသတိ အာကာရာ တေဿာတိ ဝိသတာကာရံ။

ခတ္တိယာဒိဘေဒေန အနေကဘေဒဘိန္နာပိ သဿတဝါဒိနော ဇာတိသတသဟဿာနုဿရဏာဒိကဿ အဘိနိဝေသဟေတုနော ဝသေန စတ္တာရောဝဟောန္တိ၊ န တတော ဥဒ္ဓံ၊ အဓော ဝါတိ သဿတဝါဒိနံ ပရိမာဏပရိစ္ဆေဒဿ အနညဝိသသတံ ဒဿေတုံ “စတ္တာရော ဇနာ”တိအာဒိမာဟ။ ဧသ နယော ဣတရေသုပိ။ တတ္ထ စတ္တာရော ဇနာတိ စတ္တာရော ဇနသမူဟာတိ အတ္ထောဂဟေတဗ္ဗော တေသု ဧကေကဿာပိ အနေကပ္ပဘေဒတော။ တေတိ ဒွါသဋ္ဌိဒိဋ္ဌိဂတဝါဒိနော။ ဣဒံ နိဿာယာတိ ဣဒပ္ပစ္စယတာယ သမ္မာ အဂ္ဂဟဏံ။ တတ္တာပိ စ ဟေတုဖလဘာဝေန သမ္ပန္နာနံ ဓမ္မာနံ သန္တတိသနဿ အဘေဒိတတ္တာ ပရမတ္ထတော ဝိဇ္ဇမာနမ္ပိ ဘေဒနိဗန္ဓနံ နာနတ္တနယံ အနုပဓာရေတွာ ဂဟိတံ ဧကတ္တဂ္ဂဟဏံ နိဿာယ။ ဣဒံ ဂဏှန္တိတိ ဣဒံ သဿတဂ္ဂဟဏံ အဘိနိဝိဿ ဝေါဟရန္တိ၊ ဣမိနာ နယေန ဧကစ္စသဿတဝါဒါဒယောပိ ယထာသမ္ဘဝံ ယောဇေတွာ ဝတ္ထဗ္ဗာ။ ဘိန္ဒိတွာတိ “အာတပ္ပမန္နာယာ”တိအာဒိနာ ဝိဘဇိတွာ၊ “တယိဒံ ဘိက္ခဝေ တထာဂတော ပဇာနာတိ”တိအာဒိနာ ဝါ ဝိမေိတွာ။ နိဇ္ဇေန္တိ အနောနဒ္ဓံ။ နိရုဗ္ဗန္တိ အနာဝုဋ်။ အပိစ ဝေဠုအာဒိနံ ဟေဠုပရိယသံသိဗ္ဗနဋ္ဌေန ဇေဋ္ဌာ။ ကုသာဒိနံ ဩဝရဏဋ္ဌေန ဂုဗ္ဗော။ တဿဒိသတာယဒိဋ္ဌိဂတာနံ ဗျာကုလာပါကဋ္ဌတာ “ဇေဋ္ဌာ၊ ဂုဗ္ဗော”တိ စ ဝုစ္စတိ၊ ဒိဋ္ဌိဇေဋ္ဌာပိဇေဋ္ဌနေန၊ ဒိဋ္ဌိဂုဗ္ဗပိဝရဏေန စ နိဇ္ဇေဋ္ဌံ နိရုဗ္ဗံ ကတွာတိ အတ္ထော။

“တသ္မာ”တိအာဒိနာ ဗုဒ္ဓဂုဏေ အာရဟန္တ ဒေသနာယ သမုဋ္ဌိတတ္တာ သဗ္ဗညုတညာဏံ ဥဒ္ဓိသိတွာ ဒေသနာကုသလော ဘဂဝါ သမယန္တရံ ဝိဂ္ဂဟဏ-ဝသေန သဗ္ဗညုတညာဏမေဝ ဝိဿဇ္ဇေတိတိ ဒဿေတိ။

၂၉။ အတ္ထိပရိယာယော သန္တိ-သဒ္ဓေါ၊ သော စ သံဝိဇ္ဇန္တိပရိယာယော၊ သံဝိဇ္ဇမာနတာ စ ဉာဏေန ဥပလဟ္မမာနတာတိ အာဟ “သန္တိ”တိအာဒိ။ သံဝိဇ္ဇမာနပရိဒီပနေန ပန “သန္တိ”တိ ဣမိနာ ပဒေန တေသံ ဒိဋ္ဌိဂတိကာနံ ဝိဇ္ဇမာနတာယ အဝိစ္ဆန္တံ၊ တတော စ နေသံ မိစ္ဆာဂါဟတော သိထိလ-ကရဏဝိဝေစနေဟိ အတ္တနော ဒေသနာယ ကိစ္စကာရိတံ၊ အဝိတထတဉ္စ ဒီပေတိ ဓမ္မရာဇာ။ အတ္ထိတိ စ သန္တိပဒေန သမာနတ္ထော ပုထုဝစနဝိသယော ဧကော နိပါတော “အတ္ထိ ဣမသ္မိ” ကာယေ ကေသာ”တိအာဒိသု<sup>၁</sup> ဝိယ။ အာလပနဝစနန္တိ ဗုဒ္ဓါလပနဝစနံ။ ဘဂဝါယေဝ ဟိ “ဘိက္ခဝေ၊ ဘိက္ခဝေါ”တိ စ အာလပတိ၊ န သာဝကာ။ သာဝကာ ပန “အာဝုသော၊ အာယသ္မာ”တိအာဒိ-သဗ္ဗန္ဓနေနေဝ။ “ဧကေ”တိ ဝုတ္တေ ဧကေစ္စေတိ အတ္ထော ဧဝ သင်္ချာဝါစကဿ ဧက-သဒ္ဓဿ နိယတေကဝစနတ္တာ၊ န သမိတဗဟိတပါပတာယ သမဏ-ဗြာဟ္မဏာတိ အာဟ “ပဗ္ဗဇ္ဇုပဂတဘာဝေနာ”တိအာဒိ။ တထာ ဝါ ဟောန္တ၊ အညထာ ဝါ၊ သမ္မုတိမတ္တေနဝ ဣဓာမိပ္ပေတာတိ ဒဿေတိ “လောကေနာ”တိအာဒိနာ။ သဿတာဒိဝသေန ပုဗ္ဗန္တံ ကပ္ပေန္တိတိ ပုဗ္ဗန္တံကပ္ပိကာ။ ယသ္မာ ပန တေသံ ပုဗ္ဗန္တံ ပုရိမသိဒ္ဓေဟိ တဏှာဒိဋ္ဌိကပ္ပေဟိ ကပ္ပေတွာ အာသေဝနဗလဝတာယ၊ ဝိစိတြုပ္ပတ္တိတာယ စ ဝိကပ္ပေတွာ အပရဘာဂသိဒ္ဓေဟိ အဘိနိဝေသဘူတေဟိ တဏှာဒိဋ္ဌိဂါဟေဟိ ဂဏှန္တိ အဘိနိဝိသန္တိ ပရာမသန္တိ၊ တသ္မာ ဝုတ္တံ “ပုဗ္ဗန္တံ ကပ္ပေတွာ ဝိကပ္ပေတွာ ဂဏှန္တိ”တိ။ ပုရိမဘာဂပစ္ဆိမဘာဂသိဒ္ဓါနံ ဝါ တဏှာဥပါဒါနာနံ ဝသေန ယထာက္ကမံ ကပ္ပနဂဟဏာနိ ဝေဒိတဗ္ဗာနိ။ တဏှာပစ္စယာ ဟိ ဥပါဒါနံ သမ္ဘဝတိ။ ပဟုတပသံသာနိန္ဒာတိသယသံသဂ္ဂနိစ္စယောဂါဒိဝိသယေသု ဣဓ နိစ္စယောဂဝသေန ဝိဇ္ဇမာနတ္ထော သမ္ဘဝတိတိ ဝုတ္တံ “ပုဗ္ဗန္တံကပ္ပေ ဝါ”တိ-အာဒိ။ ဝုတ္တဉ္စ—

“ပဟုတေ စ ပသံသာယံ၊ နိန္ဒာယဉ္ဇာတိသယနေ။

နိစ္စယောဂေ စ သံသဂ္ဂေ၊ ဟောန္တိမေ မန္တုအာဒယော”တိ။

ကောဋ္ဌာသေသုတိ ဧတ္ထ ကောဋ္ဌာသဒီသုတိ အတ္ထော ဝေဒိတဗ္ဗော အာဒိ-သဒ္ဓလောပေန၊ နိဒဿနနယေန စ ဝုတ္တတ္တာ။ ပဒပူရဏသမိပဥမ္ပဂ္ဂါဒီသုပိ ဟိ အန္တ-သဒ္ဓေါ ဒိဿတိ။ တထာ ဟိ “ဣဃံ တာဝ သုတ္တန္တေ ဝါ ဂါထာယော ဝါ အဘိဓမ္မံ ဝါ ပရိယာပုဏသု” သုတ္တန္တေ ဩကာသံ ကာရာပေတွာ”တိအာဒီသု၊ စ ပဒပူရဏေ အန္တ-သဒ္ဓေါ ဝတ္တတိ။ “ဂါမန္တသေနာသန”န္တိအာဒီသု သမိပေ။ “ကာမသုခလ္လိကာနုယောဂေါ ဧကော အန္တော၊ အတ္ထိတိ ခေါ ကစ္စာန အယမေကော အန္တော”တိအာဒီသု၊ စ ဥပ္ပဂ္ဂေတိ။

အန္တပူရေတိ မဟာအန္တအန္တရဏေဟိ ပူရေ။ “သာ ဟရိတန္တံ ဝါ ပန္တန္တံ ဝါ”တိ မဇ္ဈိမနိကာယေ မဟာဟတ္ထိပဒေါပမသုတ္တန္တပါဠိ။ တတ္ထ သာတိ တေဇောဓာတု။ ဟရိတန္တံ ဟရိတတိဏရုက္ခမရိယာဒံ။ ပန္တန္တံ မဂ္ဂမရိယာဒံ။ အာဂမ္မ အနာဟာရာ နိဗ္ဗာယတိတိ သေသော။ “အန္တမိဒံ ဘိက္ခဝေ ဇိဝိကာနံ ယဒိဒံ ပိဏ္ဍောလျ”န္တိ ပိဏ္ဍိယာလောပသုတ္တန္တပါဠိ။ တတ္ထ ပိဏ္ဍံ ဥလတိ ဂဝေသတိတိ ပိဏ္ဍောလော၊ ပိဏ္ဍာစာရိကော၊ တဿ ဘာဝေါ ပိဏ္ဍောလျံ၊ ပိဏ္ဍစရဏေန ဇိဝိကတာတိ အတ္ထော။ သေဝါတိ သဗ္ဗပစ္စယသင်္ခယဘူတော နိဗ္ဗာနဓမ္မော ဧဝ၊ တေနာဟ “သဗ္ဗ။ ပ။ ဝုစ္စတိ”တိ။ ဧတေန သဗ္ဗပစ္စယသင်္ခယနတော အသင်္ခတံ နိဗ္ဗာနံ သင်္ခတဘူတဿ ဝဋ္ဋဒုက္ခဿ ပရဘာဂံ ပရိယောသာနဘူတံ၊ တသ္မာ ဧတ္ထ ပရဘာဂေါဝ အတ္ထော ယုတ္တောတိ ဒဿေတိ။ သက္ကာယောတိ သက္ကာယဂါဟော။

ကပ္ပေါတိ လေသော။ ကပ္ပကတေနာတိ တိဏ္ဍံ ဒုဗ္ဗဏ္ဏကရဏာနံ အညတရဒုဗ္ဗဏ္ဏကတေန။ အာဒိ-သဒ္ဓေန စေတ္ထ ကပ္ပ-သဒ္ဓေါ မဟာကပ္ပသမန္တဘာဝကိလေသကာမဝိတက္ကကာလပညတ္တိသဒိသဘာဝါဒီသုပိ ဝတ္တတိတိ ဒဿေတိ။ တထာ ဟေသ “စတ္တာရိမာနိ ဘိက္ခဝေ ကပ္ပဿ အသင်္ချေယျာနိ”တိ-အာဒီသု၊ မဟာကပ္ပေ ဝတ္တတိ။ “ကေဝလကပ္ပံ ဝေဠုဝနံ ဩဘာသေတွာ”တိ-အာဒီသု သမန္တဘာဝေ၊ “သင်္ခပေါ ကာမော ရာဂေါ ကာမော သင်္ခပ-ရာဂေါ ကာမော”တိအာဒီသု ကိလေသကာမေ၊ “တက္ကော ဝိတက္ကော သင်္ခပေါ”တိအာဒီသု ဝိတက္ကော၊ “ယေန သုဒ္ဓံ နိစ္စကပ္ပံ ဝိဟရာမိ”တိအာဒီသု

၁-ဝိ ၂-၁၈၉-ပိဋေ။	၂-ဝိ ၂-၄၆၀-ပိဋေ။	၃-ဝိသုဒ္ဓိ ၁-၆၉-၇၀-ပိဋေသု။
၄-အံ ၁-၂၅၈၊ သံ ၂-၁၁၀-ပိဋေသု။	၅-မ ၁-၂၄၆-ပိဋေ။	၆- သံ ၂-၇၆၊ ၃ ၁-၂၅၅-ပိဋေသု။
၇-အံ ၁-၄၆၀-ပိဋေ။	၈-သံ ၁-၅၀-ပိဋေ။	၉-၃ ၇-၂၊ ၃ ၈-၃၆-ပိဋေသု။
၁၀-အဘိ ၁-၁၈-ပိဋေ။		၁၁-မ ၁-၃၁၆-ပိဋေ။

ကာလေ၊ “ဣစ္စာယသ္မာ ကပ္ပေါ”တိအာဒိသု<sup>၁</sup> ပညတ္တိယံ၊ “သတ္ထုကပ္ပေန ဝတ ကိရ ဘော သာဝကေန သဒ္ဓိံ မန္တယမာနာ န ဇာနိမှာ”တိအာဒိသု၊ သဒိသ-  
ဘာဝေတိ။

တဏှာဒိဋ္ဌိသု ပဝတ္တိံ မဟာနိဒ္ဒေသပါဠိယာ<sup>၂</sup> သာဓေန္တော “ပုတ္တဗ္ဗိ  
ဓေတ”န္တိအာဒိမာဟ။ တတ္ထ ဥဒ္ဓါနတောတိ သင်္ခေပတော။ “တဿ”တိအာဒိ  
ယထာဝုတ္တာယ အတ္ထဝဏ္ဏနာယ ဂုဏဝစနံ။ တဏှာဒိဋ္ဌိဝသေနာတိ ဥပ-  
နိဿယသဟဇာတဘူတာယ အဘိနန္ဒနသင်္ခါတာယ တဏှာယ ဓေဝ သဿ-  
တာဒိအာကာရေန အဘိနိဝိသန္တဿ မိစ္ဆာဂါဟဿ စ ဝသေန။ ပုဗ္ဗေ နိဂုတ္တ-  
ဓမ္မဝိသယာယ ကပ္ပနာယ ဣဓ အဓိပ္ပေကတ္တာ အတိတကာလဝါစကောယေဝ  
ပုဗ္ဗ-သဒ္ဓေါ၊ န ပန “မနောပုဗ္ဗင်္ဂမာဓမ္မာ”တိအာဒိသု ဝိယ ပဓာနာဒိဝါစကော၊  
ရူပါဒိခန္ဓဝိနိမုတ္တဿ ကပ္ပနဝတ္ထုနော အဘာဝါ အန္တ-သဒ္ဓေါ စ ကောဋ္ဌာသ-  
ဝါစကော၊ န ပန အဗ္ဘန္တရာဒိဝါစကောတိ ဒဿေတုံ “အတိတံ ခန္တ-  
ကောဋ္ဌာသ”န္တိ ဝုတ္တံ။ ကပ္ပေတွာတိ စ တသ္မိံ ပုဗ္ဗန္တေ တဏှာယနာဘိနိ-  
ဝေသနာနံ သမတ္တနံ ပရိနိဋ္ဌာပနမာဟ။ ဌိတာတိ တဿာံ လဒ္ဓိယာ အဝိဇ္ဇဟနံ၊  
ပုဗ္ဗန္တမေဝ အနုဂတာ ဒိဋ္ဌိ တေသမတ္တိတိ ယောဇနာ။ အတ္ထိတာ၊ အနုဂတာ စ  
နာမ ပုနပ္ပုနံ ပဝတ္တိယာတိ ဒဿေတိ “ပုနပ္ပုနံ ဥပ္ပဇ္ဇနဝသေနာ”တိ ဣမိနာ။  
“တေ ဓေ”န္တိအာဒိနာ “ပုဗ္ဗန္တံ အာရဗ္ဘာ”တိအာဒိပါဠိယာ အတ္ထံ သံဝဏ္ဏေတိ။  
တတ္ထ အာရဗ္ဘာတိ အာလမ္ဗိတွာ။ ဝိသယော ဟိ တဿာ ဒိဋ္ဌိယာ ပုဗ္ဗန္တော။  
ဝိသယဘာဝတော ဟေသ တဿာ အာဂမနဋ္ဌာနံ၊ အာရမ္မဏပစ္စယော စာတိ  
ဝုတ္တံ “အာဂမ္မ ပဋိစ္စာ”တိ။ တဒေတံ အညေသံ ပတိဋ္ဌာပနဒဿနန္တိ အာဟ  
“အညမ္ဗိ ဇနံ ဒိဋ္ဌိဂတိတံ ကရေန္တာ”တိ။

အဓိဝေဒနပထာနီတိ<sup>၃</sup> ရုဋ္ဌိမတ္တေန ပညတ္တိပထာနိ။ ဒါသာဒိသု ဟိ  
သိရိဝေဒနာဒိသဒ္ဓါ ဝိယ ဝစနမတ္တမေဝ အဓိကာရံ ကတွာ ပဝတ္တိယာ  
တထာ ပဏ္ဏတ္တိယေဝ အဓိဝေဒနံ၊ သာ စ ဝေါဟာရဿ ပထေတိ။ အထ  
ဝါ အဓိ-သဒ္ဓေါ ဥပရိဘာဂေ၊ ဝုစ္စတိတိ ဝေဒနံ။ အဓိ ဥပရိဘာဂေ  
ဝစနံ အဓိဝေဒနံ။ ဥပါဒါနိယဘူတာနံ ရူပါဒိနံ<sup>၄</sup> ဥပရိ ပညာပိယမာနာ  
ဥပါဒါပညတ္တိ၊ တသ္မာ ပညတ္တိဒီပကပထာနီတိ အတ္ထော ဒဋ္ဌဗ္ဗော။ ပညတ္တိ-  
မတ္တဉေတံ ဝုစ္စတိ၊ ယဒိဒံ “အတ္တာ၊ လောကော”တိ စ၊ န ရူပဝေဒနာဒယော

၁-ဒ ၁-၄၄၄၊ ၃ ဂ-၁၅-၁၃၈-ပိဋ္ဌေသု၊  
၂-မ ၁-၂၀၅-ပိဋ္ဌေ။  
၃-ဒ ၇-၇၄-ပိဋ္ဌေ။  
၄-အဓိဝေဒနပဒါနိ(အဋ္ဌကထာယံ)  
၅-ဥပါဒါဘူတရူပါဒိနံ(ဒီ-ဋီ ၁-၁၄၁-ပိဋ္ဌေ။)

ဝိယ ပရမတ္ထောတိ။ အဓိပ္ပတ္တိ-သဒ္ဓေါ စေတ္ထ အဓိဝစန-သဒ္ဓေန သမာနတ္ထော “နိရုတ္တိပထော”တိအာဒိသု ဝိယ ဥတ္တိသဒ္ဓဿ ဝစနပရိယာယတ္တာ။ “ဘူတံ အတ္ထ”န္တိအာဒိနာ ပန ဘူတသဘာဝတော အတိရေကံ။ တမတိဓာရိတွာ ဝါ မုစ္ဆန္တိတိ အဓိပ္ပတ္တိယော၊ တာသံ ပထာနိ တဒ္ဓိပကတ္တာတိ အတ္ထံ ဒဿေတိ၊ အဓိကံ ဝါ သဿတာဒိကံ မုစ္ဆန္တိတိ အဓိပ္ပတ္တိယော။ အဓိကဉ္စိ သဿတာဒိ၊ ပကတိအာဒိ၊ ဒဗ္ဗာဒိ၊ ဇီဝါဒိ၊ ကာယာဒိန္န အဘူတံ အတ္ထံ သဘာဝဓမ္မေသု အဇ္ဈာရောပေတွာ ဒိဋ္ဌိယော ပဝတ္တန္တိ။

၃၀။ အဘိဝဒန္တိတိ “ဣဒမေဝသစ္စံ၊ မောဃမည” န္တိ အဘိနိဝိသိတွာ ဝဒန္တိ။ “အယမေဝ ဓမ္မော၊ နာယံ ဓမ္မော” တိ အာဒိနာ အဘိဘဝိတွာပိ ဝဒန္တိ။ အဘိဝဒနကိရိယာယ အဇ္ဇာပိ အဝိစ္ဆေဒဘာဝဒဿနတ္ထံ ဝတ္တမာနဝစနံ ကတန္တိ အယမေတ္ထ ပါဠိဝဏ္ဏနာ။ ကထေတုကမျတာယ ဟေတုဘူတာယ ပုစ္ဆိတွာတိ သမ္ပန္နော။ မိစ္ဆာ ပဿတိတိ ဒိဋ္ဌိ၊ ဒိဋ္ဌိဝေ ဒိဋ္ဌိဂတံ “မုတ္တဂတံ၊ သင်္ခါရဂတ” န္တိ-အာဒိသု၊ ဝိယ ဂတ-သဒ္ဓဿ တဗ္ဘာဝဝုတ္တိတော၊ ဂန္တဗ္ဘာဘာဝတော ဝါ ဒိဋ္ဌိယာ ဂတမတ္တန္တိ ဒိဋ္ဌိဂတံ။ ဒိဋ္ဌိယာ ဂဟဏမတ္တမေဝ၊ နတ္ထညံ အဝဂန္တဗ္ဗန္တိ အတ္ထော၊ ဒိဋ္ဌိပကာရော ဝါ ဒိဋ္ဌိဂတံ။ လောကီယာ ဟိ ဝိယေတ္တဂတပကာရသဒ္ဓေ သမာနတ္ထေ ဣစ္ဆန္တိ။ ဧကသ္မိယေဝ ခန္ဓေ “အတ္တာ” တိ စ “လောကော” တိ စ ဂဟဏဝိသေသံ ဥပါဒါယ ပညာပနံ ဟောတိတိ အာဟ “ရူပါဒိသု အညတရံ အတ္တာတိ စ လောကောတိ စ ဂဟေတွာ” တိ။ အမရံ နိစ္စံ ရဝန္တိ သဿတ-ဝေဝစနာနိ၊ မရဏာဘာဝေန ဝါ အမရံ။ ဥပ္ပါဒါဘာဝေန သဗ္ဗဒါပိ အတ္ထိတာယ နိစ္စံ။ ထိရဋ္ဌေန ဝိကာရာဘာဝေန ရူပံ။ “ယထာဟာ” တိ-အာဒိနာ မဟာနိဒ္ဓေသ ပဋိသမ္ဘိဒါမဂ္ဂပါဠိဟိ ယထာဝုတ္တမတ္ထံ ဝိဘာဝေတိ။ တတ္ထ “ရူပံ ဂဟေတွာ” တိ ပါဌသေသေန သမ္ပန္နော။ အယံ ပနတ္ထော—“ရူပံ အတ္တတော သမနုပဿတိ။ ဝေဒနံ၊ သညံ၊ သင်္ခါရေ၊ ဝိညာဏံ အတ္တတော သမနုပဿတိ” တိ ဣမိဿာ ပဉ္စဝိဘောယ သက္ကာယဒိဋ္ဌိယာ ဝသေန ဝုတ္တော၊ “ရူပဝန္တိ အတ္တာန” န္တိ အာဒိကာယ ပန ပဉ္စဒသဝိဘောယပိ တဒဝသေသာယ သက္ကာယဒိဋ္ဌိယာ ဝသေန စတ္တာရော ခန္ဓေ “အတ္တာ” တိ ဂဟေတွာ တဒညော “လောကော” တိ ပညပေန္တိတိ အယမ္ပိ အတ္ထော လဗ္ဘတေဝ။ တထာ ဧကံ ခန္ဓံ “အတ္တာ” တိ ဂဟေတွာ အညော အတ္တနော ဥပဘောဂဘူတော “လောကော” တိ စ။ သသန္တတိပတိတေ ခန္ဓေ “အတ္တာ” တိ ဂဟေတွာ တဒညော ပရသန္တတိ-ပတိတော “လောကော” တိ စ ပညပေတိတိ ဧဝမ္ပေတ္ထ အတ္ထော ဒဋ္ဌဗ္ဗော။

ဒ-အဘိ ဒ-၁၄-ပိဋေ။

၂-အံ ၃-ဘဂဒ-ပိဋေ။

၃-၃ ၇-၉၆-၆၆၆။

တ္ထောဟ—“သဿတော ဝါဒေါ ဧတေသ”န္တိ ကဿာ ဟေဋ္ဌာ ဝုတ္တံ၊ နနု  
တေသံ အတ္တာ စ လောကော စ သဿတောတိ အဓိပ္ပေတော၊ န ဝါဒေါတိ?  
သစ္စမေတံ၊ သဿတသဟစရိတတာယ ပန ဝါဒေါပိ သဿတောတိ ဝုတ္ထော  
ယထာ “ကုန္တာ ပစရန္တိ”တိ၊ သဿတော ဣတိ ဝါဒေါ ဧတေသန္တိ ဝါ တတ္ထ  
ဣတိ-သဒ္ဓလောပေါ ဒဋ္ဌဗ္ဗော။ သဿတံ ဝဒန္တိ “ဣဒမေဝ သစ္စံ၊ မောဃမည”န္တိ  
အဘိနိဝိဿ ဝေါဟရန္တိတိ သဿတဝါဒါတိပိ ယုဇ္ဇတိ။

၃၁။ အာတာပနဘာဝေနာတိ ဝိဗာဓနဿ ဘာဝေန၊ ဝိဗာဓနဋ္ဌေန ဝါ။  
ပဟာနဋ္ဌေတ္ထ ဝိဗာဓနံ။ ပဒဟနဝသေနာတိ သမာဒဟနဝသေန။ သမာဒဟနံ  
ပန ကောသဇ္ဇပက္ခေ ပတိတုမဒတွာ စိတ္တဿ ဥဿာဟနံ။ ယထာ သမာဓိ  
ဝိသေသဘာဂိယတံ ပါပုဏာတိ၊ ဧဝံ ဝီရိယဿ ဗဟုလိကရဏံ အနုယောဂေါ။  
ဣတိ ပဒတ္တယေန ဝီရိယမေဝ ဝုတ္တန္တိ အာဟ “ဧဝံ တိပ္ပဘေဒံ ဝီရိယ”န္တိ။  
ယထာက္ခမဉ္ဇိဟ တိဟိ ပဒေဟိ ဥပစာရပ္ပနာစိတ္တပရိဒမနဝီရိယာနိ ဒဿေတိ။  
န ပမဇ္ဇတိ ဧတေနာတိ အပ္ပမာဒေါ၊ သတိယာ အဝိပ္ပဝါသော။ သော ပန  
သတိပဋ္ဌာနာ စတ္တာရော ခန္ဓာ ဧဝ။ သမ္မာ ဥပါယေန မနသိ ကရောတိ  
ကမ္မဋ္ဌာနမေတေနာတိ သမ္မာမနသိကာရော၊ သော ပန ဉာဏမေဝ၊ န  
အာရမ္မဏဝီရိယဇနပဋိပါဒကာ၊ တေနာဟ “အတ္တတော ဉာဏ”န္တိ။ ပထ-  
မနသိကာရောတိ ကာရဏမနသိကာရော။ တဒေဝတ္ထံ သမတ္ထေတိ “ယသ္မိ-  
ဉ္ဇိ”တိအာဒိနာ။ တတ္ထ ယသ္မိံ မနသိကာရောတိ ကမ္မဋ္ဌာနမနသိကာရဏူပါယ-  
ဘူတေ ဉာဏသင်္ခါတေ မနသိကာရေ။ “ဣမသ္မိံ ဌာနေ”တိ ဣမိနာ သဒ္ဓန္တရသမ္ပ-  
ယောဂါဒိနာ ဝိယ ပကရဏဝသေနာပိ သဒ္ဓေါ ဝိသေသဝိသယောတိ ဒီပေတိ။  
ဝီရိယဉ္ဇာတိ ယထာဝုတ္တေဟိ တိဟိ ပဒေဟိ ဝုတ္တံ တိပ္ပဘေဒံ ဝီရိယဉ္ဇ။ ဧတ္ထာတိ  
“အာတပ္ပ။ ပ။ မနသိကာရမန္တာယာ”တိ ဣမသ္မိံ ပါဌေ၊ သီလဝိသုဒ္ဓိယာ သဒ္ဓိံ  
စတုန္တံ ရူပါဝစရဇ္ဈာနာနံ အဓိဂမနပဋိပဒါ ဣဓ ဝတ္တဗ္ဗာ၊ သာ ပန ဝိသုဒ္ဓိပဂ္ဂေါ  
ဝိတ္တာရတော ဝုတ္တာတိ အာဟ “သင်္ခေပဇ္ဇော”တိ။ တထာဇာတိကန္တိ  
တထာသဘာဝံ၊ ဧတေန စုဒ္ဓသဝိဓေဟိ စိတ္တပရိဒမနေဟိ ရူပါဝစရစတုတ္ထဇ္ဈာ-  
နဿ ပဂုဏတာပါဒနေန ဒမိတတံ ဒဿေတိ။ စေတသော သမာဓိ စေတော-  
သမာဓိ၊ သော ပန အဋ္ဌင်္ဂသမန္တာဂတရူပါဝစရစတုတ္ထဇ္ဈာနဿေဝ သမာဓိ။  
ယထာ-သဒ္ဓေါ “ယေနာ”တိ အတ္ထေ နိပါတောတိ အာဟ “ယေန  
သမာဓိနာ”တိ။

ဝိဇ္ဇန္တနဘူတေဟိ လောကိယာဘိညာသင်္ခါတေဟိ ဈာနာနုဘာဝေဟိ သမ္ပန္နောတိ ဈာနာနုဘာဝသမ္ပန္နော။ သော ဒိဋ္ဌိဂတိကော ဧဝံ ဝဒတိတိ ဝတ္တမာနဝစနံ၊ တထာဝဒနဿ အဝိစ္ဆေဒဘာဝေန သဗ္ဗကာလိကတာ-ဒဿနတ္ထန္တိ ဝေဒိတဗ္ဗံ။ အနိယမိတေ ဟိ ကာလဝိသေသေ ဝိပ္ပကတကာလ-ဝစနန္တိ။ ဝနတိ ယာစတိ ပုတ္တန္တိ ဝဉ္ဇျာ ဈ-ပစ္စယံ၊ န-ကာရဿ စ နိဂ္ဂဟိတံ ကတွာ၊ ဝဓတိ ပုတ္တံ၊ ဖလံ ဝါ ဟနတိတိပိ ဝဉ္ဇျာ သပစ္စယဈ-ကာရဿ ဈ-ကာရံ၊ နိဂ္ဂဟိတာဂမဉ္ဇ ကတွာ။ သာ ဝိယ ကဿမိ ဖလဿ အဇနေနာတိ ဝဉ္ဇျာ၊ တေနာဟ “ဝဉ္ဇျပဿ”တိအာဒိ။ ဧဝံ ပဒတ္ထဝတာ ဣမိနာ ကိဒိသံ သာမတ္ထိယတ္ထံ ဒဿေတိတိ အန္တောလိနစောဒနံ ပရိဟရိတုံ “တေနာ”တိအာဒိမာဟ။ ဈာနလာဘိဿ ဝိသေသေန ဈာနဓမ္မော အာပါယမာဂစ္ဆန္တိ၊ တဗ္ဗုခေန ပန သေသဓမ္မာပိတိ ဣမမတ္ထံ သန္ဓာယ “ဈာနာဒိန”န္တိ ပုတ္တံ။ ရူပါဒိဇနကဘာဝန္တိ ရူပါဒိနဇနကသာမတ္ထိယံ။ ပဋိက္ခိပတိတိ “နယိမေ ကိဉ္စ ဇနန္တိ”တိ ပဋိက္ခိပတိ။ ကသ္မာတိ စေ? သတိ ဟိ ဇနကဘာဝေ ရူပါဒိဓမ္မာနံ ဝိယ၊ သုခါဒိဓမ္မာနံ ဝိယ စ ပစ္စယာယတ္ထပုတ္တိတာယ ဥပ္ပါဒဝန္တတာ ဝိညာယတိ၊ ဥပ္ပါဒေ စ သတိ အဝဿံဘာဝိ နိရောဓောတိ အနဝကာသာဝ နိစ္စတာ သိယာ၊ တသ္မာ တံ ပဋိက္ခိပတိတိ။

ဌိတောတိ နိစ္စလံ ပတိဌိတော၊ ကုဋ္ဌဋ္ဌ-သဒ္ဓေါယေဝ ဝါ လောကေ အစ္စန္တံ နိစ္စေ နိရုဋ္ဌော ဒဋ္ဌဗ္ဗော။ တိဋ္ဌတိတိ ဌာယီ၊ ဒေသိကာ စ သာ ဌာယီ စာတိ သေသိကဌာယီ၊ ဝိသေသနပရနိပါတော စေသ၊ တသ္မာ ဂန္ထိရ-နေမော နိစ္စလဋ္ဌိတိကော ဣန္ဒြိလော ဝိယာတိ အတ္ထော၊ တေနာဟ “ယထာ”တိအာဒိ။ “ကုဋ္ဌဋ္ဌော”တိ ဣမိနာ စေတ္ထ အနိစ္စတာဘာဝမာဟ။ “သေသိကဌာယီ ဌိတော”တိ ဣမိနာ ပန ယထာ ဒေသိကာ ဝါတပ္ပဟာရာဒိဟိ န စလတိ၊ ဧဝံ န ကေနမိ ဝိကာရမာပဇ္ဇတိတိ ဝိကာရာဘာဝံ၊ ဝိကာရောပိ အတ္ထတော ဝိနာသောယေဝါတိ ပုတ္တံ “ဥဘယေနာပိ လောကဿ ဝိနာ-သာဘာဝံ ဒဿေတိ”တိ။

ဝေမဋ္ဌကထာဝါဒံ ဒဿေတွာ ဣဒါနိ ကေဝါဝါဒံ ဒဿေတုံ “ဧကမိ ပနာ”တိအာဒိ ပုတ္တံ။ မုဉ္ဇတောတိ မုဉ္ဇတိဏတော။ ဤသိကာတိ ကဠိရော။ ယဒိဒံ အတ္ထသင်္ခါတံ ဓမ္မဇာတံ ဇာယတိတိ ပုစ္ဆတိ၊ တံ သတ္တိရူပဝသေန ပုဗ္ဗေ ဝိဇ္ဇမာနမေဝ ဗျတ္တိရူပဝသေန နိက္ခမတိ၊ အဘိဗျတ္တိံ ဂစ္ဆတိတိ အတ္ထော။ “ဝိဇ္ဇမာနမေဝါ”တိ ဟိ ဧတေန ကာရဏေ ဖလဿ အတ္ထိဘာဝဒဿနေန

ဗျတ္တိရူပဝသေန အဘိဗျတ္တိဝါဒံ ဒဿေတိ။ သာလိဂဗ္ဗေ သံဝိဇ္ဇမာနံ သာလိသီသံ  
ဝိယ ဟိ သတ္တိရူပံ၊ တဒဘိနိက္ခန္တံ ဝိယ ဗျတ္တိရူပန္တိ။ ကထံ ပန သတ္တိရူပဝသေန  
ဝိဇ္ဇမာနောယေဝ ပုဗ္ဗေ အနဘိဗျတ္တော ဗျတ္တိရူပဝသေန အဘိဗျတ္တိံ ဂစ္ဆတိတိ?  
ယထာ အန္ဓကာရေန ပဋိစ္စန္ဓော ဃဇော အာလောကေန အဘိဗျတ္တိံ  
ဂစ္ဆတိ၊ ဝေမယဗ္ဗိတိ။

ဣဒမေတ္ထု ဝိစာရေတဗ္ဗံ—ကို ကရောန္တော အာလောကော ဃဉံ ပကာသေ-  
တိတိ ဝုစ္ဆတိ၊ ယဒိ ဃဉုဝိသယံ ဗုဒ္ဓိံ ကရောန္တော ပကာသေတိ၊ အနုပ္ပန္နာယ ဝေ  
ဗုဒ္ဓိယာ ဥပ္ပတ္တိဒီပနတော အဘိဗျတ္တိဝါဒေါ ဟာယတိ။ အထ ဃဉုဝိသယာယ  
ဗုဒ္ဓိယာ အာဝရဏဘူတံ အန္ဓကာရံ ဝိမေန္တော ပကာသေတိ၊ ဝေမ္မိ အဘိဗျတ္တိ-  
ဝါဒေါ ဟာယတေဝ။ သတိ ဟိ ဃဉုဝိသယာယ ဗုဒ္ဓိယာ ကထံ အန္ဓကာရော  
တဿာ အာဝရဏံ ဟောတိတိ။ ယထာ စ ဃဉုဿ အဘိဗျတ္တိ န ယုဇ္ဇတိ၊ ဝေ  
ဒိဋ္ဌိဂဘိကပရိကပ္ပိတဿ အတ္တနောပိ အဘိဗျတ္တိ န ယုဇ္ဇတိယေဝ။ တတ္ထာပိ ဟိ  
ယဒိ ဣန္ဒြိယဝိသယာဒိသန္ဓိပါတေန အနုပ္ပန္နာ ဝေ ဗုဒ္ဓိ ဥပ္ပန္နာ၊ ဥပ္ပတ္တိဝစနေနေဝ  
အဘိဗျတ္တိဝါဒေါ ဟာယတိ အဘိဗျတ္တိမတ္တမတိက္ကမ္မ အနုပ္ပန္နာယ ဝေ ဗုဒ္ဓိယာ  
ဥပ္ပတ္တိဒီပနတော။ တထာ သဿတဝါဒေါပိ တေနေဝ ကာရဏေန။ အထ  
ဗုဒ္ဓိပ္ပဝတ္တိယာ အာဝရဏဘူတဿ အန္ဓကာရဋ္ဌာနိယဿ မောဟဿ ဝိမေနေန  
ဗုဒ္ဓိ ဥပ္ပန္နာ။ ဝေမ္မိ သတိ အတ္တဝိသယာယ ဗုဒ္ဓိယာ ကထံ မောဟော တဿာ  
အာဝရဏံ ဟောတိတိ၊ ဟာယတေဝ အဘိဗျတ္တိဝါဒေါ၊ ကိဉ္စ ဘိယျော—  
ဘေဒသမ္ဘာဝတောပိ အဘိဗျတ္တိဝါဒေါ ဟာယတိ။ န ဟိ အဘိဗျဉ္ဇနကာနံ  
စန္ဒိမသုရိယမဏိပဒီပါဒိနံ ဘေဒေန အဘိဗျဉ္ဇိတဗ္ဗာနံ ဃဉုဒိနံ ဘေဒေါ  
ဟောတိ၊ ဟောတိ စ ဝိသယဘေဒေန ဗုဒ္ဓိဘေဒေါ ယထာဝိသယံ ဗုဒ္ဓိယာ  
သမ္ဘာဝတောတိ ဘိယျောပိ အဘိဗျတ္တိ န ယုဇ္ဇတိယေဝ၊ န စေတ္ထ ဝိဇ္ဇမာနတာ-  
ဘိဗျတ္တိဝသေန ဝုတ္တိကပ္ပနာ ယုတ္တာ ဝိဇ္ဇမာနတာဘိဗျတ္တိကိရိယာသင်္ခါတာယ  
ဝုတ္တိယာ ဝုတ္တိမတော စ အနညထာနုဇာနနတော။ အနညာယေဝ ဟိ  
တထာဝုတ္တိသင်္ခါတာ ကိရိယာ တဗ္ဗန္တဝတ္ထုတော၊ ယထာ ဖဿာဒိဟိ ဖုသနာဒိ-  
ဘာဝေါ၊ တသ္မာ ဝုတ္တိမတော အနညာယ ဝေ ဝိဇ္ဇမာနတာဘိဗျတ္တိသင်္ခါတာယ  
ဝုတ္တိယာ ပရိကပ္ပိတော ကေသဉ္စိ အဘိဗျတ္တိဝါဒေါ န ယုတ္တော ဝေတိ။ ယေ  
ပန “ဤသိကဋ္ဌာယိ ဌိတော”တိ ပဋိတွာ ယထာဝုတ္တမတ္ထမိစ္ဆန္တိ၊ တေ တဒိဒ္ဓံ  
ကာရဏဘာဝေန ဂဟေတွာ “တေ စ သတ္တာ သန္ဓာဝန္တိ သံသရန္တိ စဝန္တိ  
ဥပပဇ္ဇန္တိ”တိ ပဒေဟိ အတ္တသမ္ပန္နမ္ပိ ကရောန္တိ၊ န အဋ္ဌကထာယမိဝ အသမ္ပန္နန္တိ  
ဒဿေန္တော “ယသ္မာ စာ”တိအာဒိမာဟ။ တေ စ သတ္တာ သန္ဓာဝန္တိတိ ဧတ္ထ

ယေ ဣမ မနုဿဘာဝေန အဝဋ္ဌိတာ၊ တေယေဝ ဒေဝဘာဝါဒိဥပဂမနေန ဣတော အညတ္တ ဂစ္ဆန္တိတိ အတ္ထော။ အညထာ ကတဿ ကမ္မဿ ဝိနာသော၊ အကတဿ စ အဟ္တာဂမော အာပဇ္ဇေယျာတိ အဓိပ္ပါယော။

အပရာပရန္တိ အပရသ္မာ ဘဝါ အပရံ ဘဝံ၊ အပရမပရံ ဝါ၊ ပုနပ္ပုနန္တိ အတ္ထော။ “ဝေန္တိ”တိ ပဒမုလ္လိဂေတွာ “ဧဝံ သင်္ချံ ဂစ္ဆန္တိ”တိ အတ္ထံ ဝိဝရတိ။ အတ္တနော တထာဂဟိတဿ နိစ္စသဘာဝတ္တာ န စုတူပပတ္တိယော။ သဗ္ဗဗျာပိ-  
တာယ နာပိ သန္တာဝနသံသရဏာနိ၊ ဓမ္မာနံယေဝ ပန ပဝတ္တိဝိသေသေန ဧဝံ သင်္ချံ ဂစ္ဆန္တိ ဧဝံ ဝေါဟရိယန္တိတိ အဓိပ္ပါယော။ ဧတေန “အဝဋ္ဌိတသဘာဝဿ အတ္တနော၊ ဓမ္မိနော စ ဓမ္မမတ္တံ ဥပ္ပဇ္ဇတိ စေဝ ဝိနဿတိ စာ”တိ ဣမံ ဝိပရိဏာမ-  
ဝါဒိ ဒဿေတိ။ ယံ ပနေတ္ထ ဝတ္ထဗ္ဗံ၊ တံ ဣမိဿံ သဿတဝါဒဝိစာရဏာယ-  
မေဝ “ဧဝံဂတိကာ”တိ ပဒတ္ထဝိဘာဝနေ ဝက္ခာမ။ ဣဒါနိ အဋ္ဌကထာယံ ဝုတ္တံ အသမ္ပန္နမတ္တံ ဒဿေတုံ “အဋ္ဌကထာယံ ပနာ”တိအာဒိ ဝုတ္တံ။ သန္တာဝန္တိတိ-  
အာဒိနာ ဝေနေန အတ္တနော ဝါဒိ ဘိန္တတိ ဝိနာသေတိ သန္တာဝနာဒိဝစန-  
သိဒ္ဓါယ အနိစ္စဘာယ ပုဗ္ဗေ အတ္တနာ ပဋိညာတဿ သဿတဝါဒဿ ဝိရုဒ္ဓ-  
ဘာဝတောတိ အတ္ထော။ “ဒိဋ္ဌိဂတိကဿာ”တိအာဒိ တဒတ္ထသမတ္တနံ။ န နိဗ္ဗန္တိ  
န ထိရံ။ “သန္တာဝန္တိ”တိအာဒိဝစနံ၊ သဿတဝါဒဉ္စ သန္တာယ “သုန္တရဗ္ဗိ  
အသုန္တရဗ္ဗိ ဟောတိယေဝါ”တိ ဝုတ္တံ။ သဗ္ဗဒါ သရန္တိ ပဝတ္တန္တိတိ သဿတိ-  
ယော ရ-ကာရဿ သ-ကာရံ၊ ဒွိဘာဝဉ္စ ကတွာ၊ ပထဝီသိနေရစန္ဒိမသုရိယာ၊  
သဿတိဟိ သမံ သဒိသံ တထာ၊ ဘာဝနပုံသကဝစနဉ္စေတံ။ “အတ္တာ စ  
လောကော စာ”တိ ဟိ ကတ္ထုအဓိကာရော။ သဿတိသမန္တိ ဝါ လိင်္ဂဗျတ္တ-  
ယေန ကတ္ထုနိဒ္ဒေသော။ သဿတိသမော အတ္တာ စ လောကော စ အတ္ထိ  
ဧဝါတိ အတ္ထော၊ ဣတိ-သဒ္ဓေါ စေတ္ထ ပဒပူရဏမတ္တံ။ ဧဝ-သဒ္ဓဿ ဟိ  
ဧ-ကာရေပရေ ဣတိ-သဒ္ဓေ ဣ-ကာရဿ ဝ-ကာရမိစ္ဆန္တိ သဒ္ဓဝိဇ္ဇ။ သဿတိ-  
သမန္တိ သဿတံ ထာဝရံ နိစ္စကာလန္တိပိ အတ္ထော၊ သဿတိသမ-သဒ္ဓဿ  
သဿတပဒေန သမာနတ္ထတံ သန္တာယ ဋီကာယံ” ဝုတ္တော။

ဟေတုံ ဒဿေန္တောတိ ယေသံ “သဿတော”တိ အတ္တာနဉ္စ လောကဉ္စ  
ပညပေတိ၊ တေသံ ဟေတုံ ဒဿေန္တော အယံ ဒိဋ္ဌိဂတိကော အာဟာတိ  
သမ္ပန္တော။ န ဟိ အတ္တနော ဒိဋ္ဌိယာ ပစ္စက္ခကတမတ္တံ အတ္တနောယေဝ သာ-  
ဓေတိ၊ အတ္တနော ပန ပစ္စက္ခကတေန အတ္ထေန အတ္တနော အပ္ပစ္စက္ခဘူတမ္ပိ  
အတ္ထံ သာဓေတိ၊ အတ္တနာ စ ယထာနိစ္စိတံ အတ္ထံ ပရေပိ ဝိညာပေတိ၊ န

အနိစ္စိတံ၊ ဣဒံ ပန ဟေတုဒဿနံ ဧတေသု အနေကေသု ဇာတိသတသဟ-  
 သေသု ကောဝါယံ မေ အတ္တာ စ လောကော စ အနုဿရဏသမ္ပဝ-  
 တော။ ယော ဟိ ယမတ္ထံ အနုဘဝတိ၊ သော ဧဝံ တံ အနုဿရတိ၊ န အညော။ န  
 ဟိ အညေန အနုဘူတမတ္ထံ အညော အနုဿရိတုံ သက္ကောတိ ယထာ တံ ဗုဒ္ဓ-  
 ရက္ခိတေန အနုဘူတံ ဓမ္မရက္ခိတော။ ယထာ စေတောသု၊ ဧဝံ ဣတော ပုရိမ-  
 တရာသုပိ ဇာတိသု၊ တသ္မာ “သဿတော မေ အတ္တာ စ လောကော စ၊  
 ယထာ စ မေ၊ ဧဝံ အညေသမ္ပိ သတ္တာနံ သဿတော အတ္တာ စ လောကော  
 စာ”တိ သဿံတဝသေန ဒိဋ္ဌိဂဟဏံ ပက္ခန္ဓန္တော ဒိဋ္ဌိဂတိကော ပရေပိ တတ္ထ  
 ပတိဋ္ဌပေတိ။ ပါဠိယံ ပန “အနေကဝိဟိတာနိ အဓိမုတ္တိပထာနိ အဘိဝဒန္တိ၊  
 သော ဧဝမာဟာ”တိ ဝစနတော ပရာနဂါဟာပနဝသေန ဣဓ ဟေတု-  
 ဒဿနံ အဓိပ္ပေတန္တိ ဝိညာယတိ။ တေန္တိ အတ္တနော စ လောကဿ စ  
 သဿတဘာဝံ။ “န ကေဝလ”န္တိ အာဒိအတ္တတော အာပန္နဒဿနံ။ ဌာန-သဒ္ဓေါ  
 ကာရဏေ၊ တဉ္စ ခေါ ဣဓ ပုဗ္ဗေနိဝါသာနုဿတိယေဝါတိ အာဟ “ဣဒ”န္တိ-  
 အာဒိ။ ကာရဏဉ္စ နာမေတံ တိဝိဓံ သမ္မာပကံ နိဗ္ဗတ္တကံ ဉ္စပကန္တိ။ တတ္ထ  
 အရိယမဂ္ဂေါ နိဗ္ဗာနဿ သမ္မာပကကာရဏံ၊ ဗီဇံ အင်္ဂုရဿ နိဗ္ဗတ္တကကာရဏံ၊  
 ပစ္စယုပ္ပန္နတာဒယော အနိစ္စတာဒိနံ ဉ္စပကကာရဏံ၊ ဣဓာပိ ဉ္စပကကာရဏ-  
 မေဝ အဓိပ္ပေတံ။ ဉ္စပကော ဟိ အတ္ထော ဉ္စပေတဗ္ဗတ္တဝိသယဿ ဉ္စဏဿ  
 ဟေတုဘာဝတော ကာရဏံ။ တဒါယတ္တဝုတ္တိတာယ တံ ဉ္စဏံ တိဋ္ဌတိ ဧတ္ထောတိ  
 ဌာနံ၊ ဝသတိ တံ ဉ္စဏမေတ္ထ တိဋ္ဌတိတိ “ဝတ္ထု”တိ စ ဝုစ္စတိ။ တထာ ဟိ  
 ဘဂဝတာ ဝတ္ထု-သဒ္ဓေန ဥဒ္ဓိသိတွာပိ ဌာန-သဒ္ဓေန နိဒ္ဓိဋ္ဌန္တိ။

၃၂-၃၃။ ဒုတိယတတိယဝါရာနံ ပဌမဝါရတော ဝိသေသော နတ္ထိ ဌပေ-  
 တွာ ကာလဘေဒန္တိ အာဟ “ဥပရိ ဝါရဒ္ဓယေပိ သေဝ နယော”တိ။  
 တဒေတံ ကာလဘေဒံ ယထာပါဠိ ဒဿေတုံ “ကေဝလဉ္စိ”တိအာဒိ ဝုတ္တံ။  
 ဣတရေန ဒုတိယတတိယဝါရာ ယာဝ ဒသသံဝဋ္ဋဝိဝဋ္ဋကပ္ပါ၊ ယာဝ စတ္တာ-  
 လီသသံဝဋ္ဋဝိဝဋ္ဋကပ္ပါ စ အနုဿရဏဝသေန ဝုတ္တာတိ အဓိပ္ပာယော။ ယဒေဝံ  
 ကသ္မာ သဿတဝါဒေါ စတုဓာ ဝိဘတ္တော၊ နန တိဓာ ကာလဘေဒမ-  
 ကတွာ အဓိစ္စသမုပ္ပတ္တိကဝါဒေါ ဝိယ ဒုဝိဓေနေဝ ဝိဘဇိတဗ္ဗော သိယာတိ  
 စောဒနံ သောဓေတုံ “မန္တပညော ဟိ”တိအာဒိမာဟ။ မန္တပညာဒိနံ တိဏ္ဍံ  
 ပုဗ္ဗေနိဝါသာနုဿတိဉ္စဏလာဘိနံ ဝသေန တိဓာ ကာလဘေဒံ ကတွာ  
 တက္ကနေန သဟ စတုဓာ ဝိဘတ္တောတိ အဓိပ္ပာယော။ နန စ အနုဿဝါဒိ-  
 ဝသေန တက္ကိကာနံ ဝိယ မန္တပညာဒိနမ္ပိ ဝိသေသလာဘိနံ ဟိနာဒိဝသေန

အနေကဘေဒသမ္ဘဝတော မဟုခာ ဘေဒေါ သိယာ၊ အထ ကသွာ သဗ္ဗေပိ  
ဝိသေသလာဘိနော တယော ဝေ ရာသီ ကတွာ ဝုတ္တတိ? ဥက္ကဋ္ဌပရိစ္ဆေဒေန  
ဒဿေတုကာမတ္တာ။ တီသု ဟိ ရာသီသု ယေ ဟိနမဇ္ဈိမပညာ၊ တေ ဝုတ္တ-  
ပရိစ္ဆေဒတော ဦးနကမေဝ အနုဿရန္တိ။ ယေ ပန ဥက္ကဋ္ဌပညာ၊ တေ ဝုတ္တ-  
ပရိစ္ဆေဒံ အတိက္ကမိတွာ နာနုဿရန္တိတိ တတ္ထ တတ္ထ ဥက္ကဋ္ဌပရိစ္ဆေဒေန  
ဒဿေတုကာမတော အနေကဇာတိသတသဟဿဒသစတ္တာရိသသံဝဇ္ဇဝိဝဇ္ဇာ-  
နုဿရဏဝသေန တယော ဝေ ရာသီ ကတွာ ဝုတ္တတိ။ န တတော ဥဒ္ဓန္တိ  
ယထာဝုတ္တကာလတ္တယတော၊ စတ္တာရိသသံဝဇ္ဇဝိဝဇ္ဇကပ္ပတော ဝါ ဥဒ္ဓံ နာနု-  
ဿရတိ၊ ကသွာ? ဒုဗ္ဗလပညတ္တာ။ တေသဉ္စိ နာမရူပပရိစ္ဆေဒဝိရဟတော  
ဒုဗ္ဗလာ ပညာ ဟောတိတိ အဋ္ဌကထာသု ဝုတ္တံ။

၃၄။ တပ္ပကတိယက္ခောပိ ကတ္တုက္ခောယေဝါတိ အာဟ “တက္ကယတိ”တိ။  
တပ္ပကတိယတ္တတ္တာ ဝေ ဟိ ဒုတိယနယောပိ ဥပပန္နောဟောတိ။ တတ္ထ တက္က-  
ယတိတိ ဦးဟယတိ၊ သဿတာဒိအာကာရေန တသ္မိံ တသ္မိံ အာရမ္မဏေ  
စိတ္တံ အဘိနိရောပယတိတိ အက္ခော။ တက္ခောတိ အာကောဋ္ဌနလက္ခဏော၊  
ဝိနိစ္ဆယလက္ခဏော ဝါ ဒိဋ္ဌိဋ္ဌာနဘူတော ဝိတက္ခော။ တေန တေန ပရိယာ-  
ယေန တက္ကနံ သန္ဓာယ “တက္ကတွာ ဝိတက္ကတွာ”တိ ဝုတ္တံ။ ဝိမံသာယ  
သမန္တာဂတောတိ အတ္ထဝစနမတ္တံ။ နိဗ္ဗစနံ ပန တက္ကိပဒေ ဝိယ ခြိခာ ဝတ္ထဗ္ဗံ။  
ဝိမံသာ နာမ ဝိစာရဏာ၊ သာ စ ဒုဝိခာ ပညာ စေဝ ပညာပတိရူပိကာ စ။  
ဣဓ ပန ပညာပတိရူပိကာဝ၊ သာ စတ္တတော လောဘသဟဂတစိတ္တုပ္ပါဒေါ၊  
မိစ္ဆာဘိနိဝေသသင်္ခါတော ဝါ အယောနိသောမနသိကာရော။ ပုဗ္ဗဘာဂေ ဝါ  
မိစ္ဆာဒဿနဘူတံ ဒိဋ္ဌိဝိပ္ပန္နိတံ၊ တဒေတမတ္တတ္တယံ ဒဿေတုံ “တုလနာ  
ရုစ္စနာ ခမနာ”တိ ဝုတ္တံ။ “တုလယိတွာ”တိအာဒိသုပိ ယထာက္ကမံ “လောဘ-  
သဟဂတစိတ္တုပ္ပါဒေနာ”တိအာဒိနာ ယောဇေတဗ္ဗံ။ သမန္တတော၊ ပုနပ္ပုနံ  
ဝါ အာဟနနံ ပရိယာဟတံ၊ တံ ပန ဝိတက္ကဿ အာရမ္မဏံ ဦးဟနမေဝ၊  
ဘာဝနပုံသကဇ္ဇေတံ ပဒန္တိ ဒဿေတိ “တေန တေန ပရိယာယေန တက္က-  
တွာ”တိ ဣမိနာ။ ပရိယာယေနာတိ စ ကာရဏေနာတိ အက္ခော။ ဝုတ္တပ္ပကာ-  
ရာယာတိ တိခာ ဝုတ္တပ္ပဘေဒါယ။ အနုဝိစရိတန္တိ အနုပဝတ္တိတံ၊ ဝိမံသာ-  
နဂတေန ဝါ ဝိစာရေန အနုမဇ္ဈိတံ။ တဒနဂတဓမ္မကိစ္စမ္ပိ ဟိ ပဓာနဓမ္မေ  
အာရောပေတွာ တထာဝုစ္စတိ။ ပဋိဘာတိ ဒိဿတိတိ ပဋိဘာနံ၊ ယထာသမာ-  
ဟိတာကာရဝိသေသဝိဘာဝကော ဒိဋ္ဌိဂတသမ္ပယုတ္တစိတ္တုပ္ပါဒေါ၊ တတော  
ဇာတန္တိ ပဋိဘာနံ၊ တထာ ပညာယနံ၊ သယံ အတ္တနော ပဋိဘာနံ

သယံပဋိဘာနံ၊ တေနေဝါဟ “အတ္တနော ပဋိဘာနမတ္တသဉ္ဇာတ”န္တိ။ မတ္တ-  
သဒ္ဓေန စေတ္ထ ဝိသေသာမိဂမာဒယော နိဝတ္တေတိ။ အနာမဋ္ဌကာလဝစနေ  
ဝတ္တမာနဝသေနေဝ အတ္တနိဒ္ဓေသော ဥပပဉ္ဇောတိ အာဟ “ဧဝံ ဝဒတိ”တိ။

ပါဠိယံ “တက္ကိ ဟောတိ ဝိမံသိ”တိ သာမညနိဒ္ဓေသေန၊ ဧကသေသေန  
ဝါ ဝုတ္တံ တက္ကိဘေဒံ ဝိဘဇန္တော “တတ္ထ စတုဗ္ဗိဇော”တိအာဒိမာဟ။ ပရေဟိ  
ပုန သဝနံ အနုဿုတိ၊ သာ ယဿာယံ အနုဿုတိကော။ ပုရိမံ အနုဘူတပုဗ္ဗိ  
ဇာတိံ သရတိတိ ဇာတိဿရော။ လတ္တတေတိ လာဘော၊ ယံ ကိဉ္စိ အတ္တနာ  
ပဋိလဒ္ဓိံ ရူပါဒိ၊ သုခါဒိ စ၊ န ပန ဈာနာဒိဝိသေသော၊ တေနေဝါဟ ပါဠိယံ  
“သော တက္ကပရိယာဟတံ ဝိမံသာနုဝိစရိတံ သယံပဋိဘာနံ ဧဝမာဟာ”တိ။  
အဋ္ဌကထာယမ္ပိ ဝုတ္တံ “အတ္တနော ပဋိဘာနမတ္တသဉ္ဇာတ”န္တိ။ အာစရိယဓမ္မ-  
ပါလက္ခေရောပိ ဝဒတိ “မတ္တ-သဒ္ဓေန ဝိသေသာမိဂမာဒယော နိဝတ္တေတိ”တိ။  
သော ဧတဿာတိ လာဘီ။ သုဒ္ဓေန ပုရိမေဟိ အသမ္ဘိဿေန၊ သုဒ္ဓံ ဝါ  
တက္ကနံ သုဒ္ဓတက္ကော၊ သော ယဿာယံ သုဒ္ဓတက္ကိကော။ တေန ဟိတိ  
ဥယျောဇနတ္ထေ နိပါတော၊ တေန တထာ ဝေဿန္တရရညောဝ ဘဂဝတိ  
သမာနေတိ ဒိဋ္ဌိဂ္ဂါဟံ ဥယျောဇေတိ။ လာဘိတာယာတိ ရူပါဒိသုခါဒိလာဘိ-  
ဘာဝတော။ “အနာဂတေပိ ဧဝံ ဘဝိဿတိ”တိ ဣဒံ လာဘိတက္ကိနော ဧဝမ္ပိ  
သမ္ဘဝတိတိ သမ္ဘဝဒဿနဝသေန ဣဓာမိပ္ပေတံ တက္ကနံ သန္ဓာယ ဝုတ္တံ။  
အနာဂတံသတက္ကနေနေဝ ဟိ သဿတဂ္ဂါဟိ ဘဝတိ။ “အတိတေပိ ဧဝံ  
အဟောသိ”တိ ဣဒံ ပန အနာဂတံသတက္ကနဿ ဥပနိဿယနိဒဿနမတ္ထံ။  
သော ဟိ “ယထာ မေ ဣဒါနိ အတ္တာ သုဒ္ဓိ ဟောတိ၊ ဧဝံ အတိတေပိတိ  
ပဌမံ အတိတံသာနုတက္ကနံ ဥပနိဿာယ အနာဂတေပိ ဧဝံ ဘဝိဿတိ”တိ  
တက္ကယန္တော ဒိဋ္ဌိံ ဂဏှာတိ။ “ဧဝံ သတိ ဣဒံ ဟောတိ”တိ ဣမိနာ အနိစ္စေသု  
ဘာဝေသု အညော ကရေတိ၊ အညော ပဋိသံဝေဒေတိတိ ဒေါသော  
အာပဇ္ဇတိ၊ တထာ စ သတိ ကတဿ ဝိနာသော၊ အကတဿ စ အဇ္ဈာ-  
ဂမော သိယာ။ နိစ္စေသု ပန ဘာဝေသု အညော ကရေတိ၊ အညော ပဋိသံ-  
ဝေဒေတိတိ ဒေါသော နာပဇ္ဇတိ။ ဧဝမ္ပ သတိ ကတဿ အဝိနာသော၊  
အကတဿ စ အနဇ္ဈာဂမော သိယာတိ တက္ကိကဿ ယုတ္တိဂဝေသနာကာရံ  
ဒဿေတိ။

တက္ကမတ္တနေဝါတိ သုဒ္ဓတက္ကနေနေဝ။ မတ္တ-သဒ္ဓေန ဟိ အာဂမာ-  
ဒိနံ၊ အနုဿဝါဒိနဉ္စ အဘာဝံ ဒဿေတိ။ “နန စ ဝိသေသလာဘိနောပိ

သဿတဝါဒီနော ဝိသေသာမိဂမဟေတု အနေကေသု ဇာတိသတသဟ-  
 သေသု,ဒသသု သံဝနုဝိဝနေသု, စတ္တာလီသာယ စ သံဝနုဝိဝနေသု ယထာနု-  
 ဘူတံ အတ္တနော သန္တာနံ, တပ္ပုဋ္ဌိဗဒ္ဓန္တ ဓမ္မဇာတံ “အတ္တာ, လောကော”တိ စ  
 အနုဿရိတွာ တတော ပုရိမတရာသုပိ ဇာတိသု တထာဘူတဿ အတ္ထိတာ-  
 နုပိတက္ကနမုခေန အနာဂတေပိ ဧဝံ ဘဝိဿတိတိ အတ္တနော ဘဝိဿမာနာနု-  
 တက္ကနံ,သဗ္ဗေသမ္ပိ သတ္တာနံ တထာဘာဝါနုတက္ကနန္တ ကတွာ သဿတာဘိ-  
 နိဝေသိနော ဇာတာ၊ ဧဝံ သတိ သဗ္ဗေပိ သဿတဝါဒီ အနုဿုတိက-  
 ဇာတိဿရလဘိတက္ကိကာ ဝိယ အတ္တနော ဥပလဒ္ဓဝတ္ထုနိမိတ္တေန တက္ကနေန  
 ပဝတ္ထဝါဒတ္တာ တက္ကိပက္ခေယေဝ တိဋ္ဌေယျ၊ တထာ စ သတိ ဝိသေသဘေဒ-  
 ရဟိတတ္တာ ဧကောဝါယံ သဿတဝါဒေါ ဝဝတ္ထိတော ဘဝေယျ၊ အဝဿန္တ  
 ဝုတ္တပ္ပကာရံ တက္ကနမိစ္ဆိတဗ္ဗံ၊ အညထာ ဝိသေသလာဘိ သဿတဝါဒီ ဧကစ္စ-  
 သဿတိကပက္ခံ, အဓိစ္စသမုပ္ပန္နိကပက္ခံ ဝါ ဘဇေယျာတိ? န ခေါ ပနေတံ ဧဝံ  
 ဒဋ္ဌဗ္ဗံ။ ဝိသေသလာဘိနဉ္စိ ခန္တသန္တာနဿ ဒိဃဒိဃတရဒိဃတမကာလာ-  
 နုဿရဏံ သဿတဂ္ဂါဟဿ အသာဓာရဏကာရဏံ။ တထာ ဟိ “အနေက-  
 ဝိဟိတံ ပုဗ္ဗေနိဝါသံ အနုဿရာမိ။ ဣမိနာမဟံ ဧတံ ဇာနာမီ”တိ အနုဿရဏ-  
 မေဝ ပဓာနကာရဏဘာဝေန ဒဿိတံ။ ယံ ပန တဿ “ဣမိနာမဟံ ဧတံ  
 ဇာနာမီ”တိ ပဝတ္ထံ တက္ကနံ၊ န တံ ဣဓ ပဓာနံ အနုဿရဏံ ပဋိစ္စ တဿ  
 အပဓာနဘာဝတော၊ ပဓာနကာရဏေန စ အသာဓာရဏေန နိဒ္ဒေသော  
 သာသနေ,လောကေပိ စ နိရုဋ္ဌော ယထာ “စက္ခုဝိညာဏံ ယဝကံရော”တိ-  
 အာဒိ။

ဧဝံ ပနာယံ ဒေသနာ ပဓာနကာရဏဝိဘာဝိနိ၊ တဿ သတိပိ အနုဿ-  
 ဝါဒီဝသေန, တက္ကိကာနံ ဟိနာဒီဝသေန စ မန္တပညာဒီနံ ဝိသေသလာဘိနံ  
 ဗဟုဓာ ဘေဒေ အညတရဘေဒသင်္ဂဟဝသေန ဘဂဝတာ စတ္တာရိဋ္ဌာနာနိ  
 ဝိဘဇိတွာ ဝဝတ္ထိတာ သဿတဝါဒါနံ စတုဗ္ဗိတော။ န ဟိ ဣဓ သာဝသေသံ  
 ဓမ္မံ ဒေသေတိ ဓမ္မရာဇာတိ။ ယဒေဝံ အနုဿုတိကာဒီသုပိ အနုဿဝါဒီနံ  
 ပဓာနဘာဝေါ အာပဇ္ဇတိတိ? န တေသံ အညာယ သမ္ဘိကိရိယာယ  
 အဘာဓေန တက္ကပဓာနတ္တာ၊ “ပဓာနကာရဏေန စ အသာဓာရဏေန  
 နိဒ္ဒေသော သာသနေ,လောကေပိ စ နိရုဋ္ဌော”တိ ဝုတ္တောဝါယမတ္ထောတိ။ အထ  
 ဝါ ဝိသေသာမိဂမနိမိတ္တရဟိတဿ တက္ကနဿ သဿတဂ္ဂါဟေ ဝိသုံ ကာရဏ-  
 ဘာဝဒဿနတ္ထံ ဝိသေသာမိဂမော ဝိသုံ သဿတဂ္ဂါဟကာရဏဘာဝေန  
 ဝတ္တဗ္ဗော၊ သော စ မန္တမဇ္ဈိမတိက္ခပညာဝသေန တိဝိဓောတိ တိဓာ ဝိဘဇိတွာ,

သဗ္ဗတက္ကိန္ဒော စ တက္ကိဘာဝသာမညတော ကေဇ္ဈံ ဂဟေတွာ စတုဓာ ဧဝ  
ဝဝတ္ထာပိတော သဿဘဝါဒေါ ဘဂဝတာတိ။

၃၅။ “အညတရေနာ”တိ ဧတဿ အတ္ထံ ဒဿေတုံ “**ကေနာ**”တိ ဝုတ္တံ။  
အဋ္ဌာနပယုတ္တဿ ပန **ဝါ**-သဒ္ဓဿ အနိယမတ္ထတံ သန္ဓာယာဟ **“ဒွိဟိ ဝါ  
တိဟိ ဝါ”**တိ၊ တေန စတူသု ဝတ္ထုသု ယထာရဟမေကဏ္ဍံ ကေစ္စဿ ပညာ-  
ပနေ သဟကာရိကာရဏန္တိ ဒဿေတိ။ “**ဗဟိဒ္ဓါ**”တိ ဗာဟုတ္ထဝါစကော  
ကတ္တုနိဒ္ဓိဋ္ဌော နိပါတောတိ ဒဿေတုံ “**ဗဟိ**”တိအာဒိ ဝုတ္တံ။ ဧတ္တာဟ—  
ကိံ ပနေတာနိ ဝတ္ထုနိ အတ္တနော အဘိနိဝေသဿ ဟေတု၊ ဥဒါဟု ပရေသံ  
ပတိဋ္ဌာပနဿာတိ။ ကိဇ္ဇေတ္ထ၊ ယဒိ တာဝ အတ္တနော အဘိနိဝေသဿ ဟေတု၊  
အထ ကဿ အနုဿရဏတက္ကနာနိယေဝ ဂဟိတာနိ၊ န သညာဝိပလ္လာသာ-  
ဒယော။ တထာ ဟိ ဝိပရိတသညာအယောနိသောမနသိကာရအသပ္ပုရိ-  
သုပနိဿယအသဒ္ဓမ္မဿဝနာဒိနိဝိ ဒိဋ္ဌိယာ ပဝတ္တနဋ္ဌေန ဒိဋ္ဌိဋ္ဌာနာနိ။ အထ  
ပန ပရေသံ ပတိဋ္ဌာပနဿ ဟေတု၊ အနုဿရဏဟေတုဘူတော အဓိဂမော  
ဝိယ၊ တက္ကနပရိယေဋ္ဌိဘူတာ ယုတ္တိ ဝိယ စ အာဂမောပိ ဝတ္ထုဘာဝေန  
ဝတ္တဗ္ဗော၊ ဥဘယထာပိ စ ယထာဝုတ္တဿ အဝသေသကာရဏဿ သမ္ပဝ-  
တော “နတ္ထိ ဣတော ဗဟိဒ္ဓါ”တိ ဝစနံ န ယုဇ္ဇတေဝါတိ? နော န ယုဇ္ဇတိ၊  
ကဿာ? အဘိနိဝေသပက္ခေ တာဝ အယံ ဒိဋ္ဌိဂတိကော အသပ္ပုရိသုပနိဿယ-  
အသဒ္ဓမ္မဿဝနေဟိ အယောနိသော ဥမ္ပုဇ္ဇိတွာ ဝိပလ္လာသသညော ရူပါဒိဓမ္မာနံ  
ခဏေ ခဏေ ဘိဇ္ဇနသဘာဝဿ အနဝဗောဓတော ဓမ္မယုတ္တိံ အတိဓာဝန္တော  
ကေတ္တနယံ မိစ္ဆာ ဂဟေတွာ ယထာဝုတ္ထာနုဿရဏတက္ကနေဟိ ခန္ဓေသု  
“သဿတော အတ္တာ စ လောကော စာ”တိ အဘိနိဝေသံ ဥပနေသိ၊ ဣတိ  
အာသန္ဓကာရဏတ္တာ၊ ပဓာနကာရဏတ္တာ စ တဂ္ဂဟဏေနေဝ စ ဣတရေ-  
သမ္ပိ ဂဟိတတ္တာ အနုဿရဏတက္ကနာနိယေဝ ဣဓ ဂဟိတာနိ။ ပတိဋ္ဌာပန-  
ပက္ခေ ပန အာဂမောပိ ယုတ္တိယမေဝ ဌိတော ဝိသေသေန နိရာဂမာနံ ဗာဟိ-  
ရကာနံ တက္ကဂ္ဂါဟိဘာဝတော၊ တဿ အနုဿရဏတက္ကနာနိယေဝ သဿ-  
တဂ္ဂါဟဿ ဝတ္ထုဘာဝေန ဂဟိတာနိ။

ကိဉ္စ ဘိယျော—ဒုဝိဓံ ပရမတ္ထဓမ္မာနံ လက္ခဏံ သဘာဝလက္ခဏံ၊ သာမည-  
လက္ခဏဉ္စ။ တတ္ထ သဘာဝလက္ခဏာဝဗောဓော ပစ္စက္ခဉ္စ။ သာမည-  
လက္ခဏာဝဗောဓော အနုမာနဉ္စ။ အာဂမော စ သုတမယာယ ပညာယ

သာဓနတော အနုမာနဉာဏမေဝ အာဝဟတိ၊ သုတာနံ ပန ဓမ္မာနံ အာကာရ-  
 ပရိဝိတက္ကနေန နိဇ္ဈာနက္ခန္ဓိယံ ဌိတော စိန္တာမယပညံ နိဗ္ဗတ္တေတွာ အနုက္ကမေန  
 ဘာဝနာယ ပစ္စက္ခဉာဏံ အဓိဂစ္ဆတိတိ ဧဝံ အာဂမောပိ တက္ကနဝိသယံ  
 နာတိက္ကမတိ၊ တသ္မာ စေသ တက္ကဂ္ဂဟဏေန ဂဟိတောဝါတိ ဝေဒိတဗ္ဗော။  
 သော အဋ္ဌကထာယံ အနုဿုတိတက္ကဂ္ဂဟဏေန ဝိဘာဝိတော၊ ဧဝံ အနုဿ-  
 ရဏတက္ကနေဟိ အသင်္ဂဟိတဿ အဝသိဋ္ဌဿ ကာရဏဿ အသမ္ဘဝတော  
 ယုတ္တမေဝိဒံ “နတ္ထိ ဣတော ဗဟိဒ္ဓါ”တိ ဝစနန္တိ ဝေဒိတဗ္ဗံ။ “အနေက-  
 ဝိဟိတာနိ အဓိမုတ္တိပဒါနိ အဘိဝဒန္တိ”တိ၊ “သဿတံ အတ္တာနဉ္စ လောကဉ္စ  
 ပညပေန္တိ”တိ ၈ ဝစနတော ပန ပတိဋ္ဌာပနဝတ္ထုနိယေဝ ဣဓ ဒေသိတာနိ  
 တံဒေသနာယ ဧဝ အဘိနိဝေသဿာပိ သိဇ္ဈနတော။ အနေကဘေဒေသု  
 ဟိ ဒေသိတေသု ယသ္မိံ ဒေသိတေ တဒညေပိ ဒေသိတာ သိဒ္ဓါ ဟောန္တိ၊  
 တမေဝ ဒေသေတိတိ ဒဋ္ဌဗ္ဗံ။ အဘိနိဝေသပတိဋ္ဌာပနေသု ၈ အဘိနိဝေသေ  
 ဒေသိတေပိ ပတိဋ္ဌာပနံ န သိဇ္ဈတိ အဘိနိဝေသဿ ပတိဋ္ဌာပနေ အနိယ-  
 မတော။ အဘိနိဝေသိနောပိ ဟိ ကေစိ ပတိဋ္ဌာပေန္တိ၊ ကေစိ န ပတိဋ္ဌာ-  
 ပေန္တိ။ ပတိဋ္ဌာပနေ ပန ဒေသိတေ အဘိနိဝေသောပိ သိဇ္ဈတိ ပတိဋ္ဌာပနဿ  
 အဘိနိဝေသေ နိယမတော။ ယော ဟိ ယတ္ထ ပရေ ပတိဋ္ဌာပေတိ၊ သောပိ  
 တမာဘိနိဝိသတိတိ။

၃၆။ တယိဒန္တိ ဧတ္ထ တ-သဒ္ဓေန “သဿတံ အတ္တာနဉ္စ လောကဉ္စ ပည-  
 ပေန္တိ”တိ ဧတဿ ပရာမသနန္တိ အာဟ “တံ ဣဒံ စတုဗ္ဗိဓမ္မိ ဝိဋ္ဌိဂတ”န္တိ။  
 တတောတိ တသ္မာ ပကာရတော ဇာနနတ္တာ။ ပရမဝဇ္ဇတာယ အနေကဝိဟိ-  
 တာနံ အနတ္တာနံ ကာရဏဘာဝတော ဝိဋ္ဌိယော ဧဝ ဌာနာ ဝိဋ္ဌိဌာနာ။  
 ယထာဟ “မိစ္ဆာဝိဋ္ဌိပရမာဟံ ဘိက္ခဝေ ဝဇ္ဇံ ဝဒါမိ”တိ ၂။ တဒေဝတ္ထံ သန္ဓာယ  
 “ဝိဋ္ဌိယောဝ ဝိဋ္ဌိဌာနာ”တိ ဝုတ္တံ။ ဝိဋ္ဌိနံ ကာရဏမ္ပိ ဝိဋ္ဌိဌာနမေဝ ဝိဋ္ဌိနံ  
 ဥပ္ပါဒါယ သမုဋ္ဌာနဋ္ဌေန။ “ယထာဟာ”တိအာဒိ ပဋိသန္တိဒါပါဠိယာ ၉ သာဓနံ။  
 တတ္ထ ခန္ဓာပိ ဝိဋ္ဌိဌာနံ အာရမ္မဏဋ္ဌေန။ ဝုတ္တပ္ပိ “ရူပံ အတ္တတော သမနုပဿ-  
 တိ”တိအာဒိ ၄၊ အဝိဇ္ဇာပိ ဥပနိဿယာဒိဘာဝေန။ ယထာဟ “အဿုတဝါ  
 ဘိက္ခဝေ ပုထုဇ္ဇေနော အရိယာနံ အဒဿာပိ အရိယဓမ္မဿ အကောဝိဒေါ”တိ-  
 အာဒိ ၅။ ဖဿောပိ ဖုသိတွာ ဂဟဏူပါယဋ္ဌေန။ တထာ ဟိ ဝုတ္တံ “တဒပိ

---

၁-ဒိ ၁-၁  -ပိဋ္ဌေ၊	၂-အံ ၁-၃၅-ပိဋ္ဌေ၊	၃-ဒု ၉-၁၃၂-ပိဋ္ဌေ၊
၄-သံ ၂-၇၉၊ ၈၀၊ ၈၁၊ ၉၇၈-ပိဋ္ဌေသု။		၅-မ ၁-၁၊ ၃ ၉-၁၃၉-ပိဋ္ဌေသု။

ဇဿပစ္စယာ<sup>၁</sup> ဖုဿ ဖုဿ ပဋိသံဝေဒေန္တိ”တိ<sup>၂</sup>။ သညာပိ အာကာရမတ္တဂ္ဂဟ-  
 ဏဋ္ဌေန။ ဝုတ္တဋ္ဌေတံ “သညာနိဒါနာ ဟိ ပပဉ္စသင်္ခါ”တိ<sup>၃</sup>၊ “ပထဝီ” ပထဝီတော  
 သညတွာ”တိ<sup>၄</sup> စ အာဒိ။ ဝိတက္ကောပိ အာကာရပရိဝိတက္ကနဋ္ဌေန။ တေန  
 ဝုတ္တံ “တက္ကဉ္စ ဒိဋ္ဌိသု ပကပ္ပယိတွာ၊ သစ္စံ မုဿာတိ ဒွယဓမ္မမာဟူ”တိ<sup>၅</sup>၊ “တက္ကီ  
 ဟောတိ ဝိမံသီ”တိ<sup>၆</sup> စ အာဒိ။ အယောနိသော မနသိကာရောပိ အကုသလာနံ  
 သာဓာရဏကာရဏဋ္ဌေန။ တေနာဟ “တဿ ဧဝံ အယောနိသော မနသိ  
 ကရောတော ဆန္တံ ဒိဋ္ဌိနံ အညတရာ ဒိဋ္ဌိ ဥပ္ပဇ္ဇတိ။ ‘အတ္ထိ မေ အတ္တာ’တိ ဝါ  
 အဿ သစ္စတော ထေတတော ဒိဋ္ဌိ ဥပ္ပဇ္ဇတိ”တိအာဒိ<sup>၇</sup>။ ပါပမိတ္တောပိ  
 ဒိဋ္ဌာနဂတိအာပဇ္ဇနဋ္ဌေန။ ဝုတ္တမ္ပိ စ “ဗာဟိရံ ဘိက္ခဝေ အင်္ဂန္တိ ကရိတွာ နာညံ  
 ကေင်္ဂမ္ပိ သမနုပဿာမိ၊ ယံ ဧဝံ မဟတော အနတ္ထာယ သံဝတ္တတိ၊ ယထယိဒံ  
 ဘိက္ခဝေ ပါပမိတ္တတာ”တိအာဒိ<sup>၈</sup>။ ပရတောသောသောပိ ဒုရက္ခာတဓမ္မဿ-  
 ဝနဋ္ဌေန။ တထာ စေဝ ဝုတ္တံ “ဒွေမေ ဘိက္ခဝေ ပစ္စယာ မိစ္ဆာဒိဋ္ဌိယာ  
 ဥပ္ပါဒါယ။ ကတမေ ဒွေ? ပရတော စ သောသော၊ အယောနိသော စ မနသိ-  
 ကာရော”တိအာဒိ<sup>၉</sup>။ ပရေဟိ သုတာ၊ ဒေသိတာ ဝါ ဒေသနာ ပရတော-  
 သောသော။

“ခန္ဓာ ဟေတူ”တိအာဒိပါဠိ တဒတ္ထဝိဘာဝိနီ။ တတ္ထ ဇနကဋ္ဌေန ဟေတု၊  
 ဥပတ္တမ္ပကဋ္ဌေန ပစ္စယော။ ဥပါဒါယာတိ ဥပါဒိယိတွာ၊ ပဋိစ္စာတိ အတ္ထော။  
 “ဥပ္ပါဒါယာ”တိဝိ ပါဠော၊ ဥပ္ပဇ္ဇနာယာတိ အတ္ထော။ သမုဋ္ဌာတိ ဧတေနာတိ  
 သမုဋ္ဌာနံ၊ ခန္ဓာဒယော ဧဝ။ ဣဓ ပန သမုဋ္ဌာနဘာဝေါယေဝ သမုဋ္ဌာန-သဒ္ဓေန  
 ဝုတ္တော ဘာဝလောပတ္တာ၊ ဘာဝပ္ပဓာနတ္တာ စ။ အာဒိန္နာ သကသန္တာနေ။  
 ပဝတ္တိတာ သပရသန္တာနေသု။ ပရ-သဒ္ဓေါ အဘိဏ္ဍေတ္ထောတိ ဝုတ္တံ “ပုနပ္ပါ-  
 န”န္တိ။ ပရိနိဋ္ဌာပိတာတိ “ဣဒမေဝ ဒဿနံ သစ္စံ၊ အညံ ပန မောဃံ တုစ္ဆံ  
 မုဿာ”တိ အဘိနိဝေသဿ ပရိယောသနံ မတ္တကံ ပါပိတာတိ အတ္ထော။  
 အာရမ္မဏဝသေနာတိ အဋ္ဌသု ဒိဋ္ဌိဋ္ဌာနေသု ခန္ဓေ သန္တာယာဟ။ ပဝတ္တနဝသေ-  
 နာတိ အဝိဇ္ဇာဇဿသညာပိတက္ကာယောနိသောမနသိကာရေ။ အာသေဝန-  
 ဝသေနာတိ ပါပမိတ္တပရတောသောသေ။ ယဒိပိ သရူပတ္တဝသေန ဝေဝစနံ၊  
 သင်္ကေတတ္တဝသေန ပန ဧဝံ ဝတ္တဗ္ဗောတိ ဒဿေတုံ “ဧဝံပရလောကာ”တိ  
 ဝုတ္တံ။ ယေန ကေနစိ ဟိ ဝိသေသနေနေဝ ဝေဝစနံ သာတ္ထကံ သိယာ။

၁-ဒီ ၁-၃၀-ပိဋ္ဌေ။ ၂-ဒီ ၁-၄၁-ပိဋ္ဌေ။ ၃-ဒု ၁-၄၁၄၊ ၃ ၇-၂၁၆၊ ၂၁၇-ပိဋ္ဌေသု။  
 ၄-မ ၁-၁-ပိဋ္ဌေ။ ၅-ဒု ၁-၄၁၆၊ ၃ ၇-၂၂၀၊ ၂၂၉-ပိဋ္ဌေသု။ ၆-ဒီ ၁-၁၅-ပိဋ္ဌေ။  
 ၇-မ ၁-၁၀-ပိဋ္ဌေ။ ၈-အံ ၁-၁၇-ပိဋ္ဌေ။ ၉-အံ ၁-၀၆-ပိဋ္ဌေ။

ပရလောကော စ ကမ္မဝသေန အဘိဓမ္မေသိ သမ္ပရေတိ ဂစ္ဆတိ ပဝတ္တတိ ဧတ္ထာတိ အဘိသမ္ပရာယောတိ ဝုစ္ဆတိ။ “ဣတိ ခေါ အာနန္တ ကုသလာနိ သီလာနိ အနုပုဗ္ဗေန အဂ္ဂါယ ပရေန္တိ”တိအာဒိသု<sup>၁</sup> ဝိယ ဟိ စုရာဒိဂဏဝသေန ပရ-သဒ္ဓိ ဂတိယမိစ္ဆန္တိ သဒ္ဓဝိဒူ၊ အယမေတ္ထ အဋ္ဌကထာတော အပရော နယော။

ဧဝံဂတိကာတိ ဧဝံဂမနာ ဧဝံနိဋ္ဌာ၊ ဧဝမနုယုဉ္ဇနေန ဘိဇ္ဇေနသနပရိ-  
ယောသာနာတိ အတ္ထော။ ဂတိ-သဒ္ဓေါ စေတ္ထ “ယေဟိ သမန္တာဂတဿ  
မဟာပုရိသဿ ဒွေဝ ဂတိယော ဘဝန္တိ”တိအာဒိသု<sup>၂</sup> ဝိယ နိဋ္ဌာနတ္ထော။ ဣဒံ  
ဝုတ္တံ ဟောတိ—ဣမေ ဒိဋ္ဌိသင်္ခါတာ ဒိဋ္ဌိဋ္ဌာနာ ဧဝံ ပရမတ္ထတော အသန္တံ  
အတ္တာနံ၊ သဿတဘာဝဉ္စ တသ္မိံ<sup>၃</sup> အဇ္ဈာရောပေတွာ ဂဟိတာ၊ ပရာမဋ္ဌာ စ  
သမာနာ ဗာလလပနာယေဝ ဟုတွာ ယာဝ ပဏ္ဍိတာ န သမနုယုဉ္ဇန္တိ၊  
တာဝ ဂစ္ဆန္တိ၊ ပါတုဘဝန္တိ စ၊ ပဏ္ဍိတေဟိ သမနုယုဉ္ဇိယမာနာပန အနဝဋ္ဌိတ-  
ဝတ္ထုကာ အဝိမဒ္ဒက္ခမာ သူရိယုဂ္ဂမနေ ဥဿာဝဗိန္ဒူ ဝိယ၊ ခဇ္ဇောပနကာ ဝိယ  
စ ဘိဇ္ဇန္တိ၊ ဝိနဿန္တိ စာတိ။

တတ္ထာယံ အနုယုဉ္ဇနေ သင်္ခေပကထာ—ယဒိ ဟိ ပရေဟိ ကပ္ပိတော  
အတ္တာလောကော ဝါသဿတော သိယာ၊ တဿ နိဗ္ဗိကာရတာယ ပုရိမ-  
ရူပါဝိဇ္ဇဟနတော ကဿမိ ဝိသေသာဓာနဿ ကာတုမသက္ကုဏေယျတာယ  
အဟိတတော နိဝတ္တနတ္ထံ၊ ဟိတေ စ ပဋိပဇ္ဇနတ္ထံ ဥပဒေသော ဧဝ သဿတ-  
ဝါဒိနော နိပ္ပယောဇနော သိယာ၊ ကထံ ဝါ တေန သော ဥပဒေသော  
ပဝတ္တိယတိ ဝိကာရာဘာဝတော။ ဧဝဉ္စ သတိ ပရိကပ္ပိတဿ အတ္တနော  
အဇ္ဈာကာသဿ ဝိယ ဒါနာဒိကိရိယာ၊ ဟိံသာဒိကိရိယာ စ န သမ္ဘဝတိ၊  
တထာ သုခဿ၊ ဒုက္ခဿ စ အနုဘဝနနိဗန္ဓော ဧဝ သဿတဝါဒိနော န  
ယုဇ္ဇတိ ကမ္မဗဒ္ဓါဘာဝတော။ ဇာတိအာဒိနဉ္စ အသမ္ဘဝတော ဝိမောက္ခော  
န ဘဝေယျ၊ အထ ပန ဓမ္မမတ္တံ တဿ ဥပ္ပဇ္ဇတိ စေဝ ဝိနဿတိ စ၊ ယဿ  
ဝသေနာယံ ကိရိယာဒိဝေါဟာရေတိ ဝဒေယျ၊ ဧဝမိ ပုရိမရူပါဝိဇ္ဇဟနေန  
အဝဋ္ဌိတဿ အတ္တနော ဓမ္မမတ္တန္တိ န သက္ကာ သမ္ဘာဝေတုံ၊ တေ ဝါ ပနဿ  
ဓမ္မာ အဝတ္ထာဘူတာ၊ တသ္မာ တဿ ဥပ္ပန္နာ အညေ ဝါ သိယံ အနညေ  
ဝါ၊ ယဒိ အညေ၊ န တာဟိ အဝတ္ထာဟိ တဿ ဥပ္ပန္နာဟိပိ ကောမိ ဝိသေသော  
အတ္တိ၊ ယာဟိ ကရေတိ ပဋိသံဝေဒေတိ စဝတိ ဥပ္ပဇ္ဇတိ စာတိ ဣစ္ဆိတံ၊ ဧဝဉ္စ

၁-အံ ၃-၂၅၀-ပိဋေ။

၂-သဒ္ဓနီတိဓာတုမာလာယ စုရာဒိဂဏိကပရိဒီပနေ ရကာရန္တဓာတုရူပံ ပဿိတဗ္ဗံ။

၃-ဒီ ၁-၈၃၊ ဒီ ၂-၁၄၊ ၁၆၊ ဒီ ၃-၁၁၇၊ ၁၁၈၊ မ ၂-၃၃၅၊ ၃၄၉-ပိဋာဒိသု။

ဓမ္မကပ္ပနာပိ နိရတ္တကာ သိယာ၊ တသ္မာ တဒဝတ္ထော ဧဝ ယထာဝုတ္တဒေါသော၊  
 အထာနညေ၊ ဥပ္ပါဒဝိနာသဝန္တိဟိ အဝတ္ထာဟိ အနညဿ အတ္တနော တာသံ  
 ဝိယ ဥပ္ပါဒဝိနာသသမ္ဘာဝတော ကုတော ဘဝေယျ နိစ္စတာဝကာသော၊  
 တာသမ္ပိ ဝါ အတ္တနော ဝိယ နိစ္စတာပဝတ္တိ၊ တသ္မာ ဗန္ဓဝိမောက္ခာနံ အသမ္ဘဝေါ  
 ဧဝါတိ န ယုဇ္ဇတိယေဝ သဿတဝါဒေါ၊ န စေတ္တ ကောစိ ဝါဒီ ဓမ္မာနံ  
 သဿတဘာဝေ ပရိသုဒ္ဓံ ယုတ္တိံ ဝတ္တု သမတ္ထော ဘဝေယျ၊ ယုတ္တိရဟိတဉ္စ  
 ဝစနံ န ပဏ္ဍိတာနံ စိတ္တံ အာရာဓေတိ၊ တေနာဝေါစုမှ “ယာဝ ပဏ္ဍိတာ  
 န သမနယုဇ္ဇန္တိ၊ တာဝ ဂစ္ဆန္တိ၊ ပါတုဘဝန္တိ စာ”တိ။

သကာရဏံ သံဂတိကန္တိ ဧတ္ထ သဟ-သဒ္ဓေါ ဝိဇ္ဇမာနတ္ထော “သလော-  
 မကော သပက္ခကော”တိအာဒိသု<sup>၁</sup> ဝိယ၊ န ပန သမဝါယတ္ထော စ-သဒ္ဓေန  
 “တယိဒံ ဘိက္ခဝေ တထာဂတော ပဇာနာတိ”တိ ဝုတ္တဿ ဒိဋ္ဌိဂတဿ  
 သမုတ္တိနိတတ္တာ၊ “တဉ္စ တထာဂတော ပဇာနာတိ”တိ ဣမိနာ စ ကာရဏ-  
 ဂတိနမေဝ ပဇာနနဘာဝေန ဝုတ္တတ္တာ။ ဣဒံ ဝုတ္တံ ဟောတိ—တယိဒံ  
 ဘိက္ခဝေ ကာရဏဝန္တံ ဂတိဝန္တံ ဒိဋ္ဌိဂတံ တထာဂတော ပဇာနာတိ၊ န  
 ကေဝလဉ္စ တဒေဝ၊ အထ ခေါ တဿ ကာရဏဂတိသင်္ခါတံ တဉ္စ သဗ္ဗန္တိ။  
 “တတော။ ပ။ ပဇာနာတိ”တိ ဝုတ္တဝါကျဿ အတ္ထံ ဝုတ္တနယေန သံဝဏ္ဏေတိ  
 “တတော စာ”တိအာဒိနာ။ သဗ္ဗညုတညာဏဿေဝိဓ ဝိဘဇနန္တိ ပက-  
 ရဏာနုရူပမတ္ထံ အာဟ “သဗ္ဗညုတညာဏဉ္စာ”တိ၊ တသ္မိံ ဝါ ဝုတ္တေ  
 တဒမိဋ္ဌာနတော အာသဝက္ခယဉာဏံ၊ တဒဝိနာဘာဝတော ဝါ သဗ္ဗမ္ပိ ဒသ-  
 ဗလာဒိဉာဏံ ဂဟိတမေဝါတိပိ တဒေဝ ဝုတ္တံ။

ဧဝံဝိဇ္ဇန္တိ “သီလဉ္စာ”တိအာဒိနာ ဧဝံဝုတ္တပ္ပကာရံ။ ပဇာနန္တောပီတိ  
 ဧတ္ထ ဝိ-သဒ္ဓေန၊ အဝိ-သဒ္ဓေန ဝါ “တဉ္စာ”တိ ဝုတ္တစ-သဒ္ဓဿ သမ္ဘာဝနတ္တဘာဝံ  
 ဒဿေတိ၊ တေန တတော ဒိဋ္ဌိဂတတော ဥတ္တရိတရံ သာရဘူတံ သီလာဒိ-  
 ဂုဏဝိသေသမ္ပိ တထာဂတော နာဘိနိဝိသတိ၊ ကော ပန ဝါဒေါ ဝနာမိသေတိ  
 သမ္ဘာဝေတိ။ “အဟ”န္တိ ဒိဋ္ဌိမာနဝသေန ပရာမသနာကာရဒဿနံ။ ပဇာနာပီတိ  
 ဧတ္ထ ဣတိ-သဒ္ဓေန ပကာရတ္ထေန၊ နိဒဿနတ္ထေန ဝါ။ “မမ”န္တိ တဏှာဝသေန  
 ပရာမသနာကာရံ ဒဿေတိ။ တဏှာဒိဋ္ဌိမာနပရာမာသဝသေနာတိ တဏှာ-  
 ဒိဋ္ဌိမာနသင်္ခါတပရာမာသဝသေန။ ဓမ္မသဘာဝမတိက္ကမိတွာ “အဟံ မမ”န္တိ  
 ပရတော အဘူတတော အာမသနံ ပရာမာသော၊ တဏှာဒယော ဧဝ။ န ဟိ  
 တံ အတ္ထိ၊ ယံ ခန္ဓေသု “အဟ”န္တိ ဝါ “မမ”န္တိ ဝါ ဂဟေတဗ္ဗံ သိယာ၊

အပရာမသတော အပရာမသန္တဿ အဿ တထာဂတဿ နိဗ္ဗုတိ ဝိဒိတာတိ သမ္ပန္နော။ “အပရာမသတော”တိ စေဒံ နိဗ္ဗုတိပဝေဒနာယံ ဟေတုဂစ္ဆ-  
ဝိသေသနံ။ “ဝိဒိတာ”တိ ပဒမပေက္ခိတွာ ကတ္တရိ သာမိဝစနံ။ အပရာမသတော  
ပရာမာသရဟိတပဋိပတ္တိဟေတု အဿ တထာဂတဿ ကတ္တဘူတဿ နိဗ္ဗုတိ  
အသင်္ခတဓာတု ဝိဒိတာ၊ အဓိဂတာတိ ဝါ အတ္ထော။ “အပရာမသတော”တိ  
ဟေဒံ ဟေတုမှိ နိဿက္ကဝစနံ။

“အပရာမာသပစ္စယာ”တိ ပစ္စတ္တညေဝ ပဝေဒနာယ ကာရဏဒဿနံ။  
အဿာတိ ကတ္တာရံ ဝတွာပိ ပစ္စတ္တညေဝါတိ ဝိသေသဒဿနတ္ထံ ပုန ကတ္တ-  
ဝစနန္တိ အာဟ “သယမေဝ အတ္တနာယေဝါ”တိ။ သယံ၊ အတ္တနာတိ ဝါ  
ဘာဝနပုံသကံ။ နိပါတပဒဉ္ဇေတံ။ “အပရာမသတော”တိ ဝစနတော ပရာမာ-  
သာနမေဝ နိဗ္ဗုတိ ဣဓ ဒေသိတာ၊ တံဒေသနာယ ဧဝ တဒညေသမ္ပိ  
နိဗ္ဗုတိယာ သိဇ္ဈနတောတိ ဒဿေတိ “တေသံ ပရာမာသကိလေသာန”န္တိ  
ဣမိနာ၊ ပရာမာသသင်္ခါတာနံ ကိလေသာနန္တိ အတ္ထော။ အပိစ ကာမံ  
“အပရာမသတော”တိ ဝစနတော ပရာမာသာနမေဝ နိဗ္ဗုတိ ဣဓ ဒေသိ-  
တာတိ ဝိညာယတိ၊ တံဒေသနာယ ပန တဒဝသေသာနမ္ပိ ကိလေသာနံ  
နိဗ္ဗုတိ ဒေသိတာ နာမ ဘဝတိ ပဟာနေကဋ္ဌတာဒိဘာဝတော၊ တသ္မာ  
တေသမ္ပိ နိဗ္ဗုတိ နိဗ္ဗါရေတွာ ဒဿေတဗ္ဗာတိ ဝုတ္တံ “တေသံ ပရာမာသ-  
ကိလေသာန”န္တိ၊ တဏှာဒိဋ္ဌိမာနသင်္ခါတာနံ ပရာမာသာနံ၊ တဒညေသမ္ပ  
ကိလေသာနန္တိ အတ္ထော။ ဂေါဗလီဗဒ္ဒနယော ဟေသ။ နိဗ္ဗုတိတိ စ နိဗ္ဗာ-  
ယနဘူတာ အသင်္ခတဓာတု၊ တဉ္စ ဘဂဝါ ဗောဓိမူလေယေဝ ပတ္တော၊ တသ္မာ  
သာ ပစ္စတ္တညေဝ ဝိဒိတာတိ။

ယထာပဋိပန္နေနာတိ ယေန ပဋိပန္နေန။ တပုဋိပတ္တိံ ဒဿေတုံ “တေသံ-  
ယေဝ။ ပ။ အာဒိမာဟာ”တိ အနုသန္တိဒဿနံ။ ကသ္မာ ပန ဝေဒနာနညေဝ  
ကမ္မဋ္ဌာနမာစိက္ခတိတိ အာဟ “ယာသု”တိအာဒိ၊ ဣမိနာ ဒေသနာဝိလာသံ  
ဒဿေတိ။ ဒေသနာဝိလာသပုတ္တော ဟိ ဘဂဝါ ဒေသနာကုသလော ခန္ဓာ-  
ယတနာဒိဝသေန အနေကဝိဓာသု စတုသစ္စဒေသနာသု သမ္ပဝန္တိသုပိ ဒိဋ္ဌိ-  
ဂတိကာ ဝေဒနာသု မိစ္ဆာပဋိပတ္တိယာ ဒိဋ္ဌိဂဟနံ ပက္ခန္ဓာတိ ဒဿနတ္ထံ  
တထာပက္ခန္ဓနမူလဘူတာ ဝေဒနာယေဝ ပရိညာဘူမိဘာဝေန ဥဒ္ဓရတိတိ။  
ဣဓာတိ ဣမသ္မိံ ဝါဒေ။ ဧဝံ ဧတ္ထာတိပိ။ ကမ္မဋ္ဌာနန္တိ စတုသစ္စကမ္မဋ္ဌာနံ။ ဧတ္ထ

ဟိ ဝေဒနာဂဟဏေန ဂဟိတာ ပဉ္စုပါဒါနက္ခန္ဓာ ဒုက္ခသစ္စံ။ ဝေဒနာနံ သမု-  
ဒယဂ္ဂဟဏေန ဂဟိတော အဝိဇ္ဇာသမုဒယော သမုဒယသစ္စံ၊ အတ္ထင်္ဂမနိဿ-  
ရဏပရိယာယေဟိ နိရောဓသစ္စံ။ “ယထာဘူတံ ဝိဒိတွာ”တိ ဧတေန မဂ္ဂသစ္စန္တိ  
ဧဝံ စတ္တာရိ သစ္စာနိ ဝေဒိတဗ္ဗာနိ။ “ယထာဘူတံ ဝိဒိတွာ”တိ ဣဒံ ဝိဘဇ္ဇ-  
ဗျာကရဏတ္ထပဒန္တိ တဒတ္ထံ ဝိဘဇ္ဇ ဒဿေတုံ “တတ္ထာ”တိအာဒိ ဝုတ္တံ။ ဝိသေ-  
သတော ဟိ “အဝိဇ္ဇာသမုဒယာ ဝေဒနာသမုဒယော”တိအာဒိလက္ခဏာနံ  
ဝသေန သမုဒယာဒိသု အတ္ထော ယထာရဟံ ဝိဘဇ္ဇ ဒဿေတဗ္ဗော။ အဝိ-  
သေသတော ပန ဝေဒနာယ သမုဒယာဒိနိ ဝိပဿနာပညာယ အာရမ္မဏ-  
ပဋိဝေဓဝသေန၊ မဂ္ဂပညာယ အသမ္မောဟပဋိဝေဓဝသေန ဇာနိတွာ ပဋိဝိဇ္ဇိ-  
တွာတိ အတ္ထော။ ပစ္စယသမုဒယဋ္ဌေနာတိ “ဣမသ္မိံ သတိ ဣဒံ ဟောတိ၊  
ဣမဿုပ္ပါဒါ ဣဒံ ဥပ္ပဇ္ဇတိ”တိ<sup>၁</sup> ဝုတ္တလက္ခဏေန အဝိဇ္ဇာဒိနံ ပစ္စယာနံ ဥပ္ပါဒေန  
စေဝ မဂ္ဂေန အသမုပ္ပါဋ္ဌေန စ။ ယာဝ ဟိ မဂ္ဂေန န သမုပ္ပါဒိယတိ၊ တာဝ  
ပစ္စယောတိ ဝုစ္စတိ။ နိဗ္ဗတ္တိလက္ခဏန္တိ ဥပ္ပါဒလက္ခဏံ၊ ဇာတိန္တိ အတ္ထော။  
**ပစ္ဆန္တံ လက္ခဏာနန္တိ** ဧတ္ထ စ စတုန္တမ္ပိ ပစ္စယာနံ ဥပ္ပါဒလက္ခဏမေဝ အဂ္ဂဟေတွာ  
ပစ္စယလက္ခဏမ္ပိ ဂဟေတဗ္ဗံ သမုဒယံ ပဋိစ္စ တေသံ ယထာရဟံ ဥပကာရကတ္တာ။  
တထာ စေဝ သံဝဏ္ဏိတံ “မဂ္ဂေန အသမုပ္ပါဋ္ဌေန စာ”တိ။ ပစ္စယနိရောဓဋ္ဌေနာတိ  
“ဣမသ္မိံ” နိရုဒ္ဓေ ဣဒံ နိရုဒ္ဓံ ဟောတိ၊ ဣမဿ နိရောဓော ဣဒံ နိရုဇ္ဈတိ”တိ<sup>၂</sup> ဝုတ္တ-  
လက္ခဏေန အဝိဇ္ဇာဒိနံ ပစ္စယာနံ နိရောဓေန စေဝ မဂ္ဂေန သမုပ္ပါဋ္ဌေန စ။  
**ဝိပရိကာမလက္ခဏန္တိ** နိရောဓလက္ခဏံ၊ ဘင်္ဂန္တိ အတ္ထော။ ဝယန္တိ နိရောဓံ။ ယန္တိ  
ယသ္မာ ပစ္စယဘာဝသင်္ခါတဟေတုတော။ ဝေဒနံ ပဋိစ္စာတိ ပုရိမုပ္ပန္တံ အာရမ္မ-  
ဏာဒိပစ္စယဘူတံ ဝေဒနံ လဘိတွာ။ သုခံ သောမနဿန္တိ သုခဉ္စေဝ သောမန-  
ဿဉ္စ။ အယန္တိ ပုရိမဝေဒနာယ ယထာရဟံ ပစ္စိမုပ္ပန္တာနံ သုခသောမနဿာနံ  
ပစ္စယဘာဝေါ။ အဿာဒေါ နာမ အဿာဒိတဗ္ဗောတိ ကတွာ။

အပရော နယော—ယန္တိ သုခံ၊ သောမနဿဉ္စ။ အယန္တိ စ နပုံ-  
သကလိင်္ဂေန နိဗ္ဗိဋ္ဌံ သုခသောမနဿမေဝ အဿာဒပဒမပေက္ခိတွာ ပုလ္လိင်္ဂေန  
နိဗ္ဗိသိယတိ၊ ဣမသ္မိံ ပန ဝိကပ္ပေ သုခသောမနဿာနံ ဥပ္ပါဒေါယေဝ တေဟိ  
ဥပ္ပါဒဝန္တေဟိ နိဗ္ဗိဋ္ဌော၊ သတ္တိယာ၊ သတ္တိမတော စ အဘိန္နတ္တာ။ န ဟိ သုခ-  
သောမနဿမန္တရေန တေသံ ဥပ္ပါဒေါ လတ္တတိ။ ဣတိ ပုရိမဝေဒနံ ပဋိစ္စ သုခ-  
သောမနဿုပ္ပါဒေါပိ ပုရိမဝေဒနာယ အဿာဒေါ နာမ အဿာဒိယတေတိ

၁-မ ၁-၃၂၉၊ သံ ၁-၂၆၆၊ ခု ၁-၇၇-ပိဋ္ဌေသု။  
၂-မ ၁-၃၃၁၊ ခု ၁-၇၉၊ သံ ၁-၂၉၉-ပိဋ္ဌာဒိသု (အတ္ထတော သမာနံ)

ကတွာ။ အယဉ္ဇေတ္ထ သင်္ခေပတ္တော—ပုရိမမုပ္ပန္နံ ဝေဒနံ အာရဟန္တ သောမန-  
သုပ္ပတ္တိယံ ယော ပုရိမဝေဒနာယ ပစ္စယဘာဝသင်္ခါတော အဿာဒေတဗ္ဗာ-  
ကာရော; သောမနဿဿ ဝါ ဥပ္ပါဒသင်္ခါတော တဒဿာဒနာကာရော၊ အယံ  
ပုရိမဝေဒနာယ အဿာဒေါတိ။ ကထံ ပန ဝေဒနံ အာရဟန္တ သုခံ ဥပ္ပဇ္ဇတိ၊ နန  
ဗောဠဗ္ဗာရမ္ပဏန္တိ? စေတသိကသုခဿေဝ အာရဟန္တ ပဝတ္တိယမဓိပေတက္ကာ  
နာယံ ဒေါသော။ အာရဟန္တ ပဝတ္တိယဉ္စိ ဝိသေသနမေဝ သောမနဿဂ္ဂ-  
ဟဏံ သောမနဿံ သုခန္တိ ယထာ “ရုက္ခော သီသပါ”တိ။ အညပစ္စယဝသေန  
ဥပ္ပတ္တိယံ ပန ကာယိကသုခမ္ပိ အဿာဒေါယေဝ၊ ယထာလာဘကထာ ဝါ  
သောတိ ဒဋ္ဌဗ္ဗံ။

“ယာ ဝေဒနာ အနိစ္စာ”တိအာဒိနာ သတ္တိမတာ သတ္တိ နိဒဿိတာ။  
တတြာယမတ္တော—ယာ ဝေဒနာ ဟုတွာ အဘာဝဋ္ဌေန အနိစ္စာ၊ ဥဒယဗ္ဗယ-  
ပဋိပိဋနဋ္ဌေန ဒုက္ခာ၊ ဇရာယ၊ မရဏေန စာတိ ခွိဓာ ဝိပရိဏာမေတဗ္ဗဋ္ဌေန  
ဝိပရိဏာမဓမ္မာ။ တဿာ ဧဝံဘူတာယ အယံ အနိစ္စဒုက္ခဝိပရိဏာမဘာဝေါ  
ဝေဒနာယ သဗ္ဗာယပိ အာဒိနဝေါတိ။ အာဒိနံ ပရမကာရညံ ဝါတိ ပဝတ္တတိ  
တေသ္မာတိ ဟိ အာဒိနဓေါ။ အပိစ အာဒိနံ အတိဝိယ ကပဏံ ပဝတ္တနဋ္ဌေန  
ကပဏမနုဿော အာဒိနဓေါ၊ အယမ္ပိ ဧဝံသဘာဝေါတိ တထာ ဝုစ္စတိ။  
သတ္တိမတာ ဟိ သတ္တိ အဘိန္နာ တဒဝိနာဘာဝတော။

တ္ထေ စ “အနိစ္စာ”တိ ဣမိနာ သင်္ခါရဒုက္ခတာဝသေန ဥပေက္ခာဝေဒနာယ၊  
သဗ္ဗာသု ဝါ ဝေဒနာသု အာဒိနဝမာဟ၊ “ဒုက္ခာ”တိ ဣမိနာ ဒုက္ခဒုက္ခတာ-  
ဝသေနဒုက္ခဝေဒနာယ၊ “ဝိပရိဏာမဓမ္မာ”တိ ဣမိနာ ဝိပရိဏာမဒုက္ခတာဝသေန  
သုခဝေဒနာယ။ အဝိသေသေန ဝါ တိဏိပိ ပဒါနိ တိဿန္တမ္ပိ ဝေဒနာနံ ဝသေန  
ယောဇေတဗ္ဗာနိ။ ဆန္ဒရာဂဝိနယောတိ ဆန္ဒသင်္ခါတရာဂဝိနယနံ ဝိနာသော။  
“အတ္ထဝဿာ လိင်္ဂဝိဘတ္တိဝိပရိဏာမော”တိ ဝစနတော ယံ ဆန္ဒရာဂပ္ပဟာနန္တိ  
ယောဇေတဗ္ဗံ။ ပရိယာယဝစနမေဝိဒံ ပဒဒ္ဓယံ။ ယထာဘူတံ ဝိဒိတွာတိ  
မဂ္ဂဿ ဝုတ္တက္ကာ မဂ္ဂနိဗ္ဗာနဝသေန ဝါ ယထာက္ကမံ ယောဇနာပိ ဝဋ္ဋတိ။  
ဝေဒနာယာတိ နိဿိက္ကဝစနံ။ နိဿရဏန္တိ နေက္ခမ္ပံ။ ယာဝ ဟိ ဝေဒနာပဋိဗ္ဗံ  
ဆန္ဒရာဂံ နပ္ပဇဟတိ၊ တာဝါယံ ပုရိသော ဝေဒနာယ အလ္လိနောယေဝ ဟောတိ။  
ယဒါ ပန တံ ဆန္ဒရာဂံ ပဇဟတိ၊ တဒါယံ ပုရိသော ဝေဒနာယ နိဿဇ္ဇော  
ဝိသံယုတ္တော ဟောတိ၊ တသ္မာ ဆန္ဒရာဂပ္ပဟာနံ ဝေဒနာယ နိဿရဏံ ဝုတ္တံ။

တဗ္ဗစနေန ပန ဝေဒနာသဟဇာတနိဿယာရမ္မဏဘူတာ ရူပါရူပဓမ္မော ဂဟိ-  
တာ ဧဝံ ဟောန္တိတိပိ ပဉ္စဟိ ဥပါဒါနက္ခန္ဓေဟိ နိဿရဏဝစနံ သိဒ္ဓဓမေဝ။  
ဝေဒနာသိသေန ဟိ ဒေသနာ အာဂတာ၊ တတ္ထ ပန ကာရဏံ ဟေဋ္ဌာ ဝုတ္တ-  
မေဝ။ လက္ခဏဟာရဝသေနာပိ အယမတ္ထော ဝိဘာဝေတဗျော။ ဝုတ္တဉ္စိ  
အာယသ္မတာ **မဟာကစ္ဆာနတ္ထေရေန**—

“ဝုတ္တမိ ဧကဓမ္မေ၊ ယေ ဓမ္မော ဧကလက္ခဏာ ကေစိ။  
ဝုတ္တာ ဘဝန္တိ သဗျော၊ သော ဟာရော လက္ခဏော နာမာ”တိ။

ကာမုပါဒါနမူလကတ္တာ သေသုပါဒါနာနံ ပဟိနေ စ ကာမုပါဒါနေ  
ဥပါဒါနသေသာဘာဝတော “ဝိဂတဆန္ဒရာဂတာယ အနုပါဒါနော”တိ ဝုတ္တံ၊  
ဧတေန “အနုပါဒါရိမုတ္တော”တိ ဧတဿတ္ထံ သင်္ခေပေန ဒဿေတိ။ ဣဒံ ဝုတ္တံ  
ဟောတိ—ဝိဂတဆန္ဒရာဂတာယ အနုပါဒါနော၊ အနုပါဒါနတ္တာ စ အနုပါဒါ-  
ရိမုတ္တောတိ။ တမတ္ထံ ဝိတ္တာရေတုံ၊ သမတ္ထေတုံ ဝါ “ယသ္မိ”န္တိအာဒိ ဝုတ္တံ။ တတ္ထ  
ယသ္မိံ ဥပါဒါနောတိ သေသုပါဒါနမူလဘူတေ ကာမုပါဒါနေ။ တဿာတိ  
ကာမုပါဒါနဿ။ အနုပါဒိယိတွာတိ ဆန္ဒရာဂဝသေန အနာဒိယိတွာ၊ ဧတေန  
“အနုပါဒါရိမုတ္တော”တိ ပဒဿ ယ-ကာရလောပေန သမာသဘာဝံ၊ ဗျာသ-  
ဘာဝံ ဝါ ဒဿေတိ။

၃၇။ “ဣမေ ခေါ”တိအာဒိ ယထာပုဋ္ဌဿ ဓမ္မဿ ဝိဿန္တိတဘာဝေန  
နိဂမနဝစနံ၊ “ပဇာနာတိ”တိ ဝုတ္တပဇာနနမေဝ စ ဣမ-သဒ္ဓေန နိဒ္ဒိဋ္ဌန္တိ ဒဿေတုံ  
“ယေ တေ”တိအာဒိမာဟ။ ယေ တေ သဗ္ဗညုတညာဏဓမ္မေ ။ ပ။ အပုစ္ဆိံ၊  
ယေဟိ သဗ္ဗညုတညာဏဓမ္မဟိ။ ပ။ ဝဒေယျံ၊ တဉ္စ။ ပ။ ပဇာနာတိတိ ဧဝံ  
နိဒ္ဒိဋ္ဌာ ဣမေ သဗ္ဗညုတညာဏဓမ္မော ဂမ္ဘီရာ။ ပ။ ပဏှိတဝေဒနိယာ စာတိ  
ဝေဒိတဗျာတိ ယောဇနာ။ “ဧ”န္တိအာဒိ ပိဏှတ္ထဒဿနံ။ တတ္ထ ကိဉ္စာပိ  
“အနုပါဒါရိမုတ္တော ဘိက္ခဝေ တထာဂတော”တိ ဣဒိနာ အဂ္ဂမဂ္ဂဖလုပ္ပတ္တိံ  
ဒဿေတိ။ “ဝေဒနာနံ၊ သမုဒယဉ္စာ”တိအာဒိနာ စ စတုသစ္စကမ္မဋ္ဌာနံ။ တထာပိ  
ယဿာ ဓမ္မဓာတုယာ သုပ္ပုဋိဝိဒ္ဓတ္တာ ဣမံ ဒိဋ္ဌိဂတံ သကာရဏံ သဂတိကံ  
ပဘောဒတော ဝိဘဇိတုံ သမတ္ထော ဟောတိ။ တဿာ ပဒဋ္ဌာနေန စေဝ သဒ္ဓိံ  
ပုဗ္ဗဘာဂပဋိပဒါယ ဥပ္ပတ္တိဘူမိယာ စ တဒေဝ ပါကဋတရံ ကတ္တုကာမော  
ဓမ္မရာဇာ ဧဝံ ဒဿေတိတိ ဝုတ္တံ “တဒေဝ နိယျာတိတ”န္တိ၊ နိဂမိတံ နိဋ္ဌာပိတန္တိ

အတ္တော။ အန္တရာတိ ပုစ္ဆိတဝိဿဇ္ဇိတဓမ္မဒဿနဝစနာနမန္တရာ ဒိဋ္ဌိယော  
ဝိဘတ္တာ တဿ ပဇာနနာကာရဒဿနဝသေနာတိ အတ္တော။

ပဌမဘာဏဝါရဝဏ္ဏနာယ လိနတ္ထပ္ပကာသနာ။

### ဧကစ္စသဿတဝါဒဝဏ္ဏနာ

၃၈။ “ဧကစ္စသဿတိကာ”တိ တဒ္ဓိတပဒံ သမာသပဒေန ဝိဘာဝေတုံ  
“ဧကစ္စသဿတဝါဒါ”တိ ဝုတ္တံ။ သတ္တေသု၊ သင်္ခါရေသု စ ဧကစ္စံ သဿတ-  
မေတဿာတိ ဧကစ္စသဿတော၊ ဝါဒေါ၊ သော ဧတေသန္တိ ဧကစ္စသဿတိကာ  
တဒ္ဓိတဝသေန၊ သမာသဝသေန ပန ဧကစ္စသဿတော ဝါဒေါ ဧတေသန္တိ  
ဧကစ္စသဿတဝါဒါ။ သေ နယော ဧကစ္စအသဿတိကပဒေဝိ။ နန စ  
“ဧကစ္စသဿတိကာ”တိ ဝုတ္တေ တဒညေသံ ဧကစ္စအသဿတိကဘာဝသန္နိဋ္ဌာနံ  
သိဒ္ဓမေဝါတိ? သစ္စံ အတ္ထတော၊ သဒ္ဓတော ပန အသိဒ္ဓမေဝ၊ တသ္မာ သဒ္ဓတော  
ပါကဋတရံ ကတွာ ဒဿေတုံ တထာ ဝုတ္တံ။ န ဟိ ဣဓ သာဝသေသံ ကတွာ  
ဓမ္မံ ဒေသေတိ ဓမ္မဿာမိ။ “ဣဿရော နိစ္စော၊ အညေ သတ္တာ အနိစ္စာ”တိ ဧဝံ-  
ပဝတ္တဝါဒါ သတ္တေကစ္စသဿတိကာ သေယျထာပိ ဣဿရဝါဒါ။ တထာ “နိစ္စော  
ဗြဟ္မာ၊ အညေ အနိစ္စာ”တိ ဧဝံပဝတ္တဝါဒါပိ။ “ပရမာဏာဝေါ နိစ္စာ၊ ဒွိအဏုကာ-  
ဒယော အနိစ္စာ”တိ ဧဝံပဝတ္တဝါဒါ သင်္ခါရေကစ္စသဿတိကာ သေယျထာပိ  
ကာဏာဒါ။ တထာ “စက္ခာဒယော အနိစ္စာ၊ ဝိညာဏံ နိစ္စ”န္တိ၊ ဧဝံပဝတ္တဝါဒါပိ။  
ဣဓာတိ “ဧကစ္စသဿတိကာ”တိ ဣမသ္မိံ ပဒေ၊ ဣမိဿာ ဝါ ဒေသနာယ။  
ဂဟိတာတိ ဝုတ္တာ၊ ဒေသိတဗ္ဗဘာဝေန ဝါ ဒေသနာဉာဏေန သမာဒိန္နာ  
တထာ စေဝ ဒေသိတတ္တာ။ တထာ ဟိ ဣဓ ပုရိမကာ တယော ဝါဒါ သတ္တ-  
ဝသေန၊ စတုတ္ထော သင်္ခါရဝသေန ဒေသိတော။ “သင်္ခါရေကစ္စသဿတိကာ”တိ  
ဣဒံ ပန တေဟိ သဿတဘာဝေန ဂယုမာနာနံ ဓမ္မာနံ ယာထာဝသဘာဝ-  
ဒဿနဝသေန ဝုတ္တံ၊ န ပန ဧကစ္စသဿတိကမတဒဿနဝသေန။ တဿ ဟိ  
သဿတာဘိမတံ အသင်္ခတမေဝါတိ လဒ္ဓိ။ တေနောဂါဟ ပါဠိယံ “စိတ္တန္တိ  
ဝါ။ ပ။ ဌဿတိ”တိ။ န ဟိ ယဿ သဘာဝဿ ပစ္စယေဟိ အဘိသင်္ခတဘာဝံ  
ပဋိဇာနာတိ၊ တဿေဝ နိစ္စရဝါဒိဘာဝေါ အနုမ္မတ္တကေန သက္ကာ ပဋိဇာနိတုံ၊  
ဧတေန စ “ဥပ္ပါဒဝယရုဝတာယုတ္တာ သဘာဝါ သိယာ နိစ္စာ၊ သိယာ အနိစ္စာ၊

၁-ဝိသေသိကဒဿနေ သတ္တမပရိစ္ဆေဒေ ပဌမကဏ္ဍေ ပဿိတဗ္ဗံ။

၂-နျာယဒဿနေ၊ ဝိသေသိကဒဿနေ စ ပဿိတဗ္ဗံ။

သိယာ န ဝတ္တဗ္ဗာ”တိအာဒိနာ” ပဝတ္တသတ္တဘင်္ဂဝါဒဿ အယုတ္တတာ  
ဝိဘာဝိတာ ဟောတိ။

တကြာယံ အယုတ္တတာဝိဘာဝနာ—ယဒိ ဟိ “ယေန သဘာဝေန  
ယော ဓမ္မော အတ္ထိတိ ဝုစ္ဆတိ၊ တေနော သဘာဝေန သော ဓမ္မော နတ္ထိ”တိ  
ဝုစ္ဆေယျ၊ သိယာ အနေကန္တဝါဒေါ။ အထ အညေန၊ န သိယာ အနေကန္တ-  
ဝါဒေါ။ န စေတ္ထ ဒေသန္တရာဒိသမ္ပန္နဘာဝေါ ယုတ္တော ဝတ္တံ တဿ သဗ္ဗ-  
လောကသိဒ္ဓတ္တာ၊ ဝိဝါဒါဘာဝတော စ။ ယေ ပန ဝဒန္တိ “ယထာ သုဝဏ္ဏ-  
သဇ္ဇေန မကုဇ္ဇေ ကတေ သဋ္ဌဘာဝေါ နဿတိ၊ မကုဋ္ဌဘာဝေါ ဥပ္ပဇ္ဇတိ၊  
သုဝဏ္ဏဘာဝေါ တိဋ္ဌတိယေဝ၊ ဧဝံ သဗ္ဗသဘာဝါနံ ကောစိ ဓမ္မော နဿတိ၊  
ကောစိ ဓမ္မော ဥပ္ပဇ္ဇတိ၊ သဘာဝေါ ဧဝံ တိဋ္ဌတိ”တိ။ တေ ဝတ္တဗ္ဗာ “ကိ” တံ  
သုဝဏ္ဏံ၊ ယံ သဇ္ဇေ၊ မကုဇ္ဇေ စ အဝဋ္ဌိတံ၊ ယဒိ ရူပါဒိ၊ သောသဒ္ဓေါ ဝိယ အနိစ္စော။  
အထ ရူပါဒိသမူဟော သမ္မုတိမတ္တံ၊ န တဿ အတ္ထိတာ ဝါ နတ္ထိတာ ဝါ  
နိစ္စတာ ဝါ လဗ္ဘတိ”တိ၊ တသ္မာ အနေကန္တဝါဒေါ န သိယာ။ ဓမ္မာနဉ္စ  
ဓမ္မိနော အညထာနညထာ စ ပဝတ္တိယံ ဒေါသော ဝုတ္တောယေဝ သဿတ-  
ဝါဒဝိစာရဏာယံ။ တသ္မာ သော တတ္ထ ဝုတ္တနယေန ဝေဒိတဗ္ဗော။ အဝိစ န  
နိစ္စာနိစ္စနဝတ္တဗ္ဗရူပေါ အတ္တာ၊ လောကော စ ပရမတ္ထတော ဝိဇ္ဇမာနတာ-  
ပရိဇာနနတော ယထာ နိစ္စာဒီနံ အညတရံ ရူပံ၊ ယထာ ဝါ ဒီပါဒယော။  
န ဟိ ရူပါဒီနံ ဥဒယဗ္ဗယသဘာဝါနံ နိစ္စာနိစ္စနဝတ္တဗ္ဗသဘာဝတာ သက္ကာ  
ဝိညာတုံ၊ ဇီဝဿ စ နိစ္စာဒိသု အညတရံ ရူပံ သိယာတိ၊ ဧဝံ သတ္တဘင်္ဂေါ  
ဝိယ သေသဘင်္ဂါနမ္ပိ အသမ္ဘဝေါယေဝါတိ သတ္တဘင်္ဂဝါဒဿ အယုတ္တတာ  
ဝေဒိတဗ္ဗာ။

နန စ “ဧကစ္စေ ဓမ္မာ သဿတာ၊ ဧကံစ္စေ အသဿတာ”တိ  
တေသ္မိံ ဝါဒေ စက္ခာဒီနံ အသဿတဘာဝသန္နိဋ္ဌာနံ ယထာသဘာဝါဝ-  
ဗောဓော ဧဝ၊ အထ ဧဝံဝါဒီနံ ကထံ မိစ္ဆာဒဿနံ သိယာတိ၊ ကော ဝါ  
ဝေမာဟ “စက္ခာဒီနံ အသဿတဘာဝသန္နိဋ္ဌာနံ မိစ္ဆာဒဿန”န္တိ? အသဿ-  
တေသုယေဝ ပန ကေသဉ္စိ ဓမ္မာနံ သဿတဘာဝသန္နိဋ္ဌာနံ ဣမ မိစ္ဆာဒဿ-  
နန္တိ ဂဟေတဗ္ဗံ၊ တေန ပန ဧကဝါဒေ ပဝတ္တမာနေန စက္ခာဒီနံ အသဿ-  
တဘာဝါဝဗောဓော ဝိဒူသိတော သံသဋ္ဌဘာဝတော ဝိသသံသဋ္ဌော ဝိယ  
သပ္ပိပိဏ္ဍော၊ တတော စ တဿ သင်္ကိစ္စကရဏာသမတ္တတာယ သမ္မာဒဿန-  
ပက္ခေ ဌပေတဗ္ဗတံ နာရဟတိတိ။ အသဿတဘာဝေန နိစ္စိတာပိ ဝါ

စက္ခုအာဒယော သမာရောပိတဇီဝသဘာဝါ ဧဝံ ဒိဋ္ဌိဂတိကေဟိ ဂယန္တိတိ တဒဝဗောဓဿ မိစ္ဆာဒဿနဘာဝေါန သက္ကာ နိဝါရေတုံ။ တေနောပါဟ ပါဠိယံ “စက္ခု ဣတိပိ ။ပ။ ကာယော ဣတိပိ အယံ အတ္တာ”တိအာဒိ။ ဧဝံ ကတွာ အသင်္ခတာယ, သင်္ခတာယ စ ဓာတုယာ ဝသေန ယထာက္ကမံ “ဧကစ္စ ဓမ္မာ သဿတာ၊ ဧကစ္စ အသဿတာ”တိ ဧဝံပဝတ္ထော ဝိဘဇ္ဇဝါဒေါပိ ဧကစ္စသဿတဝါဒေါယေဝ ဘဝေယျာတိ ဧဝမ္ပကာရာ စောဒနာ အနဝ- ကာသာ ဟောတိ အဝိပရိတဓမ္မသဘာဝပဋိပတ္တိဘာဝေတာ။ အဝိပရိတဓမ္မ- သဘာဝပဋိပတ္တိယေဝ ဟေသ ပုတ္တနယေန အသံသဋ္ဌတ္တာ, အနာရောပိတဇီဝ- သဘာဝတ္တာ စ။

တ္ထောဟ—ပုရိမသ္မိသဿတဝါဒေ အသဿတာနံ ဓမ္မာနံ “သဿတာ”တိ ဂဟဏံ ဝိသေသတော မိစ္ဆာဒဿနံ ဘဝတိ။ သဿတာနံ ပန “သဿတာ”တိ ဂါဟော န မိစ္ဆာဒဿနံ ယထာသဘာဝဂ္ဂါဟဘာဝတော။ ဧဝံ သတိ ဣမဿ ဝါဒဿ ဝါဒန္တရတာ န ဝတ္တဗ္ဗာ၊ ဣမ ဝိယ ပုရိမေပိ ဧကစ္စသေဝ ဓမ္မေသု သဿတဂ္ဂါဟသမ္ဘဝတောတိ၊ ဝတ္တဗ္ဗာယေဝ အသဿတေသေဝ “ကေစိဒေဝ ဓမ္မာ သဿတာ၊ ကေစိ အသဿတာ”တိ ပရိကပ္ပနာဝသေန ဂဟေတဗ္ဗဓမ္မေသု ဝိဘာဂပုဝတ္တိယာ ဣမဿ ဝါဒဿ ဒဿိတတ္တာ။ နန စ ဧကဒေသဿ သမုဒါ- ယန္တောဂဓတ္တာ အယံ သပ္ပဒေသသဿတဂ္ဂါဟော ပုရိမသ္မိ နိပ္ပဒေသသဿ- တဂ္ဂါဟေ သမောဓာနံ ဂစ္ဆေယျာတိ? တထာပိ န သက္ကာ ဝတ္ထု ဝါဒီ တဗ္ဗိသယ- ဝိသေသဝသေန ဝါဒဒွယဿ ပဝတ္တတ္တာ။ အညေ ဧဝံ ဟိ ဒိဋ္ဌိဂတိကာ “သဗ္ဗေ ဓမ္မာ သဿတာ”တိ အဘိနိဝိဋ္ဌာ၊ အညေ “ဧကစ္စေဝ သဿတာ၊ ဧကစ္စ အသဿတာ”တိ။ သင်္ခါရာနံ အနဝသေသပရိယာဒါနံ, ဧကဒေသပရိဂ္ဂဟော စ ဝါဒဒွယဿ ပရိဗျတ္တောယေဝ။ ကိဉ္စ ဘိယျော—အနေကဝိဓသမုဿယေ, ဧက- ဝိဓသမုဿယေ စ ခန္ဓပဗန္ဓေန အဘိနိဝေသဘာဝတော တထာ န သက္ကာ ဝတ္ထု။ စတုဗ္ဗိဓောပိ ဟိ သဿတဝါဒီ ဇာတိဝိသေသဝသေန နာနာဝိရူပကာယ- သန္တိဿယေ ဧဝံ အရူပဓမ္မပုဉ္ဇေ သဿတာဘိနိဝေသီ ဇာတော အဘိညာဏေန, အနုဿဝါဒီဟိ စ ရူပကာယဘေဒဂဟဏတော။ တထာ စ ပုတ္တံ “တတော စုတော အမုတြ ဥဒပါဒိ”န္တိ, “စဝန္တိ ဥပပဇ္ဇန္တိ”တိ စ အာဒိ။ ဝိသေသလာဘိ ပန ဧကစ္စသဿတိကော အနုပဓာရိတဘေဒသမုဿယေ ဓမ္မပဗန္ဓေ သဿ- တာကာရဂဟဏေန အဘိနိဝေသံ ဇနေသိ ဧကဘဝပရိယာပန္နခန္ဓသန္တာန- ဝိသယတ္တာ တဒဘိနိဝေသဿ။ တထာ ဟိ တိသုပိ ဝါဒေသု “တံ ပုဗ္ဗေနိဝါသံ

အနုဿရတိ၊ တတော ပရံ နာနုဿရတိ”တိ ဧတ္ထကမေဝ ဝုတ္တံ။ တက္ကိနံ ပန ဥဘိန္နမ္ပိ သဿတေကစ္စသဿတဝါဒီနံ သဿဘာဘိနိဝေသဝိသေသော ရူပါ-  
ရူပဓမ္မဝိသယတာယ သုပါကဋ္ဌောယေဝါတိ။

၃၉။ သံဝဋ္ဌာယီဝိဝဋ္ဌဝိဝဋ္ဌာယီသင်္ခါတာနံ တိဏ္ဏမ္ပိ အသင်္ချေယျကပ္ပိန-  
မတိက္ကမေန ပုန သံဝဋ္ဌနတော၊ အဒ္ဓါ-သဒ္ဓဿ စ ကာလပရိယာယတ္တာ ဧဝံ  
ဝုတ္တန္တိ အာဟ “ဒီဃဿာ”တိအာဒိ။ အတိက္ကမ္ပ အယနံ ပဝတ္တနံ အစ္စယော။  
အနေကတ္တတ္တာ ဓာတုနံ၊ ဥပသဂ္ဂဝသေန စ အတ္ထဝိသေသဝါစကတ္တာ သံ-သဒ္ဓေန  
ယုတ္တော ဝဇ္ဇ-သဒ္ဓေါ ဝိနာသဝါစိတိ ဝုတ္တံ “ဝိနဿတိ”တိ၊ ဝတု-သဒ္ဓေါ ဝါ  
ဂတိယမေဝ။ သင်္ခယတ္တဇောတကေန ပန သံ-သဒ္ဓေန ယုတ္တတ္တာ တဒတ္ထ-  
သမ္ပန္နနေ ဝိနာသတ္တော လဗ္ဘတိတိ ဒဿေတိ “ဝိနဿတိ”တိ ဣမိနာ။ သင်္ခယ-  
ဝသေန ဝတ္တတိတိ ဟိ သဒ္ဓတော အတ္တော၊ တ-ကာရဿ စေတ္ထ ဋ-ကာရာ-  
ဒေသော။ ဝိပတ္တိကရမဟာမေဃသမုပ္ပတ္တိတော ဟိ ပဋ္ဌာယ ယာဝ အဏုသဟ-  
ဂတောဝိ သင်္ခါရော န ဟောတိ၊ တာဝ လောကော သံဝဋ္ဌတိတိ ဝုစ္စတိ။ ပါဠိယံ  
လောကောတိ ပထဝီအာဒိဘာဇနလောကော အဓိပ္ပေတော တဒဝသေသဿ  
ဗာဟုလ္လတော၊ တဒေဝ သန္ဓာယ “ယေဘုယျေနာ”တိ ဝုတ္တန္တိ ဒဿေတိ  
“ယေ”တိအာဒိနာ။ ဥပရိမြဟ္မလောကေသုတိ အာဘဿရဘူမိတော ဥပရိ-  
ဘူမိသု။ အဂ္ဂိနာ ကပ္ပဝုဋ္ဌာနဉ္စိ ဣဓာမိပ္ပေတံ၊ တေနေဝါဟ ပါဠိယံ “အာဘဿ-  
ရသံဝတ္တနိကာ ဟောန္တိ”တိ။ ကသ္မာ တဒေဝ ဝုတ္တန္တိ စေ? တဿေဝ ဗဟုလံ  
ပဝတ္တနတော။ အယဉ္စိ ဝါရနိယမော—

“သတ္တသတ္တဂ္ဂိနာ ဝါရာ၊ အဋ္ဌမေ အဋ္ဌမေ ဒကာ။

စတုသဋ္ဌိ ယဒါ ပုဏ္ဏာ၊ ဧကော ဝါယုဝရော သိယာ”တိ။

အာရုပ္ပေသု ဝါတိ ဧတ္ထ ဝိကပ္ပနတ္ထေန ဝါ-သဒ္ဓေန သံဝဋ္ဌမာနလောက-  
ဓာတုဟိ အညလောကဓာတုသု ဝါတိ ဝိကပ္ပေတိ။ န ဟိ သဗ္ဗေ အပါယ-  
သတ္တာ တဒါ ရူပါရူပဘဝေသု ဥပ္ပဇ္ဇန္တိတိ သက္ကာ ဝိညာတုံ အပါယေသု  
ဒီဃတရာယုကာနံ မနုဿလောကူပပတ္တိယာ အသမ္ဘဝတော၊ မနုဿလော-  
ကူပပတ္တိဉ္စ ဝိနာ တဒါ တေသံ တတြူပပတ္တိယာ အနုပပတ္တိတော။ နိယတ-  
မိစ္ဆာဒိဋ္ဌိကောဝိ ဟိ သံဝဋ္ဌမာနေ ကပ္ပေ နိရယတော န မုစ္စတိ၊ ဝိဋ္ဌိစက္က-  
ဝါဠေယေဝ နိဗ္ဗတ္တတိတိ အဋ္ဌကဏသု၊ ဝုတ္တံ။ သတိဝိ သဗ္ဗသတ္တာနံ ပုညာ-  
ပုညာဘိသင်္ခါရမနဿ နိဗ္ဗတ္တဘာဝေ ဗာဟိရပစ္စယေဟိ ဝိနာ မနဿာဝ

နိဗ္ဗတ္တတ္တာ ရူပါဝစရသတ္တာ ဧဝံ “မနောမယာ”တိ ဝုစ္စန္တိ၊ န ပန ဗာဟိရပစ္စယ-  
ပဋိယတ္တာ တဒညေတိ ဒဿေတုံ “မနေန နိဗ္ဗတ္တတ္တာ မနောမယာ”တိ  
အာဟ။ ယဒေဝံ ကာမာဝစရသတ္တာနမ္ပိ ဩပပါတိကာနံ မနောမယဘာဝေါ  
အာပဇ္ဇတိတိ? နာပဇ္ဇတိ၊ အဓိစိတ္တဘူတေန အတိသယမနဿာ နိဗ္ဗတ္တသတ္တေသု-  
ယေဝ မနောမယဝေါဟာရတောတိ ဒဿေန္တေန ဈာန-သဒ္ဓေန ဝိသေသေတွာ  
“ဈာနမနေနာ”တိ ဝုတ္တံ။ ဧဝမ္ပိ အရူပါဝစရသတ္တာနံ မနောမယဘာဝေါ  
အာပဇ္ဇတိတိ? န၊ တတ္ထ ဗာဟိရပစ္စယေဟိ နိဗ္ဗတ္တေတဗ္ဗတဿင်္ကာယ အဘာဝေန  
မနဿာ ဧဝံ နိဗ္ဗတ္တတိ အဝဓာရဏာသမ္ဘဝတော။ နိရုဇ္ဈာဝါယံ လောကေ  
မနောမယဝေါဟာရော ရူပါဝစရသတ္တေသု။ တထာ ဟိ အန္ဓမယော ပါန-  
မယော မနောမယော အာနန္ဓမယော ဝိညာဏမယောတိ ပဉ္စော အတ္တာနံ  
ဝေဒဝါဒိနော ပရိကပ္ပေန္တိ။ ဥစ္ဆေဒဝါဒေဝိ ဝက္ခတိ “ဒိဗ္ဗော ရူပိ မနော-  
မယော”တိ၊ တေ ပန ဈာနာနုဘာဝတော ဝီတိဘက္ခာ သယံပဘာ အန္တ-  
လိက္ခစရာတိ အာဟ “ဝီတိ တေသ”န္တိအာဒိ၊ တေသံ အတ္တနောဝ ပဘာ  
အတ္တိတိ အတ္တော။ သောဘနာ ဝါ ဌာယိ သဘာ ဧတေသန္တိ သုဘဋ္ဌာယိ-  
နောတိပိ ယုဇ္ဇတိ။ ဥက္ကံသေနာတိ အာဘဿရေ သန္ဓာယ ဝုတ္တံ။ ပရိတ္တာ-  
ဘာပုမာဏာဘာ ပန ဒွေ၊ စတ္တာရော စ ကပ္ပေ တိဋ္ဌန္တိ။ အဋ္ဌ ကပ္ပေတိ  
စတုန္ဓမသင်္ချေယျကပ္ပါနံ သမုဒါယဘူတေ အဋ္ဌ မဟာကပ္ပေ။

၄၀။ ဝိနာသဝါစိယေဝ ဝဇ္ဇ-သဒ္ဓေါ ပဋိသေခဇောတကေန ဥပသဂ္ဂေန  
ယုတ္တတ္တာ သဏ္ဌာဟနတ္ထဉာပကောတိ အာဟ “သဏ္ဌာတိ”တိ၊ အနေကတ္တတ္တာ  
ဝါ ဓာတုနံ နိဗ္ဗတ္တတိ၊ ဝနုတိတိ ဝါ အတ္တော။ သမ္ပတ္တိမဟာမေသသမုပ္ပတ္တိတော  
ဟိ ပဌာယ ပထဝီသန္ဓာရကုဒကတံသန္ဓာရကဝါယုအာဒိနံ သမုပ္ပတ္တိဝသေန  
ယာဝ စန္ဒိမသုရိယာနံ ပါတုဘာဝေါ၊ တာဝ လောကော ဝိဝဇ္ဇတိတိ ဝုစ္စတိ။  
ပကတိယာတိ သဘာဝေန၊ တဿ “သုည”န္တိ ဣမိနာ သမ္ပန္နော။ တထာ-  
သုညတဿ ကာရဏမာဟ “နိဗ္ဗတ္တသတ္တာနံ နတ္ထိတဿာ”တိ။ ပုရိမတရံ  
အညေသံ သတ္တာနမနုပ္ပန္နတ္တာတိ ဘာဝေါ၊ တေန ယထာ ကေစ္စာနိ ဝိမာနာနိ  
တတ္ထ နိဗ္ဗတ္တသတ္တာနံ ဆဒ္ဓိတတ္တာ သုညာနိ၊ န ဧဝမိဒန္တိ ဒဿေတိ။

အပရော နယော— သကကမ္မဿ ပဌမံ ကရဏံ ပကတိ၊ တဿ နိဗ္ဗတ္တ-  
သတ္တာနန္တိ သမ္ပန္နော၊ တေန ယထာ ဧတဿ အတ္တနော ကမ္မဗလေန ပဌမံ  
နိဗ္ဗတ္တိ၊ န ဧဝံ အညေသံ တဿ ပုရိမတရံ၊ သမာနကာလေ ဝါ နိဗ္ဗတ္တိ အတ္တိ၊

တထာ နိဗ္ဗတ္တသတ္တာနံ နတ္ထိတာယ သုညမိဒန္တိ ဒဿေတိ။ မြဟ္မပါရိသဇ္ဇမြဟ္မ-  
 ပုရောဟိတမဟာမြဟ္မာနော ဣမ မြဟ္မကာယိကာ၊ တေသံ နိဝါသတာယ ဘူမိပိ  
 “မြဟ္မကာယိကာ”တိ ဝုတ္တာ၊ မြဟ္မကာယိကာဘူမိတိ ပန ပါဌေ မြဟ္မကာယိကာနံ  
 သမ္ဗန္ဓိနိ ဘူမိတိ အတ္ထော။ ကတ္တာ သယံ ကာရကော။ ကာရေတာ ပရေသံ  
 အာဏာပကော။ ဝိသုဒ္ဓိမဂ္ဂေ ပုဗ္ဗေနိဝါသညဏကထာယံ ဝုတ္တနယေန၊ ဧတေန  
 နိဗ္ဗတ္တက္ကမံ ကမ္မပစ္စယဥတုသမုဋ္ဌာနဘာဝေ စ ကာရဏံ ဒဿေတိ။ ကမ္မံ ဥပ-  
 နိဿယဘာဝေန ပစ္စယော ဧတိဿာတိ ကမ္မပစ္စယာ။ အထ ဝါ တတ္ထ နိဗ္ဗတ္တ-  
 သတ္တာနံ ဝိပစ္စနကကမ္မဿ သဟကာရိကာရကဘာဝတော ကမ္မဿ ပစ္စယာတိ  
 ကမ္မပစ္စယာ။ ဥတု သမုဋ္ဌာနမေတိဿာတိ ဥတုသမုဋ္ဌာနာ။ “ကမ္မပစ္စယဥတု-  
 သမုဋ္ဌာနာ”တိပိ သမာသဝသေန ပါဌော ကမ္မသဟာယော ပစ္စယော၊ ဝုတ္တ-  
 နယေန ဝါ ကမ္မဿ သဟာယဘူတော ပစ္စယောတိ ကမ္မပစ္စယော၊ သော ဧဝ  
 ဥတု တထာ၊ သောဝ သမုဋ္ဌာနမေတိဿာတိ ကမ္မပစ္စယဥတုသမုဋ္ဌာနာ။  
 ရတနဘူမိတိ ဥက္ကံသဂတပုညကမ္မာနဘာဝတော ရတနဘူတာ ဘူမိ၊ န  
 ကေဝလံ ဘူမိယေဝ၊ အထ ခေါ တပ္ပရိဝါရာပိတိ အာဟ “ပကံတိ”တိအာဒိ။  
 ပကတိနိဗ္ဗတ္တဋ္ဌာနေတိ ပုရိမကပ္ပေသု ပုရိမကာနံ နိဗ္ဗတ္တဋ္ဌာနေ။ ဧတ္တာတိ “မြဟ္မ-  
 ဝိမာန”န္တိ ဝုတ္တာယ မြဟ္မကာယိကာဘူမိယာ။ သာမညဝိသေသဝသေန စေတံ  
 အာဓာရဒ္ဓယံ။ ကထံ ပဏီတာယ ဒုတိယဇ္ဈာနဘူမိယာ ဌိတာနံ ဟိနာယ  
 ပဌမဇ္ဈာနဘူမိယာ ဥပပတ္တိ ဟောတိတိ အာဟ “အထ သတ္တာန”န္တိအာဒိ၊  
 နိကန္တိဝသေန ပဌမဇ္ဈာနံ ဘာဝေတွာတိ ဝုတ္တံ ဟောတိ၊ ပကတိယာ သဘာ-  
 ဝေန နိကန္တိ တဏှာ ဥပ္ပဇ္ဇတိတိ သမ္ဗန္ဓော။ ဝသိတဋ္ဌာနေတိ ဝုတ္တပုဗ္ဗဋ္ဌာနေ။  
 တတော ဩတရန္တိတိ ဥပပတ္တိဝသေန ဒုတိယဇ္ဈာနဘူမိတော ပဌမဇ္ဈာန-  
 ဘူမိ အပသက္ကန္တိ၊ ဂစ္ဆန္တိတိ အတ္ထော။ အပ္ပါယုကေတိ ယံ ဥဋ္ဌာရပုည-  
 ကမ္မံ ကတံ၊ တဿ ဥပ္ပဇ္ဇနာရဟဝိပါကပဗန္ဓတော အပ္ပပရိမာဏာယုကေ။  
 တဿ ဒေဝလောကဿာတိ တသ္မိံ ဒေဝလောကေ၊ နိဿယဝသေန ဝါ  
 သမ္ဗန္ဓိဒ္ဓေသော။ အာယုပ္ပမာဏေနောဝါတိ ပရမာယုပ္ပမာဏေနော။ ပရိတ္တန္တိ  
 အပ္ပကံ။ အန္တရာဝ စန္တိတိ ရာဇကောဋ္ဌာဂါရေ ပက္ခိတ္တတဏှာလနာဋိ ဝိယ  
 ပုညက္ခယာ ဟုတွာ သကကမ္မပ္ပမာဏေန တဿ ဒေဝလောကဿ ပရမာယု-  
 အန္တရာ ဧဝ စန္တိ။

ကို ပနေတံ ပရမာယု နာမ၊ ကထံ ဝါ တံ ပရိစ္ဆိန္နပ္ပမာဏန္တိ? ဝုစ္စတေ—  
 ယော တေသံ တေသံ သတ္တာနံ တသ္မိံ တသ္မိံ ဘဝဝိသေသေ ဝိပါကပ္ပဗန္ဓဿ

ဌိတိကာလနိယမော ပုရိမသိဒ္ဓဘဝပတ္ထနုပနိဿယဝသေန သရိရာဝယဝဝဏ္ဏ-  
သဏ္ဌာနပ္ပမာဏာဒိဝိသေသာ ဝိယ တံတံဂတိနိကာယာဒိသု ယေဘုယျေန  
နိယတပရိစ္ဆေဒေါ ဟောတိ၊ ဂစ္ဆသေယျကကာမာဝစရဒေဝရူပါဝစရသတ္တာနံ  
သုက္ကသောဏိတာဒိဥတုဘောဇနာဒိဥတုအာဒိပစ္စယုပ္ပန္နပစ္စယုပတ္တုတ္တိတော စ၊  
သော အာယုဟေတုကတ္တာ ကာရဏူပစာရေန အာယု၊ ဥက္ကံသပရိစ္ဆေဒဝသေန  
ပရမာယူတိ စ ဝုစ္ဆတိ။ ယထာသကံ ခဏမတ္တာဝဋ္ဌာယိနမ္ပိ ဟိ အတ္တနာ  
သဟဇာတာနံ ရူပါရူပဓမ္မာနံ ဌပနာကာရဝုတ္တိတာယ ပဝတ္တကောနိ ရူပါရူပ-  
ဇီဝိတိန္ဒြိယာနိ န ကေဝလံ နေသံ ခဏဋ္ဌိတိယာ ဧဝ ကာရဏဘာဝေန  
အနုပါလကာနိ၊ အထ ခေါ ယာဝ ဘဂုံပစ္ဆေဒါ<sup>၁</sup> အနုပဗန္ဓဿ အဝိစ္ဆေဒ-  
ဟေတုဘာဝေနာပိ။ တသ္မာ စေသ အာယုဟေတုကောယေဝ၊ တံ ပန ဒေဝါနံ၊  
နေရယိကာနဉ္စ ယေဘုယျေန နိယတပရိစ္ဆေဒံ၊ ဥတ္တရကုရုကာနံ ပန ဧကန္တ-  
နိယတပရိစ္ဆေဒမေဝ။ အဝသိဋ္ဌမနုဿပေတတိရစ္ဆာနဂတာနံ ပန စိရဋ္ဌိတိ-  
သံဝတ္တနိကကမ္မဗဟုလေ ကာလေ တံကမ္မသဟိတသန္တာနဇနိတသုက္ကသော-  
ဏိတပစ္စယာနံ၊ တဗ္ဗူလကာနဉ္စ စန္ဒိမသုရိယသမဝိသမပရိဝတ္တနာဒိဇနိတ-  
ဥတုအာဟာရာဒိသမဝိသမပစ္စယာနံ ဝသေန စိရာစိရကာလတာယ အနိယတ-  
ပရိစ္ဆေဒံ၊ တဿ စ ယထာ ပုရိမသိဒ္ဓဘဝပတ္ထနာဝသေန တံတံဂတိနိကာယာဒိသု  
ဝဏ္ဏသဏ္ဌာနာဒိဝိသေသနိယမော သိဒ္ဓေါ၊ ဒဿနာနုဿဝါဒီဟိ တထာယေဝ  
အာဒိတော ဂဟဏသိဒ္ဓိယာ၊ ဧဝံ တာသု တာသု ဥပပတ္တိသု နိဗ္ဗတ္တသတ္တာနံ  
ယေဘုယျေန သမပ္ပမာဏံ ဌိတိကာလံ ဒဿနာနုဿဝေဟိ လဘိတွာ တံပရမတံ  
အဇ္ဈောသာယ ပဝတ္တိတဘဝပတ္ထနာဝသေန အာဒိတော ပရိစ္ဆေဒနိယမော  
ဝေဒိတဗ္ဗော။

ယသ္မာ ပန ကမ္မံ တာသု တာသု ဥပပတ္တိသု ယထာ တံတံဥပပတ္တိ-  
နိဿိတဝဏ္ဏာဒိနိဗ္ဗတ္တနေ သမတ္ထံ၊ ဧဝံ နိယတာယုပရိစ္ဆေဒါသု ဥပပတ္တိသု  
ပရိစ္ဆေဒါတိက္ကမေန ဝိပါကနိဗ္ဗတ္တနေ သမတ္ထံ န ဟောတိ၊ တသ္မာ ဝုတ္တံ  
“အာယုပ္ပမာဏေနော စဝန္တိ”တိ။ ယသ္မာ ပန ဥပတ္တုပ္ပကပစ္စယသဟာယေဟိ  
အနုပါလကပစ္စယေဟိ ဥပါဒိန္နကက္ခန္ဓာနံ ပဝတ္တေတဗ္ဗာကာရော အတ္ထတော  
ပရမာယုကဿ ဟောတိ ယထာဝုတ္တပရိစ္ဆေဒါနိတိက္ကမနတော၊ တသ္မာ  
သတိဝိ ကမ္မာဝသေသေ ဌာနံ န သမ္ဘဝတိ၊ တေန ဝုတ္တံ “အတ္တနော  
ပုညဗလေန ဌာတုံ န သက္ကောန္တိ”တိ။ “အာယုက္ခယာ ဝါ ပုညက္ခယာ ဝါ  
အာဘဿရကာယာ စဝိတွာ”တိ ဝစနတော ပနေတ္ထ ကာမာဝစရဒေဝါနံ

၁-ဘဝဂုံပစ္ဆေဒါ (ဒီ-ဇီ ၁-၁၅၆-ပိဋ္ဌေ၊)

ဝိယ မြဟ္မကာယိကာနမ္ပိ ယေဘုယျေနေဝ နိယတာယုပရိစ္ဆေဒဘာဝေါ ဝေဒိ-  
 တဗ္ဗော။ တထာ ဟိ ဒေဝလောကတော ဒေဝပုတ္တာ အာယုက္ခယေန ပုညက္ခ-  
 ယေန အာဟာရက္ခယေန ကောပေနာတိ စတူဟိ ကာရဏေဟိ စဝန္တိတိ  
**အဋ္ဌကထာသု**<sup>၁</sup> ဝုတ္တံ။ ကပ္ပံ ဝါ ဥပဇ္ဇကပ္ပံ ဝါတိ ဧတ္ထ အသင်္ချေယျကပ္ပေါ  
 အဓိပ္ပေတော၊ သော စ တထာရူပေါ ကာလောယေဝ၊ ဝါ-သဒ္ဓေါ ပန  
 ကပ္ပဿ တတိယဘာဂံ ဝါ တတော ဦးမဓိကံ ဝါတိ ဝိကပ္ပနတ္ထော။

၄၁။ အနဘိရတီတိ ဧကကဝိဟာရေန အနဘိရမဏသင်္ခါတာ အညေဟိ  
 သမာဂမိစ္ဆာယေဝ။ တတ္ထ “ဧကကဿ ဒီဃရတ္တံ နိဝသိတတ္တာ”တိ ပါဠိယံ  
 ဝစနတောတိ ဝုတ္တံ “အပရဿာဒီ”တိအာဒိ။ ဧဝမန္တယမတ္ထံ ဒသေတော နန  
 ဥက္ကဏ္ဍိတာပိ သိယာတိ စောဒနာသောဓနဝသေန ဗျတိရေကံ ဒသေတိ “ယာ  
 ပနာ”တိအာဒိနာ။ ပိယဝတ္ထုရိရဟေန၊ ပိယဝတ္ထုအလာဘေန ဝါစိတ္တဝိညှိတော  
 ဥက္ကဏ္ဍိတာ၊ သာ ပနတ္ထတော ဒေါမနဿစိတ္တုပ္ပါဒေါ၊ တေနာဟ “ပဋိသ-  
 သပ္ပယုတ္တာ”တိ။ သာ မြဟ္မလောကေ နတ္ထိ ဈာနာနုဘာဝပဟိနတ္တာ။ တဏှာဒိဋ္ဌိ-  
 သင်္ခါတာ စိတ္တဿ ပုရိမာဝတ္ထာယ ဥဗ္ဗိဇ္ဇနာ ဖန္တနာ ဧဝ ဣဓ ပရိတဿနာ။ သာ  
 ဟိ ဒီဃရတ္တံ ဈာနရတိယာ ဌိတဿ ယထာဝုတ္တာနဘိရတိနိမိတ္တံ ဥပ္ပန္နာ  
 “အဟံ မမ”န္တိ ဂဟဏဿ စ ကာရဏဘူတာ။ တေန ဝက္ခတိ “တဏှာတဿ-  
 နာပိ ဒိဋ္ဌိတဿနာပိ ဝဇ္ဇတိ”တိ<sup>၂</sup>။ နန ဝုတ္တံ အတ္ထုဒ္ဓါရေ ဣမံယေဝ ပါဠိ  
 နိဟရိတွာ “အဟော ဝတ အညေပိ သတ္တာ ဣတ္ထတ္တံ အာဂစ္ဆေယျန္တိ အယံ  
 တဏှာတဿနာ နာမာ”တိ? သစ္စံ၊ တံ ပန ဒိဋ္ဌိတဿနာယ ဝိသုံ ဥဒါဟရဏံ  
 ဒသေန္တေန တဏှာတဿနမေဝ တတော နိဒ္ဓါရေတွာ ဝုတ္တံ၊ န ပန ဧတ္ထ  
 ဒိဋ္ဌိတဿနာယ အလဗ္ဘမာနတ္တာတိ န ဒေါသော။ ဣဒါနိသမာနသဒ္ဓဝစနိယာနံ  
 အတ္တာနမုဒ္ဒရဏံ ကတွာ ဣဓာဓိပ္ပေတံ ဝိဘာဝေတုံ “သာ ပနေသာ”တိအာဒိ-  
 မာဟ။ ပဋိသသင်္ခါတော စိတ္တုကြာသော ဧဝ တာသတဿနာ။ ဧဝမညတ္တာပိ  
 ယထာရဟံ။ “ဇာတိံ ပဋိစ္စာ”တိ အာဒိ ဝိဘင်္ဂပါဠိ၊ တကြာယမတ္ထကထာ—  
 ဇာတိံ ပဋိစ္စ ဘယန္တိ ဇာတိပစ္စယာ ဥပ္ပန္နဘယံ။ ဘယာနကန္တိ အာကာရ-  
 နိဒ္ဒေသော။ ဆန္တိတတ္တန္တိ ဘယဝသေန ဂတ္တကမ္ပော၊ ဝိသေသတော ဟဒယ-  
 မံသစလနံ။ လောမဟံသောတိ လောမာနံ ဟံသနံ၊ ဘိတ္တိယံ နာဂဒန္တာနမိဝ  
 ဥဒ္ဓဂ္ဂဘာဝေါ၊ ဣမိနာ ပဒုဒ္ဓယေန ကိစ္စတော ဘယံ ဒသေတွာ ပုန စေတ-  
 သော ဥကြာသောတိ သဘာဝတော ဒသိတန္တိ။ ဦးကာယံ ပန “ဘယာ-  
 နကန္တိ ဘေရဝါရမ္ပဏနိမိတ္တံ ဗလဝဘယံ၊ တေန သရီရဿ ထဒ္ဓဘာဝေါ

၁-ဓမ္မပဒ-၄ ၁-၁၁၀-ပိဋကေ၊ ၂-နိ-၄ ၁-၁၀၃-ပိဋကေ၊ ၃-အဘိ ၂-၃၈၁-ပိဋကေ။

ဆန္ဒိတတ္ထ”<sup>၁</sup> နှိ ဝုတ္တံ၊ အနေနေဝ ဘယန္တိ ဧတ္ထ ခုဒ္ဒကဘယံ ဒဿိတံ၊ ဣတိ ဧတ္ထ ပယောဂေ အယံ တဿနာတိ ဧဝံ သဗ္ဗတ္ထ အတ္ထော။ ပရိတဿိတဝိပ္ပန္နိ-  
 တဗေဝါတိ ဧတ္ထ “ဒိဋ္ဌိသင်္ခါတေန စေဝ တဏှာသင်္ခါတေန စ ပရိတဿိတေန  
 ဝိပ္ပန္နိတမေဝ စလိတမေဝ ကမ္ပိတမေဝါ”<sup>၂</sup> တိ၊ အဋ္ဌကထာယမတ္ထံ ဝက္ခတိ။ တေန  
 ဝိညာယတိ လဗ္ဘမာနမ္ပိ တဏှာတဿနမန္တရေန ဒိဋ္ဌိတဿနာယေဝ နိဟ-  
 ဋ္ဌာတိ။ “တေဝီ”<sup>၃</sup> တိအာဒိ သီဟောပမသုတ္တန္တပါဠိ၊ တတ္ထ တေဝီတိ ဒိဿာယု-  
 ကာ ဒေဝါပိ။ ဘယန္တိ ဘင်္ဂါနုပဿနာပရိစိတ္တန္တေ သဗ္ဗသင်္ခါရတော ဘာယန-  
 ဝသေန ဥပ္ပန္နံ ဘယဉာဏံ။ သံဝေဂန္တိ သဟောတ္တပ္ပဉာဏံ၊ ဩတ္တပ္ပမေဝ ဝါ။  
 သန္တာသန္တိ အာဒိနဝနိဗ္ဗိဒါနုပဿနာဟိ သင်္ခါရေဟိ သန္တာသနဉာဏံ။ ဥပ-  
 ပတ္တိဝသေနာတိ ပဋိသန္ဓိဝသေနေဝ။

သဟဗျတန္တိ သဟာယဘာဝမိစ္ဆေဝ သဒ္ဓတော အတ္ထော သဟဗျ-သဒ္ဓဿ  
 သဟာယတ္ထေ ပဝတ္တနတော။ သော ဟိ သဟ ဗျာယတိ ပဝတ္တတိ၊ ဒေါသံ ဝါ  
 ပဋိစ္ဆာဒေတီတိ သဟဗျောတိ ဝုတ္တတိ၊ တဿ ဘာဝေါ သဟဗျတာ။  
 သဟာယဘာဝေါ ပန သဟဘာဝေါယေဝ နာမာတိ အဓိပ္ပါယတော အတ္ထံ  
 ဒဿေတုံ “သဟဘာဝ”<sup>၄</sup> နှိ ဝုတ္တံ။ သသာဓနသမဝါယတ္ထော ဝါ သဟ-သဒ္ဓေါ  
 အဓိကိစ္စပဒေ အဓိသဒ္ဓေါ ဝိယ၊ တသ္မာ သဟ ဧကတော ဝတ္တမာနဿ ဘာဝေါ  
 သဟဗျံ ယထာ “ဒါသဗျ”<sup>၅</sup> နှိ၊ တဒေဝ သဟဗျတာ၊ သကတ္ထဝုတ္တိဝသေန  
 ဣမမေဝတ္ထံ သန္တာယာဟ “သဟဘာဝ”<sup>၆</sup> နှိ။ အပိစ သဟ ဝါတိ ပဝတ္တတိတိ  
 သဟဝေါ၊ တဿ ဘာဝေါ သဟဗျံ ယထာ “ဝိရဿ ဘာဝေါ ဝိရိယ”<sup>၇</sup> နှိ၊  
 တဒေဝ သဟဗျတာတိ ဧဝံ ဝိမာနဋ္ဌကထာယံ<sup>၈</sup> ဝုတ္တံ၊ တသ္မာ တဒတ္ထံ ဒဿေတုံ  
 ဧဝံ ဝုတ္တန္တိပိ ဒဋ္ဌဗ္ဗံ။

၄၂။ ဣမေ သတ္ထေ အဘိဘဝိတွာတိ သေသော။ အဘိဘဝနာ စေတ္ထ  
 ပါပသဘာဝေန ဇေဋ္ဌဘာဝေန “တေ သတ္ထေ အဘိဘဝိတွာ ဌိတော”<sup>၉</sup> တိ အတ္ထ-  
 နော မညနာယေဝါတိ ဝုတ္တံ “ဇေဋ္ဌကောဟမသ္မိ”<sup>၁၀</sup> တိ။ အညဒတ္ထံ<sup>၁၁</sup> တိ ဒဿနေ  
 အန္တရာယာဘာဝဝစနေန၊ ဒသောတိ ဧတ္ထ ဒဿနေယျဝိသေသပရိဂ္ဂဟာ-  
 ဘာဝေန စ အနာဝရဏဒဿာဝိတံ ပဋိဇာနာတီတိ အာဟ “သဗ္ဗံ ပဿာ-  
 ဝီတိ အတ္ထော”<sup>၁၂</sup> တိ။ ဒဿနေယျဝိသေသဿ ဟိ ပဒေသဘူတဿ အဂ္ဂ-  
 ဟဏေ သတိ ဂဟေတဗ္ဗဿ နိပ္ပဒေသတာ ဝိညာယတိ ယထာ “ဒိက္ခိတော

---

၁-ဒီ-ဇီ ၁-၁၅၇-ပိဋေ။      ၂-ဒီ-နှ ၁-၁၁၄-ပိဋေ။  
 ၃-အံ ၁-၃၄၂-ပိဋေ။      ၄-မောဂ္ဂလ္လာနဗျာကရဏေ စတုတ္ထပရိစ္ဆေဒေ-၆၀-သုတ္တံ ပဿိတဗ္ဗံ။  
 ၅-အဘိ ၁-၁၆၃-ပိဋေ။      ၆-ဝိမာန-၄-၈၇-ပိဋေ။

န ဒဒါတိ”တိ၊ ဒေယျဓမ္မဝိသေသဿ စေတ္တ ပဒေသဘူတဿ အဂ္ဂဟဏတော ပဗ္ဗဇိတော သဗ္ဗမ္ပိ န ဒဒါတိတိ ဂဟေတဗ္ဗဿ ဒေယျဓမ္မဿ နိပ္ပဒေသတာ ဝိညာယတိ။ ဧဝမိဒိသေသု။ ဝသေ ဝတ္တေမိတိ ဝသဝတ္ထိ။ အဟံ-သဒ္ဓယောဂ-တော ဟိ သဗ္ဗတ္ထ အမှယောဂေန ဝစနတ္ထော။ သတ္တဘာဇနဘူတဿ လောကဿ နိမ္မာတာ စာတိ သဗ္ဗန္ဓော။ “ပထဝီ”တိအာဒိ စေတ္တ ဘာဇန-လောကဝသေန အဓိပ္ပါယကထနံ။ သဇိတာတိ ရစိတာ၊ ဝိဘဇိတာ ဝါ၊ တေနာဟ “တွံ ခတ္ထိယော နာမာ”တိအာဒိ။ စိတ္တဝသိတာယာတိ သမာ-စိတ္တပဉ္စဝိဝေသိဘာဝတော။ တတ္ထာတိ ဘူတဘဗျေသု။ အန္တောဝတ္ထိနိတိ အန္တောဂဟ္တာသယေ။ ပဌမစိတ္တက္ခဏေတိ ပဋိသန္ဓိစိတ္တက္ခဏေ။ ဒုတိယတောတိ ပဌမဘဝဂ်စိတ္တက္ခဏတော။ ပဌမဇ္ဈရိယာပထေတိ ယေန ပဋိသန္ဓိ ဂဏှာတိ၊ တသ္မိ ဇ္ဈရိယာပထေ။ ဇ္ဈတိ အတိတဝသေန၊ ဘူတ-သဒ္ဓဿ ဝတ္တမာနဝသေန စ ဘဗျ-သဒ္ဓဿ အတ္ထော ဒဿိတော။ ဋီကာယံ ပန ဘဗျ-သဒ္ဓတ္ထော အနာ-ဂတဝသေနာပိ ဝုတ္တော။ အဟေသုန္တိ ဟိ ဘူတာ။ ဘဝန္တိ၊ ဘဝိဿန္တိ စာတိ ဘဗျာ တဗ္ဗာနိယာ ဝိယ ဣပစ္စယဿ ကတ္တရိပိ ပဝတ္တနတော။

“ဣဿရော ကတ္တာ နိမ္မာတာ”တိ ဝတွာပိ ပန “မယာ ဣမေ သတ္တာ နိမ္မိတာ”တိ ဝစနံ ကိမတ္ထိယန္တိ အာဟ “ဣဒါနိ ကာရဏဝသေနာ”တိ-အာဒိ၊ ကာရဏဝသေန သာဓေတုကာမတာယ ပဋိညာကရဏတ္ထန္တိ ဝုတ္တိ ဟောတိ။ နန စေသ ဗြဟ္မာ အနဝဋ္ဌိတဒဿနတ္တာ ပုထုဇ္ဇနဿ ပုရိမတရ-ဇာတိပရိစိတမ္ပိ ကမ္မဿကတာဉာဏံ ဝိဿဇ္ဇေတွာ ဝိကုဗ္ဗနိဋ္ဌိဝသေန စိတ္တုပ္ပါဒ-မတ္တပဋိဗဒ္ဓေန သတ္တနိမ္မာနေန ဝိပလ္လဋ္ဌော “မယာ ဣမေ သတ္တာ နိမ္မိ-တာ”တိအာဒိနာ ဣဿရကုတ္တဒဿနံ ပက္ခန္ဓမာနော အဘိနိဝိသနဝသေန ပတိဋ္ဌိတော၊ န ပန ပတိဋ္ဌာပနဝသေန။ အထ ကသ္မာ ကာရဏဝသေန သာဓေ-တုကာမော ပဋိညံ ကရောတိတိ ဝုတ္တန္တိ? န စေဝံ ဒဋ္ဌဗ္ဗံ။ တေသမ္ပိ ဟိ “ဧဝံ ဟောတိ”တိအာဒိနာ ပစ္ဆာ ဥပ္ပဇ္ဇန္တာနမ္ပိ တထာအဘိနိဝေသဿ ဝက္ခမာ-နတ္တာ ပရေသံ ပတိဋ္ဌာပနက္ကမေနေဝ တဿ သော အဘိနိဝေသော ဇာ-တော၊ န တု အဘိနိဝိသနမတ္တေန၊ တသ္မာ ဧဝံ ဝုတ္တန္တိ ဒဋ္ဌဗ္ဗံ။ တေနောဟ “တံ ကိဿ ဟေတူ”တိအာဒိ။ ပါဠိယံ မနသော ပဏိဒိတိ မနသော ပတ္တနာ၊ တထာ စိတ္တုပ္ပတ္တိမတ္တမေဝါတိ ဝုတ္တံ ဟောတိ။

ဣတ္တဘာဝန္တိ ဣဒပ္ပကာရဘာဝံ။ ယသ္မာ ပန သော ပကာရော ဗြဟ္မတ္တဘာ-ဝေါယေဝိဓာမိပေတော၊ တသ္မာ “ဗြဟ္မဘာဝ”န္တိ ဝုတ္တံ။ အယံ ပကာရော ဣတ္ထိ၊

တဿ ဘာဝေါ ဣတ္တတ္တန္တိ ဟိ နိဗ္ဗစနံ။ ကေဝလန္တိ ကမ္မဿကတာဉာဏေန အသမ္ပိဿံ သုဒ္ဓိံ။ မညနာမတ္ထေနောဝါတိ ဒိဋ္ဌိမညနာမတ္ထေနော၊ န အဓိမာနဝသေန။ ဝဏ်ဆိဒ္ဓေန ဝဏ်အာဏီ ဝိယ ဩနမိတွာ ဝဏ်လဒ္ဓိကေန ဝဏ်လဒ္ဓိကာ ဩနမိတွာ တဿေဝ ဗြဟ္မာနော ပါဒမူလံ ဂစ္ဆန္တိ၊ တံပက္ခကာ ဘဝန္တိတိ အတ္ထော။ နန စ ဒေဝါနံ ဥပပတ္တိသမနန္တရံ “ဣမာယ နာမ ဂတိယာ စဝိတွာ ဣမိနာ နာမ ကမ္မုနာ ဣရူပပန္နာ”တိ ပစ္စဝေက္ခဏာ ဟောတိ၊ အထ ကသ္မာ တေသံ ဧဝံ မညနာ သိယာတိ? ပုရိမဇာတိသု ကမ္မဿကတာဉာဏေ သမ္ပဒေဝ နိဝိဋ္ဌဇ္ဈာသယာနမေဝ တထာပစ္စဝေက္ခဏာယ ပဝတ္တိတော။ တာဒိသာနမေဝ ဟိ တထာပစ္စဝေက္ခဏာ သမ္ပဝတိ၊ သာ စ ခေါ ယေဘုယျဝသေန၊ ဣမေ ပန ပုရိမာသုပိ ဇာတိသု ဣဿရကုတ္တဒိဋ္ဌိဝသေန နိဗ္ဗဒ္ဓါတ်နိဝေသာ ဧဝမေဝ မညမာနာ အဟေသုန္တိ။ တထာ ဟိ ပါဠိယံ ဝုတ္တံ “ဣမိနာ မယ”န္တိအာဒိ။

၄၃။ ဤသတိ အဘိဘဝတိတိ ဤသော၊ မဟန္တော ဤသော မဟေသော၊ သုပ္ပတိဋ္ဌိတမဟေသတာယ ပရေဟိ “မဟေသော” ဣတိ အက္ခာယတိတိ မဟေသက္ခော၊ မဟေသက္ခာနံ အတိသယေန မဟေသက္ခောတိ မဟေသက္ခတရောတိ ဝစနတ္ထော။ သော ပန မဟေသက္ခတရဘာဝေါ အာဓိပတေယျ-ပရိဝါရသမ္ပတ္တိယာ ကာရဏဘူတာယ ဝိညာယတိတိ ဝုတ္တံ “ဣဿရိယ-ပရိဝါရဝသေန မဟာယသတရော”တိ။

၄၄။ ကိံ ပနေတံ ကာရဏန္တိ အနုယောဂေနာဟ “သော တတော”တိ-အာဒိ၊ တေန “ဣတ္ထတ္တံ အာဂစ္ဆတိ”တိ ဝုတ္တံ ဣဓာဂမနမေဝ ကာရဏန္တိ ဒဿေတိ။ ဣဓေဝ အာဂစ္ဆတိတိ ဣမသ္မိံ မနုဿလောကေ ဧဝ ပဋိသန္ဓိဝသေန အာဂစ္ဆတိ။ တေန္တိ “ဌာနံ ခေါ ပနေတံ ဘိက္ခဝေ ဝိဇ္ဇတိ”တိ ဝစနံ။ ပါဠိယံ ယံ အညတရော သတ္တောတိ ဧတ္ထ ယန္တိ နိပါတမတ္တံ၊ ကာရဏတ္ထေ ဝါ သေ နိပါတော၊ ဟေတုမ္ပိ ဝါ ပစ္စတ္တနိဒ္ဓေသော၊ ယေန ဌာနေနာတိ အတ္ထော၊ ကိရိယာပရာမသနံ ဝါ ဧတံ။ “ဣတ္ထတ္တံ အာဂစ္ဆတိ”တိ ဧတ္ထ ယဒေတံ ဣတ္ထတ္တဿ အာဂမနသင်္ခါတံ ဌာနံ၊ တဒေတံ ဝိဇ္ဇတိတိ အတ္ထော။ သေ န သော ပဗ္ဗဇတိ၊ စေတောသမာဓိံ ဖုသတိ၊ ပုဗ္ဗေနိဝါသံ အနုဿတိတိ ဧတေသုပိ ပဒေသု။ “ဌာနံ ခေါ ပနေတံ ဘိက္ခဝေ ဝိဇ္ဇတိ၊ ယံ အညတရော သတ္တော”တိ ဟိ ဣမာနိ ပဒါနိ “ပဗ္ဗဇတိ”တိအာဒိဟိပိ ပဒေဟိ ပစ္စေကံ ယောဇေတဗ္ဗာနိ။ န ဂစ္ဆတိတိ အဂါရံ၊ ဂေဟံ၊ အဂါရဿ ဟိတံ အာဂါရိယံ၊ ကသိဂေါရက္ခာဒိ-ကမ္ပံ၊ တမေတ္ထ နတ္တိတိ အနာဂါရိယံ၊ ပဗ္ဗဇော၊ တေနာဟ “အဂါရသ္မာ”တိ-အာဒိ။ ပ-သဒ္ဓေန ဝိသိဋ္ဌော ဝဇ-သဒ္ဓေါ ဥပသင်္ကမနေတိ ဝုတ္တံ “ဥပဂစ္ဆတိ”တိ။

ပရန္တိ ပစ္စာ၊ အတိသယံ ဝါ၊ အညံ ပုဗ္ဗေနိဝါသန္တိပိ အတ္ထော။ “န သရတိ”တိ  
 ဝုတ္တေယေဝ အယမတ္ထော အာပဇ္ဇတိတိ ဒဿေတိ “သရိတု”န္တိအာဒိနာ။  
 အပဿန္တောတိ ပုဗ္ဗေနိဝါသာနုဿတိဉာဏေန အပဿနဟေတု၊ ပဿိတုံ  
 အသက္ခောန္တော ဟုတွာတိပိ ဝဇ္ဇတိ။ မာန-သဒ္ဓေါ ဝိယ ဟိ အန္တ-သဒ္ဓေါ ဣဓ  
 သာမတ္ထိယတ္ထော။ သဒါဘာဝတောတိ သဗ္ဗဒါ ဝိဇ္ဇမာနတ္တာ။ ဇရာ-  
 ဝသေနာပီတိ ဧတ္ထ ဝိ-သဒ္ဓေန မရဏဝသေနာပီတိ သမ္ပိဏ္ဏေတိ။

၄၅။ ခိန္နာပဒေါသိနောတိ ကတ္ထုဝသေန ပဒသိဒ္ဓိ၊ ခိန္နာပဒေါသိကာတိ  
 ပန သကတ္ထဝုတ္တိဝသေန၊ သဒ္ဓမနပေက္ခိတွာ ပန အတ္ထမေဝ ဒဿေတုံ  
 “ခိန္နာယာ”တိအာဒိ ဝုတ္တံ။ “ခိန္နာပဒေါသကာ”တိ ဝါ ဝတ္ထဗ္ဗေ ဣ-ကာရာဂမ-  
 ဝသေန ဧဝံ ဝုတ္တံ။ ပဒုဿနံ ဝါ ပဒေါသော၊ ခိန္နာယ ပဒေါသော ခိန္နာ-  
 ပဒေါသော၊ သော ဧတေသန္တိ ခိန္နာပဒေါသိကာ။ “ပဉ္စသိကာတိပိ ပါဠိ”  
 လိခန္တိ”တိ အညနိကာယိကာနံ ပမာဒလေခတံ ဒဿေတိ။ မဟာဝိဟာရ-  
 ဝါသိနိကာယိကာနဉ္စ ဝါစနာမဂ္ဂဝသေန အယံ သံဝဏ္ဏနာ ပဝတ္တာ။ အပိစ  
 တေန ပေါတ္တကာရုဠကာလေ ပမာဒလေခံ ဒဿေတိ။ တမ္ပိ ဟိ ပဒတ္ထ-  
 သောနောယ အဋ္ဌကထာယ သောမိတနိယာမေနေဝ ဂဟေတဗ္ဗံ၊ တေနာဟ  
 “သာ အဋ္ဌကထာယံ နတ္ထိ”တိ။ ဝေလံ အတိက္ကန္တံ အတိဝေလံ၊ တံ။ ဘာဝ-  
 နပုံသကဓမ္မေတံ၊ တေနာဟ “အတိဝိရ”န္တိ၊ အာဟာရူပဘောဂကာလံ  
 အတိက္ကမိတွာတိ ဝုတ္တံ ဟောတိ။ ရတိဓမ္မ-သဒ္ဓေါ ဟဿခိန္နာ-သဒ္ဓေဟိ ပစ္စေကံ  
 ယောဇေတဗ္ဗော “ဟဿခိန္နာသု ရတိဓမ္မော ရမဏသဘာဝေါ”တိ။ ဟသနံ  
 ဟဿော၊ ကေဠိဟဿော။ ခေဋ္ဌနံ ကိဠနံ ခိန္နာ၊ ကာယိကဝါစသိကကိဠာ။  
 အနုယောဂဝသေန တံသမာပန္နာတိ ဒဿေန္တော အာဟ “ဟဿရတိဓမ္မဇ္ဇေ-  
 ဝါ”တိအာဒိ။ ကိဠာ ယေသံ တေ ကေဠိနော၊ တေသံ ဟဿော တထာ။  
 ကိဠာဟဿပယောဂေန ဥပ္ပဇ္ဇနကသုခဓမ္မေတ္ထ ကေဠိဟဿသုခံ။ တဒဝသိဋ္ဌ-  
 ကိဠာပယောဂေန ဥပ္ပဇ္ဇနကံ ကာယိကဝါစသိကကိဠာသုခံ။

“တေ ကိရာ”တိအာဒိ ဝိတ္တာရဒဿနံ။ ကိရ-သဒ္ဓေါ ဟေတ္ထ ဝိတ္တာရ-  
 ဇောတကောယေဝ၊ န တု အနုဿဝနာရုစိယာဒိဇောတကော တထာယေဝ  
 ပါဠိယံ၊ အဋ္ဌကထာသု စ ဝုတ္တတ္တာ။ သီရိဝိဘဝေနာတိ သရီရသောဘဂ္ဂါဒိ-  
 သီရိယာ၊ ပရိဝါရာဒိသမ္ပတ္တိယာ စ။ နက္ခတ္တန္တိ ဆဏံ။ ယေဘုယျေန ဟိ  
 နက္ခတ္တယေဒဂေန ကတတ္တာ တထာယောဂေါ ဝါ ဟောတု၊ မာ ဝါ  
 နက္ခတ္တမိစ္ဆေဝ ဝုစ္စတိ။ အာဟာရန္တိ ဧတ္ထ ကော ဒေဝါနမာဟာရော၊ ကာ စ  
 တေသမာဟာရဝေလာတိ? သဗ္ဗေသမ္ပိ ကာမာဝစရဒေဝါနံ သုခေဟာရော။

ဒွါဒသပါပဓမ္မဝိညါတေန ဟိ သုခဿ ဓာရဏတော ဒေဝါနံ ဘောဇနံ  
“သုခာ”တိ ဝုစ္စတိ။ သာ ပန သေတာ သန့်ပမာ အတုလျဒဿနာ သုစိ  
သုဂန္ဓာ ပိယရူပါ။ ယံ သန္ဓာယ သုခဘောဇနဇာတကေ ဝုတ္တံ—

“သန့်ပမံ သေတ’မတုလျဒဿနံ၊  
သုစိ သုဂန္ဓံ ပိယရူပ’မဗ္ဗုတံ။  
အဒိဋ္ဌပုဗ္ဗံ မမ ဇာတု စက္ခုဘိ၊  
ကာ ဒေဝတာ ပါဏိသု ကိံ သုခော’ဒဟိ”တိ၊

“ဘုတ္တာ စ သာ ဒွါဒသ ဟန္တိ ပါပကေ၊  
ခုဒ္ဓံ ပိပါသံ အရတိံ ဒရတ္တမံ။  
ကောရူပနာဟန္တ ဝိဝါဒပေသုဏံ၊  
သီတုဏှ တန္တိဉ္စ ရသုတ္တမံ ဣဒ”န္တိ ၂ စ။

သာ စ ဟေဋ္ဌိမေဟိ ဟေဋ္ဌိမေဟိ ဥပရိမာနံ ဥပရိမာနံ ပဏိတတမာ  
ဟောတိ၊ တံ ယထာသကံ ပရိမိတဒိဝသဝသေန ဒိဝသေ ဒိဝသေ ဘုဉ္ဇန္တိ။  
ကေစိ ပန ဝဒန္တိ “ဗိဠာရပဒပ္ပမာဏံ သုခာဟာရံ တေ ဘုဉ္ဇန္တိ၊ သော ဇိဝှါယ  
ဌပိတမတ္တော ယာဝ ကေသဂ္ဂနခဂ္ဂါ ကာယံ ဖရတိ၊ ယထာသကံ ဂဏိတ-  
ဒိဝသဝသေန သတ္တ ဒိဝသေ ယာပနသမတ္တော ဟောတိ”တိ။ ကေစိဝါဒေ  
ပနေတ္ထ ဗိဠာရပဒ-သဒ္ဓေါ သုဝဏ္ဏသင်္ခါတဿ သင်္ချာဝိသေသဿ ဝါစကော။  
ပမာဏတော ပန ဥဒုဗ္ဗရဖလပ္ပမာဏံ၊ ယံ ပါဏိတလံ ကဗဠဂ္ဂဟန္တိပိ ဝုစ္စတိ။  
ဝုတ္တုပ္ပိ မရကောသေ—

“ပါဏိရက္ခော ပိစု စာပိ၊ သုဝဏ္ဏကမုဒုဗ္ဗရံ။  
ဗိဠာရပဒကံ ပါဏိ-တလံ တံ ကဗဠဂ္ဂဟ”န္တိ။

“နိရုန္တရံ ခါဒန္တာပိ ဝိဝန္တာပိ”တိ ဣဒံ ပရိကပ္ပနာဝသေန ဝုတ္တံ၊ န ပန ဧဝံ  
နိယမဝသေန တထာ ခါဒနပိဝနာနမနိယမဘာဝတော။ ကမ္မဇတေဇဿ  
ဗလဝဘာဝေါ ဥဠာရပုညနိဗ္ဗတ္တတ္တာ၊ ဥဠာရဂရုသိနိဗ္ဗသုခာဟာရဇီရဏတော  
စ။ ကရဇကောယဿ မန္တဘာဝေါ ပန သုခမာလဘာဝတော။ ဧတေနော ဟိ  
ဘဂဝါ ဣန္ဒသာလဂဟာယံ ပကတိပထဝိယံ ပတိဋ္ဌာတုံ အသက္ကောန္တံ သက္ကံ  
ဒေဝရာဇာနံ “ဩဠာရိကံ ကာယံ အဓိဋ္ဌေဟိ”တိ အဝေါစ။ မနုဿာနံ ပန ကမ္မ-  
ဇတေဇဿ မန္တဘာဝေါ၊ ကရဇကောယဿ ဗလဝဘာဝေါ စ ဝုတ္တုပရိတေန  
ဝေဒိတဗ္ဗော။ ကရဇကောယောတိ ဧတ္ထ ကော ဝုစ္စတိ သရီရံ၊ တတ္ထ ပဝတ္တော

ရဇော ကရဇော၊ ကိံ တံ? သုက္ကသောဏိတံ။ တဉ္စိ “ရာဂေါ ရဇော န စ ပန ရေဏု ဝုစ္စတိ”တိ ဧဝံ ဝုတ္တရာဂရဇဇလတ္တာ သရီရဝါစကေန က-သဒ္ဓေန ဝိသေသေတွာ ကာရဏဏေါဟာရေန “ကရဇော”တိ ဝုစ္စတိ။ တေန သုက္ကသောဏိတသင်္ခါတေန ကရဇေန သမ္ဘူတော ကာယော ကရဇကောယောတိ အာစရိယာ။ တထာ ဟိ ကာယော မာတာပေတ္တိကသမ္ဘဝေါတိ ဝုတ္တော။ မဟာအဿပူရသုတ္တန္တဒ္ဓိကာယံ ပန “ကရိယတိ ဂဟ္တာသယေ ခိပိယတိတိ ကရော၊ သမ္ဘဝေါ၊ ကရတော ဇာတောတိ ကရဇော၊ မာတာပေတ္တိက-သမ္ဘဝေါတိ အတ္တော။ မာတုအာဒိနံ သဏ္ဌာပနဝသေန ကရတော ဟတ္ထတော ဇာတောတိ ကရဇောတိ အပရေ။ ဥဘယထာပိ ကရဇကောယန္တိ စတုသန္တတိ-ရူပမာဟာ”တိ ဝုတ္တံ။ ကရောတိ ပုတ္တေ နိဗ္ဗတ္တေတိတိ ကရော၊ သုက္ကသောဏိတံ၊ တေန ဇာတော ကရဇောတိပိ ဝဒန္တိ။ တထာ အသမ္ဘူတောပိ စ ဒေဝါဒိနံ ကာယော တဗ္ဗောဟာရေန “ကရဇကောယော”တိ ဝုစ္စတိ ယထာ “ပုတိကာ-ယော၊ ဇရသိင်္ဂါလော”တိ။ တေသန္တိ မနုဿာနံ။ အတ္ထယာရ နာမ ပသန္ဓာ အကသဋ္ဌာယာရ။ ဝတ္ထုန္တိ ကရဇကောယံ။ ဧကံ အာဟာရဝေလန္တိ ဧကဒိဝသမတ္တံ၊ ကေသဉ္စိ မတေန ပန သတ္တာဟံ။

ဧဝံ အနုယတော၊ ဗျတိရေကတော စ ဒေသေတွာ ဥပမာဝသေနပိ တမာဝိကရောန္တော “ယထာ နာမာ”တိအာဒိမာဟ။ တတ္ထပပါသာဏေတိ အတ္ထုပ္ပါသာဏေ။ ရတ္တသေတပဒုမတော အဝသိဋ္ဌံ ဥပ္ပလံ။ အဋ္ဌကထာယန္တိ မဟာအဋ္ဌကထာယံ။ အဝိသေသေနာတိ “ဒေဝါန”န္တိ အဝိသေသေန၊ ဒေဝါနံ ကမ္မဇတေဇော ဗလဝါ ဟောတိ၊ ကရဇံ မန္တန္တိ ဝါ ကမ္မဇတေဇကရဇကော-ယံနံ ဗလဝမန္တတာသင်္ခါတကာရဏသာမညေန။ တဒေတံ ဟိ ကာရဏံ သဗ္ဗေသမ္ပိ ဒေဝါနံ သမာနမေဝ၊ တသ္မာ သဗ္ဗေပိ ဒေဝါ ဂဟေတဗ္ဗာတိ ဝုတ္တံ ဟောတိ။ ကဗဠိကာရဘူတံ သုခောဟာရံ ဥပနိဿာယ ဇီဝန္တိတိ ကဗဠိကာရာဟာရူပဇီဝိနော။ ကေစိတိ အဘယဂိရိဝါသိနော။ “ခိန္နာ-ပဒုဿနမတ္တေန ဟေတေ ခိန္နာပဒေါသိကာတိ ဝုတ္တာ”တိ အယံ ပါဌော “တေယေဝ စန္ဒိတိ ဝေဒိတဗ္ဗာ”တိ ဧတဿာနန္တရေ ပဋိတဗ္ဗော တဒနုသန္တိကတ္တာ။ အယဉ္ဇေတ္တာနုသန္တိ—ယဒိ သဗ္ဗေပိ ဧဝံ ကရောန္တာ ကာမာဝစရဒေဝါစဝေယျံ၊ အထ ကသ္မာ “ခိန္နာပဒေါသိကာ”တိ နာမဝိသေ-သေန ဘဂဝတာ ဝုတ္တာတိ? ဝိစာရဏာယ ဧဝမာဟာတိ၊ ဧတေန ဣမမတ္တံ ဒေသေတိ “သဗ္ဗေပိ ဒေဝါ ဧဝံ စဝန္တာပိ ခိန္နာယ ပဒုဿနသဘာဝမတ္တံ ပတိ

နာမဝိသေသေန တထာ ဝုတ္တာ”တိ။ ယဒေကေ ဝဒေယျံ “ကေစိဝါဒပတိဋ္ဌာပ-  
ကောယံ ပါဌော”တိ။ တဒယုတ္တမေဝ ဣတိ-သဒ္ဓန္တရိကတ္တာ၊ အန္တေ စ တဿ  
အဝိဇ္ဇမာနတ္တာ။ အတ္ထိကေဟိ ပန တဿ ကေစိဝါဒသမဝရောဓနံ အန္တေ ဣတိ-  
သဒ္ဓေါ ယောဇေတဗ္ဗောတိ။

၄၇-၄၈။ မနောပဒေါသိနောတိ ကတ္ထုဝသေန ပဒသိဒ္ဓိ၊ မနောပဒေါသိ-  
ကာတိ စ သကတ္ထဝုတ္တိဝသေန၊ အတ္ထမတ္တံ ပန ဒဿေတုံ “မနေနာ”တိအာဒိ  
ဝုတ္တံ။ “မနောပဒေါသကာ”တိ ဝါ ဝတ္တဗ္ဗေ ဣ-ကာရာဂမဝသေန ဧဝံ ဝုတ္တံ။  
မနေနာတိ ဣဿာပကတတ္တာပဒုဋ္ဌေန မနဿ။ အပရောနယော—ဥသုယန-  
ဝသေန မနဿ ပဒေါသော မနောပဒေါသော၊ ဝိနာသဘူတော သော  
ဧတေသမတ္တိတိ မနောပဒေါသိကာတိ။ “တေ အညမညမှိ ပဒုဋ္ဌစိတ္တာ ကိလန္တ-  
ကာယာ ကိလန္တစိတ္တာ တေ ဒေဝါ တမ္မာ ကာယာ စဝန္တိ”တိ ဝစနတော  
“စတေ စာတုမဟာရာဇိကာ”တိ အာဟ။ မနေန ပဒုဿနမတ္တေနေဝ ဟေတေ  
မနောပဒေါသိကာတိ ဝုတ္တာ။ “တေသု ကိရာ”တိအာဒိ ဝိတ္တာရော။ ရထေန  
ဝိထိံ ပဋိပဇ္ဇတိတိ ဥပလက္ခဏမတ္တံ အညေဟိ အညတ္တာပိ ပဋိပဇ္ဇနသမ္ဘဝတော။  
စတန္တိ အတ္တနော သမ္ပတ္တိံ။ ဥဒ္ဓုမာတော ဝိယာတိ ပီတိယာ ကရဏဘူတာယ  
ဥန္တတော ဝိယ။ ဘိဇ္ဇမာနော ဝိယာတိ တာယ ဘိဇ္ဇန္တော ဝိယ၊ ပီတိယာ ဝါ  
ကတ္ထုဘူတာယ ဘဉ္ဇိတော ဝိယ။ ကုဒ္ဓါ နာမ သုဝိဇာနနာ ဟောန္တိ၊ တသ္မာ  
ကုဒ္ဓဘာဝဿ ဥတွာတိ အတ္ထော။

အကုဒ္ဓေါ ရက္ခတိတိ ကုဒ္ဓဿ သော ကောဓော ဣတရသ္မိံ အကုဇ္ဈန္တေ  
အနုပါဒါနော စေဝ ကေဝါရမတ္တံ ဥပ္ပတ္တိယာ အနာသေဝနော စ  
ဟုတွာ စာဝေတုံ န သက္ကောတိ၊ ဥဒကန္တံ ပတွာ အဂ္ဂိ ဝိယ နိဗ္ဗာယတိ၊ တသ္မာ  
အကုဒ္ဓေါ ဣတရံ စဝနတော ရက္ခတိ။ ဥဘောသု ပန ကုဒ္ဓေသု ဘိယျော  
ဘိယျော အညမညမှိ ပရိဝုဇနဝသေန တိခိဏသမုဒါစာရော နိဿယဒဟန-  
ရသော ကောဓော ဥပ္ပဇ္ဇမာနော ဟဒယဝတ္ထု နိဒဟန္တော အစူန္တသုခုမာလ-  
ကရဇကောယံ ဝိနာသေတိ၊ တတောသကလောပိ အတ္တဘာဝေါ အန္တရဓာယတိ၊  
တမတ္တံ ဒဿေတုမာဟ “ဥဘောသု ပနာ”တိအာဒိ။ တထာ စာဟ ပါဠိယံ  
“တေ အညမညမှိ ပဒုဋ္ဌစိတ္တာ ကိလန္တကာယာ ကိလန္တစိတ္တာ တေ ဒေဝါ  
တမ္မာ ကာယာ စဝန္တိ”တိ။ ကေဿ ကောဓော ဣတရဿ ပစ္စယော ဟောတိ၊  
တဿပိ ကောဓော ဣတရဿ ပစ္စယော ဟောတိတိ ဧတ္ထ ကောဓဿ  
ဘိယျော ဘိယျော ပရိဝုဇနာယ ဧဝ ပစ္စယဘာဝေါ ဝေဒိတဗ္ဗော၊ န စဝနာယ  
နိဿယဒဟနရသေန အတ္တနောယေဝ ကောဓေန ဟဒယဝတ္ထု နိဒဟန္တေန

အစွန္တသုခုမာလဿ ကရဇကောယဿ စဝနတော။ **ကန္တန္တာနံယေဝ ဩစရာ-**  
**ဇာနန္တိ** အနာဒရတ္ထေ သာမိဝစနံ။ အယမေတ္ထ ဓမ္မတာတိ အယံ တေသံ  
 ကရဇကောယမန္တတာယ၊ တထာဥပ္ပဇ္ဇနကဿ စ ကောဓဿ ဗလဝတာယ  
 ဌာနသော စဝနဘာဝေါ ဧတေသု ဒေဝေသု ရူပါရူပဓမ္မာနံ ဓမ္မနိယာမော  
 သဘာဝေါတိ အတ္ထော။

၄၉-၅၂။ **စက္ခာဒိနံ ဘေဒံ ပဿတိတိ** ဝိရောဓိပစ္စယသန္တိပါတေ ဝိကာရာ-  
 ပတ္တိဒဿနတော၊ အန္တေ စ အဒဿနူပဂမနတော ဝိနာသံ ပဿတိ ဩဋ္ဌာရိ-  
 ကတ္တာ ရူပဓမ္မဘေဒဿ။ **ပစ္စယံ ဒတ္တာတိ** အနန္တရပစ္စယာဒိဝသေန ပစ္စယသတ္တိံ  
 ဒတ္တာ၊ ပစ္စယော ဟုတ္တာတိ ဝုတ္တံ ဟောတိ၊ တသ္မာ န ပဿတိတိ သမ္ပန္နော၊  
 ဗလဝတရမ္ပိ သမာနံ ဣမိနာ ကာရဏေန န ပဿတိတိ အဓိပ္ပါယော။  
**ဗလဝတရန္တိ** စ စိတ္တဿ လဟုတရဘေဒံ သန္ဓာယ ဝုတ္တံ။ တထာ ဟိ ဧကသ္မိံ  
 ရူပေ ဓရန္တေယေဝ သောဠသ စိတ္တာနိ ဘိဇ္ဇန္တိ။ **စိတ္တဿ ဘေဒံ န ပဿတိတိ**  
 ဧတ္ထ ခဏေ ခဏေ ဘိဇ္ဇန္တမ္ပိ စိတ္တံ ပရဿ အနန္တရပစ္စယဘာဝေနဝ ဘိဇ္ဇတိ၊  
 တသ္မာ ပုရိမစိတ္တဿ အဘာဝံ ပဋိစ္စာဒေတွာ ဝိယ ပစ္စိမစိတ္တဿ ဥပ္ပတ္တိတော  
 ဘာဝပက္ခော ဗလဝတရော ပါကဠောဝ ဟောတိ၊ န အဘာဝပက္ခောတိ ဣဒံ  
 ကာရဏံ ဒဿေတုံ “**စိတ္တံ ပနာ**”တိအာဒိ ဝုတ္တန္တိ ဒဋ္ဌဗ္ဗံ။ အယဉ္ဇတ္ထော  
 အလာဘစက္ကနိဒဿနေန ဒီပေတဗ္ဗော။ ယသ္မာ ပန တက္ကိဝါဒိ နာနတ္တနယဿ  
 ဒုရဝဓာနတာယ၊ ဧကတ္တနယဿ စ မိစ္ဆာဂဟိတတ္တာ “ယဒေဝိဒံ၊ ဝိညာဏံ  
 သဗ္ဗဒါပိ ဧဝရူပေန ပဝတ္တတိ၊ အယံ မေ အတ္တာ နိစ္စော”တိအာဒိနာ အဘိ-  
 နိဝေသံ ဇနေသိ၊ တသ္မာ တမတ္ထံ “**သော တံ အပဿန္တော**”တိအာဒိနာ သဟ  
 ဥပမာယ ဝိဘာဝေတိ။

### အန္တာနန္တဝါဒဝတ္ထုနာ

၅၃။ အန္တာနန္တသဟစရိတော ဝါဒေါ **အန္တာနန္တော** ယထာ “ကုန္တာ  
 ပစရန္တိ”တိ၊ အန္တာနန္တသန္တိဿယော ဝါ ယထာ “မဇ္ဇာ ဥက္ကဋ္ဌိံ ကရေန္တိ”တိ၊  
 သော ဧတေသန္တိ **အန္တာနန္တိကာ**တိ အတ္ထံ ဒဿေတုံ “**အန္တာနန္တဝါဒါ**”တိ  
 ဝုတ္တံ။ ဝုတ္တနယေန အန္တာနန္တသဟစရိတော၊ တန္တိဿယော ဝါ၊ အန္တာနန္တေသု  
 ဝါ ပဝတ္ထော ဝါဒေါ ဧတေသန္တိ **အန္တာနန္တဝါဒါ**။ ဣဒါနိ “အန္တဝါ အယံ  
 လောကော”တိအာဒိနာ ဝက္ခမာနပါဌာနရူပံ အတ္ထံ ဝိဘဇန္တော “**အန္တိ**  
**ဝါ**”တိအာဒိမာဟ။ အမတိ ဂစ္ဆတိ ဘာဝေါ ဩသာနမေတ္တာတိ ဟိ **အန္တော**၊

မရိယာဒါ၊ တပုဂ္ဂိုလ်သေဝနေန အနန္တော။ အန္တော စ အနန္တော စ အန္တာနန္တော စ နေဝန္တနာနန္တော စ အန္တာနန္တောတွေဝုတ္တော သာမညနိဒ္ဒေသေန၊ ကေသေသေနဝါ “နာမရူပပစ္စယာ သဠာယတန” န္တိ အာဒိသုဝိယ။ စတုတ္ထပဒေသေတ္တ တတိယပဒေန သမာနတ္ထန္တိ အန္တာနန္တပဒေနေဝ ယထာဝုတ္တနယဒ္ဒယေန စတုစာ အတ္ထော ဝိညာယတိ။ ကဿ ပနာယံ အန္တာနန္တောတိ? လောကီယတိ သံသာရနိဿရဏတ္ထိကေဟိ ဒိဋ္ဌိဂတိကေဟိ အဝပဿီယတိ၊ လောကီယန္တိ ဝါ ဧတ္ထ တေဟိ ပုညာပုညာနိ၊ တဗ္ဗိပါကော စာတိ “လောကော” တိ သင်္ချံ ဂတဿ အတ္တနော။ တေနာဟ ပါဠိယံ “အန္တာနန္တံ လောကဿ ပညာပေန္တိ” တိ။ ကော ပနေသော အတ္တာတိ? ဈာနဝိသယဘူတံ ကသိဏနိမိတ္တံ။ အယဉ္ဇိ ဒိဋ္ဌိဂတိကော ပဋိဘာဂနိမိတ္တံ စက္ကဝါဠပရိယန္တံ၊ အပရိယန္တံ ဝါ ဝဗ္ဗနဝသေန၊ တဒနုဿဝါဒီဝသေန စ တတ္ထ လောကသညိ ဝိဟရတိ၊ တထာ စ အဋ္ဌကထာယံ ဝက္ခတိ “တံ ‘လောကော’ တိ ဂဟေတွာ” တိ။ ကေမိ ပန ဝဒန္တိ “ဈာနံ၊ တံသမ္ပယုတ္တဓမ္မာ စ ဣဓ အတ္တာ၊ လောကောတိ စ ဂဟိတာ” တိ၊ တံ အဋ္ဌကထာယ န သမေတိ။

တ္ထောဟ—ယုတ္တံ တာဝ ပုရိမာနံ တိဏ္ဍဗ္ဗိ ဝါဒီနံ အန္တာနန္တိကတ္တံ အန္တေ အနန္တေ အန္တာနန္တေ အာရဟ္မ ပဝတ္တဝါဒတ္တာ၊ ပစ္စိမဿ ပန တက္ကိကဿ တဒုဘယပုဂ္ဂိုလ်သေဝနေဝသေန ပဝတ္တဝါဒတ္တာ ကထံ အန္တာနန္တိကတ္တန္တိ? တဒုဘယပုဂ္ဂိုလ်သေဝနေဝသေန ပဝတ္တဝါဒတ္တာ ဝေ။ အန္တာနန္တပုဂ္ဂိုလ်သေဝနေဝါဒေါပိ ဟိ သော အန္တာနန္တဝိသယောယေဝတမာရဟ္မ ပဝတ္တတ္တာ။ ဧတဒတ္ထမေဝ ဟိ သန္ဓာယ အဋ္ဌကထာယံ “အန္တံ ဝါ အန္တန္တံ ဝါ အန္တာနန္တံ ဝါ နေဝန္တနာနန္တံ ဝါ အာရဟ္မ ပဝတ္တဝါဒါ” တိ ဝုတ္တံ။ အထ ဝါ ယထာ တတိယဝါဒေ ဒေသပဘောဒဝသေန ကေသေဝ လောကဿ အန္တဝတာ၊ အနန္တဝတာ စ သမ္ဘဝတိ၊ ဝေမေတ္တ တက္ကိဝါဒေါပိ ကာလပဘောဒဝသေန ကေသေဝ တဒုဘယသမ္ဘဝတော အညမညပုဂ္ဂိုလ်သေဝနေ တဒုဘယညေဝ ဝုစ္စတိ၊ ဒွိန္ဒုဗ္ဗိ စ ပုဂ္ဂိုလ်သေဝာနံ ပရိယုဒါသတာ။ ကထံ? အန္တဝန္တပုဂ္ဂိုလ်သေဝနေ ဟိ အနန္တဝါ ဝုစ္စတိ၊ အနန္တဝန္တပုဂ္ဂိုလ်သေဝနေ စ အန္တဝါ။ ဒွိပုဂ္ဂိုလ်သေဝေ ဟိ ပကတိယတ္ထဉာပကော။ ဣတိ ပုဂ္ဂိုလ်သေဝနေဝသေန အန္တာနန္တသင်္ခါတဿ ဥဘယဿ ဝုတ္တတ္တာ ယုတ္တောယေဝ တဗ္ဗိသယဿ ပစ္စိမဿာပိ အန္တာနန္တိကဘာဝေါတိ။ ယဒေဝံ သော အန္တာနန္တိကဝါဒဘာဝတော တတိယဝါဒသမဝရောဓေယေဝ သိယာတိ? န၊ ကာလပဘောဒဿ အဓိပ္ပေတတ္တာ။ ဒေသပဘောဒဝသေန ဟိ အန္တာနန္တိကော တတိယဝါဒီ ဝိယ

ပစ္စိမောပိ တက္ကိကော ကာလပဘေဒဝသေန အန္တာနန္တိကော ဟောတိ။ ကထံ? ယသ္မာ အယံ လောကသညိတော အတ္တာ အနန္တော ကဒါဓိ သက္ခိဒိဋ္ဌောတိ အဓိဂတဝိသေသေဟိ မဟေသီဟိ အနုသုယျတိ၊ တသ္မာ နေဝန္တဝါ။ ယသ္မာ ပနာယံ အန္တဝါ ကဒါဓိ သက္ခိဒိဋ္ဌောတိ တေဟိယေဝ အနုသုယျတိ၊ တသ္မာ နာနန္တဝါတိ။ အယံ တက္ကိကော အဝဇိတဘာဝပုဗ္ဗကတ္တာ ပဋိဘာဂနိမိတ္တာနံ ဝဇိတဘာဝဿ ဥဘယထာ လဗ္ဘမာနဿ ပရိကပ္ပိတဿ အတ္တနော အပ္ပစ္စက္ခ- ကာရိတာယ အနုဿဝါဒိမတ္ထေ ဌတွာ ဝဇိတကာလဝသေန “နေဝန္တဝါ”တိ ပဋိက္ခိပတိ၊ အဝဇိတကာလဝသေန ပန “နာနန္တဝါ”တိ၊ န ပန အန္တတာ- နန္တတာနံ အစ္စန္တမဘာဝေန ယထာ တံ “နေဝသညာနာသညာ”တိ။ ယထာ စာနုသုတိကတက္ကိနော၊ ဧဝံ ဇာတိဿရတက္ကိအာဒိနမ္ပိ ဝသေန ယထာသမ္ဘဝံ ယောဇေတဗ္ဗံ။

ကေဓိ ပန ယဒိ ပနာယံ အတ္တာ အန္တဝါ၊ ဧဝံ သတိ ဒူရဒေသေ ဥပ- ပဇ္ဇနာနုဿရဏာဒိကိစ္စနိဗ္ဗတ္တိ န သိယာ။ အထ အနန္တဝါ၊ ဧဝံ ဣဓ ပိတဿေဝ ဒေဝလောကနိရယာဒိသု သုခဒုက္ခာနုဘဝနံ သိယာ။ သစေ ပန အန္တဝါ စေဝ အနန္တဝါ စ၊ ဧဝံ တဒုဘယဒေါသသမာယောဂေါ သိယာ။ တသ္မာ “အန္တဝါ၊ အနန္တဝါ”တိ စ အဗျာကရဏီယော အတ္တာတိ ဧဝံ တက္က- နဝသေန စတုတ္ထဝါဒပုဂ္ဂိုလ် ဝဏ္ဏေန္တိ။ ယဒိ ပနေသ ဝုတ္တနယေန အန္တာ- နန္တိကော ဘဝေယျ၊ အထ ကသ္မာ “ယေ တေ သမဏဗြာဟ္မဏာ ဧဝမာ- ဟံသု ‘အန္တဝါ အယံ လောကော ပရိဝုဉ္ဏမော’တိ၊ တေသံ မုဿာ”တိအာဒိနာ တဿ ပုရိမဝါဒတ္တယပဋိက္ခေပေါ ဝုတ္တောတိ? ပုရိမဝါဒတ္တယဿ တေန ယထာဓိပ္ပေတပ္ပကာရဝိလက္ခဏဘာဝတော။ တေနေဝ ဟိ ကာရဏေန တထာ ပဋိက္ခေပေါ ဝုတ္တော၊ န ပန တဿ အန္တာနန္တိကတ္တာဘာဝေန၊ န စ ပရိယန္တရဟိတဒိဋ္ဌိဝါစာဟိ ပဋိက္ခေပေန၊ အဝဿဉ္စေတံ ဧဝမေဝ ဉာတဗ္ဗံ။ အညထာ ဟေသ အမရာဝိက္ခေပပက္ခဉေဝ ဘဇေယျ စတုတ္ထဝါဒေါ။ န ဟိ အန္တတာအနန္တတာတဒုဘယဝိနိမုတ္တော အတ္တနော ပကာရော အတ္ထိ၊ တက္ကိ- ဝါဒိ စ ယုတ္တိမဂ္ဂကောယေဝ။ ကာလဘေဒဝသေန စ ကေသိမ္ပိ လောကေ တဒုဘယံ နော န ယုဇ္ဇတိတိ။ ဘဝတု တာဝ ပစ္စိမဝါဒိဒ္ဓယဿ အန္တာ- နန္တိကဘာဝေါ ယုတ္တော အန္တာနန္တာနံ ဝသေန ဥဘယဝိသယတ္တာ တေသံ ဝါဒဿ။ ကထံ ပန ပုရိမဝါဒိဒ္ဓယဿ ပစ္စေကံ အန္တာနန္တိကဘာဝေါ ယုတ္တော

သိယာ ဧကေကဝိသယတ္တာ တေသံ ဝါဒဿာတိ? ဝုစ္စတေ— သမုဒါယေ ပဝတ္တ-  
မာန-သဒ္ဓဿ အဝယဝေပိ ဥပစာရဝုတ္တိတော။ သမုဒိတေသု ဟိ အန္တနန္တ-  
ဝါဒီသု ပဝတ္တမာနော အန္တနန္တက-သဒ္ဓေါ တတ္ထ နိရုဇ္ဈတာယ တဒဝယဝေသုပိ  
ပစ္စေကံ အန္တနန္တကဝါဒီသု ပဝတ္တတိ ယထာ “အရူပဇ္ဈာနေသု ပစ္စေကံ အဋ္ဌ-  
ဝိမောက္ခပရိယာယော”, ယထာ စ “လောကေ သတ္တာသယော”တိ။ အထ ဝါ  
အဘိနိဝေသတော ပုရိမကာလေ ပဝတ္တဝိတက္ကဝသေန အယံ တတ္ထ ဝေါဟာ-  
ရော ကတော။ တေသဉ္စိ ဒိဋ္ဌိဂတိကာနံ တထာရူပစေတောသမာဓိသမဓိဂမ-  
တော ပုဗ္ဗကာလေ “အန္တဝါ န ခေါ အယံ လောကော, ဥဒါဟု အနန္တဝါ”တိ  
ဥဘယာကာရာဝလမ္ဘိနော ဝိတက္ကဿ ဝသေန နိရုဇ္ဈော အန္တနန္တကဘာဝေါ  
ပစ္စာ ဝိသေသလာဘေန တေသု အန္တနန္တဝါဒေသု ဧကဿေဝ ဝါဒဿ  
သင်္ဂဟေ ဥပ္ပန္နေပိ ပုရိမသိဒ္ဓရုဋ္ဌိယာ ဝေါဟာရိယတိ ယထာ “သဗ္ဗေ သတ္တာ  
မရဏဓမ္မာ”တိအာဒီသု<sup>၁</sup> အရဟတိ သတ္တပရိယာယော, ယထာ စ ဘဝန္တရ-  
ဂတေပိ မဏ္ဍုကာဒိဝေါဟာရေတိ။

၅၄-၆၀။ ပဋိဘာဂနိမိတ္တဝေဒနာယ ဟေဋ္ဌာ, ဥပရိ, တိရိယဉ္စ စက္ကဝါဠပရိ-  
ယန္တဂတာဂတဝသေန အန္တနန္တဘာဝေါတိ ဒဿေတုံ “ပဋိဘာဂနိမိတ္တ”န္တိ-  
အာဒိဝုတ္တံ။ တန္တိ ပဋိဘာဂနိမိတ္တံ။ ဥဒ္ဓမဓော အဝဇေတွာ တိရိယံ ဝဇေတွာတိ  
တ္ထောပိ “စက္ကဝါဠပရိယန္တ ကတွာ”တိ အဓိကာရဝသေန ယောဇေတဗ္ဗံ။  
ဝုတ္တနယေနာတိ “တက္ကယတိတိ တက္ကိ”တိအာဒိနာ<sup>၂</sup> သဒ္ဓတော, “စတုဗ္ဗိဓော  
တက္ကိ”တိအာဒိနာ<sup>၃</sup> အတ္ထတော စ သဿတဝါဒေ ဝုတ္တနယေန။ ဒိဋ္ဌ-  
ပုဗ္ဗာနုသာရေနာတိ ဒဿနဘူတေန ဝိညာဏေန ဥပလဒ္ဓပုဗ္ဗဿ အန္တ-  
ဝန္တာဒိနော အနုဿရဏေန၊ ဧဝေ ကတွာ အနုဿတိတက္ကိသုဒ္ဓတက္ကိနမ္ပိ  
ဣဓ သင်္ဂဟော သိဒ္ဓေါ ဟောတိ။ အထ ဝါ ဒိဋ္ဌဂ္ဂဟဏေနော “နစ္စဂီတ-  
ဝါဒိတဝိညာကဒဿနာ”တိအာဒီသု<sup>၄</sup> ဝိယ သုတာဒိနမ္ပိ ဂဟိတဘာဝေါ  
ဝေဒိတဗ္ဗော။ “အန္တဝါ”တိအာဒိနာ ဣစ္ဆိတဿ အတ္တနော သဗ္ဗဒါဘာဝ-  
ပရာမသနဝသေနော ဣမေသံ ဝါဒါနံ ပဝတ္တနတော သဿတဒိဋ္ဌိသင်္ဂဟော  
ဒဋ္ဌဗ္ဗော။ တထာ ဟိ ဝက္ခတိ “သတ္တေဝ ဥစ္ဆေဒဒိဋ္ဌိယော၊ သေသာ သဿ-  
တဒိဋ္ဌိယော”တိ<sup>၅</sup>။

၁-သံ ၁-၉၈-ပိဋေ။

၃-ဒိ-ဋ္ဌ ၁-၉၉-ပိဋေ။

၂-ဒိ-ဋ္ဌ ၁-၉၈-ပိဋေ။

၄-ဒိ ၁-၅၊ ၆၀-ပိဋေသု။

၅-ဒိ-ဋ္ဌ ၁-၁၁၂-ပိဋေ။

အမရာဝိက္ခေပဝါဒဝဏ္ဏနာ

၆၁။ န မရတိတိ “ဝေမေဝါ”တိ သန္တိဋ္ဌာနာဘာဝေန န ဥပစ္စိဇ္ဇတိ၊ အနေကန္တိကာယေဝ ဟောတိတိ ဝုတ္တံ ဟောတိ။ ပရိယန္တရဟိတာတိ ဩသာန-  
 ဝိဂတာ၊ အနိဋ္ဌာဂ်တာတိ အတ္ထော။ ဝိဝိဇောတိ “ဝေမ္ပိ မေ နော”တိအာဒိနာ  
 နာနပ္ပကာရော။ ခေပေါတိ သကဝါဒေန ပရဝါဒါနံ ဒိပနံ။ ကော ပနေသော  
 အမရာဝိက္ခေပေါတိ? တထာပဝတ္ထော ဒိဋ္ဌိပ္ပဓာနော တာဒိသာယ ဝါစာယ  
 သမုဋ္ဌာပကော စိတ္တုပ္ပါဒေါယေဝ။ အမရာယ ဒိဋ္ဌိယာ၊ ဝါစာယ စ ဝိက္ခိပန္တိ၊  
 ဝိဝိဓမပနေန္တိတိ ဝါ အမရာဝိက္ခေပိနော၊ တေယေဝ “အမရာဝိက္ခေပိကာ”တိပိ  
 ယုဇ္ဇတိ။ “မစ္ဆဇာတိ”စွေဝ အဝတွာ “ကော”တိ ဝဒန္တော မစ္ဆဇာတိဝိသေသော  
 ဧသောတိ ဒသေတိ။ ဣတော ဝိတော စ သန္တာဝတိ ကေသျှိ သဘာဝေ အနဝ-  
 ဋ္ဌာနတော။ ယထာ ဂါဟံ န ဥပဂစ္ဆတိ၊ တထာ သန္တာဝနတော၊ ဧတေန  
 အမရာယ ဝိက္ခေပေါ တထာ၊ သော ဝိယာတိ အမရာဝိက္ခေပေါတိ အတ္ထမာဟ  
 “သာ ဥဗ္ဗုဇ္ဇနနိမုဇ္ဇနာဒိဝသေနာ”တိအာဒိနာ ဝိက္ခေပပဒတ္ထေန ဥပမိတတ္တာ။  
 အယမေဝ ဟိ အတ္ထော အာစရိယသာရိပုတ္တတ္ထေရေနာပိ သာရတ္ထဒီပနိယံ  
 ဝုတ္ထော။ အမရာ ဝိယ ဝိက္ခေပေါ အမရာဝိက္ခေပေါတိ ကေစိ။ အထ ဝါ အမရာ  
 ဝိယ ဝိက္ခိပန္တိတိ အမရာဝိက္ခေပိနော၊ တေယေဝ အမရာဝိက္ခေပိကာ။

၆၂။ ဝိက္ခေပဝါဒိနော ဥတ္တရိမနုဿဓမ္မေ၊ အဗျာကတဓမ္မေ စ၂ သဘာဝ-  
 ဘေဒဝသေန ပဋိဝိဇ္ဈိတုံ ဉာဏံ နတ္ထိတိ ကုသလာကုသလပဒါနံ ကုသလာ-  
 ကုသလကမ္မပယဝသေနဝ အတ္ထော ဝုတ္ထော။ ဝိသုဘော ဝိဟေသာ ကာယိ-  
 ကဒုက္ခံ “ဝိပ္ပဋိသာရုပ္ပတ္တိယာ”တိ ဒေါမနဿဿ ဟေတုဘာဝေန ဝစနတော၊  
 တေနာဟ “ဒုက္ခံ အဝေယျာ”တိ။ မုသာဝါဒေတိ နိမိတ္တေ ဘုမ္မဝစနံ၊  
 နိဿက္ကတ္ထေ ဝါ။ မုသာဝါဒဟေတု၊ မုသာဝါဒတော ဝါ ဩတ္တပ္ပေန စေဝ  
 ဟိရိယာ စာတိ အတ္ထော။ ကိဒိသံ အမရာဝိက္ခေပမာပဇ္ဇတိတိ အာဟ “အပရိ-  
 ယန္တဝိက္ခေပ”န္တိ၊ တေန အမရာသဒိသဝိက္ခေပသင်္ခါတံ ဒုတိယနယံ နိဝတ္ထေတိ။  
 ယထာဝုတ္ထေ ဟိ နယဒ္ဓယေ ပဌမနယဝသေနာယမတ္ထော ဒဿိတော၊  
 ဒုတိယနယဝသေန ပန အမရာသဒိသဝိက္ခေပံ ဒသေတုံ “ဣဒံ ကုသလန္တိ  
 ပုဋ္ဌော”တိအာဒိဝစနံ ဝက္ခတိ။

“ဝေန္တိပိ မေ နော”တိ ယံ တယာ ပုဋ္ဌံ၊ တံ ဝေန္တိပိ မေ လဒ္ဓိ နော ဟောတိတိ  
 အတ္ထော။ ဧဝံ သဗ္ဗတ္ထ ယထာရဟံ။ အနိယမိတဝိက္ခေပေါတိ သဿတာဒိသု

ကေသိမ္ပိ ပကာရေ အဋ္ဌတွာ ဝိက္ခေပကရဏံ၊ ပရဝါဒိနာ ယသ္မိံ ကိသ္မိန္တိ ပကာရေ ပုစ္ဆိတေ တဿ ပဋိက္ခေပဝိက္ခေပေါတိ ဝုတ္တံ ဟောတိ။ အထ ဝါ အပရိယန္တ-  
ဝိက္ခေပဒဿနံယေဝ အဋ္ဌကထာယံ ကတံ “ဧဝန္တိပိ မေ နောတိ အနိယမိတ-  
ဝိက္ခေပေါ”တိအာဒိနာ၊ “ဣဒံ ကုသလန္တိ ဝါ အကုသလန္တိ ဝါ ပုဋ္ဌော”တိအာ-  
ဒိနာ စ။ “ဧဝန္တိပိ မေ နော”တိအာဒိနာ ဟိ အနိယမေတွာ၊ နိယမေတွာ စ  
သဿတေကစ္စသဿတုစ္ဆေဒတက္ကိဝါဒါနံ ပဋိသေဓနေန တံ တံ ဝါဒံ ပဋိက္ခိ-  
ပတေဝ အပရိယန္တဝိက္ခေပဝါဒတ္တာ။ “အမရာဝိက္ခေပိနော”တိ ဒဿေတွာ  
အတ္တနာ ပန အနဝဋ္ဌိတဝါဒတ္တာ န ကိသ္မိန္တိ ပက္ခေ အဝတိဋ္ဌတိတိ ဣမမတ္ထံ  
ဒဿေတုံ “သယံ ပန ဣဒံ။ ပ။ န ဗျာကရေတိ”တိ အာဟ။ ဣဒါနိ ကုသလာဒိနံ  
အဗျာကရဏေန တဒေဝ အနဝဋ္ဌာနံ ဝိဘာဝေတိ “ဣဒံ ကုသလန္တိ ပုဋ္ဌော”တိ-  
အာဒိနာ။ တေနေဝါဟ “ကေသိမ္ပိ ပက္ခေ န တိဋ္ဌတိ”တိ။ ‘ကိ’ နော နောတိ  
တေ လန္တိတိ နေဝ န ဟောတိတိ တဝ လန္တိ ဟောတိ ကိန္တိ အတ္ထော။ နော  
နောတိပိ မေ နောတိ နေဝ န ဟောတိတိပိ မေ လန္တိ နော ဟောတိ။

၆၃။ အတ္တနော ပဏ္ဍိတဘာဝဝိသယာနဉ္စေဝ ရာဂါဒိနံ ဝသေန ယောဇနံ  
ကာတုံ “အဇာနန္တောပိ”တိအာဒိမာဟ။ သဟဿာတိ အနုပဓာရေတွာ  
ဝေဂေန။ အဗြမုခါတိ ပဏ္ဍိတာနံ သမုဒါစိဏ္ဏမာလပနံ၊ သုန္ဒရမုခါတိ အတ္ထော။  
တတ္တာတိ တသ္မိံ ဗျာကရဏေ၊ နိမိတ္တေ စေတံ ဘုမ္မံ။ ဆန္ဒရာဂပဒါနံ သမာ-  
နတ္တဘာဝေပိ ဝိကပ္ပနဇောတကေန ဝါ-သဒ္ဓေန ယောဂျတ္တာ ဂေါဗလီဗဒ္ဓါဒိ-  
နယေန ဘိန္တုတောဝ ယုတ္တာတိ အာဟ “ဆန္ဒော ဒုပ္ပလရာဂေါ၊ ရာဂေါ  
ဗလဝရာဂေါ”တိ။ ဒေါသပဋိဗေသုပိ ဧသေဝ နယော။ ဧတ္တကမ္ပိ နာမာတိ  
တ္ထေ အဝိ-သဒ္ဓေါ သမ္ပိဏ္ဏနေ ဝတ္တတိ၊ နာမ-သဒ္ဓေါ ဂရဟာယံ။ န ကေဝလံ  
ဣတော ဥတ္တရိတရမေဝ၊ အထ ခေါ ဧတ္တကမ္ပိ န ဇာနာမိ နာမ၊ ပဂေဝ  
တဒုတ္တရိဇာနနေတိ အတ္ထော။ ပရေဟိ ကတသက္ကာရသမာနဝိသယာနံ ပန  
ရာဂါဒိနံ ဝသေန အယံ ယောဇနာ—ကုသလာကုသလံ ယထာဘူတံ အပဇာ-  
နန္တောပိ ယေသမဟံ သမဝါယေန ကုသလမေဝ “ကုသလ”န္တိ၊ အကုသလမေဝ  
“အကုသလ”န္တိ စ ဗျာကရေယျံ၊ တေသု တထာဗျာကရဏဟေတု “အဟောဝတ  
ရေ ပဏ္ဍိတော”တိ သက္ကာရသမ္မာနံ ကရောန္တေသု မမ ဆန္ဒော ဝါရာဂေါ ဝါ  
အဿာတိ။ ဒေါသပဋိဗေသုပိ ဝုတ္တဝိပရိယာယေန ယောဇေတဗ္ဗံ။ “တံ မမဿ  
ဥပါဒါနံ၊ သော မမဿ ဝိသာတော”တိ ဣဒံ အဘိဓမ္မနယေန ယထာလာဘ-  
ဝစနံ ယထာသမ္ဘဝံ ယောဇေတဗ္ဗန္တိ အာဟ “ဆန္ဒရာဂဒွယ”န္တိအာဒိ။

တဏှာဒိဋ္ဌိယော ဧဝံ ဟိ “ဥပါဒါန” နှိ အဘိဓမ္မေ ဝုတ္တာ။ ဣဒါနိ သုတ္တန္တနယေန အဝိသေသယောဇနံ ဒဿေတိ “ဥဘယဗ္ဗိ ဝါ” တိ အာဒိနာ။ သုတ္တန္တေ ဟိ ဒေါသောပိ “ဥပါဒါန” နှိ ဝုတ္တော “ကောရပါဒါနဝိနိဗန္ဓာ ဝိသဘတံ အာပဇ္ဇန္တိ” တိ အာဒိသု။ “ဥဘယဗ္ဗိ” တိ စ အတ္ထတော ဝုတ္တံ၊ န သဒ္ဓတော စတုန္တမ္ပိ သဒ္ဓါနမတ္ထဒ္ဓယဝါစကတ္တာ။ ဒဠ္ဋဂ္ဂဟဏန္တိ အမုဉ္ဇနဂ္ဂဟဏံ။ ပဋိသောပိ ဟိ အာရမ္မဏံ န မုဉ္ဇတိ ဥပနာဟာဒိဝသေန ပဝတ္တနတော၊ လောဘဿေဝ ဥပါဒါနဘာဝေန ပါကဋတ္တာ ဒေါသဿာပိ ဥပါဒါနဘာဝံ ဒဿေတုံ ဣဒံ ဝုတ္တံ။ ဝိဟနနံ ဝိဟိံသနံ ဝိဗာဓနံ။ ရာဂေါပိ ဟိ ပရိဠာဟဝသေန သာရဒ္ဓဝုတ္တိတာယ နိဿယံ ဝိဟနတိ။ “ရာဂေါ ဟိ” တိ အာဒိနာ ရာဂဒေါသာနံ ဥပါဒါနဘာဝေ ဝိသေသဒဿနမုခေန တဒတ္ထသမတ္တနံ။ ဝိနာသေတုကာမတာယ အာရမ္မဏံ ဂဏှာတိတိ သမ္ပန္နော။ ဣတိတိ တသ္မာ ဂဟဏဝိဟနနတော။

၆၄။ ပဉ္စတိ သဘာဝဓမ္မေ ဇာနာတိ၊ ယထာသဘာဝံ ဝါ ဂစ္ဆတိတိ ပဏှာ။ သာ ယေသံ တေ ပဏှိတာတိ အတ္ထံ ဒဿေတိ “ပဏှိစ္စေနာ” တိ အာဒိနာ။ ပဏှိတဿ ဘာဝေါ ပဏှိစ္စံ၊ ပညာ။ ယေန ဟိ ဓမ္မေန ပဝတ္တိနိမိတ္တဘူတေန ယုတ္တော “ပဏှိတော” တိ ဝုဇ္ဇတိ၊ သောယေဝ ဓမ္မော ပဏှိစ္စံ။ တေန သုတစိန္တာမယပညာ ဝုတ္တာ တာသမေဝ ဝိသယဘာဝတော။ သမာပတ္တိလဘိနော ဟိ ဘာဝနာမယပညာ။ “နိပုဏာ” တိ ဣမိနာ ပန ကမ္မနိဗ္ဗတ္တံ ပဋိသန္ဓိပညာသင်္ခါတံ သဘာဝိကဉာဏံ ဝုတ္တန္တိ အာဟ “သဏှသုဗုဒ္ဓိဇနာ” တိ။ အတ္တန္တရန္တိ အတ္တနာနတ္တံ၊ အတ္ထမေဝ ဝါ။ “ဝိညာတပရပ္ပဝါဒါ” တိ ဧတေန ကတ-သဒ္ဓဿ ကိရိယာသာမညဝါစကတ္တာ “ကတဝိဇ္ဇော” တိ အာဒိသု ဝိယ ကတ-သဒ္ဓေါ ဉာဏာနုယုတ္တတံ ဝဒတိတိ ဒဿေတိ။ “ကတဝါဒပရိဇယာ” တိ ဧတေန ပန “ကတသိပ္ပေါ” တိ အာဒိသု ဝိယ သမုဒါစိဏ္ဏဝါဒတံ။ ဥဘိန္ဒမန္တရာ ပန သမုစ္စယဒ္ဓယေန သာမညနိဒ္ဒေသံ၊ ဧကသေသံ ဝါတိ ဒဠ္ဋဗ္ဗံ။ ဝါလဝေဓိနံ ရူပံ သဘာဝေါ ဝိယ ရူပမေတေသန္တိ ဝါလဝေဓိရူပါတိ အာဟ “ဝါလဝေဓိနနုဂ္ဂဟသဒိသာ” တိ။ သတဓာ ဘိန္ဓဿ ဝါလဂ္ဂဿ အံသုကောဠိဝေဓကနုဂ္ဂဟသဒိသာတိ အတ္တော။ တာဒိသောယေဝ ဟိ “ဝါလဝေဓိ” တိ အဓိပ္ပေတော။ မညေ-သဒ္ဓေါ ဥပမာဇောတကောတိ ဝုတ္တံ “ဘိန္ဒန္တာ ဝိယာ” တိ။ ပညာဂတေနာတိ ပညာပဘေဒေန၊ ပညာယ ဧဝံ ဝါ။ သမနယုဉ္ဇနာ လဒ္ဓိယာ ပုစ္ဆာ။ သမနဂါဟနာ တံကာရဏဿာတိ ဒဿေတိ “ဏိကုသလ” နှိ အာဒိနာ။ သမနဘာသနာပိ ဩဝါဒဝသေန သမနယုဉ္ဇနာယေဝါတိ

အာဟ “သမနုယုဇ္ဇယျ” နှိ။ “န သမ္ပာယေယျ” နှိ ဧတ္ထ ဒ-ကာရဿ ယ-ကာရာဒေသတံ၊ ယေ-သဒ္ဓဿ စ သာမတ္ထိယတ္ထတံ ဒဿေတုံ “န သမ္ပာဒေ-ယျ” နှိအာဒိ ဝုတ္တံ။

၆၅-၆၆။ မန္ဒာ အတိက္ခာ ပညာ ယဿာတိ မန္တပညော၊ တေနာဟ “အပညဿေဝေတံ နာမ” နှိ။ “မောဟမူဟော” တိ ဝတ္ထဗ္ဗေဟ-ကာရလောပေန “မောမူဟော” တိ ဝုတ္တံ၊ တဉ္စ အတိသယတ္ထဒီပကံ ပရိယာယဒ္ဓယဿ အတိ-ရေကတ္ထဘာဝတောတိ ယထာ “ပဒဋ္ဌာန” နှိ ဝုတ္တံ “အတိသမ္ပူဇ္ဇော” တိ။ သိဒ္ဓေ ဟိ သတိ ပုနာရဗ္ဗော နိယမာယ ဝါဟောတိ၊ အတ္တန္တရဝိညာပနာယ ဝါ။ ယထာ ပုဗ္ဗေ ကမ္မုနာ အာဂတော၊ တထာ ဣဓာပီတိ တထာဂတော၊ သတ္တော။ ဧတ္ထ စ ကာမံ ပုရိမာနမ္ပိ တိဏ္ဍံ ကုသလာဒိဓမ္မသဘာဝါနဝဗောဓတော အတ္ထေဝ မန္တ-ဘာဝေါ၊ တေသံ ပန အတ္တနော ကုသလာဒိဓမ္မာနဝဗောဓဿ အဝဗောဓ-နတော ဝိသေသော အတ္ထိတိ။ ပစ္ဆိမောယေဝ တဒဘာဝတော မန္တမောမူဟ-ဘာဝေန ဝုတ္တော။ နန စ ပစ္ဆိမဿာပိ အတ္တနော ဓမ္မာနဝဗောဓဿ အဝဗောဓော အတ္ထိယေဝ “အတ္ထိ ပရော လောကော” တိ ဣတိ စေ မေ အဿ၊ ‘အတ္ထိ ပရော လောကော’ တိ ဣတိ တေ နံ ဗျာကရေယျ၊ ဧဝန္တိပိ မေ နော” တိ-အာဒိဝစနတောတိ? ကိဉ္စာပိ အတ္ထိ၊ န ပန တဿ ပုရိမာနံ ဝိယ အပရိညာတဓမ္မ-ဗျာကရဏနိမိတ္တမုသာဝါဒါဒိဘာယနဇိရုစ္ဆနာကာရော အတ္ထိ၊ အထ ခေါ မဟာ-မူဇ္ဇောယေဝါတိ တထာဝေသ ဝုတ္တော။ အထ ဝါ “ဧဝန္တိပိ မေ နော” တိအာဒိနာ ပုစ္ဆာယ ဝိက္ခေပကရဏတ္ထံ “အတ္ထိ ပရော လောကော” တိ ဣတိ စေ မံ ပုစ္ဆသီတိ ပုစ္ဆာဌပနမေဝ တေန ဒဿိယတိ၊ န အတ္တနော ဓမ္မာနဝဗောဓာဝဗောဓောတိ အယမေဝ ဝိသေသေန “မန္တော မောမူဟော” တိ ဝုတ္တော။ တေနော ဟိ တထာဝါဒီနံ သဉ္စယံ ဗေလဋ္ဌပုတ္တံ အာရဗ္ဗ “အယဉ္စ ဣမေသံ သမဏဗြာဟ္မဏာနံ သဗ္ဗဗာလော သဗ္ဗမူဇ္ဇော” တိ ဝုတ္တံ။ တတ္ထ “အတ္ထိ ပရော လောကော” တိ သဿတဒဿနဝသေန၊ သမ္ပာဒိဋ္ဌိဝသေန ဝါ ပုစ္ဆာ။ ယဒိ ဟိ ဒိဋ္ဌိဂတိကော သဿတဒဿနဝသေန ပုစ္ဆေယျ၊ ယဒိ စ သမ္ပာဒိဋ္ဌိကော သမ္ပာဒဿန-ဝသေနာတိ ဒွိဓာပိ အတ္တော ဝဇ္ဇတိ။ “နတ္ထိ ပရော လောကော” တိ နတ္ထိက-ဒဿနဝသေန၊ သမ္ပာဒိဋ္ဌိဝသေန ဝါ၊ “အတ္ထိ စ နတ္ထိ စ ပရော လောကော” တိ ဥစ္ဆေဒဒဿနဝသေန၊ သမ္ပာဒိဋ္ဌိဝသေန ဝါ၊ “နေဝတ္ထိ န နတ္ထိ ပရော လော-ကော” တိ ဝုတ္တပကာရတ္တယပဋိက္ခေပေ သတိ ပကာရန္တရဿ အသမ္ဘဝတော အတ္ထိတာနတ္ထိတာဟိ နဝတ္တဗ္ဗာကာရော ပရော လောကောတိ ဝိက္ခေပညေဝ

ပုရက္ခာရေန၊ သမ္မာဒိဋ္ဌိဝသေန ဝါ ပုစ္ဆာ။ သေသစတုက္ကတ္တယေပိ ဝုတ္တနယာ-  
နသာရေန အတ္ထော ဝေဒိတဗ္ဗော။ ပုညသင်္ခါရတ္ထိကော ဝိယ ဟိ ကာယသင်္ခါ-  
ရတ္ထိကေန ပုရိမစတုက္ကသင်္ဂဟိတော ဧဝ အတ္ထော သေသစတုက္ကတ္တယေန  
သတ္တပရာမာသပုညာဒိသဖလတာစောဒနာနယေန သင်္ဂဟိတော။ ဧတ္ထ ဟိ  
တတိယစတုက္ကေန ပုညာဒိကမ္မသဖလတာယ၊ သေသစတုက္ကတ္တယေန စ  
သတ္တပရာမာသတာယ စောဒနာနယော ဝုတ္တောတိ ဒဋ္ဌဗ္ဗံ။

အမရာဝိက္ခေပိကော ပန သဿတာဒိနံ အတ္တနော အရစ္စနတာယ သဗ္ဗတ္ထ  
“ဧဝန္တိပိ မေ နော”တိအာဒိနာ ဝိက္ခေပညေဝ ကရေတိ။ တတ္ထ “ဧဝန္တိပိ  
မေ နော”တိအာဒိ တတ္ထ တတ္ထ ပုစ္ဆိတာကာရပဋိသေဓနဝသေန ဝိက္ခေ-  
ပါကာရဒဿနံ။ ကဿာ ပန ဝိက္ခေပဝါဒိနော ပဋိက္ခေပေါဝ သဗ္ဗတ္ထ  
ဝုတ္တော။ နန ဝိက္ခေပပက္ခဿ “ဧဝမေဝ”န္တိ အနုဇာနနမ္ပိ ဝိက္ခေပပက္ခေ  
အဝဋ္ဌာနတော ယုတ္တရူပံ သိယာတိ? န,တတ္ထာပိ တဿ သမ္မုဇ္ဇတ္တာ, ပဋိက္ခေပ-  
ဝသေဓနဝ စ ဝိက္ခေပဝါဒဿ ပဝတ္တနတော။ တထာ ဟိ သဉ္စယော  
ဗေလဋ္ဌပုတ္တော ရညာ အဇာတသတ္တုနာ သန္တိဋ္ဌိကံ သာမညဖလံ ပုဋ္ဌော  
ပရလောကတ္ထိတာဒိနံ ပဋိသေဓနမုခေဓနဝ ဝိက္ခေပံ ဗျာကာသိ။

တ္ထောဟ— နန စာယံ သဗ္ဗောပိ အမရာဝိက္ခေပိကော ကုသလာဒယော  
ဓမ္မေ, ပရလောကတ္ထိတာဒိနိ စ ယထာဘူတံ အနဝဗုဇ္ဈမာနော တတ္ထ တတ္ထ ပဉ္စ  
ပုဋ္ဌော ပုစ္ဆာယ ဝိက္ခေပနမတ္တံ အာပဇ္ဇတိ။ အထ တဿ ကထံ ဒိဋ္ဌိဂတိက-  
ဘာဝေါ သိယာ။ န ဟိ အဝတ္တုကာမဿ ဝိယ ပုစ္ဆိတတ္ထမဇာနန္တဿ ဝိက္ခေပ-  
ကရဏမတ္တေန ဒိဋ္ဌိဂတိကတာ ယုတ္တာတိ? ဝုစ္စတေ— န ဟေဝ ခေါ ပုစ္ဆာယ  
ဝိက္ခေပကရဏမတ္တေန တဿ ဒိဋ္ဌိဂတိကတာ၊ အထ ခေါ မိစ္ဆာဘိနိဝေသ-  
ဝသေန။ သဿတာဘိနိဝေသဝသေန ဟိ မိစ္ဆာဘိနိဝိဋ္ဌောယေဝ ပုဂ္ဂလော  
မန္တဗုဒ္ဓိတာယ ကုသလာဒိဓမ္မေ, ပရလောကတ္ထိတာဒိနိ စ ယာထာဝတော  
အပ္ပဋိဗုဇ္ဈမာနော အတ္တနာ အဝိညာတဿ အတ္တဿ ပရံ ဝိညာပေတုမသက္ကု-  
ဏေယျတာယ မုသာဝါဒဘယေန စ ဝိက္ခေပမာပဇ္ဇတိတိ။ တထာ ဟိ ဝက္ခတိ  
“ယာသံ သတ္တေဝ ဥစ္ဆေဒဒိဋ္ဌိယော၊ သေသာ သဿတဒိဋ္ဌိယော”တိ။ အထ ဝါ  
ပုညပါပါနံ, တဗ္ဗိပါကာနဉ္စ အနဝဗောဓေန, အသဒ္ဓဟနေန စ တဗ္ဗိသယာယ  
ပုစ္ဆာယ ဝိက္ခေပကရဏမေဝ သုန္ဒရန္တိ ခန္တိ ရုစိ ဥပ္ပါဒေတွာ အဘိနိဝိသန္တဿ  
ဥပ္ပန္နာ ဝိသုယေဝေသာ ကော ဒိဋ္ဌိ သတ္တဘင်္ဂဒိဋ္ဌိ ဝိယာတိ ဒဋ္ဌဗ္ဗံ။ တထာ စ

ဝုတ္တံ “ပရိယန္တရဟိတာ ဒိဋ္ဌိဂတိကဿ ဒိဋ္ဌိ စေဝ ဝါစာ စာ”တိ။ ယံ ပနေတံ ဝုတ္တံ “ဣမေဝိ စတ္တာရော ပုဗ္ဗေ ပဝတ္တဓမ္မာနုဿာရေနော ဒိဋ္ဌိယာ ဂဟိတတ္တာ ပုဗ္ဗန္တကပ္ပိကေသု ပဝိဋ္ဌာ”တိ။ တဒေတဿ အမရာဝိက္ခေပဝါဒဿ သဿတဒိဋ္ဌိသင်္ဂဟဝသေနော ဝုတ္တံ။ ကထံ ပနဿ သဿတဒိဋ္ဌိသင်္ဂဟောတိ? ဥစ္ဆေဒဝသေန အနဘိနိဝေသနတော။ နတ္ထိ ဟိ ကောစိ ဓမ္မာနံ ယထာဘူတဝေဒိ ဝိဝါဒဗဟုလတ္တာ လောကဿ။ “ဝေမေဝ”န္တိ ပန သဒ္ဓန္တရေန ဓမ္မနိဇ္ဈာနနာ အနာဒိကာလိကာ လောကေ၊ တဿ သဿတလေသဿ ဧတ္ထ လဗ္ဘနတော သဿတဒိဋ္ဌိယာ ဧတဿ သင်္ဂဟော ဒဋ္ဌဗ္ဗော။

### အဓိစ္စသမုပ္ပန္နဝါဒဝဏ္ဏနာ

၆၇။ အဓိစ္စ ယဒိစ္ဆကံ ယံ ကိဉ္စိ ကာရဏံ ကဿစိ ဗုဒ္ဓိပုဗ္ဗံ ဝိနာ သမုပ္ပန္နောတိ အတ္တလောကသညိတာနံ ခန္ဓာနံ အဓိတ္ထုပ္ပတ္တိအာကာရာရမ္ပဏဒဿနံ အဓိစ္စသမုပ္ပန္နံ တဒါကာရသန္ဓိဿယေနော ပဝတ္တိတော၊ တဒါကာရသဟစရိတတော စ ယထာ “မဉ္ဇာ ဘောသန္တိ၊ ကုန္တာ ပစရန္တိ”တိ။ အဓိစ္စသမုပ္ပန္နဒဿနံ ဝါ အန္တပဒလောပေန အဓိစ္စသမုပ္ပန္နံ ယထာ “ရူပဘဝေါ ရူပ”န္တိ၊ ဣမမတ္ထံ သန္ဓာယ “အဓိစ္စသမုပ္ပန္နော”တိအာဒိ ဝုတ္တံ။ အကာရဏသမုပ္ပန္နန္တိ ကာရဏမန္တရေန ယဒိစ္ဆကံ သမုပ္ပန္နံ။

၆၈-၇၃။ အသညသတ္တာတိ ဧတ္ထ ဧတံ အသညာဝစနန္တိ အတ္ထော။ ဒေသနာသိသန္တိ ဒေသနာယ ဇေဋ္ဌကံ ပဓာနဘာဝေန ဂဟိတတ္တာ၊ တေန သညံ ဓုရံ ကတွာ ဘဂဝတာ အယံ ဒေသနာ ကတာ၊ န ပန တတ္ထ အညေသံ အရူပဓမ္မာနမ္ပိ အတ္ထိတာယာတိ ဒေသေတိ၊ တေနောဟိ “အဓိတ္ထုပ္ပါဒါ”တိအာဒိ။ ဘဂဝါ ဟိ ယထာ လောကုတ္တရဓမ္မံ ဒေသေန္တော သမာမိ၊ ပညံ ဝါ ဓုရံ ကတွာ ဒေသေတိ၊ ဧဝံ လောကီယဓမ္မံ ဒေသေန္တော စိတ္တံ၊ သညံ ဝါ။ တတ္ထ “ယသ္မိ” သမယေ လောကုတ္တရံ ဈာနံ ဘာဝေတိ၊ ပဉ္စဂီကော သမ္မာသမာမိ၊ ပဉ္စညဏိကော သမ္မာသမာမိ၊ ပညာယ စဿ ဒိသွာ အာသဝါ ပရိက္ခိဏာ ဟောန္တိ”တိ၊ တထာ “ယသ္မိ” သမယေ ကာမာဝစရံ ကုသလံ စိတ္တံ ဥပ္ပန္နဟောတိ၊ ကိံ စိတ္တော တံ ဘိက္ခု၊ မနောပုဗ္ဗင်္ဂမာ ဓမ္မာ၊ သန္တိ ဘိက္ခဝေ

၁-ဒိ-၄ ၁-၁၀၆-ပိဋ္ဌေ။

၃-ဒိ ၃-၂၃၂-ပိဋ္ဌေ။

၅-မ ၁-၂၁၅-ပိဋ္ဌေ။

၇-ဝိ ၁-၇၅-၁၀၁-ပိဋ္ဌေသု။

၂-အဘိ ၁-၇၂-ပိဋ္ဌေ။

၄-ဒိ ၃-၂၃၄၊ အဘိ ၂-၃၄၇-ပိဋ္ဌေသု။

၆-အဘိ ၁-၁၇-ပိဋ္ဌေ။

၈-၃ ၁-၁၃၊ ၃ ၁၀-၁၀၇၊ ၂၇၅၊ ၂၇၇-ပိဋ္ဌေသု။

သတ္တာ နာနတ္တကာယာ နာနတ္တသညိနော၊ နေဝသညာနာသညာယတန”န္တိ၊  
 စ ဝေမာဒိနိ သုတ္တာနိ တေဿတ္တဿ သာဓကေနိ။ တိတ္ထံ ဝုစ္စတိ မိစ္ဆာလဒ္ဓိ  
 တတ္ထေဝ ဗာဟုလ္လေန ပရိတ္တမနတော တရန္တိ ဗာလာ ဧတ္တာတိ ကတွာ၊ တဒေဝ  
 အနပ္ပကာနမနတ္တာနံ၊ တိတ္ထိယာနဉ္စ သညာတိဒေသဋ္ဌေန၊ နိဝါသဋ္ဌေန ဝါ  
 အာယတနန္တိ တိတ္ထာယတနံ၊ တသ္မိံ၊ အညတိတ္ထိယသမယေတိ အတ္ထော။  
 တိတ္ထိယာ ဟိ ဥပပတ္တိဝိသေသေ ဝိမုတ္တိသညိနော၊ သညာဝိရာဂါဝိရာဂေသု  
 အာဒိနဝါနိသံသဒဿာဝိနော စ ဟုတွာ အသညသမာပတ္တိံ နိဗ္ဗတ္တေတွာ  
 အက္ခဏဘူမိယံ ဥပပဇ္ဇန္တိ၊ န သာသနိကာ၊ တေန ဝုတ္တံ “**ဧကစ္စော တိတ္ထာ-  
 ယတနေ ပဗ္ဗဇိတွာ**”တိ။ ဝါယောကသိဏေ ပရိကမ္ပံ ကတွာတိ စတုတ္ထေ  
 ဘူတကသိဏေ ပဌမာဒိနိ တိဏိ ဈာနာနိ နိဗ္ဗတ္တေတွာ တတိယဇ္ဈာနေ စိဏ္ဍဝသီ  
 ဟုတွာ တတော ဝုဋ္ဌာယ စတုတ္ထဇ္ဈာနာဓိဂမာယ ပရိကမ္ပံ ကတွာ၊ တေနေဝါဟ  
 “**စတုတ္ထဇ္ဈာနံ နိဗ္ဗတ္တေတွာ**”တိ။

ကသ္မာ ပနေတ္ထ ဝါယောကသိဏေယေဝ ပရိကမ္ပံ ဝုတ္တန္တိ? ဝုစ္စတေ—  
 ယထေဝ ဟိ ရူပပဋိဘာဂဘူတေသု ကသိဏဝိသေသေသု ရူပဝိဘာဝနေန ရူပ-  
 ဝိရာဂဘာဝနာသင်္ခါတော အရူပသမာပတ္တိဝိသေသော သဒ္ဓိကရိယတိ၊ ဧဝံ  
 အပရိဗျတ္တဝိဂ္ဂဟတာယ အရူပပဋိဘာဂဘူတေ ကသိဏဝိသေသေ အရူပ-  
 ဝိဘာဝနေန အရူပဝိရာဂဘာဝနာသင်္ခါတော ရူပသမာပတ္တိဝိသေသော အဓိဂမိ-  
 ယတိ၊ တသ္မာ ဧတ္ထ “သညာ ရောဂေါ သညာ ဂဏှော”တိအာဒိနာ၊ “မိမိတ္တံ၊  
 မိဗ္ဗတေ တံ စိတ္တ”န္တိအာဒိနာ၊ စ နယေန အရူပပဝတ္တိယာ အာဒိနဝဒဿနေန၊  
 တဒဘာဝေ စ သန္တပဏီတဘာဝသန္တိဋ္ဌာနေန ရူပသမာပတ္တိယာ အဘိသင်္ခရဏံ၊  
 ရူပဝိရာဂဘာဝနာ ပန သဒ္ဓိံ ဥပစာရေန အရူပသမာပတ္တိယော ဝိသေသေန  
 ပဌမာရူပဇ္ဈာနံ။ ယဒိ ဧဝံ “ပရိစ္ဆိန္နာကာသကသိဏေဝိ”တိ ဝတ္တဗ္ဗံ။ တဿာပိ  
 ဟိ အရူပပဋိဘာဂတာ လတ္တတိတိ? ဝတ္တဗ္ဗမေဝေတံ ကေသဉ္စိ၊ အဝစနံ ပန  
 ပုဗ္ဗာစရိယေဟိ အဂ္ဂဟိတဘာဝေန။ ယထာ ဟိ ရူပဝိရာဂဘာဝနာ ဝိရဇ္ဇနီယ-  
 ဓမ္မဘာဝမတ္ထေ ပရိနိဗ္ဗန္တာ ဝိရဇ္ဇနီယဓမ္မပဋိဘာဂဘူတေ စ ဝိသယဝိသေသေ  
 ပါတုဘဝတိ၊ ဧဝံ အရူပဝိရာဂဘာဝနာပီတိ ဝုစ္စမာနေ န ကောစိ ဝိရောဓော။  
 တိတ္ထိယေဟေဝ ပန တဿာ သမာပတ္တိယာ ပဋိပဇ္ဇိတဗ္ဗတာယ၊ တေသဉ္စ  
 ဝိသယပဒေသနိမိတ္တဿေဝ တဿ ဈာနဿ ပဋိပတ္တိတော တံ ကာရဏံ

---

၁-ဒီ ၃-၂၀၉၊ ၂၁၀၊ ၂၄၁၊ ၂၅၂၊ အံ ၂-၄၂၇၊ အံ ၃-၂၀၁၊ ၃ ၈-၁၆၇-ပိဋေသု၊  
 ၂-ဒီ ၃-၂၅၂-ပိဋေ၊ ၃-မ ၃-၂၀-ပိဋေ၊  
 ၄-ဒီ-ဒီ ၁-၁၆၇-ပိဋေပိ၊ ၅-ဝိရဇ္ဇနီယဓမ္မဘာဝမတ္ထေန ပရိနိဗ္ဗန္တာ (ဒီ-ဒီ ၁-၁၆၇-ပိဋေ။)

ပဿန္တေဟိ ပုဗ္ဗာစရိယေဟိ စတုတ္ထေယေဝ ဘူတကသိဏေ အရူပဝိရာဂဘာဝ-  
နာပရိကမ္ပံ ဝုတ္တန္တိ ဒဋ္ဌဗ္ဗံ။ ကိဉ္စ ဘိယျော—ဝဏ္ဏကသိဏေသု ဝိယ ပုရိမဘူတ-  
ကသိဏတ္တယေဝိ ဝဏ္ဏပဋိစ္ဆာယာဝ ပဏ္ဏတ္တိအာရမ္မဏံ ဈာနဿ လောကဝေါ-  
ဟာရာနုရောဓေနေဝ ပဝတ္တိတော၊ ဧဝံ ကတွာ **ဝိသုဒ္ဓိမဂ္ဂေ** ပထဝီကသိဏဿ  
အာဒါသစန္ဒမဏ္ဍလူပမာဝစနန္တ သမတ္တိတံ ဟောတိ။ စတုတ္ထေ ပန ဘူတကသိဏေ  
ဘူတပဋိစ္ဆာယာ ဧဝ ဈာနဿ ဂေါစရဘာဝံ ဂစ္ဆတိတိ တဿေဝ အရူပပဋိဘာ-  
ဂတာ ယုတ္တာ၊ တသ္မာ ဝါယောကသိဏေယေဝ ပရိကမ္ပံ ဝုတ္တန္တိ ဝေဒိတဗ္ဗံ။

ကထံ ပဿတိတိ အာဟ “**ဝိတ္တေ သတိ**”တိအာဒိ။ သန္တောတိ နိဗ္ဗုတော၊  
ဒိဋ္ဌဓမ္မနိဗ္ဗာနမေတန္တိ ဝုတ္တံ ဟောတိ။ ကာလံ ကတွာတိ မရဏံ ကတွာ၊  
ယော ဝါ မနုဿလောကေ ဇီဝနကာလော ဥပတ္တုပ္ပကပစ္စယေဟိ ကရိယတိ၊  
တံ ကရိတွာတိပိ အတ္ထော။ အသညသတ္တေသု နိဗ္ဗတ္တတိတိ အသညသတ္တ-  
သင်္ခါတေ သတ္တနိကာယေ ရူပပဋိသန္ဓိဝသေနေဝ ဥပပဇ္ဇတိ၊ အညေသု ဝါ  
စက္ကဝါဠေသု တဿာ ဘူမိယာ အတ္ထိတာယ အနေကဝိဘောဝံ သန္ဓာယ  
ပုထုဝစနနိဒ္ဒေသောတိပိ ဒဋ္ဌဗ္ဗံ။ **ဣဓေဝါ**တိ ပဉ္စဝေါကာရဘဝေယေဝ။ တတ္ထာတိ  
အသညီဘဝေ။ ယဒိ ရူပက္ခန္ဓမတ္တမေဝ အသညီဘဝေ ပါတုဘဝတိ၊ ကထံ  
အရူပသန္ဓိဿယေန ဝိနာ တတ္ထ ရူပံ ပဝတ္တတိတိ၊ နနု သိယာ အရူပသန္ဓိဿိတာ-  
ယေဝ ရူပက္ခန္ဓဿ ဥပ္ပတ္တိ ဣဓေဝ ပဉ္စဝေါကာရဘဝေ တထာ ဥပ္ပတ္တိယာ  
အဒဿနတောတိ? နာယမနုယောဂေါ အညတ္တာပိ အပ္ပဝိဠော၊ ကထံ ပန  
ရူပသန္ဓိဿယေန ဝိနာ အရူပဓာတုယာ အရူပံ ပဝတ္တတိတိ။ ဣဒမ္ပိ ဟိ တေန  
သမာနဇာတိယမေဝ။ ကသ္မာ? ဣဓေဝ အဒဿနတော၊ ကထဉ္စ ကဗဠိကာ-  
ရာဟာရေန ဝိနာ ရူပဓာတုယာ ရူပံ ပဝတ္တတိတိ။ ဣဒမ္ပိ စ တံသဘာဝမေဝ၊  
ကိံ ကာရဏာ? ဣဓ အဒဿနတောယေဝ။ ဣတိ အညတ္တာပိ တထာ ပဝတ္တိ-  
ဒဿနတော၊ ကိမေတေန အညနိဒဿနေန ဣဓေဝ အနုယောဂေန။ အပိစ  
ယထာ ယဿ စိတ္တသန္တာနဿ နိဗ္ဗတ္တိကာရဏံ ရူပေ အဝိဂတတဏှံ၊ တဿ  
သဟ ရူပေန သမ္ဘဝတော ရူပံ နိဿာယ ပဝတ္တိ ရူပသာပေက္ခတာယ ကာရ-  
ဏဿ။ ယဿ ပန နိဗ္ဗတ္တိကာရဏံ ရူပေ ဝိဂတတဏှံ၊ တဿ ဝိနာ ရူပေန  
ပဝတ္တိ ရူပနိရပေက္ခတာယ ကာရဏဿ၊ ဧဝံ ယဿ ရူပပ္ပဗန္ဓဿ နိဗ္ဗတ္တိ-  
ကာရဏံ အရူပေ ဝိဂတတဏှံ၊ တဿ ဝိနာ အရူပေန ပဝတ္တိ အရူပနိရ-  
ပေက္ခတာယ ကာရဏဿ၊ ဧဝံ ဘာဝနာဗလာဘာဝတော ပဉ္စဝေါကာရ-  
ဘဝေ ရူပါရူပသမ္ဘဝေါ ဝိယ၊ ဘာဝနာဗလေန စတုဝေါကာရဘဝေ

အရူပဿေဝ သမ္ဘဝေါ ဝိယ စ။ အသညိဘဝေပိ ဘာဝနာဗလေန ရူပဿေဝ သမ္ဘဝေါ ဒဋ္ဌဗ္ဗောတိ။

ကထံ ပန တတ္ထ ကေဝလော ရူပပ္ပဗန္ဓော ပစ္စုပ္ပန္နပစ္စယရဟိတော စိရကာလံ ပဝတ္တတိတိ ပစ္စေတဗ္ဗံ၊ ကိတ္တကံ ဝါ ကာလံ ပဝတ္တတိတိ စောဒနံ မနသိ ကတွာ “ယထာ နာမာ”တိအာဒိမာဟ၊ တေန န ကေဝလံ ဣမ စေဝ အညတ္ထ စ ဝုတ္တော အာဂမောယေဝ တေဒတ္ထဉာပနေ၊ အထ ခေါ အယံ ပနေတ္ထ ယုတ္တိတိ ဒဿေတိ။ ဇိယာဝေဂုက္ခိတ္တောတိ ခနုဇိယာယ ဝေဂေန ဒိပိတော။ ဈာန-  
ဝေဂေါ နာမ ဈာနာနုဘာဝေါ ဖလဒါနေ သမတ္တတာ။ တတ္ထကမေဝ ကာလန္တိ ဥက္ကံသတော ပဉ္စ မဟာကပ္ပသတာနိ။ တိဋ္ဌန္တိတိ ယထာနိဗ္ဗတ္တဇုရိယာပထမေဝ စိတ္တကမ္မရူပကသဒိသာ ဟုတွာ တိဋ္ဌန္တိ။ ဈာနဝေဂေတိ အသညသမာပတ္တိ-  
ပရိက္ခိတ္တေ စတုတ္ထဈာနကမ္မဝေဂေ၊ ပဉ္စမဈာနကမ္မဝေဂေ ဝါ။ အန္တရဓာယတိတိ ပစ္စယနိရောဓေန နိရုဇ္ဈတိ န ပဝတ္တတိ။ ဣဓာတိ ကာမာဝစရဘဝေတိ အတ္တော အညတ္ထ တေသမနုပ္ပတ္တိတော။ ပဋိသန္ဓိသညာတိ ပဋိသန္ဓိစိတ္တုပ္ပါဒေါယေဝ သညာသီသေန ဝုတ္တော။ ကထံ ပန အနေကကပ္ပသတမတိက္ကမေန စိရနိရုဒ္ဓတော ဝိညာဏတော ဣမ ဝိညာဏမုပ္ပဇ္ဇတိ။ န ဟိ နိရုဒ္ဓေ စက္ခုပသာဒေ စက္ခု-  
ဝိညာဏမုပ္ပဇ္ဇမာနံ ဒိဋ္ဌန္တိ? နယိဒမေကန္တတော ဒဋ္ဌဗ္ဗံ။ နိရုဒ္ဓမ္ပိ ဟိ စိတ္တံ သမာနဇာတိကဿ အန္တရာ အနုပ္ပဇ္ဇနတော သမနန္တရပစ္စယမတ္တံ ဟောတိ-  
ယေဝ၊ န မိဇံ။ မိဇံ ပန ကမ္မမေဝ၊ တသ္မာ ကမ္မတော မိဇဘူတတော အာရမ္မဏာဒိဟိ ပစ္စယေဟိ အသညိဘဝတော စုတာနံ ကာမဓာတုယာ ဥပပတ္တိဝိညာဏံ ဟောတိယေဝ၊ တေနာဟ “ဣမ ပဋိသန္ဓိသညာ ဥပ္ပဇ္ဇတိ”တိ။  
ဧတ္ထ စ ယထာ နာမ ဥတုနိယာမေန ပုပ္ဖဂ္ဂဟဏေ နိယတကာလာနံ ရုက္ခာနံ ဝိဒါရဏသင်္ခါတေ ဝေခေ ဒိန္ဓေ ဝေခဗလေန အနိယမတာ ဟောတိ ပုပ္ဖဂ္ဂဟ-  
ဏဿ၊ ဧဝမေဝ ပဉ္စဝေါကာရဘဝေ အဝိပ္ပယောဂေန ဝတ္တမာနေသု ရူပါရူပ-  
ဓမ္မေသု ရူပါရူပဝိရာဂဘာဝနာသင်္ခါတေ ဝေခေ ဒိန္ဓေ တဿ သမာပတ္တိဝေခ-  
ဗလဿ အနုရူပတော အရူပဘဝေ၊ အသညဘဝေ စ ယထာက္ကမံ ရူပရဟိတာ၊ အရူပရဟိတာ စ ခန္ဓာနံ ပဝတ္တိ ဟောတိတိ ဝေဒိတဗ္ဗံ။

ကသ္မာ ပနေတ္ထ ပုန သညုပ္ပါဒါ စ ပန “တေ ဒေဝါ တမှာ ကာယာ စဝန္တိ”တိ သညုပ္ပါဒေါ တေသံ စဝနဿ ကာရဏဘာဝေန ဝုတ္တော၊ “သညုပ္ပါဒါ”တိ ဝစနံ ဝါ ကိမတ္ထဒဿနန္တိ စောဒနာယ “ယသ္မာ ပနာ”တိအာဒိမာဟ။ ဣမ ပဋိသန္ဓိသညုပ္ပါဒေန တေသံ စဝနဿ ပညာ-  
ယနတောဉာပကဟေတုဘာဝေန ဝုတ္တော၊ “သညုပ္ပါဒါ”တိ ဝစနံ ဝါ တေသံ

စဝနဿ ပညာယနဘာဝဒဿနန္တိ အဓိပ္ပါယော။ “သညုပ္ပါဒါ”တိ ဟိ  
 တေဿ သညုပ္ပါဒေန ဟေတုဘူတေန စဝန္တိ၊ သညုပ္ပါဒါ ဝါ ဥပ္ပါဒသညာ  
 တေ ဒေဝါတိ သမ္ပန္နော။ သန္တဘာဝါယာတိ နိဗ္ဗာနာယ။ နန စေတ္ထ ဇာတိ-  
 သတသဟဿဒသသံဝဇ္ဇာဒိနမတ္တကေ၊ တဒတ္တန္တရေ ဝါ ပဝတ္တာယ အသညူပ-  
 ပတ္တိယာ ဝသေန လာဘီအဓိစ္စသမုပ္ပန္နကဝါဒေါပိ လာဘီသဿတဝါဒေါ  
 ပိယ အနေကဘေဒေါ သမ္ဘဝတိတိ? သစ္စမေဝ၊ အနန္တရတ္တာ ပန အာသန္နာယ  
 အသညူပပတ္တိယာ ဝသေန လာဘီအဓိစ္စသမုပ္ပန္နကဝါဒေါ နယဒဿနဝသေန  
 ဧကောဝ ဒဿိတောတိ ဒဋ္ဌဗ္ဗံ။ အထ ဝါ သဿတဒိဋ္ဌိသင်္ဂဟတော အဓိစ္စ-  
 သမုပ္ပန္နကဝါဒဿ သဿတဝါဒေ အာဂတော သဗ္ဗောပိ ဒေသနာနယော  
 ယထာသမ္ဘဝံ အဓိစ္စသမုပ္ပန္နကဝါဒေပိ ဂဟေတဗ္ဗောတိ ဣမဿ ဝိသေသဿ  
 ဒဿနတ္ထံ ဘဂဝတာ လာဘီအဓိစ္စသမုပ္ပန္နကဝါဒေါ အဝိဘဇိတွာ ဒဿိတော၊  
 အဝဿဉ္ဇဿ သဿတဒိဋ္ဌိသင်္ဂဟော ဣတ္ထိတဗ္ဗော သံကိလေသပက္ခေ သတ္တာန-  
 မဇ္ဈာသယဿ သဿတုစ္ဆေဒဝသေနေဝ ဒုဝိတ္တော၊ တေသု စ ဥစ္ဆေဒပ္ပသင်္ဂါ-  
 ဘာဝတော။ တထာ ဟိ အဋ္ဌကထာယံ အာသယ-သဒ္ဓဿ အတ္ထုဒ္ဓါရဝသေန  
 ဝုတ္တံ “သဿတုစ္ဆေဒဒိဋ္ဌိ စာ”တိ၊ တထာ စ ဝက္ခတိ “ယာသံ သတ္ထေဝ  
 ဥစ္ဆေဒဒိဋ္ဌိယော၊ သေသာ သဿတဒိဋ္ဌိယော”တိ။

နန စ အဓိစ္စသမုပ္ပန္နကဝါဒဿ သဿတဒိဋ္ဌိသင်္ဂဟော န ယုတ္တော  
 “အဟံ ဟိ ပုဗ္ဗေ နာဟောသိ”န္တိ အာဒိဝသေန ပဝတ္တနတော အပုဗ္ဗသတ္တ-  
 ပါတုဘာဝဂါဟကတ္တာ။ သဿတဒိဋ္ဌိ ပန အတ္တနော၊ လောကဿ စ  
 သဒါဘာဝဂါဟိနိ “အတ္ထိတွေဝ သဿတိသမ”န္တိ ပဝတ္တနတောတိ? နော န  
 ယုတ္တော အနာဂတကောဋိအဒဿနေန သဿတဂ္ဂါဟသမဝရောဓတ္တာ။ ယဒိပိ  
 ဟိ အယံ ဝါဒေါ “သောမိ တေရဟိ အဟုတွာ သန္တတာယ ပရိဏတော”တိ၊  
 အတ္တနော၊ လောကဿ စ အတိတကောဋိပရာမသနဝသေန ပဝတ္တော၊ တထာပိ  
 ဝတ္တမာနကာလတော ပဋ္ဌာယ န တေသံ ကတ္ထမိ အနာဂတေ ပရိယန္တိ  
 ပဿတိ၊ ဝိသေသေန စ ပစ္စုပ္ပန္နာနာဂတကာလေသု အပရိယန္တဒဿနပဘာ-  
 ဝိတော သဿတဝါဒေါ၊ ယထာဟ “သဿတိသမံ တထေဝ ဌဿတိ”တိ၊  
 ယဒေဝံ သိယာ ဣမဿ စ ဝါဒဿ၊ သဿတဝါဒါဒိနဉ္စ ပုဗ္ဗန္တကပ္ပိကေသု  
 သင်္ဂဟော န ယုတ္တောယေဝ အနာဂတကာလပရာမသနဝသေန ပဝတ္တတ္တာတိ?  
 ယုတ္တော ဧဝ သမုဒါဂမဿ အတိတကောဋိသိကတ္တာ။ တထာ ဟိ နေသံ

သမုဒါဂမော အတိတံသပုဗ္ဗေနိဝါသဉာဏေဟိ၊ တပ္ပတိရူပကာနုဿဝါဒိပဏာ-  
 ဝိတေဟိ စ တက္ကနေဟိ သင်္ဂဟိတောတိ၊ တထာ စေဝ သံဝဏ္ဏိတံ။ အထ ဝါ  
 သဗ္ဗတ္ထ အပ္ပဋ္ဌိဟတဉာဏစာရေန ဓမ္မဿာမိနာ နိရဝသေသတော အဂတိ၊  
 ဂတိဉ္စ ယထာဘူတံ သယံ အဘိညာ သန္တိကတွာ ပဝေဒိတာ တော ဒိဋ္ဌိယော၊  
 တသ္မာ ယာဝတိကာ ဒိဋ္ဌိယော ဘဂဝတာ ဒေသိတာ၊ ယထာ စ ဒေသိတာ၊  
 တာဝတိကာ တထာ စေဝ သန္တိဋ္ဌာနတော သမ္ပုဋ္ဌိန္ဒြိယဗ္ဗာ၊ န စေတ္ထ ယုတ္တိ-  
 ဝိစာရဏာ ကာတဗ္ဗာ ဗုဒ္ဓဝိသယတ္တာ။ အစိန္တေယျော ဟိ ဗုဒ္ဓါနံ ဗုဒ္ဓဝိသယော၊  
 တထာ စ ဝက္ခတိ “တတ္ထ န ဧကန္တေန ကာရဏံ ပရိယေသိတဗ္ဗ”န္တိ။

ဒုတိယဘာဏဝါရဝဏ္ဏနာ နိဋ္ဌိတာ။

### အပရန္တကပ္ပိကဝါဒဝဏ္ဏနာ

၇၄။ “အပရန္တဉာဏံ၊ အပရန္တာနုဒိဋ္ဌိနော”တိအာဒိသုဝိယ အပရန္တ-  
 သဒ္ဓါနံ ယထာက္ကမံ အနာဂတကာလကောဋ္ဌာသဝါစကတံ သန္ဓာယာဟ  
 “အနာဂတကောဋ္ဌာသသင်္ခါတ”န္တိ။ “ပုဗ္ဗန္တိကပ္ပေတွာ”တိအာဒိသုဝုတ္တနယေန  
 “အပရန္တိကပ္ပေတွာ”တိအာဒိသုပိ အတ္ထော ဝေဒိတဗ္ဗော။ ဝိသေသမတ္ထမေဝ  
 စေတ္ထ ဝက္ခာမ။

### သညီဝါဒဝဏ္ဏနာ

၇၅။ အာဃာတနာ ဥဒ္ဓန္တိ ဥဒ္ဓမာဃာတနံ၊ မရဏတော ဥဒ္ဓံ ပဝတ္ထော  
 အတ္တာတိ အတ္ထော။ “ဥဒ္ဓမာဃာတန”န္တိ ပဝတ္ထောဝါဒေါ ဥဒ္ဓမာဃာတနော  
 သဟစရဏဝသေန၊ တဒ္ဓိတဝသေန စ၊ အန္တလောပနိဒ္ဒေသော ဝါ သေ။  
 သော ဧတေသန္တိ ဥဒ္ဓမာဃာတနိကာ။ ဧဝံ သဒ္ဓတော နိပ္ပန္တံ အတ္တတော ဧဝ  
 ဒသေတုံ “ဥဒ္ဓမာဃာတနာ အတ္တာနံ ဝဒန္တိ”တိ ဝုတ္တံ၊ အာဃာတနာ ဥဒ္ဓံ  
 ဥပရိဘူတံ အတ္တဘာဝန္တိ အတ္ထော။ တေ ဟိ ဒိဋ္ဌိဂတိကာ “ဥဒ္ဓံ မရဏတော  
 အတ္တာ နိဗ္ဗိကာရော”တိ ဝဒန္တိ။ “သော ဧတေသ”န္တိအာဒိနာ အဿတ္ထိယတ္ထံ  
 ဒသေတိ ယထာ “ဗုဒ္ဓမဿ အတ္ထိတိ ဗုဒ္ဓေါ”တိ။ အယံ အဋ္ဌကထာတော  
 အပရော နယော---သညီတိ ပဝတ္ထော ဝါဒေါ သညီ သဟစရဏာဒိနယေန၊  
 သညီ ဝါဒေါ ဧတေသန္တိ သညီဝါဒေါ သမာသဝသေန။ သညီဝါဒေါ ဧဝ ဝါဒေါ  
 ဧတေသန္တိ ဟိ အတ္ထော။

၇၆-၇၇။ ရူပီ အတ္တာတိ ဧတ္ထ ကသိဏရူပံ “အတ္တာ”တိ ကသ္မာ ဝုတ္တံ၊ နန ရူပဝိနိမုတ္တေန အတ္တနာ ဘဝိတဗ္ဗံ “ရူပမဿ အတ္တိ”တိ ဝုတ္တေ သညာယ ဝိယ ရူပဿာပိ အတ္တနိယတ္တာ။ န ဟိ “သညီ အတ္တာ”တိ ဧတ္ထ သညာဇေ အတ္တာ၊ အထ ခေါ “သညာအဿ အတ္တိ”တိ အတ္ထေန အတ္တနိယာဝ၊ တထာ စ ဝုတ္တံ “တတ္ထ ပဝတ္တသညဉ္ဇဿ ‘သညာ’တိ ဂဟေတွာ”တံ? န ခေါ ပနေတ-  
မေဝံ ဒဋ္ဌဗ္ဗံ “ရူပမဿ အတ္တိတိ ရူပီ”တိ၊ အထ ခေါ “ရူပနသီလော ရူပီ”တိ။ ရူပနဉ္ဇေတ္ထ ရူပသရိက္ခတာယ ကသိဏရူပဿ ဝဓိတာဝဓိတကာလဝသေန ဝိသေသာပတ္တိ။ သာ ဟိ “နတ္ထိ”တိ န သက္ကာဝတ္တံ ပရိတ္တဝိပုလတာဒိဝိသေသ-  
သဗ္ဗာဝတော။ ယဒေဝံ သိယာ “ရူပနသီလော ရူပီ”တိ၊ အထဗ္ဗမဿ ဝါဒဿ သဿတဒိဋ္ဌိသင်္ဂဟော န ယုဇ္ဇတိ ရူပနသီလဿ ဘေဒသဗ္ဗာဝတောတံ? ယုဇ္ဇတေဝ ကာယဘေဒတော ဥဗ္ဗံ ပရိကပ္ပိတဿ အတ္တနော နိဗ္ဗိကာရတာယ တေန အဓိပ္ပေတတ္တာ။ တထာ ဟိ ဝုတ္တံ “အရောဂေါ ပရံ မရဏာ”တိ။ အထ ဝါ “ရူပမဿ အတ္တိတိ ရူပီ”တိ ဝုတ္တေဝိ န ကောစိ ဒေါသော ကပ္ပနာသိဒ္ဓေန ဘေဒေန အဘေဒဿာပိ နိဒ္ဒေသဒဿနတော ယထာ “သီလာပုတ္တကဿ သရီရ”န္တိ။

အပိစ အဝယဝဝသေန အဝယဝိနော တထာနိဒ္ဒေသနိဒဿနတော ယထာ “ကာယေ ကာယာနုပဿိ”တိ၊ ရူပနံ ဝါ ရူပံ၊ ရူပသဘာဝေါ၊ တဒဿ အတ္တိတိ ရူပီ၊ အတ္တာ “ရူပိနောဓမ္မာ”တိ အာဒိသု၊ ဝိယ၊ ဧဝံ ကတွာ အတ္တနော ရူပသဘာဝတ္တာ “ရူပီ အတ္တာ”တိ ဝစနံ ဉာယာဂတမေဝါတိ ဝုတ္တံ “ကသိဏရူပံ အတ္တာ”တိ။ “ဂဟေတွာ”တိ ဧတေန စေတဿ သမ္ပန္နော။ တတ္ထာတိ ကသိဏ-  
ရူပေ။ အဿာတိ ပရိကပ္ပိတဿ အတ္တနော၊ အာဇီဝကာဒယော တက္ကမတ္တေန ပညာပေန္တိ ဝိယာတိ အတ္ထော။ အာဇီဝကာ ဟိ တက္ကိကာယေဝ၊ န လာဘိနော။ နိယတဝါဒိတာယ ဟိ ကမ္မဗလပဋိက္ခေပတော နတ္ထိ တေသံ ဈာနသမာပတ္တိ-  
လာဘော။ တထာ ဟိ ကဏှာဘိဇာတိအာဒိသု ကာဠုကာဒိရူပံ “အတ္တာ”တိ ဧကစ္စ အာဇီဝကာ ပဋိဇာနန္တိ။ ပုရိမနယေန စေတ္ထ လာဘိနံ ဒဿေတိ၊ ပစ္ဆိမနယေန ပန တက္ကိကံ။ ဧဝမိဒိသေသု။ ရောဂ-သဒ္ဓေါ ဘင်္ဂပရိယာယော ဘင်္ဂဿာပိ ရုဇ္ဇနဘာဝတော၊ ဧဝံ ကတွာ အရောဂ-သဒ္ဓဿ နိစ္စပရိယာ-  
ယတာ ဥပပန္နာ ဟောတိ၊ တေနာဟ “နိစ္စော”တိ။ ရောဂ-သဒ္ဓေါ ဝါ ဗျာဓိ-  
ပရိယာယော။ အရောဂေါတိ ပန ရောဂရဟိတတာသိသေန နိဗ္ဗိကာရ-  
တာယ နိစ္စတံ ဒိဋ္ဌိဂတိကော ပဋိဇာနာတိတိ ဒဿေတုံ “နိစ္စော”တိ

ဝုတ္တံ။ ကသိဏုပ္ပါဒိမာကာသပဌမာရူပဝိညာဏနတ္ထိဘာဝါကိဉ္ဇညာယတ-  
နာနိ ယထာရဟမရူပသမာပတ္တိနိမိတ္တံ နာမ။ နိဗ္ဗပဏ္ဏေ တပုရိမာဏော  
တိတ္ထကရသော ဝိယ သရီရပုရိမာဏော အရူပီ အတ္တာ သရီရေ တိဋ္ဌတိတိ  
တက္ကမတ္တေန နိဂဏ္ဌာ “အရူပီ အတ္တာ သညီ”တိ ပညပေန္တိတိ အာဟ  
“နိဂဏ္ဌာဒယော ဝိယာ”တိ။

တတိယာ ပနာဘိ “ရူပီ စ အရူပီ စ အတ္တာ”တိ လဒ္ဓိ။ မိဿကဂါဟဝသေ-  
နာဘိ ရူပါရူပသမာပတ္တိနံ ယထာဝုတ္တာနိ နိမိတ္တာနိ ဧကန္တံ ကတွာ ဧကောဝ  
“အတ္တာ”တိ၊ တတ္ထ ပဝတ္ထသညဉ္ဇဿ “သညာ”တိ ဂဟဏဝသေန။ အယဉ္ဇိ  
ဒိဋ္ဌိဂတိကော ရူပါရူပသမာပတ္တိလဘိ တာသံ နိမိတ္တံ ရူပဘာဝေန၊ အရူပဘာ-  
ဝေန စ “အတ္တာ”တိ ဂဟေတွာ “ရူပီ စ အရူပီ စာ”တိ အဘိနိဝေသံ  
ဇနေသိ အထေတဝါဒိနော ဝိယ၊ တက္ကမတ္တေန ဝါ ရူပါရူပဓမ္မာနံ မိဿက-  
ဂဟဏဝသေန “ရူပီ စ အရူပီ စ အတ္တာ”တိ အဘိနိဝိဿ အဋ္ဌာသိ။  
စတုတ္ထာတိ “နေဝ အရူပီ စ နာရူပီ စ အတ္တာ”တိ လဒ္ဓိ။ တက္ကဂါဟေနေဝါတိ  
သင်္ခါရသေသသုခုမဘာဝပုတ္တဓမ္မာ ဝိယ အစွန္တသုခုမဘာဝပုတ္တိယာ သင်္ကစ္စ-  
သာဓနာသမတ္တတာယ ခမ္ဘကုန္တိ ဟတ္ထပါဒါဒိသင်္ခာတော ဝိယ နေဝ ရူပီ၊  
ရူပသဘာဝါနတိဝတ္တနတော န စ အရူပီတိ ဧဝံ ပဝတ္တတက္ကဂါဟေနေဝ။

အယံ အဋ္ဌကထာမုတ္တကော နယော—နေဝ ရူပီ နာရူပီတိ ဧတ္ထ ဟိ အန္တာ-  
နန္တိကစတုတ္ထဝါဒေ ဝိယ အညမညပဋိက္ခေပဝသေန အတ္တော ဝေဒိတဗ္ဗော။  
သတိပိစ တတိယဝါဒေန ဣမဿ သမာနတ္ထဘာဝေတတ္ထ ဒေသကာလဘေဒ-  
ဝသေန ဝိယ ဣဓ ကာလဝတ္ထုဘေဒဝသေန တတိယစတုတ္ထဝါဒါနံ ဝိသေသော  
ဒဋ္ဌဗ္ဗော။ ကာလဘေဒဝသေန ဟိ ဣဓ တတိယဝါဒဿ ပဝတ္တိ ရူပါရူပနိမိတ္တာနံ

ရူပဋ္ဌာနတော။ စတုတ္ထဝါဒဿ ပန ဝတ္ထုဘေဒဝသေန ပဝတ္တိ ရူပ၊ ရူပ-  
ဟဘာဝတောတိ။ ဒုတိယစတုတ္ထံ အန္တာနန္တိကဝါဒေ ဝုတ္တနယေန  
ဗုဒ္ဓံ သဗ္ဗဿ သဒ္ဓတ္တတော သမာနတ္ထတ္တာ။ ယံ ပနေတ္ထ ဝတ္တဗုဒ္ဓံ၊ တဗ္ဗိ  
တိ ဂစ္ဆတိ ဘာဝေါ ဩသာနမေတ္တာ”တိအာဒိနာ အမှေဟိ ဝုတ္တမေဝ၊  
ပန တတ္ထ ပုဗ္ဗန္တကပ္ပနာဝသေန ပဝတ္တော၊ ဣဓ အပရန္တကပ္ပနာ-  
ဘိ အယံ ဝိသေသော ပါကဋ္ဌောယေဝ။ ကာမဉ္စ နာနတ္ထသညီ  
ဘိ အယဉ္ဇိ ဝါဒေါ သမာပန္နကဝသေန လဗ္ဘတိ။ အဋ္ဌသမာပတ္တိ-  
နော ဒိဋ္ဌိဂတိကဿ ဝသေန သညာဘေဒသမ္ဘဝတော။ တထာပိ

သဟာဒေ  
ဓမ္မသမ္ပ  
ဝေဒိတ  
“အမဝ  
ကေဝလ  
ဝသေန  
အတ္တာ  
လာဘိ

သမာပတ္တိယံ ဧကရူပေနော သညာယ ဥပဋ္ဌာနတော လာဘီဝသေန ဧကတ္တ-  
 သညိတာ သာတိသယံ ယုတ္တာတိ အာဟ “သမာပန္နကဝသေန ဧကတ္တ-  
 သညီ”တိ။ ဧကသမာပတ္တိလာဘိနော ဧဝ ဝါ ဝသေန အတ္ထော ဝေဒိတဗ္ဗော။  
 သတိပိ စ သမာပတ္တိဘေဒတော သညာဘေဒသမ္ဘဝေ ဗဟိဒ္ဓါ ပုထုတ္တာ-  
 ရမ္မဏေယေဝ သညာနာနတ္တဿ ဩဋ္ဌာရိကဿ သမ္ဘဝတောတက္ကိဝသေနော  
 နာနတ္တသညိတံ ဒဿေတုံ “အသမာပန္နကဝသေန နာနတ္တသညီ”တိ ဝုတ္တံ။  
 ပရိတ္တကသိဏဝသေနာတိ အဝဓိတတ္တာ အပ္ပကကသိဏဝသေန၊ ကသိဏဂ္ဂဟ-  
 ဏဉ္စေတ္ထ သညာယ ဝိသယဒဿနံ။ ဝိသယဝသေန ဟိ သညာယ ပရိတ္တတာ၊  
 ဣမိနာ စ သတိပိ သညာဝိနိမုတ္တဓမ္မေ “သညာယေဝ အတ္တာ”တိ ဝေတိတိ  
 ဒဿေတိ။ ဧသ နယော ဝိပုလကသိဏဝသေနာတိ ဧတ္တာပိ။ ဧဝှေ ကတွာ  
 အန္တာနန္တိကဝါဒေ စေဝ ဣဓ စ အန္တာနန္တစတုက္ကေ ပဌမဒုတိယဝါဒေသု  
 သဒ္ဓတ္ထမတ္တတော သမာနေသုပိ သဘာဝတော တေဟိ ဒွိဟိ ဝါဒေဟိ ဣမေသံ  
 ဒွိန္တံ ဝါဒါနံ ဝိသေသော သိဒ္ဓေါ ဟောတိ၊ အညထာ ဝုတ္တပ္ပကာရေသု ဝါဒေသု  
 သတိပိ ပုဗ္ဗန္တာပရန္တကပ္ပနဘေဒမတ္တေန ဧကဟိစိ ဝိသေသေ ဧကဟိစိ  
 အဝိသေသောယေဝ သိယာတိ။

အယံ ပန အဋ္ဌကထာမုတ္တကော နယော — “အင်္ဂုဋ္ဌပ္ပမာဏော အတ္တာ၊  
 အဏုမတ္တော အတ္တာ”တိအာဒိလဒ္ဓိဝသေန ပရိတ္တော စ သော သညီ စာတိ  
 ပရိတ္တသညီ ကာပိလကာဏာဒပဘုတယော<sup>၁</sup> ဝိယ။ အတ္တနော သဗ္ဗဂတဘာဝ-  
 ပဋိဇာနနဝသေန အပ္ပမာဏော စ သော သညီ စာတိ အပ္ပမာဏသညီတိ။

ဒိဗ္ဗစက္ခုပရိဘဏ္ဍတ္တာ ယထာကမ္မပဂဉ္ဇဏဿ ဒိဗ္ဗစက္ခုပဘာဝဇနိ-  
 တေန ယထာကမ္မပဂဉ္ဇဏေန ဒိဿမာနာပိ သတ္တာနံ သုခါဒိသမင်္ဂိတာ  
 ဒိဗ္ဗစက္ခုနာဝ ဒိဋ္ဌာ နာမာတိ အာဟ “ဒိဗ္ဗေန စက္ခုနာ”တိအာဒိ။  
 စတုက္ကနယံ၊ ပဉ္စကနယဉ္စ သန္ဓာယ “တိကစတုက္ကဇ္ဈာနဘူမိယ”န္တိ  
 ဝုတ္တံ။ ဒိဋ္ဌိဂတိကဝိသယာသု ဟိ ပဉ္စဝေါကာရဈာနဘူမိသု ဝေဟပ္ပလဘူမိ<sup>၂</sup>  
 ဌပေဘွာ အဝသေသာ ယထာရဟံ စတုက္ကနယေ တိကဇ္ဈာနဿ၊ ပဉ္စကနယေ  
 စ စတုက္ကဇ္ဈာနဿ ဝိပါကဋ္ဌာနတ္တာ တိကစတုက္ကဇ္ဈာနဘူမိယော နာမ။  
 သုဒ္ဓါဝါသာ ပန တေသမဝိသယာ။ နိဗ္ဗတ္တမာနန္တိ ဥပ္ပဇ္ဇမာနံ။ နန စ  
 “ဧကန္တသုဒ္ဓါအတ္တာ”တိအာဒိနာ ပဝတ္တဝါဒါနံ အပရန္တဒိဋ္ဌိဘာဝတော “နိဗ္ဗတ္တ-  
 မာနံ ဒိဿာ”တိ ပစ္စုပ္ပန္နဝစနံ အနုပပန္နမေဝ သိယာ။ အနာဂတဝိသယာ ဟိ  
 ဧတေ ဝါဒါတိ? ဥပပန္နမေဝ အနာဂတဿ ဧကန္တသုဒ္ဓါဘာဝါဒိကဿ

---

၁-ကပိလကာဏာဒါဒယော (ဒိ-ဇီ၁-၁၇၂-ပိဋကေ။)

ပကပ္ပနာယ ပစ္စုပ္ပန်နိဗ္ဗတ္တိဒဿနေန အဓိပ္ပေတတ္တာ။ တေနေဝါဟ “နိဗ္ဗတ္တမာနံ ဒိသ္မာ ‘ဧကန္တသုခီ’တိ ဂဏှာတိ”တိ။ ဧတ္ထ စ တဿံ တဿံ ဘူမိယံ ဗာဟုလ္လေန သုခါဒိသဟိတဓမ္မပ္ပဝတ္တိဒဿနံ ပဋိစ္စ တေသံ “ဧကန္တသုခီ”တိ- အာဒိဂဟဏတော တဒနုရူပါယေဝ ဘူမိ ဝုတ္တာတိ ဒဋ္ဌဗ္ဗံ။ သဒ္ဓန္တရာဘိသမ္ဗန္ဓ- ဝသေန ဝိယ ဟိ အတ္ထပကရဏာဒိဝသေနပိ အတ္ထဝိသေသော လဗ္ဘတိ။ “ဧကန္တသုခီ”တိအာဒိသု စ ဧကန္တဘာဝေါ ဗဟုလံ ပဝတ္တိမတ္တံ ပတိ ပယုတ္တော။ တထာပဝတ္တိမတ္တဒဿနေန တေသံ ဧဝံ ဂဟဏတော။ အထဝါ ဟတ္ထိဒဿက- အန္ဓာ ဝိယ ဒိဋ္ဌိဂတိကာ ယံ ယဒေဝ ပဿန္တိ၊ တံ တဒေဝ အဘိနိဝိဿ ဝေါဟရန္တိ။ ဝုတ္တဉ္ဇေတံ ဘဂဝတာ ဥဒါနေ “အညတိတ္ထိယာ ဘိက္ခဝေ ပရိဗ္ဗာဇကာ အန္ဓာ အစက္ခုကာ”တိအာဒိ၊ ဟသ္မာ အလမေတ္တ ယုတ္တိမဂ္ဂနာတိ။ “ဒိဗ္ဗေန စက္ခုနာ ဒိသ္မာ”တိ ဝုတ္တမတ္တံ သမေတ္တေတုံ “ဝိသေသတော ဟိ”တိ- အာဒိ ဝုတ္တံ။

### အသညီနေဝသညီနာသညီဝါဒဝဏ္ဏနာ

၇၀-၇၃။ အထ န ကောစိ ဝိသေသော အတ္ထိတိ စောဒနံ သောဓေတိ “ကေဝလဉ္စီ”တိအာဒိနာ။ “အသညီ”တိ စ “နေဝသညီနာသညီ”တိ စ ဂဏှန္တာနံ တာ ဒိဋ္ဌိယောတိ သမ္ဗန္ဓော။ ကာရဏန္တိ ဝိသေသကာရဏံ၊ ဒိဋ္ဌိသမုဒါဂမ- ကာရဏံ ဝါ။ သတိဝိ ကိဉ္စိ ကာရဏပရိယေသနသမ္ဘဝေ ဒိဋ္ဌိဂတိကဝါဒါနံ အနာဒရိယဘာဝံ ဒဿေတုံ “န ဧကန္တေန ကာရဏံ ပရိယေသိတဗ္ဗ”န္တိ ဝုတ္တံ။ ကသ္မာတိ အာဟ “ဒိဋ္ဌိဂတိကဿာ”တိအာဒိ၊ ဧတေန ပရိယေသနက္ခမာဘာဝ- တောတိ အပရိယေသိတဗ္ဗကာရဏံ ဒဿေတိ။ ဣဒံ ဝုတ္တံ ဟောတိ— အသညီ- ဝါဒေ အသညီဘဝေ နိဗ္ဗတ္တသတ္တဝသေန ပဝတ္တော ပဌမဝါဒေါ၊ “သညံ အတ္တတော သမနုပဿတိ”တိ ဧတ္ထ ဝုတ္တနယေန သညံယေဝ “အတ္တာ”တိ ဂဟေတွာ တဿ ကိဉ္စနဘာဝေန ဌိတာယ အညာယ သညာယ အဘာဝတော “အသညီ”တိ ပဝတ္တော ဒုတိယဝါဒေါ၊ တထာ သညာယ သဟ ရူပဓမ္မေ၊ သဗ္ဗေ ဧဝ ဝါ ရူပါရူပဓမ္မေ “အတ္တာ”တိ ဂဟေတွာ ပဝတ္တော တတိယဝါဒေါ၊ တက္က- ဂါဟဝသေနဝ စတုတ္ထဝါဒေါ ပဝတ္တော။

ဒုတိယစတုက္ကေပိ ကသိဏရူပဿ အသဉ္ဇာနနသဘာဝတာယ အသညီတိ ကတွာ အန္တာနန္တိကဝါဒေ ဝုတ္တနယေန စတ္တာရော ဝိကပ္ပါ ပဝတ္တော။ နေဝသညီနာသညီဝါဒေ ပန နေဝသညီနာသညီဘဝေ နိဗ္ဗတ္တသတ္တသေဝ

စုတိပဋိသန္ဓိသု၊ သဗ္ဗတ္ထ ဝါ ပဋုသညာကိစ္စံ ကာတုံ အသမတ္ထာယ သုခုမာယ သညာယ အတ္ထိဘာဝပဋိဇာနနဝသေန ပဌမဝါဒေါ၊ အသညီဝါဒေ ဝုတ္တနယေန သုခုမာယ သညာယ ဝသေန၊ သဗ္ဗာနနသဘာဝတာ- ပဋိဇာနနဝသေန စ ဒုတိယဝါဒါဒယော ပဝတ္တာတိ။ ဧဝံ ကေနစိ ပကာရေန သတိပိ ကာရဏပရိယေသနသမ္ဘဝေ ဒိဋ္ဌိဂတိကဝါဒါနံ ပရိယေသနက္ခမာဘာ- ဝတော အာဒရံ ကတွာ မဟုဿာဟေန တေသံ ကာရဏံ န ပရိယေသိတဗ္ဗန္တိ။ ဧတေသံ ပန သညီအသညီနေဝသညီနာသညီဝါဒါနံ သဿတဒိဋ္ဌိသင်္ဂဟော “အရောဂေါ ပရံ မရဏာ”တိ ဝစနတော ပါကဋ္ဌောယေဝ။

ဥစ္ဆေဒဝါဒဝတ္ထုနာ

၈၄။ အဝိဇ္ဇမာနဿ ဝိနာသာသမ္ဘဝတော အတ္ထိဘာဝဟေတုကော ဥစ္ဆေဒေါတိ ဒဿေတုံ ဝိဇ္ဇမာနဝါစကေန သန္တ-သဒ္ဓေန “သတော”တိ ပါဠိယံ ဝုတ္တန္တိ အာဟ “ဝိဇ္ဇမာနဿာ”တိ။ ဝိဇ္ဇမာနတာပယုတ္တော စေသ ဒိဋ္ဌိဂတိ- ကဝါဒဝိသယော သတ္တောယေဝ ဣဓ အဓိပ္ပေတောတိ ဒဿနတ္ထံ ပါဠိယံ “သတ္တဿာ”တိ ဝုတ္တံ၊ တေန ဣမမတ္ထံ ဒဿေတိ—ယထာ ဟေတုဖလဘာဝေန ပဝတ္တမာနာနံ သဘာဝဓမ္မာနံ သတိပိ ဧကသန္တာနပရိယာပန္နာနံ ဘိန္နသန္တတိ- ပတိတေဟိ ဝိသေသေ ဟေတုဖလဘူတာနံ ပရမတ္ထတော ဘိန္နသဘာဝတ္တာ ဘိန္နသန္တာနပတိတာနံ ဝိယ အစ္စန္တံ ဘေဒသန္နိဋ္ဌာနေန နာနတ္တနယဿ မိစ္ဆာ- ဂဟဏံ ဥစ္ဆေဒါဘိနိဝေသဿ ကာရဏံ၊ ဧဝံ ဟေတုဖလဘူတာနံ ဝိဇ္ဇမာနေပိ သဘာဝဘေဒေ ဧကသန္တတိပရိယာပန္နတာယ ဧကတ္တနယေန အစ္စန္တမဘေဒ- ဂဟဏမ္ပိ ကာရဏမေဝါတိ။ သန္တာနဝသေန ဟိ ပဝတ္တမာနေသု ခန္ဓေသု သနဝိနိဗ္ဗောဂါဘာဝေန တေသံ ဣဓ သတ္တဂါဟော၊ သတ္တဿ စ အတ္ထိ- ဘာဝဂါဟဟေတုကော ဥစ္ဆေဒဝါဒေါ၊ အနုပုဗ္ဗနိရောဓဝသေန ပန နိရန္တရ- ဝိနာသော ဣဓ “ဥစ္ဆေဒေါ”တိ အဓိပ္ပေတော ယာဝါယံ အတ္တာ ဥစ္ဆိဇ္ဇမာနော ဘဝတိ၊ တာဝါယံ ဝိဇ္ဇတိယေဝါတိ ဂဟဏတောတိ အာဟ “ဥပဇ္ဈေဒ”န္တိ။ ဥ-သဒ္ဓေါ ဟိ ဥပ-သဒ္ဓပရိယာယော၊ သော စ ဥပသင်္က- မနတ္တော၊ ဥပသင်္ကမနဓမ္မေတ္ထ အနုပုဗ္ဗမုပ္ပဇ္ဇိတွာ အပရာပရံ နိရောဓဝသေန နိရန္တရတာ။ အပိစ ပုနာနုပ္ပဇ္ဇမာနဝသေန နိရုဒယဝိနာသောယေဝ ဥစ္ဆေဒေါ နာမ ယထာဝုတ္တနယေန ဂဟဏတောတိ အာဟ “ဥပဇ္ဈေဒ”န္တိ။ ဥ-သဒ္ဓေါ၊ ဟိ ဥပ-သဒ္ဓေါ စ ဧတ္ထ ဥပရိဘာဂတ္တော။ နိရုဒ္ဓတော ပရဘာဂေါ စ ဣဓ ဥပရိဘာဂေါတိ ဝုစ္စတိ။

နိရန္တရဝသေန၊ နိရုဒယဝသေန ဝါဝိသေသေန နာသော ဝိနာသော။ သော ပန မံသစက္ခုပညာစက္ခုနံ ဒဿနပထာတိက္ကမနတော အဒဿနမေဝါတိ အာဟ “အဒဿန”န္တိ။ အဒဿနေ ဟိ နာသ-သဒ္ဓေါလောကေ နိရုဇ္ဈော “ဒွေ စာပရေ ဝဏ္ဏဝိကာရနာသာ”တိအာဒိသု<sup>၁</sup> ဝိယ။ အာဝဓိဂမန္တိ သဘာဝါပဂမံ။ ယထာဓမ္မံ ဘဝနံ ဘာဝေါတိ ဟိ အတ္ထေန ဣဓ အာဝ-သဒ္ဓေါသဘာဝဝါစကော။ ယော ပန နိရန္တရံ နိရုဒယဝိနာသဝသေန ဥစ္စိဇ္ဇတိ။ သော အတ္တနော သဘာဝေန ဌာတုမသက္ကုဏေယျတာယ “ဘာဝါပဂမော”တိ ဝုစ္စတိ။ “တတ္ထာ”တိ- အာဒိနာ ဥစ္စေဒဝါဒဿ ယထာပါဌံ သမုဒါဂမံ နိဒဿနမတ္ထေန ဒဿေတိ။ တေန ဝက္ခတိ “တထာ စ အညထာ စ ဝိကပ္ပေတွာဝါ”တိ။ တတ္ထာတိ “သတော သတ္တဿ ဥစ္စေဒံ ဝိနာသံ ဝိဘဝံ ပညပေန္တိ”တိဝစနေ။ လာဘီတိ ဒိဗ္ဗစက္ခုဉာဏလာဘီ။ တဒဝသေသလာဘီ စေဝ သဗ္ဗသော အလာဘီ စ ဣဓ အပရန္တကပ္ပိကဌာနေ “အလာဘီ”တွေဝ ဝုစ္စတိ။

စုတိန္တိ သေက္ခပုထုဇ္ဇနာနမ္ပိ စုတိမေဝ။ သေ နယော စုတိမတ္တမေဝါတိ ဧတ္ထာပိ။ ဥပပတ္တိံ အပဿန္တောတိ ဒဠုံ သမတ္ထေပိ သတိ အနောလောကနဝသေန အပဿန္တော။ န ဥပပါတန္တိ ပုဗ္ဗယောဂါဘာဝေန၊ ပရိကမ္မာကရဏေန ဝါ ဥပပတ္တိံ ဒဠုံ န သက္ကောတိ။ ဧဝေ ကတွာ နယဒ္ဓယေ ဝိသေသော ပါကဇ္ဈော ဟောတိ။ ကော ပရလောကံ ဇာနာတိ။ န ဇာနာတိယေဝါတိ နတ္ထိကဝါဒဝသေန ဥစ္စေဒံ ဂဏှာတိတိ သဟ ပါဌသေသေန သမ္ပန္နော၊ နတ္ထိကဝါဒဝသေန မဟာမူဠဘာဝေနော “ဣတော အညော ပရလောကော အတ္ထိ”တိ အနဝဗောဓနတော ဣမံ ဒိဋ္ဌိံ ဂဏှာတိတိ အဓိပ္ပါယော။ “တ္ထေကောယေဝ ဝိသယော၊ ယွာယံ ဣန္ဒြိယဂေါစရော”တိ အတ္တနော ဝိတုယာ ဟတ္ထဂ္ဂဏှနကရာဇာ ဝိယ ကာမသုခါဘိရတ္တတာယပိ ဂဏှာတိတိ အာဟ “ကာမသုခဂိဗ္ဗတာယ ဝါ”တိ။ ဝဏ္ဏေတော ပတိတပဏ္ဏာနံ ဝဏ္ဏေန အပဋိသန္ဓိကဘာဝံ သန္ဓာယ “န ပုန ဝိရဟန္တိ”တိ ဝုတ္တိ။ ဧဝမေဝ သတ္တာတိ ယထာ ပဏ္ဏာပလာသော ဗန္ဓနာ ပဝုတ္တော ပုန န ပဋိသန္ဓိယတိ။ ဧဝမေဝ သဗ္ဗေပိ သတ္တာ အပဋိသန္ဓိကာ မရဏပရိယောသာနာ အပေါနောဗ္ဗဝိကာ အပဋိသန္ဓိကမရဏမေဝ နိဂစ္ဆန္တိတိ အတ္ထော။ ဥဒကပုဗ္ဗုဠကူပမာ ဟိ သတ္တာ ပုန အနုပ္ပဇ္ဇမာနတောတိ တဿ လဗ္ဗိ။ တထာတိ “လာဘီ အနုဿရန္တော”တိ- အာဒိနာ နိဒဿနဝသေန ဝုတ္တပ္ပကာရေန။ အညထာတိ တက္ကနဿ အနေကပ္ပကာရသမ္ဘဝတော တတော အညေနပိ ပကာရေန။ လာဘီနောပိ

စုတိတော ဥဒ္ဓံ ဥပပါတဿ အဒဿနမတ္တံ ပတိ တက္ကနေနေဝ ဣမာ ဒိဋ္ဌိယော ဥပ္ပဇ္ဇန္တိတိ ဝုတ္တံ “ဝိကပ္ပေတွာဝါ”တိ။ တထာ စ ဝိကပ္ပေတွာဝ ဥပ္ပန္နာ အညထာ စ ဝိကပ္ပေတွာဝ ဥပ္ပန္နာတိ ဟိ သမ္ပန္နော။ တတ္ထ “ဒွေ ဇနာ”တိ- အာဒိနာ ဥစ္ဆေဒဂ္ဂါဟကပ္ပဘေဒဒဿနေန ဣမမတ္တံ ဒဿေတိ။ ယထာ အမရာဝိက္ခေပိကဝါဒါ ဧကန္တအလာဘီဝသေနေဝ ဒေသိတာ၊ ယထာ စ ဥဒ္ဓမာဃာတနိကသညီဝါဒေ စတုတ္ထစတုက္ကေ သညီဝါဒါ ဧကန္တလောဘီ- ဝသေနေဝ ဒေသိတာ၊ နယိမေ။ ဣမေ ပန သဿတေကစ္စသဿတဝါဒါ- ဒယော ဝိယ လောဘီအလာဘီဝသေနေဝ ဒေသိတာတိ။ ယဒေဝံ ကသ္မာ သဿတဝါဒါဒီသု ဝိယ လောဘီဝသေန၊ တက္ကိဝသေန စ ပစ္စေကံ ဒေသန- မကတွာ သဿတဝါဒါဒီဒေသနာဟိ အညထာ ဣဓ ဒေသနာ ကတာတိ? ဝုစ္စတေ—ဒေသနာဝိလာသပ္ပတ္တိတော။ ဒေသနာဝိလာသပ္ပတ္တာ ဟိ ဗုဒ္ဓါ ဘဂဝန္တော၊ တေ ဝေနေယျဇ္ဈာသယာနုရူပံ ဝိဝိဓေနာကာရေန ဓမ္မံ ဒေသေန္တိ၊ န အညထာ။ ယဒိ ဟိ ဣဓာပိ စ တထာဒေသနာယ နိဗန္ဓနဘူတော ဝေနေယျဇ္ဈာသယော ဘဝေယျ၊ တထာရူပမေဝ ဘဂဝါ ဝဒေယျ၊ ကထံ? “ဣဓ ဘိက္ခဝေ ဧကစ္စော သမဏော ဝါ ဗြာဟ္မဏော ဝါ အာတပ္ပ- မန္တာယ။ပ။ ယထာ သမာဟိတေ စိတ္တေ သတ္တာနံ စတုပပါတဉာဏာယ စိတ္တံ အဘိနိန္ဒာမေတိ၊ သော ဒိဗ္ဗေန စက္ခုနာ ဝိသုဒ္ဓေန အတိက္ကန္တမာနသကေန အရဟတော စုတိစိတ္တံ ပဿတိ၊ ပုထုနံ ဝါ ပရသတ္တာနံ၊ န ဟေဝ ခေါ တဒုဒ္ဓံ ဥပပတ္တိံ။ သော ဝေမာဟ ‘ယတော ခေါ ဘော အယံ အတ္တာ ရူပိ စာတုမဟာဘူတိကော မာတာပေတ္တိကသမ္ဘဝေါ ကာယဿ ဘေဒါ ဥဒ္ဓိဇ္ဇတိ ဝိနဿတိ၊ န ဟောတိ ပရံ မရဏာ’တိ”အာဒိနာ ဝိသေသလောဘိနော၊ တက္ကိနော စ ဝိသုံ ကတွာ။ ယသ္မာ ပန တထာဒေသနာယ နိဗန္ဓနဘူတော ဝေနေယျဇ္ဈာသယော န ဣဓ ဘဝတိ၊ တသ္မာ ဒေသနာဝိလာသေန ဝေနေ- ယျဇ္ဈာသယာနုရူပံ သဿတဝါဒါဒီဒေသနာဟိ အညထာယေဝါယံ ဒေသနာ ကတာတိ ဒဋ္ဌဗ္ဗံ။

အထ ဝါ သဿတေကစ္စသဿတဝါဒါဒီသု ဝိယ န ဣဓ တက္ကိ- ဝါဒတော ဝိသေသလောဘီဝါဒေါ ဘိန္ဒာကာရော၊ အထ ခေါ သမာ- နပ္ပကာရတာယ သမာနာကာရေယေဝါတိ ဣမဿ ဝိသေသဿ ပကာ- သနတ္တံ အယမုစ္ဆေဒဝါဒေါ ဘဂဝတာ ပုရိမဝါဒေဟိ ဝိသိဋ္ဌာကာရဘာဝေန ဒေသိတော။ သမ္ဘဝတိ ဟိ ဣဓ တက္ကိနောပိ အနုဿဝါဒိဝသေန အဓိဂမဝတော ဝိယ အဘိနိဝေသော။ အပိစ န ဣမာ ဒိဋ္ဌိယော ဘဂဝတာ အနာဂတေ

ဧဝံဘာဝိဝသေန ဒေသိတာ၊ နာပိ ဧဝမေတေ ဘဝေယျန္တိ ပရိကပ္ပနာဝသေန၊ အထ ခေါ ယထာ ယထာ ဒိဋ္ဌိဂတိကေဟိ “ဣဒမေဝ သစ္စံ၊ မောဃမည”န္တိ မညိတာ၊ တထာ တထာယေဝ ဣမေ ဒိဋ္ဌိဂတာ ယထာဘုစ္စံ သဗ္ဗညုတညာဏေန ပရိစ္ဆိန္နိတွာ ပကာသိတာ၊ ယေဟိ ဂမ္ဘီရာဒိပ္ပကာရာ အပုထုဇ္ဇနဂေါစရာ ဗုဒ္ဓဓမ္မာ ပကာသန္တိ၊ ယေသဉ္စ ပရိကိတ္တနေန တထာဂတာ သမ္ဗဒေဝ ထောမိတာ ဟောန္တိ။

အပရော နယော—ယထာ ဥစ္ဆေဒဝါဒီဟိ ဒိဋ္ဌိဂတိကေဟိ ဥတ္တရုတ္တရဘဝဒဿီဟိ အပရဘဝဒဿိနံ တေသံ ဝါဒပဋိသေဝေသေန သကသကဝါဒါ ပတိဋ္ဌာပိတာ၊ တထာယေဝါယံ ဒေသနာ ကတာတိ ပုရိမဒေသနာဟိ ဣမိဿာ ဒေသနာယ ပဝတ္တိဘေဒေါ န စောဒေတဗ္ဗော၊ ဧဝံ ကတွာ အရူပဘဝဘေဒဝသေန ဥစ္ဆေဒဝါဒေါ စတုဓာ ဝိဘဇိတွာ ဝိယ ကာမရူပဘဝဘေဒဝသေနာပိ အနေကဓာ ဝိဘဇိတွာယေဝ ဝတ္တဗ္ဗော၊ ဧဝံ သတိဘဂဝတာ ဝုတ္တသတ္တကတော ဗဟုတရဘေဒေါ ဥစ္ဆေဒဝါဒေါ အာပဇ္ဇတိတိ၊ အထ ဝါ ပစ္စေကံ ကာမရူပဘဝဘေဒဝသေန ဝိယ အရူပဘဝဝသေနာပိ န ဝိဘဇိတွာ ဝတ္တဗ္ဗော၊ ဧဝံ သတိ ဘဂဝတာ ဝုတ္တသတ္တကတော အပ္ပတရဘေဒေါ ဥစ္ဆေဒဝါဒေါ အာပဇ္ဇတိတိ စ ဧဝံပကာရာပိ စောဒနာ အနဝကာသာ ဧဝ ဟောတိ။ ဒိဋ္ဌိဂတိကာနဉ္စ ယထာဘိမတံ ဒေသနာ ပဝတ္တာတိ။

၈၅။ မာတာပိတူနံ ဧတန္တိ တံသမ္ဗန္ဓနတော ဧတံ မာတာပိတူနံ သန္တကန္တိ အတ္ထော။ သုက္ကသောဏိတန္တိ ပိတု သုက္ကံ၊ မာတု သောဏိတဉ္စ၊ ဥဘိန္တံ ဝါ သုက္ကသင်္ခါတံ သောဏိတံ။ မာတာပေတ္တိကေတိ နိမိတ္တေ စေတံ ဘုမ္မံ။ ဣတိတိ ဣမေဟိ တိဟိ ပဒေဟိ။ “ရူပကာယဝသေနာ”တိ အဝတွာ “ရူပကာယသီသေနာ”တိ ဝဒန္တော အရူပမ္ပိ တေသံ “အတ္တာ”တိ ဂဟဏံဉ္စပေတိ။ ဣမိနာ ပကာရေန ဣတ္ထန္တိ အာဟ “ဧဝမေကေ”တိ။ ဧဝံ-သဒ္ဓေါ ဟေတ္ထ ဣဒမတ္ထော၊ ဣမိနာ ပကာရေနာတိ အတ္ထော။ ဧကေတိ ကေစ္စေ၊ အညေ ဝါ။

၈၆။ မနုဿာနံ ပုဗ္ဗေ ဂဟိတတ္တာ၊ အညေသဉ္စ အသမ္ဘဝတော “ကာမာဝစရော”တိ ဧတ္ထ ဆကာမာဝစရဒေဝပရိယာပန္တောတိ အတ္ထော။ ကမဇ္ဇိကာရော စေတ္ထ ယထာဝုတ္တသုဓာဟာရော။

၈၇။ ဈာနမနေန နိဗ္ဗတ္တောတိ ဧတ္ထ ယံ ဝတ္တဗ္ဗံ၊ တံ ဟေဋ္ဌာ ဝုတ္တမေဝ။ မဟာဝယဝေါ အင်္ဂေါ၊ တတ္ထ ဝိသုံ ပဝတ္တော ပစ္စင်္ဂေါ၊ သဗ္ဗေဟိ အင်္ဂပစ္စင်္ဂေဟိ ယုတ္တော တထာ။ တေသန္တိ စက္ခုသောတိန္ဒြိယာနံ။ ဣတရေသန္တိ သာနဇိဝှါ- ကာယိန္ဒြိယာနံ။ တေသမ္ပိ ဣန္ဒြိယာနံ သဏ္ဌာနံ ပုရိသဝေသဝသေနဝ ဝေဒိတဗ္ဗံ။ တထာ ဟိ အဋ္ဌကဏာသု ဝုတ္တံ “သမာနေပိ တတ္ထ ဥဘယလိင်္ဂါဘာဝေ ပုရိသ- သဏ္ဌာနာဝ တတ္ထ မြဟ္မာနော၊ န ဣတ္ထိသဏ္ဌာနာ”တိ<sup>၁</sup>။

၈၈-၉၂။ အာကာသာနဉ္စာယတန-သဒ္ဓေါ ဣမ ဘဝေယေဝါတိ အာဟ “အာကာသာနဉ္စာယတနဘဝ”န္တိ။ ဧတ္တာဟ—ယုတ္တံ တာဝ ပုရိမေသု တီသု ဝါဒေသု “ကာယဿ ဘေဒါ”တိ ဝတ္ထုပဉ္စဝေါကာရဘဝပရိယာပန္တံ အတ္တ- ဘာဝမာရဗ္ဗ ပဝတ္တတ္တာ တေသံ ဝါဒါနံ၊ စတုဝေါကာရဘဝပရိယာပန္တံ ပန အတ္တဘာဝံ နိဿာယ ပဝတ္တေသု စတုတ္ထာဒီသု စတုသု ဝါဒေသု ကသ္မာ “ကာယဿ ဘေဒါ”တိ ဝုတ္တံ။ န ဟိ အရူပိနံ ကာယောဝိဇ္ဇတိ။ ယောဘေဒေါတိ ဝုစ္စေယျာတိ? သစ္စမေတံ၊ ရူပတ္တဘာဝေ ပန ပဝတ္တဝေါဟာရေနဝ ဒိဋ္ဌိဂတိကော အရူပတ္တဘာဝေပိ ကာယဝေါဟာရံ အာရောပေတွာ ဧဝမာဟ။ လောကသ္မိပ္ပိ ဒိဿတိ အညုတ္တဘူတောပိ ဝေါဟာရော တဒညတ္တသမာရောပိတော ယထာတံ “သသဝိသာဏံ၊ ခံ ပုပ္ဖ”န္တိ။ ယထာ စ ဒိဋ္ဌိဂတိကာ ဒိဋ္ဌိယော ပညပေန္တိ၊ တထာယေဝ ဘဂဝါပိ ဒေသေတိတိ။ အပိစ နာမကာယဘာဝတော ဖဿာဒိဓမ္မသမူဟဘူတေ အရူပတ္တဘာဝေ ကာယနိဒ္ဒေသော ဒဋ္ဌဗ္ဗော။ သမူဟဋ္ဌေနပိဟိ “ကာယော”တိ ဝုစ္စတိ “ဟတ္ထိကာယော အဿကာယော”တိ- အာဒီသု ဝိယ။ ဧတ္ထ စ ကာမာဝစရဒေဝတ္တဘာဝါဒိနိရဝသေသဝိဘဝပတိဋ္ဌာ- ပကာနံ ဒုတိယာဒိဝါဒါနံ အပရန္တကပ္ပိကဘာဝေါ ယုတ္တော ဟောတု အနာဂတဒ္ဓဝိသယတ္တာ တေသံ ဝါဒါနံ၊ ကထံ ပန ဒိဋ္ဌိဂတိကဿ ပစ္စက္ခဘူတ- မနုဿတ္တဘာဝါပဂမပတိဋ္ဌာပကဿ ပဌမဝါဒဿ အပရန္တကပ္ပိကဘာဝေါ ယုဇ္ဇေယျ ပစ္စုပ္ပန္နဒ္ဓဝိသယတ္တာ တဿ ဝါဒဿ။ ဒုတိယဝါဒါဒိနိ ပုရိမပုရိမ- ဝါဒသင်္ဂဟိတဿေဝ အတ္တနော အနာဂတေ တဒုတ္တရိဘဝူပပန္နဿ သမုစ္ဆေဒ- ဗောဓနတော ယုဇ္ဇတိ အပရန္တကပ္ပိကတာ၊ တထာ စေဝ ဝုတ္တံ “နော စ ခေါ ဘော အယံ အတ္တာ ဧတ္တာဝတာ သမ္မာ သမုတ္တိန္နော ဟောတိ”တိအာဒိ၊ ယံ ပန တတ္ထ ဝုတ္တံ “အတ္ထိ ခေါ ဘော အညော အတ္တာ”တိ၊ တံ မနုဿတ္တ- ဘာဝါဒိဟေဋ္ဌိမတ္တဘာဝဝိသေသာပေက္ခာယ ဝုတ္တံ၊ န သဗ္ဗထာ အညဘာဝ- တော။ ပဌမဝါဒဿ ပန အနာဂတေ တဒုတ္တရိဘဝူပပန္နဿ အတ္တနော

သမုစ္ဆေဒဗောဓနာဘာဝတော, “အတ္ထိ ခေါဘော အညော အတ္တာ”တိ ဧတ္ထ အညဘာဝေန အဂ္ဂဟဏတော စ န ယုဇ္ဇတေဝ အပရန္တကပ္ပိကတာတိ? နော န ယုဇ္ဇတိ ဣဓလောကပရိယာပန္နတ္ထေဝိ ပဌမဝါဒဝိသယဿ အနာဂတကာလိကဿေဝ တေန အဓိပ္ပေတတ္တာ။ ပဌမဝါဒိနာပိ ဟိ ဣဓလောကပရိယာပန္နဿ အတ္တနော ပရံ မရဏာ ဥစ္ဆေဒေါ အနာဂတကာလဝသေနေဝ အဓိပ္ပေတော၊ တသ္မာ စဿ အပရန္တကပ္ပိကတာယ န ကောစိ ဝိရောဓောတိ။

### ဒိဋ္ဌဓမ္မနိဗ္ဗာနဝါဒဝဏ္ဏနာ

၉၃။ ဤဏေန ဒဋ္ဌဗ္ဗောတိ ဒိဋ္ဌော၊ ဒိဋ္ဌော စ သောသဘာဝဋ္ဌေန ဓမ္မော စာတိ ဒိဋ္ဌဓမ္မော၊ ဒဿနဘူတေန ဤဏေန ဥပလဒ္ဓသဘာဝေါတိ အတ္ထော။ သော ပန အက္ခာနမိန္ဒြိယာနံ အဘိမုခိဘူတော ဝိသယောယေဝါတိ ဝုတ္တံ “ပစ္စက္ခဓမ္မော ဝုစ္စတိ”တိ။ တတ္ထ ယော အနိန္ဒြိယဝိသယော၊ သောပိ သုပါကဋ္ဌဘာဝေန ဣန္ဒြိယဝိသယော ဝိယ ဟောတိတိ ကတွာ တထာ ဝုတ္တန္တိ ဒဋ္ဌဗ္ဗံ၊ တေနောဟ “တတ္ထ တတ္ထ ပဋိလဒ္ဓတ္တဘာဝဿေတံ အဓိဝစန”န္တိ၊ တသ္မိံ တသ္မိံ ဘဝေ ယထာကမ္မံ ပဋိလဘိတဗ္ဗတ္တဘာဝဿ ဝါစကံ ပဒံ၊ နာမန္တိ ဝါ အတ္ထော။ နိဗ္ဗာနဉ္စေတ္ထ ဒုက္ခဝူပသမနမေဝ၊ န အဂ္ဂဗလံ၊ န စ အသင်္ခတဓာတု တေသမဝိသယတ္တာတိ အာဟ “ဒုက္ခဝူပသမန”န္တိ။ ဒိဋ္ဌဓမ္မနိဗ္ဗာနေ ပဝတ္ထော ဝါဒေါ ဧတေသန္တိ ဒိဋ္ဌဓမ္မနိဗ္ဗာနဝါဒါတိပိ ယုဇ္ဇတိ။

၉၄။ ကာမနီယတ္တာ ကာမာ စ တေ အနေကာဝယဝါနံ သမူဟဘာဝတော သတ္တာနဉ္စ ဗန္ဓနတော ဂုဏာ စာတိ ကာမဂုဏာတိ အတ္ထံ သန္တာယာဟ “မနာဝိယဂ္ဂုပါဒိဟိ”တိအာဒိ။ ယာဝ ဗောဋ္ဌဗ္ဗာရမ္မဏဉ္စေတ္ထ အာဒိ-သဒ္ဓေန သင်္ဂဏာတိ။ သုဒ္ဓါ အပ္ပိတောတိ သမ္မာ ဌပိတော။ ဌပနာ စေတ္ထ အလ္လိယနာတိ အာဟ “အလ္လိနော”တိ။ ပရိတော တတ္ထ တတ္ထ ကာမဂုဏေသု ယထာသကံ ဣန္ဒြိယာနိ စာရေတိ ဂေါစရံ ဂဏှာပေတိတိ အတ္ထံ ဒဿေတုံ “တေသု”တိ-အာဒိ ဝုတ္တံ၊ တေနာဟ “ဣတော ဝိတော စ ဥပနေတိ”တိ။ ပရိ-သဒ္ဓဝိသိဋ္ဌော ဝါ ဣဓ စရ-သဒ္ဓေါ ကိဋ္ဌာယန္တိ ဝုတ္တံ “ပလဋ္ဌတိ”တိ အာဒိ။ ပလဋ္ဌတိတိ ဟိ ပကာရေန လဋ္ဌတိ၊ ဝိလာသံ ကရေတိတိ အတ္ထော။ “ဧတ္ထ စာ”တိအာဒိနာ ဥတ္တမကာမဂုဏိကာနမေဝ ဒိဋ္ဌဓမ္မနိဗ္ဗာနံ ပညပေန္တိတိ ဒဿေတိ။ မန္ဓာတုမဟာရာဇဝသဝတ္ထိဒေဝရာဇကာမဂုဏာ ဟိ ဥတ္တမတာယ နိဒဿိတာ၊ ကသ္မာတိ အာဟ “ဧရူပေ”တိအာဒိ။

၉၅။ အညထာဘင်္ဂါတိ ကာရဏေ နိဿက္ကဝစနံ။ ဝုတ္တနယေနာတိ သုတ္တပဒေသု ဒေသိတနယေန၊ ဧတေန သောကာဒိနမုပ္ပဇ္ဇနာကာရံ ဒသေတိ။ ဉှုတိဘောဂရောဂသီလဒိဋ္ဌိဗျသနေဟိ ဖုဋ္ဌဿ စေတသော အပ္ပန္နရံ နိဇ္ဈာယနံ သောစနံ အန္တောနိဇ္ဈာယနံ၊ တဒေဝ လက္ခဏမေတဿာတိ အန္တောနိဇ္ဈာယနလက္ခဏော။ တသ္မိံ သောကေ သမုဋ္ဌာနဟေတုဘူတေ နိဿိတံ တန္တိဿိတံ။ ဘုသံ ဝိလပနံ လာလပ္ပနံ၊ တန္တိဿိတမေဝ လာလပ္ပနံ၊ တဒေဝ လက္ခဏမဿာတိ တန္တိဿိတလာလပ္ပနလက္ခဏော။ ပဿာဒသင်္ခါတေ ကာယေ နိဿိတဿ ဒုက္ခသဟဂတကာယဝိညာဏဿ ပဋိဝိဋ္ဌနံ ကာယ-ပဋိဝိဋ္ဌနံ၊ သဿန္တာရကထနံ ဝါ ဧတံ ယထာ “ဓနနာ ဝိဇ္ဈတိ”တိ။ တဒုပ-နိဿယဿ ဝါ အနိဋ္ဌရူပဿ ပစ္စာ ပဝတ္တနတော “ရူပကာယဿ ပဋိဝိဋ္ဌနံ”န္တိဝိဝဇ္ဇတိ။ ပဋိသသမ္ပယုတ္တဿ မနသော ဝိဟေသနံ မနောဝိဇာတံ။ တဒေဝ လက္ခဏမဿာတိ သဗ္ဗတ္ထ ယောဇေတဗ္ဗံ။ ဉှုတိဗျသနာဒိနာ ဖုဋ္ဌဿ ပရိဒေဝနာယပိ အသက္ကုဏန္တဿ အန္တောဂတသောကသမုဋ္ဌိတော ဘုသော အာယာသော ဥပါယာသော။ သော ပန စေတသော အပ္ပသန္တာကာရော ဧဝါတိ အာဟ “ဝိသာဒလက္ခဏော”တိ။ သာဒနံ ပဿာဒနံ သာဒေါ၊ ပသန္တတာ။ အနုပသဂ္ဂေါပိ ဟိ သဒ္ဓေါ သဥပသဂ္ဂေါ ဝိယ ယထာဝုတ္တဿ အတ္တဿ ဗောဓကော ယထာ “ဂေါတြဘူ”တိ။ ဧဝံ သဗ္ဗတ္ထ။ တတော ဝိဂမနံ ဝိသာဒေါ၊ အပ္ပသန္တာဘာဝေါ။

၉၆။ ဝိတက္ကနံ ဝိတက္ကိတံ၊ တံ ပနတ္ထတော ဝိတက္ကောဝ၊ တထာ ဝိစာရိ-တန္တိ ဧတ္ထာပိ၊ တေန ဝုတ္တံ “အဘိနိရောပနဝသေန ပဝတ္တော ဝိတက္ကော”တိ-အာဒိ။ ဧတေနာတိ ဝိတက္ကဝိစာရေ ပရာမသိတွာ ကရဏနိဒ္ဒေသော၊ ဟေတု-နိဒ္ဒေသော ဝါ။ တေနေတမတ္ထံ ဒီပေတိ “ခေါဘကရသဘာဝတ္တာ ဝိတက္က-ဝိစာရနံ တံသဟိတမ္ပိ ဈာနံ တေဟိ သဥပဋ္ဌနံ ဝိယ ဟောတိ”တိ၊ တေနာဟ “သကဏ္ဍကံ” ဝိယ ခါယတိ”တိ။ ဩဋ္ဌာရိကဘာဝေါ ဟိ ဝိတက္ကဝိစာရသင်္ခါ-တေန ကဏ္ဍကေန သဟ ပဝတ္တကထာ။ ကဏ္ဍကသဟိတဘာဝေါ စ သဥပဋ္ဌန-တာ ဧဝ၊ လောကေ ဟိ သကဏ္ဍကံ ဖရသကံ ဩဋ္ဌာရိကန္တိ ဝဒန္တိ။

၉၇။ ဝီတိဂတံ ဝီတိယေဝ “ဒိဋ္ဌိဂတ”န္တိအာဒိသု၊ ဝိယ ဂတ-သဒ္ဓဿ တဗ္ဘာဝဝုတ္တိတော။ အယဉ္စိ သံဝဏ္ဏကာနံ ပကတိ၊ ယဒိဒံ အနတ္တကပဒံ၊ တုလျာဓိကရဏပဒဉ္စ ဌပေတွာ အတ္ထဝဏ္ဏနာ။ တထာ ဟိ တတ္ထ တတ္ထ ဒိဿတိ။

“ယောပနာတိ ယော ယာဒိသော၊ နိဗ္ဗာနဓာတုတိ နိဗ္ဗာယနမတ္ထ”န္တိ စ အာဒိ။ ယာယ နိမိတ္တဘူတာယ ဥဗ္ဗိလာဝနပီတိယာ ဥပ္ပန္နာယ စိတ္တံ ဥဗ္ဗိလာဝိတံ နာမ၊ သာယေဝ ဥဗ္ဗိလာဝိတတ္ထံ ဘာဝဝါစကဿ နိမိတ္တေ ပဝတ္တနတော။ ဣတိ ပီတိယာ ဥပ္ပန္နာယ ဧဝ စိတ္တဿ ဥဗ္ဗိလာဝနတော တဿ ဥဗ္ဗိလာဝိတဘာဝေါ ပီတိယာ ကတော နာမာတိ အာဟ “ဥဗ္ဗိလဘာဝကရဏ”န္တိ။

၉၀။ အာဘုဇနံ မနသိကရဏံ အဘောဂေါ။ သမ္မာ အနုက္ကမေန၊ ပုနပုနံ ဝါ အာရမ္မဏဿ အာဟာရေ သမန္တာဟာရေ။ အယံ ပန ဇီကာယံ၊ ဝုတ္တနယော—စိတ္တဿ အာဘုဂ္ဂဘာဝေါ အာရမ္မဏေ အဘိနတဘာဝေါ အဘောဂေါ။ သုခေန ဟိ စိတ္တံ အာရမ္မဏေ အဘိနတံ ဟောတိ၊ န ဒုက္ခေန ဝိယ အပနတံ၊ နာပိ အဒုက္ခမသုခေန ဝိယ အနဘိနတံ၊ အနပနတဉ္စာတိ။ ဧတ္ထ စ “မနညဘောဇနာဒိသု ခုပ္ပပါသာဒိအဘိဘူတဿ ဝိယ ကာမေဟိ ဝိဝေစိယမာနဿ ဥပါဒါရမ္မဏပတ္ထနာဝိသေသတော အဘိဝဓုတိ၊ မနညဘောဇနံ ဘုတ္တာဝိနော ဝိယ ပန ဥဋ္ဌာရကာမရဿဿ ယာဝဒတ္ထံ နိစိတဿ သဟိတဿ ဘုတ္တကာမတာယ ကာမေသု ပါတဗျတာ န ဟောတိ၊ ဝိသယာနဘိဂိဒ္ဓနတော ဝိသယေဟိ ဒုဗ္ဗောစိယေဟိ ဇလူကာ ဝိယ သယမေဝ မုစ္ဆတိ”တိ စ အယောနိသော ဥဗ္ဗုဇ္ဇိတွာ ကာမဂုဏသန္တပ္ပိတတာယ သံသာရဒုက္ခဝုပသမံ ဗျာကာသိ ပဌမဝါဒီ။ ကာမာဒိနံ အာဒိနဝဒဿိတာယ၊ ပဌမာဒိဈာနသုခဿ သန္တဘာဝဒဿိတာယ စ ပဌမာဒိဈာနသုခတိတ္ထိယာ သံသာရဒုက္ခပစ္စေဒံ ဗျာကံသု ဒုတိယာဒိဝါဒိနော။ ဣဓာပိ ဥစ္ဆေဒဝါဒေဝ ဝုတ္တပ္ပကာရေ ဝိစာရေ ယထာသမ္ဘဝံ အာနေတွာ ဝတ္ထဗ္ဗော။ အယံ ပနေတ္ထ ဝိသေသော—ဧကသ္မိမ္ပိ အတ္တဘာဝေ ပဉ္စ ဝါဒါ လဗ္ဘန္တိ။ ပဌမဝါဒေ ယဒိ ကာမဂုဏသမပ္ပိတော အတ္တာ၊ ဧဝံ သော ဒိဋ္ဌဓမ္မနိဗ္ဗာနပ္ပတ္တော။ ဒုတိယာဒိဝါဒေသု ယဒိ ပဌမဝါဒသင်္ဂဟိတော သောယေဝ အတ္တာ ပဌမဇ္ဈာနာဒိသမင်္ဂိ၊ ဧဝံ သတိ ဒိဋ္ဌဓမ္မနိဗ္ဗာနပ္ပတ္တောတိ။ တေနေဝ ဟိ ဥစ္ဆေဒဝါဒေ ဝိယ ဣဓ ပါဠိယံ “အညော အတ္တာ”တိ အညဂ္ဂဟဏံ န ကတံ။ ကထံ ပန အစ္စန္တနိဗ္ဗာနပညာပကဿ အတ္တနော ဒိဋ္ဌဓမ္မနိဗ္ဗာနဝါဒဿ သဿတဒိဋ္ဌိယာ သင်္ဂဟော၊ န ဥစ္ဆေဒဒိဋ္ဌိယာတိ? တံတံသုခဝိသေသသမင်္ဂိတာပဋိလဋ္ဌေန ဗန္ဓဝိမောက္ခေန သုဒ္ဓဿ အတ္တနော သကရူပေနေဝ အဝဋ္ဌာနဒီပနတော။ တေသဉ္စိ တထာပဋိလဋ္ဌေန ကမ္မဗန္ဓဝိမောက္ခေန သုဒ္ဓေါ ဟုတွာ ဒိဋ္ဌဓမ္မနိဗ္ဗာနပ္ပတ္တော အတ္တာ သကရူပေနေဝ အဝဋ္ဌာသိတိ လဒ္ဓိ။ တထာ ဟိ ပါဠိယံ “တ္ထောဝတာ ခေါ

ဘော အယံ အတ္တာ ပရမဒိဋ္ဌဓမ္မနိဗ္ဗာနံ ပတ္တော ဟောတိ”တိ သဿတဘာဝ-  
ဉ္စပကစ္ဆာယာယ ဧဝံ တေသံ ဝါဒဒဿနံ ကတန္တိ။

“**တ္တောဝတော**”တိအာဒိနာ ပါဠိယတ္ထသမ္ပိဏ္ဍနံ။ တတ္ထ ယာသန္တိ ယထာ-  
ပုတ္တာနံ ဒိဋ္ဌိနံ အနိယမနိဋ္ဌေသဝစနံ။ တဿ ဣမာ ဒွါသဋ္ဌိ ဒိဋ္ဌိယော  
ကထိတာတိ နိယမနံ၊ နိယတာနပေက္ခဝစနံ ဝါ ဧတံ “ယံ သန္ဓာယ  
ပုတ္တ”န္တိ အာဂတဋ္ဌာနေ ဝိယ။ သေသာတိ ပဉ္စပညာသ ဒိဋ္ဌိယော။ တာသု  
အန္တာနန္တိကဝါဒါဒိနံ သဿတဒိဋ္ဌိသင်္ဂဟဘာဝေါ တတ္ထ တတ္ထ ပကာသိတော-  
ယေဝ။ ကိံ ပနေတ္ထ ကာရဏံ၊ ပုဗ္ဗန္တာပရန္တာ ဧဝံ ဒိဋ္ဌာဘိနိဝေသဿ  
ဝိသယဘာဝေန ဒဿိတာ၊ န ပန တဒုဘယမေကဇ္ဈန္တိ? အသမ္ဘဝေါ  
ဧဝေတ္ထ ကာရဏံ။ န ဟိ ပုဗ္ဗန္တာပရန္တေသု ဝိယ တဒုဘယဝိနိမုတ္တေ မဇ္ဈန္တေ  
ဒိဋ္ဌိကပ္ပနာ သမ္ဘဝတိ တဒုဘယန္တရမတ္တေန ဣတ္ထရကာလတ္တာ။ အထ ပန  
ပစ္စုပ္ပန္နတ္တဘာဝေါ တဒုဘယဝေမဇ္ဈံ၊ ဧဝံ သတိ ဒိဋ္ဌိကပ္ပနာက္ခမော တဿ  
ဥဘယသဘာဝေါ ပုဗ္ဗန္တာပရန္တေသုယေဝ အန္တောဂဓောတိ ကထံ တဒုဘယ-  
မေကဇ္ဈံ အဒဿိတံ သိယာ။ အထ ဝါ ပုဗ္ဗန္တာပရန္တဝန္တတာယ “ပုဗ္ဗန္တာ-  
ပရန္တာ”တိ မဇ္ဈန္တော ပုစ္ဆတိ၊ သောပိ “ပုဗ္ဗန္တကပ္ပိကာ စ အပရန္တကပ္ပိကာ စ  
ပုဗ္ဗန္တာပရန္တကပ္ပိကာ စာ”တိ ဥပရိ ဝဒန္တေန ဘဂဝတာ ပုဗ္ဗန္တာပရန္တေဟိ ဝိသုံ  
ကတွာ ပုတ္တောယေဝါတိ ဒဋ္ဌဗ္ဗော။ အဋ္ဌကထာယမ္ပိ “သဗ္ဗေပိ တေ ပုဗ္ဗန္တာ-  
ပရန္တကပ္ပိကေ”တိ ဧတေန သာမညနိဋ္ဌေသေန၊ ဧကသေသေန ဝါ သင်္ဂဟိ-  
တောတိ ဝေဒိတဗ္ဗံ။ အညထာ ဟိ သင်္ဂဟိတွာ ပုတ္တဝစနဿ နိရဝသေသ-  
သင်္ဂဟနာဘာဝတော အနတ္ထကတာ အာပဇ္ဇေယျာတိ။ ဧက ပန တေ  
ပုဗ္ဗန္တာပရန္တကပ္ပိကာတိ? ယေ အန္တာနန္တိကာ ဟုတွာ ဒိဋ္ဌဓမ္မနိဗ္ဗာနဝါဒါတိ  
ဧဝမာဒိနာ ဥဘယသမ္ဘန္တာဘိနိဝေသိနော ဝေဒိတဗ္ဗာ။

၁၀၀-၁၀၄။ “**ဣဒါနိ**”တိအာဒိနာ အပ္ပနာဝစနဒ္ဒယဿ ဝိသေသံ  
ဒဿေတိ။ တတ္ထ ဧကန္တန္တိ ရာသိကရဏတ္ထေ နိပါတော။ ဧကော ကရောတိတိ  
ဧကန္တန္တိပိ နေရုတ္တိကာ၊ ဘာဝနပုံသကဇ္ဇေတံ။ **ဣတိ-သဒ္ဓေါ** ဣဒမတ္ထော၊ ဣမိနာ  
ပကာရေန ပုစ္ဆိတွာ ဝိသဇ္ဇေသိတိ အတ္ထော။ **အဇ္ဈာသယန္တိ** သဿတုစ္ဆေဒ-  
ဝသေန ဒိဋ္ဌိဇ္ဈာသယံ။ တဒုဘယဝသေန ဟိ သတ္တာနံ သံကိလေသပက္ခေ  
ဒုရိဓော အဇ္ဈာသယော။ တထာ ဟိ ပုတ္တံ—

“သဿတုစ္ဆေဒဒိဋ္ဌိ စ၊ ခန္တိ စေဝါနုလောမိကာ။  
ယထာဘူတဉ္စ ယံ ဉ္စဏံ၊ ဧတံ အာသယသဒ္ဓိတ”န္တိ ။

၁-ဝိသုဒ္ဓိ-၇၂ ၁-၂၃၉၊ ဒီ-၇၂ ၁-၂၇၊ သာရတ္ထ-၇၂ ၁-၇၅၊ ၂၄၉၊ ဝိမတိ-၇၂ ၁-၅၄၊ သီ-၇၂(နဝ)၁-၉၉-ဝိဇ္ဇေသုပိ။

တဉ္စ ဘဂဝါ အပရိမာဏာသု လောကဓာတုသု အပရိမာဏာနံ သတ္တာနံ အပရိမာဏေ ဧဝ ဂြေယျဝိသေသေ ဥပ္ပဇ္ဇနဝသေန အနေကဘေဒဘိန္နမ္ပိ “စတ္တာရော ဇနာ သဿတဝါဒါ”တိအာဒိနာ ဒွါသဋ္ဌိယာ ပဘေဒေဟိ သင်္ဂဏှနဝသေန သဗ္ဗညုတညာဏေန ပရိစ္ဆိန္နိတွာ ဒဿေန္တော ပမာဏ-ဘူတာယ တုလာယ ဓာရယမာနော ဝိယ ဟောတီတိ အာဟ “တုလာယ တုလယန္တော ဝိယာ”တိ။ တထာ ဟိ ဝက္ခတိ “အန္တောဇာလိကတာ”တိ-အာဒိ”။ “သိနေရူပါဒတော ဝါလုကံ ဥဒ္ဓရန္တော ဝိယာ”တိ ပန ဧတေန သဗ္ဗညုတညာဏတော အညဿ ဉာဏဿ ဣဓိဿာ ဒေသနာယ အသက္ကု-ဏေယျတံ ဒဿေတိ ပရမဂန္တိရတာဝစနတော။

တ္ထေ စ “သဗ္ဗေ တေ ဣမေဟေဝ ဒွါသဋ္ဌိယာ ဝတ္ထုဟိ၊ ဧတေသံ ဝါ အည-တရေန၊ နတ္ထိ ဣတော ဗဟိဒ္ဓါ”တိဝစနတော၊ ပုဗ္ဗန္တကပ္ပိကာဒိတ္တယဝိနိမုတ္တဿ စ ကဿမိ ဒိဋ္ဌိဂတိကဿ အဘာဝတော ယာနိ တာနိ သာမညဖလာဒိသုတ္တန္တ-ရေသု၊ ဝုတ္တပ္ပကာရာနိ အကိရိယာဟေတုကနတ္ထိကဝါဒါဒိနိ၊ ယာနိ စ ဣဿရ-ပကတိပဇာပတိပုရိသကာလသဘာဝနိယတိယဒိန္နာဝါဒါဒိပ္ပဘေဒါနိ ဒိဋ္ဌိ-ဂတာနိ၊ ဗဟိဒ္ဓါပိ ဒိဿမာနာနိ၊ တေသံ ဧတ္ထေဝ သင်္ဂဟတော အန္တောဂဓတာ ဝေဒိတဗ္ဗာ။ ကထံ? အကိရိယဝါဒေါ တာဝ “ဝဗ္ဗော ကုဋ္ဌဋ္ဌော”တိအာဒိနာ ကိရိယာဘာဝဒီပနတော သဿတဝါဒေ အန္တောဂဓော၊ တထာ “သတ္ထိမေ ကာယာ”တိအာဒိ၊ နယပ္ပဝတ္တော ပကုဓဝါဒေါ၊ “နတ္ထိ ဟေတု နတ္ထိ ပစ္စယော သတ္တာနံ သံကိလေသာယာ”တိအာဒိ၊ နယပ္ပဝတ္တော အဟေတုကဝါဒေါ စ အဓိစ္စသမုပ္ပန္နဝါဒေ။ “နတ္ထိ ပရော လောကော”တိအာဒိ၊ နယပ္ပဝတ္တော နတ္ထိကဝါဒေါ ဥစ္ဆေဒဝါဒေ။ တထာ ဟိ တတ္ထ “ကာယဿ ဘေဒါ ဥစ္ဆိဇ္ဇတိ”တိအာဒိ၊ ဝုတ္တံ။ ပဌမေန အာဒိ-သဒ္ဓေန နိဂဏ္ဌဝါဒါဒယော သင်္ဂဟိတာ။

ယဒိပိ ပါဠိယံ” နာဠုပုတ္တဝါဒဘာဝေန စာတုယာမသံဝရော အာဂတော၊ တထာပိ သတ္တဝတတတိက္ကမေန ဝိက္ခေပဝါဒိတာယ နာဠုပုတ္တဝါဒေါပိ သဗ္ဗယ-ဝါဒေါ ဝိယ အမရာဝိက္ခေပဝါဒေသု အန္တောဂဓော။ “တံ ဇီဝံ တံ သရီရံ၊ အညံ ဇီဝံ အညံ သရီရံ”န္တိ ဧဝံပကာရာ ဝါဒါ ပန “ရူပိ အတ္တာ ဟောတိ

၁-ဒီ-၄ ၁-၁၁၇-ပိဋ္ဌေ။	၂-ဒီ ၁-၄၉-ပိဋ္ဌာဒိသု။
၃-ပိသုဒ္ဓိ-၇ ၂-၂၁၇၊ ၂၁၈၊ အန-၇ ၂-၆၄၊ ၆၅-ပိဋ္ဌေသု ပဿိတဗ္ဗံ။	၄-ဒီ ၁-၅၂-ပိဋ္ဌေ။
၅-ဒီ ၁-၅၀-ပိဋ္ဌေ။	၆-ဒီ ၁-၅၁-ပိဋ္ဌေ။
၈-ဒီ ၁-၅၄-ပိဋ္ဌေ။	၇-ဒီ ၁-၃၁-ပိဋ္ဌေ။
	၉-ဒီ ၁-၁၄၉၊ ၁၅၀၊ မ ၂-၈၉၊ သံ ၁-၂၉၁၊ ၂၉၂-ပိဋ္ဌာဒိသု။

အရောဂေါ ပရံ မရဏာ”တိအာဒိဝါဒေသု သင်္ဂဟံ ဂစ္ဆန္တိ။ “ဟောတိ တထာဂတော ပရံ မရဏာ, အတ္ထိ သတ္တာ ဩပပါတိကာ”တိ ဧဝံပကာရာ သဿတဝါဒေ။ “န ဟောတိ တထာဂတော ပရံ မရဏာ, နတ္ထိ သတ္တာ ဩပပါတိကာ”တိ ဧဝံပကာရာ ဥစ္ဆေဒဝါဒေ။ “ဟောတိ စ န ဟောတိ စ တထာဂတော ပရံ မရဏာ, အတ္ထိ စ နတ္ထိ စ သတ္တာ ဩပပါတိကာ”တိ ဧဝံပကာရာ ဧကစ္စသဿတဝါဒေ။ “နေဝဟောတိ န န ဟောတိ တထာဂတော ပရံ မရဏာ, နေဝတ္ထိ န နတ္ထိ သတ္တာ ဩပပါတိကာ”တိ ဧဝံပကာရာ အမရာဝိက္ခေပဝါဒေ။ ဣဿရပကတိပဇာပတိပုရိသကာလဝါဒါ ဧကစ္စသဿတဝါဒေ။ ကဏာဒဝါဒေါ, သဘာဝနိယတိယဒိစ္ဆာဝါဒါ စ အဓိစ္စသမုပ္ပန္နဝါဒေ သင်္ဂဟံ ဂစ္ဆန္တိ။ ဣမိနာ နယေန သုတ္တန္တရေသု, ဗဟိဒ္ဓါစ အညတိတ္ထိယသမယေ ဒိဿမာနာနံ ဒိဋ္ဌိဂတာနံ ဣမာသုယေဝ ဒွါသဋ္ဌိယာ ဒိဋ္ဌိသု အန္တောဂဓတာ ဝေဒိတဗ္ဗာ။ တေ ပန တတ္ထ တတ္တာဂတနယေန ဝုစ္စမာနာ ဂန္တဝိတ္တာရကရာ၊ အတိတ္ထေ စ ပက္ခန္တနမိဝ ဟောတိတိ န ဝိတ္တာရယိမှ။ ဣမ ပါဠိယံ အတ္ထဝိစာရဏာယ အဋ္ဌကထာယံ အနုတ္တာနုတ္တပကာသနမေဝ ဟိ အမှာကံ ဘာရေတိ။

“ဧဝမယံ ယထာနုသန္တိဝသေန ဒေသနာ အာဂတာ”တိ ဝစနပ္ပသင်္ဂေန သုတ္တဿာနုသန္တယော ဝိဘဇိတုံ “တယော ဟိ”တိအာဒိမာဟ။ အတ္တန္တရနိသေခနတ္ထုဉ္ဇိဝိသေသနိဒ္ဓါရဏံ။ တတ္ထ အနုသန္တံ **အနုသန္တိ၊ သမ္ပန္နမတ္တံ၊** ယံ ဒေသနာယ ကာရဏဋ္ဌေန “သမုဋ္ဌာန”န္တိပိ ဝုစ္စတိ။ ပုစ္ဆာဒယော ဟိ ဒေသနာယ ဗာဟိရကာရဏံ တဒနုရူပေန ဒေသနာပဝတ္တနတော။ တံသမ္ပန္နောပိ တန္တိဿိတတ္တာ ကာရဏမေဝ။ အပ္ပန္တရကာရဏံ ပန မဟာကရဏာဒေသနာဉာဏာဒယော။ အယမတ္ထော ဥပရိ အာဝိ ဘဝိဿတိ။ ပုစ္ဆာယ ကတော အနုသန္တိ **ပုစ္ဆာနုသန္တိ၊** ပုစ္ဆံ အနုသန္တိံ ကတွာ ဒေသိတတ္တာ သုတ္တဿ သမ္ပန္နော ပုစ္ဆာယ ကတော နာမ ဟောတိ။ ပုစ္ဆာသင်္ခါတော အနုသန္တိ **ပုစ္ဆာနုသန္တိ**တိပိ ယုဇ္ဇတိ။ ပုစ္ဆာနိဿိတေန ဟိ အနုသန္တိနာ တန္တိဿယဘူတာ ပုစ္ဆာပိ ဂဟိတာတိ။ အထ ဝါ အနုသန္တဟတိတိ **အနုသန္တိ၊** ပုစ္ဆာသင်္ခါတော အနုသန္တိ တေဿာတိ **ပုစ္ဆာနုသန္တိ၊** တံတံသုတ္တပဒေသော။ ပုစ္ဆာယ ဝါ အနုသန္တိယတိတိ **ပုစ္ဆာနုသန္တိ၊** ပုစ္ဆံ ဝစနသမ္ပန္နံ ကတွာ ဒေသိတော တံသမုဋ္ဌာနိကော တံတံသုတ္တပဒေသောဝ။ **အဇ္ဈာသယာနုသန္တိ**ပိပိ ဧသေဝ နယော။ အနုသန္တိယတိတိ အနုသန္တိ၊ ယော ယော အနုသန္တိ၊ အနုသန္တိနော အနုရူပံ ဝါ **ယထာနုသန္တိ။**

ပုစ္ဆာယ, အဇ္ဈာသယေန စ အနုသန္တိကော အာဒိမိ ဒေသိတဓမ္မဿ အနုရူပဓမ္မဝသေန ဝါ တပ္ပုပ္ပါပက္ခဓမ္မဝသေန ဝါ ပဝတ္ထော ဥပရိသုတ္တပဒေသော။

တထာ ဟိ သော “ယေန ပန ဓမ္မေန ။ပ။ ကကစူပမာ အာဂတာ”တိအာဒိနာ<sup>၁</sup> အဋ္ဌကထာယံ ဝုတ္တော၊ ယထာပါဠိမယံ ဝိဘာဂေါတိ ဒဿတိ “တတ္ထာ”တိ- အာဒိနာ။ တတ္ထ “ဧဝံ ဝုတ္တေ နန္ဒော ဂေါပါလကောဘဂဝန္တံ တေဒဝေါစာ”တိ ပဌန္တိ၊ တံ န သုန္ဒရံ သုတ္တေ တထာ အဘာဝတော။ “ဧဝံ ဝုတ္တေ နန္ဒဂေါပါလက- သုတ္တေ ဘဂဝန္တံ တေဒဝေါစာ”တိ ပန ပဋိတဗ္ဗံ တသ္မိံ သုတ္တေ “အညတရော ဘိက္ခု ဘဂဝန္တံ တေဒဝေါစာ”တိ အတ္ထဿ ဥပပတ္တိတော။ ဣဒဉ္စိ သံယုတ္တာ- ဂမဝရေ သဋ္ဌာယတနဝဂ္ဂေ<sup>၂</sup> သင်္ဂီတသုတ္တံ။ ဂင်္ဂါယ ဝုယုမာနံ ဒါရုက္ခန္တံ ဥပမံ ကတွာ သဒ္ဓါပဗ္ဗဇိတေ ကုလပုတ္တေ ဒေသိတေ နန္ဒော ဂေါပါလကော “အဟ- မိမံ ပဋိပတ္တိံ ပူရေဿာမီ”တိ ဘဂဝတော သန္တိကေ ပဗ္ဗဇံ၊ ဥပသမ္ပဒဉ္စ ဂဟေတွာ တထာပဋိပဇ္ဇမာနော နစိရဿေဝ အရဟတ္တံ ပတ္တော။ တသ္မာ “နန္ဒဂေါပါလ- ကသုတ္တ”န္တိ ပညာယိတ္ထ။ “ကိံ န ခေါ ဘန္တေ”တိအာဒိနိပန အညတရောယေဝ ဘိက္ခု အဝေါစ။ ဝုတ္တဉ္စိ တတ္ထ “ဧဝံ ဝုတ္တေ အညတရော ဘိက္ခု ဘဂဝန္တံ တေဒဝေါစ ‘ကိံ န ခေါဘန္တေ ဩရိမံ တီရန္တိ”အာဒိ။

တတြာယမတ္ထော—ဧဝံ ဝုတ္တေတိ “သစေ ခေါ ဘိက္ခဝေ ဒါရုက္ခန္တော န ဩရိမံ တီရံ ဥပဂစ္ဆတိ”တိအာဒိနာ ဂင်္ဂါယ ဝုယုမာနံ ဒါရုက္ခန္တံ ဥပမံ ကတွာ သဒ္ဓါပဗ္ဗဇိတေ ကုလပုတ္တေ ဒေသိတေ။ ဘဂဝန္တံ တေဒဝေါစာတိ အနုသန္တိ- ကုသလတာယ “ကိံ န ခေါ ဘန္တေ”တိအာဒိဝစနမဝေါစ။ တထာဂတောဟိ “ဣမိဿံ ပရိသတိ နိဿိန္တော အနုသန္တိ ကုသလော အတ္တိ၊ သောမံ ပဉ္စံ ပုစ္ဆိဿ- တိ”တိ ဧတ္ထကေန ဝေသနံ နိဋ္ဌာပေသိ။ ဩရိမံ တီရန္တိ ဩရိမဘူတံ တီရံ။ တထာ ပါရိမံ တီရန္တိ။ မဇ္ဈေ သံသိဒေါတိ ဝေမဇ္ဈေ သံသိဒနံ နိမ္မုဇ္ဇနံ။ ထလေ ဥဿာဒေါတိ ဇလမဇ္ဈေ ဥဋ္ဌိတေ ထလသ္မိံ ဥဿာရိတော အာရုဠော။ မနုဿဂ္ဂါဟောတိ မနုဿာနံ သမ္ပန္နိဘူတာနံ၊ မနုဿေဟိ ဝါ ဂဟဏံ။ တထာ အမနုဿဂ္ဂါဟောတိ။ အာဝဇ္ဇဂ္ဂါဟောတိ ဥဒကာဝဇ္ဇေန ဂဟဏံ။ အန္တောပူ- တီတိ ဝက္ကဟဒယာဒိသု အပူတိကဿာပိ ဂုဏာနံ ပူတိဘာဝေန အပ္ပန္နရံ- ပူတိတိ။

“အထ ခေါ အညတရဿ ဘိက္ခုနော”တိ အာဒိ မဇ္ဈိမာဂမဝရေ ဥပရိ- ပဏ္ဏာသကေ မဟာပုဏ္ဏမသုတ္တံ<sup>၃</sup>။ တတြာယမတ္ထော—ဣတိ ကိရာတိ ဧတ္ထ ကိရ-သဒ္ဓေါ အရုစိယံ၊ တေန ဘဂဝတော ယထာဒေသိတာယ အတ္တသုည- တာယ အတ္တနော အရုစိယဘာဝံ ဒီပေတိ။ ဘောတိ ဓမ္မာလပနံ၊ အန္တော သဘာဝဓမ္မာတိ အတ္ထော။ ယဒိ ရူပံ အနတ္တာ။ပ။ ဝိညာဏံ အနတ္တာ။ ဧဝံ

သတိတိ သပါဌသေသယောဇနာ။ **အနတ္တကတနီတိ** အတ္တနာ န ကတနိ၊ အနတ္တဘူတေဟိ ဝါ ခန္ဓေဟိ ကတနိ။ **ကမတ္တာနံ ဖုသိဿန္တိ** ကိဒိသမတ္တဘာဝံ ဖုသိဿန္တိ။ အသတိ အတ္တနိ ခန္ဓာနဉ္စ ခဏိကတ္တာ တာနိ ကမ္မာနိ ကံ နာမ အတ္တာနံ အတ္တနော ဖလေန ဖုသိဿန္တိ၊ ကော ကမ္မဖလံ ပဋိသံဝေဒိဿတိတိ ဝုတ္တံ ဟောတိ။ တဿ ဘိက္ခုနော စေတောပရိဝိတက္ကံ အတ္တနော စေတဿာ စေတောပရိယညဏသမ္ပယုတ္တေန သဗ္ဗညုတညာဏသမ္ပယုတ္တေန ဝါ အညာယ ဇာနိတွာတိ သမ္ပန္နော။

**အဝိဒ္ဓါတိ** သုတာဒိဝိရဟေန အရိယဓမ္မဿ အကောဝိဒတာယ အပဏ္ဍိတော။ **ဝိဒ္ဓါတိ** ဟိ ပဏ္ဍိတာမိဝစနံ ဝိဒတိ ဇာနာတိတိ ကတွာ။ **အဝိဇ္ဇာဂတော**တိ အဝိဇ္ဇာယ ဥပဂတော၊ အရိယဓမ္မေ အဝိနိတတာယ အပ္ပဟိနာဝိဇ္ဇောတိ အတ္ထော။ **တဏှာဓိပတေယျေန စေတဿာ**တိ “ယဒိ အဟံ နာမ ကောစိ နတ္ထိ၊ ဧဝံ သတိ မယာ ကတဿ ကမ္မဿ ဖလံ ကော ပဋိသံဝေဒေတိ၊ သတိ ပန တသ္မိံ သိယာ ကမ္မဖလူပဘောဂေါ”တိ တဏှာဓိပတိတော အာဂတေန အတ္တဝါဒုပါဒါနသဟဂတေန စေတဿာ။ **အတိဓာဝိတဗ္ဗန္တိ** အတိက္ကမိတွာ ဓာဝိတဗ္ဗံ။ ဣဒံ ဝုတ္တံ ဟောတိ—ခဏိကတ္တေဝိ သင်္ခါရာနံ ယသ္မိံ သန္တာနေ ကမ္မံ ကတံ၊ တတ္ထေဝ ဖလူပပတ္တိတော ဓမ္မပုဉ္ဇမတ္တသေဝ သိဒ္ဓေ ကမ္မဖလသမ္ပန္နေ ကေတ္တနယံ မိစ္ဆာဂဟေတွာ ဧကေန ကာရကဝေဒကဘူတေန ဘဝိတဗ္ဗံ၊ အညထာ ကမ္မကမ္မဖလာနမသမ္ပန္နော သိယာတိ အတ္တတ္တနိယသုညတာပကာသနံ သတ္တုသာသနံ အတိက္ကမိတဗ္ဗံ မညေယျာတိ။ ဣဒါနိ အနတိဓာဝိတဗ္ဗတံ ဝိဘာဝေတုံ “**တံ ကိံ မညထာ**”တိအာဒိမာဟ။

**ဥပရိ ဒေသနာ**တိ ဒေသနာသမုဋ္ဌာနဓမ္မဒိပိကာယ ဟေဋ္ဌိမဒေသနာယ ဥပရိ ပဝတ္တိတာ ဒေသနာ။ ဒေသနာသမုဋ္ဌာနဓမ္မဿ အနုရူပပဋိပက္ခဓမ္မပ္ပကာသနဝသေန ဒုဝိဓေသု ယထာနုသန္တိသု အနုရူပဓမ္မပ္ပကာသနဝသေန ယထာနုသန္တိဒဿနမေတံ “**ဥပရိ ဆ အဘိညာ အာဂတာ**”တိ။ တဒဝသေသံ ပန သဗ္ဗမိ ပဋိပက္ခဓမ္မပ္ပကာသနဝသေန။ မဇ္ဈိမာဂမဝရေ မူလပဏ္ဏာသကေယေဝ စေတာနိ သုတ္တာနိ။ **‘ကိလေသေနာ**တိ “လောဘော စိတ္တဿ ဥပက္ကိလေသော”တိအာဒိနာ ကိလေသဝသေန။ **ဘဏ္ဍနေနာ**တိ ဝိဝါဒေန။ **အက္ခန္တိယာ**တိ ကောပေန။ **ကကဗူပမာ**တိ ခရပန္တိဥပမာ။ **ဣမသ္မိမ္မိ**တိ ဝိ-သဒ္ဓေါ အပေက္ခာယံ “အယမ္ပိပါရာဇိကော”တိအာဒိသု ဝိယ၊ သမ္ပိဏ္ဍနေ ဝါ၊ တေန ယထာ ဝတ္ထသုတ္တာဒိသု ပဋိပက္ခဓမ္မပ္ပကာသနဝသေန

ယထာနုသန္ဓိ၊ ဧဝံ ဣမသ္မိမ္မိ မြဟ္မဇာလေတိ အပေက္ခနံ၊ သမ္ပိဏ္ဏနံ ဝါကရေတိ။  
တထာ ဟိ နိစ္စသာရာဒိပညာပကာနံ ဒိဋ္ဌိဂတာနံ ဝသေန ဥဋ္ဌိတာယံ ဒေသနာ  
နိစ္စသာရာဒိသုညတာပကာသနေန နိဋ္ဌာပိတာတိ။ “**တေနာ**”တိအာဒိနာ  
ယထာဝုတ္တသံဝဏ္ဏနာယ ဂုဏံ ဒဿေတိ။

**ပရိတသိတဝိပ္ပန္နိတဝါရဝဏ္ဏနာ**

၁၀၅-၁၁၇။ **မရိယာဒဝိဘာဂဒဿနတ္ထန္တိ** ဒိဋ္ဌိဂတိကာနံ တဏှာဒိဋ္ဌိပရာ-  
မာသဿ တထာဂတာနံ ဇာနနပဿနေန၊ သဿတာဒိမိစ္ဆာဒဿနဿ စ  
သမ္မာဒဿနေန သင်္ကရာဘာဝဝိဘာဂပ္ပကာသနတ္ထံ။ တဏှာဒိဋ္ဌိပရာမာသော-  
ယေဝ တေသံ၊ န တု တထာဂတာနမိဝ ယထာဘူတံ ဇာနနပဿနံ။ တဏှာ-  
ဒိဋ္ဌိဝိပ္ပန္နနမေဝေတံ မိစ္ဆာဒဿနဝေဒယိတံ၊ န တု သောတာပန္နဿ သမ္မာ-  
ဒဿနဝေဒယိတမိဝ နိစ္စလန္တိ စ ဟိ ဣမာယ ဒေသနာယ မရိယာဒဝိဘာဂံ  
ဒဿေတိ။ တေန ဝက္ခတိ “ယေန ဒိဋ္ဌိအဿာဒေန ။ပ။ တံ ဝေဒယိတ”န္တိ၊  
“ဒိဋ္ဌိသင်္ခါတေန စေဝ။ပ။ ဒဿေတိ”တိ စ။ “တဒပိ”တိ ဝုတ္တတ္တာ ယေန  
သောမနဿဇာတာ ပညပေန္တိတိ အတ္ထော လဗ္ဘတိတိ ဒဿေတုံ “**ယေနာ**”တိ-  
အာဒိဝုတ္တံ။ သာမတ္ထိယတော ဟိ အဝဂတတ္ထဿေဝေတ္ထ တ-သဒ္ဓေန ပရာမသနံ။  
**ဒိဋ္ဌိအဿာဒေနာ**တိ ဒိဋ္ဌိယာ ပစ္စယဘူတေန အဿာဒေန။ “**ဒိဋ္ဌိသုခေနာ**”တိ-  
အာဒိ တဿေဝ ဝေဝစနံ။ အဇာနန္တာနံ အပဿန္တာနံ တေသံ ဘဝန္တာနံ  
သမဏဗြာဟ္မဏာနံ တဒပိ ဝေဒယိတံ တဏှာဂတာနံ ဝေဒယိတန္တိ သမ္ပန္နော။

“**ယထာဘူတဓမ္မာနံ သဘာဝ**”န္တိ စ အဝိသေသေန ဝုတ္တံ။ န ဟိ သင်္ခတဓမ္မ-  
သဘာဝံ အဇာနနမတ္ထေန မိစ္ဆာ အဘိနိဝိသန္တိ။ သာမညဇောတနာ စ ဝိသေသေ  
အဝတိဋ္ဌတိ။ တသ္မာယမေတ္ထ ဝိသေသယောဇနာ ကာတဗ္ဗာ—“သဿတော  
အတ္တာ စ သောကော စာ”တိ ဣဒံ ဒိဋ္ဌိဋ္ဌာနံ ဧဝံဂဟိတံ ဧဝံပရာမဋ္ဌံ ဧဝံဂတိကံ  
ဟောတိ ဧဝံအဘိသမ္ပရာယန္တိ ယထာဘူတမဇာနန္တာနံ အပဿန္တာနံ။ အထ ဝါ  
ယသ္မိံ ဝေဒယိတေ အဝိတတဏှတာယ ဧဝံဒိဋ္ဌိဂတံ ဥပါဒိယတိ၊ တံ ဝေဒယိတံ  
သမုဒယအတ္ထင်္ဂမာဒိတော ယထာဘူတမဇာနန္တာနံ အပဿန္တာနန္တိ။ ဧဝံ  
ဝိသေသယောဇနာယ ဟိ ယထာ အနာဝရဏဉာဏသမန္တစက္ခုဟိ တထာ-  
ဂတာနံ ယထာဘူတမေတ္ထ ဇာနနံ၊ ပဿနဉ္စ ဟောတိ၊ န ဧဝံ ဒိဋ္ဌိဂတိကာနံ၊  
အထ ခေါ တေသံ တဏှာဒိဋ္ဌိပရာမာသောယေဝါတိ ဣမမတ္ထံ ဣမာယ  
ဒေသနာယ ဒဿေတိတိ ပါကဋံ ဟောတိ။ ဧဝမ္ပိ စာယံ ဒေသနာ မရိယာဒ-  
ဝိဘာဂဒဿနတ္ထံ ဇာတာ။

ဝေဒယိတန္တိ “သဿတော အတ္တာ စ လောကော စာ”တိ<sup>၁</sup> ဒိဋ္ဌိပညာပန-  
ဝသေန ပဝတ္တံ ဒိဋ္ဌိဿာဒသုခပရိယာယေန ဝုတ္တံ၊ တဒပိ အနုဘဝနံ။ တဏှာဂတာ-  
နန္တိ တဏှာယ ဥပဂတာနံ၊ ပဝတ္တာနံ ဝါ။ တဒေဝ ဝုတ္တိနယေန ဝိဝရတိ “ကေ-  
လံ။ပ။ ဝေဒယိတ”န္တိ။ တဉ္စ ခေါ ပနေတန္တိ စ ယထာဝုတ္တံ ဝေဒယိတမေဝ ပစ္စာ-  
မသတိ၊ တေနေတံ ဒိပေတိ— “တဒပိ ဝေဒယိတံ တဏှာဂတာနံ ဝေဒယိတ-  
မေဝါ”တိ ဝိန္တိန္တိန္တော “တဒပိ ဝေဒယိတံ ပရိတဿိတဝိပ္ပန္နိတမေဝါ”တိ ပုန  
သမ္ပန္နော ကာတဗ္ဗောတိ။ တဒပိ တာဝ န သမ္မာပုဏ္ဏာတိတိ ဟေဋ္ဌိမပရိစ္ဆေဒေန  
မရိယာဒဝိဘာဂံ ဒဿေတုံ “န သောတာပန္နဿ ဒဿနမိဝ နိစ္စလ”န္တိ ဝုတ္တံ။  
ဒဿနန္တိ စ သမ္မာဒဿနသုခံ၊ မဂ္ဂဖလသုခန္တိ ဝုတ္တံ ဟောတိ။ ကုတော စာယ-  
မတ္ထော လဗ္ဘတိတိ ဧဝ-သဒ္ဓဿာမတ္ထိယတော။ “ပရိတဿိတဝိပ္ပန္နိတမေဝါ”တိ  
ဟိ ဝုတ္တေန မဂ္ဂဖလသုခံ ဝိယ အဝိပ္ပန္နိတံ ဟုတ္တာ ဧကရူပေ အဝတိဋ္ဌတိ၊ အထ  
ခေါ တံ ဝနုဿိသဘူတံ ဒိဋ္ဌိတဏှာသလ္လာနုဝိဒ္ဓတာယ သဉ္ဇပိဋ္ဌတ္တာ ဝိပ္ပန္နိတ-  
မေဝါတိ အတ္ထော အာပန္နော ဟောတိ၊ တေနေဝါဟ “ပရိတဿိတေနာ”တိ-  
အာဒိ။ အယမေတ္ထ အဋ္ဌကထာမုတ္တကော သသမ္ပန္နနယော။

ဧဝံ ဝိသေသကာရဏတော ခွါသဋ္ဌိ ဒိဋ္ဌိဂတာနိ ဝိဘဇိတွာ ဣဒါနိ အဝိသေ-  
သကာရဏတော တာနိ ဒဿေတုံ “တတြ ဘိက္ခဝေ”တိအာဒိကာ ဒေသနာ  
အာရဒ္ဓါ။ သဗ္ဗေသဋ္ဌိ ဒိဋ္ဌိဂတာနံ ဝေဒနာ၊ အဝိဇ္ဇာ၊ တဏှာ စ အဝိသိဋ္ဌကာရဏံ။  
တတ္ထ တဒပိတိ “သဿတံ အတ္တာနဉ္စ လောကဉ္စ ပညပေန္တိ”တိ ဧတ္ထ ယဒေတံ  
“သဿတော အတ္တာ စ လောကော စာ”တိ ပညာပနဟေတုဘူတံ သုခါဒိဘေဒံ  
တိဝိဓမ္မိ ဝေဒယိတံ၊ တဒပိ ယထာဏ္ဏမံ ဒုက္ခသလ္လာနိစ္စတော၊ အဝိသေသေန  
သမုဒယတ္တင်္ဂမဿာဒါဒိနဝနိဿရဏတော ဝါ ယထာဘူတမဇာနန္တာနံ  
အပဿန္တာနံ ဟောတိ၊ တတော ဧဝ စ သုခါဒိပတ္တနာသပ္ပဝတော၊ တဏှာယ  
စ ဥပဂတတ္တာ တဏှာဂတာနံ တဏှာပရိတဿိတေန ဒိဋ္ဌိဝိပ္ပန္နိတမေဝ ဒိဋ္ဌိ-  
စလနမေဝ။ “အသတိ အတ္တနိ ကော ဝေဒနံ အနုဘဝတိ”တိ ကာယဝစီဒ္ဓါရေသု  
ဒိဋ္ဌိယာ စောပနပ္ပတ္တိမတ္တမေဝ၊ န ပန ဒိဋ္ဌိယာ ပညာပေတဗ္ဗော ကောစိ ဓမ္မော  
သဿတော အတ္တိတိ အဓိပ္ပါယောတိ။ ဧကစ္စသဿတာဒိသုပိ ဒေသ နယော။

ဗဿပစ္စယဝါရဝဏ္ဏနာ

၁၁၈။ ပရမ္ပရပစ္စယဒဿနတ္တန္တိ ယံ ဒိဋ္ဌိယာ မူလကာရဏံ၊ တဿာပိ  
ကာရဏံ၊ ပုန တဿပိ ကာရဏန္တိ ဧဝံ ပစ္စယပရမ္ပရဒဿနတ္တံ။ ယေန ဟိ

တဏှာပရိတဿိတေန တောနိ ဒိဋ္ဌိဂတာနိ ပဝတ္တန္တိ၊ တဿ ဝေဒယိတံ ပစ္စယော၊ ဝေဒယိတဿာပိ ဖဿော ပစ္စယောတိ ဧဝံ ပစ္စယပရမ္ပရိဘာဝိနိ အယံ ဒေသနာ။ ကိမတ္ထိယံ ပန ပစ္စယပရမ္ပရဒဿနန္တိ စေ? အတ္တန္တရိည-  
ပနတ္ထံ။ တေန ဟိ ယထာ ဒိဋ္ဌိသင်္ခါတော' ပညာပနဓမ္မော, တပ္ပစ္စယဓမ္မော စ ယထာသကံ ပစ္စယဝသေနေဝ ဥပ္ပဇ္ဇန္တိ၊ န ပစ္စယေဟိ ဝိနာ၊ ဧဝံ ပညာပေ-  
တဗ္ဗဓမ္မာပိ ရူပဝေဒနာဒယော၊ န ဧတ္ထ ကောစိ သဿတော အတ္တာ ဝါ လောကော ဝါတိ ဧဝမတ္တန္တရံ ဝိညာပိတံ ဟောတိ။ တဏှာဒိဋ္ဌိပရိဖန္ဒိတံ တဒပိ ဝေဒယိတံ ဒိဋ္ဌိကာရဏဘူတာယ တဏှာယ ပစ္စယဘူတံ ဖဿပစ္စယာ ဟောတိတိ အတ္ထော။

၁၃၁။ တဿ ပစ္စယဿာတိ တဿ ဖဿသင်္ခါတဿ ပစ္စယဿ။ ဒိဋ္ဌိဝေဒယိတေ ဒိဋ္ဌိယာ ပစ္စယဘူတေ ဝေဒယိတေ၊ ဖဿပဝာနေဟိ အတ္တနော ပစ္စယေဟိ နိပ္ပါဒေတဗ္ဗေ။ သာဓေတဗ္ဗေ စေတံ ဘုမ္မံ။ ဗလဝဘာဝဒဿနတ္ထန္တိ ဗလဝကာရဏဘာဝဒဿနတ္ထံ။ တထာ ဟိ ဝိနာပိ စက္ခာဒိဝတ္ထုဟိ, သမ္ပယုတ္တ-  
ဓမ္မေဟိ စ ကေဟိစိ ဝေဒနာ ဥပ္ပဇ္ဇတိ၊ န ပန ကဒါစိပိ ဖဿေန ဝိနာ၊ တသ္မာ ဖဿော ဝေဒနာယ ဗလဝကာရဏံ။ န ကေဝလံ ဝေဒနာယ ဧဝ၊ အထ ခေါ သေသသမ္ပယုတ္တဓမ္မာနမ္ပိ။ သန္တိဟိတောပိ ဟိ ဝိသယော သစေ စိတ္တုပ္ပါဒေါ ဖုသနာကာရိရဟိတော ဟောတိ၊ န တဿ အာရမ္မဏပစ္စယော ဘဝတိတိ ဖဿော သဗ္ဗေသမ္ပိ သမ္ပယုတ္တဓမ္မာနံ ဝိသေသပစ္စယော။ တထာ ဟိ ဘဂဝတာ ဓမ္မသင်္ဂဏီပကရဏေ စိတ္တုပ္ပါဒံ ဝိဘဇန္တေန “ဖဿော ဟောတိ”တိ ဖဿသေဝ ပဌမမုဒ္ဒရဏံ ကတံ၊ ဝေဒနာယ ပန သာတိသယမဓိဋ္ဌာနပစ္စယော ဧဝ။ “ပဋိသံဝေဒိဿန္တိ”တိ ဝုတ္တတ္တာ “တဒပိ”တိ ဧတ္တာမိကာရေတိ အာဟ “တံ ဝေဒယိတ”န္တိ။ ဂမ္ပမာနတ္ထဿ ဝါ-သဒ္ဓဿ ပယောဂံ ပတိ ကာမစာရတ္တာ, လောပတ္တာ, သေသတ္တာပိ စ ဒေသ န ပယုတ္တော။ ဧဝီဒိသေသု။ ဟောတိ စေတ္ထ—

“ဂမ္ပမာနာမိကာရတော၊ လောပတော သေသတော စာတိ။  
ကာရဏေဟိ စတူဟိပိ၊ န ကတ္တစိ ရဝေါ ယုတ္တော”တိ။

“ယထာ ဟိ”တိ အာဒိနာ ဖဿဿ ဗလဝကာရဏတာဒဿနေန တဒတ္ထံ သမတ္ထေတိ။ တတ္ထ ပတတောတိ ပတန္တဿ။ ဣဏာတိ ဥပတ္တန္တကဒါရုဿေတံ အဓိဝစနံ။

ဒိဋ္ဌိဂတိကာမိဋ္ဌာနဝနုကထာဝဏ္ဏနာ

၁၄၄။ ကိဉ္ဇာပိ ဣမသ္မိံ ဌာနေ ပါဠိယံ ဝေဒယိတမနာဂတံ၊ ဟေဋ္ဌာ ပန တီသုပိ ဝါရေသု အဓိကတတ္တာ၊ ဥပရိ စ “ဖုဿ ဖုဿ ပဋိသံဝေဒေန္တိ”တိ ဝက္ခမာနတ္တာ ဝေဒယိတမေဝေတ္ထ ပဓာနန္တိ အာဟ “သဗ္ဗဒိဋ္ဌိဝေဒယိတာနိ သမ္ဗုဇ္ဈေတိ”တိ။ “ယေပိ တေ”တိ တတ္ထ တတ္ထ အာဂတဿ စ ပိ-သဒ္ဓဿ အတ္ထံ သန္ဓာယ “သမ္ဗုဇ္ဈေတိ”တိ ဝုတ္တံ။ ယေ တေ သမဏဗြာဟ္မဏာ သဿတဝါဒါ။ ပ။ သဗ္ဗေပိ တေ ဆဟိ ဖဿာယတနေဟိ ဖုဿ ဖုဿ ပဋိသံဝေဒေန္တိတိ ဟိ ဝေဒယိတကိရိယာဝသေန တံတံဒိဋ္ဌိဂတိကာနံ သမ္ဗုဇ္ဈိတတ္တာ ဝေဒယိတသမ္ဗုဇ္ဈာနမေဝ ဇာတံ။ သဗ္ဗမ္ပိ ဟိ ဝါကျံ ကိရိယာပဓာနန္တိ။ ဥပရိ ဖဿေ ပက္ခိပနတ္တာယာတိ “ဆဟိ ဖဿာယတနေဟိ”တိ ဝုတ္တေ ဥပရိ ဖဿေ ပက္ခိပနတ္တံ၊ ပက္ခိပနဇ္ဈေတ္ထ ဝေဒယိတဿ ဖဿပစ္စယတာဒဿနမေဝ။ “ဆဟိ ဖဿာယတနေဟိ ဖုဿ ဖုဿ ပဋိသံဝေဒေန္တိ”တိ ဣမိနာ ဟိ ဆဟိ အဇ္ဈတ္တိကာယတနေဟိ ဆဋ္ဌာရမ္မဏပဋိသံဝေဒနံ ဧကန္တတော ဆဖဿဟေတုကမေဝါတိ ဒဿိတံ ဟောတိ၊ တေန ဝုတ္တံ “သဗ္ဗေ တေ”တိအာဒိ။

ကမ္မောဇောတိ ဧဝံနာမကံ ရဋ္ဌံ။ တထာ ဒက္ခိဏာပထော။ “သဉ္ဇာတိ-ဌာနေ”တိ ဣမိနာ သဉ္ဇာယန္တိ ဧတ္ထာတိ အဓိကရဏတ္ထော သဉ္ဇာတိ-သဒ္ဓေါတိ ဒဿေတိ။ ဧဝံ သမောသရဏ-သဒ္ဓေါ။ အာယတန-သဒ္ဓေါပိ တဒုဘယတ္ထေ။ အာယတနေတိ သမောသရဏဘူတေ စတုမဟာပထေ။ နန္တိ မဟာနိဂြောဓရက္ခံ။ ဣဒဉ္စိ အင်္ဂုတ္တရာဂမေ ပဉ္စနိပါတေ သဒ္ဓါနိသံသသုတ္တပဒံ။ တတ္ထ စ သေယျထာပိ ဘိက္ခဝေ သုဘူမိယံ စတုမဟာပထေ မဟာနိဂြောဓော သမန္တာပက္ခိနံ ပဋိသရဏံ ဟောတိ”တိ တန္တိဒ္ဓေသော ဝုတ္တော။ သတိ သတိအာယတနေတိ သတိသင်္ခါတေ ကာရဏေ ဝိဇ္ဇမာနေ၊ တတြ တတြေဝ သက္ခိတဗ္ဗတံ ပါပုဏာတိတိ အတ္ထော။ အာယတန္တိ ဧတ္ထ ဖလာနိ တဒါယတ္တဝုတ္တိတာယ ပဝတ္တန္တိ၊ အာယဘူတံ ဝါ အတ္တနော ဖလံ တနောတိ ပဝတ္တေတိတိ အာယတနံ၊ ကာရဏံ။ သဗ္ဗန္တိတိ ဥပသမ္ဗန္တိ အဿာသံ ဇနေန္တိ။ အာယတန-သဒ္ဓေါ အညေသု ဝိယ န ဧတ္ထ အတ္တန္တရာဝဗောဓကောတိ အာဟ “ပဏ္ဏတ္တိမတ္ထေ”တိ၊ တထာ တထာ ပညတ္တိမတ္ထေတိ အတ္ထော။ ရုက္ခဂစ္ဆသမူဟေ ပဏ္ဏတ္တိမတ္ထေ ဟိ အရညဝေါဟာရေ၊ အရညမေဝ စ အရညာယတနန္တိ။ အတ္တတ္ထယေဝိတိ ဧတ္ထ ပိ-သဒ္ဓေန အာကရနိဝါသာမိဋ္ဌာနတ္ထေ သမ္ဗုဇ္ဈေတိ။ “ဟိရညာယတနံ

သုဝဏ္ဏာယတန”န္တိအာဒိသု ဟိ အာကရေ၊ “ဣဿရာယတနံ ဝါသုဒေဝါ-  
ယတန”န္တိအာဒိသု နိဝါသေ၊ “ကမ္မာယတနံ သိပ္ပာယတန”န္တိအာဒိသု  
အဓိဋ္ဌာနေ ပဝတ္တတိ၊ နိဿယေတိ အတ္ထော။

အာယတန္တိ ဧတ္ထ အာကရေန္တိ, နိဝသန္တိ, အဓိဋ္ဌဟန္တိတိ ယထာက္ကမံ  
ဝစနတ္ထော။ စက္ခာဒိသု စ ဖဿာဒယော အာကိဏ္ဏာ, တာနိ စ နေသံဝါသော,  
အဓိဋ္ဌာနဉ္စ နိဿယပစ္စယဘာဝတော။ တသ္မာ တဒေတမ္ပိ အတ္တတ္တယမိဓ  
ယုဇ္ဇတိယေဝ။ ကထံ ယုဇ္ဇတိတိ အာဟ “**စက္ခာဒိသု ဟိ**”တိအာဒိ။ ဖဿော  
ဝေဒနာ သညာ စေတနာ စိတ္တန္တိ ဣမေ ဖဿပဉ္စမကာ ဓမ္မာ ဥပလက္ခဏ-  
ဝသေန ဝုတ္တာ အညေသမ္ပိ တံသမ္ပယုတ္တဓမ္မာနံ အာယတနဘာဝတော,  
ပဓာနဝသေန ဝါ။ တထာ ဟိ စိတ္တုပ္ပါဒံ ဝိဘဇ္ဇန္တေန ဘဂဝတာ တေယေဝ  
“ဖဿော ဟောတိ၊ ဝေဒနာ၊ သညာ၊ စေတနာ၊ စိတ္တံ ဟောတိ”တိ ပဌမံ  
ဝိဘတ္တာ။ သဉ္ဇာယန္တိ တန္တိဿယာရမ္မဏဘာဝေန တတ္ထေဝ ဥပ္ပတ္တိတော။  
**သမောသရန္တိ** တတ္ထ တတ္ထ ဝတ္ထုဒ္ဓါရာရမ္မဏဘာဝေန သမောသရဏတော။  
တာနိ စ နေသံ ကာရဏံ တေသမဘာဝေ အဘာဝတော။ အယံ ပန ယထာ-  
ဝုတ္တော သဉ္ဇာတိဒေသာဒိအတ္ထော ရုဠိဝသေနေဝ တတ္ထ တတ္ထ နိရုဠတာယ ဝေ  
ပဝတ္တတ္တာတိ **အာစရိယအာနန္ဒတ္ထရေန** ဝုတ္တံ။ အယံ ပန ပဒတ္တဝိဝရဏမုခေန  
ပဝတ္တော အတ္ထော—အာယတနတော, အာယာနံ တနနတော, အာယတဿ  
စ နယနတော **အာယတနံ**။ စက္ခာဒိသု ဟိ တံတံဒ္ဓါရာရမ္မဏာ စိတ္တစေတသိကာ  
ဓမ္မာ သေန သေန အနုဘဝနာဒိကိစ္စေန အာယတန္တိ ဥဋ္ဌဟန္တိ ဃဇ္ဇန္တိ  
ဝါယမန္တိ, အာယဘူတေ စ ဓမ္မေ တောနိ တနောန္တိ ဝိတ္တာရေန္တိ, အာယတဉ္စ  
သံသာရဒုက္ခံ နယန္တိ ပဝတ္တေန္တိတိ။ **ဣတိ ဣမိနာ နယေနာတိ** ဧတ္ထ အာဒိ-  
အတ္ထေန **ဣတိ-သဒ္ဓေန** “သောတံ ပဋိစ္စာ”တိအာဒိပါဠိ သင်္ဂဏှာတိ။

တတ္ထ တိဏ္ဍန္တိ စက္ခုပသာဒရူပါရမ္မဏစက္ခုဝိညာဏာဒိနံ တိဏ္ဍိံ ဝိသယိန္ဒြိယဝိညာဏာနံ။ တေသံ သမာဂမနဘာဝေန ဂဟေတဗ္ဗတော “**ဖဿော သင်္ဂတိ**”တိ ဝုတ္တော။ တထာ ဟိ သော “သန္ဓိပါတပစ္စုပဋ္ဌာနော”တိ ဝုစ္စတိ။ ဣမိနာ နယေန အာရောပေတွာတိ သမ္ဗန္ဓော။ တေန ဣမမတ္ထံ ဒဿေတိ—ယထာ“စက္ခုပဋိစ္စ။ပ။ဖဿော”တိ ဧတသ္မိံ သုတ္တေဝိဇ္ဇမာနေသုပိသညာဒိသု သမ္ဗယုတ္တဓမ္မေသု ဝေဒနာယ ပဓာနကာရဏဘာဝဒဿနတ္ထံ ဖဿသိသေန ဒေသနာ ကတာ၊ ဧဝမိဓာပိ “ဖဿပစ္စယာ ဝေဒနာ”တိအာဒိနာ ဖဿံ အာဒိံ

ကတော အပရန္တပဋိသန္ဓာနေန ပစ္စယပရမ္ပရံ ဒဿေတုံ “ဆဟိ ဖဿာ-  
ယတနေဟိ”တိ စ “ဖုဿ ဖုဿာ”တိ စ ဖဿသီသေန ဒေသနာ ကတာတိ။  
ဖဿာယတနာဒီနိတိ အာဒိ-သဒ္ဓေန “ဖုဿ ဖုဿာ”တိ ဝစနံ သင်္ဂဏှာတိ။

“ကိဉ္ဇာဒိ”တိအာဒိနာ သဒ္ဓမတ္ထတော စောဒနာလေသံ ဒဿေတွာ  
“တထာဒိ”တိအာဒိနာ အတ္ထတော တံ ပရိဟရတိ။ န အာယတနာနိ ဖုဿန္တိ  
ရူပါနမနာရမ္ပဏဘာဝတော။ ဖဿော အရူပဓမ္မော ဝိသမာနော ဧကဒေသေန  
အာရမ္ပဏံ အနုလ္လိယမာနောပိ ဖုဿနာကာရေန ပဝတ္ထော ဖုဿန္တော ဝိယ  
ဟောတိတိ အာဟ “ဖဿောဝ တံ တံ အာရမ္ပဏံ ဖုဿတိ”တိ။ တေနေဝ  
သော “ဖုဿနလက္ခဏော၊ သဃ်ဇ္ဇနရသော”တိ စ ဝုစ္ဆတိ။ “ဆဟိ ဖဿာ-  
ယတနေဟိ ဖုဿ ဖုဿာ”တိ အဖုဿနကိစ္စာနိပိ နိဿိတဝေါဟာရေန ဖုဿန-  
ကိစ္စာနိ ကတွာ ဒဿနမေဝ ဖဿေ ဥပနိက္ခိပနံ နာမ ယထာ “မဉ္ဇော ဘော-  
သန္တိ”တိ။ ဥပနိက္ခိပိတွာတိ ဟိ ဖုဿနကိစ္စာရောပနဝသေန ဖဿသ္မိံ ပဝေ-  
သေတွာတိ အတ္ထော။ ဖဿဂတိကာနိ ကတွာ ဖဿုပစာရံ အာရောပေ-  
တွာတိ ဝုတ္တံ ဟောတိ။ ဥပစာရော နာမ ဝေါဟာရမတ္ထံ၊ န တေန အတ္ထ-  
သိဒ္ဓိ အတံသဘာဝတော။ အတ္ထသိဇ္ဈနကော ပန တံသဘာဝေါယေဝ အတ္ထော  
ဂဟေတဗ္ဗောတိ ဒဿေတုံ “တဿာ”တိအာဒိမာဟ။ ယထာဟ—

“အတ္ထဉ္စ နာထော သရဏံ အဝေါစ၊  
န ဗျဉ္ဇနံ လောကဟိတော မဟေသိ”တိ။

အတ္ထနော ပစ္စယဘူတာနံ ဆန္တံ ဖဿာနံ ဝသေန စက္ခုသမ္ပဿဇာ ယာဝ  
မနောသမ္ပဿဇာတိ သင်္ခေပတော ဆဗ္ဗိဓံ သန္ဓာယ “ဆဖဿာယတနသမ္ဘဝါ  
ဝေဒနာ”တိ ဝုတ္တံ။ ဝိတ္ထာရတော ပန—

“ဖဿတော ဆဗ္ဗိဓာပေတာ၊ ဥပဝိစာရဘေဒတော။  
တိဓာ နိဿိတတော ဦဟိ၊ တိဓာ ကာလေန ဝရိတာ”တိ—

အဋ္ဌသတပရိယာယေ ဝုတ္တနယေန အဋ္ဌသတပ္ပဘေဒါ။ မဟာဝိဟာရ-  
ဝါသိနော စေတ္တ ယထာ ဝိညာဏံ နာမရူပံ သဋ္ဌာယတနံ၊ ဧဝံ ဖဿံ၊ ဝေဒနဉ္စ  
ပစ္စယပစ္စယုပ္ပန္နမ္ပိ သသန္တတိပရိယာပန္တံ ဒီပေန္တော ဝိပါကမေဝ ဣစ္ဆန္တိ၊ အညေ  
ပန ယထာ တထာ ဝါ ပစ္စယဘာဝေါ သတိ န သက္ကာ ဝဇ္ဇေတုန္တိ သဗ္ဗမေဝ  
ဣစ္ဆန္တိ။ သာတိ ယထာဝုတ္တပ္ပဘေဒါ ဝေဒနာ။ ရူပတဏှာဒိဘေဒါယာတိ

“သေဠိပုတ္တော မြာဟ္မဏပုတ္တော”တိ ဝိတုနာမဝသေန ဝိယ အာရမ္မဏနာမ-  
ဝသေန ဝုတ္တာယ ရူပတဏှာ ယာဝ ဓမ္မတဏှာတိ သင်္ခေပတော ဆဗ္ဗိဓာယ။  
ဝိတ္တာရတော ပန—

“ရူပတဏှာဒိကာ ကာမ-တဏှာဒိဟိ တိဓာ ပန။

သန္တာနတော ခွိဓာ ကာလ-ဘေဒေန ဂုဏိတာ သိယု”န္တိ—

ဧဝံ ဝုတ္တအဋ္ဌသတပ္ပဘေဒါယ။ ဥပနိဿယကောဋိယာတိ ဥပနိဿယ-  
သီသေန။ ကသ္မာ ပနေတ္ထ ဥပနိဿယပစ္စယောဝ ဥဒ္ဓဋ္ဌော၊ နန သုခါ ဝေဒနာ၊  
အဒုက္ခမသုခါ စ တဏှာယ အာရမ္မဏမတ္တအာရမ္မဏာဓိပတိအာရမ္မဏူပ-  
နိဿယပကတူပနိဿယဝသေန စတုဓာ ပစ္စယော၊ ဒုက္ခာ စ အာရမ္မဏ-  
မတ္တပကတူပနိဿယဝသေန ခွိဓာတိ? သစ္စမေတံ၊ ဥပနိဿယေ ဧဝ ပန တံ  
သဗ္ဗမ္ပိ အန္တောဂဓန္တိ ဧဝမုဒ္ဓဋ္ဌော။ ယုတ္တံ တာဝ အာရမ္မဏူပနိဿယသ  
ဥပနိဿယသမညတော ဥပနိဿယေ အန္တောဂဓတာ၊ ကထံ ပန အာရမ္မဏ-  
မတ္တအာရမ္မဏာဓိပတိနံ တတ္ထ အန္တောဂဓတာဝေါ သိယာတိ? တေသမ္ပိ  
အာရမ္မဏသမညတော အာရမ္မဏူပနိဿယေန သင်္ဂဟိတတ္ထာ အာရမ္မဏူပ-  
နိဿယသမောဓာနဘူတေဝ ဥပနိဿယေ ဧဝ အန္တောဂဓတာ ဟောတိ။  
ဧတဒတ္ထမေဝ ဟိ သန္ဓာယ “ဥပနိဿယေနာ”တိ အဝတွာ “ဥပနိဿယ-  
ကောဋိယာ”တိ ဝုတ္တံ။ သိဒ္ဓေ ဟိ သတျာရဗ္ဗော နိယမာယ ဝါ ဟောတိ  
အတ္တန္တရိညာပနာယ ဝါတိ။ ဧဝမီဒိသေသု။

●တုဗ္ဗိဓာတိ ကာမုပါဒါနံ ယာဝ အတ္တဝါဒုပါဒါနန္တိ စတုဗ္ဗိဓေယ။ နန စ  
တဏှာဝ ကာမုပါဒါနံ၊ ကထံ သာယေဝ တဿ ပစ္စယော သိယာတိ? သစ္စံ၊  
ပုရိမတဏှာယ ပန ဥပနိဿယပစ္စယေန ပစ္စိမတဏှာယ ဒဠဘာဝတော  
ပုရိမာယေဝ တဏှာ ပစ္စိမာယ ပစ္စယော ဘဝတိ။ တဏှာဒဠတ္ထမေဝ ဟိ  
“ကာမုပါဒါနံ ဥပါယာသော ဥပကဋ္ဌာ”တိအာဒိသု ဝိယ ဥပ-သဒ္ဓဿ ဒဠတ္ထေ  
ပဝတ္တနတော။ အဝိစ ဒုပ္ပလာ တဏှာ တဏှာယေဝ၊ ဗလဝတိ တဏှာ ကာမု-  
ပါဒါနံ။ အထ ဝါ အပတ္တဝိသယပတ္တနာ တဏှာ တမသိ စောရာနံ ဟတ္ထပသာ-  
ရဏံ ဝိယ၊ သမ္ပတ္တဝိသယဂ္ဂဟဏံ ကာမုပါဒါနံ စောရာနံ ဟတ္ထဂတဘဏ္ဍဂ္ဂဟဏံ  
ဝိယ။ အပ္ပိစ္ဆတာပဋိပက္ခာ တဏှာ။ သန္တုဋ္ဌိတာပဋိပက္ခံ ကာမုပါဒါနံ။ ပရိယေ-  
သနဒုက္ခမူလံ တဏှာ၊ အာရက္ခဒုက္ခမူလံ ကာမုပါဒါနံ။ အယမ္ပိ တေသံ  
ဝိသေသော ကေဝိဝါဒဝသေန အာစရိယဓမ္မပါလတ္ထေရေန<sup>၁</sup> ဒဿိတော  
ပုရိမနယဿေဝ ဝိသုဒ္ဓိမဂ္ဂေ<sup>၂</sup> သကဝါဒဘာဝေန ဝုတ္တတ္တာ။

အသဟဇာတဿ ဥပါဒါနဿ ဥပနိဿယကောဋိယာ၊ သဟဇာတဿ ပန သဟဇာတကောဋိယာတိ ယထာလာဘမတ္ထော ဂဟေတဗ္ဗော။ တတ္ထ အသဟဇာတာ အနန္တရနိရုဒ္ဓါ အနန္တရသမနန္တရအနန္တရူပနိဿယနတ္ထိဝိဂတာသေဝနပစ္စယေဟိ ဆဓာ ပစ္စယော။ အာရမ္မဏဘူတာ ပန အာရမ္မဏမတ္တအာရမ္မဏာဓိပတိအာရမ္မဏူပနိဿယေဟိ တိဓာ၊ တံ သဗ္ဗမ္ပိ ဝုတ္တနယေန ဥပနိဿယေနော သင်္ဂဟေတွာ “ဥပနိဿယကောဋိယာ”တိ ဝုတ္တံ။ ယသ္မာ စ တဏှာယ ရူပါဒီနိ အဿာဒေတွာ ကာမေသု ပါတဗျတံ အာပဇ္ဇတိ၊ တသ္မာ တဏှာ ကာမုပါဒါနဿ ဥပနိဿယကောဋိယာ ပစ္စယော။ တထာ ရူပါဒီဘေဒေ သမ္မုဇ္ဇော “နတ္ထိ ဒိန္န”န္တိ အာဒိနာ<sup>၁</sup> မိစ္ဆာဒဿနံ၊ သံသာရတော မုစ္ဆိတုကာမော အသုဒ္ဓိမဂ္ဂေ သုဒ္ဓိမဂ္ဂပရာမသနံ၊ ခန္ဓေသု အတ္တတ္တနိယဂါဟဘူတံ သက္ကာယဒဿနဉ္စ ဂဏှာတိ။ တသ္မာ ဣတရေသမ္ပိ တိဏှံ တဏှာ ဥပနိဿယကောဋိယာ ပစ္စယောတိ ဒဠဗ္ဗံ။ သဟဇာတာ ပန သဟဇာတအညမညနိဿယသမ္ပယုတ္တအတ္ထိအဝိဂတဟေတုဝသေန သတ္တဓာ သဟဇာတာနံ ပစ္စယော။ တမ္ပိ သဗ္ဗံ သဟဇာတပစ္စယေနော သင်္ဂဟေတွာ “သဟဇာတကောဋိယာ”တိ ဝုတ္တံ။

ဘဝဿာတိ ကမ္မဘဝဿံ စေဝ ဥပပတ္တိဘဝဿံ စ။ တတ္ထ စေတနာဒိသင်္ခါတံ သဗ္ဗံ ဘဝဂါမိကမ္မံ ကမ္မဘဝေါ။ ကာမဘဝါဒိနဝရိဓော ဥပပတ္တိဘဝေါ။ တေသု ဥပပတ္တိဘဝဿံ စတုဗ္ဗိဓမ္ပိ ဥပါဒါနံ ဥပပတ္တိဘဝဟေတုဘူတဿ ကမ္မဘဝဿ ကာရဏဘာဝတော၊ တဿ စ သဟာယဘာဝူပဂမနတော ပကတူပနိဿယဝသေန ပစ္စယော။ ကမ္မာရမ္မဏကာရဏကာလေ ပန ကမ္မသဟဇာတမုပါဒါနံ ဥပပတ္တိဘဝဿံ အာရမ္မဏဝသေန ပစ္စယော။ ကမ္မဘဝဿံ ပန သဟဇာတဿ သဟဇာတမုပါဒါနံ သဟဇာတအညမညနိဿယသမ္ပယုတ္တအတ္ထိအဝိဂတဝသေန စေဝ ဟေတုမဂ္ဂဝသေန စ အနေကဓာ ပစ္စယော။ အသဟဇာတဿ ပန အနန္တရဿ အသဟဇာတမုပါဒါနံ အနန္တရသမနန္တရအနန္တရူပနိဿယနတ္ထိဝိဂတာသေဝနဝသေန၊ ဣတရဿ စ နာနန္တရဿ ပကတူပနိဿယဝသေန၊ သမ္ပသနာဒိကာလေသု အာရမ္မဏာဒိဝသေန စ ပစ္စယော။ တတ္ထ အနန္တရာဒိကေ ဥပနိဿယပစ္စယေ၊ သဟဇာတာဒိကေ စ သဟဇာတပစ္စယေ ပက္ခိပိတွာ တထာတိ ဝုတ္တံ၊ ရူပူပဟာရတ္ထော ဝါ ဟေသ အနုကမုနတ္ထော ဝါ။ တေန ဟိ ဥပနိဿယကောဋိယာ စေဝ သဟဇာတကောဋိယာ စာတိ အတ္ထံ ဒဿေတိ။

---

၁-ဒီ ၁-၅၁၊ မ ၁-၃၆၂၊ မ ၂-၆၃-၄၊ ၁၀၂၊ မ ၃-၇၂-၄၊ ၉၉၊ ၁၁၆-၇၊ သံ ၂-၁၆၉၊ အံ ၁-၂၇၂၊ အံ ၃-၄၇၄၊ ၄၉၁၊ အဘိ ၁-၂၄၁၊ ၂၆၃၊ အဘိ ၂-၃၇၅၊ ၃၀၃၊ ၃၀၉၊ ၄၀၅-ပိဋေသု။  
သီ-ဋီ (နဝ) ၁-၃၀—န-၄-သ

ဘဝေါ ဇာတိယာတိ ဧတ္ထ ဘဝေါတိ ကမ္မဘဝေါ အဓိပ္ပေတော။ သော ဟိ ဇာတိယာ ပစ္စယော၊ န ဥပပတ္တိဘဝေါ။ ဇာတိယေဝ ဟိ ဥပပတ္တိဘဝေါတိ၊ သာ စ ပဌမာဘိနိဗ္ဗတ္တခန္ဓာ။ တေန ဝုတ္တံ “ဇာတိတိ ပနေတ္ထ သမိကာရာ ပဉ္စက္ခန္ဓာ ဒဋ္ဌဗ္ဗာ”တိ၊ တေနာယံ စောဒနာ နိဝုတ္တိတာ “နန ဇာတိပိ ဘဝေါ-ယေဝ၊ ကထံ သော ဇာတိယာ ပစ္စယော”တိ၊ ကထံ ပနေတံ ဇာနိတဗ္ဗံ “ကမ္မဘဝေါ ဇာတိယာ ပစ္စယော”တိ စေ? ဗာဟိရပစ္စယသမတ္တေပိ ကမ္မ-ဝသေနေဝ ဟိနပဏီတာဒိဝိသေသဒဿနတော။ ယထာဟ ဘဂဝါ “ကမ္မံ သတ္တေ ဝိဘဇတိ ယဒိဒံ ဟိနပဏီတတာယာ”တိ။ သမိကာရာတိ နိဗ္ဗတ္တိ-ဝိကာရေန သမိကာရာ၊ န အညေဟိ၊ တေ စ အတ္ထတော ဥပပတ္တိဘဝေါ-ယေဝ၊ သော ဧဝ စ တဿ ကာရဏံ ဘဝိတုမယုတ္တော တဏှာယ ကာမုပါဒါနဿ ပစ္စယဘာဝေ ဝိယ ပုရိမပစ္စိမာဒိဝိသေသာနမသမ္ဘဝတော၊ တသ္မာ ကမ္မဘဝေါယေဝ ဥပပတ္တိဘဝသင်္ခါတာယ ဇာတိယာ ကမ္မပစ္စယေန စေဝ ပကတူပနိဿယပစ္စယေန စ ပစ္စယောတိ အတ္ထံ ဒဿေတုံ “ကမ္မပစ္စယံ ဥပနိဿယေနေဝ သင်္ဂဟေတွာ ဥပနိဿယကောဋိယာ ပစ္စယော”တိ ဝုတ္တံ။ ယသ္မာ ပန ဇာတိယာ သတိ ဇရာမရဏံ၊ ဇရာမရဏာဒိနာ ဖုဋ္ဌဿ စ ဗာလဿ သောကာဒယော သမ္ဘဝန္တိ၊ နာသတိ၊ တသ္မာ ဇာတိဇရာမရဏာ-ဒိနံ ဥပနိဿယဝသေန ပစ္စယောတိ အာဟ “ဇာတိ။ ပ။ ပစ္စယော”တိ ဝိတ္တာရတော အတ္ထဝိနိစ္ဆယဿ အကတတ္တာ၊ သဟဇာတူပနိဿယသိသေနေဝ ပစ္စယဝိစာရဏာယ စ၊ ဒဿိတတ္တာ၊ အင်္ဂါဒိဝိဓာနဿ စ အနာမဋ္ဌတ္တာ “အယမေတ္ထ သင်္ခေပေါ”တိအာဒိ ဝုတ္တံ။ မဟာဝိသယတ္တာ ပဋိစ္စသမုပ္ပါဒဝိစာ-ရဏာယ နိရဝသေသာ အယံ ကုတော လဒ္ဓဗ္ဗာတိ စောဒနမပနေတိ “ဝိတ္တာရ-တော”တိအာဒိနာ။ “ဣဝ ပနဿာ”တိအာဒိနာ ပါဠိယမ္ပိ ပဋိစ္စသမုပ္ပါဒ-ကထာ ဧကဒေသေနော ကထိတာတိ ဒဿေတိ။ တတ္ထ ဣဝံတိ ဣမသ္မိံ မြဟ္မဇာလေ။ အဿာတိ ပဋိစ္စသမုပ္ပါဒဿ။ ပယောဇနမတ္တမေဝါတိ ဒိဋ္ဌိယာ ကာရဏဘူတဝေဒနာဝသေန ဧကဒေသမတ္တံ ပယောဇနမေဝ။ “မတ္တမေဝါ”တိ ဟိ အဝဓာရဏတ္ထေ ပရိယာယဝစနံ “အပ္ပံ ဝဿသတံ အာယု၊ ဣဒါနေ-တရဟိ ဝိဇ္ဇတိ”တိအာဒိသု ဝိယ အညမညတ္တာဝဗောဓနဝသေန သပယော-ဇနတ္တာ၊ မတ္တ-သဒ္ဓေါ ဝါ ပမာဏေ၊ ပယောဇနသင်္ခါတံ ပမာဏမေဝ၊ န တဒုတ္တရိတိ အတ္ထော။ “မတ္တ-သဒ္ဓေါ အဝဓာရဏေ ဧဝ-သဒ္ဓေါ သန္နိဋ္ဌာနေ”တိပိ ဝဒန္တိ။ ဧဝံ သဗ္ဗတ္ထ။ ဟောတိ စေတ္ထ—

“မတ္တမေဝါတိ ကေတ္တံ၊ မတ္တပဒံ ပမာဏကေ။  
မတ္တာဝဓာရဏေ ဝါ၊ သန္နိဋ္ဌာနမှိ စေတရ”န္တိ။

ကေဒေသေနဝိမ ပါဠိယံ ကထိတတ္တာ ပဋိစ္စသမုပ္ပါဒဿ တထာ ကထနေ သဒ္ဓိံ ဥဒါဟရဏေန ကာရဏံ ဒဿန္တော “ဘဂဝါ ဟိ”တိအာဒိမာဟ။ တေန ဣမမိပ္ပါယံ ဒဿေတိ “ဝနုကထံ ကထေန္တော ဘဂဝါ အဝိဇ္ဇာတဏှာ- ဒိဋ္ဌိနမညတရသီသေန ကထေသိ၊ တေသု ဣမ ဒိဋ္ဌိသီသေနော ကထေန္တော ဝေဒနာယ ဒိဋ္ဌိယာ ဗလဝကာရဏတ္တာ ဝေဒနာမူလကံ ကေဒေသမေဝ ပဋိစ္စသမုပ္ပါဒံ ကထေသိ”တိ။ တောနိ စ သုတ္တာနိ အင်္ဂုတ္တရနိကာယေ ဒသနိပါတေ<sup>၁</sup>။ တတ္ထ ပုရိမကောဋိ န ပညာယတိတိ အသုကဿ နာမ သမ္မာသမ္ဗုဒ္ဓဿ၊ စက္ကဝတ္တိနော ဝါ ကာလေ အဝိဇ္ဇာ ဥပ္ပန္နာ၊ န တတော ပုဗ္ဗေတိ ဧဝံ အဝိဇ္ဇာယ ပုရိမော အာဒိမရိယာဒေါ အပ္ပုပ္ပါဟတဿ မမ သဗ္ဗညုတညာဏဿာပိ န ပညာယတိ တထာ မရိယာဒဿ အဝိဇ္ဇမာနတ္တာတိ အတ္ထော။ ဧဝေန္တေန္တိ ဣမိနာ မရိယာဒါဘာဝေန အယံ အဝိဇ္ဇာ ကာမံ ဝုစ္စတိ။ အထ စ ပနာတိ ဧဝံ ကာလနိယမေန မရိယာဒါဘာဝေန ဝုစ္စ- မာနာပိ။ ဣဒပ္ပစ္စယာတိ ဣမသ္မာ ပဉ္စနိဝရဏသင်္ခါတပစ္စယာ အဝိဇ္ဇာသမ္ဘဝတိတိ ဧဝံ ဓမ္မနိယာမေန အဝိဇ္ဇာယ ကောဋိ ပညာယတိတိ အတ္ထော။ “ကော စာဟာရော အဝိဇ္ဇာယ၊ ‘ပဉ္စ နိဝရဏာ’တိဿ ဝစနိယ”န္တိ<sup>၂</sup> ဟိ တတ္ထေဝ ဝုတ္တံ၊ ဋီကာယံ ပန “အာသဝပစ္စယာ”တိ<sup>၃</sup> အာဟ၊ တံ ဥဒါဟရဏသုတ္တေန န သမေတိ။ အယံ ပစ္စယော ဣဒပ္ပစ္စယော မ-ကာရဿ ဒ-ကာရာဒေသဝသေန။ သဒ္ဓဝိဒ္ဓ ပန “ဤဒိသဿ ပယောဂဿ ဒိဿနတော ဣဒ-သဒ္ဓေါယေဝ ပကတိ”တိ ဝဒန္တိ၊ အယုတ္တမေဝေတံ ဝဏ္ဏဝိကာရာဒိဝသေန နာနာပယောဂဿ ဒိဿမာနတ္တာ။ ယထာ ဟိ ဝဏ္ဏဝိကာရေန “အမူ”တိ ဝုတ္တေပိ “အသူ”တိ ဒိဿတိ၊ “ဣမေသူ”တိ ဝုတ္တေပိ “ဧသူ”တိ၊ ဧဝမိဓာပိ ဝဏ္ဏဝိကာရော စ ဝါကျေဝိယ သမာသေပိ လဗ္ဘတေဝ ယထာ “ဇာနိပတိ တုဒမ္ပတိ”တိ။ ကိမေတ္ထ ဝတ္တဗ္ဗံ၊ ပဘိန္ဒပဋိသမ္ဘိဒေန အာယသ္မတာ မဟာကစ္စာယနတ္ထေရေန ဝုတ္တမေဝ ပမာဏန္တိ ဒဋ္ဌဗ္ဗံ။

ဘဝတဏှာယာတိ ဘဝသညောဇနဘူတာယ တဏှာယ။ ဣဒပ္ပစ္စယာတိ ဣမသ္မာ အဝိဇ္ဇာပစ္စယာ။ “ကော စာဟာရော ဘဝတဏှာယ၊ ‘အဝိဇ္ဇာ’တိဿ ဝစနိယ”န္တိ<sup>၄</sup> ဟိ ဝုတ္တံ။ ဘဝဒိဋ္ဌိယာတိ သဿတဒိဋ္ဌိယာ။ ဣဒပ္ပစ္စယာတိ ဣမ

---

၁-အံ ၃-၃၄၆-ပိဋကေ၊	၂-အံ ၃-၃၄၆-ပိဋကေ၊
၃-ဒိ-ဋီ ၁-၁၀၅-ပိဋကေ၊	၄-အံ ၃-၃၄၉-ပိဋကေ၊

ပန ဝေဒနာပစ္စယာတွေဝ အတ္ထော။ နန ဒိဋ္ဌိယော ဧဝ ကထေတဗ္ဗာ၊ ကိမတ္ထိယံ ပန ပဋိစ္စသမုပ္ပါဒကထနန္တိ အနုယောဂေနာဟ “တေနာ”တိအာဒိ။ ဣဒံ ဝုတ္တံ ဟောတိ—အနုလောမေန ပဋိစ္စသမုပ္ပါဒကထာ နာမ ဝဇ္ဇကထာ၊ တံ ကထနေ-  
နေဝ ဘဂဝါ ဧတေ ဒိဋ္ဌိဂတိကာ ယာဝိဒံ မိစ္ဆာဒဿနံ န ပဋိနိဿဇ္ဇန္တိ၊  
တာဝ ဣမိနာ ပစ္စယပရမ္ပရေန ဝဇ္ဇယေဝ နိမုဇ္ဇန္တိတိ ဒဿေသိတိ။ ဣတော  
ဘဝါဒိတော။ ဧတ္ထ ဘဝါဒိသု။ သေ နယော သေသပဒဒ္ဒယေပိ။ ဣမိနာ  
အပရိယန္တိ အပရာပရပ္ပတ္တိံ ဒဿေတိ။ ဝိပန္နန္တောတိ ဝိဝိဓေန နာသိတာ။

### ဝိဝဇ္ဇကထာဒိဝဏ္ဏနာ

၁၄၅။ ဒိဋ္ဌိဂတိကာမိဋ္ဌာနန္တိ ဒိဋ္ဌိဂတိကာနံ မိစ္ဆာဂါဟဒဿနဝသေန  
အမိဋ္ဌာနဘူတံ၊ ဒိဋ္ဌိဂတိကဝသေန ပုဂ္ဂလာမိဋ္ဌာနန္တိ ဝုတ္တံ ဟောတိ။ ပုဂ္ဂလာ-  
မိဋ္ဌာနဓမ္မဒေသနာ ဟေသာ။ ယုတ္တယောဂဘိက္ခု၊ အမိဋ္ဌာနန္တိ ယုတ္တယောဂါနံ  
ဘိက္ခုနမမိဋ္ဌာနဘူတံ၊ ဘိက္ခုဝသေန ပုဂ္ဂလာမိဋ္ဌာနန္တိ ဝုတ္တံ ဟောတိ။ ဝိဝဇ္ဇန္တိ  
ဝဇ္ဇတော ဝိဂတံ။ “ယေဟိ”တိအာဒိနာ ဒိဋ္ဌိဂတိကာနံ မိစ္ဆာဒဿနဿ ကာရဏ-  
ဘူတာယ ဝေဒနာယ ပစ္စယဘူတံ ဟေဋ္ဌာ ဝုတ္တမေဝ ဖဿာယတနမိမ ဂဟိတံ  
ဒေသနာကုသလေန ဘဂဝတာတိ ဒဿေတိ။ ဝေဒနာကမ္မဋ္ဌာနေတိ “ဝေဒနာနံ  
သမုဒယ”န္တိအာဒိကံ ဣမံ ပါဠိံ သန္ဓာယ ဝုတ္တံ။ ကိဗ္ဗိမတ္တမေဝ ဝိသေသောတိ  
အာဟ “ယထာ ပနာ”တိအာဒိ။ တန္တိ “ဖဿသမုဒယာ၊ ဖဿနိရောဓာ”တိ  
ဝုတ္တံ ကာရဏံ။ “အာဟာရသမုဒယာ”တိအာဒိသု ကဗဠိကာရော အာဟာရော  
ဝေဒိတဗ္ဗော။ သော ဟိ “ကဗဠိကာရော အာဟာရော ဣမဿ ကာယဿ  
အာဟာရပစ္စယေန ပစ္စယော”တိ<sup>၁</sup> ပဋ္ဌာနေ ဝစနတော ကမ္မသမုဋ္ဌာနာနမ္ပိ  
စက္ခာဒိနံ ဥပတ္တန္တကပစ္စယော ဟောတိယေဝ။ “နာမရူပသမုဒယာ”တိအာဒိသု  
ဝေဒနာဒိက္ခန္ဓတ္တယမေဝ နာမံ။ နန စ “နာမရူပပစ္စယာ သဠာယတန”န္တိ ဝစန-  
တော သဗ္ဗေသု ဆသု ဖဿာယတနေသု “နာမရူပသမုဒယာ နာမရူပနိရောဓာ”-  
ဣစ္စေဝ ဝတ္တဗ္ဗံ၊ အထ ကဿာ စက္ခာယတနာဒိသု “အာဟာရသမုဒယာ အာဟာရ-  
နိရောဓာ”တိ ဝုတ္တန္တိ? သစ္စမေတံ အဝိသေသေန၊ ဣမ ပန ဧဝမ္ပိ စက္ခာဒိသု  
သမ္ဘဝတိတိ ဝိသေသတော ဒဿေတုံ တထာ ဝုတ္တန္တိ ဒဋ္ဌဗ္ဗံ။

ဥတ္တရိတရဇာနနေနေဝ ဒိဋ္ဌိဂတဿ ဇာနနမ္ပိ သိဒ္ဓန္တိ ကတွာ ပါဠိယမနာ-  
ဂတေပိ “ဒိဋ္ဌိဉ္စ ဇာနာတိ”တိ ဝုတ္တံ။ ‘သီလသမာဝိပညာယော လောကီယ-  
လောကုတ္တရမိဿကာ၊ ဝိမုတ္တိ ပန ဣမ ဟေဋ္ဌိမာ ဖလသမာပတ္တိယော “ယာဝ

အရဟတ္တာ”တိ အဂ္ဂဗလဿ ဝိသု ဝစနတော။ ပစ္စက္ခာနုမာနေန စေတ္ထ ပဇာနနာ၊ တေနောဝါဟ “ဗဟုဿုတော ဂန္ထဓရော ဘိက္ခု၊ ဇာနာတိ”တိ အာဒိ၊ ယထာ-  
လာဘံ ဝါ ယောဇေတဗ္ဗံ။ ဒေသနာ ပနာတိ ဧတ္ထ ပန-သဒ္ဓေါ အရုစိယတ္ထော၊  
တေနိမံ ဒီပေတိ—ယဒိပိ အနာဂါမိအာဒယော ယထာဘူတံ ပဇာနန္တိ၊  
တထာပိ အရဟတော ဥက္ကံသဂတိဝိဇာနနဝသေန ဒေသနာ အရဟတ္တနိက္ခုဋ္ဌေန  
နိဋ္ဌာပိတာတိ။ သုဝဏ္ဏဂေဟော ဝိယ ရတနမယကဏ္ဍိကာယ ဒေသနာ  
အရဟတ္တကဏ္ဍိကာယ နိဋ္ဌာပိတာတိ အတ္ထော။ ဧတ္ထ စ “ယတော ခေါ။ပ။  
ပဇာနာတိ”တိ ဧတေန ဓမ္မဿ နိယျာနိကဘာဝေန သဒ္ဓိံ သံဃဿ သုပ္ပုပ္ပတ္တိံ  
ဒဿေတိ၊ တေနော အဋ္ဌကထာယံ “ကော ဧဝံ ဇာနာတိတိ? ဒိဏာသဝေါ  
ဇာနာတိ၊ ယာဝ အာရဒ္ဓဝိပဿကော ဇာနာတိ”တိ ပရိပုဏ္ဏံ ကတွာ ဘိက္ခု-  
သံဃော ဒဿိတော၊ တေန ယဒေတံ ဟေဋ္ဌာ ဝုတ္တံ “ဘိက္ခုသံဃဝသေနာပိ  
ဒီပေတု”န္တိ၊ တံ ယထာရုတဝသေနော ဒီပိတံ ဟောတိတိ ဒဋ္ဌဗ္ဗံ။

၁၄၆။ “ဒေသနာဇာလဝိမုတ္တော ဒိဋ္ဌိဂတိကော နာမ နတ္ထိ”တိ ဒဿနံ  
ဒေသနာယ ကေဝလပရိပုဏ္ဏတံ ဉ္စပေတုန္တိ ဝေဒိတဗ္ဗံ။ အန္တော ဇာလဿာတိ  
အန္တောဇာလံ၊ ဒဗ္ဗပဝေသနဝသေန အန္တောဇာလေ အကတပိ တန္တိဿိတ-  
ဝါဒပ္ပဝေသနဝသေန ကတာတိ အန္တောဇာလိကတာ၊ အန္တော ဇာလဿ  
တိဋ္ဌန္တိတိ ဝါ အန္တောဇာလာ၊ ဒဗ္ဗဝသေန အနန္တောဇာလာပိ တန္တိဿိတ-  
ဝါဒဝသေန အန္တောဇာလာ ကတာတိ အန္တောဇာလိကတာ။ အဘူတတဗ္ဗာဝေ  
ကရာသဘူယောဂေဝိကာရဝါစကတော ဤပစ္စယော၊ အန္တသရဿ ဝါ ဤကာ-  
ရာဒေသောတိ သဒ္ဓဝိဒ္ဓ ယထာ “ဝေလိကာရော၊ ကဗဠိကာရော”တိ၊ ဣမမတ္ထံ  
ဒဿေတုံ “ဣမဿာ”တိ အာဒိ ဝုတ္တံ။ နိဿိတာ အဝသိတာဝ ဟုတွာ ဥမ္မုဇ္ဇမာနာ  
ဥမ္မုဇ္ဇန္တိတိ အတ္ထော။ မာန-သဒ္ဓေါ စေတ္ထ ဘာဝေနဘာဝလက္ခဏတ္ထော  
အပ္ပဟိနေန ဥမ္မုဇ္ဇနဘာဝေန ပုန ဥမ္မုဇ္ဇနဘာဝဿ လက္ခိတတ္တာ၊ တထာ  
“ဩသိဒန္တာ”တိ အာဒိသုပိ အန္တ-သဒ္ဓေါ။ ဥမ္မုဇ္ဇနေနေဝ အဝုတ္တဿာပိ နိမုဇ္ဇ-  
နဿ ဂဟဏန္တိ ဒဿေတိ “ဩသိဒန္တာ”တိ အာဒိနာ။ တတ္ထ အပါယူပပတ္တိ-  
ဝသေန အဓော ဩသိဒနံ၊ သမ္ပတ္တိဘဝဝသေန ဥဒ္ဓမုဂ္ဂမနံ။ တထာ ပရိတ္တဘူမိ-  
မဟဂ္ဂတဘူမိဝသေန၊ ဒိဋ္ဌိယာ ဩလိနတာတိဓာဝနဝသေန၊ ပုဗ္ဗန္တာနုဒိဋ္ဌိ-  
အပရန္တာနုဒိဋ္ဌိဝသေန စ ယထာက္ကမံ ယောဇေတဗ္ဗံ။ ပရိယာပန္နာတိ  
အန္တောဂဓာ။ တဗ္ဗာဝေါ စ တဒါဗဒ္ဓေနာတိ ဝုတ္တံ “ဧတေန အာဗဒ္ဓါ”တိ။  
“န ဟေတ္တာ”တိ အာဒိနာ ယထာဝုတ္တပါဠိယာ အာပန္နတ္ထံ ဒဿေတိ။

ဣဒါနိ ဥပမာသံသန္ဓနမာဟ “ကေဝဇ္ဇော ဝိယာ”တိအာဒိနာ။ ကေ ဥဒကေ ဝဇ္ဇတိ ပရိစရတိတိ ကေဝဇ္ဇော၊ မစ္ဆဗန္ဓော။ ကာမံ ကေဝဇ္ဇန္တေဝါသီပိ ပါဠိယံ ဝုတ္တော၊ သော ပန တဒနဂတိကောဝါတိ တထာ ဝုတ္တံ။ ဒသသဟသိ-  
လောကဓာတူတိ ဇာတိက္ခေတ္တံ သန္ဓာယာဟ တတ္ထေဝ ပဋိဝေဓသမ္ဘဝတော၊  
အညေသဉ္စ တဂ္ဂဟဏေနေဝ ဂဟိတတ္တာ။ အညတ္တာပိ ဟိ ဒိဋ္ဌိဂတိကာ ဧတ္ထ  
ပရိယာပန္နာ အန္တောဇာလိကတာဝ။ ဩဇ္ဇာရိကာတိ ပါကဋ္ဌဘာဝေန ထူလာ။  
တဿာတိ ပရိတ္တောဒကဿ။

၁၄၇။ “သဗ္ဗဒိဋ္ဌိနံ သင်္ခဟိတတ္တာ”တိ ဧတေန ဝါဒသင်္ဂဟဏေန ပုဂ္ဂလသင်္ဂ-  
ဟောတိ ဒဿေတိ။ အတ္တနော။ ပ။ ဒဿေန္တောတိ ဒေသနာကုသလတာယ  
ယထာဝုတ္တေသု ဒိဋ္ဌိဂတိကာနံ ဥမ္မုဇ္ဇနနိမုဇ္ဇနဋ္ဌာနဘူတေသု ကတ္ထစိပိ ဘဝါဒိသု  
အတ္တနော အနဝရောဓဘာဝံ ဒဿေန္တော။ နယန္တိတိ သတ္တေ ဣစ္ဆိတဋ္ဌာနမာ-  
ဝဟန္တိ၊ တံ ပန တထာအာကမ္ပနဝသေနာတိ အာဟ “ဝိဝါယာ”တိအာဒိ။  
“နေတ္ထိသဒိသတာယာ”တိ ဣမိနာ သဒိသဝေါဟာရံ၊ ဥပမာတဒ္ဓိတံ ဝါ  
ဒဿေတိ။ “သာ ဟိ”တိအာဒိ သဒိသတာဝိဘာဝနာ။ ဝိဝါယာတိ ဧတ္ထ မဟာ-  
ဇနာနန္တိ သဗ္ဗန္တိနိဒ္ဒေသော နေတိတိ ဧတ္တာပိ ကမ္မဘာဝေန သမ္ပုဋ္ဌိတဗ္ဗော  
နိ-သဒ္ဓဿ ဒွိကမ္ပိကတ္တာ၊ အာချာတပယောဂေ စ ဗဟုလံ သာမိဝစနဿ  
ကတ္ထုကမ္မတ္ထဇောတကတ္တာ။ အဿာတိ အနေန ဘဂဝတာ၊ သာ ဘဝနေတ္ထိ  
ဥစ္ဆိန္နာတိ သမ္ပန္နော။ ပုန အပ္ပဋိသန္ဓိကဘာဝါတိ သာမတ္ထိယတ္ထမာဟ။ ဇိဝိတ-  
ပရိယာဒါနေ ဝုတ္တေယေဝ ဟိ ပုန အပ္ပဋိသန္ဓိကဘာဝေါဝုတ္တော နာမ တဿေဝ  
အဒဿနဿ ပဓာနကာရဏတ္တာ။ န ဒက္ခန္တိတိ ဧတ္ထ အနာဂတဝစနဝသေန  
ပဒသိဒ္ဓိ “ယတြ ဟိ နာမ သာဝကော ဝေရူပံ ဥဿတိ ဝါ ဒက္ခတိ ဝါ သက္ခိ”  
ဝါ ကရိဿတိ”တိအာဒိသု၊ ဝိယာတိ ဒဿေတိ “န ဒက္ခိဿန္တိ”တိ ဣမိနာ။ ကိံ  
ဝုတ္တံ ဟောတိတိ အာဟ “အပဏ္ဏတ္တိကဘာဝံ ဂမိဿန္တိ”တိ။ အပဏ္ဏတ္တိက-  
ဘာဝန္တိ စ ဓရမာနကပဏ္ဏတ္တိယာ ဝေ အပဏ္ဏတ္တိကဘာဝံ၊ အတိတပဏ္ဏတ္တိယာ  
ပန တထာဂတပဏ္ဏတ္တိ ယာဝ သာသနန္တရဓာနာ၊ တတော ဥဒ္ဓမ္မိ အညဗုဒ္ဓုပ္ပါ-  
ဒေသု ပဝတ္တတိ ဝေ ယထာ အဓနာ ဝိပဿိအာဒိနံ။ တထာ ဟိ ဝက္ခတိ  
“ဝေါဟာရမတ္ထမေဝ ဘဝိဿတိ”တိ၊ ပညာယ စေတ္ထ ပဏ္ဏာဒေသောတိ  
နေရုတ္တိကာ။

ကာယောတိ အတ္တဘာဝေါ၊ ယော ရူပါရူပဓမ္မသမူဟော။ ဝေဋ္ဌိဿ  
အဗ္ဗုရက္ခသဒိသတာ၊ တဒဝယဝါနဉ္စ ရူပက္ခန္ဓစက္ခာယတနစက္ခာဓာတာဒိနံ

အပ္ပပက္ကသဒိသတာ ယုဇ္ဇတိ။ တန္တိ ကာယံ။ ပဉ္စပက္ကဒါဒသပက္ကအဋ္ဌာရသ-  
 ပက္ကပရိမာဏာတိ ပဉ္စပက္ကပရိမာဏာ ကော၊ ဒွါဒသပက္ကပရိမာဏာ  
 ကော၊ အဋ္ဌာရသပက္ကပရိမာဏာ ကောတိ တိရိစ္ဆာ ပက္ကမ္မဗလပိဏ္ဍိ ဝိယ။  
 ပိဏ္ဍော တေဿာတိ ပိဏ္ဍိ၊ ထဝကော။ တဒန္တယာနိတံ ဝဏ္ဏာနဂတာနိ၊  
 တေနာဟ “တံယေဝ ဝဏ္ဏံ အနုဂတာနိ”တိ။

မဏ္ဍုလကဏ္ဍကဝိသသမ္ပဿန္တိ ဝိသဝန္တဿ ဘေကဝိသေသဿ ကဏ္ဍ-  
 ကေန၊ တဒညေန စ ဝိသေန သမ္ပဿံ၊ မဏ္ဍုလကဏ္ဍကေ ဝိဇ္ဇမာနဿ ဝိသဿ  
 သမ္ပဿံ ဝါ။ သကဏ္ဍကော ဇလစာရီ သတ္တော ဣမ မဏ္ဍုလကော နာမ၊ ယော  
 “ပါသာဏကစ္ဆပေါ”တိ ဝေါဟရန္တိ၊ တဿ နဂုံဋ္ဌေ အဂ္ဂကောဂ္ဂိယံ ဌိတော  
 ကဏ္ဍကောတိပိ ဝဒန္တိ။ ဧကံ ဝိသမစ္ဆကဏ္ဍကန္တိပိ ဧကေ။ ကိရာတိ အနုသဝ-  
 နတ္ထေ နိပါတော။ ဧတ္ထ စ ဝဏ္ဏေသေ ဝဏ္ဏုပနိဗန္ဓာနံ အပ္ပပက္ကာနံ အပ္ပရက္ခ-  
 တော ဝိဇ္ဇေဒေါ ဝိယ ဘဝနေတ္တိဇ္ဈေသေ တဒုပနိဗန္ဓာနံ ခန္ဓာဒီနံ သန္တာနတော  
 ဝိဇ္ဇေဒေါတိ ဧတ္တာဝတာဝ ပါဠိယမာဂတံ ဩပမ္ပံ၊ တဒဝသေသံ ပန အတ္ထ-  
 တော လဒ္ဓမေဝါတိ ဒဋ္ဌဗ္ဗံ။

၁၄၈။ ဗုဒ္ဓဗလန္တိ ဗုဒ္ဓါနံ ဉာဏဗလံ။ ကထိတသုတ္တဿ နာမာတိ ဧတ္ထ  
 နာမ-သဒ္ဓေါ သမ္ဘာဝနေ နိပါတော၊ တေန “ဝေဓိ နာမ ကထိတသုတ္တဿာ”တိ  
 ဝုတ္တနယေန သုတ္တဿ ဂုဏံ သမ္ဘာဝေတိ။ ဟန္တာတိ ဝေါဿဂ္ဂတ္ထေ။ တေန ဟိ  
 အရနာဝ ဂဏှာပေဿာမိ။ န ပပဉ္စ ကရိဿာမီတိ ဝေါဿဂ္ဂံ ကရေတိ။

ဓမ္မပရိယာယေတိ ဓမ္မဒေသနာသင်္ခါတာယ ပါဠိယာ။ ဣမတ္ထောတိ ဒိဋ္ဌဓမ္မ-  
 ဟိတံ။ ဗရတ္ထောတိ သမ္ပရာယဟိတံ၊ တဒဘယတ္ထော ဝါ။ ဘာသိတတ္ထောပိ  
 ယုဇ္ဇတိ “ဓမ္မဇာလ”န္တိ ဧတ္ထ တန္တိဓမ္မဿ ဂဟိတတ္တာ။ ဣဟာတိ ဣမ သာသနေ။  
 နန္တိ နိပါတမတ္ထံ “န နံ သုတော သမဏော ဂေါတမော”တိ အာဒိသု ဝိယ။ တန္တိ-  
 ဓမ္မာတိ ပါဠိဓမ္မာ။ သဗ္ဗေန သဗ္ဗံ သင်္ဂဏှနတော အတ္ထသင်္ခါတံ ဇာလမေတ္တာတိ  
 အတ္ထဇာလံ။ တထာ ဓမ္မဇာလံ ဗြဟ္မဇာလံ ဒိဋ္ဌိဇာလန္တိ ဧတ္တာပိ။ သင်္ဂါမံ  
 ဝိဇီနာတိ ဧတေနာတိ သင်္ဂါမဝိဇယော၊ သင်္ဂါမော စေတ္ထ ပဉ္စဟိ မာရေဟိ  
 သမာဂမနံ အဘိယုဇ္ဈနန္တိ အာဟ “ဒေဝပုတ္တမာရဗ္ဗိ”တိ အာဒိ။ အတ္ထ-  
 သမ္ပတ္တိယာ ဟိ အတ္ထဇာလံ။ ဗျဉ္ဇနသမ္ပတ္တိယာ၊ သီလဒါဒိအနဝဇ္ဇဓမ္မနိဒ္ဒေသ-  
 တော စ ဓမ္မဇာလံ။ သေဋ္ဌဋ္ဌေန ဗြဟ္မဘူတာနံ မဂ္ဂဗလနိဗ္ဗာနာနံ ဝိဘတ္တတ္တာ  
 ဗြဟ္မဇာလံ။ ဒိဋ္ဌိဝိဝေစနမုခေန သုညတာပကာသနေန သမ္မာဒိဋ္ဌိယာ  
 ဝိဘတ္တတ္တာ ဒိဋ္ဌိဇာလံ။ တိတ္ထိယဝါဒနိမ္မဒ္ဒနုပါယတ္တာ အနုတ္တရေ သင်္ဂါမဝိဇ-  
 ယောတိ ဝေဓေတ္ထ အတ္ထယောဇနာ ဝေဒိတဗ္ဗာ။

နိဒါနာဝသာနံတောတိ “အထ ဘဂဝါ အနုပ္ပတ္တော”တိ ဝစနသင်္ခါတ-  
နိဒါနပရိယောသာနတော။ မရိယာဒါဝဓိဝစနဉ္စေတံ။ အပိစ နိဒါနာဝသာန-  
တောတိ နိဒါနပရိယောသာနေ ဝုတ္တတ္တာ နိဒါနာဝသာနဘူတတော “မမံ ဝါ  
ဘိက္ခဝေ ပရေ အဝဏ္ဏံ ဘာသေယျ”န္တိ အာဒိ ဝစနတော။ အဘိဝိမိအဝဓိဝစန-  
ဉ္စေတံ။ ဣဒဉ္စ “အဝေါစာ”တိ ကိရိယာသမ္ပန္နနေ ဝုတ္တံ။ “နိဒါနေန အာဒိ-  
ကလျာဏ”န္တိ ဝစနတော ပန နိဒါနမ္ပိ နိဂမနံ ဝိယ သုတ္တပရိယာပန္နမေဝ။  
အလဗ္ဘံ။ ဝန္တိရန္တိ သဗ္ဗညုတညာဏဿ ဝိသေသနံ။

၁၄၉။ ယထာ အနတ္တမနာ အတ္တနော အနတ္တစရတာယ ပရမနာ ဝေရိမနာ  
နာမ ဟောန္တိ၊ ယထာဟ ဓမ္မရာဇာ ဓမ္မပဒေ၊ ဥဒါနေ စ—

“ဒိသော ဒိသံ ယံ တံ ကယိရာ၊ ဝေရိ ဝါပန ဝေရိနံ။  
မိစ္ဆာပဏိဟိတံ စိတ္တံ၊ ပါပိယော နံ တတော ကရေ”တိ။

န ဝေမိမေ အနတ္တမနာ၊ ဣမေ ပန အတ္တနော အတ္တစရတာယ အတ္တမနာ  
နာမ ဟောန္တိတိ အာဟ “သကမနာ”တိ။ သကမနတာ စ ပီတိယာဂဟိတ-  
စိတ္တတ္တာတိ ဒဿေတိ “ပုဒ္ဓဂတာယာ”တိအာဒိနာ။

အယံ ပန အဋ္ဌကထာတော အပရော နယော—အတ္တမနာတိ သုမတ္တမနာ၊  
ဣမာယ ဒေသနာယ ပရိပုဏ္ဏမနသင်္ကပ္ပါတိ အတ္တော။ ဒေသနာဝိလာသော  
ဒေသနာယ ဝိဇ္ဇန္တနံ၊ တဉ္စ ဒေသနာကိစ္စနိပ္ပာဒကံ သဗ္ဗညုတညာဏမေဝ။  
ကရဝိကဿ ရုတမိဝ မဉ္ဇုမရုဿရော ယဿာတိ ကရဝိကရုတမဉ္ဇု။ တေန။  
အမတာဘိသေကသဒိသေနာတိ ကာယစိတ္တဒရထဝူပသမကံ သဗ္ဗသမ္ဘာရာ-  
ဘိသင်္ခတံ ဥဒကံ ဒီဃာယုကတာသံဝတ္တနတော အမတံ နာမ။ တေနာဘိသေက-  
သဒိသေန။ ဗြဟ္မုနော သရော ဝိယ အဋ္ဌင်္ဂသမန္နာဂတော သရော ယဿာတိ  
ဗြဟ္မဿရော၊ တေန။ အဘိနန္ဒတိတိ တဏှာယတိ၊ တေနာဟ “တဏှာယဗ္ဗိ  
အာဂတော”တိ။ အနေကတ္တတ္တာ ဓာတုနံ အဘိနန္ဒန္တိတိ ဥပဂစ္ဆန္တိ သေဝန္တိတိ  
အတ္တောတိ အာဟ “ဥပဂမနေဝိ”တိ။

တထာ အဘိနန္ဒန္တိတိ သမ္ပုဋ္ဌိန္ဒန္တိတိ အတ္တမာဟ “သမ္ပုဋ္ဌိန္ဒန္တိ”တိ။  
အဘိနန္ဒိတ္တာတိ ဝုတ္တောယေဝတ္တော “အနုမောဒိတ္တာ”တိ ဣမိနာ ပကာသိ-  
တောတိ သန္ဓာယ “အနုမောဒနေဝိ”တိ ဝုတ္တံ။

ဣမမေဝတ္ထံ ဂါထာဗန္ဓဝသေန ဒဿေတုံ “သုဘာသိတ”န္တိ အာဒိမာဟ။  
 တတ္ထ သဒ္ဓတော သုဘာသိတံ၊ အတ္ထတော သုလပိတံ။ သီလပ္ပကာသနေ ဝါ  
 သုဘာသိတံ၊ သုညတာပကာသနေ သုလပိတံ။ ဒိဋ္ဌိဝိဘဇနေ ဝါ သုဘာ-  
 သိတံ၊ တန္တိဗ္ဗေမကသဗ္ဗညုတညာဏဝိဘဇနေ သုလပိတံ။ ဧဝံ အဝဏ္ဏဝဏ္ဏ-  
 နိသေခနာဒိဟိပိ ဣမ ဒဿိတပ္ပကာရေဟိ ယောဇေတဗ္ဗံ။ တာဒိနောတိ  
 ဣဋ္ဌာနိဋ္ဌေသု သမပေက္ခနာဒိဟိ ပဉ္စဟိ ကာရဏေဟိ တာဒိဘူတဿ။  
 ဣမဿ ပဒဿ ဝိတ္တာရော “ဣဋ္ဌာနိဋ္ဌေ တာဒိ၊ စတ္တာဝိတိ တာဒိ၊  
 ဝန္တာဝိတိ တာဒိ”တိအာဒိနာ၊ မဟာနိဋ္ဌေသေ ဝုတ္တော၊ သော ဥပရိ  
 အဋ္ဌကထာယမ္ပိ အာဝိဘဝိဿတိ။ ကိဉ္စာပိ “ကတမဉ္စတံ ဘိက္ခဝေ”တိအာဒိနာ၊  
 တတ္ထ တတ္ထ ပဝတ္တာယ ကထေတုကမျတာပုစ္ဆာယ ဝိဿဇ္ဇနဝသေန ဝုတ္တတ္တာ  
 ဣဒံ သုတ္တံ ဝေယျာကရဏံ နာမ ဘဝတိ။ ဗျာကရဏမေဝ ဟိ ဝေယျာကရဏံ၊  
 တထာပိ ပုစ္ဆာဝိဿဇ္ဇနာဝသေန ပဝတ္တံ သုတ္တံ သဂါထကံ စေ၊ ဂေယျံ နာမ  
 ဘဝတိ။ နိဂ္ဂါထကံ၊ စေ အင်္ဂန္တရဟေတုရဟိတဉ္စ၊ ဝေယျာကရဏံ နာမ။ ဣတိ  
 ပုစ္ဆာဝိဿဇ္ဇနာဝသေန ပဝတ္တဿာပိ ဂေယျသာဓာရဏတော၊ အင်္ဂန္တရဟေတု-  
 ရဟိတဿ စ နိဂ္ဂါထကဘာဝဿေဝ အနညသာဓာရဏတော ပုစ္ဆာဝိဿဇ္ဇန-  
 ဘာဝမနပေက္ခိတ္တာ နိဂ္ဂါထကဘာဝမေဝ ဝေယျာကရဏဟေတုတာယ  
 ဒဿေန္တော “နိဂ္ဂါထကတ္တာ ဟိ ဣဒံ ဝေယျာကရဏ”န္တိ အာဟ။

ကသ္မာတိ စောဒနံ သောမေတိ “ဘညမာနေတိ ဟိ ဝုတ္တ”န္တိ ဣမိနာ။  
 ဥဘယသမ္ပန္နပဒေသေတံ ဟေဋ္ဌာ၊ ဥပရိ စ သမ္ပဇ္ဈနတော။ ဣဒံ ဝုတ္တံ ဟောတိ—  
 “ဘညမာနေ”တိ ဝတ္တမာနကာလဝသေန ဝုတ္တတ္တာ န ကေဝလံ သုတ္တပရိယော-  
 သာနေယေဝ၊ အထ ခေါ ဒွါသဋ္ဌိယာ ဌာနေသု အကမ္ပိတ္တာတိ ဝေဒိတဗ္ဗာတိ။  
 ယဒေဝံ သကလေပိ ဣမသ္မိ သုတ္တေ ဘညမာနေ အကမ္ပိတ္တာတိ အတ္ထောယေဝ  
 သမ္ဘဝတိ၊ န ပန တဿ တဿ ဒိဋ္ဌိဂတဿ ပရိယောသာနေ ပရိယောသာနေတိ  
 အတ္ထောတိ? နာယမနုယောဂေါ ကတ္ထမိပိ န ပဝိသတိ သမ္ဘဝမတ္တေနေဝ အနု-  
 ယုဉ္ဇနတော၊ အယံ ပန အတ္ထော န သမ္ဘဝမတ္တေနေဝ ဝုတ္တော၊ အထ ခေါ ဒေသ-  
 နာကာလေ ကမ္ပနာကာရေနေဝ အာစရိယပရမ္ပရာဘတေန။ တေနေဝ ဟိ  
 အာကာရေနာယမတ္ထော သင်္ဂတိမာရုဋ္ဌော၊ တထာရုဋ္ဌနယေနေဝ စ သင်္ဂဟကာ-  
 ရေန ဝုတ္တောတိ နိဋ္ဌမေတ္ထ ဂန္တဗ္ဗံ၊ ဣတရထာ အတက္ကာဝစရဿ ဣမဿတ္ထဿ  
 တက္ကပရိယာဟတကထနံ အနုပပန္နံ သိယာတိ။ ဧဝမိဒိသေသု။ “ဓာတုက္ခောဘေ-  
 နာ”တိအာဒိသု အတ္ထော မဟာပရိနိဗ္ဗာနသုတ္တဝဏ္ဏနာယံ ဂဟေတဗ္ဗော။

အပရေသုပီတိ ဧတ္ထ ဝိ-သဒ္ဓေန ပါရမိပဝိစယနံ သမ္ပိဏ္ဍေတိ။ ဂုတ္တဉ္စိ  
ဗုဒ္ဓဝံသေ—

“ဣမေ ဓမ္မေ သမ္ပသတော၊ သဘာဝသရသလက္ခဏေ။  
ဓမ္မတေဇေန ဝသုဓာ၊ ဒသသဟဿီ ပကမ္ပထာ”တိ။

တထာ သာသနပတိဋ္ဌာနန္တရဓာနာဒယောပိ။ တတ္ထ သာသနပတိဋ္ဌာနေ  
တာဝ ဘဂဝတော ဝေဠုဝနပဋိဂ္ဂဟဏေ၊ မဟာမဟိန္ဒတ္ထေရဿ မဟာမေဃ-  
ဝနပဋိဂ္ဂဟဏေ၊ မဟာအရိဋ္ဌတ္ထေရဿ ဝိနယပိဋကသဇ္ဈာယနေတိ ဧဝမာဒီသု  
သာသနဿ မူလာနိ ဩတိဏ္ဏာနီတိ ပီတိဝသံ ဂတာ နစ္စန္ဒာ ဝိယံ အယံ  
မဟာပထဝီ ကမ္ပိတ္ထ။ သာသနန္တရဓာနေ ပန “အဟော ဤဒိသဿ သဒ္ဓမ္မဿ  
အန္တရဓာန”န္တိ ဒေါမနဿပုတ္တာ ဝိယ ယထာ တံ ကဿပဿ ဘဂဝတော  
သာသနန္တရဓာနေ။ ဂုတ္တဉ္စေတမပဒါနေ—

“တဒါယံ ပထဝီ သဗ္ဗာ၊ အစလာ သာ စလာစလာ။  
သာဂရော စ သသောကောဝ၊ ဝိနဒီ ကရုဏံ ဂိရ”န္တိ။

ဗောဓိမဏ္ဍုပသင်္ကမနေတိ ဝိသာခါပုဏ္ဏမဒိဝသေ ပဌမံ ဗောဓိမဏ္ဍုပ-  
သင်္ကမနေ။ ပံသုကူလဂ္ဂဟဏေတိ ပုဏ္ဏံ နာမ ဒါသိံ ပါရပိတွာ အာမက-  
သုသာနေ ဆဒ္ဓိတဿ သာဏမယပံသုကူလဿ တုမ္ပမတ္ထေ ပါဏေ ဝိရုနိတွာ  
မဟာအရိယဝံသေ ဌတွာ ဂဟဏေ။ ပံသုကူလဓောဝနေတိ တဿေဝ ပံသု-  
ကူလဿ ဓောဝနေ။ ကာဠကရာမသုတ္တံ<sup>၁</sup> အင်္ဂုတ္တရာဂမေ စတုတ္ထနိပါတေ။  
ဂေါတမကသုတ္တံ<sup>၂</sup> တတ္ထေဝတိကနိပါတေ။ ဝိရိယဗလေနာတိ မဟာဘိနိက္ခ-  
မနေ စက္ကဝတ္တိသိရိပရိစ္စာဂဟေတုဘူတဝိရိယပ္ပဘာဝေန။ ဗောဓိမဏ္ဍုပသင်္က-  
မနေ—

“ကာမံ တစော စ နှာရ စ၊ အဋ္ဌိ စ အဝသိဿတု။  
ဥပသုဿတု နိဿေသံ၊ သရီရေ မံသလောဟိတ”န္တိ။

ဂုတ္တစတုရင်္ဂသမန္တာဂတဝိရိယာနုဘာဝေနာတိ ယထာရဟမတ္ထော ဝေဒိ-  
တဗ္ဗော။ အစ္ဆရိယဝေဂါဘိဟတာတိ ဝိမှယာဝဟကိရိယာနုဘာဝသန္ဓိတာ။  
ပံသုကူလဓောဝနေ ဘဂဝတော ပုညတေဇေနာတိ ဝဒန္တိ။ ပံသုကူလဂ္ဂဟဏေ  
ယထာ အစ္ဆရိယဝေဂါဘိဟတာတိ ယုတ္တံ ဝိယ ဒိဿတိ၊ တံ ပန ကဒါဓိ

၁-ခု ၄-၃၁၉-ပိဋေ။ ၂-ခု ၄-၁၂၃-ပိဋေ။ ၃-အံ ၁-၃၃၃-ပိဋေ။ ၄-အံ ၁-၂၈၀-ပိဋေ။  
၅-မ ၂-၁၄၆၊ သံ ၁-၂၆၆၊ ၄၆၄၊ အံ ၁-၅၂၊ အံ ၃-၃၃၊ ခု ၇-၃၇၉၊ ခု ၈-၂၉၇၊  
ဇာတက-၄ ၁-၈၃-ပိဋေသု။

ပဝတ္တတ္တာ “အကာလကမ္မနေနာ”တိ ဝုတ္တံ။ ဝေဿန္တရဇာတကော<sup>၁</sup> ပန ပါရမီ-  
 ပူရဏပုညတေဇေန အနေကက္ခတ္တံ၊ ကမ္မိတတ္တာ အကာလကမ္မနံ နာမ ဘဝတိ။  
 သက္ခိနိဒဿနေ ကထေတဗ္ဗဿ အတ္ထဿာနုရူပတော သက္ခိ ဝိယ ဘဝတိတိ  
 ဝုတ္တံ “သက္ခိဘာဝေနာ”တိ ယထာ တံ မာရဝိဇယကာလေ။ သာဓုကာရ-  
 ခါနေနာတိ ပကရဏာနုရူပဝသေန ဝုတ္တံ ယထာ တံ ဓမ္မစက္ကပ္ပဝတ္တနသင်္ဂီတိ-  
 ကာလာဒီသု။

“န ကေဝလ”န္တိအာဒိနာ အနေကတ္ထပထဝီကမ္မနဒဿနမုခေန ဣမဿ  
 သုတ္တဿ မဟာနုဘာဝတာယေဝ ဒဿိတာ။ တတ္ထ ဇောတိဝနေတိ  
 နန္ဒဝနေ။ တဉ္စိ သာသနဿ ဉ္ဇုဏာလောကသင်္ခါတာယ ဇောတိယာ ပါတု-  
 ဘူတဋ္ဌာနတ္တာ ဇောတိဝနန္တိ ဝုစ္စတိတိ ဝိနယသံဝဏ္ဏနာယံ ဝုတ္တံ။ ဓမ္မန္တိ  
 အနမတဂ္ဂသုတ္တာဒိဓမ္မံ။ ပါစိနအဗ္ဗလဋ္ဌိကဋ္ဌာနန္တိ ပါစိနဒိသာဘာဂေ တရုဏဗ္ဗ-  
 ရုက္ခေန လက္ခိတဋ္ဌာနံ။

ဧဝန္တိ ဘဂဝတာ ဒေသိတကာလာဒီသု ပထဝီကမ္မနမတိဒိသတိ။ အနေ-  
 ကသောတိ အနေကဓာ။ သယမ္ပုနာ ဒေသိတဿ ဗြဟ္မဇာလဿ ယဿ  
 သုတ္တသေဋ္ဌဿာတိ ယောဇနာ။ ဣဇာတိ ဣမသ္မိံ သာသနေ။ ယောနိသောတိ  
 မိစ္ဆာဒိဋ္ဌိပ္ပဟာနသမ္မာဒိဋ္ဌိသမာဒါနာဒိနာ ဉ္ဇယေန ဥပါယေန ပဋိပဇ္ဇန္တိ။ တိ  
 အတ္ထော။ အယံ တာဝေတ္ထ အဋ္ဌကထာယ လိနတ္ထဝိဘာဝနာ။

ပကရဏနယဝဏ္ဏနာ

ဣတော ပရံ အာစရိယ-ဓမ္မပါလေန ယာ ကတာ။  
 သမုဋ္ဌာနာဒိဟာရာဒိ-ဝိဝိဇ္ဇေဝိဘာဝနာ။

န သာ အမှေဟုပေက္ခေယျာ၊ အယဉ္စိ တဗ္ဗိသောဓနာ။  
 တသ္မာ တဗ္ဗိ ပဝက္ခာမ၊ သောတူနံ ဉ္ဇုဏဝုဗ္ဗိယာ။

အယဉ္စိ ပကရဏနယေန ပါဠိယာ အတ္ထဝဏ္ဏနာ—ပကရဏနယောတိ စ  
 တဗ္ဗပဏ္ဏိဘာသာယ ဝဏ္ဏနာနယော။ “နေတ္ထိပေဋကပ္ပကရဏေ ဓမ္မကထိကာနံ  
 ယောဇနာနယောတိဝိ ဝဒန္တိ”တိ အဘိဓမ္မဋီကာယံ ဝုတ္တံ။ ယသ္မာ ပနာယံ  
 ဒေသနာယ သမုဋ္ဌာနပယောဇနဘာဇနေသု၊ ပိဏ္ဏတ္ထေသု စ ပဌမံ နိဒ္ဒါရိတေသု  
 သုကရာ၊ ဟောတိ သုဝိညေယျာ စ၊ တသ္မာ—

---

၁-ခု ၆-ခု ၂-ပိဋေ။ ၂-ဇာတက-ဋ္ဌ ၁-ဂါ၊ ဗုဒ္ဓဝံသ-ဋ္ဌ-၃၄၀-ပိဋေသု၊  
 ၃-သံ ၃-၃၆၈၊ ဝိ ၃-၁၄၊ ခု ၉-၃၂၉၊ ဝိ-ဋ္ဌ ၁-၄၆-ပိဋေသု။

သမုဋ္ဌာနံ ပယောဇနံ၊ ဘာဇနဉ္စာပိ ပိဏှတ္ထံ။

နိဒ္ဒါရေတွာန ပဏှိတော၊ တတော ဟာရာဒယော သံသေ။

တတ္ထ သမုဋ္ဌာနံ နာမ ဒေသနာနိဒါနံ၊ တံ သာဓာရဏမသာဓာရဏန္တိ ဒုဝိဓံ၊ တယာ သာဓာရဏမ္ပိ အဇ္ဈတ္တိကဗာဟိရတော။ တတ္ထ သာဓာရဏံ အဇ္ဈတ္တိကသမုဋ္ဌာနံ နာမ ဘဂဝတော မဟာကရုဏာ။ တာယ ဟိ သမုဿာ-  
ဟိတဿ လောကနာထဿ ဝေနေယျာနံ ဓမ္မဒေသနာယ စိတ္တံ ဥဒပါဒိ၊ တံ သန္ဓာယ ဝုတ္တံ “သတ္တေသု ကာရညတံ ပဋိစ္စ ဗုဒ္ဓစက္ခုနာ လောကံ ဝေါလော-  
ကေသီ”တိအာဒိ။ ဧတ္ထ စ တိဝိဓာဝတ္ထာယပိ မဟာကရုဏာယ သင်္ဂဟော ဒဋ္ဌဗ္ဗော ယာဝဒေဝ သဒ္ဓမ္မဒေသနာဟတ္ထဒါနေဟိ သံသာရမဟောသတော သတ္တသန္တာရဏတ္ထံ တဒုပ္ပတ္တိတော။ ယထာ စ မဟာကရုဏာ၊ ဧဝံ သဗ္ဗညုတ-  
ညာဏဒသဗလဉာဏာဒယောပိ ဒေသနာယ သာဓာရဏမဇ္ဈတ္တိကသမုဋ္ဌာနံ နာမ။ သဗ္ဗညု ဥေယျဓမ္မံ တေသံ ဒေသေတဗ္ဗာကာရံ၊ သတ္တာနံ အာသယာနုသ-  
ယာဒိကဉ္စ ယာထာဝတော ဇာနန္တော ဘဂဝါ ဌာနာဌာနာဒိသု ကောသလ္လေန ဝေနေယျဇ္ဈာသယာနုရူပံ ဝိစိတြနယဒေသနံ ပဝတ္တေသိ။ ဗာဟိရံ ပန သာဓာ-  
ရဏသမုဋ္ဌာနံ ဒသသဟဿိမဟာမြဟ္မပရိဝါရဿ သဟမ္ပတိမြဟ္မာနော အဇ္ဈေ-  
သနံ။ တဒဇ္ဈေသနံ ပတိ ဓမ္မဂမ္ဘီရတာပစ္စဝေက္ခဏာဇနိတံ အပ္ပေါဿုက္ကတံ ပဋိပ္ပဿန္တေတွာ ဓမ္မဿာမီ ဓမ္မဒေသနာယ ဥဿာဟဇာတော အဟောသိ။

အသာဓာရဏမ္ပိ အဇ္ဈတ္တိကဗာဟိရတော ဒုဝိဓမေဝ။ တတ္ထ အဇ္ဈတ္တိကံ ယာယ မဟာကရုဏာယ၊ ယေန စ ဒေသနာဉာဏေန ဣဒံ သုတ္တံ ပဝတ္တိတံ၊ တဒုဘယ-  
မေဝ။ သာမညာဝတ္ထာယ ဟိ သာဓာရဏမ္ပိ သမာနံ မဟာကရုဏာဒိဝိသေ-  
သာဝတ္ထာယ အသာဓာရဏံ ဘဝတိ၊ ဗာဟိရံ ပန အသာဓာရဏသမုဋ္ဌာနံ ဝဏ္ဏာဝဏ္ဏဘဏနန္တိ အဋ္ဌကထာယံ ဝုတ္တံ။ အပိစ နိန္ဒာပသံသာသု သတ္တာနံ ဝေနေယျာသုဘာတနန္ဒာဒိဘာဝမနာပတ္တိ။ တတ္ထ စ အနာဒိနဝဒဿနံ ဗာဟိရ-  
မသာဓာရဏသမုဋ္ဌာနမေဝ၊ တထာ နိန္ဒာပသံသာသု ပဋိပဇ္ဇနက္ကမဿ၊ ပသံသာဝိသယဿ စ ခုဒ္ဒကာဒိဝသေန အနေကဝိဓဿ သီလဿ၊ သဗ္ဗညုတ-  
ညာဏဿ စ သဿတာဒိဒိဋ္ဌိဌာနေ၊ တဒုတ္တရိ စ အပ္ပုဂ္ဂဟတစာရတာယ၊ တထာဂတဿ စ ကတ္ထစိပိ ဘဝါဒိသု အပရိယာပန္နတာယ သတ္တာနမနဝ-  
ဗောဓောပိ ဗာဟိရမသာဓာရဏသမုဋ္ဌာနံ။

ပယောဇနမ္ပိ သာဓာရဏာသာဓာရဏတော ဒုဝိဓံ။ တတ္ထ သာဓာရဏံ အနုပါဒါပရိနိဗ္ဗာနံ ဝိမုတ္တိရသတ္တာ သဗ္ဗာယပိ ဘဂဝတော ဒေသနာယ၊

တေနောဟိ“တေဒတ္တာကထာ၊ တေဒတ္တာမန္တနာ”တိအာဒိ။ အသာဓာရဏံ ပန ဗာဟိရသမုဋ္ဌာနတော ဝိပရိယာယေန ဝေဒိတဗ္ဗံ။ နိန္ဒာပသံသာသု ဟိ သတ္တာနံ ဝေနယျာဃာတာနန္ဒာဒိဘာဝပ္ပတ္တိအာဒိကံ ဣမိဿာ ဒေသနာယ ဖလဘူတံ ကာရဏဘာဝေန ဣမံ ဒေသနံ ပယောဇေတိ။ ဖလဗြူ တဒုပ္ပါဒက- သတ္တိယာ ကာရဏံ ပယောဇေတိ နာမ ဖလေ သတိယေဝ တာယ သတ္တိယာ ကာရဏဘာဝပ္ပတ္တိတော။ အထ ဝါ ယထာဝုတ္တံ ဖလံ ဣမာယ ဒေသနာယ ဘဂဝန္တံ ပယောဇေတိတိ **အာစရိယသာရိပုတ္တဇ္ဈေရေန** ဝုတ္တံ။ ယဗြူ ဒေသနာယ သာဓေတဗ္ဗံ ဖလံ၊ တံ အာကခိတဗ္ဗတ္တာ ဒေသနာယ ဒေသကံ ပယောဇေတိ နာမ။ အပိစ ကုဟနလပနာဒိနာနာဝိဓမ္မိစ္ဆာဇီဝဝိဒ္ဓိသနံ၊ ဒွါသဗြူဒိဗ္ဗဇာလဝိနိ- ဝေဌနံ၊ ဒိဗြူသိသေန ပစ္စယာကာရဝိဘာဝနံ၊ ဆဗဿာယတနဝသေန စတုသစ္စ- ကမ္မဋ္ဌာနနိဒ္ဒေသော၊ သဗ္ဗဒိဗ္ဗဂတာနံ အနဝသေသပရိယာဒါနံ၊ အတ္တနော အနုပါဒါပရိနိဗ္ဗာနဒီပနဉ္စ ပယောဇေနမေဝ။

**ဘာဇနံ** ပန ဒေသနာဓိဋ္ဌာနံ။ ယေ ဟိ ဝဏ္ဏာဝဏ္ဏနိမိတ္တအနုရောဓ- ဝိရောဓဝန္တစိတ္တာ ကုဟနာဒိဝိဓမ္မိစ္ဆာဇီဝနိရတာ သဿတာဒိဒိဗ္ဗပဏ်နိမုဂ္ဂါ သီလက္ခန္ဓာဒိသု အပရိပူရကာရိနော အဗုဒ္ဓဂုဏဝိသေသဉာဏာ ဝေနယျာ၊ တေ ဣမိဿာ ဒေသနာယ ဘာဇနံ။

**ဝိဇ္ဇာဇ္ဈော** ပန ဣဓ လဗ္ဘမာနပဒေဟိ၊ သမုဒါယေန စ သုတ္တပဒေန ယထာသမ္ဘဝံ သင်္ဂဟိတော အတ္ထော။ အာဃာတာဒိနံ အကရဏီယတာဝစနေန ဟိ ဒဿိတံ ပဋိညာနုရူပံ သမဏသညာယ နိယောဇနံ၊ တထာ ခန္တိသောရစ္စာ- နုဋ္ဌာနံ၊ ဗြဟ္မဝိဟာရဘာဝနာနုယောဂေါ၊ သဒ္ဓါပညာသမာယောဂေါ၊ သတိ- သမ္ပဇညာဓိဋ္ဌာနံ၊ ပဋိသင်္ခါနဘာဝနာဗလသိဒ္ဓိ၊ ပရိယုဋ္ဌာနာနုသယပ္ပဟာနံ၊ ဥဘယဟိတပဋိပတ္တိ၊ လောကဓမ္မေဟိ အနုပလေပေါ စ—

ပါဏာတိပါတာဒိဟိ ပဋိဝိရတိဝစနေန ဒဿိတာ သီလဝိသုဒ္ဓိ၊ တာယ စ ဟိရောတ္တပ္ပသမ္ပတ္တိ၊ မေတ္တာကရုဏာသမင်္ဂိတာ၊ ဝီတိက္ကမပ္ပဟာနံ၊ တဒင်္ဂပ္ပဟာနံ၊ ဒုစ္စရိတသံကိလေသပ္ပဟာနံ၊ ဝိရတိတ္တယသိဒ္ဓိ၊ ဝိယမနာပဂရုဘာဝနီယတာနိပ္ပတ္တိ၊ လာဘသက္ကာရသိလောကသမုဒါဂမော၊ သမထဝိပဿနာနံ အဓိဋ္ဌာနဘာဝေါ၊ အကုသလမူလတနုကရဏံ၊ ကုသလမူလရောပနံ၊ ဥဘယာနတ္ထဒူရိကရဏံ၊ ပရိသာသု ဝိသာရဒတာ၊ အပ္ပမာဒဝိဟာရော၊ ပရေဟိ ဒုပ္ပဓံသိယတာ၊ အဝိပ္ပဋိ- သာရာဒိသမင်္ဂိတာ စ—

“ဂမ္ဘီရာ”တိအာဒိဝစနေဟိ ဒဿိတံ ဂမ္ဘီရဓမ္မဝိဘာဝနံ၊ အလဗ္ဘနေယျပတိ-  
ဌတာ၊ ကပ္ပါနမသင်္ချေယျေနာပိ ဒုလ္လဘပါတုဘာဝတာ၊ သုခုမေနပိ ဉာဏေန  
ပစ္စက္ခတော ပဋိဝိဇ္ဈိတုမသက္ကုဏေယျတာ၊ ဓမ္မန္တယသင်္ခါတေန အနုမာနဉာဏေ-  
နာပိ ဒုရမိဂမနိယတာ၊ ပဿဒ္ဓသဗ္ဗဒရထတာ၊ သန္တဓမ္မဝိဘာဝနံ၊ သောဘန-  
ပရိယောသာနတာ၊ အဘိတ္တိကရဘာဝေါ၊ ပဓာနဘာဝပုတ္တိ၊ ယထာဘူတဉာဏ-  
ဂေါစရတာ၊ သုခုမသဘာဝတာ၊ မဟာပညာဝိဘာဝနာ စ။ ဒိဋ္ဌိဒီပကပဒေဟိ  
ဒဿိတာ သမာသတော သဿတဥစ္ဆေဒဒိဋ္ဌိယော ဩလိနတာတိဓာဝန-  
ဝိဘာဝနံ၊ ဥဘယဝိနိဗန္ဓနိဒ္ဒေသော၊ မိစ္ဆာဘိနိဝေသကိတ္တနံ၊ ကုမ္မဂ္ဂပဋိပတ္တိပု-  
ကာသနံ၊ ဝိပရိယေသဂ္ဂါဟဉာပနံ၊ ပရာမာသပရိဂ္ဂဟော၊ ပုဗ္ဗန္တာပရန္တာနုဒိဋ္ဌိ-  
ပတိဋ္ဌာပနာ၊ ဘဝဝိဘဝဒိဋ္ဌိဝိဘာဂါ၊ တဏှာဝိဇ္ဇာပဝတ္တိ၊ အန္တဝါနန္တဝါဒိဋ္ဌိနိဒ္ဒေ-  
သော၊ အန္တဒ္ဓယာဝတာရဏံ၊ အာသဝေါသယောဂကိလေသဂန္ထသံယောဇန-  
ပါဒါနဝိသေသဝိဘဇနဉ္စ—

တထာ“ဝေဒနာနံ သမုဒယ”န္တိအာဒိဝစနေဟိ ဒဿိတာ စတုန္တမရိယသစ္စာနံ  
အနုဗောဓပဋိဗောဓသိဋ္ဌိ၊ ဝိက္ခမ္ဘနသမုစ္ဆေဒပ္ပဟာနံ၊ တဏှာဝိဇ္ဇာဝိဂမော၊  
သဒ္ဓမ္မဋ္ဌိတိနိမိတ္တပရိဂ္ဂဟော၊ အာဂမာမိဂမသမ္ပတ္တိ၊ ဥဘယဟိတပဋိပတ္တိ၊  
တိဝိပေညာပရိဂ္ဂဟော၊ သတိသမ္ပဇညာနုဋ္ဌာနံ၊ သဒ္ဓါပညာသမာယောဂေါ၊  
ဝိရိယသမတာနုယောဇနံ၊ သမထဝိပဿနာနိပ္ပတ္တိ စ—

“အဇာနတံ အပဿတ”န္တိ ပဒေဟိ ဒဿိတာ အဝိဇ္ဇာသိဋ္ဌိ၊ တထာ  
“တဏှာဂတာနံ ပရိတဿိတဝိပ္ပန္နိတ”န္တိ ပဒေဟိ တဏှာသိဋ္ဌိ၊ တဒုဘယေန စ  
နိဝရဏသညောဇနဒ္ဓယသိဋ္ဌိ၊ အနမတဂ္ဂသံသာရဝဇ္ဇာနုပစ္ဆေဒေါ၊ ပုဗ္ဗန္တာဟရ-  
ဏာပရန္တာနုသန္တာနာနိ၊ အတိတပစ္စုပ္ပန္နကာလဝသေန ဟေတုဝိဘာဂေါ၊  
အဝိဇ္ဇာတဏှာနံ အညမညာနတိဝတ္တနံ၊ အညမညူပကာရိတာ၊ ပညာဝိမုတ္တိ-  
စေတောဝိမုတ္တိနံ ပဋိပက္ခနိဒ္ဒေသော စ—

“တဒပိ ဖဿပစ္စယာ”တိ ပဒေန ဒဿိတာ သဿတာဒိပညာပနဿ  
ပစ္စယာဓိနဝုတ္တိတာ၊ တေန စ ဓမ္မာနံ နိစ္စတာပဋိသေဓော၊ အနိစ္စတာပတိဋ္ဌာပနံ၊  
ပရမတ္ထတော ကာရကာဒိပဋိက္ခေပေါ၊ ဧဝံဓမ္မတာနိဒ္ဒေသော၊ သုညတာပကာ-  
သနံ၊ သမတ္တနိရိဟပစ္စယလက္ခဏဝိဘာဝနဉ္စ—

“ဥစ္ဆိန္ဒဘဝနေတ္တိကော”တိအာဒိနာ ဒဿိတာ ဘဂဝတော ပဟာနသမ္ပတ္တိ၊  
ဝိဇ္ဇာဝိမုတ္တိဝသီဘာဝေါ၊ သိက္ခတ္တယနိပ္ပတ္တိ၊ နိဗ္ဗာနဓာတုဒွယဝိဘာဝေါ၊ စတု-  
ရမိဋ္ဌာနပရိပူရဏံ၊ ဘဝယောနိအာဒိသု အပရိယာပန္နတာ စ—

သကလေန ပန သုတ္တပဒေန ဒဿိတော ဣဋ္ဌာနိဋ္ဌေသု ဘဂဝတော  
တာဒိဘာဝေါ၊တတ္ထ စ ပရေသံ ပတိဋ္ဌာပနံ၊ ကုသလဓမ္မာနံ အာဒိဘူတဓမ္မဒွယ-  
နိဒ္ဒေသော၊ သိက္ခတ္တယူပဒေသော၊ အတ္တန္တပါဒိပုဂ္ဂလစတုက္ကသိဒ္ဓိ၊ ကဏ္ဍကဏ္ဍ-  
ဝိပါကာဒိကမ္မစတုက္ကဝိဘာဝေါ၊ စတုရပ္ပမညာဝိသယနိဒ္ဒေသော၊သမုဒယတ္ထင်္ဂ-  
မာဒိပဉ္စကဿ ယထာဘူတာဝဗောဓော၊ ဆဿာရဏီယဓမ္မဝိဘာဝနာ၊ ဒသ-  
နာထကရဓမ္မပတိဋ္ဌာပနန္တိ ဝေမာဒယော ယထာသမ္ဘဝံ သင်္ဂဟေတွာ  
ဒဿေတဗ္ဗာ အတ္တာ ပိဏ္ဍတ္တော။

သောဠသဟာရဝဏ္ဏနာ

ဒေသနာဟာရဝဏ္ဏနာ

ဣဒါနိ နေတ္တိယာ၊ ပေဋကောပဒေသေ စ ဝုတ္တနယဝသေန ဟာရာဒိနံ နိဒ္ဒါ-  
ရဏံ။ တတ္ထ “အတ္တာ၊ လောကော”တိ စ ဒိဋ္ဌိယာ အဓိဋ္ဌာနဘာဝေန၊ ဝေဒနာ-  
ဇဿာယတနာဒိမုခေန စ ဂဟိတေသု ပဉ္စသု ဥပါဒါနက္ခန္ဓေသု တဏှာဝဇ္ဇိတာ  
ပဉ္စပါဒါနက္ခန္ဓာ ခုက္ခသစ္စံ။ တဏှာ သမုဒယသစ္စံ။ ကံ ပန “ပရိတဿနာဂဟ-  
ဏေန တဏှာဂတာန”န္တိ၊ “ဝေဒနာပစ္စယာ တဏှာ”တိ စ ပဒေဟိ သမုဒယဂ္ဂ-  
ဟဏေန စ ပါဠိယံ သရူပေန ဂဟိတမေဝ။ အယံ တာဝ သုတ္တန္တနယော။

အဘိဓမ္မေ ပန ဝိဘင်္ဂပ္ပကရဏေ အာဂတနယေန အာဃာတာနန္ဒာဒိ-  
ဝစနေဟိ၊ “အာတပ္ပမန္တာယာ”တိအာဒိပဒေဟိ၊ စိတ္တပဒေါသဝစနေန၊  
သဗ္ဗဒိဋ္ဌိဂတိကပဒေဟိ၊ ကုသလာကုသလဂ္ဂဟဏေန၊ ဘဝဂ္ဂဟဏေန၊ သော-  
ကာဒိဂ္ဂဟဏေန၊ ဒိဋ္ဌိဂ္ဂဟဏေန၊ တတ္ထ တတ္ထ သမုဒယဂ္ဂဟဏေန စာတိ  
သင်္ခေပတော သဗ္ဗလောကီယကုသလာကုသလဓမ္မဝိဘာဝနပဒေဟိ ဂဟိတာ  
ဓမ္မကိလေသာ သမုဒယသစ္စံ။ တဒုဘယေသမပ္ပဝတ္တိ နိရောဓသစ္စံ။ တဿ ပန  
တတ္ထ တတ္ထ ဝေဒနာနံ အတ္ထင်္ဂမနိဿရဏပရိယာယေဟိ ပစ္စတ္တံ နိဗ္ဗုတိဝစနေန၊  
အနုပါဒါဝိမုတ္တိဝစနေန စ ပါဠိယံ ဂဟဏံ ဝေဒိတဗ္ဗံ။ နိရောဓပဇာနနာ  
ပဋိပဒါ မဂ္ဂသစ္စံ။ တဿပိ တတ္ထ တတ္ထ ဝေဒနာနံ သမုဒယာဒိနိ ယထာဘူတ-  
ပဋိဝေဓနာပဒေသေန ဆန္တံ ဇဿာယတနာနံ သမုဒယာဒိနိ ယထာဘူတပဇာ-  
နနပရိယာယေန၊ ဘဝနေတ္တိယာ ဥစ္ဆေဒဝစနေန စ ဂဟဏံ ဝေဒိတဗ္ဗံ။

တတ္ထ သမုဒယေန အဿာဒေါ၊ ဒုက္ခေန အာဒိနဝေါ၊ မဂ္ဂနိရောဓေဟိ နိဿရဏန္တိ ဧဝံ စတုသစ္စဝသေန၊ ယာနံ ပါဠိယံ သရူပေနော အာဂတာနိ အဿာဒါဒိနဝနိဿရဏာနိ၊ တေသဉ္စ ဝသေန ဣမ အဿာဒါဒယော ဝေဒိ-  
တဗ္ဗာ။ ဝေနေယျာနံ တာဒိဘာဝါပတ္တိအာဒိ ဖလံ။ ယဉ္စိ ဒေသနာယ သာဓေ-  
တဗ္ဗံ ဟေဋ္ဌာ ဝုတ္တံ ပယောဇနံ။ တဒေဝ ဖလံန္တိ ဝုတ္တောဝါယမတ္တော။ တဒတ္ထဉ္စိ ဣဒံ သုတ္တံ ဘဂဝတာ ဒေသိတံ။ အာဃာတာဒိနမကရဏီယတာ၊ အာဃာ-  
တာဒိဖလဿ စ အနညသန္တာနဘာဝိတာ နိန္ဒာပသံသာသု ယထာသဘာဝံ ပဋိဇာနနနိဗ္ဗေဋ္ဌနာနိတိ ဧဝံ တံတံပယောဇနာမိဂမဟေတု ဥပါယော။  
အာဃာတာဒိနံ ကရဏပဋိသေနောဒိအပဒေသေန အတ္တကာမေဟိ တတော စိတ္တံ သာဓကံ ရက္ခိတဗ္ဗန္တိ အယံ အာဏာရဟဿ ဓမ္မရာဇဿ အာဏတ္တိတိ။  
အယံ အဿာဒါဒိနဝနိဿရဏဖလူပါယာဏတ္တိဝသေန ဆဗ္ဗိဓဓမ္မသန္ဓဿန-  
လက္ခဏော ဒေသနာဟာရော နာမ။ ဝုတ္တဉ္စ—

“အဿာဒါဒိနဝတာ၊ နိဿရဏဗ္ဗိ စ ဖလံ ဥပါယော စ။  
အာဏတ္တိ စ ဘဂဝတော၊ ယောဂီနံ ဒေသနာဟာရော”တိ။

### ဝိဝေယဟာရဝတ္ထုနာ

ကပ္ပနာဘာဝေပိ ဝေါဟာရဝသေန၊ အနုဝါဒဝသေန စ “မမ”န္တိ ဝုတ္တံ။  
နိယမာဘာဝတော ဝိကပ္ပနတ္ထံ ဝါဂ္ဂဟဏံ။ တံဂုဏသမင်္ဂိတာယ၊ အဘိမုဒိ-  
ကရဏာယ စ “ဘိက္ခဝေ”တိ အာမန္တနံ။ အညဘာဝတော၊ ပဋိဝိရုဒ္ဓဘာဝတော  
စ “ပရေ”တိ ဝုတ္တံ။ ဝဏ္ဏပဋိပက္ခတော၊ အဝဏ္ဏနိယတော စ “အဝဏ္ဏ”န္တိ၊  
ဗျတ္တိဝသေန၊ ဝိတ္တာရဝသေန စ “ဘာသေယျ”န္တိ၊ ဓာရဏသဘာဝတော၊  
အဓမ္မပဋိပက္ခတော စ “ဓမ္မဿာ”တိ၊ ဒိဋ္ဌိသီလေဟိ သံဟတဘာဝတော၊  
ကိလေသာနံ သင်္ခာတကရဏတော စ “သံဃဿာ”တိ၊ ဝုတ္တပဋိနိဒ္ဒေသတော၊  
ဝစနုပဿာသတော စ “တတြာ”တိ၊ သမ္မုဒိဘာဝတော၊ ပုထုဘာဝတော စ  
“တုမေဟိ”တိ၊ စိတ္တဿ ဟနနတော၊ အာရမ္မဏာဘိဿာတတော စ “အာဃာ-  
တော”တိ၊ အာရမ္မဏေ သင်္ကေတဝုတ္တိယာ အနဘိမုဒတာယ၊ အတုဋ္ဌာကာရ-  
တာယ စ “အပ္ပစ္စယော”တိ၊ အာရမ္မဏစိန္တနတော၊ နိဿယတော စ  
“စေတသော”တိ၊ အတ္တဿ အသာနေတော၊ အနု အနု အနတ္ထ-  
သာနေတော စ “အနဘိရဒ္ဓိ”တိ၊ ကာရဏာနရဟတ္တာ၊ သတ္တုသာသနေ

ဦးတေဟိ ကာဘုမသက္ကုဏေယျတ္တာ စ “န ကရဏီယာ”တိ ဝုတ္တံ။ ဧဝံ တသ္မိံ တသ္မိံ အဓိပ္ပေတက္ခေ ပဝတ္တတာနိဒဿနေန၊ အတ္ထသော စ—

မမန္တိ သာမိနိဒ္ဓိဉ္စ သဗ္ဗနာမပဒံ။ ဝါတိ ဝိကပ္ပနနိဒ္ဓိဉ္စ နိပါတပဒံ။ ဘိက္ခဝေတိ အာလပနနိဒ္ဓိဉ္စ နာမပဒံ။ ပရေတိ ကတ္တုနိဒ္ဓိဉ္စ နာမပဒံ။ အဝဏ္ဏန္တိ ကမ္မနိဒ္ဓိဉ္စ နာမပဒံ။ ဘာသေယျန္တိ ကိရိယာနိဒ္ဓိဉ္စ အာချာတပဒံ။ ဓမ္မဿ၊ သံဃဿာတိ စ သာမိနိဒ္ဓိဉ္စ နာမပဒံ။ တတြာတိ အာဓာရနိဒ္ဓိဉ္စ သဗ္ဗနာမပဒံ။ တုမေဟိတိ ကတ္တုနိဒ္ဓိဉ္စ သဗ္ဗနာမပဒံ။ န-ဣတိ ပဋိသေခနိဒ္ဓိဉ္စ နိပါတပဒံ။ အာဃာတော၊ အပ္ပစ္စယော၊ အနဘိရုဒ္ဓိတိ စ ကမ္မနိဒ္ဓိဉ္စ နာမပဒံ။ စေတသောတိ သာမိနိဒ္ဓိဉ္စ နာမပဒံ။ ကရဏီယာတိ ကိရိယာနိဒ္ဓိဉ္စ နာမပဒန္တိ။ ဧဝံ တဿ တဿ ပဒဿ ဝိသေသတာနိဒဿနေန၊ ဗျဉ္ဇနသော စ ဝိစယနံ ပဒဝိဓယော။ အတိဝိတ္ထာရ- ဘယေန ပန သက္ကာယေဝ အဋ္ဌကထံ၊ တဿာ စ လိနတ္ထဝိဘာဝနံ အနုဂန္ဓာ အယမတ္ထော ဝိညုနာ ဝိဘာဝေတုန္တိ န ဝိတ္ထာရယိမှ။

“တတြ စေ တုမေ အဿထ ကုပိတာ ဝါ အနတ္တမနာ ဝါ၊ အပိ န တုမေ ပရေသံ သုဘာသိတံ ဒုပ္ပာသိတံ အာဇာနေယျာထာ”တိ အယံ အနုမတိပုစ္ဆာ။ သတ္တာမိဋ္ဌာနာ၊ အနေကာမိဋ္ဌာနာ၊ ပရမတ္ထဝိသယာ၊ ပစ္စုပ္ပန္တဝိသယာတိ ဧဝံ သဗ္ဗတ္ထ ယထာသမ္ဘဝံ ပုစ္ဆာဝိစယနံ ပုစ္ဆာဝိဓယော။ “နော ဟေတံ ဘန္တေ”တိ ဣဒံ ဝိဿန္တေနံ ဧကံသဗျာကရဏံ၊ နိရဝသေသံ၊ သဉ္ဇတ္တရံ၊ လောကီယန္တိ ဧဝံ သဗ္ဗဿာပိ ဝိဿန္တနဿ ယထာရဟံ ဝိစယနံ ဝိဿန္တနာဝိဓယော။

“မမံ ဝါ ဘိက္ခဝေ ပရေ အဝဏ္ဏံ ဘာသေယျံ။ပ။ န စေတသော အနဘိရုဒ္ဓိ ကရဏီယာ”တိ ဣမာယ ပဌမဒေသနာယ “မမံ ဝါ။ပ။ တုမှံယေဝဿ တေန အန္တရာယော”တိ အယံ ဒုတိယဒေသနာ သံသန္တတိ။ ကသ္မာ? ပဌမာယ မနောပဒေါသံ နိဝါရေတွာ ဒုတိယာယ တတ္တာဒီနဝဿ ဒဿိတတ္တာ။ တထာ ဣမာယ ဒုတိယဒေသနာယ “မမံ ဝါ။ပ။ အပိ န တုမေ ပရေသံ သုဘာသိတံ ဒုပ္ပာသိတံ အာဇာနေယျာထာ”တိ အယံ တတိယဒေသနာ သံသန္တတိ။ ကသ္မာ? ဒုတိယာယ တတ္တာဒီနဝံ ဒဿေတွာ တတိယာယ ဝစနတ္ထသလ္လက္ခဏမတ္ထေပိ အသမတ္တဘာဝဿ ဒဿိတတ္တာ။ တထာ ဣမာယ တတိယဒေသနာယ “မမံ ဝါ။ပ။ န စ ပနေတံ အမှေသု သံဝိဇ္ဇတိ”တိ အယံ စတုတ္ထဒေသနာ သံသန္တတိ။ ကသ္မာ? တတိယာယ မနောပဒေါသံ သဗ္ဗထာ နိဝါရေတွာ စတုတ္ထာယ အဝဏ္ဏဋ္ဌာနေ ပဋိပဇ္ဇိတဗ္ဗာကာရဿ ဒဿိတတ္တာတိ ဣမိနာ နယေန ပုဗ္ဗေန အပရံ သံသန္တိတွာ ဝိစယနံ ပုဗ္ဗာပရဝိဓယော။ အဿာဒဝိစယာဒယော ဝုတ္တနယာဝ။ တေသံ လက္ခဏသန္တဿနမတ္တမေဝ ဟေတ္တ ဝိသေသော။

“အပိ နု တုမှေ ပရေသံ သုဘာသိတံ ဒုဟ္မာသိတံ အာဇာနေယျာထာ”တိ  
 ဣမာယ ပုစ္ဆာယ “နော ဟေတံ ဘန္တေ”တိ အယံ ဝိဿဇ္ဇေနာ သမေတိ။  
 ကုပိတော ဟိ နေဝ ဗုဒ္ဓပစ္စေကဗုဒ္ဓအရိယသာဝကာနံ န မာတာပိတုနံ န ပစ္စတ္တိ-  
 ကာနံ သုဘာသိတဒုဟ္မာသိတဿ အတ္ထံ အာဇာနာတိ။ “ကတမဉ္စ တံ ဘိက္ခဝေ  
 အပ္ပမတ္တကံ။ပ။ တထာဂတဿ ဝဏ္ဏံ ဝဒမာနော ဝဒေယျာ”တိ ဣမာယ  
 ပုစ္ဆာယ “ပါဏာတိပါတံ ပဟာယ ပါဏာတိပါတာ ပဋိဝိရတော”တိအာဒိ-  
 ကာ အယံ ဝိဿဇ္ဇေနာ သမေတိ။ ဘဂဝါ ဟိ အနုတ္တရေန ပါဏာတိပါတဝိရ-  
 မဏာဒိဂုဏေန သမန္နာဂတော၊ တဉ္စ ခေါ သမာဓိံ၊ ပညဉ္စ ဥပနိဓာယ  
 အပ္ပမတ္တကံ ဩရမတ္တကံ သီလမတ္တကံ။ “ကတမေ စ တေ ဘိက္ခဝေ ဓမ္မာ ဂမ္ဘီရာ  
 ဒုဒ္ဓဿ”တိအာဒိကာယ ပုစ္ဆာယ “သန္တိ ဘိက္ခဝေ ဧကေ သမဏဗြာဟ္မဏာ  
 ပုဗ္ဗန္တကပ္ပိကာ”တိအာဒိကာ ဝိဿဇ္ဇေနာ သမေတိ။ သဗ္ဗညုတညာဏဂုဏာ ဟိ  
 အညတြိ တထာဂတာ အညေသံ ဉာဏေန အလဗ္ဘနေယျပတိဋ္ဌတ္တာ ဂမ္ဘီရာ  
 ဒုဒ္ဓဿ ဒုရနုဗောဓာ သန္တာ ပဏီတာ အတက္ကာဝစရာ နိပုဏာ ပဏ္ဍိတဝေဒနိ-  
 ယာတိ ဣမိနာ နယေန ဝိဿဇ္ဇေနာယ ပုစ္ဆာနုရူပတာဝိစယနမေဝ ဣမ သင်္ဂဟ-  
 ဂါထာယ အဘာဝတော **အနုဂီတိဝိဝေယာ**တိ။ အယံ ပဒပဉ္စာဒိကောဒသ-  
 ဓမ္မဝိစယနလက္ခဏော **ဝိစယဟာရော** နာမ။ ဝုတ္တဉ္စ “ယံ ပုစ္ဆိတဉ္စ ဝိဿဇ္ဇိ-  
 တဉ္စာ”တိအာဒိ။

ယုတ္တိဟာရဝဏ္ဏနာ

မမန္တိ သာမိနိဒ္ဓေသော ယုဇ္ဇတိ သဘာဝနိရုတ္တိယာ တထာပယောဂဒိဿ-  
 နတော၊ အဝဏ္ဏံဿ စ တဒပေက္ခတ္တာ။ ဝါတိ ဝိကပ္ပနတ္ထနိဒ္ဓေသော ယုဇ္ဇတိ  
 နေပါတိကာနမနေကတ္တတ္တာ၊ ဧတ္ထ စ နိယမာဘာဝတော။ ဘိက္ခဝေတိ  
 အာမန္တနနိဒ္ဓေသော ယုဇ္ဇတိ တဒတ္ထေယေဝ ဧတဿ ပယောဂဿ ဒိဿ-  
 နတော၊ ဒေသကဿ စ ပဋိဂ္ဂါဟကာပေက္ခတောတိ ဧဝမာဒိနာ ဗျဉ္ဇနတော  
 စ—

သဗ္ဗေန သဗ္ဗံ အာဃာတာဒိနမကရဏံ တာဒိဘာဝါယ သံဝတ္တတိတိ  
 ယုဇ္ဇတိ ဣဋ္ဌာနိဋ္ဌေသု သမပ္ပဝတ္တိသဟ္တာဝတော။ ယသ္မိံ သန္တာနေ အာဃာတာ-  
 ဒယော ဥပ္ပန္နာ၊ တန္တိမိတ္တကာ အန္တရာယာ တဿေဝ သမ္ပတ္တိဝိဗန္ဓာယ  
 သံဝတ္တန္တိတိ ယုဇ္ဇတိ ကမ္မာနံ သန္တာနန္တရေသု အသင်္ကမနတော။ စိတ္တမဘိ-  
 တဝိတ္တာ ဥပ္ပန္နာ အာဃာတာဒယော သုဘာသိတဒုဟ္မာသိတသလ္လက္ခဏေပိ

အသမတ္တတာယ သံဝတ္တန္တိတိ ယုဇ္ဇတိ ကောဓလောဘာနံ အန္တတမသဘာ-  
ဝတော။ ပါဏာတိပါတာဒိဒုဿီလျတော ဝေရမဏီ သဗ္ဗသတ္တာနံ ပါမောဇ္ဇ-  
ပါသံသာယ သံဝတ္တတိတိ ယုဇ္ဇတိ သီလသမ္ပတ္တိယာ မဟတော ကိတ္တိသဒ္ဓဿ  
အတ္တဂ္ဂတတ္တာ။ ဂမ္ဘီရတာဒိဝိသေသယုတ္တေန ဂုဏေန တထာဂတဿ ဝဏ္ဏနာ  
ကေဒေသဘူတာပိ သကလသဗ္ဗညုဂုဏဂ္ဂဟဏာယ သံဝတ္တတိတိ ယုဇ္ဇတိ  
အနညသာဓာရဏတ္တာ။ တဇ္ဇာအယောနိသောမနသိကာရပရိက္ခတာနိ အဓိဂမ-  
တက္ကနာနိ သဿတဝါဒါဒိအဘိနိဝေသာယ သံဝတ္တန္တိတိ ယုဇ္ဇတိ ကပ္ပန-  
ဇာလဿ အသမုဋ္ဌါဋ္ဌိတတ္တာ။ ဝေဒနာဒိနံ အနဝဗောဓေန ဝေဒနာပစ္စယာ  
တဏှာ ဝေဒတိတိ ယုဇ္ဇတိ အဿာဒါနုပဿနာသမ္ဘာဝတော၊ သတိ စ ဝေဒ-  
ယိတဘာဝေတိတတ္ထ အတ္တတ္တနိယဂါဟော၊ သဿတာဒိဂါဟော စ ဝိပရိပ္ပန္နတိတိ  
ယုဇ္ဇတိ ကာရဏဿ သန္တိဟိတတ္တာ။ တဏှာပစ္စယာ ဟိ ဥပါဒါနံ သမ္ဘဝတိ။  
သဿတာဒိဝါဒေ ပညပေန္တာနံ၊ တဒနုစ္ဆဝိကဉ္စ ဝေဒနံ၊ ဝေဒယန္တာနံ ဖဿော  
ဟေတူတိ ယုဇ္ဇတိ ဝိသယိန္ဒြိယဝိညာဏသင်္ဂတိယာ ဝိနာ တဒဘာဝတော။  
ဆဿာယတနနိမိတ္တံ ဝဋ္ဋဿ အနုပစ္စေဒေါတိ ယုဇ္ဇတိ တတ္ထ အဝိဇ္ဇာတဏှာနံ  
အပ္ပဟိနတ္တာ။ ဆန္တံ ဖဿာယတနာနံ သမုဒယတ္ထင်္ဂမာဒိပဇာနနာ သဗ္ဗဒိဋ္ဌိဂတိ-  
ကသညံ အတိစ္စ တိဋ္ဌတိတိ ယုဇ္ဇတိ စတုသစ္စပဋိဝေဓဘာဝတော။ ဣမာဟိယေဝ  
ဒွါသဋ္ဌိယာ သဗ္ဗဒိဋ္ဌိဂတာနံ အန္တောဇာလိကတဘာဝေါတိ ယုဇ္ဇတိ အင်္ဂါရိယ-  
ဝါဒါဒိနံ၊ ဣဿရဝါဒါဒိနဉ္စ တဒန္တောဂဓတ္တာ၊ တထာ စေဝ ဟေဋ္ဌာသံဝဏ္ဏိတံ။  
ဥစ္စိန္တဘဝနေတ္တိကော တထာဂတဿ ကာယောတိ ယုဇ္ဇတိ ဘဂဝတော  
အဘိနိဟာရသမ္ပတ္တိယာ စတုသု သတိပဋ္ဌာနေသု ဌာတာ သတ္တန္တံ ဗောဇ္ဈင်္ဂါနံ  
ယထာဘူတံ ဘာဝိတတ္တာ။ ကာယဿ ဘေဒါ ပရိနိဗ္ဗုတံ န ဒက္ခန္တိတိ ယုဇ္ဇတိ  
အနုပါဒိသေသနိဗ္ဗာနပ္ပတ္တိယံ ရူပါဒိသု ကဿစိဝိ အနဝသေသတောတိ ဣမိနာ  
နယေန အတ္ထတော စ သုတ္တေ ဗျဉ္ဇနတ္တာနံ ယုတ္တိတဘိဘာဝနလက္ခဏော  
ယုတ္တိဟာဓော နာမ။ ယထာဟ “သဗ္ဗေသံ ဟာရာနံ၊ ယာ ဘူမိ”တိအာဒိ။

### ပဒဋ္ဌာနဟာရဝဏ္ဏနာ

ဝဏ္ဏာရဟာဝဏ္ဏဒုဗ္ဗဏ္ဏတာနာဒေယျဝစနတာဒိ ဝိပတ္တိနံ ပဒဋ္ဌာနံ။ ဝဏ္ဏာ-  
ရဟဝဏ္ဏသုဗ္ဗဏ္ဏတာသဒ္ဓေယျဝစနတာဒိ သမ္ပတ္တိနံ ပဒဋ္ဌာနံ။ တထာ အာသာ-  
တာဒယော နိရယာဒိဒုက္ခဿ ပဒဋ္ဌာနံ။ အာသာတာဒိနမကရဏံ သဂ္ဂ-  
သမ္ပတ္တိယာဒိသဗ္ဗသမ္ပတ္တိနံ ပဒဋ္ဌာနံ။ ပါဏာတိပါတာဒိပဋိဝိရတိ အရိယဿ

သီလက္ခန္ဓဿ ပဒဋ္ဌာနံ၊ အရိယော သီလက္ခန္ဓော အရိယဿ သမာ-  
ဓိက္ခန္ဓဿ ပဒဋ္ဌာနံ။ အရိယော သမာဓိက္ခန္ဓော အရိယဿ ပညာက္ခန္ဓဿ  
ပဒဋ္ဌာနံ။ ဂမ္ဘီရတာဒိဝိသေသယုတ္တံ ဘဂဝတော ပဋိဝေဓပ္ပကာရဉာဏံ  
ဒေသနာဉာဏဿ ပဒဋ္ဌာနံ။ ဒေသနာဉာဏံ ဝေနေယျာနံ သကလဝဋ္ဋဒုက္ခ-  
နိဿရဏဿ ပဒဋ္ဌာနံ။ သဗ္ဗာယပိ ဒိဋ္ဌိယာ ဒိဋ္ဌုပါဒါနဘာဝတော သာ-  
ယထာရဟံ နဝရိဿပိ ဘဝဿ ပဒဋ္ဌာနံ။ ဘဝေါ ဇာတိယာ။ ဇာတိ-  
ဇရာမရဏဿ၊ သောကာဒီနဉ္စ ပဒဋ္ဌာနံ။ ဝေဒနာနံ ယထာဘူတံ သမုဒယတ္ထ-  
ဂ်မာဒိပဋိဝေဓနာ စတုန္တံ အရိယသစ္စာနံ အနုဗောဓပဋိဝေဓော ဟောတိ။  
တတ္ထ အနုဗောဓော ပဋိဝေဓဿ ပဒဋ္ဌာနံ။ ပဋိဝေဓော စတုဗ္ဗိဓဿ  
သာမညဖလဿ ပဒဋ္ဌာနံ။ “အဇာနတံ အပဿတ”န္တိ အဝိဇ္ဇာဂဟဏံ။ တတ္ထ  
အဝိဇ္ဇာ သင်္ခါရာနံ ပဒဋ္ဌာနံ၊ သင်္ခါရာ ဝိညာဏဿ။ ယာဝ ဝေဒနာ တဏှာယ  
ပဒဋ္ဌာနန္တိ နေတွာ တေသံ “ဝေဒနာပစ္စယာ တဏှာ”တိ အာဒိနာ ပါဠိယ-  
မာဂတနယေန သမ္ပုဏ္ဏိတဗ္ဗံ။ “တဏှာဂတာနံ ပရိတဿိတဝိပုဋ္ဌိတ”န္တိ ဧတ္ထ  
တဏှာ ဥပါဒါနဿ ပဒဋ္ဌာနံ။ “တဒပိ ဖဿပစ္စယာ”တိ ဧတ္ထ သဿတာဒိ-  
ပညာပနံ ပရေသံ မိစ္ဆာဘိနိဝေသဿ ပဒဋ္ဌာနံ။ မိစ္ဆာဘိနိဝေသော သဒ္ဓမ္မဿ-  
ဝနသပ္ပုရိသုပနိဿယယောနိသောမနသိကာရဓမ္မာနုဓမ္မပဋိပတ္တိဟိ ဝိမုခတာ-  
ယ အသဒ္ဓမ္မဿဝနာဒီနဉ္စ ပဒဋ္ဌာနံ။ “အညတြ ဖဿာ”တိ အာဒိသု ဖဿော  
ဝေဒနာယ ပဒဋ္ဌာနံ။ ဆ ဖဿာယတနာနိ ဖဿဿ၊ သကလဿ စ ဝဋ္ဋဒုက္ခဿ  
ပဒဋ္ဌာနံ။ ဆန္တံ ဖဿာယတနာနံ ယထာဘူတံ သမုဒယာဒိပဇာနနံ နိဗ္ဗိဒါယ  
ပဒဋ္ဌာနံ၊ နိဗ္ဗိဒါ ဝိရာဂဿာတိအာဒိနာ ယာဝ အနုပါဒါပရိနိဗ္ဗာနံ နေတဗ္ဗံ။  
ဘဂဝတော ဘဝနေတ္ထိသမုစ္ဆေဒေါ သဗ္ဗညုတာယ ပဒဋ္ဌာနံ၊ တထာ အနုပါဒါ-  
ပရိနိဗ္ဗာနဿ စာတိ။ အယံ သုတ္တေ အာဂတဓမ္မာနံ ပဒဋ္ဌာနဓမ္မာ၊ တေသဉ္စ  
ပဒဋ္ဌာနဓမ္မာတိ ယထာသမ္ဘဝံ ပဒဋ္ဌာနဓမ္မနိဒ္ဒါရဏလက္ခဏော ပဒဋ္ဌာနဟာဇရာ  
နာမ။ ဝုတ္တုဋ္ဌိ “ဓမ္မံ ဒေသေတိ ဇိနော၊ တဿ စ ဓမ္မဿ ယံ ပဒဋ္ဌာန”န္တိ အာဒိ။

### လက္ခဏဟာရဝဏ္ဏနာ

အာဃာတာဒိဂ္ဂဟဏေန ကောရူပနာဟမက္ခပလာသဇ္ဈဿာမစ္ဆရိယသာ-  
ရမ္ဘပရဝတ္ထနာဒီနံ သင်္ဂဟော ပဋိသင်္စိတ္တုပ္ပါဒပရိယာပနတဿ ဧကလက္ခ-  
ဏတ္တာ။ အာနန္ဒာဒိဂ္ဂဟဏေန အဘိဇ္ဈာဝိသမလောဘမာနာတိမာနမဒပ္ပ-  
မာဒါနံ သင်္ဂဟော လောဘစိတ္တုပ္ပါဒပရိယာပနတဿ ဧကလက္ခဏတ္တာ။

တထာ အာဃာတဂ္ဂဟဏေန အဝသိဋ္ဌဂန္ထနီဝရဏာနံ သင်္ဂဟော ကာယ-  
 ဂန္ထနီဝရဏလက္ခဏေန ကေလက္ခဏတ္တာ။ အာနန္ဒဂ္ဂဟဏေန ဖဿာဒီနံ  
 သင်္ဂဟော သင်္ခါရက္ခန္ဓလက္ခဏေန ကေလက္ခဏတ္တာ။ သီလဂ္ဂဟဏေန အဓိ-  
 စိတ္တာဓိပညာသိက္ခာနံ သင်္ဂဟော သိက္ခာလက္ခဏေန ကေလက္ခဏတ္တာ။  
 ဒိဋ္ဌိဂ္ဂဟဏေန အဝသိဋ္ဌဥပါဒါနာနံ သင်္ဂဟော ဥပါဒါနလက္ခဏေန ကေ-  
 လက္ခဏတ္တာ။ “ဝေဒနာန”န္တိ ဧတ္ထ ဝေဒနာဂ္ဂဟဏေန အဝသိဋ္ဌဥပါဒါနက္ခန္ဓာနံ  
 သင်္ဂဟော ဥပါဒါနက္ခန္ဓလက္ခဏေန ကေလက္ခဏတ္တာ။ တထာ ဓမ္မာယတန-  
 ဓမ္မဓာတုပရိယာပန္နဝေဒနာဂ္ဂဟဏေန သမ္မသနုပဂါနံ သဗ္ဗေသမ္ဗိ အာယ-  
 တနာနံ,ဓာတုနဉ္စ သင်္ဂဟော အာယတနလက္ခဏေန,ဓာတုလက္ခဏေန စ  
 ကေလက္ခဏတ္တာ။ “အဇာနတံ အပဿတ”န္တိ ဧတ္ထ အဝိဇ္ဇာဂ္ဂဟဏေန  
 ဟေတုအာသဝေါသယောဂနီဝရဏာဒီနံ သင်္ဂဟော ဟေတုဒါလက္ခဏေန  
 ကေလက္ခဏတ္တာ။ တထာ “တဏှာဂတာနံ ပရိတဿိတဝိပ္ပန္နိတ”န္တိ ဧတ္ထ  
 တဏှာဂ္ဂဟဏေနပိ။ “တဒပိ ဖဿပစ္စယာ”တိ ဧတ္ထ ဖဿဂ္ဂဟဏေန သညာ-  
 သင်္ခါရဝိညာဏာနံ သင်္ဂဟော ဝိပလ္လာသဟေတုဘာဝေန,ခန္ဓလက္ခဏေန စ  
 ကေလက္ခဏတ္တာ။ ဆဖဿာယတနဂ္ဂဟဏေန အဝသိဋ္ဌခန္ဓာယတနဓာတိန္ဒြိ-  
 ယာဒီနံ သင်္ဂဟော ဖဿုပ္ပတ္တိနိမိတ္တတာယ,သမ္မသနိယဘာဝေန စ ကေလက္ခ-  
 ဏတ္တာ။ ဘဝနေတ္တိဂ္ဂဟဏေန အဝိဇ္ဇာဒီနံ သံကိလေသဓမ္မာနံ သင်္ဂဟော  
 ဝနုဟေတုဘာဝေန ကေလက္ခဏတ္တာတိ။ အယံ သုတ္တေ အနာဂတေပိ ဓမ္မေ  
 ကေလက္ခဏတာဒိနာ အာဂတေ ဝိယ နိဒ္ဒါရဏလက္ခဏော လက္ခဏဟာရော  
 နာမ။ တထာ ဟိ ဝုတ္တံ “ဝုတ္တမိ ကေဓမ္မေ၊ ယေ ဓမ္မာ ကေလက္ခဏာ”တိအာဒိ။

စတုဗျူဟဟာရဝဏ္ဏနာ

မမန္တိ အနေရုတ္တပဒံ၊ တထာ ဝါတိ စ။ ဘိက္ခုနသီလာ ဘိက္ခု။ ပရေန္တိ  
 ဝိရုဒ္ဓဘာဝမုပဂစ္ဆန္တိတိ ပရာ၊ အညတ္တေ ပနေတံ အနေရုတ္တပဒန္တိ ဝေမာဒိနာ  
**နေရုတ္တံ**၊ တံ ပန “ဝေ”န္တိအာဒိနိဒါနပဒါနံ, “မမ”န္တိအာဒိပါဠိပဒါနဉ္စ  
 အဋ္ဌကထာဝသေန, တဿာ လိနတ္ထဝိဘာဝနီဝသေန စ သုဝိညေယျတ္တာ  
 အတိဝိတ္တာရဘယေန န ဝိတ္တာရယိမှ။ ယေ တေ နိန္ဒာပသံသာဟိ သမ္မာကမ္မိ-  
 တစေတသာ မိစ္ဆာဇီဝတော အနောရတာ သဿတာဒိမိစ္ဆာဘိနိဝေသိနော  
 သီလာဒိဓမ္မက္ခန္ဓေသု အပ္ပတိဋ္ဌိတာ သမ္မာသမ္ဗုဒ္ဓဂုဏရသဿာဒဝိမုခါ ဝေနေ-  
 ယျာ၊ တေ ကထံ န ခေါ ယထာဝုတ္တဒေါသဝိနိမုတ္တာ သမ္မာပဋိပတ္တိယာ

ဥဘယဟိတပရာ ဘဝေယျန္တိ အယမေတ္ထ ဘဂဝတော အဓိပ္ပာယ်ော။ ဝေမ-  
မိပ္ပေတာ ပုဂ္ဂလာ, ဒေသနာဘာဇနဌာနေ စ ဒဿိတာ ဣမိဿာ ဒေသနာယ  
နိဿိနံ။

ပုဗ္ဗာပရာနသန္တိ ပန ပဒသန္တိပဒတ္တနိဒ္ဒေသနိက္ခေပသုတ္တဒေသနာသန္တိဝသေန  
ဆဗ္ဗိဓာ။ တတ္ထ “မမ”န္တိ ဧတဿ “အဝဏ္ဏ”န္တိ ဣမိနာ သမ္ပန္နောတိအာဒိနာ  
ပဒဿ ပဒန္တရေန သမ္ပန္နော ပဒသန္တိ။ “မမ”န္တိ ဝုတ္တဿ ဘဂဝတော “အဝဏ္ဏ”န္တိ  
ဝုတ္တေန ပရေဟိ ဥပဝဒိတေန အဂုဏေန သမ္ပန္နောတိအာဒိနာ ပဒတ္တဿ  
ပဒတ္တန္တရေန သမ္ပန္နော ပဒတ္တသန္တိ။ “မမံ ဝါ ဘိက္ခဝေ ပရေ အဝဏ္ဏံ ဘာသေ-  
ယျ”န္တိအာဒိဒေသနာ သုပ္ပိယေန ပရိဗ္ဗာဇကေန ဝုတ္တအဝဏ္ဏာနသန္တိဝသေန  
ပဝတ္တာ။ “မမံ ဝါ ဘိက္ခဝေ ပရေ ဝဏ္ဏံ ဘာသေယျ”န္တိအာဒိဒေသနာ  
မြဟ္မဒတ္တေန မာဏဝေန ဝုတ္တဝဏ္ဏာနသန္တိဝသေန ပဝတ္တာ။ “အတ္ထိ ဘိက္ခဝေ  
အညေဝ ဓမ္မာ ဂမ္ဘီရာ ဒုဒ္ဒဿ ဒုရနုဗောဓာ”တိအာဒိဒေသနာ ဘိက္ခုဟိ  
ဝုတ္တဝဏ္ဏာနသန္တိဝသေန ပဝတ္တာတိ ဧဝံ နာနာနသန္တိကဿ သုတ္တဿ  
တံတဒနသန္တိဟိ, ကောနသန္တိကဿ စ ပုဗ္ဗာပရဘာဂေဟိ သမ္ပန္နော နိဒ္ဒေသ-  
သန္တိ။ နိက္ခေပသန္တိ ပန စတုဗ္ဗိဓသုတ္တနိက္ခေပဝသေန။ သုတ္တသန္တိ စ တိရိဇ-  
သုတ္တာနသန္တိဝသေန အဋ္ဌကထာယံ ဝေ ဝိစာရိတာ၊ အမှေဟိ စ ပုဗ္ဗေ  
သံဝဏ္ဏိတာ။ ဧကိဿာ ဒေသနာယ ဒေသနာန္တရေဟိ သဗ္ဗိံ သံသန္တနံ  
ဒေသနာသန္တိ၊ သာ ပနေဝံ ဝေဒိတဗ္ဗာ— “မမံ ဝါ ဘိက္ခဝေ ။ပ။ န  
စေတသော အနဘိရဗ္ဗိ ကရဏီယာ”တိ အယံ ဒေသနာ “ဥဘတောဒဏ္ဍကေန  
စေပိ ဘိက္ခဝေ ကကစေန စောရာ ဩစရကာ အင်္ဂမင်္ဂါနိ ဩကန္တေယျ၊  
တတြိပိ ယော မနော ပဒူသေယျ၊ န မေ သော တေန သာသနကရော”တိ  
ဣမာယ ဒေသနာယ သဗ္ဗိံ သံသန္တတိ။ “တုမ္ပယေဝဿ တေန အနန္တရာယော”တိ  
အယံ “ကမ္မဿကာ မာဏဝ သတ္တာ ကမ္မဒါယာဒါ ကမ္မယောနိ ကမ္မဗန္ဓု၊  
ကမ္မပဋိသရဏာ ကမ္မံ သတ္တေ ဝိဘဇတိ၊ ယဒိဒံ ဟိနပဏိတတာယာ”တိ၊  
ဣမာယ၊ “အပိ နု တုမှေ ။ပ။ အာဇာနေယျာထာ”တိ အယံ—

“ကုဒ္ဒေါ အတ္ထံ န ဇာနာတိ၊ ကုဒ္ဒေါ ဓမ္မံ န ပဿတိ။  
အန္တံ တမံ တဒါ ဟောတိ၊ ယံ ကောဓော သဟတေ နရ”န္တိ—

ဣမာယ၊ “မမံ ဝါ ဘိက္ခဝေ ပရေ ဝဏ္ဏံ ။ပ။ န စေတသော ဥဗ္ဗိလာ-  
ဝိတတ္ထံ ကရဏီယ”န္တိ အယံ “ဓမ္မာပိ ဝေါ ဘိက္ခဝေ ပဟာတဗ္ဗာ၊ ပဂေဝ

၁-မ ၁-၁၈၁-ပိဋေ။ ၂-မ ၃-၂၄၄-၉-ပိဋေ။ ၃-အံ ၂-၄၇၁၊ ၃၇-၁၂၊ ၂၈၃၊ ၃၇၄-ပိဋေသု။

အဓမ္မာ”တိ<sup>၁</sup>, “ကုလ္လပမံ ဝေါ ဘိက္ခဝေ ဓမ္မံ ဒေသေဿာမိ နိတ္ထရဏတ္ထာယ၊  
နော ဂဟဏတ္ထာယာ”တိ<sup>၂</sup> စ ဣမာယ၊ “တတြိ စေ တုမှေ ဥပ။ တုမှိယေဝဿ  
တေန အန္တရာယော”တိ အယံ—

“လုဒ္ဓေါ အတ္ထံ န ဇာနာတိ၊ လုဒ္ဓေါ ဓမ္မံ န ပဿတိ။  
အန္တံ တမံ တဒါ ဟောတိ၊ ယံ လောဘော သဟတေ နရ”န္တိ<sup>၃</sup> စ

“ကာမန္တာ ဇာလသညန္တာ၊ တဏှာဆဒနဆာဒိတာ။  
ပမတ္တဗန္ဓုနာဗဒ္ဓါ၊ မစ္ဆာဝ ကုမီနာမုခေ။  
ဇရာမရဏမန္တေန္တိ၊ ဝစ္ဆော ဒီရပကောဝ မာတရ”န္တိ<sup>၄</sup> စ—

ဣမာယ၊ “အပ္ပမတ္တကံ ခေါ ပနေတံ သီလမတ္တက”န္တိ အယံ “ဝိဝိစ္ဆေဝ  
ကာမေဟိ။ပ။ ပဌမံ ဈာနံ ဥပသမ္ပဇ္ဇေ ဝိဟရတိ၊ အယမ္ပိ ခေါ မြာဟူဏ ယညော  
ပုရိမေဟိ ယညေဟိ အပ္ပဋ္ဌတရော စ အပ္ပသမာရက္ခတရော စ မဟပ္ပလတရော စ  
မဟာနိသံသတရော စာ”တိ<sup>၅</sup> ဣမာယ ပဌမဇ္ဈာနဿ သီလတော မဟပ္ပလ-  
မဟာနိသံသတရတာဝစနေန ဈာနတော သီလဿ အပ္ပဇလအပ္ပါနိသံသတရ-  
ဘာဝဒီပနတော။

“ပါဏာတိပါတံ ပဟာယာ”တိအာဒိဒေသနာ “သမဏော ခလု ဘော  
ဂေါတမော သီလဝါ အရိယသီလေန သမန္နာဂတော”တိ<sup>၆</sup>အာဒိဒေသနာယ၊  
“အညေဝ ဓမ္မာ ဂမ္ဘီရာ”တိအာဒိဒေသနာ “အဓိဂတော ခေါ မျာယံ ဓမ္မော  
ဂမ္ဘီရော ဒုဒ္ဓသော ဒုရနုဗောဓော”တိ<sup>၇</sup>အာဒိဒေသနာယ၊ ဂမ္ဘီရတာဒိဝိသေသ-  
ယုတ္တဓမ္မပဋိဝေဓေန ဟိ ဉာဏဿ ဂမ္ဘီရာဒိဘာဝေါ ဝိညာယတိ။

“သန္တိ ဘိက္ခဝေ ဧကေ သမဏမြာဟူဏာ ပုဗ္ဗန္တကပ္ပိကာ”တိအာဒိဒေ-  
သနာ “သန္တိ ဘိက္ခဝေ ဧကေ သမဏမြာဟူဏာ ပုဗ္ဗန္တကပ္ပိကာ ဥပ။ အဘိဝဒန္တိ  
သဿတော အတ္တာ စ လောကော စ၊ ဣဒမေဝ သစ္စံ၊ မောဃမညန္တိ ဣတ္ထေကေ  
အဘိဝဒန္တိ၊ အသဿတော၊ သဿတော စ အသဿတော စ၊ နေဝသဿတော  
စ နာသဿတော စ၊ အန္တဝါ၊ အနန္တဝါ၊ အန္တဝါ စ အနန္တဝါ စ၊ နေဝန္တဝါ  
စ နာနန္တဝါ စ အတ္တာ စ လောကော စ၊ ဣဒမေဝ သစ္စံ၊ မောဃမညန္တိ  
ဣတ္ထေကေ အဘိဝဒန္တိ”တိ<sup>၈</sup>အာဒိဒေသနာယ။

---

၁-မ ၁-၁၈၈-ပိဋေ။ ၂-မ ၁-၁၈၇-ပိဋေသု။  
၃-ခု ၁-၂၅၂၊ ခု ၇-၂၅၁-ပိဋေသု။ ၄-ခု ၁-၁၇၂၊ ခု ၁၀-၃၂၊ ၁၀၇၊ ၁၈၄-ပိဋေသု။  
၅-ဒိ ၁-၁၄၀-ပိဋေ။ ၆-ဒိ ၁-၁၀၈-ပိဋေ။  
၇-ဒိ ၂-၃၂၊ မ ၁-၂၂၄၊ မ ၂-၂၉၁၊ သံ ၁-၁၃၈၊ ဝိ ၃-၅၇၊ ၈-ပိဋေသု။ ၈-မ ၃-၂၂-ပိဋေ။

တထာ “သန္တိ ဘိက္ခဝေ ဧကေ သမဏဗြာဟ္မဏာ အပရန္တကပ္ပိကာ”တိ-  
အာဒိဒေသနာ “သန္တိ ဘိက္ခဝေ။ပ။ အဘိဝဒန္တိ သညိ အတ္တာ ဟောတိ  
အရောဂေါ ပရံ မရဏာ။ ဣတ္ထေကေ အဘိဝဒန္တိ အသညိ၊ သညိ စ အသညိ  
စ၊ နေဝသညိ စ နာသညိ စ အတ္တာ ဟောတိ အရောဂေါ ပရံ မရဏာ။  
ဣတ္ထေကေ အဘိဝဒန္တိ သတော ဝါ ပန သတ္တဿ ဥစ္ဆေဒံ ဝိနာသံ ဝိဘဝံ  
ပညပေန္တိ၊ ဒိဋ္ဌဓမ္မနိဗ္ဗာနံ ဝါ ပနေကေ အဘိဝဒန္တိ”တိ<sup>၁</sup> အာဒိဒေသနာယ၊  
“ဝေဒနာနံ သမုဒယဉ္စ ဥပ။ တထာဂတော”တိ<sup>၂</sup> အာဒိဒေသနာ “တဒိဒံ  
သင်္ခတံ ဩဠာရိကံ၊ အတ္ထိ ခေါ ပန သင်္ခါရာနံ နိရောဓော၊ အတ္ထေတန္တိ  
ဣတိ ဝိဒိတွာ တဿ နိဿရဏဒဿာဝီ တထာဂတော တဒုပါတိ-  
ဝတ္ထော”တိ<sup>၃</sup> အာဒိဒေသနာယ၊ “တဒပိ တေသံ။ပ။ ဝိပ္ပန္နိတမေဝါ”တိ အယံ  
“ဣဒံ တေသံ ဝတ အညတြေဝ သဒ္ဓါယ အညတြ ရုစိယာ အညတြ အနုဿဝါ  
အညတြ အာကာရပရိဝိတက္ကာ အညတြ ဒိဋ္ဌိနိဇ္ဈာနက္ခန္တိယာ ပစ္စတ္တံယေဝ ဉာဏံ  
ဘဝိဿတိ ပရိသုဒ္ဓံ ပရိယောဒါတ’န္တိ နေတံ ဌာနံ ဝိဇ္ဇတိ။ ပစ္စတ္တံ ခေါ ပန  
ဘိက္ခဝေ ဉာဏေ အသတိ ပရိသုဒ္ဓေ ပရိယောဒါတေ ယဒပိ တေ ဘောန္တော  
သမဏဗြာဟ္မဏာ တတ္ထ ဉာဏဘာဝမတ္တမေဝ ပရိယောဒါပေန္တိ၊ တဒပိ တေသံ  
ဘဝတံ သမဏဗြာဟ္မဏာနံ ဥပါဒါနမက္ခာယတိ”တိ<sup>၄</sup> အာဒိဒေသနာယ၊ “တဒပိ  
ဗဿပစ္စယာ”တိ အယံ “စက္ခုဉ္စ ပဋိစ္စ ရူပေ စ ဥပ္ပဇ္ဇတိ စက္ခုဝိညာဏံ၊ တိဏ္ဍံ  
သင်္ဂတိ ဖဿော၊ ဖဿပစ္စယာ ဝေဒနာ၊ ဝေဒနာပစ္စယာ တဏှာ၊ တဏှာ-  
ပစ္စယာ ဥပါဒါန”န္တိ<sup>၅</sup>၊ “ဆန္ဒမူလကာ ဣမေ အာဝုသော ဓမ္မာ မနသိကာရ-  
သမုဋ္ဌာနာ ဗဿသမောဓာနာ ဝေဒနာသမောသရဏာ”တိ<sup>၆</sup> စ အာဒိဒေသ-  
နာယ၊ “ယတော ခေါ ဘိက္ခဝေ ဘိက္ခု ဆန္တံ ဗဿာယတနာန”န္တိ<sup>၇</sup> အာဒိဒေသနာ  
“ယတော ခေါ ဘိက္ခဝေ ဘိက္ခု နေဝ ဝေဒနံ အတ္တတော သမနုပဿတိ၊ န သညံ၊  
န သင်္ခါရေ၊ န ဝိညာဏံ အတ္တတော သမနုပဿတိ၊ သော ဧဝံ အသမနုပဿန္တော  
န ကိဉ္စိ လောကေ ဥပါဒိယတိ၊ အနုပါဒိယံ န ပရိတဿတိ၊ အပရိတဿံ ပစ္စတ္တံ-  
ယေဝ ပရိနိဗ္ဗာယတိ”တိ<sup>၈</sup> အာဒိဒေသနာယ၊ “သဗ္ဗေတေ ဣမေဟေဝ ဒွါသဋ္ဌိယာ  
ဝတ္ထုဟိ အန္တောဇာလိကတာ”တိ<sup>၉</sup> အာဒိဒေသနာ “ယေ ဟိ ကေမိ ဘိက္ခဝေ။ပ။  
အဘိဝဒန္တိ၊ သဗ္ဗေတေ ဣမာနေဝ ပဉ္စ ကာယာနိ အဘိဝဒန္တိ ဧတေသံ ဝါ  
အညတရ”န္တိ<sup>၁၀</sup> အာဒိဒေသနာယ၊ “ကာယဿ ဘေဒါ။ပ။ ဒေဝမနုဿာ”တိ  
အယံ—

၁-မ ၃-၁၈-ပိဋ္ဌေ၊  
၄-သံ ၁-၃၀၁-ပိဋ္ဌေ၊  
၆-(ပရိယေသိတဗ္ဗံ)

၂-မ ၃-၂၃-ပိဋ္ဌေ၊

၃-မ ၃-၂၃-ပိဋ္ဌေ၊

၅-အံ ၃-၁၅၃-ပိဋ္ဌေ၊ ထောက် ဝိသဒိသံ၊

၇-မ ၃-၂၂-ပိဋ္ဌေ၊

“အစွီ ယထာ ဝါတဝေနေ ခိတ္တာ၊ (ဥပသိဝါတိ ဘဂဝါ)  
 အတ္ထံ ပလေတိ န ဥပေတိ သင်္ခံ။  
 ဧဝံ မုနိ နာမကာယာ ဝိမုတ္တော၊  
 အတ္ထံ ပလေတိ န ဥပေတိ သင်္ခံ”န္တိ—

အာဒိဒေသနာယ သဒ္ဓိံ သံသန္တတိတိ။ အယံ နေရုတ္တမဓိပ္ပိယဒေသနာ-  
 နိဒါနပုဗ္ဗာပရာနသန္တိနံ စတုန္တံ ဝိဘာဝနလက္ခဏော စတုဗျူဟဟာရော နာမ။  
 ဝုတ္တမိ စေတံ “နေရုတ္တမဓိပ္ပိယော”တိ၊ အာဒိ။

### အာဝတ္တဟာရဝဏ္ဏနာ

အာဃာတာဒိနမကရဏီယတာဝစနေန ခန္တိသောရစ္စာနုဋ္ဌာနံ။ တတ္ထ ခန္တိ-  
 ယာ သဒ္ဓါပညာပရာပကာရဒုက္ခသဟဂတာနံ သင်္ဂဟော၊ တထာ သောရစ္စေန  
 သီလဿ။ သဒ္ဓါဒိဂ္ဂဟဏေန စ သဒ္ဓိန္ဒြိယာဒိသကလဗောဓိပက္ခိယဓမ္မာ  
 အာဝတ္တန္တိ။ သီလဂ္ဂဟဏေန အဝိပ္ပုဋိသာရာဒယော သဗ္ဗေပိ သီလာနိသံသဓမ္မာ  
 အာဝတ္တန္တိ။ ပါဏာတိပါတာဒိဟိ ပဋိဝိရတိဝစနေန အပ္ပမာဒဝိဟာရော၊  
 တေန သကလံ သာသနဗြဟ္မစရိယံ အာဝတ္တတိ။ ဂန္တိရတာဒိဝိသေသယုတ္တ-  
 ဓမ္မဂ္ဂဟဏေန မဟာဗောဓိပက္ခိတ္တနံ။ အနာဝရဏဉာဏပဒဋ္ဌာနဉ္စိ အာသ-  
 ဝက္ခယဉာဏံ၊ အာသဝက္ခယဉာဏပဒဋ္ဌာနဉ္စိ အနာဝရဏဉာဏံ မဟာဗောဓိတိ  
 ဝုစ္စတိ။ တေန ဒသဗလာဒယော သဗ္ဗေ ဗုဒ္ဓဂုဏာ အာဝတ္တန္တိ။ သဿတာဒိ-  
 ဒိဋ္ဌိဂ္ဂဟဏေန တဏှာဝိဇ္ဇာနံ သင်္ဂဟော၊ တာဟိ အနမတဂ္ဂံ သံသာရဝဋ္ဌံ  
 အာဝတ္တတိ။ ဝေဒနာနံ ယထာဘူတံ သမုဒယာဒိပဋိဝေဓနေန ဘဂဝတော  
 ပရိညာတ္တယဝိသုဒ္ဓိ၊ တာယ ပညာပါရမီမုခေန သဗ္ဗာပိပါရမီယော အာဝတ္တန္တိ။  
 “အဇာနတံ အပဿတ”န္တိ ဧတ္ထ အဝိဇ္ဇာဂ္ဂဟဏေန အယောနိသောမနသိကာရ-  
 ပရိဂ္ဂဟော၊ တေန စ နဝ အယောနိသောမနသိကာရမူလကာ ဓမ္မာ အာဝတ္တန္တိ။  
 “တဏှာဂတာနံ ပရိတဿိတဝိပ္ပုဋ္ဌိတ”န္တိ ဧတ္ထ တဏှာဂ္ဂဟဏေန နဝ တဏှာ-  
 မူလကာ ဓမ္မာ အာဝတ္တန္တိ။ “တဒပိ ဖဿပစ္စယာ”တိအာဒိသဿတာဒိပညာ-  
 ပနဿ ပစ္စယာဓိနဝုတ္တိဒဿနံ၊ တေန အနိစ္စတာဒိလက္ခဏတ္တယံ အာဝတ္တတိ။  
 ဆန္တံ ဖဿာယတနာနံ ယထာဘူတံ ဝဇာနနေန ဝိမုတ္တိသမ္ပဒါနိဋ္ဌေသော၊  
 တေန သတ္တပိ ဝိသုဒ္ဓိယော အာဝတ္တန္တိ။ “ဥစ္စန္တဘဝနေတ္တိကော တထာ-  
 ဂတဿ ကာယော”တိ တဏှာပဟာနံ ဝုတ္တံ၊ တေန ဘဂဝတော သကလ-  
 သံကိလေသပ္ပဟာနံ အာဝတ္တတိတိ အယံ ဒေသနာယ ဂဟိတဓမ္မာနံ

သဘာဂဝိသဘာဂဓမ္မဝသေန အာဝတ္တနလက္ခဏော အာဝတ္တဟာရော နာမ။  
ယထာဟ “ဧကမိ ပဒဋ္ဌာနေ၊ ပရိယေသတိ သေသကံ ပဒဋ္ဌာနံ” န္တိအာဒိ။

### ဝိဘတ္တိဟာရဝတ္ထုနာ

အာဃာတာနန္ဒာဒယော အကုသလာ ဓမ္မာ၊ တေသံ အယောနိသောမန-  
သိကာရာဒိ ပဒဋ္ဌာနံ။ ယေဟိ ပန ဓမ္မေဟိ အာဃာတာနန္ဒာဒိနံ အကရဏံ  
အပ္ပဝတ္တိ၊ တေ အဗျာပါဒါဒယော ကုသလာ ဓမ္မာ၊ တေသံ ယောနိသောမန-  
သိကာရာဒိ ပဒဋ္ဌာနံ။ တေသု အာဃာတာဒယောကာမာဝစရာဝ၊ အဗျာပါဒါ-  
ဒယော စတုဘူမကာ၊ တထာပါဏာတိပါတာဒိဟိ ပဋိဝိရတိ ကုသလာ ဝါ  
အဗျာကတာ ဝါ၊ တဿာ ဟိရောတ္တပ္ပါဒယော ဓမ္မာ ပဒဋ္ဌာနံ။ တတ္ထ ကုသလာ  
သိယာ ကာမာဝစရာ၊ သိယာ လောကုတ္တရာ။ အဗျာကတာ လောကုတ္တရာဝ။  
“အတ္ထိ ဘိက္ခဝေအညေဝ ဓမ္မာ ဂန္တိရာ” တိ ဝုတ္တဓမ္မာ သိယာ ကုသလာ၊ သိယာ  
အဗျာကတာ။ တတ္ထ ကုသလာနံ ဝုဋ္ဌာနဂါမိနိဝိပဿနာ ပဒဋ္ဌာနံ။ အဗျာ-  
ကတာနံ မဂ္ဂဓမ္မာ၊ ဝိပဿနာ၊ အာဝဇ္ဇနာ ဝါ ပဒဋ္ဌာနံ။ တေသု ကုသလာ  
လောကုတ္တရာဝ၊ အဗျာကတာ သိယာ ကာမာဝစရာ၊ သိယာ လောကုတ္တရာ၊  
သဗ္ဗာပိ ဒိဋ္ဌိယော အကုသလာဝ ကာမာဝစရာဝ၊ တာသံ အဝိသေသေန  
မိစ္ဆာဘိနိဝေသေ အယောနိသောမနသိကာရော ပဒဋ္ဌာနံ။ ဝိသေသတော  
ပန သန္တတိဃနဝိနိဗ္ဗောဂါဘာဝတော ဧကတ္တနယဿ မိစ္ဆာဂါဟော  
အဘိတဇာတိအနုဿရဏတက္ကသဟိတော သဿတဒိဋ္ဌိယာ ပဒဋ္ဌာနံ။ ဟေ-  
တုဖလဘာဝေန သမ္ပန္နဘာဝဿ အဂ္ဂဟဏတော နာနတ္တနယဿ မိစ္ဆာဂါဟော  
တဇ္ဇာသမန္တာဟာရသဟိတော ဥစ္ဆေဒဒိဋ္ဌိယာ ပဒဋ္ဌာနံ။ ဧဝံ သေသဒိဋ္ဌိနမ္ပိ  
ယထာသမ္ဘဝံ ဝတ္တဗ္ဗံ။

“ဝေဒနာနံ” န္တိ ဧတ္ထ ဝေဒနာ သိယာ ကုသလာ၊ သိယာ အကုသလာ၊  
သိယာ အဗျာကတာ၊ သိယာ ကာမာဝစရာ၊ သိယာ ရူပါဝစရာ၊  
သိယာ အရူပါဝစရာ၊ တာသံ ဖဿော ပဒဋ္ဌာနံ။ ဝေဒနာနံ ယထာဘူတံ  
ဝေဒနာနံ သမုဒယာဒိပဋိဝေဓနံ မဂ္ဂဉာဏံ၊ အနုပါဒါဝိမုတ္တိ စ ဖလဉာဏံ၊ တေသံ  
“အညေဝ ဓမ္မာ ဂန္တိရာ” တိ ဧတ္ထ ဝုတ္တနယေန ဓမ္မာဒိဝိဘာဂေါ နေတဗ္ဗော။  
“အဇာနတံ အပဿတံ” န္တိအာဒိသု အဝိဇ္ဇာတဏှာ အကုသလာ ကာမာဝစရာ၊  
တာသု အဝိဇ္ဇာယ အာသဝါ၊ အယောနိသောမနသိကာရော ဧဝ ဝါ ပဒဋ္ဌာနံ။  
တဏှာယ သံယောဇနိယေသု ဓမ္မေသု အဿာဒဿနံ ပဒဋ္ဌာနံ။ “တဒပိ

ဖဿပစ္စယာ”တိ ဧတ္ထ ဖဿဿ ဝေဒနာယ ဝိယ ဓမ္မာဒိဝိဘာဂေါ ဝေဒိ-  
တဗ္ဗော။ ဣမိနာ နယေန ဖဿာယတနာဒိနမ္ပိ ယထာရဟံ ဓမ္မာဒိဝိဘာဂေါ  
နေတဗ္ဗောတိ အယံ သံကိလေသဓမ္မေ,ဝေါဒါနဓမ္မေ စ သာဓာရဏာသာဓာ-  
ရဏတော,ပဒဋ္ဌာနတော,ဘူမိတော စ ဝိဘဇနလက္ခဏော **ဝိဘတ္တိဟာဓရာ**  
နာမ။ ယထာဟ “ဓမ္မဉ္စ ပဒဋ္ဌာနံ၊ ဘူမိဉ္စ ဝိဘဇ္ဇတေ အယံ ဟာရော”တိအာဒိ”။

### ပရိဝတ္တနဟာရဝဏ္ဏနာ

အာသာတာဒိနမကရဏံ ခန္တိသောရစ္စာနိ အနုဗြူဟေတွာ ပဋိသင်္ခါန-  
ဘာဝနာဗလသိဒ္ဓိယာ ဥဘယဟိတပဋိပတ္တိမာဝဟတိ။ အာသာတာဒယော ပန  
ပဝတ္တိယမာနာ ဒုဗ္ဗဏ္ဏတံ, ဒုက္ခသေယျံ, ဘောဂဟာနိ, အင်္ဂါတ္ထိ, ပရေဟိ  
ဒုရုပသင်္ကမနတဉ္စ နိပ္ပါဒေန္တာ နိရယာဒိသု မဟာဒုက္ခမာဝဟန္တိ။ ပါဏာတိ-  
ပါတာဒိပဋိဝိရတိ အဝိပ္ပဋိသာရာဒိကလျာဏံ ပရမ္ပရမာဝဟတိ။ ပါဏာတိ-  
ပါတာဒိ ပန ဝိပ္ပဋိသာရာဒိအကလျာဏံ ပရမ္ပရမာဝဟတိ။ ဂမ္ဘီရတာဒိဝိသေသ-  
ယုတ္တံ ဉာဏံ ဝေနေယျာနံ ယထာရဟံ ဝိဇ္ဇာဘိညာဒိဂုဏဝိသေသမာဝဟတိ  
သဗ္ဗညေယျဿ ယထာသဘာဝါဝဗောဓတော။ တထာ ဂမ္ဘီရတာဒိဝိသေသ-  
ရဟိတံ ပန ဉာဏံ ဥေယျေသု သာဓာရဏဘာဝတော ယထာဝုတ္တရုဏဝိသေသံ  
နာဝဟတိ။ သဗ္ဗာပိ စေတော ဒိဋ္ဌိယော ယထာရဟံ သဿတုစ္ဆေဒဘာဝတော  
အန္တဒ္ဓယဘူတာ သက္ကာယတီရံ နာကိဝတ္တန္တိ အနိယျာနိကသဘာဝတ္တာ။ သဗ္ဗာ-  
ဒိဋ္ဌိ ပန သပရိက္ခာရာ မဇ္ဈိမပဋိပဒါဘူတာ သက္ကာယတီရမတိက္ကမ္ပ ပါရံ ဂစ္ဆတိ  
နိယျာနိကသဘာဝတ္တာ။ ဝေဒနာနံ ယထာဘူတံ သမုဒယာဒိပဋိဝေဓနာ အနု-  
ပါဒါဝိမုတ္တိမာဝဟတိ မဂ္ဂဘာဝတော။ ဝေဒနာနံ ယထာဘူတံ သမုဒယာဒိ-  
အသမ္ပုဋိဝေဓော သံသာရဓာရကာဝရောဓမာဝဟတိ သင်္ခါရာနံ ပစ္စယဘာဝ-  
တော။ ဝေဒယိတသဘာဝပဋိစ္ဆာဒကော သမ္မောဟော တဒဘိနန္ဒနမာဝဟတိ။  
ယထာဘူတာဝဗောဓော ပန တတ္ထ နိဗ္ဗေဓံ,ဝိရာဂဉ္စ အာဝဟတိ။ မိစ္ဆာဘိနိ-  
ဝေဓေ အယောနိသောမနသိကာရသဟိတာ တဏှာ အနေကဝိဟိတံ ဒိဋ္ဌိ-  
ဇာလံ ပဿာရေတိ။ ယထာဝုတ္တတဏှာသမုစ္ဆေဒေါ ပဌမမဂ္ဂေါ တံ ဒိဋ္ဌိဇာလံ  
သင်္ကောစေတိ။ သဿတဝါဒါဒိပညာပနဿ ဓဿော ပစ္စယော အသတိ  
ဖဿေ တဒဘာဝတော။ ဒိဋ္ဌိဗန္ဓနဗဒ္ဓါနံ ဖဿာယတနာဒိနမနိရောဓနေန  
ဖဿာဒိအနိရောဓော သံသာရဒုက္ခဿ အနိဝတ္တိယေဝ။ ယာထာဝတော  
ဖဿာယတနာဒိပရိညာ သဗ္ဗဒိဋ္ဌိဒဿနာနိ အတိဝတ္တတိ၊ တေသံ ပန တထာ

အပရိညာ ဒိဋ္ဌိဒဿနံ နာတိဝတ္တတိ။ ဘဝနေတ္ထိသမုစ္ဆေဒေါ အာယတိံ အတ္တ-  
ဘာဝဿ အနိဗ္ဗတ္တိယာ သံဝတ္တတိ၊ အသမုစ္ဆိန္ဒာယ ဘဝနေတ္ထိယာ အနာဂတေ  
ဘဝပ္ပဗန္ဓော ပရိဝတ္တတိယေဝါတိ အယံ သုတ္တေ နိဒ္ဒိဋ္ဌာနံ ဓမ္မာနံ ပဋိပက္ခတော  
ပရိဝတ္တနလက္ခဏော **ပရိဝတ္တနဟာရော** နာမ။ ကိမာဟ “ကုသလာကုသလေ  
ဓမ္မေ၊ နိဒ္ဒိဋ္ဌေ ဘာဝိတေ ပဟိနေ စာ”တိ အာဒိ။

### ဝေဝစနဟာရဝဏ္ဏနာ

“မမံ မမ မေ”တိ ပရိယာယဝစနံ။ “ဝါယဒိ စာ”တိ ပရိယာယဝစနံ။ “ဘိက္ခဝေ  
သမဏာ တပဿိနော”တိ ပရိယာယဝစနံ။ “ပရေ အညေ ပဋိဝိရုဒ္ဓါ”တိ။ ပ။ နံ။  
“အဝဏ္ဏံ အကိတ္တိံ နိန္ဒ”န္တိ။ ပ။ နံ။ “ဘာသေယျံ ဘဏေယျံ ကထေယျံ”န္တိ။ ပ။ နံ။  
“ဓမ္မဿ ဝိနယဿ သတ္ထု သာသနဿာ”တိ။ ပ။ နံ။ “သံဃဿ သမူဟဿ ဂဏ-  
ဿာ”တိ။ ပ။ နံ။ “တတြ တတ္ထ တေသု”တိ။ ပ။ နံ။ “တုမေဟိ ဝေါဘဝန္တေဟိ”တိ။ ပ။  
နံ။ “အာဃာတော ဒေါသော ဗျာပါဒေါ”တိ။ ပ။ နံ။ “အပ္ပစ္စယော ဒေါမနဿံ  
စေတသိကဒုက္ခ”န္တိ။ ပ။ နံ။ “စေတသော စိတ္တဿ မနသော”တိ။ ပ။ နံ။ “အန-  
ဘိရဒ္ဓိ ဗျာပတ္တိ မနောပဒေါသော”တိ။ ပ။ နံ။ “န နော အ မာ”တိ။ ပ။ နံ။  
“ကရဏီယာ ဥပ္ပါဒေတဗ္ဗာ ပဝတ္တေတဗ္ဗာ”တိ ပရိယာယဝစနံ။ ဣမိနာ နယေန  
သဗ္ဗပဒေသု ဝေဝစနံ ဝတ္တဗ္ဗန္တိ အယံ တဿံ တဿ အတ္တဿ တံတံပရိယာ-  
ယသဒ္ဓယောဇနာလက္ခဏော **ဝေဝစနဟာရော** နာမ။ ဝုတ္တံ ဟေတံ “ဝေဝစနာနိ  
ဗဟူနိ တု၊ သုတ္တေ ဝုတ္တာနိ ဧကဓမ္မဿာ”တိ အာဒိ။

### ပညတ္တိဟာရဝဏ္ဏနာ

အာဃာတော ဝတ္ထုဝသေန ဒသဝိဓေန၊ ကျေနဝိသတိဝိဓေန ဝါ ပညတ္တော။  
အပ္ပစ္စယော ဥပဝိစာရဝသေန ဆဓာ ပညတ္တော။ အာနန္ဒော ပီတိအာဒိဝသေန  
ဝေဝစနေန နဝဓာ ပညတ္တော။ ပီတိ သာမညတော ပန ခုဒ္ဒိကာဒိဝသေန  
ပဉ္စဓာ ပညတ္တော။ သောမနဿံ ဥပဝိစာရဝသေန ဆဓာ၊ သီလံ ဝါရိတ္တ-  
စာရိတ္တာဒိဝသေန အနေကဓာ၊ ဂမ္ဘီရတာဒိဝသေသယုတ္တံ ဣဏံ စိတ္တုပ္ပါဒ-  
ဝသေန စတုဓာ၊ ဒွါဒသဓာ ဝါ၊ ဝိသယဘေဒတော အနေကဓာ စ၊ ဒိဋ္ဌိ-  
သဿတာဒိဝသေန ဒွါသဋ္ဌိယာ ဘေဒေဟိ၊ တဒန္တောဂဓိဘာဂေန အနေကဓာ  
စ၊ ဝေဒနာ ဆဓာ၊ အဋ္ဌသတဓာ၊ အနေကဓာ စ၊ တဿံ သမုဒယော ပဉ္စဓာ၊  
တထာ အတ္တင်္ဂမောပိ၊ အဿာဒေါ ဒုဝိဓေန၊ အာဒိနဝေါ တိဝိဓေန၊ နိဿရဏံ

ကေဓာ၊ စတုဓာ စ၊ အနုပါဒါဝိမုတ္တိ ဒုဝိဓေန၊ “အဇာနတံ အပဿတံ” နှိ ဝုတ္တာ အဝိဇ္ဇာ ဝိသယဘေဒေန စတုဓာ၊ အဋ္ဌဓာ စ၊ “တဏှာဂတာနံ” နှိ အာဒိနာ ဝုတ္တာ တဏှာ ဆဓာ၊ အဋ္ဌသတဓာ၊ အနေကဓာ စ၊ ဖဿော နိဿယဝသေန ဆဓာ၊ ဥပါဒါနံ စတုဓာ၊ ဘဝေါ ခွိဓာ၊ အနေကဓာ စ၊ ဇာတိ ဝေဝစန-ဝသေန ဆဓာ၊ တထာ ဇရာ သတ္တဓာ၊ မရဏံ အဋ္ဌဓာ၊ နဝဓာ စ၊ သောကော ပဉ္စဓာ၊ ပရိဒေဝေါ ဆဓာ၊ ဒုက္ခံ စတုဓာ၊ တထာ ဒေါမနဿံ၊ ဥပါယာသော စတုဓာ ပညတ္တောတိ အယံ ပဘေဒပညတ္တိ၊ သမူဟပညတ္တိ စ။

“သမုဒယော ဟောတိ” တိ ပဘဝပညတ္တိ၊ “ယထာဘူတံ ပဇာနာတိ” တိ ဒုက္ခဿ ပရိညာပညတ္တိ၊ သမုဒယဿ ပဟာနပညတ္တိ၊ နိရောဓဿ သစ္စိကိရိယာ-ပညတ္တိ၊ မဂ္ဂဿ ဘာဝနာပညတ္တိ။ “အန္တောဇာလိကတာ” တိ အာဒိသဗ္ဗဒိဋ္ဌိနံ သင်္ဂဟပညတ္တိ။ “ဥစ္ဆန္နဘဝနေတ္တိကော” တိ အာဒိ ဒုဝိဓေန ပရိနိဗ္ဗာနပညတ္တိတိ ဧဝံ အာဃာတာဒိနံ ပဘဝပညတ္တိပရိညာပညတ္တိအာဒိဝသေန။ တထာ “အာဃာတော” တိ ဗျာပါဒဿ ဝေဝစနပညတ္တိ။ “အပ္ပစ္စယော” တိ ဒေါမန-ဿဿ ဝေဝစနပညတ္တိတိအာဒိဝသေန စ ပညတ္တိဘေဒေါ ဝိဘဇ္ဇိတဗ္ဗောတိ အယံ ဧကေကဿ ဓမ္မဿ အနေကာဟိ ပညတ္တိဟိ ပညာပေတဗ္ဗာကာရဝိ-ဘာဝနလက္ခဏော ပညတ္တိဟာရော နာမ၊ တေန ဝုတ္တံ “ဧကံ ဘဂဝါ ဓမ္မံ၊ ပဏ္ဏတ္တိဟိ ဝိဝိဓာဟိ ဒေသေတိ” တိ အာဒိ။

### ဩတရဏဟာရဝဏ္ဏနာ

အာဃာတဂ္ဂဟဏေန သင်္ခါရက္ခန္ဓသင်္ဂဟော၊ တထာ အနဘိရဒ္ဓိဂ္ဂဟဏေန။ အပ္ပစ္စယဂ္ဂဟဏေန ဝေဒနာက္ခန္ဓသင်္ဂဟောတိ ဣဒံ ခန္ဓမူလေန ဩတရဏံ။ တထာ အာဃာတာဒိဂ္ဂဟဏေန ဓမ္မာယတနံ၊ ဓမ္မဓာတု၊ ဒုက္ခသစ္စံ၊ သမုဒယသစ္စံ ဝါ ဂဟိတန္တိ ဣဒံ အာယတနမူလေန၊ ဓာတုမူလေန၊ သစ္စမူလေန စ ဩတရဏံ။ တထာ အာဃာတာဒိနံ သဟဇာတာ အဝိဇ္ဇာ ဟေတုသဟဇာတအညမည-နိဿယသမ္ပယုတ္တအတ္ထိအဝိဂတပစ္စယေဟိ ပစ္စယော၊ အသဟဇာတာ ပန အနန္တရနိရုဒ္ဓါ အနန္တရသမနန္တရအနန္တရပနိဿယနတ္ထိဝိဂတာသေဝနပစ္စယေ-ဟိ ပစ္စယော။ အနနန္တရာ ပန ဥပနိဿယဝသေနေဝ ပစ္စယော။ တဏှာ-ဥပါဒါနာဒိ ဖဿာဒိနမ္ပိ တေသံ သဟဇာတာနံ၊ အသဟဇာတာနဉ္စ ယထာရဟံ ပစ္စယဘာဝေါ ဝတ္တဗ္ဗော။ ကောစိ ပနေတ္ထ အဓိပတိဝသေန၊ ကောစိ ကမ္မ-ဝသေန၊ ကောစိ အာဟာရဝသေန၊ ကောစိ ဣန္ဒြိယဝသေန၊ ကောစိ ဈာနဝသေန၊

ကောဓိ မဂ္ဂဝသေနာပိ ပစ္စယောတိ အယမ္ပိ ဝိသေသော ဝေဒိတဗ္ဗောတိ ဣဒံ ပဋိစ္စသမုပ္ပါဒမုခေန ဩတရဏံ။ ဣမိနာဝ နယေန အာနန္ဒာဒိနမ္ပိ ခန္ဓာဒိမုခေန ဩတရဏံ ဝိဘာဝေတဗ္ဗံ။

တထာ သီလံ ပါဏာတိပါတာဒိဟိ ဝိရတိစေတနာ၊ အဗျာပါဒါဒိစေတသိ-  
ကဓမ္မာ စ၊ ပါဏာတိပါတာဒယော စေတနာဝ၊ တေသံ၊ တဒုပကာရကဓမ္မာနဉ္စ  
လဇ္ဇာဒယာဒိနံ သင်္ခါရက္ခန္ဓဓမ္မာယတနာဒိသု သင်္ဂဟတော ပုရိမနယေနဝ  
ခန္ဓာဒိမုခေန ဩတရဏံ ဝိဘာဝေတဗ္ဗံ။ သေ နယော ဉာဏဒိဋ္ဌိဝေဒနာအဝိဇ္ဇာ-  
တဏှာဒိဂ္ဂဟဏေသုပိ။ နိဿရဏာနုပါဒါဝိမုတ္တိဂ္ဂဟဏေသု ပန အသင်္ခတ-  
ဓာတုဝသေနပိ ဓာတုမုခေန ဩတရဏံ ဝိဘာဝေတဗ္ဗံ၊ တထာ “ဝေဒနာနံ။ ပ။  
အနုပါဒါဝိမုတ္တော”တိ ဧတေန ဘဂဝတော သီလာဒယော ပဉ္စဓမ္မက္ခန္ဓာ၊  
သတိပဋ္ဌာနာဒယော စ ဗောဓိပက္ခိယဓမ္မာ ပကာသိတာ ဟောန္တိတိ  
တံမုခေနပိ ဩတရဏံ ဝေဒိတဗ္ဗံ။ “တဒပိ ဖဿပစ္စယာ”တိ သဿတာဒိ-  
ပညာပနဿ ပစ္စယာဓိနဂုတ္တိတာဒိပနေန အနိစ္စတာမုခေန ဩတရဏံ၊ တထာ  
ဧဝံဓမ္မတာယ ပဋိစ္စသမုပ္ပါဒမုခေန ဩတရဏံ။ အနိစ္စဿ ဒုက္ခာနတ္တဘာဝတော  
အပ္ပဏိဟိတမုခေန၊ သုညတာမုခေန စ ဩတရဏံ။ သေသပဒေသုပိ ဒေသဝ  
နယော။ အယံ ပဋိစ္စသမုပ္ပါဒါဒိမုခေဟိ သုတ္တတ္ထဿ ဩတရဏလက္ခဏော  
ဩတရဏဟာရော နာမ။ တထာ ဟိ ဝုတ္တံ “ယော စ ပဋိစ္စုပ္ပါဒေါ၊ ဣန္ဒြိယခန္ဓာ  
စ ဓာတုအာယတနာ”တိ အာဒိ။

### သောဓနဟာရဝဏ္ဏနာ

“မမံ ဝါ ဘိက္ခဝေ ပရေ အဝဏ္ဏံ ဘာသေယျ”န္တိ အာရမ္ဘော။ “ဓမ္မဿ ဝါ  
အဝဏ္ဏံ ဘာသေယျံ သံဃဿ ဝါ အဝဏ္ဏံ ဘာသေယျ”န္တိ ပဒသုဒ္ဓိ၊ နော  
အာရမ္ဘသုဒ္ဓိ။ “တတြတုမေဟိ န အာဃာတော၊ န အပ္ပစ္စယော၊ န စေတသော  
အနဘိရဋ္ဌိ ကရဏီယာ”တိ ပဒသုဒ္ဓိ စေဝ အာရမ္ဘသုဒ္ဓိ စ။ ဒုတိယနယာဒိသုပိ  
ဒေသဝ နယော၊ တထာ “အပ္ပမတ္တကံ ခေါ ပနေတ”န္တိ အာဒိ အာရမ္ဘော။  
“ကတမ”န္တိ အာဒိ ပုစ္ဆာ။ “ပါဏာတိပါတံ ပဟာယာ”တိ အာဒိ ပဒသုဒ္ဓိ၊ နော  
အာရမ္ဘသုဒ္ဓိ။ နော စ ပုစ္ဆာသုဒ္ဓိ။ “ဣဒံ ခေါ”တိ အာဒိ ပုစ္ဆာသုဒ္ဓိ စေဝ ပဒသုဒ္ဓိ  
စ၊ အာရမ္ဘသုဒ္ဓိ။

တထာ “အတ္ထိ ဘိက္ခဝေ”တိ အာဒိ အာရမ္ဘော။ “ကတမေ စ ဟေ”တိ အာဒိ  
ပုစ္ဆာ။ “သန္တိ ဘိက္ခဝေ”တိ အာဒိ အာရမ္ဘော။ “ကိမာဂမ္မာ”တိ အာဒိ

အာရဟံပုစ္ဆာ။ “ယထာ သမာဟိတေ”တိအာဒိ ပဒသုဒ္ဓိ၊ နော အာရဟံသုဒ္ဓိ၊ နော စ ပုစ္ဆာသုဒ္ဓိ။ “ဣမေ ခေါ”တိအာဒိ ပဒသုဒ္ဓိ စေဝ ပုစ္ဆာသုဒ္ဓိ စ အာရဟံသုဒ္ဓိ စ။ ဣမိနာ နယေန သဗ္ဗတ္ထ အာရဟံဒယော ဝေဒိတဗ္ဗာ။ အယံ ပဒါရဟံနံ သောမိတာသောမိတဘာဝဝိစာရဏလက္ခဏော သောဓနဟာရော နာမ၊ ဝုတ္တမ္ဘိ စ “ဝိဿဇ္ဇိတမ္ဘိ ပဉ္စေ၊ ဂါထာယံ ပုစ္ဆိတာယမာရဟံ”တိအာဒိ။

အဓိဋ္ဌာနဟာရဝဏ္ဏနာ

“အဝဏ္ဏ”န္တိ သာမညတော အဓိဋ္ဌာနံ။ တမဝိကပ္ပေတွာ ဝိသေသဝစနံ “မမံ ဝါ”တိ။ ဓမ္မဿ ဝါသံဃဿ ဝါတိ ပက္ခေပိ ဧသ နယော။ တထာ “သီလ”န္တိ သာမညတော အဓိဋ္ဌာနံ။ တမဝိကပ္ပေတွာ ဝိသေသဝစနံ “ပါဏာတိပါတာ ပဋိပရိတော”တိအာဒိ။ “အညေဝ ဓမ္မာ”တိအာဒိ သာမညတော အဓိဋ္ဌာနံ။ တမဝိကပ္ပေတွာ ဝိသေသဝစနံ “တယိဒံ ဘိက္ခဝေ တထာဂတော ပဇာနာတိ”တိအာဒိ၊ တထာ “ပုဗ္ဗန္တကပ္ပိကာ”တိအာဒိ သာမညတော အဓိဋ္ဌာနံ။ တမဝိကပ္ပေတွာ ဝိသေသဝစနံ “သဿတဝါဒါ”တိအာဒိ။ ဣမိနာ နယေန သဗ္ဗတ္ထ ယထာဒေသိတမေဝ သာမညဝိသေသာ နိဒ္ဒါရေတဗ္ဗာ။ အယံ သုတ္တာဂတာနံ ဓမ္မာနံ အဝိကပ္ပနာဝသေန ယထာဒေသိတမေဝ သာမညဝိသေသနိဒ္ဒါရဏလက္ခဏော အဓိဋ္ဌာနဟာရော နာမ၊ ယထာဟ “ဧကတ္ထတာယ ဓမ္မာ၊ ယေဝိ စ ဝေမတ္တတာယ နိဒ္ဒိဋ္ဌာ”တိအာဒိ။

ပရိက္ခာရဟာရဝဏ္ဏနာ

အာဃာတာဒိနံ “အနတ္တံ မေ အစရီ”တိ၊ အာဒိနိ ဧကေနဝိသတိ အာဃာတဝတ္ထုန္တိ ဟေတု။ အာနန္ဒာဒိနံ အာရမ္မဏာဘိသိနေဟော ဟေတု။ သီလဿ ဟိရိသြတ္တပုံ၊ အပ္ပိစ္ဆတာဒယော စ ဟေတု။ “ဂမ္ဘီရာ”တိအာဒိနာ ဝုတ္တဓမ္မဿ သဗ္ဗာပိ ပါရမိယော ဟေတု။ ဝိသေသေန ပညာပါရမီ။ ဒိဋ္ဌိနံ အသပ္ပုရိသုပနိဿယော၊ အသဒ္ဓမ္မဿဝနံ မိစ္ဆာဘိနိဝေသေန အယောနိသောမနသိကာရော စ အဝိသေသေန ဟေတု။ ဝိသေသေန ပန သဿတဝါဒါဒိနံ အတိတဇာတိအနုဿရဏာဒိ ဟေတု။ ဝေဒနာနံ အဝိဇ္ဇာ၊ တဏှာ၊ ကမ္မာဒိဗသော စ ဟေတု။ အနုပါဒါဝိမုတ္တိယာ အရိယမဂ္ဂေါ ဟေတု။ အညာဏဿ အယောနိသောမနသိကာရော ဟေတု။ တဏှာယ သံယောဇနိယေသု အဿာဒါနုပဿနာ ဟေတု။ ဖဿဿ သဠာယတနာနိ ဟေတု။ သဠာယတနဿ

နာမရူပံ ဟေတု။ ဘဝနေတ္ထိသမုစ္ဆေဒဿ ဝိသုဒ္ဓိဘာဝနာ ဟေတုတိ အယံ ပရိက္ခာရသင်္ခါတေ ဟေတုပစ္စယေ နိဗ္ဗာရေတွာ သံဝဏ္ဏနာလက္ခဏော ပရိက္ခာရ-  
ဟာဓော နာမ၊ တေန ဝုတ္တံ “ယေ ဓမ္မာ ယံ ဓမ္မံ၊ ဇနယန္တိပ္ပစ္စယာ ပရမ္ပရ-  
တော”တိအာဒိ။

### သမာဓောပနဟာရဝဏ္ဏနာ

အာသာတာဒိနမကရဏီယတာဝစနေန ခန္တိသမ္ပဒါ ဒဿိတာ ဟောတိ။  
“အပ္ပမတ္တကံ ခေါ ပနေတ”န္တိအာဒိနာ သောရစ္စသမ္ပဒါ။ “အတ္ထိ ဘိက္ခဝေ”တိ-  
အာဒိနာ ဉာဏသမ္ပဒါ။ “အပရာမသတော စဿ ပစ္စတ္တညေဝ နိဗ္ဗုတိ  
ဝိဒိတာ”တိ၊ “ဝေဒနာနံ။ ပ။ ယထာဘူတံ ဝိဒိတွာ အနုပါဒါဝိမုတ္တော”တိ စ  
ဧတေဟိ သမာဓိသမ္ပဒါယ သဒ္ဓိံ ဝိဇ္ဇာဝိမုတ္တိဝသီဘာဝသမ္ပဒါ ဒဿိတာ။ တတ္ထ  
ခန္တိသမ္ပဒါ ပဋိသင်္ခါနဗလသိဒ္ဓိတော သောရစ္စသမ္ပဒါယ ပဒဋ္ဌာနံ၊ သောရစ္စ-  
သမ္ပဒါ ပန အတ္တတော သီလမေဝ၊ သီလံ သမာဓိသမ္ပဒါယ ပဒဋ္ဌာနံ။ သမာဓိ  
ဉာဏသမ္ပဒါယ ပဒဋ္ဌာနန္တိ အယံ ပဒဋ္ဌာနသမာဓောပနာ။

ပါဏာတိပါတာဒိဟိ ပဋိဝိရတိဝစနံ သီလဿ ပရိယာယဝိဘာဂဒဿနံ။  
သဿတဝါဒါဒိဝိဘာဂဒဿနံ ပန ဒိဋ္ဌိယာ ပရိယာယဝစနန္တိ အယံ ဝေဝေစန-  
သမာဓောပနာ။

သီလေန ဝိတိက္ကမပ္ပဟာနံ၊ တဒင်္ဂပ္ပဟာနံ၊ ဒုစ္စရိတသံကိလေသပ္ပဟာနန္တ  
သိဇ္ဈတိ။ သမာဓိနာ ပရိယုဋ္ဌာနပ္ပဟာနံ၊ ဝိက္ခမ္ဘနပ္ပဟာနံ၊ တဏှာသံကိလေ-  
သပ္ပဟာနန္တ သိဇ္ဈတိ။ ပညာယ ဒိဋ္ဌိသံကိလေသပ္ပဟာနံ၊ သမုစ္ဆေဒပ္ပဟာနံ၊  
အနုသယပ္ပဟာနန္တ သိဇ္ဈတိတိ အယံ ပဟာနသမာဓောပနာ။

သီလာဒိဓမ္မက္ခန္ဓေဟိ သမထဝိပဿနာဘာဝနာပါရိပူရိံ ဂစ္ဆတိ ပဟာ-  
နက္ခယသိဒ္ဓိတောတိ အယံ ဘာဝနာသမာဓောပနာ။ အယံ သုတ္တေ အာဂတ-  
ဓမ္မာနံ ပဒဋ္ဌာနဝေဝစနပဟာနဘာဝနာသမာဓောပနဝိစာရဏလက္ခဏော  
သမာဓောပနဟာဓော နာမ။ ဝုတ္တဉ္ဇေတံ “ယေ ဓမ္မာ ယံ မူလာ၊ ယေ စေကတ္တာ  
ပကာသိတာ မုနိနာ”တိအာဒိ၊ အယံ သောဠသဟာရယောဇနာ။

သောဠသဟာရဝဏ္ဏနာ နိဋ္ဌိတာ။

ပဉ္စဝိနယဝဏ္ဏနာ

နန္ဒိယာဝနနယဝဏ္ဏနာ

အာဃာတာဒိနမကရဏဝစနေန တဏှာဝိဇ္ဇာသင်္ကေတော ဒဿိတော။ သတိ ဟိ အတ္တတ္တနိယဝတ္ထုသု သိနေဟေ၊ သမ္မောဟေ စ “အနတ္တံ မေ အစရိ”တိ အာဒိနာ အာဃာတော ဇာယတိ၊ နာသတိ။ တထာ “ပါဏာတိ-ပါတာ ပဋိဝိရတော”တိ အာဒိဝစနေဟိ “ပစ္စတ္တညေဝ နိဗ္ဗုတိ ဝိဒိတာ၊ အနု-ပါဒါဝိမုတ္တော၊ ဆန္တံ ဖဿာယတနာနံ။ပ။ ယထာဘူတံ ပဇာနာတိ”တိ-အာဒိဝစနေဟိ စ တဏှာဝိဇ္ဇာနံ အစ္စန္တပ္ပဟာနံ ဒဿိတံ ဟောတိ။ တာသံ ပန ပုဗ္ဗန္တကပ္ပိကာဒိပဒေဟိ၊ “အဇာနတံ အပဿတံ”န္တိ အာဒိပဒေဟိ စ သရူပ-တောပိ ဒဿိတာနံ တဏှာဝိဇ္ဇာနံ ရူပဓမ္မာ၊ အရူပဓမ္မာ စ အဓိဋ္ဌာနံ။ ယထာက္ကမံ သမထော စ ဝိပဿနာ စ ပဋိပက္ခော၊ တေသံ ပန စေတောဝိမုတ္တိ၊ ပညာဝိမုတ္တိ စ ဖလံ။ တတ္ထ တဏှာ သမုဒယသစ္စံ၊ တဏှာဝိဇ္ဇာ ဝါ၊ တဒဓိဋ္ဌာန-ဘူတာ ရူပါရူပဓမ္မာ ဒုက္ခသစ္စံ၊ တေသမပ္ပဝတ္တိ နိရောဓသစ္စံ၊ နိရောဓပဇာနနာ သမထဝိပဿနာ မဂ္ဂသစ္စန္တိ ဧဝံ၊ စတုသစ္စယောဇနာ ဝေဒိတဗျာ။

တဏှာဂ္ဂဟဏေန စေတ္ထ မာယာသာဓဋ္ဌေယျမာနာတိမာနမဒပမာဒပါ-ပိစ္ဆတာပါပမိတ္တတာအဟိရိကာနောတ္တပ္ပါဒိဝသေန သဗ္ဗောပိ အကုသလ-ပက္ခော နေတဗ္ဗော။ တထာ အဝိဇ္ဇာဂ္ဂဟဏေနပိ ဝိပရိတမနသိကာရ ကောဓု-ပနာဟမက္ခပဋ္ဌာသဇ္ဈဿာမစ္ဆရိယ သာရမ္ဘ ဒေါဝစဿတာ ဘဝဒိဋ္ဌိဝိဘဝဒိဋ္ဌာ-ဒိဝသေန။ ဝုတ္တဝိပရိယာယေန ပန အမာယာအသာဓဋ္ဌေယျာဒိဝသေန၊ အဝိပရိတမနသိကာရာဒိဝသေန စ သဗ္ဗောပိ ကုသလပက္ခော နေတဗ္ဗော။ တထာ သမထပက္ခိယာနံ သဒ္ဓိန္ဒြိယာဒိနံ၊ ဝိပဿနာပက္ခိယာနဉ္စ အနိစ္စသညာဒိနံ ဝသေနာတိ အယံ တဏှာဝိဇ္ဇာဟိ၊ သံကိလေသပက္ခံ သုတ္တတ္ထံ သမထ-ဝိပဿနာဟိ စ ဝေါဒါနပက္ခံ စတုသစ္စယောဇနမုခေန နယနလက္ခဏဿ နန္ဒိယာဝနနယဿ ဘူမိ။ ဝုတ္တဉ္စ “တဏှဉ္စ အဝိဇ္ဇမ္ပိ စ၊ သမထေန ဝိပဿနာယ ယော နေတိ”တိ အာဒိ။

တိပုက္ခလနယဝဏ္ဏနာ

အာဃာတာဒိနမကရဏဝစနေန အဒေါသသိဒ္ဓိ၊ တထာ ပါဏာတိပါတ-ဖရသဝါစာဟိ ပဋိဝိရတိဝစနေနာပိ။ အာနန္ဒာဒိနမကရဏဝစနေန ပန

အလောဘသိဒ္ဓိ၊ တထာ အဗြဟ္မစရိယတော ပဋိဝိရတိဝစနေနာပိ။ အဒိန္နာဒါနာ-  
ဒီဟိ ပန ပဋိဝိရတိဝစနေန တဒုဘယသိဒ္ဓိ။ “တယိဒံ ဘိက္ခဝေ တထာဂတော  
ပဇာနာတိ”တိအာဒိနာ အမောဟသိဒ္ဓိ။ ဣတိ တိဟိ အကုသလမူလေဟိ ဂဟိ-  
တေဟိ တပုဂ္ဂိုလက္ခတော အာဃာတာဒိနမကရဏဝစနေန စ တိဏိ ကုသလ-  
မူလာနိ သိဒ္ဓါနိယေဝ ဟောန္တိ။ တတ္ထ တိဟိ အကုသလမူလေဟိ တိဝိဒေုစရိတ-  
သံကိလေသမလဝိသမာကုသလသညာဝိတက္ကပပညာဒိဝသေန သဗ္ဗောပိ အကု-  
သလပက္ခော ဝိတ္တာရေတဗ္ဗော။ တထာ တိဟိ ကုသလမူလေဟိ တိဝိဒေုစရိတ-  
ဝေါဒါနသမကုသလသညာဝိတက္ကပညာသဒ္ဓမ္မသမာဓိဝိမောက္ခမုခဝိမောက္ခာဒိ-  
ဝသေန သဗ္ဗောပိ ကုသလပက္ခော ဝိဘာဝေတဗ္ဗော။

ဧတ္ထ စာယံ သစ္စယောဇနာ— လောဘော သမုဒယသစ္စံ၊ သဗ္ဗာနိ ဝါ  
ကုသလာကုသလမူလာနိ၊ တေဟိ ပန နိဗ္ဗတ္တာ တေသမဓိဋ္ဌာနဂေါစရဘူတာ  
ဥပါဒါနက္ခန္ဓာ ဒုက္ခသစ္စံ၊ တေသမပ္ပဝတ္တိ နိရောဓသစ္စံ၊ နိရောဓပဇာနနာ  
ဝိမောက္ခာဒိကာ မဂ္ဂသစ္စန္တိ။ အယံ အကုသလမူလေဟိ သံကိလေသပက္ခံ၊  
ကုသလမူလေဟိ စ ဝေါဒါနပက္ခံ စတုသစ္စယောဇနမုခေန နယနလက္ခဏသ  
တိပုက္ခလနယသ ဟူမိ။ တထာ ဟိ ဝုတ္တံ—

“ယော အကုသလေ သမူလေဟိ၊

နေတိ ကုသလေ စ ကုသလမူလေဟိ”တိအာဒိ။

### သီဟဝိက္ခိတနယဝဏ္ဏနာ

အာဃာတာနန္ဒာဒိနမကရဏဝစနေန သတိသိဒ္ဓိ။ မိစ္ဆာဇီဝါပဋိဝိရတိဝစနေန  
ဝိရိယသိဒ္ဓိ။ ဝိရိယေန ဟိ ကာမဗျာပါဒဝိဟိံသာဝိတက္ခေ ဝိနောဒေတိ၊ ဝိရိယ-  
သာဓနဉ္စ အာဇီဝပါရိသုဒ္ဓိသီလန္တိ။ ပါဏာတိပါတာဒီဟိ ပဋိဝိရတိဝစနေန  
သတိသိဒ္ဓိ။ သတိယာ ဟိ သာဝဇ္ဇာနဝဇ္ဇော ဒိဋ္ဌော ဟောတိ။ တတ္ထ စ အာဒိန-  
ဝါနိသံသေ သလ္လက္ခေတွာ သာဝဇ္ဇံ ပဟာယ အနဝဇ္ဇံ သမာဒါယ ဝတ္တတိ။  
တထာ ဟိ သာ “နိယျာတနပစ္စုပ္ပန်နာ”တိ ဝုစ္စတိ။ “တယိဒံ ဘိက္ခဝေ တထာ-  
ဂတော ပဇာနာတိ”တိအာဒိနာ သမာဓိပညာသိဒ္ဓိ။ ပညဝါ ဟိ ယထာ-  
ဘူတာဝဗောဓော သမာဟိတော စ ယထာဘူတံ ပဇာနာတိတိ။

တထာ “နိစ္စော ဓုဝေါ”တိအာဒိနာ အနိစ္စေ “နိစ္စ”န္တိ ဝိပလ္လာသော၊  
“အရောဂေါပရံ မရဏာ၊ ဧကန္တသုခိ အတ္တာ၊ ဒိဋ္ဌဓမ္မနိဗ္ဗာနပ္ပတ္တော”တိ စ  
ဝေမာဒီဟိ အသျှေ “သုခ”န္တိ ဝိပလ္လာသော။ “ပဉ္စဟိ ကာမဂုဏေဟိ

သမပ္ပိတော”တိအာဒိနာ အသုဘေ “သုဘ”န္တိ ဝိပလ္လာသော။ သဗ္ဗေဟဝ  
ဒိဋ္ဌိပ္ပကာသနပဒေဟိ အနတ္တနိ “အတ္တာ”တိ ဝိပလ္လာသောတိ ဝေမေတ္တ  
စက္ကာရော ဝိပလ္လာသာ သိဒ္ဓါ ဟောန္တိ၊ တေသံ ပဋိပက္ခတော စက္ကာရိ သတိ-  
ပဋ္ဌာနာနိ သိဒ္ဓါနေဝ။ တတ္ထ စတူဟိ ယထာဝုတ္တေဟိ ဣန္ဒြိယေဟိ စက္ကာရော  
ပုဂ္ဂလာ နိဒ္ဓိသိတဗ္ဗာ။ ကထံ ဒုဝိဇော ဟိ တဏှာစရိတော မုဒိန္ဒြိယော တိက္ခိန္ဒြိ-  
ယောတိ၊ တထာ ဒိဋ္ဌိစရိတောပိ။ တေသု ပဌမော အသုဘေ “သုဘ”န္တိ  
ဝိပလ္လာတ္ထဒိဋ္ဌိကော သတိဗလေန ယထာဘူတံ ကာယသဘာဝံ သလ္လက္ခေတွာ  
သမ္ပတ္တနိယာမံ ဩက္ကမတိ။ ဒုတိယော အသုခေ “သုခ”န္တိ ဝိပလ္လာတ္ထဒိဋ္ဌိကော  
“ဥပ္ပန္နံ ကာမဝိတက္ကံ နာဓိဝါသေတိ”တိ အာဒိနာ ဝုတ္တေန ဝီရိယသံဝရသင်္ခါ-  
တေန ဝီရိယဗလေန တံ ဝိပလ္လာသံ ဝိမေတိ။ တတိယော အနိစ္စေ “နိစ္စ”န္တိ  
ဝိပလ္လာတ္ထဒိဋ္ဌိကော သမာဓိဗလေန သမာဟိတဘာဝတော သင်္ခါရာနံ ခဏိက-  
ဘာဝံ ယထာဘူတံ ပဋိဝိဇ္ဈတိ။ စတုတ္ထော သန္တတိသမူဟကိစ္စာရမ္ပဏသန-  
ဝိစိတ္တတ္တာ ဖဿာဒိဓမ္မပုဉ္ဇမတ္ထေ အနတ္တနိ “အတ္တာ”တိ ဝိပလ္လာတ္ထဒိဋ္ဌိကော  
စတုကောဋိကသုညတမနသိကာရေန တံ မိစ္ဆာဘိနိဝေသံ ဝိဒ္ဓိသေတိ။ စတူဟိ  
စေတ္တ ဝိပလ္လာသေဟိ စတုရာသဝေါသယောဂဂန္ထအဂတိတဏှုပ္ပါဒုပါဒါန-  
သတ္တဝိညာဏဋ္ဌိတိအပရိညာဒိဝသေန သဗ္ဗောပိ အကုသလပက္ခော နေတဗ္ဗော။  
တထာ စတူဟိ သတိပဋ္ဌာနေဟိ စတုဗ္ဗိဓျာနဝိဟာရာမိဋ္ဌာနသုခဘာဂိယဓမ္မ-  
အပ္ပမညာသမ္ပပ္ပဓာနဣဒ္ဓိပါဒါဒိဝသေန သဗ္ဗောပိ ဝေါဒါနပက္ခော နေတဗ္ဗော။

တ္ထေ စာယံ သစ္စယောဇနာ— သုဘသညာသုခသညာဟိ၊ စတူဟိပိ ဝါ  
ဝိပလ္လာသေဟိ သမုဒယသစ္စံ၊ တေသမိဋ္ဌာနာရမ္ပဏဘူတာ ပဉ္စုပါဒါနက္ခန္ဓာ  
ဒုက္ခသစ္စံ၊ တေသမပ္ပဝတ္တိ နိရောဓသစ္စံ၊ နိရောဓပဇာနနာ သတိပဋ္ဌာနာဒိကာ  
မဂ္ဂသစ္စန္တိ။ အယံ ဝိပလ္လာသေဟိ သံကိလေသပက္ခံ၊ သဒ္ဓိန္ဒြိယာဒိဟိ ဝေါဒါန-  
ပက္ခံ စတုသစ္စယောဇနမုခေန နယနလက္ခဏဿ **သီဟဝိက္ခိန္တိတနယဿ ဘူမိ**၊  
ယထာဟ “ယော နေတိ ဝိပလ္လာသေဟိ၊ ကိလေသေ ဣန္ဒြိယေဟိ သဒ္ဓဓမ္မေ”တိ၊  
အာဒိ။

### ဒိသာလောစနအင်္ဂသနယဒ္ဓယဝဏ္ဏနာ

ဣတိ တိက္ကံ အတ္တနယာနံ သိဒ္ဓိယာ ဝေါဟာရနယဒ္ဓယမ္ပိ သိဒ္ဓမေဝ ဟောတိ။  
တထာ ဟိ အတ္တနယတ္တယဒိသာဘူတဓမ္မာနံ သမာလောစနမေဝ **ဒိသာ-**  
**လောစနနယော**။ တေသံ သမာနယနမေဝ **အင်္ဂသနယော**။ တသ္မာ

ယထာဝုတ္တနယေန အတ္တနယာနံ ဒိသာဘူတဓမ္မသမာလောကနနယနဝသေန  
တမ္ပိ နယဒ္ဓယံ ယောဇေတဗ္ဗန္တိ၊ တေန ဝုတ္တံ “ဝေယျာကရဏေသု ဟိ ယေ၊  
ကုသလာကုသလာ”တိ အာဒိ။ အယံ ပဉ္စနယယောဇနာ။

ပဉ္စဝိနယဝဏ္ဏနာ နိဋ္ဌိတာ။

### သာသနပဋ္ဌာနဝဏ္ဏနာ

ဣဒံ ပန သုတ္တံ သောဠသဝိဓေ သာသနပဋ္ဌာနေ သံကိလေသဝါသနာ-  
သေက္ခဘာဂိယံ တဏှာဒိဋ္ဌာဒိသံကိလေသနံ သီလာဒိပုညကိရိယဿ၊  
အသေက္ခသီလာဒိက္ခန္ဓဿ စ ဝိဘတ္တတ္တာ၊ သံကိလေသဝါသနာနိဗ္ဗေဓာသေက္ခ-  
ဘာဂိယမေဝ ဝါ ယထာဝုတ္တတ္တာနံ သေက္ခသီလက္ခန္ဓာဒိကဿ စ ဝိဘတ္တတ္တာ။  
အဋ္ဌဝိသတိဝိဓေ ပန သာသနပဋ္ဌာနေ လောကိယလောကုတ္တရံ သတ္တဓမ္မာ-  
မိဋ္ဌာနံ ဉာဏဥပေယျံ ဒဿနဘာဝနံ သကဝစနပရဝစနံ ဝိဿဇ္ဇနီယာဝိဿဇ္ဇ-  
နီယံ ကမ္မဝိပါကံ ကုသလာကုသလံ အနုညာတပဋိက္ခိတ္တံ ဘဝေါ စ လောကိယ-  
လောကုတ္တရာဒိနမတ္တာနံ ဣဓ ဝိဘတ္တတ္တာတိ။ အယံ သာသနပဋ္ဌာန-  
ယောဇနာ။

ပကရဏနယဝဏ္ဏနာ နိဋ္ဌိတာ။

ဣတိ သုမင်္ဂလဝိလာသိနိယာ ဒီဃနိကာယဋ္ဌကထာယ ပရမသုခုမဂမ္ဘီရ-  
ဒုရနုဗောဓတ္ထပရိဒီပနာယ သုဝိမလဝိပုလပညာဝေယျတ္ထိယဇနနာယ အဇ္ဇဝ-  
မဒ္ဒဝသောရစ္စသဒ္ဓါသတိမိတိဗုဒ္ဓိခန္တီဝီရိယာဒိဓမ္မသမင်္ဂီနာ သာဋ္ဌကထေ ပိဋ-  
ကတ္ထယေ အသင်္ဂါသံဟိရဝိသာရဒဉာဏစာရိနာ အနေကပ္ပဘေဒသကသမယ-  
သမယန္တရဂဟနဇ္ဈောဂါဟိနာ မဟာဂဏိနာ မဟာဝေယျာကရဏေန ဉာဏာ-  
ဘိဝံသဓမ္မသေနာပတိနာမထေရေန မဟာဓမ္မရာဇာမိရာဇဂရုနာ ကတာယ  
သာဓုဝိလာသိနိယာ နာမ လိနတ္ထပကာသနိယာ ပြဟ္မဇာလသုတ္တဝဏ္ဏနာယ  
လိနတ္ထဝိဘာဝနာ။

ပြဟ္မဇာလသုတ္တဝဏ္ဏနာ နိဋ္ဌိတာ။

ပဋ္ဌမော ဘာဂေါ နိဋ္ဌိတော။

သီလက္ခန္ဓဝဂ္ဂအဘိဓမ္မိကာယ ပဌမဘာဏ

သံဝဏ္ဏိတပဒါနံ အနုတ္တမဏိကာ

ပဒါနုတ္တမော	ပိဋကော်	ပဒါနုတ္တမော	ပိဋကော်
[ အ ]		[ အ ]	
အက္ခိယာ	၄၅၇	အဋ္ဌိဓောဝနံ	၃၆၀
အက္ခရိကာ	၃၆၂	အမုယောဇနံ	၁၈၂
အက္ခာနံ	၃၅၉	အဏုသဟဂတေ	၃၀၉
အက္ခိတပ္ပနတေလံ	၃၇၇	အတက္ကာဝစရာ	၃၈၁
အဂတိ	၆၃	အတိတ္ထေန	၁၉၀
အဂဒေါ	၃၁၆	အတိဓာဝိတဗ္ဗံ	၄၅၇
အဂါရံ	၄၂၁	အတိပါတော	၃၂၁
အဂ္ဂတံ	၂၃၃	အတိဝိသံ	၃၅၅
အဂ္ဂေါ	၃၀၅	အတိဝေလံ	၄၂၂
အဂ်°	၁၂၃	အတိတသတ္ထုကံ	၄၄
အစိန္တေယျာနိ	၁၂၀	အတ္တမနော	၅၀
အစ္စယော	၄၁၄	အတ္တာ	၃၃၁
အစ္စာရဒ္ဓိ	၇၆	အတ္တံ	၂၄၂
အစ္ဆထ	၃၅၈	အတ္တဇာလံ	၄၇၁
အစ္ဆန္တိကဘာဝမတ္တံ	၃၇၇	အတ္တဝါဒီ	၃၄၄
အစ္ဆယာဂု	၄၂၄	အတ္ထော	၁၀၆၊ ၁၆၇
အစ္ဆရိယံ	၁၉၈	အဒဏ္ဍာရဟော	၃၃၀
အစ္ဆရိယဝေဂါဘိဟတာ	၄၇၄	အဒိန္နံ	၃၃၀
အစ္ဆရိယာနိ	၁၃၇	အဒ္ဓနိယံ	၄၅
အဇိနစမ္မေဟိ	၃၆၄	အဒ္ဓါ	၇၅
အဇ္ဇကံ	၃၅၆	အဓမ္မော	၅၅
အဇ္ဈဂါ	၈၆	အဓိစ္စသမုပ္ပန္နံ	၄၃၅
အဇ္ဈာစာရော	၉၀	အဓိဋ္ဌာနံ	၂၉၁
အဇ္ဈာသယာနုသန္တိ	၄၅၅	အဓိမုတ္တိယော	၃၉၃
အဇ္ဈောသန္တာ	၂၄၅	အဓိမောက္ခော	၃၁၀
အဋ္ဌာပဒံ	၃၆၁	အဓိဝစနံ	၃၉၂

ပဒါနုတ္တမော	ပိဋကော်	ပဒါနုတ္တမော	ပိဋကော်
[ အ ]		[ အ ]	
အဓောဝိရေစနံ	၃၇၇	အနုဿဝေါ	၁၉၀
အနုပ္ပါနိ	၇၄	အနုဿုတိကော	၄၀၀
အနညထာနိ	၃၁၂	အနူနံ	၃၁၅
အနတ္တကထာနိ	၄၅၇	အန္တံ	၁၆၇
အနတ္တာ	၃၄၂	အန္တပူရော	၃၉၁
အနမိကံ	၃၁၅	အန္တရတော	၁၈၀
အနနုလောမပဋိပဒံ	၁၈၆	အန္တရဓာယတိ	၄၃၈
အနဘိဘူတော	၃၁၆	အန္တရာယိကာ	၁၁၈
အနယော	၁၈၇	အန္တရာယော	၂၅
အနာဂါရိယံ	၄၂၁	အန္တရိတတ္တာ	၃၃၇
အနာစာရီ	၃၃၂	အန္တာနန္တဝါဒါ	၄၂၆
အနာဝရဏဉာဏံ	၉	အန္တာနန္တိကာ	၄၂၆
အနာဟတေ	၃၇၀	အန္တာနန္တော	၄၂၇
အနိစ္စာနုပဿနာ	၃၀၈	အန္တေ	၁၈၄
အနိဗ္ဗိသံ	၈၅	အန္တော	၄၂၆
အနိယျာနိကတ္တာ	၃၆၇	အန္တောဇာလံ	၄၆၉
အနုကမ္ပကော	၃၂၈	အန္တောဇာလိကတာ	၄၆၉
အနုညာတကာလေ	၃၅၇	အန္တောနိဗ္ဗာယနံ	၄၅၁
အနုတ္တရံ	၁၈	အန္တောပူတိ	၄၅၆
အနုပပရိက္ခတံ	၁၁၂	အန္တောဘာဇနေ	၃၅၂
အနုပဝဇ္ဇိ	၃၁၅	အန္တောဝတ္ထိမ္ပိ	၄၂၀
အနုပါဒါယ	၇၅	အပကဿ	၅၁
အနုပါဒိယိတွာ	၄၁၀	အပဒေသော	၃၄၄
အနုပ္ပဒါတာ	၃၃၉	အပနယနံ	၃၇၈
အနုပ္ပါဒေါ	၃၁၁	အပနေတဗ္ဗံ	၈၀
အနုဗုဒ္ဓေဟိ	၁၉၅	အပရဇ္ဇာ	၃၅၆
အနုမဇ္ဇနံ	၃၁၀	အပရာဇိတော	၃၁၄
အနုယောဂေါ	၃၉၄	အပုဗ္ဗံ	၃၂၉
အနုဝိစရိတံ	၃၁၄၊ ၃၉၉	အပ္ပဂဟ္တာ	၅၂
အနုသန္တိ	၄၅၅	အပ္ပတ္တဉ္စ	၇၅

သံဝဏ္ဏိတပဒါနံ အနုက္ကမဏိကာ

၅၀၃

ပဒါနုက္ကမော	ပိဋကော်	ပဒါနုက္ကမော	ပိဋကော်
[ အ ]		[ အ ]	
အပ္ပမတ္တကံ	၂၃၁	အရိယသံဃံ	၂၃
အပ္ပမာဏသညီ	၄၄၃	အရိယာ	၂၂၊ ၂၃
အပ္ပမာဒေါ	၃၉၄	အရိယာနိ	၃၂
အပ္ပါတကံ	၁၄၃	အရိနံ	၂၀၀
အပ္ပါဗာဓံ	၁၄၃	အရောဂေါ	၄၄၁
အပ္ပါယုကေ	၄၁၆	အလဂဒ္ဒတ္ထိကော	၁၁၁
အပ္ပိစ္ဆတာ	၁၈၂	အလဂဒ္ဒေါ	၁၁၀
အပ္ပိတော	၄၅၀	အလင်္ကတဒဏ္ဍကံ	၃၆၆
အပ္ပေတိ	၁၆၄	အလင်္ကာရော	၂၃၃
အပ္ပာစိက္ခတိ	၁၁၉	အလပ္ပနေယျပတိဌာ	၃၇၉
အပ္ပုတဓမ္မံ	၁၃၂	အလပ္ပနေယျော	၁၀၅
အပ္ပေယျံ	၃၇၁	အလမရိယဉာဏဒဿနော	၁၈၆
အပ္ပောက္ကိရဏံ	၃၅၉	အဝက္ခလိတံ	၃၁၅
အဗျာပါဒေန	၃၀၇	အဝဂ္ဂါဟော	၃၇၄
အဗြဟ္မစရိယံ	၃၃၂	အဝဏ္ဏဘူမိယံ	၂၂၆
အဘိညာတာ	၉၄	အဝဏ္ဏေယေဝ	၂၂၆
အဘိနန္ဒတိ	၄၇၂	အဝဟသန္တမိဝ	၇၃
အဘိနန္ဒန္တိ	၄၇၂	အဝိက္ခေပေန	၃၀၇
အဘိနိဝေသံ	၃၀၉	အဝိဇ္ဇာဂတော	၄၅၇
အဘိဘူ	၃၁၆	အဝိတထာနိ	၃၁၂
အဘိလာပေါ	၁၀၆၊ ၁၀၇	အဝိဒ္ဓါ	၄၅၇
အဘိသမ္ပရာယော	၄၀၅	အဝိနယော	၅၅
အဘိသမ္ပုဒ္ဓေါ	၁၉၉	အဝိမုတ္တတန္တိမဂ္ဂါ	၃၂
အဘိသမ္ပောမိတော	၂၃၅	အဝိလောမေန္တော	၃၀
အဘူတပုဗ္ဗံ	၁၉၈	အဝိသုဒ္ဓတာ	၃၇၄
အဘောဇနေယျံ	၁၄၉	အသံဝရော	၁၀၀
အမရံ	၃၉၃	အသပ္ပုရိသဘူမိ	၁၆၃
အမရာဝိက္ခေပိကာ	၄၃၀	အသမာ	၁၈၉
အမောဃတာ	၂၃၀	အသိဓာရံ	၁၈၇
အရဟတဘု	၂၀၀၊ ၂၀၂	အဿတ္တဒုမရာဇော	၂၄၁

ပဒါနုတ္တမော	ပိဋကော်	ပဒါနုတ္တမော	ပိဋကော်
[ အ ]		[ အာ ]	
အဿိတ္ထော	၂၄၁	အာရာ	၁၈၈
အဿာဒေါ	၄၀၈	အာရာမော	၃၃၉
		အာလယော	၃၀၉
[ အာ ]		အာလောကသညာယ	၃၀၇
အာဂဒနံ	၃၁၅	အာလောပေါ	၃၅၄
အာဂမဝရော	၂၇	အာဝဇ္ဇေသိ	၇၅
အာဂမော	၂၆	အာဝဇ္ဇဂ္ဂါဟော	၄၅၆
အာစာရသီလမတ္တကံ	၃၂၉	အာဝါဟနံ	၃၇၅
အာစိဏ္ဏဝသိတာယ	၂၃၇	အာဝိဘာဝတ္ထံ	၃၄၀
အာဏဏျံ	၅၃	အာဝုတာ	၂၄၅
အာဏတ္ထိကော	၃၂၄	အာဝေဋ္ဌာ	၁၉၃
အာဏာစက္ကံ	၇၃	အာသနာရဟံ	၇၄
အာဏာရဟော	၉၈	အာသဘံ	၃၀၅
အာဒါနံ	၃၀၉	အာသဘိ	၃၀၅
အာဒိစ္စပါရိစရိယာ	၃၇၆	အာသဝေဟိ	၇၆
အာဒိစ္စဗန္ဓု	၂၄၃	အာသေဝနံ	၃၄၂
အာဒိဋ္ဌဉာဏံ	၃၇၂	အာဟတေ	၃၇၀
အာဒိတော	၂၈	အာဟရဏကထာ	၃၄၂
အာဒိနဝေါ	၄၀၉		
အာဓာဝန္တိ	၁၉၃	[ ဣ ]	
အာနုဘာဝေန	၂၅	ဣက္ခာ	၅၈
အာနုဘာဝေါ	၂၅၊ ၅၆	ဣဇ္ဈနံ	၃၁၁
အာဘတာ	၂၉	ဣဏံ	၃၇၅
အာဘုဇိတွာ	၂၄၁	ဣတိ	၃၈၆
အာဘောဂေါ	၄၅၂	ဣတိဝါဒေါ	၁၁၃
အာမန္တယာမိ	၈၇	ဣတိဝုတ္တကံ	၁၃၁
အာမန္တေသိ	၇၉	ဣတ္တတ္ထံ	၄၂၁
အာမိသံ	၃၅၈	ဣတ္တဘာဝံ	၄၂၀
အာယတနံ	၄၆၁	ဣဒပ္ပုံစယာ	၄၆၇
အာယူဟနံ	၃၀၉၊ ၃၈၈	ဣဒ္ဓိမယော	၃၂၄

သံဝဏ္ဏိတပဒါနံ အနုက္ကမဏိကာ

၅၀၅

ပဒါနုက္ကမော

[ ဣ-ဤ ]

ပိဋကော်

ဣဓတ္ထော  
ဣန္ဒဇာလေန  
ဣန္ဒဓနု  
ဣဿာဝသေန  
ဤသော  
ဤသိကာ

၄၇၁  
၃၆၀  
၁၉၃  
၁၉၇  
၄၂၁  
၃၉၅

[ ဥ ]

ဥက္ကဏ္ဍိတံ  
ဥက္ကဏ္ဍိတာ  
ဥက္ကာ  
ဥက္ကာနံ ပတနံ  
ဥက္ကာဋ္ဌနံ  
ဥက္ကာဋ္ဌေယျ  
ဥတ္တာပေါ  
ဥဂ္ဂဟော  
ဥစ္ဆာဒေန္တိ  
ဥစ္ဆေဒေါ  
ဥဋ္ဌာနံ  
ဥဋ္ဌာသိ  
ဥဏ္ဍာမယတ္တရဏံ  
ဥဏ္ဍသမယော  
ဥတုသမုဋ္ဌာနာ  
ဥတ္တရစ္ဆဒေါ  
ဥတ္တရာဘိမုခံ  
ဥတ္တရိမနုဿဓမ္မော  
ဥတ္တာနော  
ဥဒကကဒ္ဒမေ  
ဥဒကပရိယန္တံ  
ဥဒကဗုသိတာနိ

၁၇၈  
၄၁၈  
၁၉၃  
၃၇၃  
၃၅၂  
၆၃  
၇၂  
၂၄၄  
၃၆၅  
၄၄၅  
၃၇၅  
၃၄၀  
၃၆၃  
၁၆၆  
၄၁၆  
၃၆၄  
၇၄  
၄၉  
၉၁  
၃၅၈  
၈၁  
၂၀၆

ပဒါနုက္ကမော

[ ဥ ]

ပိဋကော်

ဥဒယနံ  
ဥဒ္ဓလောမီ  
ဥဒ္ဓါနတော  
ဥဒ္ဓေသော  
ဥဒ္ဓိဝိရေစနံ  
ဥဒ္ဓစ္စာဝဟာယ  
ဥဒ္ဓမာဃာတနံ  
ဥဒ္ဓမာဃာတနိကာ  
ဥဒ္ဓါရော  
ဥဒ္ဓါမာတော  
ဥပကဋ္ဌာယ  
ဥပက္ကမော  
ဥပဂတော  
ဥပဋ္ဌာနသာလာ  
ဥပဋ္ဌာသိ  
ဥပမုသံဃော  
ဥပနိဓာယ  
ဥပပတ္တိဝသေန  
ဥပပရိက္ခန္တိ  
ဥပယောဂေါ  
ဥပရိမံ  
ဥပဝတ္တနံ  
ဥပဟာရံ  
ဥပါဒိ  
ဥပါဒိန္ဒကဖဿော  
ဥပါယာသော  
ဥပါယေဟိ  
ဥပါရစ္ဆော  
ဥပ္ပတိတံ  
ဥပ္ပလံ

၃၇၃  
၃၆၃  
၃၉၂  
၃၅၇  
၃၇၇  
၂၂၇  
၄၄၀  
၄၄၀  
၃၇၅  
၄၂၅  
၇၁  
၃၂၃  
၁၈  
၁၉၈  
၃၁၄  
၆၇  
၂၃၄  
၄၁၉  
၁၁၂  
၁၇၀  
၂၃၄  
၃၇  
၃၇၆  
၃၈  
၁၁၇  
၄၅၁  
၃၅၂  
၁၁၂  
၃၇၀

၁၉၃၊ ၄၂၄

ပဒါနုတ္တမော

ပိဋကော်

[ ခ ]

ဥပ္ပါဒဋ္ဌိတိ

၃၈၈

ဥပ္ပါဒေါ

၃၇၀၊ ၃၈၇

ဥပ္ပိလာပနာ

၂၂၈

ဥပ္ပိလာဝိတံ

၂၂၇၊ ၄၅၂

ဥမ္မာဇိတွာ

၁၈၈

ဥဿန္တဓာတုကံ

၆၉

ဥဿာဒေါ

၄၅၆

[ ဝ ]

ဧကံသံ

၇၇

ဧကစ္စသဿံတဝါဒါ

၄၁၁

ဧကစ္စသဿတိကာ

၄၁၁

ဧကဇ္ဈိ

၄၅၃

ဧကတုလာယ

၃၁၅

ဧကနာဠိကာ

၁၄၀

ဧကနာဠိယာ

၃၁၅

ဧကန္တလောမီ

၃၆၃

ဧကမုဒ္ဒိကာယ

၃၁၅

ဧကပုဂ္ဂလော

၁၈၉

ဧကဘတ္တိကော

၃၄၆

ဧကရသော

၃၁၁

ဧကသာလကော

၁၆၇

ဧကေ

၄၄၈

ဧတ္တာဝံ

၁၀၉

ဧဝံဂတိကာ

၄၀၅

ဧဝံဇာတိကေ

၁၇၄

ဧဝံဘူတဿ

၃၁၆

ဧဝိကဋ္ဌာယိ

၃၉၅

ပဒါနုတ္တမော

ပိဋကော်

[ ဩ ]

ဩဇာ

၂၃၉

ဩရံ

၂၃၂

ဩရတော

၃၂၅

ဩရဿာ

၂၀

ဩလုဇ္ဇတိ

၆၀

ဩဋ္ဌာရိကေ

၃၀၉

[ က ]

ကကစဒန္တပန္နိယံ

၁၈၇

ကကစူပမာ

၄၅၇

ကကဋ္ဌတ္တံ

၃၁၀

ကင်္ဂ

၃၅၀

ကစ္ဆကော

၃၅၅

ကစ္ဆပလက္ခဏံ

၃၇၂

ကစ္ဆါ

၃၅၈

ကဋ္ဌိဿံ

၃၆၃

ကဏ္ဍမ္ပရက္ခမူလေ

၂၃၅

ကဏ္ဍာ

၃၅၈

ကဏ္ဍဇပ္ပနံ

၃၇၆

ကဏ္ဍဗန္ဓနတ္ထံ

၃၇၇

ကဏ္ဍသုလံ

၃၄၂

ကဏ္ဍိကာ

၁၉၅၊ ၁၉၇၊ ၃၆၆

ကတကမ္ပေဟိ

၁၈၄

ကတပုညော

၇၆

ကတ္တရဒဏ္ဍော

၁၉၄၊ ၃၂၈

ကတ္တာ

၄၁၆

ကထနံ

၁၀၇

ကထာ

၉၇

ကထာဒေါသော

၇၆

ကဒလိမိဂေါ

၃၆၄

သံဝဏ္ဏိတပဒါနံ အနုက္ကမဏိကာ

၅၀၇

ပဒါနုက္ကမော	ပိဋကော်	ပဒါနုက္ကမော	ပိဋကော်
[ က ]		[ က ]	
ကန္တာ	၃၄၂	ကိလေသာရီနံ	၂၀၀
ကန္တရော	၂၄၃	ကုကတံ	၁၉၇
ကပိ	၃၅၅	ကုက္ကုစ္စံ	၁၉၇
ကပိတ္ထနော	၃၅၅၊ ၃၅၆	ကုဋုမ္ပိကော	၃၅၈
ကပိယနော	၃၅၅	ကုဋ္ဌဿ	၁၉၉
ကပ္ပကတေန	၃၉၁	ကုဋ္ဌိမော	၇၃
ကပ္ပေတွာ	၃၉၂	ကုဏ္ဍကော	၃၇၁
ကပ္ပေါ	၃၉၁	ကုဏ္ဏိကာ	၁၉၅
ကဗျံ	၃၇၅	ကုတ္တကံ	၃၆၄
ကမလံ	၁၉၃	ကုဒါလံ	၉၇
ကမ္မပစ္စယာ	၄၁၆	ကုဒြိသကော	၃၅၀
ကယော	၃၅၁	ကုမာရဘတော	၃၇၇
ကရဇကောယော	၄၂၃	ကုမ္မဋ္ဌာနံ	၃၆၇
ကရဇော	၄၂၄	ကုမ္မဏ္ဍံ	၃၃၇
ကရဏံ	၁၇၀	ကုမ္ဘော	၃၅၉
ကရုဏာ	၇	ကုရုမာနာ	၇၂
ကရုဏာသီတလဟဒယံ	၇	ကုလပုတ္တော	၃၇၁
ကဟာပဏော	၃၄၉	ကုလဝံသပ္ပတိဋ္ဌာပကံ	၅၃
ကာကစ္ဆမာနာ	၁၉၇	ကုလုပဃာတံ	၆၀
ကာဇဒဏ္ဍကေ	၁၉၅	ကုသာဝဟာရော	၃၃၁
ကာယတိကိစ္ဆကံ	၃၇၈	ကုသိနာရာယံ	၃၇
ကာယပဋိပိဋနံ	၄၅၁	ကုသောဗ္ဗော	၂၄၃
ကာယပယောဂေါ	၃၃၅	ကုဟနာ	၈၂
ကာယိကာ	၃၂၆	ကုဋ္ဌာဂါရသာလာ	၁၉၈
ကာယူပဂါနိ	၂၀၇	ကေဝဇ္ဇော	၄၇၀
ကာရေတာ	၄၁၆	ကေသရံ	၁၉၅
ကာလတ္ထော	၁၇၁	ကေဋ္ဌိနော	၄၂၂
ကာဝေယျံ	၃၇၄	ကောဇဝေါ	၃၆၂
ကာဋ္ဌပက္ခဿ	၇၆	ကောပါ	၁၈၀
ကိလေသာနံ	၁၀၁		

ပဒါနုတ္တမော	ပိဋကော်	ပဒါနုတ္တမော	ပိဋကော်
[ က ]		[ ဂ ]	
ကောမာရဘဏ္ဍိ	၃၇၇	ဂမ္ဘီရော	၉၁
ကောလဓမ္မော	၂၄၃	ဂရဟဏံ	၁၄၂
		ဂရု	၁၁
[ ခ ]		ဂဟိတမန္တဿ	၃၇၆
ခဏေ	၁၆၆	ဂါထာဘိဂိတံ	၁၄၉
ခဏ္ဍိ	၇၁	ဂါမဝါသိနံ	၃၃၂
ခန္ဓကံ	၈၁	ဂါရဝယုတ္တော	၁၇၆
ခယော	၃၁၁	ဂိဋ္ဌါ	၂၄၅
ခရောဒကံ	၁၈၈	ဂိရိ	၁၉၂
ခါဒိတေ	၃၆၆	ဂိဝါယာမကံ	၃၅၈
ခါရုဇ္ဇနံ	၃၇၇	ဂုဏဓမ္မေဟိ	၃၈၁
ခိဉ္ဇာ	၄၂၂	ဂုဏပဿဉ္စိတံ	၁၈၈
ခိဉ္ဇာပဒေါသိကာ	၄၂၂	ဂုဇ္ဇကီဠာ	၃၆၁
ခိပတိ	၃၇၆	ဂူဠော	၉၁
ခုဒ္ဒကဂမနံ	၃၅၁	ဂေါစရော	၆၃
ခေတ္တံ	၃၅၁	ဂေါရမော	၃၅၀
ခေပေါ	၄၃၀		
		[ ဃ ]	
[ ဂ ]		ဃဋ္ဌိကာ	၃၆၁
ဂဏှိ	၅၈	ဃဠေ	၂၄၃
ဂတံ	၃၇၁	ဃနတာဠု	၃၅၉
ဂတိယော	၁၃	ဃနပုပ္ဖကော	၃၆၃
ဂတိဝိမုတ္တော	၁၃	ဃနသညာ	၃၀၉
ဂတော	၃၀၇	ဃရဂေါလိကာယ	၃၇၀
ဂတ္တာနိ	၂၀၈	ဃရုဃရုပဿာသိနော	၁၉၇
ဂထိတာ	၂၄၅	ဃာတေတိ	၃၂၉
ဂန္ဓကုဋီ	၂၀၈		
ဂန္ဓဇာတာ	၂၃၄	[ ဝ ]	
ဂန္ဓမာလာဒိဟတ္ထာ	၆၈	စင်္ကမေန	၇၆
ဂမ္ဘီရာ	၃၈၀	စဏ္ဍာလံ	၃၆၀

သံဝဏ္ဏိတပဒါနံ အနုက္ကမဏိကာ

၅၀၉

ပဒါနုက္ကမော ပိဋကော

[ စ ]

စတုတ္ထိသသုတ္တသင်္ဂဟော	၃၄
စတုရသံာ	၁၄၀
စတုသင်္ခေပံ	၃၈၉
စန္ဒပမာ	၅၁
စလိတေ	၃၆၅
စာဋိ	၂၄၃
စာမရီ	၃၀၆
စာမရော	၃၆၆
စိက္ခဝသိတာယ	၄၂၀
စိတကာယ	၆၄
စိတ္တသဏ္ဌတာယ	၃၄၁
စိရဋ္ဌိတိကံ	၄၅
စိနပိဋ္ဌ	၁၉၃
စုဏ္ဏေန္တိ	၃၆၆
စုတိ	၄၄၆
စုဒ္ဓသဟတ္ထော	၂၄၁
စေတကော	၇၁
စေတောသမာဓိ	၃၉၄
စောဒိတာ	၁၈၄

[ ဆ ]

ဆဒ္ဓိတပတိတဥတ္တာပါ	၇၂
ဆန္ဒာဂမနံ	၆၂
ဆမ္ဘိတတ္ထံ	၄၁၈
ဆဝိဒေါသော	၃၅၈
ဆဝိရာဂကရဏံ	၃၄၈
ဆာယုဒကသမ္ပန္နံ	၁၉၆
ဆိန္ဒန္တော	၃၅၂
ဆေဇ္ဇဂါမိနီ	၃၈၆

ပဒါနုက္ကမော

[ ဇ ]

ဇနာ	၂၄၄၊ ၂၄၅
ဇနော	၆၇
ဇရဒပါနံ	၅၂
ဇာတကံ	၁၃၂
ဇာတရူပံ	၃၄၉
ဇာတိဿရော	၄၀၀
ဇာနတာ	၂၀၀
ဇာလံ	၈၂
ဇိယာဝေဂုက္ခိတ္တော	၄၃၈
ဇိဝိကတ္ထာယ	၃၇၆
ဇိဝိတမဒေါ	၁၇၉
ဇူတခလိကေ	၃၆၁
ဇောတိဝနေ	၄၇၅

[ ဈ ]

ဈာနံ	၃၂
ဈာနဝေဂေါ	၄၃၈

[ ည-ဋ ]

ညဏံ	၃၈၅
ဋာနံ	၄၃
ဋာနာနိ	၃၈၅
ဋာယီ	၃၉၅
ဋ္ဌတာ	၃၉၂
ဋ္ဌိတိ	၃၈၈

[ တ ]

တံသမဂ္ဂိနော	၁၅၃
တက္ကပရိယာဟတံ	၁၈၆
တဋ္ဌိတော	၂၂၉

ပဒါနုတ္တမော	ပိဋကော်	ပဒါနုတ္တမော	ပိဋကော်
[ ၈ ]		[ ၈ ]	
တဏှာ	၁၀၂	တေလံ	၃၇၁
တဏှာဂတာနံ	၄၅၉	တေဝိဇ္ဇာ	၅၆
တတုတ္တရိ	၃၁၁	တေဝိဇ္ဇာဒိဘေဒါ	၅၇
တထလက္ခဏံ	၃၁၁		
တထာဂတပ္ပဝေဒိတံ	၁၆၃	[ ၈ ]	
တထာဂတော	၃၁၆	ထမ္ဘပဉ္စိ	၁၉၈
တထာဇာတိကံ	၃၉၄	ထာမော	၃၈၆
တထာနိ	၃၁၂	ထာဝရံ	၃၇၅
တဒင်္ဂပ္ပဟာနံ	၁၀၁	ထာဝရကမ္မံ	၆၃
တဒါဒါယကော	၃၃၀	ထာဝရော	၃၂၄
တဉ္စိ	၈၃	ထေတော	၃၃၇
တဉ္စိ	၃၀	ထေယျံ	၃၃၀
တဉ္စိနယာနုစ္ဆရိကာ	၃၀	ထေယျစေတနာ	၃၃၀
တာဒိလက္ခဏံ	၂၂၇	ထေယျာဝဟာရော	၃၃၁
တာဒီ	၂၂၇	ထေရဝံသပဒိပါ	၃၀
တာရာ	၁၉၃	ထေရာနံ	၃၀
တာသတဿနာ	၄၁၈		
တိတ္ထာယတနံ	၄၃၆	[ ၉ ]	
တိဒဏ္ဍော	၁၉၅	ဒက္ခိဏုတ္တရေန	၂၃၉
တိပိဋကံ	၅၆	ဒက္ခိဏုတ္တရော	၂၄၀
တိယဒ္ဓိ	၃၈၉	ဒဠဗ္ဗသာရမဏ္ဍော	၇၃
တိရစ္ဆာနဘူတာ	၃၆၇	ဒန္တကဋ္ဌံ	၃၂၈
တိရော	၁၉၉	ဒန္တခမိတံ	၇၄
တိဝဋ်	၃၈၉	ဒသပဒံ	၃၆၁
တိဝဂ္ဂသင်္ဂဟာနိ	၁၂၁	ဒသော	၃၁၆
တိဝဂ္ဂေါ	၃၄	ဒဠဂ္ဂဟဏံ	၄၃၂
တိသဉ္စိ	၃၈၉	ဒိဠဓမ္မနိဗ္ဗာနဝါဒါ	၄၅၀
တိသဉ္စိပလ္လကော	၂၄၁	ဒိဠဓမ္မော	၄၅၀
တုလာယ	၂၀၃	ဒိဋ္ဌိဂတံ	၃၉၃
တုလော	၃၁၆	ဒိဋ္ဌိဂတိကာမိဋ္ဌာနံ	၄၆၈

သံဝဏ္ဏိတပဒါနံ အနုက္ကမဏိကာ

၅၁၁

ပဒါနုက္ကမော	ပိဋကော်	ပဒါနုက္ကမော	ပိဋကော်
[ ခ ]		[ ခ ]	
ဒိဋ္ဌိဋ္ဌာနာ	၄၀၃	ဒေါသေ	၃၆၆
ဒိဋ္ဌိဝိနိဝေဌာနာ	၁၀၀	ဒွေဋ္ဌကဇာတော	၃၂၀
ဒိဋ္ဌိဝေဒယိတေ	၄၆၀		
ဒိဋ္ဌိသီလသာမညသင်္ဃာတော	၁၈၃	[ ဝ ]	
ဒိဋ္ဌေကဋ္ဌေ	၃၀၉	ဓမ္မကောသော	၁၅၇
ဒိပ္ပတိ	၅၅	ဓမ္မစက္ကံ	၃၆
ဒိဗ္ဗစက္ခု	၂၄၂	ဓမ္မစိန္တံ	၁၂၀
ဒိယနံ	၁၂၂	ဓမ္မဇာလံ	၄၇၁
ဒိသာကာလုသိယံ	၃၇၃	ဓမ္မဋ္ဌိတိဉာဏံ	၃၈၈
ဒိသာဒါဟော	၃၇၃	ဓမ္မဘဏ္ဍာဂါရိကော	၁၅၇
ဒိဃသုတ္တကိတဿ	၂၆	ဓမ္မဘိလာပေါ	၁၀၆
ဒီပေါ	၂၈	ဓမ္မာသနံ	၇၄
ဒုက္ခောဂါဟော	၁၀၅	ဓမ္မိ	၆၈
ဒုဂ္ဂဟိတာ	၁၁၀	ဓမ္မော	၁၈၁၁၀၅
ဒုစ္စရိတံ	၁၀၂	ဓာတာ	၁၆၂
ဒုတိယဒိဝသေ	၇၁	ဓာတုသော	၂၀၃
ဒုဒ္ဓသာ	၃၈၀	ဓာရဏံ	၂၄၄၂၃၄၈
ဒုပ္ပညေဟိ	၁၀၈	ဓာရဏဗလံ	၁၄၈
ဒုမရာဇာ	၂၄၁	ဓာရာနုပ္ပဝေစ္ဆနံ	၃၇၄
ဒုရက္ခာတော	၁၈၆	ဓိရော	၁၆၇
ဒုရနုဗောဓာ	၃၈၀	ဓုတဓမ္မာ	၃၂
ဒုတေယျံ	၃၅၁၊ ၃၆၉	ဓုဝံ	၃၉၃
ဒုရစာရီ	၃၃၂	ဓုဝသညံ	၃၀၉
ဒေန္တိ	၃၆၅		
ဒေဝဋ္ဌာနံ	၃၇၆	[ န ]	
ဒေဝဿ	၃၇၄	နက္ခတ္တံ	၄၂၂
ဒေသနာ	၉၇၊ ၁၀၂	နစ္စယောဂ္ဂံ	၃၆၄
ဒေသနာသီသံ	၄၃၅	နဋ္ဌိတကထော	၃၃၇
ဒေါသာနံ	၃၇၇	နတ္ထံ	၃၇၇
		နဒီဝိဒုဂ္ဂံ	၅၂

ပဒါနုတ္တမော	ပိဋကော်	ပဒါနုတ္တမော	ပိဋကော်
[ န ]		[ န ]	
နန္ဒိ	၃၀၉	နိဗ္ဗေဓေတိ	၃၆၉
နရကပပါတံ	၁၈၈	နိမိတ္တံ	၃၀၉၊ ၃၈၈
နယနဝိဟင်္ဂါနံ	၇၃	နိမိတ္တသတ္တံ	၃၇၀
နယန္တိ	၄၇၀	နိယျာနံ	၃၁၁
နယော	၁၉၈	နိယျာနိကာ	၃၆၆
နဝင်္ဂ	၅၆	နိယျာနိကော	၁၈၆
နာနတ္တသညာ	၃၀၈	နိရုတ္တိ	၁၄၈
နာနာနယာ	၁၄၄	နိရောဓာနုပဿနာယ	၃၀၉
နာနာပထမဏ္ဍလံ	၃၆၁	နိလ္လာလိတဇိဝါ	၁၉၇
နာမရူပပရိစ္ဆေဒေါ	၁၀၀	နိဝါတေ	၁၉၇
နာဠိယာ	၂၀၃	နိဝုတာ	၂၄၅
နိက္ခိတ္တဒဏ္ဍော	၃၂၇	နိသိန္ဒဝတ္ထိကာ	၁၄၀
နိခဏိတွာ	၃၆၀	နိဿဂ္ဂိယော	၃၂၄
နိဂုဗ္ဗံ	၃၈၉	နိဿရဏံ	၄၀၉
နိစ္စံ	၃၉၃	နိဿရဏတ္တာ	၁၁၀
နိစ္စနဝကာ	၅၁	နိဿိရိကတံ	၁၉၅
နိစ္စသညံ	၃၀၈	နိတော	၉၁
နိဇ္ဇင်္ဂ	၃၈၉	နိဟရဏသမတ္တံ	၃၇၇
နိဇ္ဈာနံ	၁၁၂	နေက္ခမ္မဿိတံ	၂၂၉
နိဒါနံ	၃၆	နေက္ခမ္မေန	၃၀၇
နိဓာနံ	၃၄၄	နေတ္ထိ	၁၆၄
နိပါတော	၁၉၃	နေမိတ္ထိကာ	၃၆၉
နိပုဏဿ	၂၆	နေယျော	၉၁
နိပုဏာ	၃၈၀		
နိပ္ပရိယာယော	၃၅၇		
နိပ္ပေသိကာ	၃၆၉		
နိဗ္ဗသနာနိ	၄၇		
နိဗ္ဗာပနိယံ	၃၇၅		
နိဗ္ဗိဒါနုပဿနာယ	၃၀၉		
နိဗ္ဗုတိ	၄၀၇		

[ ၁ ]

ပံသုက္ကလဓောဝနေ	၄၇၄
ပကတိ	၄၁၅
ပကတိယာ	၃၂၀
ပက္ခိတ္တဒိဗ္ဗောဇော	၂၃၉
ပက္ခိပနံ	၃၇၁

သံဝဏ္ဏိတပဒါနံ အနုက္ကမဏိကာ

၅၁၃

ပဒါနုက္ကမော	ပိဋကော်	ပဒါနုက္ကမော	ပိဋကော်
[ ၁ ]		[ ၁ ]	
ပက္ခိပိတဗ္ဗံ	၈၀	ပဋိဘာနစိတ္တဝိစိတ္တံ	၁၉၆
ပဋ္ဌရဏံ	၃၁၀	ပဋိမာနေန္တိ	၂၀၇
ပဋ္ဌရာပေတိ	၉၃	ပဋိဝသတိ	၁၆၇
ပစုရာပရာဓာ	၉၉	ပဋိဝေဒေသုံ	၇၂
ပစ္စင်္ဂါ	၄၄၉	ပဋိဝေဓပညာယ	၁၉၉
ပစ္စတ္တရဏာနိ	၇၄	ပဋိဝေဓော	၁၀၇
ပစ္စနိကပဋိပဒံ	၁၈၆	ပဋိသင်္ခရဏံ	၇၁
ပစ္စယာကာရော	၃၂	ပဠုပ္ပါဒနံ	၃၇၄
ပစ္စယိကော	၃၃၈	ပဏိမိ	၃၀၉
ပစ္စဝေက္ခဏံ	၂၄၄	ပဏိမိ	၄၂၀
ပစ္စာသာယ	၃၅၇	ပဏိတာ	၃၈၀
ပစ္စူသော	၃၈	ပဏ္ဍာ	၁၆၇၊ ၄၃၂
ပစ္ဆာဘတ္တံ	၁၉၁	ပဏ္ဍိစ္စံ	၄၃၂
ပစ္ဆာသမဏေန	၇၁	ပဏ္ဍိတဝေဒနိယာ	၃၈၁
ပညတ္တိ	၁၀၆	ပဏ္ဍိတော	၁၆၇
ပညာပဇ္ဇောတဝိဟတော	၈	ပဏ္ဍိ	၃၃၇၊ ၃၅၁
ပညာသင်္ကလနဝိနိစ္ဆယော	၃၂	ပဏ္ဍနာဠိ	၃၆၂
ပဠလာနိ	၃၇၇	ပဏ္ဍနာဠိကာ	၃၆၁
ပဠာဏိဘူတံ	၃၄၇	ပတိဋ္ဌာ	၃၇၉
ပဠိကမ္ပံ	၃၇၅	ပတိဋ္ဌော	၁၀၅
ပဠိကရိဿတိ	၃၅၅	ပတ္တပရိဝါရိတံ	၁၉၅
ပဠိကုဠိတာ	၂၄၅	ပတ္တိယာယိတဗ္ဗာ	၃၃၈
ပဠိဂ္ဂဟိတံ	၃၅၆	ပဒဝိဘာဂေါ	၁၃၉
ပဠိဃသညာ	၃၀၈	ပဒဟနံ	၃၁၁
ပဠိစ္ဆန္ဒာ	၂၄၅	ပဒါနိ	၃၆၁
ပဠိစ္ဆန္ဒာဝဟာရော	၃၃၁	ပဒေါသော	၄၂၂
ပဠိစ္ဆန္ဒော	၉၁	ပဓာနယောဂံ	၂၃၉
ပဠိနိဿဂ္ဂါနုပဿနာ	၃၀၉	ပန္နန္တိ	၃၉၁
ပဠိပဇ္ဇိ	၄၇	ပဗ္ဗတဝိသမံ	၅၂
ပဠိဘာနံ	၃၉၉	ပဘိန္ဒမဒေါ	၁၈၇

ပဒါနုတ္တမော	ပိဋကော်	ပဒါနုတ္တမော	ပိဋကော်
[ ၁ ]		[ ၁ ]	
ပမောက္ခော	၁၁၃	ပလဠတိ	၄၅၀
ပယောဂေါ	၃၇၅	ပလိဗုဒ္ဓါ	၂၄၅
ပရံ	၃၃၀	ပလိဗောဓော	၆၇၊ ၃၀၈
ပရတောသောသော	၄၀၄	ပလ္လင်္ကော	၂၄၁
ပရတ္တော	၄၇၁	ပဝတ္တံ	၃၈၇
ပရမော	၂၄၈	ပဝတ္တနံ	၃၆
ပရဿ	၃၂၉	ပဝေဏီ	၁၁၅
ပရာမာသော	၄၀၆	ပသန္ဓာ	၂၄
ပရိကပ္ပါဝဟာရာ	၃၃၁	ပသယှာဝဟာရာ	၃၃၁
ပရိစိတာ	၁၆၂	ပသိဗ္ဗကံ	၁၉၅
ပရိတဿနာ	၄၁၈	ပဿတာ	၂၀၀၊ ၂၀၂
ပရိတ္တံ	၄၁၆	ပဿဒ္ဓိ	၃၁၁
ပရိဒေဝိတ္ထ	၄၃	ပဟောန္တေန	၁၈၉
ပရိပုစ္ဆနံ	၃၅၇	ပါဠိဟာရိယံ	၁၄၅၊ ၁၄၆
ပရိပုစ္ဆာ	၂၄၄	ပါဏဘူတေ	၃၂၈
ပရိမဒ္ဓန္တိ	၃၆၅	ပါဏသညိနော	၃၂၂
ပရိယတ္တိ	၅၆၊ ၁၀၉	ပါဏိဿရံ	၃၅၉
ပရိယတ္တော	၆၃	ပါတရာသံ	၃၄၆
ပရိယန္တရဟိတာ	၄၃၀	ပါတရာသော	၁၉၂
ပရိယာပန္နာ	၄၆၉	ပါတိယံ	၂၄၃
ပရိယာပုဏန္တိ	၁၁၂	ပါဒကံ	၂၄၂
ပရိယာယကထာ	၃၅၇	ပါပဘိက္ခူ	၄၄
ပရိယာယော	၁၈၄	ပါယာသော	၂၃၉
ပရိယာဟတံ	၃၉၉	ပါရမီ	၂၄၈
ပရိယုဠာနံ	၁၀၁	ပါဝစနံ	၄၄
ပရိယောဒါတေန	၇၇	ပါသကော	၃၆၁
ပရိဟရထ	၈၃	ပါသာဏေ	၃၅၂
ပရိဝေဏာ	၇၂	ပိဋကံ	၉၆၊ ၉၇
ပရိဟရိတဗ္ဗံ	၃၆၁	ပိဋ္ဌံ	၁၉၃
ပရိဋ္ဌာဟသမယော	၁၆၆	ပိဏ္ဍံ	၄၇၁

သံဝဏ္ဏိတပဒါနံ အနုက္ကမဏိကာ

၅၁၅

ပဒါနုက္ကမော	ပိဋကော်	ပဒါနုက္ကမော	ပိဋကော်
[ ဝ ]		[ ဝ ]	
ပိဏ္ဍောလော	၃၉၁	ဖဏိဇ္ဇကံ	၃၅၆
ပိဏ္ဍောလုံ	၃၉၁	ဖရဏံ	၃၁၀
ပိယမနာပကရဏံ	၃၇၅	ဖရိတွာ	၉၅
ပိလောတိကခဏ္ဍံ	၃၅၉	ဖရသံ	၃၃၈
ပိသုဏဝါစာ	၃၃၉	ဖဋ္ဌမိဇ္ဇံ	၃၄၅
ပိသုဏာ	၃၃၈	ဖာသုကာ	၈၆
ပိဟိတာ	၂၄၅	ဖာသုဝိဟာရံ	၁၄၃
ပိဋန္ဒနကဏ္ဍိကာယ	၃၇၂	ဖုသိဿန္တိ	၄၅၇
ပီတာ	၇၁		
ပုညံ	၂၅	[ ဝ ]	
ပုဏ္ဏမာ	၃၈	ဗန္ဓကရဏံ	၃၇၆
ပုတ္တာ	၂၁	ဗလံ	၃၈၆
ပုပ္ဖဂန္ဓော	၂၃၄	ဗဟုပရိဿယော	၁၉၆
ပုပ္ဖူပဟာရော	၇၄	ဗီဇာနိ	၃၄၅
ပုဗ္ဗန္တကပ္ပိကာ	၃၉၀	ဗုဒ္ဓဗလံ	၄၇၁
ပုဗ္ဗပဒံ	၃၂၉	ဗုဒ္ဓါနုဗုဒ္ဓါ	၂၇
ပုဗ္ဗပေတာ	၃၆၇	ဗုဒ္ဓေါ	၁၇
ပုဗ္ဗေနိဝါသံ	၂၄၂	ဗောဓိမဏ္ဍော	၂၄၀
ပုရိသော	၁၀	ဗျဇ္ဇနံ	၁၄၈
ပုရေ	၅၅၊ ၃၄၂	ဗျဿနံ	၁၈၇
ပုရေက္ခာရော	၃၃၅	ဗျာ	၁၄၃
ပုဇိတေ	၉၄	ဗြဟ္မကာယိကဘူမိ	၄၁၆
ပုရဏကထာ	၃၃၆	ဗြဟ္မဇာလံ	၄၇၁
ပေက္ခံ	၃၅၉	ဗြဟ္မဿရော	၄၇၂
ပေယျာလံ	၁၃၆	ဗြူဟေတွာ	၃၀၃
ပေါဏိကနိကာယော	၁၂၂		
ပေါရာဏာ	၃၀၆	[ ဘ ]	
ပေါရိ	၃၄၂	ဘဂ္ဂါ	၈၅
		ဘဏ္ဍနေန	၄၅၇
		ဘဏ္ဍာဂါရိကော	၁၁၀



သံဝဏ္ဏိတပဒါနံ အနုက္ကမဏိကာ

၅၁၇

ပဒါနုက္ကမော	ပိဋကော်	ပဒါနုက္ကမော	ပိဋကော်
[ မ ]		[ ယ ]	
မာရသေနမထနာ	၂၁	ယထာကာမကာရီ	၃၃၀
မာရော	၂၁	ယထာနုလောမံ	၁၀၀
မာသုရက္ခော	၃၇၁	ယထာနုသန္ဓိ	၄၅၅
မာဠော	၁၉၈	ယထာပရာဓံ	၉၉
မုခစုဏ္ဏကေန	၃၆၆	ယထာဘာသိတံ	၃၃
မုခရာ	၁၉၅	ယထာဝုခုံ	၇၈
မုခဝရေန	၇၇	ယဝေါ	၃၅၀
မုခသုဒ္ဓိကရဏံ	၃၇၇	ယာဝဒေ	၄၈
မုစ္ဆိတာ	၂၄၅	ယုဒ္ဓကထာ	၃၄၂
မုဇ္ဈန္တာ	၂၀၆	ယောဂံ	၃၇၇
မုဇ္ဈတော	၃၉၅	ယောဂဝသေန	၃၅၃
မုဗ္ဗိယာ	၃၇၀	ယောဂီ	၂၃၃
မုဏ္ဍကုဋုမ္ဘိကော	၃၅၈	ယောနိသော	၁၈၈
မုတ္တာ	၇၅		
မုတ္တာယော	၃၇၀	[ ခ ]	
မုတ္တာလတာ	၃၆၆	ရဇတံ	၃၄၉
မုဒုဂတဝါတာ	၂၀၆	ရဇ္ဈဘေဒေါ	၃၅၂
မုသန္တိ	၃၅၄	ရတနံ	၂၄
မုသာဝါဒေါ	၃၃၅	ရတနတ္ထယံ	၂၅
မူလဗီဇံ	၃၄၅	ရတနပရိသိဗ္ဗိတံ	၃၆၃
မူလဘေသဇ္ဇာနိ	၃၇၇	ရတနာဝေဠာ	၁၉၃
မူလလက္ခဏံ	၃၁၁	ရတ္တာ	၂၄၅
မေဃမုခေ	၃၆၆	ရတ္တိဋ္ဌာနံ	၂၀၈
မေဃဝဏ္ဏံ	၁၉၄	ရသံ	၈၄၊ ၈၅
မေတ္တံ	၃၂၈	ရာဇဒွါရေ	၇၂
မေတ္တစိတ္တော	၃၂၈	ရာဇဘဝနဝိဘူတိ	၇၃
မောက္ခစိကာ	၃၆၂	ရာဇသတ္တံ	၃၇၁
မောဃပုရိသာ	၁၁၂	ရာဇာဂါရဏံ	၈၃
မောဟတမော	၈	ရာဇာဘိရာဇာ	၉၄
		ရာဟု	၃၇၂

ပဒါနုက္ကမော	ပိဋကော်	ပဒါနုက္ကမော	ပိဋကော်
[ ၇ ]		[ ၈ ]	
ရုတံ	၃၇၁	ဝဏ္ဏပေါက္ခရတာယ	၁၈၈
ရူပသညံ	၃၀၈	ဝဏ္ဏာဝဏ္ဏေ	၈၃
ရူပီ	၄၄၁	ဝဏ္ဏိတံ	၇၂
		ဝဏ္ဏော	၁၈၈
[ ၈ ]		ဝတ္ထုဗလိကဗ္ဗကရဏံ	၃၇၇
လက္ခဏံ	၃၇၀	ဝနန္တရံ	၁၉၃
လဂ္ဂါ	၂၄၅	ဝန္တနာမယံ	၂၅
လဒ္ဓါ လဒ္ဓါ	၁၃၃	ဝန္တေ	၁၂
လပနာ	၈၂	ဝမနံ	၃၇၇
လပန္နိ	၃၆၉	ဝရကော	၃၅၀
လဗ္ဘနေယျာ	၃၇၉	ဝလ္လုရော	၃၅၈
လဟုဠာနံ	၁၄၃	ဝသဝတ္တိ	၃၁၆၊ ၄၂၀
လာဘီ	၄၀၀၊ ၄၄၆	ဝသိတဠာနေ	၄၁၆
လာဘော	၄၀၀	ဝသိနော	၂၈
လာလပ္ပနံ	၄၅၁	ဝသိကီ	၂၃၄
လိဂံ	၃၇၇	ဝဿူပနာယိကာ	၇၁
လောကက္ခာယိကာ	၃၆၇	ဝဿော	၃၇၆
လောကာယတံ	၃၆၇	ဝါနဝိစိတ္တံ	၃၆၃
လောမဟံသော	၄၁၈	ဝါရိဇံ	၁၈၈
		ဝါလဂ္ဂမတ္တမ္ပိ	၃၁၅
[ ၉ ]		ဝါလဝေဓိရူပါ	၄၃၂
ဝံသံ	၃၆၀	ဝါဠုရူပါနိ	၃၆၂
ဝံသော	၁၁၅	ဝိကာလဘောဇနံ	၃၄၆
ဝစနံ	၁၇၆	ဝိကိဏ္ဏဝါစာ	၁၉၅
ဝစီပယောဂေါ	၃၃၅	ဝိက္ခမိ	၃၀၆
ဝဇ္ဇနံ	၃၅၁၊ ၃၅၂	ဝိက္ခယော	၃၅၁
ဝဇ္ဇျာ	၃၉၅	ဝိက္ခမ္ပနပ္ပဟာနံ	၁၀၁
ဝဇ္ဇုပစ္ဆေဒေါ	၁၈၉	ဝိဂတဒေါသာ	၃၀
ဝဇေတော	၂၄၂	ဝိဂ္ဂါဟိကာ	၃၆၈
ဝဏဟရဏတ္ထံ	၃၇၇	ဝိဿာတော	၄၃၀

သံဝဏ္ဏိတပဒါနံ အနုတ္တမဏိကာ

၅၁၉

ပဒါနုတ္တမော	ပိဋကော်	ပဒါနုတ္တမော	ပိဋကော်
[ ဝ ]		[ ဝ ]	
ဝိဇ္ဇယေ	၂၃၄	ဝိဝိတ္တာသနေ	၂၀၅
ဝိဇ္ဇိတဇ္ဇော	၁၉၅	ဝိသံဝါဒနံ	၃၃၅
ဝိဇ္ဇေတွာ	၃၆၅	ဝိသဂန္ဓော	၇၅
ဝိဇ္ဇာမယော	၃၂၄	ဝိသင်္ခတံ	၈၆
ဝိဇ္ဇာ	၁၉၃	ဝိသဋ္ဌာ	၇၂
ဝိတက္ကိတံ	၄၅၁	ဝိသရုက္ခအာဏိ°	၁၉၁
ဝိတဏှော	၃၆၈	ဝိသာဒေါ	၄၅၁
ဝိတ္တန္တနံ	၃၁၀	ဝိသုကာဘူတာ	၃၄၇
ဝိဒ္ဓါ	၄၅၇	ဝိဿဂန္ဓော	၇၅
ဝိဓာဝန္တိ	၁၉၃	ဝိဿတ္ထော	၅၉
ဝိနယနံ	၈၉	ဝိဿမိဿာမိ	၇၆
ဝိနယပညတ္တိ°	၃၈၆	ဝိဟနနံ	၄၃၂
ဝိနာသော	၄၄၆	ဝိဟေဋ္ဌနဘာဝတော	၃၂၇
ဝိနိစ္ဆယဋ္ဌာနေ	၃၇၆	ဝိတမလံ	၁၈
ဝိနိစ္ဆယော	၃၀	ဝိတိနာမေတွာ	၂၀၅
ဝိပရာမောသော	၃၅၄	ဝိမံသာ	၃၉၉
ဝိပ္ပလပန္တိ	၁၉၇	ဝိမံသာနုစရိတံ	၁၈၆
ဝိဘူသနံ	၃၄၈	ဝိသတာကာရံ	၃၈၉
ဝိမာနံ	၇၄	ဝိဟိ	၃၅၀
ဝိမုတ္တိ	၈၄၊ ၈၅	ဝေါကလနံ	၃၇၄
ဝိမုတ္တိယာ	၃၁၆	ဝေါဿော	၃၇၆
ဝိမုတ္တိရသံ	၈၄	ဝေါဟာရံ	၃၄၉
ဝိမှာပယန္တိ	၃၆၉	ဝေါဟာရော	၉၉
ဝိရတော	၃၂၅		
ဝိရာဂါနုပဿနာယ	၃၀၉	[ ဆ ]	
ဝိရာဇေတွာ	၃၀၈	သံကိလေသော	၁၀၂
ဝိရေစနံ	၇၀၊ ၃၇၇	သံဃော	၂၃
ဝိလိနဿ	၃၇၅	သံယောဂေါ	၃၈၈
ဝိဝဋ္ဌံ	၃၀၉၊ ၄၆၈	သံဝရော	၁၀၀
ဝိဝါဟနံ	၃၇၅	သံဝေဂံ	၇၅

ပဒါနုတ္တမော	ပိဋကော်	ပဒါနုတ္တမော	ပိဋကော်
[ သ ]		[ သ ]	
သံဝေဇေတိ	၁၇၉	သဒ္ဓါဝဟဂုဏဿ	၂၇
သံဝေဇေသိ	၆၉	သနရာမရလောကဂရုံ	၁၁
သံသန္တန္တိ	၂၀၃	သနရာမရာ	၁၂
သံသီဒေါ	၄၅၆	သန္တဘာဝါယ	၄၃၉
သကရဏီယော	၅၀	သန္တာ	၃၀၀
သကလနဝဂ်	၅၆	သန္တာပဋ္ဌော	၁၆၇
သကုဏဉ္ဇဏံ	၃၇၂	သန္တာရမ္ပဏာနိ	၃၀၀
သက္ကာယော	၃၉၁	သန္တာသံ	၄၁၉
သက်မ္ပိ	၁၃၇	သန္တော	၄၃၇
သက်လနံ	၃၇၄	သန္တုတ္တိတွာ	၆၉
သင်္ခတဋ္ဌော	၁၆၇	သန္တမာနိကာ	၃၅၇
သင်္ခေပါ	၃၀၉	သန္တာဂါရုံ	၆၅
သင်္ဂဟိတာနိ	၉၃	သန္တာဝိသံ	၀၅
သင်္ဂါမဝိဇယော	၄၇၁	သန္တုမ္ပိ	၃၅၇
သင်္ဂီတိ	၃၆	သန္တုမ္ပိကာရော	၃၅၆
သဃ်ဇာ	၃၅၇	သန္တုသဇ္ဇဋ္ဌာနံ	၇၃
သစ္စံ	၃၃၇	သန္တုသိန္ဓေ	၃၆၆
သစ္စကိရိယံ	၃၄၀	သပ္ပဘောန	၇၇
သစ္စဉ္ဇနံ	၃၇၇	သပ္ပရာဇဝဏ္ဏံ	၁၀၀
သစ္စိကတွာ	၁၀	သပ္ပါဝါယနဝိဇ္ဇာ	၃၇၁
သဇိတာ	၄၂၀	သပ္ပပါလိဖုလ္လံ	၁၉၃
သညီဝါဒါ	၄၄၀	သပ္ပဗုဒ္ဓဂုဏေ	၂၄၃
သတ္တပဏ္ဍိ	၇၃	သပ္ပာဝေါ	၁၆၁
သတ္တပဒံ	၃၀၅	သမဂ္ဂေသု	၃၃၉
သတ္တာဟံ	၄၀	သမဂ္ဂတရံ	၃၅၂
သတ္တိပဉ္စရံ	၆၅	သမဏော	၃၂၆
သတ္တော	၃၂၁	သမတ္တာ	၁၄၃
သတ္တံ	၃၂၇	သမနုညော	၃၂၉
သဒ္ဓနယော	၁၉၀	သမန္တာဟာရော	၄၅၂
သဒ္ဓမ္မော	၁၆၃	သမယပ္ပဝါဒကော	၁၆၇

သံဝဏ္ဏိတပဒါနံ အနုက္ကမဏိကာ

၅၂၁

ပဒါနုက္ကမော	ပိဋကော်	ပဒါနုက္ကမော	ပိဋကော်
[ သ ]		[ သ ]	
သမဝါယေ	၁၆၆	သလ္လကတ္တံ	၃၇၇
သမဿာသိတော	၂၀၈	သလ္လကတ္တဝေဇ္ဇကမ္ပံ	၃၇၇
သမဿာသေတုံ	၇၀	သလ္လေခေါ	၃၅၆
သမာ	၃၀၆	သဝနံ	၂၄၄
သမာဒိန္နာ	၁၄၃	သဝိကာရာ	၄၆၆
သမာဓိပဒဋ္ဌာနာ	၂၀၀	သဿဃာတံ	၆၀
သမိဒ္ဓိကာလေ	၃၇၆	သဿတိယော	၃၉၇
သမုစ္ဆေဒပ္ပဟာနံ	၁၀၂	သဿတိသမံ	၃၉၇
သမုဋ္ဌာနံ	၄၀၄	သဿိရိကေန	၇၇
သမုဒယော	၃၈၈	သဿိရိကကရဏံ	၃၇၅
သမူဟဋ္ဌော	၁၇၁	သဟဗျံ	၄၁၉
သမူဟော	၂၂	သဟဗျတာ	၄၁၉
သမေန္တိ	၂၀၃	သဟဗျော	၄၁၉
သမော	၁၈၉	သဟဝေါ	၄၁၉
သမောဓာနံ	၃၁၁	သဟသာ	၄၃၁
သမ္ပကမ္ပိ	၁၃၇	သဟသာကာရာ	၃၅၄
သမ္ပရာယော	၁၆၇	သဟိတံ	၃၆၈
သမ္ပဝေဓိ	၁၃၇	သာဏဓောဝနကိဋ္ဌာ	၃၆၀
သမ္ပဟာရာ	၃၆၀	သာဏာနိ	၄၇
သမ္ပပ္ပလာပေါ	၃၃၈	သာတ္ထကံ	၃၆၇
သန္တဝေါ	၁၆၁	သာဒေါ	၄၅၁
သန္တာရာ	၃၂၃	သာဓာရဏပရိဘောဂေါ	၄၈
သန္တာရာ	၁၀၈	သာပဒေသာ	၃၄၄
သမ္ပဇ္ဇံ	၃၅၉	သာယမာသံ	၃၄၆
သမ္ပန္တိ	၄၆၁	သာရဗလကေ	၁၉၀
သမ္ပာမနသိကာရာ	၃၉၄	သာရမ္ပကထာ	၃၆၈
သမ္ပာသမ္ပောဓိ	၁၉၉	သာရိယော	၃၆၁
သယံပဋိဘာနံ	၁၈၆၊ ၄၀၀	သာလာကိယံ	၃၇၇
သယမ္ပာ	၁၄၇	သာဝတ္ထိနဂရဒ္ဓါရေ	၂၃၅
သရရက္ခဏံ	၃၇၂	သာဝိ	၃၅၃

ပဒါနုက္ကမော	ပိဋကော်	ပဒါနုက္ကမော	ပိဋကော်
[ သ ]		[ သ ]	
သာသနံ	၉၇	သုနိပုဏ္ဏဝိနိစ္ဆယာ	၃၀
သာဟတ္ထိကော	၃၂၄	သုနိဝိဇ္ဇော	၃၆၇
သိက္ခာ	၅၇	သုပရိသုဒ္ဓိ	၃၃
သိခံ	၃၆၆	သုပရိသုဒ္ဓိနိပုဏ္ဏနယာ	၃၂
သိခါဘေဒေါ	၃၅၂	သုပိနကံ	၃၇၀
သိရိယာ	၇၃	သုဘဂကရဏံ	၃၇၅
သိရိဝိဘဝေန	၄၂၂	သုဘာသိတံ	၄၇၃
သိရိဝါယနံ	၃၇၆	သုဘော	၇၀
သိရောဝိရေစနံ	၃၇၇	သုမနော	၅၀၂၂၇
သိဝိကာ	၃၅၇	သုလပိတံ	၃၇၃
သီတလံ	၇	သုဝိဟတန္တရာယော	၂၅
သီလကထာ	၃၂	သေက္ခော	၅၇၂၅၀
သီသာနုလောကိနော	၁၉၁	သေတတ္ထရဏော	၃၆၃
သီဟသေယျာ	၆၈	သေနာ	၂၁
သီဟဠဘာသာ	၂၉	သေနာဗျူဟော	၃၆၀
သုကုမာရာ	၃၄၂	သောကသလ္လသမပ္ပိတံ	၆၇
သုက္ကသောဏိတံ	၄၄၈	သောတပထော	၁၄၆
သုက္ခဝလာဟကဂဇ္ဇနံ	၃၇၃		
သုက္ခဝိပဿကာ	၅၆		
သုခသမ္ပဿာနိ	၁၁၇		
သုခါ	၃၄၂		
သုဂတော	၁၂၁၃		
သုညဘာဝံ	၃၃၈		
သုတဓရော	၁၄၉		
သုတာ	၁၆၂		
သုတ္တံ	၃၅၇		
သုတ္တေန	၉၃		
သုဒ္ဓကောသေယျံ	၃၆၃		
သုဒ္ဓတက္ခော	၄၀၀		
သုဒ္ဓိ	၁၅၉		
		[ ဗ ]	
		ဟံသဝဋ္ဋကစ္ဆန္ဓေန	၁၉၇
		ဟဠတုဠစိတ္တော	၇၇
		ဟတ္ထကမ္ပံ	၇၂
		ဟတ္ထတ္တရံ	၃၆၄
		ဟတ္ထဗန္ဓံ	၃၆၆
		ဟတ္ထမုဒ္ဒါ	၃၇၄
		ဟတ္ထေ	၂၄၃
		ဟဒယံ	၇
		ဟဒယင်္ဂမာ	၃၃၈
		ဟဒယဘေဒေါ	၃၅၂
		ဟနတိ	၃၂၉

သံဝဏ္ဏိတပဒါနံ အနုက္ကမဏိကာ

၅၂၃

ပဒါနုက္ကမော	[ ဗ ]	ပိဋကော်	ပဒါနုက္ကမော	[ ဗ ]	ပိဋကော်
ဟရိတန္တံ		၃၉၁	ဟိတာ		၁၆၂
ဟလာဟလံ		၁၈၇	ဟိရိဝေရံ		၃၅၆
ဟလိဒ္ဓိ		၃၃၇	ဟေဋ္ဌမံ		၂၃၄
ဟဿော		၄၂၂	ဟေတု		၃၈၈
ဟာရော		၃၇၄	ဟေတုဖလံ		၁၀၆

